

GIFT OF
Dr. C.C. McCown



Tagore, Rabindranath

হিতবাদের উপহার।

Grantha bali



v. 1

430

1-3

কলিকাতা।

৭০ নং কনুটোলা স্ট্রীট, হিতবাদি-কার্যালয় হইতে

শ্রীঅশ্বিনীকুমার হালদার কর্তৃক

মুদ্রিত ও প্রকাশিত।

—:—

১৩১১ সাল।

1311 (1893/14)

GA
D. C. W. H. H.



PK 1718

T24

1893

১/

সূচীপত্র ।

—*—

সংসার চিত্র ।

বিষয়	পৃষ্ঠা
১। নিশীথে	১
২। আপদ	১১
৩। দিদি	২০
৪। মধ্যবর্তিনী	২২
৫। শান্তি	৪০
৬। স্নাত	৪৮
৭। প্রতিহিংসা	৫৪
৮। খোঁকা বাবুর প্রত্যাবর্তন	৬৫
৯। সম্পত্তি-সমর্পণ	৭১
১০। অতিথি	৭৮
১১। গিন্নি	৯১
১২। একরাত্রি	৯৪
১৩। ছুটি	৯৯
১৪। দান প্রতিদান	১০৪
১৫। কাবুলিওয়াল	১০৯
১৬। রামকানায়ের নিকরুদ্ভিতা	১১৫
১৭। ব্যবধান	১১৯
১৮। খাতা	১২২
১৯। উদ্ধার	১২৬
২০। হুকুদ্ভি	১৩৯
২১। দৃষ্টিদান	১৩২
২২। গুণদৃষ্টি	১৪৮
২৩। উলুখড়ের বিপদ	১৫৩

সমাজচিত্র ।

বিষয়	পৃষ্ঠা
১। প্রায়শ্চিত্ত	১৫৫
২। বিচারক	১৬৫
৩। মেঘ ও রোজ	১৭১
৪। ত্যাগ	১৯২
৫। মহামায়া	১৯৭
৬। অধ্যাপক	২০৩
৭। সমস্তা-পূরণ	২১৮
৮। দেবী পাণ্ডনা	২২৩
৯। পোষ্টমাষ্টার	২২৯
১০। সম্পাদক	২৩৩
১১। যজ্ঞেশ্বরের যজ্ঞ	২৩৭
১২। ছরাশা	২৪১
১৩। প্রতিবেশিনী	২৫১
১৪। ফেলা	২৫৫

রঙ্গচিত্র ।

১। চিরকুমার সত্য	২৫৮
২। মানভঞ্জন	৩৫৬
৩। ঠাকুর্দা	৩৬৪
৪। মুক্তির উপায়	৩৭১
৫। রাজতীকা	৩৭৮

852319

বিচিত্র চিত্র ।

বিষয়	পৃষ্ঠা
১। কুখিত পাষণ	৩৮৮
২। অনধিকার প্রবেশ	৩৯৮
৩। দালিয়া	৪০২
৪। জীবিত ও মৃত	৪০২
৫। ডিটেক্টিভ	৪১৮
৬। জয় পরাজয়	৪২৫
৭। অসম্ভব কথা	৪৩৩
৮। কঙ্কাল	৩৩৯
৯। স্বর্ণমৃগ	৪৪৫
১০। মণিহারী	৪৫৩
১১। একটা আষাঢ়ে গল্প	৪৬৫
১২। একটি পুরাতন গল্প	৪৭২
১৩। ঘাটের কথা	৪৭৪
১৪। রাজপথের কথা	৪৮২
১৫। রীতিমত নভেল	৪৮৫
১৬। সমাপ্তি	৪৮৪

উপন্যাস ।

১। বোঁঠাকুরাণীর হাট	৫০৫
২। রাজর্ষি	৬১৭
৩। নষ্ট নীড়	৭১৩

নাটক ।

১। রাজা ও রাণী	৭৫৬
২। বিসর্জন	৮১৩
৩। গোড়ার গলদ	৮৫০
৪। চিত্রাঙ্গদা	৯০৪
৫। বিদায়—অভিশাপ	৯২০

বিষয়

পৃষ্ঠা

৬। বৈকুণ্ঠের খাতা	৯২৭
৭। মায়ায় খেলা	৯৫৩

গান ।

গানের বহি	৯৬৮
-----------	-----

সমালোচনা ।

১। অনাবশ্যক	১০৫৩
২। তাকক	১০৫৭
৩। সত্যের অংশ	১০৬১
৪। মেঘনাদ বধ কাব্য	১০৬৬
৫। সঙ্গীত ও কবিতা	১০৭৬
৬। বঙ্গগত ও ভাবগত কবিতা	১০৮১
৭। ডিপ্লোম্যাগিস্ট	১০৮৪
৮। কাব্যের অবস্থা পরিবর্তন	১০৯১
৯। চণ্ডীদাস ও বিভাগতি	১০৯৬
১০। বাউলের গান	১১০৮
১১। সমস্তা	১১১৩
১২। এক-চোখো সংস্কার	১১১৯
১৩। কাব্যের উপেক্ষিতা	১১২৩
১৪। একটি পুরাতন কথা	১১৩০

আলোচনা ।

১। ভুবনেশ্বর	১১৩৭
২। ভূবিবার ক্ষমতা	১১৩৯
৩। ভূবিবার স্থান	১১৩৯
৪। স্বদেশ	১১৪১
৫। কেন	১১৪২
৬। এক কাঠা জমি	১১৪২

বিষয়	পৃষ্ঠা	বিষয়	পৃষ্ঠা
৭। জগৎ মিথ্যা	১১৪৩	৩৮। কবিতা ও উৎস	২১৫৬
৮। ভুলনায় অকৃতি	১১৪৩	৩৯। তত্ত্বের বারিক্য	১১৫৭
৯। জগৎ সত্য	১১৪৪	৪০। সৌন্দর্যের কাজ	১১৫৭
১০। প্রেমের শিক্ষা	১১৪৬	৪১। স্বাধীনতার পথ প্রদর্শক	১১৫৮
১১। ধর্ম	১১৪৬	৪২। পুরাতন কথা	১১৫৮
১২। পথ	১১৪৭	৪৩। জ্ঞান ও প্রেম	১১৫৯
১৩। পাপপুণ্য	১১৪৭	৪৪। নগদ কড়ি	১১৫৯
১৪। চেতনা	১১৪৭	৪৫। আংশিক ও সম্পূর্ণ অধিকার	১১৫৯
১৫। অচৈতন্য	১১৪৭	৪৬। লক্ষ্মী	১১৬০
১৬। বিশ্বাস	১১৪৮	৪৭। কথাবার্তা	১১৬০
১৭। জগতের বন্ধন	১১৪৮	৪৮। আত্মা	১১৬৩
১৮। জগতের ধর্ম	১১৪৯	৪৯। আত্মার সীমা	১১৬৪
১৯। উদাহরণ	১১৪৯	৫০। যাহুয চেনা	১১৬৪
২০। সচেতন ধর্ম	১১৫০	৫১। শ্রেষ্ঠ অধিকার	১১৬৫
২১। অপকৃপাত	১১৫০	৫২। নিফল আত্মা	১১৬৬
২২। সকলে আত্মীয়	১১৫০	৫৩। আত্মার অমরতা	১১৬৬
২৩। জড় আত্মা	১১৫০	৫৪। স্বাধীন	১১৬৭
২৪। মৃত্যু	১১৫১	৫৫। বৈষ্ণব কবির গান	১১৬৭
২৫। জগতের সহিত ঐক্য	১১৫১	৫৬। স্বর্গের সামগ্রী	১১৬৮
২৬। মূলধর্ম	১১৫১	৫৭। মিলন	১১৬৮
২৭। একটি কল্পক	১১৫২	৫৮। স্বর্গের গান	১১৬৮
২৮। সৌন্দর্য্য ও প্রেম	১১৫৩	৫৯। মর্ত্যের বাতায়ন	১১৬৮
২৯। সৌন্দর্য্য বিশ্বপ্রেমী	১১৫৪	৬০। সাড়া	১১৬৯
৩০। মনের মিল	১১৫৪	৬১। সৌন্দর্যের ধৈর্য্য	১১৬৯
৩১। উপযোগিতা	১১৫৪	৬২। জ্ঞানদাসের গান	১১৬৯
৩২। আমরা স্বন্দর	১১৫৪	৬৩। মুরলী করাণ্ড উপদেশ	১১৭০
৩৩। স্বদুর ঐক্য	১১৫৫	৬৪। বাশীর গান	১১৭০
৩৪। স্বন্দর স্বন্দর করে	১১৫৫	৬৫। বিপরীত	১১৭০
৩৫। শান্তি	১১৫৫	৬৬। বিবাহ	১১৭১
৩৬। উদ্ধার	১১৫৫		
৩৭। কবির কাজ	১১৫৬	১। যুরোপপ্রবাসির পত্র	১১৭২

রবীন্দ্র গ্রন্থাবলী ।

[গদ্যাংশ]

গল্প ।

সংসার ভিত্ত ।

—:~::~:~:—

নিশীথে ।

“ডাক্তার ! ডাক্তার !”

আলাতন করিল ! এই অর্ধেক রাত্রে—
চোখ মেলিয়া দেখি আমাদের জমিদার
দক্ষিণাচরণ বাবু। ধড়ফড় করিয়া উঠিয়া
পিঠভাঙ্গা চৌকিটা টানিয়া আনিয়া তাঁহাকে
বসিতে দিলাম এবং উদ্বিগ্নভাবে তাঁহার
মুখের দিকে চাহিলাম। ঘড়িতে দেখি
তখন রাত্রি আড়াইটা।

দক্ষিণাচরণ বাবু বিবর্ণমুখে বিস্ফারিত
নেত্রে কহিলেন, আজ রাত্রে আবার সেইরূপ
উপদ্রব আরম্ভ হইয়াছে,—তোমার ঔষধ
কোন কাজে লাগিল না।

আমি কিঞ্চিৎ সসঙ্কোচে বলিলাম,
আপনি বোধ করি মদের মাত্রা আবার
বাড়াইয়াছেন।

দক্ষিণা বাবু অত্যন্ত বিরক্ত হইয়া কহি-
লেন,—ওটা তোমার ভারি ভ্রম। মদ নহে ;
আত্মোপান্ত বিবরণ না শুনিলে তুমি আসল
কারণটা অনুমান করিতে পারিবে না।

কুলুঙ্গির মধ্যে ক্ষুদ্র টিনের ডিবায় ম্লান-
ভাবে কেরোসিন্ জ্বলিতেছিল, আমি তাহা
উস্কাইয়া দিলাম ; একটুখানি আলো জাগিয়া
উঠিল এবং অনেকখানি ধোয়া বাহির হইতে
লাগিল। কৌচাখানা গায়ের উপর টানিয়া
একখানা খবরের কাগজ-পাতা প্যাক্ বাস্কের
উপর বসিলাম। দক্ষিণা বাবু বলিতে
লাগিলেন।—

আমার প্রথম পক্ষের স্ত্রীর মত এমন
গৃহিণী অতি দুর্লভ ছিল। কিন্তু আমার
তখন বয়স বেশী ছিল না ; সহজেই রসা

ধিক্য ছিল, তাহার উপর আবার কাব্য-শাস্ত্রটা ভাল করিয়া অধ্যয়ন করিয়াছিলাম, তাই অবিমিশ্র গৃহিণীপনায় মন উঠিত না। কালিদাসের সেই শ্লোকটা প্রায় মনে উদয় হইত,—

গৃহিণী সচিবঃ সখী মিথঃ
প্রিয়শিষ্যা ললিতে কলাবিধৌ।

কিন্তু আমার গৃহিণীর কাছে ললিত কলা-বিধির কোন উপদেশ খাটিত না এবং সখী-ভাবে প্রণয়সম্ভাষণ করিতে গেলে তিনি হাসিয়া উড়াইয়া দিতেন। গঙ্গার স্রোতে যেমন ইন্ধের ঐরাবত নাকাল হইয়াছিল, তেমনি তাঁহার হাসির মুখে বড় বড় কাব্যের টুকরা এবং ভাল ভাল আদরের সম্ভাষণ মুহূর্তের মধ্যে অপদস্থ হইয়া ভাসিয়া যাইত। তাঁহার হাসিবার আশ্চর্য ক্ষমতা ছিল।

তাহার পর, আজ বছর চারেক হইল আমাকে সাংঘাতিক রোগে ধরিল। গুণ্ডব্রণ হইয়া জ্বরবিকার হইয়া মরিবার দাণ্ডিল হইলাম। বাঁচিবার আশা ছিল না। একদিন এমন হইল যে, ডাক্তারে জবাব দিয়া গেল। এমন সময় আমার এক আত্মীয় কোথা হইতে এক ব্রহ্মচারী আনিয়া উপস্থিত করিল;—সে গব্যস্থতের সহিত একটা শিকড় বাঁটিয়া আমাকে খাওয়াইয়া দিল। গুণ্ডব্রণের গুণেই হউক বা অদৃষ্টক্রমেই হউক সে যাত্রা বাঁচিয়া গেলাম।

রোগের সময় আমার স্ত্রী অহর্নিশি এক মুহূর্তের জন্ত বিশ্রাম করেন নাই। সেই ক'টা দিন একটি অবলা স্ত্রীলোক, মানুষের সামান্ত শক্তি লইয়া, প্রাণপণ ব্যাকুলতার সহিত, দ্বারে সমাগত যমদূতগুলার সঙ্গে অনবরত যুদ্ধ করিয়াছিলেন। তাঁহার সমস্ত প্রেম, সমস্ত হৃদয়, সমস্ত যত্ন দিয়া আমার এই

অযোগ্য প্রাণটাকে যেন বন্ধের শিশুর মত হুই হস্তে রাখিয়া ঢাকিয়া রাখিয়াছিলেন। আহা! ছিল না, নিদ্রা ছিল না, জগতের আর কোন কিছুই প্রতিই দৃষ্টি ছিল না।

যম তখন পরাহত ব্যাধের জ্বায় আমাকে তাঁহার কবল হইতে ফেলিয়া দিয়া চলিয়া গেলেন, কিন্তু যাইবার সময় আমার স্ত্রীকে একটা প্রবল ধাবা মারিয়া গেলেন।

আমার স্ত্রী তখন গর্ভবতী ছিলেন, অনতিকাল পরে এক মৃত সন্তান প্রসব করিলেন। তাহার পর হইতেই তাঁহার নানা-প্রকার জটিল ব্যামোর সূত্রপাত হইল। তখন আমি তাঁহার সেবা আরম্ভ করিয়া দিলাম। তাহাতে তিনি বিব্রত হইয়া উঠিলেন। বলিতে লাগিলেন—আঃ, কর কি! লোকে বলিবে কি! অমন করিয়া দিন রাত্রি তুমি আমার ঘরে যাতায়াত করিয়ো না!

যেন নিজে পাখা খাইতেছি এইরূপ ভাণ করিয়া রাত্রে যদি তাঁহাকে তাঁহার জ্বরের সময় পাখা করিতে যাইতাম'ত ভারি একটা কাড়াকাড়ি ব্যাপার পড়িয়া যাইত; কোন দিন যদি তাঁহার শুশ্রূষা উপলক্ষে আমার আহ্বানের নিয়মিত সময় দশ মিনিট উত্তীর্ণ হইয়া যাইত তবে সেও নানা-প্রকার অনুনয় অনুরোধ অনুযোগের কারণ হইয়া দাঁড়াইত। স্বল্পমাত্র সেবা করিতে গেলে হিতে বিপরীত হইয়া উঠিত। তিনি বলিতেন, পুরুষ মানুষ-যের অতটা বাড়াবাড়ি ভাল নয়।

আমাদের সেই বরানগরের বাড়িটি বোধ করি তুমি দেখিয়াছ। বাড়ীর সামনেই বাগান, এবং বাগানের সম্মুখেই গঙ্গা বহিতেছে। আমাদের শোবার ঘরের নীচেই দক্ষিণের দিকে খানিকটা জমি মেহেদির বেড়া দিয়া ঘিরিয়া আমার স্ত্রী নিজের মনের

যত একটুকরা বাগান বানাইয়াছিলেন। সমস্ত বাগানটির মধ্যে সেই খণ্ডটিই অত্যন্ত সাদাসিধা এবং নিতান্ত দিশী। অর্থাৎ তাহার মধ্যে গন্ধের অপেক্ষা বর্ণের বাহার, ফুলের অপেক্ষা পাতার বৈচিত্র্য ছিল না—এবং টবের মধ্যে অকিঞ্চিংকর উদ্ভিজ্জের পার্শ্বে কাঠি অবলম্বন করিয়া কাগজে নির্মিত লাটিন নামের অক্ষরজ্ঞা উদ্ভিত না। বেল, জুঁই, গোলাপ, গন্ধরাজ, করবী এবং রজনী-গন্ধারই প্রাক্তর্ভাব কিছু বেশী। প্রকাণ্ড একটা বকুল গাছের তলা সাদা মার্বেল পাথর দিয়া বাঁধানো ছিল। সুস্থ অবস্থায় তিনি নিজে দাঁড়াইয়া ছইবেলা তাহা ধুইয়া সাফ করাইয়া রাখিতেন। গ্রীষ্মকালে কাজের অবকাশে সন্ধ্যার সময় সেই তাঁহার বসিবার স্থান ছিল। সেখান হইতে গঙ্গা দেখা যাইত কিন্তু গঙ্গা হইতে কুঠির পান্নীর বাবুরা তাঁহাকে দেখিতে পাইত না।

অনেকদিন শয্যাগত থাকিয়া একদিন চৈত্রের শুরুপক্ষ সন্ধ্যায় তিনি কহিলেন, ঘরে বন্ধ থাকিয়া আমার প্রাণ কেমন করিতেছে? আজ একবার আমার সেই বাগানে গিয়া বসিব।

আমি তাঁহাকে বহু যত্নে ধরিয়া ধীরে ধীরে সেই বকুলজলের প্রস্তর-বেদিকায় লইয়া গিয়া শয়ন করাইয়া দিলাম। আমারই জাহুর উপরে তাঁহার মাথাটি তুলিয়া রাখিতে পারিতাম কিন্তু জানি সেটাকে তিনি অদ্ভুত আচরণ বলিয়া গণ্য করিবেন। তাই একটি বালিশ আনিয়া তাঁহার মাথার তলায় রাখিলাম।

দুটি একটি করিয়া প্রক্ষুট বকুল ফুল ঝরিতে লাগিল এবং শাখাস্তরাল হইতে ছায়াঙ্কিত-জ্যোৎস্না তাঁহার শীর্ণ মুখের উপর

আসিয়া পড়িল। চারিদিক শান্ত নিস্তর; সেই ঘনগন্ধপূর্ণ ছায়াঙ্ককারে একপার্শ্বে নীরবে বসিয়া তাঁহার মুখের দিকে চাহিয়া আমার চোখে জল আসিল।

আমি ধীরে ধীরে কাছের গোড়ায় আসিয়া ছই হস্তে তাঁহার একটি উত্তপ্ত শীর্ণ হাত তুলিয়া লইলাম। তিনি তাহাতে কোন আপত্তি করিলেন না। কিছুক্ষণ এইরূপ চুপ করিয়া বসিয়া থাকিয়া আমার হৃদয় কেমন উদ্বেলিত হইয়া উঠিল, আমি বলিয়া উঠিলাম—তোমার ভালবাসা আমি কোন কালে ভুলিব না।

তখন বুঝিলাম, কথাটা বলিবার কোন আবশ্যক ছিল না। আমার স্ত্রী হাসিয়া উঠিলেন। সে হাসিতে লজ্জা ছিল, সুখ ছিল এবং কিঞ্চিং অবিশ্বাস ছিল—এবং উহার মধ্যে অনেকটা পরিমাণে পরিহাসের তীব্রতাও ছিল। প্রতিবাদস্বরূপে একটি কথামাত্র না বলিয়া কেবল তাঁহার সেই হাসির দ্বারা জানাইলেন, কোন কালে ভুলিবেনা, ইহা কখনও সম্ভব নহে, এবং আমি তাহা প্রত্যাশাও করি না।

ঐ স্মৃতিষ্ট স্মৃতীক্ষ হাসির ভয়েই আমি কখন আমার স্ত্রীর সঙ্গে রীতিমত প্রেমমালাপ করিতে সাহস করি নাই। অসাক্ষাতে যে সকল কথা মনে উদয় হইত, তাঁহার সম্মুখে গেলেই সে গুলাকে নিতান্ত বাজে কথা বলিয়া বোধ হইত। ছাপার অক্ষরে যে সব কথা পড়িলে ছই চক্ষু বাহিয়া দর দর ধারায় জল পড়িতে থাকে সেইগুলি মুখে বলিতে গেলে কেন যে হাতের উদ্বেক করে এ পর্যন্ত বুঝিতে পারিলাম না।

বাদ প্রতিবাদ কথায় চলে, কিন্তু হাসির উপরে ভর্ক চলে না, কাজেই চুপ করিয়া

ধাইতে হইল। জ্যোৎস্না উজ্জ্বলতর হইয়া উঠিল, একটা কোকিল ক্রমাগতই কুহু কুহু ডাকিয়া অস্থির হইয়া গেল। আমি বসিয়া বসিয়া ভাবিতে লাগিলাম এমন জ্যোৎস্না রাত্রিও কি পিকবধু বধির হইয়া আছে ?

বহু চিকিৎসায় আমার জ্বর রোগ উপশমের কোন লক্ষণ দেখা গেল না। ডাক্তার বলিল, একবার বায়ু-পরিবর্তন করিয়া দেখিলে ভাল হয়। আমি জ্বীকে লইয়া এলাহাবাদে গেলাম।

এইখানে দক্ষিণাবাবু হঠাৎ থমকিয়া চূপ করিলেন। সন্দিক্তভাবে আমার মুখের দিকে চাহিলেন, তাহার পর দুই হাতের মধ্যে মাথা রাখিয়া ভাবিতে লাগিলেন। আমিও চূপ করিয়া রহিলাম। কুলুঙ্গিতে কেরোসিন্ মিটমিট করিয়া জ্বলিতে লাগিল এবং নিস্তব্ধ ঘরে মশার ভনভন শব্দ স্পষ্ট হইয়া উঠিল। হঠাৎ মৌন-ভঙ্গ করিয়া দক্ষিণাবাবু বলিতে আরম্ভ করিলেন।

সেখানে হারাণ ডাক্তার আমার জ্বীকে চিকিৎসা করিতে লাগিলেন।

অবশেষে অনেক কাল একভাবে কাটাইয়া ডাক্তারও বলিলেন, আমিও বুঝিলাম এবং আমার জ্বীও বুঝিলেন যে, তাঁহার ব্যামো সারিবার নহে। তাঁহাকে চিররুগ্ন হইয়াই কাটাইতে হইবে।

তখন, একদিন আমার জ্বী আমাকে বলিলেন,—যখন ব্যামোও সারিবে না এবং শীঘ্র আমার মরিবার আশাও নাই, তখন আর কতদিন এই জীবন্মুক্তকে লইয়া কাটাইবে ? তুমি আর একটা বিবাহ কর।

এটা যেন কেবল একটা স্মৃষ্টি এবং সন্ধিবেচনার কথা—ইহার মধ্যে যে, ভারি একটা মহৎ বীরত্ব বা অসামান্য কিছু

আছে, এমন ভাব তাঁহার লেশমাত্র ছিল না।

এইবার আমার হাসিবার পালা ছিল। কিন্তু আমার কি তেমন করিয়া হাসিবার ক্ষমতা আছে ? আমি উপভ্রাসের প্রধান নায়কের ভায় গম্ভীর সমুচ্চভাবে বলিতে লাগিলাম—যতদিন এই দেহে জীবন আছে—

তিনি বাধা দিয়া কহিলেন—নাও ! নাও ! আর বলিতে হইবে না ! তোমার কথা শুনিয়া আমি আর বাঁচি না !

আমি পরাজয় স্বীকার না করিয়া বলিলাম—এ জীবনে আর কাহাকেও ভাল-বাসিতে পারিব না !

শুনিয়া আমার জ্বী ভারি হাসিয়া উঠিলেন। তখন আমাকে ক্লান্ত হইতে হইল।

জানি না, তখন নিজের কাছেও কখনও স্পষ্ট স্বীকার করিয়াছি কি না, কিন্তু এখন বুঝিতে পারিতেছি এই আরোগ্য-আশাহীন সেবার্কার্যে আমি মনে মনে পরিশ্রান্ত হইয়া গিয়াছিলাম। এ কার্যে যে ভঙ্গ দিব, এমন কল্পনাও আমার মনে ছিল না ; অথচ চির-জীবন এই চিররুগ্নকে লইয়া যাপন করিতে হইবে এ কল্পনাও আমার নিকট পীড়াজনক হইয়াছিল। হায় ! প্রথম যৌবনকালে যখন সম্মুখে তাকাইয়াছিলাম তখন প্রেমের কুহকে, স্নেহের আশ্বাসে, সৌন্দর্যের মরীচিকায় সমস্ত ভবিষ্যৎ জীবন প্রফুল্ল দেখাইতেছিল। আজ হইতে শেষ পর্য্যন্ত কেবলই আশাহীন সুদীর্ঘ সতৃষ্ণ মরুভূমি।

আমার সেবার মধ্যে সেই আন্তরিক শ্রান্তি নিশ্চয় তিনি দেখিতে পাইয়াছিলেন ! তখন জানিতাম না কিন্তু এখন সন্দেহমাত্র নাই যে, তিনি আমাকে যুক্ত-অক্ষরহীন

প্রথমভাগ শিশুশিক্ষার মত অতি সহজে বুঝিতেন। সেই জন্ত, যখন উপন্যাসের নায়ক সাজিয়া গম্ভীরভাবে তাঁহার নিকট কবিত্ত ফলাইতে যাইতাম তিনি এমন স্নগভীর স্নেহ অথচ অনিবার্য কৌতুকের সহিত হাসিয়া উঠিতেন। আমার নিজের অগোচর অন্তরের কথাও অন্তর্ধামীর ত্রায় তিনি সমস্তই জানিতেন, এ কথা মনে করিলে আজও লজ্জায় মরিয়া যাইতে ইচ্ছা করে।

হারাগ ডাক্তার আমাদের স্বজাতীয়। তাঁহার বাড়িতে আমার প্রায়ই নিমন্ত্রণ থাকিত। কিছুদিন যাতায়াতের পর ডাক্তার তাঁহার মেয়েটার সঙ্গে আমার পরিচয় করাইয়া দিলেন। মেয়েটি অবিবাহিত— তাহার বয়স পনরো হইবে। ডাক্তার বলেন তিনি মনের মত পাত্র পান নাই বলিয়া বিবাহ দেন নাই। কিন্তু বাহিরের লোকের কাছে গুজব শুনিতাম, মেয়েটির কুলের দোষ ছিল।

কিন্তু আর কোন দোষ ছিল না। যেমন সুরূপ তেমনি সুশিক্ষা। সেই জন্ত মাঝে মাঝে এক এক দিন তাঁহার সহিত নানা কথার আলোচনা করিতে করিতে আমার বাড়ি ফিরিতে রাত হইত, আমার জীকে ওষধ খাওয়াইবার সময় উত্তীর্ণ হইয়া যাইত। তিনি জানিতেন, আমি হারাগ ডাক্তারের বাড়ি গিয়াছি, কিন্তু বিলম্বের কারণ একদিনও আমাকে জিজ্ঞাসাও করেন নাই।

মক্কাভূমির মধ্যে আর একবার মরীচিকা দেখিতে লাগিলাম। তৃষ্ণা যখন বুক পর্য্যন্ত, তখন চোখের সামনে কুলপরিপূর্ণ স্বচ্ছ জল ছলছল ঢলঢল করিতে লাগিল। তখন মনকে প্রাণপণে টানিয়া আর ফিরাইতে পারিলাম না।

রোগীর ঘর আমার কাছে দ্বিগুণ নিরানন্দ হইয়া উঠিল। এখন প্রায়ই শুশ্রূষা করিবার এবং ওষধ খাওয়াইবার নিয়ম ভঙ্গ হইতে লাগিল।

হারাগ ডাক্তার আমাকে প্রায় মাঝে মাঝে বলিতেন, যাহাদের রোগ আরোগ্য হইবার কোন সম্ভাবনা নাই, তাহাদের পক্ষে মৃত্যুই ভাল। কারণ, বাঁচিয়া তাহাদের নিজেরও সুখ নাই, অশ্রেরও অসুখ। কথাটা সাধারণভাবে বলিতে দোষ নাই, তথাপি আমার জীকে লক্ষ্য করিয়া এমন প্রসঙ্গ উত্থাপন করা তাঁহার উচিত হয় নাই। কিন্তু মানুষের জীবনমৃত্যু সম্বন্ধে ডাক্তারদের মন এমন অসাড় যে, তাহারা ঠিক আমাদের মনের অবস্থা বুঝিতে পারে না।

হঠাৎ একদিন পাশের ঘর হইতে শুনিতে পাইলাম, আমার জী হারাগ বাবুকে বলিতেছেন,—ডাক্তার, কতকগুলো মিথ্যা ওষুধ গিলাইয়া ডাক্তারখানার দেনা বাড়াইতেছ কেন? আমার প্রাণটাই যখন একটা ব্যামো, তখন এমন একটা ওষুধ দাও যাহাতে শীঘ্র এই প্রাণটা যায়।

ডাক্তার বলিলেন, ছি, এমন কথা বলিবেন না।

কথাটা শুনিয়া হঠাৎ আমার বক্ষে বড় আঘাত লাগিল।

ডাক্তার চলিয়া গেলে আমার জীর ঘরে গিয়া তাঁহার শয্যা-প্রান্তে বসিলাম, তাঁহার কপালে ধীরে ধীরে হাত বুলাইয়া দিতে লাগিলাম। তিনি কহিলেন, এ ঘর বড় গরম—তুমি বাহিরে যাও। তোমার বেড়াইতে যাইবার সময় হইয়াছে। খানিকটা না বেড়াইয়া আসিলে আবার রাত্রে তোমার স্কুধা হইবে না।

বেড়াইতে যাওয়ার অর্থ ডাক্তারের বাড়ি যাওয়া। আমিই তাঁহাকে বুঝাইয়াছিলাম, ক্ষুধাসঞ্চারের পক্ষে খানিকটা বেড়াইয়া আসা বিশেষ আবশ্যিক। এখন নিশ্চয় বলিতে পারি, তিনি প্রতিদিনই আমার এই ছলনাটুকু বুঝিতেন। আমি নিরর্থক, মনে করিতাম তিনি নিরর্থক।

এই বলিয়া দক্ষিণা বাবু অনেকক্ষণ করতলে মাথা রাখিয়া চুপ করিয়া বসিয়া রহিলেন। অবশেষে কহিলেন, আমাকে একগ্লাস জল আনিয়া দাও। জল খাইয়া বলিতে লাগিলেন ;—

একদিন ডাক্তার বাবুর কণ্ঠা মনোরমা আমার স্ত্রীকে দেখিতে আসিবার ইচ্ছা প্রকাশ করিলেন। জানি না, কি কারণে তাঁহার সে প্রস্তাব আমার ভাল লাগিল না। কিন্তু প্রতিবাদ করিবার কোন হেতু ছিল না। তিনি একদিন সন্ধ্যা বেলায় আমাদের বাসায় আসিয়া উপস্থিত হইলেন।

সে দিন আমার স্ত্রীর বেদনা অশ্রুধিনের অপেক্ষা কিছু বাড়িয়া উঠিয়াছিল। যেদিন তাঁহার ব্যথা বাড়ে সে দিন তিনি অত্যন্ত স্থির নিস্তব্ধ হইয়া থাকেন ; কেবল মাঝে মাঝে মুণ্ডবন্ধ হইতে থাকে এবং মুখ নীল হইয়া আসে তাহাতেই তাঁহার যন্ত্রণা বুঝা যায়। ঘরে কোন সাড়া ছিল না, আমি শয্যাপ্রান্তে চুপ করিয়া বসিয়াছিলাম ;—সে দিন আমাকে বেড়াইতে যাইতে অনুরোধ করেন, এমন সামর্থ্য তাঁহার ছিল না, কিংবা হয় ত বড় কষ্টের সময় আমি কাছে থাকি এমন ইচ্ছা তাঁহার মনে মনে ছিল। চোখে লাগিবে বলিয়া কেরোসিনের আলোটা ঘরের পার্শ্বে ছিল। ঘর অন্ধকার এবং

নিস্তব্ধ। কেবল এক একবার যন্ত্রণার কিঞ্চিৎ উপশমে আমার স্ত্রীর গভীর দীর্ঘনিশ্বাস শুনা যাইতেছিল।

এমন সময়ে মনোরমা ঘরের প্রবেশদ্বারে দাঁড়াইলেন। বিপরীত দিক্ হইতে কেরোসিনের আলো আসিয়া তাঁহার মুখের উপর পড়িল। আলো-আঁধারে লাগিয়া তিনি কিছুক্ষণ ঘরে কিছুই দেখিতে না পাইয়া ঘরের নিকট দাঁড়াইয়া ইতস্ততঃ করিতে লাগিলেন।

আমায় স্ত্রী চমকিয়া আমার হাত ধরিয়া জিজ্ঞাসা করিলেন—ও কে ?—তাঁহার সেই দুর্বল অবস্থায় হঠাৎ অচেনা লোক দেখিয়া ভয় পাইয়া আমাকে দুই তিন বার অফুট-স্বরে প্রশ্ন করিলেন, ও কে ? ও কে গো ?

আমার কেমন দুর্বুদ্ধি হইল আমি প্রথমেই বলিয়া ফেলিলাম, আমি চিনি না ! বলিবামাত্রই কে যেন আমাকে কশাঘাত করিল। পরের মুহূর্ত্তেই বলিলাম—ওঃ, আমাদের ডাক্তার বাবুর কণ্ঠা !

স্ত্রী একবার আমার মুখের দিকে চাহিলেন ;—আমি তাঁহার মুখের দিকে চাহিতে পারিলাম না। পরক্ষণেই তিনি ক্ষীণস্বরে অভ্যাগতকে বলিলেন, আপনি আসুন।—আমাকে বলিলেন, আলোটা ধর !

মনোরমা ঘরে আসিয়া বসিলেন। তাঁহার সহিত রোগিণীর অল্পস্বল্প আলাপ চলিতে লাগিল। এমন সময় ডাক্তারবাবু আসিয়া উপস্থিত হইলেন।

তিনি তাঁহার ডাক্তারখানা হইতে দুই শিশি ওষুধ সঙ্গে আনিয়াছিলেন। সেই দুই শিশি বাহির করিয়া আমার স্ত্রীকে বলিলেন—এই নীল শিশিটা মালিশ করিবার,

আর এইট খাইবার। দেখিবেন, ছুইটাতে মিলাইবেন না; এ ওষুধটা ভারি বিষ।

আমাকেও একবার সতর্ক করিয়া দিয়া ওষুধ ছুটি শয্যাপার্শ্ববর্তী টেবিলে রাখিয়া দিলেন। বিদায় লইবার সময় ডাক্তার তাঁহার কণ্ঠকে ডাকিলেন।

মনোরমা कहিলেন—বাবা, আমি থাকি না কেন। সঙ্গে জীলোক কেহ নাই, ইহাকে সেবা করিবে কে?

আমার স্ত্রী ব্যস্ত হইয়া উঠিলেন, বলিলেন, না, না, আপনি কষ্ট করিবেন না। পুরাণে বি আছে সে আমাকে মায়ের মত যত্ন করে।

ডাক্তার হাসিয়া বলিলেন—উনি মালিন্দী, চিরকাল পরের সেবা করিয়া আসিয়াছেন, অস্ত্রের সেবা সহিতে পারেন না।

কণ্ঠকে লইয়া ডাক্তার গমনের উত্তোগ করিতেছেন এমন সময় আমার স্ত্রী বলিলেন, ডাক্তার বাবু, ইনি বন্ধঘরে অনেকক্ষণ বসিয়া আছেন, ইহাকে একবার বাহিরে বেড়াইয়া লইয়া আসিতে পারেন?

ডাক্তার বাবু আমাকে कहিলেন, আসুন না, আপনাকে নদীর ধার হইয়া একবার বেড়াইয়া আনি।—

আমি ঈষৎ আপত্তি দেখাইয়া অনতিবিলম্বে সম্মত হইলাম। ডাক্তার বাবু যাইবার সময় ছুই শিশি, ওষুধ সম্বন্ধে আবার আমার স্ত্রীকে সতর্ক করিয়া দিলেন।

সে দিন ডাক্তারের বাড়িতেই আহার করিলাম। ফিরিয়া আসিতে রাত হইল। আসিয়া দেখি, আমার স্ত্রী ছটফট করিতেছেন। অনুরূপে বিদ্ধ হইয়া জিজ্ঞাসা করিলাম তোমার কি ব্যথা বাড়িয়াছে?—

তিনি উত্তর করিতে পারলেন না,

নীরবে আমার মুখের দিকে চাহিলেন। তখন তাঁহার কণ্ঠরোধ হইয়াছে।

আমি তৎক্ষণাৎ সেই রাত্রেই ডাক্তারকে ডাকিয়া আনিলাম। ডাক্তার প্রথমটা আসিয়া অনেকক্ষণ কিছুই বৃক্ষিতে পারিলেন না। অবশেষে জিজ্ঞাসা করিলেন, সেই ব্যথাটা কি বাড়িয়া উঠিয়াছে? ওষুধটা একবার মালিশ করিলে হয় না?

বলিয়া শিশিটা টেবিল হইতে লইয়া দেখিলেন সেটা খালি।

আমার স্ত্রীকে জিজ্ঞাসা করিলেন, আপনি কি ভুল করিয়া এই ওষুধটা খাইয়াছেন? আমার স্ত্রী ঘাড় নাড়িয়া নীরবে জানাইলেন—হাঁ।

ডাক্তার তৎক্ষণাৎ গাড়ি করিয়া তাঁহার বাড়ি হইতে পাম্প আনিতে ছুটিলেন। আমি অর্ধমুর্চ্ছিতের স্থায় আমার স্ত্রীর বিছানার উপর গিয়া পড়িলাম।

তখন, মাতা তাহার পীড়িত শিশুকে ঘেমন করিয়া সাস্থনা করে তেমনি করিয়া তিনি আমার মাথা তাঁহার বক্ষের কাছে টানিয়া লইয়া ছুই হস্তের স্পর্শে আমাকে তাঁহার মনের কথা বুঝাইতে চেষ্টা করিলেন। কেবল তাঁহার সেই করুণ স্পর্শের দ্বারাই আমাকে বারংবার করিয়া বলিতে লাগিলেন—শোক করিও না, ভালই হইয়াছে—তুমি সুখী হইবে, এবং সেই মনে করিয়া আমি সুখে মরিলাম।

ডাক্তার যখন ফিরিলেন, তখন জীবনের সঙ্গে সঙ্গে আমার স্ত্রীর সকল যন্ত্রণার অবসান হইয়াছে।

—দক্ষিণাচরণ আর একবার জল খাইয়া বলিলেন, উঃ বড় গরম! বলিয়া দ্রুত বাহির হইয়া বারকয়েক বারান্দায় পায়চারি করিয়া

আসিয়া বসিলেন। বেশ বোঝা গেল তিনি বলিতে চাহেন না কিন্তু আমি যেন যাছ করিয়া তাঁহার নিকট হইতে কথা কাড়িয়া লইতেছি। আবার আরম্ভ করিলেন—

মনোরমাকে বিবাহ করিয়া দেশে ফিরিলাম।

মনোরমা তাহার পিতার সম্মতিক্রমে আমাকে বিবাহ করিল। কিন্তু আমি যখন তাহাকে আদরের কথা বলিতাম, প্রেমালাপ করিয়া তাহার হৃদয় অধিকার করিবার চেষ্টা করিতাম সে হাসিত না, গম্ভীর হইয়া থাকিত। তাহার মনের কোথায় কোনখানে কি খটকা লাগিয়া গিয়াছিল আমি কেমন করিয়া বুঝিব ?

এই সময় আমার মদ খাইবার নেশা অত্যন্ত বাড়িয়া উঠিল।

একদিন প্রথম শরতের সন্ধ্যায় মনোরমাকে লইয়া আমাদের বরানগরের বাগানে বেড়াইতেছি। ছম্ছমে অন্ধকার হইয়া আসিয়াছে। পাখীদের বাসায় ডানা ঝাড়িবার শব্দটুকুও নাই। কেবল বেড়াইবার পথের দুই ধারে ঘন ছায়াবৃত ঝাউগাছ বাতাসে সশব্দে কাঁপিতেছিল।

শ্রান্তিবোধ করিতেই মনোরমা সেই বকুলতলার শুভ্র পাথরের বেদীর উপর আসিয়া নিজের দুই বাহুর উপর মাথা রাখিয়া শয়ন করিল। আমিও কাছে আসিয়া বসিলাম।

সেখানে অন্ধকার আরও ঘনীভূত,— যতটুকু আকাশ দেখা যাইতেছে একেবারে তারায় আচ্ছন্ন; তরুতলের ঝিল্লিধ্বনি যেন অনন্তগগনবক্ষ্যুত নিঃশব্দতার নিম্নপ্রান্তে একটি শব্দের সরু পাড় বুনিয়া দিতেছে।

সেদিনও বৈকালে আমি কিছু মদ

খাইয়াছিলাম, মনটা বেশ একটু তরলাবস্থায় ছিল। অন্ধকার যখন চোখে সহিয়া আসিল তখন বনচ্ছায়াতলে পাণ্ডুরবর্ণে অঙ্কিত সেই শিথিল অঞ্চল শ্রান্তকায় রমণীর আবছায়া মূর্তিটি আমার মনে এক অনিবার্য আবেগের সঞ্চার করিল। মনে হইল, ও যেন একটি ছায়া, ওকে যেন কিছুতেই দুই বাহু দিয়া ধরিতে পারিব না।

এমন সময় অন্ধকার ঝাউগাছের শিখর-দেশে যেন আশ্রয় ধরিয়া উঠিল; তাহার পরে কৃষ্ণপঙ্কের জীর্ণপ্রান্ত হনুদবর্ণ চাঁদ ধীরে ধীরে গাছের মাথার উপরকার আকাশে আরোহণ করিল;—শাদা পাথরের উপর শাদা সাড়িপরা সেই শ্রান্তশয়ান রমণীর মুখের উপর জ্যোৎস্না আসিচ্চা পড়িল। আমি আর থাকিতে পারিলাম না। কাছে আসিয়া দুই হাতে তাহার হাতটি তুলিয়া ধরিয়া কহিলাম, মনোরমা, তুমি আমাকে বিশ্বাস কর না, কিন্তু তোমাকে আমি ভালবাসি তোমাকে আমি কোনকালে ভুলিতে পারিব না।

কথাটা বলিলামাত্র চমকিয়া উঠিলাম; মনে পড়িল ঠিক এই কথাটা আর এক দিন আর কাহাকেও বলিয়াছি! এবং সেই মুহূর্তেই বকুল গাছের শাখার উপর দিয়া, ঝাউ গাছের মাথার উপর দিয়া, কৃষ্ণপঙ্কের পীত বর্ণ ভাঙ্গাটাদের নীচে দিয়া গঙ্গার পূর্ব পার হইতে গঙ্গার সূদূর পশ্চিম পার পর্য্যন্ত হাহা—হাহা—হাহা করিয়া অতি দ্রুতবেগে একটা হাসি বহিয়া গেল! সেটা মর্শ্বভেদী হাসি, কি অন্তর্ভেদী হাহাকার, বলিতে পারি না। আমি তদগুণেই পাথরের বেদীর উপর হইতে মুচ্ছিত হইয়া নীচে পড়িয়া গেলাম।

মুচ্ছাভঙ্গে দেখিলাম আমার ঘরে বিছানা-
নায় শুইয়া আছি। স্ত্রী জিজ্ঞাসা করিলেন,
তোমার হঠাৎ এমন হইল কেন?—আমি
কাঁপিয়া উঠিয়া বলিলাম, শুনিতে পাও নাই
সমস্ত আকাশ ভরিয়া হা হা করিয়া একটা
হাসি বহিয়া গেল?

স্ত্রী হাসিয়া কহিলেন—সে বুঝি হাসি?
সার বাঁধিয়া দীর্ঘ এক ঝাঁক পাণী উড়িয়া
গেল, তাহাদেরই পাণীর শব্দ শুনিয়াছিলাম।
তুমি এত অল্পেই ভয় পাও?—

দিনের বেলায় স্পষ্ট বুঝিতে পারিলাম,
পাণীর ঝাঁক উড়িবার শব্দই বটে, এই
সময়ে উত্তর দেশ হইতে হংসশ্রেণী নদীর
চরে চরিবার জন্ত আসিতেছে। কিন্তু সন্ধ্যা
হইলে সে বিশ্বাস রাখিতে পারিতাম না।
তখন মনে হইত চারিদিকে সমস্ত অন্ধকার
ভরিয়া ঘন হাসি জমা হইয়া রহিয়াছে,
সামান্য একটা উপলক্ষে হঠাৎ আকাশ
ভরিয়া অন্ধকার বিদীর্ণ করিয়া ধ্বনিত হইয়া
উঠিবে। অবশেষে এমন হইল, সন্ধ্যার
পর মনোরমার সহিত একটা কৃপা বলিতে
আমার সাহস হইত না।

তখন আমাদের বরানগরের বাড়ি
ছাড়িয়া মনোরমাকে লইয়া বোটের
বাহির হইলাম। অগ্রহায়ণ মাসে নদীর
বাতাসে সমস্ত ভয় চলিয়া গেল। কয়দিন
বড় সুখে ছিলাম। চারিদিকের সৌন্দর্য্যে
আকৃষ্ট হইয়া মনোরমাও যেন তাহার হৃদ-
য়ের রুদ্ধদ্বার অনেক দিন পরে ধীরে ধীরে
আমার নিকট খুলিতে লাগিল।

গঙ্গা ছাড়াইয়া, খড়ে ছাড়াইয়া, অবশেষে
পদ্মায় আসিয়া পৌছিলাম। ভয়ঙ্করী পদ্মা
তখন হেমস্তের বিবরলীন ভূজঙ্গিনীর মত
কৃশ নিঃস্রাবতাবে সুসীর্ষ শীতনিদ্রায় নিবিষ্ট

ছিল। উত্তর পারে জনশূন্য তৃণশূন্য চিহ্নশূন্য
দিগন্তপ্রসারিত বালির চর ধু ধু করিতেছে—
এবং দক্ষিণের উচ্চ পাড়ের উপর গ্রামের
আমবাগানগুলি এই রাক্ষসীনদীর নিতান্ত
মুণ্ডের কাছে ষোড়হস্তে দাঁড়াইয়া কাঁপি-
তেছে;—পদ্মা যুগের ঘোরে এক একবার
পাশ ফিরিতেছে এবং বিদৌগ তটভূমি যুগ-
ঝাপ করিয়া ভাঙ্গিয়া ভাঙ্গিয়া পড়িতেছে।

এখানে বেড়াইবার সুবিধা দেখিয়া
বোট বাঁধলাম।

একদিন আমরা দুই জনে বেড়াইতে
বেড়াইতে বহুদূরে চলিয়া গেলাম। স্বর্ঘ্যা-
স্তের স্বর্ণচ্ছায়া মিলাইয়া যাইতেই গুরুপক্ষের
নির্ম্মল চন্দ্রলোক দেখিতে দেখিতে ফুটিয়া
উঠিল। সেই অন্তহীন শুভ্র বালির চরের
উপর যখন অজস্র অব্যবহিত উচ্ছ্বসিত জ্যোৎস্না
একেবারে আকাশের সীমান্ত পর্য্যন্ত প্রসা-
রিত হইয়া গেল—তখন মনে হইল যেন
জনশূন্য চন্দ্রলোকের অসীম স্বপ্নরাজ্যের
মধ্যে কেবল আমরা দুই জনে ভ্রমণ করি-
তেছি। একটি লাল শাল মনোরমার
মাথার উপর হইতে নামিয়া তাহার মুখখানি
বেষ্টন করিয়া তাহার শরীরটি আচ্ছন্ন করিয়া
রহিয়াছে। নিস্তব্ধতা যখন নিবিড় হইয়া
আসিল, কেবল একটি সীমাহীন দিশাহীন
শুভ্রতা এবং শূন্যতা ছাড়া যখন আর কিছুই
রহিল না, তখন মনোরমা ধীরে ধীরে হাতটি
বাহির করিয়া আমার হাত চাপিয়া ধরিল;
অত্যন্ত কাছে আসিয়া সে যেন তাহার সমস্ত
শরীর মন, জীবন যৌবন আমার উপর
বিতস্ত করিয়া নিতান্ত নির্ভর করিয়া দাঁড়া-
ইল। পুলকিত উদ্বেলিত হৃদয়ে মনে করি-
লাম, ঘরের মধ্যে কি যথেষ্ট ভালবাসা যায়?
এইরূপ অনাবৃত অব্যবহিত অনন্ত আকাশ

নহিলে কি ছুটি মানুষকে কোথাও ধরে ?
তখন মনে হইল, আমাদের ঘর নাই, দ্বার
নাই, কোথাও ফিরিবার নাই, এমনি
করিয়া হাতে হাতে ধরিয়া গম্যস্থান পথে,
উদ্দেশ্যস্থান ভ্রমণে চন্দ্রালোকিত শূন্যতার
উপর দিয়া অবারিতভাবে চলিয়া যাইব।

এইরূপে চলিতে চলিতে এক জায়গায়
আসিয়া দেখিলাম সেই বালুকারাশির মাঝ-
খানে অদূরে একটি জলাশয়ের মত হই-
য়াছে—পদ্মা সরিষা বাওয়ার পর সেইখানে
জল বাধিয়া আছে।

সেই মরুবালুকাবেষ্টিত নিস্তরঙ্গ নিস্তপ্ত
নিশ্চল জলটুকুর উপরে একটি সুদীর্ঘ
জ্যোৎস্নার রেখা মূচ্ছিতভাবে পড়িয়া আছে।
সেই জায়গাটাতে আসিয়া আমরা দুইজনে
দাঁড়াইলাম—মনোরমা কি ভাবিয়া আমার
মুখের দিকে চাহিল ; তাহার মাথার উপর
হইতে শালটা হঠাৎ খসিয়া পড়িল। আমি
তাহার সেই জ্যোৎস্নাবিকশিত মুখখানি
তুলিয়া ধরিয়া চুম্বন করিলাম।

এমন সময় সেই জনমানবশূন্য নিঃশব্দ
মরুভূমির মধ্যে গম্ভীরস্বরে কে তিনবার
বলিয়া উঠিল—ও কে ; ও কে ? ও কে ?

আমি চমকিয়া উঠিলাম, আমার স্ত্রীও
কাঁপিয়া উঠিলেন। কিন্তু পরক্ষণেই আমরা
দুইজনেই বুঝিলাম, এই শব্দ মালুখিক নহে,
অমালুখিকও নহে—চর-বিহারী জলচর
পাখীর ডাক। হঠাৎ এতরাত্রে তাহাদের
নিরাপদ নিভৃত নিবাসের কাছে লোক-
সমাগম দেখিয়া চকিত হইয়া উঠিয়াছে।

সেই ভয়ের চমক খাইয়া আমরা দুই
জনেই তাড়াতাড়ি বোটে ফিরিলাম।
রাত্রে বিছানায় আসিয়া শুইলাম ; শাস্ত-
শরীরে মনোরমা অবিলম্বে ঘুমাইয়া পড়িল।


তখন অন্ধকারে কে এক জন আমার
মশারির কাছে দাঁড়াইয়া স্তম্ভ মনোরমার
দিকে একটি মাত্র দীর্ঘ শীর্ণ অস্থিসার অঙ্গুলি
নির্দেশ করিয়া যেন আমার কাণে কাণে
অত্যন্ত চুপি চুপি অক্ষুটকণ্ঠে কেবলি
জিজ্ঞাসা করতে লাগিল—ও কে ? ও কে ?
ও কে গো ?—

তাড়াতাড়ি উঠিয়া দেশলাই জ্বালাইয়া
বাতি ধরাইলাম। সেই মুহূর্তেই ছায়ামূর্তি
মিলাইয়া গিয়া, আমার মশারি কাঁপাইয়া,
বোট ছলাইয়া, আমার সমস্ত ঘর্ম্মাক্ত শরী-
রের রক্ত হিম করিয়া দিয়া হাहा—হাहा—
হাहा করিয়া একটা হাসি অন্ধকার রাত্রির
ভিতর দিয়া বহিয়া চলিয়া গেল। পদ্মা পার
হইল, পদ্মার চর পার হইল, তাহার পরবর্তী
সমস্ত স্তম্ভ দেশ গ্রাম নগর পার হইয়া গেল
—যেন তাহা চিরকাল ধরিয়া দেশদেশান্তর
লোকলোকান্তর পার হইয়া ক্রমশঃ ক্ষীণ,
ক্ষীণতর, ক্ষীণতম হইয়া অসীম সূদূরে চলিয়া
যাইতেছে,—ক্রমে যেন তাহা জন্মমৃত্যুর
দেশ ছাড়াইয়া গেল—ক্রমে তাহা যেন
স্বর্গের অগ্রভাগের স্রায় ক্ষীণতম হইয়া
আসিল—এত ক্ষীণ শব্দ কখন শুনি নাই,
কল্পনা করি নাই—আমার মাথার মধ্যে
যেন অনন্ত আকাশ রহিয়াছে এবং সেই
শব্দ যতই দূরে যাইতেছে, কিছুতেই আমার
মস্তিষ্কের সীমা ছাড়াইতে পারিতেছে না ;—
অবশেষে যখন একান্ত অসহ হইয়া আসিল,
তখন ভাবিলাম, আলো নিবাইয়া না দিলে
ঘুমাইতে পারিব না। যেমন আলো নিবা-
ইয়া শুইলাম, অমনি আমার মশারির পাশে,
আমার কাণের কাছে অন্ধকারে আবার
সেই অবকঙ্ক স্বর বলিয়া উঠিল—ও কে,
ও কে, ও কে গো। আমার বুকের রক্ত

ঠিক সমান তালে ক্রমাগতই ধ্বনিত হইতে লাগিল—ও কে, ও কে, ও কে গো ! ও কে, ও কে, ও কে গো ! সেই গভীর রাত্রে নিস্তন্ধ বোটের মধ্যে আমার গোলাকার ঘড়িটাও সজীব হইয়া উঠিয়া তাহার ঘণ্টার কাঁটা মনোরমার দিকে প্রসারিত করিয়া শেল্ফের উপর হইতে তালে তালে বলিতে লাগিল, ও কে, ও কে, ও কে গো ! ও কে ও কে, ও কে গো !

বলিতে বলিতে দক্ষিণাবাবু পাংশুবর্ণ হইয়া আসিলেন, তাঁহার কণ্ঠস্বর রুদ্ধ হইয়া আসিল। আঁচি তাঁহাকে স্পর্শ করিয়া কহিলাম একটু জল খান। এমন সময় হঠাৎ আমার কেরোসিনের শিখাটা দপদপ করিতে করিতে নিবিয়া গেল। হঠাৎ দেখিতে পাইলাম, বাহিরে আলো হইয়াছে। কাক ডাকিয়া উঠিল। দোয়েল শিশু দিতে লাগিল। আমার বাড়ির সম্মুখ-বলী পথে একটা মহিষের গাড়ির কাঁচ, কাঁচ শব্দ জাগিয়া উঠিল। তখন দক্ষিণাবাবুর মুখের ভাব একেবারে বদল হইয়া গেল। ভয়ের কিছুমাত্র চিহ্ন রহিল না। রাত্রির কুহকে, কাল্পনিক শঙ্কার মত্ততায় আমার কাছে যে এত কথা বলিয়া ফেলিয়াছেন সে জ্ঞান যেন অত্যন্ত লজ্জিত এবং আমার উপর আন্তরিক ক্রুদ্ধ হইয়া উঠিলেন। শিষ্টসন্তাষণমাত্র না করিয়া অকস্মাৎ উঠিয়া দ্রুতবেগে চলিয়া গেলেন।

সেই দিনই অন্ধরাত্রে আবার আমার ঘরে আসিয়া ঘা পড়িল—ডাক্তার ডাক্তার !



সন্ধ্যার দিকে বাড় ক্রমশঃ প্রবল হইতে লাগিল। রাষ্ট্রের ঝাপট, বজ্রের শব্দ, এবং বিদ্যুতের ঝিকমিকিতে আকাশে যেন সুরাসুরের যুদ্ধ বাধিয়া গেল। কালো কালো মেঘগুলো মহাপ্রলয়ের জয়পতাকা মত দিগ্বিদিকে উড়িতে আরম্ভ করিল, গঙ্গার এপারে ওপারে বিদ্রোহী ঢেউগুলো কল শব্দে নৃত্য জুড়িয়া দিল, এবং বাগানের বড় বড় গাছগুলো সমস্ত শাখা বটপটু করিয়া হা হতাশ সহকারে দক্ষিণে বামে লুটোপুট করিতে লাগিল।

তখন চন্দননগরের বাগানবাড়িতে একটি দীপালোকিত রুদ্ধ কক্ষে খাটের সম্মুখ-বলী নীচের বিছানায় বসিয়া স্ত্রীপুরুষে কথাবার্তা চলিতেছিল।

শরৎ বাবু বলিতেছিলেন, আর কিছু দিন থাকিলেই তোমার শরীর সম্পূর্ণ সারিয়া উঠিবে, তখন আমরা দেশে ফিরিতে পারিব।

কিরণময়ী বলিতেছিলেন, আমার শরীর সম্পূর্ণ সারিয়া উঠিয়াছে, এখন দেশে ফিরিলে কোন ক্ষতি হইবে না।

বিবাহিত ব্যক্তি মাত্রেই বুঝিতে পারিবেন, কথাটা যত সংক্ষেপে রিপোর্ট করিলাম তত সংক্ষেপে শেষ হয় নাই। বিষয়টি বিশেষ দুরূহ নয়, তথাপি বাদ প্রতিবাদ কিছুতেই মীমাংসার দিকে অগ্রসর হইতেছিল না; কর্ণহীন নোকার মত ক্রমাগতই ঘুর খাইয়া মরিতেছিল; অবশেষে অশ্রু-ভরস্বে ডুবি হইবার সম্ভাবনা দেখা দিল।

শরৎ কহিলেন, ডাক্তার বলিতেছে
আর কিছুদিন থাকিয়া গেলে ভাল হয় ।

কিরণ কহিলেন, তোমার ডাক্তার ত
সব জানে !

শরৎ কহিলেন, জান ত, এই সময়ে দেশে
নানাপ্রকার ব্যামোর প্রাদুর্ভাব হয়, অতএব
আর মাস দুয়েক কাটাওয়া গেলেই ভাল হয় ।

কিরণ কহিলেন, এখানে এখন বুঝি
কোথাও কাহারো কোন ব্যামো হয় না !

পূর্বে ইতিহাসটা এই । কিরণকে তাহার
ঘরের এবং পাড়ার সকলেই ভালবাসে,
এমন কি, শাঁগুড়ি পর্যন্ত । সেই কিরণের
যখন কঠিন পীড়া হইল তখন সকলেই
চিন্তিত হইয়া উঠিল—এবং ডাক্তার যখন
বায়ুপরিবর্তনের প্রস্তাব করিল, তখন গৃহ
এবং কাজকর্ম ছাড়িয়া প্রবাসে যাইতে
তাহার স্বামী এবং শাঁগুড়ি কোন আপত্তি
করিলেন না । যদিও গ্রামের বিবে-
চক প্রাজ্ঞ ব্যক্তিমাত্রেরই, বায়ুপরিবর্তনে
আরোগ্যের আশা করা এবং স্ত্রীর জন্ত
এতটা ছলছল করিয়া তোলা নব্য স্নেহতার
একটা নিলজ্জ আতিশয্য বলিয়া স্থির করি-
লেন এবং প্রত্ন করিলেন, ইতিপূর্বে কি
কাহারও স্ত্রীর কঠিন পীড়া হয় নাই, শরৎ
যেখানে যাওয়া স্থির করিয়াছেন সেখানে
কি মানুষেরা অমর, এবং এমন কোন দেশ
আছে কি যেখানে অদৃষ্টের লিপি সফল
হয় না—তথাপি শরৎ এবং তাঁহার মা সে
সকল কথায় কর্ণপাত করিলেন না ; তখন
গ্রামের সমস্ত সমবেত বিজ্ঞতার অপেক্ষা
তাঁহাদের হৃদয়লক্ষ্মী কিরণের প্রাণটুকু
তাঁহাদের নিকট গুরুতর বোধ হইল ।
প্রিয় ব্যক্তির বিপদে মানুষের একরূপ মোহ
ঘটিয়া থাকে ।

শরৎ চন্দননগরের বাগানে আসিয়া
বাস করিতেছেন, এবং কিরণও রোগমুক্ত
হইয়াছেন, কেবল শরীর এখনও সম্পূর্ণ
সবল হয় নাই । তাঁহার মুখে চক্ষে একটি
সকরণ ক্লান্ততা অঙ্কিত হইয়া আছে, যাহা
দেখিলে হৃৎকম্প সহ মনে উদয় হয়, আহা,
বড় রক্ষা পাওয়াছে !

কিরণ কিরণের স্বভাবটা সঙ্গপ্রিয়,
আমোদপ্রিয় । এখানে একলা আর ভাল
মাগিতেছে না ; তাহার ঘরের কাজ নাই,
পাড়ার সঙ্গিনী নাই, কেবল সমস্ত দিন
আপনার রথ শরীরটাকে লইয়া নাড়াচাড়া
করিতে মন যায় না । ঘণ্টায় ঘণ্টায় দাগ
মাপিয়া ঔষধ খাও, তাপ দাও, পথ্য পালন
কর, ইহাতে বিরক্তি ধরিয়া গিয়াছে ;
আজ বড়ের সন্ধ্যাবেলায় রুদ্ধগৃহে স্বামী
স্ত্রীতে তাহাই লইয়া আন্দোলন উপস্থিত
হইয়াছিল ।

কিরণ যতক্ষণ উত্তর দিতেছিল ততক্ষণ
উভয় পক্ষে সমকক্ষভাবে দন্দযুদ্ধ চলিতে-
ছিল, কিন্তু অবশেষে কিরণ যখন নিরুত্তর
হইয়া বিনা প্রতিবাদে শরতের দিক হইতে
ঈষৎ বিমুগ্ধ হইয়া ঘাড় বাঁকাইয়া বসিল,
তখন চরম নিরুপায় পুরুষটির আর কোন
অস্ত্র রহিল না । পরাভব স্বীকার করি-
বার উপক্রম করিতেছে, এমন সময় বাহির
হইতে বেহারা উচ্চঃস্বরে কি একটা
নিবেদন করিল ।

শরৎ উঠিয়া দ্বার খুলিয়া গুনিলেন,
নৌকা ডুবি হইয়া একটি ব্রাহ্মণ-বালক
মীতাম দিয়া তাঁহাদের বাগানে আসিয়া
উঠিয়াছে ।

শুনিয়া কিরণের মান অভিমান দূর
হইয়া গেল, তৎক্ষণাৎ আলনা হইতে

শুকবস্ত্র বাহিয় করিয়া দিলেন, এবং শীঘ্র এক বাটি দুধ গরম করিয়া ব্রাহ্মণের ছেলেকে অস্তঃপুরে ডাকিয়া পাঠাইলেন।

ছেলেটির লম্বা চুল, বড় বড় চোখ, গৌফের রেখা এখনো উঠে নাই। কিরণ তাহাকে নিজে থাকিয়া ভোজন করাইয়া তাহার পরিচয় জিজ্ঞাসা করিলেন।

শুনিলেন, সে যাত্রার দলের ছোকরা ; তাহার নাম নীলকান্ত। তাহারা নিকটবর্তী সিংহ বাবুদের বাড়ি যাত্রার জন্ত আহৃত হইয়াছিল ; ইতিমধ্যে নৌকা ডুবি হইয়া তাহাদের দলের লোকের কি গতি হইল কে জানে ; সে ভাল সঁতার জানিত, কোন মতে প্রাণরক্ষা করিয়াছে।

ছেলেটি এইখানেই রহিয়া গেল। আর একটু হইলেই সে মারা পড়িত এই মনে করিয়া তাহার প্রতি কিরণের অত্যন্ত দয়ার উদ্বেক হইল।

শরৎ মনে করিলেন, হইল ভাল, কিরণ একটা নূতন কাজ হাতে পাইলেন, এখন কিছুকাল এইভাবেই কাটিয়া যাইবে। ব্রাহ্মণ-বালকের কল্যাণে পুণ্যসঙ্ঘের প্রত্যাশায় স্বাস্থ্যভিও প্রসন্নতা লাভ করিলেন। এবং অধিকারী মহাশয় ও যমরাজের হাত হইতে সহসা এই ধনী পরিবারের হাতে বদলি হইয়া নীলকান্ত বিশেষ আরাম বোধ করিল।

কিন্তু অনতিবিলম্বে শরৎ এবং তাঁহার মাতার মত পরিবর্তন হইতে লাগিল। তাঁহারা ভাবিলেন আর আবশ্যক নাই, এখন এই ছেলেটাকে বিদায় করিতে পারিলে আপদ যায়।

নীলকান্ত গোপনে শরতের গুড়গুড়িতে ফড়ফড় শব্দে তামাক টানিতে আরম্ভ

করিল। ঝুটির দিনে অগ্নানবদনে তাঁহার সখের সিন্ধের ছাতাটি মাথায় দিয়া নববন্ধু-সঙ্ঘচেষ্টায় পল্লীতে পর্যটন করিতে লাগিল। কোথাকার একটা মলিন গ্রাম্য কুকুরকে আদর দিয়া এমনি স্পর্ধিত করিয়া তুলিল যে, সে অনাহৃত শরতের স্নসজ্জিত ঘরের মধ্যে প্রবেশ করিয়া নিশ্চল জাজিমের উপর পদপল্লবচতুষ্টয়ের ধুলিরেণায় আপন গুণ-গমনসংবাদ স্থায়িভাবে মুদ্রিত করিয়া আসিতে লাগিল। নীলকান্তের চতুর্দিকে দেখিতে দেখিতে একটা সুবহৎ ভক্তশিশু-সম্প্রদায় পঠিত হইয়া উঠিল, এবং সে বৎসর গ্রামের আত্মকাননে কচি আম পাকিয়া উঠিবার অবসর পাইল না।

কিরণ এই ছেলেটিকে বড় বেশী আদর দিতেন, তাহাতে সন্দেহ নাই। শরৎ এবং শরতের মা সে বিষয়ে তাঁহাকে অনেক নিষেধ করিতেন, কিন্তু তিনি তাহা মানিতেন না। শরতের পুরাতন জামা মোজা এবং নূতন ধূতি চাদর জুতা পরাইয়া তিনি তাহাকে বাবু সাজাইয়া তুলিলেন। মাঝে মাঝে যখন তখন তাহাকে ডাকিয়া লইয়া তাঁহার স্নেহ এবং কৌতুক উভয়ই চরিতার্থ হইত। কিরণ সহাস্ত্রমুখে পানের বাটা পাশে রাখিয়া খাটের উপর বসিতেন, দাসী তাঁহার ভিজে এলোচুল চিরিয়া চিরিয়া ঘষিয়া ঘষিয়া শুকাইয়া দিত এবং নীলকান্ত নীচে দাঁড়াইয়া হাত নাড়িয়া নলদময়ন্তীর পালা অভিনয় করিত—এইরূপে দীর্ঘ মধ্যাহ্ন অত্যন্ত শীঘ্র কাটিয়া যাইত। কিরণ শরৎকে তাঁহার সহিত একাসনে দর্শকশ্রেণীভুক্ত করিবার চেষ্টা করিতেন, কিন্তু শরৎ অত্যন্ত বিরক্ত হইতেন এবং শরতের সম্মুখে নীলকান্তের প্রতিভাও সম্পূর্ণ স্ফুর্তি পাইত না।

খাণ্ডি এক একদিন ঠাকুর-দেবতার নাম শুনিবার আশায় আকৃষ্ট হইয়া আসিতেন কিন্তু অবিলম্বে তাঁহার চিরাভ্যস্ত মধ্যাহ্ন-কালীন নিদ্রাবেশ ভক্তিকে অভিভূত এবং তাঁহাকে শয্যাশায়ী করিয়া দিত।

শরতের কাছ হইতে কাণনলা চড়টা চাপড়টা নীলকান্তের অদৃষ্টে প্রায়ই জুটত ; কিন্তু তদপেক্ষা কঠিনতর শাসনপ্রণালীতে আজন্ম অভ্যস্ত থাকিতে সেটা তাহার নিকট অপমান বা বেদনাজনক বোধ হইত না। নীলকান্তের দৃঢ় ধারণা ছিল যে, পৃথিবীর জল স্থল বিভাগের শ্রায় মানবজন্মটা আহার এবং প্রহারে বিভক্ত ; প্রহারের অংশটাই অধিক।

নীলকান্তের ঠিক কত বয়স নির্ণয় করিয়া বলা কঠিন ; যদি চোদ্দ পনেরো হয়, তবে বয়সের অপেক্ষা মুখ অনেক পাকিয়াছে বলিতে হইবে ; যদি সতেরো আঠারো হয়, তবে বয়সের অনুরূপ পাক ধরে নাই। হয় সে অকাল-পক, নয় সে অকাল-অপক।

আসল কথা এই, সে অতি অল্প বয়সেই যাত্রার দলে ঢুকিয়া রাখিকা, দময়ন্তী, সীতা এবং বিষ্ণুর সঙ্গী সাজিত। অধিকারীর আবশ্যকমত বিধাতার বরে পানিকদূর পর্য্যন্ত বাড়িয়া তাহার বাড় থামিয়া গেল। তাহাকে সকলে ছোটই দেখিত, আপনাকেও সে ছোটই জ্ঞান করিত, বয়সের উপযুক্ত সম্মান সে কাহারও কাছে পাইত না। এই সকল স্বাভাবিক এবং অস্বাভাবিক কারণ প্রভাবে সতেরো বৎসর বয়সের সময় তাহাকে অনতিপক সতেরোর অপেক্ষা অতিপরিপক চোদ্দর মত দেখাইত। গৌণের রেখা না উঠাতে এই ভ্রম আরো দৃঢ়মূল হইয়াছিল। তামাকের ধোয়া

লাগিয়াই হোক বা বয়সানুচিত ভাষ্য প্রয়োগবশতই হোক, নীলকান্তের ঠোঁটের কাছটা কিছু বেশী পাকা বোধ হইত, কিন্তু তাহার বৃহৎ তারাবিশিষ্ট ডুইট চক্কের মধ্যে একটা সারল্য এবং তারুণ্য ছিল। অল্পমান করি, নীলকান্তের ভিতরটা স্বভাবতঃ কাঁচা, কিন্তু যাত্রার দলের তা' লাগিয়া উপরিভাগে পকতার লক্ষণ দেখা দিয়াছে।

শরৎ বাবুর আশ্রয়ে চন্দননগরের বাগানে বাস করিতে করিতে নীলকান্তের উপর স্বভাবের নিয়ম অব্যাহতভাবে আপন কাজ করিতে লাগিল। সে এতদিন যে একটা বয়ঃসন্ধিস্থলে অস্বাভাবিকভাবে দীর্ঘকাল থামিয়াছিল, এখানে আসিয়া সেটা কখন এক সময় নিঃশব্দে পার হইয়া গেল। তাহার সতেরো আঠারো বৎসরের বয়ঃক্রম বেশ সম্পূর্ণভাবে পরিণত হইয়া উঠিল।

তাহার সে পরিবর্তন বাহির হইতে কাহারও চোখে পড়িল না, কিন্তু তাহার প্রথম লক্ষণ এই যে, যখন কিরণ নীলকান্তের প্রতি বালকযোগ্য ব্যবহার করিতেন সে মনে মনে লজ্জিত ও ব্যথিত হইত। একদিন আমোদপ্রিয় কিরণ তাহাকে স্ত্রীবেশে সঙ্গী সাজিবার কথা বলিয়াছিলেন, সে কথাটা অকস্মাৎ তাহার বড়ই কষ্টদায়ক লাগিল অথচ তাহার উপযুক্ত কারণ খুঁজিয়া পাইল না। আজকাল তাহাকে যাত্রার অনুরূপ করিতে ডাকিলেই সে অদৃষ্ট হইয়া যাইত। সে যে একটা লক্ষ্মীছাড়া যাত্রার দলের ছোকরার অপেক্ষা অধিক কিছু নয় এ কথা কিছুতে তাহার মনে লইত না।

এমন কি, সে বাড়ির সরকারের লিফট

কিছু কিছু করিয়া লেখাপড়া শিখিবার সঙ্কল্প করিল। কিন্তু বোর্ঠাকরণের স্নেহ-ভাজন বলিয়া নীলকান্তকে সরকার ছই চক্ষে দেখিতে পারিত না—এবং মনের একাগ্রতা রক্ষা করিয়া পড়াগুলো কোন কালে অভ্যাস না থাকাতে অক্ষরগুলো তাহার চোখের সাম্নে দিয়া ভাসিয়া যাইত। গঙ্গার ধারে চাঁপাতলায় গাছের গু ড়িতে ঠেসান দিয়া কোলের উপর বই খুলিয়া সে দীর্ঘ-কাল বসিয়া থাকিত; জল ছল্ ছল্ করিত, নৌকা ভাসিয়া যাইত, শাখার উপরে চঞ্চল অন্তমনস্ক পাখী কিচ্ মিচ্ শব্দে স্বগত উক্তি প্রকাশ করিত, নীলকান্ত বইয়ের পাতায় চক্ষু রাখিয়া কি ভাবিত সেই জানে অথবা সেও জানে না। একটা কথা হইতে কিছুতেই আর একটা কথায় গিয়া পৌঁছিতে পারিত না, অথচ, বই পড়িতেছি মনে করিয়া তাহার স্মারি একটা আত্মগৌরব উপস্থিত হইত। সাম্নে দিয়া যখন একটা নৌকা যাইত তখন সে আরও অধিক আড়ম্বরের সহিত বইখানা তুলিয়া লইয়া বিড় বিড় করিয়া পড়ার ভাগ করিত; দর্শক চলিয়া গেলে সে আর পড়ার উৎসাহ রক্ষা করিতে পারিত না।

পূর্বে সে অভ্যস্ত গানগুলো যন্ত্রের মত ষথানিয়মে গাহিয়া যাইত, এখন সেই গানের সুরগুলো তাহার মনে এক অপূর্ণ চাঞ্চল্য সঞ্চার করে। গানের কথা অতি যৎ-সামান্ত, তুচ্ছ অল্পপ্রাসে পরিপূর্ণ, তাহার অর্থও নীলকান্তের নিকট সম্যক্ বোধগম্য নহে, কিন্তু যখন সে গাহিত—

ওয়ে রাজহংস, জন্মি দ্বিজবংশে,
এমন নৃশংস কেন হলি রে,—
বল্ কি জন্তে, এ অরণ্যে,
রাজকন্তের প্রাণসংশয় করিলি রে,—

তখন সে যেন সহসা লোকান্তরে জন্মান্তরে উপনীত হইত—তখন চারিদিকের অভ্যস্ত জগৎটা এবং তাহার তুচ্ছ জীবনটা গানে তর্জমা হইয়া একটা নূতন চেহারা ধারণ করিত। রাজহংস এবং রাজকন্তার কথা হইতে তাহার মনে এক অপূর্ণ ছবির আভাস জাগিয়া উঠিত, সে আপনাকে কি মনে করিত স্পষ্ট করিয়া বলা যায় না, কিন্তু যাত্রার দলের পিতৃমাতৃহীন ছোকরা বলিয়া ভুলিয়া যাইত। নিতান্ত অকিঞ্চনের ঘরের হতভাগ্য মলিন শিশু যখন সন্ধ্যাশয্যায় শুইয়া, রাজপুত্র, রাজকন্তা এবং সাত রাজার ধন মাণিকের কথা শোনে তখন সেই ক্ষীণ দীপালোকিত জীর্ণ গৃহকোণের অন্ধকারে তাহার মনটা সমস্ত দারিদ্র্য ও হীনতার বন্ধন হইতে মুক্ত হইয়া এক সর্বসম্ভব রূপ-কথার রাজ্যে একটা নূতন রূপ, উজ্জ্বল বেশ এবং অপ্রতিহত ক্ষমতা ধারণ করে; সেই-রূপ গানের সুরের মধ্যে এই যাত্রার দলের ছেলেটি আপনাকে এবং আপনার জগৎটিকে একটি নবীন আকারে সৃজন করিয়া তুলিত; জলের ধ্বনি, পাতার শব্দ, পাখীর ডাক, এবং যে লক্ষ্মী এই লক্ষ্মীছাড়াকে আশ্রয় দিয়াছেন তাঁহার সহাস্র স্নেহমুখছবি, তাঁহার কল্যাণমণ্ডিত বলয়বেষ্টিত বাহু দুইখানি এবং হ্রলভ স্নন্দর পুষ্পদল-কোমল রক্তিম চরণ-যুগল কি এক মায়ামন্ত্রবলে রাগিণীর মধ্যে রূপান্তরিত হইয়া যাইত। আবার এক সময় এই গীত-মরীচিকা কোথায় অপসারিত হইত, যাত্রার দলের নীলকান্ত ঝাঙ্ড়া চুল লইয়া প্রকাশ পাইত, আমবাগানের অধ্যক্ষ প্রতিবেশীর অভিযোগক্রমে শরৎ আসিয়া তাহার গালে ঠাস্ ঠাস্ করিয়া চড় কসাইয়া দিতেন, এবং বালক ভক্তমণ্ডলীর অধিনায়ক

হইয়া নীলকান্ত জলে স্থলে এবং তরুশাখাগ্রে মন নব উপদ্রব সৃজন করিতে বাহির হইত।

ইতিমধ্যে শরতের ভাই সতীশ কলিকাতা হইতে কলেজের ছুটিতে বাগানে আসিয়া আশ্রয় লইল। কিরণ ভারি খুসি হইলেন, তাঁহার হাতে আর একটি কাজ ছুটিল; উপবেশনে আহ্বারে আচ্ছাদনে সমবয়স্ক ঠাকুরপোর প্রতি পরিহাস-পাশ বিস্তার করিতে লাগিলেন। কখনও হাতে সিঁদুর মাখিয়া তাহার চোখ টিপিয়া ধরেন, কখনও তাহার জামার পিঠে বঁদর লিখিয়া রাখেন, কখনও বনাং করিয়া বাহির হইতে ঘর রুদ্ধ করিয়া সুললিত উচ্চহাস্তে পলায়ন করেন। সতীশও ছাড়িরার পাত্র নহে; সে তাঁহার চাবি চুরি করিয়া, তাঁহার পানের মধ্যে লঙ্কা পুরিয়া, অলঙ্কিতে খাটের খুরার সহিত তাঁহার আচল বাঁধিয়া প্রতিশোধ তুলিতে থাকে। এইরূপে উভয়ে সমস্ত দিন তর্জন ধাবন হাশ্ব, এমন কি, মাঝে মাঝে কলহ, ক্রন্দন, সাধাসাধি এবং পুনরায় শান্তিস্থাপন চলিতে লাগিল।

নীলকান্তকে কি ভূতে পাইল কে জানে! সে কি উপলক্ষ করিয়া কাহার সহিত বিবাদ করিবে ভাবিয়া পায় না, অথচ তাহার মন তীব্র তিক্তরসে পরিপূর্ণ হইয়া গেল। সে তাহার ভক্ত বালকগুলিকে অত্যায়েকরূপে কাঁদাইতে লাগিল, তাহার সেই পোষা দ্বীপী কুকুরটাকে অকারণে লাথি মারিয়া কেঁই কেঁই শব্দে নভোমণ্ডল ধ্বনিত করিয়া তুলিল, এমন কি, পথে ভ্রমণের সময় সবেগে ছড়ি মারিয়া আগাছাগুলার শাখাচ্ছেদন করিয়া চলিতে লাগিল।

যাহারা ভাল খাইতে পারে, তাহা-

দিগকে সম্মুখে বসিয়া খাওয়াইতে কিরণ অত্যন্ত ভালবাসেন। ভাল খাইবার ক্ষমতাটা নীলকান্তের ছিল, স্নানান্ত্র দ্রব্য পুনঃ-পুনঃ খাইবার অনুরোধ তাহার নিকট কদাচ ব্যর্থ হইত না। এই জন্ত কিরণ প্রায় তাহাকে ডাকিয়া নিজে ডাকিয়া খাওয়াইতেন, এবং এই ব্রাহ্মণ-বালকের তৃপ্তিপূর্বক আহ্বার দেখিয়া তিনি বিশেষ মুগ্ধ অনুভব করিতেন। সতীশ আমার পরে অনবসর-বশতঃ নীলকান্তের আহ্বারস্থলে প্রায় মাঝে মাঝে কিরণকে অনুপস্থিত থাকিতে হইত; পূর্বে একরূপ ঘটনায় তাহার ভোজনের কিছুমাত্র ব্যাঘাত হইত না; সে সর্বশেষে দুধের বাটি ধুইয়া তাহার জলস্নান খাইয়া তবে উঠিত,—কিন্তু আজ কাল কিরণ নিজে ডাকিয়া না খাওয়াইলে তাহার বক্ষ ব্যথিত তাহার মুগ্ধ বিশ্বাস হইয়া উঠিত, না খাইয়া উঠিয়া পড়িত; বাস্পরুদ্ধ কণ্ঠে দাসীকে বলিয়া যাইত, আমার ক্ষুধা নাই। মনে করিত, কিরণ সংবাদ পাইয়া এখনি অনু-তপ্তচিত্তে তাহাকে ডাকিয়া পাঠাইবেন, এবং খাইবার জন্ত বারংবার অনুরোধ করিবেন, সে তথাপি কিছুতেই সে অনুরোধ পালন করিবে না, বলিবে, আমার ক্ষুধা নাই। কিন্তু কিরণকে কেহ সংবাদও দেয় না, কিরণ তাহাকে ডাকিয়াও পাঠান না; খাবার যাহা থাকে দাসী খাইয়া ফেলে। তখন সে আপন শয়নগৃহের প্রদীপ নিবাইয়া দিয়া অন্ধকার বিছানার উপর পড়িয়া ফুলিয়া ফুলিয়া ফাঁপিয়া ফাঁপিয়া মুখের উপর সবলে বালিশ চাপিয়া ধরিয়া কাঁদিতে থাকে; কিন্তু কি তাহার নালিশ, কাহার উপরে তাহার দাবী, কে তাহাকে সাহায্য করিতে আসিবে! যখন কেহই আসে না

তখন মেহময়ী বিশ্বধাত্রী নিদ্রা আসিয়া ধীরে ধীরে কোমল করস্পর্শে এই মাতৃহীন ব্যথিত বালকের অভিমান শান্ত করিয়া দেন ।

নীলকান্তের দৃঢ় ধারণা হইল সতীশ কিরণের কাছে তাহার নামে সর্বদাই লাগায় ; যে দিন কিরণ কোন কারণে গম্ভীর হইয়া থাকিতেন সে দিন নীলকান্ত মনে করিত, সতীশের চক্রান্তে কিরণ তাহারই উপর রাগ করিয়া আছেন ।

এখন হইতে নীলকান্ত এক মনে তীব্র আকাঙ্ক্ষার সঙ্গে সর্বদাই দেবতার নিকট প্রার্থনা করে, আর জন্মে আমি যেন সতীশ হই, এবং সতীশ যেন আমি হয়। সে জানিত ব্রাহ্মণের একান্তমনের অভিশাপ কখন নিফল হয় না, এই জন্ত সে মনে মনে সতীশকে ব্রহ্মতেজে দগ্ধ করিতে গিয়া নিজে দগ্ধ হইতে থাকিত, এবং উপরের তলা হইতে সতীশ ও তাহার নৌসাকুরাগীর উচ্ছ্বসিত উচ্চহাস্যমিশ্রিত পরিহাসকলরব শুনিতে পাঠিত ।

নীলকান্ত স্পষ্টতঃ সতীশের কোনরূপ শক্রতা করিতে সাহস করিত না, কিন্তু সুযোগমত তাহার ছোটখাট অসুবিধা ঘটাইয়া প্রীতিলাভ করিত । ঘাটের সোপানে সাবান রাখিয়া সতীশ যখন গঙ্গায় নামিয়া ডুব দিতে আরম্ভ করিত, তখন নীলকান্ত ফস্ করিয়া আসিয়া সাবান চুরি করিয়া লইত—সতীশ যথাকালে সাবানের সন্ধানে আসিয়া দেখিত সাবান নাই । একদিন নাহিতে নাহিতে হঠাৎ দেখিল তাহার বিশেষ সন্দের চিকণের কাজ করা জামাটি গঙ্গার জলে ভাসিয়া যাইতেছে, ডাবিল হাওয়ায় উড়িয়া গেছে, কিন্তু হাওয়াটা

কোন দিক্ হইতে বহিল তাহা কেহ জানে না ।

একদিন সতীশকে আমোদ দিবার জন্ত কিরণ নীলকান্তকে ডাকিয়া তাহাকে যাত্রার গান গাহিতে বলিলেন—নীলকান্ত নিরুত্তর হইয়া রহিল । কিরণ বিস্মিত হইয়া জিজ্ঞাসা করিলেন, তোর আবার কি হুসরে ? নীলকান্ত তাহার জবাব দিল না । কিরণ পুনশ্চ বলিলেন, সেই গানটা গা না !—সে আমি ভুলে গেছি বলিয়া নীলকান্ত চলিয়া গেল ।

অবশেষে কিরণের দেশে কিরিবার সময় হইল । সকলেই প্রস্তুত হইতে লাগিল ;—সতীশও সঙ্গে যাইবে । কিন্তু নীলকান্তকে কেহ কোন কথাই বলে না । সে সঙ্গে যাইবে কি থাকিবে সে প্রশ্নমাত্র কাহারও মনে উদয় হয় না ।

কিরণ নীলকান্তকে সঙ্গে লইবার প্রস্তাব করিলেন তাহাতে শ্বাশুড়ি স্বামী এবং দেবর সকলেই একবাক্যে আপত্তি করিয়া উঠিলেন, কিরণও তাহার সংকল্প ত্যাগ করিলেন । অবশেষে যাত্রার দুই দিন আগে ব্রাহ্মণ-বালককে ডাকিয়া কিরণ তাহাকে মেহময়ীকে স্বদেশে যাইতে উপদেশ করিলেন ।

সে উপরি উপরি কয় দিন অবহেলার পর মিষ্টবাক্য শুনিতে পাইয়া আর থাকিতে পারিল না, একেবারে কাঁদিয়া উঠিল । কিরণেরও চোখ ছল্ ছল্ করিয়া উঠিল ;—যাহাকে চিরকাল কাছে রাখা যাইবে না, তাহাকে কিছুদিন আদর দিয়া তাহার মায়া বসিতে দেওয়া ভাল হয় নাই বলিয়া কিরণের মনে বড় অনুতাপ উপস্থিত হইল ।

সতীশ কাছে উপস্থিত ছিল, সে অত-বড় ছেলের কান্না দেখিয়া ভারি বিরক্ত

হইয়া বলিয়া উঠিল—আরে মোলো ! কথা নাই বার্তা নাই, একেবারে কাঁদিয়াই অস্থির !—

কিরণ এই কঠোর উক্তির জন্ত সতীশকে ভৎসনা করিলেন ; সতীশ কহিল, তুমি বোঝ না বৌদিদি, তুমি সকলকেই বড় বেশী বিশ্বাস কর ; কোথাকার কে তাহার ঠিক নাই, এখানে আসিয়া দিব্য রাজার হালে আছে। আবার পুনর্মুখিক হইবার আশঙ্কায় আজ মায়া-কান্না জুড়িয়াছে—ও বেশ জানে যে ছ ফোঁটা চখের জল ফেলিলেই তুমি গলিয়া যাইবে।

নীলকান্ত তাড়াতাড়ি চলিয়া গেল ;—কিন্তু তাহার মনটা সতীশের কাল্পনিক মূর্তিকে ছুরি হইয়া কাটিতে লাগিল, ছুচ হইয়া বিধিতে লাগিল, আগুন হইয়া জ্বালাইতে লাগিল, কিন্তু প্রকৃত সতীশের গায়ে একটি চিহ্নমাত্র বসিল না, কেবল তাহারই মর্ম্মস্থল হইতে রক্তপাত হইতে লাগিল।

কলিকাতা হইতে সতীশ একটি সৌধীন দোয়াতদান কিনিয়া আনিয়াছিল, তাহাতে দুই পাশে দুই বিহুকের নোকার উপর দোয়াত বসান, এবং মাঝে একটা জর্মন রোপ্যের হাঁস উন্মুক্ত চঞ্চুপুটে কলম লইয়া পাখা মেলিয়া বসিয়া আছে, সেটির প্রতি সতীশের অত্যন্ত যত্ন ছিল ; প্রায় সে মাঝে মাঝে সিক্কের রুমাল দিয়া অতি সযত্নে সেটি ঝাড়পোঁচ করিত। কিরণ প্রায়ই পরিহাস করিয়া সেই রোপহংসের চঞ্চু-অগ্রভাগে অঙ্গুলির আঘাত করিয়া বলিতেন, ওরে রাজহংস, জন্মি দ্বিজবংশে এমন নৃশংস কেন হলি রে—এবং ইহাই উপসংহৃত করিয়া দেবরে তাঁহাকে হান্তকৌতুকের বাগযুদ্ধ চলিত।

স্বদেশযাত্রার আগের দিন সকাল-বেলায় সে জিনিষটা খুজিয়া পাওয়া গেল না। কিরণ হাসিয়া কহিলেন, ঠাকুরপো, তোমার রাজহংস তোমার দময়ন্তীর অশ্বেষণে উড়িয়াছে।

কিন্তু সতীশ অগ্নিশর্মা হইয়া উঠিল। নীলকান্তই যে সেটা ছুরি করিয়াছে সে বিষয়ে তাহার সন্দেহমাত্র রহিল না—গত-কল্যা সন্ধ্যার সময় তাহাকে সতীশের ঘরের কাছে ঘুর ঘুর করিতে দেখিয়াছে এমন সাক্ষীও পাওয়া গেল।

সতীশের সম্মুখে অপরাধী আনীত হইল। সেখানে কিরণও উপস্থিত ছিলেন। সতীশ একেবারেই তাহাকে বলিয়া উঠিলেন, তুই আমার দোয়াত ছুরি করে কোথায় রেখেছিল, এনে দে !

নীলকান্ত নানা অপরাধে এবং বিনা অপরাধেও শরতের কাছে অনেক মার খাইয়াছে, এবং বরাবর প্রফুল্লচিত্তে তাহা বহন করিয়াছে। কিন্তু কিরণের সম্মুখে যখন তাহার নামে দোয়াত ছুরির অপবাদ আসিল, তখন তাহার বড় বড় দুই চোখ আগুনের মত জ্বালাতে লাগিল ; তাহার বুকের কাছটা ফুলিয়া কণ্ঠের কাছে তেলিয়া উঠিল ; সতীশ আর একটা কথা বলিলেই সে তাহার দুই হাতের দশ নখ লইয়া জুরু বিড়ালশাবকের মত সতীশের উপর গিয়া পড়িত।

তখন কিরণ তাহাকে পাশের ঘরে ডাকিয়া লইয়া মুহুমিষ্টস্বরে বলিলেন—নীলু, যদি সেই দোয়াতটা নিয়ে থাকিস্ আমাকে আন্তে আন্তে দিয়ে যা, তোকে কেউ কিছু বলবে না !

নীলকান্তর চোখ কাটিয়া টস্ টস্

করিয়া জল পড়িতে লাগিল, অবশেষে সে মুখ ঢাকিয়া কাঁদিতে লাগিল ।

কিরণ বাহিরে আসিয়া বলিলেন, নীল-কাস্ত কখনই চুরি করে নি !

শরৎ এবং সতীশ উভয়েই বলিতে লাগিলেন, নিশ্চয়, নীলকাস্ত ছাড়া আর কেহই চুরি করেনি ।

কিরণ সবলে বলিলেন, কখনই না ।

শরৎ নীলকাস্তকে ডাকিয়া সওয়াল করিতে ইচ্ছা করিলেন, কিরণ বলিলেন, মা, উহাকে এই চুরি সম্বন্ধে কোন কথা জিজ্ঞাসা করিতে পারিবে না ।

সতীশ কহিলেন, উহার ঘর এবং বাক্স খুঁজিয়া দেখা উচিত ।

কিরণ বলিলেন, তাহা যদি কর, তাহা হইলে তোমার সঙ্গে আমার জন্মশোধ আড়ি হইবে । নির্দোষের প্রতি কোনরূপ সন্দেহ প্রকাশ করিতে পাইবে না ।

বলিতে বলিতে তাঁহার চোখের পাতা দুই ফোটা জলে ভিজিয়া উঠিল । তাহার পর সেই ছুটি করুণ চক্ষুর অশ্রুজলের দোহাই মানিয়া নীলকাস্তের প্রতি আর কোনরূপ হস্তক্ষেপ করা হইল না ।

নিরীহ আশ্রিত বালকের প্রতি এইরূপ অত্যাচারে কিরণের মনে অত্যন্ত দয়ার সঞ্চাৰ হইল । তিনি ভাল দুই যোড়া ফরাস-ডাক্তার খুঁটি চাদর, দুইটি জামা, এক যোড়া নূতন জুতা এবং একখানি দশ টাকার নোট লইয়া সন্ধ্যাবেলায় নীলকাস্তের ঘরের মধ্যে প্রবেশ করিলেন । তাঁহার ইচ্ছা ছিল, নীলকাস্তকে না বলিয়া সেই স্নেহ-উপহার-গুলি আন্তে আন্তে তাহার বাক্সর মধ্যে রাখিয়া আসিবে । টিনের বাক্সটিও তাঁহার দস্ত ।

আঁচল হইতে চাবির গোছা লইয়া নিঃশব্দে সেই বাক্স খুলিলেন । কিন্তু তাঁহার উপহারগুলি ধরাইতে পারিলেন না । বাক্সর মধ্যে লাঠাই, কঞ্চি, কাঁচা আম কাটিবার জন্ত ঘষা বিন্দুক, তাম্বা গ্লাসের তলা প্রভৃতি নানা জাতীয় পদার্থ স্তূপাকারে রক্ষিত ।

কিরণ ভাবিলেন, বাক্সটি ভাল করিয়া গুছাইয়া তাহার মধ্যে সকল জিনিষ ধরাইতে পারিবে না । সেই উদ্দেশ্যে বাক্সটি খালি করিতে লাগিলেন । প্রথমে লাঠাই লাঠিম চুরি ছড়ি প্রভৃতি বাহির হইতে লাগিল—তাহার পরে খান কয়েক ময়লা এবং কাচা কাপড় বাহির হইল, তাহার পরে সকলের নীচে হঠাৎ সতীশের সেই বহুযত্নের রাজহংসশোভিত দোয়াতদানটি বাহির হইয়া আসিল ।

কিরণ আশ্চর্য হইয়া আরস্তিমমুখে অনেকক্ষণ সেই হাতে করিয়া লইয়া ভাবিতে লাগিলেন ।

ইতিমধ্যে কখন নীলকাস্ত পশ্চাৎ হইতে ঘরে প্রবেশ করিল তিনি তাহা জানিতেও পারিলেন না । নীলকাস্ত সমস্তই দেখিল ; মনে করিল কিরণ স্বয়ং চোরের মত তাহার চুরি ধরিতে আসিয়াছেন, এবং তাহার চুরিও ধরা পড়িয়াছে । সে যে সামান্য চোরের মত লোভে পড়িয়া চুরি করে নাই, সে যে কেবল প্রতিহিংসাসাধনের জন্ত এ কাজ করিয়াছে, সে যে ঐ জিনিষটা গন্ধার জলে ফেলিয়া দিবে বলিয়াই ঠিক করিয়াছিল, কেবল এক মুহূর্তের দুর্বলতা-বশতঃ ফেলিয়া না দিয়া নিজের বাক্সর মধ্যে পুরিয়াছে, সে সকল কথা সে কেমন করিয়া বুঝাইবে ! সে চোর নয়, সে চোর নয় ।

তবে সে কি? কেমন করিয়া বলিবে সে কি! সে চুরি করিয়াছে, কিন্তু সে চোর নহে; কিরণ যে তাহাকে চোর বলিয়া সন্দেহ করিয়াছেন এ নিষ্ঠুর অত্যায়ে সে কিছুতেই বুঝাইতেও পারিবে না, বহন করিতেও পারিবে না।

কিরণ একটি দীর্ঘনিশ্বাস ফেলিয়া সেই দোয়াতদানটা বাস্তব ভিতরে রাখিলেন। চোরের মত তাহার উপরে ময়না কাপড় চাপা দিলেন, তাহার উপর বাগকের লাঠাই লাঠি লাঠিম কিছুক কাঁচের টুকরা প্রভৃতি সমস্তই রাখিলেন, এবং সর্বোপরি তাঁহার উপহারগুলি ও দশ টাকার নোটটি সাজাইয়া রাখিলেন।

কিন্তু পরের দিন সেই ব্রাহ্মণ-বালকের কোন উদ্দেশ পাওয়া গেল না। গ্রামের লোকেরা বলিল, তাহাকে দেখে নাই; পুলিশ বলিল তাহার সন্ধান পাওয়া যাইতেছে না। তখন শরৎ বলিল, এইবার নীলকণ্ঠের বাস্তবটা পরীক্ষা করিয়া দেখা যাক।

কিরণ জেদ করিয়া বলিলেন, সে কিছুতেই হইবে না।

বলিয়া বাস্তবট আপন ঘরে আনাইয়া দোয়াতদানটি বাহির করিয়া গোপনে গঙ্গার জলে ফেলিয়া আসিলেন।

শরৎ সপরিবারে দেশে চলিয়া গেলেন; বাগান একদিনে শূন্য হইয়া গেল; কেবল নীলকান্তের সেই পোষা গ্রাম্য কুকুরটা আহার ত্যাগ করিয়া নদীর ধারে ধারে ঘুরিয়া ঘুরিয়া খুজিয়া খুজিয়া কাঁদিয়া কাঁদিয়া বেড়াইতে লাগিল।



প্রথম পরিচ্ছেদ।

পল্লীবাসিনী কোন এক হতভাগিনীর অত্যাচারকারী অত্যাচারী স্বামীর দ্রুষ্টি সকল সবিস্তারে বর্ণন পূৰ্ণক প্রতিবেশিনী তারা অত্যন্ত সংক্ষেপে নিজের রায় প্রকাশ করিয়া কহিল এমন স্বামীর মুখে আশুন।

শুনিয়া জয়গোপাল বাবুর স্ত্রী শশি অত্যন্ত পীড়া অনুভব করিলেন;—স্বামী-জাতির মুখে চুরটের আশুন ছাড়া অশু কোন প্রকার আশুন কোন অবস্থাতেই কামনা করা স্ত্রী-জাতিকে শোভা পায় না।

অতএব এ সম্বন্ধে তিনি কিঞ্চিৎ সঙ্কোচ প্রকাশ করিতে কঠিন-হৃদয় তারা দ্বিগুণ উৎসাহের সহিত কহিল এমন স্বামী থাকার চেয়ে সাতজন্ম বিধবা হওয়া ভাল। এই বলিয়া সে সভাভঙ্গ করিয়া চলিয়া গেল।

শশি মনে মনে কহিল, স্বামীর এমন কোন অপরাধ কল্পনা করিতে পারি না, যাহাতে তাঁহার প্রতি মনের ভাব এত কঠিন হইয়া উঠিতে পারে। এই কথা মনের মধ্যে আলোচনা করিতে করিতেই তাহার কোমল হৃদয়ের সমস্ত প্রীতিরস তাহার প্রবাসী স্বামীর অভিমুখে উচ্ছ্বসিত হইয়া উঠিল; শয্যাতে তাহার স্বামী যে অংশে শয়ন করিত সেই অংশের উপর বাছ প্রসারণ করিয়া পড়িয়া শূন্য বালিশকে চুষন করিল, বালিশের মধ্যে স্বামীর মাথার আশ্রয় অনুভব করিল এবং দ্বার রুদ্ধ করিয়া কাঁচের

বাক্স হইতে স্বামীর একখানি বহুকালের লুপ্তপ্রায় ফটোগ্রাফ এবং হাতের লেখা চিঠিগুলি বাহির করিয়া বসিল। সেদিনকার নিস্তরু মধ্যাহ্ন এইরূপে নিভৃত কক্ষে, নিৰ্জন চিন্তায়, পুরাতন স্মৃতিতে এবং বিষাদের অশ্রুজলে কাটিয়া গেল।

শশিকলা এবং জয়গোপালের যে নব-দাম্পত্য গাথা নহে। বালাকালে বিবাহ হইয়াছিল, ইতিমধ্যে সন্তানাদিও হইয়াছে। উভয়ে বহুকাল একই অবস্থান করিয়া নিতান্ত সহজ সাধারণ ভাবেই দিন কাটিয়াছে; কোন পক্ষেই অপরিসীম প্রেমোচ্ছ্বাসের কোন লক্ষণ দেখা যায় নাই। প্রায় ষোড়শ বৎসর একাদিক্রমে অবিচ্ছেদে যাপন করিয়া হঠাৎ কৰ্মবশে তাহার স্বামী বিদেশে চলিয়া যাওয়ার পর শশির মনে একটা প্রবল প্রেমাবেগ জাগ্রত হইয়া উঠিল। বিরহের দ্বারা বন্ধনে যতই টান পড়িল কোমল অন্তরে প্রেমের ফাশ ততই শক্ত করিয়া আঁটিয়া ধরিল; টিলা অবস্থায় যাহার অস্তিত্ব অনুভব করিতে পারে নাই এখন তাহার বেদনা টনটন করিতে লাগিল।

তাই আজ এতদিন পরে এত বয়সে ছেলের মা হইয়া শশি বসন্তমধ্যাহ্নে নিৰ্জন ঘরে বিরহশয্যায় উন্মেষিতযৌবনা নব-বধূর স্বপ্নস্বপ্ন দেখিতে লাগিল। যে প্রেম অজ্ঞাতভাবে জীবনের সম্মুখ দিয়া প্রবাহিত হইয়া গিয়াছে, সহসা আজ তাহারই কলগীতিশব্দে জাগ্রত হইয়া মনে মনে তাহারই উজান বাহিয়া দুই তীরে বহু দূরে অনেক সোণার পুরী অনেক কুঞ্জবন দেখিতে লাগিল;—কিন্তু সেই অতীত সুখসম্ভাবনার মধ্যে এখন আর পদার্পণ করিবার স্থান নাই। মনে করিতে লাগিল

এইবার যখন স্বামীকে নিকটে পাইব, তখন জীবনকে নীরস এবং বসন্তকে নিষ্ফল হইতে দিব না। কতদিন কতবার তুচ্ছতর্কে সামান্য কনহে স্বামীর প্রতি সে উপদ্রব করিয়াছে আজ অল্পতপ্তচিত্তে একান্ত মনে সঙ্কল্প করিল আর কখনই সে অসহিষ্ণুতা প্রকাশ করিবে না, স্বামীর ইচ্ছায় বাধা দিবে না, স্বামীর আদেশ পালন করিবে, স্ত্রীত্বপূর্ণ নয়নদয়ে নীরবে স্বামীর ভালমন্দ সমস্ত আচরণ সহ্য করিবে; কারণ, স্বামী সর্বস্ব, স্বামী প্রিয়তম, স্বামী দেবতা।

অনেকদিন পর্যন্ত শশিকলা তাহার পিতামাতার একমাত্র আদরের কথা ছিল। সেই জন্ত, জয়গোপাল যদিও সামান্য চাকরি করিত, তবু ভবিষ্যতের জন্ত তাহার কিছুমাত্র ভাবনা ছিল না। পল্লীগ্রামে রাজভোগে থাকিবার পক্ষে তাহার স্বপ্নেরে যথেষ্ট সম্পত্তি ছিল।

এমন সময় নিতান্ত অকালে তাহার বৃদ্ধ-বয়সে শশিকলার পিতা কালীপ্রসাদে একটি পুত্রসন্তান জন্মিল। সত্য কথা বলিতে কি, পিতামাতার এইরূপ অনপেক্ষিত অননুভূত অত্যাচারে শশি মনে মনে অত্যন্ত ক্ষুব্ধ হইয়াছিল; জয়গোপালও সবিশেষ প্রীতিলাভ করে নাই।

অধিক বয়সের ছেলোটর প্রতি পিতামাতার মেহ অত্যন্ত ঘনীভূত হইয়া উঠিল। এই নবাগত, ক্ষুদ্রকায়, স্তম্ভপিপাসু, নিদ্রাতুর শালকটি অজ্ঞাতসারে দুই দুর্বল হস্তের অতি ক্ষুদ্র বন্ধমুষ্টির মধ্যে জয়গোপালের সমস্ত আশা ভরসা যখন অপহরণ করিয়া বসিল, তখন সে আসামের চা-বাগানে এক চাকরি লইল।

নিকটবর্তী স্থানে চাকরির সন্ধান করিতে

সকলেই তাহাকে পীড়াপীড়ি করিয়াছিল— কিন্তু সর্বসাধারণের উপর রাগ করিয়াই হ'উক, অথবা চা-নাগানে দ্রুত বাড়িয়া উঠিবার কোন উপায় জানিয়াই হ'উক, জয়গোপাল কাহারও কথায় কর্ণপাত করিল না ; শশিকে সন্তানসহ তাহার বাপের বাড়ি রাখিয়া সে আসামে চলিয়া গেল। বিবাহিত জীবনে স্বামী স্ত্রীর এই প্রথম বিচ্ছেদ।

এই ঘটনায় শিশু ভ্রাতাটির প্রতি শশিকলার ভারি রাগ হইল। যে মনের আক্ষেপ মুখ ফুটিয়া বলিবার বো নাই, তাহারই আক্রোশটা সব চেয়ে বেশী হয়। ক্ষুদ্র ব্যক্তিটি আরামে স্তম্ভপান করিতে ও চক্ষু মুদ্রিয়া নিদ্রা দিতে লাগিল এবং তাহার বড় ভগিনীটি দুধ গরম, ভাত ঠাণ্ডা, ছেলের ইস্কুলে যাওয়ার দেরি প্রভৃতি নানা উপলক্ষে নিশিদিন মান অভিমান করিয়া অস্থির হইল এবং অস্থির করিয়া তুলিল।

অল্পদিনের মধ্যেই ছেলেটির মার মৃত্যু হইল; মরিবার পূর্বে জননী তাহার কন্ঠার হাতে শিশুপুত্রটিকে সমর্পণ করিয়া দিয়া গেলেন।

তখন অনতিবিলম্বেই সেই মাতৃহীন ছেলেট অনায়াসেই তাহার দিদির হৃদয় অধিকার করিয়া লইল। হৃৎকার শব্দ পূর্বক সে যখন তাঁহার উপর ঝাপাইয়া পড়িয়া পরম আগ্রহের সহিত দস্তহীন ক্ষুদ্র মুখের মধ্যে তাঁহার মুখ চক্ষু নাসিকা সমস্তটা গ্রাস করিবার চেষ্টা করিত, ক্ষুদ্র মুষ্টির মধ্যে তাঁহার কেশগুচ্ছ লইয়া কিছুতেই দখল ছাড়িতে চাহিত না, স্বর্ঘ্যোদয় হইবার পূর্বেই জাগিয়া উঠিয়া গড়াইয়া তাঁহার গায়ের কাছে আসিয়া কোমল স্পর্শে তাঁহাকে পুলকিত

করিয়া মহাকলরব আরম্ভ করিয়া দিত ; যখন ক্রমে সে তাঁহাকে জিজ্রি এবং জিজ্রিমা বলিয়া ডাকিতে লাগিল এবং কাজকর্ম ও অবসরের সময় নিবিদ্ধ কার্য করিয়া, নিবিদ্ধ খাওয়া পাইয়া, নিবিদ্ধ স্থানে গমনপূর্বক তাঁহার প্রতি বিধিমত উপদ্রব আরম্ভ করিয়া দিল, তখন শশি আর থাকিতে পারিলেন না। এই স্নেহাচারী ক্ষুদ্র অত্যাচারীর নিকটে সম্পূর্ণরূপে আত্মসমর্পণ করিয়া দিলেন। ছেলেটির মা ছিল না বলিয়া তাহার প্রতি তাঁহার আদিপিতা চের বেশী হইল।

দ্বিতীয় পরিচ্ছেদ ।

—:~:—

ছেলেটির নাম হইল নীলমণি। তাহার বয়স যখন দুই বৎসর তখন তাহার পিতার কঠিন পীড়া হইল। অতি শীঘ্র চলিয়া আসিবার জন্ত জয়গোপালের নিকট পত্র গেল। জয়গোপাল যখন বহু চেষ্টায় ছুটি লইয়া আসিয়া পৌঁছিল তখন কালীপ্রসন্নের মৃত্যু কাল উপস্থিত।

মৃত্যুর পূর্বে কালীপ্রসন্ন, নাবালক ছেলেটির তত্ত্বাবধানের ভার জয়গোপালের প্রতি অর্পণ করিয়া তাঁহার বিষয়ের সিকি অংশ কন্ঠার নামে লিখিয়া দিলেন।

সুতরাং বিষয়-রক্ষার জন্ত জয়গোপালকে কাজ ছাড়িয়া দিয়া চলিয়া আসিতে হইল।

অনেক দিনের পরে স্বামীস্ত্রীর পুনর্মিলন হইল। একটা জড়পদার্থ ভাঙ্গিয়া গেলে আবার ঠিক তাহার খাঁজে খাঁজে মিলাইয়া দেওয়া যায়। কিন্তু দুটি মানুষকে যেখানে

[বিচ্ছিন্ন করা হয়, দীর্ঘ বিচ্ছেদের পরে আর ঠিক সেখানে রেখায় রেখায় মেলে না ;— কারণ, মন জিনিষটা সজীব পদার্থ ; নিমেষে নিমেষে তাহার পবিণতি এবং পরিবর্তন ।

শশির পক্ষে এই নূতন মিলনে নূতন ভাবের সঞ্চায় হইল । সে যেন তাহার স্বামীকে ফিরিয়া বিবাহ করিল । পুরাতন দাম্পত্যের মধ্যে চিরাভ্যাসবশতঃ যে এক অসাড়া জন্মিয়া গিয়াছিল, বিরহের আকর্ষণে তাহা অপমৃত হইয়া সে তাহার স্বামীকে যেন পূর্বাপেক্ষা সম্পূর্ণতর ভাবে প্রাপ্ত হইল,—মনে মনে প্রতিজ্ঞা করিল, যেমন দিনই আসুক, যতদিনই যাক, স্বামীর প্রতি এই দীপ্ত প্রেমের উজ্জলতাকে কখনই ম্লান হইতে দিব না ।

নূতন মিলনে জয়গোপালের মনের অবস্থাটা অন্তরূপ । পূর্বে যখন উভয়ে অবিচ্ছেদে একত্র ছিল যখন স্ত্রীর সহিত তাহার সমস্ত স্বার্থের এবং বিচিত্র অভ্যাসের ঐক্যবন্ধন ছিল, স্ত্রী তখন জীবনের একটি নিত্য সত্য হইয়াছিল,—তাহাকে বাদ দিতে গেলে দৈনিক অভ্যাসজালের মধ্যে সহসা অনেকখানি ফাঁক পড়িত । এই জন্ত বিদেশে গিয়া জয়গোপাল প্রথম প্রথম অগাধ জ্বলের মধ্যে পড়িয়াছিল । কিন্তু ক্রমে তাহার সেই অভ্যাস-বিচ্ছেদের মধ্যে নূতন অভ্যাসের তালি লাগিয়া গেল ।

কেবল তাহাই নহে । পূর্বে নিতান্ত নিশ্চেষ্ট নিশ্চিন্তভাবে তাহার দিন কাটিয়া যাইত । মাঝে দুই বৎসর, অবস্থা-উন্নতি-চেষ্টা তাহার মনে এমন প্রবলভাবে জাগিয়া উঠিয়াছিল যে, তাহার মনের সম্মুখে আর কিছুই ছিল না । এই নূতন নেশার তীব্রতার তুলনায় তাহার পূর্বজীবন বস্তুহীন

ছায়ার মত দেখাইতে লাগিল । স্ত্রীলোকের প্রকৃতিতে প্রধান পরিবর্তন ঘটায় প্রেম, এবং পুরুষের ঘটায় দুশ্চেষ্টা ।

জয়গোপাল দুই বৎসর পরে আসিয়া অধিকল তাহার পূর্ব স্ত্রীটিকে ফিরিয়া পাইল না । তাহার স্ত্রীর জীবনে শিশু শ্রালকটি একটা নূতন পরিসর বৃদ্ধি করিয়াছে । এই অংশটি তাহার পক্ষে সম্পূর্ণ অপরিচিত,— এই অংশে স্ত্রীর সহিত তাহার কোন যোগ নাই । স্ত্রী তাহাকে আপনার এই শিশু-স্নেহের ভাগ দিবার অনেক চেষ্টা করিত— কিন্তু ঠিক কৃতকার্য হইত কি না, বলিতে পারি না ।

শশি নীলমণিকে কোলে করিয়া আনিয়া হাত্মমুখে তাহার স্বামীর সম্মুখে ধরিত— নীলমণি প্রাণপণে শশির গলা জড়াইয়া ধরিয়া তাহার কাঁধে মুখ লুকাইত, কোন প্রকার কুটুপিতার খাতির মানিত না । শশির ইচ্ছা, তাহার এই ক্ষুদ্র ভাতাটির যত প্রকার মন ভুলাইবার বিঘা আয়ত্ত আছে, সবগুলি জয়গোপালের নিকট প্রকাশ হয় ; কিন্তু জয়গোপালও সে জন্ত বিশেষ আগ্রহ অনুভব করিত না এবং শিশুটিও বিশেষ উৎসাহ দেখাইত না । জয়গোপাল কিছুতেই বৃদ্ধিতে পারিত না এই কৃশকায় বৃহৎ-মস্তক গস্তীরমুখ শ্রামবর্ণ ছেলেটার মধ্যে এমন কি আছে যে জন্ত তাহার প্রতি এতটা স্নেহের অপব্যয় করা হইতেছে ।

ভালবাসার ভাবগতিক মেয়েরা খুব চট্ করিয়া বোঝে । শশি অবিলম্বেই বৃদ্ধিল জয়গোপাল নীলমণির প্রতি বিশেষ অনুরক্ত নহে । তখন ভাইটিকে সে বিশেষ সাবধানে আড়াল করিয়া রাখিত—স্বামীর স্নেহহীন বিরাগদৃষ্টি হইতে তাহাকে তফাতে রাখিতে

চেষ্টা করিত। এইরূপে ছেলেটি তাহার গোপন যত্নের ধন, তাহার একলার স্নেহের সামগ্রী হইয়া উঠিল। সকলেই জানেন, স্নেহ যত গোপনের, যত নিৰ্জ্জনের হয়, ততই প্রবল হইতে থাকে।

নীলমণি কান্দিলে জয়গোপাল অত্যন্ত বিরক্ত হইয়া উঠিত—এই জন্ত শশি শ্রীহাকে তাড়াতাড়ি বুকের মধ্যে চাপিয়া সমস্ত প্রাণ দিয়া তাহার কান্না ধামাইবার চেষ্টা করিত; —বিশেষতঃ নীলমণির কান্নায় যদি রাত্রে তাহার স্বামীর ঘুমের ব্যাঘাত হইত, এবং স্বামী এই ক্রন্দনপরায়ণ ছেলেটার প্রতি অত্যন্ত হিংস্রভাবে ঘৃণা প্রকাশ পূর্বক জর্জর-চিত্তে গর্জন করিয়া উঠিত তখন শশি যেন অপরাধিনীর মত সঙ্কুচিত শব্দব্যস্ত হইয়া পড়িত, তৎক্ষণাৎ তাহাকে কোলে করিয়া দূরে লইয়া গিয়া একান্ত সান্নিধ্য স্নেহের স্বরে সোণা আমার, ধন আমার, মাণিক আমার বলিয়া ঘুম পাড়াইতে থাকিত।

ছেলেতে ছেলেতে নানা উপলক্ষে ঝগড়া বিবাদ হইয়াই থাকে। পূর্বে একপ স্থলে শশি নিজের ছেলেদের দণ্ড দিয়া ভাইয়ের পক্ষ অবলম্বন করিত, কারণ, তাহার মা ছিল না। এখন বিচারকের সঙ্গে সঙ্গে দণ্ডবিধির পরিবর্তন হইল। এখন সর্বদাই নিরপরাধে এবং অবিচারে নীলমণিকে কঠিন দণ্ড ভোগ করিতে হইত। সেই অগ্রায় শশির বক্ষে শেলের মত বাজিত; তাই সে দণ্ডিত ভ্রাতাকে ঘরে লইয়া গিয়া তাহাকে মিষ্ট দিয়া খেলনা দিয়া আদর করিয়া চুমো পাইয়া শিশুর আহত হৃদয়ে যথাসাধ্য সান্ধনা বিধান করিবার চেষ্টা করিত।

ফলতঃ দেখা গেল, শশি নীলমণিকে যতই ভালবাসে জয়গোপাল নীলমণির প্রতি

ততই বিরক্ত হয়; আবার জয়গোপাল নীলমণির প্রতি যতই বিরাগ প্রকাশ করে, শশি তাহাকে ততই স্নেহস্বায় অভিযুক্ত করিয়া দিতে থাকে।

জয়গোপাল লোকটা কখনও তাহার স্বীর প্রতি কোনরূপ কঠোর ব্যবহার করে না এবং শশি নীলমণি নম্রভাবে প্রীতির সহিত তাহার স্বামীর সেবা করিয়া থাকে, কেবল এই নীলমণিকে লইয়া ভিতরে ভিতরে উভয়ে উভয়কে অহরহঃ আঘাত দিতে লাগিল।

এইরূপ নীরব দ্বন্দ্বের গোপন আঘাত প্রতিঘাত প্রকাশ্য বিবাদের অপেক্ষা ঢের বেশী দুঃসহ।

তৃতীয় পরিচ্ছেদ ।

—:~:—

নীলমণির সমস্ত শরীরের মধ্যে মাথা-টাই সর্বপ্রধান ছিল। দেখিলে মনে হইত নিদাতা যেন একটা সরু কাঠির মধ্যে ফুঁ দিয়া তাহার ডগার উপরে একটা বড় বুদ্ধ ফুটা-ইয়া তুলিয়াছেন। ডাক্তাররাও মাঝে মাঝে আশঙ্কা প্রকাশ করিত ছেলেটি এইরূপ বুদ্ধদের মতই ক্ষণভঙ্গুর ক্ষণস্থায়ী হইবে। অনেক দিন পর্য্যন্ত সে কথা কহিতে এবং চলিতে শেধে নাই। তাহার বিষম গস্তীর মুখ দেখিয়া বোধ হইত, তাহার পিতামাতা তাঁহাদের অধিক বয়সের সমস্ত চিন্তাভাব এই ক্ষুদ্র শিশুর মাথার উপরে চাপাইয়া দিয়া গেছেন।

দিদির যত্নে ও সেবায় নীলমণি তাহার বিপদের কাল উত্তীর্ণ হইয়া ছয় বৎসরে পা দিল।

কার্তিকমাসে ভাইকোটার দিনে নূতন জামা, চাদর এবং একখানি লালপেড়ে ধূতি পরাইয়া বাবু সাজাইয়া নীলমণিকে শশি ভাইকোটা দিতেছেন এমন সময়ে পুরোঁক স্পষ্টভাষিনী প্রতিবেশিনী তারা আসিয়া কথায় কথায় শশির দারত অগড়া বাধাইয়া দিল।

সে কহিল, গোপনে ভাইয়ের সর্কনাশ করিয়া ঘটা করিয়া ভাইয়ের কপালে ফৌটা দিবার কোন ফল নাই।

শুনিয়া শশি বিষয়ে ক্রোধে বেদনায় বজ্রাহত হইল। অবশেষে শুনিতে পাইল, তাহারা স্বামী স্ত্রীতে পরামর্শ করিয়া নাবালক নীলমণির সম্পত্তি খাজনার দায়ে নিলাম করাইয়া তাহার স্বামীর পিস্তুতো ভাইয়ের নামে বেনামী করিয়া কিনিতেছে।

শুনিয়া শশি অভিশাপ দিল, যাহারা এতবড় মিথ্যা কথা রটনা করিতে পারে তাহাদের মুখে কুষ্ঠ হউক।

এই বলিয়া সরোদনে স্বামীর নিকট উপস্থিত হইয়া জনশ্রুতির কথা তাহাকে জানাইল।

জয়গোপাল কহিল আজকালকার দিনে কাহাকেও বিশ্বাস করিবার যো নাই। উপেন আমার আপন পিস্তুতো ভাই, তাহার উপরে বিষয়ের ভার দিয়া আমি সম্পূর্ণ নিশ্চিন্ত ছিলাম—সে কখন গোপনে খাজনা বাকী ফেলিয়া মহল হাসিলপুর নিজে কিনিয়া লইয়াছে আমি জানিতেও পারি নাই।

শশি আশ্চর্য হইয়া জিজ্ঞাসা করিল, নালিশ করিবে না?

জয়গোপাল কহিল, ভাইয়ের নামে নালিশ করি কি করিয়া? এবং নালিশ

করিয়াও ত কোন ফল নাই, কেবল অর্থ নষ্ট।

স্বামীর কথা বিশ্বাস করা শশির পরম কর্তব্য, কিন্তু কিছুতেই বিশ্বাস করিতে পারিল না। তখন এই স্থানের সংসার এই প্রেমের গার্হস্থ্য সহসা তাহার নিকট অত্যন্ত বিকট বীভৎস আকার ধারণ করিয়া দেখা দিল।

যে সংসারকে আপনার পরম আশ্রয় বলিয়া মনে হইত—হঠাৎ দেখিল সে একটা নিষ্ঠুর স্বার্থের ফাঁদ—তাহাদের ছুটি ভাইবোনকে চারিদিক হইতে ঘিরিয়া ধরিয়াছে। সে একা স্ত্রীলোক, অসহায় নীলমণিকে কেমন করিয়া রক্ষা করিবে ভাবিয়া কুল কিনারা পাইল না। যতই চিন্তা করিতে লাগিল, ততই ভয়ে এবং স্তূণায় এবং বপন্ন বালক ভ্রাতাটির প্রতি অপরিসীম স্নেহে তাহার হৃদয় পরিপূর্ণ হইয়া উঠিল। তাহার মনে হইতে লাগিল সে যদি উপায় জানিত তবে লাট সাহেবের নিকট নিবেদন করিয়া, এমন কি, মহারাণীর নিকট পত্র লিখিয়া তাহার ভাইয়ের সম্পত্তি রক্ষা করিতে পারিত। মহারাণী কখনই নীলমণির বাষিক সাত শ আটাল টাকার মুনফার হাসিলপুর মহল বিক্রয় হইতে দিতেন না।

এইরূপে শশি ষাট একেবারে মহারাণীর নিকট দরবার করিয়া তাহার পিস্তুতো দেবরকে সম্পূর্ণ জ্বল করিয়া দিবার উপায়চিন্তা করিতেছে তখন হঠাৎ নীলমণির জ্বর আসিয়া আক্ষেপসহকারে মূর্ছা হইতে লাগিল।

জয়গোপাল এক গ্রাম্য নেটেড ডাক্তারকে ডাকিল। শশি ভাল ডাক্তারের জন্ত অনুরোধ করাতে জয়গোপাল বলিল, কেন মতিলাল মন্দ ডাক্তার কি!

শশি তখন তাঁহার পায়ে পড়িল, মাথার দিব্য দিল ; জয়গোপাল বলিল, অচ্ছা সহর হইতে ডাক্তার ডাকিতে পাঠাইতেছি।

শশি নীলমণিকে কোলে করিয়া বৃকে করিয়া পড়িয়া রহিল। নীলমণিও তাহাকে এক দণ্ড চোখের আড়াল হইতে দেয় না ; পাছে ঝাঁকি দিয়া পালায় এই ভয়ে তাহাকে জড়াইয়া থাকে ; এমন কি, ঘুমাইয়া পড়িলেও আঁচলটি ছাড়ে না।

সমস্ত দিন এমনি ভাবে কাটিলে সন্ধ্যার পর জয়গোপাল আসিয়া বলিল—সহরে ডাক্তার বাবুকে পাওয়া গেল না, তিনি দূরে কোথায় রোগী দেখিতে গিয়াছেন। ইহাও বলিল, মকদ্দমা উপলক্ষে আমাকে আজই অস্ত্র যাইতে হইতেছে ; আমি মতিলালকে বলিয়া গেলাম সে নিয়মিত আসিয়া রোগী দেখিয়া যাইবে।

রাত্রে নীলমণি ঘুমের ঘোরে প্রলাপ বকিল। প্রাতঃকালেই শশি কিছুমাত্র বিচার না করিয়া রোগী ভ্রাতাকে লইয়া নোকা চড়িয়া একবারে সহরে গিয়া ডাক্তারের বাড়ি উপস্থিত হইল। ডাক্তার বাড়িতে আছেন—সহর ছাড়িয়া কোথাও যান নাই। ভদ্রস্রীলোক দেখিয়া তিনি তাড়াতাড়ি বাসা ঠিক করিয়া একটি প্রাচীনা বিধবার তস্কাবধানে শশিকে প্রতিষ্ঠিত করিয়া দিলেন এবং ছেলেটির চিকিৎসা আরম্ভ করিলেন।

পরদিনই জয়গোপাল আসিয়া উপস্থিত। ক্রোধে অগ্নিমূর্ত্তি হইয়া স্রীকে তৎক্ষণাৎ তাহার সহিত ফিরিতে অনুমতি করিল।

স্রী কহিল, আমাকে যদি কাটিয়া ফেল তবু আমি এখন ফিরিব না। তোমরা

আমার নীলমণিকে মারিয়া ফেলিতে চাও—উহার মা নাই, বাপ নাই, আমি ছাড়া উহার আর কেহই নাই—আমি উহাকে রক্ষা করিব।

জয়গোপাল রাগিয়া কহিল, তবে এই খানেই থাক, তুমি আর আমার ঘরে ফিরিয়ে না।

শশি তখন প্রদীপ্ত হইয়া উঠিয়া কহিল ঘর তোমার কি ! আমার ভাইয়েরই ত ঘর।

জয়গোপাল কহিল—অচ্ছা সে দেখা যাইবে !

পাড়ার লোকে এই ঘটনার কিছুদিন খুব আন্দোলন করিতে লাগিল। প্রতিবেশিনী তারা কহিল, স্বামীর সঙ্গে ঝগড়া করিতে হয় ঘরে বসিয়া কর না বাপু। ঘর ছাড়িয়া যাইবার আবশ্যক কি ! হাজার হোক স্বামী ত বটে।

সঙ্গে যাহা টাকা ছিল সমস্ত খরচ করিয়া গহনাপত্র বেচিয়া শশি তাহার ভাইকে মৃত্যুমুখ হইতে রক্ষা করিল। তখন সে খবর পাইল, দ্বারগ্রামে তাহাদের যে বড় জোৎ ছিল, যে জোতের উপরে তাহাদের বাড়ি, নানা রূপে যাহার আয় প্রায় বার্ষিক দেড় হাজার টাকা হইবে সেই জোৎটি জমিদারের সহিত যোগ করিয়া জয়গোপাল নিজের নামে খরিজ করিয়া লইয়াছে। এখন বিষয়টি সমস্তই তাহাদের—তাহার ভাইয়ের নহে।

ব্যামো হইতে সারিয়া উঠিয়া নীলমণি করুণস্বরে বলিতে লাগিল, দিদি, বাড়ি চল। সেখানে তাহার সঙ্গী ভাগিনেয়দের জন্ত তাহার মন-কেমন করিতেছে। তাই বারংবার বলিল, দিদি আমাদের সেই ঘরে চল

না, দিদি! শুনিয়া দিদি কাঁদিতে লাগিল।
আমাদের ঘর আর কোথায়!

কিন্তু কেবল কাঁদিয়া কোন ফল নাই—
তখন পৃথিবীতে দ্বাদ ছাড়া তাহার ভাইয়ের
আর কেহ ছিল না। ইহা ভাবিয়া চোখের
জল মুছিয়া শশি ডেপুটী ম্যাজিষ্ট্রেট্‌ তারিণী
বাবুর অন্তঃপুরে গিয়া তাঁহার স্ত্রীকে ধরিল।

ডেপুটী বাবু জয়গোপালকে চিনিতেন।
ভদ্রঘরের স্ত্রী ঘরের বাহির হইয়া বিষয়
সম্পত্তি লইয়া স্বামীর সহিত বিবাদে প্রবৃত্ত
হইতে চাহে ইহাতে শশির প্রতি তিনি
বিশেষ বিরক্ত হইলেন। তাহাকে ভূলা-
ইয়া রাখিয়া তৎক্ষণাৎ জয়গোপালকে পত্র
লিখিলেন। জয়গোপাল শ্রীলকসহ তাহার
স্ত্রীকে বলপূর্বক নোকায় তুলিয়া বাড়ি লইয়া
গিয়া উপস্থিত করিল।

স্বামী স্ত্রীতে, দ্বিতীয় বিচ্ছেদের পর,
পুনশ্চ এই দ্বিতীয় বার মিলন হইল! প্রজা-
পতির নির্মূল্য!

অনেক দিন পরে ঘরে ফিরিয়া পুরাতন
সহচরদিগকে পাইয়া নীলমণি বড় আনন্দে
খেলিয়া বেড়াইতে লাগিল। তাহার সেই
নিশ্চিন্ত আনন্দ দেখিয়া অন্তরে অন্তরে
শশির হৃদয় বিদীর্ণ হইল।

চতুর্থ পরিচ্ছেদ ।

—:~:—

শীতকালে ম্যাজিষ্ট্রেট্‌ সাহেব মফঃস্বল
পর্যবেক্ষণে বাহির হইয়া শীকার সন্ধান
গ্রামের মধ্যে তাঁবু ফোলয়াছেন। গ্রামের
পথে সাহেবের সঙ্গে নীলমণির সাক্ষাৎ হয়।
অন্ত বালকেরা তাঁহাকে দেখিয়া চাণক্য

শ্লোকের কিঞ্চিৎ পরিবর্তন পূর্বক নথী দস্তী
শৃঙ্গী প্রভৃতির সহিত সাহেবকেও যোগ
করিয়া যথেষ্ট দূরে সরিয়া গেল। কিন্তু
সুগম্ভীর প্রকৃতি নীলমণি অটল কৌতূহলের
সহিত প্রশাস্তভাবে সাহেবকে নিরীক্ষণ
করিয়া দেখিতে লাগিল।

সাহেব সকৌতুকে কাছে আসিয়া
তাহাকে জিজ্ঞাসা করিলেন—তুমি পাঠ-
শালায় পড়?—

বালক নীরবে মাথা নাড়িয়া জানাইল,
হঁ।

সাহেব জিজ্ঞাসা করিলেন—তুমি কোন
পুস্তক পড়িয়া থাক?—

নীলমণি পুস্তক শব্দের অর্থ না বুঝিয়া
নিশ্চলভাবে ম্যাজিষ্ট্রেটের মুখের দিকে
চাহিয়া রহিল।

ম্যাজিষ্ট্রের সাহেবের সহিত এই পরি-
চয়ের কথা নীলমণি অত্যন্ত উৎসাহের
সহিত তাহার দিদির নিকট বর্ণনা করিল।

মধ্যাহ্নে চাপকান প্যান্টু লুন পাগড়ি
পরিয়া জয়গোপাল ম্যাজিষ্ট্রেট্‌কে সেলাম
করিতে গিয়াছে। অর্থাৎ প্রত্যর্থা চাপরাশী
কনষ্টেবলে চারিদিক্‌ লোকারণ্য। সাহেব
গরমের ভয়ে তাবুর বাহিরে খোলা ছায়ায়
ক্যাম্পটেবিল পাতিয়া বসিয়াছেন এবং
জয়গোপালকে চোকিতে বসাইয়া তাহাকে
স্থানীয় অবস্থা জিজ্ঞাসা করিতেছিলেন।
জয়গোপাল তাহার গ্রামবাসী সর্বসাধারণের
সমক্ষে এই গৌরবের আসন অধিকার
করিয়া মনে মনে স্তম্ভিত হইতেছিল, এবং
মনে করিতেছিল এই সময়ে চক্রবর্তীরা এবং
নন্দীরা কেহ আসিয়া দেখিয়া যায় ত বেশ
হয়!

এমন সময় নীলমণিকে সঙ্গে করিয়া

অবশুর্ভনাবৃত একটি স্ত্রীলোক একেবারে ম্যাজিষ্ট্রেটের সম্মুখে আসিয়া দাঁড়াইল। কহিল, সাহেব, তোমার হাতে আমার এই অনাথ ভাইটিকে সমর্পণ করিলাম, তুমি ইহাকে রক্ষা কর !

সাহেব তাঁহার সেই পূর্কপরিচিত বৃহৎ-মস্তক গম্ভীরপ্রকৃতি বালকটিকে দেখিয়া এবং স্ত্রীলোকটিকে উদ্রস্ত্রীলোক বলিয়া অনুমান করিয়া তৎক্ষণাৎ উঠিয়া দাঁড়াইলেন—কহিলেন, আপনি তাঁবুতে প্রবেশ করুন।

স্ত্রীলোকটি কহিল, আমার যাহা বলিবার আছে আমি এইখানেই বলিব।

জয়গোপাল বিবর্ণমুখে ছটফট করিতে লাগিল। কৌতূহলী গ্রামের লোকেরা পরম কৌতুক অনুভব করিয়া চারিদিকে ঘেঁষিয়া আসিবার উপক্রম করিল। সাহেব বেত উচাইবামাত্র সকলে দৌড় দিল।

তখন শশি তাহার ভ্রাতার হাত ধরিয়া সেই পিতৃমাতৃহীন বালকের সমস্ত ইতিহাস আত্মোপাস্ত বলিয়া গেল। জয়গোপাল মধ্যে মধ্যে বাধা দিবার উপক্রম করিতে ম্যাজিষ্ট্রেট রক্তবর্ণ মুখে গর্জন করিয়া বলিয়া উঠিলেন—চুপ রও ! এবং বেত্রাগ্র দ্বারা, তাহাকে চৌকি ছাড়িয়া সম্মুখে দাঁড়াইতে নির্দেশ করিয়া দিলেন।

জয়গোপাল মনে মনে শশির প্রতি গর্জন করিতে করিতে চুপ করিয়া দাঁড়াইয়া রহিল। নীলমণি দিদির অন্ত্যস্ত কাছে ঘেঁষিয়া অশ্রু হইয়া দাঁড়াইয়া শুনিতে লাগিল।

শশির কথা শেষ হইলে ম্যাজিষ্ট্রেট জয়গোপালকে গুটিকতক প্রশ্ন করিলেন এবং তাহার উত্তর শুনিয়া অনেকক্ষণ

চুপ করিয়া থাকিয়া শশিকে সম্বোধনপূর্বক কহিলেন—বাছা, এ মকদ্দমা যদিও আমার কাছে উঠিতে পারে না তথাপি তুমি নিশ্চিত—থাক—এ সম্বন্ধে যাহা কর্তব্য আমি করিব। তুমি তোমার ভাইটিকে লইয়া নির্ভয়ে বাড়ি ফিরিয়া যাইতে পার।

শশি কহিল—সাহেব, যতদিন নিজের বাড়ি ও না ফিরিয়া পায় ততদিন আমার ভাইকে বাড়ি লইয়া যাইতে আমি সাহস করি না। এখন নীলমণিকে তুমি নিজের কাছে না রাখিলে ইহাকে কেহ রক্ষা করিতে পারিবে না।

সাহেব কহিলেন, তুমি কোথায় যাইবে।

শশি কহিল, আমি আমার স্বামীর ঘরে ফিরিয়া যাইব, আমার কোন ভাবনা নাই।

সাহেব ঈষৎ হাসিয়া অগত্যা এই গলায় মাহুলি পরা কৃশকায় শ্রামবর্ণ গম্ভীর প্রশান্ত মূহূষভাব বাঙ্গালীর ছেলেটিকে সঙ্গে লইতে রাজি হইলেন।

তখন শশি বিদায় লইবার সময় বালক তাহার আঁচল চাপিয়া ধরিল। সাহেব কহিলেন, বাবা তোমার কোন ভয় নেই—এস !

ঘোমটার মধ্য হইতে অবিরল অশ্রু-মোচন করিতে করিতে শশি কহিল—লক্ষ্মী ভাই, যা ভাই—আবার তোমার দিদির সঙ্গে দেখা হবে !

এই বলিয়া তাহাকে আলিঙ্গন করিয়া তাহার মাথায় পিঠে হাত বুলাইয়া কোন মতে আপন অঞ্চল ছাড়িয়া তাড়াতাড়ি সে চলিয়া গেল ; অমনি সাহেব নীল-মণিকে বাম হস্তের দ্বারা বেঁটন করিয়া ধরিলেন, সে দিদিগো দিদি করিয়া উঠিলে—


স্বরে ক্রন্দন করিতে লাগিল ;—শশি এক-
বার ফিরিয়া চাহিয়া দূর হইতে প্রসারিত
দক্ষিণ হস্তে তাহার প্রতি নীরবে সাঙ্ঘন্য
প্রেরণ করিয়া বিদীর্ণ হৃদয়ে চলিয়া গেল ।

আবার সেই বহুকালের চিরপরিচিত
পুরাতন ঘরে স্বামী স্ত্রীর মিলন হইল ।
প্রজ্ঞাপতির নিৰ্ভর !

কিন্তু এ মিলন অধিক দিন স্থায়ী হইল
না । কারণ, ইহার অনতিকাল পরেই
একদিন প্রাতঃকালে গ্রামবাসিগণ সংবাদ
পাইল যে, রাত্রে শশি ওলাউঠো রোগে
আক্রান্ত হইয়া মরিয়াছে—এবং রাত্রেই
তাহার দাহক্রিয়া সম্পন্ন হইয়া গেছে ।

কেহ এ সম্বন্ধে কোন কথা বলিল না ।
কেবল সেই প্রতিবেশিনী তারা মাঝে মাঝে
গর্জন করিয়া উঠিতে চাহিত, সকলে চুপ-
চুপ করিয়া তাহার মুখ বন্ধ করিয়া দিত ।

বিদায়কালে শশি ভাইকে কথা দিয়া
গিয়াছিল আবার দেখা হইবে—সে কথা
কোনখানে রক্ষা হইয়াছে জানি না ।



প্রথম পরিচ্ছেদ ।

—:~:—

নিবারণের সংসার নিতান্তই সচরাচর
বকমের, তাহাতে কাব্যরসের কোন নাম-
গন্ধ ছিল না । জীবনে উক্ত রসের যে
কোন আবশ্যক আছে এমন কথা তাহার

মনে কখনও উদয় হয় নাই । যেমন পরি-
চিত পুরাতন চটিঘোড়াটার মধ্যে পাহুটো
দিব্য নিশ্চিন্তভাবে প্রবেশ করে, এই পুরাতন
পৃথিবীটার মধ্যে নিবারণ সেইরূপ আপনার
চিরাভ্যস্ত স্থানটি অধিকার করিয়া থাকে, সে
সম্বন্ধে ভ্রমেও কোনরূপ চিন্তা, তর্ক বা তত্ব-
লোচনা করে না ।

নিবারণ প্রাতঃকালে উঠিয়া গলির ধারে
গৃহদ্বারে খোলাগায়ে বসিয়া অত্যন্ত নিরুদ্ধি
ভাবে ছঁকাটি লইয়া তামাক খাইতে থাকে ।
পথ দিয়া লোকজন যাতায়াত করে, গাড়ি-
ঘোড়া চলে, বৈষ্ণব-ভিখারী গান গাহে,
পুরাতন বোতল-সংগ্রহকারী হাঁকিয়া চলিয়া
যায় ; এই সমস্ত চঞ্চল দৃশ্য মনকে লঘুভাবে
ব্যাপ্ত রাখে এবং যে দিন কাঁচা আম
অথবা তপসী মাছওয়াল আসে, সে দিন
অনেক দরদাম করিয়া কিঞ্চিৎ বিশেষরূপ
রন্ধনের আয়োজন হয় । তাহার পর যথা-
সময়ে তেল মাখিয়া স্নান করিয়া আহা়াস্তে
দড়িতে ঝুলান চাপকানটি পরিয়া, এক
ছিলিম তামাক পানের সহিত নিঃশেষ পূৰ্ণক
আর একটি পান মুখে পরিয়া, আপিসে যাত্রা
করে । আপিস হইতে ফিরিয়া আসিয়া
সন্ধ্যাবেলাটা প্রতিবেশী রামলোচন ঘোষের
বাড়িতে প্রশান্ত গম্ভীরভাবে সন্ধ্যাপন
করিয়া আহা়াস্তে রাত্রে শয়নগৃহে স্ত্রী হর-
সুন্দরীর সহিত সাক্ষাৎ হয় ।

সেখানে মিত্রদের ছেলের বিবাহে
আইবড়ভাত পাঠান, নবনিযুক্ত বিব অবা-
ধ্যতা, ছেঁচকি বিশেষে ফোড়ন বিশেষের
উপযোগিতা সম্বন্ধে যে সমস্ত সংক্ষিপ্ত সমা-
লোচনা চলে, তাহা এ পর্য্যন্ত কোন কবি
ছন্দোবদ্ধ করেন নাই এবং সে জন্ত নিবা-
রণের মনে কখনও ক্ষোভের উদয় হয় নাই ।

ইতিমধ্যে ফাল্গুনমাসে হরমুন্দরীর সঙ্কট পীড়া উপস্থিত হইল। জ্বর আর কিছুতেই ছাড়িতে চাহে না। ডাক্তার যতই কুইনাইন দেয়, বাধাপ্রাপ্ত প্রবল শ্রোতের শ্রায় জ্বরও তত উর্দ্ধে চড়িতে থাকে। এমন বিশ দিন, বাইশ দিন, চল্লিশ দিন পর্যন্ত ব্যাধি চলিল।

নিবারণের আপিস্ বন্ধ ; রামলোচনের বৈকালিক সভায় বহুকাল আর সে যায় না ; কি যে করে তাহার ঠিক নাই।

একবার শয়ন-গৃহে গিয়া রোগীর অবস্থা জানিয়া আসে, একবার বাহিরের বারান্দায় বসিয়া চিন্তিত মুখে তামাক টানিতে থাকে।

দুই বেলা ডাক্তার বৈদ্য পরিবর্তন করে এবং যে যাহা বলে সেই ঔষধ পরীক্ষা করিয়া দেখিতে চাহে।

ভালবাসার এইরূপ অব্যবস্থিত গুশ্রবা সঙ্ঘেও চল্লিশ দিনে হরমুন্দরী ব্যাধিমুক্ত হইল। কিন্তু এমনি দুর্বল এবং শীর্ণ হইয়া গেল যে, শরীরটি যেন বহুদূর হইতে অতি ক্ষীণস্বরে “আছি” বলিয়া সাড়া দিতেছে মাত্র।

তখন বসন্তকালে দক্ষিণের হাওয়া দিতে আরম্ভ করিয়াছে এবং উষ্ণ নিশীথের চন্দ্রালোকও সীমন্তিনীদের উন্মুক্ত শয়নকক্ষে নিঃশব্দপদসঙ্ঘারে প্রবেশাধিকার লাভ করিয়াছে।

হরমুন্দরীর ঘরের নীচেই প্রতিবেশীদের খিড়কীর বাগান। সেটা যে বিশেষ কিছু সুদৃশ্য রমণীয় স্থান তাহা বলিতে পারি না। এক সময় কে একজন সর্ক করিয়া গোটাকতক ক্রোটোন রোপণ করিয়াছিল, তার পরে আর সে দিকে বড় একটা দৃকপাত করে নাই। শুষ্ক ডালের মাচার উপর কুয়াওলতা

উঠিয়াছে ; বৃক্ষ কুলগাছের ডলায় বিষম জঙ্গল ; বাগানঘরের পাশে প্রাচীর ভাঙ্গিয়া কতকগুলো ইট জড় হইয়া আছে এবং তাহারই সহিত দগ্ধাবশিষ্ট পাথুরে কমলা এবং ছাই দিন দিন রাশীকৃত হইয়া উঠিতেছে।

কিন্তু বাতায়নশুলে শয়ন করিয়া এই বাগানের দিকে চাহিয়া হরমুন্দরী প্রতিমুহূর্ত্তে যে একটি আনন্দরস পান করিতে লাগিল, তাহার অকিঞ্চিৎকর জীবনে এমন সে আর কখনো করে নাই। গ্রীষ্মকালে শ্রোতোবেগ মন্দ হইয়া ক্ষুদ্র গ্রাম্যনদীটি যখন বালুশয্যার উপরে শীর্ণ হইয়া আসে, তখন সে যেমন অত্যন্ত স্বচ্ছতা লাভ করে ; তখন যেমন প্রভাতের সূর্যালোক তাহার তলদেশে পর্যন্ত কম্পিত হইয়া থাকে, বায়ু-স্পর্শ তাহার সর্বাঙ্গ পুলকিত করিয়া তোলে, এবং আকাশের ভার তাহার ক্ষটিক দর্পণের উপর সূক্ষ্মস্বতির শ্রায় অতি সুস্পষ্টভাবে প্রতিবিম্বিত হয়, তেমনি হরমুন্দরীর ক্ষীণ জীবনতন্তুর উপর আনন্দময়ী প্রকৃতির প্রত্যেক অঙ্গুলী যেন স্পর্শ করিতে লাগিল এবং অন্তরের মধ্যে যে একটি সঙ্গীত উঠিতে লাগিল তাহার ঠিক ভাবটি সে সম্পূর্ণ বুঝিতে পারিল না।

এমন সময় তাহার স্বামী যখন পাশে বসিয়া জিজ্ঞাসা করিত, “কেমন আছ” তখন তাহার চোকে যেন জল উছলিয়া উঠিত। রোগশীর্ণ মুখে তাহার চোখ ছুটি অত্যন্ত বড় দেখায়, সেই বড় বড় প্রেমার্জ সক্রতজ্ঞ চোখ স্বামীর মুখের দিকে তুলিয়া শীর্ণহস্তে স্বামীর হস্ত ধরিয়া চূপ করিয়া পড়িয়া থাকিত, স্বামীর অন্তরেও যেন কোথা

হইতে একটা নূতন অপরিচিত আনন্দরাশি প্রবেশ লাভ করিত।

এই ভাবে কিছু দিন যায়। একদিন রাতে ভাঙ্গা-প্রাচীরের উপরিবর্তী খর্ক অশথগাছের কম্পমান শাখাস্তরাল হইতে একখানি বৃহৎ চাঁদ উঠিতেছে এবং সন্ধ্যাবেলাকার গুমট্ ভাঙ্গিয়া হঠাৎ একটা নিশাচর বাতাস জাগ্রৎ হইয়া উঠিয়াছে, এমন সময় নিবারণের চুলের মধ্যে অঙ্গুলি ব্লাইতে ব্লাইতে হরসুন্দরী কহিল, “আমাদের শু ছেলেপুলে কিছুই হইল না, তুমি আর একটি বিবাহ কর !”

হরসুন্দরী কিছুদিন হইতে এই কথা ভাবিতেছিল। মনে যখন একটা প্রবল আনন্দ, একটা বৃহৎ প্রেমের সঞ্চার হয়, তখন মানুষ মনে করে আমি সব করিতে পারি। তখন হঠাৎ একটা আশ্চর্যসজ্জনের ইচ্ছা বলবতী হইয়া উঠে। শ্রোতের উচ্চাস যেমন কঠিন তটের উপর আপনাকে সবেগে মুচ্ছিত করে, তেমনি প্রেমের আবেগ, আনন্দের উচ্চাস একটা মহৎ ত্যাগ, একটা বৃহৎ হৃৎখের উপর আপনাকে যেন নিক্ষেপ করিতে চাহে।

সেইরূপ অবস্থায় অত্যন্ত পুলকিত চিন্তে একদিন হরসুন্দরী স্থির করিলেন, আমার স্বামীর জন্ত আমি খুব বড় একটা কিছু করিব। কিন্তু হায়, যতখানি সাধ ততখানি সাধ্য কাহার আছে। হাতের কাছে কি আছে, কি দেওয়া যায়! ঐশ্বর্য্য নাই, বুদ্ধি নাই, ক্ষমতা নাই, শুধু একটা প্রাণ আছে, সেটাও যদি কোথাও দিবার থাকে এখনি দিয়া ফেলি, কিন্তু তাহারই বা মূল্য কি?

আর স্বামীকে যদি হৃৎফেনের মত

শুভ্র, নবনীর মত কোমল, শিশুকন্দর্পের মত সুন্দর একটি স্নেহের পুস্তলি সন্তান দিতে পারিতাম! কিন্তু প্রাণপণে ইচ্ছা করিয়া মরিয়া গেলেও ত সে হইবে না। তখন মনে হইল, স্বামীর একটি বিবাহ দিতে হইবে। ভাবিল, স্ত্রীরা ইহাতে এত কাতর হয় কেন, এ কাজ ত কিছুই কঠিন নহে! স্বামীকে যে ভালবাসে, সপত্নীকে ভালবাসা তাহার পক্ষে কি এমন অসাধ্য! মনে করিয়া বক্ষ স্ফীত হইয়া উঠিল।

প্রস্তাবটা প্রথম যখন শুনিল, নিবারণ হাসিয়া উড়াইয়া দিল, দ্বিতীয় এবং তৃতীয় বারও কর্ণপাত করিল না। স্বামীর এই অসম্মতি, এই অনিচ্ছা দেখিয়া হরসুন্দরীর বিশ্বাস এবং স্নেহ যতই বাড়িয়া উঠিল তাহার প্রতিজ্ঞাও ততই দৃঢ় হইতে লাগিল।

এ দিকে নিবারণ যত বারংবার এই অমুরোধ শুনিল, ততই ইহার অসম্ভাব্যতা তাহার মন হইতে দূর হইল, এবং গৃহঘরে বসিয়া তামাক খাইতে খাইতে সন্তানপরিবৃত গৃহের সুখময় চিত্র তাহার মনে উজ্জ্বল হইয়া উঠিতে লাগিল।

একদিন নিজেই প্রসঙ্গ উত্থাপন করিয়া কহিল, “বুড়াবয়সে একটি কচি খুঁকিকে বিবাহ করিয়া আমি মানুষ করিতে পারিব না।”

হরসুন্দরী কহিল, “সে জন্ত তোমাকে ভাবিতে হইবে না। মানুষ করিবার ভার আমার উপর রহিল।” বলিতে বলিতে এই সন্তানহীনা রমণীর মনে একটি কিশোর-বয়স্কা, স্কুমারী, লজ্জাশীলা, মাতৃকোড় হইতে সন্তোবিচ্যুতা নববধূর মুখচ্ছবি উদয় হইল এবং হৃদয় স্নেহে বিগলিত হইয়া গেল

নিবারণ কহিল, “আমার আপিস

আছে, কাজ আছে, তুমি আছ, কচি মেয়ের
আবদার শুনিবার অবসর আমি পাইব
না।”

হরসুন্দরী বারবার করিয়া কহিল তাহার
দুস্ত কিছুমাত্র সময় নষ্ট করিতে হইবে না
এবং অবশেষে পরিহাস করিয়া কহিল—
“আচ্ছা গো, তখন দেখিব কোথায় বা
তোমার কাজ থাকে, কোথায় বা আমি
থাকি, আর কোথায় বা তুমি থাকি।”

নিবারণ সে কথার উত্তরমাত্র দেওয়া
আবশ্যক বোধ করিল না, শাস্তির স্বরূপ
হরসুন্দরীর কপোলে হাসিয়া তর্জনী
আঘাত করিল। এই ত গেল ভূমিকা।

দ্বিতীয় পরিচ্ছেদ ।

—:~:—

একটি নলকপরা অশ্রুভরা ছোটপাটো
মেয়ের সহিত নিবারণের বিবাহ হইল,
তাহার নাম শৈলবালা ।

নিবারণ ভাবিল, নামটি বড় মিষ্ট এবং
মুগ্ধখানিও বেশ চলচল। তাহার ভাব-
খানা, তাহার চেহারাখানি, তাহার চলা-
ফেরা একটু বিশেষ মনোযোগ করিয়া
চাহিয়া দেখিতে ইচ্ছা করে, কিন্তু সে আর
কিছুতেই হইয়া উঠে না। উষ্টিয়া এমন
ভাব দেখাইতে হয় যে, ক্রম একফোটা
মেয়ে, উহাকে লইয়া ত বিষম বিপদে পড়ি-
লাম, কোনমতে পাশ কাটাইয়া আমার
বয়সোচিত কৰ্তব্যক্ষেত্রের মধ্যে গিয়া
পড়িলে যেন পরিভ্রাণ পাওয়া যায়।

হরসুন্দরী নিবারণের এই বিষম বিপদ-
গ্রস্ত ভাব দেখিয়া মনে মনে বড় আশোদ

বোধ করিত। এক এক দিন হাত চাপিয়া
ধরিয়া বলিত, “আহা পালাও কোথায়!
ঐটুকু মেয়ে, ওত আর তোমাকে খাইয়া
ফেলিবে না।”—

নিবারণ দ্বিগুণ শশব্যস্ত ভাব ধারণ
করিয়া বলিত, “আরে রোস রোস, আমার
একটু বিশেষ কাজ আছে।”— বলিয়া যেন
পালাইবার পথ পাইত না। হরসুন্দরী
হাসিয়া দ্বার খাটক করিয়া বলিত, “আজ
কাকি দিতে পারিবে না। অবশেষে নিবা-
রণ নিতান্তই নিকপায় হইয়া কাতরভাবে
বসিয়া পড়িত।

হরসুন্দরী তাহার কাণের কাছে বলিত,
“আহা পরের মেয়েকে ঘরে আনিয়া অমন
হতশ্রদ্ধা করিতে নাই।”

এই বলিয়া শৈলবালাকে ধরিয়া নিবা-
রণের বাম পাশে বসাইয়া দিত, এবং জোর
করিয়া ঘোমটা খুলিয়া ও চিবুক ধরিয়া,
তাহার আনতমুগ্ধ তুলিয়া নিবারণকে বলিত,
“আহা কেমন চাঁদের মত মুগ্ধখানি দেখ
দেখি!”—

কোন দিন বা উভয়কে ঘরে বসাইয়া
কাজ আছে বলিয়া উষ্টিয়া যাইত এবং
বাহির হইতে বনাং করিয়া দরজা
বন্ধ করিয়া দিত। নিবারণ নিশ্চয়
জানিত ছ’টি কোতুহলী চক্ষু কোন-না
কোন ছিদ্রে সংলগ্ন হইয়া আছে—অতিশয়
উদাসীনভাবে পাশ ফিরিয়া নিদ্রার উপক্রম
করিত, শৈলবালা ঘোমটা টানিয়া গুটিগুটি
মারিয়া মুগ্ধ ফিরিয়া একটা কোণের মধ্যে
মিলাইয়া থাকিত।

অবশেষে হরসুন্দরী নিতান্ত না পারিয়া
হাল ছাড়িয়া দিল, কিন্তু খুব বেশী দুঃখিত
হইল না।

হরসুন্দরী যখন হাল ছাড়িল, তখন স্বয়ং নিবারণ হাল ধরিল। এ বড় কোতু-হল, এ বড় রহস্য! একটুকরা হীরক পাইলে তাহাকে নানাভাবে নানাদিকে ফিরাইয়া দেখিতে ইচ্ছা করে, আর এ একটি ক্ষুদ্র স্মরণ মাহুয়ের মন—বড় অপূর্ণ! ইহাকে কত রকম করিয়া স্পর্শ করিয়া, সোহাগ করিয়া, অন্তরাল হইতে, সম্মুখ হইতে, পার্শ্ব হইতে দেখিতে হয়! কখন একবার কাণের ছলে দোল দিয়া, কখনো ঘোমটা একটুখানি টানিয়া তুলিয়া, কখনো বিদ্যুতের মত সহসা সচকিতে, কখনো নক্ষত্রের মত দীর্ঘকাল একদৃষ্টে নবনব সৌন্দর্য্যের সীমা আবিষ্কার করিতে হয়।

ম্যাকমোরান কোম্পানির আপিসের হেডবাবু শ্রীযুক্ত নিবারণচন্দ্রের অদৃষ্টে এমন অভিজ্ঞতা ইতিপূর্বে হয় নাই। সে যখন প্রথম বিবাহ করিয়াছিল তখন বালক ছিল, যখন যৌবন লাভ করিল তখন স্ত্রী তাহার নিকট চিরপরিচিত, বিবাহিত জীবন চিরাত্যস্ত। হরসুন্দরীকে অবশ্যই সে ভাল বাসিত, কিন্তু কখনই তাহার মনে ক্রমে ক্রমে প্রেমের সচেতন সঞ্চার হয় নাই।

একবারে পাকা আত্মের মধ্যেই যে পতঙ্গ জন্মলাভ করিয়াছে, যাহাকে কোন কালে রস অন্বেষণ করিতে হয় নাই, অল্পে অল্পে রসাস্বাদ করিতে হয় নাই, তাহাকে এক বার বসন্ত কালের বিকশিত পুষ্পবনের মধ্যে ছাড়িয়া দেওয়া হোক দেখি—বিকচোন্মুখ গোলাপের আধখোলা মুখটির কাছে ঘুরিয়া ঘুরিয়া তাহার আগ্রহ! একটুকু যে সৌরভ পায়, একটুকু যে মধুর আশ্বাদ লাভ করে তাহাতে তাহার কি, নেশা!

২

নিবারণ প্রথমটা কখন বা একটা গাউনপরা কাঁচের পুতুল, কখনো বা এক শিশি এসেন্স, কখনো বা কিছু মিষ্টদ্রব্য কিনিয়া আনিয়া শৈলবালাকে গোপনে দিয়া যাইত। এমনি করিয়া একটু খানি ঘনিষ্ঠতার হ্রস্বপাত হয়। অবশেষে কখন একদিন হরসুন্দরী গৃহকার্য্যের অবকাশে আসিয়া ঘরের ছিদ্র দিয়া দেখিল, নিবারণ এবং শৈলবালা বসিয়া কড়ি লইয়া দশ পঁচিশ খেলিতেছে।

বুড়া বয়সের এই খেলা বটে! নিবারণ সকালে আহালাদি করিয়া যেন আপিসে বাহির হইল কিন্তু আপিসে না গিয়া কখন অন্তঃপুরে প্রবেশ করিয়াছে! এ প্রবন্ধনার কি আবশ্যক ছিল! হঠাৎ একটা জলন্ত বস্ত্রশলাকা দিয়া কে যেন হরসুন্দরীর চোক খুলিয়া দিল, সেই তীব্রতাপে চোকের জগৎ বাষ্প হইয়া শুকাইয়া গেল!

হরসুন্দরী মনে মনে কহিল, আমিই ত উহাকে ঘরে আনিলাম, আমিই ত মিলন করাইয়া দিলাম, তবে আমার সঙ্গে এমন ব্যবহার কেন, যেন আমি উহাদের সুখের কাঁটা।

হরসুন্দরী শৈলবালাকে গৃহকার্য্য শিখাইত। একদিন নিবারণ মুখ ফুটিয়া বলিল, “ছেলেমানুষ, উহাকে তুমি বড় বেশী পরিশ্রম করাইতেছ, উহার শরীর তেমন সবল নহে।”

বড় একটা তীব্র উত্তর হরসুন্দরীর মুখের কাছে আসিয়াছিল, কিন্তু কিছু বলিল না, চুপ করিয়া গেল।

সেই অবধি বউকে কোন গৃহকার্য্যে হাত দিতে দিত না। রাখাবাড়া, দেখাশুনা সমস্ত কাজ নিজের করিত। এমন হইল,

শৈলবালা আর নড়িয়া বসিতে পারে না, হরসুন্দরী দাসীর মত তাহার সেবা করে এবং স্বামী বিদূষকের মত তাহার মনো-রঞ্জন করে। সংসারের কাজ করা, পরের দিকে তাকানো যে, জীবনের কর্তব্য এ শিক্ষাই তাহার হইল না।

হরসুন্দরী যে নীরবে দাসীর মত কাজ করিতে লাগিল তাহার মধ্যে ভারি একটা গর্ভ আছে। তাহার মধ্যে ন্যূনতা এবং দীনতা নাই। সে কহিল, তোমারা ছুই শিশুতে মিলিয়া খেলা কর সংসারের সমস্ত ভার আমি লইলাম!

তৃতীয় পরিচ্ছেদ ।

—:—

হায়, আজ কোথায় সে বল, যে বলে হরসুন্দরী মনে করিয়াছিল স্বামীর জন্ত চিরজীবনকাল সে আপনার প্রেমের দাবীর অর্ধেক অংশ অকাতরে ছাড়িয়া দিতে পারিবে। হঠাৎ এক দিন পূর্ণিমার রাতে জীবনে যখন জোয়ার আসে, তখন ছুই কুল প্রাবিত করিয়া মাহুষ মনে করে, আমার কোথাও সীমা নাই। তখন যে একটা বৃহৎ প্রতিজ্ঞা করিয়া বসে, জীবনের সুদীর্ঘ ভাটার সময় সে প্রতিজ্ঞা রক্ষা করিতে তাহার সমস্ত প্রাণে টান পড়ে। হঠাৎ ঐশ্বর্যের দিনে লেখনীর এক আচড়ে যে দানপত্র লিখিয়া দেয়, চির-দারিদ্র্যের দিনে পলে পলে তিল তিল করিয়া তাহা শোধ করিতে হয়। তখন বুঝা যায়, মাহুষ বড় দীন, হৃদয় বড় দুর্বল, তাহার ক্ষমতা অতি যৎসামান্ত।

দীর্ঘ রোগাবসানে ক্ষীণ, রক্তহীন, পাণ্ডু কলেবরে হরসুন্দরী সে দিন শুরু দ্বিতীয়বার টাদের মত একটা শীর্ণ রেখামাত্র ছিল; সংসারে নিতান্ত লঘু হইয়া ভাসিতেছিল। মনে হইয়াছিল, আমার যেন কিছুই না হইলেও চলে। ক্রমে শরীর বলী হইয়া উঠিল, রক্তের তেজ বাড়িতে লাগিল, তখন হরসুন্দরী মনে কোথা হইতে এক বল শরীর আসিয়া উপস্থিত হইল, তাহা উচ্চৈশ্বরে কহিল, তুমি ত ত্যাগপত্র লিখিয়া বসিয়া আছ, কিন্তু আমাদের দাবী আমরা ছাড়িব না।

হরসুন্দরী যেদিন প্রথম পরিষ্কাররূপে আপন অবস্থা বুঝিতে পারিল, সেদিন নিবারণ। শৈলবালাকে আপন শয়নগৃহ ছাড়িয়া দিয়া ভিন্ন গৃহে একাকিনী গিয়া শয়ন করিল।

আট বৎসর বয়সে বাসররাত্রে যে শয্যায় প্রথম শয়ন করিয়াছিল আজ সাতাশ বৎসর পরে সেই শয্যা ত্যাগ করিল। প্রদীপ নিবাইয়া দিয়া এই সখবা রমণী যখন অসহ হৃদয়ভার লইয়া তাহার নুতন বৈদ্যব্যশ্যায় উপরে আসিয়া পড়িল, তখন গগির অপর প্রান্তে একজন সৌখিন বুঝি বেহাগ রাগিণীতে মালিনীর গান গাহিতেছিল; আর একজন বাঁয়া তব্লাম সঙ্গ করিতেছিল এবং শ্রোতৃবহুগণ সমের কাছে হা-হাঃ করিয়া চীৎকার করিয়া উঠিতেছিল।

তাহার সেই গান সেই নিস্তর জ্যোৎস্নারাত্রে পার্শ্বের ঘরে মন্দ শুনাইতেছিল না। তখন ষালিকা শৈলবালার ঘুমে চোখ চুলিয়া পড়িতেছিল, আর নিবারণ তাহার কাণের কাছে মুখ রাখিয়া ধীরে ধীরে ডাকিতোহল, সই!

লোকটা ইতিমধ্যে বন্ধিম বাবুর চন্দ্র-শেখর পড়িয়া ফেলিয়াছে এবং দুই একজন আধুনিক কবির কাব্যও শৈলবালাকে পড়িয়া শুনাইয়াছে।

নিবারণের জীবনের নিয়ন্ত্রণে যে যৌবন-উৎস বরাবর চালা পড়িয়াছিল, আঘাত পাইয়া হঠাৎ বড় অসময়ে তাহা উচ্ছ্বসিত হইয়া উঠিল। কেইই স্নেহপ্রসূত ছিল না, এই হেতু অকস্মাৎ তাহার বুদ্ধিশক্তি এবং সংসারের সমস্ত বন্ধোবন্ধ উন্টাপাণ্টা হইয়া গেল। সে বেচারা কোন কালে জানিত না, মানুষের ভিতরে এমন সকল উপদ্রবজনক পদার্থ থাকে, এমন সকল জুঁজাম ছদ্মস্ত শক্তি, যাহা সমস্ত হিসাব ক্রিতাব, শৃঙ্খলা সামঞ্জস্য একেবারে নয়ছয় করিয়া দেয়।

কেবল নিবারণ নহে, হরম্মন্দরীও একটা নূতন বেদনার পরিচয় পাইল। এ কিসের আকাঙ্ক্ষা, এ কিসের চুঃসহ স্বপ্না! মন এমন যাহা চায়, কখনও তা তাহা চাহেও নাই, কখনও তা তাহা পায়ও নাই। যখন ভক্তভঙ্গবে নিবারণ নিয়মিত স্নানপিনে যাইত, যখন নিদ্রার পূর্বে কিম্বৎকালের জন্য গয়লার হিসাব, দ্রব্যের মহা-খরচা এবং লৌকিকতার কর্তব্য সম্বন্ধে আলোচনা চলিত, তখন ও এই অস্বাভাবিকের কোন সূত্রপাতমাত্র ছিল না। ভাল বাসিত বটে, কিন্তু তাহার ত কোন উচ্ছ্বাসতা, কোন উদ্ভাপ ছিল না। সে ভালবাসা অপ্রোক্ষিত ইচ্ছার মত ছিল মাত্র।

আজ তাহার মনে হইল, জীবনের সফলতা হইতে যেন চিরকাল কে তাহাকে বঞ্চিত করিয়া আসিয়াছে। তাহার স্বপ্ন যেন চিরদিন উপবাসী হইয়া আছে।

তাহার এই নারীজীবন বড় দারিদ্র্যেই কাটিয়াছে। সে কেবল হাটবাজার পান-মসলা তরিতরকারীর বক্সাট লইয়াই সাতাশটা অমূল্য বৎসর দাসীবৃত্তি করিয়া কাটাইল, আর আজ জীবনের মধ্যপথে আসিয়া দেখিল, তাহারই শয়নকক্ষের পার্শ্বে এক গোপন মহামহৈশ্বর্য্য ভাণ্ডারের কুলুপ খুলিয়া একটি ক্ষুদ্র বালিকা একেবারে রাজরাজেশ্বরী হইয়া বসিল। নারী দাসী বটে, কিন্তু সেই সঙ্গে নারী রাণীও বটে। কিন্তু ভাগাভাগী করিয়া একজন নারী হইল দাসী, আর একজন নারী হইল রাণী; তাহাতে দাসীর গৌরব গেল, রাণীর সুখ রহিল না।

কারণ, শৈলবাক্সাও নারী-জীবনের যথার্থ সুখের স্বাদ পাইল না। এত অবি-শ্রাম আদর পাইল যে, ভালবাসিবার আর মুহূর্ত্ত অবসর রহিল না। সমুদ্রের দিকে প্রবাহিত হইয়া, সমুদ্রের মধ্যে আত্মবিসর্জন করিয়া বোধ করি নদীর একটী মহৎ চরিতার্থতা আছে, কিন্তু সমুদ্র যদি জোয়ারের টানে আকৃষ্ট হইয়া ক্রমাগতই নদীর উদ্ভূ-খীন হইয়া রহে, তবে নদী কেবল নিজের মধ্যেই নিজে ক্ষীণ হইতে থাকে। সংসার তাহার সমস্ত আদর সোহাগ লইয়া দিব্য-রাত্রি শৈলবাক্সার দিকে স্নানসর হইয়া রহিল, তাহাতে শৈলবাক্সার আত্মাদর অতি-শয় উদ্ভূত হইয়া উঠিতে লাগিল, সংসারের প্রতি তাহার ভালবাসা পড়িতে পাইল না। সে জানিল, আমার জন্তই সমস্ত, এবং আমি কাহার জন্তও নহি। এ অবস্থায় যথেষ্ট অহঙ্কার আছে কিন্তু পরিতৃপ্তি কিছুই নাই।

চতুর্থ পরিচ্ছেদ ।

—:~:—

একদিন ঘনঘোর মেঘ করিয়া বর্ষা আসিয়াছে। এমনি অন্ধকার করিমাছে যে, ঘরের মধ্যে কাজকর্ম করা অসাধ্য। বাহিরে ঝপঝপ করিয়া বৃষ্টি হইতেছে। কুণপাছের তলায় লতাগুন্ডের জঙ্গল প্রায় নিমগ্ন হইয়া গিয়াছে এবং প্রাচীরের পার্শ্ব-বর্তী নালা দিয়া ঘোলা জলস্রোত কল্কল শব্দে বহিয়া চলিয়াছে। হরমুন্দরী আপনার নুতন শয়ন-গৃহের নির্জন অন্ধকারে জান্নার কাছে চুপ করিয়া বসিয়া আছে।

এমন সময় নিবারণ চোরের মত ধীরে ধীরে ঘরের কাছে প্রবেশ করিল, ফিরিয়া যাঁবে কি অগ্রসর হইবে ভাবিয়া পাইল না। হরমুন্দরী তাহা লক্ষ্য করিল কিন্তু একটি কথাও কহিল না।

তখন নিবারণ হঠাৎ একেবারে তীব্রের মত হরমুন্দরীর পার্শ্বে গিয়া এক নিশ্বাসে বসিয়া ফেলিল—গোটাকতক গহনার আবশ্যক হইয়াছে। জান ত অনেকগুলো দেনা হইয়া পড়িয়াছে, দেন্দার বড়ই অপমান করিতেছে—কিছু বন্ধক রাখিতে হইবে—শীঘ্রই ছাড়িয়া লইতে পারিব।

হরমুন্দরী কোন উত্তর দিল না, নিবারণ চোরের মত দাঁড়াইয়া রহিল। অবশেষে পনশ্চ কহিল, তবে আর কি হইবে না ?—

হরমুন্দরী কহিল—“না।”

ঘরে প্রবেশ করাও যেমন শক্ত, ঘর হইতে অবিলম্বে বাহির হওয়াও তেমনি কঠিন। নিবারণ একটু এদিকে ওদিকে চাহিয়া উতপ্ততঃ করিয়া বলিল, “তবে

অন্ততঃ চেষ্টা দেখিগে যাই”—বলিয়া প্রস্থান করিল।

ঋণ কোথায় এবং কোথায় গহনা বন্ধক দিতে হইবে হরমুন্দরী তাহা সমস্তই বুঝিল। বুঝিল নববধু পূর্বরাত্রে তাহার এই হতবুদ্ধি পোষা পুরুষটিকে অত্যন্ত রক্তার দিয়া বলিয়াছিল, “দিদির সিদ্ধকত্তরা গহনা, আর আমি বুঝি একখানি পরিতে পাই না ?”

নিবারণ চলিয়া গেলে ধীরে ধীরে উঠিয়া লোহার সিঁদুক খুলিয়া একে একে সমস্ত গহনা বাহির করিল। শৈলবালাকে ডাকিয়া প্রথমে আপনার বিবাহের বেণারসী সাড়িখানি পরাইল, তাহার পর তাহার আপাদমস্তক এক একখানি করিয়া গহনায় ভরিয়া দিল। ভাল করিয়া চুল বাঁধিয়া দিয়া প্রদীপ জালিয়া দেখিল বালিকার মুখখানি বড় সুমিষ্ট, একটি সস্ত্রঃপক স্নগন্ধ ফলের মত নিটোল, রসপূর্ণ। শৈলবালা যখন স্বপ্নমুগ্ধ করিয়া চলিয়া গেল, সেই শব্দ বহুক্ষণ ধরিয়া হরমুন্দরীর শিরার বস্তুর মধ্যে বিম্বিম্ব করিয়া বাজিতে লাগিল। মনে মনে কহিল, আজ আর কি লইয়া তোতে আমাতে তুলনা হইবে ? কিন্তু এক সময়ে আমারও ত ঐ বয়স ছিল, আমিও ত অম্নি যৌবনের শেষরেখা পর্য্যন্ত ভরিয়া উঠিয়াছিলাম ; তবে আমাকে সে কথা কেহ জানায় নি কেন ? কখন সে দিন আসিল এবং কখন সে দিন গেল তাহা একবার সংবাদও পাইলাম না। কিন্তু কি গর্বে, কি গৌরবে, কি তরঙ্গ তুলিয়াই শৈলবালা চলিয়াছে।

হরমুন্দরী যখন কেবলমাত্র ঘরকন্নাই জানিত তখন এই গহনাগুলি তাহার কাছে কত দামী ছিল ! তখন কি নিরোপের মত

এ সমস্ত এমন করিয়া এক মুহূর্তে হাত ছাড়া করিতে পারিত ? এখন ঘরকন্না ছাড়া আর একটা বড় কিসের পরিচয় পাইয়াছে, এখন গহনার দ্বাম, ভবিষ্যতের হিসাব সমস্ত তুচ্ছ হইয়া গিয়াছে ।

আর শৈলবালা সোণামাণিক ঝক্‌মক্‌ করিয়া শয়নগৃহে চলিয়া গেল, একবার মুহূর্তের তরে ভাবিলও না হরসুন্দরী তাহাকে কতখানি দিল । সে জানিল চতুর্দিক্ হইতে সমস্ত সেবা, সমস্ত সম্পদ, সমস্ত সৌভাগ্য স্বাভাবিক নিয়মে তাহার মধ্যে আসিয়া পরিসমাপ্ত হইবে, কারণ, সে হইল শৈলবালা, সে হইল সই !

পঞ্চম পরিচ্ছেদ ।

•:•:•-

এক এক জন লোক স্বপ্নাবস্থায় নির্ভীক ভাবে অত্যন্ত সঙ্কটের পথ দিয়া চলিয়া যায়, মুহূর্তমাত্র চিন্তা করে না । অনেক জাগ্রৎ মানুষেরও তেমনি চির-স্বপ্নাবস্থা উপস্থিত হয়, কিছুমাত্র জ্ঞান থাকে না, বিপদের সঙ্কীর্ণ পথ দিয়া নিশ্চিন্ত মনে অগ্রসর হইতে থাকে, অবশেষে নিদারুণ সর্বনাশের মধ্যে গিয়া জাগ্রৎ হইয়া উঠে ।

আমাদের ম্যাকমোরান কোম্পানির হেড্‌ব্যাট্রিও সেই দশা । শৈলবালা তাহার জীবনের মাঝখানে একটা প্রবল আকর্ষণের মত ঘুরিতে লাগিল, এবং বহুদূর হইতে বিবিধ মহার্ঘ পদার্থ আকৃষ্ট হইয়া তাহার মধ্যে বিলুপ্ত হইতে লাগিল । কেবল যে নিবারণের মনুষ্যত্ব এবং মাসিক বেতন, হরসুন্দরীর সুপসৌভাগ্য এবং বসনভূ

তাহা নহে ; সঙ্গে সঙ্গে ম্যাকমোরান কোম্পানির ক্যাশ তহবিলেও গোপনে টান পড়িল । তাহার মধ্য হইতেও ছটা একটা করিয়া তোড়া অদৃশ্য হইতে লাগিল । নিবারণ স্থির করিত আগামী মাসের বেতন হইতে আস্তে আস্তে শোধ করিয়া রাখিব । কিন্তু আগামী মাসের বেতনটি হাতে আসিবামাত্র সেই আবর্ত হইতে টান পড়ে এবং শেষে দু'আনীট পর্য্যন্ত চকিতের মত চিক্‌মিক্‌ করিয়া বিছাৎ-বেগে অন্তর্হিত হয় ।

শেষে একদিন ধরা পড়িল । পুরুষানুক্রমের চাকুরি ; সাহেব বড় ভালবাসে ; তহবিল পূরণ করিয়া দিবার জন্য দুইদিন-মাত্র সময় দিল ।

কেমন করিয়া যে ক্রমে ক্রমে আড়াই হাজার টাকার তহবিল ভাঙ্গিয়াছে তাহা নিবারণ নিজেই বুঝিতে পারিল না । একেবারে পাগলের মত হইয়া হরসুন্দরীর কাছে গেল, বলিল, “সর্বনাশ হইয়াছে !”

হরসুন্দরী সমস্ত গুনিয়া একেবারে পাংশুবর্ণ হইয়া গেল !

নিবারণ কহিল, “শীঘ্র গহনাগুলি বাহির কর ।” হরসুন্দরী কহিল, “সে ত আমি সমস্তই ছোটবোকে দিয়াছি ।”

নিবারণ নিতান্ত শিশুর মত অধীর হইয়া বলিতে লাগিল, “কেন দিলে ছোটবোকে ? কেন দিলে ? কে তোমাকে দিতে বলিল ?”

হরসুন্দরী তাহার প্রকৃত উত্তর না দিয়া কহিল, “তাহাতে ক্ষতি কি হইয়াছে ? সে ত আর জলে পড়ে নাই ?”

ভীক্‌ নিবারণ কাতর স্বরে কহিল, “তবে যদি তুমি কোন ছুতা করিয়া তাহার বাছ হইতে বাহির করিতে পার ! কিন্তু

আমার মাথা ষাও বলিয়ে না যে, আমি চাহিতেছি, কিংবা কি জ্ঞান চাহিতেছি!”

তখন হরসুন্দরী মর্মান্তিক বিরক্তি ও ঘৃণাভরে বলিয়া উঠিল, “এই কি তোমার ছল! ছুতা করিবার সোহাগ দেখাইবার সময়! চল!” বলিয়া স্বামীকে লইয়া ছোট-বোয়ের ঘরে প্রবেশ করিল।

ছোট-বো কিছু বুঝিল না। সে সকল কথাতেই বলিল, “সে আমি কি জানি!”

সংসারের কোন চিন্তা যে তাহাকে কখন ভাবিতে হইবে এমন কথা কি তাহার সহিত ছিল? সকলে আপনার ভাবনা ভাবিবে এবং সকলে মিলিয়া শৈলবালার আরাম চিন্তা করিবে, অকস্মাৎ ইহার ব্যতিক্রম হয়, এ কি ভয়ানক অশ্রায়!

তখন নিবারণ শৈলবালার পায়ে ধরিয়া কাঁদিয়া পড়িল। শৈলবালা কেবলি বলিল, “সে আমি জানি না। আমার জিনিষ আমি কেন দিব?”

নিবারণ দেখিল ঐ দুর্বল ক্ষুদ্র সুন্দর সুকুমারী বালিকাটি লোহার সিঙ্ককের অপেক্ষাও কঠিন। হরসুন্দরী সঙ্কটের সময় স্বামীর এই দুর্বলতা দেখিয়া ঘৃণায় জর্জরিত হইয়া উঠিল। শৈলবালার চাবি বলপূর্বক কাড়িয়া লইতে গেল। শৈলবালা চাবির গোছা প্রাচীর লঙ্ঘন করিয়া পুষ্করিণীর মধ্যে ফেলিয়া দিল।

হরসুন্দরী হতবুদ্ধি স্বামীকে কহিল, “তালা ভাঙ্গিয়া ফেল না!”

শৈলবালা প্রশান্তমুখে বলিল, “তাহা হইলে আমি গলায় দড়ি দিয়া মরিব!”—

নিবারণ কহিল, আমি আর একটা চেষ্টা দেখিতেছি, বলিয়া এলো-থেলো বেশে বাহির হইয়া গেল।

নিবারণ দুই ঘণ্টা মধ্যেই পৈতৃক বাড়ি আড়াই হাজার টাকায় বিক্রয় করিয়া আসিল।

বহুকষ্টে হাতে বেড়িটা বাঁচিল, কিন্তু চাকরী গেল। স্থাবর সম্পদের মধ্যে রহিল কেবল দুটিমাত্র স্ত্রী। তাহার মধ্যে ক্লেণ-কাতর বালিকা স্ত্রীটি গর্ভবতী হইয়া নিতান্ত স্থাবর হইয়াই পড়িল। গলির মধ্যে একটি ছোট স্যাংসেঁতে বাড়িতে এই ক্ষুদ্র পরিবার আশ্রয় গ্রহণ করিল।

ষষ্ঠ পরিচ্ছেদ।

—:—

ছোটবোয়ের অসন্তোষ এবং অনুরোধ আর শেষ নাই। সে কিছুতেই বুঝিতে চায় না তাহার স্বামীর ক্ষমতা নাই। “ক্ষমতা নাই যদি ত বিবাহ করিলে কেন?”

উপরের তলায় কেবল দুটিমাত্র ঘর। একটি ঘরে নিবারণ ও শৈলবালার শয়নগৃহ। আর একটা ঘরে হরসুন্দরী থাকে। শৈলবালা খুৎখুৎ করিয়া বলে, “আমি দিন-রাত্রি শোবার ঘরে কাটাইতে পারি না।”

নিবারণ মিথ্যা আশ্বাস দিয়া বলিত, “আমি আর একটা ভাল বাড়ির সন্ধানে আছি, শীঘ্র বাড়ি বদল করিব।”

শৈলবালা বলিত, “কেন, ঐ ভ পাশে আর একটা ঘর আছে!”

শৈলবালা তাহার পূর্ব প্রতিবেশিনীদের দিকে কখনো মুখ তুলিয়া চাহে নি। নিবারণের বর্তমান দুর্বলীয় ব্যাধিত হইয়া তাহার একদিন দেখা করিতে আসিল, শৈলবালা ঘরে খিল দিয়া বসিয়া রহিল,

কিছুতেই দ্বার খুলিল না। তাহারা চলিয়া গেলে রাগিয়া, কাঁদিয়া, উপবাসী থাকিয়া, হিষ্টিরিয়া করিয়া পাড়া মাথায় করিল। এমনকর উৎপাত প্রায় ঘটিতে লাগিল।

অবশেষে শৈলবালার এই শারীরিক সঙ্কটের অবস্থায় গুরুতর পীড়া হইল, এমন কি গর্ভপাত হইবার উপক্রম হইল।

নিবারণ হরসুন্দরীর ছই হাত ধরিয়া বলিল, “তুমি শৈলকে বাঁচাও।”

হরসুন্দরী দিন নাই রাত্রি নাই শৈলবালার সেবা করিতে লাগিল। তিলমাত্র ঙ্গট হইলে শৈল তাহাকে তুর্কাক্য বলিত, সে একটি উত্তরমাত্র করিত না।

শৈল কিছুতেই সাঙু খাইতে চাহিত না, বাটসুন্ধ ছুঁড়িয়া ফেলিত—জ্বরের সময় কাঁচা আমের অস্থল দিয়া ভাত খাইতে চাহিত, না পাইলে রাগিয়া কাঁদিয়া অনর্থপাত করিত—হরসুন্দরী তাহাকে, “লক্ষ্মী আমার”, “বোন আমার”, “দিদি আমার” বলিয়া শিশুর মত ভুলাইতে চেষ্টা করিত।

কিন্তু শৈলবালা বাঁচিল না। সংসারের সমস্ত সোহাগ আদর লইয়া পরম অস্থখ ও অসন্তোষে বাস্তিকার ক্ষুদ্র অসম্পূর্ণ ব্যর্থ জীবন অকালে নষ্ট হইয়া গেল।

সপ্তম পরিচ্ছেদ ।

— o:•:•:—


নিবারণের প্রথমে খুব একটা আঘাত লাগিল, পরক্ষণেই দেখিল তাহার একটা মস্ত বাঁধন ছিঁড়িয়া গিয়াছে। শোকের মধ্যেও হঠাৎ তাহার একটা মুক্তির আনন্দ বোধ

হইল। হঠাৎ মনে হইল এতদিন তাহার বুকের উপর একটা হুঃস্বপ্ন চাপিয়া ছিল। চৈতন্য হইয়া মুহূর্তের মধ্যে জীবন নিরতিশয় লঘু হইয়া গেল। মাধবীলতাটির মত এই যে কোমল জীবনপাশ ছিঁড়িয়া গেল, এই কি তাহার আদরের শৈলবালা? হঠাৎ নিশ্বাস টানিয়া দেখিল, না, সে তাহার উদ্বন্ধন-রজ্জু।

আর তাহার চিরজীবনের সঙ্গিনী হরসুন্দরী? দেখিল সেই ত তাহার সমস্ত সংসার একাকিনী অধিকার করিয়া তাহার জীবনের সমস্ত সুখঃখের স্মৃতিমন্দিরের মাঝখানে বসিয়া আছে—কিন্তু তবু মধ্যে একটা বিচ্ছেদ। ঠিক যেন একটি ক্ষুদ্র উজ্জল সুন্দর নির্ভুর ছুরি আসিয়া একটি জ্বংপিণ্ডের দক্ষিণ এবং বাম অংশের মাঝখানে বেদনাপূর্ণ বিদারণ-রেখা টানিয়া দিয়া গেছে।

একদিন গভীর রাত্রে সমস্ত সহর যখন নিদ্রিত, নিবারণ ধীরে ধীরে হরসুন্দরীর নিভৃত শয়নকক্ষে প্রবেশ করিল। নীরবে সেই পুরাতন নিয়মমত সেই পুরাতন শয্যার দক্ষিণ অংশ গ্রহণ করিয়া শয়ন করিল। কিন্তু এবার তাহার সেই চির-অধিকারের মধ্যে চোরের মত প্রবেশ করিল।

হরসুন্দরীও একটি কথা বলিল না, নিবারণও একটি কথা বলিল না। উহারা পূর্বে যেরূপ পাশাপাশি শয়ন করিত এখনও সেইরূপ পাশাপাশি শুইল, কিন্তু ঠিক মাঝখানে একটি মৃত বালিকা শুইয়া রহিল, তাহাকে কেহ লক্ষ্যন করিতে পারিল না।



প্রথম পরিচ্ছেদ ।

—:(*)—

হাথরাম রুই এবং ছিদাম রুই দুই ভাই সকালে যখন দা হাতে লইয়া জন খাটিতে বাহির হইত তখন তাহাদের দুই জ্বর মধ্যে মহা বকাঝকি চেঁচামেচি চলিতেছে। কিন্তু প্রকৃতির অশান্ত নানা-বিধ নিত্য কলরবের ত্রায় এই কলহ কোলাহলও পাড়াসুদ্ধ লোকের অভ্যাস হইয়া গেছে। তীব্র কঠিন স্বর শুনিবামাত্র লোকে পরস্পরকে বলে “ঐ রে ষাদিয়া গিয়াছে,” অর্থাৎ যেমনটি আশা করা যায় ঠিক তেমনিটি ঘটিয়াছে, আজও স্বভাবের নিয়মের কোনরূপ ব্যত্যয় হয় নাই। প্রভাতে পূর্বদিকে সূর্য উঠিলে যেমন তাহার কারণ জিজ্ঞাসা করে না তেমনি এই কুরিদের বাড়িতে দুই ঘাঘের মধ্যে যখন একটা হৈ হৈ পড়িয়া যায় তখন তাহার কারণ নির্ণয়ের জন্ত কাহারও কোনরূপ কৌতুহলের উদ্ভেক হয় না।

অবশ্য এই কোনল-আনোদন প্রতিবেশীদের অপেক্ষা দুই স্বামীকে বেশী স্পর্শ করিত সন্দেহ নাই কিন্তু সেটা তাহারা কোনরূপ অসুবিধার মধ্যে গণ্য করিত না। তাহারা দুই ভাই যেন দীর্ঘ সংসারপথ একটা একা গাড়িতে করিয়া চলিয়াছে, দুই দিকের দুই শিংবিহীন চাকার অবিশ্রাম ছড় ছড় গড় গড় শব্দটাকে জীবনরথযাত্রার

একটা বিধিবিহিত নিয়মের মধ্যেই ধরিয়া লইয়াছে।

বয়স্ক ঘরে যেদিন কোন শব্দমাত্র নাই, সমস্ত থম্‌থম্‌ ছম্‌ছম্‌ করিতেছে, সেদিন একটা আসন্ন অনৈসর্গিক উপদ্রবের আশঙ্কা জন্মিত, সেদিন যে কখন কি হইবে তাহা কেহ হিসাব করিয়া বলিতে পারিত না।

আমাদের গল্পের ঘটনা যেদিন আরম্ভ হইল সেদিন সন্ধ্যার প্রাক্কালে দুই ভাই যখন জন খাটিয়া শ্রান্তদেহে ঘরে ফিরিয়া আসিল তখন দেখিল স্তর গৃহ গম্‌গম্‌ করিতেছে!

বাহিরেও অত্যন্ত গুম্‌ট্‌। দুই প্রহরের সময় খুব এক পসলা বৃষ্টি হইয়া গিয়াছে। এখনও চারিদিকে মেঘ জমিয়া আছে। বাতাসের লেশমাত্র নাই। বর্ষীয় ঘরের চারিদিকে জঙ্গল এবং আগাছাগুলি অত্যন্ত বাড়িয়া উঠিয়াছে, সেখান হইতে এবং জল-মগ্ন পাটের ক্ষেত হইতে সিক্ত উদ্ভিজ্জের ঘন গন্ধবাস্প চতুর্দিকে একটি নিশ্চল প্রাচীরের মত জমাট হইয়া দাঁড়াইয়া আছে। গোয়ালের পশ্চাদ্ভর্তী ডোবার মধ্য হইতে ভেক ডাকিতেছে এবং ঝাঞ্জরবে সন্ধ্যার নিস্তরু আকাশ একেবারে পরিপূর্ণ।

অদূরে বর্ষার পদ্মা নবমেঘচ্ছায়ায় বড় স্থির ভয়ঙ্কর ভাব ধারণ করিয়া চলিয়াছে। শশ্বক্লেত্রের অধিকাংশই ভাঙ্গিয়া লোকালয়ের কাছাকাছি আসিয়া পড়িয়াছে। এমন কি, ভাঙ্গনের ধারে দুই চারিটা আম কাঠালগাছের শিকড় বাহির হইয়া দেখা দিয়াছে, যেন তাহাদের নিরুপায় মুষ্টির প্রসারিত অঙ্গুলিগুলি শূন্যে একটা কিছু অস্তিম অবলম্বন আকড়িয়া ধরিবার চেষ্টা করিতেছে।

হুথিরাম এবং ছিদাম সেদিন জমিদারের কাছারি-ঘরে কাজ করিতে গিয়াছিল। ওপারের চরে জলিধান পাকিয়াছে। বর্ষায় চর ভাসিয়া ঘাইবার পূর্বেই ধান কাটিয়া লইবার জন্য দেশের দরিদ্র লোক-মাত্রেই কেহ বা নিজের ক্ষেতে কেহ বা পাট খাটিতে নিযুক্ত হইয়াছে; কেবল কাছারি হইতে পেয়াদা আসিয়া এই দুই ভাইকে জবরদস্তি করিয়া ধরিয়া লইয়া গেল। কাছারি-ঘরে চাল ভেদ করিয়া স্থানে স্থানে জল পড়িতেছিল তাহাই সারিয়া দিতে এবং গোটাকতক ঝাঁপ নিৰ্ম্মাণ করিতে তাহারা সমস্ত দিন খাটিয়াছে। বাড়ি আসিতে পায় নাই, কাছারি হইতেই কিঞ্চিৎ জলপান খাইয়াছে। মধ্যে মধ্যে বুষ্টিতেও ভিজিতে হইয়াছে,—উচিতমত পাওনা মজুরি পায় নাই, এবং তাহার পরিবর্তে যে সকল অন্তায় কটুকথা শুনিতে হইয়াছে সে তাহাদের পাওনার অনেক অতিরিক্ত।

পথের কাদা এবং জল ভাঙ্গিয়া সন্ধ্যাবেলায় বাড়ি ফিরিয়া আসিয়া দুই ভাই দেখিল, ছোট যা চন্দরা ভূমিতে অঞ্চল পাতিয়া চূপ করিয়া পড়িয়া আছে;—স্বাজিকার এই মেঘলা দিনের মত সেও মধ্যাহ্নে প্রচুর অশ্রুবর্ষণপূর্বক সায়াহ্নের কাছাকাছি ক্ষান্ত দিয়া অত্যন্ত গুমচু করিয়া আছে; আর বড় যা বাধা মুখটা মস্ত করিয়া দাওয়ায় বসিয়াছিল—তাহার দেড় বৎসরের ছোট ছেলেটি কাঁদিতেছিল, দুই ভাই যখন প্রবেশ করিল, দেখিল উলঙ্গ শিশু প্রাঙ্গণের এক পার্শ্বে চীৎ হইয়া পড়িয়া যুমাইয়া আছে।

ক্ষুধিত হুথিরাম আর কালবিলম্ব না করিয়া বলিল “ভাত দে।”

বড় বৌ বাকুদের বস্তায় ক্ষুলিঙ্গপাতের মত এক মুহূর্তেই তীব্র কণ্ঠস্বর আকাশ পরিমাণ করিয়া বলিয়া উঠিল, “ভাত কোথায় যে ভাত দিব? তুই কি চাল দিয়া গিয়াছিলি? আমি কি নিজে বোজ্জগার করিয়া আনিব?”

সারাদিনের শ্রান্তি ও লাঞ্চার পর অন্নহীন নিরানন্দ অন্ধকার ঘরে প্রজ্জলিত ক্ষুধানলে গৃহিণীর রূক্ষবচন, বিশেষতঃ শেষ কথাটার গোপন কুৎসিত শ্লেষ হুথিরামের হঠাৎ কেমন একেবারেই অসহ্য হইয়া উঠিল।

জুক ব্যাঘের স্থায় গম্ভীর গর্জনে বলিয়া উঠিল “কি বলি!” বলিয়া, মুহূর্তের মধ্যে দা লইয়া কিছু না ভাবিয়া একেবারে জীর মাথায় বসাইয়া দিল। বাধা তাহার ছোট ঘায়ের কোলের কাছে পড়িয়া গেল এবং মৃত্যু হইতে মুহূর্ত বিলম্ব হইল না।

চন্দরা রক্তসিক্ত বস্ত্রে “কি হল গো” বলিয়া চীৎকার করিয়া উঠিল। ছিদাম তাহার মুখ চাপিয়া ধরিল। হুথিরাম দা ফেলিয়া মুখে হাত দিয়া হতবুদ্ধির মত ভূমিতে বসিয়া পড়িল। ছেলেটা জাগিয়া উঠিয়া ভয়ে চীৎকার করিয়া কাঁদিতে লাগিল।

বাহিরে তখন পরিপূর্ণ শান্তি। রাখাল বালক গরু লইয়া গ্রামে ফিরিয়া আসিতেছে। পরপারের চরে যাহারা নূতন-চর ধান কাটিতে গিয়াছিল, তাহারা পাঁচ সা হজনে এক একটি ছোট নৌকায় এপারে ফিরিয়া পরিশ্রমের পুরস্কার দুই চালি আটি

ধান মাথায় লইয়া প্রায় সকলেই নিজ নিজ ঘরে আসিয়া পৌঁছিয়াছে ।

চক্রবর্তীদের বাড়ির রামলোচন খুড়ে গ্রামের ডাকঘরে চিঠি দিয়া ঘরে ফিরিয়া নিশ্চিন্ত মনে চুপচাপ তামাক খাইতে-ছিলেন। হঠাৎ মনে পড়িল, তাঁহার কোর্কা প্রস্তুত হুখির অনেক টাকা খাজনা বাকি ; আজ কিয়দংশ শোধ করিবে প্রতিশ্রুত হইয়াছিল। এতক্ষণে তাহার বাড়ি ফিরিয়াছে স্থির করিয়া চাদরটা কাঁধে ফেলিয়া ছাতা লইয়া বাহির হইলেন।

কুরীদের বাড়িতে ঢুকিয়া তাঁহার গা ছম্ছম করিয়া উঠিল। দেখিলেন, ঘরে প্রদীপ জ্বালা হয় নাই। অন্ধকার দাওয়ার দুই চারিটা অন্ধকার মূর্তি অস্পষ্ট দেখা যাইতেছে। রহিয়া রহিয়া দাওয়ার এক কোণ হইতে একটা অক্ষুট রোদন উচ্ছ্বসিত হইয়া উঠিতেছে—এবং ছেলেটা যত মা মা করিয়া কাঁদিয়া উঠিতে চেষ্টা করিতেছে ছিদাম তাহার মুখ চাপিয়া ধরিতেছে।

রামলোচন কিছু ভীত হইয়া জিজ্ঞাসা করিলেন, “হুখি, আছিস্ না কি !”

হুখি এতক্ষণ প্রস্তরমূর্তির মত নিশ্চল হইয়া বসিয়া ছিল, তাহার নাম ধরিয়া ডাকিবামাত্র একেবারে অবোধ বালকের মত উচ্ছ্বসিত হইয়া কাঁদিয়া উঠিল।

ছিদাম তাড়াতাড়ি দাওয়া হইতে অগ্ননে নামিয়া চক্রবর্তীর নিকটে আসিল। চক্রবর্তী জিজ্ঞাসা করিলেন, “মাগীরা বুঝি ঝগড়া করিয়া বসিয়া আছে? আজ ত সমস্ত দিনই চীৎকার শুনিয়াছি।”

এতক্ষণ ছিদাম কিংকর্তব্য কিছুই ভাবিয়া উঠিতে পারে নাই। নানা অসম্ভব পন্থ তাহার মাথায় উঠিতেছিল। আপা-

ততঃ স্থির করিয়াছিল রাত্রি কিঞ্চিৎ অধিক হইলে মৃতদেহ কোথাও সরাইয়া ফেলিবে। ইতিমধ্যে যে চক্রবর্তী আসিয়া উপস্থিত হইবে এ সে মনেও করে নাই। ফসু করিয়া কোন উত্তর যোগাইল না। বলিয়া ফেলিল, “হাঁ, আজ খুব ঝগড়া হইয়া গিয়াছে।”

চক্রবর্তী দাওয়ার দিকে অগ্রসর হইবার উপক্রম করিয়া বলিল, “কিন্তু সে জন্ত হুখি কাঁদে কেন রে !”

ছিদাম দেখিল আর রক্ষা হয় না, হঠাৎ বলিয়া ফেলিল—“ঝগড়া করিয়া ছোট বৌ বড় বোয়ের মাথায় এক দায়ের কোপ বসাইয়া দিয়াছে।”

উপস্থিত বিপদ ছাড়া যে আর কোন বিপদ থাকিতে পারে এ কথা সহজে মনে হয় না। ছিদাম তখন ভাবিতে ছিল, ভীষণ সত্যের হাত হইতে কি করিয়া রক্ষা পাইব? মিথ্যা যে তদপেক্ষা ভীষণ হইতে পারে তাহা তাহার জ্ঞান হইল না। রামলোচনের প্রশ্ন শুনিবামাত্র তাহার মাথায় তৎক্ষণাৎ একটা উত্তর যোগাইল এবং তৎক্ষণাৎ বলিয়া ফেলিল।

রামলোচন চমকিয়া উঠিয়া, কহিল, “অ্যা! বলিস্ কি! মরে নাই ত!”

ছিদাম কহিল, “মরিয়াছে!” বলিয়া চক্রবর্তীর পা জড়াইয়া ধরিল।

চক্রবর্তী পালাইবার পথ পায় না। ভাবিল, রাম, রাম, সন্ধ্যাবেলায় একি বিপদেই পড়িলাম! আদালতে সাক্ষ্য দিতে দিতেই প্রাণ বাহির হইয়া পড়িবে। ছিদাম কিছুতেই তাঁহার পা ছাড়িল না,

কহিল “দাদা ঠাকুর এখন আমায় বোঝে-
বাঁচাইবার কি উপায় করি !”

মামলা মোকদ্দমায় পরামর্শে রাম-
লোচন সমস্ত গ্রামের প্রধান মন্ত্রী ছিলেন ।
তিনি একটু ভাবিয়া বলিলেন, দেখ,
ইহার এক উপায় আছে । তুই এখনি
ধানায় ছুটিয়া যা—বল্গে, তোর বড় ভাই
হুপি সন্ধ্যাবেলায় ঘরে আসিয়া ভাত চাহিয়া-
ছিল ; ভাত প্রস্তুত ছিল না বলিয়া জ্বর
মাথায় দা বসাইয়া দিয়াছে । আমি নিশ্চয়
বলিতেছি এ কথা বলিলে ছুঁড়িটা বাঁচিয়া
যাইবে ।

ছিদামের বর্ষ শুক হইয়া আসিল ;
উঠিয়া কহিল, ঠাকুর, বৌ গেলে বৌ পাইব
কিন্তু আমার ভাই কসি গেলে আর ত
ভাই পাইব না । কিন্তু যখন নিজের জ্বর
নামে দোষারোপ করিয়াছিল তখন এ
সকল কথা ভাবে নাই । তাড়াতাড়িতে
একটা কাজ করিয়া ফেলিয়াছে, এখন
অলক্ষিত ভাবে মন আপনার পক্ষে যুক্তি
এবং প্রবোধ সঞ্চয় করিতেছে ।

চক্রবর্তীও কথাটা যুক্তিসঙ্গত বোধ
করিলেন, কহিলেন, তবে যেমনটি ঘটিয়াছে
তাই বলিস্ সকল দিক্ রক্ষা করা অসম্ভব ।

বলিয়া রামলোচন অবিলম্বে প্রস্থান
করিল এবং দেখিতে দেখিতে গ্রামে রাষ্ট্র
হইল যে, কুরীদের বাড়ির চন্দ্রা রাগারাগি
করিয়া তাহার বড় যায়ের মাথায় দা
বসাইয়া দিয়াছে ।

বাঁধ ভাঙ্গিলে যেমন জল আসে গ্রামের
মধ্যে তেমনি হুঃশব্দে পুলিস আসিয়া
পড়িল ; অপরাধী এবং নিরপরাধ সকলেই
বিষম উদ্ভিগ্ন হইয়া উঠিল ।

দ্বিতীয় পরিচ্ছেদ ।

—:o:o:—

ছিদাম ভাবিল, যে পথ কাঁটিয়া ফেলি-
য়াছে সেই পথেই চলিতে হইবে । সে চক্র-
বর্তীর কাছে নিজ মুখে এক কথা বলিয়া
ফেলিয়াছে সে কথা গাঁসুন্ধ রাষ্ট্র হইয়া
পড়িয়াছে, এখন আবার আর একটা কিছু
প্রকাশ হইয়া পড়িলে কি জানি কি হইতে
কি হইয়া পড়িবে সে নিজেই কিছু ভাবিয়া
পাইল না । মনে করিল কোন মতে সেই
কথাটা রক্ষা করিয়া তাহার সহিত আর
পাঁচটা গল্প জুড়িয়া জ্বীকে রক্ষা করা ছাড়া
আর কোন পথ নাই ।

ছিদাম তাহার স্ত্রী চন্দ্রাকে অপরাধ
নিজ স্বন্ধে লইবার জন্ত অনুরোধ করিল ।
সে ত একেবারে বজ্রাহত হইয়া গেল ।
ছিদাম তাহাকে আশ্বাস দিয়া কহিল, যাহা
বলিতেছি তাই কর, তোর কোন ভয় নাই,
আমরা তোকে বাঁচাইয়া দিব ।—আশ্বাস
দিল বটে কিন্তু গলা শুকাইল, মুখ পাংশুবর্ণ
হইয়া গেল ।

চন্দ্রার বয়স সতেরো আঠারোর
অধিক হইবে না । মুখখানি হুটপুট
গোলগাল—শরীরটি অনতিদীর্ঘ, আঁটসাঁট
সুস্থ সবল ; অঙ্গ প্রত্যঙ্গের মধ্যে এমনি
একটি সৌষ্ঠব আছে যে, চলিতে ফিরিতে
নড়িতে চড়িতে দেহের কোথাও যেন
কিছু বাধে না । একখানি নুতন তৈরি
নৌকার মত ; বেশ ছোট এবং সুডোল,
অত্যন্ত সহজে সরে এবং তাহার কোথাও
কোন গ্রন্থি শিথিল হইয়া যায় নাই ।
পৃথিবীর সকল বিষয়েই তাহার একটা

কৌতুক এবং কৌতুহল আছে ; পাড়ায় গল্প করিতে ঘাইতে ভাল বাসে ; এবং কুস্তকক্ষে ঘাটে ঘাইতে আসিতে হুই অঙ্গুলি দিয়া ঘোমটা ঈষৎ ফাক করিয়া উজ্জ্বল চঞ্চল ঘনকৃষ্ণ চোখ ছুটি দিয়া পথের মধ্যে দর্শনযোগ্য যাহা কিছু সমস্ত দেখিয়া লয় ।

বড়বৌ ছিল ঠিক ইহার ডপ্টা ; অত্যন্ত এগোমেলো ঢিলেঢালা অগোছালো । মাথার কাপড় বোলের শিশু, ঘরকন্নার কাজ কিছুই সে সামলাইতে পারিত না । হাতে বিশেষ একটা কিছু কাজও নাই অথচ কোন কালে যেন সে অবসর করিয়া উঠিতে পারে না । ছোটখা তাহাকে অধিক কিছু কথা বলিত না, যুৎসরে হুই একটা তীক্ষ্ণ দংশন করিত, আর সে হাউ হাউ দাউ দাউ করিয়া রাগিয়া নাগিয়া বকিয়া বকিয়া সাঝা হুইত এবং পাড়াশুদ্ধ অস্থির করিয়া তুলিত ।

এই হুই যুড়ি স্বামী স্ত্রীর মধ্যেও একটা আশ্চর্য্য স্তভাবের ঐক্য ছিল । ছবিরাম মানুঘটা কিছু বৃহদায়তনের—হাড়গুলা খুব চওড়া—নাসিকা খর্স—ছুটি চক্ষু এই দৃশ্যমান সংসারকে যেন ভাল করিয়া বোঝে না, অথচ ইহাকে কোনরূপ প্রশ্ন করিতেও চায় না । এমন নিরীহ অথচ ভীষণ, এমন সবল অথচ নিরুপায় মানুঘ অতি দুর্গভ ।

আর ছিদামকে একখানি চক্চকে কাল পাথরে কে যেন বহুযত্নে কুঁদিয়া গড়িয়া তুলিয়াছে । লেশমাত্র বাহ্যিক-বর্জিত এবং কোথাও যেন কিছু টোল খায় নাই । প্রত্যেক অঙ্গট বলের সহিত নৈপুণ্যের সহিত মিশিয়া অত্যন্ত সম্পূর্ণতা লাভ করিয়াছে । নদীর উচ্চপাড় হুইতে

নিরে লাফাইয়া পড়ুক, লগি দিয়া নৌকা ঠেলুক, বাশপাছে চড়িয়া বাছিয়া বাছিয়া বন্ধি কাটিয়া আনুক, সকল কাজেই তাহার একটি পরিমিত পারিপাট্য, একটি অবলীলা-রূত শোভা প্রকাশ পায় । বড় বড় কাল চুল তেল দিয়া কপাল হুইতে যত্নে আঁচড়াইয়া তুলিয়া কাধে আনিয়া ফেলিয়াছে—বেশভূষা সাজ-সজ্জায় বিলক্ষণ একটা যত্ন আছে ।

অপরাপর গ্রামবধুদিগের সৌন্দর্য্যের প্রতি যদিও তাহার উদাসীন দৃষ্টি ছিল না, এবং তাহাদের চক্ষে আপনাকে মনোরম করিয়া তুলিবার ইচ্ছাও তাহার যথেষ্ট ছিল তবু ছিদাম তাহার যুবতী স্ত্রীকে এত বিশেষ ভাল বাসিত । উভয়ে বগ-ড়াও হুইত, ভাবও হুইত, কেহ কাহাকে পরাস্ত করিতে পারিত না । আর একটি কারণে উভয়ের মধ্যে বন্ধন কিছু স্বদৃঢ় ছিল । ছিদাম মনে করিত চন্দরা যেরূপ চটুল চঞ্চল প্রকৃতির স্ত্রীলোক তাহাকে যথেষ্ট বিশ্বাস নাই, আর চন্দরা মনে করিত, আমার স্বামীটির চতুর্দিকেই দৃষ্টি, তাহাকে কিছু কষাকষি করিয়া না বাধিলে কোন দিন হাতছাড়া হুইতে আটক নাই ।

উপস্থিত ঘটনা ঘটবার কিছুকাল পূর্বে হুইতে স্ত্রীপুরুষের মধ্যে ভারি একটা গোলযোগ চলিতেছিল । চন্দরা দেখিয়াছিল তাহার স্বামী কাজের ওজর করিয়া মাঝে মাঝে দূরে চলিয়া যায়, এমন কি, হুই একদিন অতীত করিয়া আসে, অথচ কিছু উপার্জন করিয়া আনে না । লক্ষণ মন্দ দেখিয়া সেও কিছু বাড়াবাড়ি দেখাইতে লাগিল । যখন তখন ঘাটে ঘাইতে আরম্ভ করিল এবং পাড়া পর্য্যটন করিয়া আসিয়া কাঁদা

মজুমদারের মেজ ছেলেটির প্রচুর ব্যাখ্যা করিতে লাগিল।

ছিদামের দিন এবং রাত্রিগুলির মধ্যে কে যেন বিষ মিশাইয়া দিল। কাজে কর্ষে কোথাও একদণ্ড গিয়া স্থস্থির হইতে পারে না। একদিন ভাজকে আসিয়া ভৎসনা করিল। সে হাত নাড়িয়া বঙ্কার দিয়া অনুপস্থিত যুগ পিতাকে সম্বোধন করিয়া বলিল—ও মেয়ে বড়ের আগে ছোটে উহাকে আমি সামলাইব! আমি জানি ও কোন দিন কি সর্বনাশ করিয়া বসিবে!

চন্দরা পাশের ঘর হইতে আসিয়া আস্তে আস্তে কহিল “কেন দিদি তোমার এত ভয় কিসের!” এত হঠাৎ গায়ে বিষম দন্দ বাধিয়া গেল।

ছিদাম চোপ পাকাইয়া বলিল, এবার যদি কখনও শুনি তুই একলা ঘাটে গিয়া-ছিঙ্গু তোর হাড় গুড়াইয়া দিব।

চন্দরা বলিল—তাহা হইলে ত হাড় গুড়ায়!—বলিয়া তৎক্ষণাৎ বাহিরে চলিয়া যাইবার উপক্রম করিল।

ছিদাম একলক্ষে তাহার চুল ধরিয়া টানিয়া ঘরে পুরিয়া বাহির হইতে দ্বার রুদ্ধ করিয়া দিল।

কর্ষস্থান হইতে সন্ধ্যাবেলায় ফিরিয়া আসিয়া দেখে ঘর খোলা, ঘরে কেহ নাই। চন্দরা তিনটে গ্রাম ছাড়াইয়া একেবারে তাহার মামার বাড়ি গিয়া উপস্থিত হইয়াছে।

ছিদাম সেখান হইতে বহুকষ্টে অনেক সাধ্যসাধনায় তাহাকে ঘরে ফিরাইয়া আনিল, কিন্তু এবার পরাস্ত মানিল। দেখিল, এক অঞ্জলি পারদকে মুষ্টির মধ্যে শক্ত করিয়া ধরা যেমন হুঁসোধ্য এই মুষ্টিমেয় স্ত্রীটুকুকেও

কঠিন করিয়া ধরিয়া রাখা তেমনি অসম্ভব—ও যেন দশ আঙুলের কঁক দিয়া বাহির হইয়া পড়ে।

আর কোন জবরদস্তি করিল না, কিন্তু বড় অশান্তিতে বাস করিতে লাগিল। তাহার এই চঞ্চলা যুবতি স্ত্রীর প্রতি সদা-শঙ্কিত ভালবাসা উগ্র একটা বেদনার মত বিষম টনটনে হইয়া উঠিল। এমন কি, এক একবার মনে হইত এ যদি মরিয়া যায় তবে আমি নিশ্চিত হইয়া একটুখানি শান্তিলাভ করিতে পারি!—মানুষের উপরে মানুষের যতটা ঈর্ষ্যা হয় যমের উপরে এতটা নহে!

এমন সময়ে ঘরে সেই বিপদ ঘটিল। চন্দরাকে যখন তাহার স্বামী খুন স্বীকার করিয়া লইতে কহিল, সে স্তম্ভিত হইয়া চাহিয়া রহিল। তাহার কালো ত্রুটি চক্ষু কালো অধির শ্রায় নীরবে তাহার স্বামীকে দগ্ধ করিতে লাগিল। তাহার সমস্ত শরীর মন যেন ক্রমেই সঙ্কুচিত হইয়া এই স্বামীরাক্ষসের হাত হইতে বাহির হইয়া আসিবার চেষ্টা করিতে লাগিল। তাহার সমস্ত অন্তরাঙ্গা একান্ত বিমুগ্ধ হইয়া দাঁড়াইল।

ছিদাম আশ্বাস দিল তোমার কিছু ভয় নাই।—বলিয়া পুলিশের কাছে ম্যাজিস্ট্রেটের কাছে কি বলিতে হইবে বারবার শিখাইয়া দিল। চন্দরা সে সমস্ত দীর্ঘ কাহিনী কিছুই শুনিল না, কাঠের মূর্তি হইয়া বসিয়া রহিল।

সমস্ত কাজেই ছিদামের উপর জগি-রামের একমাত্র নির্ভর। ছিদাম যখন চন্দরার উপর সমস্ত দোষারোপ করিতে বলিল, জগি কহিল, তাহা হইলে বোমার কি হইবে। ছিদাম কহিল, উহাকে আমি

বাঁচাইয়া দিব। বৃহৎকায় হুগিরাম নিশ্চিন্ত হইল।

তৃতীয় পরিচ্ছেদ ।

—:o:—

ছিদাম তাহার স্ত্রীকে শিখাইয়া দিয়াছিল যে, তুই বলিস বড় যা আমাকে বাঁচাইয়া মারিতে আসিয়াছিল, আমি তাহাকে দা লইয়া ঠেকাইতে গিয়া হঠাৎ কেমন করিয়া লাগিয়া গিয়াছে। এসমস্তই রামলোচনের রচিত। ইহার অনুকূলে যে যে অলঙ্কার এবং প্রমাণ প্রয়োগের আবশ্যক তাহাও সে বিস্তারিত ভাবে ছিদামকে শিখাইয়াছিল।

পুলিস আসিয়া তদন্ত করিতে লাগিল। চন্দরাই যে তাহার বড় যাকে খুন করিয়াছে গ্রামের সকল লোকেরই মনে এই বিশ্বাস বদ্ধমূল হইয়া গিয়াছে। সকল সাক্ষীর দ্বারাই সেইরূপ প্রমাণ হইল। পুলিস যখন চন্দরাকে প্রণয় করিল, চন্দরা কহিল, হাঁ, আমি খুন করিয়াছি।

কেন খুন করিয়াছ ?

আমি তাহাকে দেখিতে পারিতাম না।

কোন বচসা হইয়াছিল ?

না।

সে তোমাকে প্রথমে মারিতে আসিয়াছিল ?

না।

তোমার প্রতি কোন অত্যাচার করিয়াছিল ?

না।

এইরূপ উত্তর শুনিয়া সকলে অবাঞ্ছিত হইয়া গেল।

ছিদাম ত একেবারে অস্থির হইয়া উঠিল। কহিল, উনি ঠিক কথা বলিতেছেন না। বড় বৌ প্রথমে—

দারোগা খুব এক তাড়া দিয়া তাহাকে ধামাইয়া দিল। অবশেষে তাহাকে বিধি-মতে জেরা করিয়া বার বার সেই একই উত্তর পাইল—বড় বৌএর দিক্ হইতে কোনরূপ আক্রমণ চন্দরা কিছুতেই স্বীকার করিল না।

এমন একদুয়ে মেয়েও ত দেখা যায় না। একেবারে প্রাণপণে ফাঁসিকাঠের দিকে ঝুঁকিয়াছে, কিছুতেই তাহাকে টানিয়া রাখা যায় না। চন্দরা বড় অভিমানে মনে মনে স্বামীকে বলিতেছে, আমি তোমাকে ছাড়িয়া আমার এই নবযৌবন লইয়া ফাঁসিকাঠকে বরণ করিলাম—আমার ইহজন্মের শেষবন্ধন তাহার সহিত।

বন্দিনী হইয়া চন্দরা, একটা নিরীহ ক্ষুদ্র চঞ্চল কোঁতুকপ্রিয় গ্রামবধু, চিরপরিচিত গ্রামের পথ দিয়া, রথের তলা দিয়া, হাটের মধ্য দিয়া, ঘাটের প্রান্ত দিয়া, মজুমদারের বাড়ির সম্মুখ দিয়া, পোষ্টআফিস এবং ইস্কুল-ঘরের পার্শ্ব দিয়া সমস্ত পরিচিত লোকের চক্ষের উপর দিয়া কলঙ্কের ছাপ লইয়া চিরকালের মত গৃহ ছাড়িয়া গ্রাম ছাড়িয়া চলিয়া গেল। একপাল ছেলে পিছন পিছন চলিল এবং গ্রামের মেয়েরা তাহার সহস্রাঙ্গুরা কেহ ঘোমটার ফাঁক দিয়া, কেহ দ্বারের প্রান্ত হইতে, কেহ বা গাছের আড়ালে দাঁড়াইয়া পুলিস-চালিত চন্দরাকে দেখিয়া ঘৃণায় লজ্জায় ভয়ে কণ্টকিত হইয়া উঠিল।

ডেপুটী ম্যাজিস্ট্রেটের কাছেও চন্দরা দোষ স্বীকার করিল। এবং খুনের সময় বড়

বৌ যে, তাহার প্রতি অত্যাচার করিয়া-
ছিল তাহার কথাই তাহা প্রকাশ হইল না।

কিন্তু সেদিন ছিদাম সাক্ষ্যস্থলে আসি-
য়াই একেবারে কাঁদিয়া ষোড়হস্তে কহিল,
দোহাই হজুর আমার জ্বীর কোন দোষ
নাই। হাকিম ধমক দিয়া তাহার উচ্চাস
নিবারণ করিয়া তাহাকে প্রশ্ন করিতে
লাগিলেন, সে একে একে সত্য ঘটনা সমস্ত
প্রকাশ করিল।

হাকিম তাহার কথা বিশ্বাস করিলেন
না। কারণ, প্রধান বিশ্বস্ত ভদ্রসাক্ষী রাম-
লোচন কহিল, খুনের অনতিবিলম্বেই আমি
ঘটনাস্থলে উপস্থিত হইয়াছিলাম। সাক্ষী
ছিদাম আমার নিকট সমস্ত স্বীকার করিয়া
আমার পা জড়াইয়া ধরিয়া কহিল, বোকে
কি করিয়া উদ্ধার করিব আমাকে যুক্তি
দিন। আমি ভাল মন্দ কিছুই বলিলাম
না। সাক্ষী আমাকে বলিল, আমি যদি
বলি আমার বড় ভাই ভাত চাহিয়া ভাত
পায় নাই বলিয়া রাগের মাথায় জ্বীকে
মারিয়াছে, তাহা হইলে কি সে রক্ষা
পাইবে? আমি কহিলাম, পবরদার
হারামজাদা, আদালতে এক বর্ণ মিথ্যা
বলিসু না—এতবড় মহাপাপ আর নাই—
ইত্যাদি।

রামলোচন প্রথমে চন্দরার রক্ষা করি-
বার উদ্দেশে অনেকগুলি গল্প বানাইয়া
তুলিয়াছিল, কিন্তু যখন দেখিল চন্দরা নিজে
বাকিয়া দাঁড়াইয়াছে, তখন ভাবিল, ওরে
বাপরে শেষকালে কি মিথ্যা-সাক্ষীর দায়ে
পড়িব! যে টুকু জানি সেইটুকু বলা ভাল।
এই মনে করিয়া রামলোচন যাহা জানে
তাহাই বলিল। বরঞ্চ তাহার চেয়েও
কিছু বেশী বলিতে ছাড়িল না।

ডেপুটী ম্যাজিস্ট্রেট সেশনে চালান
দিলেন।

ইতিমধ্যে চাম্বাল হাটবাজার হাসি-
কান্না পৃথিবীর সমস্ত কাজ চলিতে লাগিল।
এবং পূর্ব পূর্ব বৎসরের মত নবীন ধাতু-
ক্ষেত্রে শ্রাবণের অবিরল বৃষ্টিধারা বর্ষিত
হইতে লাগিল।

পুলিস আসামী এবং সাক্ষী লইয়া আদা-
লতে হাজির। সম্মুখবর্তী মুন্সেফের কোর্টে
বিস্তর লোক নিজ নিজ মোকদ্দমার অপেক্ষায়
বসিয়া আছে। রকনশালার পঞ্চাবর্তী একটি
ডোবার অংশ বিভাগ লইয়া কলিকাতা
হইতে এক উকীল আসিয়াছে এবং তদুপ-
লক্ষে বাদীর পক্ষে উনচল্লিশ জন সাক্ষী
উপস্থিত আছে। কতশত লোক আপন
আপন কড়াগুণ্ডা হিসাবের চুলঢেচরা মীমাংসা
করিবার জন্ত ব্যগ্র হইয়া আসিয়াছে,
জগতে আপাততঃ তদপেক্ষা গুরুতর আর
কিছুই উপস্থিত নাই এইরূপ তাহাদের
ধারণা। ছিদাম বাতায়ন হইতে এই অত্যন্ত
ব্যস্তসমস্ত প্রতিদিনের পৃথিবীর দিকে এক
দৃষ্টে চাহিয়া আছে, সমস্তই স্বপ্নের মত
বোধ হইতেছে। কম্পাউণ্ডের বৃহৎ বটগাছ
হইতে একটি কোকিল ডাকিতেছে—তাহা-
দের কোনরূপ আইন আদালত নাই।

চন্দরা জজের কাছে কহিল, ওগো
সাহেব, এক কথা আর বারবার কতবার
করিয়া বলিব!

জজসাহেব তাহাকে বুঝাইয়া কহিলেন,
তুমি যে অপরাধ স্বীকার করিতেছ তাহার
শাস্তি কি জান?

চন্দরা কহিল, না।

জজসাহেব কহিলেন—তাহার শাস্তি
ফাঁসী।

চন্দ্রা কহিল—ওগো তোমার পায়ে পড়ি, তাই দাও না সাহেব ! তোমাদের যাহা খুসি কর—আমার ত আর সহ হয় না !

যখন ছিদামকে আদালতে উপস্থিত করিল—চন্দ্রা মুখ ফিরাইল। জজ কহিলেন—সাক্ষীর দিকে চাহিয়া বল এ তোমার কে হয়।

চন্দ্রা দুই হাতে মুখ ঢাকিয়া কহিল, ও আমার স্বামী হয়।

প্রশ্ন হইল—ও তোমাকে ভালবাসে না ?

উত্তর—উঃ ! ভারি ভালবাসে।

প্রশ্ন। তুমি উহাকে ভালবাস না ?

উত্তর। খুব ভালবাসি !

ছিদামকে যখন প্রশ্ন হইল, ছিদাম কহিল, আমি খুন করিয়াছি।

প্রশ্ন। কেন ?

ছিদাম। ভাত চাহিয়াছিলাম বড় বৌ ভাত দেয় নাই।

দুখিরাম সাক্ষ্য দিতে আসিয়া মুচ্ছিত হইয়া পড়িল। মুচ্ছাভঙ্গের পর উত্তর করিল—সাহেব খুন আমি করিয়াছি।

কেন ?

ভাত চাহিয়াছিলাম ভাত দেয় নাই।

বিস্তর জেরা করিয়া এবং অগাধ সাক্ষ্য শুনিয়া জজ সাহেব স্পষ্ট বৃত্তিতে পারিলেন—ঘরের স্ত্রীলোককে ফাঁসির অপমান হইতে বাঁচাইবার জন্ত ইহারা দুই ভাই অপরাধ স্বীকার করিতেছে। কিন্তু চন্দ্রা পুলিশ হইতে সেশন আদালত পর্যন্ত বরাবর এক কথা বলিয়া আসিতেছে, তাহার কথার তিলমাত্র নড়চড় হয় নাই। দুইজন উকীল স্বেচ্ছাপূর্বক হইয়া তাহাকে প্রাণদণ্ড হইতে রক্ষা করিবার জন্ত বিস্তর চেষ্টা করিয়াছে,

কিন্তু অবশেষে তাহার নিকট পরাস্ত মানিয়াছে।

যেদিন একরাত্রি বয়সে একটি কালো কালো ছোটখাটো মেয়ে তাহার গোলগাল মুখটি লইয়া খেলার পুতুল ফেলিয়া বাপের ঘর হইতে শব্দরবে আসিল, সেদিন রাত্রে শুভ্রলগ্নের সময় আজিকার দিনের কথা কে কল্পনা করিতে পারিত ! তাহার বাপ মরিবার সময় এই বলিয়া নিশ্চিত হইয়াছিল যে, যাহা হউক আমার মেয়েটির একটি সদৃশ্য করিয়া গেলাম।

জেলখানায় ফাঁসির পূর্বে দয়ালু সিভিল মার্জিন চন্দ্রাকে জিজ্ঞাসা করিল কাহাকেও দেখিতে ইচ্ছা কর ?

চন্দ্রা কহিল, একবার আমার মাকে দেখিতে চাই।

ডাক্তার কহিল—তোমার স্বামী তোমাকে দেখিতে চায়, তাহাকে কি ডাকিয়া আনিব

চন্দ্রা কহিল—মরণ !—



১।

মেয়েটির নাম যখন সুভাষিনী রাখা হইয়াছিল তখন কে জানিত সে বোবা হইবে ? তাহার ছুটি বড় বোনকে স্নেহশিনী ও স্নহাসিনী নাম দেওয়া হইয়াছিল, তাই মিলের অল্পবোধে তাহার বাপ ছোট

মেয়েটির নাম স্নভাষিনী রাখে। এখন সকলে তাহাকে সংক্ষেপে স্নভা বলে।

দস্তুরমত অনুসন্ধান ও অর্থব্যয়ে বড় ছটি মেয়ের বিবাহ হইয়া গেছে, এখন ছোটটি পিতামাতার নীরব হৃদয়ভারের মত বিরাজ করিতেছে।

যে কথা কয় না, সে যে কিছু অনুভব করে, ইহা সকলের মনে হয় না, এই জন্ত তাহার সাক্ষাতেই সকলে তাহার ভবিষ্যৎ সবক্কে হুশিচ্ছন্দ প্রকাশ করিত। সে যে, বিধাতার অভিশাপস্বরূপে তাহার পিতৃগৃহে আসিয়া ক্ষয়গ্রহণ করিয়াছে, এ কথা সে শিশুকাল হইতে বুঝিয়া লইয়াছিল। তাহার ফল এই হইয়াছিল, সাধারণের দৃষ্টিপথ হইতে সে আপনাকে গোপন করিয়া রাখিতে সর্বদাই চেষ্টা করিত। মনে করিত, আমাকে সবাই ভুলিলে বাঁচি। কিন্তু বেদনা কি কেহ কখন ভোলে? পিতামাতার মনে সে সর্বদাই জাগরুক ছিল।

বিশেষতঃ তাহার মা তাহাকে নিজের একটা জ্বলন্তরূপে দেখিতেন। কেন না, স্নাতা পুত্র অপেক্ষা কস্তাকে নিজের অংশস্বরূপে দেখেন—কস্তার কোন অসম্পূর্ণতা দেখিলে সেটা যেন বিশেষরূপে নিজের লজ্জার কারণ বলিয়া মনে করেন। বরঞ্চ কস্তার পিতা, বাণীকর্ষ স্নভাকে তাহার অস্ত মেয়ের অপেক্ষা যেন একটু বেশী ভালবাসিতেন, কিন্তু মাতা তাহাকে নিজের পুত্রের কলঙ্ক জ্ঞান করিয়া তাহার প্রতি বড় বিরক্ত ছিলেন।

স্নভার কথা ছিল না, কিন্তু তাহার স্নদীর্ঘপল্লববিশিষ্ট বড় বড় ছটি কালো চোখ ছিল—এবং তাহার ধরা ভাবের

আভাসমাত্রে কচি কিশলয়ের মত কাঁপিয়া উঠিত।

কথায় আমরা যে ভাব প্রকাশ করি, সেটা আমাদের অনেকে নিজেদের চেষ্টায় গড়িয়া লইতে হয়, কতকটা তর্জমা করার মত; সকল সময়ে ঠিক হয় না, ক্ষমতা অভাবে অনেক সময়ে ভুলও হয়। কিন্তু কালো চোখকে কিছু তর্জমা করিতে হয় না—মন আপনি তাহার উপরে ছায়া ফেলে; ভাব আপনি তাহার উপরে কখন প্রসারিত, কখন মুদিত হয়, কখন উজ্জলভাবে জলিয়া উঠে, কখন স্নানভাবে নিবিয়া আসে, কখন অন্তর্মান চন্দ্রের মত অনিমেঘভাবে চাহিয়া থাকে, কখন ক্রম চঞ্চল বিদ্যুতের মত দিগ্বিদিকে ঠিকরিয়া উঠে। মুখের ভাব বই আজন্মকাল যাহার অস্ত ভাবা নাই, তাহার চোখের ভাবা অসীম উদার এবং অতলস্পর্শ গভীর, অনেকটা স্বচ্ছ আকাশের মত, উদয়াস্ত এবং ছায়াবৈকুণ্ঠের নিস্তরূপ বঙ্গভূমি। এই বাক্যহীন মনুষ্যের মধ্যে বৃহৎ প্রকৃতির মত একটা বিজন মহত্ব আছে। এইজন্ত সাধারণ বালকবালিকারা তাহাকে একপ্রকার ভয় করিত, তাহার সহিত খেলা করিত না। সে নির্জন দ্বিপ্রহরের মত শব্দহীন এবং সন্ধিহীন।

২।

গ্রামের নাম চণ্ডীপুর। নদীট বাঙ্গালা দেশের একটি ছোট নদী, গৃহস্থ ঘরের মেয়েটির মত; বহুদূর পর্য্যন্ত তাহার প্রসার নহে; নিরলসা তরী নদীটি আপন কুল রক্ষা করিয়া কাজ করিয়া যায়, হুই ধারের গ্রামের সকলেরই মস্তে তাহার যেন একটানা-একটা সম্পর্ক আছে। হুই ধারে লোকালয় এবং তরুচ্ছায়ামন ডাঙাট; নিম্ন

তল দিয়া গ্রামলক্ষী শ্রোতস্বিনী আত্মবিস্মৃত
 দ্রুত পদক্ষেপে, প্রফুল্লহৃদয়ে আপনার
 অসংখ্য কল্যাণকার্যে চলিয়াছে ।

বাণীকণ্ঠের ঘর নদীর একেবারে উপ-
 রেই । তাহার বাণীর বেড়া, আটচালা,
 গোয়ালঘর, চেকিশালা, পড়ের স্তূপ,
 তেঁতুলতলা, আম কাঁঠাল এবং কলার বাগান,
 নৌকাবাহীমাত্রেরই দৃষ্টি আকর্ষণ করে ।
 এই গার্হস্থ্য স্বচ্ছলতার মধ্যে বোবা মেয়েটি
 কাহারও নজরে পড়ে কি না জানি না,
 কিন্তু কাজকর্মের যখন অবসর পায় তখন
 সে এই নদীতীরে আসিয়া বসে ।

প্রকৃতি যেন তাহার ভাষার অভাব পূরণ
 করিয়া দেয় । যেন তাহার হইয়া কথা কয় ।
 নদীর কল ধ্বনি, লোকের কোলাহল মাঝির
 গান, পাখীর ডাক, তরুর মর্ম্মর সমস্ত শিখিয়া
 চারিদিকের চলাফেরা আন্দোলন কম্পনের
 সহিত এক হইয়া, সমুদ্রের তরঙ্গরাশির
 স্রায়, বালিকার চির-দ্বিগুণ হৃদয়-উপকূলের
 নিকটে আসিয়া ভাঙ্গিয়া ভাঙ্গিয়া পড়ে ।
 প্রকৃতির এই বিবিধ শব্দ এবং বিচিত্র গতি
 ইহাও বোবার ভাষা—বড় বড় চক্ষুপল্লব-
 বিশিষ্ট স্রভার যে ভাষা, তাহারই একটা
 বিশ্বব্যাপী বিস্তার ; ঝিল্লিরবপূর্ণ তৃণভূমি
 হইতে শব্দাতীত নক্ষত্রলোক পর্য্যন্ত কেবল
 ইঞ্জিত, ভঙ্গী, সঙ্গীত, জন্মন এবং দীর্ঘ-
 নিশ্বাস ।

এবং মধ্যাহ্নে যখন মাঝিরা জেলেরা
 থাইতে যাইত, গৃহস্থেরা ঘুমাইত, পাখীরা
 ডাকিত না, খেয়া নৌকা বন্ধ থাকিত, সজন
 জগৎ সমস্ত কাজকর্মের মাঝখানে সহসা
 ধামিয়া গিয়া ভয়ানক বিজন মূর্ত্তি ধারণ
 করিত, তখন রুদ্ধ মহাকাশের তলে কেবল
 একট বোবা প্রকৃতি এবং একট বোবা মেয়ে

মুখামুখি চূপ করিয়া বসিয়া থাকিত—এক-
 জন সুবিশীর্ণ রৌদ্রে আর একজন তরু-
 ছায়ায় ।

স্রভার যে গুটিকতক অন্তরঙ্গ বন্ধুর দল
 ছিল না তাহা নহে । গোয়ালের ছুটি পাতী,
 তাহাদের নাম সর্ব্বশী ও পান্থলি । সে
 নাম বালিকার মুখে তাহারা কখন শুনে
 নাই, কিন্তু তাহার পদশব্দ তাহারা চিনিত—
 তাহার কথাহীন একটা কক্ষ স্রব ছিল,
 তাহার মর্ম্ম তাহারা ভাষার অপেক্ষা সহজে
 বুঝিত । স্রভা কখন তাহাদের আদর করি-
 তেছে, কখন ভৎসনা করিতেছে, কখন
 মিনতি করিতেছে, তাহা তাহারা মানুষের
 অপেক্ষা ভাল বুঝিতে পারিত ।

স্রভা গোয়ালে চুকিয়া ছুই বাহুর দ্বারা
 সর্ব্বশীর গ্রীবা বেঁটন করিয়া তাহার কাণের
 কাছে আপনার গণ্ডদেশ সর্ষগ করিত এবং
 পান্থলি স্নিগ্ধদৃষ্টিতে তাহার প্রক্তি নিরীক্ষণ
 করিয়া তাহার গা চাটিত । বালিকা দিনের
 মধ্যে নিয়মিত তিনবার করিয়া গোয়ালঘরে
 যাইত, তাহা ছাড়া অনিয়মিত আগমনও
 ছিল ; গৃহে যেদিন কোন কঠিন কাজ জন্মিত,
 সেদিন সে অসময়ে তাহার এই বুক বন্ধ
 দুটির কাছে আসিত—তাহার সঙ্কীর্ণতা-
 পরিপূর্ণ বিষাদশান্ত দৃষ্টিপাত হইতে তাহার
 কি একটা অল্প অল্পমানশক্তি দ্বারা বালিকার
 মর্ম্মবেদন যেন বুঝিতে পারিত, এবং স্রভার
 গা ঘেসিয়া আসিয়া অল্পে অল্পে তাহার
 বাহুতে শিং ঘষিয়া ঘষিয়া তাহাকে নির্দীক
 ব্যাকুলতার সহিত সান্বনা দিতে চেষ্টা
 করিত ।

ইহারা ছাড়া ছাপল এবং বিকাল-
 শাবকও ছিল, কিন্তু তাহাদের সহিত স্রভার
 এরূপ সমস্ত ভাবের মৈত্রী ছিল না,

তথাপি তাহার। বধেই আনুগত্য প্রকাশ করিত। বিজ্ঞানশিষ্ট দিনে এবং রাত্রে যখন তখন সূভার গরম কোলটি নিঃসঙ্কোচে অধিকার করিয়া সূশনিদ্রার আয়োজন করিত এবং সূভা তাহার গ্রীবা ও পৃষ্ঠে কোমল অঙ্গুলি ব্লাইয়া দিলে যে, তাহার নিদ্রাকর্ষণের বিশেষ সহায়তা হয়, ইঙ্গিতে এরূপ অভিপ্ৰায়ও প্রকাশ করিত।

৩।

উন্নত-শ্রেণীর জীবের মধ্যে সূভার আরো একটি সঙ্গী স্মৃতিয়াছিল, কিন্তু তাহার সহিত বালিকার ঠিক বিরূপ সম্পর্ক ছিল তাহা নির্ণয় করা কঠিন, কারণ, সে ভাষাবিশিষ্ট জীব, সূভার উভয়ের মধ্যে সমভাষা ছিল না।

পৌসাইদের ছোট ছেলোট—তাহার নাম প্রতাপ। লোকটি নিতান্ত অকর্মণ্য। সে যে, কাজকর্ম করিয়া সংসারের উন্নতি করিতে যত্ন করিবে বহু চেষ্টার পর বাপ মা সে আশা ত্যাগ করিয়াছেন। অকর্মণ্য লোকের একটা স্মৃতি এই যে, আত্মীয় লোকেরা তাহাদের উপর বিরক্ত হয় বটে, কিন্তু প্রায় তাহার। নিঃসম্পর্ক লোকদের প্রিয়পাত্র হয়—কারণ, কোন কার্যে আবদ্ধ না থাকিতে তাহার। সরকারী সম্পত্তি হইয়া ধাঁড়ায়। সহরে যেমন এক-আধটা গৃহসম্পর্কহীন সরকারী বাগান থাকা আবশ্যিক, তেমনি গ্রামে দুই চারটা অকর্মণ্য সরকারী লোক থাকার বিশেষ প্রয়োজন। কাজেকর্মে, আমোদ অবসরে যেখানে একটা লোক কম পড়ে, সেখানেই তাহার। দিগকে হাতের কাছে পাওয়া যায়।

প্রতাপের প্রধান সখ, ছিপ ফেলিয়া মাছ ধরা। ইহাতে অনেকটা সময় সহজে

কাটান যায়। অপরাহ্নে নদীতীরে ইহাকে প্রায় এই কাজে নিযুক্ত দেখা যাইত। এবং এই উপলক্ষে সূভার সহিত তাহার প্রায় সাক্ষাৎ হইত। যে কোন কাজেই নিযুক্ত থাক, একটা সঙ্গী পাইলে প্রতাপ থাকে ভাল। মাছধরার সময় বাক্যহীন সঙ্গীই সর্বপেক্ষা শ্রেষ্ঠ—এইজন্য প্রতাপ সূভার মর্যাদা বৃদ্ধিত। এইজন্য, সকলেই সূভাকে সূভা বলিত, প্রতাপ আর একটু অতিরিক্ত আদর সংযোগ করিয়া সূভাকে ‘সু’ বলিয়া ডাকিত।

সূভা তেঁতুলতলায় বসিয়া থাকিত এবং প্রতাপ অনতিদূরে মাটিতে ছিপ ফেলিয়া জলের দিকে চাহিয়া থাকিত। প্রতাপের একটি করিয়া পান বরাদ্দ ছিল, সূভা তাহা নিজের সাজিয়া আনিত। এবং বোধ করি, অনেকক্ষণ বসিয়া বসিয়া চাহিয়া চাহিয়া ইচ্ছা করিত প্রতাপের কোন একটা বিশেষ সাহায্য করিতে, একটা কোন কাজে লাগিতে, কোন মতে জানাইয়া দিত যে, এই পৃথিবীতে সেও একজন কম প্রয়োজনীয় লোক নহে। কিন্তু কিছুই করিবার ছিল না। তখন সে মনে মনে বিধাতার কাছে অলৌকিক ক্ষমতা প্রার্থনা করিত—মন্ত্রবলে সহসা এমন একটা আশ্চর্য কাণ্ড ঘটাইতে ইচ্ছা করিত যাহা দেখিয়া প্রতাপ আশ্চর্য হইয়া যাইত, বলিত, ত্যাহিত, আমাদের সূভার যে এত ক্ষমতা তাহা ত জানিতাম না!”

মনে কর, সূভা যদি জলকুমারী হইত; আন্তে আন্তে জল হইতে উঠিয়া একটা সাপের মাথার মণি ঘাটে রাখিয়া যাইত; প্রতাপ তাহার তুচ্ছ মাছধরা রাখিয়া সেই মাণিক লইয়া জলে ডুব মারিত; এবং

পাতালে গিয়া দেখিত, রূপার অট্টালিকায় সোণার পালঙ্কে—কে বসিয়া?—আমাদের বাণীকণ্ঠের ঘরের সেই বোবা মেয়ে স্ন—আমাদের স্ন সেই মণিদীপ্ত গভীর নিস্তরু পাতালপুরীর একমাত্র রাজকন্যা। তাহা কি হইতে পারিত না, তাহা কি এতই অসম্ভব! আসলে কিছুই অসম্ভব নয়, কিন্তু তবুও স্ন প্রজ্ঞাশূন্য পাতালের রাজবংশে না জন্মিয়া বাণীকণ্ঠের ঘরে আসিয়া জন্মিয়াছে এবং গৌসাইদের ছেলে প্রতাপকে কিছুতেই আশ্চর্য্য করিতে পারিতেছে না।

৪।

স্নভার বয়স ক্রমেই বাড়িয়া উঠিতেছে। ক্রমে সে যেন আপনাকে আপনি অনুভব করিতে পারিতেছে। যেন কোন একটা পূর্ণিমা তিথিতে কোন একটা সমুদ্র হইতে একটা জোয়ারের স্রোত আসিয়া তাহার অন্তরায়াকে এক নূতন অনির্কচনীয় চেতনা-শক্তিতে পরিপূর্ণ করিয়া তুলিতেছে। সে আপনাকে আপনি দেখিতেছে, ভাবিতেছে, প্রশ্ন করিতেছে এবং বুঝিতে পারিতেছে না।

গভীর পূর্ণিমা রাত্রে সে একদিন ধীরে শয়ন-গৃহের দ্বার খুলিয়া ভয়ে ভয়ে মুখ বাড়াইয়া বাহিরের দিকে চাহিয়া দেখে। পূর্ণিমা প্রকৃতিও স্নভার মত একাকিনী স্নপ্ত জগতের উপর জাগিয়া বসিয়া—যৌবনের বহুশ্রে, পুলকে বিষাদে, অসীম নিৰ্জনতার একেবারে শেষ সীমা পর্য্যন্ত, এমন কি, তাহা অতিক্রম করিয়াও থমথম করিতেছে, একটি কথা কহিতে পারিতেছে না। এই নিস্তরু ব্যাকুল প্রকৃতির প্রান্তে একটি নিস্তরু ব্যাকুলা বালিকা দাঁড়াইয়া।

এদিকে কন্যাভরণস্ত পিতামাতা চিন্তিত হইয়া উঠিয়াছে। লোকেও নিন্দা আরম্ভ করিয়াছে। এমন কি, একঘরে করিবে এমন জনরবও শুনা যায়। বাণীকণ্ঠের স্বচ্ছল অবস্থা, দুই বেলাই মাছ ভাত খায়, এজন্ত তাহার শত্রু ছিল।

স্বীপুরুষে! বিস্তর পরামর্শ হইল। কিছুদিনের মত বাণী বিদেশে গেল।

অবশেষে ফিবিয়া আসিয়া কহিল “চল, কলিকাতায় চল”।

বিদেশযাত্রার উদ্যোগ হইতে লাগিল। কুয়াশা-ঢাকা প্রভাতের মত স্নভার সমস্ত হৃদয় অশ্রুবাষ্পে একেবারে ভরিয়া গেল। একটা অনির্দিষ্ট আশঙ্কাবেশে সে কিছুদিন হইতে ক্রমাগত নির্ঝাঁকু জন্মের মত তাহার বাপমায়ের সঙ্গে সঙ্গে ফিরিত—ডাগর চক্ষু মেলিয়া তাঁহাদের মুখের দিকে চাহিয়া কি একটা বুঝিতে চেষ্টা করিত, কিন্তু তাঁহারা কিছু বুঝিয়া বলিতেন না।

ইতিমধ্যে একদিন অপরাহ্নে জলে ছিপ্ ফেলিয়া প্রতাপ হাসিয়া কহিল, “বিরে, স্ন, তোর না কি বর পাওয়া গেছে, তুই বিয়ে করতে যাচ্চিস্? দেখিস্, আমাদের ভুলিস্ নে।” বলিয়া আবার মাছের দিকে মনোযোগ করিল।

মর্মবিন্দু হরিণী ব্যাপের দিকে যেমন করিয়া তাকায়, নীরবে বসিতে থাকে “আনি তোমার কাছে কি দোষ করিয়াছিলাম,” স্নভা তেমনি করিয়া প্রতাপের দিকে চাহিল; সেদিন মাছের তলায় আর বসিল না; বাণীকণ্ঠ নিদ্রা হইতে উঠিয়া শয়ন-গৃহে তামাক খাইতেছিলেন, স্নভা তাঁহার পায়ে কাছ বসিয়া তাঁহার মুখের দিকে চাহিয়া কাঁদিতে লাগিল। অবশেষে তাহাকে

সাম্বনা দিতে গিয়া বাণীকণ্ঠের গুরু কপোলে অশ্রু গড়াইয়া পড়িল।

কাল কলিকাতায় যাইবার দিন স্থির হইয়াছে! সুভা গোয়ালঘরে তাহার বাল্য-সঙ্গীদের কাছে বিদায় লইতে গেল, তাহা-দিগকে স্বহস্তে খাওয়াইয়া, গলা ধরিয়া একবার দুই চোখে যত পারে কথা ভরিয়া তাহাদের মুখের দিকে চাহিল—দুই নেত্র-পল্লব হইতে টপটপ করিয়া অশ্রুজল পড়িতে লাগিল।

সেদিন গুরু দাদশীর রাত্রি। সুভা শয়ন-গৃহ হইতে বাহির হইয়া তাহার সেই চিরপরিচিত নদীতটে শম্পশয়ায় লুটাইয়া পড়িল—যেন ধরণীকে, এই প্রকাণ্ড মুক মানবমাতাকে দুই বাহুতে ধরিয়া বলিতে চাহে, “তুমি আমাকে যাইতে দিয়ো না, মা, আমার মত ছুটি বাচ্ছ বাড়াইয়া তুমিও আমাকে ধরিয়া রাখ!”

কলিকাতার এক বাসায় সুভার মা একদিন সুভাকে খুব করিয়া সাজাইয়া দিলেন। আঁটয়া চুল বাঁধিয়া, থোপায় জরির ফিতা দিয়া, অলঙ্কারে আচ্ছন্ন করিয়া তাহার স্বাভাবিক শ্রী যথাসাধ্য বিলুপ্ত করিয়া দিলেন। সুভার দুই চক্ষু দিয়া অশ্রু পড়িতেছে, পছে চোখ ফুলিয়া ধরাপ দেিতে হয় এজন্ত তাহার মাতা তাহাকে বিস্তর ভৎসনা করিলেন, কিন্তু অশ্রুজল ভৎসনা মানিল না।

বহু মনে বর স্বয়ং কনে দেখিতে আসিলেন—কন্ঠার মাদাপ চিস্তিত, শক্তিত, শশ-ব্যস্ত হইয়া উঠিলেন, যেন দেবতা স্বয়ং নিজের বলির পশু বাছিয়া লইতে আসিয়াছেন। মা নেপথ্য হইতে বিস্তর তর্জন গর্জন শাসন করিয়া বালিকার অশ্রুস্রোত

দ্বিগুণ বাড়াইয়া পরীক্ষকের সম্মুখে পাঠাইলেন।

পরীক্ষক অনেকক্ষণ নিরীক্ষণ করিয়া বলিলেন “মন্দ নহে।”

বিশেষতঃ বালিকার ক্রন্দন দেখিয়া বুঝিলেন, ইহার হৃদয় আছে এবং হিসাব করিয়া দেখিলেন, যে হৃদয় আজ বাপমায়ের বিচ্ছেদ-সম্ভাবনায় ব্যথিত হইয়া উঠিয়াছে, সেই হৃদয় আজ বাদে কাল আমারই ব্যবহরে লাগিতে পারিবে। শুক্তির মুক্তার ত্রায় বালিকার অশ্রুজল কেবল বালিকার মূল্য বাড়াইয়া দিল, তাহার হইয়া আর কোন কথা বলিল না।

পঞ্জিকা মিলাইয়া খুব একটা শুভলগ্নে বিবাহ হইয়া গেল।

বোবা মেয়েকে পরের হস্তে সমর্পণ করিয়া বাপ মা দেশে চলিয়া গেল—তাহাদের জাতি ৬ পরকাল বক্ষা হইল।

বর পশ্চিমে কাজ করে। বিবাহের অনতিবিলম্বে স্নাকে পশ্চিমে লইয়া গেল।

সপ্তাহ খানেকের মধ্যে সকলেই বুঝিল, নববধূ বোবা। তা কেহ বুঝিল না, সেটা তাহার দোষ নহে। সে কাহা-কেও প্রতারণা করে নই। তাহার ছুটি চক্ষু সল কথাই বলিয়াছিল, কিন্তু কেহ তাহা বুঝিতে পারে নই। সে চারিদিকে চায়—ভাষা পায় না, যাহারা বোবার ভাষা বুঝিত সেই আজন্মপরিচিত মুগুগুলি দেখিতে পায় না—বালিকার চিরনীরব হৃদয়ের মধ্যে এটা অসীম অব্যক্ত ক্রন্দন বাজিতে লাগিল—অন্তর্গামী ছাড়া আর কেহ তাহা নহে পাইল না।

এবার তাহার স্বামী চক্ষু এবং কর্ণে-
লিয়ের দ্বারা পরীক্ষা করিয়া এক ভাষা-
বিশিষ্ট কণ্ঠা বিবাহ করিয়া আনিল।



প্রথম পরিচ্ছেদ ।

—:(০):—

মুকুন্দ বাবুদের ভূতপূর্ব দেওয়ানের
পৌত্রী, বর্তমান ম্যানেজারের স্ত্রী ইন্দ্রাণী
অশুভক্ষণে বাবুদের বাড়িতে তাঁহাদের
দৌহিত্রের বিবাহে বৌ-ভাতের নিমন্ত্রণে
উপস্থিত ছিলেন।

তৎপূর্বকার ইতিহাস সংক্ষেপে বলিয়া
রাখিলে কথটা পরিষ্কার হইবে।

এক্ষণে মুকুন্দ বাবুও ভূতপূর্ব, তাঁহার
দেওয়ান গৌরীকান্তও ভূতপূর্ব; কালের
আহ্বান অনুসারে উভয়ের কেহই স্বস্থানে
সশরীরে বর্তমান নাই। কিন্তু যখন ছিলেন
তখন উভয়ের মধ্যে বন্ধন অত্যন্ত দৃঢ় ছিল।
পিতৃমাতৃহীন গৌরীকান্তের ষান কোন
জীবনোপায় ছিল না, তখন মুকুন্দলাল
কেবলমাত্র মুখ দেখিয়া তাঁহাকে বিশ্বাস
করিয়া তাঁহার উপরে নিজের ক্ষুদ্র বিষয়
সম্পত্তি পর্যাবেক্ষণের ভার দেন। কালে
প্রমাণ হইল যে, মুকুন্দলাল ভুল করেন
নাই। কীট যেমন করিয়া বঙ্গীক রচনা করে,
স্বর্গকামী যেমন করিয়া পুণ্যসঞ্চয় করে,

গৌরীকান্ত তেমন করিয়া অশান্ত যত্নে
তিলে তিলে দিনে দিনে মুকুন্দলালের
বিষয় বৃদ্ধি করিতে লাগিলেন। অবশেষে
যখন তিনি কৌশলে আশ্চর্য সুলভ-
মূল্যে তরফ বাঁকাগাড়ি ক্রয় করিয়া মুকুন্দ-
লালের সম্পত্তিভুক্ত করিলেন, তখন হইতে
মুকুন্দবাবু গণ্যমান্ত জমিদার শ্রেণীতে
প্রতিষ্ঠিত হইলেন। প্রভুর উন্নতির সঙ্গে
সঙ্গে ভৃত্যেরও উন্নতি হইল;—অল্পে অল্পে
তাঁহার কোঠাবাড়ি, জোতজমা, এবং
পূজার্চনা বিস্তার লাভ করিল। এবং
যিনি এককালে সামান্ত তহশীলদার শ্রেণীর
ছিলেন, তিনিও সাধারণের নিকট
দেওয়ানজি নামে পরিচিত হইলেন।

ইহাই ভূতপূর্ব কালের ইতিহাস। বর্ত-
মান কালে মুকুন্দবাবুর একটি পোষাপুত্র
আছেন, তাঁহার নাম বিনোদবিহারী।
এবং গৌরীকান্তের সুশিক্ষিত নাটজামাই
অধিকাচরণ তাঁহাদের ম্যানেজারের কাজ
করিয়া থাকেন। দেওয়ানজি তাঁহার পুত্র
রমাকান্তকে বিশ্বাস করিতেন না—সেই জন্ত
বার্দ্ধক্যবশতঃ নিজে যখন কাজ ছাড়িয়া
দিলেন, তখন পুত্রকে লভন করিয়া নাট-
জামাই অধিকাকে আপন কার্যে নিযুক্ত
করিয়া দিলেন।

কাজকর্ম বেশ চলিতেছে; পূর্বের
আমলে যেমন ছিল এখনও সকলি প্রায়
তেমনি আছে, কেবল একটা বিষয়ে একটু
প্রভেদ ঘটিয়াছে; এখন প্রভুভৃত্যের সম্পর্ক
কেবল কাজকর্মের সম্পর্ক—হৃদয়ের সম্পর্ক
নহে। পূর্বকালে টাকা শস্তা ছিল এবং
হৃদয়টাও কিছু সুলভ ছিল, এখন সর্ব-
সম্মতিক্রমে হৃদয়ের বাজে খরচটা একপ্রকার
রহিত হইয়াছে। নিতান্ত আত্মীয়ের

ভাগেই টানাটানি পড়িয়াছে, তা বাহিরের লোকে পাইবে কোথা হইতে !

ইতিমধ্যে বাবুদের বাড়িতে দৌহিত্রের বিবাহে বোভাতের নিমন্ত্রণে দেওয়ানজীর পৌত্রী ইন্সানী গিয়া উপস্থিত হইল।

সংসারটা বৌতুহলী অদৃষ্টপুরুষের রাসায়নিক পরীক্ষা-শালা। এখানে কতকগুলো বিচিত্র-চরিত্র মানুষ একত্র করিয়া তাহাদের সংযোগ বিয়োগে নিয়ত কত চিত্রবিচিত্র অভূতপূর্ব ইতিহাস সৃজিত হইতেছে, আর তাহার সংখ্যা নাই।

এই বোভাতের নিমন্ত্রণস্থলে, এই আনন্দকার্ষ্যের মধ্যে ছুটি ছই রকমের মানুষের দেখা হইল এবং দেখিতে দেখিতে সংসারের অশ্রান্ত জালবুনানীর মধ্যে একটা নূতন বর্ণের সূত্র উঠিয়া পড়িল এবং একটা নূতন রকমের গ্রন্থি পড়িয়া গেল।

সকলের আহ্বাদি শেষ হইয়া গেলে ইন্সানী বৈকালের দিকে কিছু বিলম্বে মনিব-বাড়িতে গিয়া উপস্থিত হইয়াছিল। বিনোদের নয়নতারা যখন বিলম্বের কারণ জিজ্ঞাসা করিল, ইন্সানী গৃহকর্মের ব্যস্ততা, শারীরিক অস্বাস্থ্য প্রভৃতি ছই চারিটা কারণ প্রদর্শন করিল, কিন্তু তাহা কাহারও সন্তোষজনক বোধ হইল না।

প্রকৃত কারণ যদিও ইন্সানী গোপন করিল তথাপি তাহা বুঝিতে কাহারও বাকি রহিল না। সে কারণটি এই,—মুকুন্দ বাবুরা প্রভু ধনী বটেন কিন্তু কুলমর্যাদায় গৌরীকান্ত তাঁহাদের অপেক্ষা অনেক শ্রেষ্ঠ। ইন্সানী সে শ্রেষ্ঠতা ভুলিতে পারে না। সেই জন্ত মনিবের বাড়ি পাছে পাইতে হয়, এই ভয়ে সে যথেষ্ট বিলম্ব করিয়া গিয়াছিল। তাহার অভিসন্ধি বুঝিয়া তাহাকে পাওয়াই-

বার জন্ত বিশেষ পীড়াপীড়ি করা হইয়াছিল কিন্তু ইন্সানী পরাস্ত হইবার মেয়ে নহে, তাহাকে কিছুতেই খাওয়ান গেল না।

একবার মুকুন্দ এবং গৌরীকান্ত বর্তমানের কুলাভিমান লইয়া ইহা অপেক্ষা বৃহত্তর বিপ্লব বাধিয়াছিল। সে ঘটনা এই স্থানে উল্লেখ করা যাইতে পারে।

ইন্সানীকে দেখিতে বড় সুন্দর। আগাদের ভাষায় সুন্দরীর সহিত স্থির-সৌদামিনীর তুলনা প্রসিদ্ধ আছে। সে তুলনা অধিকাংশ স্থলে খাটে না, কিন্তু ইন্সানীকে খাটে। ইন্সানী যেন আপনার মধ্যে একট প্রবল বেগ এবং প্রথর জ্বালা একটি সহজ শক্তির দ্বারা অটল গাঙ্গুরীপাশে অতি অনায়াসে বাধিয়া রাখিয়াছে। বিজ্ঞ তাহার মুখে চক্ষে এবং সর্বক্ষে নিত্যকাল ধরিয়া নিস্তর হইয়া রহিয়াছে। এখানে তাহার চপলতা নিষিদ্ধ।

এই সুন্দরী মেয়েটিকে দেখিয়া মুকুন্দ বা তাঁহার পোষ্যপুত্রের সহিত ইহার বিবাহ দিবার প্রস্তাব গৌরীকান্তের নিকট উত্থাপিত করিয়াছিলেন। প্রভুভক্তিতে গৌরীকান্ত কাহারও নিকটে ন্যূন ছিলেন না ; তিনি প্রভুর জন্ত প্রাণ দিতে পারিতেন ; এবং তাঁহার অবস্থার যতই উন্নতি হউক এবং কর্তা তাঁহার প্রতি বন্ধুর ঋণ ব্যবহার করিয়া তাঁহাকে যতই প্রশ্রয় দিন তিনি কখনও ভ্রমেও স্বপ্নেও প্রভুর সম্মান বিস্মৃত হন নাই ; প্রভুর সম্মুখে, এমন কি, প্রভুর প্রসঙ্গে তিনি যেন সন্নত হইয়া পড়িতেন—কিন্তু এই বিবাহের প্রস্তাবে তিনি কিছুতেই সন্নত হন নাই। প্রভুভক্তির দেনা তিনি কড়ায় গণ্ডায় শোধ করিতেন, কুলমর্যাদায় পাওনা তিনি ছাড়িবেন

কেন! মুকুন্দলালের পুত্রের সহিত তিনি তাঁহার পৌত্রীর বিবাহ দিতে পারেন না।

ভৃত্যের এই কুলগর্ষ মুকুন্দলালের ভাল লাগে নাই। তিনি আশা করিয়াছিলেন এই প্রস্তাবের দ্বারা তাঁহার ভক্ত সেবকের প্রতি অহুগ্রহ প্রকাশ করা হইবে, গৌরী-কান্ত যখন কথাটা সে ভাবে লইলেন না তখন মুকুন্দলাল কিছুদিন তাঁহার সহিত বাক্যালাপ বন্ধ করিয়া তাঁহাকে অত্যন্ত মনঃবষ্ট দিয়াছিলেন। প্রভুর বিমুণ্ডাব গৌরীকান্তের বক্ষে মৃত্যুশেলের ছায় বাজিয়াছিল কিন্তু তথাপি তিনি তাঁহার পৌত্রীর সহিত এক পিতৃনাহীন দরিদ্র কুলীনসন্তানের বিবাহ দিয়া তাহাকে ধরে পালন করিয়া নিজের অর্থে শিক্ষা দান করিতে লাগিলেন।

সেই কুলমদগর্ষিত পি।মহের পৌত্রী ইন্দ্ৰাণী তাহার প্রভুগৃহে গিয়া আহার করিল না; ইহাতে তাহার প্রভুপত্নী নয়ন-তারার অন্তঃকরণে স্তম্ভুর স্মৃতির স উদ্বে-লিত হইয়া উঠে নাই সে কখন বলা বাহুল্য। তখন ইন্দ্ৰাণীর অনেকগুলি স্পন্দা নয়ন-তারার বিবেচকায়িত কল্পনাচক্ষে প্রকাশ পাইতে লাগিল।

প্রথম, ইন্দ্ৰাণী অনেক গহনা পরিয়া অত্যন্ত সুসজ্জিত হইয়া আসিয়াছিল। মনিববাড়িতে এত ঐশর্য্যের আড়ম্বর করিয়া প্রভুদের সহিত সমকক্ষতা দেখাইবার কি আবশ্যক ছিল?

দ্বিতীয়, ইন্দ্ৰাণীর রূপের গর্ষ। ইন্দ্ৰাণীর রূপটা ছিল সে বিষয়ে সন্দেহ নাই, এবং নিম্নপদস্থ ব্যক্তির এত অধিক রূপ থাকা অনাবশ্যক এবং অজায় হইতে পারে কিন্তু তাহার গর্ষটা সম্পূর্ণ নয়ন-তারার কল্পনা।

রূপের কাহাকেও দোষী করা যায় না এই উক্ত নিন্দা করিতে হইলে অগত্যা গর্ষের অবতারণা করিতে হয়।

তৃতীয়, ইন্দ্ৰাণীর দাস্তি হতা,—চলিত ভাষায় যাহাকে দেমাক। ইন্দ্ৰাণীর একটি স্বাভাবিক গাভার্যা ছিল—অত্যন্ত প্রিয় পরিচিত ব্যক্তিকে ব্যতীত সে কাহারও সহিত মাঝমাঝি করিতে পারিত না। তাহা ছাড়া গায়ে পাড়িয়া একটা সোরগোল করা, অগ্রসর হইয়া সকল কাজে হস্তক্ষেপ করিতে যাওয়া সেও তাহার স্বভাবসিদ্ধ ছিল না।

এইরূপ নানাপ্রকার অমূলক ও সমূলক কারণে নয়নতারার ক্রমশঃ উত্তপ্ত হইয়া উঠিতে লাগিল। এবং অনাবশ্যক পুত্র ধরিয়া ইন্দ্ৰাণীকে “আমাদের ম্যানেজারের স্ত্রী” “আমাদের দেওয়ানের নাতনী” বলিয়া বারংবার পরিচিত ও অভিহিত করিতে লাগিল। তাহার একজন প্রিয় মুখরা দাসীকে শিখাইয়া দিল—সে ইন্দ্ৰাণীর গায়ের উপর পাড়িয়া পরম সখীভাবে তাহার গহনাগুলি হাত দিয়া নাড়িয়া নাড়িয়া সমালোচনা করিতে লাগিল;—কণ্ঠী এবং বাজুবন্ধের প্রশংসা করিয়া জিজ্ঞাসা করিল, “হাঁ ভাই, এ কি গিল্টি-করা?”

ইন্দ্ৰাণী পরম গম্ভীর মুখে কহিল, “না, এ পিতলের!”

নয়নতারার ইন্দ্ৰাণীকে সম্বোধন করিয়া কহিল, “ওগো, তুমি ওখানে একলা দাঁড়িয়ে কি করছ, এই খাবারগুলো হাটখোলার পাকীতে তুলে দিয়ে এস না।” অদূরে বাড়ির দাসী উপস্থিত ছিল।

ইন্দ্ৰাণী কেবল মুহূর্তকালের স্বল্প তাহার বিপুলপশ্চাত্তাঙ্গতীর উদার দৃষ্ট মেলিয়া

নয়নতারার মুখের দিকে চাহিল এবং পর-
ক্ষণেই নীরবে মিষ্টান্নপূর্ণ সরা খুঁরি তুলিয়া
লইয়া হাটখোলার পাঙ্কীর উদ্দেশে নীচে
চলিল ।

যিনি এই মিষ্টান্ন উপহার প্রাপ্ত হই-
য়াছেন তিনি শশব্যস্ত হইয়া কহিলেন,
“তুমি কেন ভাই কষ্ট করচ, দাও না ঐ
দাসীর হাত দাও ।”

ইক্রাণী তাহাতে সন্তুষ্ট না হইয়া কহি-
লেন, “এতে আর কষ্ট কিসের !”

অপরা কহিলেন, “তবে ভাই আমার
হাতে দাও !”

ইক্রাণী কহিলেন, “না, আমিই নিয়ে
যাচ্ছি ।”

বলিয়া, অন্নপূর্ণা যেমন স্নিগ্ধগষ্ঠীর মুখে
সমুচ্চ স্নেহে ভক্তকে স্বহস্তে অন্ন তুলিয়া
দিতে পারিতেন, তেমন অটলস্বভাবের
তিনি পাঙ্কীতে মিষ্টান্ন রাখিয়া আসিলেন—
এবং সেই দুই মিনিটকালের সংস্রবে হাট-
খোলাবাসিনী ধনিগৃহ-বধু এই স্বল্পভাষিণী
মিতহাসিনী ইক্রাণীর সহিত জন্মের মত
প্রাণের সৌখ স্বাপনের জন্ত উচ্ছ্বসিত
হইয়া উঠিল ।

এইরূপে নয়নতারার জীবনমূল্য নিষ্ঠুর
নৈপুণ্যের সহিত ষড়শলি অপমানশয় বর্ষণ
করিল ইক্রাণী তাহার কোনটাকেই গায়ে
বিধিতে দিল না ;—সকলগুলিই তাহার
অকলঙ্ক সমুচ্ছল সহজ তেজস্বিতার কঠিন
বর্শে ঠেকিয়া আপনি ভাঙ্গিয়া ভাঙ্গিয়া
পড়িয়া গেল । তাহার গষ্ঠীর আবিচলতা
দেখিয়া নয়নতারার আক্রোশ আরও
বাড়িয়া উঠিতে লাগিল এবং ইক্রাণী তাহা
বুঝিতে পারিয়া এক সময় অলঙ্কা কাহারও

নিকট বিদায় না লইয়া বাড়ি চলিয়া
আসিলেন ।

দ্বিতীয় পরিচ্ছেদ ।

—:~:—

যাহারা শাস্তভাবে সস্থ করে তাহারা
গষ্ঠীরতরুরূপে আহত হয় ; অপমানের
আঘাত ইক্রাণী যদিও অসীম অবজ্ঞাভরে
প্রত্যাখ্যান করিয়াছিল, তথাপি তাহা
তাহার অন্তরে বাজিয়াছিল ।

ইক্রাণীর সহিত যেমন বিনোদবিহারীর
বিবাহের প্রস্তাব হইয়াছিল তেমন এক
সময় ইক্রাণীর এক দূর সম্পর্কের নিঃস্ব
পিস্ততো ভাই বামাচরণের সহিত নয়ন-
তারার বিবাহের কথা হয় ;—সেই বামা-
চরণ এখন বিনোদের সেরেস্টায় একজন
সামান্য কর্মচারী । ইক্রাণীর এখনো মনে
পড়ে, বাল্যকালে একদিন নয়নতারার বাপ
নয়নকে সঙ্গে করিয়া তাহাদের বাড়িতে
আসিয়া বামাচরণের সহিত তাহার কথার
বিবাহের জন্ত গৌরীকান্তকে বিস্তর অহুন্ন
বিনয় করিয়াছিলেন । সেই উপলক্ষে ক্ষুদ্র
বালিকা নয়নতারার অসামান্য প্রগল্ভতার
গৌরীকান্তের অন্তঃপুরে সকলেই আশ্চর্য্য
এবং কৌতূহলিত হইয়াছিলেন, এবং
তাহার সেই অকালপকতার নিকট মুখচোরা
লাজুক ইক্রাণী নিজেকে নিতান্ত অক্ষমা
অনভিজ্ঞা জ্ঞান করিয়াছিল । গৌরীকান্ত
এই মেয়েটির অনর্গল কথায় বাস্তব এবং
চেহারা বড়ই খুসী হইয়াছিলেন কিন্তু
কুলের ষৎকিঞ্চিৎ ক্রটি থাকায় বামাচরণের

সহিত ইহার বিবাহপ্রস্তাবে মত দিলেন না। অবশেষে তাঁহারই পছন্দে এবং তাঁহারই চেষ্টায় অকুলীন বিনোদের সহিত নয়ন-তারার বিবাহ হয়।

এই সকল কথা মনে করিয়া ইন্দ্রাণী কোন সাঙ্ঘনা পাইল না, বরং অপমান আরও বেশী করিয়া বাজিতে লাগিল। মহাভারতে বর্ণিত স্ত্রীচার্য্যাহিতা দেব-যানী এবং শাস্ত্রীর কথা মনে পড়িল। দেবযানী যেমন তাহার প্রভুকত্তা শাস্ত্রীর দর্পচূর্ণ করিয়া তাহাকে দাসী করিয়াছিল, ইন্দ্রাণী যদি তেমনি করিতে পারিত তবেই যথোপযুক্ত বিধান হইত। এক সময়ে ছিল, যখন দৈত্যদের নিকট দৈত্যশুক স্ত্রী-চার্য্যের শ্রায় মুকুন্দ বাবুর পরিবারবর্গের নিকট তাহার পিতামহ গৌরীকান্ত একান্ত আবশ্যক ছিলেন। তখন তিনি যদি ইচ্ছা করিতেন তবে মুকুন্দ বাবুকে হীনতা স্বীকার করাইতে পারিতেন—কিন্তু তিনিই মুকুন্দ-লালের বিষয় সম্পত্তিকে উন্নতির চরম সীমায় উত্তীর্ণ করিয়া দিয়া সর্বপ্রকার শৃঙ্খলা স্থাপন করিয়া গিয়াছেন, অতএব আজ আর তাঁহাকে স্বরণ করিয়া প্রভুদের কৃতজ্ঞ হইবার আবশ্যকতা নাই। ইন্দ্রাণী মনে করিল, ষাঁকাগাড়ি পরগণা তাহার পিতামহ অনায়াসে নিজের জন্তই কিনিতে পারিতেন, তখন তাঁহার সে ক্ষমতা জন্মিয়াছিল, তাহা না করিয়া তিনি সেটা মনিবকে কিনিয়া দিলেন—ইহা যে একপ্রকার দান করা সে কথা কি আজ সেই মনিবের বংশে কেহ মনে করিয়া রাখিয়াছে? আমাদেরই দত্ত ধনমানের গর্বে তোমরা আমাদেরকে আজ অপমান করিবার অধিকার পাইয়াছ ইহাই মনে করিয়া ইন্দ্রাণীর চিন্তা কুরু হইয়া উঠিল।

বাড়ি ফিরিয়া আসিয়া সে দেখিল তাহার স্বামী প্রভুগৃহের নিমন্ত্রণ ও তাহার পরে জমিদারী কাছারির সমস্ত কাজকর্ম সারিয়া তাঁহার শয়নকক্ষের একটি কেদারা আশ্রয় করিয়া নিভূতে খবরের কাগজ পাঠ করিতেছেন।

অনেকের ধারণা আছে যে স্বামী জীব স্বভাব প্রায়ই একরূপ হইয়া থাকে। তাহার কারণ, দৈবাৎ কোন কোন স্থলে স্বামী জীব স্বভাবে মিল দেখিতে পাইলে সেটা আমাদের নিকট এমন সমুচিত এবং সঙ্গত বলিয়া বোধ হয় যে, আমরা আশা করি এই নিয়ম বৃদ্ধি অধিকাংশ স্থলেই খাটে। যাহা হউক, বর্তমান ক্ষেত্রে অধিকাচরণের সহিত ইন্দ্রাণীর দুই একটা বিশেষ বিষয়ে বাস্তবিক স্বভাবের মিল দেখা যায়। অধিকা-চরণ তেমন মিশুক লোক নহেন। তিনি বাহিরে যান কেবলমাত্র কাজ করিতে। নিজের কাজ সম্পূর্ণ শেষ করিয়া এবং অন্তকে পুরামাত্রায় কাজ করাইয়া লইয়া বাড়ি আসিয়া যেন তিনি অন্যায়তার আক্রমণ হইতে আত্মরক্ষা করিবার জন্ত এক দুর্গম দুর্গের মধ্যে প্রবেশ করেন। বাহিরে তিনি এবং তাঁহার কর্তব্য কর্ম, ঘরের মধ্যে তিনি এবং তাঁহার ইন্দ্রাণী—ইহাতেই তাঁহার সমস্ত জীবন পর্যাপ্ত।

ভূষণের ছটা বিস্তার করিয়া যখন স্ত্রী-সজ্জা ইন্দ্রাণী ঘরে প্রবেশ করিলেন, তখন অধিকাচরণ তাঁহাকে পরিহাস করিয়া কি একটা কথা বলিবার উপক্রম করিলেন, কিন্তু সহসা ক্রান্ত হইয়া চিন্তিত ভাবে জিজ্ঞাসা করিলেন—“তোমার কি হয়েছে?”

ইন্দ্রাণী তাঁহার সমস্ত চিন্তা হাসিয়া উড়াইয়া দিবার চেষ্টা করিয়া কহিলেন,

“কি আর হবে? সম্প্রতি আমার স্বামী রক্তের সঙ্গে সাক্ষাৎ হয়েছে।”

অম্বিকা খবরের কাগজ ভূগিতলে ফেলিয়া দিয়া কহিলেন—“সে ত আমার অগোচর নেই। তৎপূর্বে?”

ইন্দ্রাণী একে একে গহনা খুলিতে খুলিতে বলিলেন, “তৎপূর্বে স্বামিনীর কাছে থেকে সমাদর লাভ হয়েছে।”

অম্বিকা জিজ্ঞাসা করিলেন—“সমাদরটা কি রকমের?”

ইন্দ্রাণী স্বামীর কাছে আসিয়া তাঁহার কেরার হাতের উপর বসিয়া তাঁহার ঐ বা বেটন করিয়া উত্তর করিল, “তোমার কাছ থেকে যে রকমের পাই ঠিক সে রকমের নয়।”

তাঁহার পর, ইন্দ্রাণী একে একে সকল কথা বলিয়া গেল। সে মনে করিয়াছিল স্বামীর কাছে এ সকল অপ্রিয় কথা উত্থাপন করিবে না; কিন্তু সে প্রতিজ্ঞা রক্ষা হইল না, এবং ইহার অনুরূপ প্রতিজ্ঞাও ইন্দ্রাণী ইতিপূর্বে কখনও রক্ষা করিতে পারে নাই। বাহিরের লোকের নিকট ইন্দ্রাণী যতই সংযত সমাহিত হইয়া থাকিত, স্বামীর নিকটে সে সেই পরিমাণে আপন প্রকৃতির সমুদয় স্বাভাবিক বন্ধনমোচন করিয়া ফেলিত—সেখানে লেশমাত্র আত্মগোপন করিতে পারিত না।

অম্বিকাচরণ সমস্ত ঘটনা শুনিয়া মর্শ্বাস্তিক জুরু হইয়া উঠিলেন। বলিলেন, এখনি আমি কাজে ইস্তফা দিব। তৎক্ষণাৎ তিনি বিনোদ বাবুকে এক কড়া চিঠি লিখিতে উত্তত হইলেন।

ইন্দ্রাণী তখন চৌকির হাতা হইতে নীচে নামিয়া মাদুরপাতা মেঝের উপর স্বামীর

পায়ের কাছে বসিয়া তাঁহার কোলের উপর বাছ রাখিয়া বলিল—এত তড়াতাড়ি কাজ নেই। চিঠি আজ থাক। কাল সকালে যা হয় স্থির করো।

অম্বিকা উত্তেজিত হইয়া উঠিয়া বহিলেন, না, আর এক দণ্ড বিলম্ব করা উচিত নয়।

ইন্দ্রাণী তাহার পিতামহের হৃদয়মুগালে একটিমাত্র পদ্মের মত ফুটিয়া উঠিয়াছিল। তাঁহার অন্তর হইতে সে যেমন মেহরস আকর্ষণ করিয়া লইয়াছিল তেমনি পিতামহের চিত্তসঞ্চিত অনেকগুলি ভাব সে অলক্ষ্যে গ্রহণ করিয়াছিল। মুকুন্দলালের পরিবারের প্রতি গোবীকান্তের যে একটি অচলা নিষ্ঠা ও ভক্তি ছিল ইন্দ্রাণী যদিও তাহা সম্পূর্ণ প্রাপ্ত হয় নাই, কিন্তু প্রভুপরিবারের হিতসাধনে জীবন অর্পণ করা যে তাহাদের কর্তব্য, এই ভাবটি তাহার মনে দৃঢ়বদ্ধমূল হইয়া গিয়াছিল। তাহার সুশিক্ষিত স্বামী ইচ্ছা করিলে ওকলাতী করিতে পারিতেন, সম্মানজনক কাজ লইতে পারিতেন, কিন্তু তাঁহার স্ত্রীর হৃদয়ের দৃঢ় সংস্কার অমুসরণ করিয়া তিনি অনন্তমনে সন্তুষ্টচিত্তে বিনোদের বিষয়-সম্পত্তির তত্ত্বাবধান করিতেছিলেন। ইন্দ্রাণী যদিও অপমানে আহত হইয়াছিল, তথাপি তাহার স্বামী যে বিনোদলালের কাজ ছাড়িয়া দিবে এ তাহার কিছুতেই মনে হইল না।

ইন্দ্রাণী তখন যুক্তির অবতারণা করিয়া মুহূর্ত্তমধ্যে কহিল—বিনোদ বাবুর ত কোন দোষ নেই তিনি এর কিছুই জানেন না—তাঁর স্ত্রীর উপর রাগ করে তুমি হঠাৎ তাড়াতাড়ি তাঁর সঙ্গে ঝগড়া করতে যাবে কেন?

শুনিয়া অশ্বিকা বাবু উচ্ছেঃস্বরে হাসিয়া উঠিলেন—নিজের সঙ্কল্প তাহার নিকট অন্ত্যস্ত হাশ্বকর বলিয়া বোধ হইল। তিনি কহিলেন, “সে একটা কথা বটে! কিন্তু মনিব হোন্ আর যিনিই হোন্ ওদের ওখানে আর কখন তোমাকে পাঠাচ্চিনে।”

এই অল্প এতটু ঝড়েই সে দিনকার মত মেঘ কাটিয়া গেল, গৃহ প্রসন্ন হইয়া উঠিল এবং স্বামীর বিশেষ আদরে ইন্দ্রাণী বাহিরের সমস্ত অনাদর বিস্মৃত হইয়া গেল।

তৃতীয় পরিচ্ছেদ।

—:~*~:—

বিনোদবিহারী অশ্বিকাচরণের উপর সম্পূর্ণ ভার দিয়া জমিদারীর কাজ কিছুই দেখিতেন না। নিতান্ত-নির্ভর ও অতি-নিশ্চয়তাবশতঃ কোন কোন স্বামী ঘরের স্ত্রীকে ঘেরূপ অবহেলার চক্ষে দেখিয়া থাকে, নিজের জমিদারীর প্রতিও বিনোদের কতকটা সেই ভাবের উপেক্ষা ছিল। জমিদারীর আয় এতই নিশ্চিত এতই বাঁধা যে তাহাকে আয় বলিয়া বোধ হয় না—তাহা অভ্যস্ত, এবং তাহার কোন আকর্ষণ ছিল না।

বিনোদের ইচ্ছা ছিল, একটা সংক্ষেপ স্বড়ঙ্গপথ অবলম্বন করিয়া ঠাৎ এক রাত্রির মধ্যে কুবেরের ভাণ্ডারের মধ্যে প্রবেশ করিবেন। সেই জন্ত নানা লোকের পরামর্শে তিনি গোপনে নানা প্রকার আজগবী ব্যবসায়ে হস্তক্ষেপ করিতেন। কখনও স্থির হঠত দেশের সমস্ত বাবুলা গাছ

জমা লইয়া গোকুর গাড়ির চাকা তৈরি করিবেন, কখনও পরামর্শ হইত সুন্দর বনের সমস্ত মধুচক্র তিনি আহরণ করিবেন, কখনও লোক পাঠাইয়া পশ্চিম প্রদেশের বনগুলি বন্দোবস্ত করিয়া হরীতকীর ব্যবসায় একচেটে করিবার আয়োজন হইত। বিনোদ মনে মনে ইহা বুঝিতেন যে, অল্প লোকে শুনিবে হাসিবে, সেই জন্ত কাহারও কাছে প্রকাশ করিতে চাহিতেন না। বিশেষতঃ অশ্বিকাচরণকে তিনি এতটু বিশেষ লজ্জা করিতেন; অশ্বিকা পছে মনে করেন তিনি টাকাগুলো নষ্ট করিতে বাসি-য়াছেন সেজন্ত মনে মনে সঙ্কুচিত ছিলেন। অশ্বিকার নিকট তিনি এমন ভাবে থাকিতেন যেন অশ্বিকাই জমিদার এবং তিনি কেবল বসিয়া থাকিবার জন্ত বাৰ্ষিক কত টাকা করিয়া বেতন পাইতেন।

নিমন্ত্রণের পরদিন হইতে নয়নতারা তাহার স্বামীর কাণে মন্ত্র দিতে লাগিলেন। তুমি ত নিজে কিছুই দেখ না, তোমাকে অশ্বিকা হাত তুলিয়া যাহা দেখ তাহাই তুমি শিরোধার্য্য করিয়া লও; এদিকে ভিতরে ভিতরে বি সর্কন শ হইতেছে তাহা কেহই জানে না। তোমার ম্যানেজারের স্ত্রী যা গয়না পরিয়া আসিয়াছিল, এমন গয়না তোমার ঘরে আসিয়া আমি কখনও চক্ষেও দেখি নাই। এ সব গয়না সে পায় কোথা হইতে এবং এত দেখাই বা তাহার বাড়িল কিসের জ্বারে! ইত্যাদি ইত্যাদি। গহনার বর্ণনা নয়নতারা অনেকটা অতিরঞ্জিত করিয়া বলিল, এবং ইন্দ্রাণী নিজ মুখে তাহার দাসীকে কি সকল কথা বলিয়া গেছে তাহাও সে বহুল পরিমাণে রচনা করিয়া গেল।

বিনোদ দুর্বল প্রকৃতির লোক—এক দিকে সে পরের প্রতি নির্ভর না করিয়াও থাকিতে পারে না, অপরদিকে যে তাহার কাণে যেরূপ সন্দেহ তুলিয়া দেয় সে তাহাই বিশ্বাস করিয়া বসে। ম্যানেজার যে চুরি করিতেছে মুহূর্তকালের মধ্যেই এ বিশ্বাস তাহার দৃঢ় হইল। বিশেষতঃ কাজ সে নিজে দেখে না বলিয়া বল্পনায় সে নানাপ্রকার বিভীষিকা দেখিতে লাগিল—অথচ কেমন করিয়া ম্যানেজারের চুরি ধরিতে হইবে তাহারও রাস্তা সে জানে না। স্পষ্ট করিয়া তাহাকে কিছু বলিতে পারে এমন সাহস নাই—মহা মুঞ্চিল হইল।

অধিকাচরণের একাধিপত্যে কৰ্মচারিগণ সকলেই ঈর্ষান্বিত ছিল। বিশেষতঃ গৌরীকান্ত তাহার যে দূরসম্পর্কীয় ভাগিনেয় বামাচরণকে কাজ দিয়াছিলেন, অধিকার প্রতি বিদ্বেষ তাহারই সর্বাপেক্ষা অধিক ছিল। কারণ, সম্পর্ক প্রভৃতি অনুসারে সে নিজেকে অধিকার সমান জ্ঞান করিত এবং অধিকা তাহার আত্মীয় হইয়াও কেবলমাত্র ঈর্ষাবশতঃই তাহাকে উচ্চপদ দিতেছে না, এ ধারণা তার দৃঢ় ছিল। পদ পাইলেই পদের উপযুক্ত যোগ্যতা আপনি যোগায় এই তাহার মত। বিশেষতঃ ম্যানেজারের কাজকে সে অত্যন্ত তুচ্ছজ্ঞান করিত; বলিত, সেকালে রথের উপর যেমন ধ্বজা থাকিত, আজকাল আপিসের কাজে ম্যানেজার সেইরূপ—ঘোড়াবেটা খাটিয়া মরে আর ধ্বজা মহাশয় রথের সঙ্গে সঙ্গে কেবল দর্পভরে ছলিতে থাকেন।

বিনোদ ইতিপূর্বে কাজকর্মের কোন শোভাখবর লইত না—কেবল যখন ব্যবসা উপলক্ষে হঠাৎ অনেক টাকার আবশ্যক

হইত তখন গোপনে খাজাঙ্কিকে ডাকিয়া জিজ্ঞাসা করিত, এমন তহবিলে কত টাকা আছে? খাজাঙ্কি টাকার পরিমাণ বলিলে কিঞ্চিৎ ইতস্ততঃ করিয়া সে টাকাটা চাহিয়া ফেলিত—যেন তাহা পরের টাকা। খাজাঙ্কি তাহার নিকট সেই লইয়া টাকা দিত। তাহার পরে কিছুকাল ধরিয়া অধিকা বাবুর নিকট বিনোদ কুণ্ঠিত হইয়া থাকিত। কোন মতে তাহার সহিত সাক্ষাৎ না হইলে আরাম বোধ করিত।

অধিকাচরণ মাঝে মাঝে ইহা লইয়া বিপদে পড়িতেন। কারণ জমিদারের অংশ জমিদারকে দিয়া তহবিলে প্রায় আমানতী, সদরখাজনা, অথবা আমলাবর্গের বেতন প্রভৃতি খরচের টাকা জমা থাকিত। সে টাকা অন্তায় ব্যয় হইয়া গেলে বড়ই অসুবিধা ভোগ করিতে হইত। কিন্তু বিনোদ টাকাটি লইয়া এমনি চোরের মত লুকাইয়া বেড়াইত যে, তাহাকে এ সম্বন্ধে কোন কথা বলিবার অবসর পাওয়া যাইত না—পত্র লিখিলেও কোনও ফল হইত না—কারণ, লোকটার কেবল চক্ষুলজ্জা ছিল আর কোন লজ্জা ছিল না, এই জন্ত সে কেবল সাক্ষাৎকারকে ডরাইত।

ক্রমে যখন বিনোদ বাড়াবাড়ী করিতে লাগিল তখন অধিকাচরণ বিরক্ত হইয়া লোহার সিঙ্ককের চাবি নিজের কাছে রাখিলেন। বিনোদের গোপনে টাকা লওয়া একেবারে বন্ধ হইল। অথচ লোকটা এতই দুর্বল প্রকৃতি যে, প্রভু হইয়াও স্পষ্ট করিয়া এ সম্বন্ধে কোন প্রকার বল খাটাইতে পারিল না। অধিকাচরণের বৃথা চেষ্টা! অলসী যাহার সহায়, লোহার সিঙ্ককের চাবি তাহার টাকা আটক করিয়া

রাখিতে পারে না। বরং হিতে বিপরীত হইল। কিন্তু সে সকল কথা পরে হইবে।

অধিকাচরণের কড়া নিয়মে বিনোদ ভিতরে ভিতরে অত্যন্ত উত্যক্ত হইয়াছিল। এমন সময় নয়নতারা যখন তাহার মনে সন্দেহ জন্মাইয়া দিল তখন সে কিছু খুসি হইল। গোপনে একে একে নিম্নতন কর্মচারীদিগকে ডাকিয়া সন্ধান লইতে লাগিল। তখন বামাচরণ তাহার প্রধান চর হইয়া উঠিল।

গৌরীকান্তের আমলে দেওয়ানজি বলপূর্বক পার্শ্ববর্তী জমিদারের জমিতে হস্তক্ষেপ করিতে কুষ্ঠিত হইতেন না এমন করিয়া তিনি অনেকের অনেক জমি অপহরণ করিয়াছেন। কিন্তু অধিকাচরণ কখনও সে কাজে প্রবৃত্ত হইতেন না। এবং মোকদ্দমা বাধিবার উপক্রম হইলে তিনি ষথাসাধ্য আপষের চেষ্টা করিতেন। বামাচরণ ইহারই প্রতি প্রভুর দৃষ্ট আকর্ষণ করিল। স্পষ্ট বুঝাইয়া দিল, অধিকাচরণ নিশ্চয় অপরাধ করিয়াছে। বামাচরণের নিজেবও বিশ্বাস তাহাই—যাহার হাতে ক্ষমতা আছে সে যে ঘুষ না লইয়া থাকতে পারে ইহা সে মরিয়া গেলেও বিশ্বাস করিতে পারে না।

এইরূপে গোপনে নানা যুগ হইতে ফুৎকার পাইয়া বিনোদের সন্দেহশিখা ক্রমেই বাড়িয়া উঠিতে লাগিল—কিন্তু সে প্রত্যক্ষভাবে কোন উপায় অবলম্বন করিতেই সাহস করিল না। এক চক্ষুলাজ্জা, দ্বিতীয়তঃ আশঙ্কা, পাছে সমস্ত অবস্থাভিঙ্গ অধিকাচরণ তাহার কোন অনিষ্ট করে।

অবশেষে নয়নতারা স্বামীর এই পুরুষতায় অলিঙ্গ পুড়িয়া বিনোদের অজ্ঞাত-

সারে একদিন অধিকাচরণকে ডাকিয়া পর্দার আড়াল হইতে বলিলেন—“তোমাকে আর রাখা হবে না, তুমি বামাচরণকে সমস্ত হিসেব বুঝিয়ে দিয়া চলে যাও!”

তাহার সঙ্কে বিনোদের নিকট আন্দোলন উপস্থিত হইয়াছে সে কথা অধিকা পূর্বেই আভাসে জানিতে পারিয়াছিলেন, সেই জন্ত নয়নতারার কথায় তিনি তেমন আশ্চর্য হন নাই; তৎক্ষণাৎ বিনোদবিহারীর নিকট গিয়া জিজ্ঞাসা করিলেন, “আমাকে কিআপনি কাজ থেকে নিষ্কৃতি দিতে চান?”

বিনোদ শশব্যস্ত হইয়া কহিল, “না কখনই না”

অধিকাচরণ পুনর্বার জিজ্ঞাসা করিলেন, “আমার উপর কি আপনার কোন সন্দেহের কারণ ঘটেছে?”

বিনোদ অত্যন্ত অপ্রতিভ হইয়া কহিল—“কিছুমাত্র না!” অধিকাচরণ নয়নতারার ঘটনা উল্লেখমাত্র না করিয়া আপিসে চলিয়া আসিলেন—বাড়িতে ইজাগীকেও কিছু বলিলেন না। এইভাবে কিছুদিন গেল।

এমন সময় অধিকাচরণ ইন্সপেক্টরের পড়িলেন। শক্তব্যামো নহে, কিন্তু দুর্বলতা-বশতঃ অনেকদিন আপিস কায়াই করিতে হইল।

সেই সময় সদর খাজনা বেশ এবং অন্যান্য কাজের বড় ভীড়। সেই জন্ত একদিন সকালে রোগশয্যা ত্যাগ করিয়া অধিকাচরণ হঠাৎ আপিসে আসিয়া উপস্থিত হইলেন।

সে দিন কেহই তাঁহাকে প্রত্যাশা করে নাই, এবং সকলেই বলিতে লাগিল, আপনি

বাড়ি ঘান, এত কাহিল শরীরে কাজ করি-
বেন না ।

অধিকাচরণ নিজের দুর্বলতার প্রসঙ্গ
উড়াইয়া দিয়া, ঘেঁষে গিয়া বাসলেন ।
আম্ভারা সকলেই কিছু যেন অস্থির হইয়া
উঠিল এবং হঠাৎ অত্যন্ত অতিরিক্ত মনো-
যোগের সহিত নিজ নিজ কাজে প্রবৃত্ত
হইল ।

অধিকা ডেস্ক খুলিয়া দেখেন তাহার
মধ্যে তাঁহার একখানি কাগজও নাই ।
সকলকে জিজ্ঞাসা করিলেন এ কি ; সক-
লেই যেন আকাশ হইতে পড়িল, চোরে
লইয়াছে, কি, স্কুতে লইয়াছে কেহ ভাবিয়া
স্থির করিতে পারিল না ।

বামাচরণ কহিল, “আরে মশায় আপ-
নারা স্কাফামি রেখে দিন ! সকলেই
জানেন, ওর কাগজপত্র বাবু নিজে তলব
করে নিয়ে গেছেন” ।

অধিকা রুদ্ধ-রোষে খেতবর্ণ হইয়া
জিজ্ঞাসা করিলেন ‘কেন ?’

বামাচরণ কাগজ লিখিতে লিখিতে
বলিল, “সে আমরা কেমন করে বলব ?”

বিনোদ অধিকাচরণের অস্থপস্থিতি
স্বযোগে বামাচরণের মন্তব্যক্রমে নূতন
চাবি তৈয়ার করাইয়া ম্যানেজারের প্রাই-
ভেট ডেস্ক খুলিয়া তাঁহার সমস্ত কাগজপত্র
পরীক্ষা করিতে লইয়া গিয়াছেন । চতুর
বামাচরণ সে কথা গোপন করিল না—
অধিকা অপমানিত হইয়া কাজে ইস্তফা দেন
ইহা তাহার অনভিপ্রেত ছিল না ।

অধিকাচরণ ডেস্ক চাবি লাগাইয়া
কম্পিতদেহে বিনোদের সন্মানে গেলেন—
বিনোদ বলিয়া পাঠাইল তাহার মাথা ধরি-
য়াছে ; সেখান হইতে বাড়ি গিয়া হঠাৎ

দুর্বলদেহে বিছানায় শুইয়া পড়িলেন ।
ইজ্রাণী তাড়াতাড়ি ছুটিয়া আসিয়া তাঁহাকে
তাহার সমস্ত হৃদয় দিয়া যেন আবৃত করিয়া
ধরিল । ক্রমে ইজ্রাণী সকল কথা শুনিল ।

স্থির-সৌদামিনী আর স্থির রহিল না—
তাহার বক্ষ ফুলিতে লাগিল, বিস্ফারিত
মেঘকক্ষ চক্ষুপ্রাস্ত হইতে উন্মুক্ত বস্ত্রশিখা
সুতীর শুভ্রজালা বিক্ষেপ করিতে লাগিল ।
এমন স্বামীর এমন অপমান ! এত বিশ্বা-
সের এই পুরস্কার !

ইজ্রাণীর এই অত্যাগ্র নিঃশব্দ রোষদাহ
দেখিয়া অধিকার রাগ ধামিয়া গেল—
তিনি যেন দেবতার শাসন হইতে পাপীকে
রক্ষা করিবার জন্ত ইজ্রাণীর হাত ধরিয়া
বলিলেন—“বিনোদ ছেলেমানুষ, দুর্বল-
স্বভাব, পাঁচ জনের কথা শুনে তার মন
বিগড়ে গেছে !”

তখন ইজ্রাণী দুই হস্তে তাহার স্বামীর
গলদেশ বেঠেন করিয়া তাঁহাকে বক্ষের
কাছে টানিয়া লইয়া আবেগের সহিত
চাপিয়া ধরিল এবং হঠাৎ তাহার দুই চক্ষুর
রোষদীপ্তি ম্লান করিয়া দিয়া ঝরঝর করিয়া
অশ্রুধূল ঝরিয়া পড়িতে লাগিল । পৃথিবীর
সমস্ত অন্তায় হইতে সমস্ত অপমান হইতে
দুই বাহুপাশে টানিয়া লইয়া সে যেন
তাহার হৃদয়দেবতাকে আপন হৃদয়মন্দিরে
তুলিয়া রাখিতে চায় !

স্থির হইল অধিকাচরণ এখনি কাজ
ছাড়িয়া দিবেন,—আজ আর কেহ
তাহাতে কিছুমাত্র প্রতিবাদ করিল না ।
কিন্তু এই তুচ্ছ প্রতিশোধে ইজ্রাণীর মন
সান্ত্বনা মানিল না । যখন সন্দিগ্ধ প্রভু
নিজেই অধিকাকে ছাড়াইতে উত্তত, তখন
কাজ ছাড়িয়া দিয়া তাহার আর কি শাসন

হইল ? কাজে জবাব দিবার সঙ্কল্প করিয়াই অশ্বিকার রাগ ধামিয়া গেল, কিন্তু সকল কাজকর্ম সকল আশ্রয় বিশ্রামের মধ্যে ইন্দ্রাণীর রাগ তাহার জ্বলন্ত হৃৎপিণ্ডের মধ্যে জ্বলিতে লাগিল।

পরিশিষ্ট ।

এমন সময়ে চাকর আসিয়া খবর দিল বাবুদের বাড়ির খাজাঞ্চি আসিয়াছে। অশ্বিকা মনে করিলেন, বিনোদ স্বাভাবিক চকুলজ্জাবশতঃ খাজাঞ্চির মুখ দিয়া তাঁহাকে কাজ হইতে জবাব দিয়া পাঠাইয়াছেন। সেই জন্ত নিজেই একখানি ইস্তফাপত্র লিখিয়া খাজাঞ্চির হস্তে গিয়া দিলেন।

খাজাঞ্চি তৎসম্বন্ধে কোনপ্রশ্ন না করিয়া কহিল, সর্কনাশ হইয়াছে! অশ্বিকা জিজ্ঞাসা করিলেন কি হইয়াছে ?

তদন্তরে শুনিলেন, যখন হইতে অশ্বিকা-চরণের সতর্কতাবশতঃ খাজাঞ্চিখানা হইতে বিনোদের টাকা লওয়া বন্ধ হইয়াছে তখন হইতে বিনোদ নানা স্থান হইতে গোপনে বিস্তর টাকা ধার লইতে আরম্ভ করিয়াছিল। একটার পর আর একটা ব্যবসা কাঁদিয়া সে যতই প্রতারিত ও ক্ষতিগ্রস্ত হইতে ছিল ততই তাহার রোখ চড়িয়া ষাইতেছিল—ততই নূতন নূতন অসম্ভব উপায়ে আপন ক্ষতি নিবারণের চেষ্টা করিয়া অবশেষে আকর্ষণে নিমগ্ন হইয়াছে। অশ্বিকাচরণ যখন পীড়িত ছিলেন তখন বিনোদ সেই সুযোগে তহবিল হইতে সমস্ত টাকা উঠাইয়া লইয়াছে। বাঁকাগাড়ি পরগণা অনেক কাল হইতেই পার্শ্ববর্তী জমি-

দারের নিকট রেহেনে আবদ্ধ; সে এ পর্যন্ত টাকার অল্প কোন প্রকার তর্গাদা না দিয়া অনেক টাকা সুদ জমিতে দিয়াছে, এখন সময় বুঝিয়া হঠাৎ ডিক্রী করিয়া লইতে উচ্চত হইয়াছে। এই ও বিপদ!

শুনিয়া অশ্বিকাচরণ কিছুক্ষণ স্তম্ভিত হইয়া রহিলেন। অবশেষে কহিলেন, “আজ কিছুই ভেবে উঠতে পারচিনে—কাল এর পরামর্শ করা যাবে।” খাজাঞ্চি যখন বিদায় লইতে উঠিলেন তখন অশ্বিকা তাঁহার ইস্তফাপত্র চাহিয়া লইলেন।

অন্তঃপুরে আসিয়া অশ্বিকা ইন্দ্রাণীকে সকল কথা বিস্তারিত জানাইয়া কহিলেন—বিনোদের এ অবস্থায় ত আমি কাজ ছেড়ে দিতে পারিনে।

ইন্দ্রাণী অনেকক্ষণ প্রস্তরমূর্তির মত স্থির হইয়া রহিল—অবশেষে অন্তরের সমস্ত বিরোধদ্বন্দ্ব সবলে দমন করিয়া নিশ্বাস ফেলিয়া কহিল—না, এখন ছাড়তে পার না।

তাহার পরে কোথায় টাকা কোথায় টাকা করিয়া সন্ধান পড়িয়া গেল—যথেষ্ট পরিমাণে টাকা আর জুটে না। অন্তঃপুর হইতে গহনাগুলি সংগ্রহ করিবার জন্ত অশ্বিকা বিনোদকে পরামর্শ দিলেন। ইতিপূর্বে ব্যবসায় উপলক্ষে বিনোদ সে চেষ্টা করিয়াছিলেন, কখন কৃতকার্য হইতে পারেন নাই। এবারে অনেক অল্পনয় বিনয় করিয়া অনেক কাঁদিয়া কাটিয়া অনেক দীনতা স্বীকার করিয়া গহনাগুলি ভিক্ষা চাহিলেন। নয়নতারা কিছুতেই দিলেন না;—তিনি মনে করিলেন, তাঁহার চারিদিক হইতে সকলি ধসিয়া পড়িবার উপক্রম হইয়াছে; এখন এই গহনাগুলি তাঁহার একমাত্র শেষ

অবলম্বনস্থল—এবং ইহা তিনি অস্তিম আগ্রহ সহকারে প্রাণপণে চাপিয়া ধরিলেন।

যখন কোথা হইতেও কোন টাকা পাওয়া গেল না, তখন ইন্দ্ৰাণীর প্রতিহিংসা-ক্রকটের উপরে একটা তীব্র আনন্দের জ্যোতিঃ পতিত হইল। সে তাহার স্বামীর হাত চাপিয়া ধরিয়া কহিল, তোমার যাহা কর্তব্য তাহা ত করিয়াছ এখন তুমি ক্ষান্ত হও; যাহা হইবার তা হউক।

স্বামীর অবমাননায় উদ্দীপ্ত সতীর রোমানল এখনও নির্বাহিত হয় নাই, দেপিয়া অধিকা মনে মনে হাসিলেন। বিপদের দিনে অসহায় বালকের স্থায় বিনোদ তাঁহার উপরে এমন একান্ত নির্ভর করিয়া আছে যে, তাহার প্রতি তাঁহার অত্যন্ত দয়ার উদ্ভেক হইয়াছে— এখন তাহাকে তিনি কিছুতেই ত্যাগ করিতে পারেন না। তিনি মনে করিতেছিলেন তাঁহার নিজের বিষয় আবদ্ধ রাখিয়া টাকা উঠাইবার চেষ্টা করিবেন। কিন্তু ইন্দ্ৰাণী তাঁহাকে মাথার দিয়া দিয়া বলিল, ইহাতে আর তুমি হাত দিতে পারিবে না।

অধিকাচরণ বড় ইতস্ততের মধ্যে পড়িয়া ভাবিতে বসিয়া গেলেন। তিনি ইন্দ্ৰাণীকে আস্তে আস্তে বুঝাইবার যতই চেষ্টা করিতে লাগিলেন ইন্দ্ৰাণী কিছুতেই তাঁহাকে কথা কহিতে দিল না। অবশেষে অধিকা কিছু বিমর্ষ হইয়া গম্ভীর হইয়া নিঃশব্দে বসিয়া রহিলেন।

তখন ইন্দ্ৰাণী লোহার সিন্দুক খুলিয়া তাহার সমস্ত গহনা একটি বৃহৎ থালায় স্তূপাকার করিল এবং সেই গুরুভার থালাটি বহুকষ্টে দুই হস্তে তুলিয়া ঈষৎ হাসিয়া তাহার স্বামীর পায়েয় কাছে রাখিল।

পিতামহের একমাত্র স্নেহের ধন ইন্দ্ৰাণী পিতামহের নিকট হইতে জন্মাবধি বৎসরে বৎসরে অনেক বহুমূল্য অলঙ্কার উপহার

পাইয়া আসিয়াছে; মিতাচারী স্বামীরও জীবনের অধিকাংশ সঞ্চয় এই সন্তানহীন রমণীর ভাণ্ডারে অলঙ্কাররূপে রূপান্তরিত হইয়াছে। সেই সমস্ত স্বর্ণ মাণিক্য স্বামীর নিকট উপস্থিত করিয়া ইন্দ্ৰাণী কহিল— আমার এই গহনাগুলি দিয়া আমার পিতামহের দত্ত দান উদ্ধার করিয়া আমি পুনর্বার তাঁহার প্রভুবংশকে দান করিব।

এই বলিয়া সে সজল চক্ষু মুদ্রিত করিয়া মস্তক নত করিয়া কল্পনা করিল, তাহার সেই বিরলশুল্ককেশধারী সরলসুন্দরমুখচ্ছবি শান্তনেহহাস্যময়, ধী-প্রদীপ্ত উজ্জলগৌরকান্তি বৃদ্ধ পিতামহ এই মুহূর্ত্তে এখানে উপস্থিত আছেন, এবং তাহার নত মস্তকে শীতল স্নেহস্বস্ত রাখিয়া তাহাকে নীরবে আশীর্বাদ করিতেছেন।

বাঁকাগাড়ি পরগণা পুনশ্চ ক্রয় হইয়া গেলে, তখন প্রতিজ্ঞা ভঙ্গ করিয়া গতভূষণ ইন্দ্ৰাণী আবার নয়নতারার অন্তঃপুরে নিমজ্জনে গমন করিল; আর তাহার মনে কোন অপমান বেদনা রহিল না।



প্রথম পরিচ্ছেদ।

রাইচরণ যখন বাবুদের বাড়ি প্রথম চাকরী করিতে আসে তখন তাহার বয়স বারো। যশোহর জিলায় বাড়ি। লম্বা চুল, বড় বড় চোখ, শ্রামচিহ্ন ছিপছিপে বালক। জাতি

কায়স্থ। তাহার প্রভুরাও কায়স্থ। বাবুদের এক বৎসর বয়স্ক একটি শিশুর রক্ষণ ও পালন-কার্যে সহায়তা করা তাহার প্রধান কর্তব্য ছিল।

সেই শিশুটি কালক্রমে রাইচরণের কক্ষ ছাড়িয়া স্কুলে, স্কুল ছাড়িয়া কলেজে, অবশেষে কলেজ ছাড়িয়া মুম্বৈতে প্রবেশ করিয়াছেন। রাইচরণ এখনো তাঁহার ভৃত্য।

তাহার আর একটি মনিব বাড়িয়াছে; মাঠাকুরাণী ঘরে আসিয়াছেন; স্ত্রভরাং অন্নকুলবাবুর উপর রাইচরণের পূর্বে যতটা অধিকার ছিল তাহার অধিকাংশই নূতন কর্তার হস্তগত হইয়াছে।

কিন্তু কর্তী যেমন রাইচরণের পূর্বাধিকার কতকটা হ্রাস করিয়া লইয়াছেন তেমনি একটি নূতন অধিকার দিয়া অনেকটা পূরণ করিয়া দিয়াছেন। অন্নকুলের একটি পুত্রসন্তান অন্নদিন হইল জন্মলাভ করিয়াছে—এবং রাইচরণ কেবল নিজের চেষ্টা ও অধ্যবসাতে তাহাকে সম্পূর্ণরূপে আয়ত্ত করিয়া লইয়াছে।

তাহাকে এমনি উৎসাহের সহিত দোলাইতে আরম্ভ করিয়াছে, এমনি নিপুণতার সহিত তাহাকে দুই হাতে ধরিয়া আকাশে উৎক্ষিপ্ত করে, তাহার মুখের কাছে আসিয়া এমনি সশব্দে শিরশ্চালন করিতে থাকে, উত্তরের কোন প্রত্যাশা না করিয়া এমন সকল সম্পূর্ণ অর্থহীন অসঙ্গত প্রশ্ন স্মরণ করিয়া শিশুর প্রতি প্রয়োগ করিতে থাকে যে এই ক্ষুদ্র আনুকূল্যটি রাইচরণকে দেখিলে একেবারে পুলকিত হইয়া উঠে।

অবশেষে ছেলোটী যখন হামাগুড়ি দিয়া অতি সাবধানে চৌকাট পার হইত, এবং কেহ ধরিতে আসিলে খিল্ খিল্ হাস্কলরব তুলিয়া ক্রতবেগে নিরাপদ স্থানে লুকাইতে চেষ্টা করিত, তখন রাইচরণ তাহার অসাধারণ

চাতুর্য্য ও বিচারশক্তি দেখিয়া চমৎকৃত হইয়া যাইত। মার কাছে গিয়া সগর্ভ সবিস্ময়ে বলিত “মা তোমার ছেলে বড় হলে জজ হবে, পাচ হাজার টাকা রোজগার করবে।”

পৃথিবীতে আর কোন মানবসন্তান যে এই বয়সে চৌকাট লঙ্ঘন প্রভৃতি অসম্ভব চাতুর্য্যের পরিচয় দিতে পারে তাহা রাইচরণের ধ্যানের অগম্য, ‘কেবল ভবিষ্যৎ জজদের পক্ষে কিছুই আশ্চর্য্য নহে।

অবশেষে শিশু যখন টলমল করিয়া চলিতে আরম্ভ করিল সে এক আশ্চর্য্য ব্যাপার এবং যখন মাকে মা, পিসিকে পিসি, এবং রাইচরণকে চন্ন বলিয়া সম্বোধন করিল, তখন রাইচরণ সেই প্রত্যয়াতীত সংবাদ যাহার তাহার কাছে ঘোষণা করিতে লাগিল।

সব চেয়ে আশ্চর্য্যের বিষয় এই যে, “মাকে মা বলে, পিসিকে পিসি বলে, কিন্তু আমাকে বলে চন্ন!” বাস্তবিক শিশুর মাথায় এ বুদ্ধি কি করিয়া যোগাইল বলা শক্ত। নিশ্চয়ই কোন বয়স্ক লোক কখনই অলোকসামান্ততার পরিচয় দিত না, এবং দিলেও তাহার জজের পদ প্রাপ্তি সম্ভাবনা সম্বন্ধে সাধারণের সম্পূর্ণ সন্দেহ উপস্থিত হইত।

কিছুদিন বাদে মুখে দড়ি দিয়া রাইচরণকে ঘোড়া সাজিতে হইল। এবং মল সাজিয়া শিশুর সহিত কুস্তি করিতে হইত—আবার পরাহৃত হইয়া ভূমিতে পড়িয়া না গেলে বিবম বিপ্লব বাধিত। এই সময়ে অন্নকুল পরাতীয়বর্তী এক জিলায় বদলী হইলেন।

অন্নকুল তাহার শিশুর জন্ম কলিকাতা হইতে এক ঠেলাগাড়ি লইয়া গেলেন। সাটিনের জামা এবং মাথায় একটা জরিব টুপি হাতে সোণার বালা এবং পায়ে দুই গাছি মল পরাইয়া রাই-

চরণ নবকুমারকে দুই বেলা গাড়ি করিয়া হাওয়া খাওয়াইতে লইয়া যাইত।

বর্ষাকাল আসিল। ক্ষুধিত পদ্মা উদ্ভান গ্রাম শত্ৰুক্ষেত্র এক এক গ্রাসে মুখে পূরিতে লাগিল। বালুকাচরের কাশবন এবং বনঝাউ জলে ডুবিয়া গেল। পাড় ভাঙ্গার অবিশ্রাম রুপ্বাপু শব্দ এবং জলের গর্জনে দশদিক্ মুখরিত হইয়া উঠিল, এবং দ্রুতবেগে ধাবমান কেনরাশি নদীর তীব্রগতি প্রত্যক্ষগোচর করিয়া তুলিল।

অপরাত্নে মেঘ করিয়াছিল, কিন্তু ঝষ্টির কোন সম্ভাবনা ছিল না। রাইচরণের খামখেয়ালি ক্ষুদ্র প্রভু কিছুতেই ঘরে থাকিতে চাহিল না। গাড়ির উপর চড়িয়া বসিল। রাইচরণ ধীরে ধীরে গাড়ি ঠেলিয়া ধাত্তক্ষেত্রের প্রান্তে নদীর তীরে আসিয়া উপস্থিত হইল। নদীতে একটিও নোকা নাই, মাঠে একটিও লোক নাই—মেঘের ছিদ্র দিয়া দেখা গেল পরপারে জনহীন বালুকাভীরে শব্দহীন দীপ্ত সমারোহের সহিত সূর্য্যাস্তের আয়োজন হইতেছে। সেই নিস্তরুতার মধ্যে শিশু সহসা এক দিকে অশ্রুনির্দেশ করিয়া বলিল “চন্ন, কু!”

অনতিদূরে সজল পঙ্কিল ভূমির উপর একটি বৃহৎ কদম্ব বৃক্ষের উচ্চশাখায় গুটিকতক কদম্ব ফুল ফুটিয়াছিল, সেই দিকে শিশুর লুক্ক দৃষ্টি আকৃষ্ট হইয়াছিল। দুই চারি দিন হইল রাইচরণ কাঠি দিয়া বিদ্ধ করিয়া তাহাকে কদম্ব ফুলের গাড়ি বানাইয়া দিয়াছিল, তাহাতে দড়ি বাধিয়া টানিতে এত আনন্দ বোধ হইয়াছিল যে সেদিন রাইচরণকে আর লাগাম পড়িতে হয় নাই; ঘোড়া হইতে সে একেবারেই সহসের পদে উন্নীত হইয়াছিল।

কাপা ভাঙ্গিয়া ফুল তুলিতে যাইতে চন্নর প্রবৃত্তি হইল না—তাড়াতাড়ি বিপরীত দিকে অশ্রুনির্দেশ করিয়া বলিল দেখ দেখ ও—ই

দেখ পাখী—ওই উড়ে—এ গেল! আয়রে পাখী আয় আয়” এইরূপ অবিশ্রান্ত বিচিত্র বলয়ব করিতে করিতে সবেগে গাড়ি ঠেলিতে লাগিল।

কিন্তু যে ছেলের ভবিষ্যতে জজ হইবার কোন সম্ভাবনা আছে, তাহাকে এরূপ সামান্ত উপায়ে ভুলাইবার প্রত্যাশা করা বৃথা—বিশেষতঃ চারিদিকে দৃষ্টি আকর্ষণের উপযোগী কিছুই ছিল না এবং কাল্পনিক পাখী লইয়া অধিকক্ষণ কাজ চলে না।

রাইচরণ বলিল “তবে তুমি গাড়িতে বসে থাক, আমি চট্ করে ফুল তুলে আনিচি। খবরদার জলের ধারে যেয়ো না।” বলিয়া হাঁটুর উপর কাপড় তুলিয়া কদম্ব বৃক্ষের অভিমুখে চলিল।

কিন্তু ঐ যে জলের ধারে যাইতে নিষেধ করিয়া গেল, তাহাতে শিশুর মন কদম্ব ফুল হইতে প্রত্যাবৃত্ত হইয়া সেই মুহূর্ত্তেই জলের দিকে ধাবিত হইল। দেখিল, জল খল্ খল্ ছল্ ছল্ করিয়া ছুটিয়া চলিয়াছে; যেন ডুটামি করিয়া কোন্ এক বৃহৎ রাইচরণের হাত এড়াইয়া এক লক্ষ শিশু প্রবাহ সহস্র কলম্বরে নিষিদ্ধ স্থানাভিমুখে দ্রুতবেগে পলায়ন করিতেছে।

তাহাদের সেই অসাধু দৃষ্টান্তে মানবশিশুর চিত্ত চঞ্চল হইয়া উঠিল। গাড়ি হইতে আস্তে আস্তে নামিয়া জলের ধারে গেল—একটা দীর্ঘ তৃণ কুড়াইয়া লইয়া তাহাকে ছিপ্ কল্পনা করিয়া বু কিয়া মাছ ধরিতে লাগিল—দ্রুত জলরাশি অফুট কলভাষায় শিশুকে বারবার আপনাদের খেলাঘরে আহ্বান করিল।

একবার ঝপ্ করিয়া একটা শব্দ হইল, কিন্তু বর্ষার পদ্মাভীরে এমন শব্দ কত শোনা যায়! রাইচরণ আঁচল ভরিয়া কদম্ব ফুল তুলিল। গাছ হইতে নামিয়া সহস্রমুখে গাড়ির কাছে আসিয়া দেখিল কেহ নাই। চারিদিকে

টাহিয়া দেখিল কোথাও কাহারও কোন চিহ্ন নাই।

মুহূর্ত্তে রাইচরণের শরীরের রক্ত হিম হইয়া গেল। সমস্ত জগৎসংসার মলিন বিবর্ণ ধোয়ার মত হইয়া আসিল। ভান্ডাবুকের মধ্য হইতে একবার প্রাণপণ চীৎকার করিয়া ডাকিয়া উঠিল “বাবু—খোকাবাবু, লন্নি, দাদাবাবু আমার !”

কিন্তু চন্ন বলিয়া কেহ উত্তর দিল না, ছুটামি করিয়া কোন শিশুর কণ্ঠ হাসিয়া উঠিল না; কেবল পদ্মা পূর্ব্ববৎ ছল্‌ছল্‌ খল্‌খল্‌ করিয়া ছুটিয়া চলিতে লাগিল, যেন সে কিছুই জানে না, এবং পৃথিবীর এই সকল সামান্ত ঘটনায় মনোযোগ দিতে তাহার যেন এক মুহূর্ত্ত সময় নাই।

সন্ধ্যা হইয়া আসিলে উৎকণ্ঠিত জননী চারিদিকে লোক পাঠাইয়া দিলেন। লণ্ঠন হাতে নদীতীরে লোক আসিয়া দেখিল রাইচরণ নিশীথের ঝোড়া বাতাসের মত সমস্ত ক্ষেত্রময় “বাবু, পোকাবাবু আমার” বলিয়া ভয়কণ্ঠে চীৎকার করিয়া বেড়াইতেছে। অবশেষে ঘরে ফিরিয়া রাইচরণ দড়াম্ করিয়া মাঠাকরণের পায়ের কাছে আসিয়া আছাড় খাইয়া পড়িল। তাহাকে যত জিজ্ঞাসা করে সে কাঁদিয়া বলে “জানিনে মা !”

যদিও সকলেই মনে মনে বুঝিল পদ্মারই এই কাজ, তথাপি গ্রামের প্রান্তে যে এক দল “বেদে”র সমাগম হইয়াছে তাহাদের প্রতিও সন্দেহ দূর হইল না। এবং মাঠাকুরাণীর মনে এমন সন্দেহ উপস্থিত হইল যে রাইচরণই বা চুরি করিয়াছে; এমন কি, তাহাকে ডাকিয়া অত্যন্ত অমুনয় পূর্ব্বক বলিলেন “তুই আমার বাছাকে ফিরিয়ে এনে দে—তুই যত টাকা চাস্‌ তোকে দেব।” শুনিয়া রাইচরণ কেবল

কপালে করাধাত করিল। গৃহিণী তাহাকে দূর করিয়া তাড়াইয়া দিলেন।

অমুকুল বাবু তাহার স্ত্রীর মন হইতে রাইচরণের প্রতি এই অজ্ঞায় সন্দেহ দূর করিবার চেষ্টা করিয়াছিলেন; জিজ্ঞাসা করিয়াছিলেন রাইচরণ এমন জঘন্ত কাজ কি উদ্দেশ্যে করিতে পারে! গৃহিণী বলিলেন “কেন? তাহার গায়ে সোণার গহনা ছিল।”

দ্বিতীয় পরিচ্ছেদ ।

—:~:~:~:—

রাইচরণ দেশে ফিরিয়া গেল। এত কাল তাহার সন্তানাদি হয় নাই, হইবার বিশেষ আশাও ছিল না। কিন্তু ধৈর্যক্রমে, বৎসর না যাইতেই তাহার স্ত্রী অধিকবয়সে একটি পুত্র সন্তান প্রসব করিয়া লোকলীলা সম্বরণ করিল।

এই নবজাত শিশুটির প্রতি রাইচরণের অত্যন্ত বিশেষ জন্মিল। মনে করিল, এ যেন ছল করিয়া পোকাবাবুর স্থান অধিকার করিতে আসিয়াছে। মনে করিল, প্রভুর এক মাত্র ছেলেটি জলে ভাসাইয়া নিজে পুত্রসুখ উপভোগ করা যেন একটি মহাপাতক। রাইচরণের রিখবা ভগিনী যদি না থাকিত তবে এ শিশুটি পৃথিবীর বাধু বেশী দিন ভোগ করিতে পাইত না।

আশ্চর্যের বিষয় এই যে, এই ছেলেটি কিছুদিন বাদে চোকাট পার হইতে আরম্ভ করিল, এবং সর্বপ্রকার নিষেধ লঙ্ঘন করিতে সকৌতুক চতুরতা প্রকাশ করিতে লাগিল। এমন কি, ইহার কণ্ঠস্বর হাশ্বক্রন্দনধ্বনি অনেকটা সেই শিশুরই মত। এক-একদিন যখন ইহার নামা শুনিতে, রাইচরণের বুকটা সহসা বড়াম্ করিয়া উঠিত, মনে হইত দাদাবাবু রাইচরণকে হারাইয়া কোথায় কাঁদিতেছে।

ফেলনা—রাইচরণের ভগিনী ইহার নাম

রাখিয়াছিল ফেলনা—যথা সময়ে পিসিকে পিসি বলিয়া ডাকিল। সেই পরিচিত ডাক শুনিয়া একদিন হঠাৎ রাইচরণের মনে হইল— তবে ত খোকাবাবু আমার মায়া ছাড়িতে পারে নই। সে ত আমার ঘরে আসিয়াই জন্মগ্রহণ করিয়াছে।

এই বিশ্বাসের অল্পকূলে কতকগুলি অকাটা যুক্তি ছিল।

প্রথমতঃ সে যাইবার অনর্জিবলস্বেষ্ট ইহার জন্ম। দ্বিতীয়তঃ, এতকাল পরে সহসা যে তাহার স্ত্রীর গর্ভে লস্কান জন্মে এ কখনই স্ত্রীর নিজস্বগণে হইতে পারে না। তৃতীয়তঃ এও হামাগুড়ি দেয়, টলমল করিয়া চলে, এবং পিসিকে পিসি বলে। যে সকল লক্ষণ থাকিলে ভবিষ্যতে জন্ম হইবার কথা, তাহার অনেকগুলি ইহাতে বসিয়াছে।

তখন মাঠাকরুণের সেই দারুণ সন্দেহের কথা হঠাৎ মনে পড়িল—আশ্চর্য্য হইয়া মনে মনে কহিল “আহা, মায়ের মন জানিতে পারিয়াছিল তাহার ছেলেকে কে চুরি করিয়াছে!”—তখন, এতদিন যে শিশুকে অন্বেষণ করিয়াছে, সে জন্ম বড় অল্পভাপ উপস্থিত হইল। শিশুর কাছে আবার ধরা দিল।

এখন হইতে ফেলনাকে রাইচরণ এমন করিয়া মানুষ করিতে লাগিল যেন সে বড় ঘরের ছেলে। সাটিনের জামা কিনিয়া দিল। জরিপ টুপি আনিল। মৃত স্ত্রীর গহনা গলাইয়া চূড়ি এবং ধালা তৈয়ারি হইল। পাড়ার কোন ছেলের সহিত তাহাকে খেলিতে দিত না—রাত্রিদিন নিজেই তাহার একমাত্র খেলায় সঙ্গী হইল। পাড়ার ছেলেরা সুযোগ পাইলে তাহাকে নবানুপূর্ণ বলিয়া উপহাস করিত এবং দেশের লোক রাইচরণের এইরূপ উন্নতবৎ আচরণে আশ্চর্য্য হইয়া গেল।

ফেলনার যখন বিদ্যালয়ের বয়স হইল

তখন রাইচরণ নিজের জ্যোতজমা সমস্ত বিক্রয় করিয়া ছেলোটিকে কলিকাতায় লইয়া গেল। সেখানে বহুকষ্টে একটি চাকরীর যোগাড় করিয়া ফেলনাকে বিদ্যালয়ে পাঠাইল। নিজে যেমন-তেমন করিয়া থাকিয়া ছেলেকে ভাল খাওয়া, ভাল পরা, ভালশিক্ষা দিতে ক্রটি করিত না। মনে মনে বলিত, বৎস, ভালবাসিয়া আমার ঘরে আসিয়াছ বলিয়া যে তোমার কোন অঘটন হইবে, তা হইবে না।

এমনি করিয়া বাবো বৎসর কাটিয়া গেল। ছেলে পড়ে শুনে ভাল, এবং দেখিতে শুনিতেও বেশ, হুইপুই উজ্জল শ্রামবর্ণ—কেশবেশ-বিজ্ঞাসের প্রতি বিশেষ দৃষ্টি, মেজাজ্ কিছু স্থখী এবং সোখীন। বাপকে ঠিক বাপের মত মনে করিতে পারিত না। কারণ, রাইচরণ স্নেহে বাপ এবং সেবায় ভৃত্য ছিল, এবং তাহার আর একটি দোষ ছিল, সে যে ফেলনার বাপ এ কথা সকলের কাছেই গোপন রাখিয়াছিল। যে ছাত্রনিবাসে ফেলনা বাস করিত সেখানকার ছাত্রগণ বাঙ্গাল রাইচরণকে লইয়া সর্বদা কৌতুক করিত এবং পিতার অসাক্ষাতে ফেলনাও যে সেই কৌতুকালোপে যোগ দিত না তাহা বলিতে পারি না। অথচ নিরীহ বৎসল-স্বভাব রাইচরণকে সকল ছাত্রই বড় ভাল বাসিত এবং ফেলনাও ভাল বাসিত, কিন্তু পূর্বেই বলিয়াছি ঠিক বাপের মত নহে, তাহাতে কিঞ্চিৎ অল্পগ্রহ মিশ্রিত ছিল।

রাইচরণ বৃদ্ধ হইয়া আসিয়াছে। তাহার প্রভু কাজকর্মে সর্বদাই দোষ ধরে। বাস্তবিক তাহার শরীরও শিথিল হইয়া আসিয়াছে কাঙ্ক্ষণ তেমনি মন দিতে পারে না, কেবলি ভুলিয়া যায়—বিস্ত্র যে পূরা তেমন দেয় বান্ধ-কোয় ওজর সে মানিতে চাহে না। এদিকে রাইচরণ বিষয় বিক্রয় করিয়া যে নগদ টাকা সংগ্রহ করিয়া আনিয়াছিল তাহাও নিঃশেষ

হইয়া আসিয়াছে। ফেলনা আজকাল বসন-ভূষণের অভাব লইয়া সর্বদা খুৎখুৎ করিতে আরম্ভ করিয়াছে।

তৃতীয় পরিচ্ছেদ ।

একদিন রাইচরণ হঠাৎ কশ্মে জবাব দিল এবং ফেলনাকে কিছু টাকা দিয়া বলিল—আবশ্যক পড়িয়াছে, আমি কিছু দিনের মত দেশে যাইতেছি। এই বলিয়া বায়াসতে গিয়া উপস্থিত হইল। অন্নকুল বাবু তখন সেখানে মূল্লেখ ছিলেন।

অন্নকুলের আর দ্বিতীয় সন্তান হয় নাই, গৃহিণী এখনো সেই পুত্রশোক বন্ধের মধ্যে লালন করিতেছিলেন।

একদিন সন্ধ্যার সময় বাবু কাছারি হইতে আসিয়া বিশ্রাম করিতেছেন এবং কর্তী একটি সন্ন্যাসীর নিকট হইতে সন্তান কামনায় বহুমূল্য একটি শিকড় ও আশীর্বাদ কিনিতেছেন—এমন সময় প্রাঙ্গণে শব্দ উঠিল—জয় হোক্‌ মা ?

বাবু জিজ্ঞাসা করিলেন—কেরে !

রাইচরণ আসিয়া প্রণাম করিয়া বলিল আমি রাইচরণ।

বৃদ্ধকে দেখিয়া অন্নকুলের হৃদয় আর্দ্র হইয়া উঠিল। তাহার বর্তমান অবস্থা সম্বন্ধে সহস্র প্রশ্ন করিলেন এবং আবার তাহাকে কশ্মে নিয়োগ করিবার প্রস্তাব করিলেন।

রাইচরণ ম্লান হাস্য করিয়া কহিল “মা-ঠাকরুণকে একবার প্রণাম করতে চাই।”

অন্নকুল তাহাকে সঙ্গে করিয়া অন্তঃপুরে লইয়া গেলেন। মাঠাকরুণ রাইচরণকে তেমন প্রীতমুখভাবে সমাদর করিলেন না—রাইচরণ তৎ-প্রতি লক্ষ্য না করিয়া ঘোড়হস্তে কহিল—“প্রভু, মা, আমিই তোমাদের ছেলেকে চুরি

করিয়া লইয়াছিলাম। পদ্মাও নয়, আর কেহও নয়, কৃতঙ্গ অধম এই আমি।—”

অন্নকুল বলিয়া উঠিলেন “বলিস্‌ কিবে ! কোথায় সে।” আত্মা আমার কাছেই আছে আমি পরম্ব আনিয়া দিব।”

সে দিন রবিবার। কাছারি নাই। প্রাতঃকাল হইতে স্ত্রী পুরুষে দুইজনে উন্মুখ-ভাবে পথ চাহিয়া বসিয়া আছেন। দশটার সময় ফেলনাকে সঙ্গে লইয়া রাইচরণ উপস্থিত হইল।

অন্নকুলের স্ত্রী কোন প্রশ্ন কোন বিচার না করিয়া তাহাকে কোলে বসাইয়া, তাহাকে স্পর্শ করিয়া, তাহার আজ্ঞা লইয়া অতৃপ্ত নয়নে তাহার মুখনিরীক্ষণ করিয়া কাঁদিয়া হাসিয়া ব্যাকুল হইয়া উঠিলেন। বাস্তবিক ছেলোট দেখিতে বেশ—বেশভূলা আকার প্রকারে দারিদ্র্যের কোন লক্ষণ নাই। মুখে অত্যন্ত প্রিয়দর্শন বিনীত সলজ্জ ভাব দেখিয়া অন্নকুলের হৃদয়েও সহসা স্নেহ উচ্ছ্বসিত হইয়া উঠিল।

তথাপি তিনি অবিকলিত ভাব ধারণ করিয়া জিজ্ঞাসা করিলেন—কোন প্রমাণ আছে ?

রাইচরণ কহিল—এমন কাটজের প্রমাণ কি করিয়া থাকিবে ? আমি যে তোমার ছেলে চুরি করিয়াছিলাম সে কেবল ভগবান জানেন, পৃথিবীতে আর কেহ জানে না।

অন্নকুল ভাবিয়া স্থির করিলেন যে, ছেলোটকে পাইবামাত্র তাঁহার স্ত্রী যেরূপ আগ্রহের সহিত তাহাকে আগলাইয়া ধরিয়া-ছেন এখন প্রমাণসংগ্রহের চেষ্টা করা স্মৃষ্টি নহে ; যেমন হউক বিশ্বাস করাই ভাল। তা ছাড়া, রাইচরণ এমন ছেলেই বা কোথায় পাইবে ? এবং বৃদ্ধ ভৃত্য তাঁহাকে অকারণে প্রভাবণাই বা কেন করিবে ?—

ছেলোটের সহিতও কথোপকথন করিয়া

জানিলেন যে, সে শিশুকাল হইতে চম্ব গের সহিত আছে এবং রাইচরণকে সে পিতা বলিয়া জানিত, কিন্তু রাইচরণ কখনও তাহাকে পিতার ভ্রাতৃ ব্যবহার করে নাই, অনেকটা ভৃত্যের ভাব ছিল।

অনুকূল মন হইতে সন্দেহ দূর করিয়া বলিলেন—“কিন্তু রাইচরণ, তুই আর আমাদের ছায়া মাড়াইতে পাইবি না।

রাইচরণ করোযোড়ে গদগদ কণ্ঠে বলিল “প্রভু, বৃদ্ধবয়সে কোথায় যাইব !”

কর্তা কহিলেন “আহা থাক্ ! আমার বাছার কল্যাণ হোক ! ওকে আমি মাপ করিলাম।”

ভ্রাতৃপরাষণ অনুকূল কহিলেন “যে কাজ করিয়াছে উহাকে মাপ করা যায় না।”

রাইচরণ অনুকূলের পা জড়াইয়া কহিল “আমি করি নাই, ঈশ্বর করিয়াছেন।”

নিজের পাপ ঈশ্বরের স্বক্কে চাপাইবার চেষ্টা দেখিয়া অনুকূল আরো বিরক্ত হইয়া কহিলেন “যে এমন বিশ্বাসঘাতকতার কাজ করিয়াছে তাহাকে আর বিশ্বাস করা কর্তব্য নয়।”

রাইচরণ প্রভুর পা ছাড়িয়া কহিল “সে আমি নয় প্রভু !”

“তবে কে ?”

“আমার অদৃষ্ট !”


কিন্তু এরূপ কৈকিয়তে কোন শিক্ষিত লোকের সম্ভাব হইতে পারে না।

কেলনা যখন দেখিল সে সুলোকের সম্ভান, রাইচরণ তাহাকে এতদিন চুরি করিয়া নিজের ছেলে বলিয়া অপমানিত করিয়াছে তখন তাহার মনে মনে কিছু রাগ হইল। কিন্তু তথাপি উদার ভাবে পিতাকে বলিল “বাবা উহাকে মাপ কর।

বাড়িতে থাকিতে না দাও, উহার মাসিক কিছু টাকা বরাদ্দ করিয়া দাও।”

ইহার পর রাইচরণ কোন কথা না বলিয়া একবার পুত্রের মুখ নিরীক্ষণ করিল, সকলকে প্রণাম করিল ; তাহার পর ঘরের বাহির হইয়া পৃথিবীর অগণ্য লোকের মধ্যে মিশিয়া গেল। বাঁচিল কি মরিল কি কি হইল কেহ জানে না। মাসান্তে অনুকূল যখন তাহার দেশের ঠিকানায় কিঞ্চিৎ বৃত্তি পাঠাইলেন তখন সে টাকা ফিরিয়া আসিল। সেখানে কোন লোক নাই।

—:~:—



সম্পত্তি সমর্পণ ।

প্রথম পরিচ্ছেদ ।

—:~:—

বৃন্দাবন কুণ্ড মহা ক্রুদ্ধ হইয়া আসিয়া তাহার বাপকে কহিল—“আমি এখন চলিলাম।”

বাপ যজ্ঞনাথ কুণ্ড কহিল “বেটা অকৃতজ্ঞ, ছেলেবেলা হইতে তোকে খাওয়াইতে পরাইতে যে ব্যয় হইয়াছে তাহা পরিশোধ করিবার নাম নাই, আবার তেজ দেখ না !”

যজ্ঞনাথের ধরে যেকল্প অশন বসনের প্রথা, তাহাতে খুব যে বেশী ব্যয় হইয়াছে তাহা নহে। প্রাচীন কালের ঋষিরা আহার এবং পরিচ্ছদ সম্বন্ধে অসম্ভব অল্প খরচে জীবন নির্বাহ করিতেন ; যজ্ঞনাথের ব্যবহারে প্রকাশ পাইত বেশভূষা আহার বিহারে তাঁহারও সেইরূপ অত্যাচ্ছ আদর্শ ছিল। সম্পূর্ণ সিদ্ধি লাভ করিতে পারেন নাই ; সে কতকটা আধুনিক সমাজের দোষে, এবং কতকটা

শরীররক্ষা সম্বন্ধে প্রকৃতির কতকগুলি অশ্রায় নিয়মের অনুরোধে ।

ছেলে ষতদিন অবিবাহিত ছিল সহিয়া-ছিল, কিন্তু বিবাহের পর হইতে খাওয়াপরা সম্বন্ধে বাপের অভ্যস্ত বিস্তৃত আদর্শের সহিত ছেলের আদর্শের অনৈক্য হইতে লাগিল। দেখা গেল ছেলের আদর্শ ক্রমশঃই আধ্যাত্মিকের চেয়ে বৈশী আধিতোতিকের দিকে যাইতেছে। শীতগ্রীষ্মকুপাতৃষ্ণাকাতর পার্শ্ব সমাজের অনুকরণে কাপড়ের বস্ত্র এবং আহারের পরিমাণ উত্তরোত্তর বাড়িয়া উঠিতেছে।

এ সম্বন্ধে পিতাপুত্র প্রায় বচসা হইতে লাগিল। অবশেষে বৃন্দাবনের জীৱ গুরুতর পাড়া কালে কবিরাজ বহুবায়সাম্য এক ঔষধের ব্যবস্থা করাতে যজ্ঞনাথ তাহাতেই কবিরাজের অনভিজ্ঞতার পরিচয় পাইয়া তৎক্ষণাৎ তাহাকে বিদায় করিয়া দিলেন। বৃন্দাবন প্রথমে হাতে পায়ে ধরিল, তার পরে রাগারাগি করিল, কিন্তু কোন ফল হইল না। পত্নীর মৃত্যু হইলে বাপকে জীৱিত্যাকারী বলিয়া গাল দিল।

বাপ বলিল, “কেন, ঔষধ খাইয়া কেহ মরে না? দামী ঔষধ খাইলেই যদি বাঁচিত তবে রাজা বাদসারা মরে কোন ছুঃখে! যেমন করিয়া তোমার মা মরিয়াছে তার দিদিমা মরিয়াছে তোমার জীৱ তাহার চেয়ে কি বেশী ধুম করিয়া মরিবে?”

বাস্তবিক যদি শোকে অন্ধ না হইয়া বৃন্দাবন স্থির চিন্তে বিবেচনা করিয়া দেখিত তাহা হইলে এ কথায় অনেকটা সাস্বনা পাইত। তাহার মা দিদিমা কেহই মরিবার সময় ঔষধ খান নাই। এ বাড়ির এইরূপ সনাতন প্রথা। কিন্তু আধুনিক লোকেরা প্রাচীন নিয়মে মরিতেও চায় না। যে সময়ের কথা বলিতেছি তখন এদেশে ইংরাজের নূতন সমাগম হইয়াছে; কিন্তু সে সময়েও তখনকার সেকালের

লোক তখনকার একালের লোকের ব্যবহার দেখিয়া হতবুদ্ধি হইয়া অধিক করিয়া তামাক টানিত।

যাহা হউক তখনকার নব্য বৃন্দাবন তখনকার প্রাচীন যজ্ঞনাথের সহিত বিবাদ করিয়া কহিল “আমি চলিলাম!”

বাপ তাহাকে তৎক্ষণাৎ যাইতে অনুমতি করিয়া সর্বসমক্ষে কহিলেন, বৃন্দাবনকে যদি তিনি কখনও এক পয়সা দেন তবে তাহা গোরক্ষপাতের সহিত গণ্য হইবে। বৃন্দাবনও সর্বসমক্ষে যজ্ঞনাথের ধন গ্রহণ মাতৃরক্তপাতের তুল্যপাতক বলিয়া স্বীকার করিলেন। ইহার পর পিতাপুত্র ছাড়াছাড়ি হইয়া গেল।

বহুকাল শান্তির পরে এইরূপ একটি ছোটখাট বিপ্লবে গ্রামের লোক বেশ একটু প্রকুল হইয়া উঠিল। বিশেষতঃ যজ্ঞনাথের ছেলে উত্তরাধিকারী হইতে বঞ্চিত হওয়ার পর সৰ্ব্বমুখেই নিজ নিজ শক্তি অনুসারে যজ্ঞনাথের ছঃসহ পুত্রবিচ্ছেদঃখ দূর করিবার চেষ্টা করিতে লাগিল। সর্বমুখেই বলিল, সামান্য একটা বৌয়ের জন্ত বাপের সহিত বিবাদ করা কেবল একালেই সম্ভব।

বিশেষতঃ তাহার খুব একটা যুক্তি দেখাইল; বলিল, একটা বৌ গেলে অনতিবিলম্বে আর একটা বৌ সংগ্রহ করা যায়, কিন্তু বাপ গেলে দ্বিতীয় বাপ মাথা খুঁড়িলেও পাওয়া যায় না। যুক্তি খুব পাকা সন্দেহ নাই; কিন্তু আমার বিশ্বাস, বৃন্দাবনের মত ছেলে এ যুক্তি শুনিলে অনুতপ্ত না হইয়া বরং কথঞ্চিৎ আশ্বস্ত হইত।

বৃন্দাবনকে বিদায়কালে তাহার পিতা যে অধিক মনঃকষ্ট পাইয়াছিলেন তাহা বোধ হয় না। বৃন্দাবন যাওয়াতে একত ব্যয় সংক্ষেপ হইল তাহার উপরে যজ্ঞনাথের একটা মহা ভয় দূর হইল। বৃন্দাবন কখনও তাহাকে নিষ

খাওয়াইয়া মারে এই আশঙ্কা সর্বদাই তাঁহার ছিল। যে অত্যন্ন আহার ছিল তাহার সহিত বিষের কল্পনা সর্বদাই লিপ্ত হইয়া থাকিত। বধুর মৃত্যুর পর এ আশঙ্কা কিঞ্চিৎ কমিয়াছিল এবং পুত্রের বিদায়ের পর অনেকটা নিশ্চিত বোধ হইল।

কেবল একটি বেদনা মনে বাজিয়াছিল। যজ্ঞনাথের চারিবেৎসর বয়স্ক নাতি গোকুল-চন্দ্রকে বৃন্দাবন সঙ্কে লইয়া গিয়াছিল। গোকুলের খাওয়াপরাই খরচ অপেক্ষাকৃত কম ছিল। সুতরাং তাহার প্রতি যজ্ঞনাথের মেহ অনেকটা নিরুপেক্ষ ছিল। তথাপি বৃন্দাবন যখন তাহাকে নিতান্তই লইয়া গেল তখন অকৃত্রিম শোকের মধ্যেও যজ্ঞনাথের মনে মুহূর্তের জন্য একটা জমাখরচের হিসাব উদ্ভূত হইয়াছিল; উভয়ে চলিয়া গেলে মাসে কতটা খরচ কমে এবং বেৎসরে কতটা দাঁড়ায়—এবং যে টাকাটা সাশ্রয় হয় তাহা কত টাকার স্তর।

কিন্তু তবু, শূন্তগৃহে গোকুলচন্দ্রের উপদ্রব না থাকিতে গৃহে বাস করা কঠিন হইয়া উঠিল। আজকাল যজ্ঞনাথের এমনি মুষ্কিল হইয়াছে, পূজার সময়ে কেহ ব্যাঘাত করে না, খাওয়ার সময় কেহ কাড়িয়া খায় না, হিসাব লিখিবার সময় দোয়াত লইয়া পালায় এমন উপযুক্ত লোক কেহ নাই। নিরুপদ্রবে স্নানাহার সম্পন্ন করিয়া তাঁহার চিত্ত ব্যাকুল হইয়া উঠিতে লাগিল।

মনে হইল যেন মৃত্যুর পরেই লোকে এই-রূপ উৎপাতহীন শূন্ততা লাভ করে; বিশেষতঃ বিছানার কাঁথায় তাঁহার নাতির রুত ছিহ্ন এক বসিবার মাত্রের উজ্জ্বল শিল্পীকৃত অঙ্কিত মসীচিহ্ন দেখিয়া তাঁহার হৃদয় আরও অশান্ত হইয়া উঠিত। সেই অমিতাচারী বালকটি ছই বেৎসরের মধ্যেই পরিবার ধৃতি সম্পূর্ণ অব্যবহার্য করিয়া তুলিয়াছিল বলিয়া পিতা-

মহের নিকট বিস্তর তিরস্কার সহ্য করিয়াছিল, এক্ষণে তাহার শয়নগৃহে সেই শতগ্রহি-বিশিষ্ট মলিন পরিত্যক্ত-চীরখণ্ড দেখিয়া তাঁহার চক্ষু ছল্ ছল্ করিয়া আসিয়াছিল; সেটি, পলিতাপ্রস্তুতকরণ কিংবা অন্ত কোন গার্হস্থ্য-ব্যবহারে না লাগাইয়া যত্নপূর্বক সিঁদুকে তুলিয়া রাখিলেন এবং মনে মনে প্রতিজ্ঞা করিলেন, যদি গোকুল ফিরিয়া আসে এবং এমন কি, বেৎসরে একখানি করিয়া ধৃতিও নষ্ট করে তথাপি তাহাকে তিরস্কার করিবেন না।

কিন্তু গোকুল ফিরিল না এবং যজ্ঞনাথের বয়স যেন পূর্বাপেক্ষা অনেক শীঘ্র শীঘ্র বাড়িয়া উঠিল এবং শূন্তগৃহ প্রতিদিন শূন্ততর হইতে লাগিল।

যজ্ঞনাথ আর ঘরে স্থির থাকিতে পারেন না। এমন কি, মধ্যাহ্নে যখন সকল সজ্জাস্ত লোকই-আহারান্তে নিদ্রাস্থ লাভ করে যজ্ঞনাথ ছকাহন্তে পাড়ায় পাড়ায় ভ্রমণ করিয়া বেড়ান। তাঁহার এই নীরব মধ্যাহ্নভ্রমণের সময় পথের ছেলেরা খেলা পরিত্যাগ পূর্বক নিরাপদ স্থানে পলায়ন করিয়া তাঁহার মিতব্যয়িতা সম্বন্ধে স্থানীয় কবিরচিত বিবিধ ছন্দোবদ্ধ রচনা শ্রুতিগম্য উচ্চৈঃস্বরে আবৃত্তি করিত। পাছে আহ্বারের ব্যাঘাত ঘটে বলিয়া তাঁহার পিতৃদত্ত নাম উচ্চারণ করিতে কেহ সাহস করিত না, এইজন্য সকলেই স্বেচ্ছামতে তাঁহার নুতন নামকরণ করিত। বুড়োরা তাঁহাকে যজ্ঞনাথ বলিতেন কিন্তু ছেলেরা কেন যে তাঁহাকে “চাম্‌চিকে” বলিয়া ডাকিত তাহার স্পষ্ট কারণ পাওয়া যায় না। বোধ হয় তাঁহার রক্তহীন শীর্ণ চর্মের সহিত উজ্জ্বল খেচরের কোনপ্রকার শরীরগত সাদৃশ্য ছিল।

দ্বিতীয় পরিচ্ছেদ।

—:~:—

একদিন এইরূপে আশ্রিতকুম্ভাশীতল গ্রামের পথে যজ্ঞনাথ মধ্যাহ্নে বেড়াইতেছিলেন—দেখিলেন এক জন অপরিচিত বালক গ্রামের ছেলেদের সঙ্গের হইয়া উঠিয়া একটা সম্পূর্ণ নূতন উপদ্রবের পস্থা নির্দেশ করিতেছে। অস্তান্ত বালকেরা তাহার চরিত্রের বল এবং কল্পনার নূতনত্বে অভিভূত হইয়া কায়মনে তাহার বশ মানিয়াছে।

অন্ত বালকেরা বৃদ্ধকে দেখিয়া যেরূপ খেলায় ভঙ্গ দিত, এ তাহা না করিয়া চট করিয়া আসিয়া যজ্ঞনাথের গায়ের কাছে চাদর ঝাড়া দিল এবং একটা বন্ধনমুক্ত গির্গিটি চাদর হইতে লাফাইয়া পড়িয়া তাঁহার গা বাহিয়া অরণ্যাভিমুখে পলায়ন করিল— আকস্মিক ভ্রাসে বৃদ্ধের সর্কশরীর কণ্টকিত হইয়া উঠিল। ছেলেদের মধ্যে ভারি একটা আনন্দের কলরব পড়িয়া গেল। আর কিছুদূর যাইতে না যাইতে যজ্ঞনাথের স্বরূপ হইতে হঠাৎ তাঁহার গামছা অদৃশ্য হইয়া অপরিচিত বালকটির মাথায় পাগড়ির আকার ধারণ করিল!

এই অজ্ঞাত মানবকের নিকট হইতে এই-প্রকার নূতন প্রণালীর শিষ্টাচার প্রাপ্ত হইয়া যজ্ঞনাথ ভারি সন্তুষ্ট হইলেন। কোন বালকের নিকট হইতে এরূপ অসঙ্কোচ আত্মীয়তা তিনি বহুদিন পান নাই। বিস্তর ডাকাডাকি করিয়া এবং নানামত আশ্বাস দিয়া যজ্ঞনাথ তাঁহাকে কতকটা আয়ত্ত করিয়া লইলেন।

জিজ্ঞাসা করিলেন “তোমার নাম কি?”

সে বলিল “নিতাই পাল।”

“বাড়ি কোথায়?”

“বলিব না।”

“বাপের নাম কি?”

“বলিব না।”

“কেন বলিবে না?”

“আমি বাড়ি ছাড়িয়া পলাইয়া আসিয়াছি।”

“কেন?”

“আমার বাপ আমাকে পাঠশালায় দিতে চায়।”

এরূপ ছেলেকে পাঠশালায় দেওয়া যে একটা নিষ্ফল অপব্যয় এবং বাপের বিষয়-বুদ্ধিহীনতার পরিচয়, তাহা তৎক্ষণাৎ যজ্ঞনাথের মনে উদয় হইল।

যজ্ঞনাথ বলিলেন “আমার বাড়িতে আসিয়া থাকিবে?”

বালকটি কোন আপত্তি না করিয়া এমনি নিঃসঙ্কোচে সেখানে আশ্রয় গ্রহণ করিল যেন সে একটা পথপ্রান্তবর্তী তরুতল।

কেবল তাহাই নয়, খাওয়াপরা সম্বন্ধে এমনি অমানবদনে নিজের অভিপ্রায়মত আদেশ প্রচার করিতে লাগিল যেন পূর্নাঙ্কুই তাহার পূরা দাম চুকাইয়া দিয়াছে। এবং ইহা লইয়া মাঝে মাঝে গৃহস্বামীর সহিত রীতিমত ঝগড়া করিত। নিজের ছেলেকে পরাস্ত করা সহজ কিন্তু পরের ছেলের কাছে যজ্ঞনাথকে হার মানিতে হইল।

তৃতীয় পরিচ্ছেদ।

—:~:—

যজ্ঞনাথের ঘরে নিতাই পালের এই অভাব-নীয় সমাদর দেখিয়া গ্রামের লোক আশ্চর্য হইয়া গেল। বুঝিল, বৃদ্ধ আর বেশী দিন বাঁচিবে না এবং কোথাকার এই বিদেশী ছেলেটাকেই সমস্ত বিষয় দিয়া যাইবে।

বালকের উপর সকলেরই পরম ঈর্ষ্যা উপস্থিত হইল এবং সকলেই তাহার অনিষ্ট

করিবার জন্য কৃতসংকল্প হইল। কিন্তু বৃদ্ধ তাহাকে বৃকের পাঁজরের মত ঢাকিয়া বেড়াইত।

ছেলেটা মাঝে মাঝে চলিয়া যাইবে বলিয়া শাসাইত। যজ্ঞনাথ তাহাকে প্রলোভন দেখাইত “ভাই তোকে আমি আমার সমস্ত বিষয় আশয় দিয়া যাইব।” বালকের বয়স অল্প কিন্তু এই আশ্বাসের মৰ্য্যাদা সে সম্পূর্ণ বুঝিতে পারিত।

তখন গ্রামের লোকেরা বালকের বাপের সন্ধানে প্রবৃত্ত হইল। তাহারা সকলেই বলিল “আহা বাপমার মনেনা জানি কত কষ্টই হইতেছে। ছেলেটাও ত পাপিষ্ঠ কম নয়!”

বলিয়া ছেলেটার উদ্দেশে অকথ্য উচ্চারণে গালি প্রয়োগ করিত। তাহার এতই বেশী ঝাজ যে ত্রায়বুদ্ধির উদ্ভেজনা অপেক্ষা তাহাতে স্বার্থের গাভ্রদাহ বেশী অল্পভূত হইত।

বৃদ্ধ একদিন এক পথিকের কাছে শুনিতে পাইল, দামোদর পাল বলিয়া এক ব্যক্তি তাহার নিরুদ্দিষ্ট পুত্রের সন্ধান করিয়া বেড়াইতেছে, অবশেষে এই গ্রামের অভিমুখেই আসিতেছে।

নিতাই এই সংবাদ শুনিয়া অস্থির হইয়া উঠিল। ভাবী বিষয় আশয় সমস্ত ত্যাগ করিয়া পলায়নোচ্ছত হইল।

যজ্ঞনাথ নিতাইকে বারংবার আশ্বাস দিয়া কহিল, “তোমাকে আমি এমন স্থানে লুকাইয়া রাখিব যে, কেহই খুঁজিয়া পাইবে না। গ্রামের লোকেরাও না।”

বালকের ভারি কৌতূহল হইল, কহিল “কোথায় দেখাইয়া দাও না।”

যজ্ঞনাথ কহিল “এখন দেখাইতে গেলে প্রকাশ হইয়া পড়িবে। রাত্রে দেখাইব।”

নিতাই এই নূতন রহস্য আবিষ্কারের আশ্বাসে উৎফুল্ল হইয়া উঠিল। বাপ অকৃতকার্য হইয়া চলিয়া গেলেই বালকদের সঙ্গে বাজি রাখিয়া একটা লুকোচুরি খেলিতে হইবে

এইরূপ মনে মনে সঙ্কল্প করিল। কেহ খুঁজিয়া পাইবে না! ভারি মজা! বাপ আসিয়া সমস্ত দেশ খুঁজিয়া কোথাও তাহার সন্ধান পাইবে না সেও খুব কৌতুক।

মধ্যাহ্নে যজ্ঞনাথ বালককে গৃহে বন্ধ করিয়া কোথায় বাহির হইয়া গেল। ফিরিয়া আসিলে নিতাই তাঁহাকে প্রশ্ন করিয়া করিয়া অস্থির করিয়া তুলিল।

সন্ধ্যা হইতে না হইতে বলিল “চল।” যজ্ঞনাথ বলিল “এখনো রাত্রি হয় নাই।” নিতাই আবার কহিল “রাত্রি হইয়াছে দাদা, চল।”

যজ্ঞনাথ কহিল “এখনো পাড়ার লোক ঘুমায় নাই।”

নিতাই মুহূর্ত্ত অপেক্ষা করিয়াই কহিল “এখন ঘুমাইয়াছে চল।”

রাত্রি বাড়িতে লাগিল। নিদ্রাতুর নিতাই বহুকষ্টে নিদ্রা সম্বরণের প্রাণপণ চেষ্টা করিয়াও বাসিয়া বাসিয়া চুলিতে আরম্ভ করিল। রাত্রি ছুই প্রহর হইলে যজ্ঞনাথ নিতাইয়ের হাত ধরিয়া নিদ্রিত গ্রামের অন্ধকার পথে বাহির হইলেন। আর কোন শব্দ নাই, কেবল থাকিয়া থাকিয়া কুকুর ঘেউ ঘেউ করিয়া ডাকিয়া উঠিল, এবং সেই শব্দে নিকটে এবং দূরে যতগুলো কুকুর ছিল সকলে তারম্বরে যোগ দিল। মাঝে মাঝে পক্ষী পদশব্দে জন্ত হইয়া ঝটপট করিয়া বনের মধ্য দিয়া উড়িয়া গেল। নিতাই ভয়ে যজ্ঞনাথের হাত দৃঢ় করিয়া ধরিল।

অনেক মাঠ ভাঙ্গিয়া অবশেষে এক জঙ্গলের মধ্যে এক দেবতাহীন ভাঙ্গা মন্দিরে উভয়ে গিয়া উপস্থিত হইল। নিতাই বিক্ষিপ্ত স্কন্ধস্বরে কহিল “এই থানে!”

যে রূপ মনে করিয়াছিল সে রূপ কিছুই নয়। ইহার মধ্যে তেমন রহস্য নাই। পিচ্চ-

গৃহত্যাগের পর এমন পোড়ো মন্দিরে তাহাকে মাঝে মাঝে রাজিয়াপন করিতে হইয়াছে। স্থানটা যদিও লুকাচুরি খেলার পক্ষে মন্দ নয় কিন্তু তবু এখান হইতে সন্ধান করিয়া বাহির করা নিতান্ত অসম্ভব নহে।

যজ্ঞনাথ মন্দিরের মধ্য হইতে একখণ্ড পাথর উঠাইয়া ফেলিল। বালক দেখিল নিম্নে একটা ঘরের মত, এবং সেখানে প্রদীপ জলিতেছে। দেখিয়া অত্যন্ত বিস্ময় এবং কোতূহল হইল, সেই সঙ্গে ভয়ও করিতে লাগিল। একটু মই বাহিয়া যজ্ঞনাথ নামিয়া গেলেন তাহার পশ্চাতে নিতাইও ভয়ে ভয়ে নামিল।

নীচে গিয়া দেখিল চারিদিকে পিতলের কলস। মধ্যে একটি আসন এবং তাহার সম্মুখে সিঁদুর চন্দন ফুলের মালা পূজার উপকরণ। বালক দৌতুলনীবৃত্তি করিতে গিয়া দেখিল ঘড়ায় কেবল টাকা এবং মোহর।

যজ্ঞনাথ কহিল, “নিতাই, আমি বলিয়াছিলাম আমার সমস্ত টাকা তোমাকে দিব। আমার অধিক কিছুই নাই, তবে এই কণ্ট মাত্র ঘড়া আমার সম্বল। আজ আমি ইহার সমস্তই তোমার হাতে দিব।”

বালক লাফাইয়া উঠিয়া কহিল “সমস্তই ? ইহার এ কণ্ট টাকাও তুমি লইবে না ?”

“যদি লই তবে আমার হাতে যেন কুঠ হয়। কিন্তু একটা কথা আছে। যদি কখনো আমার নিরুদ্দেশ নাতি গোকুলচন্দ্র কিংবা তাহার ছেলে কিংবা তাহার পৌত্র কিংবা তাহার প্রপৌত্র কিংবা তাহার বংশের কেহ আসে তবে তাহার কিংবা তাহাদের হাতে এই সমস্ত টাকা গণিয়া দিতে হইবে।”

বালক মনে করিল যজ্ঞনাথ পাগল হইয়াছে। তৎক্ষণাৎ স্বীকার করিল, “আচ্ছা।” যজ্ঞনাথ কহিল “তবে এই আসনে বইস।”

“কেন ?”

“তোমার পূজা হইবে।”

“কেন ?”

“এইরূপ নিয়ম।”

বালক আসনে বসিল। যজ্ঞনাথ তাহার কপালে চন্দন দিল, সিঁদুরের টিপ দিয়া দিল, গলায় মালা দিল; সম্মুখে বসিয়া পিড়ি পিড়ি করিয়া মন্ত্র পড়িতে লাগিল।

দেবতা হইয়া বসিয়া মন্ত্র শুনিতে নিতাইয়ের ভয় করিতে লাগিল; ডাকিল “দাদা।”

যজ্ঞনাথ কোন উত্তর না করিয়া মন্ত্র পড়িয়া গেলেন।

অবশেষে এক একটি ঘড়া বহুবষ্টে টানিয়া বালকের সম্মুখে স্থাপিত করিয়া উৎসর্গ করিলেন এবং প্রত্যেকবার বজাইয়া লইলেন “বৃষ্টিবির কুণ্ডের পুত্র গদাধর কুণ্ড তন্ত্র পুত্র প্রাণকুণ্ড কুণ্ড তন্ত্র পুত্র পরমানন্দ কুণ্ড তন্ত্র পুত্র যজ্ঞনাথ কুণ্ড তন্ত্র পুত্র বৃন্দাবন কুণ্ড তন্ত্র পুত্র গোকুলচন্দ্র কুণ্ডকে কিংবা তাহার পুত্র অথবা পৌত্র অথবা প্রপৌত্রকে কিংবা তাহার বংশের শ্রাব্য উত্তরাধিকারীকে এই সমস্ত টাকা গণিয়া দিব।”

এইরূপ বার বার আবৃত্তি করিতে করিতে ছেলেটা হতবুদ্ধির মত হইয়া আসিল। তাহার জিহ্বা ক্রমে জড়াইয়া আসিল। যখন অনুষ্ঠান সমাপ্ত হইয়া গেল তখন দীপের ধূম ও উভয়ের নিশ্বাসবায়ুতে সেই ক্ষুদ্র গন্ধের বাষ্পাচ্ছন্ন হইয়া আসিল। বালকের তালু শুষ্ক হইয়া গেল, হাত পা জালা করিতে লাগিল, শ্বাস রোধ হইবার উপক্রম হইল।

প্রদীপ স্নান হইয়া হঠাৎ নিবিয়া গেল। অন্ধকারে বালক অনুভব করিল যজ্ঞনাথ মই বাহিয়া উপরে উঠিতেছে।

ব্যাকুল হইয়া কহিল “দাদা কোথায় যাও !” যজ্ঞনাথ কহিলেন “আমি চলিলাম। তুই

এখানে থাক—তোকে আর খুঁজিয়া পাঠিবে না। কিন্তু মনে রাখিস, যজ্ঞনাথের পৌত্র বৃন্দাবনের পুত্র গোকুলচন্দ্র।”

বলিয়া উপরে উঠিয়াই মই তুলিয়া লইলেন। বালক রুদ্ধশ্বাস কণ্ঠ হইতে বহুকষ্টে বলিল “দাদা, আমি বাবার কাছে যাব!”

যজ্ঞনাথ ছিদ্রমুখে পাথর চাপা দিলেন এবং কাণ পাতিয়া শুনিলেন—নিতাই আর একবার রুদ্ধকণ্ঠে ডাকিল “বাবা!”

তার পর একটা পতনের শব্দ হইল, তার পরে আর কোন শব্দ হইল না।

যজ্ঞনাথ এইরূপে যজ্ঞের হস্তে ধন সমর্পণ করিয়া সেই প্রস্তরগণ্ডের উপর মাটি চাপা দিতে লাগিলেন। তাহার উপরে ভাঙ্গা মন্দিরের ইট বালি স্তুপাকার করিলেন। তাহার উপর ঘাসের চাপড়া বসাইলেন, যনের গুহ্ম রোপণ করিলেন। ব্রাহ্মি প্রায় শেষ হইয়া আসিল কিন্তু কিছুতেই সে স্থান হইতে নড়িতে পারিলেন না। থাকিয়া থাকিয়া কেবলি মাটিতে কাণ পাতিয়া শুনিতে লাগিলেন। মনে হইতে লাগিল যেন অনেক দূর হইতে, পৃথিবীর অতলস্পর্শ হইতে একটা ক্রন্দনধ্বনি উঠিতেছে। মনে হইল যেন ব্রাহ্মির আকাশ সেই একমাত্র শব্দে পরিপূর্ণ হইয়া উঠিতেছে, পৃথিবীর সমস্ত নিদ্রিত লোক যেন সেই শব্দে শয্যার উপরে জাগিয়া উঠিয়া কাণ পাতিয়া বসিয়া আছে।

বৃদ্ধ অস্থির হইয়া কেবলি মাটির উপরে মাটি চাপাইতেছে। যেন এমনি করিয়া কোনমতে পৃথিবীর মুখচাপা দিতে চাহে। ঐ কে ডাকে “বাবা!”

বৃদ্ধ মাটিতে আঘাত করিয়া বলে “চুপ কর। সবাই শুনিতে পাইবে!”

আবার কে ডাকে “বাবা!”

দেখিল রোদ্র উঠিয়াছে। ভয়ে মন্দির ছাড়িয়া মাঠে বাহির হইয়া পড়িল।

সেখানেও কে ডাকিল “বাবা!” যজ্ঞনাথ সচকিত হইয়া পিছন ফিরিয়া দেখিল বৃন্দাবন। বৃন্দাবন কহিল “বাবা, সন্ধান পাইলাম আমার ছেলে তোমার ঘরে লুকাইয়া আছে তাহাকে দাও!”

বৃদ্ধ চোখ মুখ বিকৃত করিয়া বৃন্দাবনের উপর ঝুঁকিয়া পড়িয়া বলিল “তোমার ছেলে?”

বৃন্দাবন কহিল “হাঁ। গোকুল। এখন তাহার নাম নিতাই পাল, আমার নাম দামোদর। কাছাকাছি সর্বত্রই তোমার খ্যাতি আছে সেই জন্য আমরা লজ্জায় নাম পরিবর্তন করিয়াছি নহিলে কেহ আমাদের নাম উচ্চারণ করিত না।”

বৃদ্ধ দশ অঙ্গুলি দ্বারা আকাশ হাতড়াইতে হাতড়াইতে যেন বাতাস আঁকড়িয়া ধরিয়া চেষ্টা করিয়া ভূতলে পড়িয়া গেল।

চেতনা লাভ করিয়া যজ্ঞনাথ বৃন্দাবনকে মন্দিরে টানিয়া লইয়া গেল। কহিল “কান্না শুনিতে পাইতেছ?”

বৃন্দাবন কহিল “না।”

“কাণ পাতিয়া শোন দেখি, বাবা বলিয়া কেহ ডাকিতেছে?”

বৃন্দাবন কহিল “না।” বৃদ্ধ তখন যেন ভারি নিশ্চিন্ত হইল।

তাহার পর হইতে বৃদ্ধ সকলবেই জিজ্ঞাসা করিয়া বেড়ায়, “কান্না শুনিতে পাইতেছ?” পাগলামীব কথা শুনিয়া সবলেই হাসে।

অবশেষে বৎসর চারেক পরে বৃদ্ধের মৃত্যুর দিন উপস্থিত হইল। যখন চোখের উপর হইতে জগতের আলো নিবিয়া আসিল, এবং শ্বাস রুদ্ধপ্রায় হইল তখন বিকারের বেগে সহসা উঠিয়া বসিল; একবার ছই হস্তে

চারিদিক্ হাতড়াইয়া যুম্‌যুম্‌ কহিল “নিতাই, আমার মইটা কে উঠিয়ে নিলে ?”

সেই বায়ুহীন আলোকহীন মহাগহ্বর হইতে উঠিবার মই খুঁজিয়া না পাইয়া আবার ধুপ্‌ করিয়া বিছানায় পড়িয়া গেল। সংসারের লুকাচুরি খেলায় যেখানে কাহাকেও খুঁজিয়া, পাওয়া যায় না সেইখানেই অস্তিত্ব হইল।



প্রথম পরিচ্ছেদ ।

—:—

কাঁঠালিয়ার জমিদার মতিলাল বাবু নৌকা করিয়া সপরিবারে স্বদেশে যাইতেছিলেন। পথের মধ্যে মধ্যাহ্নে নদীতীরের এক গঞ্জের নিকট নৌকা বাঁধিয়া পাকের আয়োজন করিতেছেন এমন সময় এক ব্রাহ্মণ-বালক আসিয়া জিজ্ঞাসা করিল, বাবু তোমরা যাচ্ছ কোথায় ? —প্রশ্নকর্তার বয়স ১৫।১৬র অধিক হইবে না।

মতিবাবু উত্তর করিলেন, কাঁঠালে। ব্রাহ্মণবালক কহিল, আমাকে পথের মধ্যে নন্দীগাঁয়ে নাবিয়ে দিতে পার ?

বাবু সম্মতি প্রকাশ করিয়া জিজ্ঞাসা করিলেন, তোমার নাম কি ?

ব্রাহ্মণ-বালক কহিল, “আমার নাম তারাপদ।”

গৌরবর্ণ ছেলোটিকে বড় সুন্দর দেখিতে। বড় বড় চক্ষু এবং প্রসন্ন হৃদয় ওষ্ঠাধরে একটি স্নললিত সৌকুমার্য্য প্রকাশ পাইতেছে। পরিধানে একখানি মলিন ধূতি। অনারত দেহখানি

সর্বপ্রকার বাহ্যাবজ্জিত ; কোন শিল্পী যেন বহু যত্নে নিখুঁৎ নিটোল করিয়া গড়িয়া দিয়াছে। যেন সে পূর্জন্মে তাপস বালক ছিল, এবং নির্মল তপস্তার প্রভাবে তাহার শরীর হইতে শরীরাত্মক বহুল পরিমাণে ক্ষয় হইয়া একটি সম্মাজ্জিত ব্রাহ্মণ্যত্রী পরিষ্কৃত হইয়া উঠিয়াছে।

মতিলাল বাবু তাহাকে পরম স্নেহভরে কহিলেন, বাবা তুমি স্নান করে এস, এইখানেই আহারাদি হবে।

তারাপদ বলিল, রত্নন। বলিয়া তৎক্ষণাৎ অসঙ্কেচে রত্ননের আয়োজনে যোগদান করিল। মতিলাল বাবুর চাকরটা ছিল হিন্দু-স্থানী, মাছ কোটা প্রভৃতি কার্যে তাহার তেমন পটুত্ব ছিল না ; তারাপদ তাহার কাজ নিজে লইয়া অল্পকালের মধ্যেই সুসম্পন্ন করিল এবং দুই একটা তরকারীও অভ্যস্ত নৈপুণ্যের সহিত রন্ধন করিয়া দিল। পাককার্য শেষ হইলে তারাপদ নদীতে স্নান করিয়া বোঁচকা খুলিয়া একটি শুভ্র বস্ত্র পরিল ; একটি ছোট কাঠের কাঁকই লইয়া মাথার বড় বড় চুল কপাল হইতে তুলিয়া গ্রীবার উপর ফেলিল এবং মাজ্জিত পৈতার গোঁচ্ছা বন্ধে বিলম্বিত করিয়া নৌকায় মতিবাবুর নিকট গিয়া উপস্থিত হইল।

মতিবাবু তাহাকে নৌকার ভিতরে লইয়া গেলেন। সেখানে মতিবাবুর স্ত্রী এবং তাঁহার নবমবর্ষীয়া এক কন্তা বসিয়াছিলেন। মতিবাবুর স্ত্রী অল্পপূর্ণা এই সুন্দর বালকটিকে দেখিয়া স্নেহে উচ্ছ্বসিত হইয়া উঠিলেন—মনে মনে কহিলেন আহা কাহার বাচ্ছা, কোথা হইতে আসিয়াছে—ইহার মা ইহাকে ছাড়িয়া কেমন করিয়া প্রাণ ধরিয়া আছে !—

যথাসময়ে মতিবাবু এবং এই ছেলোটির জন্ত পাশাপাশি দুইখানি আসন পড়িল।

ছেলেটি তেমন ভোজনপট্টু নহে ; অন্নপূর্ণা তাহার স্বল্প আহার দেখিয়া মনে করিলেন সে লজ্জা করিতেছে ; তাহাকে এটা ওটা খাইতে বিস্তর অনুরোধ করিলেন ; কিন্তু যখন সে আহার হইতে নিরস্ত হইল, তখন সে কোন অনুরোধ মানিল না। দেখা গেল, ছেলেটি সম্পূর্ণ নিজের ইচ্ছা অনুসারে কাজ করে, অথচ এমন সহজে করে যে, তাহাতে কোন প্রকার “জেদ” অথবা “গৌ” প্রকাশ পায় না। তাহার ব্যবহারে লজ্জার লক্ষণও লেশমাত্র দেখা গেল না।

সকলের আহারাদির পরে অন্নপূর্ণা তাহাকে কাছে বসাইয়া প্রশ্ন করিয়া তাহার ইতিহাস জানিতে প্রবৃত্ত হইলেন। বিস্তারিত বিবরণ কিছুই সংগ্রহ হইল না। মোট কথা এইটুকু জানা গেল, ছেলেটি সাত আট বৎসর বয়সেই স্বৈচ্ছাক্রমে ঘর ছাড়িয়া পলাইয়া আসিয়াছে।

অন্নপূর্ণা প্রশ্ন করিলেন, তোমার মা নাই ?

তারাপদ কহিল—আছেন।

অন্নপূর্ণা জিজ্ঞাসা করিলেন, তিনি তোমাকে ভালবাসেন না ?

তারাপদ এই প্রশ্ন অত্যন্ত অদ্ভুত জ্ঞান করিয়া হাসিয়া উঠিয়া কহিল, কেন ভালবাসবেন না ?

অন্নপূর্ণা প্রশ্ন করিলেন, তবে তুমি তাঁকে ছেড়ে এলে যে ?

তারাপদ কহিল, তাঁর আরও চারিটি ছেলে এবং তিনটি মেয়ে আছে।

অন্নপূর্ণা বাগকের এই অদ্ভুত উত্তরে ব্যথিত হইয়া কহিলেন, ওমা, সে কি কথা ! পাচটি আঙ্গুল আছে বলে কি একটি আঙ্গুল ত্যাগ করা যায়।

তারাপদের বয়স অল্প, তাহার ইতিহাসও সেই পরিমাণে সংক্ষিপ্ত, কিন্তু ছেলেটি সম্পূর্ণ

নূতনতর। সে তাহার পিতামাতার চতুর্থ পুত্র, শৈশবেই পিতৃহীন হয়। বহু সন্তানের ঘরেও তারাপদ সকলের অত্যন্ত আদরের ছিল ;—মা ভাই বোন এবং পাড়ার সকলেরই নিকট হইতে সে অজস্র স্নেহ লাভ করিত। এমন কি, গুরুমহাশয়ও তাহাকে মায়িত না—মারিলেও বাগকের আশ্রয় পর সকলেই তাহাতে বেদনা বোধ করিত এমন অবস্থায় তাহার গৃহত্যাগ করিবার কোনই কারণ ছিল না। যে উপেক্ষিত রোগা ছেলেটা সর্বদাই চুরি-করা গাছের ফল এবং গৃহস্থ লোকদের নিকট তাহার চতুর্গুণ প্রতিকূল পাইয়া বেড়ায় সেও তাহার পরিচিত গ্রামসীমার মধ্যে তাহার নির্ঘাতনকারিণী মার নিকট পড়িয়া রহিল আর সমস্ত গ্রামের এই আদরের ছেলে একটা বিদেশী যাত্রার দলের সহিত মিলিয়া অকাতর চিত্তে গ্রাম ছাড়িয়া পলায়ন করিল।

সকলে খোঁজ করিয়া তাহাকে গ্রামে ফিরাইয়া আনিল। তাহার মা তাহাকে বক্ষে চাপিয়া ধরিয়া অশ্রুজলে আর্জ করিয়া দিল, তাহার বোনরা কাঁদিতে লাগিল ; তাহার বড় ভাই পুরুষ অভিভাবকের কঠিন কর্তব্যপালন উপলক্ষে তাহাকে মূহুরকম শাসন করিবার চেষ্টা করিয়া অবশেষে অমৃতপুষ্টিতে বিস্তর প্রশ্রয় এবং পুরস্কার দিল। পাড়ার মেয়েরা তাহাকে ঘরে ঘরে ডাকিয়া প্রচুরতর আদর এবং বহুতর প্রলোভনে বাধ্য করিতে চেষ্টা করিল। কিন্তু বন্ধন, এমন কি স্নেহবন্ধনও তাহার সহিল না;—তাহার জন্মনক্ষত্র তাহাকে গৃহহীন করিয়া দিয়াছে ;—সে যখন দেখিত নদী দিয়া বিদেশী নৌকা গুণ টানিয়া চলিয়াছে, গ্রামের বৃহৎ অশ্বখগাছের তলে কোন দূর দেশ হইতে এক সন্ন্যাসী আসিয়া আশ্রয় লইয়াছে অথবা “বেদৌরা নদীতীরের পতিত মাঠে ছোট ছোট চাটাই বাধিয়া বাধারি

ছলিয়া চাঙারি নির্মাণ করিতে বসিয়াছে, তখন অজ্ঞাত বহিঃপৃথিবীর স্নেহহীন স্বাধীনতার জন্ত তাহার চিত্ত অশান্ত হইয়া উঠিত। উপরি উপরি দুই তিন বার পলায়নের পর তাহার আত্মীয়বর্গ এবং গ্রামের লোক তাহার আশা পরিত্যাগ করিল।

প্রথমে সে একটা যাত্রার দলের সঙ্গ লইয়াছিল। অধিকারী যখন তাহাকে পুঞ্জ-নির্কীর্ণশেষে স্নেহ করিতে লাগিল এবং দলস্থ ছোটবড় সকলেরই যখন সে প্রিয়পাত্র হইয়া উঠিল, এমন কি, যে বাড়িতে যাত্রা হইত সে বাড়ির অধ্যক্ষগণ, বিশেষতঃ পুরোমহিলাবর্গ যখন বিশেষরূপে তাহাকে আদর করিয়া সমাদর করিতে লাগিল, তখন একদিন সে কাহাকেও কিছু না বলিয়া কোথায় নিরুদ্দেশ হইয়া গেল তাহার আর সন্ধান পাওয়া গেল না।

তারাপদ হরিণশিশুর মত বন্ধনভীরু আবার হরিণেরই মত সঙ্গীতমুগ্ধ। যাত্রার গানেই তাহাকে প্রথম ঘর হইতে বিবাগী করিয়া দেয়। গানের সুরে তাহার সমস্ত শিরার মধ্যে অল্পকম্পন এবং গানের তালে তাহার সর্বাঙ্গে আন্দোলন উপস্থিত হইত। যখন সে নিতান্ত শিশু ছিল তখনও সঙ্গীত-সভায় সে যেরূপ সংঘত গম্ভীর ব্যঙ্গভাবে আত্মবিশ্বাস হইয়া বসিয়া বসিয়া ছলিত, দেখিয়া প্রবীণ লোকের হাস্য সম্বরণ করা দুঃসাধ্য হইত। কেবল সঙ্গীত কেন, গাছের ঘনপল্লবের উপর যখন শ্রাবণের বৃষ্টিধারা পড়িত, আকাশে মেঘ ডাকিত, অরণ্যের ভিতর মাতৃ-হীন দৈত্যশিশুর শ্রায় সাতাস ক্রন্দন করিতে থাকিত, তখন তাহার চিত্ত যেন উচ্ছল হইয়া উঠিত। নিস্তরু দ্বিপ্রহরে হৃদয় আকাশ হইতে চিলের ডাক, বর্ষার সন্ধ্যায় ভেকের কলরব, গভীর রাত্রে শৃগালের চীৎকারধ্বনি

সবলি তাহাকে উত্তলা করিত। এই সঙ্গীতের মোহে আকৃষ্ট হইয়া সে অনতিবিলম্বে এক পাঁচালীর দলের মধ্যে গিয়া প্রবিষ্ট হইল। দলাধ্যক্ষ তাহাকে পরম যত্নে গান শিখাইতে এবং পাঁচালী মুখস্থ করাইতে প্রবৃত্ত হইল, এবং তাহাকে আপন বক্ষপিঞ্জরের পাখীর মত প্রিয় জ্ঞান করিয়া স্নেহ করিতে লাগিল। পাখী কিছু কিছু গান শিখিল এবং একদিন প্রত্যুষে উড়িয়া চলিয়া গেল।

শেষবারে সে এক জিন্ন্যাষ্টিকের দলে জুটিয়াছিল। জ্যৈষ্ঠ মাসের শেষভাগ হইতে আষাঢ় মাসের অবসান পর্যন্ত এ অঞ্চলে স্থানে স্থানে পর্যায়ক্রমে বারোয়ারির মেলা হইয়া থাকে। তদুপলক্ষে দুই তিন দল যাত্রা, পাঁচালী, কবি, নর্তকী এবং নানাবিধ দোকান নৌকাযোগে ছোট ছোট নদী উপনদী দিয়া এক মেলা অন্তে অল্প মেলায় ঘুরিয়া বেড়ায়। গত বৎসর হইতে কলিকাতার এক ক্ষুদ্র জিন্ন্যাষ্টিকের দল এই পর্যটনশীল মেলার আমোদ-চক্রের মধ্যে যোগ দিয়াছিল। তারাপদ প্রথমতঃ নোকারোহী দোকানীদের সহিত মিশিয়া মেলায় পানের খিলি বিক্রয়ের ভার লইয়াছিল। পরে তাহার স্বাভাবিক কৌতুহল-বশতঃ এই জিন্ন্যাষ্টিকের ছেলেদের আশ্চর্য্য ব্যায়ামনৈপুণ্যে আকৃষ্ট হইয়া এই দলে প্রবেশ করিয়াছিল। তারাপদ নিজে নিজে অভ্যাস করিয়া ভাল বাঁশী বাজাইতে শিখিয়াছিল— জিন্ন্যাষ্টিকের সময় তাহাকে ক্রততালে লক্ষ্মী চুংরির সুরে বাঁশী বাজাইতে হইত এই তাহার একমাত্র কাজ ছিল।

এই দল হইতেই তাহার শেষ পলায়ন। সে শুনিয়াছিল, নন্দীগ্রামের জমীদার বাবুরা মহাসমারোহে এক সপ্তের যাত্রা খুলিতেছেন— শুনিয়া সে তাহার ক্ষুদ্র বোঁচকাটি লইয়া নন্দীগ্রামে যাত্রার আয়োজন করিতেছিল,

এমন সময় মতিবাবুর সহিত তাহার সাক্ষাৎ হয়।

তারাপদ পর্যায়ক্রমে নানা দলের মধ্যে ভিড়িয়াও আপন স্বাভাবিক কল্পনাপ্রবণ প্রকৃতি প্রভাবে কোন দলের বিশেষত্ব প্রাপ্ত হয় নাই। অন্তরের মধ্য সে সম্পূর্ণ নির্লিপ্ত এবং মুক্ত ছিল। সংসারের অনেক কুংসিত কথা সে সর্বদা শুনিয়াছে এবং অনেক কদর্যা দৃশ্য তাহার দৃষ্টিগোচর হইয়াছে, কিন্তু তাহা তাহার মনের মধ্যে সঞ্চিত হইবার তিলমাত্র অবসর প্রাপ্ত হয় নাই। এ ছেলেটির কিছুতেই খেয়াল ছিল না। অন্তান্ত বন্ধনের শায় কোন প্রকার অভ্যাসবন্ধনও তাহার মনকে বাধ্য করিতে পারে নাই, সে এই সংসারের পঙ্কিল জলের উপর দিয়া শুভ্রপক্ষ রাজহংসের মত সাঁতার দিয়া বেড়াইত। কোতূহলবশতঃ যতবারই ডুব দিত তাহার পাশা সিক্ত বা মলিন হইতে পারিত না। এই জন্ত এই গৃহত্যাগী ছেলেটির মুখে একটি শুভ্র স্বাভাবিক তারুণ্য অন্মানভাবে প্রকাশ পাইত, তাহার সেই মুখশ্রী দেখিয়া প্রবীণ দিময়ীম তিলাল রাবু তাহাকে বিনা প্রশ্নে বিনা সন্দেহে পরম আদরে আহ্বান করিয়া লইয়াছিলেন।

দ্বিতীয় পরিচ্ছেদ।

আহারান্তে নোকা ছাড়িয়া দিল। অল্প-পূর্ণা পরময়েহে এই ব্রাহ্মণ-বালককে তাহার ঘরের কথা, তাহার আত্মীয় পরিজনদের সংবাদ জিজ্ঞাসা করিতে লাগিলেন; তারাপদ অত্যন্ত সংক্ষেপে তাহার উত্তর দিয়া বাহিরে আসিয়া পরিব্রাজ্য লাভ করিল। বাহিরে বর্ষার নদী পরিপূর্ণতার শেষ রেখা পর্য্যন্ত ভরিয়া উঠিয়া আপন আত্মহারা উদ্দাম ঢাঞ্চল্যে প্রকৃতি-

মাতাকে যেন উদ্বিগ্ন করিয়া তুলিয়াছিল। মেঘনির্মুক্ত রৌদ্রে নদীতীরের অর্ধনিমগ্ন কাশতৃণশ্রেণী, এবং তাহার উর্দ্ধে সরস সঘন ইক্ষুক্ষেত্র এবং তাহার পরপ্রান্তে দূর-দিগন্তচুম্বিত নীলাঞ্জনবর্ণ বনরেখা সমস্তই যেন কোন এক রূপকথার সোণার কাঠির স্পর্শে সছো-জাগ্রৎ নদীন সৌন্দর্য্যের মত নির্ঝাঁকু নীলাকাশের মুঞ্চদৃষ্টির সম্মুখে পরি-ক্ষুট হইয়া উঠিয়াছিল, সমস্তই যেন সজীব, স্পন্দিত, প্রগল্ভ, আলোকে উদ্ভাসিত, নবীনতায় স্ফটিকণ, প্রাচুর্য্যে পরিপূর্ণ।

তারাপদ নৌকার ছাদের উপরে পালের ছায়ায় গিয়া আশ্রয় লইল। পর্যায়ক্রমে ঢালু সবুজ মাঠ, প্লবিত পাটের ক্ষেত, গাঢ় শ্যামল আমন ধানের আন্দোলন, ঘাট হইতে গ্রামা-ভিমুখী সঙ্কীর্ণ পথ, ঘটবনবেষ্টিত ছায়াময় গ্রাম তাহার চোখের উপর আসিয়া পড়িতে লাগিল। এই জ্বলন্তল আকাশ, এই চারিদিকের সচলতা, সজীবতা, মুখরতা,—এই উর্দ্ধ অধোদেশের ব্যাপ্তি এবং বৈচিত্র্য এবং নির্লিপ্ত স্মদূরতা, এই স্রবহং, চিরস্থায়ী, নির্নিমেঘ, বাক্যবিহীন বিশ্বজগৎ তরুণ বালকের পরমাত্মীয় ছিল;—অথচ সে এই চঞ্চল মাণবকটিকে এক মুহূর্তের জন্তও স্নেহবাহ দ্বারা ধরিয়া রাখিতে চেষ্টা করিত না। নদীতীরে বাছুর লেজ তুলিয়া ছুটিতেছে, গ্রাম্য টাটু ঘোড়া সম্মুখের ছই দড়ি বাঁধা পা লইয়া লাফ দিয়া দিয়া ঘাস খাইয়া বেড়াইতেছে, মাহরাঙা জেলেদের জাল বাঁধিবার বংশদণ্ডের উপর হইতে ঝপ্ করিয়া সবেগে জলের মধ্যে ঝাঁপাইয়া মাছ ধরি-তেছে, ছেলেরা জলের মধ্যে পড়িয়া মাতামাতি করিতেছে, মেয়েরা উচ্চকণ্ঠে সহাস্য গল্প করিতে করিতে আবক্ষজলে বসনাঞ্চল প্রসারিত করিয়া ছুই হস্তে তাহা মার্জন করিয়া লইতেছে, কোমর-বাঁধা মেছুনীরা চূপড়ি লইয়া

জেলেদের নিকট হইতে যাছ কিনিতেছে, এ সমস্তই সে চিরনূতন অশ্রান্ত কৌতূহলের সহিত বসিয়া বসিয়া দেখে, কিছুতেই তাহার দৃষ্টির পিপাসা নিবৃত্ত হয় না।

নৌকার ছাতের উপরে গিয়া তারাপদ ক্রমশঃ দাঁড়ি মাঝিদের সঙ্গে গল্প জুড়িয়া দিল। মাঝে মাঝে আবশ্যকমতে মাল্লাদের হাত হইতে লগি লইয়া নিজেই ঠেলিতে প্রবৃত্ত হইল; মাঝির যখন তামাক খাইবার আবশ্যক, তখন সে নিজে গিয়া হাল ধরিল—যখন যে দিকে পালু ফিরান আবশ্যক সমস্ত সে দক্ষতার সহিত সম্পন্ন করিয়া দিল।

সন্ধ্যার প্রাক্কালে অল্পপূর্ণা তারাপদকে ডাকিয়া জিজ্ঞাসা করিলেন, রাত্রে তুমি কি খাও!

তারাপদ কহিল, যা' পাই তাই খাই; সকল দিন খাইও না।

এই সুন্দর ব্রাহ্মণ-বালকটির আতিথ্য-গ্রহণে ঔদাসীন্ত অল্পপূর্ণাকে ঈষৎ পীড়া দিতে লাগিল। তাঁহার বড় ইচ্ছা, পাওয়াইয়া পরাইয়া এই গৃহচ্যুত প'স্থ বালকটিকে পরিতৃপ্ত করিয়া দেন। কিন্তু কিসে যে তাহার পরিতোষ হইবে তাহার কোন সন্দান পাইলেন না। অল্পপূর্ণা চাকরদের ডাকিয়া গ্রাম হইতে ছুধ মিষ্টান্ন প্রভৃতি ক্রয় করিয়া আনিবার জন্ত ধূম-ধাম বাধাইয়া দিলেন। তারাপদ যথাপরিমাণে আহার করিল; কিন্তু ছুধ খাইল না। মৌন-স্বভাব মতিলাল বাবুও তাহাকে ছুধ খাইবার জন্ত অনুরোধ করিলেন; সে সংক্ষেপে বলিল, আমার ভাল লাগে না।

নদীর উপর দুই তিন দিন গেল। তারাপদ বাধাবাড়া বাজার করা হইতে নৌকাচালনা পর্য্যন্ত সকল কাজেই স্বেচ্ছা এবং তৎপরতার সহিত যোগ দিল। যে কোন দৃশ্য তাহার চোখের সর্পুখে আসে তাহার প্রতি তারাপ-

দের সকৌতূহল দৃষ্টি ধাবিত হয়, যে কোন কাজ তাহার হাতের কাছে আসিয়া উপস্থিত হয়, তাহাতেই সে আপনি আকৃষ্ট হইয়া পড়ে। তাহার দৃষ্টি, তাহার হস্ত, তাহার মন সর্বদাই সচল হইয়া আছে; এই জন্ত সে এই নিত্যসচলা প্রকৃতির মত সর্বদাই নিশ্চিন্ত উদাসীন অথচ সর্বদাই ক্রিয়াসক্ত। মানুষমাজেরই নিজের একটি স্বতন্ত্র অধিষ্ঠানভূমি আছে;—কিন্তু তারাপদ এই অনন্ত নীলাশ্রবাহী বিশ্বপ্রবাহের একটি আনন্দোচ্ছল তরঙ্গ,—ভূত ভবিষ্যতের সহিত তাহার কোন বন্ধন নাই—সম্মুখাভিমুখে চলিয়া যাওয়াই তাহার একমাত্র কার্য।

এ দিকে অনেক দিন নানা সম্প্রদায়ের সহিত যোগ দিয়া অনেক প্রকার মনোরঞ্জনী বিদ্যা তাহার আয়ত্ত হইয়াছিল। কোন প্রকার চিন্তার দ্বারা আচ্ছন্ন না থাকিতে তাহার নির্মল স্মৃতিপটে সকল জিনিষ আশ্চর্য সহজে মুদ্রিত হইয়া যাইত। পাঁচালী, কথকতা, কীর্তনগান, যাত্রাভিনয়ের সুদীর্ঘ খণ্ডসকল তাহার কণ্ঠাগ্রে ছিল। মতিলাল বাবু চির-প্রথমত একদিন সন্ধ্যাবেলায় তাঁহার স্ত্রী কস্তাকে রামায়ণ পড়িয়া শুনাইতেছিলেন; কুশ লবের কথার হৃদয় হইতেছে, এমন সময় তারাপদ উৎসাহ সম্বরণ করিতে না পারিয়া নৌকার ছাদের উপর হইতে নামিয়া আসিয়া কহিল, বই রাখুন! আমি কুশ লবের গান করি, আপনারা শুনে যান।

এই বলিয়া সে কুশ লবের পাঁচালী আরম্ভ করিয়া দিল। বাশির মত স্মৃতি পরিপূর্ণত্বের দাণ্ডায়ের অনুপ্রাস ক্ষিপ্ৰবেগে বর্ষণ করিয়া চলিল;—দাঁড়ি মাঝি সকলেই ছাবের কাছে আসিয়া ঝুঁকিয়া পড়িল; হাস্ত, কৰুণা এবং সঙ্গীতে সেই নদীতীরের সন্ধ্যাকাশে এক অপূর্ণ রসশ্রোত প্রবাহিত হইতে লাগিল,— দুই নিস্তর তটভূমি কুতূহলী হইয়া উঠিল, পাশ

দিয়া যে সকল নৌকা চলিতেছিল, তাহাদের আরোহিণী ক্রমশঃ কালের জন্ত উৎকণ্ঠিত হইয়া সেই দিকে কাণ দিয়া রহিল ; যখন শেষ হইয়া গেল সকলেই ব্যথিত চিন্তে দীর্ঘনিশ্বাস ফেলিয়া ভাবিল, ইহারই মধ্যে শেষ হইল কেন ?

সজলনয়না অন্নপূর্ণার ইচ্ছা করিতে লাগিল, ছেলেটিকে কোলে বসাইয়া বক্ষে চাপিয়া তাহার মস্তক আঘ্রাণ করেন। মতিলাল বাবু ভাবিতে লাগিলেন, এই ছেলেটিকে যদি কোনমতে কাছে রাখিতে পারি তবে পুত্রের অভাব পূর্ণ হয়। কেবল ক্ষুদ্র বালিকা চাকরশিরি অন্তঃকরণে ঈর্ষ্যা ও বিদ্বেষে পরিপূর্ণ হইয়া উঠিল।

তৃতীয় পরিচ্ছেদ।

চাকরশিরি তাহার পিতামাতার একমাত্র সন্তান, তাহাদের পিতৃমাতৃস্নেহের একমাত্র অধিকাৰিণী। তাহার খেয়াল এবং জেদের অস্ত ছিল না। খাওয়া, কাপড়পরা, চুলবাধা সম্বন্ধে তাহার নিজের স্বাধীন মত ছিল, কিন্তু সে মতের কিছুমাত্র স্থিরতা ছিল না। যে দিন কোথাও নিমন্ত্রণ থাকিত সে দিন তাহার মায়ের ভয় হইত পাছে মেয়েটি সাজসজ্জা সম্বন্ধে একটা অসম্ভব জেদ ধরিয়া বসে। যদি দৈবাৎ একবার চুলবাধাটা তাহার মনের মত না হইল, তবে সে দিন যতবার চুল খুলিয়া যত বরকম করিয়া বাধিয়া দেওয়া যাক কিছুতেই তাহার মন পাওয়া যাইবে না, অবশেষে মহা কান্নাকাটির পালা পড়িয়া যাইবে। সকল বিষয়েই এইরূপ। আবার এক এক সময় চিন্ত যখন প্রসন্ন থাকে তখন কিছুতেই তাহার কোন আপত্তি থাকে না। তখন সে অতি-মাত্রায় ভালবাসা প্রকাশ করিয়া তাহার মাকে

জড়াইয়া ধরিয়া চুষন করিয়া হাসিয়া বকিয়া একেবারে অস্থির করিয়া তোলে। এই ক্ষুদ্র মেয়েটি একটি চর্ভেদ প্রহেলিকা।

এই বালিকা তাহার জর্বাধ্য স্বদয়ের সমস্ত বেগ প্রয়োগ করিয়া মনে মনে তারাপদকে স্মৃতির বিদ্বেষে তাড়না করিতে লাগিল। পিতামাতাকেও সৰ্ব্বতোভাবে উদ্বেজিত করিয়া তুলিল। আহ্বারের সময় বোদনোন্মুগ্নী হইয়া ভোজনের পাত্র ঠেলিয়া ফেলিয়া দেয়, বন্ধন তাহার কচিকর বোধ হয় না—দাসীকে মাংস, সকল বিষয়েই অকারণ অভিযোগ করিতে থাকে। তারাপদের বিছাগুলি যতই তাহার এবং অল্প সকলের মনোরঞ্জন করিতে লাগিল, ততই যেন তাহার রাগ বাড়িয়া উঠিল। তারাপদের যে কোন গুণ আছে, ইহা স্বীকার করিতে তাহার মন বিমুগ্ন হইল, অথচ তাহার প্রমাণ যখন প্রদল হইতে লাগিল, তাহার অসন্তোষের মাত্রাও উচ্ছে উঠিল। তারাপদ যে দিন কুশলবের গান করিল, সে দিন অন্নপূর্ণা মনে করিলেন, সঙ্গীতে বনের পশু বশ হয়, আজ বোধ হয় আমার মেয়ের মন গলিয়াছে ;—তাহাকে জিজ্ঞাসা করিলেন—চাকর, কেমন লাগল ? সে কোন উত্তর না দিয়া অত্যন্ত প্রবলবেগে মাথা নাড়িয়া দিল। এই ভঙ্গীটিকে ভাষায় তর্জমা করিলে এইরূপ দাঁড়ায় :—কিছুমাত্র ভাল লাগে নাই এবং কোন কালে ভাল লাগিবে না !

চাকর মনে ঈর্ষ্যার উদয় হইয়াছে বুঝিয়া তাহার মাতা চাকর সম্মুখে তারাপদের প্রতি স্নেহ প্রকাশ করিতে বিরত হইলেন। সন্ধ্যার পরে যখন সকাল সকাল খাইয়া চাকর শয়ন করিত তখন অন্নপূর্ণা নৌকাকক্ষের দ্বারের নিকট আসিয়া বসিতেন এবং মতি বাবু ও তারাপদ বাহিরে বসিত এবং অন্নপূর্ণার অহুরোধে তারাপদ গান আরম্ভ করিত ; তাহার গানে যখন নদীতীরের বিশ্রামনিরতা গ্রামশ্রী সন্ধ্যার

বিপুল অক্ষরে মুগ্ধ নিস্তব্ধ হইয়া রহিত এবং
অল্পপূর্ণার কোমল হৃদয়পানি স্নেহে ও সৌন্দর্য্য-
রসে উচ্ছলিত হইতে থাকিত তখন হঠাৎ চারু
ক্রতপদে বিছানা হইতে উঠিয়া আসিয়া সরোষ
সরোদনে বলিত, মা তোমরা কি খোল করচ
আমার ঘুম হচ্ছে না। পিতামাতা তাহাকে
একলা ঘুমাইতে পাঠাইয়া তারাপদকে ঘিরিয়া
সঙ্গীত উপভোগ করিতেছেন ইহা তাহার
একান্ত অসহ্য হইয়া উঠিত। এই দীপ্তকক্ষনয়না
বালিকার স্বাভাবিক স্মৃতিরতা তারাপদের
নিকট অত্যন্ত কৌতুকজনক বোধ হইত।
সে ইহাকে গল্প শুনাইয়া, গান গাহিয়া,
বাঁশি বাজাইয়া বশ করিতে অনেক চেষ্টা
করিল, কিন্তু কিছুতেই কৃতকার্য হইল না।
কেবল, তারাপদ মধ্যাহ্নে যখন নদীতে স্নান
করিতে নামিত, পরিপূর্ণ জলরাশির মধ্যে
সৌরভ সর্বদা হু হু দেখানি নানা সস্তরণ-
ভঙ্গীতে অবলীলাক্রমে সঞ্চালন করিয়া তরুণ
জলদেবতার মত শোভা পাইত, তখন বালিকার
কৌতূহল আকৃষ্ট না হইয়া থাকিত না; সে
সেই সময়টির দ্রুত প্রতীক্ষা করিয়া থাকিত;
কিন্তু আন্তরিক আগ্রহ কাহাকেও জানিতে
দিত না, এবং এই অশিক্ষাপটু অভিনেত্রী
পশমের গলাবন্ধ বোনা এক মনে অভ্যাস
করিতে করিতে মাঝে মাঝে যেন অত্যন্ত
উপেক্ষাভরে কটাঞ্চে তারাপদের সস্তরণলীলা
দেখিয়া লইত।

চতুর্থ পরিচ্ছেদ ।

—:—:—

নন্দীগ্রাম কখন ছাড়াইয়া গেল, তারাপদ
তাহার খোঁজ লইল না। অত্যন্ত মুহুমন্দ
গতিতে বৃহৎ নৌকা কখনো পাল তুলিয়া

কখনো গুণ টানিয়া নানা নদীর শাখা
প্রশাখার ভিতর দিয়া চলিতে লাগিল;—
নৌকারোহীদের দিনগুলিও এই সকল নদী
উপনদীর মত, শান্তিময় সৌন্দর্য্যময় বৈচিত্র্যের
মধ্য দিয়া সহজ সৌম্য গমনে মুহুমুদে
প্রবাহিত হইতে লাগিল। কাহারো কোনরূপ
তাড়া ছিল না; মধ্যাহ্নে স্নানাহ্নে অনেকক্ষণ
বিলম্ব হইত, এদিকে সন্ধ্যা হইতে না হইতেই
একটা বড় দেখিয়া গ্রামের ধারে, ঘাটের
কাছে, ঝিল্লীমন্ডিত খল্লোতখচিত বনের পাশে
নৌকা বাঁপিত।

এমনি করিয়া দিনদশেকে নৌকা কাঁঠা-
লিয়'য় পৌছিল। জমিদারের আগমনে বাড়ি
হইতে পাঙ্গী এবং টাটু ঘোড়ার সমাগম হইল,
এবং বাঁশের লাঠি হস্তে পাইক বরবন্দাজের
দল ঘন ঘন বন্দুকের কাঁকা আওয়াজে গ্রামের
উৎসাহিত কাক সমাজকে যৎপরোনাস্তি মুগ্ধ
করিয়া তুলিল।

এই সমস্ত সমারোহে কালবিলম্ব
হইতেছে ইতিমধ্যে তারাপদ নৌকা হইতে
ক্রত নামিয়া একবার সমস্ত গ্রাম পর্যটন
করিয়া লইল। কাহাকেও দাদা, কাহাকেও
খুড়া, কাহাকেও দিদি, কাহাকেও মাসী
বলিয়া ছুই তিন ঘণ্টার মধ্যে সমস্ত গ্রামের
সহিত সৌহার্দ্যবন্ধন স্থাপিত করিয়া লইল।
কোথাও তাহার প্রকৃত বন্ধন ছিল না বলিয়াই
এই বালক আশ্চর্য্য সত্ত্বর ও সহজে সকলেরই
সহিত পরিচয় করিয়া লইতে পারিত। তারাপদ
দেখিতে দেখিতে অল্প দিনের মধ্যেই গ্রামের
সমস্ত হৃদয় অধিকার করিয়া লইল।

এত সহজে হৃদয়হরণ করিবার কারণ
এই, তারাপদ সকলেরই সঙ্গে তাহাদের
নিজের মত হইয়া স্বভাবতই যোগ দিতে
পারিত। সে কোন প্রকার বিশেষ সংস্কা-
রের দ্বারা বদ্ধ ছিল না, অথচ সকল অবস্থা

সকল কাজের প্রতিই তাহার এক প্রকার সহজ প্রবণতা ছিল। বালকের কাছে সে সম্পূর্ণ স্বাভাবিক বালক, অথচ তাহাদের হইতে শ্রেষ্ঠ ও স্বতন্ত্র, বৃদ্ধের কাছে সে বালক নহে অথচ জ্যাঠাও নহে, রাখালের সঙ্গে সে রাখাল অথচ ব্রাহ্মণ। সকলের সকল কাজেই সে চিরকালের সহযোগীর আয় অভ্যন্তভাবে হস্তক্ষেপ করে ;—ময়রার দোকানে গল্প করিতে করিতে ময়রা বলে দাদাঠাকুর একটু বস ত ভাই আমি আস্টি—তারাপদ গল্পানবদনে দোকানে বসিয়া একখানা শালপাতা লইয়া সন্ধেশের মাছি তাড়াইতে প্রবৃত্ত হয়। ভিয়ান্ করিতেও সে মজ্ববুৎ, তাঁতের রহস্যও তাহার কিছু কিছু জ্ঞান আছে, কুমারের চক্রচালনাও তাহার সম্পূর্ণ অজ্ঞাত নহে।

তারাপদ নমস্ত গ্রামটি আবৃত্ত করিয়া লইল, কেবল গ্রামবাসিনী একটি বালিকার জঁর্ষ্যা সে এখনো জয় করিতে পারিল না। এই বালিকাটি তারাপদের স্মদুরে নির্কাসন তীব্রভাবে কামনা করিতোছে জানিয়াই বোধ করি তারাপদ এই গ্রামে এত দিন আবদ্ধ হইয়া রহিল।

কিন্তু বালিকাবস্থাতেও নারীদের অন্তর-রহস্য ভেদ করা স্মৃষ্টি, চাক্রশি তাহার প্রমাণ দিল।

বামুন ঠাকুরের মেয়ে সোণামণি পাঁচ বছর বয়সে বিধবা হয় ; সেই চাকুর সমবয়সী সখী। তাহার শরীর অসুস্থ থাকিতে গৃহ-প্রত্যাগত সখীর সহিত সে কিছুদিন সাক্ষাৎ করিতে পারে নাই। সুস্থ হইয়া যে দিন দেখা করিতে আসিল সে দিন প্রায় বিনা কারণেই দুই সখীর মধ্যে একটা মনোবিচ্ছেদ ঘটিবার উপক্রম হইল।

চাক্র অত্যন্ত ফাঁদিয়া গল্প আরম্ভ করিয়াছিল। সে ভাবিয়াছিল, তারাপদ নামক

তাহাদের নবাজ্জিত পরমবহুটির আহরণ কাহিনী সবিস্তরে বর্ণনা করিয়া সে তাহার সখীর কৌতূহল এবং বিশ্বয় সপ্তমে চড়াইয়া দিবে। কিন্তু যখন সে শুনিল, তারাপদ সোণামণির নিকট কিছুমাত্র অপরিচিত নহে, বামুন ঠাকুরকে সে মাসী বলে এবং সোণামণি তাহাকে দাদা বলিয়া থাকে, যখন শুনিল, তারাপদ কেবল যে বাঁশিতে কীর্তনের সুর বাজাইয়া মাতা ও কস্তার মনোরঞ্জন করিয়াছে তাহা নহে, সোণামণির অনুরোধে তাহাকে স্বহস্তে একটি বাঁশের বাঁশী বানাওয়া দিয়াছে, তাহাকে কতদিন উচ্চশাখা হইতে ফল ও কণ্টকশাখা হইতে ফুল পাড়িয়া দিয়াছে তখন চাকুর অস্বঃকরণে যেন তপ্তশেল বিধিতে লাগিল। চাক্র জানিত তারাপদ বিশেষরূপে তাহাদেরই তারাপদ—অত্যন্ত গোপনে সংরক্ষণীয়—ইতরসাধারণে তাহার একটু আধটু অভাসমাত্র পাইবে অথচ কোনমতে নাগাল পাইবে না, দূর হইতে তাহার রূপে শুণে মুগ্ধ হইবে এবং চাক্রশিদের পশুখাদ দিতে থাকিবে। এই আশ্চর্য্য দুর্লভ দৈবলক্ষ ব্রাহ্মণ-বালকটি সোণামণির কাছে কেন সহজগম্য হইল? আমরা যদি এত যত্ন করিয়া না আনিতাম, এত যত্ন করিয়া না রাখিতাম তাহা হইলে সোণামণির তাহার দর্শন পাইত কোথা হইতে? সোণামণির দাদা! শুনিয়া সর্কশরীর জলিয়া যায়!

যে তারাপদকে চাক্র মনে মনে বিদ্বেশ্বরে জর্জর করিতে চেষ্টা করিয়াছে, তাহারই একাধিকার লইয়া এমন প্রবল উদ্বেগ কেন? বুঝিবে তাহার সাধ্য!

সেই দিনই অপর একটা তুচ্ছমুত্রে সোণামণির সহিত চাকুর মর্শাস্তিক আড়ি হইয়া গেল। এবং সে তারাপদের ঘরে গিয়া তাহার মথের বাঁশিটি বাহির করিয়া তাহার উপর

লাফাইয়া মাড়াইয়া সেটাকে নির্দয়ভাবে ভাঙিতে লাগিল।

চারু যখন প্রচণ্ড আবেগে এই বংশীধ্বংস-কার্যে নিযুক্ত আছে এমন সময় তারাপদ আসিয়া ঘরে প্রবেশ করিল। সে বালিকার এই প্রলয় মূর্তি দেখিয়া আশ্চর্য হইয়া গেল। কহিল, “চারু, আমার বাঁশিটা ভাঙ্চ কেন?” চারু রক্তনেত্রে রক্তিম-মুখে “বেশ কর্চি, খুব কর্চি” বলিয়া আরও বার ছই চার বিদীর্ণ বাঁশির উপর অনাবশ্যক পদাঘাত করিয়া উচ্ছ্বসিত কণ্ঠে কাঁদিয়া ঘর হইতে বাহির হইয়া গেল। তারাপদ বাঁশিটি তুলিয়া উল্টাইয়া পাণ্টাইয়া দেখিল তাহাতে আর পদার্থ নাই। অকারণে, তাহার পুরাতন নিরপরাধ বাঁশিটার এই আকস্মিক ভগ্নতি দেখিয়া সে আর হাশ্ব সম্বরণ করিতে পারিল না। চারুশশি প্রতিদিনই তাহার পক্ষে পবন কোতূহলের বিষয় হইয়া উঠিল।

তাহার আর একটি কোতূহলের ক্ষেত্র ছিল, মতিলাল বাবুর লাইব্রেরিতে ইংরাজি ছবির বইগুলি। বাহিরের সংসারের সহিত তাহার যথেষ্ট পরিচয় হইয়াছে, কিন্তু এই ছবির জগতে সে কিছুতেই ভাল করিয়া প্রবেশ করিতে পারে না। কল্পনার দ্বারা আপনায় মনে অনেকটা পূরণ করিয়া লইত কিন্তু তাহাতে মন কিছুতেই তৃপ্ত মানিত না।

ছবির বাহির প্রতি তারাপদের এই আগ্রহ দেখিয়া একদিন মতিলাল বাবু বলিলেন, “ইংরাজি শিখবে? তা হলে এ সমস্ত ছবির মানে বুঝতে পারবে”। তারাপদ তৎক্ষণাৎ বলিল “শিখব।”

মতিবাবু খুব খুসি হইয়া গ্রামের এণ্ট্রেন্স স্কুলের হেড মাস্টার রামবরতন বাবুকে প্রতিদিন সন্ধ্যাবেলায় এই বালকের ইংরাজি অধ্যাপন-কার্যে নিযুক্ত করিয়া দিলেন।

পঞ্চম পরিচ্ছেদ ।

—:—

তারাপদ তাহার প্রথম স্বরণশক্তি এবং অঞ্চল মনোযোগ লইয়া ইংরাজি শিক্ষায় প্রবৃত্ত হইল। সে যেন এক নূতন জগৎম রাজ্যের মধ্যে ভ্রমণে বাহির হইল, পুরাতন সংসারের সহিত কোন সম্পর্ক রাখিল না। পাড়ার লোকেরা আর তাহাকে দেখিতে পাইল না; যখন সে সন্ধ্যার পূর্বে নির্জন নদীতীরে দ্রুতবেগে পদচারণ করিতে করিতে পড়া মুগ্ধ করিত, তখন তাহার উপাসক বালকসম্প্রদায় দূর হইতে ক্ষুণ্ণচিত্তে সমস্তমতে তাহাকে নিরীক্ষণ করিত, তাহার পাঠে ব্যাঘাত করিতে সাহস করিত না।

চারুও আজকাল তাহাকে বড় একটা দেখিতে পাইত না। পূর্বে তারাপদ অন্তঃপুরে গিয়া অল্পপূর্ণার স্নেহদৃষ্টির সম্মুখে বসিয়া আহ্বার করিত—কিন্তু তত্পলক্ষে প্রায় মাঝে মাঝে কিছু বিলম্ব হইয়া যাইত বলিয়া সে মতিবাবুকে অনুরোধ করিয়া বাহিরে আহ্বারের বন্দোবস্ত করিয়া লইল। ইহাতে অল্পপূর্ণা ব্যথিত হইয়া আপত্তি প্রকাশ করিয়াছিলেন, কিন্তু মতিবাবু বালকের অধ্যয়নের উৎসাহে অত্যন্ত সন্তুষ্ট হইয়া এই নূতন ব্যবস্থায় অনুমোদন করিলেন।

এই এমন সময় চারুও হঠাৎ জেদ করিয়া বসিল, আমিও ইংরাজি শিখিব। তাহার পিতামাতা তাঁহাদের খামপেয়ালি-কন্টার এই প্রস্তাবটিকে প্রথমে পরিহাসের বিষয় জ্ঞান করিয়া স্নেহমিশ্রিত হাস্য করিলেন—কিন্তু কন্টাটি এই প্রস্তাবের পরিহাস অংশটুকুকে প্রচুর অশঙ্কলধারায় অতি শীঘ্রই নিঃশেষে ধৌত করিয়া ফেলিয়াছে। অবশেষে এই গ্নেহহর্ষল নিরুপায় অভিভাবকদ্বয় বালিকার

প্রস্তাব গম্ভীরভাবে গ্রাহ্য করিলেন। চারু মাষ্টারের নিকট তারাপদের সহিত একত্র অধ্যয়নে নিযুক্ত হইল।

কিন্তু পড়াশুনা করা এই অস্থিরচিত্ত বালিকার স্বভাবসঙ্গত ছিল না। সে নিজে কিছু শিখিল না, কেবল তারাপদের অধ্যয়নে ব্যাঘাত করিতে লাগিল। সে পিছাইয়া পড়ে, পড়া মুখস্থ করে না, কিন্তু তবু কিছুতেই তারাপদের পশ্চাৎসর্গী হইয়া থাকিতে চাহে না। তারাপদ তাহাকে অতিক্রম করিয়া নূতন পড়া লইতে গেলে সে মহা রাগারাগি করিত, এমন কি, কান্নাকাটি করিতে ছাড়িত না। তারাপদ পুরাতন বই শেষ করিয়া নূতন বই কিনিলে তাহাকেও সেই নূতন বই কিনিয়া দিতে হইত। তারাপদ অবসরের সময় নিজে ঘরে বসিয়া লিখিত এবং পড়া মুখস্থ করিত, ইহা সেই ঈর্ষাপরায়ণা কস্তাটির সহ্য হইত না ; সে গোপনে তাহার লেখা খাতায় কালি ঢালিয়া আসিত, কলম চুরি করিয়া রাখিত, এমন কি বইয়ের ষেখানে অভ্যাস করিবার, সেই অংশটি ছিড়িয়া আসিত। তারাপদ এই বালিকার অনেক দৌরাণ্ড্য সকোতুকে সহ্য করিত; অসহ্য হইলে মারিত, কিন্তু কিছুতেই শাসন করিতে পারিত না।

দৈবাৎ একটা উপায় বাহির হইল। একদিন বড় বিরক্ত হইয়া নিকরপায় তারাপদ তাহার মসীবিবলুপ্ত লেখা খাতা ছিন্ন করিয়া ফেলিয়া গম্ভীর বিষমরূপে বসিয়াছিল ;—চারু দ্বারের কাছে আসিয়া মনে করিল, আজ মার খাইবে। কিন্তু তাহার প্রত্যাশা পূর্ণ হইল না। তারাপদ একটি কথামাত্র না কহিয়া চুপ করিয়া বসিয়া রহিল। বালিকা ঘরের ভিতরে বাহিরে ঘুরঘুর করিয়া বেড়াইতে লাগিল। বারংবার এত কাছে ধরা দিল যে, তারাপদ ইচ্ছা করিলে অনায়াসেই তাহার পৃষ্ঠে এক চপেটঘাত

বসাইতে দিতে পারিত। কিন্তু সে তাহা না দিয়া গম্ভীর হইয়া রহিল। বালিকা মহামুদ্বিলে পড়িল। কেমন করিয়া ক্ষমা প্রার্থনা করিতে হয় সে বিজ্ঞা তাহার কোন কালেই অভ্যাস ছিল না, অথচ অমৃতপ্ত ক্ষুদ্র হৃদয়টি তাহার সহপাঠীর ক্ষমালাভের জন্ত একান্ত কাতর হইয়া উঠিল। অবশেষে কোন উপায় না দেখিয়া ছিন্ন খাতার এক টুকরা লইয়া তারাপদের নিকটে বসিয়া খুব বড় বড় করিয়া লিখিল, আমি আর কখন খাতায় কালি মাখিব না। লেখা শেষ করিয়া সেই লেখার প্রতি তারাপদের মনোযোগ আকর্ষণের জন্ত অনেক প্রকার চাঞ্চল্য প্রকাশ করিতে লাগিল। দেখিয়া তারাপদ হাস্য সম্বরণ করিতে পারিল না—হাসিয়া উঠিল। তখন বালিকা লজ্জায় ক্রোধে ক্ষিপ্ত হইয়া উঠিয়া ঘর হইতে দ্রুতবেগে ছুটিয়া বাহির হইয়া গেল। যে কাগজের টুকরায় সে স্বহস্তে দীনতা প্রকাশ করিয়াছে সেটা অনন্তকাল এবং অনন্ত জগৎ হইতে সম্পূর্ণ লোপ করিতে পারিলে তবে তাহার হৃদয়ের নিদারুণ ক্ষোভ মিটিতে পারিত।

এদিকে সঙ্কচিতচিত্ত সোণামণি ছই একদিন অধ্যয়নশালার বাহিরে উ কি বু কি মারিয়া ফিরিয়া চলিয়া গিয়াছে! সখী চারুশশির সহিত তাহার সকল বিষয়েই বিশেষ হস্ততা ছিল, কিন্তু তারাপদের সম্বন্ধে চারুকে সে অত্যন্ত ভয় এবং সন্দেহের সহিত দেখিত। চারু যে সময়ে অন্তঃপুরে থাকিত, সেই সময়টি বাছিয়া সোণামণি সসঙ্কোচে তারাপদের দ্বারের কাছে আসিয়া দাঁড়াইত। তারাপদ বই হইতে মুখ তুলিয়া সম্মুখে বলিত, কি সোণা! পবর কি? মাসী কেমন আছে?

সোণামণি কহিত, অনেকদিন যাওনি, মা তোমাকে একবার যেতে বলেছে। মা'র কোমরে ব্যথা বেগে দেখতে আসতে পারে না।

এমন সময় হয়ত হঠাৎ চারু আসিয়া উপস্থিত। সেণামণি শশব্যস্ত। সে যেন গোপনে তাহার সখীর সম্পত্তি চুরি করিতে আসিয়াছিল। চারু কণ্ঠস্বর সপ্তমে চড়াইয়া চোখ মুখ ঘুরাইয়া বলিত, অঁা সোণা ! তুই পড়ার সময় গোল করতে এসেছিস্, আমি এখনি বাবাকে গিয়ে বলে দেব !”—যেন তিনি নিজে তারাপদর একটি প্রবীণা অভিভাবিকা ; তাহার পড়াশুনায় লেশমাত্র ব্যাঘাত না ঘটে রাত্রিদিন ইহার প্রতিই তাহার একমাত্র দৃষ্টি। কিন্তু সে নিজে কি অভিপ্রায়ে এই অসময়ে তারাপদর পাঠগৃহে আসিয়া উপস্থিত হইয়াছিল, তাহা অন্তর্ধামীর অগোচর ছিল না এবং তারাপদও তাহা ভালরূপ জানিত। কিন্তু সেণামণি বেচারী ভীত হইয়া তৎক্ষণাৎ একরাশ মিথ্যা কৈফিয়ৎ স্বজন করিত ; অবশেষে চারু যখন স্নগভরে তাহাকে মিথ্যাবাদী বলিয়া সম্ভাষণ করিত তখন সে লজ্জিত শঙ্কিত পরাজিত হইয়া ব্যথিত চিত্তে ফিরিয়া যাইত। দয়ার্দ্র তারাপদ তাহাকে ডাকিয়া বলিত, “সোণা, আজ সন্ধ্যাবেলায় আমি তোদের বাড়ি যাব এখন !” চারু সর্পিণীর মত ফৌস করিয়া উঠিয়া বলিত—“যাবে বৈ কি ! তোমার পড়া করতে হবে না ? আমি মাষ্টার মশায়কে বলে দেব না ?”

চারুর এই শাসনে ভীত না হইয়া তারাপদ দুই একদিন সন্ধ্যার পর বামুন ঠাকুরদের বাড়ি গিয়াছিল। তৃতীয় বা চতুর্থ দ্বারে চারু ফাঁকা শাসন না করিয়া আস্তে আস্তে এক সময় বাহির হইতে তারাপদর ঘরের দ্বারে শিকল আঁটিয়া দিয়া মা'র মসলার বাসুর চাবি তালা আনিয়া তালা লাগাইয়া দিল। সমস্ত সন্ধ্যাবেলা তারাপদকে এইরূপ বন্দী অবস্থায় রাখিয়া আহারের সময় দ্বার খুলিয়া দিল। তারাপদ রাগ করিয়া কথা কহিল না এবং না খাইয়া

চলিয়া যাইবার উপক্রম করিল। তখন অল্পতপ্ত ব্যাকুল বালিকা করযোড়ে সাল্লনয়ে বারংবার বলিতে লাগিল, তোমার ছুটিপায়ে পড়ি আর আমি এমন করব না ! তোমার ছুটি পায়ে পড়ি তুমি খেয়ে যাও !” তাহাতেও যখন তারাপদ বশ মানিল না, তখন সে অধীর হইয়া কাঁদিতে লাগিল ; তারাপদ সঙ্কটে পড়িয়া ফিরিয়া আসিয়া খাইতে বসিল।

চারু কতবার একান্তমনে প্রতিজ্ঞা করিয়াছে যে, সে তারাপদর সহিত সদ্ভাবহার করিবে, আর কখনও তাহাকে মুহূর্তের জন্ত বিরক্ত করিবে না, কিন্তু সেণামণি প্রভৃতি আর পাঁচজন মাঝে আসিয়া পড়াতে কখন তাহার কিরূপ মেজাজ হইয়া যায় কিছুতেই আত্মসম্বরণ করিতে পারে না। কিছুদিন যখন উপরি উপরি সে ভালমাহুষী করিতে থাকে, তখন একটা উৎকট আসন্ন বিপ্লবের জন্ত তারাপদ সতর্কভাবে প্রস্তুত হইয়া থাকে। আক্রমণটা হঠাৎ কি উপলক্ষে কোন্ দিক হইতে আসে কিছুই বলা যায় না। তাহার পরে প্রচণ্ড ঝড়, ঝড়ের পরে প্রচুর অশ্রবারি-বর্ষা তাহার পরে প্রসন্ন স্নিগ্ধ শান্তি।

ষষ্ঠ পরিচ্ছেদ ।

—:—

এমনি করিয়া প্রায় দুই বৎসর কাটিল। এত সুদীর্ঘকালের জন্ত তারাপদ কখনো কাহারও নিকট ধরা দেয় নাই। বোধ করি, পড়া শুনায় মধ্যে তাহার মন এক অপূর্ব আকর্ষণে বদ্ধ হইয়াছিল ; বোধ করি, বয়োবৃদ্ধি সহকারে তাহার প্রকৃতির পরিবর্তন আরম্ভ হইয়াছিল এবং স্থায়ী হইয়া বসিয়া সংসারের সুখ-স্বচ্ছন্দ ভোগ করিবার দিকে তাহার মন পড়িয়াছিল ; বোধ করি তাহার সহপাঠিকা বালি-

কার নিয়ত দৌরাখ্যাচঞ্চল সৌন্দর্য্য অলঙ্কিত-ভাবে তাহার হৃদয়ের উপর বন্ধন বিস্তার করিতেছিল ।

এদিকে চারুর বয়স এগারো উত্তীর্ণ হইয়া যায় । মতিবাবু সন্ধান করিয়া তাঁহার মেয়ের বিবাহের জন্ত দুই তিনটি ভাল ভাল সম্বন্ধ আনাইলেন । কত্তার বিবাহবয়স উপস্থিত হইয়াছে জানিয়া মতিবাবু তাহার ইংরাজি পড়া এবং বাহিরে যাওয়া নিষেধ করিয়া দিলেন । এই আকস্মিক অবরোধে চারু ঘরের মধ্যে ভারি একটা আন্দোলন উপস্থিত করিল ।

তখন একদিন অল্পপূর্ণা মতিবাবুকে ডাকিয়া কহিলেন, “পাত্রের জন্তে তুমি অত খোঁজ করে বেড়াচ্ছ কেন ? তারাপদ ছেলেটি ত বেশ । আর তোমার মেয়েরও ওকে পছন্দ হয়েছে ।”

শুনিয়া মতিবাবু অত্যন্ত বিস্ময় প্রকাশ করিলেন । কহিলেন, “সেও কি কখনো হয় ? তারাপদের কুল-শীল কিছুই জানা নেই ! আমার একটিমাত্র মেয়ে আমি ভাল ঘরে দিতে চাই !”

একদিন রাইডাক্সার বাবুদের বাড়ি হইতে মেয়ে দেখিতে আসিল । চারুকে বেশভূষা পরাইয়া বাহির করিবার চেষ্টা করা হইল । সে শোবার ঘরের দ্বার রুদ্ধ করিয়া বসিয়া রহিল—কিছুতেই বাহির হইল না । মতিবাবু ঘরের বাহির হইতে অনেক অনুন্য় করিলেন, ভৎসনা করিলেন, কিছুতেই কিছু ফল হইল না । অবশেষে বাহিরে আসিয়া রাইডাক্সার দূতবর্গের নিকট মিথ্যা করিয়া বলিতে হইল, কত্তার হঠাৎ অত্যন্ত অসুখ করিয়াছে, আজ আর দেখান হইবে না । তাহারা ভাবিল মেয়ের বুঝি কোন একটা দোষ আছে, তাই এইরূপ চাতুরী অবলম্বন করা হইল ।

তখন মতিবাবু ভাবিতে লাগিলেন, তারাপদ ছেলেটি দেখিতে শুনিতে সকল হিসাবেই ভাল ; উহাকে আমি যত্নেই রাখিতে পারিব,

তাহা হইলে আমার একমাত্র মেয়েটিকে পরের বাড়ি পাঠাইতে হইবে না । ইহাও চিন্তা করিয়া দেখিলেন, তাঁহার অশাস্ত অবাধ্য মেয়েটির ছরস্তুপনা তাঁহাদের স্নেহের চক্ষে যতই মার্জনীয় বোধ হউক স্বস্তর-বাড়িতে কেহ সহ করিবে না ।

তখন স্ত্রী পুরুষে অনেক আলোচনা করিয়া তারাপদের দেশে তাহার সমস্ত কৌলিক সংবাদ সন্ধান করিবার জন্ত লোক পাঠাইলেন । খবর আসিল যে, বংশ ভাল কিন্তু দরিদ্র । তখন মতি বাবু ছেলের মা এবং ভাইয়ের নিকট বিবাহের প্রস্তাব করিয়া পাঠাইলেন । তাহারা আনন্দে উচ্ছ্বসিত হইয়া সম্মতি দিতে মুহূর্ত্তমাত্র বিলম্ব করিলেন না ।

কাঁঠালিয়ায় মতিবাবু এবং অল্পপূর্ণা বিবাহের দিনক্ষণ আলোচনা করিতে লাগিলেন, কিন্তু স্বাভাবিক গোপনতাপ্রিয় সাবধানী মতিবাবু কথাটা গোপনে রাখিলেন ।

চারুকে ধরিয়া রাখা গেল না । সে মাঝে মাঝে বর্গির হাক্কামার মত তারাপদের পাঠগৃহে গিয়া পড়িত । কখনো রাগ, কখনো অনুরাগ, কখনো বিরাগের দ্বারা তাহার পাঠচর্য্যার নিভৃতশাস্তি অকস্মাৎ তরঙ্গিত করিয়া তুলিত । তাহাতে আজ কাল, এই নির্লিপ্ত মুক্তস্বভাব ব্রাহ্মণ-বালকের চিত্তে মাঝে মাঝে ক্ষণকালের জন্ত বিহ্বাস্পন্দনের স্থায় এক অপূর্ণ পদাঙ্গুল্য সঞ্চার হইত । যে ব্যক্তির লঘুভার চিত্ত চিরকাল অক্ষুণ্ণ ও অব্যাহতভাবে কালশ্রোতের তরঙ্গচূড়ায় ভাসমান হইয়া সঞ্চে প্রবাহিত হইয়া যাইত, সে আজ কাল এক একবার অস্তমনস্ক হইয়া বিচিত্র দিবা-স্বপ্নজালের মধ্যে জড়ীভূত হইয়া পড়ে । এক একদিন পড়াশুনা ছাড়িয়া দিয়া সে মতিবাবুর লাইব্রেরীর মধ্যে প্রবেশ করিয়া ছবির বইয়ের পাতা উন্টাইতে থাকিত ; সেই ছবিগুলির

মিশ্রণে যে কল্পনালোক সৃজিত হইত তাহা পূর্বেকার হইতে অনেক স্বতন্ত্র এবং অধিকতর রঙীন। চারুর অদ্ভুত আচরণ লক্ষ্য করিয়া সে আর পূর্কের মত স্বভাবতঃ পরিহাস করিতে পারিত না, ভ্রষ্টামি করিলে তাহাকে মারিবার কথা মনেও উদয় হইত না। নিজের এই নিগূঢ় পরিবর্তন এই আবহ আসক্তভাব তাহার নিজের কাছে এক নতন স্বপ্নের মত মনে হইতে লাগিল।

শ্রাবণ মাসে বিবাহের শুভদিন স্থির করিয়া মতিবাবু তারাপদর মা ও ভাইদের আনিতে পাঠাইলেন, তারাপদকে তাহা জানিতে দিলেন না। কলিকাতার মোক্তারকে গড়ের বাত্ব বায়না দিতে আদেশ করিলেন এবং জিনিষপত্রের ফর্দ পাঠাইয়া দিলেন।


আকাশে নববর্ষার মেঘ উঠিল। গ্রামের নদী এতদিন শুষ্কপ্রায় হইয়াছিল, মাঝে মাঝে কেবল এক একটা ডোবায় জল বাধিয়া থাকিত; ছোট ছোট নোকা সেই পক্ষিল জলে ডোবানো ছিল, এবং শুষ্ক নদী-পথে গরুরগাড়ি চলাচলের স্বগভীর চক্রচিহ্ন খোদিত হইতেছিল— এমন সময় একদিন, পিতৃগৃহ প্রত্যাগত পার্শ্ব-ভীর মত, কোথা হইতে দ্রুতগামিনী জলধারা বনহাত্তসহকারে গ্রামের শূন্যবক্ষে আসিয়া সমাগত হইল—উলঙ্গ বালকবালিকারা। তীরে আসিয়া উঠেঃস্বরে নৃত্য করিতে লাগিল, অতৃপ্ত আনন্দে বারংবার জলে ঝাঁপ দিয়া দিয়া নদীকে যেন আলিঙ্গন করিয়া ধরিতে লাগিল, কুটীরবাসিনীরা তাহাদের পরিচিত প্রিয়সঙ্গিনীকে দেখিবার জন্ত বাহির হইয়া আসিল,— শুষ্ক নিজ্জীব গ্রামের মধ্যে কোথা হইতে এক প্রবল বিপুল প্রাণহিল্লোল আসিয়া প্রবেশ করিল। দেশ বিদেশ হইতে বোঝাই লইয়া ছোট বড় নানা আয়তনের নোকা আসিতে লাগিল—বাজারের ঘাট সন্ধ্যাবেলায় বিদেশী

মাঝির সঙ্গীতে ধ্বনিত হইয়া উঠিল। ছই তীরের গ্রামগুলি সন্ধ্যাসর আপনার নিভৃত কোণে আপনার ক্ষুদ্র ঘরকন্না লইয়া একাকিনী দিনযাপন করিতে থাকে, বর্ষার সময়ে বাহিরে বৃহৎ পৃথিবী বিচিত্র পণ্যোপহার লইয়া গৈরিক-বর্ণ জল-রথে চড়িয়া এই গ্রামকলকাকুলির তরু লইতে আসে; তখন জগতের সঙ্গে আত্মীয়তাগর্ভে কিছুদিনের জন্ত তাহাদের ক্ষুদ্রতা ঘুচিয়া যায়, সমস্তই সচল সজাগ সজীব হইয়া উঠে, এবং মৌন নিস্তরু দেশের মধ্যে সূদূর রাজ্যের কলালাপধ্বনি আসিয়া চারিদিকের আকাশকে আন্দোলিত করিয়া তুলে।

এই সময় কুড়ুলকাটায় নাগবাবুদের এলাকায় বিখ্যাত রথযাত্রার মেলা হইবে। জ্যোৎস্না-সন্ধ্যায় তারাপদ ঘাটে গিয়া দেখিল কোন নোকা নাগরদোলা, কোন নোকা যাত্রার দল, কোন নোকা পণ্য দ্রব্য লইয়া প্রবল নবীন শ্রোতের মুখে দ্রুতবেগে মেলা অভিমুখে চলিয়াছে; কলিকাতার কল্কটের দল বিপুলশব্দে দ্রুততালের বাজনা জুড়িয়া দিয়াছে, যাত্রারদল বেহালার সঙ্গে গান গাহিতেছে এবং সমের কাছে হাহাঃ শব্দে চীৎকার উঠিতেছে, পশ্চিমদেশী নোকার দাঁড়িমাল্লাগুলো কেবলমাত্র মাদল এবং করতাল লইয়া উন্নত উৎসাহে বিনা সঙ্গীতে খচমচ শব্দে আকাশ বিদীর্ণ করিতেছে—উদ্দীপনার সীমা নাই। দেখিতে দেখিতে পূর্ব দিগন্ত হইতে ঘন মেঘরাশি প্রকাণ্ড কালো পাল তুলিয়া দিয়া আকাশের মাঝখানে উঠিয়া পড়িল চাঁদ আচ্ছন্ন হইল—পূবে-বাতাস বেগে বহিতে লাগিল, মেঘের পশ্চাতে মেঘ ছুটিয়া চলিল, নদীর জল ধল ধল হান্তে ক্ষীত হইয়া উঠিতে লাগিল—নদীতীর-বর্তী আন্দোলিত বনশ্রেণীর মধ্যে অন্ধকার পুঞ্জীভূত হইয়া উঠিল, ডেক ডাকিতে আরম্ভ করিল, ঝিল্লিধ্বনি যেন করাত দিয়া অন্ধকারকে

চিরিতে লাগিল ;—সম্মুখে আজ যেন সমস্ত জগতের রথযাত্রা, চাকা ঘুরিতেছে, ধ্বজা উড়িতেছে, পৃথিবী কাঁপিতেছে ;—মেঘ উড়িয়াছে, বাতাস ছুটিয়াছে, নদী বহিয়াছে, নোকা চলিয়াছে, গান উঠিয়াছে ; দেখিতে দেখিতে গুরু গুরু শব্দে মেঘ ডাকিয়া উঠিল, বিদ্যৎ আকাশকে কাটিয়া কাটিয়া ঝলসিয়া উঠিল, হুদুর অন্ধকার হইতে একটা মুঘলধারাবর্ষী বৃষ্টির গন্ধ আসিতে লাগিল। কেবল নদীর একতীরে এক পার্শ্বে কাঁঠালিয়াগ্রাম আপন কুটার দ্বার বন্ধ করিয়া দীপ নিবাইয়া দিয়া নিঃশব্দে ঘুমাইতে লাগিল।

পরদিন তারাপদর মাতা ও ভ্রাতৃগণ কাঁঠালিয়ায় আসিয়া অবতরণ করিলেন, পরদিন কলিকাতা হইতে বিবিধ সামগ্রীপূর্ণ তিনখানা বড় নোকা আসিয়া কাঁঠালিয়ার জমিদারিকাছারির ঘাটে লাগিল এবং পরদিন অতি প্রাতে সোণামণি কাগজে কিঞ্চিৎ আমসত্ত এবং পাতার ঠোঙায় কিঞ্চিৎ আচার লইয়া ভয়ে ভয়ে তারাপদের পাঠগৃহদ্বারে আসিয়া নিঃশব্দে দাঁড়াইল—কিন্তু পরদিন তারাপদকে দেখা গেল না। রেহ প্রেম বন্ধুত্বের বড়য়ন্ত্র-বন্ধন তাহাকে চারিদিক হইতে সম্পূর্ণরূপে ঘিরিবার পূর্বেই সমস্ত গ্রামের হনয়খানি চুরি করিয়া একদা বর্ষার মেঘাঙ্ককার রাতে এই ব্রাহ্মণবালক আসক্তি-বিহীন উদাসীন জননী বিশ্ব পৃথিবীর নিকট চলিয়া গিয়াছে।



ছাত্রবৃত্তি ক্লাসের দুইতিন শ্রেণী নীচে আমাদের পণ্ডিত ছিলেন শিবনাথ। তাঁহার গৌপ দাড়ি কামানো, চুল ছাঁটা এবং টিকিট হুস্ব। তাঁহাকে দেখিলেই বালকদের অন্তরাগ্না শুষ্ক হইয়া যাইত।

প্রাণীদের মধ্যে দেখা যায় যাহাদের হল আছে তাহাদের দাঁত নাই—আমাদের পণ্ডিত মহাশয়ের দুই একত্র ছিল। এদিকে কিন-চড়াপড়া চারাগাছের বাগানের উপর শিলবৃষ্টির মত অজস্র বর্ষিত হইত, ওদিকে তীব্র বাক্য-জ্বালায় প্রাণ বাহির করিয়া যাইত।

ইনি আক্ষেপ করিতেন, পুরাকালের মত গুরুশিষ্যের সম্বন্ধ এখন আর নাই ; ছাত্রেরা গুরুকে আর দেবতার মত ভক্তি করে না ; এই বলিয়া আপনার উপেক্ষিত দেবমহিমা বালকদের মস্তকে সবেগে নিক্ষেপ করিতেন ; এবং মাঝে মাঝে হুঙ্কার দিয়া উঠিতেন, কিন্তু তাহার মধ্যে এত ইতর কথা মিশ্রিত থাকিত যে তাহাকে দেবতার বজ্রনাদের রূপান্তর বলিয়া কাহারো ভয় হইতে পারে না। বাপাস্ত যদি বজ্রনাদ সাজিয়া তর্জ্জন গর্জ্জন করে, তাহার ক্ষুদ্র বাঙ্গালী মূর্ত্তি কি ধরা পড়ে না ?

যাহা হোক আমাদের স্কুলের এই তৃতীয় শ্রেণী দ্বিতীয় বিভাগের দেবতাটিকে ইন্দ্র চন্দ্র বরুণ অথবা কার্তিক বলিয়া কাহারো ভয় হইত না ; কেবল একটি দেবতার সহিত তাঁহার সাদৃশ্য উপলব্ধি করা যাইত তাঁহার নাম ঘম ; এবং এতদিন পরে স্বীকার করিতে দোষ নাই এবং ভয়ও নাই আমরা মনে মনে কামনা করি-

তাম উক্ত দেবালয়ে গমন করিতে তিনি যেন অধিক বিলম্ব না করেন ।

কিন্তু এটা বেশ বুঝা গিয়াছিল নরদেবতার মত বালাই আর নাই । স্বরলোকবাসী দেবতাদের উপদ্রব নাই । গাছ হইতে একটা ফুল পাড়িয়া দিলে খুসী হন, না দিলে তাগাদা করিতে আসেন না । আমাদের নরদেবগণ চাঁন অনেক বেশী, এবং আমাদের তিলমাত্র ক্রটি হইলে চক্ষু ছটো রক্তবর্ণ করিয়া তাড়া করিয়া আসেন, তখন তাঁহাদিগকে কিছুতেই দেবতার মত দেখিতে হয় না ।

বালকদিগকে পীড়ন করিবার জন্ত আমাদের শিবনাথ পণ্ডিতের একটি অস্ত্র ছিল সেটি শুনিতে যৎসামান্য কিন্তু প্রকৃতপক্ষে অত্যন্ত নিদারুণ । তিনি ছেলেদের নূতন নামকরণ করিতেন । নাম জিনিষটা যদিচ শব্দ বই আর কিছুই নয় কিন্তু সাধারণতঃ লোকে আপনাদের চেয়ে আপনার নামটা বেশী ভাল বাসে ; নিজের নাম রাষ্ট্র করিবার জন্ত লোকে কি কষ্টই না স্বীকার করে, এমন কি নামটিকে বাঁচাইবার জন্য লোকে আপনি মরিতে কুণ্ঠিত হয় না ।

এমন নামপ্রিয় মানবের নাম বিক্রয় করিয়া দিলে তাহার প্রাণের চেয়ে প্রিয়তর স্থানে আঘাত করা হয় । এমন কি যাহার নাম ভূতনাথ তাহাকে নলিনীকান্ত বলিলে তাহার অসহ্য বোধ হয় ।

ইহা হইতে এই তত্ত্ব পাওয়া যায় মানুষ বস্তুর চেয়ে অবস্থাকে বেশী মূল্যবান্ জ্ঞান করে; সোণার চেয়ে বাণী প্রাণের চেয়ে মান এবং আপনার চেয়ে আপনার নামটাকে বড় মনে করে ।

মানবস্বভাবের অন্তর্নিহিত এই সকল নিগূঢ় নিয়মবশতঃ পণ্ডিত মহাশয় যখন শিশিদেরকে ভেট্‌কি নাম দিলেন তখন সে নিরীতশয় কাতর

হইয়া পড়িল । বিশেষতঃ উক্ত নামকরণে তাহার চেহারা প্রতি বিশেষ লক্ষ্য করা হইতেছে জানিয়া তাহার মর্ম্মযজ্ঞা আরো দ্বিগুণ বাড়িয়া উঠিল, অথচ একান্ত শাস্তভাবে সমস্ত সঙ্ক করিয়া চূপ করিয়া বাসিয়া থাকিতে হইল ।

আশুর নাম ছিল গিন্নি, কিন্তু তাহার সঙ্গে একটু ইতিহাস জড়িত আছে ।

আশু ক্লাসের মধ্যে নিতান্ত বেচারী ভাল মানুষ ছিল । কাহাকেও কিছু বলিত না, বড় লাজুক ; বোধ হয় বয়সে সকলের চেয়ে ছোট ; সকল কথাতেই কেবল মুছ মুছ হাসিত ; বেশ পড়া করিত ; স্কুলের অনেক ছেলেই তাহার সঙ্গে ভাব করিবার জন্ত উন্মুখ ছিল কিন্তু সে কোন ছেলের সঙ্গেই খেলা করিত না এবং ছুটি হইখামাত্রই মুহূর্ত্ত বিলম্ব না করিয়া বাড়ি চলিয়া যাইত ।

পত্রপুটে গুটিকতক মিষ্টান্ন এবং ছোট কাঁসার ঘটিতে জল লইয়া একটার সময় বাড়ি হইতে দাসী আসিত । আশু সে জন্ত বড় অপ্রতিভ ; দাসীটা কোন মতে বাড়ি ফিরিলে সে যেন বাঁচে । সে যে স্কুলের ছাত্রের অতিরিক্ত আর কিছু, এটা সে স্কুলের ছেলেদের কাছে প্রকাশ করিতে যেন বড় অনিচ্ছুক । সে যে বাড়ির কেহ, সে যে বাপ মায়ের ছেলে, ভাইবোনের ভাই, এটা যেন ভারি একটা গোপন কথা, এটা সঙ্গীদের কাছে কোনমতে প্রকাশ না হয় এই তাহার একান্ত চেষ্টা ।

পড়াশুনা সম্বন্ধে তাহার আর কোন ক্রটি ছিল না কেবল এক এক দিন ক্লাসে আসিতে বিলম্ব হইত এবং শিবনাথ পণ্ডিত তাহার কারণ জিজ্ঞাসা করিলে সে কোন সঙ্গের দিতে পারিত না । সে জন্ত মাঝে মাঝে তাহার লাজনার সীমা থাকিত না । পণ্ডিত তাহাকে হাঁটুর উপর হাত দিয়া পাঁঠ নীচু করিয়া দালা

নের সীড়ির কাছে দাঁড় করাওয়া রাখিতেন ; চারিটা ক্লাসের ছেলে সেই লজ্জাকাতর হতভাগ্য বালককে এইরূপ অবস্থায় দেখিতে পাইত ।

একদিন গ্রহণের ছুটি ছিল । তাহার পরদিন স্কুলে আসিয়া চৌকিতে বসিয়া পণ্ডিত মহাশয় ঘরের দিকে চাহিয়া দেখিলেন একখানি প্লেট ও মসৌচিহিত কাপড়ের থলীর মধ্যে পড়িবার বইগুলি জড়াইয়া লইয়া অন্যদিনের চেয়ে সজ্জিতভাবে আশু ক্লাসে প্রবেশ করিতেছে ।

শিবনাথ পণ্ডিত গুরু-হাস্য হাসিয়া কহিলেন, “এই যে গিন্নি আসছে ।”

তাহার পর পড়া শেষ হইলে ছুটির পূর্বে তিনি সকল ছাত্রদের সন্ধান করিয়া বলিলেন “শোন তোরা সব শোন !”

পৃথিবীর সমস্ত মাধ্যাকর্ষণ শক্তি সবলে বালককে নীচের দিকে টানিতে লাগিল ; কিন্তু ক্ষুদ্র আশু সেই বেষ্টির উপর হইতে একখানি কোঁচা ও দুইখানি পা বুলাইয়া ক্লাসের সমস্ত বালকের লক্ষ্যস্থল হইয়া বসিয়া রহিল । এতদিনে আশুর অনেক বয়স হইয়া থাকিবে এবং তাহার জীবনে অনেক গুরুতর স্মরণীয়-লজ্জার দিন আসিয়াছে সন্দেহ নাই, কিন্তু সেইদিনকার বালক-হৃদয়ের ইতিহাসের সহিত কোন দিনের তুলনা হইতে পারে না ।

কিন্তু ব্যাপারটা অতি ক্ষুদ্র এবং দুই কথায় শেষ হইয়া যায় ।

আশুর একটি ছোট বোন আছে ; তাহার সমবয়স্ক সঙ্গিনী কিংবা ভগিনী আর কেহ নাই স্মরণ্য আশুর সঙ্গেই তাহার যত খেলা ।

এটি গেটওয়ানো গোস্বামীর বেলিঙের মধ্যে আশুদের বাড়ির গাড়ি বারান্দা । সেদিন মেঘ করিয়া খুব বৃষ্টি হইতেছিল । জুতা হাতে কারয়া ছাড়া মাথায় দিয়া যে দুই চারি জন

পথিক পথ দিয়া চলিতেছিল তাহাদের কোন দিকে চাহিবার অবসর ছিল না । সেই মেঘের অন্ধকারে সেই বৃষ্টিপতনের শব্দে সেই সমস্তদিন ছুটিতে গাড়িবারান্দার সিঁড়িতে বসিয়া আশু তাহার বোনের সঙ্গে খেলা করিতেছিল ।

সেদিন তাহাদের পুতুলের খিঁয়ে । তাহারি আয়োজন সম্বন্ধে অত্যন্ত গম্ভীর ভাবে ব্যস্ত হইয়া আশু তাহার ভগিনীকে উপদেশ দিতেছিল ।

এখন তর্ক উঠিল কাহাকে পুরোহিত করা যায় । বালিকার কি মনে হইল, চট করিয়া ছুটিয়া একজনকে গিয়া জিজ্ঞাসা করিল “ইঁগা, তুমি আমাদের পুরুত ঠাকুর হবে ?”


আশু পশ্চাৎ ফিরিয়া দেখে, শিবনাথ পণ্ডিত ভিত্তে ছাতা মুড়িয়া অধ্বসিক্ত অবস্থায় তাহাদের গাড়িবারান্দায় দাঁড়াইয়া আছেন ; পথ দিয়া যাইতেছিলেন ; বৃষ্টির উপদ্রব হইতে সেখানে আশ্রয় লইয়াছেন । বালিকা তাঁহাকে পুতুলের পৌরোহিত্যে নিয়োগ করিবার প্রস্তাব করিতেছে !

পণ্ডিত মশায়কে দেখিয়াই আশু তাহার খেলা এবং ভগিনী সমস্ত ফেলিয়া এক দৌড়ে গৃহের মধ্যে অন্তর্হিত হইল । তাহার ছুটির দিন সম্পূর্ণ মাটা হইয়া গেল ।

পরদিন শিবনাথ পণ্ডিত যখন গুরু উপহাসের সহিত এই ঘটনাটি ভূমিকা স্বরূপে উল্লেখ করিয়া সাধারণ-সমক্ষে আশুর “গিন্নি” নামকরণ করিলেন, তখন প্রথমমুহুরে যেমন সকল কথাতেই যুহুভাবে হাসিয়া থাকে, তেমন করিয়া হাসিয়া চারিদিকের কোতুক-হাস্যে ঈর্ষ্য যোগ দিতে চেষ্টা করিল ; এমন সময় একটার ঘণ্টা বাজিল, অল্প সকল ক্লাস ভাঙ্গিয়া গেল ; এবং শালপাতায় ছুটি মিষ্টান্ন ও ঝকুঝকে কাঁসার ঘাটতে জল লইয়া দাসী আসিয়া ঘরের কাছে দাঁড়াইল ।

তখন হাসিতে হাসিতে সহসা তাহার মুখ-কাণ টকটকে লাল হইয়া উঠিল, ব্যথিত কপালের শিরা ফুলিয়া উঠিল, এবং উচ্ছ্বসিত অশ্রু-জল আর কিছুতেই বাধা মানিল না।

শিবনাথ পণ্ডিত বিশ্রামগৃহে জলযোগ করিয়া নিশ্চিন্ত মনে তামাক খাইতে লাগিলেন—ছেলেরা পরমাফ্লাদে আঙুকে ঘিরিয়া গিন্নি গিন্নি করিয়া চীৎকার করিতে লাগিল। সেই ছুটির দিনের ছোট বোনের সহিত খেলা জীবনের একটি সৰ্ব্বপ্রধান লজ্জাজনক ভ্রম বলিয়া আশুর কাছে বোধ হইতে লাগিল, পৃথিবীর লোক কোনকালেও যে সে দিনের কথা ভুলিয়া যাইবে এ তাহার মনে বিশ্বাস হইল না।



একরাত্রি ।

সুরবালার সঙ্গে একত্র পাঠশালায় গিয়াছি, এবং বউবউ পেলিয়াছি। তাহাদের বাড়িতে গেলে সুরবালার মা আমাকে বড় যত্ন করিতেন, এবং আমাদের দুজনকে একত্র করিয়া আপনাপনি বলাবলি করিতেন “আহা, ছুটিতে বেশ মানায়!”

ছোট ছিলাম কিন্তু কথাটার অর্থ একরকম বুঝিতে পারিতাম। সুরবালার প্রতি যে সৰ্ব্বসাধারণের অপেক্ষা আমার কিছু বিশেষ দাবী ছিল সে ধারণা আমার মনে বদ্ধমূল হইয়া গিয়াছিল। সেই অধিকারমতে মত্ত হইয়া তাহার প্রতি যে আমি শাসন এবং উপদ্রব না করিতাম তাহা নহে। সেও সহিষ্ণুভাবে আমার সকল রকম ফরমাস্ খাটিত এবং শাস্তি বহন করিত। পাড়ায় তাহার রূপের প্রশংসা

ছিল—কিন্তু বর্ষের বালকের চক্ষে সে সৌন্দর্যের কোন গৌরব ছিল না—আমি কেবল জানিতাম, সুরবালা আমারই প্রভু স্বীকার করিবার জন্ত পিতৃগৃহে জন্মগ্রহণ করিয়াছে এই জন্ত সে আমার বিশেষরূপে অবহেলার পাত্র।

আমার পিতা চৌধুরী জমিদারের নায়েব ছিলেন। তাহার ইচ্ছা ছিল আমার হাতটা পাকিলেই আমাকে জমিদারী সেবস্তার কাজ শিখাইয়া একটা কোথাও গোমস্তাগিরিতে প্রবৃত্ত করাইয়া দিবেন। কিন্তু আমি মনে মনে তাহাতে নারাজ ছিলাম। আমাদের পাড়ার নীলরতন যেমন কলিকাতায় পালাইয়া লেখা পড়া শিখিয়া কালেক্টার সাহেবের নাজির হইয়াছে, আমারও জীবনের লক্ষ্য সেইরূপ অত্যাচ্ছ ছিল—কালেক্টারের নাজির না হইতে পারি ত জজ আদালতের হেড ক্লার্ক হইব ইহা আমি মনে মনে নিশ্চয় স্থির করিয়া রাখিয়া ছিলাম।

সৰ্বদাই দেখিতাম আমার বাপ উক্ত আদালতজীবীদিগকে অত্যন্ত সম্মান করিতেন—নানা উপলক্ষে মাছটা তরকারীটা টাকাটা শিকেটা লইয়া যে তাহাদের পূজার্চনা করিতে হইত তাহাও শিশুকাল হইতে আমার জানা ছিল, এই জন্ত আদালতের ছোট কর্মচারী, এমন কি, পেয়াদাগুলোকে পর্যন্ত হৃদয়ের মধ্যে খুব একটা সম্মানের আসন দিয়াছিলাম। ইহারা আমাদের বাঙ্গালা দেশের পূজ্য দেবতা। তেজ্রিশ কোটির ছোট ছোট নুতন সংস্করণ। বৈষয়িক সিদ্ধিলাভ সম্বন্ধে স্বয়ং সিদ্ধিদাতা গণেশ অপেক্ষা ইহাদের প্রতি লোকের আন্তরিক নির্ভর ঢের বেশী, সুতরাং পূর্বে গণেশের যাহা কিছু পাওনা ছিল আজকাল ইহারাই তাহা সমস্ত পাইয়া থাকেন।

আমিও নীলরতনের দৃষ্টান্তে উৎসাহিত হইয়া এক সময় বিশেষ সুবিধাযোগে কলিকাতায়

পালাইয়া গেলাম। প্রথমে গ্রামের একটি আলাপী লোকের বাসায় ছিলাম, তাহার পরে বাপের কাছ হইতেও কিছু কিছু অধ্যয়নের সাহায্য পাইতে লাগিলাম। লেখাপড়া যথানিয়মে চলিতে লাগিল।

ইহার উপরে আবার সভা সমিতিতেও যোগ দিতাম। দেশের জন্ত হঠাৎ প্রাণ বিসর্জন করা যে, আশু আবশ্যক এ সম্বন্ধে আমার সন্দেহ ছিল না। কিন্তু কি করিয়া উক্ত হঃসাধ্য কাজ করা যাইতে পারে আমি জানিতাম না, এবং কেহ দৃষ্টান্তও দেখাইত না।

কিন্তু তাহা বলিয়া উৎসাহের কোন ক্রটি ছিল না। আমরা পাড়াগোঁয়ে ছেলে, ইচড়ে-পাকা কলিকাতার মত সকল জিনিষকেই পরিহাস করিতে শিখি নাই সুতরাং আমাদের নিষ্ঠা অত্যন্ত দৃঢ় ছিল। আমাদের সভার বর্জপক্ষী-য়েরা বক্তৃতা দিতেন, আর আমরা চাঁদার খাতা লইয়া না খাইয়া ছপুর রোজে টোঁটোঁ করিয়া বাড়ি বাড়ি ভিক্ষা করিয়া বেড়াইতাম, রাস্তার ধারে দাঁড়াইয়া বিজ্ঞাপন বিলি করিতাম, সভাস্থলে গিয়া বেঞ্চি চৌকি সাজাইতাম, দলপতির নামে কেহ একটা কথা বলিলে কোমর বাঁধিয়া মারামারি করিতে উদ্ভত হইতাম। সহরের ছেলেরা এই সকল লক্ষণ দেখিয়া আমাদের দিগকে বাঙ্গাল বলিত।

নাজির সেরেস্তাদার হইতে আসিয়াছিলাম, কিন্তু মাট সীনি গারিবাল্দি হইবার আয়োজন করিতে লাগিলাম।

এমন সময়ে আমার পিতা এবং সুরবালার পিতা একমত হইয়া সুরবালার সহিত আমার বিবাহের জন্ত উদ্যোগী হইলেন। আমি পনরো বৎসর বয়সের সময় কলিকাতায় পালাইয়া আসি তখন সুরবালার বয়স আট; এখন আমি আঠারো। পিতার মতে আমার বিবাহের বয়স ক্রমে উত্তীর্ণ হইয়া যাইতেছে। কিন্তু

এদিকে আমি মনে মনে প্রতিজ্ঞা করিয়াছি আজীবন বিবাহ না করিয়া স্বদেশের জন্ত মরিব—বাপকে বলিলাম বিজ্ঞান্যাস সম্পূর্ণ সমাধা না করিয়া বিবাহ করিব না।

দুই চারি মাসের মধ্যে খবর পাইলাম উকীল রামলোচন বাবুর সহিত সুরবালার বিবাহ হইয়া গিয়াছে। পতিত ভারতের চাঁদা আদায়-কার্যে ব্যস্ত ছিলাম, এ সংবাদ অত্যন্ত তুচ্ছ বোধ হইল।

এন্ট্রেন্স পাস করিয়াছি, ফাট আর্টস্ দিব, এমন সময় পিতার মৃত্যু হইল। সংসারে কেবল আমি একা নই, মাতা এবং দুটি ভগিনী আছেন। সুতরাং কালেজ ছাড়িয়া কাজের সন্ধানে ফিরিতে হইল। বহু চেষ্টায় নওয়াখালি বিভাগের একটি ছোট সহরে এন্ট্রেন্স স্কুলের সেকেণ্ড মাস্টারি পদ প্রাপ্ত হইলাম।

মনে করিলাম, আমার উপযুক্ত কাজ পাইয়াছি। উপদেশ এবং উৎসাহ দিয়া এক একটি ছাত্রকে ভাবী ভারতের এক একটি সেনাপতি করিয়া তুলিব।

কাজ আরম্ভ করিয়া দিলাম। দেখিলাম ভাবী ভারতবর্ষ অপেক্ষা আসন্ন এগজামিনের তাড়াচের বেশী। ছাত্রদিগকে গ্রামার অ্যান্লেত্রার বহিভূত কোন কথা বলিলে হেড মাস্টার রাগ করে। মাসজুয়েকের মধ্যে আমারও উৎসাহ নিস্তেজ হইয়া আসিল।

আমাদের মত প্রতিভাহীন লোক ঘরে বসিয়া নানারূপ কল্পনা করে, অবশেষে কার্যক্ষেত্রে নামিয়া ঘাড়ে লাঙ্গল বহিয়া পশ্চাৎ হইলে ল্যাজমলা খাইয়া নতশিরে সহিষ্ণুভাবে প্রাত্যহিক মার্টিভাগার কাজ করিয়া সন্ধ্যাবেলায় এক একপেট জাব্ না খাইতে পাইলেই সন্তুষ্ট থাকে, লক্ষ্যে ঝঞ্জে আর উৎসাহ থাকে না।

অগ্নিদাহের আশঙ্কায় একজন করিয়া মাস্টার স্কুলের ঘরেতেই বাস করিত। আমি

একা মানুষ, আমার উপরেই সেই ভার পড়িয়াছিল। স্কুলের বড় আটচালার সংলগ্ন একটি চালায় আমি বাস করিতাম।

স্কুল ঘরটি লোকালয় হইতে কিছু দূরে। একটি বড় পুকুরিণীর ধারে। চারিদিকে সুপারি নারিকেল এবং মাদারের গাছ, এবং স্কুল গৃহের প্রায় গায়েই ছটা প্রকাণ্ড বৃদ্ধ নিমগাছ গায়ে গায়ে সংলগ্ন হইয়া ছায়া দান করিতেছে।

একটা কথা এতদিন উল্লেখ করি নাই, এবং এতদিন উল্লেখযোগ্য বলিয়া মনে হয় নাই। এখানকার সরকারী উকীল রামলোচন রায়ের বাসা আমাদের স্কুল ঘরের অনতিদূরে। এবং তাঁহার সঙ্গে যে তাঁহার জী—আমার বাল্যসঙ্গী সুরবালা—ছিল তাহা আমার জানা ছিল।

রামলোচন বাবুর সঙ্গে আমার আলাপ হইল। সুরবালার সহিত বাল্যকালে আমার জানাশোনা ছিল, তাহা রামলোচন বাবু জামিতেন কি না জানি না, আমিও নূতন পরিচয়ে সে সম্বন্ধে কোন কথা বলা সম্ভব বোধ করিলাম না। এবং সুরবালা, যে, কোন কালে আমার জীবনের সঙ্গে কোনরূপে জড়িত ছিল সে কথা আমার ভাল করিয়া মনে উদয় হইত না।

একদিন ছুটির দিনে রামলোচন বাবুর বাসায় তাঁহার সহিত সাক্ষাৎ করিতে গিয়াছি। মনে নাই কি বিষয়ে আলোচনা হইতেছিল, বোধ করি বর্তমান ভারতবর্ষের দুরবস্থা সম্বন্ধে। তিনি যে সে জন্ত বিশেষ চিন্তিত এবং ত্রিয়মাণ ছিলেন তাহা নহে, কিন্তু বিষয়টা এমন যে, তামাক টানিতে টানিতে এ সম্বন্ধে ঘণ্টাপানেক-দেড়েক অনর্গল সপের ছুঃখ করা যাইতে পারে।

এমন সময় পাশের ঘরে অত্যন্ত মূঢ় একটু চূড়ির টুংটাং, কাপড়ের একটুখানি খসখস, এবং পায়েরও একটুখানি শব্দ শুনিতে পাই-

লাম; বেশ বুঝিতে পারিলাম জানালার ফাঁক দিয়া কোন কৌতূহলপূর্ণনেত্র আমাকে নিরীক্ষণ করিতেছে।

তৎক্ষণাৎ জু'খানি চোখ আমার মনে পড়িয়া গেল—বিশ্বাস, সরলতা এবং শৈশব প্রীতিতে ঢলাঢলা জু'খানি বড়বড় চোখ, কালো কালো তারা, ঘনকৃষ্ণ পল্লব, স্থিরনিঃশব্দ দৃষ্টি। সহসা হৃৎপিণ্ডকে কে যেন একটা কঠিন মুষ্টিয় দ্বারা চাপিয়া ধরিল এবং বেদনায় ভিতরটা টনটন করিয়া উঠিল।

বাসায় ফিরিয়া আসিলাম কিন্তু সেই ব্যথা লাগিয়া রহিল। লিপি পড়ি যাই করি কিছুতে মনের ভার দূর হয় না; মনটা সহসা একটা বৃহৎ বোকার মত হইয়া বৃকো শিরা ধরিয়া ছলিতে লাগিল!

সন্ধ্যাবেলায় একটু স্থির হইয়া ভাবিতে লাগিলাম, এমনটা হইল কেমন? মনের মধ্য হইতে উত্তর আসিল, তোমার সে সুরবালা কোথায় গেল।

আমি প্রত্যুত্তরে বলিলাম—আমি ত তাহাকে ইচ্ছা করিয়া ছাড়িয়া দিয়াছি। সে কি চিরকাল আমার জন্তে বসিয়া থাকিবে।

মনের ভিতরে কে বলিল—তখন যাহাকে ইচ্ছা করিলেই পাইতে পারিতে এখন মাথা খুঁড়িয়া মরিলেও তাহাকে একবার চক্ষে দেখিবার অধিকারটুকুও পাইবে না! সেই শৈশবের সুরবালা তোমার মত কাছেই থাকুক, তাহার চূড়ির শব্দ শুনিতে পাও, তাহার মাথাঘষার গন্ধ অনুভব কর, কিন্তু মাঝখানে বন্ধাবন্ধ একখানি করিয়া দেয়াল থাকিবে।

আমি বলিলাম তা থাক না, সুরবালা আমার কে!

উত্তর শুনিলাম, সুরবালা আজ তোমার কেহই নয়, কিন্তু সুরবালা তোমার কি না হইতে পারিত!

সে কথা সত্য। সুরবালা আমার কি না হইতে পারিত? আমার সব চেয়ে অন্তরঙ্গ, আমার সব চেয়ে নিকটবর্তী, আমার জীবনের সমস্ত সুখঃখভাগিনী হইতে পারিত, সে আজ এতদূর, এত পর, আজ তাহাকে দেখা নিষেধ, তাহার সঙ্গে কথা কওয়া দোষ, তাহার বিষয়ে চিন্তা করা পাপ! আর, একটা রামলোচন কোথাও কিছু নাই হঠাৎ আসিয়া উপস্থিত; কেবল গোটাছুয়েক মুখস্থ মন্ত্র পড়িয়া সুরবালাকে পৃথিবীর আর সকলের নিকট হইতে এক মুহূর্তে ছেঁঁ মারিয়া লইয়া গেল।

আমি মানবসমাজে নূতন নীতি প্রচার করিতে বসি'বাই, সমাজ-ভাঙ্গিতে আসি নাই, বন্ধন ছিঁড়িতে চাই না। আমি আমার মনের প্রকৃত ভাবটা ব্যক্ত করিতেছি মাত্র। আপন মনে যে সকল ভাব উদয় হয় তাহার কি সবই বিবেচনাসম্মত! রামলোচনের গৃহভিত্তির আড়ালে যে সুরবালা বিদ্রাজ করিতেছিল সে যে রামলোচনের অপেক্ষায় বেশী করিয়া আমার, একথা আমি কিছুতেই মনে হইতে তাড়াইতে পারিতেছিলাম না। একরূপ চিন্তা নিতান্ত অসম্মত এবং অন্তায় তাহা স্বীকার করি কিন্তু অস্বাভাবিক নহে।

এখন হইতে আর কোন কাজে মনঃসংযোগ করিতে পারি না। ছপ্পর বেলায় ক্লাসে যখন ছাত্রেরা গুনগুন করিতে থাকিত, বাহিরে সমস্ত খা'খা' করিত, জ্বং উত্তপ্ত বাতাসে নিমগ্নাচ্ছর পুষ্পমঞ্জরীর সুগন্ধ বহন করিয়া আনিত, তখন ইচ্ছা করিত—কি ইচ্ছা করিত জানি না এই পর্য্যন্ত বলিতে পারি ভারতবর্ষের এই সমস্ত ভাবী আশাম্পন্দঙ্গির ব্যাকরণের ভ্রম সংশোধন করিয়া জীবনযাপন করিতে ইচ্ছা করিত না।

স্কুলের ছুটি হইয়াগেলে আমার বৃহৎ ঘরে একলা থাকিতে মন টিকিত না, অথচ কোন

উদ্যোগ দেখা করিতে আসিলেও অসহ্য বোধ হইত। সন্ধ্যাবেলায় পুষ্করিণীর ধারে সুপারি নারিকেলের অর্ধহীন মন্মথধ্বনি শুনিতে শুনিতে ভাবিতাম, মনুষ্যসমাজ একটা জটিল ভ্রমের জাল। ঠিক সময়ে ঠিক কাজ করিতে কাহারো মনে পড়ে না, তাহার পর বেঠিক সময়ে বেঠিক বাসনা লইয়া অস্থির হইয়া মরে।

তোমার মত লোক সুরবালার স্বামীটি হইয়া বুড়াবয়স পর্য্যন্ত বেশ সুখে থাকিতে পারিত, তুমি কি না হইতে গেলে গারিবালডি, এবং হইলে শেষে একটি পাড়ার্গেয়ে ইক্কলের সেকেণ্ড মাস্টার! আর রামলোচন বায় উকীল তাহার বিশেষ করিয়া সুরবালারই স্বামী হইবার কোন জরুরি আবশ্যক ছিল না; বিবাহের পূর্বমুহূর্ত পর্য্যন্ত তাহার পক্ষে সুরবালাও যেমন ভবশঙ্করীও তেমন, সেই কি না কিছুমাত্র না ভাবিয়া চিন্তিয়া বিবাহ করিয়া সরকারী উকীল হইয়া দিবা পাঁচটাকা রোজগার করিতো—যে দিন দুখে ধোঁয়ার গন্ধ হয় সে দিন সুরবালাকে তিরস্কার করে, যে দিন মন প্রসন্ন থাকে সে দিন সুরবালার জন্ত গহনা গড়াইতে দেয়। বেশ মোটাসোটা, চাপকান-পরা, কোন অসন্তোষ নাই, পুষ্করিণীর ধারে বসিয়া আকাশের তারার দিকে চাহিয়া কোন দিন হাততালি করিয়া সন্ধ্যাযাপন করে না।

রামলোচন একটা বড় মোকদ্দমায় কিছু কালের জন্ত অন্তর্ভুক্ত গিয়াছে। আমার স্কুলঘরে আমি যেমন একলা ছিলাম সে দিন সুরবালার ঘরেও সুরবালা বোধ করি সেইরূপ একা ছিল।

মনে আছে সে দিন সোমবার। সকাল হইতেই আকাশ মেঘাচ্ছন্ন হইয়া আছে। বেলা দশটা হইতে টিপটিপ করিয়া বৃষ্টি পড়িতে আরম্ভ করিল। আকাশের ভাবগতিক দেখিয়া হেড-মাস্টার সকাল সকাল স্কুলের ছুটি দিলেন। খণ্ড

খণ্ড কালো মেঘ ঘেন একটা কি মহা আয়ো-
জনে সমস্ত দিন আকাশময় আনাগোনা করিয়া
বেড়াইতে লাগিল। তাহার পরদিন বিকালের
দিকে মূলধারে বৃষ্টি এবং সঙ্গে সঙ্গে বড় আরম্ভ
হইল। যত রাত্রি হইতে লাগিল বৃষ্টি এবং
বড়ের বেগ ততই বাড়িতে চলিল। প্রথমে পূর্ব-
দিক হইতে বাতাস বহিতেছিল ক্রমে উত্তর
উত্তরপূর্ব দিয়া বহিতে লাগিল।

এ রাত্রে ঘুমাইবার চেষ্টা করা বৃথা। মনে
পড়িল এই ভ্রম্যাগে সুরবালা ঘরে একলা
আছে। আমাদের স্কুলঘর তাহাদের ঘরের
অপেক্ষা অনেক মজবুত। কতবার মনে করি-
লাম, তাহাকে স্কুলঘরে ডাকিয়া আনিয়া আমি
পুষ্করিণীর পাড়ের উপর রাত্রিযাপন করিব।
কিন্তু কিছুতেই মনস্তির করিয়া উঠিতে পারিলাম
না।

রাত্রি যখন একটা দেড়টা হইবে হঠাৎ
বানের ডাক শোনা গেল—সমুদ্র ছুটিয়া আসি-
তেছে। ঘর ছাড়িয়া বাহির হইলাম। সুর-
বালার বাড়ির দিকে চলিলাম। পথে আমা-
দের পুষ্করিণীর পাড়—সে পর্য্যন্ত যাইতে আমার
হাঁটু জল হইল। পাড়ের উপর যখন উঠিয়া
দাঁড়াইলাম তখন দ্বিতীয় আর একটা তরঙ্গ
আমিরা উপস্থিত হইল। আমাদের পুকুরের
পাড়ের একটা অংশ প্রায় এগারো হাত উচ
হইবে। পাড়ের উপরে আমিও যখন উঠিলাম,
বিপরীত দিক হইতে আর একটি লোকও
উঠিল। লোকটিকে তাহা আমার সমস্ত অস্ত-
্রায়া, আমার মাথা হইতে পা পর্য্যন্ত বুকিতে
পারিল। এবং সেও যে আমাকে জানিতে
পারিল তাহাতে আমার সন্দেহ নাই।

আর সমস্ত জলমগ্ন হইয়া গেছে কেবল হাত
পাঁচ ছয় দীপের উপর আমরা ছুটি প্রাণী
আসিয়া দাঁড়াইলাম।

উপন প্রলয় কাল, উপন আকাশে তারার

আলো ছিল না, এবং পৃথিবীর সমস্ত প্রাণীপ
নিভিয়া গেছে—তখন একটা কথা বলিলেও
কতি ছিল না—কিন্তু একটা কথাও বলা গেল
না। কেহ কাহাকেও একটা কুশল প্রসন্ন
করিল না।

কেবল ছকনে অন্ধকারের দিকে চাহিয়া
রহিলাম। পদতলে পাঁচ কণকণ উল্লসিত বৃত্তা-
শ্রোত গর্জন কারনা ছুটিয়া চলিল।

আজ সমস্ত বিশ্বসংসার ছাড়িয়া সুরবালা
আমার কাছে আসিয়া দাঁড়াইয়াছে। আজ
আমি ছাড়া সুরবালার আর কেহ নাই। কসে-
কার সেই শৈশবে সুরবালা কোন এক জন্মান্তর,
কোন এক পুণ্যতন রহস্যাকার হইতে আসিয়া
এই সূর্য্যচক্রালোকিত মোকপরিপূর্ণ পৃথিবীর
উপরে আমারই পার্শ্বে আসিয়া অংলগ্ন হইয়া-
ছিল; তার আজ কতদিন পরে সেই আনোক-
ময় লোকময় পৃথিবী ছাড়িয়া এই ভয়ঙ্কর জনশূন্য
প্রলয়াকারের মধ্যে সুরবালা একাকিনী
আমারই পার্শ্বে আসিয়া উপনীত হইয়াছে।
জন্মশ্রোতে সেই নবকলিকাকে আমার কাছে
আনিয়া কেলিয়াছিল, মৃত্যুশ্রোতে সেই বিক-
লিত পুষ্পটিকে আমারই কাছে আনিয়া কেলি-
য়াছে—এখন কেবল আর একটা চটে আসি-
লেই পৃথিবীর এই প্রান্তটুকু হইতে বিচ্ছেদের
এই বৃন্তটুকু হইতে পলিয়া আমরা দুজনে এক
হইয়া যাই।

সে চটে না আছক! স্বামীপুষ্কপুষ্কনজন
লইয়া সুরবালা চিরদিন সুখে থাকুক। আমি
এই এক রাত্রে মহাপ্রলয়ের তীরে দাঁড়াইয়া
অনন্ত আনন্দের আনন্দ পাইয়াছি।

রাত্রি প্রায় শেষ হইয়া আসিল—বড়
পৃথামিয়া গেল, জল নামিয়া গেল—সুরবালা
কোন কথা না বলিয়া বাড়ি চলিয়া গেল, আমিও
কোন কথা না বলিয়া আমার ঘরে হেগলাম।

ডাখিলাম, আমি নাখিরত হই নাই,

সেরেসাদারও হই নাই, গারিবাল্ডিও হই নাই, আমি এক ভাঙ্গা স্কুলের সেকেণ্ড মাস্টার, আমার সমস্ত ইহজীবনে কেবল স্কুলকালের জন্ত একটি অনন্তরাত্রির উদয় হইয়াছিল—আমার পর-মায়ুর সমস্ত দিনরাত্রির মধ্যে সেই একটি মাত্র রাত্রিই আমার ~~সুখ~~ জীবনের একমাত্র চরম সার্থকতা ।



বালকদিগের সন্ধ্যার ফটিক চক্রবর্তীর মাথায় চট করিয়া একটা নূতন ভাবোদয় হইল । নদীর ধারে একটা প্রকাণ্ড শালকাঠ মাস্তলে রূপান্তরিত হইবার প্রতীকায় পড়িয়াছিল, স্থির হইল সেটা সকলে মিলিয়া গড়াইয়া লইয়া যাইবে ।

যে স্যক্তির কাঠ, আবশ্যককালে তাহার যে কতখানি বিশ্বয়, বিরক্তি এবং অসুবিধা বোধ হইবে তাহাই উপলব্ধি করিয়া বালকেরা এ প্রস্তাবে সম্পূর্ণ অস্বমোদন করিল ।

কোমর বাঁধিয়া সকলেই যখন মনোযোগের সহিত কার্যে প্রবৃত্ত হইবার উপক্রম করিতেছে, এমন সময়ে ফটিকের কনিষ্ঠ মাখনলাল গম্ভীর-ভাবে সেই গুঁড়ির উপরে গিয়া বসিল, ছেলেরা তাহার এইরূপ উদার ওদাসিত্ত দেপিয়া কিছু বিমর্ষ হইয়া গেল ।

একজন আসিয়া ভয়ে ভয়ে তাহাকে একটু আধটু ঠেলিল, কিন্তু সে তাহাতে কিছুমাত্র বিচলিত হইল না, এই অকাল-তৎক্ষণানী মানব সকলপ্রকার ক্রীড়ার অসারতা সম্বন্ধে নীরবে চিন্তা করিতে লাগিল ।

ফটিক আসিয়া আক্ষালন করিয়া কহিল “দেখ, মার খাধি! এই বেলা ওঠ !”

সে তাহাতে আরও একটু নড়িয়া চড়িয়া আসনটি বেশ স্থায়ীরূপে দখল করিয়া লইল ।

এরূপ স্থলে সাধারণের নিকট রাজসম্মান বৃদ্ধা করিতে হইলে অবাধ্য ভ্রাতার গণ্ডদেশে অনতিবিলম্বে এক চড় কমাইয়া দেওয়া ফটিকের কর্তব্য ছিল—সাহস হইল না । কিন্তু এমন একটা ভাবধারণ করিল যেম ইচ্ছা করিলেই এখনি উহাকে রীতিমত শাসন করিয়া দিতে পারে; কিন্তু করিল না, কারণ পূর্বাপেক্ষা আর একটা ভাল খেলা মাথায় উদয় হইয়াছে, তাহাতে আর একটু বেশী মজা আছে । প্রস্তাব করিল, মাখনকে স্কন্ধ ঐ কাঠ গড়াইতে আরম্ভ করা যাক্ ।

মাখন মনে করিল, ইহাতে তাহার গৌরব আছে; কিন্তু অস্ত্রাস্ত্র পাখির গৌরবের স্থায় ইহার আনুমানিক যে পিপদের সম্ভাবনাও আছে তাহা তাহার কিংবা আর কাহারও মনে উদয় হয় নাই ।

ছেলেরা কোমর বাঁধিয়া ঠেলিতে আরম্ভ করিল—মারো ঠেলা হেঁইয়ো, সানাস জোয়ান হেঁইয়ো । গুড়ি একপাক খুরিতে না খুরিতেই মাখন তাহার গাম্ভীর্য, গৌরব এবং তৎক্ষণানী সমেত ভূমিসাৎ হইয়া গেল ।

খেলার আরম্ভেই এইরূপ আশাতীত ফল-লাভ করিয়া অস্ত্রাস্ত্র বালকেরা বিশেষ হৃষ্ট হইয়া উঠিল, কিন্তু ফটিক কিছু শশব্যস্ত হইল । মাখন তৎক্ষণাৎ ভূমিসাৎ ছাড়িয়া ফটিকের উপরে গিয়া পড়িল, একেবারে অন্ধভাবে মারিতে লাগিল । তাহার নাকে মুখে আচড় কাটিয়া কাঁদিতে কাঁদিতে গৃহান্তিমুখে গমন করিল । খেলা ভাঙ্গিয়া গেল ।

ফটিক গোটাকতক কাশ, উৎপাতন করিয়া লইয়া একটা অর্জননিম্ম নৌকার গলুইয়ের

উপরে চড়িয়া বসিয়া চুপচাপ করিয়া কাশের
গোড়া চিবাইতে লাগিল।

এমন সময় একটা বিদেশী নোকা ঘাটে
আসিয়া লাগিল। একটা অন্ধবয়সী ওদলোক
কাঁচা গোক এবং পাকা চুল লইয়া বাহির হইয়া
আসিলেন। বালককে জিজ্ঞাসা করিলেন “চক্র-
বর্তীদের বাড়ি কোথায়?”

বালক ডাঁটা চিবাইতে চিবাইতে কহিল
“ওই হোথা!” কিন্তু কোন দিকে যে নির্দেশ
করিল তাহারও বুঝিবার সাধ্য রহিল না।

ওদলোকটি গাভার জিজ্ঞাসা করিলেন
“কোথা?”

সে বলিল “জানিনে।” বলিয়া পূর্ববৎ
ভূগম্বল হইতে রগগ্রহণে প্রবৃত্ত হইল। বাবুটি
তখন অল্প লোকের সাহায্য অবলম্বন করিয়া
চক্রবর্তীদের গৃহের সন্মানে চলিলেন।

অবিলম্বে বাঘা বাগুদি আসিয়া কহিল
“ফটিক দাদা, মা ডাক্চে।”

ফটিক কহিল “যাব না।”

বাঘা তাহাকে বলপূর্বক আড়কোণা করিয়া
তুলিয়া লইয়া গেল, ফটিক নিঃশব্দ আক্রোশে
হাত পা ছুড়িতে লাগিল।

ফটিককে দেখিবারাত্র তাহার মা অগ্নিমূর্তি
হইয়া কহিলেন “আবার তুই মাখনকে মেরে-
চিসু!”

ফটিক কহিল “না মারিনি।”

“ফের মধ্যে কথা বল্চিসু!”

“কথখনো মারিনি! মাখনকে জিজ্ঞাসা
কর।”

মাখনকে প্রশ্ন করানে মাখন মাখনের পূর্ব
নাশিশের সমর্থন করিয়া বলিল “হী মেরেচো।”

তখন আর ফটিকের সহ হইল না। দ্রুত
গিয়া মাখনকে এক সশব্দ চড় বসাইয়া দিয়া
কহিল “ফের মধ্যে কথা।”

মা মাখনের পক্ষ লইয়া ফটিককে সবেগে

নাড়া দিয়া তাহার পৃষ্ঠে ছুটা তিনটা প্রবল
চপেটাঘাত করিলেন। ফটিক মাঝে ঠেলিয়া
দিল।

মা চীৎকার করিয়া কহিলেন “আ, তুই
আমার গায়ে হাত তুলিসু!”

এমন সময়ে সেই কাঁচপাকা বাবুটি ঘরে
চুকিয়া বলিলেন “কি হ’ছে তোমাদের!”

ফটিকের মা বিশ্বয়ে আনন্দে অভিভূত হইয়া
কহিলেন “ওমা, এ যে দাদা! তুমি কবে
এলে!” বলিয়া গড় করিয়া প্রণাম করিলেন।

বহুদিন হইল দাদা পশ্চিমে কাজ করিতে
গিয়াছিলেন, ইতিমধ্যে ফটিকের মার ছুই সন্তান
হইয়াছে, তাহার অনেকটা বাড়িয়া উঠিয়াছে;
তাহার স্বামীর মৃত্যু হইয়াছে, কিন্তু একবারও
দাদার সাক্ষাৎ পায় নাই। আজ বহুকাল
পরে দেশে ফিরিয়া আসিয়া বিশ্বস্তর বাবু
তাঁহার ভগিনীকে দেখিতে আসিলেন।

কিছুদিন খুব সমারোহে গেল। অবশেষে
বিদায় লইবার ছুই এক দিন পূর্বে বিশ্বস্তর বাবু
তাঁহার ভগিনীকে ছেলেদের পড়াশুনা এবং
মানসিক উন্নতি সম্বন্ধে প্রশ্ন করিলেন। উত্তরে
ফটিকের অবাধ্য উচ্ছ্বলতা, পাঠে অমনো-
যোগ, এবং মাখনের স্তম্ভাস্ত স্তম্ভীলতা ও
বিগামুরাগের বিবরণ শুনিলেন।

তাঁহার ভগিনী কহিলেন “ফটিক আঘার
হাড় জ্বালাতন করিয়াছে।”

শুনিয়া বিশ্বস্তর প্রস্তাব করিলেন, তিনি
ফটিককে কলিকাতায় লইয়া গিয়া নিজের কাছে
রাখিয়া শিক্ষা দিবেন। বিধবা এ প্রস্তাবে
সন্তোষিত হইলেন।

ফটিককে জিজ্ঞাসা করিলেন “কেমন রে
ফটিক, আমার সঙ্গে কলিকাতায় যাবি?”

ফটিক লাফাইয়া উঠিয়া, বলিল “যাবি।”

যদিও ফটিককে বিদায় করিতে তাহার
মাঝের আপত্তি ছিল না, কারণ তাঁহার মনে

সর্বদাই আশঙ্কা ছিল কোন্ দিন সে মাখনকে জলেই ফেলিয়া দেয়, কি মাথাই ফাটায়, কি, কি একটা দুর্ঘটনা ঘটায়, তথাপি ফটকের বিদ্যুৎগ্রহণের জন্ত এতাদৃশ আগ্রহ দেখিয়া তিনি ঈষৎ মুগ্ধ হইলেন।

“কবে যাবে” করিয়া ফটক তাহার মামাকে আশ্বর করিয়া তুলিল ; উৎসাহে তাহার রাঙে নিদ্রা হয় না।

অবশেষে যাত্রাকালে আনন্দের ওদার্থ্য-বশতঃ তাহার ছিপ ঘুড়ি লাঠাই সমস্ত মাখনকে পুত্রপৌত্রাদিক্রমে ভোগদখল করিবার পূরা অধিকার দিয়া গেল।

কলিকাতায় মামার বাড়ি পৌঁছিয়া প্রথমতঃ মামীর সঙ্গে আলাপ হইল। মামী এই অনাবশ্যক পরিবারবৃদ্ধিতে মনে মনে যে বিশেষ সন্তুষ্ট হইয়াছিলেন তাহা বলিতে পারি না। তাহার নিজের তিনটি ছেলে লইয়া তিনি নিজের নিয়মে ঘরকন্না পাতিয়া বসিয়া আছেন, ইহার মধ্যে সহসা একটি তেরো বৎসরের অপরিচিত অশিক্ষিত পাড়ার্গেয়ে ছেলে ছাড়া দিলে কিরূপ একটা বিপ্লবের সম্ভাবনা উপস্থিত হয় ! বিশ্বস্তরের এত বয়স হইল তবু কিছুমাত্র যদি জ্ঞানকাণ্ড আছে।

বিশেষতঃ তেরো চৌদ্দ বৎসরের ছেলের মত পৃথিবীতে এমন বালাই আর নাই। শোভাও নাই, কোন কাজেও লাগে না। স্নেহও উদ্রেক করে না, তাহার সঙ্গস্বখও বিশেষ প্রার্থনীয় নহে। তাহার মুখে আধ-আধ কথাও নাকামি, পাকা কথাও জ্যাঠামি, এবং কথামাত্রই প্রগল্ভতা। হঠাৎ কাপড়চোপড়ের পরিমাণ রক্ষা না করিয়া বেমানানরূপে বাড়িয়া উঠে ; লোকে সেটা তাহার একটা কুস্ত্রী স্পষ্ট স্বরূপ জ্ঞান করে। তাহার শৈশবের লালিত্য এবং কণ্ঠস্বরের মিষ্টতা সহসা চলিয়া যায়, লোকে সে জন্ত তাহাকে মনে মনে অপরাধ

না দিয়া থাকিতে পারে না। শৈশব এবং যৌবনের অনেক দোষ মাপ করা যায়, কিন্তু এই সময়ের কোন স্বাভাবিক অনিবার্য ক্রটিও যেন অসহ্য বোধ হয়।

সেও সর্বদা মনে মনে বুঝিতে পারে, পৃথিবীর কোথাও সে ঠিক খাপ খাইতেছে না ; এইজন্ত আপনার অস্তিত্ব সম্বন্ধে সর্বদা লজ্জিত এবং ক্ষমাপ্রার্থী হইয়া থাকে। অথচ এই বয়সেই স্নেহের জন্ত কিঞ্চিৎ অতিরিক্ত কাতরতা মনে জন্মায়। এই সময়ে যদি সে কোন সহায় ব্যক্তির নিকট হইতে স্নেহ কিংবা সখ্য লাভ করিতে পারে তবে তাহার নিকট আত্মবিক্রীত হইয়া থাকে। কিন্তু তাহাকে স্নেহ করিতে কেহ সাহস করে না, কারণ সেটা সাধারণে প্রশ্রয় বলিয়া মনে করে। সুতরাং তাহার চেহারা এবং ভাবধানা অনেকটা প্রভুহীন পথের কুকুরের মত হইয়া যায়।

অতএব এমন অবস্থায় মাতৃভবন ছাড়া আর কোন অপরিচিত স্থান বালকের পক্ষে নরক। চারিদিকের স্নেহশূন্য বিরাগ তাহাকে পদে পদে কাঁটার মত বিধে। এই বয়সে সাধারণতঃ নারীজাতিতে কোন এক শ্রেষ্ঠ স্বর্গলোকের দুর্লভ জীব বলিয়া মনে ধারণা হইতে আরম্ভ হয়, অতএব তাঁহাদের নিকট হইতে উপেক্ষা অত্যন্ত দুঃসহ বোধ হয়।

মামীর স্নেহহীন চক্ষে সে যে একটা দুর্গ-হের মত প্রতিভাত হইতেছে এইটে ফটককে সবচেয়ে বাজিত। মামী যদি দৈবাৎ তাহাকে কোন একটা কাজ করিতে বলিতেন, তাহা হইলে সে মনের আনন্দে যতটা আবশ্যক তার চেয়ে বেশী কাজ করিয়া ফেলিত, অবশেষে মামী যখন তাহার উৎসাহ দমন করিয়া বলিতেন “চের হয়েচে, চের হয়েচে !” অত আর তোমার হাত দিতে হবে না ! এখন তুমি নিজের কাজে মন দাওগে ! একটু পড়গে

যাও !” তখন তাহার মানসিক উন্নতির প্রতি মামীর এতটা মনোযোগ তাহার অশাস্ত্র নিষ্ঠুর অবিচার বলিয়া মনে হইত।

ঘরের মধ্যে এইরূপ অনাদর, ইহার পর আবার হাঁক ছাড়িবার জায়গা ছিল না। দেয়ালের মধ্যে আটকা পড়িয়া কেবলি শহর সেই গ্রামের কথা মনে পড়িত।

প্রকাণ্ড একটা খাউস্‌ যুড়ি মইয়া বো বো শব্দে উড়াইয়া বেড়াইবার সেই মাঠ, “তাইরে নাইরে নাইরে না” করিয়া উচ্চৈঃস্বরে স্বরচিত রাগিণী আলাপ করিয়া অকর্ণগ্যাভাবে ঘুরিয়া বেড়াইবার সেই নদীতীর, দিনের মধ্যে যখন-তখন কাঁপ দিয়া পড়িয়া সঁতার কাটিবার সেই সঙ্গীত শ্রোতস্বিনী, সেই সব দলবল, উপদ্রব, স্বাধীনতা এবং সর্বোপরি সেই অত্যাচারিণী অবিচারিণী মা অহনিশি তাহার নিকৃপায় চিত্তকে আকর্ষণ করিত।

জন্মের মত এক প্রকার অবস্থা ভালবাসা— কেবল একটা কাছে ঘাইবার অঙ্ক ইচ্ছা, কেবল একটা না দেখিয়া অব্যক্ত ব্যাকুলতা, গোপলি সময়ের মাতৃহীন বৎসের মত কেবল একটা আন্তরিক মা মা ক্রন্দন—সেই লজ্জিত শব্দিত শীর্ণ দীর্ঘ অস্থির বালকের অস্তরে কেবলি আলোড়িত হইত।

স্কুলে এত বড় নিরীক্ষা এবং অমনোযোগী বালক আর ছিল না। একটা কথা জিজ্ঞাসা করিলে সে হাঁ করিয়া চাহিয়া থাকিত। মাষ্টার যখন মার আরম্ভ করিত তখন তারল্লাস্ত গর্দভের মত নীরবে সহ্য করিত। ছেলেরের যখন খেলিবার ছুটি হইত তখন জামালার কাছে দাঁড়াইয়া দূরের খাড়াগুলার ছাদ মিরীক্ষণ করিত; যখন সেই দ্বিপ্রহর রৌদ্রে কোন একটা ছাদে ছুটি একটি ছেলে মেয়ে কিছু একটা খেলার ছলে ক্রশকের জন্ত দেখা দিয়া ঘাইত তখন তাহার চিত্ত অধীর হইয়া উঠিত।

একদিন অমেক প্রতিজ্ঞা করিয়া অনেক দাহসে মামাকে জিজ্ঞাসা করিয়াছিল—“মামা, মার কাছে কবে যাব ?”

মামা বলিয়াছিলেন “স্কুলের ছুটি হোক।” কার্তিক মাসে পূজার ছুটি সে এখনো টের দেয়ী।

একদিন কার্তিক তাহার স্কুলের বই হারাইয়া ফেলিল। একেত সহজেই পড়া তৈরি হয় না, তাহার পর বই হারাইয়া একেবারে নাচার হইয়া পড়িল। মাষ্টার প্রতিদিন তাহাকে অত্যন্ত মারধোর অপমান করিতে আরম্ভ করিলেন। স্কুলে তাহার এমন অবস্থা হইল যে তাহার মামাতো ভাইরা তাহার সহিত সর্বত্র স্বীকার করিতে লজ্জা বোধ করিত। ইহার কোন অপমানে তাহারা অস্ত্রাশ্র বালকের চেয়েও যেন বলপূর্বক বেশী করিয়া আঘাত প্রকাশ করিত।

অসহ্য বোধ হওয়াতে একদিন কার্তিক তাহার মামীর কাছে নিতান্ত অপরাধীর মত গিয়া কহিল “বই হারিয়ে ফেলেছি।”

মামী অধরের ছই প্রান্তে বিবস্ত্রিত রেখা আঁকিত করিয়া বলিলেন, “বেশ করেচ, আমি তোমাকে মাসের মধ্যে পাঁচবার করে বই কিনে দিতে পারিনে !”

কার্তিক আর কিছু না বলিয়া চলিয়া আসিল—সে যে পত্রের পরসান নষ্ট করিতেছে এই মনে করিয়া তাহার মায়ের উপর অজান্তে অভিমান উৎপন্ন হইল, নিজের হীনতা এবং দৈন্ত তাহাকে মাটির সহিত মিশাইয়া ফেলিল।

স্কুল হইতে ফিরিয়া সেই সাত্রে তাহার মাথাব্যথা করিতে লাগিল এবং গা সিরসিব করিয়া আসিল। বৃষ্টিতে পারিল তাহার আর আসিবেছে। বৃষ্টিতে পারিল বামো বাধাইলে তাহার মামীর প্রতি অত্যন্ত অনর্থক উপদ্রব করা হইবে। মামী এই ব্যামোটাকে যে কিরণ একটা অকারণ অনাবশ্যক জালাতনের

স্বরূপ দেখিবে তাহা সে স্পষ্ট উপলব্ধি করিতে পারিল। রোগের সময় এই অকর্ষণ্য অসুস্থ নিরীক্ষা স্বাস্থ্যক পৃথিবীতে নিজেয় মা ছাড়া আর কাহারও কাছে সেরা পাইতে পায় এরণ প্রত্যাশা করিতে তাহার লজ্জা বোধ হইতে লাগিল।

পরদিন প্রাতঃকালে ফটিককে আর দেখা গেল না। চতুর্দিকে প্রতিকেরীদের যত্ন খোঁজ করিয়া তাহার কোম দরাস পাওয়া গেল না।

সেদিন আবার রাজি হইতে মূলধারে শ্রাবণের বৃষ্টি পড়িতেছে। স্তম্ভাং তাহার খোঁজ করিতে লোকজনকে অনর্থক অনেক ভিজিতে হইল। অবশেষে কোথাও না পাইয়া বিখম্বর বাবু গুলিবে পথ দিলেন।

সমস্ত দিনের পর সন্ধ্যার সময় একটা গাড়ি আসিয়া বিখম্বর বাবুর বাড়ির সম্মুখে দাঁড়াইল। তখনও রূপ রূপ করিয়া অধিশ্রাম বৃষ্টি পড়িতেছে ; রাস্তায় একইটু জল দাঁড়াইয়া গিয়াছে।

হইজন পুলিদের স্নোক গাড়ি হইতে ফটিককে ধরাধরি করিয়া নামাইয়া বিখম্বর বাবুর নিকট উপস্থিত করিল। তাহার আপাত মস্তক ভিজা, সর্সীকে কাছা, মুখ চক্ষু স্নেহিতবর্ণ, ধরধর করিয়া কাঁপিতেছে। বিখম্বর বাবু প্রায় কোলে করিয়া তাহাকে অন্তঃপুরে লইয়া গেলেন।

মামী তাহাকে দেখিয়াই বলিয়া উঠিলেন—
“কেন বাপু, পরের ছেলেকে নিয়ে কেন এ কর্ণভোগ ! দাঁও গুকে বাড়ি পাঠিয়ে দাঁও !”

বাস্তবিক, সমস্ত দিন হুশিয়ার্য তাঁহার ভালরূপ আহাঙ্গাদি হয় নাই, এবং নিজের ছেলেদের সহিতও নাহক অনেক খিট্‌মিট্‌ করিয়াছেন।

ফটিক কাঁদিয়া উঠিয়া কহিল “আমি মার কাছে যাচ্ছিলুম, আমাকে কিয়িয়ে এনেচে।”

বালকের অস্বাভাবিক বর্ণনা শুনি। সমস্ত

রাজি প্রলাপ বকিতে লাগিল। বিখম্বর বা চিকিৎসক লইয়া আসিলেন।

ফটিক তাহার রক্তন্নর্গ চক্ষু একবার উন্মী-
লিত করিয়া কড়িকাঠের দিকে হতমুখিভাবে
জাকাইয়া কহিল “মামী, আমার ছুটি হেরেছি কি ?

বিখম্বর বাবু সন্মালে চোখ মুছিয়া সম্মেহে
ফটিকের শীর্ণ তন্তু হাতখানি হাতের উপর
তুলিয়া লইয়া তাহার কাছে আসিয়া বসিলেন।

ফটিক আবার বিড়কি করিয়া বকিতে
লাগিল—বলিল “মা, আমাকে মারিসনে মা।
সত্যি বল্‌চি আমি কোন দোষ করিনি।”

পরদিন দিনের বেলা কিছুকণের জন্ত
সচেতন হইয়া ফটিক তাহার প্রত্যাশায় ক্যাল-
ফ্যাল করিয়া ঘরের চারিদিকে চাছিল।
নিরাশ হইয়া আবার নীরবে দেয়ালের দিকে
মুগ্ধ করিয়া পাশ ফিরিয়া গুইল।

বিখম্বর বাবু তাহার মনের ভাব বুকিয়া
তাহার কাণের সর্সীকে মুগ্ধ নত করিয়া মৃদুভাবে
কহিলেন “ফটিক, তোর মাকে আনতে
পাঠিয়েচি।”

তাহার পরদিনও কাটিয়া গেল। ডাক্তার
চিন্তিত কিম্বধ মুখে আনাইলেন অস্বাভাবিক বড়ই
ধারাপ।

বিখম্বর বাবু স্তিমিতপ্রদীপে রোগশয্যায়
বসিয়া প্রতিমুহুর্তেই ফটিকের মাতার জন্ত
প্রতীক্ষা করিতে লাগিলেন।

ফটিক পালাবীদের মত সুর করিয়া করিয়া
বলিতে লাগিল “এক বাঁও মেলে না। দো বাঁও
মেলে—এ—এ—না।” কলিকাতায় আসিবার
সময় কতকটা রাস্তা সীমারে আসিতে হইয়া-
ছিল, পালাবীরা কাছি ফেলিয়া সুর করিয়া
জল মাপিত ; ফটিক প্রলাপে তাহাদেরই অনু-
করণে করণধরে জল মাপিতেছে এবং যে
অকুল সমুদ্রে সাজা করিতেছে বালক যশি
ফেলিয়া কোথাও তাহার জল পাইতেছে না।

এমন সময়ে ফটকের মাতা ঝড়ের মত ঘরের মধ্যে প্রবেশ করিয়াই উচ্চ কলরবে শোক করিতে লাগিলেন। বিশ্বস্তর বহুকষ্টে তাঁহার শোকোচ্ছ্বাস নিবৃত্ত করিলে তিনি শয্যার উপর আছাড় খাইয়া পড়িয়া উঠেঃস্বরে ডাকিলেন “ফটক, সোণার মাণিক আমার !”

ফটক যেন অতি সহজেই তাহার উত্তর দিয়া কহিল “অ্যাঁ !”—

মা আবার ডাকিলেন “ওরে ফটক, বাপধনরে !”

ফটক আস্তে আস্তে পাশ ফিরিয়া কাহাকেও লক্ষ্য না করিয়া মৃদুস্বরে কহিল “মা, এখন আমার ছুটি হয়েছে মা, এখন আমি বাড়ি যাচ্ছি।”

—:~:—

দানপ্রতিদান ।

বড় গিন্নি যে কথাগুলো বলিয়া গেলেন তাহার ধার যেমন তাহার বিষণ্ড তেমনি। যে হতভাগিনীর উপর প্রয়োগ করিয়া গেলেন তাহার চিত্তপুত্রলি একেবারে জলিয়া জলিয়া লুটিতে লাগিল।

বিশেষতঃ কথাগুলো তাহার স্বামীর উপর লক্ষ্য করিয়া বলা—এবং স্বামী রাধামুকুন্দ তখন রাত্রের আহার সমাপন করিয়া অনতিদূরে বসিয়া তাবুলের সহিত তাম্বকুটধ্বস্ত সংযোগ করিয়া পাণ্ড পরিপাকে প্রবৃত্ত ছিলেন। কথাগুলো শ্রুতিপথে প্রবেশ করিয়া তাঁহার পরিপাকের যে বিশেষ ব্যাঘাত করিল এমন বোধ হইল না। অবিচলিত গাঙ্গীর্যের সহিত তাম্বকুট নিঃশেষ করিয়া অভ্যাসমত যথাকালে শয়ন করিতে গেলেন।

কিন্তু এরূপ অসামান্য পরিপাকশক্তি সকলের নিকটে প্রত্যাশা করা যাইতে পারে না। রাসমণি আজ শয়নগৃহে আসিয়া স্বামীর সহিত এমন ব্যবহার করিল বাহা ইতিপূর্বে সে কখনো করিতে সাহস করে নাই। অন্তর্দিন শাস্তভাবে শয্যায় প্রবেশ করিয়া নীরবে স্বামীর পদসেবায় নিবৃত্ত হইত, আজ একেবারে সবেগে কক্ষণ ঝঙ্কার করিয়া স্বামীর প্রতি বিমুগ্ধ হইয়া বিছানার একপাশে শুইয়া পড়িল এবং ক্রন্দনাবেগে শয্যাতল কম্পিত করিয়া তুলিল।

রাধামুকুন্দ তৎপ্রতি মনোযোগ না দিয়া একটা প্রকাণ্ড পাশবালিশ আঁকড়িয়া ধরিয়া নিজের চেষ্টা করিতে লাগিলেন। কিন্তু তাঁহার এই উদাসীন্তে স্বীর অর্ধৈর্ধ্য উত্তরোত্তর বাড়িয়া উঠিতেছে দেখিয়া অবশেষে মৃদুগম্ভীর স্বরে জানাইলেন যে, তাঁহাকে বিশেষ কার্যবশতঃ ভোরে উঠিতে হইবে, এক্ষণে নিদ্রা আবশ্যিক।

স্বামীর কণ্ঠস্বরে রাসমণির ক্রন্দন আর বাধা মানিল না, মূহুর্ত্তে উদ্বেলিত হইয়া উঠিল। রাধামুকুন্দ জিজ্ঞাসা করিলেন “কি হইয়াছে ?”

রাসমণি উচ্ছ্বসিত স্বরে কহিলেন “শোন নাই কি ?”

রাধামুকুন্দ। শুনিয়াছি। কিন্তু বৌঠা-করণ একটা কথাও ত মিথ্যা বলেন নাই। আমি কি দাদার অল্পেই প্রতিপালিত নহি ? তোমার এই কাপড়চোপড় গহনাপত্র এ সমস্ত আমি কি আমার বাপের কড়ি হইতে আনিয়া দিয়াছি ? যে পাইতে পরিতে দেয় সে যদি দুটো কথা বলে, তাহাও পাওয়াপরার সামিল করিয়া লইতে হয়।

“এমন খাওয়াপরায় কাজ কি ?”

“বাঁচিতে ত হইবে।”

“মরণ হইলেই ভাল হয়।”

“যতক্ষণ না হয় ততক্ষণ একটু ঘুমাইবার চেষ্টা কর, আরাম বোধ করিবে।”

বলিয়া রাধামুকুন্দ উপদেশ ও দৃষ্টান্তের সামঞ্জস্য-সাধনে প্রবৃত্ত হইলেন।

রাধামুকুন্দ ও শশিভূষণ সহোদর ভাই নহে, নিতান্ত নিকট-সম্পর্কও নয়; প্রায় গ্রাম-সম্পর্ক বলিলেই হয়। কিন্তু প্রীতিবন্ধন সহোদর ভাইয়ের চেয়ে কিছু কম নহে। বড় গিন্নি ব্রজ-সুন্দরীর সেটা কিছু অসহ্য বোধ হইত। বিশেষতঃ শশিভূষণ দেওয়ান-খোওয়া সম্বন্ধে ছোটবোয়ের অপেক্ষা নিজ স্ত্রীর প্রতি অধিক পক্ষপাত করিতেন না। বরঞ্চ যে জিনিষটা নিতান্ত একঘোড়া না মিলিত, সেটা গৃহিণীকে বঞ্চিত করিয়া ছোট বোকেই দিতেন। তাহা ছাড়া অনেক সময়ে তিনি স্ত্রীর অনুরোধ অপেক্ষা রাধামুকুন্দের পরামর্শের প্রতি বেশী নির্ভর করিতেন তাহার পরিচয় পাওয়া যায়। শশিভূষণ লোকটা নিতান্ত ঢিলাঢালা। রকমের, তাই ঘরের কাজ এবং বিষয়কর্মের সমস্ত ভার রাধামুকুন্দের উপরেই ছিল। বড় গিন্নির সর্বদাই সন্দেহ রাধামুকুন্দ তলে তলে তাঁহার স্বামীকে বঞ্চনা করিবার আয়োজন করিতেছে— তাহার যতই প্রমাণ পাওয়া যাইত না, রাধার প্রতি তাঁহার বিদ্বেষ ততই বাড়িয়া উঠিত! মনে করিতেন, প্রমাণগুলোও অন্তায় করিয়া তাঁহার বিরুদ্ধ পক্ষ অংশখন করিয়াছে, এই জ্ঞান তিনি আবার প্রমাণের উপর রাগ করিয়া তাহাদের প্রতি নিরতিশয় অবজ্ঞা প্রকাশপূর্বক নিজের সন্দেহকে ঘরে বসিয়া দ্বিগুণ দৃঢ় করিতেন। তাঁহার এই বহুঘটনাপোষিত মানসিক আঙ্গুন আগ্নেয় গিরির অগ্ন্যুৎপাতের স্তায় ভূমিকম্প সংকারে প্রায় মানে মানে উচ্ছ্বাসযায় উচ্ছ্বসিত হইত।

রাতে রাধামুকুন্দের ঘুমের ব্যাধাত হইয়াছিল কি না বলিতে পারি না—কিন্তু পরদিন

সকালে উঠিয়া তিনি বিরসমুখে শশিভূষণের নিকট গিয়া দাঁড়াইলেন। শশিভূষণ ব্যস্তসমস্ত হইয়া জিজ্ঞাসা করিলেন “বাধে, তোমায় এমন দেখিতেছি কেন? অসুখ হয় নাই তা?”

রাধামুকুন্দ মুহূর্ত্তের ধীরে ধীরে কহিলেন “দাদা, আর ত আমার এখানে থাকি হয় না”। এই বলিয়া গভ সন্ধ্যাকালে বড় গৃহিণীর আক্রমণ-বৃত্তান্ত সংক্ষেপে এবং শাস্তভাবে বর্ণনা করিয়া গেলেন।

শশিভূষণ হাসিয়া কহিলেন “এই! এত নূতন কথা নহে। ওত পরের ঘরের মেয়ে, স্বযোগ পাইলেই ততো কথা বলিবে, তাই বলিয়া কি ঘরের লোককে ছাড়িয়া যাইতে হইবে। কথা আমাকেও ত মাঝে মাঝে শুনিতে হয়, তাই বলিয়া ত সংসারত্যাগ করিতে পারি না”।

রাধা কহিলেন “মেয়েমানুষের কথা কি আর সহিতে পারি না, তবে পুরুষ হইয়া জন্মিলাম কি করিতে! কেবল ভয় হয়, তোমার সংসারে পাছে অশান্তি ঘটে”।

শশিভূষণ কহিলেন “তুমি গেলে আমার কিসের শান্তি”!

আর অধিক কথা হইল না। রাধামুকুন্দ দীর্ঘনিশ্বাস ফেলিয়া চলিয়া গেলেন, তাঁহার জদয়ভার সমান রহিল।

এদিকে বড় গৃহিণীর আক্রোশ ক্রমশই বাড়িয়া উঠিতেছে। সহস্র উপলক্ষে যখন-তখন তিনি রাধাকে খোঁটা দিতে পারিলে ছাড়েন না; মুহূর্ত্ত বাক্যবাণে রাসমণির অন্তরান্নাকে একপ্রকার শরশয্যাশায়ী করিয়া তুলিলেন। রাধা যদিও চুপচাপ করিয়া তামাক টানেন এবং স্ত্রীকে ক্রন্দনোন্মুখী দেখিবামাত্র চোখ বুজিয়া নাক ডাকাইতে আরম্ভ করেন, তবু ভাবে বোধ হয় তাঁহারও অসহ্য হইয়া আসিয়াছে।

কিন্তু শশিভূষণের সহিত তাই র সন্দেহ

আজিকার নহে—তুই ভাই যখন প্রাতঃকালে শান্তাভাত খাইয়া পাংতাড়ি কক্ষে একসঙ্গে পাঠ-শালায় বাইত, উভয়ে যখন একসঙ্গে পরামর্শ করিয়া গুরুমহাশয়কে ফাঁকি দিয়া পাঠশালা হইতে পালাইয়া রাখিল-ছেলেদের সঙ্গে মিশিয়া নানাবিধ খেলা ফাঁদিত, এক বিছানায় শুইয়া স্তিমিত আলোকে মাসীর নিকট গল্প শুনিও, ঘরের লোককে লুকাইয়া রাতে দূর পল্লীতে যাত্রা শুনিতে বাইত এবং প্রাতঃকালে ধরা পড়িয়া অপরাধ এবং শাস্তি উভয়ে সমান ভাগ করিয়া লইত—তখন কোথায় ছিল ব্রজসুন্দরী, কোথায় ছিল রাসমণি ! জীবনের এতগুলো দিনকে কি একদিনে বিচ্ছিন্ন করিয়া চলিয়া যাওয়া যায় ? কিন্তু এই বন্ধন যে স্বার্থপরতার বন্ধন, এই প্রগাঢ় প্রীতি যে পরান্ন প্রত্যাশার সূচুর ছদ্মবেশ, এরূপ সন্দেহ, এরূপ আভাসমাত্র তাঁহার নিকট বিষতুল্য বোধ হইত, অতএব আর কিছুদিন এরূপ চলিলে কি হইত বলা যায় না। কিন্তু এমন সময়ে একটা গুরুতর ঘটনা ঘটিল।

যে সময়ের কথা বলিতেছি সে গাজ চম্পিশ পঞ্চাশ বৎসর পূর্বেকার কথা। তখন নিকিষ্ট দিনে স্বর্ঘ্যাস্তের মধ্যে গবর্ণমেন্টের খাজনা শোধ না করিলে জমিদারী সম্পত্তি নিলাম হইয়া যাইত।

একদিন পবর ম সিন্ধ শশিভূষণের একমাত্র জমিদারী পরগণা এনাংসাহী জাটের খাজনার দায়ে নিলাম হইয়া গেছে।

রাধামুকুন্দ তাঁহার স্বাভাবিক মুহু প্রশান্ত-ভাবে কহিলেন “আমারই দোষ”! শশিভূষণ কহিলেন “তোমার কিসের দোষ! তুমি ত খাজনা চালান দিয়াছিলে, পথে যছি ডাকাতে পড়িয়া লুটিয়া গল্প, তুমি তাহার কি করিতে পার?”

দোষ কহাৰ এক্ষণে তাহা স্থির করিতে বসিয়া কোন ফল নাই—এখন সংসার চালাইতে

হইবে। শশিভূষণ হঠাৎ যে কোন কাজকর্মে হাত দিবেন সেসকল তাঁহার স্বভাব ও শিক্ষা নহে। তিনি কোন ঘাটের বাধা সোপান হইতে পিছলিয়া এক মুহুর্তে ডুবজলে গিয়া পড়িলেন।

প্রথমেই তিনি জীব গহনা বন্ধক দিতে উদ্বৃত্ত হইলেন। রাধামুকুন্দ এক খলে টাকা সম্মুখে কেলিয়া ডাকাতে বাধা দিলেন। তিনি পূর্বেই নিজ জীব গহনা বন্ধক রাখিয়া যথোপ-যুক্ত অর্থ সংগ্রহ করিয়াছিলেন।

সংসারে একটা এই মহৎ পরিবর্তন দেখা গেল, সম্পৎকালে গৃহিনী বাহাকে দূর করিবার সহস্র চেষ্টা করিয়াছিলেন, বিপৎকালে তাহাকে ব্যাকুলভাবে অবলম্বন করিয়া ধরিলেন। এই সময়ে তুই আভার মধ্যে কাহার উপরে অধিক নির্ভর করা বাইতে পারে তাহা বুঝিয়া লইতে তাঁহার বিলম্ব হইল না। কখনো যে রাধামুকুন্দের প্রতি তাঁহার ভিলমাত্র বিদেবভাব ছিল এখন আর তাহা প্রকাশ পায় না।

রাধামুকুন্দ পূর্বে হইতেই স্বাধীন উপা-র্জননের জন্ত প্রস্তুত হইয়াছিল। নিকটবর্তী সহরে সে মোস্তফারি আরম্ভ করিয়া দিল। তখন মোস্তফারি-ব্যবসয়ে আয়ের পথ এখনকার অপেক্ষা বিস্তৃত ছিল, এবং তীক্ষ্ণবুদ্ধি সাধনানী রাধামুকুন্দ প্রথম হইতেই পসার জমাইয়া হুলিল। ক্রমে সে জিলার অধিকাংশ বড় বড় জমিদারের কার্যভার গ্রহণ করিল।

একণে রাসমণির অবস্থা পূর্বের ঠিক বিপ-রীত। এখন রাসমণির স্বামীর অগ্নেই শশি-ভূষণ এবং ব্রজসুন্দরী প্রতিপালিত। সে কথা লইয়া সে স্পষ্ট কোন গর্ক করিয়াছিল কি না জানি না, কিন্তু কোন একদিন বোধ করি আভাসে ইঙ্গিতে ব্যবহারে সেই ভাব ব্যক্ত করিয়াছিল ; বোধ করি, দেমাকের সহিত পা কেলিয়া এবং হাত জলাইয়া কোন একটা বিষয়ে বড় গিল্লির ইচ্ছার প্রতিকূলে নিজেয় গনোমত

কাজ করিয়াছিল—কিন্তু সে কেবল একটি দিন মাত্র—তাহার পরদিন হইতে সে যেন পূর্বের অপেক্ষাও নম্র হইয়া গেল। কারণ, কথাটা তাহার স্বামীর কাণে গিয়াছিল; এবং রাড্রে রাধামুকুন্দ কি কি যুক্তি প্রয়োগ করিয়াছিল ঠিক বলিতে পারি না, পরদিন হইতে তাহার মুখে আর রা বহিল না, বড় গিল্লির দাসীর মত হইয়া রহিল;—শুনা যায়, রাধামুকুন্দ সেই রাড্রেই জীকে তাহার পিতৃভবনে পাঠাইবার উদ্দেশ্যে করিয়াছিল এবং সপ্তাহকাল তাহার মুখদর্শন করে নাই—অবশেষে ব্রজসুন্দরী ঠাকুরপোর হাতে ধরিয়া অনেক মিনতি করিয়া দম্পতির মিলনসাধন করাইয়া দেন; এবং বলেন, “ছোটবো ত সে দিন আসিয়াছে, আর আমি কতকাল হইতে তোমাদের ঘরে আছি ভাই। তোমাতে আমাতে যে চিরকালের প্রিয়সম্পর্ক তাহার মধ্যদা ও কি বৃথিতে শিথিয়াছে? ও ছেলেমানুষ, উহাকে মাপ করা।”

রাধামুকুন্দ সংসারধরচের সমস্ত টাকা ব্রজসুন্দরীর হাতে আনিয়া দিতেন। রাসমণি নিজের আবশ্যকীয় ব্যয় নিয়ম অনুসারে অথবা প্রার্থনা করিয়া ব্রজসুন্দরীর নিকট হইতে পাইতেন। গৃহমধ্যে বড় গিল্লির অসস্ত পূর্কোপেক্ষা ভাল বই মন্দ নহে, কারণ, পূর্কোই বলিয়াছি শশিভূষণ স্নেহবশে এবং নানা বিবেচনায় রাসমণিকে বরঞ্চ অনেক সময় অধিক পক্ষপাত দেখাইতেন।

শশিভূষণের মুখে কদমিও তাঁহার সহজ প্রকৃতি হাতের বিক্রম ছিল না কিন্তু গোপন অস্থখে তিনি প্রতিদিন ক্লম হইয়া বাইতে-ছিলেন। আর কেহ তাহা ততটা লক্ষ্য করে নাই, কেবল দাদার মুখ দেখিয়া রাধার চক্ষে নিশা ছিল না। অনেক সময়ে গভীর রাড্রে রাসমণি জাগ্রৎ হইয়া দেখিত, গভীর দীর্ঘ

নিশাস ফেলিয়া অশান্তভাবে রাধা এপাশ ওপাশ করিতেছে।

রাধামুকুন্দ অনেক সময় শশিভূষণকে গিয়া আশ্বাস দিত, “তোমার কোন ভাবনা নাই দাদা। তোমার পৈতৃক বিষয় আমি কিরাইয়া আনিব—কিছুতেই ছাড়িয়া দিব না। বেশী দিন দেবীও নাই।”

বাস্তবিক বেশী দিন দেবীও হইল না। শশিভূষণের সম্পত্তি যে ব্যক্তি নিলামে খরিদ করিয়াছিল, সে ব্যবসায়ী লোক, জমিদারীর কাজে সম্পূর্ণ অনভিজ্ঞ। সন্মানের প্রত্যাশায় কিনিয়াছিল, কিন্তু ঘর হইতে সদর খাজনা দিতে হইত—এক পয়সা মুনকা পাইত না। রাধামুকুন্দ বৎসরের মধ্যে দুই একবার লাঠিয়াল লইয়া লুঠপাট করিয়া খাজনা আদায় করিয়া আনিত। প্রজারাও তাহার বাধ্য ছিল। অপেক্ষাকৃত নিয়ন্ত্রণাতীত ব্যবসায়ী জমিদারকে তাহার মনে মনে স্রণা করিত, এবং রাধামুকুন্দের পরামর্শে ও সাহায্যে সর্বপ্রকারেই তাহার বিরুদ্ধাচরণ করিতে লাগিল।

অবশেষে সে বেচারি বিস্তর মোকদ্দমা-মামলা করিয়া বারবার অকৃতকার্য হইয়া এই ঝগড়া হাত হইতে ঝাড়িয়া ফেলিবার জন্ত উৎসুক হইয়া উঠিল। সামান্য মূল্যে রাধামুকুন্দ সেই পূর্ব সম্পত্তি পুনর্বার কিনিয়া লইলেন।

লেখায় যত অল্পদিন মনে হইল আসলে ততটা নয়। ইতিমধ্যে প্রায় দশবৎসর উত্তীর্ণ হইয়া গিয়াছে। দশবৎসর পূর্কো শশিভূষণ যৌবনের সর্বপ্রাপ্ত প্রৌঢ় বয়সের অস্বস্ততাগে ছিলেন কিন্তু এই আট দশ বৎসরের মধ্যেই তিনি যেন অস্বস্তক মানসিক উত্তাপের কাশ্ময়ানে চড়িয়া একেবারে সবেগে বার্কিকোর মাঝখানে আসিয়া পৌঁছিয়াছেন। পৈতৃক সম্পত্তি যখন ফিরিয়া পাইলেন, তখন কি জানি কেন, আর তেমন প্রকৃতি হইতে পারিলেন না। কহিল

অব্যবহারে হৃদয়ের বীণাঘন বোধ করি বিকল হইয়া গিয়াছে, এখন সহস্রবার তার টানিয়া বাঁধিলেও টিগা হইয়া নামিয়া যায়—সে স্বর আর কিছুতেই বাহির হয় না।

গ্রামের লোকেরা বিস্তর আনন্দ প্রকাশ করিল। তাহারা একটা ভোজের জন্ত শশিভূষণকে গিয়া ধরিল। শশিভূষণ রাধামুকুন্দকে দ্বিজ্ঞাসা করিলেন “কি বল ভাই?”

রাধামুকুন্দ বলিলেন “অবশ্য শুভদিনে আনন্দ করিতে হইবে কি!”

গ্রামে এমন ভোজ বহুকাল হয় নাই। গ্রামের ছোট বড় সকলেই গাইয়া গেল। বান্ধপেরা দক্ষিণা এবং হুঃখিকাঙ্কালগণ পয়সা ও কাপড় পাঠিয়া আশীর্বাদ করিয়া চলিয়া গেল।

শীতের আরম্ভে গ্রামে তখন সময়টা খারাপ ছিল, তাহার উপরে শশিভূষণ পরিবেশনাদি বিবিধ কার্যে তিন চারি দিন বিস্তর পরিশ্রম এবং অনিয়ম করিয়াছিলেন, তাঁহার ভগ্ন শরীরে আর সহিল না—তিনি একেবারে শয্যাশায়ী হইয়া পড়িলেন। অস্তান্ত দুরূহ উপসর্গের সহিত কল্প দিয়া জ্বর আসিল—বৈজ্ঞ মাথা নাড়িয়া কহিল “বড় শক্ত ব্যাধি।”

রাত্রি দুই তিন প্রহরের সময় রোগীর ঘর হইতে সকলকে বাহির করিয়া দিয়া রাধামুকুন্দ কহিলেন “দাদা, তোমার অবর্তমানে বিষয়ের অংশ কাহাকে কিরূপ দিব সেই উপদেশ দিয়া যাও।”

শশিভূষণ কহিলেন “ভাই, আমার কি আছে যে কাহাকে দিব!”

রাধামুকুন্দ কহিলেন “সবই ত তোমার!”

শশিভূষণ উত্তর দিলেন “এককালে আমার ছিল, এখন আমার নহে।”

রাধামুকুন্দ অনেক ক্ষণ চুপ করিয়া বসিয়া রছিল। বসিয়া বসিয়া শয্যার এক অংশের চাদর ছই হাত দিয়া বারবার সমান করিয়া দিতে

লাগিল। শশিভূষণের শ্বাসক্রিয়া কষ্টসাধ্য হইয়া উঠিল।

রাধামুকুন্দ তখন শয্যাশ্রান্তে উঠিয়া বসিয়া রোগীর পা দুটি ধরিয়া কহিল “দাদা, আমি যে মহাপাতকের কাজ করিয়াছি, তাহা তোমাকে বলি, আর ত সময় নাই।”

শশিভূষণ কোন উত্তর করিলেন না—রাধামুকুন্দ বলিয়া গেলেন—সেই স্বাভাবিক শাস্ত-ভাব এবং বীরে ধীরে কথা, কেবল মাঝে মাঝে এক একটা দীর্ঘনিশ্বাস উঠিতে লাগিল। “দাদা, আমার ভাল করিয়া বলিবার ক্ষমতা নাই। মনের যথার্থ যে ভাব সে অন্তর্ধামী জানেন, আর পৃথিবীতে যদি কেহ বৃত্তিতে পারে ত হয় ত তুমি পারিবে! বালককাল হইতে তোমাতে আমাতে অন্তরে প্রভেদ ছিল না, কেবল বাহিরে প্রভেদ। কেবল এক প্রভেদ ছিল, তুমি ধনী আমি দরিদ্র। যখন দেখিলাম সেই সামান্ত সূত্রে তোমাতে আমাতে বিচ্ছেদের সম্ভাবনা ক্রমশই গুরুতর হইয়া উঠিতেছে, তখন আমিই সে প্রভেদ লোপ করিয়াছিলাম। আমিই সদর রাজনা লুঠ করাইয়া তোমার সম্পত্তি নিলাম করাইয়াছিলাম।”

শশিভূষণ তিলমাত্র বিশ্বয়ের ভাব প্রকাশ না করিয়া জীবৎ হাসিয়া মৃদুস্বরে রুদ্ধ উচ্চারণে কহিলেন, “ভাই ভালই করিয়াছিলে। কিন্তু যেজন এত করিলে তাহা কি সিদ্ধ হইল? কাছে কি রাখিতে পারিলে? দয়াময় হরি!” বলিয়া প্রশান্ত মুহূ হাস্যের উপরে দুই চক্ষু হইতে দুই বিন্দু অশ্রু গড়াইয়া পড়িল।

রাধামুকুন্দ তাঁহার দুই পায়ে নীচে মাথা রাখিয়া কহিল “দাদা, মাগ করিলে ত।”

শশিভূষণ তাহাকে কাছে ডাকিয়া তাহার হাত ধরিয়া কহিলেন “ভাই, তবে শোন। এ কথা আমি প্রথম হইতেই জানিতাম। তুমি যাহাদের সহিত ষড়মন্ত্র করিয়াছিলে তাহারা

আমার নিকট প্রকাশ করিয়াছে। আমি তখন হইতে তে'মাকে মাগ করিয়াছি।”

বাধামুকুন্দ হুই করতলে লজ্জিত মুখ লুকাইয়া কাঁদিতে লাগিল।

অনেকক্ষণ পরে কহিল—“দাদা, মাগ যদি করিয়াছ, তবে তোমার সম্পত্তি তুমি গ্রহণ কর। বাগ করিয়া ফিরাইয়া দিযোনা।”

শশিভূষণ উত্তর দিতে পারিলেন না— তখন তাঁহার বাকবোধ হইয়াছে—বাধামুকুন্দ মুখের দিকে অনিমেষ দৃষ্টি স্থাপিত করিয়া একবার দক্ষিণ হস্ত তুলিলেন। তাহাতে কি বঝাইল বলিতে পারি না। বোধ করি বাধামুকুন্দ বুঝিয়া থাকিবে।

—*—

কাবুলিওয়াল।

আমার পাঁচ বছর বয়সের ছোট মেয়ে মিনি এক দণ্ড কথা না কহিয়া থাকিতে পারে না। পৃথিবীতে জন্মগ্রহণ করিয়া ভাষা শিক্ষা করিতে সে কেবল একটি বৎসর কাল ব্যয় করিয়াছিল, তাহার পর হইতে যতক্ষণ সে জাগিয়া থাকে এক মুহূর্ত্ত মৌনভাবে নষ্ট করে না। তাহার মা অনেক সময় ধমক দিয়া তাহার মুখ বন্ধ করিয়া দেয়, কিন্তু আমি তাহা পারি না। মিনি চুপ করিয়া থাকিলে এমনি অস্বাভাবিক দেখিতে হয় যে সে আমার বেশীক্ষণ সহ হয় না। এই জন্ত আমার সঙ্গে তাহার কথোপকথনটা কিছু উৎসাহের সহিত চলে।

সকাল বেলায় আমার নভেলের সপ্তদশ পরিচ্ছেদে হাত দিয়াছি এমন সময় মিনি আসি-

য়াই আরম্ভ করিয়া দিল, “বাবা, বামদয়াল দরওয়ান কাককে কোয়া বল্ছিল, সে কিছুর জানে না। না?”

আমি, পৃথিবীতে ভাষার বিভিন্নতা সম্বন্ধে তাহাকে জ্ঞানদান করিতে প্রবৃত্ত হইবার পূর্বেই সে দ্বিতীয় প্রশ্নে উপনীত হইল। “দেখ বাবা, ভোলা বল্ছিল আকাশে হাতি শু ড় দিয়ে জল ফেলে তাই বৃষ্টি হয়। মাগো, ভোলা এত মিছিমিছি বকতে পারে! কেবলি বকে, দিন-রাত বকে!”

এ সম্বন্ধে আমার মতামতের জন্ত কিছুমাত্র অপেক্ষা না করিয়া হঠাৎ জিজ্ঞাসা করিয়া বসিল “বাবা, মা তোমার কে হয়?”

মনে মনে কহিলাম, ঞ্জালিকা; মুখে কহিলাম “মিনি, তুই ভোলার সঙ্গে খেলা করগে যা! আমার এখন কাজ আছে!”

সে তখন আমার লিপিব্যব টেবিলের পার্শ্বে আমার পায়ের কাছে বসিয়া নিজের হুই হাঁটু এবং হাত লইয়া অতি দ্রুত উচ্চারণে আগডুম্ বাগডুম্ খেলিতে আরম্ভ করিয়া দিল। আমার সপ্তদশ পরিচ্ছেদে প্রতাপ সিংহ তখন কাঞ্চনমালাকে লইয়া অন্ধকার রাত্রে কারাগারের উচ্চ বাতায়ন হইতে নিম্নবর্ত্তী নদীর জলে ঝাপ দিয়া পড়িতেছেন।

আমার ঘর পথের ধারে। হঠাৎ মিনি আগডুম্ বাগডুম্ খেলা রাখিয়া জানালার ধারে ছুটিয়া গেল এবং চীৎকার করিয়া ডাকিতে লাগিল “কাবুলিওয়াল, ও কাবুলিওয়াল!”

ময়লা ঢিলা কাপড় পরা, পাগড়ি মাথায়, খুলি ঘাড়ে, হাতে গোটা হুইচার আঙুরের বাস্ক, এক লম্বা কাবুলিওয়াল মুহম্মদ গমনে পথ দিয়া গাইতেছিল, তাহাকে দেখিয়া আমার কন্ঠারস্তের কিরূপ ভাবোদয় হইল বলা শক্ত, তাহাকে উর্দ্ধস্বরে ডাকাডাকি আরম্ভ করিয়া দিল। আমি ভাবিলাম, এখনি খুলি ঘাড়ে একটা আশদ

আসিয়া উপস্থিত হইবে, আমার সপ্তদশ পরি-
চ্ছেদ আর শেষ হইবে না।

কিন্তু মিনির চীৎকারে যেমনি কাবুলি-
ওয়াল হাঙ্গিয়া মুখ ফিরাইল এবং আমাদের
বাড়ির দিকে আসিতে লাগিল, অমনি সে উর্ক-
খাসে অন্তঃপুরে দৌড় দিল, তাহার আর চিহ্ন
দেখিতে পাওয়া গেল না। তাহার মনের মধ্যে
একটা অন্ধ বিশ্বাসের মত ছিল যে এই বুলিটার
ভিতরে সন্ধান করিলে তাহার মত ছোটো চারটে
ক্রীড়িত মানবসন্তান পাওয়া যাইতে পারে।

এদিকে কাবুলিওয়াল আসিয়া সহাস্তে
আমাকে সেলাম করিয়া দাঁড়াইল—আমি জাবি-
লাম, যদিচ প্রতাপ সিংহ এবং কাঞ্চনমালা
অবস্থা অত্যন্ত সঙ্কটাপন্ন, তথাপি লোকটাকে ঘরে
ডাকিয়া আনিয়া তাহার কাছ হইতে কিছু না
কেনাটা ভাল হয় না।

কিছু কেনা গেল। তাহার পর পাঁচটা
কণা আসিয়া পড়িল। আবদর রহমান, রুম,
ইংরাজ প্রভৃতিকে লইয়া সীমান্তরক্ষণীতি
সম্বন্ধে গল্প চলিতে লাগিল।

স্বপ্নশেষে উঠিয়া যাইবার সময় সে জিজ্ঞাসা
করিল, বাবু, তোমার লড়কী কোথা গেল।

আমি মিনির অমূলক ভয় ভাঙ্গাইয়া দিবার
অভিপ্রায়ে তাহাকে অন্তঃপুর হইতে ডাকিয়া
আনিলাম—সে আমার গা ঘেষিয়া কাবুলির
মুখ এবং বুলির দিকে সন্নিহনে ব্রহ্মক্ষেপ করিয়া
দাঁড়াইয়া রহিল। কাবুলি বুলির মধ্য হইতে
কিস্মিস্ গোবানি বাহির করিয়া তাহাকে দিতে
গেল, সে কিছুতেই লইল না, দ্বিগুণ সন্দেহের
সহিত আমার হাঁটুর কাছে সংলগ্ন হইয়া রহিল।
প্রথম পরিচয়টা এমনি ভাবে গেল।

কিছুদিন পরে একদিন সকাল বেলায়
আবশ্যকবশতঃ বাড়ি হইতে বাহির হইবার
সময় দেখি, আমার চহিঁতাটি দ্বারের সমীপস্থ
বেঞ্চির উপর বসিয়া অনর্গল কথা কহিয়া যাই-

তেছে এবং কাবুলিওয়াল তাহার পদতলে বসিয়া
সহাস্ত মুখে গুনিতেছে এবং মধ্যমধ্যে প্রসঙ্গ-
ক্রমে নিজের মতামতও দো-আঁসুলা বালালায়
ব্যক্ত করিতেছে। মিনির পঞ্চবর্ষীয় ক্রীড়নেত্র
অভিজ্ঞতায় বাবা ছাড়া এমন ঐর্গ্যবান শ্রে তা
সে কখনো পায় নাই। আবার বেঁচি, তাহার
সুন্দর আঁচল বাদাম কিস্মিসে পরিপূর্ণ। আমি
কাবুলিওয়ালাকে কহিলাম, উহাকে এ সব কেন
দিয়াছ? অমন আর দিয়োনা। বলিয়া পকেট
হইতে একটা আধুলি লইয়া তাহাকে দিলাম।
সে অসঙ্কোচে আধুলি গ্রহণ করিয়া বুলিতে
পূরিল।

বাড়িতে ফিরিয়া আসিয়া দেখি, সেই
আধুলিটি লইয়া ষোল আনা গোলযোগ বাধিয়া
গেছে।

মিনির মা একটা খেত চক্চকে গোলাকার
পদার্থ লইয়া ভৎসনায় স্বরে মিনিকে জিজ্ঞাসা
করিতেছেন, “তুই এ আধুলি কোথায় পেলি?”

মিনি বলিতেছে “কাবুলিওয়াল দিগেছে।”

তাহার মা বলিতেছেন, “কাবুলিওয়ালার
কাছ হইতে আধুলি তুই কেন নিতে গেলি!”

মিনি ক্রন্দনের উপক্রম করিয়া কহিল,
“আমি চাইনি, সে আপনি দিল!”

আমি আসিয়া মিনিকে তাহার আসন্ন বিপদ
হইতে উদ্ধার করিয়া বাহিরে লইয়া গেলাম।

সংবাদ পাইলাম, কাবুলিওয়ালার সহিত
মিনির এই যে দ্বিতীয় সাক্ষাৎ তাহা নহে, ইতি-
মধ্যে সে প্রায় প্রত্যহ আসিয়া পেস্তা বাদাম ঘুস
দিয়া মিনির সুন্দর হৃদয়টুকু অনেকটা অধিকার
করিয়া লইয়াছে।

দেখিলাম, এই ছোট বয়সের মধ্যে গুটিকতক
বাঁধা কথা এবং ঠাট্টা প্রচলিত আছে—যথা, রহ-
মৎকে দেখিবামাত্র আমার কণ্ঠ হাঙ্গিতে
হাঙ্গিতে জিজ্ঞাসা করিত “কাবুলিওয়াল, ও
কাবুলিওয়াল, তোমার ও বুলির ভিতর কি?”

রহস্য একটা অনাবশ্যক চন্দ্রবিন্দু যোগ
কর্ণনয়া হাম্বিতে হাসিতে উত্তর করিত “হাঁতি।”

অর্থাৎ তাহার বুলির ভিজরে যে একটা
হস্তী আছে এইটাই তাহার পরিহাসের সূক্ষ্ম
মর্স—খুব যে বেশী সূক্ষ্ম তাহা বলা যায় না,
তথাপি এই পরিহাসে উভয়েই বেশ একটু
কৌতুক অনুভব করিত—এবং শয়ৎকালের
প্রভাতে একটি বয়স্ক এবং একটি অপ্ৰাপ্তবয়স্ক
শিশুর সয়ল হাস দেখিয়া আমারও বেশ
লাগত।

উহাদের মধ্যে আরো একটা কথা প্রচলিত
ছিল। রহস্য মিনিকে বলিত “খোঁকী, তোমি
সম্বর-বাড়ি কখুন্ বাবে না!”

বান্দালীর ঘরের মেয়ে আজন্মকাল “সম্বর-
বাড়ি” শব্দটার সহিত পরিচিত, কিন্তু আমরা
কিছু! একেলে ধরণের লোক হওয়াতে শিশু
মেয়েকে সম্বরবাড়ি শব্দকে সম্ভান করিয়া তোলা
হয় নাই। এই জন্ত রহস্যের অনুরোধটা সে
পরিষ্কার বুদ্ধিতে পারিত না, অথচ কথাটার
একটু কোন জবাব না দিয়া চুপ করিয়া থাকি
নিতান্ত তাহার স্বভাববিরুদ্ধ, সে উদ্ভিগ্না
জিজ্ঞাসা করিত “তুমি সম্বর-বাড়ি বাবে?”

রহস্য কাল্পনিক সম্বরের প্রতি প্রকাণ্ড
মোটা মুষ্টি আঙ্গালন করিয়া বলিত “হাসি
সম্বরকে মারবে।”

তুমি মিনি সম্বর নামক কোন এক অপ-
রিচিত জীবের হরবস্থা কল্পনা করিয়া অত্যন্ত
হাসিত।

এখন শুভ শয়ৎকাল। প্রাচীনকালে এই
সময়েই রাজারা দিগ্বিজয়ে বাহির হইতেন।
আমি কলিকাতা ছাড়িয়া কখন কোথাও ফাই
নাই, কিন্তু সেই জন্তই আমার মনটা পৃথিবীময়
ঘুরিয়া বেড়ায়। আমি যেন আমার ঘরের
কোণে চিরপ্রবাসী, বাহিরের পৃথিবীর জন্ত
আমার সর্কদা মন কেমন করে। একটা বিদে-

শের নাম শুনিলেই অমনি আমার চিত্ত ছুটিয়া
যায়, তেমন বিদেশী লোক দেখিলেই অমনি নদী
পর্কত অরণ্যের মধ্যে একটা কুটিরের দৃশ্য মনে
উদয় হয়, এক একটা উল্লাসপূর্ণ স্বাধীন
জীবনযাত্রার কথা কল্পনায় জাগিয়া উঠে।

এদিকে আবার আমি এমনি উদ্ভিজ্জ প্রকৃতি
যে আমার কোণটুকু ছাড়িয়া একবার বাহির
হইতে গেলে মাথায় বজ্রাঘাত হয়। এই জন্ত
সকালবেলায় আমার ছোট ঘরে টেবিলের সায়ে
বসিয়া এই কাবুলির সঙ্গে গল্প করিয়া আমার
অনেকটা ভ্রমণের কাজ হইত। দুইধারে বন্ধুর
হুর্গম দক্ষ বস্ত্রবর্ণ উচ্চ গিরিশ্রেণী, মধ্যে সঙ্কীর্ণ
মরুপথ, বোঝাই-করা উষ্ট্রের শ্রেণী চলিয়াছে;
পাগড়ি-পরা বণিক ও পথিকেরা কেহ বা উটের
পরে কেহ বা পদব্রজে, কাহারো হাতে বর্ষা,
কাহারো হাতে সেকলে চকমকি-ঠোকা বন্দুক;
কাবুলি মেঘমল্লস্থরে ভাঙ্গা বান্দালায় স্বদেশের
গল্প করিত, আর এই ছবি আমার চপের সন্মুখ
দিয়া চলিয়া যাইত।

মিনির মা অত্যন্ত শক্তিত্বভাবের লোক।
বাস্তায় একটা শব্দ শুনিলেই তাঁহার মনে হয়
পৃথিবীর সমস্ত মাতাল আমাদের বাড়িটাই
বিশেষ লক্ষ্য করিয়া ছুটিয়া আসিতেছে। এই
পৃথিবীটা যে সর্বত্রই চোর ডাকাত মাতাল শাপ
বাঘ ম্যালেরিয়া গুঁয়াপোকা আর্সোলা এবং
গোরার দ্বারা পরিপূর্ণ, এত দিন (খুব বেশী দিন
নহে) পৃথিবীতে বাস করিয়াও সে বিভীষিকা
তাঁহার মন হইতে দূর হইয়া যায় নাই।

রহস্য কাবুলিওয়ালার সঙ্কটে তিনি সম্পূর্ণ
নিয়সংশয় ছিলেন না। তাহার প্রতি বিশেষ
দৃষ্টি রাখিবার জন্ত তিনি আমাকে বারবার অনু-
রোধ করিয়াছেন। আমি তাঁহার সন্দেহ হাসিয়া
উড়াইয়া দিবার চেষ্টা করিলে তিনি পর্যায়ক্রমে
আগাকে গুটিকতক প্রশ্ন করিলেন—কখনো কি
কাহারো ছেলে চুরি খায় না? কাবুলদেশে কি

দাস-ব্যবসায় প্রচলিত নাই? এক জন প্রকাণ্ড কাবুলির পক্ষে একটি ছোট ছেলে চুরি করিয়া লইয়া যাওয়া কি একেবারেই অসম্ভব?

আমাকে মানিতে হইল ব্যাপারটা যে অসম্ভব তাহা নহে কিন্তু অবিদ্যাস্ত। বিশ্বাস করিবার শক্তি সকলের সমান নহে, এই জন্ত আমার স্ত্রীর মনে ভয় রহিয়া গেল। কিন্তু তাই বলিয়া বিনা দোষে রহমৎকে আমাদের বাড়িতে আসিতে নিষেধ করিতে পারিলাম না।

প্রতি বৎসর মাঘ মাসের মাঝামাঝি রহমৎ দেশে চলিয়া যায়। এই সময়টা সমস্ত পাণ্ডনার টাকা আদায় করিবার জন্ত সে বড় ব্যস্ত থাকে। বাড়ি বাড়ি ফিরিতে হয় কিন্তু তবু একবার মিনিকে দর্শন দিয়া যায়। দেখিলে বাস্তবিক মনে হয় উভয়ের মধ্যে যেন একটা বড়মন্ত্র চলিতেছে। সকালে যে দিন আসিতে পারে না, সে দিন দেখি সন্ধ্যার সময় আসিয়াছে; অন্ধকারে ঘরের কে.ণে সেই টিলেটোলা জামা-পায়জামা-পরা সেই কোলা-বুলিওয়ালা লম্বা লোকটাকে দেখিলে বাস্তবিক হঠাৎ মনের ভিতরে একটা আশঙ্কা উপস্থিত হয়।

কিন্তু যখন দেখি মিনি “কাবুলিওয়ালা, ও কাবুলিওয়ালা” করিয়া হাসিতে হাসিতে ছুটিয়া আসে এবং তাই অসমন্বয়সী বন্ধুর মধ্যে পুরাতন মরল পরিহাস চলিতে থাকে তখন সমস্ত হৃদয় প্রশস্ত হইয়া উঠে।

একদিন সকালে আমার ছোট ঘরে বসিয়া প্রকৃষ্টি সংশোধন করিতেছি। বিদায় লইবার পূর্বে আজ ছই তিন দিন হইতে শীতটা খুব কনকনে হইয়া উঠিয়াছে, চারিদিকে একেবারে হীহীকার পড়িয়া গেছে। জানালা ভেদ করিয়া সকালের রোজট টেবিলের নীচে আমার পায়ের উপর আসিয়া পড়িয়াছে, সেই উত্তাপটুকু বেশ মধুর বোধ হইতেছে। বেলা বোধ করি আটটা হইবে—মাথায় গলাবন্দ

জড়ানো উষাচরণ প্রাতঃ মণ সমাধা করিয়া প্রায় সকলে ঘরে কিরিয়া আসিয়াছে। এমন সময় রাত্তায় ভারি একটা গোল গুনা গেল।

চাহিয়া দেখি, আমাদের রহমৎকে ছই পাহারাওয়ালারা বাধিয়া লইয়া আসিতেছে—ভাহার পশ্চাতে কোতুহলী ছেলের দল চলিয়াছে। রহমতের গাত্রবস্ত্রে বক্তচিহ্ন, এবং এক জন পাহারাওয়ালার হাতে বক্তাক্ত ছোরা। আমি দ্বারের বাহিরে গিয়া পাহারাওয়ালাকে দাঁড় করাইলাম, জিজ্ঞাসা করিলাম ব্যাপারটা কি?

কিয়দংশ তাহার কাছে কিয়দংশ রহমতের কাছে শুনিয়া জানিলাম যে আমাদের প্রতিবেশী একজন লোক রামপুরী চাদরের জন্ত রহমতের কাছে কিঞ্চিৎ ধারিত—মিথ্যা পূর্বক সেই দেনা সে অস্বীকার করে, এবং তাহাই লইয়া বচসা করিতে করিতে রহমৎ তাহাকে এক ছুরি বসাইয়া দিয়াছে।

রহমৎ সেই মিথ্যাবাদীর উদ্দেশে নানা রূপ অশ্রাব্যগালি দিতেছে এমন সময়ে “কাবুলিওয়ালা, ও কাবুলিওয়ালা” করিয়া ডাকিতে ডাকিতে মিনি ঘর হইতে বাহির হইয়া আসিল।

রহমতের মুখ মুহুর্তের মধ্যে কোতুক হাতে প্রফুল হইয়া উঠিল। তাহার স্বন্ধে আজ বুলি ছিল না সুতরাং বুলি সপক্ষে তাহাদের সম্ভাস্ত আলোচনা হইতে পারিল না—মিনি একেবারেই তাহাকে জিজ্ঞাসা করিল, “তুমি স্বস্তর-বাড়ি বাবে?”

রহমৎ হাসিয়া কহিল “সিখানেই যাচ্ছে!” দেখিল উত্তরটা মিনির হাস্যজনক হইল না, তখন হাত দেখাইয়া বলিল—সম্মুখকে মারিতাম কিন্তু কি করিব হাত বাধা।

সাংঘাতিক আঘাত করা অপরাধে কয়েক বৎসর রহমতের কারাদণ্ড হইল।

তাহার কথা একপ্রকার ভুলিয়া গেলাম।

আমরা যখন ঘরে বসিয়া চিরাভ্যন্তরিত নিত্য কাজের মধ্যে দিনের পর দিন কাটাইতাম তখন একজন স্বাধীন পরীক্ষারী পুরুষ কারাপ্রাচীরের মধ্যে যে কেমন করিয়া বর্ষণপন করিতেছে তাহা আমাদের মনেও উদ্ভূত হইত না।

আর, চঞ্চল-হৃদয়া মিনির আচরণ যে অত্যন্ত লজ্জাজনক তাহা তাহার বাপকেও স্বীকার করিতে হয়। সে স্বচ্ছন্দে তাহার পুরাতন বন্ধুকে বিশ্বস্ত হইয়া প্রথমে নবী সহস্রের সহিত সখ্য স্থাপন করিল। পরে ক্রমে ষত তাহার নয়স পাঁড়িয়া উঠিতে লাগিল ততই সখ্য পরিবর্তে একটি একটি করিয়া সখী জুটতে লাগিল। এমন কি এমন তাহার বাবার লিপিবার ঘরেও তাহাকে আর দেখিতে পাওয়া যায় না। আমি ত তাহার সহিত এক প্রকার আড়ি করিয়াছি।

কত বৎসর কাটিয়া গেল। আর একটি শরৎকাল আসিয়াছে। আমার মিনির বিবাহের সম্বন্ধ স্থির হইয়াছে। পূজার ছুটির মধ্যেই তাহার বিবাহ হইবে। কৈলাসবাসিনীর সঙ্গে সঙ্গে আমার ঘরের আনন্দময়ী পিতৃভবন স্নানকার করিয়া পতিগৃহে যাত্রা করিলে।

প্রভাতটি অতি সুন্দর হইয়া উদয় হইয়াছে। শরৎের এই শরৎের নূতনবোধিত বোদ্ধ যেন সৌহার্দ্য-গগনানো নির্মল সোণার মত রং পরিয়াছে। এমন কি, কলিকাতার গলির ভিতরকার ইষ্টক-জর্জর অপরিচ্ছন্ন ঘেঁষাঘেঁষি বাড়ি-গুলার উপরেও এই বোধের আভা একটি অপরূপ লাবণ্য বিস্তার করিয়াছে।

আমার ঘরে আজ রাত্রিশেষ হইতে না হইতে সানাই বাজিতেছে। সে বাশি যেন আমার বুকের পঞ্জরের হাঁড়ের মধ্য হইতে কাঁদিয়া কাঁদিয়া বাজিয়া উঠিতেছে। করুণ ভৈরবী রাগিণীতে আমার আসন্ন বিচ্ছেদব্যাপাকে শরৎের বোধের সহিত সমস্ত বিশ্বজগৎময়

ব্যাপ্ত করিয়া দিতেছে। আজ আমার মিনির বিবাহ।

সকাল হইতে ভারি গোলমাল, লোকজনের আনাগোনা। উঠানে বাশ বাধিয়া পাল খাটানো হইতেছে; বাড়ির ঘরেঘরে এবং বারান্দায় ঝাড় টাঙ্গাইবার চুংঠাং শব্দ উঠিতেছে; হাঁক-ডাকের সীমা নাই।

আমি আমার লিপিবার ঘরে বসিয়া হিসাব দেখিতেছি, এমন সময় রহমৎ আসিয়া সেলাম করিয়া দাঁড়াইল।

আমি প্রথমে তাহাকে চিনিতে পারিলাম না। তাহার সে খুশি নাই, তাহার সে লম্বা চুল নাই, তাহার শরীরে পুঙ্কে মত সে দেখে নাই। অবশেষে তাহার হাসি দেখিয়া তাহাকে চিনিলাম।

কহিলাম, কিরে রহমৎ, কবে আসিলি ?

সে কহিল, কাল সন্ধ্যাবেলা জেল হইতে খালাস পাইয়াছি।

কথাটা শুনিয়া কেমন কাণে পট্ করিয়া উঠিল। কোন খুনীকে কখন প্রত্যক্ষ দেখি নাই, ইহাকে দেখিয়া সমস্ত অন্তঃকরণ যেন সঙ্কুচিত হইয়া গেল। আমার হিঁচকা করিতে লাগিল আজিকার এই শুভদিনে এ লোকটা এখান হইতে গেলেই ভাল হয়।

আমি তাহাকে কহিলাম, আজ আমাদের বাড়িতে একটা কাজ আছে আমি কিছু দাস্ত আছে, তুমি আজ যাও।—

কথাটা শুনিয়াই সে তৎক্ষণাৎ চলিয়া যাইতে উদ্ভূত হইল, অবশেষে দরজার কাছে গিয়া একটু ইতস্তত করিয়া কহিল খোঁশীকে একবার দেখিতে পাইব না ?

তাহার মনে বৃষ্টি বিশ্বাস ছিল, মিনি সেই ভাবেই আছে। সে যেন মনে করিয়াছিল, মিনি আবার সেই পূর্বের মত “কাবুলিওয়ালী, ও কাবুলিওয়ালী” করিয়া ছুটিয়া আসিবে, তাহা-

দের সেই অত্যন্ত কৌতুকাবহ পুরাতন হাস্যা-
লাপের কোনরূপ ব্যত্যয় হইবে না। এমন কি,
পূর্ববন্ধুত্ব স্বরণ করিয়া সে একবার আঙুর এবং
কাগজের মোড়কে কিঞ্চিৎ কিন্মিস্ বাদাম
বোধ করি কোন স্বদেশীয় বন্ধুর নিকট হইতে
চাহিয়াচিন্তিয়া সংগ্রহ করিয়া আনিয়াছিল—
তাহার সে নিজেই স্বলিপি আর ছিল না।

আমি কহিলাম—আজ বাড়িতে কাগজ
গায়ে, আজ আর কাহারো সহিত দেখা হইতে
পারিবে না।

সে যেন কিছু ক্ষুণ্ণ হইল। শুরুভানে
দাঁড়াইয়া একবার স্থির দৃষ্টিতে আমার মুখের
দিকে চাহিল, তার পরে—“বাবু সেলাম”
বলিয়া ঘরের বাহির হইয়া গেল।

আমার মনে কেমন একটু ব্যথা বোধ
হইল। মনে করিতেছি তাহাকে ফিরিয়া
ডাকিব, এমন সময়ে দেখি সে আপনি ফিরিয়া
আসিতেছে।

কাছে আসিয়া কহিল, এই আগুর এবং
কিঞ্চিৎ কিন্মিস্ বাদাম খোঁখীর জন্ত আনিয়া-
ছিলাম, তাহাকে দিবেন।

আমি সেগুলি লইয়া দাম দিতে উত্তত
হইলে সে হঠাৎ আমার হাত চাপিয়া ধরিল, —
কহিল—আপনার বহুৎ দয়া, আমার চিরকাল
স্বরণ থাকিবে—আমাকে পয়সা দিবেন না।—

বাবু, তোমার যেমন একটি লড়কী আছে
তেমনি দেশে আমারও একটি লড়কী আছে।

আমি তাহারই মুখখানি স্বরণ করিয়া তোমার
খোঁখীর জন্ত কিছু কিছু মেওয়া হাতে লইয়া
আসি, আমি ত সওদা করিতে আসি না।—

এই বলিয়া সে আপনার মস্ত টিলা জাম টার
ভিতর হাত চালাইয়া দিয়া বুকের কাছে কোথা
হইতে এক টুকরা ময়লা কাগজ বাহির করিল।
বহু সন্দেরে ভাজ খুলিয়া ছই হস্তে আমার
টোবলের উপর মেলিয়া ধরিল।

দেখিলাম কাগজের উপর একটি ছোট
হাতের ছাপ। কোটগ্রাফ নহে, ডেলের
ছবি নহে, হাতে খানিকটা ভূষা মাখাইয়া
কাগজের উপরে তাহারই চিহ্ন ধরিয়া লই-
য়াছে। কণ্ঠার এই স্বরণচিহ্নটুকু বুকের
কাছে লইয়া বহুৎ প্রতিবৎসর কলি-
কাতার রাস্তায় মেওয়া বেচিতে আসে—
যেন সেই সুকোমল ক্ষুদ্র শিশুহস্তটুকুর স্পর্শ-
খানি তাহার বিরাট বিরাহী-বকের মধ্যে স্থা-
সঞ্চার করিয়া রাখে।

দেখিয়া আমার চোক ছলছল করিয়া
আসিল। তখন সে যে একজন কাবুলি মেওয়া-
ওয়াল, আর আমি যে একজন বাঙ্গালী সম্রাট-
বংশীয় তাহা ভুলিয়া গেলাম—তখন বুদ্ধিতে
পারিলাম, “সেও যে আমিও সে; সেও পিতা
আমিও পিতা। তাহার পর্ততগৃহবাসিনী ক্ষুদ্র
পার্কতীর সেই হস্তচিহ্ন আমারই মিনিকে স্বরণ
করাইয়া দিল। আমি তৎক্ষণাৎ তাহাকে
অন্তঃপুর হইতে ডাকাইয়া পাঠাইলাম। অন্তঃ-
পুরে ইহাতে অনেক আপত্তি উঠিয়াছিল কিন্তু
আমি কিছুতে কর্ণপাত করিলাম না। রাঙা
চেলিপরা কপালে চন্দন আঁকা বধুবেশিনী মিনি
সলজ্জভাবে আমার কাছে আসিয়া দাঁড়াইল।

তাহাকে দেখিয়া কাবুলিওয়াল প্রথমটা
খতমত খাইয়া গেল, তাহাদের পুরাতন আলাপ
জমাইতে পারিল না। অবশেষে হাসিয়া কহিল
—“খোঁখী, তোমি সম্বর-বাগ্নি ঘাবিস্?”


মিনি এখন স্বপ্ন-অর্থ বোধে, এখন আর সে
পূর্বের মত উত্তর দিতে পারিল না—বহুৎতের
প্রশ্ন শুনিয়া লজ্জায় আরক্ত হইয়া মুখ ফিরাইয়া
দাঁড়াইল। কাবুলিওয়ালার সহিত মিনির ষে
দিন প্রথম সাক্ষাৎ হইয়াছিল, আমার সেই
দিনের কথা মনে পড়িল। মনটা কেমন ব্যথিত
হইয়া উঠিল।

মিনি চপিয়া গেলে একটা গভীর দীর্ঘ

নিশ্বাস ফেলিয়া রহমৎ মাটিতে বসিয়া পড়িল। সে হঠাৎ স্পষ্ট বুঝিতে পারিল তাহার মেয়েটিও ইতিমধ্যে এইরূপ বড় হইয়াছে, তাহার সঙ্গেও আবার নূতন আলাপ করিতে হইবে—তাহাকে ঠিক পূর্বের মত তেমনটি আর পাইবে না। এ আট বৎসরে তাহার কি হইয়াছে তাই বা কে জানে। সকাল বেলায় শরতের স্নিগ্ধ রৌদ্র-কিরণের মধ্যে মানাই বাজিতে লাগিল, রহমৎ কানিকাতার এক বাগির ভিতরে বসিয়া আফিগানি-স্থানের এক মরুপর্বতের দৃশ্য দেখিতে লাগিল।

আমি একখানি নোট লইয়া তাকে দিলাম। বলিলাম, রহমৎ তুমি দেশে তোমার মেয়ের কাছে ফিরিয়া যাও ; তোমাদের মিলন-স্থখে আমার মিনির কল্যাণ হোক।

এই টাকাটা দান করিয়া, হিসাব হইতে উৎসব-সমারোহের ছটো একটা অঙ্গ ছাটিয়া দিতে হইল। যেমন মনে করিয়াছিলাম তেমন করিয়া ইলেক্ট্রিক আলো জ্বালাইতে পারিলাম না, গড়ের বাগান আসিল না, অন্তঃপুরে মেয়েরা অত্যন্ত অসন্তোষ প্রকাশ করিতে লাগিলেন, কিন্তু মঙ্গল আলোকে আমার শুভ উৎসব উজ্জ্বল হইয়া উঠিল।



যাহারা বলে, গুরুচরণের মৃত্যুকালে তাঁহার দ্বিতীয়পক্ষের সংসারটি অন্তঃপুরে বসিয়া ওস খেলিতেছেন, তাহারা বিগনিন্দুক, তাহারা তিলকে তাল করিয়া তোলে। আসলে গৃহিণী তখন এক পায়ের উপর বসিয়া দ্বিতীয় পায়ের

হাঁটু চিবুক পর্য্যন্ত উখিত করিয়া কাঁচাত্তেতুল, কাঁচা লক্ষা, এবং চিড়িমাছের ঝাল চচ্চড়ি দিয়া অত্যন্ত মনোযোগের সহিত পাস্তভাত খাইতেছিলেন। বাহির হইতে যখন ডাক পড়িল তখন শু পীকৃত চর্কিত ডাটা এবং নিঃশেষিত অন্নপাত্রটি ফেলিয়া গম্ভীর মুখে কহিলেন “ছটো পাস্তভাত যে মুখে দেব তারও সময় পাওয়া যায় না।”

এদিকে প্রাক্তার যখন জ্বাণ দিয়া গেল তখন গুরুচরণের ভাই রামকানাই রোগীর পার্শ্বে বসিয়া ধীরে ধীরে কহিলেন “দাদা যদি তোমার উঠল করিবার ইচ্ছা থাকে ত বল।” গুরুচরণ ক্ষীণস্বরে বলিলেন “আমি বলি, তুমি লিখিয়া লও।” রামকানাই কাগজ কলম লইয়া প্রস্তুত হইলেন। গুরুচরণ বলিয়া গেলেন “আমার স্থাবর অবস্থার সমস্ত বিষয় সম্পত্তি আমার ধর্মপত্নী শ্রীমতী বরদাসুন্দরীকে দান করিলাম।” রামকানাই লিখিলেন—কিন্তু লিখিতে তাঁহার কলম সরিতেছিল না। তাঁহার বড় আশা ছিল, তাঁহার একমাত্র পুত্র নবদ্বীপ অপুত্রক জ্যাঠামহাশয়ের সমস্ত বিষয় সম্পত্তির উত্তরাধিকারী হইবে। যদিও দুই ভাইয়ে পৃথগ্ন ছিলেন তথাপি এই আশায় নবদ্বীপের মা নবদ্বীপকে কিছুতেই চাকুদি করিতে দেন নাই—এবং সকাল সকাল বিবাহ দিয়াছিলেন, এবং শক্রর মুখে ভঙ্গ নিষ্কপ করিয়া বিবাহ নিফল হয় নাই। কিন্তু তথাপি রামকানাই লিখিলেন এবং সই করিবার জন্ত কলমটা দাদার হাতে দিলেন। গুরুচরণ নির্জীৱহস্তে যাহা সই করিলেন তাহা কতকগুলো কম্পিত বক্ররেখা কি তাঁহার নাম বুঝা হুঃসাধ্য।

পাস্তভাত খাইয়া যখন স্ত্রী আসিলেন তখন গুরুচরণের বাকরোধ হইয়াছে। দেখিয়া স্ত্রী কাঁদিতে লাগিলেন। যাহারা অনেক আশা করিয়া বিষয় হইতে বঞ্চিত হইয়াছে তাহারা

বলিল “মায়াকান্না ।” কিন্তু সেটা খিগাসমোহক
নহে ।

উইলের রক্তান্ত শুনিয়া নবদ্বীপের মা
ছুটিয়া আসিয়া বিষম গোল বাধাইয়া দিল—
বলিল—মরণকালে বুদ্ধিনাশ হয় । এমন
সোণারচাঁদ ভাইপো থাকিতে—

রামকান্নাই যদিও স্ত্রীকে অন্যন্ত শ্রদ্ধা করি-
লেন—এত অধিক যে তাহাকে ভাবান্তরে ভয়
বলা খাইতে পারে—কিন্তু তিনি থাকিতে পারি-
লেন না—ছুটিয়া আসিয়া বলিলেন মেঘবো,
তোমার ত বুদ্ধিনাশের সময় হয় নাই, তবে
তোমার এমন ব্যবহার কেন? দাদা গেলেন,
এমন আমি ত রহিয়া গেলাম, তোমার যা কিছু
বক্তব্য আছে অবসরমত আমাকে বলিঘো এখন
ঠিক সময় নয়।—”

নবদ্বীপ সংবাদ পাইয়া যখন আসিল তখন
তাহার জ্যাঠামহাশয়ের কাল হইয়াছে । নব-
দ্বীপ মৃত ব্যক্তিকে শাসাইয়া কছিল দেখিব মুখাঘি
কে করে—এবং শ্রাদ্ধশাস্তি যদি করিত আমার
নাম নবদ্বীপ নয় । গুরুচরণ লোকটা কিছুই
মানিত না । সে ডক সাহেবের ছাত্র ছিল ।
শাস্ত্রমতে যেটা সর্কাপেক্ষা অথাত্ত সেইটাতে তার
বিশেষ পরিতৃপ্তি ছিল । লোকে যদি তাহাকে
ক্রীশ্চান বলিত সে জ্বিত কাটিয়া বলিত “রাম,
আমি যদি ক্রীশ্চান হই ত গোমাংস খাই !”
জীবিত অবস্থায় যাহার এই দশা, সন্তোমত অব-
স্থায় সে যে পিণ্ডনাশ আশঙ্কায় কিছুমাত্র বিচ-
লিত হইবে এমন সম্ভাবনা নাই । কিন্তু উপ-
স্থিতমত ইহা ছাড়া আর কোন প্রতিশোধের
পথ ছিল না । নবদ্বীপ একটা সাঙ্ঘনা পাইল
যে লোকটা পরকালে গিয়া মরিয়া থাকিবে ।
যতদিন ইহলোকে থাকা যায় জ্যাঠামহাশয়ের
বিষয় না পাইলেও কোনক্রমে পেট চলিয়া যায়
কিন্তু জ্যাঠামহাশয় যে লোকে গেলেন সেখানে

ভিক্ষা করিয়া পিণ্ড মেলে না । বাঁচিয়া থাকিবার
অনেক সুবিধা আছে ।

রামকান্নাই বরদাসুন্দরীর নিকট গিয়া বলি-
লেন “বো ঠাকুরাণি, দাদা তোমাকেই সমস্ত
বিষয় দিয়া গিয়াছেন । এই তাঁহার উইল
লোহার সিদ্ধকে হস্তপূর্কক রাখিয়া দিয়া।”

বিধবা তখন মুখে মুখে দীর্ঘপদ রচনা করিয়া
উচ্চৈঃস্বরে বিলাপ করিতেছিলেন, ছুই চারি
জন দাসীও তাঁহার সহিত স্বর মিলাইয়া মধ্যে
মধ্যে ছুই চারিটা নূতন শব্দ যোজন্য পূর্কক
শোকসঙ্গীতে সমস্ত পল্লীর নিদ্রা দূর করিতে-
ছিল । মাঝে হঠাৎ এই কাগজ হস্ত আসিয়া
এক পকার নয় ভঙ্গ হইয়া গেল এবং ভাবেরণ
পূর্ককর যোগ রহিল না । ব্যাপারটা নিম্ন-
লিখিতমত অসংলগ্ন আকার ধারণ করিল—

“ওগো, আমার কি সর্কনাশ হ’ল গো কি
সর্কনাশ হ’ল ! আচ্ছা ঠাকুরপো লেখাটা কার ?
তোমার বুঝি ? ওগো তেমন বন্ধ ক’রে আমাকে
আর কে দেখেন, আমার দিকে কে মুখ তুলে
চাইবে গো ! তোরা একটুকু খাম, মেলা চেষ্টা
সূনে কথাটা শুনতে দে । ওগো আমি কেন
আগে গেলুমনা গো—আমি কেন বেঁচে
রইলুম ! রামকান্নাই মনে মনে নিশ্বাস ফেলিয়া
বলিলেন “সে আমাদের কপালের দোষ !”

বাড়ি ফিরিয়া গিয়া নবদ্বীপের মা রাম-
কান্নাইকে লইয়া পড়িলেন । বোকাই গাড়ি সমেত
খাদের মধ্যে পড়িয়া হতভাগ্য বলদ, গাড়োয়ান-
নের সহস্র গুতা খাইয়াও অনেকক্ষণ যেমন
নিরুপায় নিশ্চল ভাবে দাঁড়াইয়া থাকে, রাম-
কান্নাই তেমনি অনেকক্ষণ চূপ করিয়া সঙ্ক
করিলেন—অবশেষে কাতর স্বরে কহিলেন
“আমার অপরাধ কি ! আমিত দাদা নই !

নবদ্বীপের মা ফেস করিয়া উঠিয়া বলিলেন
—“না, তুমি বড় ভাল মানুষ, তুমি কিছুই
বোঝ না ; দাদা বলেন লেখ, ভাই অমনি লিপে

গেলেন। তোমরা সবাই সমান! তুমিও সময়-কালে ওই কীর্তি করবে বলে ব'সে আছ। আমি মলেই কোন্ পোড়ারমুখী ডাইনিকে ঘরে আনবে—আর আমার সোণারচাঁদ নবদ্বীপকে পাগারে ভাসাবে! কিন্তু সে জন্তে ভেবো না' আমি শীগ্গির মরচিনে।”

এইরূপে রামকানাইয়ের ভাবী ভাত্যাতার আলোচনা করিয়া গ্রহিণী উত্তরোত্তর পদিকতা অসহিষ্ণু হইয়া উঠিতে লাগিলেন। রামকানাই নিশ্চয় জানিতেন যদি এইসকল উৎকট কল্পনিক আশঙ্কা নিবারণ উদ্দেশে তাহার নিলমাত্র প্রতিবাদ করেন তবে হিতে বিপরীত হইবে। এই ভয়ে অপরাধীর মত চুপ করিয়া রহিলেন—যেন কাঁজটা করিয়া ফেলিয়া ছেন। যেন তিনি সোণার নবদ্বীপকে বিষয় হইতে বঞ্চিত করিয়া তাহার ভাবী দ্বিতীয় পক্ষকে সমস্ত লিগিয়া দিয়া মরিয়া বসিয়া আছেন, এখন অপরাধ স্বীকার না করিয়া কোন গতি নাই।

ইতিমধ্যে নবদ্বীপ তাহার বুদ্ধিমান বন্ধুদের সহিত অনেক পরামর্শ করিয়া মাকে আসিয়া বলিল, কোন ভাবনা নাই। এ বিষয় আমিই পাইব। কিছুদিনের মত বাবাকে এখন হইতে স্থানান্তরিত করা চাই। তিনি থাকিলে সমস্ত ভুল হইয়া যাইবে। নবদ্বীপের বাবার বুদ্ধিগুদ্ধির প্রতি নবদ্বীপের মার কিছুমাত্র শ্রদ্ধা ছিল না স্তবরাং কথাটা তাঁরও যুক্তিযুক্ত মনে হইল। অবশেষে মার তাড়নায় এই নিতান্ত অনাসক্তক নিরোধ কর্তৃনাশা বাবা একটা যেমন তেমন ছল করিয়া কিছুদিনের মত কাশীতে গিয়া আশ্রয় লইলেন।

অল্পদিনের মধ্যেই বরদাসুন্দরী এবং নবদ্বীপচন্দ্র পরস্পরের নামে উইল জালের অভিযোগ করিয়া আদালতে গিয়া উপস্থিত হইল। নবদ্বীপ তাহার নিজের নামে যে উইলখানি গাহির করিয়াছে তাহার নাম সহি দেপিলে

গুরুচরণের হস্তাক্ষর স্পষ্ট প্রমাণ হয়; উইলের দুই একজন নিঃস্বার্থ সাক্ষীও পাওয়া গিয়াছে। বরদাসুন্দরীর পক্ষে নবদ্বীপের বাপ একমাত্র সাক্ষী এবং সহি কারো বৃথিবাব সাধ্য নাই। তাহার গৃহপোষ্য একটি মামাতো ভাই ছিল সে বলিল, দিদি তোমার ভাবনা নাই, আমি সাক্ষ্য দিব এবং আরও সাক্ষ্য জুটাইব।

বাপারটা যখন সম্পূর্ণ পাকিয়া উঠিল তখন নবদ্বীপের মা নবদ্বীপের বাপকে কাশী হইতে ডাকিয়া পাঠাইলেন। শতগুন ভদলোকটি ব্যাপ ও ডাক হাতে যথাসময়ে আসিয়া উপস্থিত হইলেন। এমন কি, কিঞ্চৎ রসলাপ করিবারও চেষ্টা করিলেন—যোড়হস্তে সহাস্যে বলিলেন—“গোলাম হাজির, এখন মহারাজীপ কি অল্পমতি হয়?”

গ্রহিণী মাথা নাড়িয়া বলিলেন “নেও,নেও, আর রঙ্গ করতে হবে না। এতদিন ছুতো করে কাশীতে কাটিয়ে এলেন একদিনের তবে ত মনে পড়েনি।” ইত্যাদি।

এইরূপে উত্তম পক্ষে অনেকক্ষণ ধরিয়া পরস্পরের নামে আদরের অভিযোগ আনিতে লাগিলেন,—অবশেষে নাগ্নিশ ব্যক্তিকে ছাড়িয়া জাতিতে গিয়া পৌছিল—নবদ্বীপের মা পুরুষের ভালবাসার সহিত মুসলমানের মুর্গি বাৎসল্যের তুলনা করিলেন, নবদ্বীপের বাপ বলিলেন, রমণীর মুখে মধু ছদয়ে ক্ষুর—বদিও এই মৌখিক মধুরতার পরিচয় নবদ্বীপের বাপ কবে পাইলেন বলা শক্ত।

ইতিমধ্যে রামকানাই সহসা আদালত হইতে এক সাক্ষীর সপিনা পাইলেন। অবাক হইয়া যখন তাহার মর্মগ্রহণের চেষ্টা করিতে-ছেন তখন নবদ্বীপের মা আসিয়া কাঁদিয়া ভাসাইয়া দিলেন। বলিলেন হাড়জালানী ডাকিনী কেবল যে বাছা নবদ্বীপকে তাহার স্নেহশীল জ্যাঠার জাঘ্য উত্তরাধিকার হইতে

বঞ্চিত করিতে চায় তাহা নহে, আবার সোণার ছেলেকে জেলে পাঠাইবার আয়োজন করিতেছে ।

অবশেষে ক্রমে ক্রমে সমস্ত ব্যাপারটা অল্প-মান করিয়া লইয়া রামকানাইয়ের চক্ষুস্থির হইয়া গেল । উঠে উঠে বলিয়া উঠিলেন “তোরা এ কি সর্বনাশ করিয়াছিস্ ।” গৃহিণী ক্রমে নিজমূর্ত্তি ধারণ করিয়া বলিলেন—“কেন, এত নবদ্বীপের দৌষ হয়েছে কি ? সে তার জ্যাঠার বিষয় নেবে না ! অমনি এ কথায় চেড়ে দেবে !”

কোথা হইতে এক চক্ষুপাদিকা, ভর্তার পরমায়ুহনুী, অষ্টকুঞ্জীর পুত্রী উড়িয়া আসিয়া জুড়িয়া বসিবে ইহা কোন সংকুলপ্রদীপ কনক-চন্দ্র সন্তান সহ করিতে পারে ? যদি বা মরণ-কালে এবং ডাকিনীর মন্ত্রগুণে কোন এক মুঢ়-মতি জ্যেষ্ঠতাতের বুদ্ধিদয় হইয়া থাকে, তবে স্ববানিয় ভাতুপুত্র সে লম্ব নিজহস্তে সংশোধন করিয়া লইলে এমন কি অন্তায় কার্য্য হয় !

হতবুদ্ধি রামকানাই যখন দেখিলেন তাঁহার স্ত্রীপুত্র উভয়ে মিলিয়া কখন বা তর্জ্জন গর্জ্জন কখন বা অশ্রু বিসর্জ্জন করিতে লাগিলেন তখন ললাটে করাঘাত করিয়া চূপ করিয়া বসিয়া রহিলেন—আহার ত্যাগ করিলেন, জল পর্য্যাস্ত স্পর্শ করিলেন না ।

এইরূপ দুই দিন নীরবে অনাহারে কাটিয়া গেল । মকদ্দমার দিন উপস্থিত হইল । ইতি-মধ্যে নবদ্বীপ বরদাসুন্দরীর মামাতো ভাইটিকে জয় প্রলোভন দেখাইয়া এমনি বশ করিয়া লইয়াছে যে, সে অনাহারসে নবদ্বীপের পক্ষে সাক্ষ্য দিল । জয়শ্রী যখন বরদাসুন্দরীকে ত্যাগ করিয়া অন্তপক্ষে যাইবার আয়োজন করিতেছে, তখন রামকানাইকে ডাক পড়িল ।

অনাহারে মৃতপ্রায় শুষ্ক গুঠ শুষ্করসনা বৃদ্ধ কম্পিত শীর্ণ অঙ্গুলি দিয়া সাক্ষ্যমঞ্চের কাঠগড়া

চাপিয়া ধরিলেন । চতুর ব্যারিষ্টার অত্যন্ত কোশলে কথা বাহির করিয়া লইবার জন্ত জেয়া করিতে আরম্ভ করিলেন—বহুদূর হইতে আকুল করিয়া সাবধানে অতিদীর বক্রগতিতে প্রশঙ্কের নিকটবর্ত্তী হইবার উদ্দেশ্য করিতে লাগিলেন ।

তখন রামকানাই জজের দিকে ফিরিয়া বোড়হস্তে কহিলেন “হুজুর, আমি বৃদ্ধ, অত্যন্ত দুর্বল । আপন কথা মিথ্যাব সামর্থ্য নাই । আমার যা বালবার সংক্ষেপে বালয়া লই আমার দাদা স্বর্গীয় গুরুচরণচক্রবর্ত্তী মৃত্যুকালে সমস্ত বিনয় সম্পত্তি তাঁহার পত্নী শ্রীমতী বরদা-সুন্দরীকে উঠল করিয়া দিয়া যান । সে উঠল আমি নিজহস্তে লিখিয়াছি এবং দাদা নিজ হস্তে স্বাক্ষর করিয়াছেন । আমার পুত্র নব-দ্বীপচন্দ্র যে উঠল দাখিল করিয়াছেন তাহা মিথ্যা !” এই বলিয়া রামকানাই কাঁপিতে কাঁপিতে মুচ্ছিত হইয়া পড়িলেন ।

চতুর ব্যারিষ্টার সকৌতুকে পার্শ্ববর্ত্তী অ্যাট-র্গিকে বলিলেন, বাই জোভ ! লোকটাকে কেমন ঠেসে ধরে ছিলুম ?

মামাতো ভাই ছুটিয়া দিদিকে গিয়া বলিল—“বুড়ো সমস্ত মাটি করিয়াছিল—আমার সাক্ষ্য মকদ্দমা রক্ষা পায় ।”

দিদি বলিলেন “বটে ? লোক কে চিন্তে পারে ! আমি বুড়াকে ভাল বলে জানতুম !”

কারাবরুদ্ধ নবদ্বীপের বুদ্ধিমান বহুরা অনেক ভাবিয়া স্থির করিল “নিশ্চয়ই বৃদ্ধ ভয়ে এই কাজ করিয়া ফেলিয়াছে । সাক্ষীর বাক্-সের মধ্যে উঠিয়া বুড়া বুদ্ধি ঠিক রাখিতে পারে নাই । এমনতর আন্ত নিরোধ সমস্ত সহর খু জ্বিলে মিলে না”

গৃহে ফিরিয়া আসিয়া রামকানাইয়ের কঠিন বিকার জর উপস্থিত হইল । প্রলাপে পুত্রের নাম উচ্চারণ করিতে করিতে এই

নিকোঁধ, সৰ্ব্বকৰ্মপণ্ডকাকী নবদ্বীপের অনা-
বশক বাপ পৃথিবী হইতে অপসৃত হইয়া গেল
—আত্মীয়দের মধ্যে কেহ কেহ কহিল আর
কিছুদিন পূর্বে গেলেই ভাল হইত—কিন্তু
তাহাদের নাম করিতে চাহি না।



সম্পর্কমিলাইয়া দেখিতে গেলে বনমালী
এবং হিমাংশুর মালী উভয়ে মামাতো পিসতুতো
ভাই ; সেও অনেক হিসাব করিয়া দেখিলে
তবে মেলে। কিন্তু ইহাদের দুই পরিবার
বহুকাল হইতে প্রতিবেশী, মাঝে কেবল
একটা বাগানের ব্যবধান, এই জন্ত ইহাদের
সম্পর্ক নিতান্ত নিকট না হইলেও ঘনিষ্ঠতার
অভাব নাই।

বনমালী হিমাংশুর চেয়ে অনেক বড়।
হিমাংশুর যখন দস্ত এবং বাক্যকৃতি হয় নাই,
তখন বনমালী তাহাকে কোলে করিয়া এই
বাগানে সকালে সন্ধ্যায় হাওয়া খাওয়াইয়াছে,
খেলা করিয়াছে, কান্না খামাইয়াছে, ঘুম পাড়া-
ইয়াছে এবং শিশুর মনোরঞ্জন করিবার জন্ত
পরিণতবুদ্ধি বয়স্ক লোকদিগকে সবেগে শির-
শালন, তারস্বরে প্রলাপভাষণ প্রভৃতি যে
সকল বয়সাহুচিত চাপল্য এবং উৎকট উদ্ভম
প্রকাশ করিতে হয় বনমালী তাহাও করিতে
ক্রটি করেন নাই।

বনমালী লেখাপড়া বড় একটা কিছু করে
নাই। তাহার বাগানের সখ ছিল এবং এই
দূর সম্পর্কের ছোট ভাইটি ছিল। ইহাও

খুব একটি দুর্লভ দুর্লভ লতার মত বনমালী,
হৃদয়ের সমস্ত স্নেহসিঞ্চন করিয়া পালন করি-
তেছিল এবং সে যখন তাহার সমস্ত অন্তর
বাহিরকে আচ্ছন্ন করিয়া লতাইয়া উঠিতে
লাগিল তখন বনমালী আপনাকে ধন্ত জ্ঞান
করিল।

এমন সচরাচর দেখা যায় না কিন্তু এক
একটি স্বভাব আছে যে একটি ছোট পেয়াল
কিংবা একটি ছোট শিশু কিংবা একটি অকৃতজ্ঞ
বন্ধুর নিকটে অতি সহজে আপনাকে সম্পূর্ণ
বিসর্জন করে ; এই বিপুল পৃথিবীতে একটি
মাত্র ছোট স্নেহের কারবারে জীবনের সমস্ত
মূলধন সমর্পণ করিয়া নিশ্চিন্ত থাকে, তারপরে
হয় ত সামান্য উপস্থিত্তে পরম সন্তোষে জীবন
কাটাইয়া দেয় কিংবা সহসা একদিন প্রভাতে
সমস্ত ঘরবাড়ি বিক্রয় করিয়া কাঙাল হইয়া
পথে গিয়া দাঁড়ায়।

হিমাংশুর বয়স যখন আর একটু বাড়িল
তখন বয়স এবং সম্পর্কের বিস্তর তারতম্যসঙ্গেও
বনমালীর সহিত তাহার যেন একটি বন্ধুত্বের
বন্ধন স্থাপিত হইল। উভয়ের মধ্যে যেন
ছোট বড় কিছু ছিল না।

এরূপ হইবার একটু কারণও ছিল। হিমাংশু
লেখাপড়া করিত এবং স্বভাবতই তাহার
জ্ঞানস্পৃহা অত্যন্ত প্রবল ছিল। বই পাইলেই
পড়িতে বসিত, তাহাতে অনেক বাজে বই
পড়া হইয়াছিল বটে কিন্তু যেমন করিয়াই
হোক চারিদিকেই তাহার মনের একটি পরি-
ণতি সাধন হইয়াছিল। বনমালী বিশেষ
একটু শ্রদ্ধার সহিত তাহার কথা শুনিত,
তাহার পরামর্শ লইত, তাহার সহিত ছোট
বড় সকল কথার আলোচনা করিত, কোন
বিষয়েই তাহাকে বালক বলিয়া অগ্রাহ্য করিত
না। হৃদয়ের সর্ব প্রথম স্নেহরস দিয়া তাহাকে
মাগুস করা গিয়াছে, বয়সকালে যদি সে বুঝি,

জ্ঞান এবং উন্নত স্বভাবের জন্ত শ্রদ্ধার অধিকারী হয় তবে তাহার মত এমন পরম প্রিয়বস্তু পৃথিবীতে আর পাওয়া যায় না।

বাগানের সগুণ হিমাংশুর ছিল। কিন্তু এ বিষয়ে ছই বন্ধুর মধ্যে প্রভেদ ছিল। বন-মালীর ছিল হৃদয়ের সগুণ হিমাংশুর ছিল বুদ্ধির সখ। পৃথিবীর এই কোমল গাছপালাগুলি, এই অচেতন জীবন রাশি, যাহারা যত্নের কোন লালসা রাখে না অথচ যত্ন পাইলে ঘরের ছেলেগুলির মত বাড়িয়া উঠে, যাহারা মানুষের শিশুর চেয়েও শিশু, তাহাদিগকে সম্বন্ধে মানুষ করিয়া তুলিবার জন্ত বনমালীর একটি স্বাভাবিক প্রবৃত্তি ছিল। কিন্তু হিমাংশুর গাছপালার প্রতি একটি নোহুহল দৃষ্টি ছিল। অক্ষুর গজাইয়া উঠে কিশলয় গজাইয়া দেথা দেয়, কুঁড়ি ধরে ফুল ফুটিয়া উঠে ইহাতে তাহার একান্ত মনোযোগ আকর্ষণ করিত।

গাছের বীজ বপন, কলম করা, সার দেওয়া, চান্কা তৈয়ারি প্রভৃতি সম্বন্ধে হিমাংশুর মাথায় বিবিধ পরামর্শের উদয় হইত এবং বনমালী জ্যেষ্ঠ আনন্দের সহিত তাহা গ্রহণ করিত। এই উজ্জ্বলগুটুকু লইয়া আকর্ষিত প্রকৃতির যত্নপ্রকার সংযোগ বিয়োগ সম্বন্ধে তাহা উদ্ভয়ে মিলিয়া সাধন করিত।

ধারের সপ্তম্বে বাগানের উপরেই একটি বাধানো বেদী মত ছিল। চারটে বাজিলেই একটা পাতলা জামা পরিয়া, একটি কোচানো চাদর কাধের উপর ফেলিয়া গুড়গুড়ি লইয়া বনমালী সেইখানে ছায়ায় গিয়া বসিত। কোন বন্ধুবান্ধব নাই, হাতে একখানি বই কিংবা পবের কাগজ নাই। বসিয়া বসিয়া তামাক টানিত, এবং আড়চক্ষে উদাসীনভাবে কখন বা দক্ষিণে কখন বা বামে দৃষ্টিপাত করিত। এমনি করিয়া সময় তাহার গুড়গুড়ির বাপ-কুণ্ডলীর মত ধীরে ধীরে অন্ত্যস্ত লগুভাবে

উড়িয়া যাইত, ভাঙ্গিয়া যাইত, মিলাইয়া যাইত। কোথাও কোন চিহ্ন রাখিত না।

অবশেষে যখন হিমাংশু ফুল হইতে ফিরিয়া জল খাইয়া হাত মুখ ধুইয়া দেথা দিত, তখন তাড়াতাড়ি গুড়গুড়ির নল ফেলিয়া বনমালী উঠিয়া পড়িত। তখন তাহার আগ্রহ দেখিয়া বুঝা যাইত এতক্ষণ ধৈর্য্যসহকারে সে কাহার প্রত্যাশায় বসিয়া ছিল।

তাহার পরে ছইজনে বাগানে বেড়াইতে বেড়াইতে কথা। অন্ধকার হইয়া আসিলে ছই জনে বেঞ্চের উপর বসিলে দক্ষিণের বাতাস গাছের পাতা মন্দ্রিত করিয়া বহিয়া যাইত; কোন দিন বা বাতাস বহিত না, গাছপালাগুলি ছবির মত স্থির দাঁড়াইয়া রহিত, মাথার উপরে আকাশ ভরিয়া তারাগুলি জ্বলিতে থাকিত।

হিমাংশু কথা কহিত বনমালী চুপ করিয়া শুনিত। যাহা বুদ্ধিত না তাহাও তার ভাল লাগিত; যে সকল কথা আর কাহারো নিকট হইতে অত্যন্ত বিরক্তজনক লাগিতে পারিত, সেই কথাই হিমাংশুর মুখে বড় কৌতুকের মনে হইত। এমন শ্রদ্ধাবান ব্যয় শ্রোতা পাইয়া হিমাংশুর বক্তৃতাপ্রকৃতি, শ্রুতিশক্তি, কল্পনাশক্তির সবিশেষ পরিচূপ লাভ হইত। সে কতক বা পড়িয়া বলিত, কতক বা ভাবিয়া বলিত, কতক বা উপস্থিতমত তাহার মাথায় যোগাইত এবং অনেক সময়ে কল্পনার সহায়তায় জ্ঞানের অভাব ঢাকা দিয়া লইত। অনেক ঠিক কথা বলিত অনেক বেঠিক কথাও বলিত কিন্তু বনমালী গম্ভীরভাবে শুনিত, মাঝে মাঝে ছোটো একটা কথা বলিত, হিমাংশু তাহার প্রতিবাদ করিয়া যাহা বুঝাইত তাহাই বুদ্ধিত এবং তাহার পরদিন ছায়ায় বসিয়া গুড়গুড়ি টানিতে টানিতে সেই সকল কথা অনেকক্ষণ ধরিয়া বিশ্বয়ের সহিত চিন্তা করিত।

ঈতমধ্যে এক গোল বাধিল। বনমালী-

দের বাগান এবং হিমাংশুদের বাড়ির মাঝ-
খানে জল যাইবার একটি নালা আছে। সেই
নালার এক জায়গায় একটি পাতিনেবুর গাছ
জন্মিয়ছে। সেই গাছে যখন ফল ধরে তখন
বনমালীদের চাকর তাহা পাড়িতে চেষ্টা করে
এবং হিমাংশুদের চাকর তাহা নিবারণ করে
এবং উভয় পক্ষে যে গালাগালি বর্ষিত হয়
তাহাতে যদি কিছুমাত্র বস্তু থাকিত তাহা
হইলে সমস্ত নালা ভরাট হইয়া যাইত।

মাকে হইতে বনমালীর বাপ হরচন্দ্র এবং
হিমাংশুমালীর বাপ গোকুলচন্দ্রের মধ্যে তাহাই
লইয়া ঘোর বিবাদ বাধিয়া গেল। দুই পক্ষে
নালার দখল লইয়া আদালতে হাজির।

উকীল ব্যারিষ্টারদের মধ্যে যতগুলি মহা-
বণী ছিল সকলেই অত্যন্তর পক্ষ অবলম্বন করিয়া
সুদীর্ঘ বাকযুদ্ধ আরম্ভ করিল। উভয় পক্ষের
যে টানকাটা পরচ হইয়া গেল তাহাদের প্রাবল্যেও
উক্ত নালা দিয়া এত জল কখনো বহে নাই।

শেষকালে হরচন্দ্রের জিত হইল; প্রমাণ
হইয়া গেল নালা তাহারি, এবং পাতিনেবুতে
আর কাহারো কোন অধিকার নাই। আগীল
হইল কিন্তু নালা এবং পাতিনেবু হরচন্দ্রেরই
রহিল।

যতদিন মরুভূমি চলিতেছিল দুই ভায়ের
একুই কোন ব্যাঘাত ঘটে নাই। এমন কি,
পাছে বিবাদের ছায়া পরস্পরকে স্পর্শ করে
এই আশঙ্কায় কাতর হইয়া বনমালী দ্বিগুণ
ঘনিষ্ঠভাবে হিমাংশুকে ছদয়ের কাছে আবদ্ধ
করিয়া রাখিতে চেষ্টা করিত, হিমাংশুও লেশ-
মাত্র বিমুগ্ধভাব প্রকাশ করিত না।

যে দিন আদালতে হরচন্দ্রের জিত হইল,
সে দিন বাড়িতে বিশেষতঃ অন্তঃপুরে পরম
উল্লাস পড়িয়া গেল; কেবল বনমালীর চক্ষে স্রুম
বহিল না। তাহার পরদিন অপরাহ্নে সে এমন
মানস্বখে সেই বাগানের বেদীতে গিয়া বসিল

যেন পৃথিবীতে আর কাহারো কিছু হয় নাই
কেবল তাহারই একটা মস্ত হার হইয়া গেছে।

সে দিন সময় উত্তীর্ণ হইয়া গেল, ছয়টা বাজিয়া
গেল কিন্তু হিমাংশু আসিল না। বনমালী একটা
গভীর দীর্ঘনিঃশ্বাস ফেলিয়া হিমাংশুদের বাড়ির
দিকে চাহিয়া দেখিল। খোলা জানালার ভিতর
দিয়া দেখিতে পাইল আলনার উপরে হিমাংশুর
স্কুলের ছাড়া কাপড় ঝুলিতেছে; অনেকগুলি
চিরপরিচিত লক্ষণ মিলাইয়া দেখিল হিমাংশু
বাড়িতে আছে। গুড়গুড়ির নল ফেলিয়া দিয়া
বিষম মুখে বেড়াইতে লাগিল এবং সহস্রবার
সেই বাতায়নের দিকে চাহিয়া কিন্তু হিমাংশু
বাগানে আসিল না।

সন্ধ্যার আলো জ্বলিলে বনমালী দীবে
দীবে হিমাংশুর বাড়িতে গেল:

গোকুলচন্দ্র দ্বারের কাছে বসিয়া ওপুর্বে
হাওয়া লাগাইতে ছিলেন। তিনি বলিলেন
“কেণ্ড!”

বনমালী চমকিয়া উঠিল। যেন সে চুপি
করিতে আসিয়া ধরা পড়িয়াছে।

কম্পিতকণ্ঠে বলিল “মামা আমি!”

মামা বলিলেন “কাহাকে খুজিতে আসি-
য়াছ বাড়িতে কেহ নাই!”

বনমালী আবার বাগানে ফিরিয়া আসিয়া
চুপ করিয়া বসিল।

যত রাত হইতে লাগিল দেখিল হিমাংশু-
দের বাড়ির জানালাগুলি একে একে বন্ধ
হইয়া গেল; দরজার ফাঁক দিয়া যে দীপা-
লোকরেখা দেখা যাইতেছিল তাহাও ক্রমে ক্রমে
অনেকগুলি নিবিয়া গেল। অন্ধকার রাত্রে বন-
মালীর মনে হইল হিমাংশুদের বাড়ির সমুদায়
দ্বার তাহারই নিকট রুদ্ধ হইয়া গেল, সে কেবল
বাহিরের অন্ধকারে একলা পড়িয়া রহিল।

আবার তাহার পরদিন বাগানে আসিয়া
বসিল, মনে করিল আজ হয় ত আসিতেও

পারে। যে বছরাল হইতে প্রতিদিন আসিত সে যে একদিনও আসিবে না এ কথা সে কিছুতেই মনে করিতে পারিল না। কখন মনে করে নাই এ বন্ধন কিছুতেই ছিঁড়িবে; এমন নিশ্চিন্ত মনে থাকিত যে জীবনের সমস্ত সুখ দুঃখ কখন সেই বন্ধনে ধরা, দিয়াছে তাহা সে জানিতেও পারে নাই। আজ সহসা জানিল সেই বন্ধন ছিঁড়িয়াছে কিন্তু এক মুহূর্তে যে তাহার সর্বনাশ হইয়াছে তাহা সে কিছুতেই অস্তরের সহিত বিশ্বাস করিতে পারিল না।

প্রতিদিন মথাসময়ে বাগানে বসিত যদি দৈবক্রমে আসে! কিন্তু এমনি হুঁত্যাগ্য, যাহা নিয়মক্রমে প্রত্যহ ঘটত তাহা দৈবক্রমেও এক দিন ঘটিল না।


রবিবার দিন ভাবিল পূর্ব নিয়মমত আজও হিমাংশু সকালে আমাদের এখানে পাইতে আসিবে। ঠিক যে বিশ্বাস করিল তাহা নয় কিন্তু তবু আশা ছাড়িতে পারিল না। সকাল আসিল সে আসিল না।

তখন বনমালী বলিল “তবে আহার করিয়া আসিবে”। আহার করিয়া আসিল না। বনমালী ভাবিল “আজ বোধ হয় আহার করিয়া ঘুমাইতেছে। ঘুম ভাঙ্গিলেই আসিবে”। ঘুম কখন ভাঙ্গিল জানি না কিন্তু আসিল না।

আবার সেই সন্ধ্যা হইল রাত্রি আসিল, হিমাংশুদের দ্বার একে একে রুদ্ধ হইল, আলোগুলি একে একে নিবিয়া গেল।

এমনি করিয়া সোমবার হইতে রবিবার পর্যন্ত সপ্তাহের সাতটা দিনই যখন দূরদৃষ্ট তাহার হাত হইতে কাড়িয়া লইল আশাকে আশ্রয় দিবার ক্ষমতা যখন আর একটা দিনও বাকি রহিল না, তখন হিমাংশুদের রুদ্ধদ্বার অট্টালিকার দিকে তাহার অশ্রুজলপূর্ণ হৃৎ কাতরচক্ষু বড় একটা মর্মভেদী অভিমানের নালিশ পাঠাইয়া দিল এবং জীবনের সমস্ত বেদনাকে একটীয়া

আর্তস্বরের মধ্যে সংহত করিয়া বলিল “হে দয়াময়!”



লিপিতে লিখিয়া অবধি উমা বিষম উৎসব আরম্ভ করিয়াছে। বাড়ির প্রত্যেক ঘরের দেয়ালে কমলা দিয়া বাঁকা লাইন কাটিয়া বড়বড় কাঁচা অক্ষরে কেবলি লিপিতেছে জল পড়ে পাতা নড়ে।

তাহার বোঁঠাকুরাণির বালিশের নীচে হরিদাসের গুপ্তকথা ছিল, সেটা সন্ধান করিয়া বাহির করিয়া তাহার পাতায় পাতায় পেন্সিল দিয়া লিখিয়াছে কাল জল, লাল ফল।

বাড়ির সর্বদা-ব্যবহার্য্য নুতন পঞ্জিকা হইতে অধিকাংশ তিথি নক্ষত্র খুব বড় বড় অক্ষরে এক প্রকার লুপ্ত করিয়া দিয়াছে।

বানার দৈনিক হিসাবের খাতায় তমাখরচের মাঝখানে লিপিয়া রাখিয়াছে “লেখাপড়া করে যেই, গাড়িঘোড়া চড়ে সেই।”

এ প্রকার সাহিত্যচর্চায় এ পর্যন্ত সে কোন প্রকার বাধা পায় নাই, অবশেষে একদিন একটা গুরুতর হুঁতনা ঘটিল।

উমার দাদা গোবিন্দলাল দেপিতে অত্যন্ত নিরীহ, কিন্তু সে খবরের কাগজে সর্বদাই লিপিয়া থাকে। তাহার কথাবার্তা শুনিয়া তাহার আত্মীয় স্বজন কিংবা তাহার পরিচিত প্রতিবেশীরা কেহ তাহাকে চিন্তাশীল বলিয়া কখন সন্দেহ করে না। এবং বাস্তবিকও

সে যে কোন বিষয়ে কখনও চিন্তা করে এমন অপবাদ তাহাকে দেওয়া যায় না। কিন্তু সে লেখে ; এবং বাঙ্গালার অধিকাংশ পাঠকের সঙ্গে তার মতের সম্পূর্ণ ঐক্য হয়।

শরীরতন্ত্র সম্বন্ধে যুরোপীয় বৈজ্ঞানিকমণ্ডলীর মধ্যে কতকগুলি গুরুতর ভ্রম প্রচলিত আছে, সে গুলি গোবিন্দলাল যুক্তির কোন সাহায্য অবলম্বন না করিয়াও কেবল মাত্র লোমাক্ষজনক ভাষার প্রভাবে সতেজে খণ্ডন পূর্বক একটি উপাদেয় প্রবন্ধ রচনা করিয়াছিল।

উমা একদিন নির্জ্ঞান দ্বিপ্রহরে দাদার কালী কলম লইয়া সেই প্রবন্ধটির উপরে বড় বড় করিয়া লিখিল—গোপাল বড় ভাল ছেলে, তাহাকে যাঁহা দেওয়া যায় সে তাহাই খায়।

গোপাল বলিতে সে যে গোবিন্দলালের প্রবন্ধ পাঠকদের প্রতি বিশেষ লক্ষ্য করিয়াছিল তাহা আমার বিশ্বাস হয় না, কিন্তু দাদার ক্রোধের সীমা ছিল না। প্রথমে তাহাকে মারিল অবশেষে একটি স্বল্পাবশিষ্ট পেন্সিল, আদ্যোপান্ত মসীলিখ একটি ভোতা কলম, তাহার বহুযত্ন সঞ্চিত যৎসামান্ত লেখোপকরণের পুঁজি কাড়িয়া লইল। অপমানিত বালিকা তাহার এতাদৃশ গুরুতর লাঞ্চার কারণ সম্পূর্ণ বুদ্ধিতে না পরিয়া ঘরের কোণে বাসিয়া ব্যথিত হৃদয়ে কাঁদিতে লাগিল।

শাসনের মেয়াদ উত্তীর্ণ হইলে পর গোবিন্দলাল কিঞ্চিৎ অহুতপ্ত চিত্তে উমাকে তাহার লুক্কিত সামগ্রীগুলি ফিরাইয়া দিল এবং উপরন্তু একপানি মসী লাইন টানা ভাল বাধানো খাতা দিয়া বালিকার হৃদয়বেদনা দূর করিবার চেষ্টা করিল।

উমার বয়স তখন দাঁড় বৎসর। এখন হইতে এই খাতাটি ষাটিকালে উমার বাগিশের নীচে ও দিনের বেলা সর্বদা তাহার কক্ষে ক্রোড়ে বিরাজ করিতে লাগিল।

ছোট বেশীটি বাঁধিয়া ঝি সঙ্গে করিয়া যখন সে গ্রামের বাজিকা বিড়ালয়ে পড়িতে বাইত খাতাটি সঙ্গে সঙ্গে বাইত। দেখিয়া মেয়েদের কাহারো বিশ্বয়, কাহারো লোভ, কাহারো বা ধেষ হইত।

প্রথম বৎসরে অতি যত্ন করিয়া খাতায় লিখিল “পাখী সব করে রব রাত্তি পোহাইল।” শয়ন গৃহের মেঝের উপরে বসিয়া খাতাটি আঁকড়িয়া ধরিয়া উচ্চৈঃস্বরে সুর করিয়া পড়িত এবং লিখিত। এমনি করিয়া অনেক গণ্ড পণ্ড সংগ্রহ হইল।

দ্বিতীয় বৎসরে মধ্য মধ্য ছুটি একটি স্বাধীন রচনা দেখা দিতে লাগিল। অত্যন্ত সংক্ষিপ্ত কিন্তু অত্যন্ত সারবান—ভূমিকা নাই উপসংহার নাই। ছুটা একটা উদ্ধৃত করিয়া দেওয়া যাইতে পারে।

খাতায় কথাখালার ব্যাঘ্র ও বকের গল্পটা যেখানে কাপি করা আছে, তাহার নীচে এক জায়গায় একটা লাইন পাওয়া গেল সেটা কথা মালা কিংবা বর্তমান বঙ্গ সাহিত্যের আর কোথাও ইতিপূর্বে দেখা যায় নাই। সে লাইনটি এই—“যশিকে আমি খুব ভাল বাসি”।

কেহ না মনে করেন আমি এইবার একটা প্রেমের গল্প বানাইতে বসিয়াছি। যশি পাড়ার কোন একাদশ কিংবা দ্বাদশবর্ষীয় বালক নহে। বাড়ির একটি পুরাতন দাসী ; তাহার প্রকৃত নাম ফশোদা।

কিন্তু যশির প্রতি বালিকার প্রকৃত মনোভাব কি এই এক কথা হইতে তাহার কোন দৃঢ় প্রমাণ পাওয়া যায় না। এ বিষয়ে যিনি বিশ্বাসযোগ্য ইতিহাস লিখিতে ইচ্ছা করিবেন, তিনি এই খাতাতেই দু'পাতা অন্তরে পূর্বোক্ত কথাটির সুস্পষ্ট প্রতিবাদ দেখিতে পাইবেন।

এখন এফটা আধটা নয়, উমার রচনাধ পদে পদে পরস্পর-বিরোধিতা দোষ লক্ষিত

হয়। এক স্থলে দেখা গেল—হরির সঙ্গে জন্মের মত আড়ি। (হরিচরণ নয়, হরি-দাসী, বিভাগলের সহপাঠিকা)। তার অনতিদূরেই এমন কথা আছে যাহা হইতে সহজেই বিশ্বাস জন্মে যে, হরির মত প্রাণের বন্ধু তাহার আর ত্রিভুবনে নাই।

তাহার পর বৎসরে বালিকার বয়স যখন নয় বৎসর, তখন একদিন সকাল বেলা হইতে তাহাদের বাড়িতে সানাই বাজিতে লাগিল। উমার বিবাহ। বরটির নাম প্যারীমোহন, গোবিন্দলালের সহযোগী লেখক। বয়স যদিও অধিক নয় এবং লেখাপড়াও কিঞ্চিৎ শেখা আছে, তথাপি নব্যভাব তাঁর মনে কিছু-মাত্র প্রবেশ করিতে পারে নাই এই জন্ত পাড়ায় লোকে সর্বদা তাহাকে ধস্তা ধনি করিত, এবং গোবিন্দলাল তাহার অনুকরণ করিতে চেষ্টা করিত, কিন্তু সম্পূর্ণ কৃৎসর্ঘ্য হইতে পারে নাই।

উমা বেনারসী সাড়ী পরিয়া ঘোমটায় মুদ্র মুখখানি আবৃত করিয়া কাঁদিতে কাঁদিতে খণ্ডর-বাড়ি গেল। মা বলিয়া দিলেন, “বাছা স্বাণ্ডীর কথা মানিয়া চলিস, ঘর করার কাজ করিস, লেখাপড়া লইয়া থাকিসনে।”

গোবিন্দলাল বলিয়া দিলেন “দেখিস, সেখানে দেখালে আচড় কাঁটিয়া বেড়াইনে, সে তেমন বাড়ি নয়। আর প্যারীমোহনের কোন লেখার উপরে খবরদার বলম চালাইনে।”

বালিকার হৃৎকম্প উপস্থিত হইল। তখন বুঝিতে পারিল সে যেখানে যাউতেছে, সেখানে কেহ তাহাকে নাজানা করিবে না। এবং তাহার কাহাকে দোষ বলে অপরাধ বলে ক্রটি বলে তাহা অনেক ভৎসনার পর অনেক দিনে শিখিয়া লইতে হইবে।

সোদন সকালেও সানাই বাজিতেছিল। কিন্তু সেই যে মটা এবং বেনারসী সাড়ী এবং অলঙ্কারে যজ্ঞিত মুদ্র বালিকার কম্পিত হৃদয়-

টুকুর মধ্যে কি হইতে ছিল তাহা ভাল করিয়া বোঝে এমন এক জনও সেই লোকারণ্যের মধ্যে ছিল কি না সন্দেহ।

যশিও উমার সঙ্গে গেল। কিছু দিন থাকিয়া উমাকে খণ্ডর বাড়িতে প্রতিষ্ঠিত করিয়া সে চলিয়া আসিবে এমনি কথা ছিল।

শ্বেহশীলা যশি অনেক বিবেচনা করিয়া উমার খাতাটি সঙ্গে লইয়া গিয়াছিল। এই খাতাটি তাহার পিতৃভবনের একটি অংশ। তাহার অতিক্রমিক জন্মগ্রহবাসের শ্বেহময় স্মৃতিচিত্র; পিতামাতার অক্ষয়লীর একটি সংক্ষিপ্ত ইতিহাস, অত্যন্ত বাঁকাচোরা কাঁচা অক্ষরে লেখা! তাহার এই অকাল গৃহিণী-পনার মধ্যে বালিকাশ্বভাবরোচক একটুখানি শ্বেহমধুর স্বাধীনতার আশ্বাদ।

খণ্ডরবাড়ি গিয়া প্রথম কিছুদিন সে কিছুই লেখে নাই। সময়ও পায় নাই। অবশেষে কিছুদিন পরে যশি তাহার পূর্বস্থানে চলিয়া গেল।

সোদন উমা হুপুরবেলা শয়নগৃহের দ্বার রুদ্ধ করিয়া টিনের বাস্ক হইতে খাতাটি বাহির করিয়া কাঁদিতে কাঁদিতে লিখিল “যশি বাড়ি চলে গেছে আমিও যার কাছে যাব।”

আজকাল চাকুপাঠ এবং বোধোদয় হইতে কিছু কাপি করবার অবসর নাই, বোধ করি তেমন ইচ্ছাও নাই। সুতরাং আজ কাল বালিকার সংক্ষিপ্ত রচনার মধ্যে মধ্যে দীর্ঘ বিচ্ছেদ নাই। পূর্বেদিত পদটির পরেই দেখা যায় লেখা আছে “দাদা যদি একবার বাড়ি নিয়ে যায় তাহলে দাদার লেখা আর কখনো খাবাপ বরে দেন না।”

শুনা যায় উমার পিতা ভয়াকে প্রায় মাঝে মাঝে বাড়ি আনিতে চেষ্টা করেন। কিন্তু গোবিন্দলাল প্যারীমোহনের সঙ্গে যোগ দিয়া তাহার প্রতিবন্ধক হয়।

গোবিন্দলাল বলে এখন উমার পতিভক্তি শিক্ষার সময়, এখন তাহাকে মাঝে মাঝে পতিগৃহ হইতে পুরাতন পিতৃস্নেহের মধ্যে আনয়ন করিলে তাহার মনকে অনর্থক বিক্ষিপ্ত করিয়া দেওয়া হয়। এই বিষয়ে সে উপদেশে বিক্রমে জড়িত এমন সুন্দর প্রবন্ধ লিখিয়াছিল যে তাহার একমতবর্তী সকল পাঠকেই উক্ত রচনার অকাট্য সত্য সম্পূর্ণ স্বীকার না করিয়া থাকিতে পারে নাই।

লোকমুখে সেই বখা শুনিয়াই উমা তাহার খাতায় লিখিয়াছিল ‘দাদা, তোমার ছুটি পায়ে পড়ি, আমাকে একবার তোমাদের ঘরে নিয়ে যাও, আমি তোমাকে আর কখন রাগাব না।’

এক দিন উমা দ্বার রুদ্ধ করিয়া এমনি কি একটা অর্থহীন তুচ্ছ কথা খাতায় লিপিতেছিল। তাহার নন্দ তিলকমঞ্জরীর অত্যন্ত কৌতূহল হইল—সে ভাবিল বৌদিদি মাঝে মাঝে দরজা বন্ধ করিয়া কি করে দেখিতে হইবে দ্বারের ছিদ্র দিয়া দেখিল লিপিতেছে। দেখিয়া অবাক। তাহাদের অন্তঃপুরে কখনই সরস্বতীর এরূপ গোপন সমাগম হয় নাই।

তাহার ছোট বনকমঞ্জরী সেও আসিয়া একবার উ কি মারিয়া দেখিল। এবং তাহারো ছোট অনঙ্গমঞ্জরী সেও পদাঙ্গুলির উপর ভর দিয়া বহুবশ্চৈ ছিদ্রপথ দিয়া রুদ্ধগৃহের বহুশ্র-ভেদ করিয়া লইল।

উমা লিপিতে লিপিতে সহসা গৃহের বাহিরে তিনটি পরিচিত বস্তুর পিল্পিল্পি হাসি শুনিতে পাইল। ব্যাপারটা বুঝিতে পারিল। খাতাটি তাড়াতাড়ি বাক্সে বন্ধ করিয়া লজ্জায় ভয়ে বিছানায় মুখ লুকাইয়া পড়িয়া বাহিল।

প্যারীমোহন এই সংবাদ অবগত হইয়া বিশেষ চিন্তিত হইল। পড়া শুনা আরম্ভ

হইলেই নভেল নাটকের আমদানী হইবে এবং গৃহধর্ম রক্ষা করা দায় হইয়া উঠিবে।

তা ছাড়া বিশেষ চিন্তা দ্বারা এ বিষয়ে সে একটি অতি স্থূলতঃ নির্ণয় করিয়াছিল। সে বলিত, জ্ঞীশক্তি এবং পুংশক্তি উভয় শক্তির সম্মিলনে পবিত্র দাম্পত্য শক্তির উদ্ভব হয়; কিন্তু লেখা পড়া শিক্ষার দ্বারা যদি জ্ঞীশক্তি পরাভূত হইয়া একান্ত পুংশক্তির প্রাধুর্ভাব হয়, তবে পুংশক্তির সহিত পুংশক্তির প্রতিঘাতে এমন একটি প্রলয়শক্তির উৎপত্তি হয় যদ্বারা দাম্পত্য শক্তি বিনাশ-শক্তির মধ্যে বিশীনসত্ব লাভ করে, স্তত্রাং রমণী বিধবা হয়। এ পর্যন্ত এতেষের কেহ প্রতিবাদ করিতে পারে নাই।

প্যারীমোহন সন্ধ্যাকালে ঘরে আসিয়া কয়েক যথেষ্ট ভৎসনা করিল এবং কিঞ্চিৎ উপহাসও করিল—বলিল সামলা ফরমাস দিতে হইবে, গিন্নি কাণে কলম গুজিয়া অপিসে যাইবেন।

উমা ভাল বুঝিতে পারিল না! প্যারীমোহনের প্রবন্ধ সে কখন পড়ে নাই, এই জন্ত তাহার এখনো ততদূর রসবোধ জন্মে নাই। কিন্তু সে মনে মনে একান্ত সঙ্কুচিত হইয়া গেল—মনে হইল পৃথিবী বিধা হইলে তবে সে লজ্জা রক্ষা করিতে পারে।

বহুদিন আর সে লেখে নাই। কিন্তু এক দিন শরৎকালের প্রভাতে একটি গায়িকা ভিখারিণী আগমনীর গান গাহিতেছিল। উমা জানাপার গবাদের উপর মুখ রাখিয়া চুপ করিয়া শুনিতেছিল। একে শরৎকালের বোড়ে ছেঁলেবেলাকার সকল কথা মনে পড়ে, তাহার উপরে আগমনীর গান শুনিয়া সে আর থাকিতে পারিল না।

উমা গান গাহিতে পারিত না; কিন্তু লিপিতে লিখিয়া অবশি এমনি তাহার অভ্যাস

হইয়াছে যে একটা গান শুনিলেই সেটা লিখিয়া লইয়া গান গাহিতে না পারার খেদ মিটাইত। আজ কাঞ্চালী গাহিতেছিল—

“পরবাসী বলে উমার মা,
তোর হারা তারা এল ওই !
শুনে পাগলিনীর প্রায়, অমনি রাণী ধায়,
কই উমা বলি কই !

কৈদে রাণী বলে, আমার উমা এলে
একবার আয় মা, একবার আয় মা,
একবার আয় মা করি কোলে !

অমনি ছাছ পসারি, মায়ের গলা ধরি
অভিमानে কাঁদি রাণীয়ে বলে ।
কই মেয়ে বলে আনতে গিয়েছিলে।”

অভিमानে উমার হৃদয় পূর্ণ হইয়া চোখে জল ভরিয়া গেল। গোপনে গায়িকাকে ডাকিয়া গৃহদ্বার রুদ্ধ করিয়া বিচিত্র বানানে এই গানটি খাতায় লিখিতে আরম্ভ করিল।

তিলকমঞ্জরী, কনকমঞ্জরী এবং অনঙ্গমঞ্জরী সেই ছিদ্রযোগে সমস্ত দেখিল এবং সহসা করতালি দিয়া বলিয়া উঠিল “বউদিদি, কি করচো আমরা সমস্ত দেখেছি !”

তখন উমা তাড়াতাড়ি দ্বার খুলিয়া বাহর হইয়া কাতর স্বরে বলিতে লাগিল “লক্ষ্মীভাই কাউকে বলিসনে ভাই, তোদের ছুটি পায়ে পড়ি ভাই—আমি আর কর্ণো না, আমি আর লিখ না !”

অবশেষে উমা দেখিল তিলকমঞ্জরী তাহার খাতাটির প্রতি লক্ষ্য করিতেছে। তখন সে ছুটিয়া গিয়া খাতাটি বক্ষে চাপিয়া ধরিল ; নন্দীরা অনেক বল প্রয়োগ করিয়া সেটা কাড়িয়া লইবার চেষ্টা করিল ; রুতকার্য না হইয়া অনঙ্গ, দাদাকে ডাকিয়া আনিল।

প্যারীমোহন আসিয়া গম্ভীরভাবে খাটে বসিল। মেঘমন্ত্র স্বরে বলিল “খাতা দাও”।

আদেশ পালন হইল না দেখিয়া আরো দুই এক সুর গলা নামাইয়া কহিল “দাও”।

বালিকা খাতাটি বক্ষে ধরিয়া একান্ত অল্পনয় দৃষ্টতে স্বামীর মুখের দিকে চাহিল। যখন দেখিল প্যারীমোহন খাতা কাড়িয়া লইবার জল্প উঠিয়াছে, তখন সেটা মাটিতে ফেলিয়া দিয়া দুই বাহুতে মুঠা টাকিয়া ভূমিতে লুপ্তিত হইয়া পড়িল।

প্যারীমোহন খাতাটি লইয়া বালিকার লেখাগুলি উচ্চঃস্বরে পড়িতে লাগিল ; শুনিয়া উমা পৃথিবীকে উত্তরোত্তর গাঢ়তর আলিঙ্গনে বদ্ধ করিতে লাগিল ; এবং অপর তিনটি বালিকা শ্রোতা থিল্ থিল্ করিয়া হাসিয়া অস্থির হইল।

সেই হইতে উমা আর সে খাতা পায় নাই। প্যারীমোহনেরও স্মৃতিত্বকণ্টকিত বিবিধ প্রবন্ধ-পূর্ণ একখানি খাতা ছিল। কিন্তু সেটি কাড়িয়া লইয়া ধ্বংস করে এমন মানবহিতৈষী কেহ ছিল না।



গৌরী প্রাচীন ধনীবংশের পরমাদরে পালিতা সুন্দরী কন্যা। স্বামী পরেশ হীনাবস্থা হইতে সম্প্রতি নিজের উপার্জনে কিঞ্চিৎ অবস্থার উন্নতি করিয়াছে। যতদিন তাহার দৈন্ত ছিল ততদিন কন্যার কষ্ট হইবে ভয়ে শঙ্কর ঋণ্ডী স্ত্রীকে তাঁহার বাড়ীতে পাঠান নাই। গৌরী বেশ একটু বয়স হইয়াই পতিগৃহে আসিয়াছিল।

বোধকরি এই সকল কারণেই পরেশ সুন্দরী যুবতী স্ত্রীকে সম্পূর্ণ নিজের আয়ত্তগম্য

বলিয়া বোধ করিতেন না এবং বোধ করি সন্দেহ স্বভাব তাঁহার একটা ব্যাধির মধ্যে। পরেশ পাশ্চমে একটি ক্ষুদ্র সহরে ওকালতী করিতেন—ঘরে আত্মীয় স্বজন বড় কেহ ছিল না—একাকিনী স্ত্রীর ভ্রাতৃ তাঁহার চিত্ত উদ্ভিন্ন হইয়া থাকিত। মাঝে মাঝে এক এক দিন হঠাৎ অসময়ে তিনি আদালত হইতে বাড়িতে আসিয়া উপস্থিত হইতেন। প্রথম প্রথম স্বামীর এইরূপ আকস্মিক অভ্যাসের কারণ গৌরী ঠিক বুঝিতে পারিত না। মাঝে মাঝে অকারণে পরেশ এক একটা করিয়া চাকর ছাড়াইয়া দিতে লাগিলেন; কোন চাকর তাঁহার আর দীর্ঘকাল পছন্দ হয় না। বিশেষতঃ অসুবিধার আশঙ্কা করিয়া যে চাকরকে গৌরী রাগিবার ভয় অধিক আশ্রয় প্রকাশ করিত, তাহাকে পরেশ এক মুহূর্ত স্থান দিতেন না। তেজস্বিনী গৌরী ইহাতে যতই আঘাত বোধ করিত স্বামী ততই অস্থির হইয়া এক এক সময়ে অদ্ভুত ব্যবহার করিতে থাকিতেন।

অবশেষে আত্মসম্বরণ করিতে না পারিয়া যখন দাসীকে গোপনে ডাকিয়া পরেশ নানা প্রকার সন্দেহ জিজ্ঞাসাবাদ আরম্ভ করিলেন তখন সে সকল কথা গৌরীর কর্ণগোচর হইতে লাগিল। এবং অভিমানিনী স্বরভাষিনী নারী অপমানে আহত সিংহিনীর ভায় অস্তরে অস্তরে উদ্দীপ্ত হইতে লাগিলেন এবং এই উন্নত সন্দেহ দম্পতির মাঝখানে প্রলয়ধ্বংসের মত পড়িয়া উভয়কে একেবারে বিচ্ছিন্ন করিয়া দিল।

গৌরীর কাছে তাঁহার তাঁর সন্দেহ প্রকাশ পাইয়া যখন একবার লজ্জা ভাঙ্গিয়া গেল তখন পরেশ স্পষ্টতই প্রতিদিন পদে পদে আশঙ্কা ব্যক্ত করিয়া স্ত্রীর সহিত কলহ করিতে আরম্ভ করিল এবং গৌরী যতই সিক্তর অবস্থা এবং কষাঘাতের ভায় তীক্ষ্ণ কটাক্ষ দ্বারা তাঁহাকে আশ্বাসমস্তক যেন স্তব্ধ বিকৃত করিতে লাগিল,

ততই তাহার সংশয় মত্ততা আরো যেন বাড়িবার দিকে চলিল।

এইরূপ স্বামীস্বধ হইতে প্রতিহত হইয়া পুত্রহীনা তরুণী ধর্ম্মে মন দিলেন। হরিসভার নবীন প্রচারক ব্রহ্মচারী পরমানন্দস্বামীকে ডাকিয়া মন্ত্র লইলেন এবং তাঁহার নিকট ভাগবতের ব্যাখ্যা শুনিতে আরম্ভ করিলেন। নারীহৃদয়ের সমস্ত ব্যর্থ স্নেহ প্রেম কেবল ভক্তি আকারে পুঞ্জীভূত হইয়া গুরুদেবের পদতলে সমর্পিত হইল।

পরমানন্দের সাধুচরিত্র সম্বন্ধে দেশে বিদেশে কাহারও মনে সংশয় মাত্র ছিল না। সকলে তাঁহাকে পূজা করিত। পরেশ ইহার সম্বন্ধে মুগ্ধ হুটিয়া সংশয় প্রকাশ করিতে পারিতেন না বলিয়াই তাহা গুপ্ত ক্ষতের মত ক্রমশঃ তাঁহার মর্মেব নিকট পর্য্যাপ্ত খনন করিয়া চলিয়াছিল।

একদিন সামান্য কারণে বিষ উদ্দীপ্ত হইয়া পড়িল। স্ত্রীর কাছে পরমানন্দকে উল্লেখ করিয়া হৃৎচরিত্র ভণ্ড বলিয়া গালি দিলেন এবং কহিলেন, তোমার শালগ্রাম স্পর্শ করিয়া শপথ পূর্ব্বক বল দেখি সেই বক-ধার্ম্মিককে তুমি মনে মনে ভালবাসন?

দলিত কণিনীর ভায় মুহূর্তের মধ্যেই উদগ্র হইয়া মিথ্যা স্পর্শ দ্বারা স্বামীকে বিদ্ধ করিয়া গৌরী রুদ্ধকণ্ঠে কহিলেন—ভালবাসি, তুমি কি করিতে চাও কর!—পরেশ তৎক্ষণাৎ ঘরে তালা চাবি লাগাইয়া তাঁহাকে রুদ্ধ করিয়া আদালতে চলিয়া গেল।

অসহ রোধে গৌরী কোন মতে দ্বার উন্মোচন করাইয়া তৎক্ষণাৎ বাড়ী হইতে বাহির হইয়া গেলেন।

পরমানন্দ নিভৃত ঘরে জনহীন মধ্যাহ্নে শাস্ত্র পাঠ করিতেছিলেন। হঠাৎ অমেঘ-বাহিনী বিক্যন্তার মত গৌরী ব্রহ্মচারীর

শাস্ত্রাধ্যয়নের ন্যায়খানে আসিয়া ভাঙ্গিয়া পড়িল! গুরু কহিলেন—একি! শিষ্য কহিলেন, গুরুদেব, অপমানিত সংসার হইতে আমাকে উদ্ধার করিয়া লইয়া চল, তোমার সেবারতে আমি জীবন উৎসর্গ করিব। পরমানন্দ কঠোর ভৎসনা করিয়া গৌরীকে গৃহে ফিরিয়া পাঠাইলেন। কিন্তু হায় গুরুদেব, সে দিনকার সেই অকস্মাৎ ছিন্ন বিছিন্ন অধ্যয়ন সূত্র আর কি তেমন করিয়া মোড়া লাগিতে পারিল।

পরেশ গৃহে আসিয়া মুক্তদ্বার দেখিয়া স্ত্রীকে জিজ্ঞাসা করিলেন, এখানে কে আসিয়াছিল? স্ত্রী কহিলেন, কেহ আসে নাই, আমি গুরুদেবের গৃহে গিয়াছিলাম। পরেশ মুহূর্তকাল পাশ্চ এবং পরক্ষণেই রক্তবর্ণ হইয়া কহিলেন—কেম গিয়াছিলে? গৌরী কহিলেন আমার খুসী!—সে দিন হইতে পাহারা বসাইয়া স্ত্রীকে ঘরে বন্ধ করিয়া পরেশ এমনি উপদ্রব আরম্ভ করিলেন যে সহরময় কুংসা বাটিয়া গেল।

এই সকল কুংসিত অপমান ও অত্যাচারের সংবাদে পরমানন্দের হরিচিন্তা দূর হইয়া গেল। এই নগর অবিলম্বে পরিত্যাগ করা তিনি বর্জব্য বোধ করিলেন, অথচ উৎপীড়িতকে ফেলিয়া কোন মতেই দূরে যাইতে পারিলেন না। সন্ন্যাসীর এই কয়দিনকার দিনবাহের ইতিহাস কেবল অন্তর্গাম্যমীই জানেন।

অবশেষে অবরোধের মধ্যে থাকিয়া গৌরী একদিন পত্র পাইলেন,—বৎসে, আলোচনা করিয়া দেখিলাম ইতিপূর্বে অনেক সাধবী সাধক-রমণী কৃষ্ণপ্রেমে সংসার ত্যাগ করিয়াছেন। যদি সংসারের অত্যাচারে হরিপাদপদ্ম হইতে তোমার চিত্ত বিক্ষিপ্ত হইয়া থাকে তবে জানাইলে ভগবানের সহায়তায় তাঁহার সেবিকাকে উদ্ধার করিয়া প্রভুর অভয় পদারবিন্দে

উৎসর্গ করিতে প্রয়াসী হইব। ২৬শে ফাল্গুন বৃষ্ণবারে অপরহ্ন ২ ঘটিকার সময় ইচ্ছা করিলে তোমাদের পুষ্করিণীর তীরে আমার সহিত সাক্ষাৎ করিতে পার।

গৌরী পত্রখানি কেশে বাঁধিয়া গোপার মধ্যে ঢাকিয়া রাখিল। ২৬শে ফাল্গুন মধ্যাহ্নে স্নানের পূর্বে চুল খুলিবার সময় দেখিল, চিঠিখানি নাই। হঠাৎ সন্দেহ হইল হয়ত চিঠিখানি কখন বিছানায় স্থলিত হইয়া পড়িয়াছে এবং তাহা তাঁহার স্বামীর হস্তগত হইয়াছে। স্বামী সে পত্র পাঠে ঈর্ষ্যায় দগ্ধ হইতেছে মনে করিয়া গৌরী মনে মনে এক প্রকার জালাময় আনন্দ অনুভব করিল—কিন্তু তাহার শিরোভূষণ পত্রখানি পামশুহস্তস্পর্শে লাজিত হইতেছে এ কল্পনাও তাহার সহ হইল না। দ্রুতপদে স্বামীগৃহে গেল।

দেখিল স্বামী ভূতলে পড়িয়া গৌ গৌ করিতেছে, মুখ দিয়া ফেনা পড়িতেছে, চকুতারকা কপালে উঠিয়াছে। দক্ষিণ বন্ধমুষ্টি হইতে পত্রখানি ছাড়াইয়া লইয়া তাড়াগাড়ি ডাক্তার ডাকিয়া পাঠাইল। ডাক্তার আসিয়া কহিল, আপোপ্লেসি,—তখন রোগীর মৃত্যু হইয়াছে।

সেই দিন মফস্বলে পরেশের একটি জরুরি মকদ্দমা ছিল। সন্ন্যাসীর এতদূর পতন হইয়াছিল যে তিনি সেই সংবাদ লইয়া গৌরীর সহিত সাক্ষাতের স্বল্প প্রস্তুত হইয়াছিলেন। সন্তঃবিধবা গৌরী যেমন বাতায়ন হইতে গুরুদেবকে চোরের মত পুষ্করিণীতটে দেখিল তৎক্ষণাৎ বস্ত্রচকিতের স্তায় দৃষ্টি অবনত করিল। গুরু যে কোথা হইতে কোথায় নামিয়াছেন তাহা যেন বিদ্যাদালোকে সহসা এই মুহূর্তে তাহার হৃদয়ে উদ্ভাসিত হইয়া উঠিল। গুরু ডাকিলেন, গৌরি! গৌরী কহিল, আসিতেছি গুরুদেব।

মৃত্যু সংবাদ! পাইয়া পরেশের বন্ধুগণ যখন

সংকারের জন্ত উপস্থিত হইল, দেখিল গৌরীর মৃতদেহ স্বামীর পার্শ্বে শয়ান। সে বিষ খাইয়া মরিয়াছে। আধুনিক কালে এই আশ্চর্য্য সহ-মরণের দৃষ্টান্তে সতীমাহাত্ম্যে সকলে স্তম্ভিত হইয়া গেল।

—:~:—



ভিটা ছাড়িতে হইল। কেমন করিয়া তাহা খোলসা করিয়া বলিব না—আভাস দিব মাত্র।

আমি পাড়াগেয়ে নেটব ডাক্তার, পুলিশের থানার সন্মুখে আমার বাড়ি। যমরাজের সহিত আমার যে পরিমাণ আনুগত্য ছিল দারোগা বাবুদের সহিত তাহা অপেক্ষা কম ছিল না—সুতরাং নর এবং নারায়ণের দ্বারা মানুষের মত বিবিধ রকমের পীড়া ঘটতে পারে তাহা আমার স্মৃগোচর ছিল। যেমন মণির দ্বারা বলয়ের এবং বলয়ের দ্বারা মণির শোভা বৃদ্ধি হয় তেমনি আমার মধ্যস্থতায় দারোগার এবং দারোগার মধ্যস্থতায় আমার উত্তরোত্তর আর্থিক শ্রীবৃদ্ধি ঘটতেছিল।

এইসকল ঘনিষ্ঠ কারণে হাল নিয়মের ক্রুত-বিঘ্ন দারোগা ললিত চক্রবর্তীর সঙ্গে আমার একটু বিশেষ বন্ধুত্ব ছিল। তাঁহার একটি অরক্ষণীয় আত্মীয়্য কণ্ঠার সহিত বিবাহের জন্ত মাঝে মাঝে অনুরোধ করিয়া আমাকেও প্রায় তিনি অরক্ষণীয় করিয়া তুলিয়াছিলেন। কিন্তু শশী আমার একমাত্র কণ্ঠা, মাতৃহীনা, তাহাকে

বিমাতার হাতে সমর্পণ করিতে পারিলাম না। বর্ষে বর্ষে নূতন পঞ্জিকার মতে বিবাহের কত শুভলগ্নই ব্যর্থ হইল! আমারই চক্ষের সন্মুখে কত যোগ্য এবং অযোগ্য পাত্র চতুর্দোলায় চড়িল, আমি কেবল বরযাত্রীর দলে বাহির বাড়িতে মিষ্টান্ন খাইয়া নিশ্বাস ফেলিয়া বাড়ি ফিরিয়া আসিলাম।

শশীর বয়স বারো হইয়া প্রায় তেরোয় পড়ে। কিছু স্নবিধামত টাকার যোগাড় করিতে পারিলেই মেয়েটিকে একটি বিশিষ্ট বড় ঘরে বিবাহ দিতে পারিব এমন আশা পাইয়াছি। সেই কন্মাটি শেষ করিতে পারিলে অবিলম্বে আর একটি শুভকর্ম্মের আয়োজনে মনোনিবেশ করিতে পারিব।

সেই অত্যাশঙ্ক টাকাটার কথা ধ্যান করিতেছিলুম এমন সময় তুলসীপাড়ার হরিনাথ মজুমদার আসিয়া আমার পায়ে ধরিয়া কাঁদিয়া পড়িল। কথাটা এই, তাহার বিধবা কণ্ঠা রাত্রে হঠাৎ মারা গিয়াছে; শত্রুপক্ষ গর্ভপাতের অপবাদ দিয়া দারোগার কাছে বেনামী পত্র লিখিয়াছে। এক্ষণে পুলিশ তাহার মৃতদেহ লইয়া টানাটানি করিতে উদ্যত।

সত্ত কণ্ঠাশোকের উপর এত বড় অপমানের আঘাত তাহার পক্ষে অসহ হইয়াছে। আমি ডাক্তারও বটে, দারোগার বন্ধুও বটে, কোন মতে উদ্ধার করিতে হইবে।

লক্ষ্মী যখন ইচ্ছা করেন তখন এমনি করিয়াই কখনো সদর কখনো খিড়কি দরজা দিয়া অনাহুত আসিয়া উপস্থিত হন। আমি ঘাড় নাড়িয়া বলিলাম ব্যাপারটা বড় গুরুতর, দুটো একটা কল্পিত উদাহরণ প্রয়োগ করিলাম—কম্পমান বৃদ্ধ হরিনাথ শিশুর মত কাঁদিতে লাগিল।

বিস্তারিত বলা বাহুল্য—কণ্ঠার অস্ত্যেষ্টি

সংকালের সুযোগ করিতে হরিনাথ ফতুর হইয়া গেল ।

আমার কস্তা শশী করুণ স্বরে আসিয়া জিজ্ঞাসা করিল বাবা, ঐ বুড়ো তোমার পায়ে ধরিয়া কেন অমন কারয়া কাঁদিতেছিল ? আমি তাহাকে ধমক দিয়া বলিলাম যা, যা, তোর এত খবরে দরকার কি ?

এইবার সংপাত্রে কস্তাদানের পথ সুপ্রশস্ত হইল । বিবাহের দিন স্থির হইয়া গেল । একমাত্র কস্তার বিবাহ ভোজের আয়োজন প্রচুর করিলাম । বাড়িতে গৃহিণী নাই, প্রতিবেশীরা দয়া করিয়া আমাকে সাহায্য করিতে আসিল । সর্বস্বাস্ত কৃতজ্ঞ হরিনাথ দিনরাত্রি পাটিতে লাগিল ।

গায়েহলুদের দিনে রাত তিনটার সময় হঠাৎ শশীকে ওলটঠায় ধরিল । রোগ উত্তরোত্তর কঠিন হইয়া উঠিতে লাগিল । অনেক চেষ্টার পর নিষ্ফল ঔষধের শিশিগুলো ভূতলে ফেলিয়া ছুটিয়া গিয়া হরিনাথের পা জড়াইয়া ধরিলাম । কহিলাম, মাপ কর দাদা, পাষণ্ডকে মাপ কর । আমার একমাত্র কস্তা, আমার আর কেহ নাই ।

হরিনাথ শশব্যস্ত হইয়া কহিল, ডাক্তার বাবু করেন কি, করেন কি ! আপনার কাছে আমি চিরঋণী—আমার পায়ে হাত দিবেন না !

আমি কহিলাম নিরপরাধে আমি তোমার সর্বনাশ করিয়াছি সেই পাপে আমার কস্তা মরিতেছে ।

এই বলিয়া সর্বলোকের সমক্ষে আমি চীৎকার করিয়া বলিলাম ওগো আমি এই বুদ্ধের সর্বনাশ করিয়াছি, আমি তাহার দণ্ড লইতেছি, ভগবান্ আমার শশীকে রক্ষা করুন !

বলিয়া হরিনাথের চটজুতা খুলিয়া লইয়া নিজের মাথায় মারিতে লাগিলাম ; বৃদ্ধ ব্যস্ত

সমস্ত হইয়া আমার হাত হইতে জুতা কাড়িয়া লইল ।

পরদিন দশটা বেলায় গায়ে হলুদের হরিজা চিহ্ন লইয়া শশী ইহসংসার হইতে বিদায় গ্রহণ করিল ।

তাহার পর দিনেই দারোগা বাবু কহিলেন—ওহে, আর কেন, এইবার বিবাহ করিয়া ফেল ! দেখা শুনারত একজন লোক চাই !

মাহুষের মর্মান্তিক দুঃখশোকের প্রতি এরূপ নিষ্ঠুর অশ্রদ্ধা সমতানকেও শোভা পায় না । কিন্তু নানা ঘটনায় দারোগার কাছে এমন মনুষ্যত্বের পরিচয় দিয়াছিলাম যে কোন কথা বলিবার মুখ ছিল না । দারোগার বন্ধুত্ব সেই দিন যেন আমাকে চাবুক মারিয়া অপমান করিল !

হৃদয় যতই ব্যথিত থাকে কর্মক্ষেত্র চলিতেই থাকে ! আগেকার মতই ক্ষুধার আহার, পবিধানের বস্ত্র, এমন কি, চুলার কাঠ এবং জুতার ফিতা পর্য্যন্ত পরিপূর্ণ উচ্চমে নিয়মিত সংগ্রহ করিয়া ফিরিতে হয় ।

কাজের অবকাশে যখন একলা ঘরে আসিয়া বসিয়া থাকি তখন মাঝে মাঝে কাণে সেই করুণকণ্ঠের প্রশ্ন বাজিতে থাকে, বাবা ঐ বুড়ো তোমার পায়ে ধরিয়া কেন অমন করিয়া কাঁদিতেছিল ?—দরিদ্র হরিনাথের জীর্ণঘর নিজের ব্যয়ে ছাইয়া দিলাম—আমার হৃৎকবতী গাভীটি তাহাকে দান করিলাম, তাহার বন্ধকী জোত জমা মহাজনের হাত হইতে উদ্ধার করিয়া দিলাম ।

কিছুদিন সন্তঃশোকের দুঃসহ বেদনায় নিঃস্বজন সন্ধ্যায় এবং অনিদ্র রাত্রে কেবলি মনে হইত, আমার কোমলহৃদয় মেয়েটি সংসারলীলা শেষ করিয়াও তাহার বাপের নিষ্ঠুর হৃৎকর্ণে পরলোকে কোন মতেই শাস্তি পাইতেছে না, সে

যেন ব্যথিত হইয়া কেবলি আমাকে প্রশ্ন করিয়া ফিরিতেছে, বাবা, কেন এমন করিলে?

কিছুদিন এমনি হইয়াছিল গরীবের চিকিৎসা করিয়া টাকার জ্ঞতাগিদু করিতে পারিতাম না। কোন ছোট মেয়ের ব্যামো হইলে মনে হইত আমার শরীহ যেন পল্লীর সমস্ত রুগা বালিকার মধ্যে রোগ ভোগ করিতেছে।

তখন পুরা বর্ষায় পল্লী ভাসিয়া গেছে। ধানের ক্ষেত এবং গৃহের অন্তনপার্শ্ব দিয়া নোকায় করিয়া ফিরিতে হয়। ভোর রাত্রি হইতে ঝুটি শুরু হইয়াছে, এখনো বিরাম নাই।

জমিদারের কাছারি বাড়ি হইতে আমার ডাক পড়িয়াছে। বাবুদের পাঙ্কির মাঝি সামান্ত বিলম্বটুকু সহ করিতে না পারিয়া উদ্ধত হইয়া উঠিবার উপক্রম করিতেছে।

ইতিপূর্বে একরূপ দুর্যোগে যখন আমাকে বাহির হইতে হইত তখন একটি লোক ছিল যে আমার পুরাতন ছাতাটি খুলিয়া দেখিত তাহাতে কোথাও ছিদ্র আছে কি না, এবং একটি ব্যগ্র-কণ্ঠ বাদলার হাওয়া ও ঝুটির ছাঁট হইতে সমস্ত আত্মরক্ষা করিবার জ্ঞতা আমাকে বাবু-বার সতর্ক করিয়া দিত। আজ শূন্য নীরব গৃহ হইতে নিজের ছাতা নিজে সন্ধান করিয়া লইয়া বাহির হইবার সময় তাহার সেই স্নেহমুখখানি স্মরণ করিয়া একটুখানি বিলম্ব হইতেছিল। তাহার রক্ত শয়ন ঘরটার দিকে তাকাইয়া ভাবিতেছিলাম, যে লোক পরের হৃৎককে কিছুই মনে করে না, তাহার স্নেহের জ্ঞতা ভগবান্ ঘরের মধ্যে এত স্নেহের আয়োজন কেন রাখিবেন? এই ভাবিতে ভাবিতে সেই শূন্য ঘরটার দরজার কাছে আসিয়া বৃকের মধ্যে হু হু করিতে লাগিল। বাহিরে বড়লোকের ভৃত্যের উর্জন স্বর শুনিয়া তাড়াতাড়ি শোক স্মরণ করিয়া বাহির হইয়া পড়িলাম।

নোকায় উঠিবার সময় দেখি খানার ঘাটে ডোকা বাধা—একজন চাষা কোপীন পরিয়া বৃষ্টিতে ভিজিতেছে। আমি জিজ্ঞাসা করিলাম, কিরে? উত্তরে শুনিলাম, গত রাতে তাহার কণ্ঠকে সাপে কাটিয়াছে, খানায় রিপোর্ট করিবার জ্ঞতা হতভাগ্য তাহাকে দূর গ্রাম হইতে বাহিয়া আনিয়াছে। দেখিলাম সে তাহার নিজের একমাত্র গাত্র বস্ত্র খুলিয়া মৃত দেহ ঢাকিয়া রাখিয়াছে। জমিদারী কাছারীর অসহিষ্ণু মাঝি নোকা ছাড়িয়া দিল।

বেলা একটার সময় বাড়ি ফিরিয়া আসিয়া দেখি তখনো সেই লোকটা বৃকের কাছে হাত পা গুটাইয়া বসিয়া বসিয়া ভিজিতেছে। দারোগা বাবুর দর্শন মেলে নাই। আমি তাহাকে আমার রক্ষন অন্নের এক অংশ পাঠাইয়া দিলাম। সে তাহা ছুইল না।

তাড়াতাড়ি আহাৰ সারিয়া কাছারির রোগীর তাগিদে পুনর্বার বাহির হইলাম। সন্ধ্যার সময় বাড়ি ফিরিয়া দেখি তখনো লোকটা একেবারে অভিভূতের মত বসিয়া আছে। কথা জিজ্ঞাসা করিলে উত্তর দিতে পারে না, মুখের দিকে তাকাইয়া থাকে। এখন তাহার কাছে, এই নদী, ঐ গ্রাম, ঐ ধান, এই মেঘাচ্ছন্ন আর্দ্র পঙ্কিল পৃথিবীটা স্বপ্নের মত। বাবুবার প্রশ্নের দ্বারা জানিলাম একবার এক জন কন্টেবল আসিয়া জিজ্ঞাসা করিয়াছিল ট্যাকে কিছু আছে কি না। সে উত্তর করিয়াছিল সে নিতান্তই গরীব, তাহার কিছু নাই। কন্টেবল বলিয়া গেছে, থাক্ বেটা তবে এখা বসিয়া থাক্।


এমন দৃশ্য পূর্বেও অনেক বার দেখিয়াছি কখনো কিছুই মনে হয় নাই। আজ কোন মতেই সহ করিতে পারিলাম না। আমার শরীর করুণা গদগদ অব্যক্ত কণ্ঠ সমস্ত বাদলার

আকাশ জুড়িয়া বাজিয়া উঠিল। ঐ কণ্ঠাহারা
বাক্যহীন চাষার অপরিমেয় হৃৎকাম আমার বুকের
পাঁজর গুলাকে ঘেঁষে ঠেলিয়া তুলিতে লাগিল।

দারোগা বাবু বেতের মোড়ায় বসিয়া
আরামে গুড়গুড়ি টানিতেছিলেন, তাঁহার
কণ্ঠদায়গ্রস্ত আত্মীয় মেসোটি আমার প্রতি
লক্ষ্য করিয়াই সম্প্রতি দেশ হইতে আসিয়াছেন;
তিনি মাহুরের উপর বসিয়া গল্প করিতেছিলেন।
আমি একদমে ঝড়ের বেগে সেখানে উপস্থিত
হইলাম, চীৎকার করিয়া বলিলাম, আপনারা
মাহুর না পিশাচ? বলিয়া আমার সমস্ত
দিনের উপার্জনের টাকা বনাম করিয়া তাহার
সম্মুখে ফেলিয়া দিয়া কহিলাম—টাকা চান ত
এই নিন, যখন মরিবেন সঙ্গে লইয়া যাইবেন,
এখন এই লোফটাকে ছুটি দিন, ও কণ্ঠার
সংকার করিয়া আসুক!

বহু উৎপীড়িতের অশ্রুসেচনে দারোগার
সহিত ডাক্তারের যে প্রণয় বাড়িয়া উঠিয়াছিল
তাহা এই ঝড়ে ভূমিসাৎ হইয়া গেল।

অনতিকাল পরে দারোগার পায়ে ধরি-
য়াছি, তাঁহার মহদাশ্রয়তার উল্লেখ করিয়া
অনেক স্তুতি এবং নিজের বুদ্ধিব্রংশতা লইয়া
অনেক আত্মধিকার প্রয়োগ করিয়াছি, কিন্তু
শেষটা ভিটা ছাড়িতে হইল।



তিনিয়াছি আজকাল অনেক বাঙ্গালীর
মেয়েকে নিজের চেষ্ঠায় স্বামী-সংগ্রহ করিতে
হয়। আমিও তাই করিয়াছি কিন্তু দেবতার

সহায়তায়। আমি ছেলেবেলা হইতে অনেক
ব্রত এবং অনেক শিশুপূজা করিয়াছিলাম।

আমার আট বৎসর বয়স উত্তীর্ণ না হই-
তেই বিবাহ হইয়া গিয়াছিল। কিন্তু পূর্ব-
জন্মের পাপবশতঃ আমি আমার এমন স্বামী
পাইয়াও সম্পূর্ণ পাইলাম না। যা ত্রিনয়নী
আমার দুইচক্ষু হইলেন। জীবনের শেষ
মুহূর্ত্ত পর্যন্ত স্বামীকে দেখিয়া লইবার সুখ
দিলেন না।

বাল্যকাল হইতেই আমার অগ্নিপরীক্ষার
আরম্ভ হয়। চোদ্দ বৎসর পার না হইতেই
আমি একটি যুতশিশু জন্ম দিলাম, নিজেও
মরিবার কাছাকাছি গিয়াছিলাম; কিন্তু যাহাকে
দুঃখভোগ করিতে হইবে সে মরিবে চলিবে
কেন? দে দীপ জলিবার জন্ত হইয়াছে তাহার
তেল অন্ন হয় না; ব্যক্তিত্বের জলিয়া তবে
তাহার নির্মাণ।

বাঁচিলাম বটে, কিন্তু শরীরের দুর্বলতায়
মনের খেদে, অথবা যে কারণেই হউক আমার
চোখের পীড়া হইল।

আমার স্বামী তখন ডাক্তারী পড়িতে-
ছিলেন। নূতন বিদ্যালয়িকার উৎসাহবশতঃ
চিকিৎসা করিবাব স্বেচ্ছায় পাইলে তিনি খুসি
হইয়া উঠিতেন। তিনি নিজেই আমার
চিকিৎসা আরম্ভ করিলেন।

দাদা সে বছর বি, এল, দিবেন বলিয়া
কালেজে পড়িতেছিলেন। তিনি একদিন
আসিয়া আমার স্বামীকে কহিলেন, করিতেছ
কি? কুমুর চোখ ছোটো যে নষ্ট করিতে বসিয়াছ।
একজন ভাল ডাক্তার দেখাও।

আমার স্বামী কহিলেন, ভাল ডাক্তার
আসিয়া আর নূতন চিকিৎসা কি করিবে?
গুণের পত্র ত সব জানাই আছে।

দাদা কিছু রাগিয়া কহিলেন, তবে ত

তোমার সঙ্গে তোমাদের কালেজের বড় সাহে-
বের কোন প্রভেদ নাই।

স্বামী বলিলেন, আইন পড়িতেছ ডাক্তার-
দীর তুমি কি বোঝ ? তুমি যখন বিবাহ করিবে,
তখন তোমার জীর সম্পত্তি লইয়া যদি কখন
মকদ্দমা বাধে তুমি কি আমার পরামর্শমত
চালবে ?

আমি মনে মনে ভাবিতেছিলাম, রাজায়
রাজায় যুদ্ধ হইলে উলুখড়েরই বিপদ সবচেয়ে
বেশী। স্বামীর সঙ্গে বিনাদ বাধিল দাদার,—
কিন্তু দুই পক্ষ হইতে বাজিতেছে আমাকেই।
আবার ভাবিলাম, দাদারা যখন আমাকে দানই
করিয়াছেন তখন আমার সম্বন্ধে কৰ্তব্য লইয়া
এ সমস্ত ভাগাভাগি কেন ? আমার স্বপ্নহুঃখ
আমার রোগ ও অক্ষয়্য সে ত সমস্তই আমার
স্বামীর।

সে দিন আমার এই এক সামান্য চোখের
চিকিৎসা লইয়া দাদার সঙ্গে আমার স্বামীর
যেন একটু মনান্তর হইয়া গেল। সহজেই
আমার চোখ দিয়া জল পড়িতেছিল, আমার
জলের ধারা আরও বাড়িয়া উঠিল তাহার
প্রকৃত কারণ আমার স্বামী কিংবা দাদা কেহই
তখন বুঝিলেন না।

আমার স্বামী কালেজে গেলে বিকাল
বেলায় হঠাৎ দাদা এক ডাক্তার লইয়া আসিয়া
উপস্থিত। ডাক্তার পরীক্ষা করিয়া কহিল
শাবধানে না থাকিলে পীড়া গুরুতর হইবার
সম্ভাবনা আছে। এই বলিয়া কি সমস্ত ওষুধ
লিখিয়া দিল, দাদা তখন তাহা আনাইতে
পাঠাইলেন।

ডাক্তার চলিয়া গেলে আমি দাদাকে
বলিলাম, দাদা আপন্যার পায়ে পড়ি আমার
যে চিকিৎসা চলিতেছে তাহাতে কোনরূপ
ব্যাঘাত ঘটাইবেন না।

আমি শিশুকাল হইতে দাদাকে খুব ভয়
করিতাম, তাঁহাকে যে মুখ ফুটিয়া এমন করিয়া
কিছু বলিতে পারিব ইহা আমার পক্ষে এক
আশ্চর্য ঘটনা। কিন্তু আমি বেশ বুঝিয়া-
ছিলাম, আমার স্বামীকে লুকাইয়া দাদা আমার
যে চিকিৎসার ব্যবস্থা করিতেছেন তাহাতে
আমার অন্তঃকরণ বই শুভ নাই।

দাদাও আমার প্রগল্ভতায় বোধ করি
কিছু আশ্চর্য হইলেন। কিছুক্ষণ চুপ করিয়া
ভাবিয়া অবশেষে বলিলেন, আচ্ছা আমি
আর ডাক্তার আনিব না, কিন্তু যে ওষুধটা
আসিবে তাহা বিধিমতে সেবন করিয়া দেখিসু।
—ওষুধ আসিলে পর আমাকে তাহা ব্যবহারের
নিয়ম বুঝাইয়া দিয়া দাদা চলিয়া গেলেন।
স্বামী কালেজ হইতে আসিবার পূর্বেই আমি
সে কৌটা এবং শিশি এবং তুলি এবং বিধি-
বিধান সমস্তই সযত্নে আমাদের প্রাঙ্গণের
পাতকুয়ার মধ্যে ফেলিয়া দিলাম।

দাদার সঙ্গে কিছু আড়ি করিয়াই আমার
স্বামী যেন আরো দ্বিগুণ চেষ্টায় আমার
চোখের চিকিৎসায় প্রবৃত্ত হইলেন। এ বেলা
ও বেলা ওষুধ বদল হইতে লাগিল। চোখে
ঠুলি পরিলাম, চসমা পরিলাম, চোখে ফোঁটা
ফোঁটা করিয়া ওষুধ ঢালিলাম, গুড়া
লাগাইলাম, দুর্গন্ধ মাছের তেল খাইয়া
ভিতরকার পাকযন্ত্রস্বল্প যখন বাহির হইবার
উত্তম করিত তাহাও দমন করিয়া রহিলাম।

স্বামী জিজ্ঞাসা করিতেন কেমন বোধ
হইতেছে, আমি বলিতাম অনেকটা ভাল।
আমি মনে করিতেও চেষ্টা করিতাম যে, ভালই
হইতেছে। যখন বেশী জল পড়িতে থাকিত
তখন ভাবিতাম জল কাটিয়া যাওয়াই ভাল
লক্ষণ; যখন জল গড়া বন্ধ হইত তখন

ভাবিতাম এই ত আরোগ্য হইবার পথে দাঁড়াইয়াছি।

কিন্তু কিছুকাল পরে যন্ত্রণা অসহ্য হইয়া উঠিল। চোখে ঝাপসা দেখিতে লাগিলাম এবং মাথার বেদনায় আমাকে স্থির থাকিতে দল না। দেখিলাম আমার স্বামীও যেন কিছু অপ্রতিভ হইয়াছেন। এত দিন পরে কি ছুতা করিয়া যে ডাক্তার ডাকিবেন ভাবিয়া পাইতেছেন না।

আমি তাঁহাকে বলিলাম, দাদার মন রক্ষার জন্ত একবার একজন ডাক্তার ডাকিতে দোষ কি? এই লইয়া তিনি অনর্থক রাগ করিতেছেন ইহাতে আমার মনে কষ্ট হয়। চিকিৎসা ত তুমিই করিবে, ডাক্তার একজন উপসর্গ থাকা ভাল।

স্বামী কহিলেন, ঠিক বলিয়াছ। এই বলিয়া সেই দিনই এক ইংরাজ ডাক্তার লইয়া হাঁস্বর করিলেন। কি কথা হইল জানি না কিন্তু মনে হইল যেন সাহেব আমার স্বামীকে কিছু ভৎসনা করিলেন, তিনি নতশিরে নিরুত্তরে দাঁড়াইয়া রহিলেন।

ডাক্তার চলিয়া গেলে, আমি আমার স্বামীর হাত ধরিয়া বলিলাম, কোথা হইতে একটা গোয়ার গোরা গর্দভ ধরিয়া আনিয়াছ, একজন দেশী ডাক্তার আনিলেই হইত। আমার চোখের রোগ ও কি তোমার চেয়ে ভাল বুঝিবে?

স্বামী কিছু কুণ্ঠিত হইয়া বলিলেন, চোখে অস্ত্র করা আবশ্যিক হইয়াছে।

আমি একটু রাগের ভাণ করিয়া কহিলাম—অস্ত্র করিতে হইবে সেত তুমি জানিতে কিন্তু প্রথম হইতেই সে কথা আমার কাছে গোপন করিয়া গেছ! তুমি কি মনে কর আমি ভয় করি।

স্বামীর লজ্জা দূর হইল—তিনি বলিলেন চোখে অস্ত্র করিতে হইবে শুনিলে ভয় না করে পুরুষের মধ্যে এমন বীর কয়জন আছে?

আমি ঠাট্টা করিয়া বলিলাম—পুরুষের বীরত্ব কেবল স্ত্রীর কাছে!

স্বামী তৎক্ষণাৎ ম্লান গম্ভীর হইয়া কহিলেন—সে কথা ঠিক। পুরুষের কেবল অহঙ্কার সার।

আমি তাঁহার গাম্ভীর্য উড়াইয়া দিয়া কহিলাম, অহঙ্কারেও বুঝি তোমরা মেয়েদের সঙ্গে পার? তাহাতেও আমাদের জিত!

ইতিমধ্যে দাদা আসিলে আমি দাদাকে বিবলে ডাকিয়া বলিলাম—দাদা, আপনার সেই ডাক্তারের ব্যবস্থামত চলিয়া এতদিন আমার চোখ বেশ ভালই হইতেছিল—একদিন ভ্রমক্রমে খাইবার ওষুধটা চক্ষে লেপন করিয়া তাহার পর হইতে চোখ ষায় ষায় হইয়া উঠিয়াছে। আমার স্বামী বলিতেছেন চোখে অস্ত্র করিতে হইবে।

দাদা বলিলেন আমি ভাবিতেছিলাম, তোর স্বামীর চিকিৎসাই চলিতেছে তাই আরও আমি রাগ করিয়া এত দিন আসি নাই।

আমি বলিলাম—না, আমি গোপনে সেই ডাক্তারের ব্যবস্থামতই চলিতেছিলাম,—স্বামীকে জানাই নাই পাছে তিনি রাগ করেন।

স্বীকৃত্য গ্রহণ করিলে এত মিথ্যাও বলিতে হয়! দাদার মনেও কষ্ট দিতে পারি না, স্বামীর যশও ক্ষুণ্ণ করা চলে না। যা হইয়া কোলের শিশুকে জুলাইতে হয়, স্ত্রী হইয়া শিশুর বাপকে জুলাইতে হয়, মেয়েদের এত ছলনার প্রয়োজন!

ছলনার ফল হইল এই যে, অন্ধ হইবার পূর্বে আমার দাদা এবং স্বামীর মিলন দেখিতে পাইলাম। দাদা ভাবিলেন গোপন চিকিৎসা

করিতে গিয়া এই ছুঁটনা ঘটিল, স্বামী ভাবিলেন, গোড়ায় আমার দাদার পরামর্শ শুনিলেই ভাল হইত। এই ভাবিয়া ছুই অল্পতপ্ত হৃদয় ভিতরে ভিতরে ক্ষমা প্রার্থী হইয়া পরম্পরের অত্যন্ত নিকটবর্তী হইল। স্বামী দাদার পরামর্শ লইতে লাগিলেন, দাদাও বিনীতভাবে সকল বিষয়ে আমার স্বামীর মতের প্রতিই নির্ভর প্রকাশ করিলেন।

অবশেষে উভয়ের পরামর্শক্রমে একদিন একজন ইংরাজ ডাক্তার আসিয়া আমার বাম চোখে অস্ত্রাঘাত করিল। ছুঁটল চক্ষু সে আঘাত কাটাইয়া উঠিতে পারিল না, তাহার ক্ষীণ দীপ্তিত্ব হঠাৎ নিবিয়া গেল। তাহার পরে বাকী চোখটাও দিনে দিনে অগ্নে অগ্নে অন্ধকারে আবৃত হইয়া গেল। বাল্যকালে তত্ত্বদৃষ্টির দিনে যে চন্দনচর্চিত তরুণ মূর্তি আমার সম্মুখে প্রথম প্রকাশিত হইয়াছিল তাহার উপরে চিরকালের মত পর্দা পড়িয়া গেল।

একদিন স্বামী আমার শয্যাপার্শ্বে আসিয়া কহিলেন তোমার কাছে আর মিথ্যা বড়াই করিব না, তোমার চোখ ছুটি আমিই নষ্ট করিয়াছি।

দেখিলাম, তাঁহার কণ্ঠস্বরে অশ্রুজল ভরিয়া আসিয়াছে। আমি ছুইহাতে তাঁহার দক্ষিণ হস্ত চাপিয়া কহিলাম, বেশ করিয়াছ, তোমার জিনিষ তুমি লইয়াছ। ভাবিয়া দেখ দেখি যদি কোন ডাক্তারের চিকিৎসায় আমার চোখ নষ্ট হইত তাহাতে আমার কি সাধনা থাকিত! ভবিষ্যত্বা যখন খণ্ডে না তখন চোখ ত আমার কেহই বাঁচাইতে পারিত না—সে চোখ তোমার হাতে গিয়াছে এই আমার অন্ধতার একমাত্র স্মৃতি! যখন পূজায় ফুল কম পড়িয়াছিল তখন রামচন্দ্র তাঁহার

ছুই চক্ষু উৎপাটন করিয়া দেবতাকে দিতে গিয়াছিলেন। আমার দেবতাকে আমার দৃষ্টি দিলাম,—তোমার চোখে যখন যাহা ভাল লাগিবে আমাকে মুখে বলিয়া, সে আমি তোমার চোখের দেখার প্রসাদ বলিয়া গ্রহণ করিব।

আমি এত কথা বলিতে পারি নাই, মুখে এমন করিয়া বলাও যায় না; এ সব কথা আমি অনেক দিন ধরিয়া ভাবিয়াছি; মাঝে মাঝে যখন অবসাদ আসিত, নির্ভার তেজ্ঞ ম্লান হইয়া পড়িত, নিজেকে বঞ্চিত হুঃখিত দুর্ভাগ্যদগ্ধ বলিয়া মনে হইত,—তখন আমি নিজের মনকে দিয়া এই সব কথা বলাইয়া লইতাম,— এই শাস্তি এই ভক্তিকে অবলম্বন করিয়া নিজের হুঃখের চেয়েও নিজেকে উচ্চ করিয়া তুলিতে চেষ্টা করিতাম। সে দিন, কতকটা কথায় কতকটা নীরবে বোধ করি আমার মনের ভাবটা তাঁহাকে একরকম করিয়া বুঝাইতে পারিয়াছিলাম। তিনি কহিলেন কুমু, মূঢ়তা করিয়া তোমার যা নষ্ট করিয়াছি সে আর ফিরাইয়া দিতে পারিব না, কিন্তু আমার যতদূর সাধ্য তোমার চোখের অভাবমোচন করিয়া তোমার সঙ্গে সঙ্গে থাকিব।

আমি কহিলাম, সে কোন কাজের কথা নয়। তুমি যে তোমার ঘরকন্নাকে একটি অন্ধের হাঁসপাতাল করিয়া রাখিবে সে আমি কিছুতেই দিব না। তোমাকে আর একটি বিবাহ করিতেই হইবে।

কি জন্ত যে বিবাহ করা নিতান্ত আবশ্যিক তাহা সবিস্তারে বলিবার পূর্বে আমার একদু-খানি কণ্ঠরোধ হইবার উপক্রম হইল। একটু কাশিয়া, একটু সামুলাইয়া লইয়া বলিতে যাই-তেছি এমন সময় আমার স্বামী উচ্ছ্বসিত আবেগে বলিয়া উঠিলেন—আমি মূঢ়, আমি

অহঙ্কারী, কিন্তু তাই বলিয়া আমি পাষণ্ড নই। নিজের হাতে তোমাকে অন্ধ করিয়াছি, অবশেষে সেই দোষে তোমাকে পরিত্যাগ করিয়া যদি অস্ত্র স্ত্রী গ্রহণ করি তবে আমাদের ইস্টদেব গোপীনাথের শপথ করিয়া বলিতেছি আমি যেন ব্রহ্মহত্যা পিতৃহত্যার পাতকী হই।

এত বড় শপথটা করিতে দিতাম না, বাধা দিতাম—কিন্তু অশ্রু তখন বুক বাহিয়া কণ্ঠ চাপিয়া ছই চক্ষু ছাপিয়া বরিয়া পড়িবার যো করিতেছিল, তাহাকে সম্বরণ করিয়া কথা বলিতে পারিতেছিলাম না। তিনি যাহা বলিলেন তাহা শুনিয়া বিপুল আনন্দের উদ্বেগে বালিশের মধ্যে মুখ চাপিয়া কাঁদিয়া উঠিলাম। আমি অন্ধ তবু তিনি আমাকে ছাড়িবেন না! দুঃখীর দুঃখের মত আমাকে হৃদয়ে করিয়া রাখিবেন। এত সৌভাগ্য আমি চাই না, কিন্তু মন ত স্বার্থপর।

অবশেষে অশ্রুর প্রথম পসলাটা সবেগে বর্ষণ হইয়া গেল। তাঁহার মুখ আমার বুকের কাছে টানিয়া লইয়া বলিলাম এমন ভয়ঙ্কর শপথ কেন করিলে? আমি কি তোমাকে নিজের স্নেহের জন্ত বিবাহ করিতে বলিয়াছিলাম? সতীন্দ্রকে দিয়া আমি আমার স্বার্থসাধন করিতাম। চোখের অভাবে তোমার যে কাজ নিজে করিতাম না সে আমি তাহাকে দিয়া করাইতাম।

স্বামী কহিলেন—কাজত দাসীতেও করে। আমি কি কাজের সুবিধার জন্ত একটা দাসী বিবাহ করিয়া আমার এই দেবীর সঙ্গে একসনে বসাইতে পারি?—বলিয়া আমার মুখ তুলিয়া ধরিয়া আমার ললাটে একটি নিশ্চল চুম্বন করিলেন,—সেই চুম্বনের দ্বারা আমার যেন তৃতীর নেত্র উন্মীলিত হইল, সেই ক্ষণে আমার দেবীকে অভিমেক হইয়া গেল। আমি

মনে মনে কহিলাম, সেই ভাল। যখন অন্ধ হইয়াছি তখন আমি এই বহিঃসংসারের আর গৃহিণী হইতে পারি না,—এখন আমি সংসারের উপরে উঠিয়া দেবী হইয়া স্বামীর মঙ্গল করিব। আর মিথ্যা নয়, ছলনা নহ, গৃহিণী রমণীর যত কিছু ক্ষুদ্রতা এবং কপটতা আছে সমস্ত দূর করিয়া দিলাম।

সে দিন সমস্তদিন নিজের সঙ্গে একটা বিরোধ চলিতে লাগিল। গুরুতর শপথের বাধ্য হইয়া স্বামী, যে, কোন মতেই দ্বিতীয়বার বিবাহ করিতে পারিবেন না, এই আনন্দ মনের মধ্যে যেন একেবারে দংশন করিয়া রহিল কিছুতেই তাহাকে ছাড়াইতে পারিলাম না। অস্ত্র আমার মধ্যে যে নূতন দেবীর আবির্ভাব হইয়াছে তিনি কহিলেন, হয়ত এমন দিন আসিতে পারে যখন এই শপথ পালন অপেক্ষা বিবাহ করিলে তোমার স্বামীর মঙ্গল হইবে। কিন্তু আমার মধ্যে যে পুরাতন নারী ছিল সে কহিল, তা হউক, কিন্তু তিনি যখন শপথ করিয়াছেন তখন ত আর বিবাহ করিতে পারিবেন না।—দেবী কহিলেন, তা হউক, কিন্তু ইহাতে তোমার ধূসী হইবার কোন কারণ নাই। মানবী কহিল, সকলি বুঝি, কিন্তু যখন তিনি শপথ করিয়াছেন তখন, ইত্যাদি।—বারবার সেই এক কথা! দেবী তখন কেবল নিরন্তরে ত্রুটি করিলেন এবং একটা ভয়ঙ্কর আশঙ্কার অন্ধকারে আমার সমস্ত অন্তঃকরণ আচ্ছন্ন হইয়া গেল।

আমার অল্পতপ্ত স্বামী চাকর দাসীকে নিবেদন করিয়া নিজে আমার সকল কাজ করিয়া দিতে উদ্যত হইলেন। স্বামীর উপর তুচ্ছ বিষয়েও এইরূপ নিরুপায় নির্ভর প্রথমটা ভালই লাগিত। কারণ এমনি করিয়া সর্বদাই তাঁহাকে কাছে পাইতাম। চোখে তাঁহাকে

দেখিলাম না বলিয়া তাঁহাকে সর্বদা কাছে পাইবার আকাঙ্ক্ষা অত্যন্ত বাড়িয়া উঠিল। স্বামীমুখের যে অংশ আমার চোখের ভাগে পড়িয়াছিল সেইটে এখন অল্প ইন্ধিমেরা বাঁটিয়া লইয়া নিচ্ছেদের ভাগ বাড়াইয়া লইবার চেষ্টা করিল। এখন আমার স্বামী অধিকক্ষণ বাহিরের কাজে থাকিলে মনে হইত আমি যেন শূণ্ডে রহিয়াছি, আমি যেন কোথাও কিছু ধরিতে পারিতেছি না, আমার যেন সব হারা-ইল। পূর্বে স্বামী যখন কালেজে যাইতেন তখন বিলম্ব হইলে পথের দিকের জানালা একটুখানি ঝাঁক করিয়া পথ চাহিয়া থাকিতাম। যে জগতে তিনি বেড়াইতেন সে জগৎটাকে আমি চোখের দ্বারা নিজের সঙ্গে বাঁধিয়া রাখিয়াছিলাম। আজ আমার দৃষ্টিহীন সমস্ত শরীর তাঁহাকে অন্বেষণ করিতে চেষ্টা করে। তাঁহার পৃথিবীর সহিত আমার পৃথিবীর যে প্রধান সঁাকো ছিল সেটা আজ ভাঙিয়া গেছে। এখন, তাঁহার এবং আমার মাঝখানে একটা ছস্তর অন্ধতা ;—এখন আমাকে কেবল নিরুপায় ব্যগ্রভাবে বসিয়া থাকিতে হয় কখন তিনি তাঁহার পার হইতে আমার পাবে আসিয়া উপস্থিত হইবেন। সেই জন্ত এখন যখন ক্ষণকালের জন্তও তিনি আমাকে ছাড়িয়া চলিয়া যান, তখন আমার সমস্ত অন্ধ মেহ উদ্ভূত হইয়া তাঁহাকে ধরিতে যায়, হাহাকার করিয়া তাঁহাকে ডাকে।

কিন্তু এত আকাঙ্ক্ষা এত নির্ভর ত ভাল নয়। একেত স্বামীর উপরে জীব ভারই যথেষ্ট, তাহার উপরে আবার অন্ধতার প্রকাণ্ড ভার চাপাইতে পারি না। আমার এই বিশ্বযোড়া অন্ধকার এ আমিই বহন করিব। আমি একাগ্রমনে প্রতিজ্ঞা করিলাম, আমার এই অনন্ত অন্ধতা

দ্বারা স্বামীকে আমি আমার সঙ্গে বাঁধিয়া রাখিব না!

অন্ধকালের মধ্যেই কেবল শব্দ গন্ধ স্পর্শের দ্বারা আমি আমার সমস্ত অভ্যস্ত কৰ্ম সম্পন্ন করিতে শিখিলাম। এমন কি, আমার অনেক গৃহকৰ্ম পূর্বের চেয়ে অনেক বেশী নৈপুণ্যের সহিত নির্বাহ করিতে পারিলাম। এখন মনে হইতে লাগিল দৃষ্টি আমাদের কাজের যতটা সাহায্য করে তাহার চেয়ে ঢের বেশী বিক্ষিপ্ত করিয়া দেয়। যতটুকু দেখিলে কাজ ভাল হয় চোখ তাহার চেয়ে ঢের বেশী দেখে। এবং চোখ যখন পাহারার কাজ করে কাণ তখন অলস হইয়া যায়,—যতটা তাহার শোনা উচিত তাহার চেয়ে সে কম শোনে। এখন চঞ্চল নোখের অবর্তমানে আমার অল্প সমস্ত ইন্ধিয় তাহাদের কর্তব্য শাস্ত্র এবং সম্পূর্ণভাবে করিতে লাগিল।

এখন আমার স্বামীকে আর আমার কোন কাম করিতে দিলাম না—এবং তাঁহার সমস্ত কাজ আবার পূর্বের মত আমিই করিতে লাগিলাম।

স্বামী আমাকে কহিলেন, আমার প্রায়-শিক্ষিত হইতে আমাকে বঞ্চিত করিতেছ।

আমি কহিলাম, তোমার প্রায়শিক্ষিত কিসের আমি জানি না, কিন্তু আমার পাপের ভার আমি বাড়াইব কেন?

যাহাই বলুন আমি যখন তাঁহাকে মুক্তি দিলাম তখন তিনি নিঃশ্বাস ফেলিয়া বাঁচিলেন। অন্ধ জীব সেবাকে চিরজীবনের ব্রত করা পুরুষের কৰ্ম নহে।

আমার স্বামী ডাক্তারী পাশ করিয়া আমাকে সঙ্গে লইয়া মফস্বলে গেলেন।

পাড়াগাঁয়ে আসিয়া যেন মাতৃক্রোড়ে আসি-লাম মনে হইল। আমার আট বৎসর বয়সের

সময় আমি গ্রাম ছাড়িয়া সহরে আসিয়া-
ছিলাম। ইতি মধ্যে দশবৎসরে জন্মভূমি
আমার মনের মধ্যে ছায়ার মত অস্পষ্ট হইয়া
আসিয়াছিল। যত দিন চক্ষু ছিল কলিকাতা
সহর আমার চারিদিক্ আর সমস্ত স্মৃতিকে
আড়াল করিয়া দাঁড়াইয়াছিল। চোখ যাইতেই
বুঝিলাম কলিকাতা কেবল চোখ ভুলাইয়া
রাখিবার সহর,—ইহাতে মন ভরিয়া রাখে না।
দৃষ্টি হারাইবামাত্র আমার সেই বাল্যকালের
পল্লিগ্রাম দিবাসানে নক্ষত্রলোকের মত
আমার মনের মধ্যে উজ্জ্বল হইয়া উঠিল।

অগ্রহায়ণের শেষাংশে আমি হাসিমপুরে
গেলাম। নূতন দেশ, চারিদিক্ দেখিতে কি
রকম তাহা বুঝিলাম না—কিন্তু বাল্যকালের
সেই গন্ধে এবং অনুভবে আমাকে সর্বদা
বেষ্টন করিয়া ধরিল। সেই শিশিরে-ভেজা
নূতন চষা ক্ষেত হইতে প্রভাতের হাওয়া, সেই
সোণা-ঢালা অড়'র এবং সরিষা ক্ষেতের
আকাশভরা কোমল স্মৃতি গন্ধ, সেই রাখালের
গান, এমন কি, ভাঙ্গা রাস্তা দিয়া গরুর গাড়ি
চলার শব্দ পর্য্যন্ত আমাকে পুলকিত করিয়া
তুলিল। আমার সেই জীবনারম্ভের অতীত
স্মৃতি তাহার অনির্কচনীয় ধ্বনি ও গন্ধ লইয়া
প্রত্যক্ষ বর্তমানের মত আমাকে ঘিরিয়া বসিল,
অন্ধ চক্ষু তাহার কোন প্রতিবাদ করিতে
পারিল না। সেই বাল্যকালের মধ্যে ফিরিয়া
গেলাম—কেবল মাকে পাইলাম না। মনে
মনে দেখিতে পাইলাম দিদিমা তাঁহার বিরল
কেশগুচ্ছ মুক্ত করিয়া রৌদ্রে পিঠ দিয়া
প্রাঙ্গণে বড়ি দিতেছেন, কিন্তু তাঁহার সেই
মৃদুকম্পিত প্রাচীন দুর্বল কণ্ঠে আমাদের গ্রাম্য
সাধু ভজনদাসের দেহতত্ত্ব গান শুজনস্বরে
শুনিতে পাইলাম না, সেই নবালের উৎসব
শীতের শিশিরস্নাত আকাশের মধ্যে সজীব

হইয়া জাগিয়া উঠিল, কিন্তু ঢেকিশালে নূতন
ধান কুটিবার, জনতার মধ্যে আমার ছোট
ছোট পল্লি-সঙ্গিনীদের সমাগম কোথায় গেল ?
সন্ধ্যাবেলা অদূরে কোথা হইতে হাষাধ্বনি
শুনিতে পাই,—তখন মনে পড়ে মা সন্ধ্যাদীপ
হাতে করিয়া গোয়ালে আলো দেখাইতে
যাইতেছেন ; সেই সঙ্গে ভিজা জাবনার খড়
জালানো ধোঁয়ার গন্ধ যেন হৃদয়ের মধ্যে
প্রবেশ করে, এবং শুনিতে পাই পুকুরের পাড়ে
বিভালকারদের ঠাকুরবাড়ি হইতে কাঁসর ঘণ্টার
শব্দ আসিতেছে। কে যেন আমার সেই শিশু-
কালের আটটি বৎসরের মধ্য হইতে তাহার
সমস্ত বস্তু-অংশ ছাঁকিয়া লইয়া কেবল তাহার
বস্তুটুকু আমার চারিদিকে রাশীকৃত করিয়াছে।

এই সঙ্গে আমার সেই ছেলেবেলাকার
ব্রত এবং ভোরবেলায় ফুল তুলিয়া শিবপূজার
কথা মনে পড়িল। এ কথা স্বীকার করিতেই
হইবে, কলিকাতার আলাপ আলোচনা আনা-
গোনার গোলমালে বুঝির একটু বিকার ঘটেই।
ধর্ম কৰ্ম ভক্তিপ্রকার মধ্যে নির্মল সরলতাটুকু
থাকে না। সে দিনের কথা আমার মনে
পড়ে, যে দিন অন্ধ হওয়ার পরে কলিকাতায়
আমার পল্লিবাসিনী এক সখী আসিয়া আমাকে
বলিয়াছিল—“তোমার রাগ হয় না কুমু ? আমি
হইলে এমন স্বামীর মুখ দেখিতাম না।”
আমি বলিলাম, “ভাই মুখ দেখা ত বন্ধই বটে
সে জন্তে এ পোড়া চোখের উপরে রাগ হয়
কিন্তু স্বামীর উপর রাগ করিতে যাইব কেন ?”
যথাসময়ে ডাক্তার ডাকেন নাই বলিয়া লাভ্য
আমার স্বামীর উপর অত্যন্ত রাগিয়াছিল এবং
আমাকেও রাগাইবার চেষ্টা করিয়াছিল।
আমি তাহাকে বুঝাইলাম সংসারে থাকিলে
ইচ্ছায় অনিচ্ছায় জানে অজ্ঞানে ভুলে ভ্রান্তিতে
হঃখ সূখ নানা রকম ঘটয়া থাকে, কিন্তু মনের

মধ্যে যদি ভক্তি স্থির রাখিতে পারি তবে হৃৎকের মধ্যেও একটা শান্তি থাকে,—নহিলে কেবল রাগারাগি রেষারেষি বকাবকি করিয়াই জীবন কাটিয়া যায়। অন্ধ হইয়াছি এই ত যথেষ্ট হৃৎক তাহার পরে স্বামীর প্রতি বিদ্বেষ করিয়া হৃৎকের বোঝা বাড়াইব কেন ? আমার মত বালিকার মুখে সেকেলে কথা শুনিয়া লাভণ্য রাগ করিয়া অবজ্ঞাভরে মাথা নাড়িয়া চলিয়া গেল। কিন্তু যাই বলি, কথার মধ্যে বিষ আছে ; কথা একেবারে ব্যর্থ হয় না। লাভণ্যের মুখ হইতে রাগের কথা আমার মনের মধ্যে ছুটো একটা ক্ষুণ্ণ ফেলিয়া গিয়াছিল, আমি সেটা পা দিয়া মাড়াইয়া নিবাইয়া দিয়াছিলাম,—কিন্তু তবু ছুটো একটা দাগ থাকিয়াছিল। তাই বলিতেছিলাম কলিকাতায় অনেক তর্ক অনেক কথা, সেখানে দেখিতে দেখিতে বুদ্ধি অকালে পাকিয়া কঠিন হইয়া উঠে।

পাড়াগাঁয়ে আসিয়া আমার সেই শিব-পূজার শীতল শিউলিফুলের গন্ধে হৃদয়ের সমস্ত আশা ও বিশ্বাস আমার সেই শিশুকালের মতই নবীন ও উজ্জ্বল হইয়া উঠিল। দেবতায় আমার হৃদয় এবং আমার সংসার পরিপূর্ণ হইয়া গেল। আমি নতশিরে লুটাইয়া পড়িলাম। বলিলাম হে দেব, আমার চক্ষু গেছে বেশ হইয়াছে, তুমি ত আমার আছ।

হায়, ভুল বলিয়াছিলাম ! তুমি আমার আছ এ কথাও স্পর্ধার কথা। আমি তোমার আছি কেবল এইটুকু বলিবারই অধিকার আছে। ওগো, একদিন কষ্ট চাপিয়া আমার দেবতা এই কথাটা আমাকে বলাইয়া লইবে। কিছুই না থাকিতে পারে, কিন্তু আমাকে থাকিতেই হইবে।—কাহারও উপরে কোন জোর নাই কেবল নিজের উপরেই আছে।

কিছুকাল বেশ সুখে কাটিল। ডাক্তারীতে আমার স্বামীরও প্রতিপত্তি বাড়িতে লাগিল। হাতে কিছু টাকাও জমিল।

কিন্তু টাকা জিনিষটা ভাল নয়। উহাতে মন চাপা পড়িয়া যায়। মন যখন রাজত্ব করে তখন সে আপনার সুখ আপনি সৃষ্টি করিতে পারে, কিন্তু ধন যখন সুখ সঞ্চয়ের ভার নেয় তখন মনের আর কাজ থাকে না। তখন, আগে যেখানে মনের সুখ ছিল, জিনিষ-পত্র আস্বাব আয়োজন সেই জায়গাটুকু জুড়িয়া বসে। তখন, সুখের পরিবর্তে কেবল সামগ্রী পাওয়া যায়।

কোন বিশেষ কথা বা বিশেষ ঘটনার উল্লেখ করিতে পারি না কিন্তু অন্ধের অল্পভব-শক্তি বেশী বলিয়া, কিংবা কি কারণ জানি না, অবস্থার স্বচ্ছলতার সঙ্গে সঙ্গে আমার স্বামীর পরিবর্তন আমি বেশ বৃদ্ধিতে পারিতাম। যৌবনারম্ভে জ্ঞান অজ্ঞান ধর্ম অধর্ম সম্বন্ধে আমার স্বামীর যে একটি বেদনা বোধ ছিল সেটা যেন প্রতিদিন অসাড়া হইয়া আসিতে-ছিল। মনে আছে তিনি এক দিন বলিতেন—ডাক্তারী যে কেবল জীবিকার জন্ত শিখিতেছি তাহা নহে, ইহাতে অনেক গরীবের উপকার করিতে পারিব। যে সব ডাক্তার দরিদ্র মুমূর্ষুর দ্বারে আসিয়া আগাম ভিজিট না লইয়া নাড়ি দেখিতে চায় না তাহাদের কথা বলিতে গিয়া স্থণায় তাঁহার বাক্যরোধ হইত। আমি বৃদ্ধিতে পারি এখন আর সে দিন নাই। একমাত্র ছেলের প্রাণরক্ষার জন্ত দরিদ্র নারী তাঁহার পা জড়াইয়া ধরিয়াছে তিনি তাহা উপেক্ষা করিয়াছেন ; শেষে আমি মাথায় দিয়া তাঁহাকে চিকিৎসায় পাঠাইয়াছি কিন্তু মনের সঙ্গে কাজ করেন নাই। যখন আমা-
দের টাকা অল্প ছিল তখন অল্প

উপার্জনকে আমার স্বামী কি চক্ষে দেখিতেন তাহা আমি জানি। কিন্তু ব্যাঙ্কে এান অনেক টাকা জমিয়াছে এখন একজন ধনী লোকের আমলা আসিয়া তাঁহার সঙ্গে গোপনে দুই দিন ধরিয়া অনেক কথা বলিয়া গেল; কি বলিল আমি কিছুই জানি না,—কিন্তু তাহার পরে যখন তিনি আমার কাছে আসিলেন, অত্যন্ত প্রফুল্লতার সঙ্গে অল্প নানা বিষয়ে নানা কথা বলিলেন, তখন আমার অন্তঃকরণের স্পর্শশক্তি দ্বারা বুঝিলাম তিনি আজ কলঙ্ক মাখিয়া আসিয়াছেন।

অন্ধ হইবার পূর্বে আমি যাহাকে শেষবার দেখিয়াছিলাম আমার সে স্বামী কোথায়? যিনি আমার দৃষ্টিহীন দুই চক্ষুর মাঝখানে একটি চুষন করিয়া আমাকে একদিন দেবী পদে অভিষিক্ত করিয়াছিলেন আমি তাঁহার কি করিতে পারিলাম? একদিন একটা রিপূর ঝড় আসিয়া যাহাদের অকস্মাৎ পতন হয় তাহারা আর একটা হৃদয়াবেগে আবার উপরে উঠিতে পারে, কিন্তু এই যে, দিনে দিনে পলে পলে মস্তুর ভিতর হইতে কঠিন হইয়া যাওয়া, বাহিরে বাড়িয়া উঠিতে উঠিতে অন্তরকে তিলে তিলে চাপিয়া ফেলা ইহার প্রতিকার ভাবিতে গেলে কোন রাস্তা খুঁজিয়া পাই না।

স্বামীর সঙ্গে আমার চোখে-দেখার যে বিচ্ছেদ ঘটিয়াছে সে কিছুই নয়;—কিন্তু প্রাণের ভিতরটা যে হাঁপাইয়া ওঠে যখন মনে করি আমি যেখানে তিনি সেখানে নাই;—আমি অন্ধ, সংসারের আলোক-বর্জিত অন্তর প্রদেশে আমার সেই প্রথম বয়সের নবীন প্রেম, অক্ষুণ্ণ ভক্তি, অপ্রণবিশ্বাস লইয়া বসিয়া আছি, আমার দেবমন্দিরে জীবনের আরম্ভে আমি বালিকার করপুটে যে শেফালিকার অর্ঘ্যদান করিয়াছিলাম তাহার শিশির এখনও শুকায় নাই,—আর

আমার স্বামী এই ছান্নাশীতল চির নবীনতার দেশ ছাড়িয়া টাকা উপার্জনের পশ্চাতে সংসার মরুভূমির মধ্যে কোথায় অদৃশ্য হইয়া চলিয়া যাইতেছেন! আমি যাহা বিশ্বাস করি, যাহাকে ধর্ম বলি, যাহাকে সকল সুখ সম্পত্তির অধিক বলিয়া জানি, তিনি অতি দূর হইতে তাহার প্রতি হাসিয়া কটাক্ষপাত করেন। কিন্তু একদিন এবিচ্ছেদ ছিল না, প্রথম বয়সে আমরা এক পথেই যাত্রা আরম্ভ করিয়াছিলাম,—তাহার পরে কখন যে পথের ভেদ হইতে আরম্ভ হইতে-ছিল তাহা তিনিও জানিতে পারেন নাই, আমিও জানিতে পারি নাই, অবশেষে আজ আমি আর তাঁহাকে ডাকিয়া সাড়া পাই না।

এক এক সময়ে ভাবি, হয় ত অন্ধ বলিয়া সামান্য কথাকে আমি বেশী করিয়া দেখি। চক্ষু থাকিলে আমি হয় ত সংসারকে ঠিক সংসারের মত করিয়া চিনিতে পারিতাম।

আমার স্বামীও আমাকে একদিন তাহাই বুঝাইয়া বলিলেন। সে দিন সকালে একটি বৃদ্ধ মুসলমান তাহার পৌত্রীর ওলাউঠার চিকিৎসার জন্ত তাঁহাকে ডাকিতে আসিয়াছিল। আমি শুনিতে পাইলাম, সে কহিল, বাবা আমি গরীব, কিন্তু আল্লা তোমার ভাল করিবেন!—আমার স্বামী কহিলেন, “আল্লা যাহা করিবেন কেবল তাহাতেই আমার চলিবে না, তুমি কি করিবে সেটা আগে শুনি।” শুনিবামাত্র ভাবিলাম, ঈশ্বর আমাকে অন্ধ করিয়াছেন, কিন্তু বধির করেন নাই কেন? বৃদ্ধ গভীর দীর্ঘমিঃখাসের সহিত হে আল্লা বলিয়া বিদায় হইয়া গেল। আমি তখন ঝিক্কে দিয়া তাহাকে অন্তঃপুরের পিড়িকিছারে ডাকাইয়া আনিলাম,—কহিলাম, বাবা, তোমার নাত্নির জন্ত এই ভাস্কায়ের খরচা কিছু দিলাম, তুমি আমার স্বামীর মঙ্গল

প্রার্থনা করিয়া পাড় হইতে হুরিশ ডাক্তারকে ডাকিয়া লইয়া যাও।

কিন্তু সমস্ত দিন আমার মুখে অন্ন রুচিল না। স্বামী অপরাহ্নে নিদ্রা হইতে জাগিয়া জিজ্ঞাসা করিলেন, তোমাকে বিমর্ষ দেখিতেছি বেন? পূর্বকালের অভ্যস্ত উত্তর একটা মুখে আসিতেছিল—না কিছুই হয় নাই,—কিন্তু ছলনার কাল গিয়াছে—আমি স্পষ্ট করিয়া বলিলাম, কতদিন তোমাকে বলিব মনে করি, কিন্তু বলিতে গিয়া ভাবিয়া পাই না ঠিক কি বলিবার আছে। আমার অন্তরের কথাটা আমি বুঝাইয়া বলিতে পারিব কি না জানি না, কিন্তু নিশ্চয় তুমি নিজের মনের মধ্যে বুঝিতে পার, আমরা দুজনে যেমনভাবে এক হইয়া জীবন আরম্ভ করিয়াছিলাম, আজ তাহা পৃথক হইয়া গেছে।—স্বামী হাসিয়া কহিলেন, পরিবর্তনহীন সংসারের ধর্ম। আমি কহিলাম, টাকা কড়ি রূপ যৌবন সকলেরই পরিবর্তন হয়, কিন্তু নিত্য জিনিষ কি কিছুই নাই?—তখন তিনি একটু গম্ভীর হইয়া কহিলেন—“দেখ অল্প জীলোকেরা সত্যকার অভাব লইয়া দুঃখ করে,—কাহারো স্বামী উপার্জন করে না, কাহারো স্বামী ভালবাসে না—তুমি আকাশ হইতে দুঃখ টানিয়া আন!” আমি তখনই বুঝিলাম, অক্ষত আমার চোখে এক অঞ্জন মাখাইয়া আমাকে এই পরিবর্ত্যম ন সংসারের বাহিরে লইয়া গেছে, আমি অল্প জীলোকের মত নহি; আমাকে আমার স্বামী বুঝিবেন না।

ইতিমধ্যে আমার এক পিসুশাঙড়ী দেশ হইতে তাঁহার ভ্রাতৃপুত্রের সংবাদ লইতে আসিলেন। আমরা উভয়ে তাঁহাকে প্রণাম করিয়া ঐতিহ্যেই তিনি প্রথম কথাতেই বলিলেন “বলি বউমা, তুমিত কপালক্রমে দুটি চক্ষু ধোয়া-ইয়া রসিয়াছ, এখন আমাদের অবিনাশ অল্প

জীকে লইয়া ঘরকন্না চালাইবে কি করিয়া? উহার আর একটা বিয়ে থাওয়া দিবে দাও!” স্বামী যদি ঠাট্টা করিয়া বলিতেন, তা বেষত পিসিমা, তোমরা দেখিয়া শুনিয়া একটা ঘটকালি করিয়া দাও না,—তাহা হইলে সমস্ত পরিষ্কার হইয়া যাইত। কিন্তু তিনি কুণ্ঠিত হইয়া কহিলেন আঃ, পিসিমা কি বলিতেছ!—পিসিমা উত্তর করিলেন, বেন, অন্তায় কি বলিতেছি?—আচ্ছা বৌমা, তুমিই বলত বাছা। আমি হাসিয়া কহিলাম, পিসিমা, ভাল লোকের কাছে পরামর্শ চাহিতেছ? যাহার গাঁঠ কাটিতে হইবে তাহার কি কেহ সম্মতি নেয়” পিসিমা উত্তর করিলেন, হাঁ সে কথা ঠিক বটে! তা, তোতে আমাতে গোপনে পরামর্শ করিব—কি বলিস্ অবিনাশ! তাও বলি বৌমা, কুলীনের মেয়ের সতীন যত বেশী হয়, তাহার স্বামীর গৌরব ততই বাড়ে। আমাদের ছেলে ডাক্তারী না করিয়া যদি বিবাহ করিত, তবে উহার রোজগারের ভাবনা কি ছিল! রোগী ত ডাক্তারের হাতে পড়িলেই মরে—মরিলে ত আর ভিজিট দেয় না—কিন্তু বিধাতার শাপে কুলীনের জ্বর মরণ নাই এবং সে যত দিন বাঁচে, তত দিনই স্বামীর লাভ।

দুই দিন বাদে আমার স্বামী আমার সম্মুখে পিসিমাকে জিজ্ঞাসা করিলেন—“পিসিমা, অশ্বীয়ে মত করিয়া বোয়ের সাহায্য করিতে পারে—এমন একটি ভদ্র ঘরের জীলোক দেখিয়া দিতে পার? উনি চোখে দেখিতে পান না, সর্বদা গুঁর একটা সঙ্গিনী কেহ থাকিলে আমি নিশ্চিত থাকিতে পারি?” যখন নূতন অন্ধ হইয়াছিলাম, তখন এ কথা বলিলে খাটিত, কিন্তু এখন চোখের অজ্ঞাবে আমার কিংবা ঘরবরনার বিশেষ কি অল্পবিধা হয় জানি না। কিন্তু প্রতিবাদ মাত্র না করিয়া চুপ করিয়া রছি-

লাম। পিসিমা কহিলেন অভাব কি ? আমারি ত ভাস্করের এক মেয়ে আছে যেমন স্বন্দরী তেমনি লক্ষ্মী। মেয়েটির বয়স হইল কেবল উপযুক্ত বরের প্রত্যাশায় অপেক্ষা করিয়া আছে ; তোমার মত কুলীন পাইলে এখনি বিবাহ দিয়া দেয়।—স্বামী চকিত হইয়া কহিলেন, বিবাহের কথা কে বলিতেছে ? পিসিমা কহিলেন—ওমা, বিবাহ না করিলে উদ্ভ্রম ঘরের মেয়ে কি তোমার ঘরে অম্মনি আসিয়া পাড়িয়া থাকিবে ? কথাটা সঙ্গত বটে, এবং স্বামী তাহার কোন সহস্কর দিতে পারিলেন না।

আমার রুদ্ধ চক্ষুর অনন্ত অন্ধকারের মধ্যে আমি একলা দাঁড়াইয়া উর্দ্ধমুখে ডাকিতে লাগিলাম ভগবান, আমার স্বামীকে রক্ষা কর !

তাহার দিন কয়েক পরে একদিন সকাল বেলায় আমার পূজা আঙ্গিক সারিয়া বাহিরে আসিতেই পিসিমা কহিলেন, বোমা যে ভাস্কর-ঝির কথা বলিয়াছিলাম সেই আমাদের হেমাঙ্গিনী আজ দেশ হইতে আসিয়াছে ! হিমু, ইনি তোমার দিদি, ইহাঁকে প্রণাম কর !

এমন সময় আমার স্বামী হঠাৎ আসিয়া বেন অপরিচিত জীলোককে দেখিয়া কিরিয়া যাইতে উদ্ভ্রত হইলেন। পিসিমা কহিলেন, “কোথা যাস অবিনাশ !” স্বামী জিজ্ঞাসা করিলেন “ইনি কে।” পিসিমা কহিলেন “এই মেয়েটিই আমার সেই ভাস্কর ঝি হেমাঙ্গিনী। ইহাকে কখন আনা হইল, কে আনিল, কি বৃত্তান্ত, লইয়া আমার স্বামী বারংবার অনেক অনাবশ্যক আশ্চর্য্য প্রকাশ করিতে লাগিলেন।

আমি মনে মনে কহিলাম যাহা ঘটতেছে তাহাত সবই বুঝিতেছি—কিন্তু ইহার উপরে আবার ছলনা আরম্ভ হইল ? লুকাচুরি, ঢাকাঢাকি, মিথ্যা কথা ! অধর্ম্ম করিতে যদি হয় ত কর, সে নিজের অশান্ত প্রবৃত্তির জন্ত—

কিন্তু আমার জন্ত কেন হীনতা করা ? আমাকে ভুলাইবার জন্ত কেন মিথ্যাচরণ ?

হেমাঙ্গিনীর হাৎ ধরিয়া আমি তাহাকে আমার শয়নগৃহে লইয়া গেলাম। তাহার মুখে গায়ে হাত বুলাইয়া তাহাকে দেখিলাম,—মুখটি স্বন্দর হইবে, বয়সও চোদ্দ পনেরর কম হইবে না।

বালিকা হঠাৎ মধুর উচ্চকণ্ঠে হাসিয়া উঠিল, কহিল, শুকি করিতেছ ? আমার ভূত ঝাড়াইয়া দিবে নাকি ?

সেই উন্মুক্ত সরল হান্তখনিতে আমাদের মাঝখানের একটা অন্ধকার মেঘ যেন এক মুহূর্ত্তে কাটিয়া গেল। আমি দক্ষিণ বাহুতে তাহার কর্ণবেষ্টন করিয়া কহিলাম, আমি তোমাকে দেখিতেছি ভাই ! বলিয়া তাহার কোমল মুখখানিতে আর একবার হাত বুলাইলাম।

দেখিতেছ ? বলিয়া সে আবার হাসিতে লাগিল। কহিল—আমি কি তোমার বাগানের সিম না বেগুন যে হাত বুলাইয়া দেখিতেছ কতবড়টা হইয়াছি ?”

তখন আমার হঠাৎ মনে হইল, আমি যে অন্ধ তাহা হেমাঙ্গিনী জানে না। কহিলাম, বোন, আমি যে অন্ধ ! শুনিয়া সে কিছুক্ষণ আশ্চর্য্য হইয়া গম্ভীর হইয়া রহিল। বেশ বুঝিতে পারিলাম, তাহার কৃত্ত্বহীন তরুণ আয়ত নেত্র দিয়া সে আমার দৃষ্টিহীন চক্ষু এবং মুখের ভাব মনোযোগের সহিত দেখিল— তাহার পরে কহিল—“ওঃ তাই বুঝি কাকীকে এখানে আনা হইয়াছে ?”

আমি কহিলাম—না, আমি ডাকি নাই। তোমার কাকী আপনি আসিয়াছেন—

বালিকা আবার হাসিয়া উঠিয়া কহিল “দয়া করিয়া ? তাহা হইলে দয়াময়ী শীঘ্র নড়িড়ে-

ছেন না! কিন্তু বাবা আমাকে এখানে কেন পাঠাইলেন?"

এমন সময়ে পিসিমা ঘরে প্রবেশ করিলেন। এক আমর স্বামীর সঙ্গে তাঁহার কথাবার্তা চলিতেছিল। ঘরে আসিতেই হেমাঙ্গিনী কহিল কাকী, আমরা বাড়ি ফিরিব কবে বল!

পিসিমা কহিলেন, "ওমা! এই মাত্র আসিয়াই অমনি যাই যাই! অমন চঞ্চল মেয়েও ত দেখি নাই!"

হেমাঙ্গিনী কহিল, কাকী, তোমার ত এখান হইতে শীঘ্র নড়িবার গতিক দেখি না। তা, তোমার এ হ'ল আশ্রয় ঘর, তুমি যতদিন খুসি থাক আমি কিছু চলিয়া যাইব, তা তোমাকে বলিয়া দিতেছি।—এই বলিয়া আমার হাত ধরিয়া কহিল, কি বল ভাই! তোমরা ত আমার ঠিক আপন নও!—আমি তাহার এই সরল প্রশ্নের কোন উত্তর না দিয়া তাহাকে আমার বুকের কাছে টানিয়া লইলাম। দেখিলাম পিসিমা যতই প্রবলা হ'উন এই কল্প-টিকে তাঁহার সামলাইবার সাধ্য নাই। পিসিমা একান্তে রাগ না দেখাইয়া হেমাঙ্গিনীকে একটু আদর করিবার চেষ্টা করিলেন, সে তাহা যেন গা হইতে ঝাড়িয়া ফেলিয়া দিল। পিসিমা সমস্ত ব্যাপারটাকে আঁহুরে মেয়ের একটা পরিহাসের মত উড়াইয়া দিয়া হাসিয়া চলিয়া যাইতে উজ্জত হইলেন। আবার কি ভাবিয়া ফিরিয়া আসিয়া হেমাঙ্গিনীকে কহিলেন হিমু, চল তোর স্নানের বেলা হইল। সে আমার কাছে আসিয়া কহিল, "আমরা দুই জনে ঘাটে যাইব, কি বল ভাই?" পিসিমা অনিচ্ছাসঙ্কেও কান্ত দিলেন; তিনি জানিতেন টানাটানি করিতে গেলে হেমাঙ্গিনীরই জয় হইবে এবং তাঁহাদের মধ্যকার বিরোধ অশোভনরূপে আমার সম্মুখে প্রকাশ হইবে।

খিড়কির ঘাটে যাইতে যাইতে হেমাঙ্গিনী আমাকে জিজ্ঞাসা করিল, তোমার ছেলেপুলে নাই কেন?—আমি ঈষৎ হাসিয়া কহিলাম, কেন তাহা কি করিয়া জানিব—ঈশ্বর দেন নাই! হেমাঙ্গিনী কহিল—অবশ্য তোমার ভিতরে কিছু পাপ ছিল। আমি কহিলাম, তাহাও অন্তর্ধামী জানেন। বালিকা প্রমাণস্বরূপে কহিল, দেখনা কাকীর ভিতরে এত কুটিলতা যে উহার গর্ভে সন্তান জন্মিতে পায় না।—পাপ পুণ্য, সুখ দুঃখ, দণ্ড পুরস্কারের তত্ত্ব নিজেও বুঝি না, বালিকাকেও বুঝাইলাম না, —কেবল একটা নিশ্বাস কেলিয়া মনে মনে তাঁহাকে কহিলাম—তুমিই জান! হেমাঙ্গিনী তৎক্ষণাৎ আমাকে জড়াইয়া ধরিয়া হাসিয়া উঠিয়া কহিল—ওমা আমার কথা শুনিয়াও তোমার নিশ্বাস পড়ে! আমার কথা বুঝি কেহ গ্রাহ করে!

দেখিলাম, স্বামীর ডাক্তারী ব্যবসায়ে ব্যাঘাত হইতে লাগিল। দূরে ডাক পড়িলে ত যানই না—কাছে কোথাও গেলেও চটপট সারিয়া চলিয়া আসেন। পূর্বে যখন কর্শ্বের অবসরে ঘরে থাকিতেন, মধ্যাহ্নে আহার এবং নিদ্রার সময় কেবল বাড়ির ভিতরে আসিতেন। এখন পিসিমাও যখন তখন ডাকিয়া পাঠান, তিনিও অনাবশ্যক পিসিমার খবর লইতে আসেন। পিসিমা যখন ডাক ছাড়িয়া বলেন, হিমু, আমার পানের বাটাটা নিয়ে আয় ত—আমি বুঝিতে পারি পিসিমার ঘরে আমার স্বামী আসিয়াছেন। প্রথম প্রথম দিন দুই তিন হেমাঙ্গিনী পানের বাটা, তেলের বাটি, সিঁদুরের কোটা প্রভৃতি যথা দিষ্ট লইয়া যাইত। কিন্তু তাহার পরে ডাক পড়িলে সে আর কিছুতেই নড়িত না, ঝির হাত দিয়া আদিষ্ট দ্রব্য পাঠাইয়া দিত। পিসি

ডাকিতেন, হেমাঙ্গিনী, হিমু, হিমি—বালিকা যেন আমার প্রতি একটা করুণার আবেগে আমাকে জড়াইয়া থাকিত,—একটা আশঙ্কা এবং বিষাদে তাহাকে আচ্ছন্ন করিত। ইহার পর হইতে আমার স্বামীর কথা সে আমর কাছে ভ্রমেও উল্লেখ করিত না।

ইতিমধ্যে আমার দাদা আমাকে দেখিতে আসিলেন। আমি জানিতাম দাদার দৃষ্টি তীক্ষ্ণ। ব্যাপারটা কিরূপ চলিতেছে তাহা তাঁহার নিকট গোপন করা প্রায় অসাধ্য হইবে। আমার দাদা বড় কঠিন বিচারক। তিনি লেশমাত্র অশ্রায়কে ক্ষমা করিতে জানেন না। আমার স্বামী যে তাঁহারই চক্ষুর সম্মুখে অপরাধী রূপে দাঁড়াইবেন, ইহাই আমি সব চেয়ে ভয় করিতাম। আমি অতিরিক্ত প্রকল্পতা দ্বারা সমস্ত আচ্ছন্ন করিয়া রাখিলাম। আমি বেশী কথা বলিয়া বেশী ব্যস্ত সমস্ত হইয়া অত্যন্ত ধুমধাম করিয়া চারিদিকে যেন এতটা ধূলা উড়াইয়া রাখিবার চেষ্টা করিতাম। কিন্তু সেটা আমার পক্ষে এমন অস্বাভাবিক যে, তাহাতেই আরো বেশী ধরা পড়িবার কারণ হইল। কিন্তু দাদা বেশী দিন থাকিতে পারিলেন না—আমার স্বামী এমনি অস্থিরতা প্রকাশ করিতে লাগিলেন যে তাহা প্রকাশ্য রূপে আকার ধারণ করিল। দাদা চলিয়া গেলেন। বিদায় লইবার পূর্বে পরিপূর্ণ স্নেহের সহিত আমার মাথার উপর অনেকক্ষণ কল্পিত হস্ত রাখিলেন—মনে মনে একাগ্রচিত্তে কি আশীর্বাদ করিলেন, তাহা বুঝিতে পারিলাম; তাঁহার অশ্রু আমার অশ্রুসিক্ত কপোলের উপর আসিয়া পড়িল।

মনে আছে সে দিন চৈত্রমাসের সন্ধ্যাবেলায় হাটের বাণের লোকজন বাড়ি ফিরিয়া যাইতেছে। দূর হইতে রুট লইয়া একটা ঝড় আসিতেছে,

তাহারই মাটি-ভেঙ্গা গন্ধ এবং বাতাসের আর্দ্র-ভাব আকাশে ব্যাপ্ত হইয়াছে,—সঙ্গচ্যুত সাথি-গণ অন্ধকার মাঠের মধ্যে পরস্পরকে ব্যাকুল উর্ধ্ব-কণ্ঠে ডাকিতেছে। অন্ধের শয়ন গৃহে যতক্ষণ আমি একলা থাকি, ততক্ষণ প্রদীপ জ্বালানো হয় না—পাছে শিখা লাগিয়া কাপড় ধরিয়া উঠে বা কোন দুর্ঘটনা হয়। আমি সেই নির্জ্বল অন্ধকার কক্ষের মধ্যে মাটিতে বসিয়া দুই হাত জুড়িয়া আমার অনন্ত অন্ধ-জগতের জগদীশ্বরকে ডাকিতেছিলাম—বলিতে ছিলাম,—প্রভু, তোমার দয়া যখন অল্পভব হয় না, তোমার অভিপ্রায় যখন বুঝি না, তখন এই অনাথ ভয় হৃদয়ের হালটাকে প্রাণপণে দুই হাতে বক্ষে চাপিয়া ধরি, বুক দিয়া রক্ত বাহির হইয়া যায় তবু তুফান সামলাইতে পারি না আমার আর কত পরীক্ষা করিবে, আমার কতটুকুই বা বল!—এই বলিতে বলিতে অশ্রু উচ্ছ্বসিত হইয়া উঠিল—খাটের পর মাথা রাখিয়া কাঁদিতে লাগিলাম। সমস্ত দিন ঘরের কাজ করিতে হয়, হেমাঙ্গিনী ছায়ার মত কাছে কাছে থাকে—বুকের ভিতরে যে অশ্রু ভরিয়া উঠে সে আর ফেলিবার অবসর পাই না। অনেকদিন পরে আজ চোখের জল বাহির হইল। এমন সময় দেখিলাম খাট একটু নড়িল মানুষ চলার উস্খুসু শব্দ হইল—এবং মুহূর্ত পরে হেমাঙ্গিনী আসিয়া আমার গলা জড়াইয়া ধরিয়া নিঃশব্দে অঞ্চল দিয়া আমার চোখ মুছাইয়া দিতে লাগিল। সে যে সন্ধ্যার আরম্ভে কি ভাবিয়া কখন আসিয়া খাটেই শুইয়াছিল, আমি জানিতে পারি নাই। সে একটি প্রশ্নও করিল না, আমিও তাহাকে কোন বথাই বলিলাম না। সে ধীরে ধীরে তাহার শীতল হস্ত আমার ললাটে বুলাইয়া দিতে লাগিল। ইতিমধ্যে কখন মেঘগর্জন এবং

মুঘলধারে বর্ষণের সঙ্গে সঙ্গে একটা ঝড় হইয়া গেল বুঝিতেই পারিলাম না—বহুকাল পরে একটা সুমিষ্ট শান্তি আসিয়া আমার অরদাহদগ্ন হৃদয়কে জুড়াইয়া দিল।

পর দিন হেমাঙ্গিনী কহিল, ককী, তুমি যদি বাড়ি না যাও, আমি আমার কৈবর্ত দাদার সঙ্গে চলিলাম, তাহা বলিয়া রাখিতেছি। পিসিমা কহিলেন, তাহাতে কাজ কি, আমিও কাল যাইতেছি এক সঙ্গেই যাওয়া হইবে। এই দেখ্‌ হেমু; আমার অবিনাশ তোর জন্ত কেমন একটা মুক্তা-দেওয়া অংটি কিনিয়া দিয়াছে?—বলিয়া সগর্বে পিসিমা অংটি হেমাঙ্গিনীর হাতে দিলেন। হেমাঙ্গিনী কহিল, এই দেখ্‌ কাকী, আমি কেমন সুন্দর লক্ষ্য করিতে পারি।—বলিয়া জান্না হইতে তাক করিয়া অংটি খিড়কি পুকুরের মাঝখানে ফেলিয়া দিল। পিসিমা রাগে দুঃখে বিস্ময়ে কণ্টকিত হইয়া উঠিলেন। আমাকে বারংবার করিয়া হাতে ধরিয়া বলিয়া দিলেন—বোমা উহার এই ছেলেমানুসির কথা অবিনাশকে খবরদার বলিয়ে না—ছেলে আমার তাহা হইলে মনে দুঃখ পাইবে। মাথা পাও বোমা! আমি কহিলাম, আর বলিতে হই না পিসিমা, আমি কোন কথাই বলিব না।

পরদিনে যাত্রার পূর্বে হেমাঙ্গিনী আমাকে জড়াইয়া ধরিয়া কহিল—দিদি আমাকে মনে রাখিও! আমি ছই হাত বারংবার তাহার মুখে বুলাইয়া কহিলাম—অকু কিছু ভোলে না বোন—আমার ত জগৎ নাই, আমি কেবল মন লইয়াই আছি! বলিয়া তাহার মাথাটা লইয়া একবার আঘাণ করিয়া চুষন করিলাম। ঝর্ ঝর্ করিয়া তাহার কেশ রাশির মধ্যে আমার অঙ্গ ঝরিয়া পড়িল।

হেমাঙ্গিনী বিদায় লইলে আমার পৃথিবীটা

শুক হইয়া গেল,—সে আমার প্রাণের মধ্যে যে সৌগন্দ্য, সৌন্দর্য্য, সঙ্গীত যে উজ্জ্বল আলো এবং যে কোমল তরুণতা আনিয়াছিল, তাহা চলিয়া গেলে একবার আমার সমস্ত সংসার, আমার চারিদিকে ছই হাত বাড়াইয়া দেখিলাম কোথায় আমার কি আছে!—আমার স্বামী আসিয়া বিশেষ প্রকৃষ্ণতা দেখাইয়া কহিলেন—ইহারা গেলেন এখন বাঁচা গেল, একটু কাজ-কর্ম করিবার অঙ্গসর পাওয়া যাইবে।—ধিক্‌ ধিক্‌ আমাকে! আমার জন্ত কেন এত চাতুরী! আমি কি সত্যকে ডরাই? আমি কি আঘাতকে কখনও ভয় করিয়াছি? আমার স্বামী কি জানেন না, যখন আমি ছই চক্ষু দিয়াছিলাম, তখন আমি শাস্তমনে আমার চিরান্ধকার গ্রহণ করি নাই?

এতদিন আমি এবং আমার স্বামীর মধ্যে কেবল অন্ধতার অন্তরাল ছিল, আজ হইতে আর একটা ব্যবধান স্বজন হইল। আমার স্বামী ভুলিয়াও কখনো হেমাঙ্গিনীর নাম আমার কাছে উচ্চারণ করিতেন না,—যেন তাঁহার সম্পর্কীয় সংসার হইতে হেমাঙ্গিনী একেবারে লুপ্ত হইয়া গেছে, যেন সেখানে সে কোনকালে লেশমাত্র রেখাপাত করে নাই। অথচ পত্র দ্বারা তিনি যে সর্বদাই তাহার খবর পাইতেছেন, তাহা আমি অনায়াসে অনুভব করিতে পারিতাম; যেমন পুকুরের মধ্যে বস্তার জল যে দিন একটু প্রবেশ করে সেই দিনই পদ্মের ডাঁটার টান পড়ে—তেমনি তাঁহার ভিতরে একটুও যে দিন ক্ষীতির সঞ্চার হয়, সে দিন আমার হৃদয়ের মূলের মধ্য হইতে আমি আপনি অনুভব করিতে পারি। কবে তিনি খবর পাইতেন এবং কবে পাইতেন না তাহা আমার কাছে কিছু অগোচর ছিল না। কিন্তু আমিও তাঁহাকে তাহার কথা শুধাইতে

পারিতাম না। আমার অন্ধকার হৃদয়ে সেই যে উন্নত উদ্ভাস উজ্জ্বল সূন্দর তারারি কণ-কালের জন্ত উদয় হইয়াছিল, তাহার একটু খবর পাইবার এবং তাহার কথা আলোচনা করিবার জন্ত আমার প্রাণ তৃষিত হইয়া থাকিত, কিন্তু আমার স্বামীর কাছে মুহুর্তের জন্ত তাহার নাম করিবার অধিকার ছিল না। আমাদের হৃদয়ের মাঝখানে বাক্যে এবং বেদনায় পরিপূর্ণ এই একটা নীরবতা অটল-ভাবে বিরাজ করিত।

বৈশাখ মাসের মাঝামাঝি একদিন বি আসিয়া আমাকে জিজ্ঞাসা করিল, মা ঠাকুরাণ, ঘাটে যে অনেক আয়োজনে নৌকা প্রস্তুত হইতেছে, বাবা মশায় কোথায় যাইতেছেন?—আমি জানিতাম একটা কি উদ্ভোগ হইতেছে, আমার অদৃষ্টাংশে প্রথম কিছুদিন ঝড়ের পূর্বসূচক নিস্তব্ধতা এবং তাহার পরে প্রলয়ের ছিন্ন বিছিন্ন মেঘ আসিয়া জমিতেছিল, সংহারকারী শব্দ নীরব অঙ্গুলির ইঙ্গিতে তাঁহার সমস্ত প্রলয় শক্তিকে আমার মাথার উপরে জড় করিতেছেন—তাহা আমি বুঝিতে পারিতেছিলাম। ঝিকে বলিলাম, কই, আমি ত এখনো কোন খবর পাই নাই। ঝি আর কোন প্রশ্ন জিজ্ঞাসা করিতে সাহস না করিয়া নিঃশ্বাস ফেলিয়া চলিয়া গেল।

অনেক রাত্রে আমার স্বামী আসিয়া কহিলেন, দুই এক জায়গায় আমার ডাক পড়িয়াছে, কাল ভোরেই আমাকে রওনা হইতে হইবে। বোধ করি ঝিরিতে দিন দুই তিন বিলম্ব হইতে পারে।

আমি শয্যা হইতে উঠিয়া দাঁড়াইয়া কহিলাম, কেন আমাকে মিথ্যা বলিতেছ ?

আমার স্বামী কম্পিত অশ্রুটুকু কহিলেন, মিথ্যা কি বলিলাম!

আমি কহিলাম, তুমি বিবাহ করিতে যাইতেছ!

তিনি চুপ করিয়া রহিলেন। আমিও স্থির হইয়া দাঁড়াইয়া রহিলাম। অনেকক্ষণ ঘরে কোন শব্দ রহিল না। শেষে আমি বলিলাম—একটা উত্তর দাও! বল, হাঁ আমি বিবাহ করিতে যাইতেছি।

তিনি প্রতিধ্বনির স্তায় উত্তর দিলেন—হাঁ, আমি বিবাহ করিতে যাইতেছি!

আমি কহিলাম, না, তুমি যাইতে পারিবে না, তোমাকে আমি এই মহাবিপদ মহাপাপ হইতে রক্ষা করিব! এ যদি না পারি তবে আমি তোমার কিসের স্ত্রী; কি জন্ত আমি শিবপূজা করিয়াছিলাম!

আবার অনেকক্ষণ গৃহ নিঃশব্দ হইয়া রহিল। আমি মাটিতে পড়িয়া স্বামীর পা জড়াইয়া ধরিয়া কহিলাম—আমি তোমার কি অপরাধ করিয়াছি, কিসে আমার ক্রটি হইয়াছে—অন্ত স্ত্রীতে তোমার কিসের প্রয়োজন! মাথা খাও, সত্য করিয়া বল!

তখন আমার স্বামী ধীরে ধীরে কহিলেন—সত্যই বলিতেছি, আমি তোমাকে ভয় করি। তোমার অন্ধতা তোমাকে এক অনন্ত আবরণে আবৃত করিয়া রাগিয়াছে, সেখানে আমার প্রবেশ করিবার যো নাই। তুমি আমার দেবতা, তুমি আমার দেবতার স্তায় ভয়ানক, তোমাকে লইয়া প্রতিদিন গৃহকার্য করিতে পারি না। যাহাকে বকিব ঝকিব রাগ করিব সোহাগ করিব গহনা গড়াইয়া দিব, এমন একটি সামান্ত রমণী আমি চাই।

আমার বুকের ভিতরে চিরিয়া দেখ! আমি সামান্ত রমণী—আমি মনের মধ্যে সেই নব বিবাহের বাগিকা বই কিছু নই,—আমি বিশ্বাস করিতে চাই, নির্ভর করিতে চাই, পূজা

করিতে চাই—তুমি নিজেকে অপমান করিয়া আমাকে হুঃসহ হুঃখ দিয়া তোমার চেয়ে আমাকে বড় করিয়া তুলিয়া না, আমাকে সর্ববিষয়ে তোমার পায়ের নীচে রাখিয়া দাও ।

আমি কি কি কথা বলিয়াছিলাম সে কি আমার মনে আছে ? কুরু সমুদ্র কি নিজের গর্জন নিজে শুনিতে পায় ? কেবল মনে পড়ে বলিয়াছিলাম, যদি আমি সত্যী হই, তবে গুগবান্ সাক্ষী রহিলেন, তুমি কোন মতেই তোমার ধর্মশপথ লঙ্ঘন করিতে পারিবে না । সে মহাপাপের পূর্বে হয় আমি বিধবা হইব, নয় হেমাঙ্গিনী ঝাঁচিবে না । এই বলিয়া আমি মুচ্ছিত হইয়া পড়িয়া গেলাম ।

যখন আমার মুচ্ছা ভঙ্গ হইয়া গেল, তখনো রাত্রি শেষের পাখী ডাকিতে আরম্ভ করে নাই এবং আমার স্বামী চলিয়া গেছেন ।

আমি ঠাকুর ঘরে দ্বার রুদ্ধ করিয়া পূজায় বসিলাম । সমস্ত দিন আমি ঘরের বাহির হইলাম না । সন্ধ্যার সময়ে কালবৈশাখী ঝড়ে দালান কাঁপিতে লাগিল । আমি বলিলাম না, যে, হে ঠাকুর, আমার স্বামী এখন নদীতে আছেন তাঁহাকে রক্ষা কর । আমি কেবল একান্ত মনে বলিতে লাগিলাম, ঠাকুর আমার অদৃষ্টে যাহা হইবার তা হোক কিন্তু আমার স্বামীকে মহাপাতক হইতে নিরত্ত কর ।—সমস্ত রাত্রি কাটয়া গেল । তাহার পরদিনও আসন পরিত্যাগ করি নাই । এই অনিদ্রা অনাহারে কে আমাকে বল দিয়া ছিল জানি না—আমি পাষণ মূর্তির সম্মুখে পাষণমূর্তির মতই বসিয়াছিলাম ।

সন্ধ্যার সময় বাহির হইতে দ্বার ঠেলাঠেলি আরম্ভ হইল । দ্বার ভাঙ্গিয়া যখন ঘরে লোক প্রবেশ করিল, তখন আমি মুচ্ছিত হইয়া পড়িয়া আছি ।

মুচ্ছাভঙ্গে শুনলাম দিদি । দেখিলাম হেমাঙ্গিনীর কোলে শুইয়া আছি । মাথা নাড়িতেই তাহার নূতন চেলি ধস্ধস্ করিয়া উঠিল ।—হা ঠাকুর আমার প্রার্থনা শুনিলে না । আমার স্বামীর পতন হইল ।

হেমাঙ্গিনী মাথা নীচু করিয়া ধীরে ধীরে কহিল, দিদি তোমার আশীর্বাদ লইতে আসিয়াছি ।

প্রথম একমুহূর্ত কাঠের মত হইয়া পরক্ষণেই উঠিয়া বসিলাম—কহিলাম, কেন আশীর্বাদ করিব না বোন ? তোমার কি অপরাধ ?

হেমাঙ্গিনী তাহার স্মিষ্ট উচ্চ কণ্ঠে হাসিয়া উঠিল, কহিল অপরাধ ! তুমি বিবাহ করিলে অপরাধ হয় না, আর আমি করিলেই অপরাধ ?

হেমাঙ্গিনীকে জড়াইয়া ধরিয়া আমিও হাসিলাম । মনে মনে কহিলাম, জগতে আমার প্রার্থনাই কি চূড়ান্ত ? তাঁহার ইচ্ছাই কি শেষ নহে ? যে আঘাত পড়িয়াছে সে আমার মাথার উপরেই পড়ুক—কিন্তু হৃদয়ের মধ্যে যেখানে আমার ধর্ম আমার বিশ্বাস আছে সেখানে পড়িতে দিব না । আমি যেমন ছিলাম তেমনি থাকিব !—হেমাঙ্গিনী আমার পায়ের কাছে পড়িয়া আমার পায়ের ধূলা লইল । আমি কহিলাম, তুমি চিরসৌভাগ্যবতী, চিরসুখিনী হও !

হেমাঙ্গিনী কহিল, কেবল আশীর্বাদ নয়, তোমার সত্যীর হস্তে আমাকে এবং তোমার ভগিনীপতিকে বরণ করিয়া লইতে হইবে । তুমি তাঁহাকে লজ্জা করিলে চলিবে না । যদি অনুমতি কর তাঁহাকে অন্তঃপুরে লইয়া আসি !

আমি কহিলাম—আন ।

কিছুক্ষণ পরে আমার ঘরে নূতন পদশব্দ প্রবেশ করিল । সন্নেহ প্রসন্ন শুনলাম—ভাল আছি কুমু

আমি ব্রহ্ম বিছানা ছাড়িয়া উঠিয়া পায়ের কাছে প্রণাম করিয়া কহিলাম—দাদা !

হেমাঙ্গিনী কহিল—দাদা কিসের ?—কণ মলিয়া দাও, ও তোমার ছোট ভগিনীপতি !

তখন সমস্ত বুঝিলাম। আমি জানিতাম, দাদার প্রতিজ্ঞা ছিল বিবাহ করিবেন না,—মা নাই, তাঁহাকে অল্পনয় করিয়া বিবাহ করাইবার কেহ ছিল না। এবার আমিই তাঁহার বিবাহ দিলাম। দুই চক্ষু বাহিয়া ছুঁ করিয়া জল ঝরিয়া পড়িতে লাগিল—কিছুতেই থামাইতে পারি না। দাদা ধীরে ধীরে আমার চুলের মধ্যে হাত ব্লাইয়া দিতে লাগিলেন, হেমাঙ্গিনী আমাকে জড়াইয়া ধরিয়া কেবল হাসিতে লাগিল।

রাত্রে ঘুম হইতেছিল না, আমি উৎকণ্ঠিত-চিত্তে স্বামীর প্রত্যাগমন প্রত্যাশা করিতে-ছিলাম। লজ্জা এবং নৈরাশ্র তিনি কিরূপ ভাবে সম্বরণ করিবেন, তাহা আমি স্থির করিতে পারিতেছিলাম না।

অনেক রাত্রে অতিধীরে দ্বার খুলিল। আমি চমকিয়া উঠিয়া বসিলাম। আমার স্বামীর পদশব্দ। বন্ধের মধ্যে হৃদপিণ্ড আছাড় খাইতে লাগিল।


তিনি বিছানার মধ্যে আসিয়া আমার হাত ধরিয়া কহিলেন তোমার দাদা আমাকে রক্ষা করিয়াছেন। আমি ক্ষণকালের মোহে পড়িয়া মরিতে যাইতেছিলাম। সে দিন আমি যখন নৌকায় উঠিয়াছিলাম, আমার বুকের মধ্যে যে কি পাথর চাপিয়াছিল, তাহা অন্তর্গামী জানেন,—যখন নদীর মধ্যে ঝড়ে পড়িয়া-ছিলাম তখন প্রাণের ভয়ও হইতেছিল—সেই সঙ্গে ভাবিতেছিলাম যদি ডুবিয়া যাই তাহা হইলেই আমার উদ্ধার হয়। মথুরগঞ্জে পৌছিয়া শুনিলাম—তাহার পূর্বদিনেই তোমার

দাদার সঙ্গে হেমাঙ্গিনীর বিবাহ হইয়া গেছে। কি লজ্জায় এবং কি আনন্দে নৌকায় ফিরিয়া-ছিলাম তাহা বলিতে পারি না। এই কয়দিনে আমি নিশ্চয় করিয়া বুঝিয়াছি তোমাকে ছাড়িয়া আমার কোন স্থখ নাই। তুমি আমার দেবী।

আমি হাসিয়া কহিলাম, না, আমার দেবী হইয়া কাজ নাই—আমি তোমার ঘরের গৃহিণী—আমি সামান্ত নারী মাত্র।

স্বামী কহিলেন, আমারও একটা অক্ষু-রোধ তোমাকে রাখিতে হইবে। আমাকে আর দেবতা বলিয়া কখনো অপ্ৰতিভ করিয়ো না।

পরদিন হলুদ ও শঙ্খধ্বনিতে পাড়া মাতিয়া উঠিল। হেমাঙ্গিনী আমার স্বামীকে আহ্বারে উপবেশনে, প্রভাতে রাত্রে নানা প্রকারে পরিহাস করিতে লাগিল—নির্ধাতনের আর সীমা রহিল না—কিন্তু তিনি কোথায় গিয়াছিলেন,—কি ঘটনাছিল কেহ তাহার শেলমাত্র উল্লেখ করিল না।



কান্তিজন্মের বয়স অল্প, তথাপি জীবিত্যোগের পর দ্বিতীয় জীবীর অসুস্থকালে ক্ষান্ত থাকিয়া পশু পক্ষী শিকরেই মনোনিবেশ করিয়াছেন। দীর্ঘ ক্রম কঠিন লঘু শরীর, তীক্ষ্ণ দৃষ্টি, অব্যর্থ লক্ষ্য, সাজসজ্জায় পশ্চিমদেশীর মত, সঙ্গে সঙ্গে কুস্তিগির হীরা সিং, ছক্কনলাল, এবং গাইয়ে বাজিয়ে খাঁ সাহেব মিশ্র সাহেব অনেক

ফিরিয়া থাকে ; অকস্মিক্য অল্পচর পরিচয়েরও
অভাব নাই ।

তুই চারিজন শিকারী বন্ধুবান্ধব লইয়া
অভ্রাণের মাঝামাঝি কাস্তিচন্দ্র নৈদিঘির বিলের
ধারে শিকার করিতে গিয়াছেন। নদীতে
তুইটি বড় বোটে তাঁহাদের বাস, আরো গোঁটা
তিন চার নৌকায় চাকর বাকরের দল গ্রামের
ঘাট ঘিরিয়া বসিয়া আছে। গ্রাম-বন্ধুদের
জলতোলা, স্নানকরা প্রায় বন্ধ। সমস্ত দিন
বন্দুকের আওয়াজে জলস্থল কম্পমান, সন্ধ্যা-
বেলায় ওস্তাদীগলার তানকর্তবে পল্লীর নিদ্রা
তন্দ্রা তিরোহিত।

একদিন সকালে কাস্তিচন্দ্র বোটে বসিয়া
বন্দুকের চোঙ স্বহস্তে পরিষ্কার করিতেছেন
এমন সময় অনতিদূরে হাঁসের ডাক শুনিয়া
চাহিয়া দেখিলেন, একটা বালিকা তুইহাতে
তুইটি তরুণ হাঁস বন্ধে চাপিয়া ধরিয়া ঘাটে
আনিয়াছে। নদীটি ছোট, প্রায় স্রোতহীন
নানা জাতীয় শৈবালে ভরা। বালিকা
হাঁস তুইটিকে জলে ছাড়িয়া দিয়া একেবারে
আরন্তের বাহিরে না যায় এই ভাবে ত্রস্ত সতর্ক
স্নেহে তাহাদের আগলাইবার চেষ্টা করিতেছে।
এটুকু বুঝা গেল, অল্প দিন সে তাহার হাঁস জলে
ছাড়িয়া দিয়া চলিয়া যাইত, কিন্তু সম্প্রতি
শিকারীর ভয়ে নিশ্চিন্ত চিত্তে রাখিয়া যাইতে
পারিতেছে না।

মেয়েটির সৌন্দর্য্য নিরতিশয় নবীন,—যেন
বিশ্বকর্মা তাহাকে সদ্য নিৰ্ম্মাণ করিয়া ছাড়িয়া
দিয়াছেন। বয়স ঠিক করা শক্ত। শরীরটি
বিকশিত কিন্তু মুখটি এমন কাঁচা যে সংসার
কোথাও যেন তাহাকে লেশ মাত্র স্পর্শ করে
নাই। সে যে যৌবনে পা ফেলিয়াছে এংনো
নিজের কাছে সে খবরটি তাহার পৌঁছে নাই।

কাস্তিচন্দ্র ক্ষণকালের জন্ত বন্দুক সাফ

করায় ঢিল দিলেন। তাঁহার চমক লাগিয়া
গেল। এমন জায়গায় এমন মুখ দেখিবেন
বলিয়া কখনও আশা করেন নাই। অথচ
রাজার অন্তঃপুরের চেয়ে এই জায়গাতেই এই
মুখখানি মানাইয়াছিল। সোণার ফুলদানীর
গাছেই ফুলকে সাজে। সে দিন শরতের
শিশিরে এবং প্রভাতের রোদ্রে নদীতীরে বিক-
শিত কাশবনটি ঝলমল করিতেছিল তাহারি
মধ্যে সেই সরল নবীন মুখখানি কাস্তিচন্দ্রের
মুখচক্ষে আশ্বিনের আসন্ন আগমনীর একটি
আনন্দচ্ছবি আকিয়া দিল। মন্দাকিনী-তীরে
তরুণ পার্শ্বতী কখনও কখনও এমন হংস-শিশু
বন্ধে লইয়া আসিতেন কালিদাস সে কথা
লিখিতে ভুলিয়াছেন।

এমন সময় হঠাৎ মেয়েটি ভীতব্রস্ত হইয়া
কাঁদ কাঁদ মুখে তাড়াতাড়ি হাঁস দুটিকে বুকে
তুলিয়া লইয়া অব্যক্ত আর্ক্তস্বরে ঘাট ত্যাগ
করিয়া চলিল। কাস্তিচন্দ্র কারণ সন্ধান
বাহিরে আসিয়া দেখিলেন, তাঁহার একটি
বসিক পার্শ্বদ কৌতুক করিয়া বালিকাকে ভয়
দেখাইবার জন্ত হাঁসের দিকে ফাঁকা বন্দুক লক্ষ্য
করিতেছে। কাস্তিচন্দ্র পশ্চাৎ হইতে বন্দুক
কাড়িয়া লইয়া হঠাৎ তাহার গালে সশব্দে
প্রকাণ্ড একটি চপেটাঘাত করিলেন, অবশ্মাৎ
বসন্ত হইয়া লোকটা সেইখানে ধপু করিয়া
ধসিয়া পড়িল। কাস্তি পুনরায় কামরায় আসিয়া
বন্দুক সাফ করিতে লাগিলেন।

কৌতুহলী কাস্তিচন্দ্র পার্শ্বের সন্ধানে ঝোপ-
ঝোড় ভেদ করিয়া ভিবরে গিয়া দেখিলেন একটি
স্বচ্ছল গৃহস্ত-ঘর, প্রাঙ্গণে সারিসারি ধানের
গেলা। পরিচ্ছন্ন বৃহৎ গোয়ালঘরের কুলগাছ
তলায় বসিয়া সন্ধ্যাবেলাকার সেই মেয়েটি
একটি আহত ঘুঘু বৃকের কাছে তুলিয়া উচ্ছ-
সিত হইয়া কাঁদিতেছে এবং গামলার জলে

অঞ্চল ভিজাইয়া পাখীর চঞ্চুপুটের মধ্যে জল নিংড়াইয়া দিতেছে। পোষা বিড়ালটা তাহার কোলের উপর ছই পা তুলিয়া উর্দ্ধমুখে ঘুঘুটির প্রতি উৎসুক দৃষ্টিপাত করিতেছে; বালিকা মধ্যে মধ্যে তাহার নাসিকাগ্রভাবে স্তম্ভনীয় আঘাত করিয়া লুক্ক জন্তুর অতিরিক্ত আগ্রহ দমন করিয়া দিতেছে।

পল্লীর নিস্তরু মধ্যাহ্নে একটি গৃহস্থ প্রাক্-ণের স্বচ্ছল শান্তির মধ্যে এই করুণচ্ছবি এক মুহূর্তেই কাস্তিচন্দ্রের হৃদয়ের মধ্যে আঁকা হইয়া গেল। বিরলপল্লব গাছটির ছায়া ও রোদ্ভ বালিকার ক্রোড়ের উপর আসিয়া পড়িয়াছে; অদূরে আহার পরিতৃপ্ত পরিপুষ্ট গাভী আলস্যে মাটিতে বসিয়া শূন্য ও পুচ্ছ আন্দোলনে পিঠের মাছি তাড়াইতেছে, মাঝে মাঝে বাঁশের ঝাড়ে ফিস্ ফিস্ কথার মত নুতন উত্তর বাতাসে খস্ খস্ শব্দ উঠিতেছে। সে দিন প্রভাতে নদীতীরে বনের মধ্যে যাহাকে বনশ্রীর মত দেখিতে হইয়াছিল, আন্ধ মধ্যাহ্নে নিস্তরু গোষ্ঠপ্রাক্ণচ্ছায় তাহাকে স্নেহবিগলিত গৃহ-লক্ষ্মীটির মত দেখিতে হইল।

কাস্তিচন্দ্র বন্দুক হস্তে হঠাৎ এই বালিকার সম্মুখে আসিয়া অভ্যস্ত কুণ্ঠিত হইয়া পড়িলেন। মনে হইল যেন বমালসুন্ধ চোর ধরা পড়লাম। পাখীটি যে আমার গুলিতে আহত হয় নাই কোন প্রকারে এই কৈফিয়ৎটুকু দিতে ইচ্ছা হইল, কেমন করিয়া কথাটা পাড়িবেন ভাবিতেছেন, এমন সময়ে কুটির হইতে কে ডাকিল সূধা! বালিকা যেন চমকিত হইয়া উঠিল। আবার ডাক পড়িল সূধা! তখন সে তাড়া-তাড়ি পাখীটি হইয়া কুটির মুখে চলিয়া গেল। কাস্তিচন্দ্র ভাবিলেন, নামটি উপযুক্ত বটে। সূধা!

কাস্তি তখন দলের লোকের হাতে বন্দুক

রাখিয়া র পথ দিয়া সেই কুটিরের দ্বারে আসিয়া পন্থিত হইলেন। দেখিলেন একটি প্রৌঢ় মুণ্ডিতমুখ শাস্তমূর্তি ব্রাহ্মণ দাণ্ডায় বসিয়া হরিভক্তিবিলাস পাঠ করিতেছেন। ভক্তিমণ্ডিত তাঁহার মুখের সুগভীর স্নিগ্ধ প্রশান্ত ভাবের সহিত কাস্তিচন্দ্র সেই বালিকার দয়ার্জ মুখের সাদৃশ্য অনুভব করিলেন।

কাস্তি তাঁহাকে নমস্কার করিয়া কহিলেন, তুষা পাইয়াছে ঠাকুর, এক ঘটি জল পাইতে পারি কি? ব্রাহ্মণ তাড়াতাড়ি তাঁহাকে অভ্যর্থনা করিয়া বসাইলেন এবং ভিতর হইতে পিতলের রেকাবিতে কয়েকটি বাতাসা ও কাঁসার ঘটিতে জল লইয়া স্বহস্তে অতিথির সম্মুখে রাখিলেন।

কাস্তি জল খাইলে পর ব্রাহ্মণ তাঁহার পরিচয় লইলেন। কাস্তি পরিচয় দিয়া কহিলেন, ঠাকুর আপনার যদি কোন উপকার করিতে পারি ত কৃতার্থ হই।

নবীন বাঁড়ুয়ে কহিলেন, বাবা, আমার আর কি উপকার করিবে। তবে সূধা বসিয়া আমার একটি কল্প আছে তাহার বয়স হইতে চলিল, তাহাকে একটি সংপাত্রে দান করিতে পারিলেই সংসারের ঋণ হইতে মুক্তিলাভ করি। কাছে কোথাও ভাল ছেলে দেখি না, দূরে সন্ধান করিবার মত সামর্থ্যও নাই, ঘরে গোপীনাথের বিগ্রহ আছে তাঁহাকে ফেলিয়া কোথাও ঘাই নাই।

কাস্তি কহিলেন, আপনি নোকায় আমার সহিত সাক্ষাৎ করিলে পাত্র সম্বন্ধে আলোচনা করিব।

এদিকে কাস্তির প্রেরিত চরণ বন্দ্যোপাধ্যায়ের কল্পা সূধার কথা যাহাকেই জিজ্ঞাসা করিল সকলেই একবাক্যে কহিল এমন লক্ষ্মী-স্বভাবা কল্পা আর হয় না।

পরদিন নবীন বোটে উপস্থিত হইলে কান্তি তাঁহাকে ভূমিষ্ঠ হইয়া প্রণাম করিলেন এবং জানাইলেন তিনিই ব্রাহ্মণের কন্যাকে বিবাহ করিতে ইচ্ছুক আছেন। ব্রাহ্মণ এই অভাবনীয় সৌভাগ্যে রুদ্ধ-কণ্ঠে কিছুক্ষণ কথাই কহিতে পারিলেন না।

মনে করিলেন কিছু একটা ভ্রম হইয়াছে। কহিলেন, আমার কন্যাকে তুমি বিবাহ করিবে? কান্তি কহিলেন, আপনার যদি সম্মতি থাকে আমি প্রস্তুত আছি।

নবীন আবার জিজ্ঞাসা করিলেন সূধাকে? — উত্তরে শুনিলেন হাঁ।

নবীন স্থির ভাবে কহিলেন, তা দেখা শোনা—

কান্তি যেন দেখেন নাই, ভাণ করিয়া কহিলেন, সেই একেবারে শুভদৃষ্টির সময়।

নবীন গগনদ কণ্ঠে কহিলেন, আমার সূধা বড় সুশীলা মেয়ে, রাধাবাড়া ঘরকন্নার কাজে অদ্বিতীয়। তুমি যেমন না দেখিয়াই তাহাকে বিবাহ করিতে প্রস্তুত হইয়াছ তেমনি আশীর্বাদ করি আমার সূধা পতিব্রতা সতীলক্ষ্মী হইয়া চিরকাল তোমার মঙ্গল করুন! কখন মুহূর্তের অন্ত তোমার পরিতাপের কারণ না ঘটুক।

কান্তি আর বিলম্ব করিতে চাহিলেন না, মাঘ মাসেই বিবাহ স্থির হইয়া গেল।

পাড়ার মজুমদারদের পুরাতন কোঠা বাড়িতে বিবাহের স্থান নির্দিষ্ট হইয়াছে। বর হাতি চড়িয়া মশাল জ্বালাইয়া বাজনা বাজাইয়া ষণ্মা সময়ে আসিয়া উপস্থিত।

শুভদৃষ্টির সময় বর কস্তার মুখের দিকে চাহিলেন। নতশির টোপরপরা চন্দনচর্চিত সূধাকে ভাল করিয়া যেন দেখিতে পাইলেন

না। উদ্বেলিত হৃদয়ের আনন্দে চোখে যেন ধাঁধা লাগিল।

বাসরঘরে পাড়ার সরকারী ঠানদিদি যখন বরকে দিয়া জোর করিয়া মেয়ের ঘোমটা খোলাইয়া দিলেন তখন কান্তি হঠাৎ চমকিয়া উঠিলেন।

এ ত সেই মেয়ে নয়! হঠাৎ বুকের কাছ হইতে একটা কাগ বস্ত্র উঠিয়া তাঁহার মস্তিষ্কে যেন আঘাত করিল—মুহূর্তে বাসরঘরের সমস্ত প্রদীপ যেন অন্ধকার হইয়া গেল এবং সেই অন্ধকার-প্রাভনে নববধুর মুখ খানিকেষু যেন কালিমালিপ্ত করিয়া দিল।

কান্তিচন্দ্র দ্বিতীয়বার বিবাহ করিবেন না বলিয়া মনে মনে প্রতিজ্ঞা করিয়াছিলেন; সেই প্রতিজ্ঞা কি এমনি একটা অদ্ভুত পরিহাসে অদৃষ্ট তুড়ি দিয়া ভাঙ্গিয়া দিল! কত ভাল ভাল বিবাহের প্রস্তাব অগ্রাহ্য করিয়াছেন, কত আত্মীয় বন্ধু বান্ধবের সান্ন্যয় অনুরোধ অবহেলা করিয়াছেন; উচ্চ কুটুম্বিতার আকর্ষণ, অর্থের প্রলোভন, রূপখ্যাতির মোহ সমস্ত কাটাইয়া অবশেষে কোন এক অখ্যাত পল্লী-গ্রামে বিলের ধারে এক অজ্ঞাত দরিদ্রের ঘরে এত বড় বিড়ম্বনা! লোকের কাছে মুখ দেখাইবেন কি করিয়া!

ঋতুর উপরে প্রথমটা রাগ হইল। প্রতারক এক মেয়ে দেখাইয়া আর এক মেয়ের সহিত আমার বিবাহ দিল। কিন্তু ভাবিয়া দেখিলেন, নবীন ত তাঁহাকে বিবাহের পূর্বে কস্তা দেখান নাই—তিনি নিজেই দেখিতে অসম্মত হইয়াছিলেন। বুদ্ধির দোষে যে এত বড় ঠকাটা ঠকিয়াছেন সে লজ্জার কথাটা কাহারো কাছে প্রকাশ না করাই শ্রেয়ঃ বিবেচনা করিলেন।

ঔষধ যেন গিলিলেন কিন্তু মুখের তারটা

বিগড়িয়ে গেল। বাসরঘরের ঠাট্টা আমোদ কিছুই তাঁহার কাছে রুচিল না। নিজের এবং সর্বসাধারণের প্রতি রাগে তাঁহার সর্বাস্থ জ্বলিতে লাগিল।

এমন সময় হঠাৎ তাঁহার পার্শ্ববর্তিনী বধু অব্যক্ত ভীত স্বরে চমকিয়া উঠিল। সহসা তাঁহার কোলের কাছ দিয়া একটা খরগোসের বাচ্ছা ছুটিয়া গেল; পরক্ষণেই সেদিনকার সেই মেয়েটি শশকশিশুর অমুসরণ পূর্বক তাহাকে ধরিয়া গালের কাছে রাখিয়া একান্ত স্নেহে আদর করিতে লাগিল। “ঐ রে পাগলী আসিয়াছে” বলিয়া সকলে তাহাকে চলিয়া যাইতে ইঙ্গিত করিল। সে ক্রক্ষেপ মাত্র না করিয়া ঠিক বরকণ্ঠার সম্মুখে বসিয়া শিশুর মত কৌতুহলে কি হইতেছে দেখিতে লাগিল। বাড়ির কোন দাসী তাহাকে ধরিয়া টানিয়া লইবার চেষ্টা করিলে বর ব্যস্ত হইয়া কহিলেন, ‘আহা থাকনা, বন্ধুক।’

মেয়েটিকে জিজ্ঞাসা করিলেন, তোমার নাম কি?

সে উত্তর না দিয়া হুলিতে লাগিল। ঘর স্নদ্ধ রমণী হাসিয়া উঠিল।

কান্তি আবার জিজ্ঞাসা করিলেন, তোমার হাঁস ছাট কত বড় হইল!’

অসঙ্কোচে মেয়েটি নীরবে তাঁহার মুখের দিকে চাহিয়া দেখিতে লাগিল।

হতবুদ্ধি কান্তি সাহস পূর্বক আবার জিজ্ঞাসা করিলেন, তোমার সেই ঘুবু আরাম হইয়াছে ত? কোন ফল পাইলেন না। মেয়েরা এমন ভাবে হাসিতে লাগিল যেন বর ভারি ঠকিয়াছেন।

অবশেষে প্রশ্ন করিয়া খবর পাইলেন— মেয়ে কালা এবং বোবা, পাড়াগা যত পশু পক্ষীর সঙ্গিনী। সেদিন যে সুধা ডাক শুনিয়া

উঠিয়া ঘরে গিয়াছিল সে তাঁহার অমুমান মাত্র, তাহার আর কোন কারণ ছিল।

কান্তি তখন মনে মনে চমকিয়া উঠিলেন। যাহা হইতে বঞ্চিত হইয়া পৃথিবীতে তাঁহার কোন সুখ ছিল না, শুভ দৈবক্রমে তাহার নিকট হইতে পরিত্রাণ পাইয়া নিজেকে ধন্ত জ্ঞান করিলেন। মনে করিলেন যদি এই মেয়েটির বাপের কাছে যাইতাম এবং সে ব্যক্তি আমার প্রার্থনা অমুসারে বস্ত্রাটিকে কোন মতে আমার হাতে সমর্পণ করিয়া নিষ্কৃতি লাভের চেষ্টা করিত।

যতক্ষণ আয়ত্ত্বে এই মেয়েটির মোহ তাঁহার মনটিকে আলোড়িত করিতেছিল, ততক্ষণ নিজের বধুটি সম্বন্ধে একবারে অন্ধ হইয়াছিলেন। নিকটেই আর কোথাও কিছু সাস্ত্রনার কারণ ছিল কি না তাহা অমুসন্ধান করিয়া দেখিবার প্রবৃত্তিও ছিল না। যেই শুনিলেন মেয়েটি বোবা ও কালা অমনি সমস্ত জগতের উপর হইতে একটা কালো পর্দা ছিন্ন হইয়া পড়িয়া গেল। দূরের আশা দূর হইয়া নিকটের জিনিষ গুলি প্রত্যক্ষ হইয়া উঠিল। সুগভীর পরিত্রাণের নিখাস ফেলিয়া কান্তি লজ্জাবনত বধুর মুখের দিকে কোন এক সুযোগে চাহিয়া দেখিলেন। এতক্ষণে যথার্থ শুভদৃষ্টি হইল! চন্দ্রক্ষুর অন্তরালবর্তী মনোনেত্রের উপর হইতে সমস্ত বাধা খসিয়া পড়িল। হৃদয় হইতে এবং প্রদীপ হইতে সমস্ত আলোক বিচ্ছুরিত হইয়া একটি মাত্র কোমল সুকুমার মুখের উপরে প্রতিফলিত হইল। কান্তি দেখিলেন, একটা স্নিগ্ধ শ্রী একটা শান্ত লাবণ্যে মুগ্ধখানি মণ্ডিত। বুঝিলেন, নবীনের আশীর্বাদ সার্থক হইবে।

উলুখড়ের বিপদ ।

বাবুদের নায়েব গিরিশ বসুর অন্তঃপুরে প্যারী বলিয়া একটি নূতন দাসী নিযুক্ত হইয়াছিল। তাহার বয়স অল্প ; চরিত্র ভাল। দূর বিদেশ হইতে আসিয়া কিছুদিন কাজ করার পরেই একদিন সে বৃদ্ধ নায়েবের অমুরাগ দৃষ্টি হইতে আত্মরক্ষার জন্ত গৃহিণীর নিকট কাঁদিয়া গিয়া পড়িল। গৃহিণী কহিলেন, বাছা, তুমি অল্প কোথাও যাও ; তুমি ভালমানুষের মেয়ে এখানে থাকিলে তোমার সুরবিধা হইবে না। বলিয়া গোপনে তাহাকে কিছু অর্থ দিয়া বিদায় করিয়া দিলেন।

কিন্তু পালানো সহজ ব্যাপার নহে, হাতে পথ খরচও সামান্য, সেই জন্ত প্যারী গ্রামে হরিহর ভট্টাচার্য মহাশয়ের নিকট গিয়া আশ্রয় লইল। বিবেচক ছেলেরা কহিল বাবা, কেন বিপদ ঘরে আনিতেছেন; হরিহর কহিলেন, বিপদ স্বয়ং আসিয়া আশ্রয় প্রার্থনা করিলে তাহাকে ফিরাইতে পারি না।

গিরিশ বসু সাষ্টাঙ্গে প্রণাম করিয়া কহিলেন, ভট্টাচার্য মহাশয়, আপনি আমার ঝি ভাঙ্গাইয়া আনিলেন কেন? ঘরে কাজের ভারি অসুবিধা হইতেছে। ইহার উত্তরে হরিহর হুচারটে সত্য কথা খুব শক্ত করিয়াই বলিলেন। তিনি মানী লোক ছিলেন, কাহারো খাতির কোন কথা ঘুরাইয়া বলিতে জানিতেন না। নায়েব মনে মনে উদ্যতপক্ষ পিপীলিকার সহিত তাঁহার তুলনা করিয়া

চলিয়া গেল! যাইবার সময় খুব ঘটা করিয়া পায়ের ধূলা লইল। দুই চারদিনের মধ্যেই ভট্টাচার্যের বাড়িতে পুলিশের সমাগম হইল। গৃহিণী ঠাকুরাণীর বালিশের নীচে হইতে নায়েবের স্ত্রীর এক ষোড়া ইয়ারিং বাহির হইল। ঝি প্যারী চোর সাব্যস্ত হইয়া জেলে গেল। ভট্টাচার্য মহাশয় দেশবিখ্যাত প্রতিপত্তির জোরে, চোরাই মাল রক্ষার অভিযোগ হইতে নিষ্কৃতি পাইলেন। নায়েব পুনশ্চ ব্রাহ্মণের পদধূলি লইয়া গেল। ব্রাহ্মণ বুঝিলেন হতভাগিনীকে তিনি আশ্রয় দেওয়া-তেই প্যারীর সর্বনাশ ঘটিল। তাঁহার মনে শেল বিঁধিয়া রহিল। ছেলেরা কহিল, জমিজমা বেচিয়া কলিকাতায় যাওয়া যাক, এখানে বড় মুস্থিল দেখিতেছি। হরিহর কহিলেন, পৈতৃক ভিটা ছাড়িতে পারিব না, অদৃষ্টে থাকিলে বিপদ কোথায় না ঘটে।

ইতিমধ্যে নায়েব গ্রামে অতিমাত্রায় খাজনা বৃদ্ধির চেষ্টা করায় প্রজারা বিদ্রোহী হইল। হরিহরের সমস্তই ব্রহ্মোত্তর জমা, জমিদারের সঙ্গে কোন সম্বন্ধ নাই। নায়েব তাহার প্রভুকে জানাইল হরিহরই প্রজাদিগকে প্রশ্রয় দিয়া বিদ্রোহী করিয়া তুলিয়াছে। জমিদার কহিলেন, যেমন করিয়া পার ভট্টাচার্যকে শাসন কর। নায়েব ভট্টাচার্যের পদধূলি লইয়া কহিল, সামূনের ঐ জমিটা পরগণার ভিটার মধ্যে পড়িতেছে; ওটা ত ছাড়িয়া দিতে হয়। হরিহর কহিলেন, সে কি কথা! ও যে আমার বহুকেলে ব্রহ্মোত্তর। হরিহরের গৃহপ্রাপ্তের সংলগ্ন পৈতৃক জমিদারীর অন্তর্গত বলিয়া নালিশ রুজু হইল। হরিহর বলিলেন, এ জমিটা ত তবে ছাড়িয়া দিতে হয় আমি ত বৃদ্ধ বয়সে আদালতে সাফলী দিতে পারিব না। ছেলেরা বলিল, বাড়ির

সংলগ্ন জমিটাই যদি ছাড়িয়া দিতে হয় তবে ভিটায় টিকিব কি করিয়া ।

প্রাণাধিক পৈতৃক ভিটার মায়ার বৃদ্ধ কম্পিতপদে আদালতের সাক্ষ্যক্ষে গিয়া দাঁড়াইলেন । মুন্সেফ নবগোপাল বাবু তাঁহার সাক্ষ্যই প্রামাণ্য করিয়া মকদ্দমা ডিসমিস করিয়া দিলেন । ভট্টাচার্য্যের খাস প্রজারা ইহা লইয়া গ্রামে ভারি উৎসব সমারোহ আরম্ভ করিয়া দিল । হরিহর তাড়াতাড়ি তাহাদিগকে ধামাইয়া দিলেন । নায়েব আসিয়া পরম আড়ম্বরে ভট্টাচার্য্যের পদধূলি লইয়া গায়ে মাখায় মাখিল এবং আপিল রুজু করিল । উকীলরা হরিহরের নিকট হইতে টাকা লন না । তাঁহারা ব্রাহ্মণকে বারংবার আশ্বাস দিলেন, এ মকদ্দমায় হারিবার কোন সম্ভাবনাই নাই । দিন কি কখনো রাত হইতে পারে ? শুনিয়া হরিহর নিশ্চিন্ত হইয়া ঘরে বসিয়া রহিলেন ।

একদিন জমিদারী কাছারিতে ঢাকচোল বাজিয়া উঠিল, পাঠা কাটিয়া নায়েবের বাসায় কালিপূজা হইবে । ব্যাপারখানা কি ? ভট্টাচার্য্য খবর পাইলেন আপিলে তাঁহার হার হইয়াছে ।

ভট্টাচার্য্য মাথা চাপড়াইয়া উকীলকে জিজ্ঞাসা করিলেন, বসন্ত বাবু করিলেন কি ? আমার কি দশা হইবে ?

দিন যে কেমন করিয়া রাত হইল, বসন্ত বাবু তাহার নিগূঢ় বৃত্তান্ত বলিলেন :—সম্প্রতি যিনি নূতন অ্যাডিশনাল জজ হইয়া আসিয়াছেন তিনি মুন্সেফ থাকাকালে মুন্সেফ নবগোপাল বাবুর সহিত তাঁহার ভারি খিটিমিটি বাধিয়াছিল । তখন কিছু করিয়া উঠিতে পারেন নাই ; আজ জজের আসনে বসিয়া নবগোপাল বাবুর রায় পাইবামাত্র উণ্টাইয়া দিতেছেন, আপনি হারিলেন সেই জন্ত । ব্যাকুল হরিহর কহিলেন, হাইকোর্টে ইহার কোন আপীল নাই ? বসন্ত কহিলেন, জজবাবু আপীলে ফল পাইবার সম্ভাবনা মাত্র রাখেন নাই । তিনি আপনাদের সাক্ষীকে সন্দেহ করিয়া বিরুদ্ধ পক্ষের সাক্ষীকেই বিশ্বাস করিয়া গিয়াছেন । হাইকোর্টে ত সাক্ষীর বিচার হইবে না ।

বৃদ্ধ সাশ্রনেজে কহিলেন, তবে আমার উপায় !

উকীল কহিলেন উপায় কিছু দেখি না ।

গিরিশ বসু পরদিন লোকজন সঙ্গে লইয়া ঘটা করিয়া ব্রাহ্মণের পদধূলি লইয়া গেল এবং বিদায় কালে উচ্ছ্বসিত দীর্ঘনিশ্বাসে কহিল—
প্রভু, তোমারি ইচ্ছা ।

রবাত্র গ্রন্থাবলী ।

সমাজ চিত্র ।

—:~:~:~:—

প্রায়শ্চিত্ত ।

—

প্রথম পরিচ্ছেদ ।

স্বর্গ ও মর্ত্যের মাঝখানে একটা অনির্দেশ্য অরাজক স্থান আছে, যেখানে ত্রিশঙ্কু রাজা ভাসিয়া বেড়াইতেছেন, যেখানে আকাশ-কুম্বের অজস্র আবাদ হইয়া থাকে। সেই বায়ুতুর্গবেষ্টিত মহাদেশের নাম “হইলে-হইতে-পারিত”। ষাঁহারা মহৎকার্য্য করিয়া অমরতা লাভ করিয়াছেন তাঁহারা ধন্ত হইয়াছেন, ষাঁহারা সামান্ত ক্ষমতা লইয়া সাধারণ মানবের মধ্যে সাধারণভাবে সংসারের প্রাত্যহিক কর্তব্য সাধনে সহায়তা করিতেছেন, তাঁহারাও ধন্ত ; কিন্তু ষাঁহারা অদৃষ্টের ভ্রমক্রমে হঠাৎ ছয়ের মাঝখানে পড়িয়াছেন তাঁহাদের আর কোন উপায় নাই। তাঁহারা একটা কিছু হইলে হইতে পারিতেন কিন্তু সেই কারণেই তাঁহাদের গক্ষে কিছু একটা হওয়া সর্ব্বাপেক্ষা অসম্ভব।

আমাদের অনাথবন্ধু সেই মধ্যদেশবিলম্বিত বিধিবিড়ম্বিত যুবক। সকলেরই বিশ্বাস তিনি ইচ্ছা করিলে সকল বিষয়েই কৃতকার্য্য হইতে পারিতেন। কিন্তু কোন কালে তিনি ইচ্ছাও করিলেন না, এবং কোন বিষয়ে তিনি কৃতকার্য্যও হইলেন না এবং সকলের বিশ্বাস তাঁহার প্রতি অটল রহিয়া গেল। সকলে বলিল তিনি পরীক্ষায় ফাষ্ট হইবেন, তিনি আর পরীক্ষা দিলেন না। সকলের বিশ্বাস, চাকরিতে প্রবিষ্ট হইলে যে কোন ডিপার্ট-মেন্টের উচ্চতম স্থান তিনি অনায়াসে গ্রহণ করিতে পারিবেন,—তিনি কোন চাকরিই গ্রহণ করিলেন না। সাধারণ লোকের প্রতি তাঁহার বিশেষ অবজ্ঞা, কারণ তাহারা অত্যন্ত সামান্ত, অসাধারণ লোকের প্রতি তাঁহার

কিছুমাত্র শ্রদ্ধা ছিল না, কারণ মনে করিলেই তিনি তাহাদের অপেক্ষা অসাধারণতর হইতে পারিতেন ।

অনাথবন্ধুর সমস্ত ধ্যান-প্রতিপত্তিস্ব-সম্পদসৌভাগ্য দেশকালাতীত অসম্ভবতার ভাণ্ডারে নিহত ছিল—বিধাতা কেবল বাস্তব-রাজ্যে তাঁহাকে একটি ধনী স্বপ্নের এবং একটি সুশীলা স্ত্রী দান করিয়াছিলেন । স্ত্রীর নাম বিদ্যাবাসিনী ।

স্ত্রীর নামটি অনাথবন্ধু পছন্দ করেন নাই এবং স্ত্রীটিকেও রূপে গুণে তিনি আপন যোগ্য জ্ঞান করিতেন না, কিন্তু বিদ্যাবাসিনীর মনে স্বামিসৌভাগ্যগর্ভের সীমা ছিল না । সকল স্ত্রীর সকল স্বামীর অপেক্ষা তাঁহার স্বামী যে সকল বিষয়ে শ্রেষ্ঠ, এ সম্বন্ধে তাঁহার কোন সন্দেহ ছিল না এবং তাঁহার স্বামীরও কোন সন্দেহ ছিল না এবং সাধারণের ধারণাও এই বিশ্বাসের অনুরূপ ছিল ।

এই স্বামিগর্ভ পাছে কিছু মাত্র ক্ষুণ্ণ হয়, এজন্য বিদ্যাবাসিনী সর্বদাই শঙ্কিত ছিলেন । তিনি যদি আশ্রম হৃদয়ের অন্তর্ভেদী অটল ভক্তি-পর্বতের উচ্চতম শিখরের উপরে এই স্বামী-টিকে অধিরোহণ করাইয়া তাঁহাকে মুঢ় মর্ত্য-লোকের সমস্ত কটাক্ষপাত হইতে দূরে রক্ষা করিতে পারিতেন, তবে নিশ্চিতচিত্তে পতি-পূজায় জীবন উৎসর্গ করিতেন । কিন্তু জড়-জগতে কেবলমাত্র ভক্তির দ্বারা ভক্তিভাজনকে উর্দ্ধে তুলিয়া রাখা যায় না এবং অনাথবন্ধুকে পুরুষের আদর্শ বলিয়া মানে না এমন প্রাণী সংসারে বিরল নহে । এই জন্ত বিদ্যাবাসিনীকে অনেক দুঃখ পাইতে হইয়াছে ।

অনাথবন্ধু যখন কালেজে পড়িতেন তখন ঋণ্ডালায়েই বাস করিতেন । পরীক্ষার সময়

আসিল পরীক্ষা দিলেন না এবং তাহার পর-বৎসর কালেজ ছাড়িয়া দিলেন ।

এই ঘটনায় সর্বসাধারণের সমক্ষে বিদ্যাবাসিনী অত্যন্ত কুণ্ঠিত হইয়া পড়িলেন । রাগে মূহুর্ত্তবে অনাথবন্ধুকে বলিলেন, “পরীক্ষাটা দিলেই ভাল হইত” ।

অনাথবন্ধু অবজ্ঞাভরে হাসিয়া কহিলেন, “পরীক্ষা দিলেই কি চতুর্ভুজ হয় না কি ? আমাদের কেদারও ত পরীক্ষায় পাস হইয়াছে ।”

বিদ্যাবাসিনী সাধনা লাভ করিলেন । দেশের অনেক গো-গর্ভ যে পরীক্ষায় পাস করিতেছে সে পরীক্ষা দিয়া অনাথবন্ধুর গৌরব কি আর বাড়িবে !

প্রতিবেশিনী কমলা তাহার বাল্যসখী বিন্দিকে আনন্দ সহকারে ধর দিতে আসিল যে, তাহার ভাই রমেশ এবার পরীক্ষায় উত্তীর্ণ হইয়া জলপানী পাইতেছে । শুনিয়া বিদ্যাবাসিনী অকারণে মনে করিল, কমলার এই আনন্দ বিপুল আনন্দ নহে, ইহার মধ্যে তাহার স্বামীর প্রতি কিঞ্চিৎ গূঢ় প্লেষ আছে । এই জন্ত সখীর উল্লাসে উল্লাস প্রকাশ না করিয়া বরং গায়ে পড়িয়া কিঞ্চিৎ রগড়ার স্বরে শুনা-ইয়া দিল যে, এল, এ, পরীক্ষা একটা পরীক্ষার মধ্যেই গণ্য নহে ; এমন কি, বিলাতের কোন কালেজে বি, এ, র নীচে পরীক্ষাই নাই ।—বলা বাহুল্য, এ সমস্ত সংবাদ এবং যুক্তি বিদ্যাবাসিনীর নিকট হইতে সংগ্রহ করিয়াছে ।

কমলা স্বধসংবাদ দিতে আসিয়া সহসা পরম প্রিয়তমা প্রাণসখীর নিকট হইতে একপ আঘাত পাইয়া প্রথমটা কিছু বিস্মিত হইল । কিন্তু সেও না কি স্বীজাতীয় মনুষ্য, এই জন্ত মুহূর্ত্তকালের মধ্যেই বিদ্যাবাসিনীর মনের ভাব বদলিতে পারিল এবং প্রাতঃ অপরামানে তৎক্ষণাৎ তাহারও রসনাগ্রে একবিন্দু তীব্র বিষ

সঞ্চারিত হইল; সে বলিল, আমরা ত ভাই বিলাতেও যাই নাই, সাংহেব স্বামীকেও বিবাহ করি নাই অতঃপর কোথায় পাইব! মুখ মেয়েমানুষ, মোটামুটি এই বুঝি যে, বাঙ্গালীর ছেলেকে কালেজে এল, এ, দিতে হয়;—তাও ত ভাই সকলে পারে না। অত্যন্ত নিরীহ এবং স্তম্ভিত বন্ধুভাবে এই কথা গুলি বলিয়া কমলা চলিয়া আসিল। কলহবিমুখ বিদ্য নিরুত্তরে সহ করিল এবং ঘরে প্রবেশ করিয়া নীরবে কাঁদিতে লাগিল।

অল্পকালের মধ্যে আর একটি ঘটনা ঘটিল। একটি দুঃস্থ ধনী কুটুম্ব কয়েককালের জন্ত কলিকাতায় আসিয়া বিদ্যবাসিনীর পিত্রালয়ে আশ্রয় গ্রহণ করিল। তদুপলক্ষে তাহার পিতা রাজকুমার বাবুর বাড়িতে বিশেষ একটা সমারোহ পড়িয়া গেল। জামাই বাবু বাহিরের যে বড় বৈঠকখানাটি অধিকার করিয়া থাকিতেন নব-অভ্যাগতদের বিশেষ সমাদরের জন্ত সেই ঘরট ছাড়িয়া দিয়া তাঁহাকে মামা বাবুর ঘরে কিছুদিনের জন্ত আশ্রয় হইতে অনুরোধ করা হইল।

এই ঘনটায় অনাথবন্ধুর অভিমান উক্ষুসিত হইয়া উঠিল! প্রথমতঃ স্ত্রীর নিকট গিয়া তাহার পিতৃনিন্দা করিয়া তাহাকে কাঁদাইয়া দিয়া স্বত্তরের উপর প্রতিশোধ তুলিলেন। তাহার পরে অনাহার প্রভৃতি অত্যন্ত প্রবল উপায়ে স্তম্ভিত প্রকাশের উপক্রম করিলেন। তাহা দেখিয়া বিদ্যবাসিনী নিরতিশয় লজ্জিত হইল। তাহার মনে যে একটি সহজ আত্মসম্মমবোধ ছিল, তাহা হইতেই সে বুকিল, এরূপ স্থলে সর্বসমক্ষে অভিমান প্রকাশ করার মত লজ্জাকর আত্মাবমাননা আর কিছুই নাই। হাতে পায়ে ধরিয়া কাঁদিয়া কাঁদিয়া বহু কষ্টে সে তাহার স্বামীকে ক্ষান্ত করিয়া রাখিল।

বিদ্য অধিনেত্র ছিল না, এই জন্ত সে তাহার পিতা মাতার প্রতি কোন দোষারোপ করিল না; সে বুকিল ঘটনাটি সামান্ত ও স্বাভাবিক, কিন্তু এ কথাও তাহার মনে হইল যে, তাহার স্বামী স্বত্ত্রালয়ে বাস করিয়া কুটুম্বের আদর হইতে বঞ্চিত হইতেছেন।

সেই দিন হইতে প্রতিদিন সে তাহার স্বামীকে বলিতে লাগিল, আমাকে তোমাদের ঘরে লইয়া চল; আমি আর এখানে থাকিব না।

অনাথবন্ধুর মনে অহঙ্কার যথেষ্ট ছিল কিন্তু আত্মসম্মমবোধ ছিল না। তাহার নিজগৃহের দারিদ্র্যের মধ্যে প্রত্যাবর্তন করিতে কিছুতেই তাহার অতিক্রম হইল না। তখন তাহার স্ত্রী কিছু দৃঢ়তা প্রকাশ করিয়া কহিল, তুমি যদি না যাও ত আমি একলাই যাইব।

অনাথবন্ধু মনে মনে বিরক্ত হইয়া তাহার স্ত্রীকে কলিকাতার বাহিরে দূর ক্ষুদ্র পল্লীতে তাহাদের মৃত্তিকানির্মিত ঘোড়া ঘরে লইয়া যাইবার উদ্যোগ করিলেন। যাত্রাকালে রাজকুমার বাবু এবং তাহার স্ত্রী, কথাকে আরও কিছুকাল পিতৃগৃহে থাকিয়া যাইবার জন্ত অনেক অনুরোধ করিলেন; কথার নীরবে নতশিরে গম্ভীর মুখে বসিয়া মৌনভাবে জানাইয়া দিল—না, সে হইতে পারিবে না।

তাহার সহসা এইরূপ দৃঢ়প্রতিজ্ঞা দেখিয়া পিতা মাতার সন্দেহ হইল যে, অজ্ঞাতসারে বোধ করি কোনরূপে তাহাকে আঘাত দেওয়া হইয়াছে। রাজকুমার বাবু ব্যথিতচিত্তে তাহাকে জিজ্ঞাসা করিলেন, মা, আমাদের কোন অজ্ঞানকৃত আচরণে তোমার মনে কি ব্যথা লাগিয়াছে?

বিদ্যবাসিনী তাহার পিতার মুখের দিকে করুণ দৃষ্টিক্ষেপ করিয়া কহিল, এক দুঃস্থের

জন্তও নহে। তোমাদের এখানে বড় সুখে বড় আদরে আমার দিন গিয়াছে।—বলিয়া সে কাঁদিতে লাগিল। কিন্তু তাহার সংকল্প অটল রহিল।

বাপ মা দীর্ঘনিশ্বাস ফেলিয়া মনে মনে কহিলেন, যত স্নেহে যত আদরেই মানুষ কর, বিবাহ দিলেই মেয়ে পর হইয়া যায়।

অবশেষে অশ্রুনেত্রে সকলের নিকট বিদায় লইয়া আপন আজন্মকালের স্নেহমণ্ডিত পিতৃ-গৃহ এবং পরিজন ও সঙ্গিনীগণকে ছাড়িয়া বিদ্যাবাসিনী পাকীতে আরোহণ করিল।

—:~:—

দ্বিতীয় পরিচ্ছেদ।

—:~:—

কলিকাতার ধনিগৃহে এবং পল্লিগ্রামের গৃহস্থঘরে বিস্তর প্রভেদ। কিন্তু বিদ্যাবাসিনী একদিনের জন্তও তাবে অথবা আচরণে অসন্তোষ প্রকাশ করিল না। প্রফুল্লচিত্তে গৃহ-কার্যে শাওড়ীর সহায়তা করিতে লাগিল। তাহাদের দরিদ্র অবস্থা জানিয়া পিতা নিজ-ব্যয়ে কস্তার সহিত একটি দাসী পাঠাইয়া-ছিলেন। বিদ্যাবাসিনী স্বামিগৃহে পৌছিয়াই তাহাকে বিদায় করিয়া দিল। তাহার স্বপ্ন-ঘরের দারিদ্র্য দেখিয়া বড়মানুষের ঘরের দাসী প্রতিমুহূর্ত্তে মনে মনে নাসাগ্র আকৃষ্ণিত করিতে থাকিবে, এ আশঙ্কাও তাহার অসহ বোধ হইল।

শাওড়ী স্নেহবশতঃ বিদ্যাকে শ্রমসাধ্য কার্য হইতে বিরত করিতে চেষ্টা করিতেন, কিন্তু বিদ্যা নিরলস অশ্রান্তভাবে প্রসন্নমুখে সকল কার্যে যোগ দিয়া শাওড়ীর ছদ্ম অধিকার

করিয়া লইল এবং পল্লীরমণীগণ তাহার গুণে মুগ্ধ হইয়া গেল।

কিন্তু ইহার ফল সম্পূর্ণ সন্তোষজনক হইল না। কারণ, বিশ্বনিয়ম নীতিবোধ প্রথমভাগের জায় সাধুভাষায় রচিত সরল উপদেশাবলী নহে। নিষ্ঠুর বিজ্ঞপত্রিয় সময়তান মাঝখানে আসিয়া সমস্ত নীতিশূত্রগুলিকে ঘাঁটিয়া জট পাকাইয়া দিয়াছে। তাই ভাল কাজে সকল সময়ে উপস্থিতমত বিপুল ভাল ফল ঘটে না, ইঠাৎ একটা গোল বাধিয়া ওঠে।

অনাধবচ্ছুর ছইটি ছোট এবং একটি বড় ভাই ছিল। বড় ভাই বিদেশে চাকরি করিয়া যে গুটিপঞ্চাশেক টাকা উপার্জন করিতেন, তাহাতেই তাহাদের সংসার চলিত এবং ছোট ছোট ভাইয়ের বিদ্যাশিক্ষা হইত।

বলা বাহুল্য, আজকালকার দিনে মাসিক পঞ্চাশ টাকায় সংসারের শ্রীবৃদ্ধিসাধন অসম্ভব, কিন্তু বড় ভাইয়ের স্ত্রী শ্রামাশঙ্করীর গরিমাবৃদ্ধির পক্ষে উহাই যথেষ্ট ছিল। স্বামী সংবৎসরকাল কাজ করিতেন, এই জন্ত স্ত্রী সংবৎসরকাল বিশ্রামের অধিকার প্রাপ্ত হইয়া-ছিলেন। কাজকর্ম কিছুই করিতেন না, অথচ এমন ভাবে চলিতেন, যেন তিনি কেবল-মাত্র তাঁহার উপার্জনক্রম স্বামীটির স্ত্রী হইয়াই সমস্ত সংসারটাকে পরম বাধিত করিয়াছেন।

বিদ্যাবাসিনী যখন স্বপ্নরবাড়ি আসিয়া গৃহলক্ষ্মীর জায় অহর্নিশি ঘরের কাজে প্রবৃত্ত হইল তখন শ্রামাশঙ্করীর সঙ্কীর্ণ অন্তঃকরণটুকু কে যেন আঁটিয়া ধরিতে লাগিল। তাহার কারণ বোঝা শক্ত। বোধ করি বড় বো মনে করিলেন, মেজবো বড় ঘরের মেয়ে হইয়া কেবল লোক দেখাইবার জন্ত ঘরকন্নার নীচ কাজে নিযুক্ত হইয়াছে, উহাতে কেবল তাঁহাকে লোকের চক্ষে অপদস্থ করা হইতেছে। যে

কারণেই হ'উক, মাসিক পঞ্চাশ টাকার জী কিছুতেই ধনিবংশের কষ্টকে সহ্য করিতে পারিলেন না। তিনি তাহার নন্দিতার মধ্যে অসহ্য দেমাকের লক্ষণ দেখিতে পাইলেন।

এদিকে অনাথবন্ধু পল্লীতে আসিয়া লাই-ব্রেরী স্থাপন করিলেন; দশ বিশ জন স্কুলের ছাত্র জড় করিয়া সভাপতি হইয়া খবরের কাগজে টেলিগ্রাম প্রেরণ করিতে লাগিলেন; এমন কি, কোন কোন ইংরাজী সংবাদপত্রের বিশেষ সংবাদদাতা হইয়া গ্রামের লোকদিগকে চমৎকৃত করিয়া দিলেন। কিন্তু দরিদ্র সংসারে একপয়সা আনিলেন না, বরঞ্চ বাজে খরচ অনেক হইতে লাগিল।

একটা কোন চাকরী লইবার জন্ত বিদ্যাবাসিনী তাঁহাকে সর্বদাই পীড়াপীড়ি করিতে লাগিল। তিনি কাণ দিলেন না। জীকে বলিলেন, তাঁহার উপযুক্ত চাকরী আছে বটে কিন্তু পক্ষপাতী ইংরাজ গবর্নেন্ট সে সকল পদে বড় বড় ইংরাজকে নিযুক্ত করে, বাঙ্গালী হাজার যোগ্য হইলেও তাহার কোন আশা নাই।

শ্রামাশঙ্করী তাঁহার দেবর এবং মেঝা'র প্রতি লক্ষ্য এবং অলক্ষ্যে সর্বদাই বাক্যবিষ প্রয়োগ করিতে লাগিলেন। গর্ভভরে নিজেদের দারিদ্র্য আশ্ফালন করিয়া বলিতে লাগিলেন, আমরা গরীব মানুষ, বড়মানুষের মেয়ে এবং বড়মানুষের জামাইকে পোষণ করিব কেমন করিয়া? সেখানে ত বেশ ছিলেন কোন ছুঃখ ছিল না—এখানে ডালভাত খাইয়া এত কষ্ট কি সহ্য হইবে?

শান্তদী বড়বৌকে ভয় করিতেন, তিনি দুর্ভিক্ষের পক্ষ অবলম্বন করিয়া কোন কথা বলিতে সাহস করিতেন না। মেঝবৌও মাসিক পঞ্চাশ টাকা বেতনের ডালভাত এবং

তদীয় জীর বাক্য ঝাল খাইয়া নীরবে পরিপাক করিতে লাগিল।

ইতিমধ্যে বড় ভাই ছুটিতে কিছুদিনের জন্ত ঘরে আসিয়া জীর নিকট হইতে অনেক উদ্দীপনাপূর্ণ ওজোপ্ৰসঙ্গ বক্তৃতা শ্রবণ করিতে লাগিলেন। অবশেষে নিজের ব্যাঘাত যখন প্রতিব্রাত্রেই গুরুতর হইয়া উঠিতে লাগিল তখন একদিন অনাথবন্ধুকে ডাকিয়া শাস্তভাবে স্নেহের সহিত কহিলেন, তোমার একটা চাকরির চেষ্টা দেখা উচিত, কেবল আমি একলা সংসার চালাইব কি করিয়া?

অনাথবন্ধু পদাহত সর্পের ভায় গর্জন করিয়া বলিয়া উঠিলেন, দুই বেলা দুই মুষ্টি অত্যন্ত অখাদ্য মোটা ভাতের পর এত খোঁটা সহ্য হয় না। তৎক্ষণাৎ জীকে লইয়া খণ্ডরবাড়ি যাইতে সংকল্প কারলেন।

কিন্তু জী কিছুতেই সন্মত হইল না। তাহার মতে ভাইয়ের অন্ন এবং ভাজের গালিতে কনিষ্ঠের পারিবারিক অধিকার আছে কিন্তু খণ্ডরের আশ্রয়ে বড় লজ্জা। বিদ্যাবাসিনী খণ্ডরবাড়িতে দীনহানের মত নত হইয়া থাকিতে পারে, কিন্তু বাপের বাড়িতে সে আপন মর্যাদা রক্ষা করিয়া মাথা তুলিয়া চলিতে চায়।

এমন সময় গ্রামের এন্টে, স্কুলের তৃতীয় শিক্ষকের পদ খালি হইল। অনাথবন্ধুর দাদা এবং বিদ্যাবাসিনী উভয়েই তাঁহাকে এই কাজটি গ্রহণ করিবার জন্ত পীড়াপীড়ি করিয়া ধরিলেন। তাহাতেও হিতে বিপরীত হইল। নিজের ভাই এবং একমাত্র ধর্মপত্নী যে তাঁহাকে এমন একটা অত্যন্ত তুচ্ছ কাজের যোগ্য বলিয়া মনে করিতে পারেন, ইহাতে তাঁহার মনে দুর্ভিক্ষ অভিমানে সঞ্চার হইল এবং সংসারের

সমস্ত কাজকর্মের প্রতি পূর্ক্কাপেক্ষা চতুর্গুণ
বৈরাগ্য জন্মিয়া গেল !

তখন আবার দাদা তাঁহার হাতে ধরিয়া
মিনতি করিয়া তাঁহাকে অনেক করিয়া ঠাণ্ডা
করিলেন। সকলেই মনে করিলেন, ইহাকে
আর কোন কথা বলিয়া কাজ নাই, এ এখন
কোন প্রকারে ঘরে টিকিয়া গেলেই ঘরের
সৌভাগ্য।

ছুটি অস্ত্রে দাদা কর্মক্ষেত্রে চলিয়া গেলেন ;
শ্রামাশঙ্করী রুদ্ধ আক্রোশে মুখখানা গোলাকার
করিয়া তুলিয়া একটা বৃহৎ কুদর্শন চক্র নির্মাণ
করিয়া রহিলেন। অনাথবন্ধু বিদ্যাবাসিনীকে
আসিয়া কহিলেন, আজকাল বিলাতে না গেলে
কোন ভদ্র চাকরী পাওয়া যায় না। আমি
বিলাতে যাইতে মনস্থ করিয়াছি, তুমি তোমার
বাবার কাছ হইতে কোন ছুতায় কিছু অর্থ
সংগ্রহ কর।

এক ত বিলাত যাইবার কথা শুনিয়া
বিদ্যাবাসিনী মাথায় যেন বজ্রাঘাত হইল ; তাহার
পরে পিতার কাছে কি কারয়া অর্থ ভিক্ষা
করিতে যাইবে, তাহা সে মনে করিতে পারিল
না এবং মনে করিতে গিয়া লজ্জায় মরিয়া
গেল।

ঋণের কাছে নিজমুখে টাকা চাহিতেও
অনাথবন্ধুর অহঙ্কারে বাধা দিল, অথচ বাপের
কাছ হইতে কখনো কেন যে ছলে অথবা বলে
অর্থ আকর্ষণ করিয়া না আনিবে, তাহা তিনি
বুঝিতে পারিলেন না। ইহা লইয়া অনাথ
অনেক রাগারাগি করিলেন এবং মর্শ্বপীড়িত
বিদ্যাবাসিনীকেও বিস্তর অশ্রুপাত করিতে
হইল।

এমনি করিয়া কিছুদিন সাংসারিক অভাবে
এবং মনের কষ্টে কাটিয়া গেল।

অবশেষে শরৎকালে পূজা নিকটবর্তী
হইল। কন্যা এবং জামাতাকে সাদরে আহ্বান

করিয়া আনিবার জন্য রাজকুমার বাবু বহুসমা-
বোহে যানবাহনাদি প্রেরণ করিলেন। এক
বৎসর পরে কন্যা স্বামী সহ পুনরায় পিতৃভবনে
প্রবেশ করিল। ধনী কুটুম্বের যে আদর
তাঁহার অসহ্য হইয়াছিল, জামাতা এবার তদ-
পেক্ষা অনেক বেশী আদর পাইলেন। বিদ্যা-
বাসিনীও অনেককাল পরে মাথার অবগুষ্ঠন
ঘুচাইয়া অহর্নিশি স্বজনস্নেহে ও উৎসবতরঙ্গে
আন্দোলিত হইতে লাগিল।

আজ ষষ্ঠী। কাল সপ্তমী পূজা আরম্ভ
হইবে। ব্যস্ততা এবং কোলাহলের সীমা
নাই। দূর এবং নিকট সম্পর্কীয় আত্মীয়
পরিজনে অট্টালিকার প্রত্যেক প্রকোষ্ঠ একে-
বারে পরিপূর্ণ।

সে রাত্রে বড় শ্রান্ত হইয়া বিদ্যাবাসিনী
শয়ন করিল। পূর্বে যে ঘরে শয়ন করিত
এ সে ঘর নহে ; এবার বিশেষ আদর করিয়া
মা জামাতাকে তাঁহার নিজের ঘর ছাড়িয়া
দিয়াছেন। অনাথবন্ধু কখন শয়ন করিতে
আসিলেন তাহা বিদ্যা জানিতেও পারিল না।
সে এখন গভীর নিদ্রায় মগ্ন ছিল।

খুব ভোরের বেলা হইতে শানাই বাজিতে
লাগিল। কিন্তু ক্লান্তদেহ বিদ্যাবাসিনীর নিদ্রা-
ভঙ্গ হইল না। কমল এবং ভুবন দুই সখী
বিদ্যার শয়নদ্বারে আড়ি পাতিবার নিষ্ফল চেষ্টা
করিয়া অবশেষে পরিহাসপূর্বক বাহির হইতে
উচ্চৈঃস্বরে হাসিয়া উঠিল ; তখন বিদ্যা তাড়া-
তাড়ি জাগিয়া উঠিয়া দেখিল তাহার স্বামী
কখন উঠিয়া গিয়াছেন সে জানিতে পারে
নাই। লজ্জিত হইয়া শয্যা ছাড়িয়া ন্যামিয়া
দেখিল তাহার মাতার লোহার সিন্দুক খোলা
এবং তাহার মধ্যে তাহার বাপের যে ক্যাশ-
বাক্সটি থাকিত, সেটিও নাই।

তখন মনে পড়িল, কাল সন্ধ্যাবেলায়
মাঝের চাবর গোচ্ছা হারাইয়া গিয়া বাড়িতে

খুব একটা গোলযোগ পড়িয়া গিয়াছিল। সেই চাবি চুরি করিয়া কোন একটি চোর এই কাজ করিয়াছে সে বিষয়ে কোন সন্দেহ নাই। তখন হঠাৎ আশঙ্কা হইল, পাছে সেই চোর তাহার স্বামীকে কোনরূপ আঘাত করিয়া থাকে! বুকটা ধড়াস করিয়া কাঁপিয়া উঠিল। বিছানার নীচে খুঁজিতে গিয়া দেখিল, খাটের পায়ের কাছে তাহার মায়ের চাবির গোছার নীচে একটি চিঠি চাপা রহিয়াছে।

চিঠি তাহার স্বামীর হস্তাক্ষরে লেখা। খুলিয়া পড়িয়া জানিল, তাহার স্বামী তাহার কোন এক বন্ধুর সাহায্যে বিলাতে যাইবার জাহাজভাড়া সংগ্রহ করিয়াছে; এক্ষণে সেখানকার খরচপত্র চালাইবার জন্ত কোন উপায় ভাবিয়া না পাওয়াতে গতবাত্রে খণ্ডের অর্ধ অপহরণ করিয়া বারান্দাসংলগ্ন কাঠের সঁড়ি দিয়া অন্তরের বাগানে নামিয়া প্রাচীর লঙ্ঘন করিয়া পলায়ন করিয়াছে। অল্পই প্রত্যুবে জাহাজ ছাড়িয়া দিয়াছে।

পত্রখানা পাঠ করিয়া বিদ্যবাসিনীর শরীরের সমস্ত রক্ত হিম হইয়া গেল। সেইখানেই খাটের খুরা ধরিয়া সে বসিয়া পড়িল। তাহার দেহের অভ্যন্তরে কর্ণকূহরের মধ্যে নিস্তরক মৃত্যুরজনীর ঝিল্লিধ্বনির মত একটা শব্দ হইতে লাগিল। তাহারই উপরে, প্রাঙ্গণ হইতে, প্রতিবেশীদের বাড়ি হইতে এবং দূর অট্টালিকা হইতে বহুতর শানাই বহুতর সুরে তান ধরিল। সমস্ত বঙ্গদেশ তখন আনন্দে উন্নত হইয়া উঠিয়াছে।

শরতের উৎসব-হাস্ত-বঞ্জিত রোদ্র সকৌতুকে শমনগৃহের মধ্যে প্রবেশ করিল। এত বেলা হইল তথাপি উৎসবের দিনে দ্বার রুদ্ধ দেখিয়া ভুবন ও কমল উচ্চহাস্তে উপহাস করিতে করিতে গুম্ গুম্ শব্দে দ্বারে কিল

মারিতে লাগিল। তাহাতেও কোন সাড়া না পাইয়া কিঞ্চিৎ ভীত হইয়া উর্ধ্বকণ্ঠে “বিন্দী” “বিন্দী” করিয়া ডাকিতে লাগিল।

বিদ্যবাসিনী ভয়রুদ্ধ কণ্ঠে কহিল, “যাচ্চি; তোরা এখন যা!”

তাহারা সখীর পীড়া আশঙ্কা করিয়া মাকে ডাকিয়া আনিল। মা আসিয়া কহিলেন, —“বিন্দু, কি হয়েছে মা—এখনো দ্বার বন্ধ কেন!”

বিদ্য উচ্ছ্বসিত অশ্রু সম্বরণ করিয়া কহিল, “একবার বাবাকে সঙ্গে করে নিয়ে এস!”

মা অত্যন্ত ভীত হইয়া তৎক্ষণাৎ রাজকুমার বাবুকে সঙ্গে করিয়া দ্বারে আসিলেন। বিদ্য দ্বার খুলিয়া তাঁহাদিগকে ঘরে আনিয়া তাড়া-তাড়ি বন্ধ করিয়া দিল।

তখন বিদ্য ভূমিতে পড়িয়া তাহার বাপের পা ধরিয়া এক শতধা বিদীর্ণ করিয়া কাঁদিয়া উঠিয়া কহিল, “বাবা! আমাকে মাপ কর, আমি তোমার সিন্দুক হইতে টাকা চুরি করিয়াছি।”

তাঁহারা অবাক হইয়া বিছানায় বসিয়া পড়িলেন। বিদ্য বলিল, তাহার স্বামীকে বিলাতে পাঠাইবার জন্ত সে এই কাজ করিয়াছে।

তাহার বাপ জিজ্ঞাসা করিলেন, “আমাদের কাছে চাহিস্ নাই কেন?”

বিদ্যবাসিনী কহিল, “পাছে বিলাত যাইতে তোমরা বাধা দেও!”

রাজকুমার বাবু অত্যন্ত রাগ করিলেন। মা কাঁদিতে লাগিলেন, মেয়ে কাঁদিতে লাগিল এবং কলিকাতার চতুর্দিক হইতে বিচিত্র সুরে আনন্দের বাজ বাজিতে লাগিল।

যে বিদ্য বাপের কাছেও কখনও অর্ধ প্রার্থনা করিতে পারে নাই এবং যে স্ত্রী স্বামীর লেশমাত্র অসম্মান পরমাত্মীয়ের নিকট হইতেও গোপন করিবার জন্ত প্রাণপণ করিতে পারিত,

আজ একেবারে উৎসবের জনতার মধ্যে তাহার পত্নী-অভিমান, তাহার ছহিত্বসঙ্গম, তাহার আত্মমর্যাদা চূর্ণ হইয়া প্রিয় এবং অপ্ৰিয়, পরিচিত এবং অপরিচিত সকলের পদতলে ধুলির মত লুপ্তিত হইতে লাগিল। পূৰ্ণ হইতে পরামর্শ করিয়া, ষড়যন্ত্রপূৰ্ণক চাবি চুরি করিয়া, স্ত্রীর সাহায্যে রাতারাতি অর্থ অপহরণপূৰ্ণক অনাথবন্ধু বিলাতে পলায়ন করিয়াছে, এ কথা লইয়া আত্মীয়কুটুম্বপরিপূর্ণ বাড়িতে একটা টী টী পড়িয়া গেল। দ্বারের নিকট ঝাঁড়াইয়া ভুবন, কমল এবং আরও অনেক স্বজন প্রতিবেশী দাস দাসী সমস্ত গুলিয়াছিল। রুদ্ধদ্বার জামাতৃগৃহে উৎকণ্ঠিত কৰ্ত্তাগৃহিণীকে প্রবেশ করিতে দেখিয়া সকলেই কোতুহলে এবং আশঙ্কায় ব্যগ্র হইয়া আসিয়াছিল।

বিক্যবাসিনী কাহাকেও মুখ দেখাইল না। দ্বার রুদ্ধ করিয়া অনাহারে বিছানায় পড়িয়া রহিল। তাহার সেই শোকে কেহ হুঃখ অনুভব করিল না। ষড়যন্ত্রকারিণীর দুষ্ট বুদ্ধিতে সকলেই বিস্মিত হইল। সকলেই ভাবিল, বিক্যর চরিত্র এতদিন অবসরভাবে অপ্রকাশিত ছিল। নিরানন্দ গৃহে পূজার উৎসব কোন প্রকারে সম্পন্ন হইয়া গেল।

তৃতীয় পরিচ্ছেদ ।

—:—

অপমান এবং অস্বাস্থ্যে অবনত হইয়া বিক্য স্বপ্নরবাড়ি ফিরিয়া আসিল। সেখানে পুত্র-বিচ্ছেদকাতরা বিধবা শান্তীস্বতীর সহিত পতি-বিরহবিধুরা বধুর ঘনিষ্ঠতর যোগ স্থাপিত হইল। উভয়ে পরস্পর নিকটবর্তী হইয়া নীরব শোকের ছায়াতলে স্নগভীর সহিষ্ণুতার সহিত

সংসারের সমস্ত তুচ্ছতম কার্যগুলি পর্য্যন্ত স্বহস্তে সম্পন্ন করিয়া ঘাইতে লাগিল। শান্তীস্বতী যে পরিমাণে কাছে আসিল পিতামাতা সেই পরিমাণে দূরে চলিয়া গেল। বিক্য মনে মনে অনুভব করিল, শান্তীস্বতী দরিদ্র, আমিও দরিদ্র, আমরা এক হুঃখবন্ধনে বদ্ধ ; পিতামাতা ঐশ্বর্য-শালী, তাঁহারা আমাদের অবস্থা হইতে অনেক দূরে। একে দরিদ্র বলিয়া বিক্য তাঁহাদের অপেক্ষা অনেক দূরবর্তী, তাহাতে আবার চুরি স্বীকার করিয়া সে আরও অনেক নীচে পড়িয়া গিয়াছে। স্নেহসম্পর্কের বন্ধন এত অধিক পার্থক্যভার বহন করিতে পারে কি না কে জানে !

অনাথবন্ধু বিলাতে গিয়া প্রথম প্রথম স্ত্রীকে রীতিমত চিঠি পত্র লিখিতেন। কিন্তু ক্রমেই চিঠি বিরল হইয়া আসিল, এবং পত্রের মধ্যে একটা অবহেলার ভাব অলক্ষিতভাবে প্রকাশ হইতে লাগিল। তাঁহার অশিক্ষিতা গৃহকার্যরতা স্ত্রীর অপেক্ষা বিত্তবুদ্ধিরূপসুগণ সৰ্ব্ব বিষয়েই শ্রেষ্ঠতর অনেক ইংরাজকল্পা অনাথবন্ধুকে স্নযোগ্য, সুবুদ্ধি এবং সুরূপ বলিয়া সমাদর করিত ; এমত অবস্থায় অনাথবন্ধু আপনার এক বন্ধু-পরিহিত অবগুষ্ঠনবতী অগৌরবর্ণ স্ত্রীকে কোন অংশেই আপনার সমযোগ্য জ্ঞান করিবেন না ইহাতে বিচিহ্ন নাই।

কিন্তু, তথাপি যখন অর্থের অনাটন হইল, তখন এই নিরুপায় বাঙ্গালীর মেয়েকেই টেলি-গ্রাফ করিতে তাঁহার সঙ্কোচ বোধ হইল না। এবং এই বাঙ্গালীর মেয়েই ছুই হাতে কেবল ছুই গাছি কাঁচের চুড়ী রাখিয়া গায়ের সমস্ত গহনা বেচিয়া টাকা পাঠাইতে লাগিল। পাড়া-গাঁয়ে নিরাপদে রক্ষা করিবার উপযুক্ত স্থান নাই বলিয়া তাহার সমস্ত বহুমূল্য গহনাগুলি পিতৃগৃহে ছিল। স্বামীর কুটুম্বভবনে নিমন্ত্রণে

বাইবার ছল করিয়া নানা উপলক্ষে বিক্র্য-বাসিনী একে একে সকল গহনাই আনাইয়া লইল। অবশেষে হাতের বালা, রূপার চুড়ী, বেঙ্গরসী সাড়ী এবং শাল পর্যন্ত বিক্রয় শেষ করিয়া বিস্তর বিনীত অহুনয়পূর্বক মাথার দিব্য দিয়া, অশ্রুজলে পত্রের প্রত্যেক অক্ষর পংক্তি বিকৃত করিয়া বিক্র্য স্বামীকে ফিরিয়া আসিতে অহরোধ করিল।

স্বামী চুল খাট করিয়া দাড়ি কামাইয়া কোটপ্যান্টগুম্ পরিয়া ব্যারিষ্টার হইয়া ফিরিয়া আসিলেন। এবং হোটেলে আশ্রয় লইলেন। পিতৃগৃহে বাস করা অসম্ভব, প্রথমতঃ উপযুক্ত স্থান নাই, দ্বিতীয়তঃ পল্লীবাসী দরিদ্র গৃহস্থ জাতিনষ্ট হইলে একেবারে নিরুপায় হইয়া পড়ে। ষষ্ঠরূপণ আচারনিষ্ঠ পরম হিন্দু; তাহার জাতিচ্যুতকে আশ্রয় দিতে পারেন না।

অর্থাভাবে অতি শীঘ্রই হোটেল হইতে বাসায় নামিতে হইল। সে বাসায় তিনি স্ত্রীকে আনিতে প্রস্তুত নহেন। বিলাত হইতে আসিয়া স্ত্রী এবং মাতার সহিত কেবল দিন দুই তিন দিনের বেলায় দেখা করিয়া আসিয়াছেন, তাঁহাদের সহিত আর সাক্ষাৎ হয় নাই।

দুইটি শোকার্ভা বমণীর কেবল এক সান্ধনা ছিল যে, অনাথবন্ধু স্বদেশে আত্মীয়বর্গের নিকটবর্তী স্থানে আছেন। সেই সঙ্গে সঙ্গে অনাথবন্ধুর অসামান্য ব্যারিষ্টারী কীৰ্তিতে তাহাদের মনে গর্ভের সীমা রহিল না। বিক্র্য-বাসিনী আপনাকে যশস্বী স্বামীর অযোগ্য স্ত্রী বলিয়া দিবার দিতে লাগিল, পুনশ্চ অযোগ্য-বলিয়াই স্বামীর অহঙ্কার অধিক করিয়া অনুভব করিল। সে দুঃখে পীড়িত এবং গর্ভে বিস্ফ-রিত হইল। স্নেহ-আচার সে স্বপ্না করে, তবু স্বামীকে দেখিয়া মনে মনে কহিল, আজ কাল

চের লোক ত সাহেব হয়, কিন্তু এমন ত কাহা-কেও মানায় না—একেবারে ঠিক যেন বিলাতী সাহেব। বাঙ্গালী বলিয়া চিনিবার যো নাই!

বাসাখরচ যখন অচল হইয়া আসিল, যখন অনাথবন্ধু মমের ক্ষোভে স্থির করিলেন, অভিশপ্ত ভারতবর্ষে গুণের সমাদর নাই এবং তাঁহার স্বব্যবসায়িগণ দৈর্ঘ্যাবশতঃ তাঁহার উন্নতি-পথে গোপনে বাধা স্থাপন করিতেছে; যখন তাঁহার খানার ডিশে আমিষ অপেক্ষা উদ্ভি-জ্ঞের পরিমাণ বাড়িয়া উঠিতে লাগিল, দগ্ধ কুক্কুটের সম্মানকর স্থান ভঞ্চিত চিংড়ি একচেটে করিবার উপক্রম করিল, বেশভূষার চিক্ণতা এবং ক্ষৌরমসৃণ মুখের গর্ভোজ্জ্বল জ্যোতি ম্লান হইয়া আসিল—যখন স্ত্রীত্ব নিখাদে-বাধা জীবন-তদ্বী ক্রমশঃ সক্রমণ কড়ি মধ্যমের দিকে নামিয়া আসিতে লাগিল, এমন সময় রাজকুমার বাবুর পরিবারে এক গুরুতর দুর্ঘটনা ঘটয়া অনাথবন্ধুর সঙ্কটসম্মুল জীবনযাত্রার পরিবর্তন আনয়ন করিল। একদা গঙ্গাতীরবর্তী মাতুলালয় হইতে নোকাযোগে ফিরিবার সময় রাজকুমার বাবুর একমাত্র পুত্র হরকুমার ষ্টিমারের সংঘাতে স্ত্রী এবং বালক পুত্র সহ অলম্ব হইয়া প্রাণত্যাগ করে। এই ঘটনায় রাজকুমারের বংশে কস্তা বিক্র্যবাসিনী ব্যতীত আর কেহ রহিল না।

নিদারুণ শোকের কথঞ্চিৎ উপশম হইলে পর রাজকুমার বাবু অনাথবন্ধুকে গিয়া অহুনয় করিয়া কহিলেন,—“বাবা, তোমাকে প্রায়শ্চিত্ত করিয়া জাতে উঠিতে হইবে। তোমরা ব্যতীত আমার আর কেহ নাই!”

অনাথবন্ধু উৎসাহসহকারে সে প্রস্তাবে সম্মত হইলেন। তিনি মনে করিলেন যে সকল বার-লাইব্রেরী-বিহারী স্বদেশীয় ব্যারি-ষ্টরগণ তাঁহাকে দৈর্ঘ্য করে এবং তাঁহার অসা-

মাত্র বীশক্তি প্রাপ্তি যথেষ্ট সম্মান প্রকাশ করে না এই উপায়ে তাহাদের প্রতি প্রতিশোধ লওয়া হইবে।

- রাজকুমার বাবু পণ্ডিতদিগের বিধান লইলেন। তাঁহারা বলিলেন অনাথবন্ধু যদি গোমায় না খাইয়া থাকে তবে তাহাকে জাতে তুলিবার উপায় আছে।

বিশেষে যদিচ উক্ত নিষিদ্ধ চতুষ্পদ তাঁহার প্রিয় খাগুলেশ্রণীর মধ্যে ভুক্ত হইত, তথাপি তাহা অস্বীকার করিতে তিনি কিছুমাত্র দ্বিধা বোধ করিলেন না। প্রিয় বন্ধুদের নিকট কহিলেন—সমাজ যখন স্বেচ্ছাপূর্বক মিথ্যা কথা শুনিতে চাহে তখন একটা মুখের কথায় তাহাকে বাধিত করিতে দ্বিধা দেখি না। যে রসনা গোক খাইয়াছে, সে রসনাকে গোময় এবং মিথ্যা কথা নামক ছোটো কদর্য পদার্থ দ্বারা বিস্তৃত করিয়া লওয়া আমাদের আধুনিক সমাজের নিয়ম; আমি সে নিয়ম লঙ্ঘন করিতে চাহি না।

প্রায়শ্চিত্ত করিয়া সমাজে উঠিবার একটা শুভদিন নির্দিষ্ট হইল। ইতিমধ্যে অনাথবন্ধু কেবল যে ধূতি চাদর পরিলেন তাহা নহে, তর্ক এবং উপদেশের দ্বারা বিলাতী সমাজের গালে কাগি এবং হিন্দু-সমাজের গালে চূণ লেপন করিতে লাগিলেন। যে শুনিল সকলেই খুসী হইয়া উঠিল।

আনন্দে, গর্বে বিদ্যাবাসিনীর প্রীতিসুধাসিক্ত কোমল হৃদয়টি সর্বত্র উক্ষুসিত হইতে লাগিল। সে মনে মনে কহিল, বিলাত হইতে যিনিই আসেন, একেবারে আস্ত বিলাতী সাহেব হইয়া আসেন, দেখিয়া বাঙ্গালী বলিয়া চিনিবার যো থাকে না, কিন্তু আমার স্বামী একেবারে অবিকৃত ভাবে ফিরিয়াছেন বরঞ্চ

তাঁহার হিন্দুধর্মে ভক্তি পূর্কপেক্ষা আরও অনেক বাড়িয়া উঠিয়াছে।

যথানির্দিষ্ট দিনে ব্রাহ্মণ পণ্ডিতে রাজকুমার বাবুর ঘর ভরিয়া গেল। অর্থব্যয়ের কিছুমাত্র ক্রটি হয় নাই। আহাৰ এবং বিদ্যায়ের আয়োজন যথোচিত হইয়াছিল।

অন্তঃপুরেও সমারোহের সীমা ছিল না। নিমন্ত্রিত পরিজনবর্গের পরিবেশন ও পরিচর্যায় সমস্ত প্রকোষ্ঠ ও প্রাক্ষণ সংস্কৃত হইয়া উঠিয়াছিল। সেই ঘোরতর কোলাহল এবং কৰ্ম্মরাশির মধ্যে বিদ্যাবাসিনী প্রকল্প মুখে শারদ-রোদ্ররঞ্জিত শ্রভাতবায়ুবাহিত লঘু মেঘখণ্ডের মত আনন্দে ভাসিয়া বেড়াইতেছিল। আজিকার দিনের সমস্ত বিশ্বব্যাপারের প্রধান নায়ক তাহার স্বামী! আজ যেন সমস্ত বঙ্গভূমি একটি মাত্র রঙ্গভূমি হইয়াছে এবং যখন নিকা উদঘাটন পূর্বক একমাত্র অনাথবন্ধুকে বিশ্বিত বিশ্ব দর্শকের নিকট প্রদর্শন করাইতেছে। প্রায়শ্চিত্ত যে অপরাধস্বীকার তাহা নহে, এ যেন অল্পগ্রহপ্রকাশ। অনাথ বিলাত হইতে ফিরিয়া হিন্দুসমাজে প্রবেশ করিয়া হিন্দুসমাজকে গৌরবারিত করিয়া তুলিয়াছেন। এবং সেই গৌরবচ্ছটা সমস্ত দেশ হইতে সহস্র রশ্মিতে বিচ্ছুরিত হইয়া বিদ্যাবাসিনীর প্রেম-প্রমুদিত মুখের উপরে অপরূপ মহিমাভ্রোতি বিকীর্ণ করিতেছে। এতদিনকার তুচ্ছ জীবনের সমস্ত দুঃখ এবং ক্ষুদ্র অপমান দূর হইয়া সে আজ তাহার পরিপূর্ণ পিতৃগৃহে সমস্ত আত্মীয় স্বজনের সমক্ষে উন্নত মস্তকে গৌরবের আসনে আরোহণ করিল। স্বামীর মহত্ব আজ অযোগ্য জ্ঞীকে বিশ্বসংসারের নিকট সম্মানাস্পদ করিয়া তুলিল।

অল্পস্থান সমাধা হইয়াছে। অনাথবন্ধু জাতে উঠিয়াছেন। অভ্যাগত আত্মীয় ও

ব্রাহ্মণগণ তাঁহার সহিত একাসনে বসিয়া তৃপ্ত পূর্বক আহার শেষ করিয়াছেন।

আত্মীয়েরা জামাতাকে দেখিবার জন্ত অস্তঃ-পুরে ডাকিয়া পাঠাইলেন। জামাতা স্মৃষ্টিতে তাহুল চর্ষণ করিতে করিতে প্রসন্নহাস্যমুখে আলমহরগমনে ভূমিলুষ্ঠ্যমান চাদরে অস্তঃ-পুরে যাত্রা করিলেন।

আহারাঙ্কে ব্রাহ্মণগণের দক্ষিণার আয়োজন হইতেছে এবং ইত্যবসরে তাঁহারা সভাস্থলে বসিয়া তুমুল কলহসহকারে পাণ্ডিত্য বিস্তার করিতেছেন। কর্তা রাজকুমার বাবু ক্ষণকাল বিশ্রাম উপলক্ষে সেই কোলাহলাকুল পণ্ডিত-সভায় বসিয়া স্থতির তর্ক শুনিতেছেন এমন সময় দ্বারবান্ গৃহস্বামীর হস্তে এক কার্ড দিয়া খবর দিল, “এক সাহেবলোগ কা মেম আয়া।”

রাজকুমার বাবু চমৎকৃত হইয়া উঠিলেন। পরক্ষণেই কার্ডের প্রতি দৃষ্টিপাত করিয়া দেখিলেন, তাহাতে ইংরাজিতে লেখা রহিয়াছে—মিসেস্ অনাথবন্ধু সরকার। অর্থাৎ অনাথবন্ধু সরকারের স্ত্রী।

রাজকুমার বাবু অনেকক্ষণ নিরীক্ষণ করিয়া কিছুতেই এই সামান্য একটি শব্দের অর্থগ্রহ করিতে পারিলেন না। এমন সময়ে বিলাত হইতে সন্তঃপ্রত্যাগতা, আরক্তকপোলা, আত্মকুস্তলা, আনীললোচনা, ছুৎকেন্ড্রা, হরিণলঘুগামিনী ইংরাজমহিলা স্বয়ং সভাস্থলে আসিয়া দাড়াইয়া প্রত্যেকের মুখ নিরীক্ষণ করিতে লাগিলেন। কিন্তু পরিচিত প্রিয়মুখ দেখিতে পাইলেন না। অকস্মাৎ মেমকে দেখিয়া সংহিতার সমস্ত তর্ক থামিয়া সভাস্থল শ্মশানের শ্রায় গভীর নিস্তব্ধ হইয়া গেল।

এমন সময়ে ভূমিলুষ্ঠ্যমান চাদর লইয়া অলসমহরগামী অনাথবন্ধু রঙ্গভূমিতে আসিয়া পুনঃপ্রবেশ করিলেন। এবং মুহূর্তের মধ্যেই

ইংরাজমহিলা ছুটিয়া গিয়া তাঁহাকে আলম্পন করিয়া ধরিয়া তাঁহার তাহুলবাগরক্ত ওষ্ঠাধরে দাম্পত্যের মিলন-চূষন মুদ্রিত করিয়া দিলেন।

সে দিন সভাস্থলে সংহিতার তর্ক আর উত্থাপিত হইতে পারিল না।



প্রথম পরিচ্ছেদ।

—:~::~:—

অনেক অবস্থান্তরের পর অবশেষে গত-যৌবনা ক্ষীরোদা যে পুরুষের আশ্রয় প্রাপ্ত হইয়াছিল, সেও যখন তাহাকে জীর্ণ বস্ত্রের শ্রায় পরিত্যাগ করিয়া গেল, তখন অন্নমুটের জন্ত দ্বিতীয় আশ্রয় অবেষণের চেষ্টা করিতে তাহার অত্যন্ত দিক্কার বোধ হইল।

যৌবনের শেষে শুভ্র শরৎকালের শ্রায় একটি গভীর প্রশান্ত প্রগাঢ় সুন্দর বয়স আসে যখন জীবনের ফল ফলিবার এবং শস্য পাকিবার সময়! তখন আর উদ্যম যৌবনের বসন্ত-চঞ্চলতা শোভা পায় না। ততদিনে সংসারের মাঝখানে আমাদের ঘরবাঁধা এক প্রকার সাফ হইয়া গিয়াছে; অনেক ভাল মন্দ অনেক সুখ দুঃখ জীবনের মধ্যে পরিপাক প্রাপ্ত হইয়া অন্তরের মানুষটিকে পরিণত করিয়া তুলিয়াছে; আমাদের আয়ত্তের অতীত কুহকিনী হরাশার কল্পনালোক হইতে সমস্ত উদ্ভ্রান্ত বাসনাকে প্রত্যাহরণ করিয়া আপন ক্ষুদ্র ক্ষমতার গৃহ-প্রাচীরमध्ये প্রতিষ্ঠিত করিয়াছি; তখন নূতন

প্রণয়ের মুগ্ধদৃষ্টি আর আকর্ষণ করা যায় না, কিন্তু পুরাতন লোকের কাছে মানুষ আরও প্রিয়তর হইয়া উঠে। তখন যৌবন-লাবণ্য অল্পে অল্পে বিশীর্ণ হইয়া আসিতে থাকে, কিন্তু জরাবিহীন অন্তরপ্রকৃতি বহুকালের সহবাস-ক্রমে মুখে চক্ষে যেন ক্ষুটতর রূপে অঙ্কিত হইয়া যায়; হাসিট দৃষ্টিপাতট কঠোরটি ভিতরকার মানুষটির দ্বারা ওতপ্রোত হইয়া উঠে। যাহা কিছু পাই নাই তাহার আশা ছাড়িয়া, যাহারা ত্যাগ করিয়া গিয়াছে তাহাদের জন্ত শোক সমাপ্ত করিয়া, যাহারা বঞ্চনা করিয়াছে, তাহাদিগকে ক্ষমা করিয়া, যাহারা কাছে আসিয়াছে ভালবাসিয়াছে, সংসারের সমস্ত বড়বড় শোক-তাপ-বিচ্ছেদের মধ্যে যে কয়টি প্রাণী নিকটে অবশিষ্ট রহিয়াছে তাহাদিগকে বুকের কাছে টানিয়া লইয়া স্থানিষ্ঠিত, সুপরীক্ষিত চিরপরিচিতগণের স্মৃতিপরিবেষ্টনের মধ্যে নিরাপদ নীড় রচনা করিয়া তাহারই মধ্যে সমস্ত চেষ্টার অবসান এবং সমস্ত আকাঙ্ক্ষার পরিতৃপ্তি লাভ করা যায়। যৌবনের সেই স্নিগ্ধ সায়াহ্নে জীবনের সেই শান্তিপূর্ণেও যাহাকে নূতন সঞ্চয়, নূতন পরিচয়, নূতন বন্ধনের বৃথা আশ্বাসে নূতন চেষ্টায় ধাবিত হইতে হয়, তখনও, যাহার বিশ্বাসের জন্ত শয্যা রচিত হয় নাই, যাহার গৃহপ্রত্যাবর্তনের জন্ত সন্ধ্যাদীপ প্রজ্জ্বলিত হয় নাই সংসারে তাহার মত শোচনীয় আর কেহ নাই।

ক্ষীরোদা তাহার যৌবনের প্রান্তসীমায় যে দিন প্রাতঃকালে জাগিয়া উঠিয়া দেখিল তাহার প্রণয়ী পূর্বরাত্রে তাহার সমস্ত অলঙ্কার ও অর্থ অপহরণ করিয়া পলায়ন করিয়াছে,— বাড়ীভাড়া দিবে এমন সঞ্চয় নাই, তিন বৎসরের শিশু পুত্রটিকে দুধ আনিয়া খাওয়াইবে এমন সক্তি নাই,—যখন সে ভাবিয়া দেখিল

তাহার জীবনের আটত্রিশ বৎসরে সে একটি লোককেও আপনায় করিতে পারে নাই, একটি ঘরের প্রান্তেও বাঁচিবার এবং মরিবার অধিকার প্রাপ্ত হয় নাই,—

যখন তাহার মনে পড়িল আবার আজ অশ্রুজল মুছিয়া দুই চক্ষে অঙ্গন পরিতে হইবে, অধরে ও কপোলে অলঙ্কারগ চিত্রিত করিতে হইবে, জীর্ণ যৌবনকে বিচিত্র ছলনায় আচ্ছন্ন করিয়া হাশ্বমুখে অসীম ধৈর্য সহকারে নূতন হৃদয় হরণের জন্ত নূতন মায়াপাশ বিস্তার করিতে হইবে,—তখন সে ঘরের দ্বার বন্ধ করিয়া ভূমিতে লুটাইয়া বায়ুবার কঠিন মেঝের উপর মাথা ধুঁড়িতে লাগিল,—সমস্ত দিন অনাহারে মুমূর্ষুর মত পড়িয়া রহিল। সন্ধ্যা হইয়া আসিল; দীপহীন গৃহকোণে অন্ধকার ঘনীভূত হইতে লাগিল। দৈবক্রমে একজন পুরাতন প্রণয়ী আসিয়া “ক্ষীরো” “ক্ষীরো” শব্দে দ্বারে আঘাত করিতে লাগিল। ক্ষীরোদা অকস্মাৎ দ্বার খুলিয়া বাঁটোহস্তে বাঁধিনীর মত গর্জন করিয়া ছুটিয়া আসিল,—রসপিপাসু যুবকটি অনতিবিলম্বে পলায়নের পথ অবলম্বন করিল।

ছেলেটা ক্ষুধার জ্বালায় কাঁদিয়া কাঁদিয়া খাটের নীচে ঘুমাইয়া পড়িয়াছিল। সেই গোলেমালে জাগিয়া উঠিয়া অন্ধকারের মধ্য হইতে ভগ্নকাতর কণ্ঠে মা মা করিয়া কাঁদিতে লাগিল।

তখন ক্ষীরোদা সেই রুগ্মমান শিশুকে প্রাণপণে বক্ষে চাপিয়া ধরিয়া বিছায়েপে ছুটিয়া নিকটবর্তী কুপের মধ্যে বাঁপাইয়া পড়িল।

শব্দ শুনিয়া আলো হস্তে প্রতিবেশিগণ কুপের নিকট আসিয়া উপস্থিত হইল। ক্ষীরোদা এবং শিশুকে তুলিতে বিলম্ব

হইল না। স্বীকৃত্যে তখন অচেতন এবং শিঙটি মরিয়া পেছে।

হাসপাতালে গিয়া স্বীকৃত্যে আরোগ্য লাভ করিল। হত্যাপরাধে ম্যাজিস্ট্রেট তাহাকে সেশনে চালান করিয়া দিলেন।

দ্বিতীয় পরিচ্ছেদ ।

—:~::~:—

জজ মোহিতমোহন দত্ত। ষ্ট্যাটুটোর সিভিলিয়ান। তাঁহার কঠিন বিচারে স্বীকৃত্যে কাঁসির হকুম হইল। হত্যামিনীর অকথা বিবেচনা করিয়া উকালগণ তাঁহাকে বাঁচাইবার জন্ত বিস্তর চেষ্টা করিলেন কিন্তু কিছুতেই কৃতকার্য হইলেন না। জজ তাহাকে তিনমাত্র দন্ডার পাত্রী বলিয়া মনে করিতে পারিলেন না।

না পান্নিবার কারণ আছে। একদিকে তিনি হিন্দুমহিলাগণকে দেবী আখ্যা দিয়া থাকেন, অপরদিকে স্ত্রীজাতির প্রতি তাঁহার আন্তরিক অবিশ্বাস। তাঁহার মত এই যে, রমণীগণ কুলবন্ধন ছেদন করিবার মন্ত্র উদ্ভূত হইয়া আছে, শাসন তিনমাত্র শিখিল হইলেই সমাজপিঙ্করে একটি কুলনারীও অবশিষ্ট থাকিবে না।

তাঁহার একপ বিশ্বাসের কারণও আছে। সে কারণ জানিতে গেলে মোহিতের যৌবন-ইতিহাসের কিয়দংশ আলোচনা করিতে হয়।

মোহিত যখন কালেজে সেকেণ্ড-ইয়ারে পড়িতেন তখন আকারে এবং আচারে এখনকার হইতে সম্পূর্ণ স্বতন্ত্র প্রকারের মানুষ ছিলেন। এখন মোহিতের সম্মুখে টাক, পশ্চাতে টিকি; সুশ্রুত মুখে প্রতিদিন প্রাতঃ-

কালে ধরসুরধারে গুফসুগু অঙ্কর উচ্ছেদ হইয়া থাকে; কিন্তু তখন তিনি সোণার চশ্মায় গৌরুদাড়িতে এবং সাহেবীধরণের কেশ-বিজ্ঞাসে উনবিংশ শতাব্দীর নূতন সংস্করণ কান্তিকটির মত ছিলেন। বেশভূষায় বিশেষ মনোযোগ ছিল, মস্ত মাংসে অরুচি ছিল না এবং আনুষ্ঠানিক আরও ছোটো একটা উপসর্গ ছিল।

অদূরে এক ঘর গৃহস্থ বাস করিত। তাহাদের হেমশশি বলিয়া এক বিধবা কস্তা ছিল। তাহার বয়স অধিক হইবে না। চৌদ্দ হইতে পনরয় পড়িবে।

সমুদ্র হইতে বনরাজিনীলা তটভূমি যেমন রমণীয় স্বপ্নবৎ চিত্রবৎ মনে হয় এমন তীরের উপরে উঠিয়া হয় না। বৈধব্যের বেটন-অস্তরালে হেমশশি সংসার হইতে যে টুকু দূরে পড়িয়াছিল সেই দূরত্বের বিচ্ছেদ-বশতঃ সংসারটা তাহার কাছে পরপারবর্তী পরমরহস্যময় প্রমোদবনের মত ঠেকিত। সে জানিত না এইজগৎঘনুটার কলকারখানা অত্যন্ত জটিল এবং লোহকঠিন,—সুখে দুঃখে সম্পদে বিপদে, সংশয়ে সঙ্কটে ও নৈরাশ্রে পরিভাষে বিমিশ্রিত। তাহার মনে হইত সংসারবাত্মা কলনাদিনী নিব্বরিণীর স্বচ্ছ জল-প্রবাহের মত সহজ, সম্মুখবর্তী স্নন্দর পৃথিবীর সকল পথগুলিই প্রশস্ত ও সরল, সুখ কেবল তাহার বাতায়নের বাহিরে এবং তৃপ্তিহীন আকাঙ্ক্ষা কেবল তাহার বক্ষঃপঞ্জরবর্তী স্পন্দিত পন্নিতস্ত কোমল হৃদয়টুকুর অভ্যন্তরে। বিশেষতঃ তখন তাহার অন্তরাকাশের দূর দিগন্ত হইতে একটা যৌবন-সমীর্ণ উচ্ছ্বসিত হইয়া বিশ্বসংসারকে বিচিত্র বাসন্তী শ্রীতে বিভূষিত করিয়া দিয়াছিল; সমস্ত নীলাশ্বর তাহারই হৃদয়হিল্লোলে পূর্ণ হইয়া গিয়াছিল এবং পৃথিবী যেন তাহারই স্নগন্ধ মর্ষকোষের চতুর্দিকে

রক্তপদ্মের কোমল পাপড়িগুলির মত স্তরে স্তরে বিকশিত হইয়া ছিল।

ঘরে তাহার বাপ মা এবং ছুটি ছোট ভাই ছাড়া আর কেহ ছিল না। ভাই ছুটি সকাল সকাল খাইয়া ইস্কুলে যাইত, আবার ইস্কুল হইতে আসিয়া আহারান্তে সন্ধ্যার পর পাড়ার নাইটস্কুলে পাঠ অভ্যাস করিতে গমন করিত। বাপ সামান্য বেতন পাইতেন, ঘরে মাষ্টার রাখিবার সামর্থ্য ছিল না।

কাজের অবসরে হেম তাহার নিৰ্জন ঘরের বাতায়নে আসিয়া বসিত। একদৃষ্টে রাজপথের লোক চলাচল দেখিত; ফেরিওয়ালার করুণ উচ্চস্বরে হাঁকিয়া যাইত তাহাই শুনিত; এবং মনে করিত পথিকেরা স্ত্রী, ভিক্ষুরাও স্বাধীন, এবং ফেরিওয়ালারা, যে, জীবিকার জন্ত স্কন্ধিন প্রয়াসে প্রবৃত্ত তাহা নহে, উহারা যেন এই লোকচলাচলের সুখরসভূমিতে অস্তম অভিনেতামাত্র।

আর সকালে বিকালে সন্ধ্যাবেলায় পরিপাটীবেশধারী গর্ভোদ্ধত স্ত্রীতবন্ধ মোহিত-মোহনকে দেখিতে পাইত। দেখিয়া তাহাকে সর্বসৌভাগ্যসম্পন্ন পুরুষশ্রেষ্ঠ মহেশ্বরের মত মনে হইত। মনে হইত, ঐ উন্নতমস্তক স্রবশ স্তম্বর যুবকটির সব আছে এবং উহাকে সব দেওয়া যাইতে পারে। বালিকা যেমন পুতুলকে সঙ্গীত মানুষ্য করিয়া খেলা করে, বিধবা তেমনি মোহিতকে মনে মনে সকল প্রকার মহিমায় মণ্ডিত করিয়া তাহাকে দেবতা গড়িয়া খেলা করিত।

এক একদিন সন্ধ্যার সময় দেখিতে পাইত মোহিতের ঘর আলোকে উজ্জ্বল, নর্তকীর নৃত্য-নিক্ষণ এবং বামাকর্ষের সঙ্গীতধ্বনিতে মুখ-রিত। সেদিন সে ভিত্তিস্থিত চঞ্চল ছায়াগুলির দিকে চাহিয়া চাহিয়া বিনিদ্র সতৃষ্ণ নেত্রে দীর্ঘ-

রাত্রি জাগিয়া বসিয়া কাটাইত। তাহার ব্যথিত পীড়িত হৃৎপিণ্ড, পিঞ্জরের পক্ষীয় মত, বন্ধ-পঞ্জরের উপর হৃদ্যস্ত আবেগে আঘাত করিতে থাকিত।

সে কি তাহার কৃত্রিম দেবতাটিকে বিশাস-মত্ততার জন্ত মনে মনে ভংগনা করিত, নিন্দা করিত? তাহা নহে। অগ্নি যেমন পতঙ্গকে নক্ষত্রলোকের প্রলোভন দেখাইয়া আকর্ষণ করে, মোহিতের সেই আলোকিত গীতবাণবিক্ষুব্ধ প্রমোদমদিরোক্ষুসিত কক্ষটি হেমশশিকে সেই-রূপ স্বর্গমরীচিকা দেখাইয়া আকর্ষণ করিত। সে গভীর রাত্রে একাকিনী জাগিয়া বসিয়া সেই অদূর বাতায়নের আলোক ও ছায়া ও সঙ্গীত এবং আপন মনের আকাজক্ষা ও কল্পনা লইয়া একটি মায়াবাজ্য গড়িয়া তুলিত, এবং আপন মানসপুত্তলিকাকে সেই মায়াপুরীর মাঝখানে বসাইয়া বিম্বিত বিশ্বুথনেত্রে নিরীক্ষণ করিত এবং আপন জীবন যৌবন স্তম্ভ হুঃখ ইহ-কাল পরকাল সমস্তই বাসনার অন্ধারে ধূপের মত পোড়াইয়া সেই নিৰ্জন নিস্তর মন্দিরে তাহার পূজা করিত। সে জানিত না তাহার সন্মুখবর্তী ঐ হর্ষ্যবাতায়নের অভ্যন্তরে ঐ তরঙ্গিত প্রমোদ-প্রবাহের মধ্যে এক নিরাতশয় ক্লাস্তি, গ্লানি, পঙ্কিলতা, বীভৎস, ক্ষুধা এবং প্রাণক্ষয়-কর দাহ আছে। ঐ বীতনিদ্র নিশাচর আলোকের মধ্যে যে এক হৃদয়হীন নিষ্ঠুরতার কুটিল হাস্য প্রময়ক্রীড়া করিতে থাকে বিধবা দূর হইতে তাহা দেখিতে পাইত না।

হেম আপন নিৰ্জন বাতায়নে বসিয়া তাহার এই মায়াস্বর্গ এবং কল্পিত দেবতাটিকে লইয়া চিরজীবন স্বপ্নাবেশে কাটাইয়া দিতে পারিত কিন্তু হৃদ্যাপ্যক্রমে দেবতা অল্পপ্রহ করিলেন এবং স্বর্গ নিকটবর্তী হইতে লাগিল। স্বর্গ যখন একেবারে পৃথিবীকে আসিয়া স্পর্শ করিল

তখন স্বপ্নেও ভাবিয়া গেল এবং যে ব্যক্তি এত-দিন একলা বসিয়া স্বর্গ গড়িয়াছিল সেও ভাবিয়া ধূলিসাৎ হইল।

এই বাতায়নবাসিনী মুগ্ধ বালিকাটির প্রতি কখন মোহিতের লালায়িত দৃষ্টি পড়িল, কখন তাহাকে “বিনোদচন্দ্র” নামক মিথ্যাস্বাক্ষরে বারংবার পত্রলিখিয়া অবশেষে একখানি শঙ্কিত উৎকণ্ঠিত, অশুদ্ধ বানান ও উচ্ছ্বসিত হৃদয়-বেগপূর্ণ উত্তর পাইল—এবং তাহার পর কিছু-দিন ঘাতপ্রতিঘাতে, উল্লাসে সঙ্কোচে, সন্দেহে সন্ত্রমে, আশায় আশঙ্কায় কেমন করিয়া ঝড় বহিতে লাগিল,—তাহার পরে প্রলয়সুখো-ন্নততায় সমস্ত জগৎ সংসার বিধবার চারিদিকে কেমন করিয়া ঘুরিতে লাগিল, এবং ঘুরিতে ঘুরিতে ঘূর্ণনবেগে সমস্ত জগৎ অমূলক ছায়ার মত কেমন করিয়া অদৃশ্য হইয়া গেল,—এবং অবশেষে কখন একদিন অকস্মাৎ সেই ঘূর্ণ্যমান সংসারচক্র হইতে বেগে বিচ্ছিন্ন হইয়া রমণী অতি দূরে বিক্ষিপ্ত হইয়া পড়িল, সে সকল বিবরণ বিস্তারিত করিয়া বলিবার আবশ্যক দেখি না।

একদিন গভীর রাত্রে পিতা মাতা ভ্রাতা এবং গৃহ ছাড়িয়া হেমশশি “বিনোদচন্দ্র” ছদ্মনামধারী মোহিতের সহিত এক গাড়িতে উঠিয়া বসিল। দেবপ্রতিমা যখন তাহার সমস্ত মাটি এবং খড় এবং রাংতার গহনা লইয়া তাহার পার্শ্বে আসিয়া সংলগ্ন হইল, তখন সে লজ্জায় এবং ধিক্কারে মাটিতে মিশাইয়া গেল। অবশেষে গাড়ি যখন ছাড়িয়া দিল, তখন সে কাঁদিয়া মোহিতের পায়ে ধরিল, বলিল, “ওগো, পায়ে পড়ি আমি আমার বাড়িকে রেখে এস!” মোহিত শশব্যস্ত হইয়া তাহার মুখ চাপিয়া ধরিল—গাড়ি দ্রুতবেগে চলিতে লাগিল।

জলনিমগ্ন মরণাপন্ন ব্যক্তির যেমন মুহূর্তের

মধ্যে জীবনের সমস্ত ঘটনাবলী স্পষ্ট মনে পড়ে তেমনি সেই দ্বারকরু গাড়ির গাঢ় অন্ধকারের মধ্যে হেমশশির মনে পড়িতে লাগিল, প্রতিদিন আহারের সময় তাহার বাপ তাহাকে সম্মুখে না লইয়া খাইতে বসিতেন না;—মনে পড়িল তাহার সর্বকনিষ্ঠ ভাইটি ইস্কুল হইতে আসিয়া তাহার দিদির হাতে খাইতে ভালবাসে; মনে পড়িল, সকালে সে তাহার মায়ের সহিত পান সাজিতে বসিত এবং বিকালে মা তাহার চুল বাঁধিয়া দিতেন। ঘরের প্রত্যেক ক্ষুদ্র কোণ এবং দিনের প্রত্যেক ক্ষুদ্র কাজটি তাহার মনের সম্মুখে জাজল্যমান হইয়া উঠিতে লাগিল। তখন তাহার নিভৃত জীবন এবং ক্ষুদ্র সংসারটিকেই স্বর্গ বলিয়া মনে হইল। সেই পানসাজা, চুল-বাঁধা, পিতার আহারস্থলে পাখা করা, ছুটির দিনে মধ্যাহ্ননিদ্রার সময় তাঁহার পাকাচুল তুলিয়া দেওয়া, ভাইদের দৌরাখ্যা সহ করা,—এ সমস্তই তাহার কাছে পরম-শান্তিপূর্ণ দুর্লভ সুখের মত বোধ হইতে লাগিল,—বুঝিতে পারিল না এ সব থাকিতে সংসারে আর কোন্ সুখের আবশ্যক আছে!

মনে হইতে লাগিল, পৃথিবীতে ঘরে ঘরে সমস্ত কুলকণ্ঠারা এখন গভীর স্নয়ুপ্তিতে নিমগ্ন। সেই আপনার ঘরে আপনার শয্যাটির মধ্যে নিস্তরু রাত্রে নিশ্চিন্ত নিদ্রা যে কত সুখের তাহা ইতিপূর্বে কেন সে বুঝিতে পারে নাই! ঘরের মেয়েরা কাল সকালবেলায় ঘরের মধ্যে জাগিয়া উঠিবে, নিঃসঙ্কোচে নিত্যকর্মের মধ্যে প্রবৃত্ত হইবে, আর গৃহচ্যুতা হেমশশির এই নিদ্রাহীন রাত্রি কোন্‌খানে গিয়া প্রভাত হইবে, এবং সেই নিরানন্দ প্রভাতে তাহাদের সেই গালির ধারের ছোটখাট ঘণ্টকরাটির উপর যখন সকালবেলাকার চিরপরিচিত শান্তিময় হাশ্বপূর্ণ রৌদ্রটি আসিয়া পতিত হইবে তখন সেখানে

সহসা কি লজ্জা প্রকাশিত হইয়া পড়িবে, কি লাজ্জনা কি হাহাকার জাগ্রৎ হইয়া উঠিবে !

হেম হৃদয় বিদীর্ণ করিয়া কাঁদিয়া মরিতে লাগিল ;—সকরণ অম্লনয়সহকারে বলিতে লাগিল, “এখনো রাত আছে ; আমার মা, আমার ছুট ভাই এখনো জাগে নাই, এখনো আমাকে ফিরাইয়া রাখিয়া আইস !” কিন্তু তাহার দেবতা কর্ণপাত করিল না ; এক দ্বিতীয় শ্রেণীর চক্রশব্দমুখরিত রথে চড়াইয়া তাহাকে তাহার বহুদিনের আকাঙ্ক্ষিত স্বর্গলোকাভিমুখে লইয়া চলিল !

ইহার অনতিকাল পরেই দেবতা এবং স্বর্গ পুনশ্চ আর একটি দ্বিতীয় শ্রেণীর জীর্ণরথে চড়িয়া আর এক পথে প্রস্থান করিলেন,—রমণী আকর্ষণ পঙ্কের মধ্যে নিমজ্জিত হইয়া রহিল ।

তৃতীয় পরিচ্ছেদ ।

—:(*)—

মোহিতমোহনের পূর্ব-ইতিহাস হইতে এই একটিমাত্র ঘটনা উল্লেখ করিলাম । রচনা পাছে “একঘেয়ে” হইয়া উঠে এই জন্ত অন্ত-গুলি বলিলাম না !

এখন সে সকল পুরাতন কথা উত্থাপন করিবার আবশ্যকও নাই । এখন সেই বিনোদ-চন্দ্র নাম স্বরণ করিয়া রাখা এমন কোন লোক জগতে আছে কি না সন্দেহ । এখন মোহিত শুদ্ধাচারী হইয়াছেন, তিনি আঙ্গিক তর্পণ করেন এবং সর্বদাই শাস্ত্রালোচনা করিয়া থাকেন । নিজের ছোট ছোট ছেলেদিগকেও যোগাভ্যাস করাইতেছেন এবং বাড়ির মেয়েদিগকে সূর্য্য চন্দ্র মরুদগণের হুপ্রবেশ অন্তঃপুরে প্রবেশ শাসনে রক্ষা করিতেছেন । কিন্তু এককালে তিনি একাধিক রমণীর প্রতি

অপরাধ করিয়াছিলেন বলিয়া আজ রমণীর সর্বপ্রকার সামাজিক অপরাধের কঠিনতম দণ্ড-বিধান করিয়া থাকেন ।

ক্ষীরোদার কাঁদির হুকুম দেওয়ার দুই এক দিন পরে ভোজনবিলাসী মোহিত জেলখানার বাগান হইতে মনোমত তরীতরকারী সংগ্রহ করিতে গিয়াছেন । ক্ষীরোদা তাহার পতিত জীবনের সমস্ত অপরাধ স্বরণ করিয়া অনুভূত হইয়াছে কি না জানিবার জন্ত তাঁহার কোতু-হল হইল । বন্দিনীশালায় প্রবেশ করিলেন ।

দূর হইতে খুব একটা কলহের ধ্বনি শুনিতে পাইতেছিলেন । ঘরে চুকিয়া দেখিলেন ক্ষীরোদা প্রহরীর সহিত ভারি ঝগড়া বাধাই-য়াছে । মোহিত মনে মনে হাসিলেন, ভাবিলেন, স্ত্রীলোকের স্বভাবই এমনি বটে ! মৃত্যু সন্নিকট তবু ঝগড়া করিতে ছাড়িবে না । ইহারা বোধ করি ষমালয়ে গিয়া ষমদুতের সহিত কোন্দল করে ।

মোহিত ভাবিলেন, যথোচিত ভৎসনা ও উপদেশের দ্বারা এখন ইহার অন্তরে অনুতাপের উদ্বেক করা উচিত । সেই সাধু উদ্দেশ্যে তিনি ক্ষীরোদার নিকটবর্তী হইবামাত্র ক্ষীরোদা সকরণস্বরে করযোড়ে কহিল—ওগো জজ বাবু, দোহাই তোমার ! উহাকে বল আমার আংটি ফিরাইয়া দেয় !

প্রশ্ন করিয়া জানিলেন, ক্ষীরোদার মাথার চুলের মধ্যে একটি আংটি লুকান ছিল—দেবাৎ প্রহরীর চোখে পড়াতে সে সেটি কাড়িয়া লইয়াছে ।


মোহিত আবার মনে মনে হাসিলেন । আজ বাধে কাল কাঁসিকাঠে আরোহণ করিবে তবু আংটির মায়া ছাড়িতে পারে না ! গহনাই মেয়েদের সর্বস্ব !

প্রহরীকে কহিলেন—কই, আংটা দেখি।
প্রহরী তাঁহার হাতে আংটা দিল।

তিনি হঠাৎ যেন জলস্ত অঙ্গার হাতে লই-
লেন এমন চমকিয়া উঠিলেন। আংটার এক-
দিকে হাতের দাঁতের উপর তেলের রঙে
আকা একটি শুষ্কশুকশোভিত যুবকের অতি
ক্ষুদ্র ছবি বসানো আছে, এবং অপর দিকে
সোণার গায়ে খোদা রহিয়াছে—বিনোদচন্দ্র।

তখন মোহিত আংটি হইতে মুখ তুলিয়া
একবার কীরোদার মুখের দিকে ভাল করিয়া
চাহিলেন। চব্বিশ বৎসর পূর্বেকার আর
একটি অশ্রুসঞ্জন শ্রীতিস্বকোমল সলজ্জশক্তি
মুখ মনে পড়িল; সে মুখের সহিত ইহার
সাদৃশ্য আছে।

মোহিত আর একবার সোণার আংটার
দিকে চাহিলেন এবং তাহার পরে যখন ধীরে
ধীরে মুখ তুলিলেন তখন তাঁহার সম্মুখে কল-
কিনী পতিতা রমণী একটি ক্ষুদ্র স্বর্ণাসুরীম্বকের
উজ্জল প্রভায় স্বর্ণময়ী দেবীপ্রতিমার মত উদ্ভা-
সিত হইয়া উঠিল।



প্রথম পরিচ্ছেদ।

—:—

পূর্বদিনে রুটি হইয়া গিয়াছে। আজ
কাস্তবর্ষণ প্রাতঃকালে স্নান রোদ্র এবং খণ্ড
মেঘে মিলিয়া পরিপকপ্রায় আউষ ধানের
ক্ষেত্রের উপর পর্যায়ক্রমে আপন আপন সুদীর্ঘ

তুলি ব্লাইয়া যাইতেছিল; সুবিস্তীর্ণ শ্রাম
চিত্রপট একবার আলোকের স্পর্শে উজ্জল পাণ্ডু-
বর্ণ ধারণ করিতেছিল আবার পরক্ষণেই ছায়া-
প্রলেপে গাঢ় স্নিগ্ধতায় অন্ধিত হইতেছিল।

যখন সমস্ত আকাশ-রঙ্গভূমিতে মেঘ এবং
রোদ্র, দুইটি মাত্র অভিনেতা, আপন আপন
অংশ অভিনয় করিতেছিল, তখন নিম্নে সংসার-
রঙ্গভূমিতে কত স্থানে কত অভিনয় চলিতেছিল
তাহার আর সংখ্যা নাই।

আমরা যেখানে একটি ক্ষুদ্র জীবননাট্যের
পট উত্তোলন করিলাম সেখানে গ্রামে পথের
ধারে একটি বাড়ি দেখা যাইতেছে। বাহিরের
একটিমাত্র ঘর পাকা; এবং সেই ঘরের দুই
পার্শ্ব দিয়া জীর্ণপ্রায় ইষ্টকের প্রাচীর গুটিকতক
মাটির ঘর বেষ্টিত করিয়া আছে। পথ হইতে
গরাদের জান্না দিয়া দেখা যাইতেছে একটি
যুবা পুরুষ খালি গায়ে তক্তপোষে বসিয়া বাম-
হস্তে ক্ষণেক্ষণে তালপাতার পাখা লইয়া গ্রীষ্ম
এবং মশক দূর করিবার চেষ্টা করিতেছেন এবং
দক্ষিণ হস্তে বই লইয়া পাঠে নিবিষ্ট আছেন।

বাহিরে গ্রামের পথে একটি ডুরে-কাপড়-
পরী বালিকা আঁচলে গুটিকতক কালো জাম
লইয়া একে একে নিঃশেষ করিতে করিতে উক্ত
গরাদে-দেওয়া জানালার সম্মুখ দিয়া বারংবার
যাতায়াত করিতেছিল। মুখের ভাবে স্পষ্টই
বোঝা যাইতেছিল ভিতরে যে মানুষটি তক্ত-
পোষে বসিয়া বই পড়িতেছে তাহার সহিত
বালিকার ঘনিষ্ঠ পরিচয় আছে—এবং কোন
মতে সে তাহার মনোযোগ আকর্ষণ পূর্বক
তাহাকে নীরবে অবজ্ঞাভরে জানাইয়া যাইতে
চাহে যে, সম্ভ্রতি কালোজাম ধাইতে আমি
অত্যন্ত ব্যস্ত আছি, তোমাকে আমি গ্রাহ্যমাত্র
করি না।

দুর্ভাগ্যক্রমে ঘরের ভিতরকার অধ্যয়নশীল

পুরুষটি চক্ষে কম দেখেন, দূর হইতে বালিকার নীরব উপেক্ষা তাঁহাকে স্পর্শ করিতে পারে না। বালিকাও তাহা জানিত, সুতরাং অনেক ক্ষণ নিঃশব্দ আনাগোনার পর নীরব উপেক্ষার পরিবর্তে কালোজামের আঁটি ব্যবহার করিতে হইল। অন্ধের নিকটে অভিমানের বিপুলতা রক্ষা করা এতই দুঃস্বপ্ন।

যখন ক্ষণে ক্ষণে ছই চারিটা কঠিন আঁটি যেন দৈবক্রমে বিক্ষিপ্ত হইয়া কাঠের দরজার উপর ঠক করিয়া শব্দ করিয়া উঠিল তখন পাঠ-রত পুরুষটি মাথা তুলিয়া চাহিয়া দেখিল। মায়াবিনী বালিকা তাহা জানিতে পারিয়া দ্বিগুণ নিবিষ্টভাবে অঞ্চল হইতে দংশনযোগ্য সুপক্ক কালোজাম নির্বাচন করিতে প্রবৃত্ত হইল। পুরুষটি ক্রকৃষ্ণিত করিয়া বিশেষ চেষ্টাসহকারে নিরীক্ষণপূর্বক বালিকাকে চিনিতে পারিল এবং বই রাখিয়া জানালায় কাছে উঠিয়া দাঁড়াইয়া হাত্মমুখে ডাকিল—গিরিবালা!

গিরিবালা অবিচলিতভাবে নিজের অঞ্চলের মধ্যে জাম পরীক্ষাকার্যে সম্পূর্ণ অভিনিবিষ্ট থাকিয়া মৃগমনে আপনমনে এক এক পা করিয়া চলিতে লাগিল।

তখন ক্ষীণদৃষ্টি যুবা পুরুষের বৃষ্টিতে বাকি রহিল না যে, কোন একটি অজ্ঞানকৃত অপরাধের দণ্ডবিধান হইতেছে। তাড়াতাড়ি বাহিরে আসিয়া কহিলেন—“কই, আজ আমাকে জাম দিলে না?” গিরিবালা সে কথা কাণে না আনিয়া বহু অন্বেষণ ও পরীক্ষায় একটি জাম মনোনীত করিয়া অত্যন্ত নিশ্চিন্ত মনে পাইতে আরম্ভ করিল।

এই জামগুলি গিরিবালাদের বাগানের জাম এবং যুবা পুরুষের দৈনিক বরাদ্দ। কি জানি, সে কথা কিছুতেই আজ গিরিবালায় স্মরণ হইল না। তাহার ব্যবহারে প্রকাশ পাইল

যে এগুলি সে একমাত্র নিজের জন্মই আহরণ করিয়াছে। কিন্তু নিজের বাগান হইতে ফল পাড়িয়া পরের দরজার সম্মুখে আসিয়া ঘটা করিয়া যাইবার কি অর্থ পরিষ্কার বুঝা গেল না। তখন পুরুষটি কাছে আসিয়া তাহার হাত ধরিল। গিরিবালা প্রথমটা আঁকিয়া বাঁকিয়া হাত ছাড়াইয়া চলিয়া যাইবার চেষ্টা করিল, তাহার পরে সহসা অপ্রত্যাশিত ভাসিয়া কাঁদিয়া উঠিল, এবং আঁচলের জাম ভূতলে ছড়াইয়া ফেলিয়া দিয়া ছুটিয়া চলিয়া গেল।

সকালবেলাকার চঞ্চল রৌদ্র এবং চঞ্চল মেঘ বৈকালে শান্ত ও শান্ত ভাব ধারণ করিয়াছে;—শুভ্র ক্ষীত মেঘ আকাশের প্রান্তভাগে শুপূপাকার হইয়া পড়িয়া আছে এবং অপরাহ্নের অবসন্নপ্রায় আলোক গাছের পাতায় পুঙ্করিণীর জলে এবং বর্ষাঘাত প্রকৃতির প্রত্যেক অঙ্গে প্রত্যঙ্গে বিকসিক করিতেছে। আবার সেই বালিকাটিকে সেই গরাদের জানালায় সম্মুখে দেখা যাইতেছে এবং ঘরের মধ্যে সেই যুবা পুরুষটি বসিয়া আছে। প্রভেদের মধ্যে, এ বেলা বালিকার অঞ্চলে জাম নাই এবং যুবকের হস্তেও বই নাই। তদপেক্ষা গুরুতর এবং নিগূঢ় প্রভেদও কিছু কিছু ছিল।

এবেলাও বালিকা কি বিশেষ আবশ্যকে সেই বিশেষ স্থানে আসিয়া ইতস্ততঃ করিতেছে বলা কঠিন। আর যাহাই আবশ্যক থাক ঘরের ভিতরকার মানুষটির সহিত আলাপ করিবার যে আবশ্যক আছে ইহা কোন মতেই বালিকার ব্যবহারে প্রকাশ পায় না। বরঞ্চ বোধ হইল সে দেখিতে আসিয়াছে সকাল বেলায় যে জামগুলো ফেলিয়া গেছে বিকাল বেলায় তাহার কোনটার অঙ্কুর বাহির হইয়াছে কি না।

কিন্তু অঙ্কুর না বাহির হইবার অগত্যা

কারণের মধ্যে একটি গুরুতর কারণ এই ছিল যে, ফলগুলি সম্প্রতি যুবকের সম্মুখে তক্ত-পোষের উপরে রাশীকৃত ছিল ; এবং বালিকা যখন ক্ষণে ক্ষণে অবনত হইয়া কোন একটা অনির্দেশ্য কাল্পনিক পদার্থের অনুসন্ধান নিযুক্ত ছিল তখন যুবক মনের হাত্ত গোপন করিয়া অত্যন্ত গম্ভীর ভাবে একটি একটি জাম নির্বাচন করিয়া সম্বন্ধে আহ্বার করিতেছিল। অবশেষে যখন ছটো একটা আঁটি দৈবক্রমে বালিকার পায়ে কাছে, এমন কি, পায়ের উপরে আসিয়া পড়িল তখন গিরিবালা বুঝিতে পারিল যুবক বালিকার অভিমানের প্রতিশোধ লইতেছে। কিন্তু এই কি উচিত! যখন সে আপনার ক্ষুদ্র হৃদয়টুকুর সমস্ত গর্ভ বিসর্জন দিয়া আত্মসমর্পণ করিবার অবসর খুঁজিতেছে তখন কি তাহার সেই অত্যন্ত দুঃস্থ পথে বাধা দেওয়া নির্ভরতা নহে? ধরা দিতে আসিয়াছে এই কথাটা ধরা পড়িয়া বালিকা যখন ক্রমশঃ আরক্তিম হইয়া পলায়নের পথ অনুসন্ধান করিতে লাগিল তখন যুবক বাহিরে আসিয়া তাহার হাত ধরিল।

সকালবেলাকার মত এবেলাও বালিকা আকিয়া ঝাঁকিয়া হাত ছাড়াইয়া পালাইবার বহু চেষ্টা করিল—কিন্তু কাঁদিল না। বরঞ্চ রক্তবর্ণ হইয়া ঘাড় ঝাঁকিয়া উৎপীড়নকারীর পৃষ্ঠদেশে মুখ লুকাইয়া প্রচুর পরিমাণে হাসিতে লাগিল এবং যেন কেবলমাত্র রাহু আকর্ষণে নীত হইয়া পরাভূত বন্দীভাবে লৌহগরাদে বেষ্টিত কারাগারের মধ্যে প্রবেশ করিল।

আকাশে মেঘ রৌদ্রের খেলা যেমন সামান্ত, ধরাপ্রান্তে এই ছুটি প্রাণীর খেলাও তেমনি সামান্ত তেমনি ক্ষণস্থায়ী। আবার, আকাশে মেঘ রৌদ্রের খেলা যেমন সামান্ত নহে এবং খেলা নহে কিন্তু খেলার মত

দেগিতে মাত্র; তেমনি এই ছুটি অধ্যাতনামা মনুষ্যের একটি কৰ্মহীন বর্ষাদিনের ক্ষুদ্র ইতিহাস সংসারের শত শত ঘটনার মধ্যে তুচ্ছ বলিয়া প্রতীয়মান হইতে পারে কিন্তু ইহা তুচ্ছ নহে। যে বৃদ্ধ যিরাট অদৃষ্ট অবিচলিত গম্ভীর মুখে অনন্তকাল ধরিয়া যুগের সহিত যুগান্তর গাঁথিয়া তুলিতেছে, সেই বৃদ্ধই বালিকার এই সকাল বিকালের তুচ্ছ হাসিকান্নার মধ্যে জীবনব্যাপী স্মৃতি ভংগের বীজ অঙ্কুরিত করিয়া তুলিতেছিল। তথাপি বালিকার এই অকারণ অভিমান বড়ই অর্থহীন বলিয়া বোধ হইল। কেবল দর্শকের কাছে নহে, এই ক্ষুদ্র নাট্যের প্রধান পাত্র উক্ত যুবকের নিকটেও। এ বালিকা কেন যে এক দিন বা রাগ করে, একদিন বা অপরিমিত স্নেহ প্রকাশ করিতে থাকে—কোন দিন বা দৈনিক বরাদ্দ বাড়াইয়া দেয়, কোন দিন বা দৈনিক বরাদ্দ একেবারেই বন্ধ করে, তাহার কারণ খুঁজিয়া পাওয়া সহজ নহে। এক এক দিন সে যেন তাহার সমস্ত কল্পনা ভাবনা এবং নৈপুণ্য একত্র করিয়া যুবকের সম্বোধনসাধনে প্রয়ুক্ত হয়, আবার এক একদিন তাহার সমস্ত ক্ষুদ্র শক্তি তাহার সমস্ত কাঠিন্ত একত্র সংহত করিয়া তাঁহাকে আঘাত করিতে চেষ্টা করে। বেদনা দিতে না পারিলে তাহার কাঠিন্ত দ্বিগুণ বাড়িয়া উঠে ; কৃতকার্য হইলে সে কাঠিন্ত অনুতাপের অশ্রুজলে শতধা বিগলিত হইয়া অজস্র স্নেহ-ধারায় প্রবাহিত হইতে থাকে।

এই তুচ্ছ মেঘরৌদ্র খেলার প্রথম তুচ্ছ ইতিহাস পরপরিলেছে সংক্ষেপে বিবৃত করা যাইতেছে।

দ্বিতীয় পরিচ্ছেদ ।

গ্রামের মধ্যে আর সকলেই দলাদলি, চক্রান্ত, ইফুর চাষ, মিথ্যা মকদ্দমা এবং পাটের কারবার লইয়া থাকিত, ভাবের আলোচনা এবং সাহিত্য চর্চা করিতে কেবল শশিভূষণ এবং গিরিবালা ।

ইহাতে কাহারো ঔৎসুক্য বা উৎকর্ষার কোন বিষয় নাই। কারণ গিরিবালার বয়স দশ এবং শশিভূষণ একটি সম্ভ বিকশিত এমে, বিএল। উভয়ে প্রতিবেশী যাত্র ।

গিরিবালার পিতা হরকুমার এককালে নিজগ্রামের পত্তনীদার ছিলেন। এখন দুর্বস্থায় পড়িয়া সমস্ত বিক্রয় করিয়া তাঁহাদের বিদেশী জমিদারের নায়েবী পদগ্রহণ করিয়াছেন। যে পরগণায় তাঁহাদের বাস সেই পরগণারই নায়েবী ; স্তত্রাং তাঁহাকে জন্মস্থান হইতে নাড়িতে হয় না।

শশিভূষণ এম, এ পাশ করিয়া আইন পরীক্ষায় উত্তীর্ণ হইয়াছেন কিন্তু কিছুতেই কোন কৰ্মে ভিড়িলেন না। লোকের সঙ্গে মেশা বা সভাস্থলে ছোটো কথা বলা সেও তাঁহার দ্বারা হইয়া উঠে না। চোখে কম দেখেন বলিয়া চেনা লোককে চিনিতে পারেন না এবং সেই কারণেই জরুজিত করিয়া দৃষ্টিপাত করিতে হয়, লোকে সেটাকে ঔদ্ধত্য বলিয়া বিবেচনা করে।

কলিকাতায় জনসমুদ্রের মধ্যে আপন মনে একলা থাকা শোভা পায় কিন্তু পল্লিগ্রামে সেটা বিশেষ স্পর্কার মত দেখিতে হয়। শশিভূষণের বাপ যখন বিস্তর চেষ্টায় পরাস্ত হইয়া অবশেষে তাঁহার অকর্ষণ্য পুত্রটিকে পল্লীতে

তাঁহাদের সামান্য বিষয়রক্ষাকার্যে নিয়োগ করিলেন তখন শশিভূষণকে পল্লীবাসীদের নিকট হইতে বিস্তর উৎপীড়ন, উপহাস এবং লাঞ্ছনা সহিতে হইয়াছিল। লাঞ্ছনার আরও একটা কারণ ছিল; শান্তিপ্রিয় শশিভূষণ বিবাহ করিতে সম্মত ছিলেন না—কস্তারায়-গ্রস্ত পিতামাতাগণ তাঁহার এই অনিচ্ছাকে দুঃসহ অহঙ্কার জ্ঞান করিয়া কিছুতেই ক্ষমা করিতে পারিতেন না।

শশিভূষণের উপর যতই উপদ্রব হইতে লাগিল শশিভূষণ ততই আপন বিবরের মধ্যে আশ্রয় হইতে লাগিলেন। একটি কোণের ঘরে তন্তুপোষের উপর কস্তকগুলি বাধানো ইংরাজি বই লইয়া বসিয়া থাকিতেন—যখন যেটা ইচ্ছা হইত পাঠ করিতেন, এই ত ছিল তাঁহার কাজ, বিষয় কি করিয়া রক্ষা হইত তাহা বিষয়ই জানে।

এবং পূর্বেই আভাসে বলা গিয়াছে মানুষ-যের মধ্যে তাঁহার সম্পর্ক ছিল কেবল গিরি-বালার সহিত।

গিরিবালার ভাইরা ইন্সুলে বাইত এবং ফিরিয়া আসিয়া মূঢ় ভগিনীটিকে কোন দিন জিজ্ঞাসা করিত পৃথিবীর আকার কিরূপ, কোন দিন বা প্রশ্ন করিত সূর্য্য বড় না পৃথিবী বড়, সে যখন ভুল বলিত তখন তাহার প্রতি বিপুল অবজ্ঞা দেখাইয়া ভ্রমসংশোধন করিত। সূর্য্য পৃথিবী অপেক্ষা বৃহৎ এ মতটা যদি গিরি-বালার নিকট প্রমাণাভাবে অসিদ্ধ বলিয়া বোধ হইত এবং সেই সন্দেহ যদি সে সাহস করিয়া প্রকাশ করিত, তবে তাহার ভাইরা তাহাকে দ্বিগুণ উপেক্ষাভরে কহিত “ইস! আমাদের বইয়ে লেখা আছে আর তুই—”

ছাপার বইয়ে এমন কথা লেখা আছে শুনিয়া গিরিবালা সম্পূর্ণ নিরুত্তর হইয়া যাইত

দ্বিতীয় অক্ষর কোন প্রমাণ তাহার নিকট আকর্ষণক বোধ হইত না।

কিন্তু তাহার মনে মনে বড় ইচ্ছা করিত সেও দাদাদেবের মত বই লইয়া পড়ে। কোন কোন দিন সে আপন ঘরে বসিয়া কোন একটা বই খুলিয়া বিড়বিড় করিয়া পড়ার ভাণ করিত এবং অনর্গল পাতা উন্টাইয়া যাইত। ছাপার কালো কালো ছোট ছোট অপরিচিত অক্ষর-গুলি কি যেন এক মহারহস্যশালার সিংহদ্বারে দলে দলে সার ঝাঝিয়া ঝঙ্কের উপরে ইকার ঐকার রেফ উচাইয়া পাহারা দিত, গিরি-বালায় কোন প্রবেশ কোনই উত্তর করিত না। কথামালা তাহার ব্যাঘ্র শৃগাল অশ্বগর্ভভেদর একটি কথাও কোঁতুহলকাতর বালিকার নিকট কীংস করিত না এবং আখ্যানমঞ্জরী তাহার সমস্ত আখ্যানগুলি লইয়া মৌনব্রতের মত নীরবে চাহিয়া থাকিত।

গিরিবালায় তাহার ভাইদের নিকট পড়া শিখিবার প্রস্তাব করিয়াছিল কিন্তু তাহার ভাইরা সে কথায় কর্ণপাত্তমাত্র করে নাই। একমাত্র শশিভূষণ তাহার সহায় ছিল।

গিরিবালায় নিকট কথামালা এবং আখ্যানমঞ্জরী যেমন হৃর্ভেদ্য রহস্যপূর্ণ ছিল শশিভূষণও প্রথম প্রথম অনেকটা সেইরূপ ছিল। লোহার গোয়ালে দেওয়া রাস্তার ধারের ছোট বসিবার ঘরটিতে যুবক একাকী তক্তপোষের উপর পুস্তকে পরিবৃত হইয়া বসিয়া থাকিত; গিরিবালা গরাদে ধর্মিয়া বাহিরে দাঁড়াইয়া অবাক হইয়া এই নতপৃষ্ঠ পাঠ-নিবিষ্ট অদ্ভুত লোকটিকে নিরীক্ষণ করিয়া দেখিত; পুস্তকের সংখ্যা তুলনা করিয়া মনে মনে স্থির করিত শশিভূষণ তাহার ভাইদের অপেক্ষা অনেক বেশী বিদ্বান। তদপেক্ষা বিস্ময়জনক ব্যাপার তাহার নিকট আর কিছুই ছিল না। কথা-

মালা প্রভৃতি পৃথিবীর প্রধান প্রধান পাঠ্য-পুস্তকগুলি শশিভূষণ যে নিঃশেষপূর্বক পাঠ করিয়া ফেলিয়াছে এবিষয়ে তাহার সন্দেহমাত্র ছিল না। এই জন্ত, শশিভূষণ যখন পুস্তকের পাত উন্টাইত সে স্থিরভাবে দাঁড়াইয়া তাহার জ্ঞানের অবধি নির্ণয় করিতে পারিত না।

অবশেষে এই বিস্ময়মগ্ন বালিকাটি ক্ষীণদৃষ্টি শশিভূষণেরও মনোযোগ আকর্ষণ করিল শশিভূষণ একদিন একটা ঝকঝকে বাঁধানো বই খুলিয়া বলিল—গিরিবালা ছবি দেখি আয়। গিরিবালা তৎক্ষণাৎ দৌড়িয়া পালাইয়া গেল।

কিন্তু পরদিন সে পুনর্বার ডুরে কাপড় পরিয়া সেই গরাদেবের বাহিরে দাঁড়াইয়া সেইরূপ গম্ভীর মৌন মনোযোগের সহিত শশিভূষণের অধ্যয়ন কার্য নিরীক্ষণ করিয়া দেখিতে লাগিল। শশিভূষণ সেদিনও ডাকিল এবং সেদিনও সে বেণী চলাইয়া উচ্ছ্বাসে ছুটিয়া পালাইল।

এইরূপে তাহাদের পরিচয়ের স্বত্রপাত হইয়া ক্রমে কখন ঘনিষ্ঠতর হইয়া উঠিল এবং কখন যে বালিকা গরাদেবের বাহির হইতে শশি-ভূষণের ঘরের মধ্যে প্রবেশ করিল, তাহার তক্তপোষের উপর বাঁধানো পুস্তকস্তূপের মধ্যে স্থান পাইল ঠিক সে তারিখটা নির্ণয় করিয়া দিতে ঐতিহাসিক গবেষণার আবশ্যক।

শশিভূষণের নিকট গিরিবালায় লেখাপড়ার চর্চা আরম্ভ হইল। শুনিয়া সকলে হাসিবেন, এই মাষ্টারটি তাহার ক্ষুদ্র ছাত্রীকে কেবল যে অক্ষর, বানান এবং ব্যাকরণ শিখাইত তাহা নহে—অনেক বড় বড় কাব্য তর্জমা করিয়া শুনাইত এবং তাহার মতামত জিজ্ঞাসা করিত। বালিকা কি বুঝিত তাহা অন্তর্ধামীই জানেন, কিন্তু তাহার ভাল লাগিত তাহাতে সন্দেহ নাই। সে বোঝা না-বোঝায় মিশাইয়া আপন বাল্য-

হৃদয়ে নানা অপরূপ কল্পনাচিত্র আঁকিয়া লইত। নীরবে চক্ষু বিস্ফারিত করিয়া মন দিয়া শুনিত, মাঝে মাঝে এক একটা অত্যন্ত অসঙ্গত প্রশ্ন জিজ্ঞাসা করিত এবং কখন কখন অকস্মাৎ একটা অসংলগ্ন প্রশংসাস্তরে গিয়াও উপনীত হইত। শশিভূষণ তাহাতে কখনো কিছু বাধা দিত না—বড় বড় কাব্য সম্বন্ধে এই অতি ক্ষুদ্র সমালোচকের নিন্দা প্রশংসা টীকা ভাষ্য শুনিয়া সে বিশেষ আনন্দ লাভ করিত। সমস্ত পল্লীর মধ্যে এই গিরিবালাই তাহার একমাত্র সমজ-দার বন্ধু ।

গিরিবারা সহিত শশিভূষণের প্রথম পরিচয় যখন, তখন গিরির বয়স আট ছিল, এখন তাহার বয়স দশ হইয়াছে। এই দুই বৎসরে সে ইংরাজি ও বাঙ্গলা বর্ণমালা শিখিয়া দুই চারিটা সহজ বই পড়িয়া ফেলিয়াছে। এবং শশিভূষণের পক্ষেও পল্লিগ্রাম এই দুই বৎসর নিতান্ত সঙ্গবিহীন বিরস বলিয়া বোধ হয় নাই ।

তৃতীয় পরিচ্ছেদ ।

কিন্তু গিরিবারা বাপ হরকুমারের সহিত শশিভূষণের ভালরূপ বনিবনাও হয় নাই। হরকুমার প্রথম প্রথম এই এম্ এ, বি, এলের নিকট মকদ্দমা মামলা সম্বন্ধে পরামর্শ লইতে আসিত ; এম্ এ বি এল তাহাতে বড় একটা মনোযোগ করিত না, এবং আইন বিজ্ঞা সম্বন্ধে নায়েবের নিকট আপন অজ্ঞতা স্বীকার করিতে কুণ্ঠিত হইত না। নায়েব সেটাকে নিতান্তই ছল মনে করিত। এমন ভাবে বছর দুয়েক কাটিল ।

সম্প্রতি একটি অবাধ্য প্রজাকে শাসন করা আবশ্যিক হইয়াছে। নায়েব মহাশয় তাহার নামে ভিন্ন ভিন্ন জেলায় ভিন্ন ভিন্ন অপরাধ ও দাবীতে নাগিষ রুজু করিয়া দিবার অভিপ্রায় প্রকাশ করিয়া পরামর্শের জন্য শশিভূষণকে কিছু বিশেষ পীড়াপীড়ি করিয়া ধরিলেন। শশিভূষণ পরামর্শ দেওয়া দূরে থাক্ শাস্ত অথচ দৃঢ়ভাবে হরকুমারকে এমন গুটি দুই চারি কথা বলিলেন, যাহা তাহার কিছুমাত্র মিষ্ট বোধ হইল না।

এদিকে আবার প্রজার নামে একটি মকদ্দমাতেও হরকুমার জিতিতে পারিলেন না। তাঁহার মনে দৃঢ় ধারণা হইল শশিভূষণ উক্ত হতভাগ্য প্রজার সহায় ছিল। তিনি প্রতিজ্ঞা করিলেন এমন লোককে গ্রাম হইতে অবিলম্বে তাড়াইতে হইবে।

শশিভূষণ দেখিলেন তাঁহার ক্ষেতের মধ্যে পোক প্রবেশ করে, তাঁহার কলাইয়ের খোলায় আশুগ লাগিয়া যায়, তাঁহার সীমানা লইয়া বিবাদ বাধে, তাঁহার প্রজারা সহজে খাজনা দেয় না এবং উর্পিটয়া তাঁহার নামে মিথ্যা মকদ্দমা আনিবার উপক্রম করে, এমন কি, সন্ধ্যার সময় পথে বাহির হইলে তাঁহাকে মারিবে এবং রাত্রে তাঁহার বসন্ত ব্যাটিতে আশুগ লাগাইয়া দিবে এমন সকল জনশ্রুতিও শোনা যাইতে লাগিল।

অবশেষে শান্তিপ্ৰিয় নিরীহপ্রকৃতি শশিভূষণ গ্রাম ছাড়িয়া কলিকাতায় পালাইবার আয়োজন করিলেন।

যাত্রার উদ্যোগ করিতেছেন এমন সময়ে গ্রামে জয়েন্ট ম্যাজিস্ট্রেট সাহেবের তাঁবু পড়িল। বরুন্দাজ কনষ্টেবল খানসামা কুকুর ঘোড়া সহিস্ মেথরে সমস্ত গ্রাম চকল হইয়া উঠিল। ছেলের দল ব্যাঘ্রের অনুবর্তী

শৃগালের পালের স্নায় সাহেবের আড্ডার নিকটে সশঙ্কিত কৌতূহল সহকারে ঘুরিতে লাগিল।

নায়েব মহাশয় ষথারীতি আতিথ্য শিরে খরচ লিখিয়া সাহেবের মুগি আশু স্বত হুঙ্ক যোগাইতে লাগিলেন। জয়েন্ট সাহেবের যে পরিমাণে ঋণ আবশ্যক নায়েব মহাশয় তদপেক্ষা অনেক বেশী অক্ষুণ্ণ চিন্তে সরবরাহ করিয়াছিলেন কিন্তু প্রাতঃকালে সাহেবের মেথর আসিয়া যখন সাহেবের কুকুরের জন্ত একেবারে চারি সের স্বত আদেশ করিয়া বসিল তখন হুগ্রহবশতঃ সেটা তাঁহার সহ হইল না—মেথরকে উপদেশ দিলেন যে, সাহেবের কুক্তা যদিচ দেশি কুকুরের অপেক্ষা অনেকটা ঘি বিনা পরিভাগে হজম করিতে পারে তথাপি এতাদিক পরিমাণে স্নেহপদার্থ তাহার স্বাস্থ্যের পক্ষে কল্যাণজনক নহে। তাহাকে ঘি দিলেন না।

মেথর গিয়া সাহেবকে জানাইল যে, কুকুরের জন্ত মাংস কোথায় পাওয়া যাইতে পারে ইহাই সে নায়েবের নিকট সন্ধান লইতে গিয়াছিল কিন্তু সে জ্ঞাতিতে মেথর বলিয়া নায়েব অবজ্ঞাপূর্বক তাহাকে সর্বলোকসমক্ষে দূর করিয়া তাড়াইয়া দিয়াছে, এমন কি সাহেবের প্রতিও উপেক্ষা প্রদর্শন করিতে কুণ্ঠিত হয় নাই।

একে ব্রাহ্মণের জাত্যভিমান সাহেব লোকের সহজেই অসহ বোধ হয় তাহার উপর তাঁহার মেথরকে অপমান করিতে সাহস করিয়াছে ইহাতে ধৈর্য্য রক্ষা করা তাঁহার পক্ষে অসম্ভব হইয়া উঠিল। তৎক্ষণাৎ চাপরাশিকে আদেশ করিলেন—বোলাও নায়েবকো।

নায়েব কম্পাঙ্কিত কলেবরে হুগা নাম জপ করিতে করিতে সাহেবের তাম্বুর সম্মুখে ঋড়া

হইলেন। সাহেব তাষু হইতে মচ্ মচ্ শব্দে বাহির হইয়া আসিয়া নায়েবকে উচ্চ কণ্ঠে বিজাতীয় উচ্চারণে জিজ্ঞাসা করিলেন—টুমি কি কারণ বশটো আমার মেঠরকে ডুর করিয়াছে ?

হরকুমার শশব্যস্ত হইয়া করযোড়ে জানাইলেন, সাহেবের মেথরকে দূর করিতে পারেন এমন স্পর্ধা কখনই তাঁহাতে সম্ভবে না; তবে কিনা কুকুরের জন্ত একেবারে চারি সের ঘি চাহিয়া বসাতে প্রথমে তিনি উক্ত চতুস্পদের মঙ্গলার্থে মূহুভাবে আপত্তি প্রকাশ করিয়া পরে স্বত সংগ্রহ করিয়া আনিবার জন্ত ভিন্ন ভিন্ন স্থানে লোক পাঠাইয়াছেন।

সাহেব জিজ্ঞাসা করিলেন কাহাকে পাঠানো হইয়াছে এবং কোথায় পাঠানো হইয়াছে।

হরকুমার তৎক্ষণাৎ যেমন মুখে আসিল নাম করিয়া দিলেন। সেই সেই নামীয় লোকগণ সেই সেই গ্রামে স্বত আনিবার জন্ত গিয়াছে কি না সন্ধান করিতে অতি সত্বর লোক পাঠাইয়া দিয়া সাহেব নায়েবকে তাষুতে বসাইয়া রাখিলেন।

দূতগণ অপরাহ্নে ফিরিয়া আসিয়া সাহেবকে জানাইল স্বতসংগ্রহের জন্ত কেহ কোথাও যায় নাই। নায়েবের সমস্ত কথাই মিথ্যা এবং মেথর যে সত্য বলিয়াছে তাহাতে আর হাকিমের সন্দেহ রহিল না। তখন জয়েন্ট সাহেব ক্রোধে গর্জ্জন করিয়া মেথরকে ডাকিয়া কহিলেন, এই ঞ্জালকের কর্ণ ধরিয়া তাষুর চারি ধারে ঘোড়দৌড় করাও। মেথর আর কালবিলম্ব না করিয়া চতুর্দিকের লোকারণ্যের মধ্যে সাহেবের আদেশপালন করিল।*

* খুলনার মাজিষ্ট্রেট কর্তৃক মুহুরি মারার বহুপূর্বে এই গল্প রচিত হইয়াছে। বেল সাহেবের সহদয় বদান্ততার বৃত্তান্ত আমরা অনেক অবগত আছি; তাঁহার স্নায় উদার প্রকৃতি ব্যক্তির বিরুদ্ধে কটাক্ষপাত করা আমাদের উদ্দেশ্য নহে।

দেখিতে দেখিতে কথাটা ঘরে ঘরে রাষ্ট্র হইয়া গেল, হরকুমার গৃহে আসিয়া আহার ত্যাগ করিয়া মুমূর্ষু বৎ পড়িয়া রহিলেন ।

জমিদারী কার্য উপলক্ষে নায়েবের শত্রু বিস্তার ছিল তাহার। এই ঘটনায় অত্যন্ত আনন্দলাভ করিল কিন্তু কলিকাতায় গমনোচ্ছত শশিভূষণ যখন এই সংবাদ শুনিলেন তখন তাঁহার সর্বাস্বের রক্ত উত্তপ্ত হইয়া উঠিল । সমস্ত রাত্রি তাঁহার নিদ্রা হইল না ।

পরদিন প্রাতে তিনি হরকুমারের বাড়িতে গিয়া উপস্থিত হইলেন, হরকুমার তাঁহার হাত ধরিয়া ব্যাকুলভাবে কাঁদিতে লাগিলেন । শশিভূষণ কহিলেন, সাহেবের নামে মানহানির মোকদ্দমা আনিতে হইবে, আমি তোমার উকীল হইয়া লড়িব ।

স্বয়ং ম্যাজিস্ট্রেট সাহেবের নামে মোকদ্দমা আনিতে হইবে শুনিয়া হরকুমার প্রথমটা ভীত হইয়া উঠিলেন—শশিভূষণ কিছুতেই ছাড়িলেন না ।

হরকুমার বিবেচনা করিতে সময় লইলেন । কিন্তু যখন দেখিলেন কথাটা চারিদিকে রাষ্ট্র হইয়াছে, এবং শত্রুগণ আনন্দ প্রকাশ করিতেছে তখন তিনি আর থাকিতে পারিলেন না, শশিভূষণের শরণাপন্ন হইলেন—কহিলেন, বাপু শুনিলাম তুমি অকারণে কলিকাতায় যাইবার আয়োজন করিতেছ সে ত কিছুতেই হইতে পারিবে না । তোমার মত একজন লোক গ্রামে থাকিলে আমাদের সাহস কত থাকে । যাহা হউক আমাকে এই ঘোর অপমান হইতে উদ্ধার করিতে হইবে ।

চতুর্থ পরিচ্ছেদ ।

যে শশিভূষণ চিরকাল লোকচক্ষুর অন্তরালে নিভৃত নির্জনতার মধ্যে আপনাকে রক্ষা করিবার চেষ্টা করিয়া আসিয়াছেন, তিনি আজ আদালতে আসিয়া হাজির হইলেন । ম্যাজিস্ট্রেট তাঁহার নালিশ শুনিয়া তাঁহাকে প্রাইভেট কাম্বার মধ্যে ডাকিয়া লইয়া অত্যন্ত খাতির করিয়া কহিলেন, শশিবাবু এ মোকদ্দমাটা গোপনে মিটমাট করিয়া ফেলিলে ভাল হয় নাকি !

শশিবাবু টেবিলের উপস্থিত একধানি আইন গ্রন্থের মলাটের উপর তাঁহার কুক্ষিতক্ক ক্ষীণদৃষ্টি অত্যন্ত নিবিষ্টভাবে রক্ষা করিয়া কহিলেন, আমার মস্তেলে আমি এরূপ পরামর্শ দিতে পারি না । তিনি প্রকাশ্যভাবে অপমানিত হইয়াছেন, গোপনে ইহার মিটমাট হইবে কি করিয়া ।

সাহেব দুইচারি কথা কহিয়া বুঝিলেন এই স্বল্পভাষী স্বল্পদৃষ্টি লোকটিকে সহজে বিচলিত করা সম্ভব নহে, কহিলেন, অলরাইট বাবু, দেখা যাউক কতদূর কি হয় ।

এই বলিয়া ম্যাজিস্ট্রেট সাহেব মোকদ্দমার দিন ফিরাইয়া দিয়া মফস্বল ভ্রমণে বাহির হইলেন ।

এদিকে জয়েন্ট সাহেব জমিদারকে পত্র লিখিলেন, তোমার নায়েব আমার তৃত্যঙ্গিকে অপমান করিয়া আমার প্রতি অবজ্ঞা প্রকাশ করে, আশা করি তুমি ইহার সমুচিত প্রতিকার করিবে ।

জমিদার শশব্যস্ত হইয়া তৎক্ষণাৎ হরকুমারকে তলব করিলেন । নায়েব আছোপাস্ত সমস্ত ঘটনা খুলিয়া বলিলেন । জমিদার

অত্যন্ত বিরক্ত হইয়া কহিলেন, সাহেবের মেথর যখন চারিসের খি চাহিল তুমি বিনা বাক্যব্যয়ে তৎক্ষণাৎ কেন দিলে না ? তোমার কি বাপের কড়ি লাগিত ?

হরকুমার অস্বীকার করিতে পারিলেন না যে, ইহাতে তাঁহার পৈতৃক সম্পত্তির কোনরূপ ক্ষতি হইত না। অপরাধ স্বীকার করিয়া কহিলেন, আমার গ্রহ মন্দ তাই এমন জরুরী কিছু ঘটিয়াছিল।

অমিদার কহিলেন, তাহার পর আবার সাহেবের নামে নাগিশ করিতে তোমাকে কে বলিল ?—

হরকুমার কহিলেন, ধর্ম্মাবতার, নাগিশ করিবার ইচ্ছা আমার ছিল না ; ঐ আমাদের গ্রামের শশি, তাহার কোথাও কোন মোকদ্দমা জোটে না, সে ছোঁড়া নিতান্ত জোর করিয়া প্রায় আমার সম্মতি না লইয়াই এই হেঙ্গামা বাধাইয়া বসিয়াছে।

শুনিয়া অমিদার শশিভূষণের উপর অত্যন্ত জুড় হইয়া উঠিলেন। বুঝিলেন, লোকটা অপদার্থ নব্য উকীল, কোন ছুতায় একটা হজুক তুলিয়া সাধারণের সমক্ষে পরিচিত হইবার চেষ্টায় আছে। নায়েবকে হুকুম করিয়া দিলেন মকদ্দমা তুলিয়া লইয়া যেন অবিলম্বে ছোট বড় ম্যাজিস্ট্রেট যুগলকে ঠাণ্ডা করা হয়।

নায়েব সাহেবের জন্ত কিঞ্চিৎ ফগমূল শীতলভোগ উপহার লইয়া জয়েন্ট ম্যাজিস্ট্রেটের বাসায় গিয়া হাজির হইলেন। সাহেবকে জানাইলেন সাহেবের নামে মকদ্দমা করা তাঁহার আদৌ স্বভাববিরুদ্ধ, কেবল শশিভূষণ নামে গ্রামের একটি অজ্ঞাতশ্রম অপোগণ্ড অর্কাটীন উকীল তাঁহাকে এক প্রকার না জানাইয়া এইরূপ স্পর্কার কাজ করিয়াছে। সাহেব শশিভূষণের প্রতি অত্যন্ত বিরক্ত এবং

নায়েবের প্রতি বড় সন্তুষ্ট হইলেন এবং কহিলেন রাগের মাথায় নায়েব বাবুকে “ডু বিটান” করিয়া তিনি “ডু: থিট্” আছেন। সাহেব বাঙ্গালা ভাষার পরীক্ষায় সম্প্রতি পুরস্কার লাভ করিয়া সাধারণের সহিত সাধু-ভাষায় বাক্যালাপ করিয়া থাকেন।

নায়েব কহিলেন, মা বাপ কখনো বা রাগ করিয়া শাস্তিও দিয়া থাকেন কখনও বা আদর করিয়া কোলেও টানিয়া লন, ইহাতে সন্তানের বা মা বাপের হৃৎখের কোন কারণ নাই।

অতঃপর জয়েন্ট সাহেবের সমস্ত ভৃত্য-বর্গকে যথাযোগ্য পারিতোষিক দিয়া হরকুমার মক্ষয়লে ম্যাজিস্ট্রেট সাহেবের সহিত দেখা করিতে গেলেন। ম্যাজিস্ট্রেট তাহার মুখে শশিভূষণের স্পর্কার কথা শুনিয়া কহিলেন, আমিও আশ্চর্য্য হইতেছিলাম যে, নায়েব বাবুকে বরাবর ভাল লোক বলিয়া জানিতাম, তিনি যে সর্ব্বগ্রহে আমাকে জানাইয়া গোপনে মিটমাট্ না করিয়া হঠাৎ মোকদ্দমা আনিবেন একি অসম্ভব ব্যাপার! এখন সমস্ত বুঝিতে পারিতেছি।

অবশেষে নায়েবকে জিজ্ঞাসা করিলেন, শশি কনগ্রেসে যোগ দিয়াছেন কি না। নায়েব অস্মানমুখে বলিলেন হাঁ।

সাহেব তাঁহার সাহেবী বুদ্ধিতে স্পষ্টই বুঝিতে পারিলেন, এ সমস্তই কনগ্রেসের চাল। একটা পাকচক্র বাধাইয়া অমৃতবাজারে প্রবন্ধ লিখিয়া গবর্নমেন্টের সহিত পিটিমিট্ করিবার জন্ত কনগ্রেসের ক্ষুদ্র ক্ষুদ্র চেলাগণ লুঙ্কায়িত-ভাবে চতুর্দিকে অবসর অনুসন্ধান করিতেছে। এই সকল ক্ষুদ্র কণ্টকগণকে একদমে দলন করিয়া ফেলিবার জন্ত ম্যাজিস্ট্রেটের হস্তে অধিকতর সরাসরি ক্ষমতা দেওয়া হয় নাই বলিয়া সাহেব ভারতবর্ষীয় গবর্নমেন্টকে অত্যন্ত

হুৰ্ক্ষপ গবমেণ্ট বলিয়া মনে মনে ধিক্কার দিলেন। কিন্তু কনগ্রেস্‌ওয়াল শশিভূষণের নাম ম্যাজিষ্ট্রেটের মনে রহিল।

—:~:—

পঞ্চম পরিচ্ছেদ ।

—:~:~:~:—

সংসারে বড় বড় ব্যাপারগুলি যখন প্রবল-ভাবে গজাইয়া উঠিতে থাকে তখন ছোট ছোট ব্যাপারগুলিও ক্ষুধিত ক্ষুধিত শিকড়জাল লইয়া জগতের উপর আপন দাবী বিস্তার করিতে ছাড়েন না।

শশিভূষণ যখন এই ম্যাজিষ্ট্রেটের হাঙ্গামা লইয়া বিশেষ ব্যস্ত, যখন বিস্তৃত পুঁথিপত্র হইতে আইন উদ্ধার করিতেছেন, মনে মনে বক্তৃতায় শান দিতেছেন, কল্পনায় সাক্ষীকে জেরা করিতে বসিয়া গিয়াছেন ও প্রকাশ আদালতের লোকারণ্য দৃশ্য এবং এই যুদ্ধপর্কের ভাবী পরীক্ষায়গুলি মনে আনিয়া ক্ষণে ক্ষণে কল্পিত ও ঘর্নাস্ত হইয়া উঠিতেছেন, তখন তাঁহার ক্ষুদ্র ছাত্রীটি তাহার ছিন্নপ্রায় চারুপাঠ ও মসীখচিত্র লিপিবার খাতা, বাগান হইতে কখন ফুল কখন ফল, মাতৃভাণ্ডার হইতে কোন দিন আচার, কোন দিন নারিকেলের মিষ্টান্ন, কোনদিন পাতায় মোড়া কেতকী-কেশর-স্নগন্ধি গৃহনির্মিত খয়ের আনিয়া নিয়মিত সময়ে তাঁহার দ্বারে আসিয়া উপস্থিত হইত।

প্রথম দিনকতক দেখিল শশিভূষণ একখানা চিত্রহীন প্রকাণ্ড কঠোরমূর্তি গ্রন্থ খুলিয়া অস্ত্র-মনস্ক ভাবে পাত উন্টাইতেছেন, সেটা যে মনোযোগ দিয়া পাঠ করিতেছেন তাহাও বোধ না। অল্প সময়ে শশিভূষণ যে সকল

গ্রন্থ পড়িতেন; তাহার মধ্য হইতে কোন না কোন অংশ গিরিবালাকে বুঝাইবার চেষ্টা করিতেন, কিন্তু ঐ স্থূল কায় কালো মলাটের পুস্তক হইতে গিরিবালাকে শুনাইবার যোগ্য কি ছুটো কথাও ছিল না? তা না থাক্, তাই বলিয়া ঐ বই খানা কি এতই বড়, আর গিরি-বালা কি এতই ছোট?

প্রথমটা গুরু মনোযোগ আকর্ষণের জন্ত গিরিবালা স্থর করিয়া বানান করিয়া বেণী-সম্মত দেহের উত্তমার্দি সবেগে দুলাইতে দুলাইতে উচ্চৈঃস্বরে আপনিই পড়া আরম্ভ করিয়া দিল। দেখিল তাহাতে বিশেষ ফল হইল না। কালো মোটা বইখানার উপর মনে মনে অত্যন্ত চটিয়া গেল। ওটাকে একটা কুংসিত কঠোর নিষ্ঠুর মানুষের মত করিয়া দেখিতে লাগিল। ওই বইখানা যে গিরিবালাকে বালিকুল বলিয়া সম্পূর্ণ অবজ্ঞা করে তাহা যেন তাহার প্রত্যেক হুর্ক্ষোধ পাতা দুই মানুষের মুখের মত আকার ধারণ করিয়া নীরবে প্রকাশ করিতে লাগিল। সেই বইখানা যদি কোন চোরে চুরি করিয়া লইয়া যাইত, তবে সেই চোরকে সে তাহার মাতৃভাণ্ডারের সমস্ত কেয়াখয়ের চুরি করিয়া পুরস্কার দিতে পারিত। সেই বই-খানার বিনাশের জন্ত সে মনে মনে দেবতার নিকট যে সকল অসম্ভব ও অসম্ভব প্রার্থনা করিয়াছিল তাহা দেবতার শুনেন নাই এবং পাঠকদিগকেও শুনাইবার কোন আবশ্যক দেখি না।

তখন ব্যথিতহৃদয় বালিকা দুই একদিন চারুপাঠ হস্তে গুরু গৃহে গমন বন্ধ করিল। এবং সেই দুই একদিন পরে এই বিচ্ছেদের ফল পরীক্ষা করিয়া দেখিবার জন্ত সে অল্প ছলে শশিভূষণের গৃহসম্মুখবর্তী পথে আসিয়া কটাক্রপাত করিয়া দেখিল শশিভূষণ সেই

কালো বইখানা ফেলিয়া একাকী দাঁড়াইয়া হাত নাড়িয়া লোহার গরাদেগুলার প্রতি বিজাতীয় ভাষায় বক্তৃতা প্রয়োগ করিতেছেন। বোধ করি; বিচারকের মন কেমন করিয়া গলাইরেন এই লোহাগুলার উপর তাহার পরীক্ষা হইতেছে। সংসারে অনভিজ্ঞ, গ্রন্থ-বিহারী শশিভূষণের ধারণা ছিল যে, পুরাকালে ডিম্বস্থিনীস, সিসিরো, বার্ক, শেরিডন, প্রভৃতি বাগ্মিগণ বাক্যবলে যে সকল অসামান্য কার্য করিয়া গিয়াছেন; যেরূপ শব্দভেদী শর-বর্ষণে অস্ত্রায়কে ছিন্নভিন্ন, অত্যাচারকে লাহিত এবং অহঙ্কারকে শূলশায়ী করিয়া দিয়াছেন আজিকার দোকানদারীর দিনেও তাহা অসম্ভব নহে। প্রভুস্বয়মদগর্ভিত উদ্ধত ইংরাজকে কেমন করিয়া তিনি জগৎ সমক্ষে লজ্জিত ও অনুতপ্ত করিবেন তিলকুটি গ্রামের জীর্ণ ক্ষুদ্র গৃহে দাঁড়াইয়া শশিভূষণ তাহারই চর্চা করিতে-ছিলেন। আকাশের দেবতারা শুনিয়া হাসিয়া-ছিলেন কি তাঁহাদের দেবচক্ষু অশ্রুসিক্ত হইতে-ছিল তাহা কেহ বলিতে পারে না।

সুতরাং সে দিন গিরিবালা-তাঁহার দৃষ্টিপথে পড়িল না। সে দিন বালিকার অঞ্চলে জাম ছিল না; পূর্বে একবার জামের আঁটি ধরা পড়িয়া অবধি ঐ ফল সম্বন্ধে সে অত্যন্ত সঙ্কুচিত ছিল। এমন কি, শশিভূষণ যদি কোন দিন নিরীহভাবে জিজ্ঞাসা করিত “গিরি, আজ জাম নেই,” সে সেটাকে গূঢ় উপহাস জ্ঞান করিয়া সঙ্কোচে “বাঃ ও” বলিয়া তর্জন করিয়া পলায়নের উপক্রম করিত। জামের আঁটির অভাবে আজ তাহাকে একটা কৌশল অবলম্বন করিতে হইল। সহসা দুয়ের দিকে দৃষ্টিক্ষেপ করিয়া বালিকা উচ্চৈঃস্বরে বলিয়া উঠিল—“স্বর্ণ, ভাই, তুই যা মনে, আমি এখনি যাচ্ছি।”

পুরুষ পাঠক মনে করিতে পারেন যে, কথাটা স্বর্ণলতা নামক কোন দূরবর্তিনী সঙ্গিনীকে লক্ষ্য করিয়া উচ্চারিত; কিন্তু পাঠিকারা সহজেই বুঝিতে পারিবেন, দূরে কেহই ছিল না, লক্ষ্য অত্যন্ত নিকট! কিন্তু হায়, অন্ধ পুরুষের প্রতি সে লক্ষ্য ভ্রষ্ট হইয়া গেল। শশিভূষণ যে, শুনিতে পান নাই, তাহা নহে, তিনি তাহার মর্শ্বগ্রহণ করিতে পারিলেন না। তিনি মনে করিলেন, বালিকা সত্যই ক্রীড়ার জন্ত উৎসুক—এবং সে দিন তাহাকে খেলা হইতে অধ্যয়নে আকর্ষণ করিয়া আনিতে তাঁহার অধ্যবসায় ছিল না—কারণ তিনিও সে দিন কোন কোন হৃদয়ের দিকে লক্ষ্য করিয়া তীক্ষ্ণ শর সন্ধান করিতেছিলেন। বালিকার ক্ষুদ্র হস্তের সামান্য লক্ষ্য যেমন ব্যর্থ হইয়াছিল তাঁহার শিক্ষিত হস্তের মহৎ লক্ষ্যও সেইরূপ ব্যর্থ হইয়াছিল পাঠকেরা সে সংবাদ পূর্বেই অবগত হইয়াছেন।

জামের আঁটির একটা গুণ এই যে, একে একে অনেকগুলি নিক্ষেপ করা যায়, চারিটি নিষ্ফল হইলে অন্ততঃ পঞ্চমটি ঠিক স্থানে গিয়া লাগিতে পারে। কিন্তু, স্বর্ণ হাজার কাল্পনিক হোক, তাহাকে “এখনি যাচ্ছি” আশা দিয়া অধিকক্ষণ দাঁড়াইয়া থাকা যায় না। থাকিলে স্বর্ণের অস্তিত্ব সম্বন্ধে লোকের স্বভাবতই সন্দেহ জন্মিতে পারে। সুতরাং সে উপায়টি যখন নিষ্ফল হইল তখন গিরিবালাকে অবিলম্বে চলিয়া যাইতে হইল। তথাপি, স্বর্ণনাম্নী কোন দূরস্থিত সহচরীর সঙ্গ লাভ করিবার অভিলাষ আন্তরিক হইলে যেরূপ সবেগে উৎসাহের সহিত পাদচারণা করা স্বাভাবিক হইত, গিরিবালায় গতিতে তাহা লক্ষিত হইল না। সে যেন তাহার পৃষ্ঠ দিয়া অনুভব করিবার চেষ্টা করিতেছিল পশ্চাতে কেহ

আসিতেছে কি না; যখন নিশ্চয় বুঝিল কেহ আসিতেছে না, তখন আশার শেষতম স্তম্ভতম ভগ্নাংশটুকু লইয়া একবার পশ্চাৎ ফিরিয়া চাহিয়া দেখিল, এবং কাহাকেও না দেখিয়া সেই ক্ষুদ্র আশাটুকু এবং শিখিলপত্র চাকুপাঠখানি খণ্ড খণ্ড করিয়া ছিড়িয়া পথে ছড়াইয়া দিল। শশিভূষণ তাহাকে যে বিজ্ঞাটুকু দিয়াছে সেটুকু যদি কোন মতে ফিরাইয়া দিতে পারিত, তবে বোধ হয় পরিত্যক্ত জামের আঁটির মত সে সমস্তই শশিভূষণের ঘাবের সম্মুখে সশঙ্কে নিক্ষেপ করিয়া দিয়া চলিয়া আসিত। বালিকা প্রতিজ্ঞা করিল দ্বিতীয় বার শশিভূষণের সহিত দেখা হইবার পূর্বেই সে সমস্ত পড়াশুনা ভুলিয়া যাইবে—তিনি যে প্রশ্ন জিজ্ঞাসা করিবেন তাহার কোনটিরই উত্তর দিতে পারিবে না! একট, একট, একটিরও না! তখন শশিভূষণ অত্যন্ত জ্বল হইবে।

গিরিবালায় দুই চক্ষু জলে ভরিয়া আসিল। পড়া ভুলিয়া গেলে শশিভূষণের যে বিরূপ তীব্র অনুভূতাপের কারণ হইবে তাহা মনে করিয়া সে পীড়িত হৃদয়ে কিঞ্চিৎ সাশ্বনা লাভ করিল, এবং কেবল মাত্র শশিভূষণের দোষে বিশ্বতশিক্ষা সেই হতভাগিনী ভবিষ্যৎ গিরিবালাকে কল্পনা করিয়া তাহার নিজের প্রতি করুণারস উজ্জ্বলিত হইয়া উঠিল। আকাশে মেঘ করিতে লাগিল; বর্ষাকালে এমন মেঘ প্রতিদিন করিয়া থাকে। গিরিবালা পথের প্রান্তে একটা গাছের আড়ালে দাঁড়াইয়া অভিমানে ফুলিয়া ফুলিয়া কাঁদিতে লাগিল; এমন অকারণ কান্না প্রতিদিন কত বালিকা কাঁদিয়া থাকে! উহার মধ্যে লক্ষ্য করিবার বিষয় কিছুই ছিল না।

ষষ্ঠ পরিচ্ছেদ ।

—:~:—

শশিভূষণের আইন স্বকীয় পবেষণা এবং বক্তৃতা-চর্চা কি কারণে ব্যর্থ হইয়া গেল তাহা পাঠকদের অপোচর নাই। ম্যাজিস্ট্রেটের নামে মকদ্দমা অকস্মাৎ মিটিয়া গেল। হরকুমার তাঁহাদের জেলায় বেঞ্চ অনরাঙ্গি ম্যাজিস্ট্রেট নিযুক্ত হইলেন। একখানা মলিন চাপকান ও তৈলাক্ত পাগড়ি পরিয়া হরকুমার আজকাল প্রায়ই জেলায় গিয়া সাহেব সুবাদিগকে নিয়মিত সেলাম করিয়া আসেন।

শশিভূষণের সেই কালো মোটা বইখানার প্রতি এতদিন পরে গিরিবালায় অভিলাষ ফলিতে আরম্ভ করিল; সে একটি অঙ্ককার কোণে নির্কাসিত হইয়া অনাদৃত বিশ্বতভাবে ধূলিতর সংগ্রহে প্রবৃত্ত হইল। কিন্তু তাহার অনাদর দেখিয়া যে বালিকা আনন্দ লাভ করিবে সেই গিরিবালা কোথায়!

শশিভূষণ যে দিন প্রথম আইনের গ্রন্থ বন্ধ করিয়া বসিলেন সেই দিনই হঠাৎ বুঝিতে পারিলেন গিরিবালা আসে নাই। তখন একে একে কয় দিনের ইতিহাস অল্পে অল্পে তাঁহার মনে পড়িতে লাগিল। মনে পড়িতে লাগিল একদিন উজ্জল প্রভাতে গিরিবালা অঞ্চল ভরিয়া নববর্ষার আর্দ্র বকুলফুল আনিয়াছিল। তাহাকে দেখিয়াও যখন তিনি গ্রন্থ হইতে দৃষ্টি তুলিলেন না, তখন তাহার উজ্জ্বল সূক্ষ্ম বাধা পড়িল। সে তাহার অঞ্চলবিন্দু একটা সূঁচ সূতা বাহির করিয়া নতশিরে একটি একটি করিয়া স্কুল লইয়া মালা গাঁথিতে লাগিল—মালা অত্যন্ত ধীরে ধীরে গাঁথিল, অনেক বিলম্বে শেষ হইল—বেলা হইয়া আসিল, গিরিবালায় ঘরে ফিরাবার সময় হইল, তথাপি শশিভূষণের

পড়া শেষ হইল না। গিরিবালা মালাটা তক্ত-
পোষের উপর রাখিয়া ম্লানভাবে চলিয়া গেল।
মনে পড়িল, তাহার অভিমান প্রতিদিন কেমন
করিয়া ঘনীভূত হইয়া উঠিল; কবে হইতে সে
তাঁহার ঘরে প্রবেশ না করিয়া ঘরের সম্মুখবর্তী
পথে মধ্যে মধ্যে দেখা দিত এবং চলিয়া যাইত;
অবশেষে কবে হইতে বালিকা সেই পথে
আসাও বন্ধ করিয়াছে। সেও ত আজ কিছু-
দিন হইল। গিরিবালার অভিমান ত এতদিন
স্থায়ী হয় না। শশিভূষণ একটা দীর্ঘনিশ্বাস
ফেলিয়া হতবুদ্ধি হতকর্ষের মত দেয়ালে পিঠ
দিয়া বসিয়া রহিলেন। ক্ষুদ্র ছাত্রীটি না
আসাতে তাঁহার পাঠ্য গ্রন্থগুলি নিতান্ত বিষাদ
হইয়া আসিল। বই টানিয়া টানিয়া লইয়া
ছই চারি পাতা পড়িয়া ফেলিয়া দিতে হয়।
লিখিতে লিখিতে ক্ষণে ক্ষণে সচকিতে পথের
দিকে ঘরের অভিমুখে প্রতীক্ষাপূর্ণ দৃষ্টি নিক্ষেপ
হইতে থাকে এবং লেখা ভঙ্গ হয়।

শশিভূষণের আশঙ্কা হইল গিরিবালার
অস্থখ হইয়া থাকিবে। গোপনে সন্ধান লইয়া
জানিলেন সে আশঙ্কা অমূলক। গিরিবালা
আজকাল আর ঘর হইতে বাহির হয় না।
তাহার অন্ত পাত্র স্থির হইয়াছে।

গিরি যে দিন চারুপাঠের ছিন্নখণ্ডে গ্রামের
পঙ্কিল পথ বিকীর্ণ করিয়াছিল তাহার পরদিন
প্রত্যবে ক্ষুদ্র অঞ্চলে বিচিত্র উপহার সংগ্রহ
করিয়া দ্রুতপদে ঘর হইতে বাহির হইয়া
আসিতেছিল। অতিশয় গ্রীষ্ম হওয়াতে নিদ্রা-
হীন রাত্রি অতিবাহন করিয়া হরকুমার ভোর-
বেলা হইতে বাহিরে বসিয়া গা ঝুলিয়া তামাক
পাইতেছিলেন। গিরিকে জিজ্ঞাসা করিলেন,
কোথায় যাচ্চিস্? গিরি কহিল “শশি দাদার
বাড়ি!” হরকুমার ধমক দিয়া কহিলেন,
“শশি দাদার বাড়ি যেতে হবে না ঘরে যা!”

এই বলিয়া আসন্ন-শব্দ-গৃহবাস বয়ঃপ্রাপ্ত
কন্তার লজ্জার অভাব সঙ্কে বিস্তর তিরস্কার
করিলেন। সেই দিন হইতে তাহার বাহিরে
আসা বন্ধ হইয়াছে। এবার আর তাহার
অভিমান ভঙ্গ করিবার অবসর জুটিল না।
আমসব্ব, কেয়াখয়ের এবং জারকনেবু ভাণ্ডারের
যথাস্থানে স্থিরিয়া গেল। বৃষ্টি পড়িতে লাগিল,
বকুল ফুল ঝরিতে লাগিল, গাছ ভরিয়া পেয়ারা
পাকিয়া উঠিল এবং শাখাশূলিত পক্ষীচক্ষুক্ষত
স্বপক কালোজামে তরুতল প্রতিদিন সমাচ্ছন্ন
হইতে লাগিল। হ.য়, সেই ছিন্নপ্রায় চারুপাঠ-
খানিও আরও নাই!

সপ্তম পরিচ্ছেদ।

—:***:—

গ্রামে গিরিবালার বিবাহে যে দিন শানাই
বাজিতেছিল সে দিন অনিমন্ত্রিত শশিভূষণ
নোকা করিয়া কলিকাতা অভিমুখে চলিতে-
ছিলেন।

মকদমা উঠাইয়া লওয়া অবধি হরকুমার
শশিকে বিষচক্ষে দেখিতেন। কারণ, তিনি
মনে মনে স্থির করিয়াছিলেন, শশি তাঁহাকে
নিশ্চয় স্বর্ণা করিতেছে। শশির মুখে চখে
ব্যবহারে তিনি তাহার সহস্র কাল্পনিক
নিদর্শন দেখিতে লাগিলেন। গ্রামের সকল
লোকেই তাঁহার অপমান বৃত্তান্ত ক্রমশঃ
বিস্তৃত হইতেছে, কেবল শশিভূষণ একাকী সেই
হুঃস্বৃতি জাগাইয়া রাখিয়াছেন মনে করিয়া
তিনি তাঁহাকে ছই চক্ষে দেখিতে পারিতেন
না। তাহার সহিত সাক্ষাৎ হইবামাত্র তাঁহার
অন্তঃকরণের মধ্যে একটুখানি সলজ্জ সঙ্কোচ
এবং সেই সঙ্গে প্রবল আক্রোশের সঞ্চার

হইত। শশিকে গ্রামছাড়া করিতে হইবে বলিয়া হরকুমার প্রতিজ্ঞা করিয়া বসিলেন।

শশিভূষণের মত লোককে গ্রামছাড়া করা কাজটা তেমন দুর্লভ নহে। নামের মহাশয়ের অভিপ্রায় অনতিবিলম্বে সফল হইল। একদিন সকাল বেলা পুস্তকের বোঝা এবং গুটিতুইচার টিনের বাক্স সঙ্গে লইয়া শশি নৌকায় চড়িলেন। গ্রামের সহিত তাঁহার যে একটি সুখের বন্ধন ছিল সেও আজ সমারোহ সহকারে ছিন্ন হইতেছে। সুকোমল বন্ধনটি যে কত দৃঢ়ভাবে তাঁহার হৃদয়কে বেঁধে রাখিয়া ধরিয়াছিল তাহা তিনি পূর্বে সম্পূর্ণরূপে জানিতে পারেন নাই। আজ যখন নৌকা ছাড়িয়া দিল, গ্রামের বৃক্ষচূড়াগুলি অস্পষ্ট এবং উৎসবের বাস্তবনি ক্ষীণতর হইয়া আসিল, তখন সহসা অশ্রুবাষ্পে হৃদয় স্ফীত হইয়া উঠিয়া তাঁহার কণ্ঠরোধ করিয়া ধরিল, রক্তোচ্ছ্বাসবেগে কপালের শিরাগুলি টন টন করিতে লাগিল; এবং জগৎসংসারের সমস্ত দৃশ্য ছায়া-নির্মিত মায়া-মরীচিকার মত অত্যন্ত অস্পষ্ট প্রতিভাত হইল।

প্রতিকূল বাতাস অতিশয় বেগে বহিতেছিল, সেই জন্ত শ্রোত অল্পকূল হইলেও নৌকা ধীরে ধীরে অগ্রসর হইতেছিল। এমন সময়ে নদীর মধ্যে এক কাণ্ড ঘটিল যাহাতে শশিভূষণের যাত্রার ব্যাঘাত করিয়া দিল।

ষ্টেশন ঘাট হইতে সদর মহকুমা পর্যন্ত একটি নূতন ষ্টীমার লাইন সম্প্রতি খুলিয়াছে। সেই ষ্টীমারটি সশব্দে পক্ষ সঞ্চালন করিয়া টেউ তুলিয়া উজানে আসিতেছিল। জাহাজে নূতন লাইনের অল্পবয়স্ক ম্যানেজার সাহেব এবং অল্প সংখ্যক যাত্রী ছিল। যাত্রীদের মধ্যে শশিভূষণের গ্রাম হইতেও কেহ কেহ উঠিয়াছিল।

একটি মহাজনের নৌকা কিছু দূর হইতে

এই ষ্টীমারের সহিত পাল্লা দিয়া আসিতে চেষ্টা করিতেছিল, আবার মাঝে মাঝে ধরিধরি করিতেছিল, আবার মাঝে মাঝে পশ্চাতে পড়িতেছিল। মাস্কির ক্রমশঃ রোধ চাপিয়া গেল। সে প্রথম পালের উপর দ্বিতীয় পাল এবং দ্বিতীয় পালের উপরে ক্ষুদ্র তৃতীয় পালটা পর্যন্ত তুলিয়া দিল। বাতাসের বেগে সুদীর্ঘ মাস্তুল সম্মুখে আনত হইয়া পড়িল, এবং বিদীর্ণ তরঙ্গরাশি অটকল-স্বরে নৌকার দুই পার্শ্বে উন্নতভাবে নৃত্য করিতে লাগিল। নৌকা তখন ছিন্নবস্ত্রা অশ্রের শ্রায় ছুটিয়া চলিল। এক স্থানে ষ্টীমারের পথ কিঞ্চিৎ বাঁকা ছিল, সেইখানে সংক্ষিপ্ততর পথ অবলম্বন করিয়া নৌকা ষ্টীমারকে ছাড়াইয়া গেল। ম্যানেজার সাহেব আগ্রহভরে রেলের উপর ঝুঁকিয়া নৌকার এই প্রতিযোগিতা দেখিতেছিল। যখন নৌকা তাহার পূর্ণতম বেগ প্রাপ্ত হইয়াছে, এবং ষ্টীমারকে হাত দুয়েক ছাড়াইয়া গিয়াছে এমন সময়ে সাহেব হঠাৎ একটা বন্দুক তুলিয়া স্ফীত পাল লক্ষ্য করিয়া আওয়াজ করিয়া দিল। এক মুহূর্তে পাল ফাটিয়া গেল, নৌকা ডুবিয়া গেল, ষ্টীমার নদীর বাকের অন্তরালে অদৃশ্য হইয়া গেল।

ম্যানেজার কেন যে এমন করিল তাহা বলা কঠিন। ইংরাজ-নন্দনের মনের ভাব আমরা বাঙ্গালী হইয়া ঠিক বুঝিতে পারি না। হয়ত দিশী পালের প্রতিযোগিতা সে সহ্য করিতে পারেন নাই, হয়ত একটা স্ফীত বিস্তীর্ণ পদার্থ বন্দুকের গুলির দ্বারা চক্ষের পলকে বিদীর্ণ করিবার একটা হিংস্র প্রলোভন আছে, হয়ত এই গর্কিত নৌকাটার বস্ত্রবণ্ডের মধ্যে গুটিকয়েক ফুটা করিয়া নিমেষের মধ্যে ইহার নৌকা-লীলা সমাপ্ত করিয়া দিবার মধ্যে একটা প্রবল পৈশাচিক হাস্তরস আছে; নিশ্চয় জানি না।

কিন্তু ইহা নিশ্চয়, ইংরাজের মনের ভিতরে একটুখানি বিশ্বাস ছিল যে, এই রসিকতাটুকু করার দরুণ সে কোনরূপ শাস্তির দায়িক নহে— এবং ধারণা ছিল, যাহাদের নৌকা গেল এবং সম্ভবতঃ প্রাণ সংশয়, তাহারা মানুষের মধ্যেই গণ্য হইতে পারে না।

সাহেব যখন বন্দুক তুলিয়া গুলি করিল এবং নৌকা ডুবিয়া গেল তখন শশিভূষণের পাকী ঘটনাঙ্কলের নিকটবর্তী হইয়াছে। শেষোক্ত ব্যাপারটি শশিভূষণ প্রত্যক্ষ দেখিতে পাইলেন। তাড়াতাড়ি নৌকা লইয়া গিয়া মাঝি এবং মাল্লাদিগকে উদ্ধার করিলেন। কেবল এক ব্যক্তি ভিতরে বসিয়া রক্ষনের জন্ত মসলা পিণিতেছিল, তাহাকে আর দেখা গেল না। বর্ষার নদী খরবেগে বহিয়া চলিল।

শশিভূষণের হৃৎপিণ্ডের মধ্যে উত্তপ্ত রক্ত ফুটিতে লাগিল। আইন অত্যন্ত মন্দগতি— সে একটা বৃহৎ জটিল লৌহযন্ত্রের মত ; তোল করিয়া সে প্রমাণ গ্রহণ করে এবং নির্বিকার ভাবে সে শাস্তি বিভাগ করিয়া দেয়, তাহার মধ্যে মানব-হৃদয়ের উত্তাপ নাই। কিন্তু ক্ষুধার সহিত ভোজন, ইচ্ছার সহিত উপভোগ ও রোগের সহিত শাস্তিকে বিচ্ছিন্ন করিয়া দেওয়া শশিভূষণের নিকট সমান অস্বাভাবিক বলিয়া বোধ হইল। অনেক অপরাধ আছে যাহা প্রত্যক্ষ করিবামাত্র তৎক্ষণাৎ নিজ হস্তে তাহার শাস্তিবিধান না করিলে অন্তর্ধামী বিধাতা পুরুষ যেন অন্তরের মধ্যে থাকিয়া প্রত্যক্ষকারীকে দণ্ড করিতে থাকেন। তখন, আইনের কথা স্মরণ করিয়া সাম্বনা দ্বাভ করিতে হৃদয় লজ্জা বোধ করে। কিন্তু কলের আইন এবং কলের জাহাজ ম্যানেজারটিকে শশিভূষণের নিকট হইতে দূরে লইয়া গেল। তাহাতে জগতের আর আর কি উপকার হইয়াছিল

বলিতে পারি না কিন্তু সে যাত্রায় নিঃসন্দেহ শশিভূষণের ভারতবর্ষীয় স্ত্রীহা রক্ষা পাইয়া- ছিল।

মাঝিমালা যাহারা বাঁচিল তাহাদিগকে লইয়া শশি গ্রামে ফিরিয়া আসিলেন। নৌকায় পাট বোঝাই ছিল, সেই পাট উদ্ধারের জন্ত লোক নিবৃত্ত করিয়া দিলেন এবং মাঝিকে ম্যানেজারের বিরুদ্ধে পুলিশে দরখাস্ত দিতে অনুরোধ করিলেন।

মাঝি কিছুতেই সম্মত হয় না। সে বলিল নৌকা ত মজিয়াছে এক্ষণে নিজেকে মজাইতে পারিব না। প্রথমতঃ পুলিশকে দর্শনি দিতে হইবে, তাহার পর কাজকর্ম আহার নিদ্রা ত্যাগ করিয়া আদালতে আদালতে ঘুরিতে হইবে, তাহার পর সাহেবের নামে নাগিশ করিয়া কি বিপাকে পড়িতে হইবে ও কি ফল লাভ হইবে তাহা ভগবান জানেন। অবশেষে সে যখন জানিল, শশিভূষণ নিজে উকীল, আদালত-খরচা তিনিই বহন করিবেন এবং মকদ্দমায় ভবিষ্যতে খেয়ারং পাইবার সম্পূর্ণ সম্ভাবনা আছে তখন রাজি হইল। কিন্তু শশিভূষণের গ্রামের লোক যাহারা ষ্টীমারে উপস্থিত ছিল তাহারা কিছুতেই সাক্ষ্য দিতে চাহিল না। তাহারা শশিভূষণকে কহিল, মহাশয়, আমরা কিছুই দেখি নাই ; আমরা জাহাজের পশ্চাদ্ভাগে ছিলাম, কলের খট্‌ঘট্ট এবং জলের কল কল শব্দে সেখান হইতে বন্দুকের আওয়াজ শুনিবারও কোম সম্ভাবনা ছিল না।

দেশের লোককে আন্তরিক দিয়ার দিয়া শশিভূষণ ম্যাজিষ্ট্রেটের নিকট মকদ্দমা চলাইলেন। সাক্ষীর কোন আবশ্যক হইল না। ম্যানেজার স্বীকার করিল যে, সে বন্দুক ছুঁড়িয়াছিল। কহিল আকাশে এক ঝাঁক বক উড়িতেছিল তাহাদেরই প্রতি লক্ষ্য

করা হইয়াছিল। ষ্টীমার তখন পূর্ণবেগে চলিতেছিল এবং সেই মুহূর্তেই নদীর বাঁকের অন্তরালে প্রবেশ করিয়াছিল। স্ততরাং সে জানিতেও পারে নাই, কাক মরিল, কি বক মরিল, কি নৌকাটা ডুবিল। অন্তরীক্ষে এবং পৃথিবীতে এত শিকারের জিনিস আছে, যে, কোন বুদ্ধিমান ব্যক্তি ইচ্ছাপূর্বক “ডাট্‌র্যাগ্” অর্থাৎ মলিন বস্ত্রখণ্ডের উপর শিকিপয়সা দামেরও ছিটাগুলি অপব্যয় করিতে পারে না।

বেকস্বর খালাস পাইয়া ম্যানেজার সাহেব চুরট কুকিতে কুকিতে ক্লাবে হুইষ্ট খেলিতে গেল; যে লোকটা নৌকার মধ্যে মসলা পিষিতেছিল, নয় মাইল তফাতে তাহার স্মৃতি দেহ ডাকায় আসিয়া লাগিল এবং শশিভূষণ চিন্তাদাহ লইয়া আপন গ্রামে ফিরিয়া আসিলেন।

যে দিন ফিরিয়া আসিলেন, সে দিন নৌকা সাজাইয়া গিরিবালাকে স্বত্তরবাড়ি লইয়া যাইতেছে। যদিও তাঁহাকে কেহ ডাকে নাই, তথাপি শশিভূষণ ধীরে ধীরে নদীতীরে আসিয়া উপস্থিত হইলেন। ঘাটে লোকের ভিড় ছিল সেখানে না গিয়া কিছু দূরে অগ্রসর হইয়া দাঁড়াইলেন। নৌকা ঘাট ছাড়িয়া যখন তাঁহার সম্মুখ দিয়া চলিয়া গেল তখন চকিতের মত একবার দেখিতে পাইলেন, মাথায় ঘোমটা টানিয়া নবমধু নতশিরে বসিয়া আছে। অনেক দিন হইতে গিরিবালায় আশা ছিল, যে, গ্রাম ত্যাগ করিয়া যাইবার পূর্বে কোন মতে একবার শশিভূষণের সহিত সাক্ষাৎ হইবে কিন্তু আজ সে জানিতেও পারিল না যে, তাহার গুরু অনতিদূরে তীরে দাঁড়াইয়া আছেন। একবার সে মুখ তুলিয়া দেখিল না, কেবল নিঃশব্দ রোদনে তাহার ছই রূপোল বাহিয়া অশ্রুজল বরিয়া পড়িতে লাগিল।

নৌকা ক্রমশঃ দূরে চলিয়া অদৃশ্য হইয়া

গেল। জলের উপর প্রভাতের যৌৎ ঝিক ঝিক করিতে লাগিল, নিকটের আশ্রয়স্থায় একটা পাখি উচ্ছ্বসিত কর্তে মুহূর্তেই গান গাহিয়া মনের আবেগ কিছুতেই নিঃশেষ করিতে পারিল না, খেয়ানোকা লোক বোঝাই লইয়া পারাপার হইতে লাগিল, মেয়েরা ঘাটে জল লইতে আসিয়া উচ্চ কলস্বরে গিরির স্বত্তরবাড়য় যাত্রার আলোচনা তুলিল, শশিভূষণ চস্মা খুলিয়া চোখ মুছিয়া সেই পথের ধারে সেই গরাদের মধ্যে সেই ক্ষুদ্র গৃহে গিয়া প্রবেশ করিলেন। হঠাৎ একবার মনে হইল যেন গিরিবালায় কর্তে শুনিতে পাইলেন! “শশিদাদা!”—কোথায় বে কোথায়? কোথাও না! সে গৃহে না, সে পথে না, সে গ্রামে ন—তাঁহার অশ্রুজলভিষিক্ত অন্তরের মাঝখানটিতে।

অষ্টম পরিচ

—:~:—

শশিভূষণ পুনরায় জিনিষপত্র বাঁধিয়া কলিকাতা অভিমুখে যাত্রা করিলেন। কলিকাতায় কোন কাজ নাই, সেখানে যাওয়ার কোন বিশেষ উদ্দেশ্য নাই; সেই জন্ত রেলপথে না গিয়া বরাবর নদীপথে যাওয়াই স্থির করিলেন।

তখন পূর্ণবর্ষায় বাঙ্গালা দেশের চারিদিকেই ছোট বড় আঁকাবাঁকা সহস্র জলময় জাল বিস্তীর্ণ হইয়া পড়িয়াছে। সরস শ্রামল বহুভূমির শিরা উপশিরাগুলি পল্লিপূর্ণ হইয়া তরলতা ভূগণ্ডায় ঝোপঝাড় খান পাট ইকুতে দশদিকে উন্নত যৌবনের প্রাচুর্য যেন একেবারে উদ্দাম উচ্ছ্বল হইয়া উঠিয়াছে।

শশিভূষণের নৌকা সেই সমস্ত সঙ্গীর্ণ বক্র

জলশ্রোতের মধ্য দিয়া চলিতে লাগিল। জল তখন তীরের সহিত সমতল হইয়া গিয়াছে। কাশবন শরবন এবং স্থানে স্থানে শশুরেত্র জলমগ্ন হইয়াছে। গ্রামের বেড়া, বাঁশঝাড় ও আম-ঘাগান একেবারে জলের অব্যবাহিত ধারে আসিয়া দাঁড়াইয়াছে—দেবকন্তারা বেন বাঙ্গালা দেশের তরুমূলবর্তী আলবালগুলি জলসেচনে পরিপূর্ণ করিয়া দিয়াছেন।

যাত্রার আরম্ভকালে স্নানচিক্ণ বনশ্রী রোদে উজ্জল হাশ্রময় ছিল, অনতিবিলম্বেই মেঘ করিয়া বৃষ্টি আরম্ভ হইল। তখন যে দিকে বৃষ্টি পড়ে সেই দিকই বিষম এবং অপরিচ্ছন্ন দেখাইতে লাগিল। বস্তার সময়ে গরুগুলি যেমন জলবোষ্টত মলিন পঙ্কিল সঙ্কীর্ণ গোষ্ঠপ্রাঙ্গণের মধ্যে ভিড় করিয়া করুণনেত্রে সহিসুভাবে দাঁড়াইয়া শ্রাবণের ধারাবর্ষণে ভিজিতে থাকে, বাঙ্গালা দেশ আপনার কর্দমপিচ্ছিল ঘনসিক্ত রুদ্ধ জঙ্গলের মধ্যে মুক বিষমমুখে সেইরূপ পীড়িত ভাবে অবিশ্রাম ভিজিতে লাগিল। চাষীরা টোকা মাথায় দিয়া বাহির হইয়াছে, স্ত্রীলোকেরা ভিজিতে ভিজিতে বাদলার শীতল বায়ুতে সঙ্কুচিত হইয়া কুটীর হইতে কুটীরান্তরে গৃহকার্যে যাতায়াত করিতেছে ও পিচ্ছিল ঘাটে অত্যন্ত সাবধানে পা ফেলিয়া সিক্তবস্ত্রে জল তুলিতেছে, এবং গৃহস্থ পুরুষেরা দাওয়ায় বাসিয়া তামাক খাইতেছে, নিতান্ত কাজের দুর খাকিলে কোমরে চাদর জড়াইয়া জুতা হস্তে ছাতি মাথায় বাহির হইতেছে। অবলা রমণীর মস্তকে ছাতি এই বৌদ্ধদেহ বর্ষাপ্লাবিত বঙ্গদেশের সনাতন পবিত্র প্রথার মধ্যে নাই।

বৃষ্টি যখন কিছুতেই থামে না তখন রুদ্ধ নৌকার মধ্যে বিরক্ত হইয়া উঠিয়া শশিভূষণ পুনশ্চ রেলপথে যাওয়াই স্থির করিলেন। এক জায়গায় একটা প্রশস্ত মোহনার মত জায়গায়

আসিয়া শশিভূষণ নৌকা বাধিয়া আহাযের উত্তোগ করিতে লাগিলেন।

খোড়ার পা খানায় পড়ে—সে কেবল খানার দোষ নয়, খোড়ার পাটারও পড়িবার দিকে একটু বিশেষ ঝোক আছে। শশিভূষণ সে দিন তাহার একটা প্রমাণ দিলেন।

হুই নদীর মোহনার মুখে বাঁশ বাধিয়া জেলেরা একটা প্রকাণ্ড জাল পাতিয়াছে। কেবল একপার্শ্বে নৌকা চলাচলের স্থান রাখিয়াছে। বহুকাল হইতে তাহারা এ কার্য করিয়া থাকে এবং সে জন্ত খাজনাও দেয়। হুভাগ্যক্রমে এ বৎসর এই পথে হঠাৎ জেলার পুলিশ সুপারিন্টেণ্ডেন্ট বাহাজুরের শুভাগমন হইয়াছে। তাঁহার বোট আসিতে দেখিয়া জেলেরা পূর্ব হইতে পার্শ্ববর্তী পথ নির্দেশ করিয়া উচ্চৈঃস্বরে সাবধান করিয়া দিল। কিন্তু মনুষ্যরচিত কোন বাধাকে সম্মান প্রদর্শন করিয়া ঘুরিয়া যাওয়া সাহেবের মাঝির অভ্যাস নাই। সে সেই জালের উপর দিয়াই বোট চালাইয়া দিল। জাল অবনত হইয়া বোটকে পথ ছাড়িয়া দিল, কিন্তু, তাহার হাল বাধিয়া গেল। কক্ষিৎ বিলম্বে এবং চেষ্টায় হাল ছাড়াইয়া লইতে হইল।

পুলিস সাহেব অত্যন্ত গরম এবং রক্তবর্ণ হইয়া বোট বাধিলেন। তাঁহার মূর্তি দেখিয়াই জেলে চারটে উর্দ্ধ্বাসে পলায়ন করিল। সাহেব তাঁহার মাল্লাদিগকে, জাল কাটিয়া ফেলিতে আদেশ করিলেন। তাহারা সেই সাত আট শত টাকার বৃহৎ জাল কাটিয়া টুকরা টুকরা করিয়া ফেলিল।

জালের উপর ঝাল ঝাড়িয়া অবশেষে জেলেদিগকে ধরিয়া আনিবার আদেশ হইল। কনষ্টেবল পলাতক জেলে চারিটির সন্ধান না পাইয়া যে চারিজনকে হাতের কাছে পাইল

তাহাদিগকে ধরিয়া আনিল। তাহারা আপনাদিগকে নিরপরাধ বলিয়া যোড়হস্তে কাকুতি মিনতি করিতে লাগিল। পুলিশ বাহাদুর যখন সেই বন্দীদিগকে সঙ্গে লইবার হুকুম দিতেছেন, এমন সময় চন্মা-পরা শশিভূষণ তাড়াতাড়ি একখানা জামা পরিয়া তাহার বোতাম না লাগাইয়া চট্‌কুতা চট্‌চট্‌ করিতে করিতে উল্লঙ্ঘনে পুলিশের বোটের সম্মুখে আসিয়া উপস্থিত হইলেন। কম্পিতস্বরে কহিলেন, “সার, জেলের জাল ছিঁড়িবার এবং এই চারিজন লোককে উৎপীড়ন করিবার তোমার কোন অধিকার নাই।”

পুলিসের বড় কর্তা তাঁহাকে হিন্দিভাষায় একটা বিশেষ অসম্মানের কথা বলিবামাত্র তিনি এক মুহূর্ত্তে কিঞ্চিৎ উচ্চ ডাক্তা হইতে বোটের মধ্যে লাফাইয়া পড়িয়াই একেবারে সাহেবের উপরে আপনাকে নিক্ষেপ করিলেন। বালকের মত পাগলের মত মারিতে লাগিলেন।

তাহার পর কি হইল তিনি জানেন না। পুলিশের থানার মধ্যে যখন জাগিয়া উঠিলেন, তখন—বলিতে সঙ্কোচ বোধ হয়—যে রূপ ব্যবহার প্রাপ্ত হইলেন তাহাতে মানসিক সম্মান অথবা শারীরিক আরাম বোধ করিলেন না।

নবম পরিচ্ছেদ ।

—:~:—

শশিভূষণের বাপ উকীল ব্যারিষ্টার লাগাইয়া প্রথমতঃ শশিকে হাজত হইতে জামিনে খালাস করিলেন। তাহার পরে মকদ্দমার যোগাড় চলতে লাগিল।

যে সকল জেলের জাল নষ্ট হইয়াছে তাহারা শশিভূষণের এক পরগণার অন্তর্গত,

এক জামদারের অধীন। বিপদের সময় কখন কখন শশির নিকটে তাহারা আইনের পরামর্শ হইতেও আসিত। তাহাদিগকে সাহেব বোটে ধরিয়া আনিয়াছিলেন তাহারাও শশিভূষণের অপরিচিত নহে।

শশি তাহাদিগকে সাক্ষ্য মানিবেন বলিয়া ডাকাইয়া আনিলেন। তাহারা ভয়ে অস্থির হইয়া উঠিল। স্ত্রীপুত্র পরিবার লইয়া তাহাদিগকে সংসারযাত্রা নির্বাহ করিতে হয় পুলিশের সহিত বিবাদ করিলে তাহারা কোথায় গিয়া নিষ্কৃতি পাইবে? একটার অধিক প্রাণ কাহার শরীরে আছে? যাহা লোকসান হইবার তাহাত হইয়াছে, এখন আবার সাক্ষ্যের সপিনা ধরাইয়া এ কি মুঞ্চিল! সকলে বলিল, “ঠাকুর তুমি ত আমাদিগকে বিষম ফেসাদে ফেলিলে!”

বিশুর বলা কহার পর তাহারা সত্য কথা বলিতে স্বীকার করিল।

ইতিমধ্যে হরকুমার যে দিন বেঞ্চের কর্ম্মোপলক্ষে জেলার সাহেবদিগকে সেনান করিতে গেলেন পুলিশ সাহেব হাসিয়া কহিলেন, নায়েব বাবু শুনিতেছি তোমার প্রজার পুলিশের বিরুদ্ধে মিথ্যা সাক্ষ্য দিতে প্রস্তুত হইয়াছে। নায়েব সচকিত হইয়া কহিলেন হাঁ! এও কি কখনো সম্ভব হয়? অপবিত্র জন্তুজাত পুত্রদিগের অস্থিতে এত ক্ষমতা!

সংবাদপত্র পাঠকেরা অবগত আছেন মকদ্দমায় শশিভূষণের পক্ষ কিছুতেই টি কটে পারিল না।

জেলেরা একে একে আসিয়া কহিল, পুলিশ সাহেব তাহাদের জাল কাটিয়া দেন নাই বোটে ডাকিয়া তাহাদের নাম ধাম লিখিয়া লইতেছিলেন।

কেবল তাহাই নহে, তাহার দেশস্থ গুণি-

চারেক পরিচিত লোক সাক্ষ্য দিল যে, তাহারা সে সময়ে ঘটনাস্থলে বিবাহের বরখাত্র উপলক্ষে উপস্থিত ছিল। শশিভূষণ যে, অকারণে অগ্রসর হইয়া পুলিশের পাহারাওয়ালাদের প্রতি উপদ্রব করিয়াছে তাহা তাহারা প্রত্যক্ষ দেখিয়াছে !

শশিভূষণ স্বীকার করিলেন যে, গালি খাইয়া বোটের মধ্যে প্রবেশ করিয়া তিনি সাহেবকে মারিয়াছেন। কিন্তু জাল কাটিয়া দেওয়া ও জেলেদের প্রতি উপদ্রবই তাহার মূল কারণ।

এরূপ অবস্থায়, যে বিচারে শশিভূষণ শাস্তি পাইলেন তাহাকে অন্য় বলা যাইতে পারে না। তবে শাস্তিটা কিছু গুরুতর হইল। তিন চারিটা অভিযোগ, আঘাত, অনধিকারপ্রবেশ, পুলিশের কর্তব্যে ব্যাঘাত ইত্যাদি ; সব কটাই তাঁহার বিরুদ্ধে পূরা প্রমাণ হইল।

শশিভূষণ তাহার সেই ক্ষুদ্র গৃহে তাঁহার প্রিয় পাঠ্য গ্রন্থগুলি ফেলিয়া পাঁচ বৎসর জেল খাটিতে গেলেন ! তাঁহার বাপ আপিল করিতে উদ্বৃত হইল, তাঁহাকে শশিভূষণ বারংবার নিবেদন করিলেন—কহিলেন, জেল ভাল ! লোহার বেড়ি মিথ্যা কথা বলে না, কিন্তু জেলের বাহিরে যে স্বাধীনতা আছে সে আমাদিগকে প্রতারণা করিয়া বিপদে ফেলে। আর যদি সংস্কার কথা বল, ত, জেলের মধ্যে মিথ্যাবাদী কৃত্য কাপুরুষের সংখ্যা অল্প, কারণ স্থান পরিমিত—বাহিরে অনেক বেশী !

দশম পরিচ্ছেদ ।

—:~:—

শশিভূষণ জেলে প্রবেশ করিবার অনতিকাল পরেই তাঁহার পিতার মৃত্যু হইল। তাঁহার আর বড় কেহ ছিল না। এক ভাই বহুকাল হইতে সেন্টাল প্রভিন্সে কাজ করিতেন, দেশে আসা তাঁহার বড় ঘটয়া উঠিত না, সেইখানেই তিনি বাড়ি তৈয়ারি করিয়া সপরিবারে স্থায়ী হইয়া বসিয়াছিলেন। দেশে বিষয় সম্পত্তি যাহা ছিল; নায়েব হরকুমার তাহার অধিকাংশ নানা কৌশলে আত্মসাৎ করিলেন।

জেলের মধ্যে অধিকাংশ কয়েদীকে যে পরিমাণে ছুঃপ ভোগ করিতে হয় দৈববিপাকে শশিভূষণকে তদপেক্ষা অনেক বেশী সহ্য করিতে হইয়াছিল। তথাপি দীর্ঘ পাঁচ বৎসর কাটিয়া গেল।

আবার একদা বর্ষার দিনে জীর্ণ শরীর ও শূন্যহৃদয় লইয়া শশিভূষণ কারা-প্রাচীরের বাহিরে আসিয়া দাঁড়াইলেন। স্বাধীনতা পাইলেন, কিন্তু তাহা ছাড়া কারার বাহিরে তাঁহার আর কেহ অথবা আর কিছু ছিল না। গৃহহীন আত্মীয়হীন সমাজহীন কেবল তাঁহার একলাটির পক্ষে এতবড় জগৎ সংসার অত্যন্ত টিলা বলিয়া ঠেকিতে লাগিল।

জীবনযাত্রার বিছিন্ন স্ত্রী আবার কোথা হইতে আরম্ভ করিবেন এই কথা ভাবিতেছেন এমন সময়ে এক বৃহৎ জুড়ি তাঁহার সম্মুখে আসিয়া দাঁড়াইল। এক জন ভৃত্য নামিয়া আসিয়া জিজ্ঞাসা করিল, আপনার নাম শশিভূষণ বাবু ?—

তিনি কহিলেন হাঁ।—

সে তৎক্ষণাৎ গাড়ির দরজা খুলিয়া তাঁহার প্রবেশের প্রতীক্ষায় দাঁড়াইল।—

তিনি আশ্চর্য্য হইয়া জিজ্ঞাসা করিলেন—
আমাকে কোথায় যাইতে হইবে?—

সে কহিল, আমার প্রভু আপনাকে
ডাকিয়াছেন।

পথিকদের কৌতুহল দৃষ্টিপাত অসহ বোধ
হওয়াতে তিনি সেখানে আর অধিক বাদানুবাদ
না করিয়া গাড়িতে উঠিয়া পড়িলেন। ভাবি-
লেন নিশ্চয় ইহার মধ্যে একটা কিছু ভ্রম
আছে। কিন্তু একটা কোন দিকে ত চলিতে
হইবে—না হয় এমনি করিয়া ভ্রম দিয়াই এই
নূতন জীবনের ভূমিকা আরম্ভ হউক।

সে দিনও মেঘ এবং রোদ্দ আকাশময় পর-
স্পরকে শিকার করিয়া ফিরিতেছিল। পথের
প্রান্তবর্তী বর্ষার জলপ্লাবিত গাঢ়শ্যাম শতক্ষেত্র
চঞ্চল ছায়ালোকে বিচিত্র হইয়া উঠিতেছিল।
হাটের কাছে একটা বৃহৎ রথ পড়িয়াছিল এবং
তাহার অদূরবর্তী মুদির নোকানে একদল বৈষ্ণব
ভিক্ষুক গুপিয়ত্র ও খোলকরতাল যোগে গান
গাহিতেছিল—

এস এস ফিরে এস—নাথ হে ফিরে এস !

আমার কুখিত ভূষিত তাপিত চিত, বঁধুহে
ফিরে এস।

গাড়ি অগ্রসর হইয়া চলিল, গানের পদ
ক্রমে দূর হইতে দূরতর হইয়া কাণে প্রবেশ
করিতে লাগিল—

ওগো নিষ্ঠুর ফিরে এস হে আমার করুণ
কোমল এস !

ওগো সজল জলদ স্নিগ্ধকান্ত সুন্দর ফিরে
এস !

গানের কথা ক্রমে ক্রীণতর অক্ষুটতর
হইয়া আসিল, আর বুঝা গেল না। কিন্তু গানের
ছন্দে শশিভূষণের হৃদয়ে একটা আন্দোলন
তুলিয়া দিল, তিনি আপন মনে গুণ্ণুণ করিয়া
পদের পর পদ রচনা করিয়া যোজনা করিয়া

চলিলেন, কিছুতে যেন ঠামিতে পারিলেন
না,—

আমার নিতিসুখ ফিরে এস, আমার চির-
সুখ ফিরে এস,—

আমার সব-সুখ-সুখ-মহন ধন অন্তরে
ফিরে এস !

আমার চিরবাহিত এস, আমার চিতসঙ্কিত
এস,—

ওহে চঞ্চল, হে চিরস্তন, ভূজবন্ধনে ফিরে
এস !

আমার বক্ষে ফিরিয়া এস, আমার চক্ষে
ফিরিয়া এস,—

আমার শয়নে স্বপনে বসনে ভূষণে নিগিল
ভুবনে এস !

আমার মুখের হাসিতে এস হে

আমার চোখের সলিলে এস,

আমার আদরে আমার ছলনে

আমার অভিমানে ফিরে এস !

আমার সর্বস্বরণে এস আমার সর্বস্তরমে
এস—

আমার ধরম করম সোহাগ সরম জনম
মরণে এস !

গাড়ি যখন একটি প্রাচীরবেষ্ট উত্তানের
মধ্যে প্রবেশ করিয়া একটি দ্বিতল অট্টালিকার
সম্মুখে ঠামিল তখন শশিভূষণের গান ঠামিল।

তিনি কোন প্রশ্ন না করিয়া জুতোর নির্দেশ
ক্রমে বাড়ির মধ্যে প্রবেশ করিলেন।

যে ঘরে আসিয়া বসিলেন সে ঘরের চাঙ্গি-
দিকেই বড় বড় কাঁচের আলমারীতে বিচিত্র
বর্ণের বিচিত্র মলাটের সারি সারি বই সাজান।
সেই দৃশ্য দেখিবামাত্র তাঁহার পুরাতন জীবন
দ্বিতীয়বার কারামুক্ত হইয়া বাহির হইল। এই
শোণার জলে অঙ্কিত নানা বর্ণে রঞ্জিত বইগুলি
আনন্দলোকের মধ্যে প্রবেশ করিবার সুপরি-

চিত রত্নপচিত সিংহদ্বারের মত তাঁহার নিকটে প্রতিভাত হইল।

টেবিলের উপরেও কি কতকগুলি ছিল। শশিভূষণ তাঁহার ক্ষীণদৃষ্টি লইয়া ঝুঁকিয়া পড়িয়া দেখিলেন, একখানি বিদীর্ণ প্লেট, তাহার উপরে শুষ্কদ্রব্যের পুরাতন খাতা, একখানি ছিন্নপ্রায় ধারাপাত কথামালা এবং একখানি কাশিরায় দাসের মহাজারত।

প্লেটের কাঠের ফ্রেমের উপর শশিভূষণের হস্তাক্ষরে কালী দিয়া খুব মোটা করিয়া লেখা—গিরিবালা দেবী। খাতা ও বহিগুলির উপরেও ঐ এক হস্তাক্ষরে এক নাম লিখিত।

শশিভূষণ কোথায় আসিয়াছেন বুঝিতে পারিলেন। তাঁহার বন্ধের মধ্যে যন্ত্রস্ত্রোত উরঙ্গিত হইয়া উঠিল। মুক্তবাতায়ন দিয়া বাহিরে চাহিলেন—সেখানে কি চক্ষে পড়িল? সেই ক্ষুদ্র গম্বুদে দেওয়া ঘর, সেই অসমতল গ্রাম্যপথ—সেই ভুরে-কাপড়পরা ছোট মেয়েটি—এবং সেই আপনার শাস্তিময় নিশ্চিন্ত নিভৃত জীবনযাত্রা।

সে দিনকার সেই স্মৃতির জীবন কিছুই অসামান্য বা অত্যধিক নহে; দিনের পর দিন ক্ষুদ্র কাজে ক্ষুদ্র স্মৃতি অস্ত্র'তসারে কাটিয়া বাইত, এবং তাঁহার নিজের অধ্যয়ন-কার্যের মধ্যে একটি বালিকা ছাত্রীর অধ্যাপন-কার্য ছুচ্ছ ঘটনার মধ্যেই গণ্য ছিল; কিন্তু গ্রাম-প্রান্তরে সেই নির্জন দিনযাপন, সেই ক্ষুদ্র শান্তি, সেই ক্ষুদ্র স্বপ্ন, সেই ক্ষুদ্র বালিকার ক্ষুদ্র মুখখানি, সমস্তই যেন স্বর্গের মত দেশ কালের বহিভূত এবং আয়ত্তের অতীতরূপে কেবল আকাঙ্ক্ষারাজ্যের রক্তনাচ্ছায়ার মধ্যে নিরাজ করিতে লাগিল। সে দিনকার সেই সমস্ত ছবি এবং স্মৃতি আজিকার এই বর্ধমান প্রভাতের আলোকের সহিত এবং

মনের মধ্যে মূহুশুক্লিত সেই কাঁঠনের গানের-সহিত জড়িত মিশ্রিত হইয়া এক প্রকার সঙ্গীত-ময় জ্যাতিশ্রয় অপরূপ ধারণ করিল। সেই জঙ্গলে বেষ্টিত কর্দমাক্ত সঙ্গীর্ণ গ্রাম্যপথের মধ্যে সেই অনাদৃত ব্যথিত বালিকার অভিমান-মগ্ন মুখের শেষ স্মৃতিটি যেন বিধাতা-বিরচিত এক অসাধারণ আশ্চর্য্য অপরূপ, অতি গভীর, অতি বেদনাপরিপূর্ণ স্বর্গীয় চিত্রের মত তাঁহার মানসপটে প্রতিফলিত হইয়া উঠিল। তাহারই সঙ্গে কাঁঠনের করুণ সুর বাজিতে লাগিল, এবং মনে হইল যেন সেই পল্লিবালিকার মুখে সমস্ত বিশ্বহৃদয়ের এক অনির্কচনীয় হৃৎক আপনার ছায়া নিক্ষেপ করিয়াছে। শশিভূষণ দুই বাহুর মধ্যে মুখ লুকাইয়া সেই টেবিলের উপর সেই প্লেট বহি খাতার উপর মুখ রাখিয়া অনেককাল পরে অনেক দিনের স্বপ্ন দেখিতে লাগিলেন।


অনেকক্ষণ পরে মূহু শব্দে সচকিত হইয়া মুখ তুলিয়া দেখিলেন। তাঁহার সম্মুখে রূপার থালায় ফলমূল মিষ্টান্ন রাখিয়া গিরিবালা অদূরে দাঁড়াইয়া নীরবে অপেক্ষা করিতেছিল। তিনি মস্তক তুলিতেই নিরাতরণা শুভ্রবসনা বিধবা-বেশধারিণী গিরিবালা তাঁহাকে নতজান্ন হইয়া ভূমিষ্ঠ প্রণাম করিল।

বিধবা উঠিয়া দাঁড়াইয়া যখন শীর্ণমুখ মান-বর্ণ ভগ্নশরীর শশিভূষণের দিকে সক্রুণ স্নিগ্ধ-নেত্রে চাহিয়া দেখিল—তখন তাহার দুই চক্ষু ঝরিয়া দুই কপোল বাহিয়া অশ্রু পড়িতে লাগিল।

শশিভূষণ তাহাকে কুশল প্রশ্ন জিজ্ঞাসা করিতে চেষ্টা করিলেন কিন্তু ভাষা খুঁজিয়া পাইলেন না, নিরুদ্ধ অশ্রুবাষ্প তাঁহার বাক্যপথ সবলে অবরোধ করিল—কথা এবং অশ্রু উভয়েই নিরূপায় ভাবে হৃদয়ের মুখে কণ্ঠের দ্বারে

বন্ধ হইয়া রহিল। সেই কীর্তনের দল তিন্কা সংগ্রহ করিতে করিতে অটালিকার সম্মুখে আসিয়া দাঁড়াইল এবং পুনঃ পুনঃ আরম্ভ করিয়া গাহিতে লাগিল—

এস এস হে !



প্রথম পরিচ্ছেদ ।

—:~:—

ফাল্গুনের প্রথম পূর্ণিমায় আশ্রমকুলের গন্ধ লইয়া নব বসন্তের বাতাস বহিতেছে। পুষ্করিণীতীরের একটি পুরাতন লিচু গাছের ঘন পল্লবের মধ্য হইতে একটি নিদ্রাহীন অশ্রান্ত পাপিয়ার গান মুখ্যেদের বাড়ির একটি নিদ্রাহীন শয়নগৃহের মধ্যে প্রবেশ করিতেছে। হেমন্ত কিছু চঞ্চল ভাবে কখন তার জীর এক শুষ্ক চুল ধোঁপা হইতে বিস্মিষ্ট করিয়া লইয়া আঙুলে জড়াইতেছে, কখন তাহার বালাতে চুড়িতে সংঘাত করিয়া ঠুং ঠুং শব্দ করিতেছে, কখন তাহার মাথার ফুলের মালাটা টানিয়া স্বস্থান চ্যুত করিয়া তাহার মুখের উপর আনিয়া ফেলিতেছে। সন্ধ্যাবেলাকার নিস্তরু ফুলের গাছটিকে সচেতন করিয়া তুলিবার জন্ত বাতাস যেমন একবার এপাশ হইতে একবার ওপাশ হইতে একটু আধটু নাড়াচাড়া করিতে থাকে, হেমন্তের কতকটা সেই ভাব।

কিন্তু কুসুম সশ্বখের চন্দ্রালোকপ্রাপিত

অসীম শূন্তের মধ্যে দুই নেত্রকে নিমগ্ন করিয়া দিয়া স্থির হইয়া বসিয়া আছে। স্বামীর চাঞ্চল্য তাহাকে স্পর্শ করিয়া প্রতিহত হইয়া ফিরিয়া যাইতেছে। অবশেষে হেমন্ত কিছু অধীর ভাবে কুসুমের দুই হাত নাড়া দিয়া বলিল “কুসুম তুমি আছ কোথায়! তোমাকে যেন একটা মস্ত দুর্ভীষণ কষিয়া বিস্তর ঠাইর করিয়া বিন্দুমাত্র দেখা যাইবে এমনি দূরে গিয়া পড়িয়াছ। আমার ইচ্ছা, তুমি আজ একটু কাছাকাছি এস। দেখ দেখি কেমন চমৎকার রাজি!”

কুসুম শূন্ত হইতে মুখ ফিরাইয়া লইয়া স্বামীর মুখের দিকে রাগিয়া কহিল—“এই জ্যোৎস্না রাজি এই বসন্তকাল সমস্ত এই মুহূর্ত্তে মিথ্যা হইয়া ভাঙ্গিয়া যাইতে পারে এমন একটা মন্ত্র আমি জানি।”

হেমন্ত বলিল “যদি জান ত সেটা উচ্চারণ করিয়া কাজ নাই। বরং এমন যদি কোন মন্ত্র জানা থাকে যাহাতে সপ্তাহের মধ্যে তিনটে চারটে রবিবার আসে কিংবা রাজিটা বিকাল পাঁচটা সাড়ে পাঁচটা পর্যন্ত টিকিয়া যায়, ত তাহ’ শুনিতে রাজি আছি।” বলিয়া কুসুমকে আর একটু টানিয়া লইতে চেষ্টা করিল। কুসুম সে আলিঙ্গনপাশে ধরা না দিয়া কহিল—“আমার মৃত্যুকালে তোমাকে যে কথাটা বলিব মনে করিয়াছিলাম আজ তাহা বলিতে ইচ্ছা করিতেছে। আজ মনে হইতেছে তুমি আমাকে যত শান্তি দাও না কেন আমি বহন করিতে পারিব।”

শান্তি সম্বন্ধে জন্মদেব হইতে শ্লোক আঙড়াইয়া হেমন্ত একটা রসিকতা করিবার উদ্ভোগ করিতেছিল। এমন সময়ে শোনা গেল একটা ক্রুদ্ধ চট জুতার চটাচট শব্দ নিকট-বর্তী হইতেছে। হেমন্তের পিতা হরিহর

মুখ্যের পরিচিত পদশব্দ। হেমন্ত শশব্যস্ত হইয়া উঠিল।

হরিহর ঘরের নিকটে দাঁড়াইয়া ক্রুদ্ধ গর্জনে কহিল “হেমন্ত, বোকে এখনি বাড়ি হইতে দূর করিয়া দাও।” হেমন্ত স্ত্রীর মুখের দিকে চাহিল, স্ত্রী কিছুই বিশ্বয় প্রকাশ করিল না, কেবল হুই হাতের মধ্যে কাতরে মুখ লুকাইয়া আপনার সমস্ত বল এং ইচ্ছা দিয়া আপনাকে যেন লুপ্ত করিয়া দিতে চেষ্টা করিল। দক্ষিণে বাতাসে পাপিয়ার স্বর ঘরে প্রবেশ করিতে লাগিল, কাহারো কাণে গেল না। পৃথিবী এমন অসীম স্নন্দর অথচ এত সহজেই সমস্ত বিকল হইয়া যায়।

দ্বিতীয় পরিচ্ছেদ ।

—•••••—

হেমন্ত বাহির হইতে ফিরিয়া আসিয়া স্ত্রীকে জিজ্ঞাসা করিল “সত্য কি ?”

স্ত্রী কহিল “সত্য।”

“এতদিন বল নাই কেন ?”

“অনেক বার বলিতে চেষ্টা করিয়াছি বলিতে পারি নাই। আমি বড় পাপিষ্ঠা।”

“তবে আজ সমস্ত খুলিয়া বল।”

কুসুম গম্ভীর দৃঢ়স্বরে বলিয়া গেল—যেন অটল চরণে ধীর গতিতে আশুনের মধ্যে দিয়া চলিয়া গেল, কতখানি দগ্ধ হইতেছিল কেহ বুঝিতে পারিল না। সমস্ত শুনিয়া হেমন্ত উঠিয়া গেল।

কুসুম বুঝিল, যে স্বামী চলিয়া গেল, সে স্বামীকে আর ফিরিয়া পাইবে না। কিছু আশ্চর্য্য মনে হইল না; এ ঘটনাও যেন অশ্রান্ত দৈনিক ঘটনার মত অভ্যস্ত সহজ ভাবে

উপস্থিত হইল; মনের মধ্যে এমন একটা গুহ্র অসাড়তার সঞ্চার হইয়াছে। কেবল পৃথিবীকে এবং ভালবাসাকে আগাগোড়া মিথ্যা এবং শূন্য বলিয়া মনে হইল। এমন কি, হেমন্তের সমস্ত অতীত ভালবাসার কথা স্মরণ করিয়া অত্যন্ত নীরস কঠিন নিরানন্দ হাসি একটা খরধার নিষ্ঠুর ছুরির মত তাহার মনের একধার হইতে আর একধার পর্য্যন্ত একটা দাগ রাখিয়া দিয়া গেল। বোধ করি সে ভাবিল, যে ভালবাসাকে এতখানি বলিয়া মনে হয়, এত আদর, এত গাঢ়তা, যাহার তিলমাত্র বিচ্ছেদ এমন মর্মান্তিক, যাহার মুহূর্ত্তমাত্র মিলন এমন নিবিড়ানন্দময়; যাহাকে অসীম অনন্ত বলিয়া মনে হয়, জন্মজন্মান্তরেও যাহার অবসান করনা করা যায় না—সেই ভালবাসা এই! এইটুকুর উপর নির্ভর! সমাজ যেমনি একটু আঘাত করিল অমনি অসীম ভালবাসা চূর্ণ হইয়া এক মুষ্টি ধূলি হইয়া গেল। হেমন্ত কম্পিতস্বরে এই কিছুপূর্বে কাণের কাছে বলিতেছিল “চমৎকার রাত্রি!” সে রাত্রিত এখনও শেষ হয় নাই; এখনো সেই পাপিয়া ডাকিতেছে, দক্ষিণের বাতাস মশারি কাঁপাইয়া যাইতেছে, এবং জ্যোৎস্না স্নখশান্ত স্নগ্ধ স্নন্দরীর মত বাতায়ন-বর্তী পালঙ্কের এক প্রান্তে নিলীন হইয়া পড়িয়া আছে। সমস্তই মিথ্যা! ভালবাসা আমার অপেক্ষাও মিথ্যাবাদিনী মিথ্যাচারিণী।

তৃতীয় পরিচ্ছেদ ।

—•••••—

পরদিন প্রভাতেই অনির্জাণে হেমন্ত পাগলের মত হইয়া প্যারিশঙ্কর ঘোষালের বাড়িতে গিয়া উপস্থিত হইল। প্যারিশঙ্কর জিজ্ঞাসা করিল “কিহে বাপু, কি খবর।”

হেমন্ত মন্ত একটা আঙুণের মত যেন দাঁড় করিয়া জলিতে জলিতে কাঁপিতে কাঁপিতে বলিল “তুমি আমাদের জাতি নষ্ট করিয়াছ, সর্বনাশ করিয়াছ—তোমাকে ইহার শাস্তি ভোগ করিতে হইবে”—বলিতে বলিতে তাহার কণ্ঠরুদ্ধ হইয়া আসিল ।

প্যারিশঙ্কর ঈষৎ হাসিয়া কহিল “আর তোমরা আমার জাতি রক্ষা করিয়াছ আমার সমাজ রক্ষা করিয়াছ, আমার পিঠে হাত বুলাইয়া দিয়াছ ! আমার প্রতি তোমাদের বড় যত্ন, বড় ভালবাসা ।”

হেমন্তের ইচ্ছা হইল সেই মুহূর্ত্তেই প্যারিশঙ্করকে ব্রহ্মভেজে ভঙ্গ করিয়া দিতে কিন্তু সেই তেজে সে নিজেই জলিতে লাগিল, প্যারিশঙ্কর দিব্য স্নহ নিরাময় ভাবে বসিয়া রহিল ।

হেমন্ত ভয়কণ্ঠে বলিল “আমি তোমার কি করিয়াছিলাম ।”

প্যারিশঙ্কর কহিল “আমি জিজ্ঞাসা করি, আমার একটীমাত্র কন্যা ছাড়া আর সন্তান নাই, আমার সেই কন্যা তোমার বাপের কাছে কি অপরাধ করিয়াছিল ! তুমি তখন ছোট ছিলে, তুমি হয়ত জান না—ঘটনাটা তবে মন দিয়া শোন । ব্যস্ত হইয়ো না, বাপু, ইহার মধ্যে বিস্তর কৌতুক আছে ।

“আমার জামাতা নবকান্ত আমার কন্যার গহনা চুরি করিয়া যখন পালাইয়া বিলাতে গেল, তখন তুমি শিশু ছিলে । তাহার পর পাঁচ বৎসর বাদে সে যখন ব্যারিষ্টার হইয়া দেশে ফিরিয়া আসিল তখন পাড়ায় যে একটা গোলমাল বাধিল তোমার বোধ করি কিছু কিছু মনে থাকিতে পারে । কিংবা তুমি না জানিতেও পার তুমি তখন কলিকাতার স্কুলে পড়িতে । তোমার বাপ গ্রামের দলপতি হইয়া

বলিলেন—মেয়েকে যদি স্বামীগৃহে পাঠান অভিপ্রায় থাকে তবে সে মেয়েকে আর ঘরে লইতে পারিবে না । আমি তাঁহাকে হাতে পায়ে ধরিয়া বলিলাম, দাদা এ যাত্রা তুমি আমাকে রক্ষা কর । আমি ছেলেটিকে গোবর খাওয়াইয়া প্রায়শ্চিত্ত করাইতেছি তোমরা তাহাকে জাতে তুলিয়া লও । তোমার বাপ কিছুতেই রাজি হইলেন না, আমিও আমার একমাত্র মেয়েকে ত্যাগ করিতে পারিলাম না । জাত ছাড়িয়া দেশ ছাড়িয়া কলিকাতায় আসিয়া ঘর করিলাম । এখানে আসিয়াও আপদ মিটিল না । আমার ভ্রাতৃপুত্রের যখন বিবাহের সমস্ত আয়োজন করিয়াছি—তোমার বাপ কন্যাকর্তাদের উত্তেজিত করিয়া সে বিবাহ ভাঙ্গিয়া দিলেন । আমি প্রতিজ্ঞা করিলাম যদি ইহার প্রতিশোধ না লই তবে আমি ব্রাহ্মণের ছেলে নহি—এইবার কতকটা বুঝিতে পারিয়াছ—কিন্তু আর একটু সবুর কর—সমস্ত ঘটনাটি শুনিলে খুসী হইবে—ইহার মধ্যে একটু রস আছে ।

“তুমি যখন কালেজে পড়িতে তোমার বাসার পাশেই বিপ্রদাস চাটুয্যের বাড়ি ছিল । বেচারী এখন মারা গিয়াছে । চাটুয্যে মহাশয়ের বাড়িতে কুসুম নামে একটি শৈশব-বিধবা অনাথা কায়স্থকন্যা আশ্রিতভাবে থাকিত । মেয়েটি বড় সুন্দরী—বুড়ো ব্রাহ্মণ কালেজের ছেলেদের দৃষ্টিপথ হইতে তাহাকে সত্বর করিয়া রাখিবার জন্ত কিছু চুশ্চিত্তাগ্রস্ত হইয়া পড়িয়াছিল । কিন্তু বুড়ো মাহুবকে কীকি দেওয়া একটি মেয়ের পক্ষে কিছুই শক্ত নহে । মেয়েটি প্রায়ই কাপড় শুকাইতে দিতে ছাতে উঠিত এবং তোমারও বোধ করি ছাতে না উঠিলে পড়া মুগ্ধ হইত না । পরস্পরের ছাত হইতে তোমাদের কোনরূপ কথা-

বার্তা হইত কি না সে তোমরাই জান, কিন্তু মেয়েটির ভাবগতিক দেখিয়া বুড়ার মনেও সন্দেহ হইল। কারণ, কাজকর্মে তাহার ক্রমিক ভুল হইতে দেখা গেল এবং তপস্বিনী গৌরীর মত দিন দিন সে আহার নিদ্রা ত্যাগ করিতে লাগিল। এক এক দিন সন্ধ্যাবেলায় সে বুড়ার সম্মুখেই অকারণে অশ্রু সংবরণ করিতে পারিত না।

“অবশেষে বুড়া আবিষ্কার করিল ছাতে তোমাদের মধ্যে সময়ে সময়ে নীরব দেখা সাক্ষাৎ চলিয়া থাকে—এমন কি কালেজ কামাই করিয়াও মধ্যাহ্নে চিলের ঘরের ছায়ায় ছাতের কোণে তুমি বই হাতে করিয়া বসিয়া থাকিতে ; নিরুজন অধ্যয়নে সহসা তোমার এত উৎসাহ জন্মিয়াছিল। বিপ্রদাস যখন আমার কাছে পরামর্শ জানিতে আসিল আমি কহিলাম, খুড়ো, তুমি ত অনেক দিন হইতে কাশী যাইবার মানস করিয়াছ, মেয়েটিকে আমার কাছে রাখিয়া তীর্থবাস করিতে যাও আমি তাহার ভার লইতেছি।

“বিপ্রদাস তীর্থে গেল। আমি মেয়েটিকে শ্রীপতি চাটুয়ের বাসায় রাখিয়া তাহাকেই মেয়ের বাপ বলিয়া চালাইলাম। তাহার পর যাহা হইল তোমার জানা আছে। তোমার কাছে আগাগোড়া সব কথা খোলসা করিয়া বলিয়া বড় আনন্দ লাভ করিলাম। এ যেন একটি গল্পের মত। ইচ্ছা আছে সমস্তটি লিখিয়া একটি বই করিয়া ছাপাই। আমার লেখা আসে না। আমার ভাইপোটা শুনিতেছি একটু আধটু লেখে—তাহাকে দিয়া লেখাইবার মানস আছে। কিন্তু তোমাতে তাহাতে মিলিয়া লিখিলে সব চেয়ে ভাল হয় ; কারণ, গল্পের উপসংহারটি আমার ভাল জানা নাই।”

হেমন্ত প্যারিশঙ্করের এই শেষ কথা-

শুলিতে বড় একটা কাণ না দিয়া কহিল “কুসুম এই বিবাহে কোন আপত্তি করে নাই?”

প্যারিশঙ্কর কহিল “আপত্তি ছিল কি না বোঝা ভারি শক্ত। জান ত, বাপু, মেয়ে-মাহুবের মন ; যখন ‘না’ বলে তখন ‘হাঁ’ বুঝিতে হয়। প্রথমে ত দিনকতক নূতন বাড়িতে আসিয়া তোমাকে না দেখিতে পাইয়া কেমন পাগলের মত হইয়া গেল। তুমিও দেখিলাম কোথা হইতে সন্ধান পাইয়াছ ; প্রায়ই বই হাতে করিয়া কালেজে যাত্রা করিয়া তোমার পথ ভুল হইত—এবং শ্রীপতির বাসার সম্মুখে আসিয়া কি যেন খুঁজিয়া বেড়াইতে ; ঠিক যে প্রেসিডেন্সি কলেজের রাস্তা খুঁজিতে তাহা বোধ হইত না, কারণ ভদ্রলোকের বাড়ির জানালার ভিতর দিয়া কেবল পতঙ্গ এবং উন্মাদ যুবকদের হৃদয়ের পথ ছিল মাত্র। দেখিয়া শুনিয়া আমার বড় দুঃখ হইল। দেখিলাম, তোমার পড়ার বড়ই ব্যাঘাত হইতেছে এবং মেয়েটির অবস্থাও সঙ্কটাপন্ন।

“একদিন কুসুমকে ডাকিয়া লইয়া কহিলাম—বাছা, আমি বুড়ামাহুষ, আমার কাছে লজ্জা করিবার আবশ্যক নাই—তুমি যাহাকে মনে মনে প্রার্থনা কর আমি জানি। ছেলোটো মাটি হইবার যো হইয়াছে। আমার ইচ্ছা তোমাদের মিলন হয়। শুনিবামাত্র কুসুম একেবারে বুক ফাটিয়া কাঁদিয়া উঠিল এবং ছুটিয়া পালাইয়া গেল। এমনি করিয়া প্রায় মাঝে মাঝে সন্ধ্যাবেলায় শ্রীপতির বাড়ি গিয়া কুসুমকে ডাকিয়া তোমার কথা পাড়িয়া ক্রমে তাহার লজ্জা ভাঙ্গিলাম। অবশেষে প্রতিদিন ক্রমিক আলোচনা করিয়া তাহাকে বুঝাইলাম যে, বিবাহ ব্যতীত পথ দেখি না। তাহা ছাড়া মিলনের আর কোন উপায় নাই। কুসুম কহিল কেমন করিয়া হইবে? আমি

কহিলাম, তোমাকে কুলীনের মেয়ে বলিয়া চালাইয়া দিব। অনেক তর্কের পর সে এ বিষয়ে তোমার মত জানিতে কহিল। আমি কহিলাম, ছেলেটা একে ক্ষেপিয়া যাইবার ঘো হইয়াছে, তাহাকে আবার এ সকল গোলমালের কথা বলিবার আবশ্যক কি? কাজটা বেশ নিরাপত্তে নিশ্চিত্তে নিষ্পন্ন হইয়া গেলেই সকল দিকে সুখের হইবে। বিশেষতঃ এ কথা যখন কখনও প্রকাশ হইবার কোন সম্ভাবনা নাই তখন বেচারাকে কেন গায়ে পড়িয়া চিরজীবনের মত অসুখী করা!—

“কুসুম বুঝিল, কি বুঝিল না আমি বুঝিতে পারিলাম না। কখন কান্দে কখন চুপ করিয়া থাকে। অবশেষে আমি যখন বলি, তবে কাজ নাই, তখন আবার সে অস্থির হইয়া উঠে। এইরূপ অবস্থায় শ্রীপতিকে দিয়া তোমাকে বিবাহের প্রস্তাব পাঠাই। দেখিলাম সম্মতি দিতে তোমার ভিলমাত্র বিলম্ব হইল না। তখন বিবাহের সমস্ত ঠিক হইল।

“বিবাহের অনতিপূর্বে কুসুম এমনি বাঁকিয়া দাঁড়াইল তাহাকে আর কিছুতেই বাগাইতে পারি না। সে আমার হাতে পায়ে ধরে, বলে ইহাতে কাজ নাই জ্যাঠামশায়। আমি বলিলাম, কি সর্বনাশ, সমস্ত স্থির হইয়া গেছে, এখন কি বলিয়া ফিরাইব!—কুসুম বলে তুমি রাই করিয়া দাও আমার হঠাৎ মৃত্যু হইয়াছে, আমাকে এবান হইতে কোথাও পাঠাইয়া দাও!—আমি বলিলাম তাহা হইলে ছেলেটির দশা কি হইবে! তাহার বহুদিনের আশা কালপূর্ণ হইবে বলিয়া সে স্বর্গে চড়িয়া বসিয়াছে, আজ আমি হঠাৎ তাহাকে তোমার মৃত্যুসংবাদ পাঠাইব! আবার তাহার পরদিন তোমাকে তাহার মৃত্যুসংবাদ পাঠাইতে হইবে, এবং দুইদিন সন্ধ্যা

বেলায় আমার কাছে তোমার মৃত্যুসংবাদ আসিবে। আমি কি এই বুড়া বয়সে স্ত্রীহত্যা ব্রহ্মহত্যা করিতে বসিয়াছি!

“তাহার পর শুভলগ্নে শুভবিবাহ সম্পন্ন হইল—আমি আমার একটা কর্তব্যদায় হইতে অব্যাহতি পাইয়া বাঁচিলাম। তাহার পর কি হইল তুমি জান।”

হেমন্ত কহিলেন “আমাদের যাহা করিবার তাহা ত করিলেন আবার কথাটা প্রকাশ করিলেন কেন?”

প্যারিশঙ্কর কহিলেন “দেখিলাম তোমার ছোট ভগ্নীর বিবাহের সমস্ত স্থির হইয়া গেছে তখন মনে মনে ভাবিলাম, একটা ব্রাহ্মণের জাত মারিয়াছি কিন্তু সে কেবল কর্তব্যবোধে। আবার আর একটা ব্রাহ্মণের জাত মারা পড়ে, আমার কর্তব্য এটা নিবারণ করা। তাই তাহাদের চিঠি লিখিয়া দিলাম। বলিলাম, হেমন্ত যে শূদ্রের কন্যা বিবাহ করিয়াছে তাহার প্রমাণ আছে।”

হেমন্ত বহুকষ্টে ধৈর্য্য সঞ্চরণ করিয়া কহিল “এই যে মেয়েটিকে আমি পরিত্যাগ করিব, ইহার দশা কি হইবে? আপনি ইহাকে আশ্রয় দিবেন?”

প্যারিশঙ্কর কহিলেন “আমার যাহা কাজ তাহা আমি করিয়াছি, এখন পরের পরিত্যক্ত স্ত্রীকে পোষণ করা আমার কর্ম নহে। ওরে হেমন্ত বাবুর জন্ত বরফ দিয়া এক গ্লাস ডাবেব জল লইয়া আয়, আর পান আনিসু!”

হেমন্ত এই স্ত্রীতল আতিথ্যের জন্ত অপেক্ষা না করিয়া চলিয়া গেল।

চতুর্থ পরিচ্ছেদ ।

—:~:—

কুম্বপক্ষের পঞ্চমী। অন্ধকার রাত্রি। পাখা ডাকিতেছে না। পুষ্করিণীর ধারের। লচু গাছটি কালো চিত্রপটের উপর গাঢ়তর কালির দাগের মত লেপিয়া গেছে। কেবল দাক্ষণের বাতাস এই অন্ধকারে অন্ধভাবে ঘুরিয়া ঘুরিয়া বেড়াইতেছে, যেন তাহাকে “নিশি”তে পাইয়াছে। আর আকাশের তারা নির্নিমেঘ সতর্ক নেবে প্রাণপণে অন্ধকার ভেদ করিয়া কি একটা রহস্য আবিষ্কার করিতে প্রবৃত্ত আছে।

শয়নগৃহে দীপ জ্বালা হয় নাই। হেমন্ত বাতায়নের কাছে খাটের উপরে বসিয়া সন্মুখের অন্ধকারের দিকে চাহিয়া আছে। কুম্বম ভূমিতলে দুই হাতে তাহার পা জড়াইয়া পায়ের উপর মুখ রাখিয়া পড়িয়া আছে। সময় যেন স্তম্ভিত সমুদ্রের মত স্থির হইয়া আছে। যেন অনন্ত নিশিধিনীর উপর অদৃষ্ট চিত্রকর এই একটি চিরস্থায়ী ছবি আঁকিয়া রাখিয়াছে— চারিদিকে প্রলয়, মাঝখানে একটি বিচারক, এবং তাহার পায়ের কাছে একটি অপরাধিনী।

আবার চটজুতার শব্দ হইল। হরিহর মুখুশ্যে দ্বারের কাছে আসিয়া বলিলেন— “অনেকক্ষণ হইয়া গিয়াছে আর সময় দিতে পারি না। মেয়েটাকে ঘর হইতে দূর করিয়া দাও !”


কুম্বম এই স্বর শুনিবামাত্র একবার মুহূর্তের মত চিরজীবনের সাঁধ মিটাইয়া হেমন্তের দুই পা দ্বিগুণতর আবেগে চাপিয়া ধরিল— চরণ চুষন করিয়া পায়ের ধূলা মাথায় লইয়া পা ছাড়াইয়া দিল।

হেমন্ত উঠিয়া গিয়া পিতাকে বলিল— “আমি স্ত্রীকে ত্যাগ করিব না।”

হরিহর গর্জিয়া উঠিয়া কহিল— “জাত খোয়াইবি ?”

হেমন্ত কহিল “আমি জাত মানি না।”

“তবে তুইমুদ্র দূর হইয়া যা।”



প্রথম পরিচ্ছেদ ।

—:~:—

মহামায়া এবং রাজীবলোচন উভয়ে নদীর ধারে একটা ভাঙ্গা মন্দিরে সাক্ষাৎ করিল।

মহামায়া কোন কথা না বলিয়া তাহার স্বাভাবিক গম্ভীর দৃষ্টি ঈষৎ ভংসনার ভাবে রাজীবের প্রতি নিক্ষেপ করিল। তাহার মর্মে এই, তুমি কি সাহসে আজ অসময়ে আমাকে এখানে আহ্বান করিয়া আনিয়াছ? আমি এপর্যন্ত তোমার সকল কথা শুনিয়া আসিতেছি বলিয়াই তোমার এতদূর স্পন্দা বাড়িয়া উঠিয়াছে ?

রাজীব একে মহামায়াকে বরাবর ঈষৎ ভয় করিয়া চলে তাহাতে এই দৃষ্টপাতে তাহাকে ভারি বিচলিত করিয়া দিল— দুটা কথা শুছাইয়া বলিবে মনে করিয়াছিল, সে আশায় তৎক্ষণাৎ জলাঞ্জলি দিতে হইল। অথচ অবিলম্বে এই মিলনের একটা কোন কিছু কারণ না দেখাইলেও চলে না, তাই দ্রুত বলিয়া ফেলিল— “আমি প্রস্তাব করিতেছি, এখন হইতে পালা-

ইয়া গিয়া আমরা দুজনে বিবাহ করি।”—
রাজীবের যে কথাটা বলিবার উদ্দেশ্য ছিল সে
কথাটা ঠিক বলা হইল বটে, কিন্তু যে ভূমিকাটি
মনে মনে স্থির করিয়া আসিয়াছিল তাহার
কিছুই হইল না। কথাটা নিতান্ত নীরস
নিরলঙ্কার, এমন কি, অদ্ভুত শুনিতে হইল।
নিজে বলিয়া নিজে খতমত খাইয়া গেল—
আরও ছোটো পাঁচটা কথা জুড়িয়া ওটাকে যে
বেশ একটু নরম করিয়া আনিবে তাহার
সামর্থ্য রহিল না। ভাঙ্গা মন্দিরে নদীর
ধারে এই মধ্যাহ্নকালে মহামায়াকে ডাকিয়া
আনিয়া নির্কোষ লোকটা শুধু কেবল বলিল,
চল আমরা বিবাহ করিগে!

মহামায়া দুলানের ঘরের কুমারী। বয়স
চব্বিশ বৎসর। যেমন পরিপূর্ণ বয়স, তেমন
পরিপূর্ণ সৌন্দর্য্য। যেন শয়ৎকালের রৌদ্রের
মত কাঁচা সোণার প্রতিমা—সেই রৌদ্রের
মতই দীপ্ত এবং নীরব এবং তাহার দৃষ্টি দিবা-
লোকের স্নায় উন্মুক্ত এবং নির্ভীক।

তাহার বাপ নাই; বড় ভাই আছে—
তাঁহার নাম ভবানীচরণ চট্টোপাধ্যায়। ভাই-
বোন প্রায় এক প্রকৃতির লোক—মুখে কথাটি
নাই কিন্তু এমনি একটা তেজ আছে যে, দিবা
দ্বিপ্রহরের মত নিঃশব্দে দহন করে। লোকে
ভবানীচরণকে অকারণে ভয় করিত।

রাজীব লোকটা বিদেশী। এখানকার
রেশমের কুটির বড় সাহেব তাহাকে নিজের
সঙ্গে লইয়া আসিয়াছে। রাজীবের বাপ এই
সাহেবের কর্মচারী ছিলেন, তাঁহার মৃত্যু
হইলে সাহেব তাঁহার অল্পবয়স্ক পুত্রের ভরণ-
পোষণের ভার নিজে লইয়া তাহাকে বাল্যা-
বস্থায় এই বামনহাটীর কুঠিতে লইয়া আসেন।
আমি যে প্রাচীনকালের কথা বলিতেছি তখন-
কার সাহেবদের মধ্যে এরূপ সহৃদয়তা প্রায়

দেখা যাইত। বালকের সঙ্গে কেবল তাহার
স্নেহশীলা পিসি ছিলেন। ইহার ভবানীচরণ-
ণের প্রতিবেশীরূপে বাস করিতেন। মহামায়া
রাজীবের বাল্যসঙ্গিনী ছিল এবং রাজীবের
পিসির সহিত মহামায়ার স্নদৃঢ় স্নেহবন্ধন ছিল।

রাজীবের বয়স ক্রমে ক্রমে ষোল, সতের,
আঠারো, এমন কি, উনিশ হইয়া উঠিল,
তথাপি পিসির বিস্তর অনুরোধসত্ত্বেও সে
বিবাহ করিতে চায় না। সাহেব বাঙ্গালীর
ছেলের এরূপ অসামান্য স্বেচ্ছার পরিচয় পাইয়া
ভারি খুসি হইলেন; মনে করিলেন, ছেলোট
কাঁহাকেই আপনার জীবনের আদর্শস্থল
করিয়াছে। সাহেব অবিবাহিত ছিলেন।
ইতিমধ্যে পিসিরও মৃত্যু হইল।

এদিকে সাধ্যাতীত ব্যয় ব্যতীত মহামায়ার
জন্তও অল্পরূপ কুলসম্পন্ন পাত্র জোটে না।
তাহারও কুমারী-বয়স ক্রমে বাড়িতে লাগিল।

পাঠকদিগকে বলা বাহুল্য যে, পরিণয়বন্ধন
যে দেবতার কার্য্য তিনি যদিও এই নরনারী-
যুগলের প্রতি এ যাবৎ বিশেষ অমনোযোগ
প্রদর্শন করিয়া আসিতেছেন, কিন্তু প্রণয়বন্ধনের
ভার-বাহার প্রতি তিনি এতদিন সময় নষ্ট
করেন নাই। বৃদ্ধ প্রজাপতি যখন চুলিতে-
ছিলেন, যুবক কন্দর্প তখন সম্পূর্ণ সজাগ
অবস্থায় ছিলেন।

ভগবান্ কন্দর্পের প্রভাব ভিন্ন লোকের
উপর ভিন্ন ভাবে প্রকাশিত হয়। রাজীব
তাঁহার প্ররোচনায় ছোটো চারটে মনের কথা
বলিবার অবসর খুঁজিয়া বেড়ায়, মহামায়া
তাহাকে সে অবসর দেয় না—তাহার নিস্তর
গম্ভীর দৃষ্টি রাজীবের ব্যাকুল হৃদয়ে একটা
ভীতির সঞ্চার করিয়া দেয়।

আজ শতবার মাথার দিব্য দিয়া রাজীব
মহামায়াকে এই ভাঙ্গা মন্দিরে আনিতে কৃত-

কার্য হইয়াছে। তাই মনে করিয়াছিল, যত কিছু বলিবার আছে আজ সব বলিয়া লইবে, তাহার পরে, হয়, আমরণ সুখ, নয়, আজীবন মৃত্যু। জীবনের এমন একটা সঙ্কটের দিনে রাজীব কেবল কহিল—“চল, তবে বিবাহ করা যাউক!” এবং তার পরে বিন্মতপাঠ ছাত্রের মত খতমত খাইয়া চূপ করিয়া রহিল।

রাজীব যে এরূপ প্রস্তাব করিবে মহামায়া যেন আশা করে নাই। অনেককাল তাই নীরব হইয়া রহিল।

মধ্যাহ্নকালের অনেকগুলি অনির্দিষ্ট করুণ-ধ্বনি আছে, সেইগুলি এই নিস্তরুতায় ফুটিয়া উঠিতে লাগিল। বাতাসে মন্দিরের অর্ধসংলগ্ন ভাঙ্গা কপাট এক একবার অত্যন্ত মৃদু মন্দ আর্ন্তস্বর সহকারে ধীরে ধীরে খুলিতে এবং বন্ধ হইতে লাগিল; মন্দিরের গবাক্ষে বসিয়া পায়রা বকম্-বকম্ করিয়া ডাকে, বাহিরে শিমুল-গাছের শাখায় বসিয়া কাঠঠোকা একঘেঁষে ঠক্ঠক্ শব্দ করে, শুষ্ক পত্ররাশির মধ্য দিয়া গিরগিটি সরস শব্দে ছুটিয়া যায়, হঠাৎ একটা উষ্ণবাতাস মাঠের দিক হইতে আসিয়া সমস্ত গাছের পাতার মধ্যে বরবর করিয়া উঠে, এবং হঠাৎ নদীর জল জাগিয়া উঠিয়া ভাঙ্গা ঘাটের সোপানের উপর ছলাংছলাং করিয়া আঘাত করিতে থাকে। এইসমস্ত আকস্মিক অলস শব্দের মধ্যে বহুদূর তরুতল হইতে একটি মাথালের বাঁশিতে মেঠো স্বর বাজিতেছে। রাজীব মহামায়ার মুখের দিকে চাহিতে সাহসী না হইয়া মন্দিরের ভিত্তির উপর ঠেস দিয়া ঠাঁড়াইয়া একপ্রকার শ্রান্ত স্বপ্নাবিষ্টের মত নদীর দিকে চাহিয়া আছে।

কিছুকাল পরে মুখ কিরাইয়া লইয়া রাজীব আর একবার ভিক্কভাবে মহামায়ার মুখের

দিকে চাহিল। মহামায়া মাথা নাড়িয়া কহিল—“না, সে হইতে পারে না।”

মহামায়ার মাথা যেমনি নড়িল, রাজীবের আশাও অমনি ভূমিসাৎ হইয়া গেল। কারণ, রাজীব সম্পূর্ণ জানিত মহামায়ার মাথা মহামায়ার নিজের নিয়মানুসারেই নড়ে, আর কাহারও সাধ্য নাই তাহাকে আপন মতে বিচলিত করে। প্রবল কুশাভিমান মহামায়ার বংশে কতকাল হইতে প্রবাহিত হইতেছে—সে কি কখনো রাজীবের মত বংশজ ব্রাহ্মণকে বিবাহ করিতে সম্মত হইতে পারে! ভালবাসা এক এবং বিবাহ করা আর। যাহা হউক, মহামায়া বৃষ্টিতে পারিল তাহার নিজের বিবেচনা-হীন ব্যবহারেই রাজীবের এতদূর স্পর্ধা বাড়িয়াছে; তৎক্ষণাৎ সে মন্দির ছাড়িয়া চলিয়া যাইতে উত্তত হইল।

রাজীব অবস্থা বুঝিয়া তাড়াতাড়ি কহিল—“আমি কালই এদেশ হইতে চলিয়া যাইতেছি।”

মহামায়া প্রথমে মনে করিয়াছিল যে, ভাবটা দেখাইবে—সে খবরে আমার কি আবশ্যক! কিন্তু পারিল না। পা তুলিতে গিয়া পা উঠিল না—শান্তভাবে জিজ্ঞাসা করিল “কেন?”

রাজীব কহিল, আমার সাহেব এখান হইতে সোণাপুরের কুঠিতে বদলি হইতেছেন, আমাকে সঙ্গে লইয়া যাইতেছেন।

মহামায়া আবার অনেককাল চূপ করিয়া রহিল। ভাবিয়া দেখিল দুই জনের জীবনের গতি দুই দিকে—একটা মানুষকে চিরদিন নজরবন্দী করিয়া রাখা যায় না। তাই চাপা ঠোট ঈষৎ খুলিয়া কহিল—“আচ্ছা!” সেটা কতকটা গভীর দীর্ঘনিশ্বাসের মত শুনাইল।

কেবল এই কথাটুকু বলিয়া মহামায়া পুনশ্চ

গমনোচ্ছত হইতেছে—এমন সময় রাজীব চমকিয়া উঠিয়া কহিল—“চাটুয্যে মহাশয় !”

মহামায়া দেখিল, ভবানীচরণ মন্দিরের অভিমুখে আসিতেছে, বুঝিল তাহাদের সন্ধান পাইয়াছে। রাজীব মহামায়ার বিপদের সম্ভাবনা দেখিয়া মন্দিরের ভয়ভিত্তি দিয়া লাফাইয়া বাহির হইবার চেষ্টা করিল। মহামায়া সবলে তাহার হাত ধরিয়া আটক করিয়া রাখিল। ভবানীচরণ মন্দিরে প্রবেশ করিলেন—কেবল একবার নীরবে নিস্তব্ধভাবে উভয়ের প্রতি দৃষ্টিপাত করিলেন।

মহামায়া রাজীবের দিকে চাহিয়া অবিচলিত ভাবে কহিল, “রাজীব, তোমার ঘরেই আমি ঘাইব। তুমি আমার জন্ত অপেক্ষা করিও।”

ভবানীচরণ নিঃশব্দে মন্দির হইতে বাহির হইলেন, মহামায়াও নিঃশব্দে তাঁহার অনুগমন করিল—আর রাজীব হতবুদ্ধি হইয়া দাঁড়াইয়া রহিল—যেন তাহার কঁাসির হুকুম হইয়াছে।

দ্বিতীয় পরিচ্ছেদ ।

—:~:~:~:—

সেই রাত্রেই ভবানীচরণ একখানা লাল চেলি আনিয়া মহামায়াকে বলিলেন—এইটে পরিয়া আইস।

মহামায়া পরিয়া আসিল। তাহার পর বলিলেন, “আমার সঙ্গে চল।”

ভবানীচরণের আদেশ, এমন কি, সঙ্কেতও কেহ কখন অমান্য করে নাই। মহামায়াও না।

সেই রাত্রে উভয়ে নদীতীরে শ্মশান অভি-
যুখে চলিলেন। শ্মশান বাড়ি হইতে অধিক
দূর নহে। সেখানে গঙ্গাঘাতীর ঘরে একটি
বৃদ্ধ ব্রাহ্মণ মৃত্যুর জন্ত প্রতীক্ষা করিয়াছিল।

তাহারই শয্যাপার্শ্বে উভয়ে গিয়া দাঁড়াইলেন।
ঘরের এক কোণে পুরোহিত ব্রাহ্মণ উপস্থিত
ছিল, ভবানীচরণ তাহাকে ইঙ্গিত করিলেন।
সে অবিলম্বে শুভাহুষ্ঠানের আয়োজন করিয়া
লইয়া প্রস্তুত হইয়া দাঁড়াইল; মহামায়া বুঝিল
এই মুমূর্ষুর সহিত তাহার বিবাহ। সে আপ-
ত্তির লেশমাত্র প্রকাশ করিল না। দুইটি
অদূরবর্তী চিতার আলোকে অন্ধকারপ্রায় গৃহে
মৃত্যুযন্ত্রণার আর্জুনের সহিত অস্পষ্ট
মস্ত্রোচ্চারণ মিশ্রিত করিয়া মহামায়ার বিবাহ
হইয়া গেল।

ষে দিন বিবাহ তাহার পরদিনই মহামায়া
বিধবা হইল। এই দুর্ঘটনায় বিধবা অতিমাত্র
শোক অনুভব করিল না—এবং রাজীবও
মহামায়ার অকস্মাৎ বিবাহসংবাদে বেরূপ বজ্রা-
হত হইয়াছিল, বৈধব্যসংবাদে সেরূপ হইল না।
এমন কি, কিঞ্চিৎ প্রকল্প বোধ করিতে লাগিল।
কিন্তু সে ভাব অধিকরণ স্থায়ী হইল না।
দ্বিতীয় আর একটা বজ্রাঘাতে রাজীবকে
একবারে ভূপাতিত করিয়া ফেলিল। সে
সংবাদ পাইল, শ্মশানে আজ ভারি ধূম।
মহামায়া সহমুতা হইতেছে।

প্রথমেই সে ভাবিল, সাহেবকে সংবাদ দিয়া
তাঁহার সাহায্যে এই নিদারুণ ব্যাপার বলপূর্বক
রহিত করিবে। তাহার পরে মনে পড়িল,
সাহেব আজই বদলি হইয়া সোণাপুরে রওনা
হইয়াছে—রাজীবকেও সঙ্গে লইতে চাহিয়াছিল
কিন্তু রাজীব একমাসের ছুটি লইয়া থাকিয়া
গেছে।

মহামায়া তাহাকে বলিয়াছে “তুমি আমার
জন্ত অপেক্ষা করিও।” সে কথা সে কিছুতেই
লঙ্ঘন করিতে পারে না। আপাততঃ এক-
মাসের ছুটি লইয়াছে, আবশ্যক হইলে দুই মাস,
ক্রমে তিন মাস এবং অবশেষে সাহেবের কর্ম

ছাড়িয়া দিয়া ঘারে ঘারে ভিক্ষা করিয়া খাইবে, তবু চিরজীবন অপেক্ষা করিতে ছাড়িবে না।

রাজীব যখন পাগলের মত ছুটিয়া হয় আত্মহত্যা, নয় একটা কিছু করিবার উদ্যোগ করিতেছে, এমন সময় সন্ধ্যাকালে মুসলধারায় বৃষ্টির সহিত একটা প্রলয়-ঝড় উপস্থিত হইল। এমনি ঝড় যে, রাজীবের মনে হইল বাড়ি মাথার উপর ভাঙ্গিয়া পড়িবে। যখন দেখিল, বাহুপ্রকৃতিতেও তাহার অন্তরের অনুরূপ একটা মহাবিপ্লব উপস্থিত হইয়াছে, তখন সে যেন কতকটা শান্ত হইল। তাহার মনে হইল, সমস্ত প্রকৃতি তাহার হইয়া একটা কোনরূপ প্রতিবিধান করিতে আরম্ভ করিয়া দিয়াছে। সে নিজে যতটা শক্তিপ্রয়োগ করিতে ইচ্ছা করিত মাত্র কিন্তু পারিত না, প্রকৃতি আকাশ-পাতাল জুড়িয়া ততটা শক্তিপ্রয়োগ করিয়া কাজ করিতেছে।

এমন সময়ে বাহির হইতে সবলে কে ঘর ঠেলিল। রাজীব তাড়াতাড়ি খুলিয়া দিল। ঘরের মধ্যে আর্দ্রবস্ত্রে একটি জ্বীলোক প্রবেশ করিল, তাহার মাথায় সমস্ত মুখ ঢাকিয়া ঘোমটা। রাজীব তৎক্ষণাৎ চিনিতে পারিল, সে মহামায়া।

উচ্ছ্বসিত স্বরে জিজ্ঞাসা করিল—“মহামায়া, তুমি চিতা হইতে উঠিয়া আসিয়াছ ?”

মহামায়া কহিল “হাঁ! আমি তোমার কাছে অঙ্গীকার করিয়াছিলাম, তোমার ঘরে আসিব। সেই অঙ্গীকার পালন করিতে আসিয়াছি। কিন্তু রাজীব, আমি ঠিক সে আমি নাই, আমার সমস্ত পরিবর্তন হইয়া গিয়াছে। কেবল আমি মনে মনে সেই মহামায়া আছি। এখনো বল, এখনো আমার চিতায় ফিরিয়া যাইতে পারিব। আর যদি প্রতিজ্ঞা কর কখনো আমার ঘোমটা খুলিবে

না, আমার মুখ দেখিবে না—তবে আমি তোমার ঘরে থাকিতে পারি।”

মৃত্যুর হাত হইতে ফিরিয়া পাওয়াই যথেষ্ট, তখন আর সমস্তই তুচ্ছজ্ঞান হয়। রাজীব তাড়াতাড়ি কহিল “তুমি যেমন ইচ্ছা তেমনি করিয়া থাকিও—আমাকে ছাড়িয়া গেলে আর আমি বাঁচিব না।”

মহামায়া কহিল “তবে এখনি চল—তোমার সাহেব যেখানে বদলি হইয়াছে সেইখানে যাই।”

ঘরে যাহা কিছু ছিল সমস্ত ফেলিয়া রাজীব মহামায়াকে লইয়া সেই ঝড়ের মধ্যে বাহির হইল। এমনি ঝড় যে দাঁড়ান কঠিন—ঝড়ের বেগে কঙ্কর উড়িয়া আসিয়া ছিটাগুলির মত গায়ে বিধিতে লাগিল। মাথার উপরে গাছ ভাঙ্গিয়া পড়িবার ভয়ে পথ ছাড়িয়া উভয়ে খোলা মাঠ দিয়া চলিতে লাগিল। বায়ুর বেগ পশ্চাৎ হইতে আঘাত করিল। যেন ঝড়ে লোকালয় হইতে দুইটা মানুষকে ছিন্ন করিয়া প্রলয়ের দিকে উড়াইয়া লইয়া চলিয়াছে।

তৃতীয় পরিচ্ছেদ।

—:~:—

গল্পটা পাঠকেরা নিতান্ত অমূলক অথবা অলৌকিক মনে করিবেন না। যখন সহমরণ-প্রথা প্রচলিত ছিল, তখন এমন ঘটনা কদা-চিৎ মাঝে মাঝে ঘটিতে শুনা গিয়াছে।

মহামায়ার হাত পা বাঁধিয়া তাহাকে চিতায় সমর্পণ করিয়া যথাসময়ে অগ্নিপ্রয়োগ করা হইয়াছিল। অগ্নিও ধু ধু করিয়া ধরিয়া উঠিয়াছে, এমন সময়ে প্রচণ্ড ঝড় ও মুসলধারে বৃষ্টি আরম্ভ হইল। যাহারা দাহ করিতে আসিয়াছিল তাহারা তাড়াতাড়ি গঙ্গাযাত্রীর

ঘরে আশ্রয় লইয়া দ্বার রুদ্ধ করিয়া দিল।
 বৃষ্টিতে চিতানল নিবিতে বিলম্ব হইল না।
 ইতিমধ্যে মহামায়ার হাতের বন্ধন ভঙ্গ হইয়া
 তাহার হাত ছুটি মুক্ত হইয়াছে। অসহ
 দাহযন্ত্রণায় একটিমাত্র কথা না কহিয়া মহামায়া
 উঠিয়া বসিয়া পায়ের বন্ধন খুলিল। তাহার
 পর, স্থানে স্থানে দধি বস্ত্রখণ্ড গাত্রে জড়াইয়া
 উল্লসপ্রায় মহামায়া চিতা হইতে উঠিয়া প্রথমে
 আপনার ঘরে ফিরিয়া আসিল। গৃহে কেহই
 ছিল না, সকলেই শ্রমানে। প্রদীপ জালিয়া
 একখানি কাপড় পরিয়া মহামায়া একবার
 দর্পণে মুখ দেখিল। দর্পণ ভূমিতে আছাড়িয়া
 ফেলিয়া একবার কি ভাবিল। তাহার পর
 মুখের উপর দীর্ঘ ঘোমটা টানিয়া অদূরবর্তী
 রাজীবের বাড়ি গেল। তাহার পর কি ঘটিল
 পাঠকের অগোচর নাই।

মহামায়া এখন রাজীবের ঘরে, কিন্তু
 রাজীবের জীবনে স্থান নাই। অধিক নহে,
 উভয়ের মধ্যে কেবল একখানি মাত্র ঘোমটার
 ব্যবধান। কিন্তু সেই ঘোমটাটুকু মৃত্যুর-শায়
 চিরস্থায়ী, অথচ মৃত্যুর অপেক্ষা যন্ত্রণাদায়ক।
 কারণ নৈরাশ্রে মৃত্যুর বিচ্ছেদ-বেদনাকে কাল-
 ক্রমে অসাড় করিয়া ফেলে, কিন্তু এই ঘোমটার
 বিচ্ছেদটুকুর মধ্যে একটি জীবন্ত আশা প্রতি-
 দিন প্রতিমুহুর্তেই পীড়িত হইতেছে।

একে মহামায়ার চিরকালই একটা নিস্তরু
 নীরব ভাব আছে, তাহাতে এই ঘোমটার
 ভিতরকার নিস্তরুতা দ্বিগুণ হুঃসহ বোধ হয়।
 সে যেন একটা মৃত্যুর মধ্যে আবৃত হইয়া বাস
 করিতেছে। এই নিস্তরু মৃত্যু রাজীবের জীবনকে
 আলিঙ্গন করিয়া প্রতিদিন যেন বিশীর্ণ করিতে
 লাগিল। রাজীব পূর্বে যে মহামায়াকে
 জামিত তাহাকেও হারাইল এবং তাহার সেই
 আশেপাশ হৃন্দর স্বতিকে যে আপনার সংসারে

প্রতিষ্ঠিত করিয়া রাখিবে, এই ঘোমটাচ্ছন্ন
 মূর্তি চিরদিন পার্শ্বে থাকিয়া নীরবে তাহাতেও
 বাধা দিতে লাগিল। রাজীব ভাবিত, মাহুবে
 মাহুবে স্বভাবতই যথেষ্ট ব্যবধান আছে—বিশে-
 ষতঃ মহামায়া পূরণ-বর্ণিত কর্ণের মত সহজ
 কবচধারী—সে আপনার স্বভাবের চারিদিকে
 একটা আবরণ লইয়াই জন্মগ্রহণ করিয়াছে,
 তাহার পর মাঝে আবার যেন আর একবার
 জন্মগ্রহণ করিয়া আবার আরো একটা আব-
 রণ লইয়া আসিয়াছে, অহরহ পার্শ্বে থাকিয়াও
 সে এত দূরে চলিয়া গিয়াছে যে, রাজীব যেন
 আর তাহার নাগাল পায় না—কেবল একটা
 মায়াগণ্ডীর বাহিরে বসিয়া অতৃপ্ত তৃষিত হৃদয়ে
 এই সূক্ষ্ম অথচ অটল রহস্য ভেদ করিবার চেষ্টা
 করিতেছে—নরক যেন প্রতিরাজি নিদ্রাহীন
 নির্নিমেষ নতনেত্রে অন্ধকার নিশীথিনীকে
 ভেদ করিবার প্রয়াসে নিঃস্বলে নিশিষাপন করে।

এমনি করিয়া এই দুই সঙ্গীহীন একক
 প্রাণী কতকাল একত্র যাপন করিল।

একদিন বর্ষাকালে শুক্লপক্ষ দশমীর রাত্রে
 প্রথম মেঘ কাটিয়া চাঁদ দেখা দিল। নিঃস্পন্দ
 জ্যোৎস্না-রাত্রি স্তম্ভ পৃথিবীর শিয়রে জাগিয়া
 বসিয়া রহিল। সে রাত্রে নিদ্রাত্যাগ করিয়া
 রাজীবও আপনার জানালায় বসিয়া ছিল।
 গ্রীষ্মক্লিষ্ট বন হইতে একটা গন্ধ এবং ঝিল্লির
 শ্রান্তরব তাহার ঘরে আসিয়া প্রবেশ করিতে-
 ছিল। রাজীব দেখিতেছিল অন্ধকার তরু-
 শ্রেণীর প্রান্তে শান্ত সরোবর একখানি মাৰ্জিত
 রূপার পাতের মত ঝকঝক করিতেছে।
 মাহুবে এ রকম সময় স্পষ্ট একটা কোন কথা
 ভাবে কি না বলা শক্ত। কেবল তাহার সমস্ত
 অন্তঃকরণ একটা কোন দিকে প্রবাহিত হইতে
 থাকে—বনের মত একটা গন্ধোচ্ছ্বাস দেয়,
 রাত্রির মত একটা ঝিল্লিধ্বনি করে। রাজীব


কি ভাবিল জানি না, কিন্তু তাহার মনে হইল আজ যেন সমস্ত পূর্ব নিয়ম ভাঙ্গিয়া গিয়াছে। আজ বর্ষান্ত্রি তাহার মেঘাবরণ খুলিয়া ফেলিয়াছে এবং আজিকার এই নিশীথিনীকে সে-কালের সেই মহামায়ার মত নিস্তর সুন্দর এবং সুগম্ভীর দেখাইতেছে। তাহার সমস্ত অস্তিত্ব সেই মহামায়ার দিকে একযোগে ধাবিত হইল।

স্বপ্নচালিতের মত উঠিয়া রাজীব মহামায়ার শয়ন-মন্দিরে প্রবেশ করিল। মহামায়া তখন ঘুমাইতেছিল।

রাজীব কাছে গিয়া দাঁড়াইল—মুখ নত করিয়া দেখিল—মহামায়ার মুখের উপর জ্যোৎস্না আসিয়া পড়িয়াছে। কিন্তু হায়, এ কি! সে চিরপরিচিত মুখ কোথায়! চিতানল-শিখা তাহার নিষ্ঠুর লেলিহান রসনায় মহামায়ার বামগণ্ড হইতে কিয়দংশ সৌন্দর্য্য একেবারে লেহন করিয়া লইয়া আপনার কুধার চিহ্ন রাখিয়া গেছে।

বোধ করি রাজীব চমকিয়া উঠিয়াছিল, বোধ করি একটা অব্যক্ত ধ্বনিও তাহার মুখ দিয়া বাহির হইয়া থাকিবে। মহামায়া চমকিয়া জাগিয়া উঠিল—দেখিল সম্মুখে রাজীব। তৎক্ষণাৎ ঘোমটা টানিয়া শয্যা ছাড়িয়া একেবারে উঠিয়া দাঁড়াইল। রাজীব ব্যথিত এই বার বজ্র উত্তত হইয়াছে। ভূমিতে পড়িল—পায়ে ধরিয়া কহিল, “আমাকে ক্ষমা কর।”

মহামায়া একটি উত্তরমাত্র না করিয়া মুহূর্তের ভ্রম পশ্চাতে না ফিরিয়া ঘর হইতে বাহির হইয়া গেল। রাজীবের ঘরে আর সে প্রবেশ করিল না। কোথাও তাহার আর সন্ধান পাওয়া গেল না। সেই ক্ষমাহীন চিরবিদায়ের নীরব ক্রোধানল রাজীবের সমস্ত ইহজীবনে একটি সুদীর্ঘ দগ্ধচিহ্ন রাখিয়া দিয়া গেল।



কালেজে আমার সহপাঠী সম্প্রদায়ের মধ্যে আমার একটু বিশেষ প্রতিপত্তি ছিল। সকলেই আমাকে সকল বিষয়েই সমজ দার বলিয়া মনে করিত।

ইহার প্রধান কারণ—ভুল হউক আর ঠিক হউক সকল বিষয়েই আমার একটা মতামত ছিল। অধিকাংশ লোকেই ইহা এবং না জোর করিয়া বলিতে পারে না আমি সেটা খুব বলিতাম।

কেবল যে আমি মতামত লইয়া ছিলাম তাহা নহে, নিজেও রচনা করিতাম; বক্তৃতা দিতাম, কবিতা লিপিতাম, সমালোচনা করিতাম—এবং সর্বপ্রকারেই আমার সহপাঠীদের জীবা ও শ্রদ্ধার পাত্র হইয়াছিলাম।

কালেজে এইরূপে শেষ পর্য্যন্ত আপন মহিমা মহীয়ান রাখিয়া বাহির হইয়া আসিতে পারিতাম। কিন্তু ইতিমধ্যে আমার খ্যাতি-স্থানের শনি এক নুতন অধ্যাপকের মূর্ত্তি ধারণ করিয়া কালেজে উদ্ভিত হইল।

আমাদের তখনকার সেই নবীন অধ্যাপকটি আজ কালকার একজন সুবিখ্যাত লোক,—অতএব আমার এই জীবনবৃত্তান্তে তাঁহার নাম গোপন করিলেও তাঁহার উজ্জ্বল নামের বিশেষ ক্ষতি হইবে না। আমার প্রতি তাঁহার আচরণ লক্ষ্য করিয়া বর্ত্তমান ইতিহাসে তাঁহাকে বামাচরণ বাবু বলিয়া ডাকা যাইবে।

ইহার বয়স যে আমাদের অপেক্ষা অধিক ছিল তাহা নহে; অল্পদিন হইল এম, এ পরী-

ক্ষায় প্রথম হইয়া টনি সাহেবের বিশেষ প্রশংসালভ কবিতা বাহির হইয়া আসিয়াছেন ; কিন্তু লোকটি ব্রাহ্ম বলিয়া কেমন তাঁহাকে অভ্যস্ত হৃদয় এবং স্বতন্ত্র মনে হইত—আমাদের সমকালীন সমবয়স্ক বলিয়া বোধ হইত না। আমরা নব্য হিন্দুর দল পরস্পরের মধ্যে তাঁহাকে ব্রহ্মদৈত্য বলিয়া ডাকিতাম।

আমাদের একটি তর্কসভা ছিল। আমিই সে সভার বিক্রমাদিত্য এবং আমিই সে সভার নবরত্ন ছিলাম। আমরা ছত্রিশ জন সভ্য ছিলাম, তন্মধ্যে পঁয়ত্রিশ জনকে গণনা হইতে বাদ দিলে কোন ক্ষতি হইত না, এবং অবশিষ্ট এক জনের যোগ্যতা সম্বন্ধে আমার যেরূপ ধারণা উক্ত পঁয়ত্রিশ জনেরও সেইরূপ ধারণা ছিল।

এই সভার বার্ষিক অধিবেশন উপলক্ষে আমি কার্লাইলের সমালোচনা করিয়া এক ওজস্বী প্রবন্ধ রচনা করিয়াছিলাম। মনে দৃঢ় বিশ্বাস ছিল তাহার অসাধারণত্বে শ্রোতামাত্রই চমৎকৃত হইবে। চমৎকৃত হইবার কথা ছিল—কারণ, আমার প্রবন্ধে কার্লাইলকে আত্মোপাস্ত নিন্দা করিয়াছিলাম।

সে অধিবেশনের সভাপতি ছিলেন বামাচরণ বাবু। প্রবন্ধ পাঠ শেষ হইলে আমার সহাধ্যায়ী ভক্তগণ আমার মতের অসমসাহসিকতা, ও ইংরাজিভাষার বিস্তৃত তেজস্বিতায় বিমুগ্ধ ও নিরুত্তর হইয়া বসিয়া রহিল। কাহারও কিছু বক্তব্য নাই শুনিয়া বামাচরণ বাবু উঠিয়া শাস্ত গম্ভীর স্বরে সংক্ষেপে বুঝাইয়া দিলেন যে আমেরিকার স্নুলেখক সুবিখ্যাত লাউয়েল সাহেবের প্রবন্ধ হইতে আমার প্রবন্ধটির যে অংশ চুরি সে অংশ অতি চমৎকার, এবং যে অংশ আমার সম্পূর্ণ নিজের সেটুকু পরিত্যাগ করিলেই ভাল হইত।

যদি তিনি বলিতেন, লাউয়েলের সহিত নবীন প্রবন্ধ লেখকের মতের এমন কি ভাষারও আশ্চর্য্য অবিকল ঐক্য দেখা যাইতেছে তাহা হইলে তাঁহার কথাটা সত্যও হইত অথচ অপ্ৰিয়ও হইত না।

এই ঘটনার পর, সহপাঠীমহলে আমার প্রতি যে অশু বিশ্বাস ছিল তাহাতে একটি বিদারণরূপা পড়িল। কেবল আমার চিত্তাহুরক্ত ভক্তাগ্রগণ্য অমূল্যচরণের হৃদয়ে লেশমাত্র বিকার জন্মিল না। সে আমাকে বারংবার বলিতে লাগিল, তোমার বিদ্যাপতি নাটকখানা ব্রহ্মদৈত্যকে শুনাইয়া দাও, দেখি সে সম্বন্ধে নিন্দুক কি বলিতে পারে।

রাজা শিবসিংহের মহিষী লছিমাদেবীকে কবি বিদ্যাপতি ভালবাসিতেন এবং তাঁহাকে না দেখিলে তিনি কবিতা-রচনা করিতে পারিতেন না। এই মর্শ্ব অবলম্বন করিয়া আমি একখানি পরম শোকাবহ উচ্চশ্রেণীর পঞ্চনাটক রচনা করিয়াছিলাম। আমার শ্রোতৃবর্গের মধ্যে ষাঁহার পুরাতত্ত্বের মর্যাদা লঙ্ঘন করিতে চাহেন না তাঁহারা বলিতেন ইতিহাসে এরূপ ঘটনা ঘটে নাই। আমি বলিতাম, সে ইতিহাসের ছর্ভাগ্য!—ঘটিলে ইতিহাস চের বেশী সরস ও সত্য হইত।

নাটকখানি যে উচ্চশ্রেণীর, সে কথা আমি পূর্বেই বলিয়াছি। অমূল্য বলিত সর্বোচ্চ শ্রেণীর। আমি আপনাকে ঘটটা মনে করিতাম, সে আবার আমাকে তাহারও চেয়ে বেশী মনে করিত। অতএব আমার যে কি এক বিরাটরূপ তাহার চিত্তে প্রতিফলিত ছিল আমিও তাহার ইয়ত্তা করিতে পারিতাম না।

নাটকখানি বামাচরণ বাবুকে শুনাইয়া দিবার পরামর্শ আমার কাছে মন্দ লাগিল না—কারণ, সে নাটকে নিন্দাযোগ্য ছিদ্র লেশমাত্র

ছিল না এইরূপ স্মৃতি বিশ্বাস। অতএব আর এক দিন তর্কসভার বিশেষ অধিবেশন আহূত হইল—ছাত্রবৃন্দের সমক্ষে আমি আমার নাটকখানি পাঠ করিলাম এবং বামাচরণ বাবু তাহার সমালোচনা করিলেন।

সে সমালোচনাটি বিস্তারিত আকারে লিপিবদ্ধ করিবার প্রবৃত্তি আমার নাই। সংক্ষেপতঃ—সমালোচনাটি আমার অনুরূপ হয় নাই; বামাচরণ বাবুর মতে নাটকগত পাত্রগণের চরিত্র ও মনোভাব সকল নিদ্রিষ্ট বিশেষত্ব প্রাপ্ত হয় নাই। বড় বড় সাধারণ ভাবের কথা আছে, কিন্তু তাহা বাস্তব অনিশ্চিত—লেখকের অন্তরের মধ্যে আকার ও জীবন প্রাপ্ত হইয়া তাহা সজ্জিত হইয়া উঠে নাই।

বৃষ্টিচকের পুচ্ছদেশেই ছল থাকে—বামাচরণ বাবুর সমালোচনার উপসংহারেই তীব্রতম বিষ সঞ্চিত ছিল। আসনগ্রহণ করিবার পূর্বে তিনি বলিলেন, আমার এই নাটকের অনেকগুলি দৃশ্য এবং মূলভাষাটি গেটে-রচিত টাসো নাটকের অনুলকরণ, এমন কি, অনেক স্থলে অনুলবাদ।

এ কথার সহ্যের ছিল। আমি বলিতে পারিতাম, হৌক অনুলকরণ, কিন্তু সেটা নিন্দার বিষয় নহে। সাহিত্য রাজ্যে চুরি বিঘা বড় বিঘা—এমন কি, ধরা পড়িলেও। সাহিত্যের বড় বড় মহাজনগণ এই কাজ করিয়া আসিয়াছেন—এমন কি, শেক্সপিয়রও বাদ যান না। সাহিত্যে যাহার ওরিজিনালিটি অত্যন্ত অধিক, সেই চুরি করিতে সাহস করে—কারণ, সে পরের জিনিষকে সম্পূর্ণ আপনার করিতে পারে।

ভাল ভাল এইরূপ আরও অনেক কথা ছিল—কিন্তু সে দিন বলা হয় নাই। বিনয় তাহার কারণ নহে। আসল কথা সে দিন

একটি কথাও মনে পড়ে নাই। প্রায় পাঁচ সাত দিন পরে একে একে উত্তর গুলি দৈবাগত ব্রহ্মাঙ্গের জায় আমার মনে উদয় হইতে লাগিল;—কিন্তু শত্রুপক্ষ সম্মুখে উপস্থিত না থাকিতে সে অস্ত্রগুলি আমাকেই বিধিয়া মারিল। ভাবিতাম একথাগুলো অন্ততঃ আমার ক্লাশের ছাত্রদিগকে শুনাইয়া দিব। কিন্তু উত্তরগুলি আমার সহাধ্যায়ী গর্ভভদিগের বুদ্ধির পক্ষে কিছু অতিমাত্র ক্ষম ছিল। তাহারা জানিত চুরি মাত্রই চুরি; আমার চুরি এবং অন্তের চুরিতে যে কতটা প্রভেদ আছে তাহা বুঝিবার সামর্থ্য যদি তাহাদের থাকিত তবে আমার সহিতও তাহাদের বিশেষ প্রভেদ থাকিত না।

বি, এ, পরীক্ষা দিলাম—পরীক্ষায় উত্তীর্ণ হইতে পারিব তাহাতেও আমার সন্দেহ ছিল না কিন্তু মনে আনন্দ রহিল না। বামাচরণের সেই গুটিকতক কথার আঘাতে আমার সমস্ত খ্যাতি ও আশার অভ্রভেদী মন্দির ভগ্নস্তূপ হইয়া পড়িল। কেবল আমার প্রতি অবোধ অমূল্যের শ্রদ্ধা কিছুতেই হ্রাস হইল না;—প্রভাতে যখন যশঃসূর্য্য আমার সম্মুখে উদ্ভিত ছিল তখনও সেই শ্রদ্ধা অতি দীর্ঘ ছায়ার জায় আমার পদতললগ্ন হইয়াছিল, আবার সায়াহ্নে যখন আমার যশঃসূর্য্য পশ্চাতে অন্তোন্মুখ হইল তখনও সেই শ্রদ্ধা দীর্ঘায়তন বিস্তার করিয়া আমার পদপ্রান্ত পরিত্যাগ করিল না। কিন্তু এ শ্রদ্ধায় কোন পরিতৃপ্তি নাই—ইহা শূন্য ছায়ামাত্র—ইহা মূঢ় ভক্ত হৃদয়ের মোহাক্ষকার—ইহা বুদ্ধির উজ্জ্বল রাশ্মিপাত নহে।

দ্বিতীয় পরিচ্ছেদ ।

—:~:—

বাবা, বিবাহ দিবার জন্ত আমাকে দেশ হইতে ডাকিয়া পাঠাইলেন । আমি কিছুদিন সময় লইলাম ।

বামাচরণ বাবুর সমালোচনায় আমার নিজের মধ্যে একটা আত্মবিরোধ, নিজের প্রতি নিজের একটা বিদ্রোহভাব জন্মিয়াছিল । আমার সমালোচক অংশ আমার লেখক অংশকে গোপনে আঘাত দিতেছিল । আমার লেখক অংশ বলিতেছিল, আমি ইহার প্রতিশোধ লইব ; আবার একবার লিখিব, এবং তখন দেখিব আমি বড়, না, আমার সমালোচক বড় !

মনে মনে স্থির করিলাম, বিশ্বপ্রেম, পবের জন্ত আত্মবিসর্জন, এবং শত্রুকে মার্জনা—এই ভাবটি অবলম্বন করিয়া গল্পে হোক পল্পে হোক খুব “সার্বাইম্” গোছের একটা কিছু লিখিব ; বাঙ্গালী সমালোচকদিগকে স্মরণ সমালোচনার খোরাক যোগাইব ।

স্থির করিলাম, একটি সুন্দর নির্জন স্থানে বাসিয়া আমার জীবনের এই সর্বপ্রধান কীর্তিটির সৃষ্টিকার্য্য সমাধা করিব । প্রতিজ্ঞা করিলাম, অন্ততঃ একমাস কাল বন্ধুবান্ধব পরিচিত অপরিচিত কাহারও সহিত সাক্ষাৎ করিব না ।

অমূল্যকে ডাকিয়া আমার প্ল্যান বলিলাম । সে একেবারে স্তম্ভিত হইয়া গেল,—সে যেন তখন আমার ললাটে স্বদেশের অনতিদূরবর্তী ভাবী মহিমার প্রথম অক্ষয়জ্যোতি দেখিতে পাইল । গম্ভীর মুখে আমার হাত চাপিয়া ধরিয়া বিস্ময়িত নেত্র আমার মুখের প্রতি স্থাপন করিয়া মৃদুস্বরে কহিল—যাও ভাই অমর কীর্তি অক্ষয় গৌরব অর্জন করিয়া আইস ।

আমার শরীর রোমাঙ্কিত হইয়া উঠিল ; মনে হইল যেন আসন্নগৌরবগর্কিত ভক্তিবিশ্বল বঙ্গদেশের প্রতিনিধি হইয়া অমূল্য এই কথাগুলি আমাকে বলিল ।

অমূল্যও বড় কম ত্যাগস্বীকার করিল না । সে স্বদেশের হিতের জন্ত সুদীর্ঘ একমাস কাল আমার সঙ্গপ্রত্যাশা সম্পূর্ণরূপে বিসর্জন করিল । সুগভীর দীর্ঘনিঃশ্বাস ফেলিয়া আমার বন্ধু ট্রামে চড়িয়া তাহার কর্ণওয়ালিস্ স্ট্রীটের বাসায় চলিয়া গেল, আমি গন্ধার ধারে ফরাসীসৈন্য বাগানে অমর কীর্তি অক্ষয়গৌরব উপার্জন করিতে গেলাম ।

গন্ধার ধারে নির্জন ঘরে চিং হইয়া শুইয়া বিশ্বজনীন প্রেমের কথা ভাবিতে ভাবিতে মধ্যাহ্নে প্রগাঢ় নন্দ্রাবেশ হইত—একেবারে অপরাহ্নে পাঁচটার সময় জাগিয়া উঠিতাম । তাহার পর শরীর মনটা কিছু অবসাদগ্রস্ত হইয়া থাকিত ; কোনমতে চিত্তবিনোদন ও সময় যাপনের জন্ত বাগানের পশ্চাদিকে রাজপথের ধারে একটা ছোট কাঠাসনে বসিয়া চুপচাপ করিয়া গোকুরগাড়ি ও লোকচলাচল দেখিতাম । নিতান্ত অসহ হইলে টেনসনে গিয়া বসিতাম—টেলিগ্রাফের কাঁটা কটকট শব্দ করিত, টিকিটের ঘণ্টা বাজিত, লোকসমাগম হইত, বস্ত্রচক্ষু সহস্রপদ লৌহ সর্বস্বপ ফুঁসিতে ফুঁসিতে আসিত, উৎকট চীৎকার করিয়া চলিয়া যাইত, লোকজনের হুড়ামুড়ি পড়িত—কিম্বৎকণের জন্ত কৌতুক বোধ করিতাম । বাড়ি ফিরিয়া আহার করিয়া সঙ্গী অভাবে সকাল সকাল শুইয়া পড়িতাম—এবং প্রাতঃকালে সকাল সকাল উঠিবার কিছুমাত্র প্রয়োজন না থাকিতে বেলা আট নয়টা পর্য্যন্ত বিছানায় যাপন করিলাম ।

শরীর মাটি হইল, বিশ্বপ্রেমেরও কোনও

অন্ধি সন্ধি খুজিয়া পাইলাম না। কোনকালে একা থাকা অভ্যাস না থাকাতে সঙ্গীহীন গঙ্গাতীর শূন্যশানের মত বোধ হইতে লাগিল; —অম্ল্যাটাও এমনি গর্ভিত যে, একদিনেব জন্তুও সে আপন প্রতিজ্ঞা ভঙ্গ করিল না।

ইতিপূর্বে কলিকাতায় বসিয়া ভাবিতাম, বিপুলচ্ছায়া বটবৃক্ষের তলে পা ছড়াইয়া বসিব, পদপ্রান্তে কলনাদিনী শ্রোতাশ্রয়ী আপন মনে বহিয়া চলিবে—মাঝখানে স্বপ্নাবিষ্ট কবি, এবং চারিদিকে তাহার ভাবরাজ্য ও বহিঃ-প্রকৃতি কাননে পুষ্প, শাখায় বিহঙ্গ, আকাশে তারা, মনের মধ্যে বিশ্বজনীন প্রেম এবং লেখনীর মুখে অশ্রান্ত অজস্র ভাবস্রোত বিচিত্র ছন্দে প্রবাহিত। কিন্তু কোথায় প্রকৃতি এবং কোথায় প্রকৃতির কবি—কোথায় বিশ্ব আর কোথায় বিশ্বপ্রেমিক। একদিনের জন্তুও বাগানে বাহির হই নাই। কাননের ফুল কাননে ফুটিত, আকাশের তারা আকাশে উঠিত, বটবৃক্ষের ছায়া বটবৃক্ষের তলে পড়িত—আমিও ঘরের ছেলে ঘরেই পড়িয়া থাকিতাম।

আত্মমাহাত্ম্য কিছুতেই প্রমাণ করিতে না পারিয়া বামাচরণের প্রতি আক্রোশ বাড়িয়া উঠিতে লাগিল।

সে সময়টাতে বাল্যবিবাহে লইয়া বাঙ্গালার শিক্ষিতসমাজে একটা বাগ্যুদ্ধ বাধিয়াছিল। বামাচরণ বাল্যবিবাহের বিরুদ্ধ পক্ষে ছিলেন এবং পরস্পর শোনা গিয়া ছিল যে, তিনি একটি যুবতী কুমারীর প্রণয়পাশে আবদ্ধ এবং অচিরে পরিণয় পাশে বদ্ধ হইবার প্রত্যাশায় আছেন।

বিষয়টা আমার কাছে অত্যন্ত কৌতুকাবহ ঠেকিয়াছিল, এবং বিশ্বপ্রেমের মহাকাব্যও ধরা দিল না,—তাই বসিয়া বসিয়া বামাচরণকে নাগকের আদর্শ করিয়া কদম্বকপি মজুমদার

নামক একটি কাল্পনিক যুবতীকে নায়িকা খাড়া করিয়া স্তম্ভীত্র এক প্রহসন লিখিলাম। লেখনী এই অমর কীর্তিটি প্রসব করিবার পর আমি কলিকাতা যাত্রার উদ্যোগ করিতে লাগিলাম। এমন সময় যাত্রায় ব্যাঘাত পড়িল।

তৃতীয় পরিচ্ছেদ ।

—:~:—

একদিন অপরাহ্নে ষ্টেশনে না গিয়া অলসভাবে বাগানবাড়ির ঘরগুলি পরিদর্শন করিতে-ছিলাম। আবশ্যক না হওয়াতে ইতিপূর্বে অধিকাংশ ঘরে পদার্পণ করি নাই—বাহুবল্ল সঞ্চকে আমার কৌতুহল বা অভিনিবেশ লেশ-মাত্র ছিল না। সে দিন নিতান্তই সময়মাপনের উদ্দেশে বায়ুভরে উড্ডীন চ্যুতপত্রের মত ইত-স্ততঃ ফিরিতেছিলাম।

উত্তরদিকের ঘরের দরজা খুলিবামাত্র একটি ক্ষুদ্র বারান্দায় গিয়া উপস্থিত হইলাম। বারান্দার সম্মুখেই বাগানের উত্তর সীমার প্রাচীরের গাত্রসংলগ্ন দুইটি বৃহৎ জামের গাছ মুখামুখী করিয়া দাঁড়াইয়া আছে। সেই দুইটি গাছের মধ্যবর্তী অবকাশ দিয়া আর একটি বাগানের সুদীর্ঘ বকুলবীথির কিয়দংশ দেখা যায়।

কিন্তু সে সমস্তই আমি পরে প্রত্যক্ষ করিয়াছিলাম—তখন আমার আর কিছু দেখিবার অবসর হয় নাই, কেবল দেখিয়াছিলাম একটি ঘোড়শী যুবতী হাতে একখানি বই লইয়া মস্তক আনমিত করিয়া পদচারণা করিতে করিতে অধ্যয়ন করিতেছে।

ঠিক সে সময়ে কোনরূপ তত্ত্বালোচনা করিবার ক্ষমতা ছিল না—কিন্তু কিছুদিন পরে ভাবিয়াছিলাম যে, হৃষ্যস্ত বড় বড় বাণ শরাসন

বাগাইয়া রথে চড়িয়া বনে যুগয়া করিতে আসিয়াছিলেন, যুগ ত মরিল না, মাঝে হইতে দৈবাৎ দশমিনিট কাল গাছের আড়ালে দাঁড়াইয়া যাহা দেখিলেন যাহা শুনিলেন তাহাই তাহার জীবনের সকল দেখাশুনার সেবা হইয়া দাঁড়াইল। আমিও পেন্সিল কলম এবং পাতাপত্র উত্তত করিয়া কাব্যমুগ্ধায় বাহির হইয়াছিলাম, বিশ্বপ্রেম বেচারা ত পালাইয়া রক্ষা পাইল, আর আমি দুইটি জামগাছের আড়াল হইতে যাহা দেখিবার তাহা দেখিয়া লইলাম; মানুষের একটা জীবনে এমন দুইবার দেখা যায় না!

পৃথিবীতে অনেক জিনিষই দেখি নাই। জাহাজে উঠি নাই, বেলুনে চড়ি নাই, কয়লার খনির মধ্যে নামি নাই—কিন্তু আমার নিজের মানুষী আদর্শের সম্বন্ধে আমি যে সম্পূর্ণ ভ্রান্ত এবং অজ্ঞ ছিলাম তাহা এই উত্তরদিকের বারান্দায় আসিবার পূর্বে সন্দেহমাত্র করি নাই। বয়স একুশ প্রায় উত্তীর্ণ হয়, ইতিমধ্যে আমার অন্তঃকরণ কল্পনাযোগবলে নারীসৌন্দর্যের একটা ধ্যানমূর্ত্তি যে স্বজন করিয়া লয় নাই একথা বলিতে পারি না। সেই মূর্ত্তিকে নানা বেশভূষায় সজ্জিত এবং নানা অবস্থার মধ্যে স্থাপন করিয়াছি কিন্তু কখনো স্মৃদুর স্বপ্নেও তাহার পায়ে জুতা গায়ে জামা হাতে বই দেখিব এমন আশাও করি নাই, ইচ্ছাও করি নাই—কিন্তু আমার লক্ষী ফারুণশেষের অপরাঙ্কে প্রবীণ তরুশ্রেণীর আকম্পিত ঘনপল্লববিতানে দীর্ঘনিপতিত ছায়া এবং আলোকরেখাঙ্কিত পুষ্পবনপথে জুতা পায়ে দিয়া জামা গায়ে দিয়া বই হাতে করিয়া দুইটি জামগাছের আড়ালে অকস্মাৎ দেখা দিলেন—আমিও কোন কথাটি কহিলাম না।

দুই মিনিটের বেশী আর দেখা গেল না।

নানা ছিদ্র দিয়া দেখিবার নানা চেষ্টা করিলাম কিন্তু কোন ফল পাই নাই। সেইদিন প্রথম সন্ধ্যার প্রাক্কালে বটবৃক্ষতলে প্রসারিতচরণে বসিলাম—আমার চোখের সম্মুখে পরপারের ঘনীভূত তরুশ্রেণীর উপর সন্ধ্যাতারা প্রশান্ত স্মিতহাস্তে উদ্ভিত হইল—এবং দেখিতে দেখিতে সন্ধ্যা-শ্রী আপন নাথহীন বিপুল নির্জন বাসরগৃহের দ্বার খুলিয়া দিয়া নিঃশব্দে দাঁড়াইয়া রহিল।

যে বই খানি তাহার হাতে দেখিয়াছিলাম সেটা আমার পক্ষে একটা নূতন রহস্যনিকেতন হইয়া দাঁড়াইল। ভাবিতে লাগিলাম, সেটা কি বই? উপল্লাস অথবা কাব্য? তাহার মধ্যে কি ভাবের কথা আছে? যে পাতাটি গোলা ছিল, এবং যাহার উপরে সেই অপরাহ্ন বেলায় ছায়া ও রবিরশ্মি, সেই বকুলবনের পল্লবমর্শ্বর এবং সেই যুগলচক্রর ওৎসুক্যপূর্ণ স্থিরদৃষ্টি নিপতিত হইয়াছিল, ঠিক সেই পাতাটিতে গল্পের কোন অংশ কাব্যের কোন রসটুকু প্রকাশ পাইতেছিল? সেই সন্ধে ভাবিতে লাগিলাম, ঘনশব্দে কেশজালের অন্ধকারচ্ছায়াতলে স্বকুমার ললাটমণ্ডপটির অভ্যন্তরে বিচিত্র ভাবের আবেশ কেমন করিয়া লীলায়িত হইয়া উঠিতেছিল, কুমারী-হৃদয়ে নিভৃত নির্জনতার উপরে নব নব কাব্যমায়ী কি অপূর্ব সৌন্দর্যালোক স্বজন করিতেছিল—অর্দ্ধেক রাত্রি ধরিয়া এমন বত কি ভাবিয়াছিলাম তাহা পরিষ্কৃটরূপে ব্যক্ত করা অসম্ভব।

কিন্তু সে যে কুমারী এথা আমাকে কে বলিল? আমার বহু পূর্ববর্তী প্রেমিক হৃষ্যস্তকে পরিচয় লাভের পূর্বেই যিনি শকুন্তলা-সম্বন্ধে আশ্বাস দিয়াছিলেন, তিনিই। তিনি মনের বাসনা;—তিনি মানুষকে সত্য মিথ্যা

চের কথা অজ্ঞান বলিয়া থাকেন, কোনটা খাটে কোনটা খাটে না—হৃদয়স্তের এবং আমারটা খাটিয়া গিয়াছিল।

আমার এই অপরিচিতা প্রতিবেশিনী, বিবাহিতা কি কুমারী, ব্রাহ্মণ কি শূদ্র সে সংবাদ লওয়া আমার পক্ষে কঠিন ছিল না—কিন্তু তাহা করিলাম না—কেবল নীরব চকো-রের মত বহু সহস্র যোজন দূর হইতে আমার চন্দ্রখণ্ডলটিকে বেঁধেন করিয়া করিয়া উর্দ্ধকণ্ঠে নিরীক্ষণ করিবার চেষ্টা করিলাম।

পরদিন মধ্যাহ্নে একখানি ছোট নৌকা ভাড়া করিয়া তীরের দিকে চাহিয়া জোয়ার বাহিয়া চলিলাম—মাল্লাদিগকে দাঁড় টানিতে নিষেধ করিয়া দিলাম।

আমার শকুন্তলার তপোবন কুটীরটি গঙ্গার ধারেই ছিল,—কুটীরটি ঠিক কণ্ঠের মত ছিল না;—গঙ্গা হইতে ঘাটের সিঁড়ি বৃহৎ বাড়ির বারান্দার উপর উঠিয়াছে—বারান্দাটি ঢালু কাঠের ছাদ দিয়া ছায়ায়ময়।

আমার নৌকাটি যখন নিঃশব্দে ঘাটের সম্মুখে আসিয়া আসিল, দেখিলাম আমার নব-যুগের শকুন্তলা বারান্দার ভূমিতলে বসিয়া আছেন;—পিঠের দিকে একটা চৌকি, চৌকির উপরে গোটাকতক বই রাখিয়াছে—সেই বইগুলির উপরে তাঁহার খোলা চুল সুপাকারে ছড়াইয়া পড়িয়াছে—তিনি সেই চৌকিতে ঠেস দিয়া উর্দ্ধমুখ করিয়া উত্তোলিত বাম বাহুর উপর মাথা রাখিয়াছেন—নৌকা হইতে তাঁহার মুখ অদৃশ্য, কেবল স্নেকোমল কণ্ঠের একটি স্নকুমার বক্ররেখা দেখা যাইতেছে—খোলা ছইখানি পদপল্লবের একটি, ঘাটের উপরের সিঁড়ির এবং একটি তাহার নীচের সিঁড়িতে প্রসারিত—সিঁড়ির কালো পাড়টি ঝাঁক হইয়া পড়িয়া সেই ছুটা গা বেঁধেন করিয়া আছে। একখানা বই

মনোযোগহীন শিথিল দক্ষিণহস্ত হইতে স্তম্ভ হইয়া ভূতলে পড়িয়া রাখিয়াছে। মনে হইল যেন মূর্তিমতী মধ্যাহ্নলক্ষ্মী। সহসা দিবসের কর্ণের মাঝখানে একটি নিম্পন্দসুন্দরী অবসরপ্রতিমা। পদতলে গঙ্গা, সম্মুখে সুন্দর পরপার এবং উর্দ্ধে তীব্রতাপিত নীলাশ্বর তাহাদের সেই অন্তরাত্মা-রূপিণীর দিকে—সেই ছুটি খোলা পা, সেই অলসবিজ্ঞস্ত বামবাহু, সেই উৎক্লিষ্ট বন্ধিম কণ্ঠ-রেখার দিকে নিরতিশয় নিস্তব্ধ একাগ্রতার সহিত নীরবে চাহিয়া আছে।

যতক্ষণ দেখা যায় দেখিলাম—ছুই সজল-পল্লব নেত্রপাতের দ্বারা ছইখানি চরণপদ্ম বারং-বার নিছিয়া মুছিয়া লইলাম।

অবশেষে নৌকা যখন দূরে গেল, মাঝখানে একটা তীরতরুর আড়াল আসিয়া পড়িল—তখন হঠাৎ যেন একটা ত্রুটি স্মরণ হইল—চমকিয়া মাঝিকে কহিলাম, মাঝি, আজ আর আমার হুগলি যাওয়া হইল না—এই খান হইতেই মাড়ি ফের।—কিন্তু কিরিবার সময় উজানে দাঁড় টানিতে হইল—সেই শব্দে আমি সঙ্কুচিত হইয়া উঠিলাম। সেই দাঁড়ের শব্দ যেন এমন কাহাকে আঘাত করিতে লাগিল। যাহা সচেতন সুন্দর স্নকুমার, যাহা অনন্ত আকাশব্যাপী, অথচ একটি হরিশাবকের মত ভীরা। নৌকা যখন ঘাটের নিকটবর্তী হইল তখন দাঁড়ের শব্দে আমার প্রতিবেশিনী ধীরে মুখ তুলিয়া মুহূ কোতুহলের সহিত আমার নৌকার দিকে চাহিল—মুহূর্ত্ত পরেই আমার ব্যগ্রব্যাকুল দৃষ্টি দেখিয়া সে চকিত হইয়া গৃহ-মধ্যে চলিয়া গেল—আমার মনে হইল আমি যেন তাহাকে আঘাত করিলাম—যেন কোথায় তাহার বাজিল!

তাড়াতাড়ি উঠিবার সময় তাহার ক্রোড় হইতে একটা অর্ধদণ্ড স্বল্পপক পেয়ারা গড়াইতে

গড়াইতে নিম্নসোপানে আসিয়া পড়িল—সেই দর্শনচিহ্নিত অধরচুখিত ফলটির জন্ত আমার সমস্ত অন্তঃস্বরণ উৎসুক হইয়া উঠিল—কিন্তু মাঝিমান্নাদের লজ্জায় তাহা দূর হইতে নিরীক্ষণ করিতে করিতে চলিয়া গেলাম—দেখিলাম উত্তরোত্তর লোলুপায়মান জোয়ারের জল ছলছল লুক্ক শব্দে তাহার লোল রসনার দ্বারা সেই ফলটিকে আয়ত্ত করিবার জন্ত বারংবার উন্মুখ হইয়া উঠিতেছে—আধঘণ্টার মধ্যে তাহার নির্লজ্জ অধ্যবসায় চরিতার্থ হইবে ইহাই কল্পনা করিয়া ক্লিষ্টচিত্তে আমি আমার বাড়ির ঘাটে আসিয়া উত্তীর্ণ হইলাম।

বটবৃক্ষছায়ায় পা ছড়াইয়া দিয়া সমস্ত দিন স্বপ্ন দেখিতে লাগিলাম, দুইখানি স্নকোমল পদপল্লবের তলে বিশ্বপ্রকৃতি মাথা নত করিয়া পড়িয়া আছে,—আকাশ আলোকিত, ধরণী পুলকিত, বাতাস উতলা—তাহারি মধ্যে দুইখানি অনাবৃত চরণ স্থির নিষ্পন্দ স্নন্দর—তাহারা জানেও না যে, তাহাদেরই রেণুকণার মাদকতায় তপ্তযৌবন নববসন্ত দিগ্বিদিকে রোমাঞ্চিত হইয়া উঠিতেছে।

ইতিপূর্বে প্রকৃতি আমার কাছে বিক্লিপ্ত বিচ্ছিন্ন ছিল—নদী বন আকাশ সমস্তই স্বতন্ত্র ছিল। আজ সেই বিশাল বিপুল বিকীর্ণতার মাঝখানে একটি স্নন্দরী প্রতিমূর্ত্তি দেখা দিবামাত্র তাহা অবয়ব ধারণ করিয়া, এক হইয়া উঠিয়াছে। আজ প্রকৃতি আমার কাছে এক ও স্নন্দর—সে আমাকে অহরহ মুকভাবে অনুন্নয় করিতেছে, আমি মৌন তুমি আমাকে ভাষা দেও, আমার অন্তঃকল্পণে যে একটি অব্যক্ত স্তব উদ্ভিত হইতেছে তুমি তাহাকে ছন্দে লয়ে তানে তোমার স্নন্দর মানবভাষায় ধ্বনিত করিয়া তোল !—

প্রকৃতির সেই নীরব অনুনয়ে আমার

হৃদয়ের তন্ত্রী বাজিতে থাকে—বারংবার কেবল এই গান শুনি—“হে স্নন্দরি, হে মনোহারিণি, হে বিশ্বজয়িনি হে মনপ্রাণপতঙ্গের একটি মাত্র দীপশিখা, হে অপরিসীম জীবন, হে অনন্তমধুর মৃত্যু!”—এ গান শেষ করিতে পারি না—সংলগ্ন করিতে পারি না, ইহাকে আকারে পরিস্ফুট করিতে পারি না, ইহাকে ছন্দে গাঁথিয়া ব্যক্ত করিয়া বলিতে পারি না—মনে হয় আমার অন্তরের মধ্যে জোয়ারের জলের মত একটা অনির্কচনীয় অপরিমেয় শক্তি সঞ্চার হইতেছে—এখনো তাহাকে আয়ত্ত করিতে পারিতেছি না—যখন পারিব তখন আমার কণ্ঠ অকস্মাৎ দিব্য সঙ্গীতে ধ্বনিত আমার ললাট অলৌকিক আভায় আলোকিত হইয়া উঠিবে।

এমন সময় একটি নৌকা পরপারের নৈহাটী স্টেশন হইতে পার হইয়া আমার বাগানের ঘাটে আসিয়া লাগিল। দুই স্কন্ধের উপর কৌচানো চাদর বুলাইয়া ছাতাটি কক্ষে লইয়া হাত্মমুখে অমূল্য নামিয়া পড়িল। অকস্মাৎ বন্ধুকে দেখিয়া আমার মনে যেরূপ ভাবোদয় হইল আশা করি শত্রুর প্রতিও কাহারো যেন সেরূপ না ঘটে। বেলা প্রায় দুইটার সময় আমাকে সেই বটের ছায়ায় নিতান্ত ক্লিপ্তের মত বসিয়া থাকিতে দেখিয়া অমূল্যর মনে ভারি একটা আশার সঞ্চার হইল। পাছে বঙ্গদেশের ভবিষ্যৎ সর্বশ্রেষ্ঠ কাব্যের কোন একটা অংশ তাহার পদশব্দে সচকিত হইয়া বস্ত রাজহংসের মত একবারে জলের মধ্যে গিয়া পড়ে সেই ভয়ে সে সসঙ্কোচে মৃহমন্দ গমনে আসিতে লাগিল—দেখিয়া আমার আরো রাগ হইল—কিঞ্চিৎ অধীর হইয়া কহিলাম, কি হে অমূল্য, ব্যাপারখানা কি! তোমার পায়ে কাঁটা ফুটিল না কি?” অমূল্য ভাবিল, আমি খুব একটা মজার কথা বলিলাম;—হাসিতে হাসিতে

কাছে আসিয়া তরুতল কৌচা দিয়া বিশেষরূপে ঝাড়িয়া লইল পকেট হইতে একটি রুমাল ভাঁজ খুলিয়া বিছাইয়া তাহার উপরে সাবধানে বসিল—কাহল, “যে প্রহসনটা লিখিয়া পাঠাইয়াছ—সেটা পড়িয়া হাসিয়া বাঁচি না।” বলিয়া তাহার স্থানে স্থানে আবৃত্তি করিতে করিতে হাংগোক্ষাসে তাহার নিশাসরোধ হইবার উপক্রম হইল। আমার এমনি মনে হইল যে,—যে কলমে সেই প্রহসনটা লিখিয়াছিলাম, সেটা যে গাছের কাঠদণ্ডে নিশ্চিত, সেটাকে শিকড় স্নেহ উৎপাটন করিয়া মস্ত একটা আঙুন প্রহসনটাকে ছাই করিয়া ফেলিলেও আমার খেদ মিটিবে না।

অমূল্য সসঙ্কোচে জিজ্ঞাসা করিল, তোমার সে কাব্যের কতদূর! শুনিয়া আরো আমার গা জ্বলিতে লাগিল—মনে মনে কহিলাম—যেমন আমার কাব্য তেমনি তোমার বুদ্ধি! মুখে কহিলাম—সে সব পরে হইবে ভাই—আমাকে অনর্থক ব্যস্ত করিয়া তুলিয়ো না।

অমূল্য লোকটা কৌতূহলী—চারিদিক পর্যবেক্ষণ না করিয়া সে থাকিতে পারে না—তাহার ভয়ে আমি উত্তরের দরজাটা বন্ধ করিয়া দিলাম। সে আমাকে জিজ্ঞাসা করিল ওদিকে কি আছে হে! আমি বলিলাম—কিছু না!—এত বড় মিথ্যা কথাটা আমার জীবনে আর কখনো বলি নাই।

ছটা দিন আমাকে নানা প্রকারে বিদ্ধ করিয়া দণ্ড করিয়া তৃতীয়দিনের সন্ধ্যার টেপে অমূল্য চলিয়া গেল। এই ছটা দিন আমি বাগানের উত্তরের দিকে যাই নাই, সে দিকে নেত্রপাতমাত্র করি নাই—রূপণ যেমন তাহার রক্তভাণ্ডারটি লুকাইয়া বেড়ায় আমি তেমনি করিয়া আমার উত্তরের সীমানার বাগানটি সামলাইয়া বেড়াইতেছিলাম। অমূল্য চলিয়া

যাইবামাত্র একেবারে ছুটিয়া দ্বার খুলিয়া দোতলার ঘরের উত্তরের বারান্দায় বাহির হইয়া পড়িলাম। উপরে উন্মুক্ত আকাশে প্রথম কৃষ্ণপক্ষের অপৰ্যাপ্ত জ্যোৎস্না; নিম্নে শাখাজাল নিবন্ধ তরুশ্রেণীতলে গুণ্ডকিরণযুক্ত একটি গভীর নিভৃত প্রদোষাকার; মর্শ্বরিত ঘনপল্লবের দীর্ঘ নিঃশ্বাসে, তরুতলবিচ্যুত বকুলফুলের নিবিড় সৌরভে এবং সন্ধ্যারোগ্যের স্তম্ভিত সংঘত নিঃশব্দতায়, তাহা রোমে রোমে পরিপূর্ণ হইয়াছিল। তাহারি মাঝখানটিতে আমার কুমারী প্রতিবেশিনী তাহার শ্বেতশ্রু বৃদ্ধ পিতার দক্ষিণ হস্ত ধরিয়া ধীরে ধীরে পদচারণা করিতে করিতে কি কথা কহিতেছিল—বৃদ্ধ সন্মুখে অথচ শ্রদ্ধাভরে ঈষৎ অবনমিত হইয়া নীরবে মনোযোগসহকারে শুনিতেছিলেন। এই পবিত্র স্নিগ্ধ বিশ্রান্তালাপে ব্যাঘাত করিবার কিছুই ছিল না—সন্ধ্যাকালের শান্ত নদীতে কচিং দাঁড়ের শব্দ স্নদূরে বিলীন হইতেছিল, এবং অবিরল তরুশাখার অসংখ্য নীড়ে ছুটি একটি পাখী দৈবাৎ ক্ষণিক মৃৎকাকলীতে জাগিয়া উঠিতেছিল। আমার অন্তঃকরণ আনন্দে অথবা বেদনায় যেন বিদীর্ণ হইবে মনে হইল। আমার অস্তিত্ব যেন প্রসারিত হইয়া সেই ছায়ালোকবিচিত্র ধরণীতলের সহিত এক হইয়া গেল—আমি যেন আমার বক্ষঃস্থলের উপর ধীরবিক্ষিপ্ত পদচারণা অনুভব করিতে লাগিলাম—যেন তরুপল্লবের সহিত সংলগ্ন হইয়া গিয়া আমার কাণের কাছে মধুর মুহুগুঞ্জনধ্বনি শুনিতে পাইলাম। এই বিশাল মৃৎ প্রকৃতির অন্তর্বেদনা যেন আমার সর্বশরীরের অস্থিগুলির মধ্যে কুহরিত হইয়া উঠিল—আমি যেন বুঝিতে পারিলাম ধরণী পায়ের নীচে পড়িয়া থাকে অথচ পা জড়াইয়া ধরিতে পারে না বলিয়া ভিতরে ভিতরে কেমন করিতে

থাকে, নতশাখা বনস্পতি গুলি কথা শুনিতে পারে অথচ কিছুই বুঝিতে পারে না বলিয়া সমস্ত শাখায় পল্লবে মিলিয়া কেমন উর্দ্ধ্বাসে উন্মাদ কলশকে হাহাকার করিয়া উঠিতে চাহে। আমিও আমার সর্কান্ধে সর্কান্তঃকরণে ঐ পদ-বিক্ষেপ ঐ বিশ্রান্তালাপ অব্যবহিতভাবে অনুভব করিতে লাগিলাম কিন্তু কোনমতেই ধরিতে পারিলাম না বলিয়া ঝুরিয়া ঝুরিয়া মরিতে লাগিলাম।

পরদিনে আমি আর থাকিতে পারিলাম না। প্রাতঃকালে আমার প্রতিবেশীর সহিত সাক্ষাৎ করিতে গেলাম। ভবনাথ বাবু তখন বড় এক পেয়লা চা পাশে রাখিয়া চোকে চস্মা দিয়া নীল পেন্সিলে দাগ করা এক গানা হ্যামিলটনের পুরাতন পুঁথি মনোযোগ দিয়া পড়িতেছিলেন। আমি ঘরে প্রবেশ করিলে চস্মার উপরিভাগ হইতে আমাকে কিয়ৎক্ষণ অন্তমনস্কভাবে দেখিলেন—বই হইতে মনটাকে একমুহূর্ত্তে প্রত্যাহরণ করিতে পারিলেন না। অবশেষে অকস্মাৎ সচকিত হইয়া ত্রস্তভাবে আতিথ্যের জন্ত প্রস্তুত হইয়া উঠিলেন। আমি সংক্ষেপে আত্ম-পরিচয় দিলাম। তিনি এমনি শশব্যস্ত হইয়া উঠিলেন যে, চস্মার খাপ খুঁজিয়া পাইলেন না। খামকা বলিলেন, আপনি চা খাইবেন? আমি যদিচ চা খাইনা, তথাপি বলিলাম, আপনি নাই। ভবনাথ বাবু ব্যস্ত হইয়া উঠিয়া “কিরণ” “কিরণ” বলিয়া ডাকিতে লাগিলেন। ঘরের নিকট অত্যন্ত মধুর শব্দ শুনিলাম “কি বাবা।” ফিরিয়া দেখিলাম, তাপস-কণ্ঠহিতা সহসা আমাকে দেখিয়া ত্রস্ত হরিণীর মত পলায়নোচ্ছতা হইয়াছেন। ভবনাথ বাবু তাঁহাকে ফিরিয়া ডাকিলেন—আমার পরিচয় দিয়া কহিলেন, ইনি আমাদের প্রতিবেশী মহীন্দ্রকুমার বাবু।

—এবং আমাকে কহিলেন, ইনি আমার কন্যা কিরণবালা। আমি কি করিব ভাবিয়া পাইতে-ছিলাম না; ইতিমধ্যে কিরণ আমাকে আনন্দ-সুন্দর নমস্কার করিলেন। আমি তাড়াতাড়ি ক্রটি সারিয়া গইয়া তাহা শোধ করিয়া দিলাম। ভবনাথ বাবু কহিলেন, মা, মহীন্দ্র বাবুর জন্তে এক পেয়লা চা আনিয়া দিতে হইবে। আমি মনে মনে অত্যন্ত সঙ্কচিত হইয়া উঠিলাম কিন্তু মুখ ফুটিয়া কিছু বলিবার পূর্বেই কিরণ ঘর হইতে বাহির হইয়া গেলেন। আমার মনে হইল যেন কৈলাসে সনাতন ভোলানাথ তাঁহার কন্যা স্বয়ং লক্ষ্মীকে অতিথির জন্ত এক পেয়লা চা আনিতে বলিলেন ;—অতিথির পক্ষে সে নিশ্চয়ই অমিষ্ট অমৃত হইবে, কিন্তু তবু, কাছাকাছি নন্দী-ভৃঙ্গী কোন বেটাই কি হাজির ছিল না!

চতুর্থ পরিচ্ছেদ ।

ভবনাথ বাবুর বাড়ি আমি এখন নিত্য আতিথি। পূর্বে চা জ্বিনিষটাকে অত্যন্ত ডরাই তাম—এক্কে সকালে বিবালে চা খাইয়া খাইয়া আমার চায়ের নেশা ধরিয়া গেল।

আমাদের বি, এ, পরীক্ষার জন্ত জর্মান্ পণ্ডিত বিরচিত দর্শনশাস্ত্রের নব্য ইতিহাস আমি সত্ত পাঠ করিয়া আসিয়াছিলাম তত্পলক্ষে ভবনাথ বাবুর সহিত কেবল দর্শন আলোচনার জন্তই আসিতাম কিছুদিন এই প্রকার ভাণ করিলাম। তিনি হ্যামিলটন প্রভৃতি কতকগুলি সেকালপ্রচলিত ব্রাহ্ম পুঁথি গইয়া এখনো নিযুক্ত রহিয়াছেন ইহাতে তাঁহাকে আমি রূপাপাত্র মনে করিতাম, এবং আমার

নূতন বিদ্যা অত্যন্ত আশ্চর্যের সহিত জাহির করিতে ছাড়িতাম না। ভবনাথ বাবু এমনি ভালমানুষ এবং এমনি সকল বিষয়ে সসঙ্কোচ যে, আমার মত অল্পবয়স্ক যুবকের মুখ হইতেও সকল কথা মানিয়া যাইতেন, তিলমাত্র প্রতিবাদ করিতে হইলে অস্থির হইয়া উঠিতেন, ভয় করিতেন পাছে আমি কিছুতে ক্ষুণ্ণ হই। কিরণ আমাদের এই সকল তত্ত্বালোচনার মাঝখান হইতেই কোন ছুতায় উঠিয়া চলিয়া যাইত। তাহাতে আমার যেমন ক্ষোভ জন্মিত তেমনি আমি গর্কও অনুভব করিতাম। আমাদের আলোচ্য বিষয়ের হ্রস্ব পাণ্ডিত্য কিরণের পক্ষে দুঃসহ ;—সে যখন মনে মনে আমার বিদ্যাপর্ক-তের পরিমাপ করিত তখন তাহাকে কত উচ্ছেই চাহিতে হইত।

কিরণকে যখন দূর হইতে দেখিতাম তখন তাহাকে শকুন্তলা দময়ন্তী প্রভৃতি বিচিত্র নামে এবং বিচিত্র ভাবে জানিতাম—এখন ঘরের মধ্যে তাহাকে কিরণ বলিয়া জানিলাম। এখন সে আর জগতের বিচিত্র নাট্যকার ছায়া-রূপিনী নহে, এখন সে একমাত্র কিরণ। এখন সে শত শতাব্দীর কাব্যলোক হইতে অবতীর্ণ হইয়া, অনন্তকালের যুবকচিত্তের স্বপ্নস্বর্গ পরিহার করিয়া একট নির্দিষ্ট বাঙ্গালীঘরের মধ্যে কুমারী কস্তারূপে বিরাজ করিতেছে। সে আমারি মাতৃভাষায় আমার সঙ্গে অত্যন্ত সাধারণ ঘরের কথা বলিয়া থাকে, সামান্ত কথায় সরলভাবে হাসিয়া উঠে, সে আমাদেরই ঘরের মেয়ের মত দুই হাতে দুটি সোণার বালা পরিয়া থাকে, গলার হারাট বেশী কিছু নয় কিন্তু বড় স্মিষ্ট,—সাড়ির প্রান্তট কখনো কবরীর উপরিভাগ ঝাঁকিয়া বেঁটন করিয়া আসে, কখনো বা পিতৃগৃহের অনভ্যাসবশতঃ চ্যুত হইয়া পড়িয়া যায়, ইহা আমার কাছে বড়

আনন্দের। সে যে অকার্ননিক, সে যে সত্য, সে যে কিরণ, সে যে তাহা ব্যতীত নহে এবং তাহার অধিক নহে, এবং যদিচ সে আমার নহে, তবুও সে যে আমাদের, সে জন্ত আমার অন্তঃকরণ সর্বদাই তাহার প্রতি উস্কুসিত কৃতজ্ঞতারসে অভিযুক্ত হইতে থাকে।

একদিন জ্ঞানমাত্রেরই আপেক্ষিকতা লইয়া ভবনাথ বাবুর নিকট অত্যন্ত উৎসাহসহকারে বাচালতা প্রকাশ করিতেছিলাম ; আলোচনা কিয়দূর অগ্রসর হইবামাত্র কিরণ উঠিয়া গেল—এবং অনতিকাল পরেই সম্মুখের বারান্দায় একটা তোলা উনান এবং রাখিবার সরঞ্জাম আনিয়া রাখিয়া ভবনাথ বাবুকে ভৎসনা করিয়া বলিল—বাবা, কেন তুমি মহীন্দ্র বাবুকে ঐ সকল শক্ত কথা লইয়া বৃথা বকাইতেছ ! আস্তন্ মহীন্দ্র বাবু, তার চেয়ে আমার রান্নায় যোগ দিলে কাজে লাগিবে।

ভবনাথ বাবুর কোন দোষ ছিল না—এবং কিরণ তাহা অবগত ছিল। কিন্তু ভবনাথ বাবু অপরাধীর মত অহুতপ্ত হইয়া দ্বৈবং হাসিয়া বলিলেন, তা বটে ! আচ্ছা ও কথাটা আর একদিন হইবে।—এই বলিয়া নিরুদ্ধিগ চিন্তে তিনি তাঁহার নিত্যনিয়মিত অধ্যয়নে নিযুক্ত হইলেন।

আবার আর একদিন অপরাহ্নে আর একটা গুরুতর কথা পাড়িয়া ভবনাথ বাবুকে স্তম্ভিত করিয়া দিতেছি এমন সময় মাঝখানে আসিয়া কিরণ কহিল—মহীন্দ্র বাবু, অবলাকে সাহায্য করিতে হইবে। দেয়ালে লতা চড়াইব, নাগাল পাইতেছি না, আপনাকে এই পেরেকগুলি মারিয়া দিতে হইবে।—আমি উৎফুল্ল হইয়া উঠিয়া গেলাম—ভবনাথ বাবুও প্রফুল্ল মনে পড়িতে বসিলেন।

এমনি প্রায় যখনই ভবনাথ বাবুর কাছে

আমি ভারি কথা পাড়িবার উপক্রম করি, কিরণ একটা না একটা কাজের ছুতা ধরিয়া ভঙ্গ করিয়া দেয়। ইহাতে আমি মনে মনে পুলকিত হইয়া উঠিতাম—আমি বুকিতাম যে, কিরণের কাছে আমি ধরা পড়িয়াছি;—সে কেমন করিয়া বুকিতে পারিয়াছে যে ভবনাথ বাবুর সহিত তত্ত্বালোচনা আমার জীবনের চরম স্থান নহে।

বাহু বস্তুর সহিত আমাদের ইন্দ্রিয়বোধের সম্বন্ধ নির্ণয় করিতে গিয়া যখন দুর্লভ রহস্যরসাতলের মধ্যপথে অবতীর্ণ হইয়াছি এমন সময় কিরণ আসিয়া বলিত, মহীন্দ্র বাবু, রান্না ঘরের পাশে আমার বেগুনের ক্ষেত আপনাকে দেখাইয়া আনি গে চলুন।

আকাশকে অসীম মনে করা কেবল আমাদের অল্পমানমাত্র; আমাদের অভিজ্ঞতা ও কল্পনাশক্তির বাহিরে কোথাও কোন একরূপে তাহার সীমা থাকা কিছুই অসম্ভব নহে ইত্যাকার মস্তব্য প্রকাশ করিতেছি এমন সময় কিরণ আসিয়া বলিত, মহীন্দ্র বাবু, দুটো আম পাکیয়াছে আপনাকে ডাল নামাইয়া ধরিতে হইবে।

কি উদ্ধার, কি মুক্তি! অকূল সমুদ্রের মাঝখান হইতে এক মুহূর্ত্তে কি সুন্দর কূলে আসিয়া উঠিতাম। অনন্ত আকাশ ও বাহুবস্ত সম্বন্ধে সংশয়জাল যতই দুশ্চন্দ্র জটিল হোক না কেন, কিরণের বেগুনের ক্ষেত বা আমতলা সম্বন্ধে কোন প্রকার দুর্লভতা বা সন্দেহের লেশমাত্র ছিল না। কাব্যে বা উপস্থাসে তাহা উল্লেখযোগ্য নহে কিন্তু জীবনে তাহা সমুদ্র-বেষ্টিত দ্বীপের স্রায় মনোহর। মাটিতে পাঠে কা যে কি আরাম তাহা সেই জানে যে বহুকাল জলের মধ্যে সঁতার দিয়াছে। আমি এতদিন কল্পনায় যে প্রেমসমুদ্র স্বপ্ন করিয়াছিলাম তাহা যদি সত্য হইত তবে সেখানে

চিরকাল যে কি করিয়া ভাসিয়া বেড়াইতাম তাহা বলিতে পারি না সেখানে আকাশও অসীম, সমুদ্রও অসীম, সেখান হইতে আমাদের প্রতিদ্বিবেসের বিচিত্র জীবনযাত্রার সীমাবদ্ধ ব্যাপার একেবারে নির্দাসিত, সেখানে তুচ্ছতার লেশমাত্র নাই, সেখানে কেবল ছন্দে গয়ে সঙ্গীতে ভাব ব্যক্ত করিতে হয়, এবং তলাইতে গেলে কোথাও তল পাওয়া যায় না। কিরণ সেখান হইতে মজ্জমান এই হতভাগ্যের কেশপাশ ধরিয়া যখন তাহার আমতলায় তাহার বেগুনের ক্ষেতে টানিয়া তুলিল তখন পায়ে তলায় মাটি পাইয়া আমি ঝাঁচিয়া গেলাম। আমি দেখিলাম, বারান্দায় বসিয়া খিচুড়ি বাধিয়া, মই চড়িয়া দেয়ালে পেরেক মারিয়া, লেবু গাছে ঘন সবুজ পত্ররাশির মধ্য হইতে সবুজ লেবু ফল সন্ধান করিতে সাহায্য করিয়া অভাবনীয় আনন্দ লাভ করা যায়—অর্থাৎ সে আনন্দলাভের জন্ত কিছুমাত্র প্রয়াস পাইতে হয় না,—আপনি যে কথা মুখে আসে, আপনি যে হাসি উচ্ছ্বসিত হইয়া উঠে, আকাশ হইতে যতটুকু আলো আসে এবং পাছ হইতে যতটুকু ছায়া পড়ে তাহাই যথেষ্ট। ইহা ছাড়া আমার কাছে একটি সোণার কাঠি ছিল, আমার নব-যৌবন, একটি পরশপাথর ছিল, আমার প্রেম, একটি বৃক্ষয় কল্পতরু ছিল, আমার নিজের প্রতি নিজের অক্ষুণ্ণ বিশ্বাস; আমি বিজয়ী, আমি ইন্দ্র, আমার উচ্চৈশ্বর্য পথে কোন বাধা দেখিতে পাই না কিরণ আমার কিরণ, তাহাতে আমার সন্দেহ নাই! সে কথা এতক্ষণ স্পষ্ট করিয়া বলি নাই, কিন্তু হৃদয়ের এক প্রান্ত হইতে আর এক প্রান্ত মুহূর্ত্তের মধ্যে মহাস্বপ্নে বিদীর্ণ করিয়া সে কথা বিহ্যুতের মত আমার সমস্ত অন্তঃকরণ বাধিয়া ক্ষণে ক্ষণে নাচিয়া উঠিতেছিল। কিরণ আমার কিরণ।

ইতিপূর্বে আমি কোন অনাঙ্গীয়া মহিলায় সংশ্রবে আসি নাই, যে নব্যরমণীগণ শিক্ষা-লাভ করিয়া অবরোধের বাহিরে সঞ্চরণ করেন তাঁহাদের রীতিনীতি আমি কিছুই অবগত নহি,—অতএব তাঁহাদের আচরণে কোন্‌খানে শিষ্টতার সীমা কোন্‌খানে প্রেমের অধিকার তাহা আমি কিছুই জানি না;—কিন্তু ইহাও জানি না আমাকে কেনই বা ভাল না বাসিবে? আমি কোন অংশে নূন?

কিরণ যখন আমার হাতে চায়ের পেয়ালাটি দিয়া বাইত তখন চায়ের সঙ্গে পাত্রভরা কিরণের ভালবাসাও গ্রহণ করিতাম—চা-টি যখন পান করিতাম তখন মনে করিতাম আমার গ্রহণ সার্থক হইল এবং কিরণেরও দান সার্থক হইল। কিরণ যদি সহজস্বরে বলিত, মহীশূর বাবু কাল সকাল আসবেন ত,—তাহার মধ্যে ছন্দে লয়ে বাজিয়া উঠিত—

“কি মোহিনী জান বন্ধু কি মোহিনী জান!

অবলার প্রাণ নিতে নাহি তোমা হেন!

আমি সহজ কথায় উত্তর করিতাম “কাল আটটার মধ্যে আসব” তাহার মধ্যে কিরণ কি শুনিতে পাইত না,—

“পরাণ পুতলি তুমি হিয়ে মণি হার,

সরবসধন মোর সকল সংসার।”

আমার সমস্ত দিন এবং সমস্ত রাত্রি অমৃতে পূর্ণ হইয়া গেল। আমার সমস্ত চিন্তা এবং কল্পনা মুহূর্ত্তে মুহূর্ত্তে নূতন নূতন শাখা প্রশাখা বিস্তার করিয়া লতার ছায় কিরণকে আমার সহিত বেটন করিয়া বাধিতে লাগিল। যখন শুভ অবসর আসিবে তখন কিরণকে কি পড়াইব, কি শিখাইব, কি শুনাইব, কি দেখাইব তাহারি অসংখ্য সঙ্কল্পে আমার মন আচ্ছন্ন হইয়া গেল। এমন কি, স্থির করিলাম জন্মান পণ্ডিতরচিত দর্শনশাস্ত্রের নব্য ইতিহাসেও

যাহাতে তাহার চিত্তের ঔৎসুক্য জন্মে এমন শিক্ষা তাহাকে দিতে হইবে—নতুবা আমাকে সে সৰ্ব্বতোভাবে বুঝিতে পারিবে না। ইংরাজি কাব্য সাহিত্যের সৌন্দর্যালোকে আমি তাহাকে পথ দেখাইয়া লইয়া যাইব। আমি মনে মনে হাসিলাম, কহিলাম, কিরণ, তোমার আমলতা বেগুনের ক্ষেত আমার কাছে নূতন রাজ্য,—আমি কল্পিন্ কালে স্বপ্নেও জানিতাম না যে, সেখানে বেগুন এবং বড়ে-পড়া কাঁচা আম ছাড়াও দুর্লভ অমৃতফল এত সহজে পাওয়া যায় কিন্তু যখন সময় আসিবে তখন আমিও তোমাকে এমন এক রাজ্যে লইয়া যাইব, যেখানে বেগুন ফলে না কিন্তু তথাপি বেগুনের অভাব মুহূর্ত্তের জন্ত অনুভব করিতে হয় না! সে জ্ঞানের রাজ্য; ভাবের স্বর্গ!

স্বর্গাস্তকালের দিগন্তবিলীন পাণ্ডুবর্ণ সন্ধ্যা-তারা ঘনায়মান সায়াক্ষে ক্রমেই যেমন পরিস্ফুট দীপ্তিলাভ করে—কিরণও তেমনি কিছুদিন ধরিয়া ভিতর হইতে আনন্দে, লাষণ্যে, নারী-ত্বের পূর্ণতায় যেন প্রস্ফুটিত হইয়া উঠিল। সে যেন তাহার গৃহের তাহার সংসারের ঠিক মধ্য-আকাশে অধিরোহণ করিয়া চারিদিকে আনন্দের মঙ্গলজ্যোতি বিকীর্ণ করিতে লাগিল—সেই জ্যোতিতে তাহার বৃদ্ধ পিতার শুভ্র-কেশের উপর পবিত্রতর উজ্জল আভা পড়িল, এবং সেই জ্যোতি আমার উর্ধ্বলিত হৃদয় সমুদ্রের প্রত্যেক তরঙ্গের উপর কিরণের মধুর নামের একটি করিয়া জ্যোতির্শয় স্বাক্ষর মুদ্রিত করিয়া দিল। এদিকে আমার ছুটি সংক্ষিপ্ত হইয়া আসিল—বিবাহ উদ্দেশে বাড়ি আসিবার জন্ত পিতার স্নেহ অধরোধ ক্রমে কঠিন আদেশে পরিণত হইবার উপক্রম হইল—এদিকে অমূল্যকেও আর ঠেকাইয়া রাখা যায় না—সে কোন্ দিন উন্নত বহুহস্তীর ছায় আমার এই পদ্যবনের

মাঝখানে ফস্ করিয়া তাহার বিপুল চরণ চতুষ্টয় নিক্ষেপ করিবে এ উদ্দেশ্যে উত্তরোত্তর প্রবল হইতে লাগিল। কেমন করিয়া অবিলম্বে অন্তরের আকাঙ্ক্ষাকে ব্যক্ত করিয়া আমার প্রণয়কে পরিণয়ে বিকশিত করিয়া তুলিব তাহাই ভাবিতে লাগিলাম।

পঞ্চম পরিচ্ছেদ ।

—*—

একদিন মধ্যাহ্নকালে ভবনাথ বাবুর গৃহে গিয়া দেখি তিনি গ্রীষ্মের উত্তাপে চৌকিতে ঠেসান্ দিয়া ঘুমাইয়া পড়িয়াছেন, এবং সম্মুখে গঙ্গাতীরের বারান্দায় নির্জন ঘাটের সোপানে বসিয়া কিরণ কি বই পড়িতেছে। আমি নিঃশব্দ-পদে পশ্চাতে গিয়া দেখি, একখানি নূতন কাব্য-সংগ্রহ—যে পাঠাটি খোলা আছে, তাহাতে Shelleyর একটি কবিতা উদ্ধৃত এবং তাহার পার্শ্বে লাল কালীতে একটি পরিষ্কার লাইন টানা—সেই কবিতাটি পাঠ করিয়া কিরণ ঈষৎ একটি দীর্ঘ নিঃশ্বাস ত্যাগ করিয়া স্বপ্নভারাকুল নয়নে আকাশের দূরতম প্রান্তের দিকে চাহিল—বোধ হইল যেন সেই একটি কবিতা কিরণ আজ একঘণ্টা ধরিয়া দশবার করিয়া পড়িয়াছে এবং অনন্ত নীলাকাশে আপন হৃদয়-তরঙ্গীর পাশে একটি মাত্র উত্তপ্ত দীর্ঘ নিঃশ্বাস দিয়া তাহাকে অতিদূর নক্ষত্রলোকে প্রেরণ করিয়াছে। শেলি কাহার জন্ত এই কবিতাটি লিখিয়াছিল, জানি না—মহীন্দ্রনাথ বাবু নামক কোন বাঙ্গালি যুবকের জন্ত লেখে নই তাহাতে সন্দেহ নাই, কিন্তু আজ এই স্তবগানে আমি ছাড়া আর কাহারও অধিকার নাই ইহা আমি জোর করিয়া বলিতে পারি। কিরণ এই কবিতাটির পাশে আপন অন্তরতম হৃদয়পেল্লি দিয়া একটি উজ্জ্বল রক্ত চিহ্ন আঁকিয়া দিয়াছে, সেই মায়ামগ্ন মৌহমগ্নে কবিতাটি আজ তাহারই

—এবং সেই সঙ্গে আমারও। আমি পুলকোচ্ছ্বসিত চিত্তকে সম্বরণ করিয়া সহজ স্বরে কহিলাম কি পড়িতেছেন। পালভরা নৌকা যেন হঠাৎ চড়ায় ঠেকিয়া গেল। কিরণ চমকিয়া উঠিয়া তাড়াতাড়ি বইখানা বন্ধ করিয়া একে-বারে আঁচলের মধ্যে ঢাকিয়া ফেলিল। আমি হাসিয়া কহিলাম, বইখানি একবার দেখিতে পারি? কিরণকে কি যেন বাজিল—সে আগ্রহ-সহকারে বলিয়া উঠিল, না, না, ও বই থাক!।

আমি কিয়দূরে একটা ধাপ নীচে বসিয়া ইংরাজি কাব্যসাহিত্যের কথা উত্থাপন করিলাম—এমন করিয়া কথা তুলিলাম যাহাতে কিরণেরও সাহিত্য শিক্ষা হয় এবং আমারও মনের কথা ইংরাজ কবির জবানীতে ব্যক্ত হইয়া উঠে। ধরবোদ্ধতাতে স্তম্ভীর নিস্তক-তার মধ্যে জলের স্থলের ছোট ছোট কলশ-গুলি নিদ্রাকাতর জনমীর ঘুমপাড়ানী গানের মত অতিশয় মৃদু এবং স্কন্ধ হইয়া আসিল।

কিরণ যেন অধীর হইয়া উঠিল—কহিল, “বাবা একা বসিয়া আছেন, অনন্ত আকাশ সম্বন্ধে তোমাদের সে তর্কটা শেষ করিবে না?” আমি মনে মনে ভাবিলাম, অনন্ত আকাশ ত চিরকাল থাকিবে এবং তাহার সম্বন্ধে তর্কও ত কোন কালে শেষ হইবে না, কিন্তু জীবন স্বপ্ন এবং শুভ অবসর হ্রস্ব ও ক্ষণস্থায়ী। কিরণের কথার উত্তর না দিয়া কহিলাম, “আমার কতক-গুলি কবিতা আছে আপনাকে শুনাইব।” কিরণ কহিল, “কাল শুনিব।” বলিয়া একে-বারে উঠিয়া ঘরের দিকে চাহিয়া বলিয়া উঠিল, “বাবা, মহীন্দ্রবাবু আসিয়াছেন।” ভবনাথ-বাবু নিদ্রাভঙ্গে বালকের শ্রায় তাঁহার সয়ল নেত্রঘন উন্মীলন করিয়া ব্যস্ত হইয়া উঠিলেন। আমার বক্ষে যেন ধক্ করিয়া একটা মস্ত ঘা লাগিল। ভবনাথবাবুর ঘরে গিয়া অনন্ত

আকাশ সম্বন্ধে তর্ক করিতে লাগিলাম। কিরণ বই হাতে লইয়া দোতলায় বোধ হয় তাহার নির্জন শয়নকক্ষে নির্ঝিয়ে পড়িতে গেল।

পরদিন সকালের ডাকে লাল পেন্সিলের দাগ দেওয়া একখানা ট্রেটসুম্যান কাগজ পাওয়া গেল, তাহাতে বি, এ, পরীক্ষার ফল বাহির হইয়াছে! প্রথমেই প্রথম ডিবিশান বিভাগে কিরণবালা বন্দ্যোপাধ্যায় বলিয়া একটা নাম চোখে পড়িল—আমার নিজের নাম প্রথম দ্বিতীয় তৃতীয় কোন বিভাগেই নাই।

পরীক্ষায় অকৃতার্থ হইবার বেদনার সঙ্গে সঙ্গে বজ্রাঘ্নিত ত্রায় একটা সন্দেহ বাজিতে লাগিল যে, কিরণবালা বন্দ্যোপাধ্যায় হয়ত আমাদেরই কিরণবালা। সে যে কালেজে পড়িয়াছে বা পরীক্ষা দিয়াছে এ কথা যদিও আমাকে বলে নাই তথাপি সন্দেহ ক্রমেই প্রবল হইতে লাগিল। কারণ, ভাবিয়া দেখিলাম, বৃদ্ধ পিতা এবং তাহার কন্যাটি নিজেদের সম্বন্ধে কোন কথাই কখনো আলাপ করে নাই—এবং আমিও নিজের আখ্যান বলিতে এবং নিজের বিদ্যাপ্রচার করিতে সর্বদাই এমন নিমুক্ত ছিলাম যে, তাঁহাদের কথা ভাল করিয়া জিজ্ঞাসাও করি নাই।

জর্মানপণ্ডিতরচিত আমার নূতন-পড়া দর্শনের ইতিহাস, সম্বন্ধীয় তর্কগুলি আমার মনে পড়িতে লাগিল—এবং মনে পড়িল আমি একদিন কিরণকে বলিয়াছিলাম, আপনাকে যদি আমি কিছুদিন গুটিকতক বই পড়াইবার সুযোগ পাই, তাহা হইলে ইংরাজি কাব্য সাহিত্য সম্বন্ধে আপনার একটা পরিষ্কার ধারণা জন্মাইতে পারি।

কিরণবালা দর্শনশাস্ত্রে অন্য লইয়াছেন এবং সাহিত্যে প্রথম শ্রেণীতে উত্তীর্ণ। যদি এই কিরণ হয়।

অবশেষে প্রবল খোঁচা দিয়া আপন ভ্রাতৃ-ছন্ন অহঙ্কারকে উদ্দীপ্ত করিয়া কহিলাম—“হয় হোক—আমার রচনাবলী আমার জয়স্বস্ত”। বলিয়া খাতা হাতে সবলে পা ফেলিয়া মাথা পূর্বাপেক্ষা উচ্চে তুলিয়া ভবনাথবাবুর বাগানে গিয়া উপস্থিত হইলাম।


তখন তাঁহার ঘরে কেহ ছিল না। আমি একবার ভাল করিয়া বৃদ্ধের পুস্তকগুলি নিরীক্ষণ করিতে লাগিলাম। দেখিলাম, এক কোণে আমার সেই নব্য জর্মানপণ্ডিতরচিত দর্শনের ইতিহাসখামি অনাদরে পড়িয়া রাখিয়াছে—খুলিয়া দেখিলাম, ভবনাথবাবুর স্বহস্ত-লিখিত নোটে তাহার মার্জ্জিন পারিপূর্ণ। বৃদ্ধ নিজে তাঁহার কন্যাকে শিক্ষা দিয়াছেন। আমার সন্দেহ রহিল না।

ভবনাথ বাবু অন্তর্দিনের অপেক্ষা প্রসন্ন-জ্যোতির্বাচ্ছুরিত মুখে ঘরে আসিয়া প্রবেশ করিলেন—যেন কোন সুসংবাদের নিব্বন্ধনরায় তিনি সত্ত প্রাতঃস্নান করিয়া আসিয়াছেন। আমি অকস্মাৎ কিছু দশের ভাবে রুদ্ধহাস্ত হাসিয়া কহিলাম—“ভবনাথবাবু, আমি পরীক্ষায় ফেল্ করিয়াছি!” যে সকল বড় বড় লোক বিদ্যালয়ের পরীক্ষায় ফেল্ করিয়া জীবনের পরীক্ষায় প্রথম শ্রেণীতে উত্তীর্ণ হয়, আমি যেন আজ তাহাদেরই মধ্যে গণ্য হইলাম। পরীক্ষা, বাণিজ্য ব্যবসায়, চাকুরী প্রভৃতিতে কৃতকার্য হওয়া মাঝামাঝি লোকের লক্ষণ—নিম্নতম এবং উচ্চতম শ্রেণীর লোকদেরই অকৃতকার্য হইবার আশ্চর্য ক্ষমতা আছে। ভবনাথবাবুর মুখ সম্মেলকরণ হইয়া আসিল, তিনি তাঁহার কন্যার পরীক্ষোত্তরণ সংবাদ আমাকে আর দিতে পারিলেন না; কিন্তু আমার অসঙ্গত উগ্রপ্রকৃষ্টতা দেখিয়া কিছু বিস্মিত হইয়া গেলেন। তাঁহার সরল

বৃদ্ধিতে আমার গর্কের কারণ বৃদ্ধিতে পারি-
লেন না ।

এমন সময় আমাদের কালেজের নবীন
অধ্যাপক বামাচরণবাবুর সহিত কিরণ সলজ্জ-
সরসোজ্জল মুখে বর্ধাধৌত লতাটির মত ছল-
ছল করিতে করিতে ঘরের মধ্যে প্রবেশ করিল ।
আমার আর কিছুই বৃদ্ধিতে বাকি রহিল না ।
রাত্রে বাড়িতে আসিয়া আমার রচনাবলীর
খাতাখানা পোড়াইয়া ফেলিয়া দেশে গিয়া
বিবাহ করিলাম ।

গঙ্গার ধারে যে বৃহৎ কাব্য লিখিবার কথা
ছিল তাহা লেখা হইল না, কিন্তু জীবনের মধ্যে
তাহা লাভ করিলাম ।



প্রথম পরিচ্ছেদ ।

—:~:—

ঝি কড়াকোটার কৃষ্ণগোপাল সরকার
জ্যেষ্ঠপুত্রের প্রতি জমিদারী এবং সংসারের ভার
দিয়া কাশী চলিয়া গেলেন । দেশের যত অনাধ
দরিদ্র লোক তাঁহার জন্ত হাহাকার করিয়া
কাঁদিতে লাগিল—এমন বদান্যতা এমন ধর্ম-
নিষ্ঠতা কলিযুগে দেখা যায় না, এই কথা সকলেই
বলিতে লাগিল ।

তাঁহার পুত্র বিপিনবিহারী আজকালকার
একজন সুশিক্ষিত বি এ । দাড়ি রাখেন,
চসমা পরেন, কাহারো সহিত বড় একটা মিশেন
না । অতিশয় সচ্চরিত্র—এমন কি, তামাকটি

পর্যন্ত খান না, তাস পর্যন্ত খেলেন না ।
অত্যন্ত ভালমানুষের মত চেহারা, কিন্তু লোকটা
ভারি কড়াকড় ।

তাঁহার প্রজারা শীঘ্রই তাহা অনুভব করিতে
পারিল । বড়া কর্তার কাছে রক্ষা ছিল কিন্তু
ইহার কাছে কোন ছুতায় দেনা খাজনার এক
পয়সা বেয়াৎ পাইবার প্রত্যাশা নাই । নিাদষ্ট
সময়েরও একদিন এদিক-ওদিক হইতে
পায় না ।

ষিপিনবিহারী হাতে কাজ লইয়াই
দেখিলেন তাঁহার বাপ বিস্তর ব্রাহ্মণকে জমি
বিনা খাজনায় ছাড়িয়া দিয়াছেন এবং খাজনা
যে কত লোককে কমি দিয়াছেন তাহার আর
সংখ্যা নাই । তাঁহার কাছে কেহ একটা কিছু
প্রার্থনা করিলে তিনি তাহা পূর্ণ না করিয়া
ধাকিতে পারিতেন না—সেটা তাঁহার একটা
দুর্কলতা ছিল ।

বিপিনবিহারী কহিলেন, এ কখনই হইতে
পারে না । অর্ধেক জমিদারী আমি লাখেবাজ
ছাড়িয়া দিতে পারি না । তাঁহার মনে নিম্ন-
লিখিত দুই যুক্তির উদয় হইল ।

প্রথমতঃ, যে সকল অকর্মণ্য লোক ঘরে
বসিয়া এই সকল জমির উপস্বত্ব ভোগ করিয়া
ক্ষীত হইতেছে তাহারা অধিকাংশই অপদার্থ
এবং দয়ার অযোগ্য । এরূপ দানে দেশে
কেবল আলস্যের প্রশ্রয় দেওয়া হয় ।

দ্বিতীয়তঃ—তাঁহার পিতৃপিতামহের সময়ের
অপেক্ষা এখন জীবিকা অত্যন্ত দুর্ভ এবং
দুর্শূল্য হইয়া পড়িয়াছে । অভাব অনেক
বাড়িয়া গিয়াছে । এখন একজন ভ্রমলোকের
আত্মসম্মম রক্ষা করিয়া চলিতে পূর্কোপেক্ষা
চারশগু খরচ পড়ে । অতএব তাঁহার পিতা
যে রূপ নিশ্চিন্ত মনে ছই হস্তে সমস্ত বিলাইয়া
ছড়াইয়া গিয়াছেন এখন আর তাহা করিলে

চলিবে না বরঞ্চ সেগুলি কুড়াইয়া বাড়াইয়া আবার ঘরে আনিবার চেষ্টা করা কর্তব্য ।

কর্তব্যবৃদ্ধি তাঁহাকে যাহা বলিল তিনি তাহাই করিতে আরম্ভ করিলেন । তিনি একটা প্রিন্সিপল্ ধরিয়া চলিতে লাগিলেন ।

ঘর হইতে যাহা বাহির হইয়াছিল আবার তাহা অল্পে অল্পে ঘরে ফিরিতে লাগিল । পিতার অতি অল্প দানই তিনি বাহাল রাখিলেন, এবং যাহা রাখিলেন তাহাও যাহাতে চিরস্থায়ী দানের স্বরূপে গণ্য না হয় এমন উপায় করিলেন ।

কৃষ্ণগোপাল কাশীতে থাকিয়া পত্রযোগে প্রজাদিগের ক্রন্দন শুনিতে পাইলেন—এমন কি, কেহ কেহ তাঁহার নিকটে গিয়াও কাঁদিয়া পড়িল । কৃষ্ণগোপাল বিপিনবিহারীকে পত্র লিখিলেন যে, কাজটা গর্হিত হইতেছে ।

বিপিনবিহারী উত্তরে লিখিলেন, পূর্বে যেমন দান করা যাইত তেমন পাওনা নানা প্রকারের ছিল । তখন জমিদার এবং প্রজা উভয়পক্ষের মধ্যেই দান প্রতিদান ছিল । সম্প্রতি নূতন নূতন আইন হইয়া কেবলমাত্র ন্যায্য খাজনা ছাড়া অল্প পাঁচ রকম পাওনা একেবারে বন্ধ হইয়াছে, এবং কেবলমাত্র খাজনা আদায় করা ছাড়া জমিদারের অন্যান্য গৌরবজনক অধিকারও উন্মীয়া গিয়াছে—অতএব এখনকার দিনে যদি আমি আমার ন্যায্য পাওনার দিকে কঠিন দৃষ্ট না রাখি তবে আর আমার থাকে কি ! এখন প্রজাও আমাকে অতিরিক্ত কিছু দিবে না আমিও তাহাকে অতিরিক্ত কিছুই দিব না—এখন আমাদের মধ্যে কেবলমাত্র দেনাপাওনার সম্পর্ক । দান খয়রাৎ করিতে গেলে ফতুর হইতে হইবে ; বিষয় রক্ষা এবং কুলসম্ভ্রম রক্ষা করা হুকুম হইয়া পড়িবে ।

কৃষ্ণগোপাল সময়ের এতাদিক পরিবর্তনে অত্যন্ত চিন্তিত হইয়া উঠিতেন এবং ভাবিতেন এখনকার ছেলেরা এখনকার কালের উপযোগী কাজ করিতেছে—আমার সেকালের নিয়ম এখন খাটিবে না । আমি দূরে বসিয়া ইহাতে হস্তক্ষেপ করিতে গেলে তাহারা বলিবে, তবে তোমার বিষয় তুমি ফিরিয়া লও, আমরা ইহা রাখিতে পারিব না । কাজ কি বাপ, এ কমটা দিন কোনমতে হরিনাম করিয়া কাটা-ইয়া দিতে পারিলে বাচি ।

দ্বিতীয় পরিচ্ছেদ ।

—:•:—

এই ভাবে কাজ চলিতে লাগিল । অনেক মকদ্দমা মামলা হান্সাম ফেসাদ করিয়া বিপিনবিহারী সমস্তই প্রায় এক প্রকার মনের মত গুছাইয়া গইলেন ।

অনেক প্রজাই ভয়ক্রমে বশ্যতা স্বীকার করিল, কেবল মির্জা বিবির পুত্র অছিমদ্দি বিশ্বাস কিছুতেই বাগ মানিল না ।

বিপিনবিহারীর আক্রোশও তাহার উপরে সব চেয়ে বেশী । ব্রাহ্মণের ব্রহ্মোত্তরের একটা অর্থ বোঝা যায় কিন্তু এই মুসলমান সন্তান যে কি হিসাবে এতটা জমি নিষ্কর ও স্বল্প করে উপভোগ করে বুঝা যায় না । একটা সামান্য ষবন বিধবার ছেলে, গ্রামের ছাত্রবৃত্তি-স্কুলে দুই ছত্র লিখিতে পড়িতে শিখিয়াছে কিন্তু আপনার সৌভাগ্যগর্ভে সে যেন কাহাকেও গ্রাহ্যই করে না ।

বিপিন পুরাতন কর্মচারীদের কাছে জানিতে পারিলেন কর্তার আমল হইতে বাস্তবিক ইহারা বহুকাল অনগ্রহ পাইয়া আসিতেছে কিন্তু এ অনগ্রহের কোন বিশেষ কারণ তাহারা

নির্ণয় করিতে পারে না। বোধ করি, অনাথা বিধবা-নিজ দুঃখ জানাইয়া কর্তার দয়া উদ্রেক করিয়াছিল।

কিন্তু বিপিনের নিকট এই অনুগ্রহ সর্বা-পেক্ষা অযোগ্য বলিয়া প্রতিভাত হইল। বিশেষতঃ ইহাদের পূর্বের দরিদ্র অবস্থা বিপিন দেখেন নাই, এখন ইহাদের স্বচ্ছলতার বাড়াবাড়ি এবং অপরিপািত দস্ত দেখিয়া বিপিনের মনে হইত ইহারা যেন তাঁহার দয়া-দুর্ভাগ্য সরল পিতাকে ঠকাইয়া তাঁহাদের বিষয়ের এক অংশ চুরি করিয়া লইয়াছে।

অছিমদ্দিও উদ্ধত প্রকৃতির যুবক। সে বলিল, প্রাণ যাইবে তবু আমার অধিকারের এক তিল ছাড়িয়া দিব না। উভয় পক্ষে ভারি যুদ্ধ বাধিয়া উঠিল।

অছিমদ্দির বিধবা মাতা ছেলেকে বারবার করিয়া বুঝাইল, জমিদারের সহিত কাজিয়া করিয়া কাজ নাই, এতদিন তাঁহার অনুগ্রহে জীবন কাটিল তাঁহার অনুগ্রহের পরে নির্ভর করাই কর্তব্য, জমিদারের প্রার্থনামত কিছু ছাড়িয়া দেওয়া যাক্।

অছিমদ্দি কহিল, মা, তুমি এসকল বিষয় কিছু বোঝ না।

মকদ্দমায় অছিমদ্দি একে একে হারিতে আরম্ভ করিল। কিন্তু যতই হার হইতে লাগিল ততই তাহার জিদ বাড়িয়া উঠিল। তাহার সর্বস্বের জন্ত সে সর্বস্বই পণ করিয়া বসিল।

মির্জা বিবি একদিন বৈকালে বাগানের তরিতরকারী কিঞ্চিৎ উপহার লইয়া ছেলেকে লুকাইয়া গোপনে বিপিন বাবুর সহিত সাক্ষাৎ করিল। রন্ধা যেন তাহার সর্কষণ মাতৃদৃষ্টির দ্বারা স্নেহে বিপিনের সর্কাজে হাত বুলাইয়া কহিল, “তুমি আমার বাপ; আল্লা তোমার ভাল

করুন। বাবা, অছিমকে তুমি নষ্ট করিয়ে না, ইহাতে তোমার ধর্ম হইবে না। তাহাকে আমি তোমার হস্তেই সমর্পণ করিলাম— তাহাকে নিতান্তই অবশ্য-প্রতিপাল্য একটি অকর্মণ্য ছোট ভাইয়ের মত গ্রহণ কর—সে তোমার অসীম ঐশ্বর্যের ক্ষুদ্র এককণা পাই- যাছে বলিয়া ক্ষুব্ধ হইয়ো না বাপ!”

অধিক বয়সের স্বাভাবিক প্রগল্ভতাবশতঃ বুড়ি তাঁহার সহিত ঘরবন্দী পাতাইতে আসি- যাছে দেখিয়া বিপিন ভারি বিরক্ত হইয়া উঠিল। কহিল—“তুমি মেয়ে মানুষ, এ সমস্ত কথা কিছুই বোঝ না। যদি কিছু জানাইবার থাকে তোমার ছেলেকে পাঠাইয়া দিয়ো!”

মির্জা বিবি নিজের ছেলে এবং পবের ছেলে উভয়ের কাছেই গুলিল, সে এ বিষয়ের কিছুই বোঝে না। আল্লার নাম স্মরণ করিয়া চোখ মুছিতে মুছিতে বিধবা ঘরে ফিরিয়া গেল।

তৃতীয় পরিচ্ছেদ ।

—:~:—

মকদ্দমা ফৌজদারী হইতে দেওয়ানী— দেওয়ানী হইতে জেলা-আদালত, জেলা-আদালত হইতে হাইকোর্ট পর্য্যন্ত চলিল। বৎসর দেড়েক এমনি করিয়া কাটিয়া গেল। অছিমদ্দি যখন দেনার মধ্যে আকণ্ঠ নিমগ্ন হইয়াছে তখন আপিল-আদালতে তাহার আংশিক জয় সাব্যস্ত হইল।

কিন্তু ডাঙ্গার বাঘের মুখ হইতে যে টুকু বাঁচিল জলের কুমীর তাহার প্রতি আক্রমণ করে। মহাজন সময় বুঝিয়া ডিক্রীজারী করিল। অছিমদ্দির যথাসর্বস্ব নিলাম হইবার দিন স্থির হইল।

সে দিন সোমবার, হাটের দিন। ছোট একটি নদীর ধারে হাট। বর্ষাকালে নদী পরিপূর্ণ হইয়া উঠিয়াছে। কতক নোকায় এবং কতক ডাঙ্গায় কেনাবেচা চলিতেছে, কল-রবের অন্ত নাই। পণ্যদ্রব্যের মধ্যে এই আষাঢ় মাসে কাঁঠালের আমদানীই সব চেয়ে বেশী, ইলিশ মাছও যথেষ্ট। আকাশ মেঘাচ্ছন্ন হইয়া রহিয়াছে; অনেক বিক্রেতা ঝুঁটির আশঙ্কায় বাঁশ পুতিয়া তাহার উপর একটা কাপড় পাটাইয়া দিয়াছে।

অছিমদ্দিও হাট করিতে আসিয়াছে—কিন্তু তাহার হাতে একটি পয়সাও নাই, এবং তাহাকে আজ কাল কেহ ধারেও বিক্রয় করে না। সে একটি কাটারি এবং একটি পিতলের থালা হাতে করিয়া আসিয়াছে, বন্ধক রাখিয়া ধার করিবে।

বিপিন বাবু বিকালের দিকে হাওয়া খাইতে বাহির হইয়াছেন, সঙ্গে দুই তিন জন লাঠিহস্তে পাইক চলিয়াছে। কলরবে আকৃষ্ট হইয়া তিনি একবার হাট দেখিতে ইচ্ছুক হইলেন।

হাটের মধ্যে প্রবেশ করিয়া স্বামী কলুকে কোতুলবশতঃ তাহার আয়ব্যয় সম্বন্ধে প্রশ্ন করিতেছেন এমন সময় অছিমদ্দি কাটারি তুলিয়া বাঘের মত গর্জন করিয়া বিপিন বাবুর প্রতি ছুটিয়া আসিল। হাটের লোক তাহাকে অধুপথে ধরিয়া তৎক্ষণাৎ নিরস্ত করিয়া ফেলিল—অবিলম্বে তাহাকে পুলিশের হস্তে সমর্পণ করা হইল এবং আবার হাটে যেমন কেনাবেচা চলিতেছিল চলিতে লাগিল।

বিপিন বাবু এই ঘটনায় মনে মনে যে খুসি হন নাই তাহা বলা যায় না। আমরা যাহাকে শিকার করিতে চাহি সে যে আমাদের দিগ্গে থাবা মারিতে আসিবে এরূপ বজ্জাতী এবং বেআদর্শী অসহ। যাহা হোক, বেটা

যেদ্রুপ বহুমায়েসু সেইরূপ তাহার উচিত শাস্তি হইবে।

বিপিনের অন্তঃপুরে মেয়েরা আজিকার ঘটনা শুনিয়া কণ্টকিত হইয়া উঠিলেন—সকলেই বলিলেন, মাগো, কোথাকার বজ্জাত হারামজাদা বেটা! তাহার উচিত শাস্তির সম্ভাবনায় তাঁহারা অনেকটা সান্ত্বনা লাভ করিলেন।

এদিকে সেই সন্ধ্যাবেলায় বিধবার অনন্যাত্ম পুত্রহীন গৃহ মৃত্যুর অপেক্ষাও অন্ধকার হইয়া গেল। এই ব্যাপারটা সকলেই ভুলিয়া গেল, আহা হাদি করিল, শয়ন করিল, নিদ্রা দিল—কেবল একটি বৃদ্ধার কাছে পৃথিবীর সমস্ত ঘটনার মধ্যে এইটেই সর্কোপেক্ষা বৃহৎ হইয়া উঠিল, অথচ ইহার সহিত যুদ্ধ করিবার জন্ত সমস্ত পৃথিবীতে আর কেহই নাই, কেবল দীপ-হীন কুটির-প্রান্তে কয়েকখানি জীর্ণ অস্থি এবং একটি হতাশাস ভীত হৃদয়।

চতুর্থ পরিচ্ছেদ ।

—:~:—

ইতিমধ্যে দিন তিনেক অতিবাহিত হইয়া গেছে। কাল ডেপুটি ম্যাজিস্ট্রেটের নিকট বিচারের দিন নির্দিষ্ট হইয়াছে। বিপিনকেও সাক্ষ্য দিতে যাইতে হইবে। ইতিপূর্বে জমিদারকে কখনো সাক্ষ্যমঞ্চে দাঁড়াইতে হয় নাই—কিন্তু বিপিনের ইহাতে কোন আপত্তি নাই।

পরদিন ষথাসময়ে পাগুড়ি পরিয়া ঘাড়র চেন ঝুলাইয়া পাকি চাড়িয়া মহাসমারোহে বিপিন বাবু কাছারিতে গিয়া উপস্থিত হইলেন। ডেপুটি ম্যাজিস্ট্রেট তাঁহাকে সমস্তম্বে আপন পার্শ্ববর্তী আসনে স্থান দিলেন। এজলাসে

আজ আর লোক ধরে না। এতবড় হজুক আদালতে অনেক দিন ঘটে নাই।

যখন মকদ্দমা উঠিতে আর বড় বিলম্ব নাই, এমন সময় একজন বরকন্দাজ আসিয়া বিপিন বাবুর কাণে কাণে কি একটা কথা বলিয়া দিল—তিনি তটস্থ হইয়া আবশ্যক আছে বলিয়া বাহিরে চলিয়া আসিলেন।

বাহিরে আসিয়া দেখিলেন, কিছু দূরে এক বটতলায় তাঁহার বৃদ্ধ পিতা দাঁড়াইয়া আছেন। খালি পা, গায়ে একখানি নামাবলী, হাতে হরিনামের মালা, ক্রুশ শরীরটি যেন স্নিগ্ধ জ্যোতির্ময়। ললাট হইতে একটি শাস্ত কক্ষণা বিধে বিকীর্ণ হইতেছে।

বিপিন চাপকান জোকা এবং আঁট প্যান্ট-লুন লইয়া কষ্টে তাঁহাকে প্রণাম করিলেন। মাথার পাগুড়িটা নাসাপ্রান্তে নামিয়া আসিল, ঘড়িটা জেব হইতে বাহির হইয়া পড়িল; সেগুলি শশব্যস্তে সারিয়া লইয়া পিতাকে নিকটবর্তী উকীলের বাসায় প্রবেশ করিতে অনুরোধ করিলেন।

কৃষ্ণগোপাল কহিলেন, না, আমার ঘাড়া বক্তব্য আমি এইখানেই বলিয়া লই।

বিপিনের অনুচরগণ কোতূহলী লোক-দিগকে দূরে ঠেলিয়া রাখিল।

কৃষ্ণগোপাল কহিলেন—অছিম যাহাতে খালাস পায় সেই চেষ্টা করিতে হইবে এবং উহার যে সম্পত্তি কাড়িয়া লইয়াছ তাহা ফিরাইয়া দিবে।

বিপিন বিস্মিত হইয়া জিজ্ঞাসা করিলেন—এইজন্তই আপনি কাশী হইতে এত দূরে আসিয়াছেন? উহাদের উপরে আপনার এত অধিক অনুরোধ কেন?

কৃষ্ণগোপাল কহিলেন—সে কথা শুনিয়া তোমার লাভ কি হইবে বাপু?

বিপিন ছাড়িলেন না—কহিলেন, “অযো-গাতা বিচার করিয়া কত লোকের কত দান ফিরাইয়া লইয়াছি, তাহার মধ্যে কত ব্রাহ্মণও ছিল, আপনি তাহার কিছুতে হস্তক্ষেপ করেন নাই, আর এই মুসলমান সন্তানের জন্ত আপ-নার এতদূর পর্য্যন্ত অধ্যবসায়! আজ এত কাণ্ড করিয়া অবশেষে যদি অছিমকে খালাস দিতে এবং সমস্ত ফিরাইয়া দিতে হয় ত লোকের কাছে কি বলিব!”

কৃষ্ণগোপাল কিয়ৎক্ষণ চুপ করিয়া রহিলেন। অবশেষে দ্রুতকম্পিত অঙ্গুলিতে মালা ফিরাইতে ফিরাইতে কিঞ্চিৎ কম্পিতস্বরে কহিলেন, “লোকের কাছে যদি সমস্ত খুলিয়া বলা আবশ্যক কর ত বলিযো, অছিমদিন তোমার ভাই হয়, আমার পুত্র।”

বিপিন চমকিয়া উঠিয়া কহিলেন—ঘবনীর গর্তে?

কৃষ্ণগোপাল কহিলেন—হাঁ বাপু।

বিপিন অনেকক্ষণ স্তব্ধভাবে থাকিয়া কহিলেন, সে সব কথা পরে হইবে এখন আপনি ঘরে চলুন।

কৃষ্ণগোপাল কহিলেন—না, আমি ত আর গৃহে প্রবেশ করিব না। আমি এখন এখান হইতে ফিরিয়া চলিলাম। এখন তোমার ধর্ম্মে যাহা উচিত বোধ হয় করিযো। বলিয়া আশী-র্কাদ করিয়া অশ্রুনিরোধপূর্ব্বক কম্পিতকলে-বরে ফিরিয়া চলিলেন।

বিপিন কি বলিবে কি করিবে ভাবিয়া পাইল না। চুপ করিয়া দাঁড়াইয়া রহিল। কিন্তু এটুকু তাহার মনে উদয় হইল, সেকালের ধর্ম্মনিষ্ঠা এইরূপই বটে! শিক্ষা এবং চরিত্রে আপনাকে আপনার পিতার চেয়ে চের শ্রেষ্ঠ বোধ হইল। স্থির করিলেন, একটা প্রিন্সিপল না থাকায় এই ফল!

আদালতে যখন ফিরিলেন, দেখিলেন শীর্ণ ক্লিষ্ট শুষ্ক খেতওষ্ঠাধর দীপনেত্র অছিম দুই পাহারাওয়ালার হস্তে বন্দী হইয়া একখানি মলিন চীর পরিয়া বাহিরে দাঁড়াইয়া রহিয়াছে। সে বিপিনের ভ্রাতা !

ডেপুটিম্যাজিস্ট্রেটের সহিত বিপিনের বন্ধুত্ব ছিল। মকদ্দমা একপ্রকার গোলমাল করিয়া ফাঁসিয়া গেল। এবং অছিমও অল্পদিনের মধ্যে পূর্নাবস্থা ফিরিয়া পাইল। কিন্তু তাহার কারণ সেও বুঝিতে পারিল না, অন্য লোকেও আশ্চর্য্য হইয়া গেল।

মকদ্দমার সময় যে, কৃষ্ণগোপাল আসিয়াছিলেন সে কথা রাষ্ট্র হইতে বিলম্ব হইল না ! সকলেই নানা কথা কাণাকাণী করিতে লাগিল।

হৃদয়বুদ্ধি উকীলেরা ব্যাপারটা সমস্তই অনুমান করিয়া লইল। রামতারণ উকীলকে কৃষ্ণগোপাল নিজের খরচে লেখাপড়া শিখাইয়া মানুষ করিয়াছিলেন—সে বরাবরই সন্দেহ করিত কিন্তু এতদিনে সম্পূর্ণ বুঝিতে পারিল যে, ভাল করিয়া অনুসন্ধান করিলে সকল সাধুই ধরা পড়ে। যিনি যত মালা জপুন পৃথিবীতে আমার মতই সব বেটা ! সংসারে সাধু অসাধুর মধ্যে প্রভেদ এই যে, সাধুরা কপট এবং অসাধুরা অকপট ! যাহা হউক, কৃষ্ণগোপালের জগদ্বিখ্যাত দয়াধর্ম্মমহত্ব সমস্তই যে কাপট্য ইহাই স্থির করিয়া রামতারণের যেন এতদিনকার একটা তর্কোপ সমস্তার পূরণ হইল এবং কি যুক্তি অনুসারে জানি না, তাহাতে কৃতজ্ঞতার বোঝাও যেন স্বল্প হইতে লঘু হইয়া গেল ! ভারি আরাম পাইল।



পাঁচ ছেলের পর যখন এক কন্যা জন্মিল তখন বাপ মায়ে অনেক আদর করিয়া তাহার নাম রাখিলেন নিরুপমা। এ গোষ্ঠীতে এমন সৌখীন নাম ইতিপূর্বে কখন শোনা যায় নাই। প্রায় ঠাকুরদেবতার নামই প্রচলিত ছিল—গণেশ, কার্তিক, পার্বতী তাহার উদাহরণ।

বলা বাহুল্য নিরুপমার আদরের সীমা ছিল না। অতিরিক্ত আদরে নষ্ট হইয়া না যায় এমন ছেলে অতি দুর্লভ ; কিন্তু দৈবক্রমে এমন এক আঘাত মেয়ে দেখা যায় আদরে যাহার কোন অনিষ্ট করিতে পারে না। পদ্ম যেমন সহজেই জল ভেদ করিয়া মধুর শোভায় উপরে জাগিয়া উঠে, তেমনি এক একটি মেয়ে আছে যে স্বভাবতই ভরা আদরের মাঝখানে চলচল হইয়া ফুটিয়া উঠে।

নিরুপমা বাপ মা, পাঁচ ভাই এবং যেখানকার যত আত্মীয় স্বজন, সকলেরই আদর পাইত। কিন্তু তবু তাহার মন সর্বদাই একটি সরল সন্তোষে পূর্ণ থাকিত ; তাহার মুখের স্বাভাবিক ভাবটি এমনি ছিল সে যেন কাহারো কাছে কিছু চায় না।

আমার বর্ণনা শুনিয়া কেহবা হাসিতে প'রেন ! মনে করিতে পারেন সহজেই যে পায় সে আর চাহিবে কেন ? কিন্তু সংসারের গতিক যদি ভাল করিয়া আলোচনা করা যায় ত দেখা যাইবে, যে না চাহিয়া পায় তাহার আদর আর কিছুতেই মেটে না। পৃথিবীতে ষোল আনা আদর যে পায় না আঠার আনা

আদরের প্রতি সে কোন দাবী রাখেনা—এমন কি অল্পস্বল্প যাহা পায় সেটুকু না হইলেও তাহার চলিয়া যায়, কিন্তু যে হুর্ভাগা বিনা চেষ্টায় পূর্ণাপূর্ণি পায় উপরি-পাওনা না হইলে তাহার কিছুতেই স্থখ হয় না।

কিন্তু এই সংসারতন্ত্রের সহিত আমার গল্পের কোন যোগ নাই, অতএব এ আলোচনা পরে হইবে।

এখন নিরুপমার বিবাহের প্রস্তাব চলিতেছে। তাহার পিতা রামসুন্দর মিত্র অনেক খোঁজ করেন কিন্তু পাত্র কিছুতেই মনের মতন হয় না। অবশেষে মন্ত এক রায়বাহাহুরের ঘরের একমাত্র ছেলেকে সন্ধান করিয়া বাহির করিয়াছেন। উক্ত রায়বাহাহুরের পৈতৃক বিষয় আশয় যদিও অনেক হ্রাস হইয়া আসিয়াছে কিন্তু বনেদী ঘর বটে।

কিন্তু বরপক্ষ হইতে দশ হাজার টাকা পণ এবং বহুল দানসামগ্রী চাহিয়া বসিল। রামসুন্দর কিছুমাত্র বিবেচনা না করিয়া তাহাতেই সম্মত হইলেন; এমন পাত্র কোনমতে হাতছাড়া করা যায় না।

কিন্তু কিছুতেই টাকার যোগাড় আর হয় না। বাঁধা দিয়া বিক্রয় করিয়া অনেক চেষ্টাতেও হাজার ছয় সাত বাকি রহিল। এদিকে বিবাহের দিন নিকট হইয়া আসিয়াছে।

অবশেষে বিবাহের দিন উপস্থিত হইল। নিতান্ত অতিরিক্ত স্ত্রী একজন বাকি টাকাটা ধার দিতে স্বীকার করিয়াছিল কিন্তু সময়কালে সে উপস্থিত হইল না। বিবাহ-সভায় একটা তুমুল গোলযোগ বাধিয়া গেল। রামসুন্দর আমাদের রায়বাহাহুরের হাতে পায়ে ধরিয়া বলিলেন, শুভকার্য সম্পন্ন হইয়া যাক্ আমি নিশ্চয় টাকাকা শোধ করিয়া দিব। রায়বাহা-

হুর বলিলেন টাকা হাতে না পাইলে বর সভাস্থ করা যাইবে না।

এই হুর্ভটনায় অন্তঃপুরে একটা কান্না পড়িয়া গেল। এই গুরুতর বিপদের যে মূল কারণ সে চেলি পরিয়া গহনা পরিয়া, কপালে চন্দন লেপিয়া চুপ করিয়া বসিয়া আছে। ভাবী শ্বশুর কুলের প্রতি যে তাহার খুব একটা ভক্তি কিংবা অনুরাগ জন্মিতেছে তাহা বলা যায় না।

ইতিমধ্যে একটা স্ত্রীবিধা হইল। বর সহসা তাহার পিতৃদেবতার অবাধ্য হইয়া উঠিল। সে বাপকে বলিয়া বসিল কেনাবেচা দরদামের কথা আমি বুঝি না, বিবাহ করিতে আসিয়াছি বিবাহ করিয়া যাইব।

বাপ যাহাকে দেখিল তাহাকেই বলিল দেখেছেন মহাশয় আজকালকার ছেলেদের ব্যবহার। দুই একজন প্রবীণ লোক ছিল তাহারা বলিল শাস্ত্রশিক্ষা নীতিশিক্ষা একেবারে নাই, কাজেই।

বর্তমান শিক্ষার বিষয় ফল নিছের সন্তানের মধ্যে প্রত্যক্ষ করিয়া রায়বাহাহুর হতোম হইয়া বসিয়া রহিলেন। বিবাহ এক প্রকার বিষন্ন নিরানন্দভাবে সম্পন্ন হইয়া গেল।

শ্বশুরবাড়ী যাইবার সময় নিরুপমাকে বৃকে টানিয়া লইয়া বাপ আর চোখের জল রাখিতে পারিলেন না। নিরুজ্জ্বাসা করিল “তাঁরা কি আর আমাকে আসুতে দেবে না বাবা?” রামসুন্দর বলিলেন “কেন আসুতে দেবে না মা? আমি তোমাকে নিয়ে আস্ব।”

রামসুন্দর প্রায়ই মেয়েকে দেখিতে যান কিন্তু বেহাই বাড়ীতে তাঁর কোন প্রতিপত্তি নাই। চাকরগুলো পর্যন্ত তাঁহাকে নীচু নজরে দেখে। অন্তঃপুরের বাহিরে একটা স্বতন্ত্র ঘরে পাঁচ মিনিটের জন্ত কোন দিন বা

মেয়েকে দেখিতে পান কোন দিন বা দেখতে পান না।

কুটুম্বগৃহে এমন করিয়া আর অপমান ত সহ্য যায় না।

রামসুন্দর স্থির করিলেন যেমন করিয়া হ'উক, টা'বাটা শোধ করিয়া দিতে হইবে।

কিন্তু যে ঋণভার কাঁধে চাপিয়াছে তাহারই ভার সাম্ভালানো হু:সাধ্য। খরচপত্রের অত্যন্ত টানাটানি পড়িয়াছে ; এবং পাওনাদারদের দৃষ্টিপথ এড়াইবার জন্ত সর্বদাই নানারূপ হীন কৌশল অবলম্বন করিতে হইতেছে।

এদিকে শশুর বাড়ী উঠিতে বসিতে মেয়েকে খোঁটা খাইতে হয়। পিতৃগৃহের নিন্দা শুনিয়া ঘরে ঘর দিয়া অশ্রু'বিসর্জন তাহার নৈমিত্তিক জিয়ার মধ্যে দাঁড়াইয়াছে।

বিশেষত: শাশুড়ীর আক্রোশ আর কিছুতেই মেটে না। যদি কেহ বলে "আহা কি স্ত্রী ! বোয়ের মুখপানি দেখিলে চোখ জুড়াইয়া যায় !" শাশুড়ী ঝঙ্কার দিয়া উঠিয়া বলে "স্ত্রীত ভারি ! যেমন ঘরের মেয়ে তেমনি স্ত্রী !"

এমন কি বোয়ের খাওয়া পরারও যত্ন হয় না। যদি কোন দয়াপরতন্ত্র প্রতিবেশিনী কোন ক্রটির উল্লেখ করে শাশুড়ী বলে "ঐ ঢের হয়েছে !" অর্থাৎ বাপ যদি পূ'রা দাম দিত ত মেয়ে পূ'রা যত্ন পাইত। সকলেই এমন ভাব দেখায় যেন বধূর এখানে কোন অধিকার নাই, কাকি দিয়া প্রবেশ করিয়াছেন।

বোধ হয় কস্তার এই সকল অনাদর এবং অপমানের কথা বাপের কাণে গিয়া থাকিবে। তাই রামসুন্দর অবশেষে বসত বাড়ি বিক্রয়ের চেষ্টা করিতে লাগিলেন।

কিন্তু ছেলেদের যে গৃহহীন করিতে বসিয়াছেন সে কথা তাহাদের নিকট হইতে গোপনে রাখিলেন। স্থির করিয়াছিলেন বাড়ি

বিক্রয় করিয়া সেই বাড়িই ভাড়া লইয়া বাস করিবেন ; এমন কৌশলে চলিবেন যে তাঁহার মৃত্যুর পূর্বে এ কথা ছেলেরা জানিতে পারিবে না।

কিন্তু ছেলেরা জানিতে পারিল। সকলে আসিয়া কাঁদিয়া পড়িল। বিশেষত: বড় তিনটি ছেলে বিবাহিত এবং তাহাদের কহরো বা সন্তান আছে। তাহাদের আপত্তি অত্যন্ত গুরুতর হইয়া দাঁড়াইল। বাড়ি বিক্রয় স্থগিত হইল। তখন রামসুন্দর নানাস্থান হইতে বিস্তর স্নদে অন্ন অন্ন করিয়া টাকা ধার করিতে লাগিল। এমন হইল যে সংসারের খরচ আর চলে না। নিরু বাপের মুখ দেখিয়া সব বুঝিতে পারিল। বৃদ্ধের পক্ষকেশ, শুষ্কমুখে এবং সদাসঙ্কুচিত ভাবে দৈন্ত এবং হুশ্চিন্তা প্রকাশ হইয়া পড়িল। মেয়ের কাছে যখন বাপ অপরাধী তখন সে অপরাধের অমুতা'প কি আর গোপন রাখা যায় ? রামসুন্দর যখন বেহাই বাড়ির অমুমতিক্রমে ঋণকালের জন্ত কস্তার সাক্ষাৎ লাভ করিতেন, তখন বাপের বুক যে কেমন করিয়া ফাটে তাহা তাঁহার হাসি দেখিলেই টের পাওয়া যাইত।

সেই ব্যথিত পিতৃহৃদয়কে সা'স্বনা দিবার উদ্দেশে দিন কতক বাপের বাড়ি যাইবার জন্ত নিরু নিতান্ত অধীর হইয়া উঠিয়াছে। বাপের ম্নান মুখ দেখিয়া সে আর দূ'রে থাকিতে পারে না। একদিন রামসুন্দরকে কহিল "বাবা, আমাকে একবার বাড়ি লইয়া যাও।" রামসুন্দর বলিলেন "আচ্ছা।"

কিন্তু তাঁহার কোন জোর নাই—নিজের কস্তার উপরে পিতার যে স্বাভাবিক অধিকার আছে তাহা যেন পণের টাকার পরিবর্তে বন্ধক রাখিতে হইয়াছে। এমন কি কস্তার দর্শন সেও অতি সসঙ্কোচে ভিক্ষা চাহিতে হয় এবং

সময়বিশেষে নিরাশ হইলে দ্বিতীয় কথাটি কহিবার মুখ থাকে না।

কিন্তু মেয়ে আপনি বাড়ি আসিতে চাহিলে বাপ তাহাকে না আনিয়া কেমন করিয়া থাকে ! তাই, বেহাইয়ের নিকট সে সম্বন্ধে দয়বাস্ত পেশ করিবার পূর্বে রামসুন্দর কত হীনতা, কত অপমান, কত ক্ষতি স্বীকার করিয়া যে তিনটি হাজার টাকা সংগ্রহ করিয়াছিলেন, সে ইতিহাস গোপন থাকাই ভাল।

নোট ক'খানি রুমালে জড়াইয়া চাদরে বাঁধিয়া রামসুন্দর বেহাইয়ের নিকট গিয়া বসিলেন। প্রথমে হাশুমুখে পাড়ার খবর পাড়িলেন। হরেকৃষ্ণের বাড়িতে একটা মস্ত চুরি হইয়া গিয়াছে, তাহার আত্মোপাস্ত বিবরণ বলিলেন। নবীনমাধব এবং রাধামাধব দুই ভায়ের তুলনা করিয়া বিত্বাবুদ্ধি ও স্বভাব সম্বন্ধে রাধামাধবের সুখ্যাতি এবং নবীনমাধবের নিন্দা করিলেন ; সহরে একটা নূতন ব্যামো আসিয়াছে সে সম্বন্ধে অনেক আঙ্গগবি আলোচনা করিলেন, অবশেষে হুকাটি নামাইয়া রাখিয়া কথায় কথায় বলিলেন, “হাঁ, হাঁ বেহাই, সেই টাকাটা বাকি আছে বটে। রোজই মনে করি—যাচ্ছি অমনি হাতে করে কিছু নিয়ে যাই কিন্তু সময়কালে মনে থাকে না। আর ভাই, বুড়ো হয়ে পড়েছি !” এমনি এক দীর্ঘ ভূমিকা করিয়া পঞ্জরের তিন খানি অস্থির মত সেই তিন খানি নোট যেন অতি সহজে অতি অবহেলে বাহির করিলেন। সবে মাত্র তিন হাজার টাকার নোট দেখিয়া রামবাহাহর অট্টহাস্ত করিয়া উঠিলেন।

বলিলেন “থাক্ বেহাই গুতে আমার কাজ নেই।” একটা প্রচলিত বাঙ্গালা প্রবাদেয় উল্লেখ করিয়া বলিলেন সামান্ত কারণে হাত গঁদ্ধ করিতে তিনি চান না।

এই ঘটনার পরে মেয়েকে বাড়ি আনিবার প্রস্তাব কাহারো মুখে আসে না—কেবল রামসুন্দর ভাবিলেন সে সকল কুটুন্সিতার সঙ্কোচ আমাকে আর শোভা পায় না। মর্দা-হতভাবে অনেকক্ষণ চুপ করিয়া থাকিয়া অবশেষে যুহুস্বরে কথাটা পাড়িলেন। রায় বাহাহর কোন কারণ মাত্র উল্লেখ না করিয়া বলিলেন “সে এখন হুচে না।” এই বলিয়া কর্শোপলক্ষে স্থানান্তরে চলিয়া গেলেন।

রামসুন্দর মেয়ের কাছে মুখ না দেখাইয়া কম্পিতহস্তে কয়েকখানি নোট চাদরের প্রান্তে বাঁধিয়া বাড়ি ফিরিয়া গেলেন। মনে মনে প্রতিজ্ঞা করিলেন, যত দিন না সমস্ত টাকা শোধ করিয়া দিয়া অসঙ্কোচে কত্তার উপরে দাবী করিতে পারিবেন, ততদিন আর বেহাই-বাড়ি যাইব না।

বহুদিন গেল। নিরুপমা লোকের উপর লোক পাঠায় কিন্তু বাপের দেখা পায় না। অবশেষে অভিমান করিয়া লোক পাঠান বন্ধ করিল—তখন রামসুন্দরের মনে বড় আঘাত লাগিল কিন্তু তবু গেল না।

আশ্বিন মাস আসিল। রামসুন্দর বলিলেন এবার পূজার সময় মাকে ঘরে আনিবই নহিলে আমি—খুব একটা শক্ত রকম শপথ করিলেন।

পঞ্চমী কি ষষ্ঠীর দিনে আবার চাদরের প্রান্তে গুটিকতক নোট বাঁধিয়া রামসুন্দর যাত্রার উত্তোগ করিলেন। পাঁচ বৎসরের এক নাতি আসিয়া বলিল “দাদা আমার জুস্তে গাড়ী কিনতে যাচ্ছি স্ ?” বহু দিন হইতে তাহার ঠেলা গাড়িতে চড়িয়া হাওয়া খাইবার সখ হইয়াছে, কিন্তু কিছুতেই তাহা মিটিবার উপায় হইতেছে না। ছয় বৎসরের এক নাতিনী আসিয়া সরোদনে কহিল পূজার

নিমন্ত্রণে বাইবার মত তাহার একখানিও ভাল কাপড় নাই।

রামসুন্দর তাহা জানিতেন এবং সে সম্বন্ধে ভামাক খাইতে খাইতে বৃদ্ধ অনেক চিন্তা করিয়াছেন। রায় বাহাদুরের বাড়ী যখন পূজার নিমন্ত্রণ হইবে তখন তাহার বধুগণকে অতি যৎসামান্য অলঙ্কারে অল্পগ্রহপাত্র দরিদ্রের মত, বাইতে হইবে এ কথা স্মরণ করিয়া তিনি অনেক দীর্ঘ নিঃশ্বাস ফেলিয়াছেন কিন্তু তাহাতে তাঁহার ললাটের বার্ক্যরেখা গভীরতর অন্ধিত হওয়া ছাড়া আর কোন ফল হয় নাই।

দৈন্তপীড়িত গৃহের ক্রন্দনধ্বনি কাণে লইয়া বৃদ্ধ তাঁহার বেহাই বাড়িতে প্রবেশ করিলেন। আজ তাঁহার সে সঙ্কোচ ভাব নাই; দ্বাররক্ষী এবং ভৃত্যদের মুখের প্রতি সে চকিত সলজ্জ দৃষ্টিপাত দূর হইয়া গিয়াছে, যেন আপনাদিগের গৃহে প্রবেশ করিলেন। শুনিলেন, রায় বাহাদুর ঘরে নাই কিছুক্ষণ অপেক্ষা করিতে হইবে। মনের উচ্ছ্বাস স্মরণ করিতে না পারিয়া রামসুন্দর কস্তার সহিত সাক্ষাৎ করিলেন। আনন্দে দুই চোক দিয়া জল পড়িতে লাগিল। বাপও কাঁদে, মেয়েও কাঁদে; দুই জনে কেহ আর কথা কহিতে পারে না। এমন করিয়া কিছুক্ষণ গেল। তারপরে রামসুন্দর কহিলেন "এবারে তোকে নিয়ে যাচ্ছি মা। আর কোন গোল নাই।"

এমন সময়ে রামসুন্দরের জ্যেষ্ঠপুত্র হরমোহন তাঁহার ছাট ছেলে সঙ্গে হইয়া সহসা ঘরে প্রবেশ করিলেন।

পিতাকে বলিলেন "বাবা আমাদের তবে এবার পথে ভাসালে?"

রামসুন্দর সহসা অগ্নিমূর্তি হইয়া বলিলেন "তোদের জন্ত কি আমি নরকগামী হব?"

আমাকে তোরা আমার সত্যপালন করতে দিবিনে?" রামসুন্দর বাড়ি বিক্রয় করিয়া বসিয়া আছেন, ছেলেরা কিছুতে না জানিতে পায় তাহার অনেক ব্যবস্থা করিয়াছিলেন কিন্তু তবু তাহারা জানিয়াছে দেখিয়া, তাহাদের প্রতি হঠাৎ অত্যন্ত রুষ্ট ও বিরক্ত হইয়া উঠিলেন। তাঁহার নাতি তাঁহার দুই হাঁটু সবলে জড়াইয়া ধরিয়া মুখ তুলিয়া কহিল "দাদা আমাকে গাড়ি কিনে দিলে না?" তখন রামসুন্দরের মনে হইল—গাড়ি কিনিয়া দিব কি তোদের বাড়ি ছাড়া করিলাম।

নতশির রামসুন্দরের কাছে বালক কোন উত্তর না পাইয়া নিরুপমর কাছে গিয়া বলিল "পিসি মা আমাকে একখানা গাড়ি কিনে দেবে?" নিরুপমা সমস্ত ব্যাপার বুঝিতে পারিয়া কহিল "বাবা" তুমি যদি জার এক পয়সা আমার শওরকে দাও তাহলে আর তোমার মেয়েকে দেখতে পাবে না, এই তোমার গা ছুঁয়ে বললাম।"

রামসুন্দর বলিলেন "ছি মা, অমন কথা বলতে নেই! আর এ টাকাটা যদি আমি না দিতে পারি, তা হলে তোর বাপের অপমান আর তোরও অপমান।"

নিরুপমা কহিল "টাকা যদি দাও তবেই অপমান! তোমার মেয়ের কি মোন মর্যাদা নেই? আমি কি কেবল একটা টাকার খলি, যতক্ষণ টাকা আছে ততক্ষণ আমার দাম। না বাবা, এ টাকা দিয়ে তুমি আমাকে অপমান কোরোনা। তা ছাড়া আমার স্বামীত এ টাকা চান না।"

রামসুন্দর কহিলেন "তা হলে তোমাকে যেতে দেবে না মা!" নিরুপমা কহিল "না দেয় ত কি করবে বল। তুমিও আর নিয়ে যেতে চেয়ে না।"

রামসুন্দর কল্পিত হস্তে নোটবীধা চাদরটি কাঁধে তুলিয়া আবার চোরের মত সকলের দৃষ্টি এড়াইয়া বাড়ি ফিরিয়া গেলেন।

কিন্তু রামসুন্দর এই যে টাকা আনিয়া-ছিলেন এবং কল্পার নিষেধে সে টাকা না দিয়াই চলিয়া গিয়াছেন, সে কথা গোপন রহিল না। কোন স্বভাবকৌতূহলী দ্বারলক্ষণ দাসী নিরুর শাওড়ীকে এই খবর দিল। শুনিয়া তাঁহার আর আক্রোশের সীমা রহিল না।

নিরুপনায় পক্ষে তাহার শুরবাড়ি শরশয্যা হইয়া উঠিল। এদিকে তাহার স্বামী বিবাহের অল্পদিন পরেই ডেপুটি ম্যাজিস্ট্রেট হইয়া দেশান্তরে চলিয়া গিয়াছে; এবং পাছে সংসর্গ-দোষে হীনতা শিক্ষা হয় এই ওজরে সম্প্রতি তাহার বাপের বাড়ির আত্মীয়দের সহিত তাহার সাক্ষাৎকার সম্পূর্ণ নিষিদ্ধ হইয়াছে।

এই সময়ে নিরুর একটা গুরুতর পীড়া হইল। কিন্তু সেজন্য তাহার শাওড়ীকে সম্পূর্ণ দোষ দেওয়া যায় না।

শরীরের প্রতি সে অত্যন্ত অবহেলা করিত। কাস্তিক মাসের হিমের সময় সমস্ত রাত মাথার দরজা খোলা, শীতের সময় গায়ে কাপড় নাই। আহারের নিয়ম নাই। দাসীরা যখন বিশ্বাসিত-বশতঃ মাঝে মাঝে খাবার আনিতে তুলিয়া যাইত, তখন যে তাহাদের একবার মুখ খুলিয়া স্মরণ করাইয়া দেওয়া তাহাও সে করিত না। সে যে পরের ঘরের দাসদাসী এবং কৰ্ত্তা গৃহিনীদের অনুরোধের উপর নির্ভর করিয়া বাস করিতেছে এই সংস্কার তাহার মনে বহুমূল হইতেছিল। কিন্তু এরূপ ভাবটাও শাওড়ীর সহ হইত না। যদি আহারের প্রতি বধূর কোন অবহেলা দেখিত তবে শাওড়ী বলিতেন “নবাবের বাড়ির মেয়ে কি না।” গরীবের ঘরের

অন্ন গুর মুখে যোচে না।” কখন বা বলিতেন “দেখ না একবার ছিরি হচে দেখ না, দিনে দিনে পোড়াকাঠি হয়ে যাচ্ছে।”

রোগ যখন গুরুতর হইয়া উঠিল তখন শাওড়ী বলিলেন “গুর সমস্ত ন্যাকামি!” অবশেষে একদিন নিরু সবিনয়ে শাওড়ীকে বলিল “বাবাকে আর আমার ভাইদের একবার দেখ্‌ব মা!” শাওড়ী বলিলেন “কেবল বাপের বাড়ি যাইবার ছল।”

কেহ বলিলে বিশ্বাস করবে না—যে দিন সন্ধ্যার সময় নিরুর শ্বাস উপস্থিত হইল সেই দিন প্রথম ডাক্তার দেখিল, এবং সেই দিন ডাক্তারের দেখা শেষ হইল।

বাড়ির বড়বৌ মরিয়াছে খুব ধুম করিয়া অন্ত্যেষ্টিক্রিয়া সম্পন্ন হইল। প্রতিমা বিসর্জনের সমারোহ সম্বন্ধে জেলার মধ্যে রায়-চৌধুরীদের যেমন লোকবিখ্যাত প্রতিপত্তি আছে, বড়বোয়ের সংকার সম্বন্ধে রায়বাহাদুরদের তেমনি একটা খ্যাতি রটিয়া গেল—এমন চন্দন কাষ্ঠের চিতা এ মূলুকে কেহ কখন দেখে নাই। এমন ঘটনা করিয়া শ্রদ্ধাও কেবল রায় বাহাদুরদের বাড়িতেই সম্ভব এবং শুনা যায় ইহাতে তাঁহাদের কিঞ্চিৎ ঋণ হইয়াছিল।

রামসুন্দরকে সান্দনা দিবার সময়, তাহার মেয়ের যে কিরূপ মহাসমারোহে মৃত্যু হইয়াছে সকলেই তাহার বহুল বর্ণনা করিল।

এদিকে ডেপুটি ম্যাজিস্ট্রেটের চিঠি আসিল—আমি এখানে সমস্ত বন্দোবস্ত করিয়া লইয়াছি অতএব অবিলম্বে আমার স্ত্রীকে এখানে পাঠাইবে। রায় বাহাদুরের মহিষী লিখিলেন “বাবা, তোমার জন্তে আর একটি মেয়ের সম্বন্ধ করিয়াছি, অতএব অবিলম্বে ছুটি লইয়া এখানে আসিবে।”

এবারে বিশ হাজার টাকা পণ এবং হাতে
হাতে আদায়।

পোষ্টমাষ্টার ।

প্রথম কাজ আরম্ভ করিয়াই উলাপুর গ্রামে পোষ্টমাষ্টারকে আসিতে হয়। গ্রামটি অতি সামান্ত। নিকটে একটি নীলকুঠি আছে, তাই কুঠির সাহেব অনেক ঘোগাড় করিয়া এই নূতন পোষ্টআপিস স্থাপন করাইয়াছে।

আমাদের পোষ্টমাষ্টার কলিকাতার ছেলে। জলের মাছকে ডাকায় তুলিলে যে রকম হয় এই গুণগ্রামের পোষ্ট মধ্যে আসিয়া পোষ্টমাষ্টারেরও সেই দশা উপস্থিত হইয়াছে। একখানি অন্ধকার আটচালার মধ্যে তাঁহার আফিস; অদূরে একটি পানাপুকুর এবং তাহার চারিপাড়ে অঙ্গল। কুঠির গোমস্তা প্রভৃতি যে সকল কর্মচারী আছে তাহাদের কুরসৎ প্রায় নাই এবং তাহারা ভুল্ললোকের সহিত মিশিবার উপযুক্ত নহে।

বিশেষতঃ কলিকাতার ছেলে ভাল করিয়া মিশিতে জানে না। অপরিচিত স্থানে গেলে হয় উদ্ধত নয় অপ্রতিভ হইয়া থাকে। এই কারণে স্থানীয় লোকের সহিত তাঁহার মেলামেশা হইয়া উঠে না। অথচ হাতে কাজ অধিক নাই। কখনও কখনও ছোটো একটা কবিতা লিখিতে চেষ্টা করেন। তাহাতে এমন ভাব ব্যক্ত করিয়াছেন যে, সমস্ত দিন তরুপল্লবের কম্পন এবং আকাশের মেঘ দেখিয়া জীবন বড়

সুখে কাটিয়া যায়—কিন্তু অন্তর্ভাবী জানেন যদি আরব্য উপভাসের কোন দৈত্য আসিয়া এক রাত্রে মধ্য এই শাখাপল্লবসমেত সমস্ত গাছগুলো কাটিয়া পাকা রাস্তা বানাইয়া দেয়, এবং সারি সারি অট্টালিকা আকাশের মেঘকে দৃষ্টিপথ হইতে রুদ্ধ করিয়া রাখে, তাহা হইলে এই আধমরা ভঙ্গসন্তানটি পুনশ্চ নবজীবন লাভ করিতে পারে।

পোষ্টমাষ্টারের বেতন অতি সামান্ত। নিজে রাঁধিয়া খাইতে হয় এবং গ্রামের একটি পিতৃ-মাতৃ-হীন অনাথা বালিকা তাঁহার কাজ-কর্ম করিয়া দেয়, চারিটি চারিটি খাইতে পায়। মেয়েটির নাম রতন। বয়স বারো তেরো। বিবাহের বিশেষ সম্ভাবনা দেখা যায় না।

সন্ধ্যার সময় যখন গ্রামের গোয়ালঘর হইতে ধূম কুণ্ডলায়িত হইয়া উঠিত, দলবদ্ধ মশক শ্রাওড়া বনের উপরে অনেকক্ষণ ব্যাণ্ড বাজাইয়া ও সন্ধ্যার হাওয়া খাইয়া পরিপূর্ণ ক্ষুধা সঞ্চয় পূর্বক মানবের ঘরের মধ্যে প্রবেশ করিত—ঝোপে ঝোপে ঝিল্লি ডাকিয়া উঠিত—দূরে গ্রামের নেশাখোর বাড়লের দল খোল করতাল বাজাইয়া উচ্চৈঃস্বরে গান জুড়িয়া দিত—যখন অন্ধকার দাওয়ায় একলা বসিয়া গাছের কম্পন দেখিলে কবি-হৃদয়েও ঈষৎ হৃৎকম্প উপস্থিত হইত,—তখন ঘরের কোণে একটি ক্ষীণশিখা প্রদীপ জালিয়া পোষ্টমাষ্টার ডাকিতেন “রতন।” রতন দ্বারে বসিয়া এই ডাকের জন্ত অপেক্ষা করিয়া থাকিত কিন্তু এক ডাকেই ঘরে আসিত না—বলিত “কিগা বাবু, কেনে ডাক্চ ?”

পোষ্টমাষ্টার—“তুই কি করছিস্ ?”

রতন—“এখনি চুলো ধরাতে যেতে হবে—
হেঁশেলের—”

পোষ্টমাষ্টার—“তোরা হেঁশেলের কাজ

পরে হবে এমন—একবার তামাকটা সেজে দে ত।”

অনাতিবিলম্বে দুটি গাল ফুলাইয়া কলিকায় ফুঁ দিতে দিতে রতনের প্রবেশ। হাত হইতে কলিকাটা লইয়া পোষ্টমাষ্টার ফস্ করিয়া জিজ্ঞাসা করেন, “আচ্ছা রতন, তোর মাকে মনে পড়ে ?” সে অনেক কথা ; কতক মনে পড়ে কতক মনে পড়ে না। মায়ের চেয়ে বাপ তাহাকে বেশী ভাল বাসিত, বাপকে অল্প অল্প মনে আছে। পরিশ্রম করিয়া বাপ সন্ধ্যাবেলায় ঘরে ফিরিয়া আসিত, তাহারি মধ্যে দৈবাৎ দুটি একটি সন্ধ্যা তাহার মনে পরিষ্কার ছবির মত অঙ্কিত আছে। এই কথা হইতে হইতে ক্রমে রতন পোষ্টমাষ্টারের পায়ের কাছে মাটির উপর বসিয়া পড়িত। মনে পড়িত তাহার একটা ছোট ভাই ছিল—বহু পূর্বেকার বর্ষার দিনে একদিন একটা ডোবার ধারে দুইজনে মিলিয়া গাছের ভাঙ্গা ডালকে ছিপ করিয়া মিছামিছি মাছধরা খেলা করিয়াছিল—অনেক গুরুতর ঘটনার চেয়ে সেই কথাটাই তাহার মনে বেশী উদয় হইত। এইরূপ কথাপ্রসঙ্গে মাঝে মাঝে বেশী রাত হইয়া যাইত তখন আলম্বক্রমে পোষ্টমাষ্টারের আর ঝাধিতে ইচ্ছা করিত না। সকালের বাসী ব্যঞ্জন থাকিত এবং রতন তাড়াতাড়ি উনুন ধরাইয়া খানকয়েক রুটি সৈঁকিয়া আনিত—তাহাতেই উভয়ের রাত্রে তাহার চলিয়া যাইত।

এক এক দিন সন্ধ্যাবেলায় সেই বৃহৎ আটচালার কোণে আপিসের কাঠের চৌকির উপর বসিয়া পোষ্টমাষ্টারও নিজের ঘরের কথা পাড়িতেন—ছোট ভাই, মা এবং দিদির কথা, প্রবাসে একলা ঘরে বসিয়া যাহাদের জন্ত হৃদয় ব্যথিত হইয়া উঠিত তাহাদের কথা। যে সকল কথা সর্বদাই মনে উদয় হয় অথচ নীলকুটির

গোমস্তাদের কাছে যাহা কোন মতেই উত্থাপন করা যায় না—সেই কথা একাট অশিক্ষিতা ক্ষুদ্র বালিকাকে বলিয়া যাইতেন কিছুমাত্র অসহিত মনে হইত না। অবশেষে এমন হইল বালিকা কথোপকথনকালে তাঁহার ঘরের লোকদিগকে মা, দিদি, দাদা বলিয়া চির-পরিচিতের স্তায় উল্লেখ করিত। এমন কি তাহার ক্ষুদ্র হৃদয়পটে বালিকা তাঁহাদের কান্ননিক মূর্তিও চিত্রিত করিয়া লইয়াছিল।

একদিন বর্ষাকালের মেঘমুক্ত দ্বিপ্রহরে ঈষৎ তপ্ত সুকোমল বাতাস দিতেছিল, বোদ্রে ভিজা ঘাস এবং গাছ পালা হইতে একপ্রকার গন্ধ উৎখিত হইতেছিল মনে হইতেছিল বেন ক্লান্ত ধরতীর উষ্ণ নিঃশ্বাস গানের উপরে আসিয়া লাগিতেছে, এবং কোথাকার এক নাছোড়বান্দা পাখী তাহার একটা একস্বরের নাগিশ সমস্ত হৃদয়বেলা প্রকৃতির দরবারে অত্যন্ত করুণস্বরে বারবার আবৃত্তি করিতেছিল। পোষ্টমাষ্টারের হাতে কাজ ছিল না—সেদিনকার বৃষ্টিধোত মন্থণ চিহ্ন তরুপল্লবের হিল্লোল, এবং পরাতৃত বর্ষার ভগ্নাবশিষ্ট রৌদ্রশুভ্র স্তূপাকার মেঘস্তর বাস্তবিকই দেখিবার বিষয় ছিল—পোষ্টমাষ্টার তাহা দেখিতেছিলেন এবং ভাবিতেছিলেন, এই সময়ে কাছে একটা কেহ নিতান্ত আপনার লোক থাকিত—হৃদয়ের সহিত একান্ত সংলগ্ন একটা স্নেহপুঞ্জলি স্মানবমূর্তি ! ক্রমে মনে হইতে লাগিল সেই পাখী ঐ কথাই বারবার বলিতেছে এবং এই জনহীন, তরুচ্ছায়ানিমগ্ন মধ্যাহ্নের পল্লবমর্শ্বরের অর্ধও কতকটা ঐরূপ। কেহ বিশ্বাস করে না, এবং জানিতেও পায় না, কিন্তু ছোট পল্লির সামান্য বেতনের সাব-পোষ্ট-মাষ্টারের মনে গভীর নিস্তর মধ্যাহ্নে দীর্ঘ দুটির দিনে এইরূপ একটা ভাবের উদয় হইয়া থাকে।

পোষ্টমাষ্টার একটা দীর্ঘনিঃশ্বাস ফেলিয়া

ডাকিলেন “রতন।” রতন তখন পেয়ারা-তলায় পা ছড়াইয়া দিয়া কাঁচা পেয়ারা খাইতেছিল ; প্রভুর কর্তব্যর তনিয়া অবিলম্বে ছুটিয়া আসিল—হাঁপাইতে হাঁপাইতে বলিল, “দাদাবাবু, ডাক্চ ?” পোষ্টমাষ্টার বলিলেন “তোকে আমি একটু একটু করে পড়তে শেখাব।” বলিয়া সমস্ত জুপুর বেলা তাহাকে লইয়া “স্বরে অ” “স্বরে আ,” করিলেন। এবং এইরূপে অল্পদিনেই যুক্ত অক্ষর উদ্ভীর্ণ হইলেন।

শ্রাবণ মাসে বর্ষণের আর অস্ত নাই। খাল বিল নালা জলে ভয়িয়া উঠিল। অহনিশি ভেকের ডাক এবং বৃষ্টির শব্দ। গ্রামের রাস্তায় চলাচল প্রায় একপ্রকার বন্ধ—নৌকায় করিয়া হাটে ঘাইতে হয়।

একদিন প্রাতঃকাল হইতে খুব বাদলা করিয়াছে। পোষ্টমাষ্টারের ছাত্রীটি অনেকক্ষণ ঘরের কাছে অপেক্ষা করিয়া বসিয়াছিল, কিন্তু অল্পদিনের মত যথাসাধ্য নিয়মিত ডাক শুনিতে না পাইয়া আপনি খুন্সিপুষ্টি লইয়া ধীরে ধীরে ঘরের মধ্যে প্রবেশ করিল। দেখিল, পোষ্টমাষ্টার তাঁহার খাটিয়ার উপর শুইয়া আছেন—বিশ্রাম করিতেছেন মনে করিয়া অতি নিঃশব্দে পুনশ্চ ঘর হইতে বাহিরে যাইবার উপক্রম করিল। সহসা শুনিল “রতন !” তাড়াতাড়ি ফিরিয়া গিয়া বলিল “দাদাবাবু, ঘুমচ্ছিলে ?” পোষ্টমাষ্টার কাতবন্দরে বলিলেন “শরীরটা ভাল বোধ হচ্ছে না—দেখত আমার কপালে হাত দিয়ে।”

এই নিতান্ত নিঃসঙ্গ প্রবাসে ঘনবর্ষায় রোগকাতর শরীরে একটুখানি সেবা পাইতে ইচ্ছা করে। তপ্ত ললাটের উপর শাঁখাপরা কোমল হস্তের স্পর্শ মনে পড়ে। এই ঘোর প্রবাসে রোগ যন্ত্রণায় স্নেহময়ী নারীরূপে জননী ও দিদি পাশে বসিয়া আছেন এই কথা মনে

করিতে ইচ্ছা করে। এবং এস্থলে প্রবাসীর মনের অভিলাষ ব্যর্থ হইল না। বালিকা রতন আর বালিকা রহিল না। সেই মুহূর্তেই সে জননীর পদ অধিকার করিয়া বসিল, বৈজ্ঞ ডাকিয়া আনিল, যথাসময়ে বাটকা খাওয়াইল, সারারাত্রি শিয়রে জাগিয়া রহিল, আপনি পথ্য ঝাঁধিয়া দিল, এবং শতবার করিয়া জিজ্ঞাসা করিল “হাঁগো দাদা বাবু, একটুখানি ভাল বোধ হচ্ছে কি ?”

বহুদিন পরে পোষ্টমাষ্টার ক্ষীণ শরীরে রোগ শয্যা ত্যাগ করিয়া উঠিলেন—মনে স্থির করিলেন আর নয়, এখান হইতে কোন মতে বদলি হইতে হইবে। স্থানীয় অস্বাস্থ্যের উল্লেখ করিয়া তৎক্ষণাৎ কলিকাতায় বর্ধুপক্ষদের নিবট বদলি হইবার জন্ত দরখাস্ত করিলেন।

রোগ-সেবা হইতে নিষ্কৃতি পাইয়া রতন ঘরের বাহিরে আবার স্বস্থান অধিকার করিল। কিন্তু পূর্ববৎ আর তাহাকে ডাক পড়ে না। মাঝে মাঝে উঁকি মারিয়া দেখে, পোষ্টমাষ্টার অত্যন্ত অন্তমনস্ক ভাবে চৌকিতে বসিয়া অথবা খাটিয়ায় শুইয়া আছেন। রতন যখন আহ্বান প্রত্যাশা করিয়া বসিয়া আছে তিনি তখন অধীরচিত্তে তাঁহার দরখাস্তের উত্তর প্রতীক্ষা করিতেছেন। বালিকা ঘরের বাহিরে বসিয়া সহস্রবার করিয়া তাহার পুরাণো পড়া পড়িল। পাছে যে দিন সহসা ডাক পড়িবে সে দিন তাহার যুক্ত অক্ষর সমস্ত গোলমাল হইয়া যায় এই তাহার একটা আশঙ্কা ছিল। অবশেষে সপ্তাহখানেক পরে একদিন সন্ধ্যা বেলায় ডাক পড়িল। উদ্বেলিত হৃদয়ে রতন গৃহের মধ্যে প্রবেশ করিয়া বলিল “দাদা বাবু, আমাকে ডাকছিলে ?”

পোষ্টমাষ্টার বলিলেন, “রতন, কালই আমি যাচ্ছি।”

রতন। “কোথায় যাচ্চ দাদা বাবু ?

পোষ্টমাষ্টার। “বাড়ি যাচ্ছি।”

রতন। “আবার কবে আসবে ?”

পোষ্টমাষ্টার। “আর আসব না।”

রতন আর কোন কথা জিজ্ঞাসা করিল না। পোষ্টমাষ্টার আপনাই তাহাকে বলিলেন— তিনি বদলির জন্ত দরখাস্ত করিয়াছিলেন— দরখাস্ত নামঞ্জুর হইয়াছে। তাই তিনি কাজে জবাব দিয়া বাড়ি যাইতেছেন। অনেকক্ষণ আর কেহ কোন কথা কহিল না। মিটমিট করিয়া প্রদীপ জ্বলিতে লাগিল এবং একস্থানে ঘরের জীর্ণ চাল ভেদ করিয়া একটি মাটির সরার উপর টপটপ করিয়া বৃষ্টির জল পড়িতে লাগিল।

কিছুক্ষণ পরে রতন আস্তে আস্তে উঠিয়া রান্নাঘরে রুটি গড়িতে গেল। অল্প দিনের মত তেমন চটপট হইল না। বোধ করি মধ্যে মধ্যে মাথায় অনেক ভাবনা উদয় হইয়াছিল। পোষ্টমাষ্টারের আহার সমাপ্ত হইলে পর বালিকা হঠাৎ তাঁহাকে জিজ্ঞাসা করিল “দাদা বাবু, আমাকে তোমাদের বাড়ি নিয়ে যাবে ?”

পোষ্টমাষ্টার হাসিয়া কহিলেন “সে কি করে হবে ?” ব্যাপারটা যে কি কি কারণে অসম্ভব তাহা বালিকাকে বুঝানো আবশ্যিক বোধ করিলেন না।

সমস্ত রাত্রি স্বপ্নে এবং আগরণে বালিকার কাণে পোষ্টমাষ্টারের হাশ্বস্বনির কণ্ঠস্বর বাজিতে লাগিল “সে কি করে হবে ?”

ভোরে উঠিয়া পোষ্টমাষ্টার দেখিলেন তাঁহার স্নানের জল ঠিক আছে। কলিকাতার অভ্যাস অনুসারে তিনি তোলা জলে স্নান

করিতেন। কখন তিনি যাত্রা করিবেন সে কথা বালিকা কি কারণে জিজ্ঞাসা করিতে পারে নাই ; পাছে প্রাতঃকালে আবশ্যিক হয় এই জন্ত রতন ততরাগ্রে নদী হইতে তাঁহার স্নানের জল তুলিয়া আনিয়াছিল। স্নান সমাপন হইলে রতনের ডাক পড়িল। রতন নিঃশব্দে গৃহে প্রবেশ করিল এবং আদেশ প্রতীক্ষায় একবার নীরবে প্রভুর মুখের দিকে চাহিল। প্রভু কহিলেন—“রতন, আমার জায়গায় যে লোকটি আসিবেন তাঁকে বলে দিয়ে যাও তিনি তোকে আমারি মতন যত্ন করবেন, আমি যাচ্ছি বলে তোকে কিছু ভাবতে হবে না।” এই কথাগুলি যে অত্যন্ত স্নেহগর্ভ এবং দয়াজ্ঞ-হৃদয় হইতে উদ্ভিত সে বিষয়ে কোন সন্দেহ নাই কিন্তু নারীহৃদয় কে বুঝিবে ? রতন অনেক দিন প্রভুর অনেক তিরস্কার নীরবে সহ্য করিয়াছে কিন্তু এই নরম কথা সহিতে পারিল না। একেবারে উচ্ছ্বসিত হৃদয়ে কাঁদিয়া উঠিয়া কহিল “না না, তোমার কাউকে কিছু বলতে হইবে না, আমি থাকতে চাইনে।”

পোষ্টমাষ্টার রতনের এরূপ ব্যবহার কখনও দেখেন নাই, তাই অবাক হইয়া রহিলেন।

নূতন পোষ্টমাষ্টার আসিল। তাহাকে সমস্ত চার্জ বুঝাইয়া দিয়া পুরাতন পোষ্টমাষ্টার গমনোন্মুখ হইলেন। যাইবার সময় রতনকে ডাকিয়া বলিলেন, “রতন, তোকে আমি কখনো কিছু দিতে পারি নি। আজ যাবার সময় তোকে কিছু দিয়ে গেলুম এতে তোমার দিন কয়েক চলবে।” বলিয়া পথ ধরচা বাধে তাঁহার বেতনের যত টাকা পাইয়াছিলেন পকেট হইতে বাহির করিলেন। তখন রতন ধূলীয় পাড়িয়া তাঁহার পা জড়াইয়া ধরিয়া কহিল “দাদাবাবু, তোমার ছুটি পায়ে পড়ি,

আমাকে কিছু দিতে হবে না; তোমার ছুটি পায়ে পড়ি আমার জন্তে কাউকে কিছু ভাবতে হবে না” বলিয়া এক দৌড়ে সেখান হইতে পালাইয়া গেল।

ভূতপূর্ব পোষ্টমাষ্টার নিঃশ্বাস ফেলিয়া হাতে কার্পেটের বাগ বুলাইয়া, কাঁধে ছাতা লইয়া মুটের মাথায় নীল ও শ্বেত রেখার বিচিত্র টিনের পেঁটরা তুলিয়া ধীরে ধীরে নৌকাভিমুখে চলিলেন।

যখন নৌকায় উঠিলেন এবং নৌকা ছাড়িয়া দিল,—বর্ষাবিস্ফারিত নদী ধরণীর উচ্ছলিত অশ্রুশাশির মত চারিদিকে চল চল করিতে লাগিল, তখন হৃদয়ের মধ্যে অত্যন্ত একটা বেদনা অনুভব করিতে লাগিলেন—একটি সামান্ত গ্রাম্যবালিকার করুণ মুখচ্ছবি যেন এক বিশ্বব্যাপী বৃহৎ অব্যক্ত মর্শ্বব্যথা প্রকাশ করিতে লাগিল। একবার নিতান্ত ইচ্ছা হইল কিরিয়া যাই, জগতের কোড়বিচ্যুত সেই আনাধিনীকে সঙ্গে করিয়া লইয়া আসি—কিন্তু তখন পালে বাতাস পাইয়াছে, বর্ষার শ্রোত ধরতর বেগে বহিতেছে, গ্রাম অতিক্রম করিয়া নদীকূলের শ্রশান দেখা দিয়াছে—এবং নদী-প্রবাহে ভাসমান পথিকের উদাস হৃদয়ে এই তন্ময় উদয় হইল, জীবনে এমন কত বিচ্ছেদ, কত মৃত্যু আছে, কিরিয়া ফল কি! পৃথিবীতে কে কাহার।

কিন্তু রতনের মনে কোন তন্ময় উদয় হইল না। সে সেই পোষ্ট আপিস গৃহের চারিদিকে কেবল অশ্রুজলে ভাসিয়া থুরিয়া থুরিয়া বেড়াইতেছিল। বোধ করি তাহার মনে ক্ষীণ আশা জাগিতেছিল, দাদা বাবু যদি কিরিয়া আসে,—সেই বন্ধনে পড়িয়া কিছুতেই দূরে যাইতে পারিতেছিল না। হায় বুদ্ধিহীন মানবহৃদয়! ভ্রান্তি কিছুতেই ঘোচে না, যুক্তি-

শাস্ত্রের বিধান বহুবিলম্বে মাথায় প্রবেশ করে, প্রবল প্রমাণকেও অবিশ্বাস করিয়া মিথ্যা আশাকে দুই বাহুপাশে বাধিয়া বুকের ভিতরে প্রাণপণে জড়াইয়া ধরা যায়, অবশেষে এক-দিন সমস্ত নাড়ী কাটিয়া হৃদয়ের রক্ত শুষ্কিয়া সে পলায়ন করে, তখন চেতনা হয় এবং দ্বিতীয় ভ্রান্তি পাশে পড়িবার জন্ত চিত্ত ব্যাকুল হইয়া উঠে।



আমার জ্বী বর্তমানে প্রভা সম্বন্ধে আমার কোন চিন্তা ছিল না। তখন প্রভা অপেক্ষা প্রভার মাতাকে লইয়া কিছু অধিক ব্যস্ত ছিলাম।

তখন কেবল প্রভার খেলাটুকু হাসিটুকু দেখিয়া তাহার আধ আধ কথা শুনিয়া এবং আদরটুকু লইয়াই তৃপ্ত থাকিতাম; বতরুণ ভাল লাগিল নাড়াচাড়া করিতাম, কান্না আরম্ভ করিলেই তাহার মার কোলে সমর্পণ করিয়া সত্বর অব্যাহতি লইতাম। তাহাকে যে বহু চিন্তা ও চেষ্টায় মানুষ করিয়া তুলিতে হইবে এ কথা আমার মনে আসে নাই।

অবশেষে একালে আমার জ্বীর মৃত্যু হইলে এক দিন মায়ের কোল হইতে খসিয়া মেয়েটি আমার কোলের কাছে আসিয়া পড়িল, তাহাকে বুকে টানিয়া লইলাম।

কিন্তু মাতৃহীনা হৃহিতাকে দ্বিগুণ স্নেহে পালন করা আমার কর্তব্য এটা আমি বেশী

চিন্তা করিয়াছিলাম, না, পত্নীহীন পিতাকে পরম যত্নে রক্ষা করা তাহার কর্তব্য এইটে সে বেশী অনুভব করিয়াছিল আমি ঠিক বুঝিতে পারি না ; কিন্তু ছয় বৎসর বয়স হইতেই সে গিল্পিপনা আরম্ভ করিয়াছিল। বেশ দেখা গেল, ঐটুকু মেয়ে তাহার বাবার একমাত্র অভিভাবক হইবার চেষ্টা করিতে লাগিল।

আমি মনে মনে হাসিয়া তাহার হস্তে আত্মসমর্পণ করিলাম। দেখিলাম, যতই আমি অকর্মণ্য অসহায় হই ততই তাহার লাগে ভাল ; দেখিলাম, আমি নিজে কাপড়টা ছাতাটা পাড়িয়া লইলে সে এমন ভাব ধারণ করে যেন তাহার অধিকারে হস্তক্ষেপ করা হইতেছে। বাবার মত এত বড় পুতুল সে ইতিপূর্বে কখনো পায় নাই, এইজন্য বাবাকে খাওয়াইয়া পরাইয়া বিছানায় শুয়াইয়া সে সমস্ত দিন বড় আনন্দে আছে। কেবল ধারাপাত এবং পত্ন-পাঠ প্রথম ভাগ অধ্যাপনের সময় আমার পিতৃত্বকে কিঞ্চিৎ সচেতন করিয়া তুলিতে হইত।

কিন্তু মাঝে মাঝে ভাবনা হইত মেয়েটিকে সংপাত্রে বিবাহ দিতে হইলে অনেক অর্থের আবশ্যক—আমার এত টাকা কোথায় ? মেয়েকে ত সাধ্যমত লেপাপড়া শিখাইতেছি কিন্তু একটা পরিপূর্ণ মুখের হাতে পড়িলে তাহার কি দশা হইবে ?

উপার্জনে মন দেওয়া গেল। গবর্ণমেন্ট আপিসে চাকরি করিবার বয়স গেছে, অল্প আপিসে প্রবেশ করিবারও ক্ষমতা নাই। অনেক ভাবিয়া বই লিখিতে লাগিলাম।

বাঁশের নল ফুটা করিলে তাহাতে তেল রাখা যায় না, জল রাখা যায় না, তাহার ধারণাশক্তি মূলেই থাকে না ; তাহাতে সংসারের কোন কাজই হয় না, কিন্তু ঝুঁদিলে

বিনা ধরতে বাঁশি বাজে ভাল। আমি স্থির জানিতাম, সংসারের কোন কাজেই যে হত-ভাগ্যের বুদ্ধি খেলে না, সে নিশ্চয়ই ভাল বই লিখিবে। সেই সাহসে একখানা প্রহসন লিখিলাম, লোকে ভাল বলিল এবং রঙ্গভূমিতে অভিনয় হইয়া গেল।

সহসা যশের আশ্বাদ পাইয়া এমনি বিপদ হইল প্রহসন আর কিছুতেই ছাড়িতে পারি না। সমস্ত দিন ব্যাকুল চিন্তাযুক্ত মুখে প্রহসন লিখিতে লাগিলাম।

প্রভা আসিয়া আদর করিয়া স্নেহসহাস্ত্রে জিজ্ঞাসা করিল “বাবা, নাইতে যাবে না” ?

আমি হকার দিয়া উঠিলাম “এখন যা, এখন যা, এখন বিরস্ত করিসনে !”

বালিকার মুখখানি বোধ করি একটি ফুৎকায়ে নির্দোষিত প্রদীপের মত অন্ধকার হইয়া গিয়াছিল ; কখন সে অভিমান-বিস্ফারিত হৃদয়ে নীরবে ঘর হইতে বাহির হইয়া গেল আমি জানিতেও পারি নাই।

দাসীকে তাড়াইয়া দিই, চাকরকে মারিতে যাই, ভিক্ষুক সুর করিয়া ভিক্ষা করিতে আসিলে তাহাকে লাঠি লইয়া তাড়া করি। পথপার্শ্বেই আমার ঘর হওয়াতে যখন কোন নিরীহ পাষাণ জানালার বাহির হইতে আমাকে পথ জিজ্ঞাসা করে, আমি তাহাকে জাহান্নাম নামক একটা অস্থানে যাইতে অনুরোধ করি। হাস, কেহই বুঝিত না আমি খুব একটা মজার প্রহসন লিখিতেছি।

কিন্তু যতটা মজা এবং যতটা যশ হইতেছিল সে পরিমাণে টাকা কিছুই হয় নাই। তখন টাকার কথা মনেও ছিল না। এদিকে প্রভার যোগ্য পাত্রগুলি অল্প ভদ্রলোকদের কল্পনায় মোচন করিবার জন্য পোকুলে

বাড়িতে লাগিল, আমার তাহাতে খেয়াল ছিল না।

পেটের জ্বালা না ধরিলে চৈতন্ত হইত না, কিন্তু এমন সময় একটা সুযোগ জুটিয়া গেল। জাহিরগ্রামের এক জমিদার একখানি কাগজ বাহির করিয়া আমাকে তাহার বেতনভোগী সম্পাদক হইবার জন্য অনুরোধ করিয়া পাঠাইয়াছেন। কাজটা স্বীকার করিলাম।

দিন কতক এমনি প্রতাপের সহিত লিখিতে লাগিলাম যে, পথে বাহির হইলে লোকে আমাকে অঙ্গুলি নির্দেশ করিয়া দেখাইত এবং আপনাকে মধ্যাহ্নপনের মত ছর্নিবীক্ষ্য বলিয়া বোধ হইত।

জাহিরগ্রামের পার্শ্বে আহিরগ্রাম। ছুই গ্রামের জমিদারে ভারি দলাদলি। পূর্বে কথায় কথায় লাঠালাঠি হইত। এখন উভয় পক্ষে ম্যাজিস্ট্রেটের নিকট মুচলেকা দিয়া লাঠি বন্ধ করিয়াছে এবং কৃষকের জীব আমাকে পূর্ববর্তী খুনী লাঠিয়ালদের স্থানে নিযুক্ত করিয়াছে। সকলেই বলিতেছে আমি পদমর্যাদা রক্ষা করিয়াছি।

আমার লেখার জালায় আহিরগ্রাম আর মাথা তুলিতে পারে না। তাহাদের জাতিকুল, পূর্বপুরুষের ইতিহাস সমস্ত আশ্চোপাস্ত মসী-লিপ্ত করিয়া দিয়াছি।

এই সময়টা ছিলাম ভাল। বেশ মোটা-সোটা হইয়া উঠিলাম। মুখ সর্বদা প্রসন্ন হাস্যময় ছিল। আহিরগ্রামের পিতৃপুরুষদের প্রতি লক্ষ্য করিয়া এক একটা মর্শ্বাস্তিক লাক্যশেল ছাড়িতাম আর সমস্ত জাহিরগ্রাম হাসিতে হাসিতে পাকা ফুটির মত বিদীর্ণ হইয়া বাইত। বড় আনন্দে ছিলাম।

অবশেষে আহিরগ্রামও একখানা কাগজ বাহির করিল। সে কোন কথা চাকিয়া বলিত

না। এমনি উৎসাহের সহিত অবিমিশ্র প্রচলিত ভাষায় পাল পাড়িত যে, ছাপার অক্ষর-গুলি পর্য্যন্ত যেন চক্ষের সমক্ষে চীৎকার করিতে থাকিত। এই জন্ত ছুই গ্রামের লোকেই তাহার কথা খুব স্পষ্ট বুদ্ধিতে পারিত।

কিন্তু আমি চিরাত্ম্যাসবশতঃ এমনি মজা করিয়া এত কূট কৌশল সহকারে বিপক্ষদিগকে আক্রমণ করিতাম যে, শত্রু মিত্র কেহই বুঝিতে পারিত আমার কথার মর্ম্মটা কি।

তা ফল হইল এই, জিৎ হইলেও সকলে মনে করিত আমার হার হইল। দায়ে পড়িয়া সুরুচি সম্বন্ধে একটি উপদেশ লিখিলাম। দেখিলাম ভারি ভুল করিয়াছি; কারণ, ষথার্থ ভাল জিনিষকে যেমন বিক্রয় করিবার সুবিধা, এমন উপহাস্ত বিষয়কে নহে। হনুবংশীয়েরা মনুবংশীয়দের যেমন সহজে বিক্রয় করিতে পারে মনুবংশীয়েরা হনুবংশীয়দিগকে তক্রয় করিয়া কখন তেমন কৃতকার্য হইতে পারে না। স্তত্রাং সুরুচিকে তাহারা দস্তোন্মীলন করিয়া দেশ-ছাড়া করিল।

আমার প্রভু আমার প্রতি আর তেমন সমাদর প্রকাশ করেন না। সভাস্থলেও আমার কোন সম্মান নাই। পথে বাহির হইলে লোকে পায়ে পড়িয়া আলাপ করিতে আসে না। এমন কি, আমাকে দেখিয়া কেহ কেহ হাসিতে আরম্ভ করিয়াছে।

ইতিমধ্যে আমার প্রহসনগুলার কথাও লোকে সম্পূর্ণ ভুলিয়া গিয়াছে। হঠাৎ বোধ হইল আমি যেন একটা দেশালায়ের কাঠি; মিনিটখানেক জলিয়া একেবারে শেষ পর্য্যন্ত পুড়িয়া গিয়াছি।

মন এমনি নিরুৎসাহ হইয়া গেল মাথা খুঁড়িয়া মরিলে এক লাইন লেখা বাহির হয়

না। মনে হইতে লাগিল বাঁচিয়া কোন
স্বপ্ন নাই।

প্রভা আমাকে এখন ভয় করে। বিনা
আহ্বানে সহসা কাছে আসিতে সাহস করে
না। সে বৃষ্টিতে পারিয়াছে, মজার কথা
লিখিতে পারে এমন বাবার চেয়ে মাটির
পুতুল ঢের ভাল সঙ্গী।

একদিন দেখা গেল আমাদের আহিরগ্রাম-
প্রকাশ জমিদারকে ছাড়িয়া আমাকে লইয়া
পড়িয়াছে। গোটাকতক অত্যন্ত কুৎসিত কথা
লিখিয়াছে। আমার পরিচিত বন্ধুবান্ধবেরা
একে একে সকলেই সেই কাগজখানা লইয়া
হাসিতে হাসিতে আমাকে শুনাইয়া গেল। কেহ
কেহ বলিল, ইহার বিষয়টা যেমনই হোক,
ভাষার বাহাদুরী আছে। অর্থাৎ গালি যে
দিয়াছে তাহা ভাষা দেখিলেই পরিষ্কার বুঝা
যায়। সমস্ত দিন ধরিয়া বিশ জনের কাছে ঐ
এক কথা শুনিলাম।

আমার বাসার সম্মুখে একটু বাগানের মত
ছিল। সন্ধ্যাবেলায় নিতান্ত পীড়িত চিত্তে
সেইখানে একাকী বেড়াইতেছিলাম। পাখীরা
নীড়ে ফিরিয়া আসিয়া যখন কলরব বন্ধ করিয়া
স্বচ্ছন্দে সন্ধ্যার শান্তির মধ্যে আত্মসমর্পণ করিল,
তখন বেশ বৃষ্টিতে পারিলাম পাখীদের মধ্যে
রসিক লেখকের দল নাই, এবং স্মৃতি লইয়া
তর্ক হয় না।

মনের মধ্যে কেবলি ভাবিতেছি কি উত্তর
দেওয়া যায়। ভদ্রতার একটা বিশেষ অসুবিধা
এই যে, সকল স্থানের লোকে তাহাকে বৃষ্টিতে
পারে না। অভদ্রতার ভাষা অপেক্ষাকৃত পরি-
চিত, তাই ভাবিতেছিলাম সেই রকম ভাবের
একটা মুখের মত জবাব লিখিতে হইবে।
কিছুতেই হার মানিতে পারিব না।

এমন সময়ে সেই সন্ধ্যার অন্ধকারে একটি

পরিচিত ক্ষুদ্র কণ্ঠের স্বর শুনিতে পাইলাম,
এবং তাহার পরেই আমার করতলে একটি
কোমল উষ্ণ স্পর্শ অনুভব করিলাম। এত উদ্বে-
জিত অন্তমনস্ক ছিলাম যে, সেই মুহূর্তে সেই
স্বর ও সেই স্পর্শ জানিয়াও জানিতে পারি-
লাম না।

কিন্তু এক মুহূর্ত পরেই সেই স্বর ধীরে ধীরে
আমার কর্ণে জাগ্রৎ, সেই সূক্ষ্মস্পর্শ আমার
করতলে সঞ্জীবিত হইয়া উঠিল। বালিকা
একবার আস্তে আস্তে কাছে আসিয়া মৃদুস্বরে
ডাকিয়াছিল “বাবা!” কোন উত্তর না পাইয়া
আমার দক্ষিণ হস্ত তুলিয়া ধরিয়া একবার
আপনার কোমল কপোলে বুলাইয়া আবার
ধীরে ধীরে গৃহে ফিরিয়া বাইতেছে।

বহুদিন প্রভা আমাকে এমন করিয়া ডাকে
নাই এবং স্বেচ্ছাক্রমে আসিয়া আমাকে এত-
টুকু আদর করে নাই। তাই আজ স্নেহস্পর্শে
আমার হৃদয় সহসা অত্যন্ত ব্যাকুল হইয়া
উঠিল।

কিছুক্ষণ পরে ঘরে ফিরিয়া গিয়া দেখি-
লাম প্রভা বিছানায় শুইয়া আছে। শরীর
ক্লিষ্টচ্ছবি, নয়ন ঈষৎ নিম্নীলিত; দিনশেষের
ঝরিয়া পড়া ফুলের মত পড়িয়া আছে।

মাথায় হাত দিয়া দেখি অত্যন্ত উষ্ণ;
উত্তপ্ত নিশ্বাস পড়িতেছে; কপালের শির দপ
দপ করিতেছে।

বৃষ্টিতে পারিলাম, বালিকা আসন্ন রোগের
তাপে কাতর হইয়া পিপাসিত হৃদয়ে একবার
পিতার স্নেহ, পিতার আদর লইতে গিয়াছিল,
পিতা তখন আহিরপ্রকাশের জন্ত খুব একটা
কড়া জবাব করনা করিতেছিল।

পাশে আসিয়া বসিলাম। বালিকা কোন
কথা না বলিয়া তাহার হৃদয় করতলের
মধ্যে আমার হস্ত টানিয়া লইয়া তাহার

উপরে কপোল রাখিরা চুপ করিয়া শুইয়া
বহিল।

আহিরগ্রাম এবং আহিরগ্রামের যত কাগজ
ছিল সমস্ত পুড়াইয়া ফেলিলাম। কোন জবাব
লেখা হইল না। হার মানিয়া এত সুখ কখনো
হয় নাই।

বাগিকার যখন মাতা মরিয়াছিল তখন
তাহাকে কোলে টানিয়া লইয়াছিলাম, আজ
তাহার বিমাতার অন্ত্যেষ্টিক্রিয়া সমাপন করিয়া
আবার তাহাকে বুকে তুলিয়া লইয়া ঘরে
চলিয়া গেলাম।



এক সময় যজ্ঞেশ্বরের অবস্থা ভালই ছিল।
এখন প্রাচীন ভাঙ্গা কোঠাবাড়িটাকে সাপ
ব্যাং বাহুড়ের হস্তে সমর্পণ করিয়া খোড়ো
ঘরে ভগবদঙ্গীতা লইয়া কালধাপন করিতেছেন।

এগারো বৎসর পূর্বে তাঁহার মেয়েটি যখন
জন্মিয়াছিল তখন বংশের সৌভাগ্যশশী কৃষ্ণ-
পঙ্কের শেষ কলায় আসিয়া ঠেকিয়াছে।
সেইজন্ত সাধ করিয়া মেয়ের নাম রাখিয়া-
ছিলেন কমলা। ভাবিয়াছিলেন, যদি এই
কৌশলে কাকি দিয়া চঞ্চলা লক্ষ্মীকে কঙ্কারূপে
ঘরে ধরিয়া রাখিতে পারেন! লক্ষ্মী সে
ফন্দীতে ধরা দিলেন না, কিন্তু মেয়েটির মুখে
নিজের শ্রী রাখিয়া গেলেন। বড় সুন্দরী
মেয়ে।

মেয়েটির বিবাহ সম্বন্ধে যজ্ঞেশ্বরের যে খুব
উচ্চ আশা ছিল তাহা নহে। কাছাকাছি যে
কোন একটি সংপাত্রে বিবাহ দিতে তিনি

প্রস্তুত ছিলেন। কিন্তু তাঁহার জেঠাইমা
তাঁহার বড় আদরের কমলাকে বড় ঘর না
হইলে দিবেন না পণ করিয়া বসিয়া আছেন।
তাঁহার নিজের হাতে অল্প কিছু সঞ্চতি ছিল,
ভাল পাত্র পাইলে তাহা বাহির করিয়া দিবেন
স্থির করিয়াছেন।

অবশেষে জেঠাইমার উত্তেজনায় শাস্ত্রা-
ধ্যয়নশুভ্রিত শাস্ত্র পল্লী-গৃহ ছাড়িয়া যজ্ঞেশ্বর
পাত্র সন্ধানে বাহির হইলেন। রাজসাহীতে
তাঁহার এক আত্মীয় উকীলের বাড়িতে গিয়া
আশ্রয় লইলেন।

এই উকীলের মঞ্চল ছিলেন জমিদার
গৌরসুন্দর চৌধুরী। তাঁহার একমাত্র পুত্র
বিভূতিভূষণ এই উকীলের অভিভাবকতায়
কালেজে পড়াশুনা করিত। ছেলেটি কখন
যে মেয়েটিকে আসিয়া দেখিয়াছিল তাহা
ভগবান প্রজ্ঞাপতিই জানিতেন।

কিন্তু প্রজ্ঞাপতির চক্রান্ত যজ্ঞেশ্বরের বুঝি-
বার সাধ্য ছিল না। তাই বিভূতি সম্বন্ধে
তাঁহার মনে কোন প্রকার ছুরাশা স্থান পায়
নাই। নিরীহ যজ্ঞেশ্বরের অল্প আশা অল্প
সাহস,—বিভূতির মত ছেলে যে তাঁহার জামাই
হইতে পারে এ তাঁহার সম্ভব বলিয়া বোধ
হইল না।

উকীলের যত্নে একটি চলনসই পাত্রের
সন্ধান পাওয়া গেছে। তাহার বুদ্ধিশুদ্ধি না
থাক বিষয় আশয় আছে। পাশ একটিও দেয়
নাই বটে কিন্তু কালেক্টরীতে ৩২৭৫ টাকা
খাজনা দিয়া থাকে।

পাত্রের দল একদিন আসিয়া মেয়েটিকে
পছন্দ করিয়া ক্ষীরের ছাঁচ, নারিকেলের মিঠাঙ্গ
ও নাটোরের কাঁচাগোল্লা খাইয়া গেল।
বিভূতি তাহার অনতিকাল পরে আসিয়া খবর
শুনিলেন। যজ্ঞেশ্বর মনের আনন্দে তাঁহাকেও

কাঁচাগোলা খাওয়াইতে উত্তত হইলেন। কিন্তু ক্ষুধার অত্যন্ত অভাব জানাইয়া বিভূতি কিছু খাইল না; কাহারো সহিত ভাল করিয়া কথাই কহিল না, বাড়ি চলিয়া গেল।

সেই দিনই সন্ধ্যাবেলায় উকীল বাবু বিভূতির কাছ হইতে এক পত্র পাইলেন। মর্খটা এই, যজ্ঞেশ্বরের কস্তাকে তাহার বড় পছন্দ এবং তাহাকে সে বিবাহ করিতে উৎসুক।

উকীল ভাবিলেন, এ ত বড় মুঙ্কিলে পড়িলাম! গৌরমুন্দের বাবু ভাবিবেন আমিই আমার আত্মীয়-কস্তার সহিত তাঁহার ছেলের বিবাহের চক্রান্ত করিতেছি!

অত্যন্ত ব্যস্ত হইয়া তিনি যজ্ঞেশ্বরকে দেশে পাঠাইলেন, এবং পুরোঁস্ত পাত্রটির সহিত বিবাহের দিন যথাসম্ভব নিকটবর্তী করিয়া দিলেন। বিভূতিকে ডাকিয়া অভিভাবক মহাশয় পড়াশুনা ছাড়া আর কোন দিকে মন দিতে বিশেষ করিয়া নিষেধ করিলেন। শুনিয়া রাগে বিভূতির জেদ চাঁর গুণ বাড়িয়া গেল।

বিবাহের আয়োজন উদ্বোগ চলিতেছে এমন সময় একদিন যজ্ঞেশ্বরের খোঁড়া ঘরে বিভূতিভূষণ স্বয়ং আসিয়া উপস্থিত। যজ্ঞেশ্বর ব্যস্ত হইয়া কহিলেন, এস বাবা এস! কিন্তু কোথায় বসাইবেন কি খাওয়াইবেন কিছুই ভাবিয়া পাইলেন না! এখানে নাটোরের কাঁচা গোলা কোথায়?

বিভূতিভূষণ যখন স্নানের পূর্বে রোয়াকে বসিয়া তেল মাখিতেছেন তখন জ্যাঠাইমা তাঁহার রক্তগিরিনিভ গৌর পুষ্ট দেহটি দেখিয়া মুগ্ধ হইলেন। যজ্ঞেশ্বরকে ডাকিয়া কহিলেন এই ছেলেটির সঙ্গে আমাদের কমলের বিবাহ হয় না কি?—ভীক যজ্ঞেশ্বর বিস্ফারিত নেত্রে কহিলেন, সে কি হয়?

জ্যাঠাইমা কেন হইবে না?

চেটা করিলেই হয়।—এই বলিয়া তিনি বাধানপাড়ার গয়লাদের ঘর হইতে ভাল ছানা ও ক্ষীর আনাইয়া বিবিধ আকার ও আয়তনের মোদক নিৰ্ম্মাণে প্রবৃত্ত হইলেন।

স্নানাহারের পর বিভূতিভূষণ সসজ্জ সসঙ্কোচে নিজের বিবাহের প্রস্তাব উত্থাপন করিলেন। যজ্ঞেশ্বর আনন্দে ব্যাকুল হইয়া জ্যাঠাইমাকে সুসংবাদ দিলেন।

জ্যাঠাইমা শাস্ত মুখে কহিলেন, তা বেশ হয়েছে, বাপু, কিন্তু তুমি একটু ঠাণ্ডা হও!—তাঁহার পক্ষে এটা কিছুই আশাতীত হয় নাই! যদি কমলার জন্ত একদিক হইতে কাবুলের আমীর ও অন্তর্দিক হইতে চীনের সম্রাট তাঁহার দ্বারস্থ হইত তিনি আশ্চর্য হইতেন না।

ক্ষীণাশ্বাস যজ্ঞেশ্বর বিভূতিভূষণের হাত ধরিয়া বলিতে লাগিলেন দেখো বাবা, আমার সকল দিক যেন নষ্ট না হয়।

বিবাহের প্রস্তাব পাকা করিয়া বিভূতিভূষণ তাঁহার বাপের কাছে আসিয়া উপস্থিত হইলেন।

গৌরমুন্দের নিজে নিরক্ষর ছিলেন বলিয়া শিক্ষিত ছেলেটিকে মনে মনে বিশেষ খাতির করিতেন। তাঁহার কোন আচরণে বা মতে পাছে তাঁহার ছেলের কাছে সুশিক্ষা বা শিষ্টতার অভাব ধরা পড়ে এই সঙ্কোচ তিনি দূর করিতে পারিতেন না। তাঁহার একমাত্র প্রাণাধিক পুত্র যেন বাপকে মনে মনে বিচার না দেয়, যেন অশিক্ষিত বাপের জন্ত তাহাকে লজ্জিত না হইতে হয় এ চেটা তাঁহার সর্বদা ছিল। কিন্তু তবু যখন শুনিলেন বিভূতি দরিদ্রকস্তাকে বিবাহ করিতে উত্তত তখন প্রথমটা রাগ প্রকাশ করিয়া উঠিলেন। বিভূতি নতশিরে চূপ করিয়া রহিল। তখন

গৌরসুন্দর কিঞ্চিৎ শাস্ত হইয়া নিজেকে সংশোধন করিয়া লইয়া কহিলেন—আমি কি পণের লোভে তোমাকে বিবাহ করিতে বলিতেছি, তা মনে করিয়ো না ! নিজের ছেলেকে লইয়া বেহাইয়ের সঙ্গে দয়দস্তুর করিতে বসিব, আমি তেমন ছোটলোক নই ! কিন্তু বড় ঘরের মেয়ে চাই ।

বিভূতিভূষণ বুঝাইয়া দিলেন, যজ্ঞেশ্বর সম্ভ্রান্তবংশীধ, সম্প্রতি গরীব হইয়াছেন ।

গৌরসুন্দর দ্বায়ে পড়িয়া মত দিলেন, কিন্তু মনে মনে যজ্ঞেশ্বরের প্রতি অত্যন্ত রাগ করিলেন ।

তখন দুই পক্ষে কথাবার্তা চলিতে লাগিল । আর সব ঠিক হইল কিন্তু বিবাহ হইবে কোথায় তাহা লইয়া কিছুতেই নিশ্চিন্তি হয় না । গৌরসুন্দর এক ছেলের বিবাহে খুব ধুমধাম করিতে চান—কিন্তু বৃদ্ধা শিবতলায় সেই খোড়ো ঘরে সমস্ত ধুমধাম ব্যর্থ হইয়া যাইবে । তিনি জেদ্ করিলেন তাঁহারই বাড়িতে বিবাহসভা হইবে ।

শুনিয়া মাতৃহীনা কস্তার দিদিমা কান্না জুড়িয়া দিলেন । তাঁহাদেরও ত এক সময় সুদিন ছিল, আজ লক্ষ্মী বিমুখ হইয়াছেন বলিয়া কি সমস্ত সাধ জমাঞ্জলি দিতে হইবে, পিতৃপুরুষের মান বজায় থাকিবে না ? সে হইবে না ; আমাদের ঘর খোড়ো হটুক আর যাই হটুক এখানেই বিবাহ দিতে হইবে ।

নিরীহ প্রকৃতি যজ্ঞেশ্বর অত্যন্ত দ্বিধায় পড়িয়া গেলেন । অবশেষে বিভূতিভূষণের চেষ্টায় কস্তাগৃহে বিবাহই স্থির হইল ।

ইহাতে গৌরসুন্দর এবং তাঁহার দলবল কস্তাকর্তার উপর আরো চটিয়া গেলেন । সকলেই স্থির করিলেন স্পর্ধিত দরিদ্রকে অপদস্থ করিতে হইবে । বরযাত্র যাহা জোটান

হইল তাহা পণ্টন বিশেষ । এ সম্বন্ধে গৌরসুন্দর ছেলের কোন পরামর্শ লইলেন না ।

বৈশাখ মাসে বিবাহের দিন স্থির । যজ্ঞেশ্বর তাহার স্বল্পাবশিষ্ট যথাসর্বস্ব পণ করিয়া আয়োজন করিয়াছে । নূতন আটচালা বাঁধিয়াছে, পাবনা হইতে ঘি ময়দা চিনি দধি প্রভৃতির আয়োজন করিয়াছে । জ্যাঠাইমা তাঁহার যে গোপন পুঞ্জির বলে স্বগৃহেই বিবাহ প্রস্তাবে জেদ্ করিয়াছিলেন তাহার প্রায় শেষ পয়সাটি পর্যন্ত বাহির করিয়া দিয়াছেন ।

এমন সময় দুর্ভাগ্যের অদৃষ্টক্রমে বিবাহের দুই দিন আগে হইতে প্রচণ্ড দুর্ভোগ আরম্ভ হইল । ঝড় যদি বা ধামে ত বৃষ্টি ধামে না, কিছুক্ষণের জন্ত যদি বা নরম পড়িয়া আসে, আবার দ্বিগুণ বেগে আরম্ভ হয় । এমন বর্ষণ বিশ পঁচিশ বছরের মধ্যে কেহ দেখে নাই ।

গৌরসুন্দর পূর্ব হইতেই গুটিকয়েক হাতি ও পাকী ষ্টেশনে হাজির রাখিয়াছিলেন । আশপাশের গ্রাম হইতে যজ্ঞেশ্বর ছইওয়াল গরুর গাড়ির যোগাড় করিতে লাগিলেন । দুদিনে গাড়োয়ানরা নড়িতে চায় না—হাতে পায়ে ধরিয়া দ্বিগুণ মূল্য কবুল করিয়া যজ্ঞেশ্বর তাহাদের রাজি করিলেন । বরযাত্রের মধ্যে যাহাদিগকে গোরুর গাড়িতে চড়িতে হইল তাহারা চটিয়া আশুণ হইল ।

গ্রামের পথে জল দাঁড়াইয়া গেছে । হাতির পা বসিয়া যায়, গাড়ির চাকা ঠেলিয়া তোলা দায় হইল । তখনো বৃষ্টির বিরাম নাই । বরযাত্রগণ ভিজিয়া কাদা মাখিয়া বিধিবিড়ম্বনার প্রতিশোধ কস্তাকর্তার উপর তুলিবে বলিয়া মনে মনে স্থির করিয়া রাখিল । হতভাগ্য যজ্ঞেশ্বরকে এই অসাময়িক বৃষ্টির জন্ত জবাবদিহি করিতে হইবে ।

বর সদলবলে কস্তাকর্তার কুটীরে আসিয়া

পৌছিলেন। অভাবনীয় লোকসমাগম দেখিয়া গৃহস্বামীর বুক দমিয়া গেল। ব্যাকুল যজ্ঞেশ্বর কাহাকে কোথায় বসাইবেন ভাবিয়া পান না, কপালে করাঘাত করিয়া কেবলি বলিতে থাকেন, বড় কষ্ট দিলাম, বড় কষ্ট দিলাম। যে আটচালা বানাইয়াছিলেন, তাহার চারিদিক হইতে জল পড়িতেছে। বৈশাখমাসে যে এমন শ্রাবণধারা বহিবে তাহা তিনি স্বরেও আশঙ্কা করেন নাই। গণ্ডগ্রামের ভদ্র অভদ্র সমস্ত লোকই যজ্ঞেশ্বরকে সাহায্য করিতে উপস্থিত হইয়াছিল; সঙ্কীর্ণ স্থানকে তাহারা আরো সঙ্কীর্ণ করিয়া তুলিল এবং বৃষ্টির কল্লোলের উপর তাহাদের কলরব যোগ হইয়া একটা সমুদ্রমহুনের মত গোলমালের উৎপত্তি হইল। পল্লীবৃদ্ধগণ ধনী অতিথিদের সম্মাননার উপযুক্ত উপায় না দেখিয়া যাহাকে তাহাকে ক্রমাগতই ষোড়হস্তে বিনয় করিয়া বেড়াইতে লাগিল।

বরকে যখন অন্তঃপুরে লইয়া গেল তখন ক্রুদ্ধ বরষাত্রির দল রব তুলিল তাহাদের ক্ষুধা পাইয়াছে আহার চাই। মুখ পাংশুবর্ণ করিয়া যজ্ঞেশ্বর গলায় কাপড় দিয়া সকলকে বলিলেন আমার সাধ্যমত যাহা কিছু আয়োজন করিয়া-ছিলাম সব জলে ভাসিয়া গেছে।

দ্রব্যসামগ্রী কতক পাবনা হইতে পথের মধ্যে কতক বা ভগ্নপ্রায় পাকশালায় গিয়া গুলিয়া উনান নিবিয়া একাকার হইয়া গেছে। সহসা উপযুক্ত পরিমাণ আহাৰ্য্য সংগ্রহ করা যাইতে পারে বুড়াশিবতলা এমন গ্রামই নহে।

গৌরমুন্দের যজ্ঞেশ্বরের দুর্গতিতে খুসি হইলেন। কহিলেন—এতগুলো মানুষকে ত অনাহারে রাখা যায় না, কিছুত উপায় করিতে হইবে।

বরষাত্রগণ ক্লেপিয়া উঠিয়া মহা হাঙ্গামা

করিতে লাগিল। কহিল, আমরা টেশনে গিয়া ট্রেণ ধরিয়া এখনি বাড়ি ফিরিয়া যাই।

যজ্ঞেশ্বর হাত ষোড় করিয়া কহিল, একে-বারে উপবাস নয়। শিবতলার ছানা বিখ্যাত। উপযুক্ত পরিমাণে ছানা কদমা সংগ্রহ আছে। আমার অন্তরের মধ্যে যাহা হইতেছে তাহা অন্তর্যামীই জানেন।

যজ্ঞেশ্বরের দুর্গতি দেখিয়া বাধানপাড়ার গোয়ালারা বলিয়াছিল, ভয় কি ঠাকুর, ছানা যিনি যত খাইতে পারেন আমরা যোগাইয়া দিব।—বিদেশের বরষাত্রিগণ না খাইয়া ফিরিলে শিবতলা গ্রামের অপমান;—সেই অপমান ঠেকাইবার জন্ত গোয়ালারা প্রচুর ছানার বন্দোবস্ত করিয়াছে।

বরষাত্রগণ পরামর্শ করিয়া জিজ্ঞাসা করিল, যত আবশ্যিক ছানা যোগাইতে পারিবে ত?

যজ্ঞেশ্বর কথঞ্চিৎ আশাশ্রিত হইয়া কহিল—তা পারিব! আচ্ছা তবে আন! বলিয়া বরষাত্রগণ বসিয়া গেল। গৌরমুন্দের বসিলেন না, তিনি নীরবে এক প্রান্তে দাঁড়াইয়া কৌতুক দেখিতে লাগিলেন।

আহারস্থানের চারিদিকেই পুষ্করিণী তরিতা উঠিয়া জলে কাদায় একাকার হইয়া গেছে। যজ্ঞেশ্বর যেমন যেমন পাতে ছানা দিয়া যাইতে লাগিলেন, তৎক্ষণাৎ বরষাত্রগণ তাহা কাঁধ ভিঙ্গাইয়া পশ্চাতে কাদার মধ্যে টপটপ করিয়া ফেলিয়া দিতে লাগিল।

উপায়বিহীন যজ্ঞেশ্বরের চক্ষু জলে ভাসিয়া গেল। বারংবার সকলের কাছে ষোড়হাত করিতে লাগিলেন—কহিলেন, আমি অতি ক্ষুদ্র ব্যক্তি, আপনাদের নির্ধাতনের যোগ্য নই।

একজন গুহুহাস্ত হাসিয়া উত্তর করিল, মেয়ের বাপ ত বটেন, সে অপরাধ যায় কোথায়? যজ্ঞেশ্বরের স্বগ্রামের বৃদ্ধগণ বারংবার

ধিকার করিয়া বলিতে লাগিল, তোমার যেমন অবস্থা সেই মত ঘরে কত্তাদান করিলেই এ হুর্গতি ঘটত না !


এদিকে অস্তঃপুরে মেয়ের দিদিমা অকল্যাণ-শঙ্কাসত্ত্বেও অশ্রু সঞ্চার করিতে পারিলেন না। দেখিয়া মেয়ের চোখ দিয়া জল পড়িতে লাগিল। যজ্ঞেশ্বরের জ্যাঠাইমা আসিয়া বিভূতিকে কহিলেন—ভাই অপরাধ যা হইবার তা ত হইয়াই গেছে,—এখন মাপ কর, আজিকার মত শুভ-কার্য সম্পন্ন হইতে দাও।

এদিকে ছানার অন্তায় অপব্যয় দেখিয়া গোয়ালার দল রাগিয়া হাঙ্গাম করিতে উদ্ভত। পাছে বরষাত্রদের সহিত তাহাদের একটা বিবাদ বাধিয়া যায় এই আশঙ্কায় যজ্ঞেশ্বর তাহাদিগকে ঠাণ্ডা করিবার জন্ত বহুতর চেষ্টা করিতে লাগিলেন। এমন সময় ভোজনশালায় অসময়ে বর আসিয়া উপস্থিত। বরষাত্ররা ভাবিল, বর বুঝি রাগ করিয়া অস্তঃপুর হইতে বাহির হইয়া আসিয়াছেন—তাহাদের উৎসাহ বাড়িয়া উঠিল।

বিভূতি ক্লককণ্ঠে কহিলেন, বাবা আমাদের এ কি রকম ব্যবহার ? বলিয়া একটা ছানার খালা স্বহস্তে লইয়া তিনি পরিবেশনে প্রবৃত্ত হইলেন। গোয়ালাদিগকে বলিলেন তোমরা পশ্চাৎ দাঁড়াও, কাহারো ছানা যদি পাঁকে পড়ে ত সে গুলা আবার পাতে তুলিয়া দিতে হইবে।

গৌরমুন্দরের মুখে দিকে চাহিয়া হুই একজন উঠিবে কি না ইতস্ততঃ করিতেছিল—বিভূতি কহিলেন, বাবা, তুমিও বসিয়া যাও, অনেক রাত হইয়াছে !

গৌরমুন্দর বসিয়া গেলেন। ছানা যথা-স্থানে পৌঁছিতে লাগিল।



দাজ্জিলিঙ্গে গিয়া দেখিলাম মেঘে বৃষ্টিতে দশ দিক আচ্ছন্ন। ঘরের বাহির হইতে ইচ্ছা হয় না ঘরের মধ্যে থাকিতে আরও অনিচ্ছা জন্মে।

হোটলে প্রাতঃকালের আহার সমাধা করিয়া পায়ে মোটা বুট এবং আপাদমস্তক ম্যাকিণ্টশ পরিয়া বেড়াইতে বাহির হইয়াছি। ক্ষণে ক্ষণে টিপ্ টিপ্ করিয়া বৃষ্টি পড়িতেছে এবং সর্বত্র ঘন মেঘের কুষ্টিটিকায় মনে হইতেছে যেন বিধাতা হিমালয়পর্বতশৃঙ্গ সমস্ত বিশ্বচিত্র রবার দিয়া ঘসিয়া ঘসিয়া মুছিয়া ফেলিবার উপক্রম করিয়াছেন।

জনশূন্য ক্যালকাটা রোডে একাকী পদচারণ করিতে করিতে ভাবিতেছিলাম—অবলম্বনহীন মেঘরাজ্যে আর ত ভাল লাগে না, শব্দস্পর্শ-রূপময়ী বিচিত্রা ধরণী মাতাকে পুনরায় পাঁচ ইঞ্জিয় দ্বারা পাঁচ রকমে আঁকড়িয়া ধরিবার জন্ত প্রাণ আকুল হইয়া উঠিয়াছে।

এমন সময়ে অনতিদূরে রমণীকণ্ঠের স্করণ রোদনগুঞ্জন ধ্বনি শুনিতে পাইলাম। রোগশোকসঙ্কুল সংসারে রোদনধ্বনিটা কিছুই বিচিত্র নহে—অন্ততঃ অন্ত সময় হইলে ফিরিয়া চাহিতাম কি না সন্দেহ,—কিন্তু এই অসীম মেঘরাজ্যের মধ্যে সে রোদন সমস্ত লুপ্ত জগতের এক মাত্র রোদনের মত আমার কাণে আসিয়া প্রবেশ করিল, তাহাকে তুচ্ছ বলিয়া মনে হইল না।

শব্দ লক্ষ্য করিয়া নিকটে গিয়া দেখিলাম

গৈরিক বসনাবৃত্তা নারী, তাহার মস্তকে স্বর্ণ-কপিশ জটাভার চূড়া আকারে আবদ্ধ, পথ-প্রান্তে শিলাখণ্ডের উপর বসিয়া মৃদুস্বরে জন্দন করিতেছে। তাহা সত্ত্বশোকের বিলাপ নহে, বহুদিন-সঞ্চিত নিঃশব্দ শ্রান্তি ও অবসাদ আজ মেঘাঙ্ককার নির্জনতার ভাবে ভাঙ্গিয়া উচ্ছ্বসিত হইয়া পড়িতেছে।

মনে মনে ভাবিলাম—এ বেশ হইল, ঠিক যেন ঘর-গড়া গল্পের মত আরম্ভ হইল, পর্ত-শৃঙ্গে সন্ন্যাসিনী বসিয়া কাঁদিতেছে ইহা যে কখন চক্ষুচক্ষে দেখিব এমন আশা কস্মিন্কালে ছিল না।

মেয়েটি কোন্ জাত ঠাহর হইল না। সদয় হিন্দি ভাষায় জিজ্ঞাসা করিলাম—“কে তুমি, তোমার কি হইয়াছে?”

প্রথমে উত্তর দিল না—মেঘের মধ্য হইতে সজল দীপ্তনেত্রে আমাকে একবার দেখিয়া লইল।

আমি আবার কহিলাম আমাকে ভয় করিও না আমি ভদ্রলোক।

শুনিয়া সে হাদিয়া সে খাষ্ হিন্দুস্থানীতে বলিয়া উঠিল, “বহুদিন হইতে ভয় ডরের মাথা খাইয়া বসিয়া আছি, লজ্জা সরমও নাই। বাবুজি, এক সময় আমি যে জেনানায় ছিলাম সেখানে আমার সহোদর ভাইকে প্রবেশ করিতে হইলেও অনুমতি লইতে হইত, আজ বিশ্বসংসারে আমার পর্দা নাই।”

প্রথমটা একটু রাগ হইল; আমার চাল চলন সমস্তই সাহেবী, কিন্তু এই হতভাগিনী বিনা দ্বিধায় আমাকে বাবুজি সম্বোধন করে কেন? ভাবিলাম এইখানেই আমার উপভ্রাস শেষ করিয়া সিগারেটের ধোয়া উড়াইয়া উচ্ছত-নাসা সাহেবিয়ানার রেলগাড়ির মত সশব্দে সবগে সদর্পে প্রস্থান করি! অবশেষে কোতু-

হল জয় লাভ করিল। আমি কিছু উচ্ছভাষ ধারণ করিয়া বক্রগ্রীবায জিজ্ঞাসা করিলাম, “তোমাকে কিছু সাহায্য করিতে পারি? তোমার কোন প্রার্থনা আছে?”

সে স্থিরভাবে আমার মুখের দিকে চাহিল এবং ক্ষণকাল পরে সংক্ষেপে উত্তর করিল “আমি বদ্রাওনের নবাব গোলাম কাদের খাঁর পুত্রী।”

বদ্রাওন কোন্ যুলুকে এবং নবাব গোলাম কাদের খাঁ কোন্ নবাব এবং তাঁহার কন্তা যে কি হুঃখে সন্ন্যাসিনীবেশে দার্জিলিঙ্গে ক্যান্কাটা রোডের ধারে বসিয়া কাঁদিতে পারে আমি তাহার বিন্দুবিসর্গ জানি না এবং বিশ্বাসও করি না,—কিন্তু ভাবিলাম রসভঙ্গ করিব না, গল্পটি দিব্য জমিয়া আসিতেছে।

তৎক্ষণাৎ স্নগন্তীর মুখে সূদীর্ঘ সেলাম করিয়া কহিলাম, “বিবিসাহেব, মাপ কর, তোমাকে চিনিতে পারি নাই।”

চিনিতে না পারিবার অনেকগুলি যুক্তি-সঙ্গত কারণ ছিল, তাহার মধ্যে সর্বপ্রধান কারণ, তাঁহাকে পূর্বে কস্মিন্কালে দেখি নাই, তাহার উপর এমনি কুয়াশা যে নিজের হাত পা কল্পগানিই চিনিয়া লওয়া হুঃসাধ্য।

বিবিসাহেবও আমার অপরাধ লইলেন না এবং সস্তুষ্ট কণ্ঠে দক্ষিণ হস্তের ইঙ্গিতে স্বতন্ত্র শিলাখণ্ড নির্দেশ করিয়া আমাকে অনুমতি করিলেন, “বৈঠিয়ে!”

দেখিলাম রমণীটির আদেশ করিবার ক্ষমতা আছে। আমি তাঁহার নিকট হইতে সেই সিন্ধু শৈবালাচ্ছন্ন কঠিন বন্ধুর শিলাখণ্ড-তলে আসন গ্রহণের সম্মতি প্রাপ্ত হইয়া এক অভাবনীয় সম্মান লাভ করিলাম। বদ্রাওনের গোলাম কাদের খাঁর পুত্রী হুঃ উন্নীসা বা মেহের উন্নীসা বা হুঃ উল্ মুলক্ আমাকে

দার্জিলিং ক্যালকাটা রোডের ধারে তাঁহার অনাতদুববলী অনতিউচ্চ, পঙ্কিল আসনে বসিবার অধিকার দিয়াছেন ; হোটেল হইতে ম্যাকিন্টশ্ পরিয়া বাহির হইবার সময় এমন স্নমহৎ সস্তাবনা আমার স্বপ্নেরও অগোচর ছিল।

হিমালয়বক্ষে শিতাতলে একান্তে দুইটি পাশ্চ নরন-রীর বহুশালাপ-কাহিনী সহসা সঙ্ঘ-সম্পূর্ণ কবোচ্চ কাব্যকথার মত শুনিতে হয়— পাঠকের হৃদয়ের মধ্যে দূরাগত নির্জন গিরি-কন্দরের নিখরপ্রপাতধ্বনি এবং কালিদাস-রচিত মেঘদূত কুমারসম্ভবের বিচিত্র সঙ্গীত-মর্ম্মর জাগ্রৎ হইয়া উঠিয়া থাকে, তথাপি এ কথা সকলকেই স্বীকার করিতে হইবে, যে, বৃট্ট এবং ম্যাকিন্টশ্ পরিয়া ক্যালকাটা রোডের ধারে কর্দমাসনে এক দীনবেশিনী হিন্দুস্থানী রমণীর সহিত একত্র উপবেশন পূর্ক্ণ সম্পূর্ণ আশ্রয়গৌরব অক্ষুণ্ণভাবে অনুভব করিতে পারে, এমন নব্যবঙ্গ অতি অল্পই আছে। কিন্তু সে দিন ঘনঘোর বাপ্পে দর্শাদিক্ আবৃত ছিল, সংসারের নিকট চক্ষুলজ্জা রাখিবার কোন বিষয় কোথাও ছিল না, কেবল অনন্ত মেঘরাজ্যের মধ্যে বজ্রাওনের নবাব গোলাম কাদের খাঁর পুত্রী এবং আমি এক নববিকশিত বাঙ্গালী সাহেব, দুই জনে দুই খানি প্রস্তরের উপর বিশ্বজগতের দুই খণ্ড প্রলম্বাবেশেষের স্তায় অবশিষ্ট ছিলাম—এই বিসদৃশ সম্মিলনের পরম পরিহাস কেবল আমা-দের অদৃষ্টের গোচর ছিল, কাহারও দৃষ্টগোচর ছিল না।

আমি কহিলাম, “বিবিসাহেব, তোমার এ হাল কে করিল ?”

বজ্রাওনকুমারী কপালে করাঘাত করি-লেন। কহিলেন “কে সমস্ত করায় তা আমি

কি জানি ! এত বড় প্রস্তরময় কঠিন হিমা-লয়কে কে সামান্ত বাপ্পের মেঘে অন্তরাল করিয়াছে ?”

আমি কোনরূপ দার্শনিক তর্ক না তুলিয়া সমস্ত স্বীকার করিয়া লইলাম—কহিলাম, “তা বটে, অদৃষ্টের রহস্য কে জানে ! আমরা ত কীট মাত্র !”

তর্ক তুলিতাম, বিবিসাহেবকে আমি এত সহজে নিষ্কৃতি দিতাম না। কিন্তু আমার ভাষায় কুলাইত না। দরোয়ান এবং বেহারাদের সংসর্গে যে টুকু হিন্দী অভ্যস্ত হইয়াছে তাহাতে ক্যালকাটা রোডের ধারে বসিয়া বজ্রাওনের অথবা অন্ত কোন স্থানের কোন নবাব পুত্রীর সহিত অদৃষ্টবাদ ও স্বাধীন ইচ্ছাবাদ সম্বন্ধে সুস্পষ্টভাবে আলোচনা করা আমার পক্ষে অসম্ভব হইত।

বিবিসাহেব কহিলেন, “আমার জীবনের আশ্চর্য্য কাহিনী অতই পরিসমাপ্ত হইয়াছে, যদি ফরমায়েস্ করেন ত বলি ”

আমি শশব্যস্ত হইয়া কহিলাম—“বিল-ক্ষণ ! ফরমায়েস্ কিসের ! যদি অল্পগ্রহ করেন ত শুনিয়া শ্রবণ সার্থক হইবে !”

কেহ না মনে করেন, আমি ঠিক এই কথাগুলি এমনি ভাবে হিন্দুস্থানী ভাষায় বলিয়া-ছিলাম—বলিবার ইচ্ছা ছিল কিন্তু সামর্থ্য ছিল না। বিবি সাহেব যখন কথা কহিতে-ছিলেন আমার মনে হইতেছিল যেন শিশির-স্নাত স্বর্ণশীর্ষ স্নিগ্ধশ্যামল শশুক্লেত্রের উপর দিয়া প্রভাতের মন্দমধুর বায়ু হিল্লোলিত হইয়া যাইতেছে, তাহার পদে পদে এমন সহস্র নম্রতা, এমন সৌন্দর্য্য, এমন বাক্যের অব্যবহিত প্রবাহ। আর আমি অতি সংক্ষেপে খণ্ড খণ্ড ভাবে বর্করের মত সোজা উত্তর দিতেছিলাম। ভাষায় সেরূপ সুসম্পূর্ণ অবিচ্ছিন্ন সহজ শিষ্টতা

আমার কোন কালে জানা ছিল না ; বিবিসাহেবের সহিত কথা কহিবার সময় এই প্রথম নিজের আচরণের দীনতা পদে পদে অনুভব করিতে লাগিলাম ।

তিনি কহিলেন, “আমার পিতৃকুল দিন্মীর সম্রাটবংশের রক্ত প্রবাহিত ছিল—সেই কুলগর্ভে রক্ষা করিতে গিয়া আমার উপবৃত্ত পাত্রের সন্ধান পাওয়া হুঃসাধ্য হইয়াছিল । লক্ষ্যোয়ের নবাবের সহিত আমার সম্বন্ধের প্রস্তাব আসিয়াছিল—পিতা ইতস্ততঃ করিতে-ছিলেন এমন সময় দাঁতে টোটা কাটা লইয়া সিপাহি লোকের সহিত সরকার বাহাদুরের লড়াই হুঃসাধ্য, কামানের ধোঁয়ায় হিন্দুস্থান অন্ধকার হইয়া গেল ।”

স্বীকর্ষে, বিশেষতঃ সম্রাট মহিলার মুখে হিন্দুস্থানী কখনো শুনি নাই—শুনিয়া স্পষ্ট বুঝিতে পারিলাম, এ ভাষা আমারি ভাষা—এ যেদিনের ভাষা সে দিন আর নাই—আজ রেলোয়ে টেলিগ্রাফে, কাজের ভিড়ে, আভিজাত্যের বিলোপে সমস্তই যেন হুঃস্ব খর্ক নিরলঙ্কার হইয়া গেছে । নবাবজাদীর ভাষা মাত্র শুনিয়া সেই ইংরাজ-রচিত আধুনিক শৈলনগরী দারজিলিংয়ের ঘন কুজ্ঝাটিকাজালের মধ্যে আমার মনশ্চক্কেব সম্মুখে মোগল সম্রাটের মানসপুত্রী মায়াবলে জাগিয়া উঠিতে লাগিল—শ্বেতপ্রস্তর-রচিত বড় বড় অভ্রভেদী সৌধশ্রেণী, পথে লম্বপুচ্ছ অশ্বপৃষ্ঠে মছলন্দের সাজ, হস্তিপৃষ্ঠে স্বর্ণ-ঝালর-পচিত হাওদা, পুরবাসিগণের মস্তকে বিচিত্রবর্ণের উষ্ণীষ, শালের রেসমের মসলিনের প্রচুর-প্রসর জামা প'য়-জামা, কোমরবন্ধে বক্র তরবারী, জরির জুতার অগ্রভাগে বক্র শীর্ষ,—সুদীর্ঘ অবসর, স্নলম্ব পরিচ্ছদ, স্তপ্রচুর শিষ্টাচার ।

নবাবপুত্রী কহিলেন, “আমাদের কেজা

যমুনার তীরে । আমাদের ফৌজের অধিনায়ক ছিল একজন হিন্দু ব্রাহ্মণ । তাহার নাম ছিল কেশরলাল ।”

রমণী এই কেশরলাল শব্দটির উপর তাহার নারীকর্ষের সমস্ত সঙ্গীত যেন একেবারে এক মুহূর্ত্তে উপড় করিয়া ঢালিয়া দিল । আমি ছড়িটা ভূমিতে রাখিয়া নড়িয়া চড়িয়া খাড়া হইয়া বসিলাম ।

“কেশরলাল পরম হিন্দু ছিল । আমি প্রত্যহ প্রত্যুষে উঠিয়া অস্তঃপুরের গবাক্ষ হইতে দেখিতাম কেশরলাল আবক্ষ যমুনার জলে নিমগ্ন হইয়া প্রদক্ষিণ করিতে করিতে ষোড়করে উর্দ্ধমুখে নবোদিত সূর্য্যের উদ্দেশে অঞ্জলি প্রদান করিত । পরে সিক্তবস্ত্রে ঘাটে বসিয়া একাগ্রমনে জপ সমাপন করিয়া পরিষ্কার স্বকর্ষে ভৈরোরাগে ভজন গান করিতে করিতে গৃহে ফিরিয়া আসিত ।

“আমি মুসলমান-বালিকা ছিলাম কিন্তু কখনো স্বধর্ম্মের কথা শুনি নাই এবং স্বধর্ম্ম-সকৃত উপাসনাবিধিও জানিতাম না । তখনকার দিনে বিলাসে মত্তপানে স্বেচ্ছাচারে আমাদের পুরুষের মধ্যে ধর্ম্মবন্ধন শিথিল হইয়া গিয়াছিল, এবং অস্তঃপুরের প্রমোদভবনেও ধর্ম্ম সজীব ছিল না ।

বিধাতা আমার মনে বোধ করি স্বাভাবিক ধর্ম্মপিপাসা দিয়াছিলেন অথবা আর কোন নিগূঢ় কারণ ছিল কি বলিতে পারি না—কিন্তু প্রত্যহ প্রশান্ত প্রভাতে নবোন্মেষিত অরুণালোকে নিস্তরঙ্গ নীল যমুনার নির্জন শ্বেত সোপানওটে কেশরলালের পূজার্চনাদৃশ্যে আমার সম্মুখস্থিত অস্তঃকরণ একটি অব্যক্ত ভক্তিমাধুর্য্যে পরিপ্লুত হইয়া যাইত ।

নিম্নত সংঘত শুদ্ধাচারে ব্রাহ্মণ কেশরলালের গৌরবর্ণ প্রাণসার স্নন্দর তনু দেহপানি

ধ্বংসলেশহীন জ্যোতিঃশিখার মত বোধ হইত ; ব্রাহ্মণের পূণ্যমাহাত্ম্য অপরূপ শ্রদ্ধাভরে এই মুসলমানহিতার মূঢ় হৃদয়কে বিনম্র করিয়া দিত ।

আমার একটি হিন্দু বাদি ছিল সে প্রতিদিন নত হইয়া প্রণাম করিয়া কেশরলালের পদধূলি লইয়া আসিত—দেগিয়া আমার আনন্দও হইত স্নেহও জন্মিত । ক্রিয়াকর্ম পার্শ্ব উপলক্ষে এই বন্দিনী মধ্যে মধ্যে ব্রাহ্মণ ভোজন করাইয়া দক্ষিণা দিত । আমি নিজে হইতে তাহাকে অর্থ সাহায্য করিয়া বলিতাম, তুই কেশরলালকে নিমন্ত্রণ করিবি না ? সে জিভ কাটিয়া বলিত কেশরলাল ঠাকুর কাহারও অন্ন গ্রহণ বা দান প্রতিগ্রহ করেন না ।

এইরূপে প্রত্যক্ষে বা পরোক্ষে কেশরলালকে কোনরূপ ভক্তিচিহ্ন দেখাইতে না পারিয়া আমার চিত্ত যেন ক্ষুদ্র ক্ষুধাতুর হইয়া থাকিত ।

আমাদের পূর্বপুরুষের কেহ একজন একটি ব্রাহ্মণ-কন্তাকে বলপূর্বক বিবাহ করিয়া আনিয়াছিলেন—আমি অস্তঃপুরের প্রান্তে বসিয়া তাঁহারই পুণ্যরক্তপ্রবাহ আপন শিরার মধ্যে অনুভব করিতাম এবং সেই রক্তস্বত্রে কেশরলালের সহিত একটি ঐক্য সম্বন্ধ কল্পনা করিয়া কিয়ৎ পরিমাণে তৃপ্তি বোধ হইত ।

আমার হিন্দু দাসীর নিকট হিন্দুধর্মের সমস্ত আচার ব্যবহার, দেবীর সমস্ত আশ্চর্য কাহিনী, রামায়ণ মহাভারতের সমস্ত অপরূপ ইতিহাস তন্ন তন্ন করিয়া শুনিতাম—শুনিয়া সেই অবরুদ্ধ অস্তঃপুরের প্রান্তে বসিয়া হিন্দু জগতের এক অপরূপ দৃশ্য আমার মনের সম্মুখে উদ্ঘাটিত হইত । মূর্তি প্রতিমূর্তি, শব্দঘণ্টা ধ্বনি, স্বর্ণচূড়াখচিত দেবালয়, ধূপধূনার ধ্বজ, অগুরুচন্দন মিশ্রিত পুষ্পরাশির স্তব্ধ, বোগী সন্ধ্যা-

সীর অলৌকিক স্কমতা, ব্রাহ্মণের অমাহাত্ম্যক মাহাত্ম্য, মাহুয-ছন্দবেশধারী দেবতাদের বিচিত্র লীলা সমস্ত জড়িত হইয়া আমার নিকটে এক অতি পুরাতন অতি বিস্তীর্ণ অতি স্বদূর অপ্রাকৃত মাযালোক সৃজন করিত—আমার চিত্ত যেন নীড়হারা ক্ষুদ্র পক্ষীর স্তায় প্রদোষকালের একটি প্রকাণ্ড প্রাচীন প্রাসাদের কক্ষে কক্ষে উড়িয়া উড়িয়া বেড়াইত । হিন্দু সংসার আমার বালিকা হৃদয়ের নিকট একটি পরম রমণীয় রূপকথার রাজ্য ছিল ।

এমম সময় কোম্পানি বাহাদুরের সহিত সিপাহী লোকের লড়াই বাধিল আমাদের বদ্বাওনের ক্ষুদ্র কেলাটির মধ্যে বিপ্লবের তরঙ্গ জাগিয়া উঠিল ।

কেশরলাল বলিল, এইবার গোখাদক গোরালোককে আর্ধ্যাবর্ত হইতে দূর করিয়া দিয়া আর একবার হিন্দুস্থানে হিন্দু মুসলমানে রাজপদ লইয়া দ্যুতক্রীড়া বসাইতে হইবে

আমার পিতা গোলাম কাদের খাঁ সাবধানী লোক ছিলেন ; তিনি ইংরাজজাতিকে কোন একটি বিশেষ কুটুম্ব সম্ভাষণে অভিহিত করিয়া বলিলেন, উহারা অসাধ্য সাধন করিতে পারে, হিন্দুস্থানের লোক উহাদের সহিত পারিয়া উঠিবে না । আমি অনিশ্চিত প্রত্যাশে আমার এই ক্ষুদ্র কেলাটুকু ধোয়াইতে পারিব না—আমি কোম্পানি বাহাদুরের সহিত লড়িব না ।

যখন হিন্দুস্থানের সমস্ত হিন্দু মুসলমানের রক্ত উত্তপ্ত হইয়া উঠিয়াছে, তখন আমার পিতার এই বর্ণকের মত সাবধানতায় আমাদের সকলের মনেই খিঙ্কার উপস্থিত হইল । আমার বেগম মাতৃগণ পর্যন্ত চঞ্চল হইয়া উঠিলেন ।

এমন সময় ফোজ লইয়া সশস্ত্র কেশরলাল আসিয়া আমার পিতাকে বলিলেন, নবাব

সাহেব, আপনি যদি আমাদের পক্ষে যোগ না দেন তবে যতদিন লড়াই চলে আপনাকে বন্দী রাখিয়া আপনার কেল্লার আধিপত্যভার আমি গ্রহণ করিব।

পিতা বলিলেন, সে সমস্ত হাঙ্গামা কিছুই করিতে হইবে না, তোমাদের পক্ষে আমি রহিব।

কেশরলাল কহিলেন, ধনকোষ হইতে কিছু অর্থ বাহির করিতে হইবে।

পিতা বিশেষ কিছু দিলেন না—কহিলেন, যখন যেমন আবশ্যক হইবে আমি দিব।

আমার সীমন্ত হইতে পদাঙ্গুলি পর্য্যন্ত অঙ্গ-প্রত্যঙ্গের যত কিছু ভূষণ ছিল সমস্ত কাপড়ে বাঁধিয়া আমার হিন্দু দাসী দিয়া গোপনে কেশরলালের নিকট পাঠাইয়া দিলাম। তিনি গ্রহণ করিলেন। আনন্দে আমার ভূষণবিহীন প্রত্যেক অঙ্গ প্রত্যঙ্গ পুলকে রোমাঞ্চিত হইয়া উঠিল।

কেশরলাল মরিচাপড়া বন্দুকের চোঙ এবং পুরাতন তলোয়ারগুলি মাজিধা ঘষিয়া সাফ করিতে প্রস্তুত হইলেন—এমন সময় হঠাৎ একদিন অপরাহ্নে জিলার কমিশনার সাহেব লালকুর্স্তি গোরা লইয়া আকাশে ধূলা উড়াইয়া আমাদের কেল্লার মধ্যে আসিয়া প্রবেশ করিল।

আমার পিতা গোলাম বাদের খাঁ গোপনে তাঁহাকে বিদ্রোহ সংবাদ দিয়াছিলেন।

বদ্রাওনের ফৌজের উপর কেশরলালের এমন একটি অলৌকিক আধিপত্য ছিল যে, তাঁহার কথায় তাহারা ভাঙ্গা বন্দুক ও ভোঁতা তরবারী হস্তে লড়াই করিয়া মরিতে প্রস্তুত হইল।

বিশ্বাসঘাতক পিতার গৃহ আমার নিকট নরকের মত বোধ হইল। কোড়ে হৃৎখে

লজ্জায় ঘুণায় বুক ফাটিয়া যাইতে লাগিল, তবু চোখ দিয়া এক ফোঁটা জল বাহির হইল না। আমার ভীক ভ্রাতার পরিচ্ছদ পরিয়া ছদ্মবেশে অন্তঃপুর হইতে বাহির হইয়া গেলাম, কাহারও দেখিবার অবকাশ ছিল না।

তখন ধূলা এবং বারুদের ধোয়া, সৈনিকের গীৎকার এবং বন্দুকের শব্দ খামিয়া গিয়া মৃত্যুর ভীষণ শাস্তি জলস্থল আকাশ আচ্ছন্ন করিয়াছে। যমুনার জল রক্তরাগে রঞ্জিত করিয়া সূর্য্য অস্ত গিয়াছে, সন্ধ্যাকাশে গুরুপক্ষের পরিপূর্ণ প্রায় চন্দ্রমা।

রণক্ষেত্র মৃত্যুর বিকট দৃশ্যে আকীর্ণ। অল্প সময় হইলে করুণায় আমার বক্ষ ব্যথিত হইয়া উঠিত—কিন্তু সে দিন স্বপ্নাবিষ্টের মত আমি ঘুরিয়া ঘুরিয়া বেড়াইতেছিলাম—খুঁজিতেছিলাম কোথায় আছে কেশরলাল,—সেই একমাত্র লক্ষ্য ছাড়া আর সমস্ত আমার নিকট অলীক বোধ হইতেছিল।

খুঁজিতে খুঁজিতে রাত্রি দ্বিপ্রহরে উজ্জল চন্দ্রালোকে দেখিতে পাইলাম, রণক্ষেত্রের অদূরে যমুনাতীরের আশ্রয়স্থানে কেশরলাল এবং তাঁহার ভক্তভৃত্য দেওকি-নন্দনের মৃতদেহ পড়িয়া আছে। বৃত্তিতে পারিলাম সাংঘাতক আহত অবস্থায়, হয় প্রভু ভৃত্যকে অথবা ভৃত্য প্রভুকে রণক্ষেত্র হইতে এই নিরাপদ স্থানে বহন করিয়া আনিয়া শাস্তিতে মৃত্যুহস্তে আত্মসমর্পণ করিয়াছে।

প্রথমেই আমি আমার বহুদিনের বুদ্ধিক্ষিত ভক্তিরতির চরিতার্থতা সাধন করিলাম। কেশরলালের পদতলে লুষ্ঠিত হইয়া পড়িয়া আমার আজ্ঞাবিলম্বিত কেশজাল উন্মুক্ত করিয়া দিয়া বারংবার তাঁহার পদধূলি মুছিয়া লইলাম—আমার উত্তপ্ত ললাটে তাঁহার হিমশীতল পাদ-পদ্ম তুলিয়া লইলাম, তাঁহার চরণ চুষন করিবার

মাত্র বহুদিবসের নিরুদ্ধ অশ্রুবাশি উচ্ছ্বসিত উদ্বেলিত হইয়া উঠিল।

এমন সময়ে কেশরলালের দেহ বিচলিত হইল—এবং সহসা তাঁহার মুখ হইতে বেদনার অক্ষুট আর্তস্বর শুনিয়া আমি তাঁহার চরণ-তল ছাড়িয়া চমকিয়া উঠিলাম—শুনিলাম, নিম্নলিখিত নেত্রে গুরু কণ্ঠে একবার বলিলেন “জল।”

আমি তৎক্ষণাৎ আমার গাত্রবস্ত্র যমুনার জলে ভিজাইয়া ছুটিয়া চলিয়া আসিলাম। বসন নিংড়াইয়া কেশরলালের আমীলিত গুণ্ঠাধরের মধ্যে জল দিতে লাগিলাম, এবং বাম চক্ষু নষ্ট করিয়া তাঁহার কপালে যে নিদারুণ আঘাত লাগিয়াছিল সেই আহত স্থানে আমার সিক্ত বসনপ্রান্ত ছিঁড়িয়া বাধিয়া দিলাম।

এমনি বারকতক যমুনা হইতে জল আনিয়া তাঁহার মুখে চক্ষে সিঞ্জন করার পর অল্পে অল্পে চেতনার সঞ্চার হইল। আমি জিজ্ঞাসা করিলাম, আর জল দিব? কেশরলাল কহিলেন, কে তুমি? আমি আর থাকিতে পারিলাম না—বলিলাম, অধীনা আপনার ভক্ত-সেবিকা। আমি নবাব গোলাম কাদের খাঁর কস্তা।—মনে করিয়াছিলাম, কেশরলাল আসন্ন মৃত্যু কালে তাঁহার ভক্তের শেষ পরিচয় সঙ্গ করিয়া লইয়া যাইবেন, এ সুখ হইতে আমাকে কেহ বঞ্চিত করিতে পারিবে না।

আমার পরিচয় পাইবামাত্র কেশরলাল সিংহের জায় গর্জন করিয়া উঠিয়া বলিলেন—“বেইমানের কস্তা, বিধব্দী! মৃত্যুকালে যবনের জল দিয়া তুই আমার ধর্ম নষ্ট করিলি!”

এই বলিয়া প্রবল বলে আমার কপোল-দেশে দক্ষিণ করতলের আঘাত করিলেন—

আমি মুর্ছিতপ্রায় হইয়া চক্ষে অন্ধকার দেখিতে লাগিলাম।

তখন আমি ষোড়শী—প্রথম দিন অন্তঃপুর হইতে বাহিরে আসিয়াছি—তখনো বাহিরা-কাশের লুদ্ধ তপ্ত সূর্য্যকর আমার স্কুমার কপোলের রক্তিম লাবণ্যবিভা অপহরণ করিয়া লয় নাই—সেই বহিঃসংসারে পদক্ষেপ করিবা-মাত্র সংসারের নিকট হইতে আমার সংসারের দেবতার নিকট হইতে এই প্রথম সম্ভাষণ প্রাপ্ত হইলাম।

আমি নির্দীপিত-সিগারেট এতক্ষণ মোহ-মুগ্ধ চিত্তার্পিতের জায় বসিয়াছিলাম। গল্প শুনিতেছিলাম, কি, ভাষা শুনিতেছিলাম, কি, সঙ্গীত শুনিতেছিলাম জানি না—আমার মুখে একটি কথা ছিল না। এতক্ষণ পরে আমি আর থাকিতে পারিলাম না—হঠাৎ বলিয়া উঠিলাম—জানোয়ার।

নবাবজাদী কহিলেন—কে জানোয়ার! জানোয়ার কি মৃত্যুযন্ত্রণার সময় মুখের নিকট সমাহৃত জলবিন্দু পরিত্যাগ করে!

আমি অপ্রতিভ হইয়া কহিলাম—তা বটে। সে দেবতা। নবাবজাদী কহিলেন—কিসের দেবতা! দেবতা কি ভক্তের একাগ্র চিন্তের সেবা প্রত্যাখ্যান করিতে পারে!

আমি বলিলাম—তাও বটে! বলিয়া চূপ করিয়া গেলাম। নবাবপুত্রী কহিতে লাগিলেন—প্রথমটা আমার বড় বিষম বাজিল। মনে হইল সমস্ত বিশ্বজগৎ হঠাৎ আমার মাথার উপর চুরমার হইয়া ভাঙ্গিয়া পড়িয়া গেল। মুহূর্তের মধ্যে সংজ্ঞা লাভ করিয়া সেই কঠোর কঠিন নিষ্ঠুর নির্বিকার পবিত্র বীর ব্রাহ্মণের পদতলে দূর হইতে প্রণাম করিলাম—মনে মনে কহিলাম—হে ব্রাহ্মণ, তুমি হীনের সেবা, পরের অন্ন, ধনীর দান,

যুবতীর যৌবন, রমণীর প্রেম কিছুই গ্রহণ কর না ; তুমি স্বতন্ত্র, তুমি একাকী, তুমি নির্গুণ, তুমি সুদূর তোমার নিকট আত্মসমর্পণ করিবার অধিকারও আমার নাই !

নবাব-হুহিতাকে ভুলুটিত মস্তকে প্রণাম করিতে দেখিয়া কেশরলাল কি মনে করিল বলিতে পারি না—কিন্তু তাহার মুখে বিস্ময় অথবা কোন ভাবান্তর প্রকাশ পাইল না। শাস্ত্র-ভাবে একবার আমার মুখের দিকে চাহিল,— তাহার পরে ধীরে ধীরে উঠিল। আমি সচকিত হইয়া আশ্রয় দিবার জন্ত আমার হস্তপ্রসারণ করিলাম—সে তাহা নীরবে প্রত্যাহান করিল—এবং বহুকষ্টে যমুনার ঘাটে গিয়া অবতীর্ণ হইল। সেখানে একটি খেয়া নৌকা বাধা ছিল পার হইবার লোকও ছিল না, পার করিবার লোকও ছিল না। সেই নৌকার উপর উঠিয়া কেশরলাল বাধন খুলিয়া দিল—নৌকা দেখিতে দেখিতে মধ্য শ্রোতে গিয়া ক্রমশঃ অদৃশ্য হইয়া গেল—আমার ইচ্ছা হইতে লাগিল, সমস্ত হৃদয়ভার, সমস্ত যৌবনভার, সমস্ত অনাদৃত ভক্তিতার লইয়া সেই অদৃশ্য নৌকার অভিমুখে ষোড়কর করিয়া সেই নিস্তরু নিশীথে সেই চন্দ্রালোক-পুলকিত নিস্তরু যমুনার মধ্যে অকালবৃষ্টিচ্যুত পুষ্পমঞ্জরীর স্তায় এই ব্যর্থ জীবন বিসর্জন করি।

কিন্তু পারিলাম না। আকাশের চন্দ্র, যমুনাপারের ঘনকুম্ব বনরেখা, কালিন্দীর নিবিড় নীল নিষ্কম্প জলরাশি, দূরে আত্মবনের উর্দ্ধে আমাদের জ্যোৎস্নাচিকণ কেবল চূড়াগ্র-ভাগ সকলেই নিঃশব্দগম্ভীর ঐকতানে মৃত্যুর গান গাহিল ;—সেই নিশীথে গ্রহচন্দ্রতারা-খচিত নিস্তরু তিন ভুবন আমাকে একবাক্যে মূরিতে কহিল। কেবল বীচিভঙ্গবিহীন প্রশান্ত যমুনাবকোবাহিত একখানি অদৃশ্য জীর্ণ নৌকা

সেই জ্যোৎস্নারজনীর সৌম্য সুন্দর শান্ত শীতল অনন্ত ভুবনমোহন মৃত্যুর প্রসারিত আলিঙ্গন-পাশ হইতে বিচ্ছিন্ন করিয়া আমাকে জীবনের পথে টানিয়া লইয়া চলিল। আমি মোহনপ্রাভি-হতার স্তায় যমুনার তীরে তীরে কোথাও বা কাশবন কোথাও বা মরুবালুকা কোথাও বা বন্ধুর বিদীর্ণ তট, কোথাও বা ঘনশুষ্কদুর্গম বনখণ্ডের ভিতর দিয়া চলিতে লাগিলাম।

এইখানে বজ্রা চূপ করিল। আমিও কোন কথা কহিলাম না।

অনেকক্ষণ পরে নবাবহুহিতা কহিল—ইহার পরে ঘটনাবলী বড় জটিল। সে কেমন করিয়া বিশ্লেষ করিয়া পরিষ্কার করিয়া বলিব জানি না। একটা গহন অরণ্যের মাঝখান দিয়া যাত্রা করিয়াছিলাম, ঠিক কোন্ পথ দিয়া কখন চলিয়া-ছিলাম সে কি আর খুঁজিয়া বাহির করিতে পারি !—কোথায় আরম্ভ করিব, কোথায় শেষ করিব, কোন্টা ত্যাগ করিব, কোন্টা রাখিব, সমস্ত কাহিনীকে কি উপায়ে এমন স্পষ্ট প্রত্যক্ষ করিয়া তুলিব যাহাতে কিছুই অসাধ্য অসম্ভব অপ্রকৃত বোধ না হয় !

কিন্তু জীবনের এই কয়টা দিনে ইহা বুঝিয়াছি যে, অসাধ্য অসম্ভব কিছুই নাই। নবাব-অস্তঃপুরের বালিকার পক্ষে বাহিরের সংসার একান্ত দুর্গম বলিয়া মনে হইতে পারে—কিন্তু তাহা কাল্পনিক ;—একবার বাহির হইয়া পড়িলে একটা চলিবার পথ থাকেই। সে পথ নবাবী পথ নহে, কিন্তু পথ—সে পথে মানুষ চিরকাল চলিয়া আসিয়াছে—তাহা বন্ধুর বিচিত্র সীমা-হীন, তাহা শাখা প্রশাখায় বিভক্ত, তাহা সুখে দুঃখে বাধা বিয়ে জটিল, কিন্তু তাহা পথ।

এই সাধারণ মানবের পথে একাকিনী নবাব-হুহিতার সুদীর্ঘ ভ্রমণবৃত্তান্ত সুখশ্রাব্য হইবে না—হইলেও সে সব কথা বলিবার উৎসাহ

আমার নাই। এক কথায়, হুঃখ কষ্ট বিপদ অবমাননা অনেক ভোগ করিতে হইয়াছে, তবু জীবন অসহ হয় নাই। আতসবাজির মত যত দাহন ততই উদ্দাম গতি লাভ করিয়াছি। যতক্ষণ বেগে চলিয়াছিলাম ততক্ষণ পুড়িতেছি বলিয়া বোধ ছিল না—আজ হঠাৎ সেই পরম হুঃখের সেই চরম সুখের আলোক-শিখাটি নিবিয়া গিয়া এই পথপ্রান্তের ধুলির উপর জড় পদার্থের স্তায় পড়িয়া গিয়াছি—আজ আমার যাত্রা শেষ হইয়া গেছে, এইখানেই আমার কাহিনী সমাপ্ত।

এই বলিয়া নবাবপুত্রী ধামিল। আমি মনে মনে ঘাড় নাড়িলাম; এখানে ত কোন মতেই শেষ হয় না। কিছুক্ষণ চুপ করিয়া থাকিয়া ভাঙ্গা হিন্দীতে বলিলাম—বেয়াদবি মাপ করিবেন, শেষ দিককার কথাটা আর অল্প একটু খোলসা করিয়া বলিলে অধীনের মনের ব্যাকুলতা অনেকটা হ্রাস হয়।

নবাবপুত্রী হাসিলেন। বুঝিলাম আমার ভাঙ্গা হিন্দীতে ঝল হইয়াছে। যদি আমি পাষ হিন্দীতে বাৎ চালাইতে পারিতাম তাহা হইলে আমার কাছে তাঁহার লজ্জা ভাঙিত না কিন্তু আমি যে তাঁহার মাতৃভাষা অতি অল্পই জানি সেইটেই আমাদের উভয়ের মধ্যে বৃহৎ ব্যবধান—সেইটেই একটা আক্রমণ।

তিনি পুনরায় আরম্ভ করিলেন—কেশরলালের সংবাদ আমি প্রায়ই পাইতাম কিন্তু কোন মতেই তাঁহার শকাৎ লাভ করিতে পারি নাই। তিনি ঠাতিয়াটোপির দলে মিশিয়া সেই বিপ্লবাজির আকাশতলে অকস্মাৎ কখনো পূর্বে, কখনো পশ্চিমে, কখনো ঈশানে, কখনো নৈঋতে বস্ত্রপাতের মত মুহূর্তের মধ্যে ভাঙিয়া পড়িয়া মুহূর্তের মধ্যে অদৃশ হইতেছিলেন।

আমি তখন যোগিনী সাজিয়া কাশীর শিবানন্দ স্বামীকে পিতৃসম্বোধন করিয়া তাঁহার নিকট সংস্কৃত শাস্ত্র অধ্যয়ন করিতেছিলাম। ভারতবর্ষের সমস্ত সংবাদ তাঁহার পদতলে আসিয়া সমাগত হইত—আমি ভক্তিভরে শাস্ত্রশিক্ষা করিতাম এবং মর্মান্তিক উদ্বেগের সহিত যুদ্ধের সংবাদ সংগ্রহ করিতাম।

ক্রমে ব্রিটিশরাজ হিন্দুস্থানের বিজোহবহু পদতলে দলন কারয়া নিবাইয়া দিল। তখন সহসা কেশরলালের সংবাদ আর পাওয়া গেল না। ভীষণ প্রলয়ালোকের রক্তরাশিতে ভারতবর্ষের দূর দূরান্তর হইতে যে সকল বীরমুষ্টি ক্ষণে ক্ষণে দেখা যাইতেছিল, হঠাৎ তাহারা অন্ধকারে পড়িয়া গেল।

তখন আমি অ'র থাকিতে পারিলাম না গুরুর আশ্রয় ছাড়িয়া ভৈরবীবেশে আবার বাহির হইয়া পড়িলাম। পথে পথে তীর্থে তীর্থে মঠে মন্দিরে ভ্রমণ করিয়াছি কোথাও কেশরলালের কোন সন্ধান পাই নাই। হুই একজন, যাহারা তাহার নাম জানিত, কহিল, সে, হয় যুদ্ধে নয় রাজদণ্ডে মৃত্যু লাভ করিয়াছে। আমার অন্তরাখ্যা কহিল কখনো নহে, কেশরলালের মৃত্যু নাই, সেই ব্রাহ্মণ সেই হুঃসহ জলদগ্নি কখনো নির্কারণ পায় নাই, আমার আত্মাহুতি গ্রহণ করিবার জন্ত সে এখনো কোন্ হুর্গম নির্জন যজ্ঞবেদীতে উর্দ্ধশিখা হইয়া জলিতেছে।

হিন্দুশাস্ত্রে আছে জ্ঞানের দ্বারা তপস্যার দ্বারা শূদ্র ব্রাহ্মণ হইয়াছে—মুসলমান ব্রাহ্মণ হইতে পারে কি না সে কথার কোন উল্লেখ নাই—তাহার একমাত্র কারণ, তখন মুসলমান ছিল না। আমি জানিতাম কেশরলালের সহিত আমার মিলনের বহু বিলম্ব আছে,—কারণ, তৎপূর্বে আমাকে ব্রাহ্মণ হইতে হইবে।

একে একে ত্রিশ বৎসর উত্তীর্ণ হইল। আমি অন্তরে বাহিরে আচারে ব্যবহারে কায়মনো-বাক্যে ব্রাহ্মণ হইলাম, আমার সেই ব্রাহ্মণ পিতামহীর রক্ত নিষ্কলুষতেজে আমার সর্বাঙ্গে প্রবাহিত হইল, আমি মনে মনে আমার সেই যৌবনারম্ভের প্রথম ব্রাহ্মণ, আমার যৌবন-শেষের শেষ ব্রাহ্মণ, আমার ত্রিভুবনের এক ব্রাহ্মণের পদতলে সম্পূর্ণ নিঃসঙ্কেচে আপনাকে প্রতিষ্ঠিত করিয়া একটি অপক্লপ দীপ্তিলাভ করিলাম।

যুদ্ধবিপ্লবের মধ্যে কেশরলালের বীরত্বের কথা আমি অনেক শুনিয়াছি—কিন্তু সে কথা আমার হৃদয়ে মুদ্রিত হয় নাই। আমি সেই যে দেখিয়াছিলাম নিঃশব্দে জ্যোৎস্নানিশীথে নিস্তব্ধ যমুনার মধ্যস্রোতে একখানি ক্ষুদ্র নৌকার মধ্যে একাকী কেশরলাল ভাসিয়া চলিয়াছে, সেই চিত্রই আমার মনে অঙ্কিত হইয়া আছে। আমি কেবল অহরহ দেখিতেছিলাম—ব্রাহ্মণ নির্জ্বল স্রোত বাহিয়া নিশিদিন কোন্ অনির্দেশ মহা বহুস্তাভিমুখে ধাবিত হইতেছে—তাহার কোন সম্বন্ধ নাই, সেবক নাই, কাহাকেও তাহার কোন আবশ্যক নাই, সেই নির্মল আত্মনিমগ্ন পুরুষ আপনাতে আপনি সম্পূর্ণ;—আকাশের গ্রহচন্দ্রতারা তাহাকে নিঃশব্দে নিরীক্ষণ করিতেছে।

এমন সময় সংবাদ পাইলাম কেশরলাল রাজদণ্ড হইতে পলায়ন করিয়া নেপালে আশ্রয় লইয়াছে। আমি নেপালে গেলাম। সেখানে দীর্ঘকাল বাস করিয়া সংবাদ পাইলাম—কেশরলাল বহুকাল হইল নেপাল ত্যাগ করিয়া কোথায় চলিয়া গিয়াছে কেহ জানে না।

তাহার পর হইতে পাহাড়ে পাহাড়ে ভ্রমণ করিতেছি। এ হিন্দুর দেশ নহে—ভূট্টিয়া লেপচারণ স্নেহ—ইহাদের আচার ব্যবহারে

আচার, বচার নাই—ইহাদের দেবতা ইহাদের পূজার্চনাবিধি সকলি স্বতন্ত্র;—বহুদিনের সাধনায় আমি যে বিস্তৃত শুচিলাভ করিয়াছি ভয় হইতে লাগিল পাছে তাহাতে রেখামাত্র চিহ্ন পড়ে। আমি বহু চেষ্টায় আপনাকে সর্বপ্রকার মলিন সংস্পর্শ হইতে রক্ষা করিয়া চলিতে লাগিলাম। আমি জানিতাম আমার তরী তীরে আসিয়া পৌছিয়াছে, আমার জীবনের চরমতীর্থ অনতিদূরে।

তাহার পরে আর কি বলিব! শেষ কথা অতি স্বল্প। প্রদীপ যখন নেবে তখন একটি ফুৎকারেই নিবিয়া যায়—সে কথা আর স্মরণ করিয়া কি ব্যাখ্যা করিব।

আটত্রিশ বৎসর পরে এই দার্জিলিঙ্গে আসিয়া আজ প্রাতঃকালে কেশরলালের দেখা পাইয়াছি।

বক্তাকে এইখানে দ্বন্দ্ব হইতে দেখিয়া আমি গুৎস্কোর সহিত জিজ্ঞাসা করিলাম—কি দেখিলেন?

নবাবপুত্রী কহিলেন, দেখিলাম বৃদ্ধ কেশরলাল ভূট্টিয়া পল্লীতে ভূট্টিয়া স্ত্রী এবং তাহার গর্ভজাত পৌত্র পৌত্রী লইয়া ম্লান বস্ত্রে মলিন অঙ্গনে ভুট্টা হইতে শস্ত সংগ্রহ করিতেছে।

গল্প শেষ হইল। আমি ভাবিলাম একটা সাস্থনার কথা বলা আবশ্যক। কহিলাম—আটত্রিশ বৎসর একাদিক্রমে যাহাকে প্রাণভয়ে বিজাতীয়ের সংশ্রবে অহরহ থাকিতে হইয়াছে সে কেমন করিয়া আপন আচার রক্ষা করিবে।

নবাব-কস্তা কহিলেন—আমি কি তাহা বুঝি না? কিন্তু এতদিন আমি কি মোহ লইয়া ফিরিতেছিলাম? যে ব্রাহ্মণ্য আমার কিশোর হৃদয় হরণ করিয়া লইয়াছিল আমি কি জানিতাম তাহা অভ্যাস তাহা সংস্কার মাত্র? আমি জানিতাম তাহা ধর্ম, তাহা অনাদি

অনন্ত । তাহাই যদি না হইবে তবে যোল বৎসর বয়সে প্রথম পিতৃগৃহ হইতে বাহির হইয়া সেই জ্যোৎস্না-নিশীথে আমার বিকশিত পুষ্পিত ভক্তিবৈগকম্পিত দেহমনপ্রাণের প্রতিদানে ব্রাহ্মণের দক্ষিণ হস্ত হইতে যে ছঃসহ অপমান প্রাপ্ত হইয়াছিলাম, কেন তাহা গুরুহস্তের দীক্ষার স্মার নিঃশব্দে অবনত মস্তকে দ্বিগুণিত ভক্তিভরে শিরোধার্য্য করিয়া লইয়াছিলাম? হায় ব্রাহ্মণ, তুমিত তোমার এক অভ্যাসের পরিবর্তে আর এক অভ্যাস লাভ করিয়াছ আমি আমার এক ঘোবন এক জীবনের পরিবর্তে আর এক জীবন ঘোবন কোথায় ফিরিয়া পাইব ?

এই বলিয়া রমণী উঠিয়া দাঁড়াইয়া কহিল, নমস্কার বাবুজি !—

মুহূর্ত্তপরেই যেন সংশোধন করিয়া কহিল—সেলাম বাবু সাহেব ! এই মুসলমান অভিবাদনের দ্বারা সে যেন জীর্ণভিত্তি ধূলিশায়ী ওগ্ন ব্রহ্মণ্যের নিকট শেষ বিদায় গ্রহণ করিল । আমি কোন কথা বলিতে না বলিতেই সে সেই হিমাঙ্গি শিখরের ধূসর কুঞ্জাটিকা রাশির মধ্যে মেঘের মত মিলাইয়া গেল ।

আমি ক্ষণকাল চক্ষু মুদ্রিত করিয়া সমস্ত ঘটনাবলী মানসপটে চিত্রিত দেখিতে লাগিলাম । মছলন্দের আসনে যমুনাভীরের গবাক্ষে স্থাসীনা ষোড়শী নবাব-বালিকাকে দেখিলাম, তীর্থমন্দিরে সন্ধ্যারতিকালে তপস্বিনীর ভক্তিগদগদ একাগ্র মূর্ত্তি দেখিলাম—তাহার পরে এই দার্জিলিঙ্গে ক্যাল্কাটা রোডের প্রান্তে প্রবীণার কুহেলিনাচ্ছন্ন ভগ্ন-হৃদয়ভারকাতর নৈরাশ্র মূর্ত্তিও দেখিলাম—একটি স্কুমার রমণী-দেহে ব্রাহ্মণ-মুসলমানের বক্তৃত্তরঙ্গের বিপরীত সংঘর্ষ-জ্বলিত বিচিত্র ব্যাকুল সঙ্গীতধ্বনি স্নন্দর স্তম্ভপূর্ণ উদ্গু ভাষায়

বিগলিত হইয়া আমার মস্তিষ্কের মধ্যে স্পন্দিত হইতে লাগিল ।

চক্ষু খুলিয়া দেখিলাম, হঠাৎ মেঘ কাটিয়া গিয়া স্নিগ্ধ রোদ্রে নিম্নল আকাশ বল বল করিতেছে—ঠেলা গাড়িতে ইংরাজরমণী ও অশ্বপৃষ্ঠে ইংরাজ পুরুষগণ বায়ুসেবনে বাহির হইয়াছে—মধ্যে মধ্যে ছই একটি বাঙ্গালীর গলাবন্ধবিজড়িত মুখমণ্ডল হইতে আমার প্রতি সকৌতুক কটাক্ষ বর্ষিত হইতেছে ।

দ্রুত উঠিয়া পড়িলাম—এই সূর্যালোকিত অনাবৃত জগৎদৃশ্যের মধ্যে সেই মেঘাচ্ছন্ন কাহিনীকে আর সত্য বলিয়া মনে হইল না । আমার বিশ্বাস আমি পর্কতের কুয়াশার সহিত আমার সিগারেটের ধূম্র ভূরি পরিমাণে মিশ্রিত করিয়া একটি কল্পনাধণ্ড রচনা করিয়াছিলাম, সেই মুসলমানব্রাহ্মণী সেই বিপ্রবীর, সেই যমুনাভীরের কেলা কিছুই সত্য নহে ।



প্রতিবেশিনী ।

আমার প্রতিবেশিনী বালবিধবা । যেন শরতের শিশিরাশ্রুপ্লুত শেফালিকার মত বৃন্ত-চ্যুত,—কোন বাসরগৃহের ফুলশয্যার জন্ত সে নহে, সে কেবল দেবপূজার জন্তই উৎসর্গ করা ।

তাহাকে আমি মনে মনে পূজা করিতাম । তাহার প্রতি আমার মনের ভাবটা যে কি ছিল পূজা ছাড়া তাহা অস্ত কোন সহজ ভাষায় প্রকাশ করিতে ইচ্ছা করি না—পরের কাছে ত নয়ই, নিজের কাছেও না !

আমার অন্তরঙ্গ প্রিয়বন্ধু নবীনমাধব, সেও কিছু জানিত না। এইরূপে এই যে আমার গভীরতম আবেগটিকে গোপন করিয়া নির্মল করিয়া রাখিয়াছিলাম ইহাতে আমি কিছু গর্ব অনুভব করিতাম।

কিন্তু মনের বেগ পার্কৃতী নদীর মত, নিজের জন্মশয্যে আবদ্ধ হইয়া থাকিতে চাহে না। কোন একটা উপায়ে বাহির হইবার চেষ্টা করে। অকৃতকার্য হইলে বন্ধুর মধ্যে বেদনার সৃষ্টি করিতে থাকে। তাই ভাবিতে-ছিলাম, কবিতায় ভাব প্রকাশ করিব কিন্তু কুন্তিতা লেখনী কিছুতেই অগ্রসর হইতে চাহিল না।

পরমাশ্চর্যের বিষয় এই যে, ঠিক এই সময়েই আমার বন্ধু নবীনমাধবের অকস্মাৎ বিপুলবেগে কবিতা লিখিবার বোঁক আসিল; যেন হঠাৎ ভূমিকম্পের মত।

সে বেচারার এরূপ দৈববিপত্তি পূর্বে কখন হয় নাই; সুতরাং সে এই অভিনয় আন্দোলনের জন্ত লেশমাত্র প্রস্তুত ছিল না। তাহার হাতের কাছে ছন্দ মিল কিছুই যোগাড় ছিল না, তবু সে দমিল না দেখিয়া আশ্চর্য হইয়া গেলাম। কবিতা যেন বৃদ্ধ বয়সের দ্বিতীয় পক্ষের জ্বীর মত তাহাকে পাইয়া বসিল। নবীনমাধব ছন্দ মিল সম্বন্ধে সহায়তা ও সংশোধনের জন্ত আমার শরণাপন্ন হইল।

কাবতার বিষয়গুলি নূতন নহে; অথচ পুরাতনও নহে। অর্থাৎ তাহাকে চিরনূতনও বলা যায়, চিরপুরাতন বলিলেও চলে! প্রেমের কবিতা, প্রিয়তমার প্রতি। আমি তাহাকে একটা ঠেলা দিয়া হাসিয়া জিজ্ঞাসা করিলাম, কেহে, ইনি কে?

নবীন হাসিয়া কহিল—এখনো সন্ধান পাই নাই।

নবান রচয়িতার সহায়তাকার্য্যে আমি অত্যন্ত আরাম পাইলাম। নবীনের কাল্পনিক প্রিয়তমার প্রতি আমার রুদ্ধ আবেগ প্রয়োগ করিলাম। শাবকহীন মুগী যেমন হাঁসের ডিম পাইলেও বুক পাতিয়া তা' দিতে বসে, হতভাগ্য আমি তেমনি নবীনমাধবের ভাবের উপরে হৃদয়ের সমস্ত উত্তাপ দিয়া চাপিয়া বসিলাম। আনাড়ির লেখা এমনি প্রবল বেগে সংশোধন করিতে লাগিলাম যে প্রায় পনেরো আনা আমারি লেখা দাঁড়াইল।

নবীন বিশ্বৃত হইয়া বলে—ঠিক এই কথাই আমি বলিতে চাই কিন্তু বলিতে পারি না! অথচ তোমার এ সব ভাব যোগায় কোথা হইতে?

আমি কবির মত উত্তর করি—বলনা হইতে! কারণ, সত্য নীরস, বলনাই মুখরা। সত্যঘটনা ভাবশ্রোতকে পাথরের মত চাপিয়া থাকে, বলনাই তাহার পথ মুক্ত করিয়া দেয়।

নবীন গভীর মুখে একটুখানি ভাবিয়া কহিল, তাই ত দেখিতেছি! ঠিক বটে!—আবার খানিকক্ষণ ভাবিয়া বলিল—ঠিক ঠিক!

পূর্বেই বলিয়াছি আমার ভালবাসার মধ্যে একটি কাতর সঙ্কোচ ছিল, তাই নিজের জবানীতে কোনমতে লিখিতে পারিলাম না। নবীনকে পক্ষীর মধ্যে মাঝখানে রাখিয়া তবেই আমার লেখনী-মুখ খুলিতে পারিল। লেখা-গুলো যেন রসে ভরিয়া উত্তাপে ঝাটিয়া উঠিতে লাগিল।

নবীন বলিল, এত তোমারই লেখা! তোমারি নামে বাহির করি।

আমি কহিলাম, বিলক্ষণ! এ তোমারি

লেখা—আমি সামান্য একটু বদল করিয়াছি যাত্র ।

ক্রমে নবীনেরও সেইরূপ ধারণা জন্মিল !

জ্যোতির্বিদ যেমন নক্ষত্রোদয়ের অপেক্ষায় আকাশের দিকে তাকাইয়া থাকে, আমিও যে তেমনি মাঝে মাঝে আমাদের পাশের বাড়ির বাতায়নের দিকে চাহিয়া দেখিতাম সে কথা অস্বীকার করিতে পারি না। মাঝে মাঝে ভক্তের সেই ব্যাকুল দৃষ্টিক্ষেপ সার্থকও হইত। সেই কর্মযোগনিরতা ব্রহ্মচারিণীর সৌম্য মুখশ্রী হইতে শাস্ত্রনিষ্ঠ জ্যোতি প্রতিবিশ্বিত হইয়া মুহূর্তের মধ্যে আমার সমস্ত চিত্তক্ষেভ দমন করিয়া দিত।

কিন্তু সেদিন সহসা এ কি দেখিলাম! আমার চন্দ্রলোকেও কি এখনো অগ্ন্যুৎপাত আছে? সেখানকার জনশূন্য সমাধিময় গিরি-গুহার সমস্ত বহিদাহ এখনো সম্পূর্ণ নির্ঝাঁপ হইয়া যায় নাই কি?

সে দিন বৈশাখ মাসের অপরাজ্জ্বল ঈশান কোণে মেঘ ঘন হইয়া আসিতেছিল। সেই আসন্ন ঝঞ্ঝার মেঘবিচ্ছুরিত রুদ্ধদীপ্তিতে আমার প্রতিবেশিনী জানালায় একাকিনী দাঁড়াইয়াছিল। সে দিন তাহার শূন্যনিবিষ্ট ঘনকৃষ্ণ দৃষ্টির মধ্যে কি স্মদূর প্রসারিত নিবিড় বেদনা দেখিতে পাইলাম।

আছে, আমার ঐ চন্দ্রলোকে এখনো উত্তাপ আছে! এখনো সেখানে উষ্ণ নিশ্বাস সমীরিত! দেবতার জন্ত মানুষ্য নহে, মানুষ্যের জন্তই সে! তাহার সেই দুটি চক্ষুর বিশাল ব্যাকুলতা সেদিনকার সেই ঝড়ের আলোকে ব্যগ্র পাখীর মত উড়িয়া চলিয়াছিল। স্বর্গের দিকে মহে—মানব হৃদয়নীরের দিকে।

সেই উৎসুক আকাজকা-উদ্দীপ্ত দৃষ্টিপাতটি দেখার পর হইতে অশাস্ত চিত্তকে স্থস্থির করিয়া

রাখা আমার পক্ষে হুঃসাধ্য হইল। তখন কেবল পরের কাঁচা কথিতা সংশোধন করিয়া তৃপ্তি হয় না—একটা যে কোনপ্রকার কাজ করিবার জন্ত চঞ্চলতা জন্মিল।

তখন সংকল্প করিলাম, বাঙ্গালা দেশে বিধবা বিবাহ প্রচলিত করিবার জন্ত আমার সমস্ত চেষ্টা প্রয়োগ করিব। কেবল বক্তৃতা ও লেখা নহে, অর্থ সাহায্য করিতেও অগ্রসর হইলাম।

নবীন আমার সঙ্গে তর্ক করিতে লাগিল। সে বলিল—চিরবৈধব্যের মধ্যে একটি পবিত্র শাস্তি আছে, একাদশীর ক্ষীণ জ্যোৎস্নালোকিত সমাধিভূমির মত একটি বিরাট রমণীয়তা আছে; বিবাহের সম্ভাবনামাত্রই কি সেটা ভাঙ্গিয়া যায় না?

এসব কবিত্বের কথা শুনিলেই আমার রাগ হইত। হার্ভিক্ষে যে লোক জীর্ণ হইয়া মরি-তেছে তাহার কাছে আহারপুষ্ট লোক যদি খাওয়ার স্থূলত্বের প্রতি ঘৃণা প্রকাশ করিয়া ফুলের গন্ধ এবং পাখীর গান দিয়া মুমূর্ষুর পেট ভরাইতে চাহে তাহা হইলে সে কেমন হয়?

আমি রাগিয়া কহিলাম—দেখ নবীন, আটটি লোকে বলে, দৃশ্য হিসাবে পোড়ো বাড়ির বড় একটি সৌন্দর্য্য আছে। কিন্তু বাড়িটার কেবল ছবির হিসাবে দেখিলে চলে না, তাহাতে বাস করিতে হয়—অতএব আটটি যাহাই বলুন মেরামত আবশ্যিক। বৈধব্য লইয়া তুমি ত দূর হইতে দিব্য করিষ, করিতে চাও—কিন্তু তাহার মধ্যে একটি আকাজক্ষাপূর্ণ মানবহৃদয় আপনার বিচিত্র বেদনা লইয়া বাস করিতেছে সেটা স্মরণ রাখা কর্তব্য।

মনে করিয়াছিলাম নবীনমাথবকে কোন-মতেই দলে টানিতে পারিব না—সেদিন সেই-জন্তই কিছু অতিরিক্ত উদ্বার সহিত কথা

কহিয়াছিলাম। কিন্তু হঠাৎ দেখিলাম, আমার বক্তৃতা অবসানে নবীনমাধব একটিমাত্র গভীর-দীর্ঘনিশ্বাস ফেলিয়া আমার সমস্ত কথা মানিয়া লইল; বাকি আরও অনেক ভাল ভাল কথা বলিবার অবকাশই ছিল না।

সপ্তাহখানেক পরে নবীন আসিয়া কহিল, তুমি যদি সাহায্য কর আমি একটি বিধবাবিবাহ করিতে প্রস্তুত আছি।

এমনি খুসি হইলাম—নবীনকে বুকে টানিয়া কোলাকুলি করিলাম, কহিলাম যত টাকা লাগে আমি দিব। তখন নবীন তাহার ইতিহাস বলিল।

বুঝিলাম তাহার প্রিয়তমা কাল্পনিক নহে। কিছুকাল ধরিয়া একটি বিধবা নারীকে সে দূর হইতে ভাল বাসিত, কাহারও কাছে তাহা প্রকাশ করে নাই। যে মাসিকপত্রে নবীনের ওরফে আমার কবিতা বাহির হইত সেই পত্র-গুলি ষাণ্মাস্থানে গিয়া পৌঁছিত। কবিতাগুলি ব্যর্থ হয় নাই। বিনা সাক্ষাৎকারে চিত্ত আকর্ষণের এই এক উপায় আমার বন্ধু বাহির করিয়াছিলেন।

কিন্তু নবীন বলেন তিনি চক্রান্ত করিয়া এই সকল কৌশল অবলম্বন করেন নাই। এমন কি, তাঁহার বিশ্বাস ছিল বিধবা পড়িতে জানে না। বিধবার ভাইয়ের নামে কাগজগুলি বিনা স্বাক্ষরে বিনা মূল্যে পাঠাইয়া দিতেন। এ কেবল মনকে সান্ত্বনা দিবার একটা পাগ্লামী মাত্র। মনে হইত দেবতার উদ্দেশে পুষ্পাঞ্জলি দান করা গেল তিনি জাহ্নু বা না জাহ্নু, গ্রহণ করুন বা না নাই করুন।

নানা ছুতায় বিধবার ভাইয়ের সঙ্গে নবীন যে বন্ধুত্ব করিয়া লইয়াছিলেন নবীন বলেন তাহারও মধ্যে কোন উদ্দেশ্য ছিল না। যাহাকে

ভালবাসা যায় তাহার নিকটবর্তী আত্মীয়ের সঙ্গ মধুর বোধ হয়।

অবশেষে ভাইয়ের কঠিন পীড়া উপলক্ষে ভগিনীর সহিত কেমন করিয়া সাক্ষাৎ হয় সে সুদীর্ঘ কথা। কবির সহিত কবিতার অবলম্বিত বিষয়টির প্রত্যক্ষ পরিচয় হইয়া কবিতা সম্বন্ধে অনেক আলোচনা হইয়া গেছে। আলোচনা যে কেবল ছাপান কবিতা ক্রয়টির মধ্যেই বদ্ধ ছিল তাহাও নহে।

সম্প্রতি আমার সহিত তর্কে পরাস্ত হইয়া নবীন সেই বিধবার সহিত সাক্ষাৎ করিয়া বিবাহের প্রস্তাব করিয়া বসিয়াছে। প্রথমে কিছুতেই সম্মতি পায় নাই। নবীন তখন আমার মুখের সমস্ত যুক্তিগুলি প্রয়োগ করিয়া এবং তাহার সহিত নিজের চোখের দুই চাঁর ফোটা জল মিশাইয়া তাহাকে সম্পূর্ণ হার মানাইয়াছে। এখন বিধবার অভ্যন্তরিক পিসে কিছু টাকা চায়।

আমি বলিলাম—এখনি লও!

নবীন বলিল, তাহা ছাড়া বিবাহের পর প্রথম মাস পাঁচ ছয় বাবা নিশ্চয় আমার মাস হারা বন্ধ করিয়া দিবেন, তখনকার মত উদ্ভয়ের খরচ চালাইবার যোগাড় করিয়া দিতে হইবে। আমি কথাটি না কহিয়া চেক লিখিয়া দিলাম। বলিলাম—এখন তাঁহার নামটি বল। আমার সঙ্গে যখন কোন প্রতিযোগিতা নাই তখন পরিচয় দিতে ভয় করিও না, তোমার গা ছুঁইয়া শপথ করিতেছি আমি তাঁহার নামে কবিতা লিখিব না, এবং যদি লিখি তাঁহার ভাইকে না পাঠাইয়া তোমার কাছে পাঠাইয়া দিব।

নবীন কহিল—আরে, সে জন্ত আমি ভয় করি না। বিধবা বিবাহের লজ্জায় তিনি অত্যন্ত কাতর—তাই তোমাদের কাছে তাঁহার

স্বন্ধে আলোচনা করিতে তিনি অনেক করিয়া নিবেদন করিয়া দিয়াছিলেন। কিন্তু এখন আর চাকিয়া রাখা মিথ্যা।—তিনি তোমারই প্রতিবেশিনী, ১৯ নম্বরে থাকেন।

জংপিণ্ডটা যদি লোহার বয়লার হইত ত এক চমকে ধক্ করিয়া ফাটিয়া যাইত। জিজ্ঞাসা করিলাম, বিধবা বিবাহে তাঁহার অমত নাই ?


নবীন হাসিয়া কহিল, সম্প্রতি ত নাই !

আমি কহিলাম—কেবল কবিতা পড়িয়াই তিনি মুগ্ধ ?

নবীন কহিল—কেন, আমার সেই কবিতা-গুলি ত মন্দ হয় নাই ?

আমি মনে মনে কহিলাম—ধিক্ !

ধিক্ কাহাকে ? তাঁহাকে, না আমাকে, না বিধাতাকে ? কিন্তু ধিক্ !



ল্যাজা এবং মুড়া, রাছ এবং কেতু, পরস্পরের সঙ্গে আড়াআড়ি করিলে যেমন দেখিতে হইত এও ঠিক সেই রকম। প্রাচীন হালদার বংশ দুই খণ্ডে পৃথক্ হইয়া প্রকাণ্ড বসতবাড়ির মাঝখানে এক ভিত্তি তুলিয়া পরস্পর পিঠাপিঠি করিয়া বসিয়া আছে, কেহ কাহারো মুখদর্শন করে না।

নবগোপালের ছেলে নলিন্ এবং ননী-গোপালের ছেলে নন্দ একবংশজাত, একবয়সী, এক স্কুলে যায় এবং পরিবারিক বিবেচ্য ও রেবারেঘিতেও উভয়ের মধ্যে সম্পূর্ণ ঐক্য

নলিনের বাপ নবগোপাল অত্যন্ত কড়া

লোক। ছেলেকে হাঁপ ছাড়িতে দিতেন না, পড়াশুনা ছাড়া আর কথা ছিল না। খেলা, খাণ্ড ও সাজসজ্জা স্বন্ধে ছেলের সর্বপ্রকার সখ্ তিনি খাতাপত্র ও ইস্কুলবইয়ের নীচে চাপিয়া রাখিয়াছিলেন।

নন্দর বাপ ননীগোপালের শাসনপ্রণালী অত্যন্ত শিথিল ছিল। মা তাহাকে অত্যন্ত ফিট্কাট করিয়া সাজাইয়া ইস্কুলে পাঠাইতেন, আনা তিনেক জলপানীও সঙ্গে দিতেন ; নন্দ ভাজা মসলা ও কুল্পির বরফ, লাঠিম ও মার্কেল-গুলিকা ইচ্ছামত ভোগবিতরণের দ্বারা যশস্বী হইয়া উঠিয়াছিল।

মনে মনে পরাভব অনুভব করিয়া নলিন কেবলি ভাবিত নন্দর বাবা যদি আমার বাবা হইত এবং আমার বাবা যদি নন্দর পিতৃস্থান অধিকার করিত তাহা হইলে নন্দকে মজা দেখাইয়া দিতাম।

কিন্তু সেরূপ সুযোগ ঘটিবার পূর্বে ইতিমধ্যে নন্দ বৎসরে বৎসরে প্রাইজ পাইতে লাগিল ; নলিন রিক্তহস্তে বাড়ি আসিয়া ইস্কুলের কর্তৃপক্ষদের নামে পক্ষপাতের অপবাদ দিতে লাগিল ! বাপ তাহাকে অস্ত্র স্কুলে দিলেন, বাড়িতে অস্ত্র মাষ্টার রাখিলেন, ঘুমের সময় হইতে এক ঘণ্টা কাটিয়া পড়ার সময়ে যোগ করিলেন, কিন্তু ফলের তারতম্য হইল না। নন্দ পাস্ করিতে করিতে বি, এ, উত্তীর্ণ হইয়া গেল, নলিন্ ফেল করিতে করিতে এণ্ট্রান্স ক্লাসে জ্যতিকলের ইজুরের মত আটকা পড়িয়া রহিল।

এমন সময় তাহার পিতা তাহার প্রতি দয়া করিলেন। তিনি মরিলেন। তিন বৎসর মেয়াদ খাটিয়া এণ্ট্রান্স ক্লাস হইতে তাহার মুক্তি হইল এবং স্বাধীন নলিন্ আংটি বোতাম বড়ির চেনে আন্তোপাস্ত ঝক্‌মক্

করিয়া নন্দকে নিরতিশয় নিশ্চিন্ত করিয়া দিবার চেষ্টা করিতে লাগিল। এন্ট্রেন্স ফেলের যুড়ি চৌধুরি, বি, এ-পাসের এক ঘোড়ার গাড়িকে অনায়াসে ছাড়াইয়া যাইতে লাগিল, বিশ্ববিদ্যালয়ের ডিক্রী, ওয়েলার ঘোড়ার সহিত সমান চালে চলিতে পারিল না।

এদিকে নলিন্ এবং নন্দর বিবাহের জন্ত পাত্রীর সন্ধান চলিতেছে। নলিনের প্রতিজ্ঞা সে এমন কন্তা বিবাহ করিবে যাহার উপমা মেলা ভার, তাহার যুড়ি এবং তাহার জীর কাছে নন্দকে হার মানিতেই হইবে।

সব-চেয়ে-ভালর জন্ত যাহার আকাঙ্ক্ষা, অনেক ভাল তাহাকে পরিত্যাগ করিতে হয়। কাছাকাছ কোন মেয়েকেই নলিন্ পছন্দ করিয়া খতম করিতে সাহস করিল না, পাছে আরো-ভাল তাহাকে ফাঁকি দিয়া আর কাহারো ভাগ্যে জ্বোটে।

অবশেষে খবর পাওয়া গেল রাওলপিণ্ডিতে এক প্রবাসী বাঙ্গালীর এক পরমাসুন্দরী মেয়ে আছে। কাছের সুন্দরীর চেয়ে দূরের সুন্দরীকে বেশী লোভনীয় মনে হয়। নলিন মাতিয়া উঠিল; খরচপত্র দিয়া কন্তাকে কলিকাতায় আনান হইল। কন্তাটি সুন্দরী বটে। নলিন্ কহিল, যিনি যাই করুন ফস করিয়া রাওলপিণ্ডি ছাড়াইয়া যাইবেন এমন সাধ্য কাহারও নাই। অন্ততঃ একথা কেহ বলিতে পারিবেন না যে, এ মেয়ে ত আমরা পূর্বেই দেখিয়া-ছিলাম, পছন্দ হয় নাই বলিয়া সম্বন্ধ করি নাই! কথাবার্তা ত শ্রীষ এক প্রকার স্থির, পাণপত্রের আয়োজন হইতেছে এমন সময় একদিন প্রাতে দেখা গেল ননীগোপালের বাড়ি হইতে বিচিত্র থালার উপর বিবিধ উপঢৌকন লইয়া দাসীচাকরের দল সার বাঁধিয়া চলিয়াছে।

নালিন্ কহিল, দেখে এস ত হে, ঝাপার থানা কি ?

খবর আসিল, নন্দর ভাবী বধুর জন্ত পাণপত্র যাইতেছে। নলিন্ তৎক্ষণাৎ গুড়গুড়ি টানা বন্ধ করিয়া সচকিত হইয়া উঠিয়া বসিল, বলিল, খবর নিতে হচ্ছে ত!

তৎক্ষণাৎ গাড়ি ভাড়া করিয়া ছড় ছড় শব্দে দূত ছুটিল। বিপিন হাজরা কিরিয়া আসিয়া কহিল, কলকাতার মেয়ে, কিন্তু খাসা মেয়ে।

নলিনের বুক দমিয়া গেল—কহিল, বল কি হে!

হাজরা কেবলমাত্র কহিল—খাসা মেয়ে।

নলিন্ বলিল, এ ত দেখতে হচ্ছে!

পারিষদ বলিল—সে আর শক্তটা কি!—বলিয়া তর্জনী ও অনুলে একটা কাল্পনিক টাকা বাজাইয়া দিল।

সুযোগ করিয়া নলিন্ মেয়ে দেখিল। যতই মনে হইল এ মেয়ে নন্দর জন্ত একেবারে স্থির হইয়া গেছে ততই বোধ হইতে লাগিল মেয়েটি রাওলপিণ্ডির চেয়ে ভাল দেখিতে। বিধিপীড়িত হইয়া নলিন্ পারিষদকে জিজ্ঞাসা করিল, কেমন ঠেক্চে হে।

হাজরা কহিল, আশ্চর্য আমাদের চোকে ত ভালই ঠেক্চে।

নলিন্ কহিল, সে ভাল কি, এ ভাল ?

হাজরা বলিল, এই ভাল।

তখন নলিনের বোধ হইল, ইহার চোখের পলক তাহার চেয়ে আরও একটু যেন ঘন; তাহার রংটা ইহার চেয়ে একটু যেন বেশী ফ্যাকাসে, ইহার গৌরবর্ণে একটু যেন হৃদে আভায় সোণা মিশাইয়াছে। ইহাকে ত হাত ছাড়া করা যায় না!

নলিন্ বিমর্ষভাবে চিৎ হইয়া গুড়গুড়ি

টানিতে টানিতে কহিল—ওহে হাজ্জরা কি করা যায় বল ত ?

হাজ্জরা বলিল, মহারাজ শক্তটা কি!— বলিয়া পুনশ্চ অন্তর্ভুক্ত তর্জনীতে কাল্পনিক টাকা বাজাইয়া দিল।

টাকাটা যখন সত্যই সশব্দে বাজিয়া উঠিল তখন যথোচিত ফল হইতে বিলম্ব হইল না। কস্তার পিতা একটা অকারণ ছুতা করিয়া বরের পিতার সহিত তুমুল ঝগড়া বাধাইলেন। বরের পিতা বলিলেন তোমার কস্তার সহিত আমার পুত্রের যদি বিবাহ দিই তবে ইত্যাদি ইত্যাদি।

কস্তার পিতা আরও একগুণ অধিক করিয়া বলিলেন তোমার পুত্রের সহিত আমার কস্তার যদি বিবাহ দিই তবে ইত্যাদি ইত্যাদি।

অতঃপর আর বিলম্ব মাত্র না করিয়া নলিন নন্দকে ফাঁকি দিয়া শুভলগ্নে শুভবিবাহ সত্বর সম্পন্ন করিয়া ফেলিল। এবং হাসিতে হাসিতে হাজ্জরাকে বলিল, “বিএ পাস করা ত একেই বলে! কি বল হে হাজ্জরা! এবারে আমাদের ওবাড়ির বড় বাবু ফেল!”

অনতিকাল পরেই নবগোপালের বাড়িতে একদিন ঢাক ঢোল সানাই বাজিয়া উঠিল। নন্দর গায়ে হলুদ।

নলিন কহিল ওহে হাজ্জরা, খবর লগত পাত্রীটিকে।

হাজ্জরা আসিয়া খবর দিল, পাত্রীটি সেই রাওলপিণ্ডির মেয়ে।

রাওলপিণ্ডির মেয়ে! হাঃ হাঃ হাঃ। নলিন অত্যন্ত হাসিতে লাগিল। ওবাড়ির বড় বাবু আর কস্তা পাইলেন না, আমাদেরই পরিত্যক্ত পাত্রীটিকে বিবাহ করিতেছেন। হাজ্জরাও বিস্তর হাসিল।

কিন্তু উত্তরোত্তর নলিনের হাসির আর

জোর রহিল না! তাহার হাসির মধ্যে কীট প্রবেশ করিল। একটি ক্ষুদ্র সংশয় তীক্ষ্ণস্বরে কাণে কাণে বলিতে লাগিল, আহা, হাতছাড়া হইয়া গেল! শেষকালে নন্দর কপালে জুটিল! ক্ষুদ্র সংশয় ক্রমশই রক্তক্ষীত জ্বাঁকের মত বড় হইয়া উঠিল—তাহার কণ্ঠ-স্বরও মোটা হইল। সে বলিল, এখন আর কোন মতেই ইহাকে পাওয়া যাইবে না, কিন্তু আসলে ইহাকেই দেখিতে ভাল! ভারি ঠকিয়াছ!

অস্তঃপুরে নলিন যখন খাইতে গেল তখন তাহার স্ত্রীর ছোট খাট সমস্ত খুৎ মস্ত হইয়া তাহাকে উপহাস করিতে লাগিল। মনে হইতে লাগিল স্ত্রীটা তাহাকে ভয়ানক ঠকাইয়াছে।

রাওলপিণ্ডিতে যখন সত্বর হইতেছিল তখন নলিন সেই কস্তার যে ফটো পাইয়াছিল সেইখানি বাহির করিয়া দেখিতে লাগিল। বাহবা অপরূপ রূপমাধুরী। এমন লক্ষ্মীকে হাতে পাইয়া ঠেলিয়াছি আমি এত বড় গাধা!

বিবাহ সন্ধ্যায় আলো জ্বালাইয়া বাজনা বাজাইয়া জুড়িতে চড়িয়া বর বাহির হইল। নলিন শুইয়া পড়িয়া গুড়গুড়ি হইতে যৎসামান্ত সাঙ্ঘনা আকর্ষণের নিষ্ফল চেষ্টা করিতেছে এমন সময় হাজ্জরা প্রসন্নবদনে হাসিতে হাসিতে আসিয়া নন্দকে লক্ষ্য করিয়া পরিহাস জমাইবার উপক্রম করিল!

নলিন হাঁকিল, দরোয়ান!

হাজ্জরা তটস্থ হইয়া দরোয়ানকে ডাকিয়া দিল!

বাবু হাজ্জরাকে দেখাইয়া দিয়া কহিল, অবহি ইকো কাণ পকড়কে বাহার নিকাল দো!

রবীন্দ্র গ্রন্থাবলী।

রঙ্গ চিত্র।

—:~::~—

চিরকুমার সভা।

প্রথম পরিচ্ছেদ।

অক্ষয়কুমারের শশুর হিন্দুসমাজে ছিলেন, কিন্তু তাঁহার চালচলন অত্যন্ত নব্য ছিল। মেয়েদের তিনি দীর্ঘকাল অবিবাহিত রাখিয়া লেখা পড়া শিখাইতে ছিলেন। লোকে আপত্তি করিলে বলিতেন আমরা কুলীন, আমাদের ঘরে ত চিরকালই এইরূপ প্রথা।

তাঁহার মৃত্যুর পর বিধবা জগত্তারিণীর ইচ্ছা, লেখা পড়া বন্ধ করিয়া মেয়েগুলির বিবাহ দিয়া নিশ্চিন্ত হন। কিন্তু তিনি টিলা প্রকৃতির জ্বীলোক, ইচ্ছা যাহা হয় তাহার উপায় অন্বেষণ করিয়া উঠিতে পারেন না। সময় যতই অতীত হইতে থাকে, আর পাঁচ জনের উপর দোষারোপ করিতে থাকেন।

জামাতা অক্ষয়কুমার পুরা নব্য। শালি-গুলিকে তিনি পাস করাইয়া নব্যসমাজের

খোলাখুলি মস্ত্রে দীক্ষিত করিতে ইচ্ছুক। সেক্রেটারিয়েটে তিনি বড় রকমের কাজ করেন, গরমের সময় তাঁহাকে সিমলা পাহাড়ে আপিস করিতে হয়, অনেক রাজঘরের দূত, বড় সাহেবের সহিত বোঝা পড়া করাইয়া দিবার জন্ত বিপদে আপদে তাঁহার হাতে পায়ে আসিয়া ধরে। এই সকল নানা কারণে শশুর বাড়িতে তাঁহার পসার বেশী। বিধবা শাশুড়ী তাঁহাকেই অনাথা পরিবারের অভিভাবক বলিয়া জ্ঞান করেন। শীতের কয়মাস শাশুড়ীর পীড়াপীড়িতে তিনি কলিকাতায় তাঁহার ধনী শশুর গৃহেই যাপন করেন। সেই কয়মাস তাঁহার শালীসমিতিতে উৎসব পড়িয়া যায়।

সেইরূপ কলিকাতা বাসের সময় একদা

ঈশ্বর বাড়িতে জ্বী পুরবালার সঙ্গে অক্ষয়-কুমারের নিম্নলিখিত মত কথাবার্তা হয় :—

পুরবালা। তোমার নিজের বোন হলে দেখ তুমি কেমন চুপ করে বসে থাকতে ! এত দিনে এক একটির তিনটি চারটি করে পাত্র জুটিয়ে আনতে ! ওরা আমার বোন কি না—

অক্ষয়। মানব চরিত্রের কিছুই তোমার কাছে লুকোনো নেই। নিজের বোনে এবং জ্বীর বোনে যে কত প্রভেদ তা এই কাঁচা বয়সেই বুঝে নিয়েছ ! তা ভাই ঈশ্বরের কোনও কল্পটিকেই পরের হাতে সমর্পণ করতে কিছুতেই মন সরে না—এ বিষয়ে আমার উদ্যোগের অভাব আছে তা স্বীকার করতে হবে।

পুরবালা সামান্য একটু রাগের মত ভাব করিয়া গম্ভীর হইয়া বলিল—দেখ তোমার সঙ্গে আমার একটা বন্দোবস্ত করতে হচ্ছে।

অক্ষয়। একটা চিরস্থায়ী বন্দোবস্ত ত মঙ্গ পড়ে' বিবাহের দিনেই হয়ে গেছে, আবার আর একটা !—

পুরবালা। ওগো, এটা তত ভয়ানক নয় ! এটা হয়ত তেমন অসহ না হতেও পারে।

অক্ষয় যাত্রার অধিকারীর মত হাত নাড়িয়া বলিল—সখি, তবে খুলে বল !—বলিয়া ঝিকিটে গান ধরিল—

কি জানি কি ভেবেছ মনে,
খুলে বল ললনে !

কি কথা হায় ভেসে যায়,
ঐ ছলছল নয়নে !

এইখানে বলা আবশ্যিক, অক্ষয়কুমার ঝোঁকের মাধ্যমে ছোটো চারটা লাইন গান মুখে মুখে বানাইয়া গাহিয়া দিতে পারিতেন। কিন্তু কখনই কোন গান রীতিমত সম্পূর্ণ করিতেন না। বন্ধুরা বিরক্ত হইয়া বলিতেন, তোমার

এমন অসামান্য ক্ষমতা কিন্তু গান গুলো শেষ কর না কেন ? অক্ষয় ফসু করিয়া তান ধরিয়া তাহার জবাব দিতেন—

সখা, শেষ করা কি ভালো ?
তেল ফুরোবার আগেই আমি
নিবিয়ে দেব আলো !

এইরূপ ব্যবহারে সকলেই বিরক্ত হইয়া বলে অক্ষয়কে কিছুতেই পারিয়া উঠা যায় না।

পুরবালাও ত্যক্ত হইয়া বলিলেন—ওস্তা-দজি থাম ! আমার প্রস্তাব এই যে, দিনের মধ্যে একটা সময় ঠিক কর যখন তোমার ঠাট্টা বন্ধ থাকবে,—যখন তোমার সঙ্গে ছোটো একটা কাজের কথা হতে পারবে !

অক্ষয়। গরীবের ছেলে, জ্বীকে কথা বলতে দিতে ভরসা হয় না, পাছে খপু করে বাজুবন্দ চেয়ে বসে ! (আবার গান)

পাছে চেয়ে বসে আমার মন,
আমি তাই ভয়ে ভয়ে থাকি,
পাছে চোখে চোখে পড়ে ঝাঁধা
আমি তাইত তুলিনে আখি !

পুরবালা। তবে যাও !

অক্ষয়। না, না, রাগারাগি না ! আচ্ছা যা বল তাই শুনব ! খাতায় নাম লিখিয়ে তোমার ঠাট্টানিবারিণা সভার সভ্য হব ! তোমার সামনে কোন রকমের বেয়াদবী করব না ! তা কি কথা হচ্ছিল ! শ্রালীদের বিবাহ ! উত্তম প্রস্তাব।

পুরবালা গম্ভীর বিষণ্ণ হইয়া কহিল—দেখ, এখন বাবা নেই। মা তোমার মুখ চেয়ে আছেন। তোমারি কথা শুনে এখনো তিনি বেশী বয়স পর্য্যন্ত মেয়েদের লেখা পড়া শেখাচ্ছেন। এখন যদি সংপত্র না জুটিয়ে দিতে পার তাহলে কি অন্ধ্য হবে ভেবে দেখ দেখি !

অক্ষয় দুর্লক্ষণ দেখিয়া পূর্বপেক্ষা কথঞ্চিৎ গভীর হইয়া কহিলেন—আমিত তোমাকে বলেইছি তোমরা কোন ভাবনা কোরো না। আমার শ্রালীপতিরা ভগবান্ প্রজাপতির বিশ্ব-বিজ্ঞানয়ে মানুষ হচ্চেন, বি, এ, ডিগ্রি নিতে আর বিলম্ব নেই।

পুরবালা। বিজ্ঞানয়টি কোথায় ?

অক্ষয়। যেখান থেকে আমি পাস করে তোমার মত ডিপ্লোমাটি পেয়েছি ! জানইত আমাদের সেই চিরকুমার সভা।

সভার নাম শুনিয়াই কাহারও বুদ্ধিতে বাকি নাই যে, সভাটি ছাত্রসভা—এবং সভারা প্রতিজ্ঞাবদ্ধ তাহার কখনও বিবাহ করিবে না।

পুরবালা সন্দেহ প্রকাশ করিয়া কহিল—প্রজাপতির সঙ্গে তাদের যে লড়াই।

অক্ষয়। দেবতার সঙ্গে লড়াই করে পারবে কেন ? তাঁকে কেবল চাটয়ে দেয় মাত্র ! সেই জন্তে ভগবান্ প্রজাপতির বিশেষ ঝোঁক ঐ সভাটার উৎসরেই। সরা-চাপা হাঁড়ির মধ্যে মাংস যেমন গুমে গুমে সিদ্ধ হতে থাকে—প্রতিজ্ঞার মধ্যে চাপা থেকে সভা-গুলিও একবারে হাড়ের কাছ পর্য্যন্ত নরম হয়ে উঠেছেন—দিব্যি বিবাহ-যোগ্য হয়ে এসেছেন—এখন পাতে দিলেই হয়। আমিও ত এককালে ঐ সভার সভাপতি ছিলাম !

আনন্দিতা পুরবালা বিজয়গর্বে জ্বং হাসিয়া জিজ্ঞাসা করিল—তোমার কি রকম দশাটা হয়েছিল !

অক্ষয়। সে আর কি বলিব ! প্রতিজ্ঞা ছিল স্ত্রীলিঙ্গ শব্দ পর্য্যন্ত মুখে উচ্চারণ করব না, কিন্তু শেষকালে এমনি হল যে, মনে হত ক্রীকৃষ্ণের গৌড়শ গোপনা যদি বা সম্প্রতি দুস্ত্রাপ্য হন অন্ততঃ মহাকালাীর চৌষটি হাজার ষোগিনীর সন্ধান পেলেও একবার পেট ভরে

প্রেমালাপটা করে নিই—ঠিক সেই সময়টাতেই তোমার সঙ্গে সাক্ষাৎ হল আর কি !

পুরবালা। চৌষটি হাজারের সখ মিটল ? অক্ষয়। সে আর তোমার মুখের সামনে বলব না ! জাঁক হবে। তবে ইসারায় বলতে পারি মা কাণী দয়া করেছেন বটে !—এই বলিয়া পুরবালার চিবুক ধরিয়া মুখটি একটু খানি তুলিয়া সকৌতুক স্নিগ্ধ প্রেমে একবার নিরীক্ষণ করিয়া দেখিলেন। পুরবালা কৃত্রিম কলহে মুখ সরাইয়া লইয়া কহিলেন—তবে আমিও বলি, বাবা ভোলানাথের নন্দী ভূঙ্গীর অভাব ছিল না, আমাকে বুদ্ধি তিনি দয়া করে-ছিলেন ?

অক্ষয়। তা হতে পারে, সেইজন্তই কার্তিকটি পেয়েছি !

পুরবালা। আবার ঠাট্টা শুরু হলো ?

অক্ষয়। কার্তিকের কথাটা বুদ্ধি ঠাট্টা ? গা ছুয়ে বল্চি ওটা আমার অন্তরের বিশ্বাস !

এমন সময়ে শৈলবালায় প্রবেশ। ইনি মেজ বোন। বিবাহের এক মাসের মধ্যে বিধবা। চুলগুলি ছোট করিয়া ছাঁটা বলিয়া ছেলের মত দেখিতে। ঠোঁটের কাছে একটু যেন বিবাদের ছায়া, কিন্তু চঞ্চল চোখ দুটি হাসিতেছে। সাজসজ্জার চেষ্টা মাত্র নাই। গরম হয় এবং ধোঁপার ব্যাপারে সময় যায় বলিয়া আজামুলস্থিত চুলগুলি ছাঁটিয়া নিশ্চিন্ত হইয়া আছে। সংস্কৃত ভাষায় অনার দিয়া বিঃ এ পাস করিবার জন্ত উৎসুক !

শৈল আসিয়া বলিল—মুখুষ্যে মশায়, এই-বার তোমার ছোট ছোট শ্রালীকে রক্ষা কর।

অক্ষয়। যদি অরক্ষণীয়া হয়ে থাকেন ত আমি আছি। ব্যাপারটা কি ?

শৈল। মার কাছে তাড়া খেয়ে রসিক ঘাদা কোথা থেকে এক ষোড়া কুলীনের ছেলে

এনে হাজির করেছেন, মা স্থির করেছেন
তাদের সঙ্গেই তাঁর ছই মেয়েদেবীর বিবাহ দেবেন।

অক্ষয় ওরে বাসরে! একেবারে বিয়ের
এপিডেমিক! প্লেগের মত! এক বাড়িতে এক
সঙ্গে ছই কন্তেকে আক্রমণ! ভয় হয় পাছে
আমাকেও ধরে।—বলিয়া কালাংড়ায় গান
ধরিয়া দিলেন—

আম বড় থাকি কাছাকাছি,
তাই সনা ভয়ে ভয়ে আছি!

নয়ন বচন কোথায় কখন বাজিলে বাঁচি না
বাঁচি!

শৈল। এই কি তোমার গান গাবার সময়
হলো?

অক্ষয়। কি করব ভাই! রহুনচৌকি
বাজাতে শিখিনি, তা হলে ধরতুম। বল কি,
শুভকর্ষ। ছই শ্রালীর উদ্বাহবন্ধন! কিন্তু এত
ভাড়াতাড়ি কেন?

শৈল। বৈশাখ মাসের পর আসূচে বছরে
অকাল পড়বে আর বিয়ের দিন নেই।

পুরবালা নিজের স্বামীট লইয়া সুখী এবং
তাহার বিশ্বাস যেমন করিয়া হোক জ্বীলোকের
একটা বিবাহ হইয়া গেলেই সুখের দশা। সে
মনে মনে খুসী হইয়া বলিল, তোরা আগে
থাকতে ভাবিসু কেন শৈল, পাত্র আগে দেখা
যাক্ত।

ঢিলা লোকদের স্বভাব এই যে, হঠাৎ
একদা অসময়ে তাহারা মন স্থির করে, তখন
ভাল মন্দ বিচার করিবার পরিশ্রম স্বীকার না
করিয়া একদমে পূর্ককার সুদীর্ঘ শৈথিল্য সারিয়া
লইতে চেষ্টা করে। তখন কিছুতেই তাহাদের
আর এক মুহূর্ত্ত সবুর সম্ব না। কর্ত্রী ঠাকুরাণীর
সেইরূপ অবস্থা! তিনি আসিয়া বলিলেন,
বাবা অক্ষয়!

অক্ষয়। কি মা!

জগৎ। তোমার কথা শুনে আর ত
মেয়েদের রাখতে পারিনে।—ইহার মধ্যে
এইটুকু আভাস ছিল যে, তাঁহার মেয়েদের
সকল প্রকার দুর্ঘটনার জন্ত অক্ষয়ই দায়ী।

শৈল কহিল—মেয়েদের রাখতে পার না
বলেই কি মেয়েদের ফেলে দেবে মা!

জগৎ। ঐ ত! তোদের কথা শুনে
গায়ে জর আসে। বাবা অক্ষয় শৈল বিধবা
মেয়ে, ওকে এত পড়িয়ে পাস করিয়ে কি হবে
বল দেখি? ওর এত বিত্তের দরকার কি?

অক্ষয়। মা, শাস্ত্রে লিখেছে, মেয়ে মানুষ-
য়ের একটা না একটা উৎপাত থাকা চাই—হয়
স্বামী, নয় বিত্তে, নয় হিষ্টিরিয়া। দেখনা,
লক্ষীর আছেন বিষ্ণু, তাঁর আর বিত্তের দর-
কার হয় নি,—তিনি স্বামীটকে এবং পেঁচা-
টিকে নিয়েই আছেন,—আর সরস্বতীর স্বামী
নেই, কাজেই তাঁকে বিত্তে নিয়ে থাকতে হয়।

জগৎ। তা যা বল বাবা, আসূচে বৈশাখে
মেয়েদের বিয়ে দেবই।

পুরবালা। হাঁ মা, আমারও সেই মত। মেয়ে
মানসের সকাল সকাল বিয়ে হওয়াই ভাল।

শুনিয়া অক্ষয় তাহাকে জনাস্তিকে বলিয়া
লইল, তা ত বটেই! বিশেষতঃ যখন একাধিক
স্বামী শাস্ত্রে নিষেধ, তখন সকাল সকাল বিয়ে
করে সময়ে পুষ্টিয়ে নেওয়া চাই!

পুরবালা। আঃ কি বক্চ! মা শুনতে
পাবেন!

জগৎ। রসিক কাঁকা আজ পাত্র দেখাতে
আসবেন, তা চল মা পুরি, তাদের জলখাবার
ঠিক করে রাখিগে।

আনন্দে উৎসাহে মার সঙ্গে পুরবালা
জাগ্রত অভিমুখে প্রস্থান করিল।

মুখুয্যে মশায়ের সঙ্গে শৈল তখন গোপন
কমিট বসিল। এই শ্রালীভাগিনাপাত ছট

পরস্পরের পরম বন্ধু ছিল। অক্ষয়ের মত এবং
কুটির দ্বারাই শৈল অনেকটা গঠিত। অক্ষয়
তাহার এই শিখ্যাটিকে যেন আপনার প্রায়
সমবয়স্ক ভাইটির মত দেখিতেন—স্নেহের সহিত
সৌহার্দ্য মিশ্রিত। তাহাকে শ্রালীর মত ঠাট্টা
করিতেন বটে কিন্তু তাহার প্রতি বন্ধুর মত
একটু সহজ শ্রদ্ধা ছিল।

শৈল কহিল—আরত দেবী করা যায় না
মুখুয্যে মশায়! এইবার তোমার সেই চিরকুমার
সভার বিপিনবাবু এবং শ্রীশিবাবুকে বিশেষ
একটু তাড়া না দিলে চল্বে না। আহা
ছেলে ছুটি চমৎকার! আমাদের নেপ আর
নীরর সঙ্গে দিব্যি মানায়! তুমি ত চৈত্রমাস
ক্ষেতে না যেতে আপিন্ ঘাড়ে করে সিন্লে
যাবে, এবারে মাকে ঠেকিয়ে রাখা শক্ত হবে!

অক্ষয়। কিন্তু তাই বলে সভাটিকে হঠাৎ
অসময়ে তাড়া লাগালে যে চমকে যাবে!
ডিমের খেলা ভেঙ্গে ফেললেই কিছু পাখী
বেরয় না। যথোচিত তা' দিতে হবে, তাতে
সময় লাগে।

শৈল একটুখানি চুপ করিয়া রহিল—তার
পরে হঠাৎ হাসিয়া বলিয়া উঠিল—বেশত তা
দেবার ভার আমি নেব মুখুয্যে মশায়!

অক্ষয়। আ. একটু খোলসা করে বলতে
হচ্ছে।

শৈল। ঐ ত দশ নম্বরে ওদের সভা?
আমাদের ছাদের উপর দিয়ে দেখনু-হাসির
বাড়ি পেরিয়ে ওখানে ঠিক যাওয়া যাবে।
আমি পুরুষবেশে ওদের সভার সভ্য হব, তার
পরে সভা কতদিন টেকে আমি দেখে নেব।

অক্ষয় নয়ন বিস্ফারিত করিয়া মুহূর্তকাল
স্তম্ভিত থাকিয়া উচ্চ হাস্য করিয়া উঠিল।
কহিল, আহা কি আপশোষ যে, তোমার
দিদিকে বিয়ে করে সভ্য নাম একেবারে

অন্ধের মত ঘুটিয়েছি, নইলে দলেবলে আমি
সুস্থ ত তোমার জালে জড়িয়ে চক্ষু বুজে মরে
পড়ে থাকতুম! এমন সুখের কাঁড়াও কাটে!
সখী তবে মনোযোগ দিয়ে শোন,—

(সিদ্ধু ভৈরবীতে গান)

ওগো হৃদয়-বনের শিকারী!

মিছে তারে জালে ধরা যে তোমারি ভিঙ্গারী।
সহস্রবার পায়ের কাছে আপনি যে জন ম'রে
আছে,

নয়নবাণের খোঁচা খেতে সে যে অনধিকারী!

শৈল কহিল—ছি মুখুয্যে মশায় তুমি
সেকলে হয়ে যাচ্। ঐ সব নয়ন বাণটান
গুলোর এখন কি আর চলন আছে? যুদ্ধ-
বিজ্ঞার যে এখন অনেক বদল হয়ে গেছে?

ইতিমধ্যে ছই বোন নৃপবালা, নীরবালা,
ঘোড়শী এবং চতুর্দশী প্রবেশ করিল। নৃপ শাস্ত
স্নিগ্ধ, নীর তাহার বিপরীত, কৌতুকে এবং
চাঞ্চল্যে সে সর্বদাই আলোচিত।

নীর আসিয়াই শৈলকে জড়াইয়া ধরিয়া
জিজ্ঞাসা করিল—মেজদিদি ভাই, আজ কারা
আসবে বল ত?

নৃপ। মুখুয্যে মশায় আজ কি তোমার
বন্ধুদের নিমন্ত্রণ আছে? জলখাবারের
আয়োজন হচ্ছে কেন?

অক্ষয়। ঐ ত! বই পড়ে পড়ে চোখ
কানা করলে—পৃথিবীর আকর্ষণে উন্মাদ
কি করে সে সমস্ত লাখ ছুলাখ কোশের খবর
রাখ, আর আজ ১৮ নম্বর মধুমিজির গলিতে
কার আকর্ষণে কে এসে পড়চে সেটা অনুমান
করতেও পারলে না?

নীর। বুঝেছি ভাই, মেজদিদি!—
বলিয়া নৃপ পিঠে একটা চাপড় মারিল এবং
তাহার কাণের কাছে মুখ রাখিয়া অল্প একটু
গলা নামাইয়া কহিল— তোমার বর আসূচে

ভাই, তাই সকালবেলা আমার বাঁ চোখ নাচছিল !

নূপ তাহাকে ঠেলিয়া দিয়া কহিল, তোর বাঁ চোক নাচলে আমার বর আসবে কেন ?

নীক কহিল, তা ভাই, আমার বাঁ চোখটা না হয় তোরি বরের জন্তে নেচে নিলে তাতে আমি দ্বন্দ্বিত নই ! কিন্তু মুখ্যে মশায়, জলখাবারত ছুটি লোকের জন্তে দেখলুম, সেজ-দিদি কি স্বয়ম্বর হবে না কি ?

অক্ষয় । আমাদের ছোড়দিদিও বঞ্চিত হবেন না ।

নীক । আহা মুখ্যে মহাশয়, কি স্মসংবাদ শোনালে ? তোমাকে কি বক্শিশ দেব ! এই নাও আমার গলার হার—আমার হুঁহাতের বালা ।

শৈল ব্যস্ত হইয়া কহিল—আঃ ছিঃ হাত খালি করিসনে ।

নীক । আজ আমাদের বরের অনারে পড়ার ছুটি দিতে হবে মুখ্যে মহাশয় !

নূপ । আঃ কি বর বর করছিস্ ! দেখত ভাই মেজদিদি ।

অক্ষয় । ওকে ঐ জন্তেইত বর্করা নাম দিয়েছি । অগ্নি বর্করে, ভগবান্ তোমাদের ক'টি সহোদরাকে এই একটি অক্ষয় বর দিয়ে রেখেছেন, তবু তৃপ্তি নেই ?

নীক । সেই জন্তেইত লোভ-আরো বেড়ে গেছে !

নূপ তাহার ছোট বোনকে সংযত করা অসাধ্য দেখিয়া তাহাকে টানিয়া লইয়া চলিল । নীক চলিতে চলিতে দ্বারের নিকট হইতে মুখ ফিরাইয়া কহিল—এলে খবর দিয়ো মুখ্যে মশায়, কীকি দিয়ো না ! দেখ্চত সেজদিদি কি রকম চঞ্চল হয়ে উঠেছে ।

সহাস্ত সস্নেহে হুই বোনকে নিরীক্ষণ

করিয়া শৈল কহিল—মুখ্যে মশায়, আমি ঠাট্টা করচিনে—আমি চিরকুমার সভার সভ্য হব । কিন্তু আমার সঙ্গে পরিচিত একজন কাউকে চাইত । তোমার বৃষ্টি আর সভ্য হবার যো নেই ?

অক্ষয় । না আমি পাপ করেছি । তোমার দিদি আমার তপস্যা ভঙ্গ করে আমাকে স্বর্গ হতে বঞ্চিত করেছেন ।

শৈল । তাহলে রসিক দাদাকে ধরতে হচ্ছে । তিনি ত কোন সভার সভ্য না হয়েও চিরকুমার ব্রত রক্ষা করেচেন ।

অক্ষয় । সভ্য হলেই এই বুড়ো বয়সে ব্রতটি খোয়াবেন । ইলিস মাছ অম্নি দ্বিব্যি থাকে, ধরলেই মারা যায়—প্রতিজ্ঞাও ঠিক তাই, তাকে বাঁধলেই তার সর্কনাশ ।

এমন সময় সম্মুখের মাথায় টাক, পাকা গৌর, গোরবর্ণ দীর্ঘাকৃতি রসিকদাদা আসিয়া উপস্থিত হইলেন । অক্ষয় তাঁহাকে তাড়া করিয়া গেল—কহিল, ওরে পাষণ্ড, ভণ্ড, অকাল কুয়াণ্ড !

রসিক প্রসারিত হুই হস্তে তাহাকে সস্বরণ করিয়া কহিলেন—কেনহে,—মত্তমহুর কুঞ্জ-কুঞ্জর পুঞ্জ-অঞ্জনবর্ণ ।

অক্ষয় । তুমি আমার শ্রালীপুষ্পবনে দাবানল আনতে চাও ?

শৈল । রসিকদাদা, তোমারই বা তাতে কি লাভ ?

রসিক । ভাই, সহিতে পারলুম না কি করি ! বছরে বছরেই তোর বোনদের বয়স বাড়তে, বড় মা আমারই দোষ দেন কেন ? বলেন, ছুবেলা বসে বসে কেবল খাচ্চ, মেয়েদের জন্তে ছুটো বর দেখে দিতে পার না ! আচ্ছা ভাই আমি না খেতে রাজি আছি, তা হলেই বর টুবে,—না, তোর বোনদের বয়স কমতে

ধাক্বে? এদিকে যে ছটির বর জুটচে না,
তঁরাত দিব্যা খাচ্ছেন দাচ্ছেন! শৈল ভাই,
কুমারসম্ভবে পড়েছিল, মনে আছে ত?—

স্বয়ং বিশীর্ণ ক্রমপর্ণ বৃত্তিতা
পর্যাহি কাষ্ঠা তপসস্তম্বা পুনঃ,
তদপ্যাপাকীর্ণ মতঃ প্রিয়ংবদাং

বদন্ত্যপর্ণেতি চ তাং পুরাবিদঃ—

তা ভাই ছর্গা নিজের বর খুঁজতে খাওয়া
দাওয়া ছেড়ে তপস্বী করেছিলেন—কিন্তু নাৎ-
নীদেব বর জুটচে না বলে আমি বড় মাল্লু
খাওয়া দাওয়া ছেড়ে দেব, বড়মার একি
বিচার! আহা শৈল, ওটা মনে আছে ত?
তদপ্যাপাকীর্ণমতঃ প্রিয়ংবদাং—

শৈল। মনে আছে দাদা, কিন্তু কালিদাস
এখন ভাল লাগচে না।

রসিক। তা হলেত অত্যন্ত দুঃসময় বলতে
হবে।

শৈল। তাই তোমার সঙ্গে পরামর্শ আছে।

রসিক। তা রাজি আছি ভাই। যে
রকম পরামর্শ চাও, তাই দেব। যদি “হাঁ”
বলাতে চাও “হাঁ” বলব, “না” বলাতে চাও “না”
বলব। আমার ঐ গুণটি আছে। আমি সর্ক-
লের মতের সঙ্গে মত দিয়ে যাই বলেই সবাই
আমাকে প্রায় নিজের মত বুদ্ধিমান ভাবে।

অক্ষয়। তুমি অনেক কৌশলে তোমার
পসার বাঁচিয়ে রেখেচ, তার মধ্যে তোমার এই
টাক একটি।

রসিক। আর একটি হচ্ছে—যাবৎ কিঞ্চিৎ
ভাষতে—তা’ আমি বাইরের লোকের কাছে
বেশী কথা কইনে—

শৈল। সেইটে বুঝি আমাদের কাছে
পুষিয়ে নাও!

রসিক। তোদের কাছে যে ধরা পড়েছি।

শৈল। ধরা যদি পড়ে থাক ত চল—যা

বলি তাই করতে হবে।—বলিয়া পরামর্শের জন্ত
শৈল তাঁহাকে অল্প ঘরে টানিয়া হইয়া চলিল।

অক্ষয় বলিতে লাগিল—অ্যা, শৈল!
এই বুঝি! আজ রসিক দা হলেন, রাজমন্ত্রী!
আমকে ফাঁকি!

শৈল যাইতে যাইতে পশ্চাৎ কিরিয়া
হাসিয়া কহিল—তোমার সঙ্গে আমার কি
পরামর্শের সম্পর্ক মুখুয্যে মশায়? পরামর্শ
যে বড়ো না হলে হয় না।

অক্ষয় বলিল—তবে রাজমন্ত্রীদের জন্তে
আমার দরবার উঠিয়ে নিলুম।—বলিয়া শূন্ত
ঘরের মধ্যে দাঁড়াইয়া হঠাৎ উচ্চৈঃস্বরে
খাষাজে গান ধরিলেন—

আমি কেবল ফুল ঘোণাব
তোমার ছুটি রাঙা হাতে,
বুদ্ধি আমার খেলেনাক
পাহারা বা মন্ত্রণাতে!

বাড়ির কর্তা যখন বাঁচিয়া ছিলেন তিনি
রসিককে খুড়া বলিতেন। রসিক দীর্ঘকাল
হইতে তাঁহার আশ্রয়ে থাকিয়া বাড়ির সুখ
হুঃখে সম্পূর্ণ জড়িত হইয়াছিলেন। গিন্নি
অগোছালো থাকাকে কর্তার অর্ভমানে তাঁহার
কিছু অবদ্ব অসুবিধা হইতেছিল এবং জগন্তা-
রিশীর অসঙ্গত ফরমান্ খাটিয়া তাঁহার অব-
কাশের অভাব ঘটিয়াছিল। কিন্তু তাঁহার এই
সমস্ত অভাব অসুবিধা পূরণ করিবার লোক
ছিল শৈল। শৈল থাকতেই মাঝে মাঝে
ব্যামোর সময় তাঁহার পথ্য এবং সেবার ক্রটি
হইতে পারে নাই; এবং তাহারই সহকারিতায়
তাঁহার সংস্কৃত সাহিত্যের চর্চা পূরা দমেই
চলিয়াছিল। প্রসন্ন হান্তময়ী শৈলই ক্ষুদ্র পন্ডি-
বারটির প্রতিষ্ঠাকেন্দ্র। চাকর বাকর আশ্রিত
অভাগত এমন কি প্রতিবেশীরা তাহারই
চতুর্দিকে আকৃষ্ট হইয়া, যেন আর্ষিত হই-

তেছে। পাড়ার ছোট ছেলেরা তাহার কাছে পড়া বলিয়া লয়, এবং প্রতিবেশিদের ঘরে পীড়া হইলে শৈল বিনা আড়ম্বরে তাহাদের সেবার ভার গ্রহণ করে। তাহাকে দেখিয়া কেহ পাসু করা বিদুষী বলিয়াও ভয় করিত না, আবার যুবতী রমণী বলিয়াও সন্কোচ বা মোহ প্রকাশ করিতে পারিত না। তাহার মধ্যে বালকের কৌতুকপরতা, পুরুষের উদার ঋজুতা এবং নারীর স্নেহপূর্ণ সেবাসীলতা মিশ্রিত ছিল।

রসিক দাদা শৈলবালার অদ্ভুত প্রস্তাব শুনিয়া প্রথমটা হাঁ করিয়া রহিলেন, তাহার পর হাসিতে লাগিলেন, তাহার পর রাজি হইয়া গেলেন। কহিলেন, ভগবান হরি নারী-ছদ্মবেশে পুরুষকে ভুলিয়ে ছিলেন, তুই শৈল যদি পুরুষ-ছদ্মবেশে পুরুষকে ভোগাতে পারিস তাহলে হরিভক্তি উড়িয়ে দিয়ে তোর পূজোতেই শেষ বয়সটা কাটাও। কিন্তু মা যদি টের পান?

শৈল। তিন কত্নাকে কেবলমাত্র স্মরণ করেই মা মনে মনে এত অস্থির হয়ে ওঠেন যে, তিনি আমাদের আর খবর রাখতে পারেন না। তাঁর জন্তে ভেবো না।

রসিক। কিন্তু সত্য কি রকম করে সত্যতা করতে হয় সে আমি কিছুই জানেনে।

শৈল। আচ্ছা সে আমি চালিয়ে নেব।

দ্বিতীয় পরিচ্ছেদ।

—:~:—

মুখ্যোমশায়!

অক্ষয় বলিলেন—আজ্ঞা কর!

শৈল কহিল—ছেলে ছটোকে কোন ফিকিরে তাড়াতে হবে!

অক্ষয় উৎসাহ পূর্বক কহিলেন—তা ত

হবেই। বলিয়া রামপ্রসাদী হীরে গান জুড়িয়া দিলেন—

দেখ কে তোর কাছে আসে!

তুই রবি একেশ্বরী,

একলা আমি বৈব পাশে!

শৈল হাসিয়া জিজ্ঞাসা করিল—একেশ্বরী?

অক্ষয় বলিলেন, না হয় তোমরা চার ঈশ্বরীই হলে, শাস্ত আছে অধিকন্তু ন দোষায়।

শৈল কহিল—আর, তুমিই একলা থাকবে? ওখানে বৃষ্টি অধিকন্তুটা খাটে না?

অক্ষয় কহিলেন, ওখানে শাস্ত্রের আর একটা পবিত্র বচন আছে—সর্বমত্যস্তগর্হিতং।

শৈল। কিন্তু মুখ্যোমশায়, ও পবিত্র বচনটা ত বরাবর খাটবে না। আরও সঙ্গী জুটবে।

অক্ষয় বলিলেন—তোমাদের এই একটি শালার জায়গায় দশশালা বন্দোবস্ত হবে? তখন আবার নূতন কার্যবিধি দেখা যাবে। ততদিন কুলীনের ছেলেটোলে গুলোকে ঘেঁষতে দিচ্চিনে!

এমন সময় চাকর আসিয়া খবর দিল ছুটি বাবু আসিয়াছে। শৈল কহিল, ঐ বৃষ্টি তা'রা এল। দিদি আর মা ভাঁড়ারে ব্যস্ত আছেন, তাঁদের অবকাশ হবার পূর্বেই ওদের কোন মতে বিদায় করে দিয়ো।

অক্ষয় জিজ্ঞাসা করিলেন, কি বক্শিশ মিলবে?

শৈল কহিল—আমরা তোমার সব শালীরা মিলে তোমাকে শালীবাহন রাজা খেতাব দেব।

অক্ষয়। শালীবাহন দি সেকেণ্ড?

শৈল। সেকেণ্ড হতে যাবে কেন? সে শালীবাহনের নাম ইতিহাস থেকে একেবারে বিলুপ্ত হয়ে যাবে। তুমি হলে শালীবাহন দি গ্রেট!

অক্ষয়। বল কি ? আমার রাজ্যকাল থেকে জগতে নূতন শাল প্রচলিত হবে ? এই বলিয়া অত্যন্ত সাড়শ্বর তানসহকারে ভৈরবীতে গান ধরিলেন—

তুমি আমায় করবে মস্ত লোক !

দেবে লিখে রাজ্যর টীকে প্রসন্ন ঐ চোখ !

শৈলবালার প্রহান। ভৃত্য আদৃষ্ট হইয়া ছট ভদ্রলোককে উপস্থিত করিল। একটি বিসদৃশ লম্বা, রোগা, বুট জুতা পরা, ধূতি প্রায় হাঁটুর কাছে উঠিয়াছে, চোকের নীচে কালি পড়া, ম্যালেরিয়া রোগীর চেহারা ; বয়স বাইশ হইতে বত্রিশ পর্যন্ত যেটা খুসি হইতে পারে। আর একটি বেঁটেখাটো, অত্যন্ত দাড়ি গোঁফ-সঙ্কুল, নাকটি বটিকাকার, কপালটি টিবি, কালোকালো গোলগাল।

অক্ষয় অত্যন্ত সৌহার্দ্য সহকারে উঠিয়া অগ্রসর হইয়া প্রবলবেগে শেক্‌হাণ্ড করিয়া ছট ভদ্রলোকের হাত প্রায় ছিঁড়িয়া ফেলিলেন। বলিলেন আসুন মিষ্টার অ্যান্থনিয়াল আসুন মিষ্টার জেরেমিয়া, বসুন বসুন ! ওরে বরফ জল নিয়ে আয়রে, তামাক দে !

রোগা লোকটি সহসা বিজাতীয় সম্ভাষণে সঙ্কুচিত হইয়া মুহূর্তে বলিল, আজ্ঞে আমার নাম যুতুঞ্জয় গাঙ্গুলী।

বেঁটে লোকটি বলিল—আমার নাম শ্রীদাক্ষেণ্ডর মুখোপাধ্যায় !

অক্ষয়। ছি মশায় ! ও নামগুলো এখনো ব্যবহার করেন বুঝি ? আপনাদের ক্রিস্চান নাম ?

আগন্তুকদিগকে হতবুদ্ধি নিরন্তর দেখিয়া কহিলেন—এখনো বুঝি নামকরণ হয়নি ? তা তাতে বিশেষ কিছু আসে যায় না, ঢের সম্মত আছে !

বলিয়া নিজের গুড়গুড়ির নল যুতুঞ্জয়ের

হাতে অগ্রসর করিয়া দিলেন। সে লোকটা ইতস্ততঃ করিতেছে দেখিয়া বলিলেন বিলক্ষণ ! আমার সামনে আবার লজ্জা ! সাত বছর বয়স থেকে লুকিয়ে তামাক খেয়ে পেকে উঠেছি। খোয়া লেগে লেগে বুদ্ধিতে ঝুল পড়ে গেল ! লজ্জা যদি করতে হয় তাহলে আমার ত আর ভদ্র সমাজে মুখ দেখাবার যো থাকে না।

তখন সাহস পাইয়া দাক্ষেণ্ডর যুতুঞ্জয়ের হাত হইতে ফস করিয়া নল কাড়িয়া লইয়া ফড়-ফড় শব্দে টানিতে আরম্ভ করিল। অক্ষয়-কুমারকে পাকা ইয়ার বলিয়া ঠিক করিয়া উজ্জয়ে পরম আরাম অনুভব করিল। গোড়াতেই ক্রিস্চান নাম লইয়া আলোচনাটা একটা ইয়ার্কি বলিয়া বুঝিল। অক্ষয় পকেট হইতে কড়া বন্দী চুরোট বাহির করিয়া যুতুঞ্জয়ের হাতে দিলেন। যদিচ তাহার চুরোট অভ্যাস ছিল না, তবু সে সমস্ত স্থাপতি ইয়ার্কির খাতিরে প্রাণের মায়া পরিত্যাগ করিয়া মুহূর্তে টান দিতে লাগিল এবং কোন গতিকে কাশি চাপিয়া রাখিল।

অক্ষয় কহিলেন—এখন কাজের কথাটা শুরু করা যাক ! কি বলেন ?

যুতুঞ্জয় চূপ করিয়া রহিল, দাক্ষেণ্ডর বলিল—ভা'নয়ত কি ? শুভস্র শীঘ্র !—বলিয়া হাসিতে লাগিল, ভাবিল ইয়ার্কি জমিতেছে।

তখন অক্ষয় গম্ভীর হইয়া জিজ্ঞাসা করিলেন, মার্গ না মার্টিন ?

যুতুঞ্জয় অবাধ হইয়া মাথা চুলকাইতে লাগিল। দাক্ষেণ্ডর বুঝিল নিশ্চয় ইহার মধ্যে মজা আছে, অপরিমিত হাসিতে আরম্ভ করিল। যুতুঞ্জয় স্কন্ধ লজ্জিত হইয়া ভাবিতে লাগিল, এরা ছজন ত বেশ জমাইয়াছে, আমিই নিরেট বোকা !

অক্ষয় কহিলেন,—আরে মশায়, নাম শুনেই হাসি ! তা হলেত গন্ধে অজ্ঞান এবং

পাতে পড়লে মারাই যাবেন ! তা'বেটা হয়
মনস্থির করে বলুন—মুর্গি হবে না মাটন হবে ?

তখন দুজনে বুঝল আহারের কথা
হইতেছে। ভীক মৃত্যুঞ্জয় নিরুত্তর হইয়া
ভাবিতে লাগিল। দারুকের লালস্বিত রসনায়
একবার চারিদিকে চাহিয়া দেখিল !

অক্ষয় কহিলেন—ভয় কিসের মশায় ?
নাচতে বসে ঘোমটা ? শুনিয়া দারুকের
হুই হাতে হুই পা চাপড়াইয়া হাসিতে লাগিল।
কহিল, তা মুর্গিই ভাল, কটলেট, কি বলেন ?

লুক্ক মৃত্যুঞ্জয় সাহস পাইয়া বলিল,
মাটানটাই বা মন্দ কি ভাই ! চপ !—বলিয়া
আর কথাটা শেষ করিতে পারিল না।

অক্ষয়। ভয় কি দাদা, হুই হবে ! দোমনা
করে খেয়ে সুখ হয় না।—চাকরকে ডাকিয়া
বহিলেন—ওরে, মোড়ের মাথায় যে হোটেল
আছে সেখান থেকে কলিমদ্দি খানসামাকে
ডেকে আন দেখি !

তাহার পর অক্ষয় বুড়ো আঙ্গুল দিয়া
মৃত্যুঞ্জয়ের গা টিপিয়া মৃদুস্বরে কহিলেন—
বিয়ার, না শেরি ?

মৃত্যুঞ্জয় লজ্জিত হইয়া মুখ বাকাইল।
দারুকের সঙ্গীটিকে বদরসিক বলিয়া
মনে মনে গালি দিয়া কহিল—হুইঙ্কির বন্দো-
বস্ত নেই বুঝি ?

অক্ষয় তাহার পিঠ চাপড়াইয়া কহিলেন—
নেইত কি ? বেঁচে আছি কি করে ? বলিয়া
বেহাগ স্বরে গাহিয়া উঠিলেন—

যদি জিজ্ঞাসা কর আমার wish কি,

তোমার গা ছুঁয়ে বনুচি কেবলি ছইঙ্কি !

ক্ষীণ প্রকৃতি মৃত্যুঞ্জয়ও প্রাণপণে হাঙ্গ
করা কর্তব্য বোধ করিল এবং দারুকের ফস্
করিয়া একটা বই টানিয়া লইয়া টপাটপ
বাজাইতে আরম্ভ করিল।

অক্ষয় ডুলাইন গাহিয়া ধামিবায়াত্র দারু-
কের বলিল দাদা, গুটা শেষ করে ফেল !
বলিয়া নিজেই ধরিল, “যদি জিজ্ঞাসা কর
আমার wish কি ;”—মৃত্যুঞ্জয় মনে মনে
তাহাকে বাহাছরী দিতে লাগিল। অক্ষয়
মৃত্যুঞ্জয়কে ঠেলা দিয়া কহিলেন, ধর না হে,
তুমিও ধর !—সলজ্জ মৃত্যুঞ্জয় নিজের প্রতিপত্তি
রক্ষার জন্ত মৃদুস্বরে যোগ দিল—অক্ষয় ডেক্
চাপড়াইয়া বাজাইতে লাগিলেন। এক
জায়গায় হঠাৎ খানিয়া গঙ্গীর হইয়া কহিলেন
—হাঁ, হাঁ, আসল কথাটা জিজ্ঞাসা করা হয়
নি। এদিক ত সব ঠিক—এখন আপনারা কি
হলে রাজি হন ?

দারুকের কহিল,—আমাদের বিলেতে
পাঠাতে হবে।

অক্ষয় কহিলেন—সে ত হবেই। তার
না কাটলে কি শ্রাম্পেনের ছিপি খোলে ?
দেশে আপনাদের মত লোকের বিত্তে বুদ্ধি চাপা
থাকে, বাঁধন কাটলেই একেবারে নাকে মুখে
চোখে উছলে উঠবে।

দারুকের অত্যন্ত খুসি হইয়া অক্ষয়ের
হাত চাপিয়া ধরিল, কহিল, দাদা, এইটে
তোমাকে করে দিতেই হচ্ছে ! বুঝলে ?

অক্ষয় কহিলেন, সে কিছুই শক্ত নয়।
কিন্তু ব্যাপটাইজ আজই ত হবেন ?

দারুকের ভাবিল ঠাট্টাটা বোঝা যাইতেছে
না। হাসিতে হাসিতে জিজ্ঞাসা করিল, সেটা
কি রকম ?

অক্ষয় কিঞ্চিৎ বিস্ময়ের ভাবে কহিলেন
—কেন, আপনারা ত জানেন, রেভারেণ্ড
বিশ্বাস আজ রাত্রেই আসছেন। ব্যাপটাইজম্
না হলে ত ক্রিস্টান মতে বিবাহ হতে
পারে না !

মৃত্যুঞ্জয় অত্যন্ত ভীত হইয়া কহিল—
ক্রিস্টান মতে কি মশায় ?

অক্ষয় কহিলেন—আপনি যে আকাশ থেকে
পড়লেন ! সে হচ্ছে না—ব্যাপটাইজ্ঞ যেমন
করে হোক, আজ রাত্রেই সারতে হচ্ছে।
কিছুতেই ছাড়ব না।

মৃত্যুঞ্জয় জিজ্ঞাসা করিল—আপনারা
ক্রিস্টান না কি ?

অক্ষয়। মশায়, স্নাকামি রাখুন। যেন
কিছুই জানেন না।

মৃত্যুঞ্জয় অত্যন্ত ভীত ভাবে কহিল—মশায়,
আমরা হিঁচু, ব্রাহ্মণের ছেলে, জাত খোয়াতে
পারব না !

অক্ষয় হঠাৎ অত্যন্ত উচ্চতন্ত্রে কহিলেন
—জাত কিসের মশায় ! এ দিকে কলিমন্দির
হাতে মুর্গি পাবেন, বিলেত যাবেন, আবার
জাত !

মৃত্যুঞ্জয় ব্যস্ত-সমস্ত হইয়া কহিল—চুপ,
চুপ, চুপ করুন ! কে কোথা থেকে শুনতে পাবে।

তখন দারুকেশ্বর কহিল—ব্যস্ত হবেন না
মশায়, একটু পরামর্শ করে দেখি !—বলিয়া
মৃত্যুঞ্জয়কে একটু অন্তরালে ডাকিয়া লইয়া
বলিল, বিলেত থেকে ফিরে সেই ত একবার
প্রায়শ্চিত্ত কর্ত্তেই হবে—তখন ডবল প্রায়শ্চিত্ত
করে একেবারে ধর্মে ওঠা যাবে। এ
সুযোগটা ছাড়লে আর বিলেত যাওয়াটা ঘটে
উঠবে না ! দেখলি ত কোন স্বপ্নরই রাজি
হল না। আর ভাই, ক্রিস্টানের হুকোয়
তামাকই যখন খেলুম তখন ক্রিস্টান হতে আর
বাকি কি রৈল ?—এই বলিয়া অক্ষয়ের কাছে
আসিয়া কহিল—বিলেত যাওয়াটা ত নিশ্চয়
পাকা ? তা হলে ক্রিস্টান হ'তে রাজি আছি।

মৃত্যুঞ্জয় কহিল, কিন্তু আজ রাতটা থাক।

দারুকেশ্বর কহিল—হতে হয় ত চটপট

সেরে ফেলে পাড়ি দেওয়াই ভাল—গোড়াতেই
বলেছি শুভস্ব শীঘ্র !

ইতিমধ্যে অন্তরালে রমণীগণের সমাগম।
হুই থালা ফল মিষ্টান্ন লুচি ও বরফ জল লইয়া
ভৃত্যের প্রবেশ। ক্ষুধ দারুকেশ্বর কহিল—কই
মশায়, অভাগার অদৃষ্টে মুর্গি বেটা উড়েই গেল
না কি ? কটলেই কোথায় ?

অক্ষয় মুহূর্ত্তে বলিলেন,—আজকের
মত এইটেই চলুক !

দারুকেশ্বর কহিল—সে কি হয় মশায় !
আশা দিয়ে নৈরাশ ! স্বপ্নর বাড়ি এসে মটন
চাপ খেতে পাব না ? আর এ যে বরফ জল
মশায়, আমার আবার সর্দির খাত, সাদা জল
সহ হয় না ! বলিয়া গান জুড়িয়া দিল—“যদি
জিজ্ঞাসা কর, আমার Wish কি” ইত্যাদি।
অক্ষয় মৃত্যুঞ্জয়কে কেবলি টিপিতে লাগিলেন
এবং অস্পষ্ট স্বরে কহিতে লাগিলেন, ধর না হে,
তুমিও ধর না—চুপচাপ কেন ;—সে ব্যক্তি
কতক ভয়ে কতক লজ্জায় মুহু মুহু যোগ দিতে
লাগিল ! গানের উচ্ছ্বাস ধামিলে অক্ষয়
আহার পাত্র দেখাইয়া জিজ্ঞাসা করিলেন—
নিতান্তই কি এটা চলবে না ?

দারুকেশ্বর ব্যস্ত হইয়া কহিল, না মশায়,
ও সব রুগীর পথ্যি চলবে না। মুর্গি না খেয়েই
ত ভারতবর্ষ গেল ! বলিয়া ফড় ফড় করিয়া
গুড়গুড়ি টানিতে লাগিল। অক্ষয় কাণের
কাছে আসিয়া লক্ষ্যে চুংরিতে ধরাইয়া দিলেন—

কতকাল হবে বল ভারতের

শুধু ডাল ভাত জল পথ্য করে !

শুনিয়া দারুকেশ্বর উৎসাহসহকারে গানটা
ধরিল এবং মৃত্যুঞ্জয়ও অক্ষয়ের গোপন ঠেলা
ধাইয়া সলজ্জভাবে মুহু মুহু যোগ দিতে লাগিল।

অক্ষয় আবার কাণে কাণে ধরাইয়া
দিলেন—

দেশে অল্পজলের হল ঘোর অনটন,
ধর হইলি সোডা আর মূর্গিমটন !

অমনি দারুকের মাতিয়া উঠিয়া উর্কস্বরে
ঐ পদটা ধরিল এবং অক্ষয়ের বুদ্ধান্বষ্ঠের প্রবল
উৎসাহে মৃত্যুঞ্জয়ও কোন মতে সঙ্গ সঙ্গ যোগ
দিয়া গেল ।

অক্ষয় পুনশ্চ ধরাইয়া দিলেন—

যাও ঠাকুর চৈতন চুটকি নিয়া !

এস দাড়ি নাড়ি কলিমদ্দি মিঞা !

যতই উৎসাহসহকারে গান চলিল, ঘরের
পার্শ্ব হইতে উসখুসু শব্দ শুনা যাইতে লাগিল
এবং অক্ষয় নিরীহ ভালমাসুখটির মত মাঝে
মাঝে সেই দিকে কটাক্ষপাত করিতে লাগিলেন ।

এমন সময় ময়লা ঝাড়ন হাতে কলিমদ্দি
আসিয়া সেলাম করিয়া দাঁড়াইল । দারুকের
উৎসাহিত হইয়া কহিল,—এই যে চাচা ! আজ
রাত্রাটা কি হয়েছে বল দেখি !

সে অনেক গুলা ফর্দ দিয়া গেল । দারু-
কের কহিল কোনটাইত মন্দ শোনাচ্ছেনা
হে ! (অক্ষয়ের প্রতি) মশায়, কি বিবেচনা
করেন ? ওর মধ্যে বাদ দেবার কি কিছু আছে ?

অক্ষয় অন্তরালের দিকে কটাক্ষ করিয়া
কহিলেন—সে আপনারা যা ভাল বোধেন ।

দারুকের কহিল, আমার ত মত, ব্রাহ্ম-
ণেভ্যা নমঃ বলে সব কটাকেই আদর করে
নিই !

অক্ষয় । তা ত বটেই ওঁরা সকলেই পূজ্য ।

কলিমদ্দি সেলাম করিয়া চলিয়া গেল ।
অক্ষয় কিঞ্চিৎ গলা চড়াইয়া জিজ্ঞাসা করিলেন,
মশায়রা কি তা'হলে আজ রাত্রেই ক্রিস্চান
হতে চান ।

খানার আশ্বাসে প্রকল্পচিত্ত দারুকের
কহিল—আমার ত কথাই আছে, শুভম্ব শীঘ্র ।
আজই ক্রিস্চান হব, এখনি ক্রিস্চান হব,

ক্রিস্চান হয়ে তবে অল্প কথা ! মশায়, আর
ঐ পুঁই শাক কলাইয়ের ডাল খেয়ে প্রাণ বাঁচে
না ! আল্লুন্ আপনার পাছি ডেকে ! বলিয়া
পুনশ্চ উচ্চস্বরে গান ধরিল—

যাও ঠাকুর চৈতন চুটকি নিয়া,

এস দাড়ি নাড়ি কলিমদ্দি মিঞা !

চাকর আসিয়া অক্ষয়ের কাশে কাশে
কহিল—মাঠাকুর একবার ডাকচেন ।

অক্ষয় উঠিয়া ঘরের অন্তরালে গেলে
জগন্নারিণী কহিলেন—এ কি ! কাণ্ডটা কি ?

অক্ষয় গম্ভীর মুখে কহিলেন—মা সে সব
পরে হবে এখন ওরা হইলি চাচ্ছে, কি করি ?
তোমার পায়ে মালিশ করবার জন্তে সেই যে
ব্রাণ্ডি এসেছিল, তার কি কিছু বাকি আছে ?

জগন্নারিণী হতবুদ্ধি হইয়া কহিলেন, বল
কি বাছা ? ব্রাণ্ডি খেতে দেবে ?

অক্ষয় কহিলেন, কি করব মা, শুনেইছ ত
ওর মধ্যে একটা ছেলে আছে যার জল খেলেই
সর্দি হয়, মদ না খেলে আর একটীর মুখে
কথাই বের হয় না !

জগন্নারিণী কহিলেন—ক্রিস্চান হবার কথা
কি বলতে ওরা ?

অক্ষয় কহিলেন—ওরা বলতে হিঁহু হয়ে
খাওয়া দাওয়ার বড় অসুবিধে, পুঁই শাক কড়া-
ইয়ের ডাল খেলে ওদের অসুখ করে !

জগন্নারিণী অবাক হইয়া কহিলেন, তাই
বলে কি ওদের আজ রাতেই মূর্গি খাইয়ে
ক্রিস্চান করবে নাকি ।

অক্ষয় কহিলেন, তা মা ওরা যদি রাগ করে
চলে যায় তা হলে হুট পাত্র এখনি হাত ছাড়া
হবে । তাই ওরা যা বলতে তাই শুনতে হচ্ছে,
আমাকে স্নদ্ধ মদ ধরাবে দেখচি ।

পুরবালা কহিলেন—বিদায় কর, বিদায়
কর,এখনি বিদায় কর ।

জগত্তারিণী ব্যস্ত হইয়া কহিলেন—বাবা, এখানে সূৰ্গি খাওয়া টাওয়া হবে না, তুমি ওদের বিদায় করে দাও। আমার ঘাট হয়েছিল আমি রসিক কাকাকে পাত্র সন্ধান করতে দিয়েছিলুম! তাঁর দ্বারা যদি কোন কাজ পাওয়া যায়!

রমণীগণের প্রস্থান। অক্ষয় ঘরে আসিয়া দেখেন, মৃত্যুঞ্জয় পলায়নের উপক্রম করিতেছে এবং দারুকেস্বর হাত ধরিয়া তাহাকে টানা-টানি করিয়া রাশিবার চেষ্টা করিতেছে। অক্ষয়ের অবর্তমানে মৃত্যুঞ্জয় অগ্রপশ্চাৎ বিবেচনা করিয়া সঙ্গত হইয়া উঠিয়াছে। অক্ষয় ঘরে প্রবেশ করিবামাত্র মৃত্যুঞ্জয় রাগের স্বরে বলিয়া উঠিল, না মশায় আমি ক্রিস্চান হতে পারব না, আমার বিয়ে করে কাজ নেই।

অক্ষয় কহিলেন, তা মশায়, আপনাকে কে পায়ে ধরাধরি কর্চে!

দারুকেস্বর কহিল, আমি রাজি আছি মশায়!

অক্ষয় কহিলেন, রাজি থাকেন ত গির্জায় যান না মশায়! আমার সাত পুরুষে ক্রিস্চান করা ব্যবসা নয়!

দারুকেস্বর কহিল—ঐ যে কোন বিশ্বাসের কথা বল্লেন—

অক্ষয়। তিনি টেরেটির বাজারে থাকেন, তাঁর ঠিকানা লিখে দিচ্ছি।

দারুকেস্বর। আর বিবাহটা?

অক্ষয়। সেটা এ বংশে নয়।

দারুকেস্বর। তাহলে এতক্ষণ পরিহাস করছিলেন মশায়? খাওয়াটাও কি—

অক্ষয়। সেটাও এ ঘরে নয়।

দারুকেস্বর। অন্ততঃ হোটেলের?

অক্ষয়। সে কথা ভাল।—বলিয়া টাকার

ব্যাগ হইতে গুটিকয়েক টাকা বাহির করিয়া ছুটিকে বিদায় করিয়া দিলেন।

তখন নূপর হাত ধরিয়া টানিয়া নীরবালা বসন্তকালের দম্কা হাওয়ার মত ঘরের মধ্যে আসিয়া প্রবেশ করিল। কহিল, মৃগুণ্ডে মশায়, দিদি ত ছুটির কোনটিকেই বাদ দিতে চান না!

নূপ তাহার কপোলে গুটি ছুই তিন অঙ্গুলির আঘাত করিয়া কহিল, ফের মিথ্যে কথা বলচিস্?

অক্ষয়। ব্যস্ত হসনে ভাই, সত্য মিথ্যের প্রভেদ আমি একটু একটু বুঝতে পারি। এ রকম জামগায় সত্য কথা বললে সত্যের অপমান করা হয়।

নীক। আচ্ছা মুখুণ্ডে মশায়, এ জুটি কি রসিক দাদার রসিকতা, না আমাদের সেজ দিদিরই ফাঁড়া?

অক্ষয়। বন্ধুকের সকল গুলিই কি লক্ষ্যে গিয়ে লাগে? প্রজ্ঞাপতি টার্গেট প্র্যাক্টিস্ করছিলেন, এ ছোটো কস্কে গেল। প্রথম প্রথম এমন গোটাকতক হয়েই থাকে। এই হতভাগ্য ধরা পড়বার পূর্বে তোমার দিদির ছিঁপে অনেক জলচর ঠোকর দিয়ে গিয়েছিল, বঁড়শি বিঁধল কেবল আমারি কপালে!—বলিয়া কপালে চপেটাঘাত করিলেন!

মূপ। এখন থেকে রোজই প্রজ্ঞাপতির প্র্যাক্টিস্ চলবে না কি মুখুণ্ডে মশায়? তা হলে ত আর বাঁচা যায় না!

নীক। কেন ভাই ছুঃখ করিস্? রোজই কি ফস্কাবে? একটা না একটা এসে ঠিক মতন পৌছবে।

রসিকের প্রবেশ।

নীক। রসিক দাদা, এবার থেকে আমরাও তোমার জন্তে পাজী বোটাচ্ছি।

রসিক। সে ত স্বপ্নের বিষয়!

নীরু । হাঁ ! সুখ দেখিয়ে দেব ! তুমি নিজে থাক হোগলার ঘরে, আর পরের দালানে আগুন লাগাতে চাও ! আমাদের হাতে টীকে নেই ? আমাদের সঙ্গে যদি লাগ, তা হলে তোমার ছ ছোটো বিয়ে দিয়ে দেব—মাথায় যে ক'টি চুল আছে সামলাতে পারবে না !

রসিক । দেখ্ দিদি, ছোটো আস্ত জন্তু এনেছিলুম বলেই ত রক্ষে পেলি, যদি মধ্যম রকমের হত, তা হলেই ত বিপদ ঘটত । ঝাঁকে জন্তু বলে চেনা যায় না, সেই জন্তুই ভয়ানক !

অক্ষয় । সে কথা ঠিক । মনে মনে আমার ভয় ছিল, কিন্তু একটু পিঠে হাত বুলবামাত্রই চটপট শব্দে ল্যাজ নড়ে উঠল । কিন্তু মা বল্চেন কি ?

রসিক । সে যাবল্চেন সে আর পাঁচ জনকে ডেকে ডেকে শোনার মত নয় । সে আমি অন্তরের মধ্যেই রেখে দিলুম ! যা হোক শেষে এই স্থির হয়েছে, তিনি কাশীতে তাঁর বোনপোর কাছে যাবেন, সেখানে পাত্রেরও সন্ধান পেয়েছেন, তীর্থদর্শনও হবে ।

নীরু । বল কি, রসিক দাদা ! তা হলে এখানে আমাদের রোজ রোজ নূতন নূতন নমুনা দেখা বন্ধ ?

নূপ । তোর এখনো সখ আছে নাকি ?

নীরু । এ কি সখের কথা হচ্ছে ? এ হচ্ছে শিক্ষা । রোজ রোজ অনেক গুলি দৃষ্টান্ত দেখতে দেখতে জিনিষটা সহজ হয়ে আসবে ; যেটিকে বিয়ে করবি সেই প্রাণীটিকে বুঝতে কষ্ট হবে না ।

নূপ । তোমার প্রাণীকে তুমি বুঝে নিয়ে আমাদের জন্তে তোমার ভাবতে হবে না !

নীরু । সেই কথাই ভাল—তুইও নিজের জন্তে ভাবিস্ আমিও নিজের জন্তে ভাবব—

কিন্তু রসিক দাদাকে আমাদের জন্তে ভাবতে দেওয়া হবে না।

নূপ নীরুকে বলপূর্বক টানিয়া লইয়া গেল । শৈলবালা ঘরে প্রবেশ করিয়াই বলিল—রসিকদা তোমার ত মার সঙ্গে কাশী গেলে চলবে না—আমরা যে চিরকুমার সভার সভ্য হব, আবেদন পত্রের সঙ্গে প্রবেশিকার দশটা টাকা পাঠিয়ে দিয়ে বসে আছি ।

অক্ষয় कहিলেন, মার সঙ্গে কাশী যাবার জন্তে আমি লোক ঠিক করে দেব এখন, সে জন্তে ভাবনা নেই ।

শৈল । এই যে মুখুষ্যে মশায় ! তুমি তাদের কি বানর বানিয়েই ছেড়ে দিলে—শেষ-কালে বেচারাদের জন্তে আমার মায়া করছিল !

অক্ষয় । বানর কেউ বানাতে পারে না শৈল, ওটা প্রকৃতি বানিয়ে রাখেন । ভগবানের বিশেষ অনুগ্রহ থাকা চাই ! যেমন কবি হওয়া আর কি ! ল্যাজই বল কবিত্বই বল ভিতরে না থাকলে জোর করে টেনে বের করবার যো নেই !

পুরবালা প্রবেশ করিয়া কেরোসিন্ ল্যাম্পটা লইয়া নাড়িয়া চাড়িয়া कहিল—বেহারা কি রকম আলো দিয়ে গেছে, মিটমিট করচে ! ওকে বলে বলে পারা গেল না !

অক্ষয় । সে বেটা জানে অন্ধকারেই আমাকে বেশী মানায় ।

পুরবালা । আলোতে মানায় না ? বিনয় হচ্ছে না কি ? এটা ত নতুন দেখ্চি !

অক্ষয় । আমি বল্ছিলুম, বেহারা বেটা চাঁদ বলে আমাকে সন্দেহ করেছে !

পুর । ওঃ তাই ভাল ! তা ওর মাইনে বাড়িয়ে দাও ! কিন্তু রসিক দাদা, আজ কি কাণ্ডটাই করলে !

রসিক । শাই, বর টের পাওয়া যায়

কিন্তু সবাই বিবাহযোগ্য হয় না, সেইটের
একটা সামান্য উদাহরণ দিয়ে গেলুম।

পুর। সে উদাহরণ না দেখিয়ে ছোটো
একটা বিবাহযোগ্য বরের উদাহরণ দেখালেই
ত ভাল হত।

শৈল। সে ভার আমি নেয়েছি দিদি।

পুর। তা আমি বুঝেছি! তুমি আর
তোমার মুখ্যে মশায় মিলে ক'দিন ধরে যে
রকম পরামর্শ চলে একটা কি কাণ্ড হবেই।

অক্ষয়। কিছক্যাকাণ্ড ত আজ হয়ে
গেল।

রসিক। লঙ্কাকাণ্ডের আয়োজনও হচ্ছে,
চিরকুমার সভার স্বর্ণলঙ্কার আশ্রয় লাগাতে
চলেছি।

পুর। শৈল তার মধ্যে কে ?

রসিক। হুম্মান ত নয়ই।

অক্ষয়। উনিই হচ্ছেন স্বয়ং আশ্রয়।

রসিক। এক ব্যক্তি ওঁকে ল্যাজে করে
নিয়ে যাবেন।

পুর। আমি কিছু বুঝতে পারিনি!

শৈল, তুই চিরকুমার সভায় যাবি না কি!

শৈল। আমি যে সভায় হব।

পুর। কি বলিস্ তার ঠিক নেই! মেয়ে
মানুষ আবার সভায় হবে কি!

শৈল। আজকাল মেয়েরাও যে সভায়
হয়ে উঠেছে। তাই আমি শাড়ি ছেড়ে চাপ-
কান ধরব ঠিক করেছি।

পুর। বুঝেছি, ছদ্মবেশে সভায় হ'তে
যাচ্চিস বুঝি। চুলটাত কেটেই চিস্, ঐটেই
বাকি ছিল। তোমাদের যা খুসি কর, আমি
এর মধ্যে নেই।

অক্ষয়। না, না, তুমি এ দলে ভিড়ে না।
আর যার খুসি পুরুষ হোক, আমার অদৃষ্টে
তুমি চিরদিন মেয়েই থেকে—নইলে ত্রীচ

অক্ষয় কণ্ঠাঙ্কিত—সে বড় ভয়ানক মকদ্দমা!—

বলিয়া সিদ্ধিতে গান ধরিলেন—

ওগো চির-পুরাণো চাঁদ!

তুমি চির দিবস এমনি থেকে আমায়
এই সাধ!

ঐ পুরাণো হাসি, পুরাণো স্মৃতি, মিটায়
মম পুরাণো স্মৃতি,

নূতন কোন চকোর বেন পায় না পরসাদ!

পুরবালা রাগ করিয়া চলিয়া গেল। অক্ষয়
শৈলবালাকে আশ্বাস দিয়া কহিলেন—ভয়
নেই! রাগটা হয়ে গেলেই মনটা পরিস্কার
হবে—একটু অহুতাপও হবে—সেইটেই
স্বষেগের সময়।

রসিক। কোপো যত্র অকুটিরচনা,
নিগ্রহো যত্র মোনং,

যত্রাত্তোহন্ত্রমিতমহুনয়ং যত্র দৃষ্টিঃ প্রসাদঃ—

শৈল। রসিক দাদা তুমি ত দিব্য শ্লোক
আউড়ে চলেচ—কোপ জিনিষটা কি, তা
মুখ্যে মশায় টের পাবেন।

রসিক। আরে ভাই, বদল করতে রাজি
আছি! মুখ্যে মশায় যদি শ্লোক আওড়াতে
আর আমাকেই যদি মান ভাঙাতে হত তা
হলে এই পোড়া কপালকে সোণা দিয়ে বাঁধিয়ে
রাখতুম। কিন্তু দিদি, ঐ জলখাবারের থালা
ছুটি ত মান করে নি, বসে গেলে বোধ হয়
আপত্তি নেই?

অক্ষয়। ঠিক ঐ কথাটাই ভাব ছিলুম।

উভয়ে আহায়ে উপবেশন করিলেন,
শৈলবালা পাখা লইয়া বাতাস করিতে লাগি-
লেন।

তৃতীয় পরিচ্ছেদ।

—:~:—

শৈলবালা ডাকিল—মুখ্যে মশায় !

অক্ষয় অত্যন্ত ত্রস্তভাবে দেখাইয়া কহিলেন—
আবার মুখ্যে মশায় ! এই বালিখিল্য মুনিদের
ধ্যানভঙ্গ ব্যাপারের মধ্যে আমি নেই !

শৈলবালা। ধ্যানভঙ্গ আমরা করব।
কেবল মুনিকুমার গুলিকে এই বাড়িতে আনা
চাই।

অক্ষয় চক্ষু বিস্ফারিত করিয়া কহিলেন—
সভাস্থল এইখানে উৎপাটিত করে আনতে
হবে ? যত হুঃসাধ্য কাজ সবই এই একটিমাত্র
মুখ্যে মশায়কে দিয়ে ?

শৈলবালা হাসিয়া কহিল, মহাবীর হবার
ঐত মুস্কিল ! যখন গন্ধমাদনের প্রয়োজন
হয়েছিল তখন নল নীল অঙ্গদকে ত কেউ
পোছেও নি !

অক্ষয় গর্জন করিয়া কহিলেন, ওরে
পোড়ারমুখী, ত্রেতাযুগের পোড়ার মুখোকে
ছাড়া আর কোন উপমাও তোর মনে উদয়
হল না ? এত প্রেম !

শৈলবালা কহিল—হাঁ গো এতই প্রেম !

অক্ষয় ভৈরোতে গাহিয়া উঠিলেন—

পোড়া মনে শুধু পোড়া মুখ জাগে রে !

এত আছে লোক, তবু পোড়া চোখে

আর কেহ নাহি লাগে রে !

আচ্ছা, তাই হবে ! পঙ্গপাল ক'টাকে
শিখার কাছে তাড়িয়ে নিয়ে আসুব। তাহলে
চটকরে আমাকে একটা পান এনে দাও
তোমার স্বস্তের রচনা !

শৈল। কেন দিদির হস্তের—

অক্ষয়। আরে দিদির হস্ত ত যোগাড়
করেইচি, নইলে পাণিগ্রহণ কি জ্ঞে ? এখন

অন্ত পদ্মহস্তগুলির প্রতি দৃষ্টি দেবার অবকাশ
পাওয়া গেছে !

শৈল। আচ্ছা গো মশায় ! পদ্মহস্ত
তোমার পাণে এমনি চূণ মাখিয়ে দেবে যে,
পোড়ারমুখ আবার পুড়বে !

অক্ষয় গাহিলেন—

যারে মরণ দশায় ধরে

সে যে শতবার করে মরে।

পোড়া পতঙ্গ যত পোড়ে তত

আগুনে ঝাঁপিয়ে পড়ে !

শৈল। মুখ্যে মশায় ও কাগজের গোলাটা
কিসের ?

অক্ষয়। তোমাদের সেই সভ্য হবার
আবেদন পত্র এবং প্রবেশিকার দশটাকার
নোট পকেটে ছিল, খোবা বেটা কেচে এমনি
পরিষ্কার করে দিয়েছে, একটা অক্ষরও দেখতে
পাচ্চিনে। ও বেটা বোধ হয় স্বাধীনতার
ঘোরতর বিরোধী, তাই তোমার ঐ পত্রটা
একবারে আগাগোড়া সংশোধন করে দিয়েছে।

শৈল। এই বুঝি !

অক্ষয়। চারটিতে মিলে স্বরণশক্তি যুড়ে
বসে আছ, আর কিছু কি মনে রাখতে দিলে ?

সকলি ভুলেছে ভোলামন

ভোলেনি ভোলেনি শুধু ঐ চন্দ্রানন।

১০ নম্বর মধুমিত্রির গলিতে একতলার
একটি ঘরে চিরকুমার সভার অধিবেশন হয়।
বাড়িটি সভাপতি চন্দ্রমাধব বাবুর বাসা। তিনি
লোকটি ব্রাহ্ম কালেক্সের অধ্যাপক। দেশের
কাছে অত্যন্ত উৎসাহী ; মাতৃভূমির উন্নতির
জন্তু ক্রমাগতই নানা মৎলব তাঁহার মাথায়
আসিতেছে। শরীরটি কৃশ কিন্তু কঠিন,
মাথাটা মস্ত, বড় ছুইটি চোখ অস্তমনস্ক খেয়ালে
পরিপূর্ণ। প্রথমটা সভায় সভ্য অনেকগুলি
ছিল। সপ্তমি সভাপতি বাদে তিনটিতে

আসিয়া ঠেকিয়াছে। যুধভট্টগণ বিবাহ করিয়া গৃহী হইয়া রোজগারে প্রবৃত্ত। এখন তাঁহারা কোনপ্রকার চাঁদার খাতা দেখলেই প্রথমে হাসিয়া উড়াইয়া দেন, তাহাতেও খাতাধারী টিকিয়া থাকিবার লক্ষণ প্রকাশ করিলে গালি দিতে আরম্ভ করেন। নিজেদের দৃষ্টান্ত স্মরণ করিয়া দেশহিতৈষীর প্রতি তাঁহাদের অত্যন্ত অবজ্ঞা জন্মিয়াছে।

বিপিন, শ্রীশ, এবং পূর্ণ তিনটি সভ্য কালেজে পড়িতেছে, এখনো সংসারে প্রবেশ করে নাই। বিপিন ফুটবল খেলে, তাহার শরীরে অসামান্য বল, পড়াশুনা কখন করে কেহ বুঝিতে পারে না, অথচ চটপট একজামিন পাস করে। শ্রীশ বড় মাহুষের ছেলে, স্বাস্থ্য তেমন ভাল নয় তাই বাপ মা পড়াশুনার দিকে তত বেশী উত্তেজনা করেন না—শ্রীশ নিজের খেয়াল লইয়া থাকে। বিপিন এবং শ্রীশের বন্ধুত্ব অবিচ্ছেদ্য।

পূর্ণ গৌরবর্ণ; একহারা, লঘুগামী, ক্ষিপ্ত-কারী, দ্রুতভাষী, সকল বিষয়ে গাঢ় মনোযোগ, চেহারা দেখিয়া মনে হয় দৃঢ়-সংকল্প কাজের লোক। পূর্ণ অন্নদিন হইল সভ্য হইয়াছে—সে ইতিহাসটুকু বলা আবশ্যিক।

সে ছিল চন্দ্রমাধব বাবুর ছাত্র। ভালরূপ পাশ করিয়া ওকালতী দ্বারা সূচারূপ জীবিকা নির্বাহ করিবার প্রত্যাশায় সে রাত জাগিয়া পড়া করে। দেশের কাজ লইয়া নিজের কাজ নষ্ট করা তাহার সংকল্পের মধ্যে ছিল না। চিরকৌমার্য তাহার কাছে অত্যন্ত মনোহর বলিয়া বোধ হইত না। সন্ধ্যাবেলায় নিয়মিত আসিয়া সে চন্দ্রবাবুর নিকট হইতে পাস করিবার উপযুক্ত নোট লইত; এবং সে মনে মনে নিশ্চয় জানিত যে, চির কৌমার্য ব্রত না লওয়াতে এবং নিজের ভবিষ্যৎ মাটি করিবার জন্ত

লেশমাত্র ব্যগ্র না হওয়াতে তাহার প্রতি চন্দ্রমাধব বাবুর শ্রদ্ধামাত্র ছিল না, কিন্তু সেজন্য সে কখনো অসহ্য হুঃখানুভব করে নাই।

একদিন সন্ধ্যাকালে কেবোসিন্ ল্যাম্পের সম্মুখে বসিয়া চন্দ্রমাধববাবুর নিকট হইতে গ্রন্থের বিশেষ পাঠ্য জায়গায় পূর্ণ নীল পেন্সিলের দাগ দিয়া লইতেছিল, এমন সময় একটি উচ্চমধুর কণ্ঠ ডাকিয়া উঠিল—মামা! এবং তখনি একটি কল্পা মুক্তবেণী আন্দোলন পূর্বক আচম্কা ঘরের মধ্যে ঢুকিয়া পড়িল। চন্দ্রমাধব বাবু ঈষৎ হাসিয়া বলিলেন “যাচ্চি ফেনি!” তখন উক্ত আকস্মিক অভ্যাগতা তাহার মাতুলের ছাত্রটিকে দেখিতে পাইয়া সচকিতে জিভ কাটিয়া দ্রুতপদে পলায়ন করিল। কিন্তু সহসা পাঠগৃহের মধ্যে অনাহুত বিদ্বাংশিখা আসিয়া অধ্যয়নের মাধ্যম বজ্রাঘাত করিয়া গেল, পাঠশালার বন্ধবাতাস উত্তরে দক্ষিণে তড়িৎকম্পনে বারংবার ত্বরিত হইতে লাগিল!

কল্পাটির নাম নির্মলা, চন্দ্রমাধব বাবুর পিতৃমাতৃহীনা ভাগিনেয়ী। চন্দ্রবাবু তাহাকে বরাবর শিক্ষা দিয়া আসিয়াছেন। চন্দ্রবাবু তাহার নিকট নরলোকে দেবতার আদর্শ। চন্দ্রবাবুর সমস্ত কথা মধুরতর কণ্ঠে, সমস্ত মত তীব্রতর আবেগে, সমস্ত কার্য অক্লান্তর উৎসাহে এই বালিকাকে আশ্রয় করিয়া আছে। সেও কখন মনে মনে প্রতিজ্ঞা করিয়া বসিয়াছে যে, বিবাহ না করিয়া সে দেশের কাজেই জীবন উৎসর্গ করিবে। দেশের কাজকে সে আপনার মনে অহুবাদ করিয়াছিল চন্দ্রমাধব বাবুর কাজ। দ্রাবিড় দেশের কাজ করিবার লোক অল্প থাকিতে পারে কিন্তু চন্দ্রমাধব বাবুর কাজ করিবার লোকের বিশেষ প্রয়োজন। বই পড়িয়া পড়িয়া তাঁহার দৃষ্টিশক্তি

ক্ষীণ কিন্তু কোনমতে চন্মা ব্যবহার করেন না, সকল জিনিষ ক্রমাগত চোখের কাছে আনিয়া আনিয়া দেখেন স্নতরাং সংসারের অধিকাংশ পদার্থই তাঁহার দৃষ্টি-সীমার বহির্ভূত। হাতে পেন্সিল লইয়া তিনি পেন্সিল খোঁজেন, ট্রামে যাইবার সময় পয়সা লইয়া যান না, ধূতি পরিবার সময় নিশ্রীলার চওড়া লালপেড়ে সাড়ি পরিয়া বসেন এবং দর্শকগণ হাশ্ব সঘরণে অক্ষম হইলে তাহার কোনই কারণ বুঝিতে পারেন না। নিশ্রীলা সতর্কচিত্তে এইগুলি সর্বদা সংশোধন পূর্বক অধ্যাপক মহাশয়কে ভদ্রসমাজের প্রচলিত রীতিনীতির মধ্যে আবদ্ধ করিয়া রাখিয়াছে।

বলা বাহুল্য, পূর্ণর তরুণ চক্ষু নিজের সমস্ত কর্তব্য নিমেষের মধ্যে পরিহার করিয়া সেদিনকার সেই ক্ষণিক দৃশ্যটি ভাল করিয়াই দেখিয়া লইয়াছিল। ইহার পর কিছুদিন সে পড়িতে পড়িতে চমকিয়া উঠিত; ছায়ের দিকে দৃষ্টিপাত করিত, তাহার মনে হইত যেন অদূরে চকিত চরণের ত্রস্ত শব্দ শুন। যাইতেছে।

পূর্ণ তাহাদের অধ্যয়নের নির্দিষ্টসময়ের পূর্বেই যাতায়াত করা আরম্ভ করান্তে প্রায়ই এমন হইতে লাগিল যে, সেও সিঁড়িতে উঠিতেছে নিশ্রীলাও নামিতেছে, মধ্যপথে সাক্ষাৎ। কোনদিন বা পূর্ণ অধ্যয়ন গৃহে আসিয়া দেখে নিশ্রীলা তাহার মামার পেন্সিল কাগজ নোট-বই শুছাইয়া রাখিতেছে, ক্ষীণদৃষ্টি অধ্যাপকের জন্ত আলোক-শিখা সম্বন্ধে উজ্জ্বলতর করিয়া তুলিতেছে। এইরূপে পূর্ণ প্রায় প্রত্যহই এই সেবাব্রতধারিণী সুন্দর বালিকার অশ্রান্ত মঙ্গল কার্যের অকস্মাৎ পরিচয় পাইতে লাগিল।

এইরূপে কিছু দিন যাইতেই চন্দ্রমাধব বাবুর শ্রদ্ধা পূর্ণর কাছে আর উপেক্ষণীয় বলিয়া বোধ হইল না। সে চিরকুমার সভার সভ্য

হইল। ছাত্রের চরিত্রের প্রতি নিজের "নৈতিক প্রভাবে" চন্দ্রমাধব বাবু অত্যন্ত স্নাঘা বোধ করিলেন।

সে দিন সভা বসিয়াছে। চন্দ্রমাধব বাবু বলিতেছেন, আমাদের এই সভার সভ্যসংখ্যা অল্প হওয়াতে কারো হতাশ্বাস হবার কোন কারণ নেই—

তাঁহার কথা শেষ না হইতেই কৃষ্ণকায়ী উৎসাহী শ্রীশ বলিয়া উঠিল—হতাশ্বাস! সেইত আমাদের সভার গৌরব! এ সভার মহৎ আদর্শ এবং কঠিনবিধান কি সর্বসাধারণের উপযুক্ত! আমাদের সভা অল্প লোকের সভা।

চন্দ্রমাধব বাবু কার্যবিবরণের খাতাটা চোখের কাছে তুলিয়া ধরিয়া কহিলেন— কিন্তু আমাদের আদর্শ উন্নত এবং বিধান কঠিন রলেই আমাদের বিনয় রক্ষা করা কর্তব্য; সর্বদাই মনে রাখা উচিত আমরা আমাদের সকল সাধনের যোগ্য না হতেও পারি। ভেবে দেখ পূর্বে আমাদের মধ্যে এমন অনেক সভ্য ছিলেন যারা হয়ত আমাদের চেয়ে সর্বাংশে মহত্তর ছিলেন, কিন্তু তাঁরাও নিজের স্নখ এবং সংসারের প্রবল আকর্ষণে একে একে লক্ষ্যভ্রষ্ট হইয়াছেন। আমাদের কল্প জনের পথেও যে প্রলোভন কোথায় অপেক্ষা করচে তা কেউ বলতে পারে না। সেই জন্ত আমরা দৃষ্ট পরিভ্যাগ করব, এবং কোন রকম শপথও বন্ধ হতে চাইনে—আমাদের মত এই যে, কোন কালে মহৎ চেষ্টাকে মনে স্থান না দেওয়ার চেয়ে চেষ্টা করে অকৃতকার্য হওয়া ভাল।

পাশের ঘরে ঈষৎ মুক্ত দরজার অন্তরালে একটি শ্রোত্রী এই কথায় যে একটুখানি বিচলিত হইয়া উঠিল, তাহার অক্ষয়বন্ধ চাবির গোছায় দুই একটা চাবি যে একটু ইঁদু শব্দ

করিল তাহা পূর্ণ ছাড়া আর কেহ লক্ষ্য করিতে পারিল না।

চন্দ্রমাধব বাবু বলিতে লাগিলেন, আমাদের সভাকে অনেকেই পরিহাস করেন ; অনেকেই বলেন তোমরা দেশের কাজ করবার জন্ত কৌমার্য্য ব্রত গ্রহণ করচ, কিন্তু সংগেই যদি এই মহৎ প্রতিজ্ঞায় আবদ্ধ হয় তা হলে পঞ্চাশ বৎসর পরে দেশে এমন মানুষ কে থাকবে যার জন্তে কোন কাজ করা কারো দরকার হবে। আমি প্রায়ই নম্র নিরুত্তরে এই সকল পরিহাস বহন করি ; কিন্তু এর কি কোন উত্তর নেই ?—বলিয়া তিনি তাঁহার তিনটা মাত্র সভ্যের দিকে চাহিলেন।

পূর্ণ নেপথ্যবাসিনীকে স্বরণ করিয়া সোৎসাহে কহিল—অ'ছে বৈ কি। সকল দেশেই একদল মানুষ আছে যারা সংসারী হবার জন্তে জন্মগ্রহণ করেনি, তাদের সংপ্যা অন্ন। সেই কটিকে আকর্ষণ করে এক উদ্দেশ্য-বন্ধনে বাঁধবার জন্তে আমাদের এই সভা—সমস্ত জগতের লোককে কৌমার্য্যব্রতে দীক্ষিত করবার জন্তে নয়। আমাদের এই জাল অনেক লোককে ধরবে এবং অধিকাংশকেই পরিত্যাগ করবে, অবশেষে দীর্ঘকাল পরীক্ষার পর ছুটি চারটি লোক ধেকে যাবে। যদি কেহ জিজ্ঞাসা করে তোমরাই কি সেই ছুটি চারটি লোক তবে স্পর্ধাপূর্ব্বক কে নিশ্চয় রূপে বলতে পারে। হাঁ আমরা জ্বলে অক্লষ্ট হয়েছি এই পর্য্যন্ত কিন্তু পরীক্ষায় শেষ পর্য্যন্ত টিকতে পারব কি না তা অন্তর্ধামীই জানেন। কিন্তু আমরা কেউ টিকতে পারি বা না পারি, আমরা একে একে স্থগিত হই বা না হই, তাই বলে আমাদের এই সভাকে পরিহাস করবার অধিকার কারো নেই। কেবল যদি আমাদের সভাপতি মশায় একলায় থাকেন, তবে আমাদের এই

পরিত্যক্ত সভাক্ষেত্র সেই এক তপস্বীর তপঃ-প্রভবে পবিত্র উজ্জল হয়ে থাকবে এবং তাঁর চিরজীবনের তপস্যার ফল দেশের পক্ষে কখনই ব্যর্থ হবে না।

কৃষ্টিত সভাপতি কার্য্যবিবরণের খাতা খানি পুনর্বার তাঁহার চোখের অত্যন্ত কাছে ধরিয়া অন্তমনস্কভাবে কি দেখিতে লাগিলেন। কিন্তু পূর্ণর এই বক্তৃতা যথাস্থানে যথাবেগে গিয়া পৌছিল। চন্দ্রমাধব বাবুর একাকী তপস্যার কথায় নির্ম্মলার চক্ষু ছল ছল করিয়া আসিল এবং বিচলিত বালিকার চাবির গোছার বনক শব্দ উৎকর্ণ পূর্ণকে পুরস্কৃত করিল।

বিপিন চূপ করিয়া ছিল, এতক্ষণ পরে সে তাহার জলদ মস্ত্র গস্তীর কণ্ঠে কহিল—আমরা এ সভার যোগ্য কি অযোগ্য, কালেই তার পরিচয় হবে, কিন্তু কাজ করাও যদি আমাদের উদ্দেশ্য হয় তবে সেটা কোন এক সময়ে শুরু করা উচিত। আমার প্রশ্ন এই—কি করতে হবে ?

চন্দ্রমাধব উজ্জল উৎসাহিত হইয়া বলিয়া উঠিলেন, এই প্রশ্নের জন্ত আমরা এতদিন অপেক্ষা করেছিলাম, কি করতে হবে ? এই প্রশ্ন যেন আমাদের প্রত্যেককে দংশন করে অধীর করে তোলে, কি করতে হবে ? বন্ধুগণ কাজই একমাত্র ঐক্যের বন্ধন। এক সঙ্গে যারা কাজ করে তা'রাই এক। এই সভায় আমরা যতক্ষণ সকলে মিলে একটা কাজে নিযুক্ত না হব ততক্ষণ আমরা যথার্থ এক হতে পারব না। অতএব বিপিন বাবু আজ এই যে প্রশ্ন করছেন—কি করতে হবে—এই প্রশ্নকে নিবৃতে দেওয়া হবে না। সভ্যমহাশয়গণ, আপনারা উত্তর করুন কি করতে হবে ?

হর্ষল দেহ শ্রীশ অস্থির হইয়া বলিয়া উঠিল আমাদের যদি জিজ্ঞাসা করেন কি করতে

হবে, আমি বলি আমাদের সকলকে সন্ন্যাসী হয়ে ভারতবর্ষের দেশে দেশে গ্রামে গ্রামে দেশহিতবৃত্ত করে বেড়াতে হবে, আমাদের মনকে পুষ্ট করে তুলতে হবে, আমাদের এই সভাটিকে স্থল সূত্র স্বরূপ করে সমস্ত ভারত-বর্ষকে গৌণে ফেলতে হবে।

বিপিন হাসিয়া কহিল ; সে ঢের সময় আছে, যা কালই শুরু করা যেতে পারে এমন একটা কিছু কাজ বল। “মারি ত গণ্ডার” “নুঠি ত ভাণ্ডার” যদি পণ করে বস, তবে গণ্ডারও বাঁচবে ভাণ্ডারও বাঁচবে, তুমিও যেমন আরামে আছ তেমনই আরামে থাকবে। আমি প্রস্তাব করি, আমরা প্রত্যেকে ছুটি করে বিদেশী ছাত্র পালন করব, তাদের পড়া শুনো এবং শরীর মনের সমস্ত চর্চার ভার আমাদের উপর থাকবে।

শ্রীশ কহিল—এই তোমার কাজ। এর জন্তই আমরা সন্ন্যাসধর্ম গ্রহণ করেছি? শেষ-কালে ছেলে মানুষ করতে হবে, তাহলে নিজের ছেলে কি অপরাধ করেছে!

বিপিন বিরক্ত হইয়া কহিল, তা যদি বল তাহলে সন্ন্যাসীর ত কর্মই নেই ; কর্মের মধ্যে ভিক্ষে এবং ভ্রমণ ও ভগ্নামি!

শ্রীশ রাগিয়া কহিল, আমি দেখি চি আমাদের মধ্যে কেউ কেউ আছেন এসভার মহৎ উদ্দেশ্যের প্রতি বাদের শ্রদ্ধামাত্র নেই, তাঁরা যত শীঘ্র এ সভা পরিত্যাগ করে সন্তানপালনে প্রবৃত্ত হন ততই আমাদের মঙ্গল!

বিপিন আরক্তবর্ণ হইয়া বলিল—নিজের সম্বন্ধে কিছু বলতে চাইনে কিন্তু এ সভায় এমন কেউ কেউ আছেন, যারা সন্ন্যাস গ্রহণের কঠোরতা এবং সন্তানপালনের ত্যাগ স্বীকার ছয়েরই অযোগ্য, তাঁদের—

চন্দ্রমাধব বাবু চোপের বাছ হইতে কার্য-

বিবরণের খাতা নামাইয়া কহিলেন, উৎখাপিত প্রস্তাব সম্বন্ধে পূর্ণ বাবুর অভিপ্রায় জানতে পারিলে আমার মস্তব্য প্রকাশ করবার অবসর পাই।

পূর্ণ কহিল, অল্প বিশেষরূপে সভার ঐক্য বিধানের জন্ত একটা কাজ অবলম্বন করবার প্রস্তাব করা হয়েছে। কিন্তু কাজের প্রস্তাবে ঐক্যের লক্ষণ কি রকম পরিস্ফুট হয়ে উঠেছে সে আর কাউকে চোখে আঙ্গুল দিয়ে দেখাবার দরকার নেই। ইতিমধ্যে আমি যদি আবার একটা তৃতীয় মত প্রকাশ করে বসি তাহলে বিরোধানলে তৃতীয় আহতি দান করা হবে—অতএব আমার প্রস্তাব এই যে সভাপতি মশায় আমাদের কাজ নির্দেশ করে দেবেন এবং আমরা তাই শিরোধার্য করে নিয়ে বিনা বিচারে, পালন করে যাব, কার্যসাধন এবং ঐক্য সাধনের এই এক মাত্র উপায় আছে।

পাশের ঘরে এক ব্যক্তি আবার একবার নড়িয়া চড়িয়া বসিল এবং তাহার চাবি বন্ করিয়া উঠিল।

বিষয়কর্মে চন্দ্রমাধব বাবুর মত অপটু কেহ নাই কিন্তু তাঁহার মনের খেয়াল বাণিজ্যের দিকে। তিনি বলিলেন, আমাদের প্রথম কর্তব্য ভারতবর্ষের দারিদ্র্যমোচন, এবং তার আশ্রয় উপায় বাণিজ্য। আমরা কয়জননে বড় বাণিজ্য চালাতে পারিনে, কিন্তু তার সূত্রপাত করতে পারি। মনে কর আমরা সকলেই যদি দিয়াশেলাই সম্বন্ধে পরীক্ষা আরম্ভ করি। এমন যদি একটা কাটি বের করতে পারি যা সহজে জলে, শীঘ্র নেবে না এবং দেশের সর্বত্র প্রচুর পরিমাণে পাওয়া যায় তাহলে দেশে সস্তা দেশলাই নির্মাণের কোন বাধা থাকে না। —এই বলিয়া জাপানে এবং যুরোপে সবহু কত দেশলাই প্রস্তুত হয়, তাহাতে কোন কোন

কাঠের কাঠি ব্যবহার হয়, কাঠির সঙ্গে কি কি দাহপদার্থ মিশ্রিত করে, কোথা হঠতে কত দেশলাই রপ্তানি হয়, তাহার মধ্যে কত ভারত-বর্ষে আসে এবং তাহার মূল্য কত, চন্দ্র-মাধব বাবু তাহা বিস্তারিত করিয়া বলিলেন। বিপিন শ্রীশ নিস্তরু হইয়া বসিয়া রহিল। পূর্ণ কহিল, পাকাটি এবং খ্যাংরা কাঠি দিয়ে শীঘ্রই পরীক্ষা করে দেব।—শ্রীশ মুখ ফিরাইয়া হাসিল।

এমন সময় ঘরের মধ্যে অক্ষয় আসিয়া প্রবেশ করিলেন। কহিলেন, মশায় প্রবেশ করতে পারি ?

শ্রীশ্রী চন্দ্রমাধব বাবু ইঠাৎ চিনিতে না পারিয়া জরাজীর্ণ করিয়া অবাঞ্ছিত হইয়া চাহিয়া রহিলেন। অক্ষয় কহিলেন, মশায় ভয় পাবেন না এবং অমন জরাজীর্ণ করে আমাদেরও ভয় দেখাবেন না—আমি অভূতপূর্ব নই—এমন কি, আমি আপনাদেরই ভূতপূর্ব—আমার নাম—

চন্দ্রমাধব বাবু তাড়াতাড়ি উঠিয়া কহিলেন আর নাম বলতে হবে না—আম্বন আম্বন অক্ষয় বাবু—

তিন তরুণ সভ্য অক্ষয়কে নমস্কার করিল। বিপিন ও শ্রীশ দুই বন্ধু সন্তোষবিবাদের বিমর্ষ-তায় গম্ভীর হইয়া বসিয়া রহিল; পূর্ণ কহিল, মশায়, অভূতপূর্বর চেয়ে ভূতপূর্বকেই বেশী ভয় হয়।

অক্ষয় কহিলেন—পূর্ণ বাবু বুদ্ধিমানের মত কথাই বলেছেন। সংসারে ভূতের ভয়টাই প্রচলিত। নিজে যে ব্যক্তি ভূত অন্তলোকের জীবনসন্তোষটা তার কাছে বাঞ্ছনীয় হতে পারেই না, এই মনে করে মানুষ ভূতকে ভয়-ঙ্কর কল্পনা করে। অতএব সভাপতিমশায়, চিরকুমার সভার ভূতটিকে সভাথেকে ঝাড়া-

বেন, না পূর্ব সম্পর্কের মমতা বশতঃ একখানি চৌকি দেবেন, এইবেলা বলুন!

“চৌকি 'দেওয়াই স্থির’ বলিয়া চন্দ্রবাবু একখানি চেয়ার অগ্রসর করিয়া দিলেন। “সর্ব সন্নতিক্রমে আসন গ্রহণ করলুম” বলিয়া অক্ষয় বাবু বসিলেন বলিলেন, আপনারা আমাকে নিতান্ত ভদ্রতা করে বসতে বলেন বলেই যে আমি অভদ্রতা করে বসেই থাকব আমাকে এমন অসভ্য মনে করবেন না—বিশেষতঃ পান তামাক এবং পত্নী আপনাদের সভার নিয়ম বিরুদ্ধ অথচ ঐ তিনটে বদ অভ্যাসই আমাকে একেবারে মাটি করেছে সুতরাং চটপট কাজের কথা সেরেই বাড়িমুগো হতে হবে।

চন্দ্রবাবু হাসিয়া কহিলেন, আপনি যখন সভ্য নন তখন আপনার স্বন্ধে সভার নিয়ম নাই খাটালেম—পান তামাকের বন্দোবস্ত বোধ হয় করে দিতে পারব কিন্তু আপনার তৃতীয় নেশাই—

অক্ষয়। সেটি এখানে বহন করে আন-বার চেষ্টা করবেন না, আমার সে নেশাটি প্রকাশ্য নয়!

চন্দ্রবাবু পান তামাকের স্তম্ভ সনাতন চাক-রকে ডাকিবার উপক্রম করিলেন। পূর্ণ কহিল আমি ডাকিয়া দিতেছি বলিয়া উঠিল;—পাশের ঘরে চাৰি এবং চূড়ি এবং সহসা পলা-য়নের শব্দ একসঙ্গে শোনা গেল।

অক্ষয় তাহাকে ধামাইয়া কহিলেন, “বস্তু-দেশে যদাচারঃ” যতক্ষণ আমি এখানে আছি ততক্ষণ আমি আপনাদের চিরকুমার—কোন প্রভেদ নেই! এখন আমার প্রস্তাবটা শুনুন।

চন্দ্রবাবু টেবিলের উপর কার্যবিবরণের খাতাটির প্রতি অত্যন্ত কুঁকিয়া পড়িয়া মন দিয়া শুনিতে লাগিলেন।

অক্ষয় বহিলেন আমার কোন মঙ্গলের

ধনী বন্ধু তাঁর একটি সস্তানকে আপনাদের কুমার সভার সভ্য করতে ইচ্ছা করেছেন।

চন্দ্রবাবু বিস্মিত হইয়া কহিলেন, বাপ ছেলেটির বিবাহ দিতে চান না!

অক্ষয়। সে আপনারা নিশ্চিত থাকুন—বিবাহ সে কোনক্রমেই করবেনা আমি তার জামিন রইলুম। তার দূর সম্পর্কের এক দাদা স্বল্প সভ্য হবেন। তাঁর সম্বন্ধেও আপনারা নিশ্চিত থাকতে পারেন, কারণ যদিচ তিনি আপনাদের মত স্বকুমার নন কিন্তু আপনাদের সকলের চেয়ে বেশী কুমার, তাঁর বয়স ৬০ পেরিয়ে গেছে—সুতরাং তাঁর সন্দেহের বয়সটা আর নেই, সৌভাগ্যক্রমে সেটা আপনাদের সকলেরই আছে।

অক্ষয় বাবুর প্রস্তাবে চিরকুমার সভা প্রফুল্ল হইয়া উঠিল, সভাপতি কহিলেন সভ্য-পদপ্রার্থীদের নাম ধাম বিবরণ—

অক্ষয়। অবশ্যই তাঁদের নাম ধাম বিবরণ একটা আছেই—সভাকে তার থেকে বঞ্চিত করিতে পারা যাবে না—সভ্য যখন পাবেন তখন নাম ধাম বিবরণ স্বল্পই পাবেন। কিন্তু আপনাদের এই একতলার স্যাংসেঁতে ঘরটি স্বাস্থ্যের পক্ষে অল্পকূল নয়; আপনাদের এই চিরকুমার কণ্ঠের চিরস্থ যাতে হাস না হয় সেদিকে একটু দৃষ্টি রাখবেন!

চন্দ্রবাবু কিঞ্চিৎ লজ্জিত হইয়া খাতাটিনাকের কাছে তুলিয়া লইয়া বলিলেন—অক্ষয় বাবু আপনি জানেন ত আমাদের আয়—

অক্ষয়। আয়ের কথাটা—আর প্রকাশ করবেন না, আমি জানি ও আলোচনাটা চিত্ত-প্রফুল্লকর নয়। ভালঘরের বন্দোবস্ত করে রাখা হয়েছে সে জন্তে আপনাদের ধনাধ্যক্ষকে স্মরণ করতে হবে না। চলুন না আজই সমস্ত দেখিয়ে গুনিয়া আনি।

বিমর্ষ বিপিন শ্রীশের মুখ উজ্জ্বল হইয়া উঠিল। সভাপতিও প্রফুল্ল হইয়া উঠিয়া চুলের মধ্যদিয়া বারবার আঙ্গুল ব্লাইতে ব্লাইতে চুলগুলোকে অত্যন্ত অপরিষ্কার করিয়া তুলিলেন। কেবল পূর্ণ অত্যন্ত দমিয়া গেল। সে বলিল, সভার স্থান পরিবর্তনটা কিছু নয়। অক্ষয় কহিলেন,—কেন, এবাড়ি থেকে ওবাড়ি করলেই কি আপনাদের চির-কোমার্যের প্রদীপ হাওয়ায় নিবে যাবে?

পূর্ণ। এ ঘরটি ত আমাদের মন্দ বোধ হয় না।

অক্ষয়। মন্দ নয়, কিন্তু এর চেয়ে ভাল ঘর সহরে হুপ্রাপ্য হবে না!

পূর্ণ। আমার ত মনে হয় বিলাসিতার দিকে মন না দিয়ে খানিকটা কষ্টসহিষ্ণুতা অভ্যাস করা ভাল!

শ্রীশ কহিল, সেটা সভার অধিবেশনে না করে সভার বাইরে করা যাবে।

বিপিন কহিল—একটা কাজে প্রবৃত্ত হোলেই এত ক্লেশ সহ করবার অবসর পাওয়া যায় যে, অকারণে বলক্ষয় করা মূঢ়তা।

অক্ষয়। বন্ধুগণ, আমার পরামর্শশোন, সভাঘরের অন্ধকার দিয়ে চিরকোমার্য ব্রতের অন্ধকার আর বাড়িয়োনা। আলোক এবং বাতাস স্ত্রীলিঙ্গ নয় অতএব সভার মধ্যে গুহুটোকে প্রবেশ করতে বাধা দিয়ো না। আরো বিবেচনা করে দেখ, এস্থানটি অত্যন্ত সরস, তোমাদের ব্রতটি তহুপযুক্ত নয়। বাতীকের চর্চা কর্চ কর, কিন্তু বাতের চর্চা তোমাদের প্রতিজ্ঞার মধ্যে নয়। কি বল শ্রীশ বাবু বিপিন বাবুর কি মত?

হুই বন্ধু বলিল—ঠিক কথা। ঘরটা একবার দেখেই আসা যাক না।

পূর্ণ বিমর্ষ হইয়া নিরুত্তর রহিল। পাশের

ঘরেও চাৰি একবার চুঁন কৰিল, কিন্তু অত্যন্ত
অশ্রুসন্ন হুৱে!

চতুৰ্থ পরিচ্ছেদ ।

—:~:—

অক্ষয় বলিলেন—স্বামীই স্ত্রীর একমাত্র
তীৰ্থ। মান কি না ?

পূৰ্ববালা। আমি কি পণ্ডিত মশায়ের
কাছে শাস্ত্রের বিধান নিতে এসেছি ? আমি
মার সঙ্গে আজ কাশী চলেছি এই খবরটি
দিয়ে গেলুম।

অক্ষয়। খবরটি সুখবর নয়—শোনবা-
মাত্র তোমাকে শাল দোশালা বক্শিশ্ দিয়ে
ফেলতে ইচ্ছে করচে না।

পূৰ্ববালা। ইস, হৃদয় বিদীর্ণ হচ্ছে ! না ?
সহ করতে পারচ না ?

অক্ষয়। আমি কেবল উপস্থিত বিচ্ছেদ-
টার কথা ভাবচি নে—এখন তুমি দুদিন না
রইলে, আরো ক'জন রয়েছেন, এক রকম
করে এই হতভাগ্যের চলে যাবে। কিন্তু এর
পরে কি হবে ? দেখ, ধর্ম কস্মে স্বামীকে
এগিয়ে যেয়ো না,—স্বর্গে তুমি যখন ডবল
প্রোমোশন্ পেতে থাকবে আমি তখন পিছিয়ে
থাকব—তোমাকে বিষ্ণুদূতে রখে চড়িয়ে নিয়ে
যাবে, আর আমাকে যমদূতে কাণে ধরে
হাঁটিয়ে দৌড় করাবে—(গান)

তোমায় নিয়ে যাবে উড়িয়ে,

আর আমি চলব ধু ডিয়ে !

ইচ্ছা হবে বিষ্ণুদূতের

মাথাটা দিই ও ডিয়ে !

পূৰ্ববালা। আচ্ছা, আচ্ছা, থাম ।

অক্ষয়। আমি থামব, কেবল তুমিই
চলবে ! উনবিংশ শতাব্দীর এই বন্দোবস্ত ?
নিতান্তই চললে ?

পূৰ্ববালা। চম্ভম।

অক্ষয়। আমাকে কার হাতে সমর্পণ
করে গেলে ?

পূৰ্ববালা। রসিক দাদার হাতে !

অক্ষয়। মেয়ে মানুষ, হস্তান্তর করার
আইন কিছুই জান না ! সেই জন্তেই ত
বিরহাবস্থায় উপযুক্ত হাত নিজেই খুঁজে নিয়ে
আত্মসমর্পণ করতে হয়।

পূৰ্ববালা। তোমাকে ত বেশী খোঁজা-
খুঁজি করতে হবে না !

অক্ষয়। তা হবে না। (গান)—

কার হাতে যে ধরা দেব হায়।

(তাই) ভাবতে আমার বেলা যায়।

ডান দিকেতে তাকাই যখন,

বায়ের লাগি কাঁদে মন,

বায়ের দিকে ফিরলে তখন,

দক্ষিণ ডাকে আয়রে আয়।

আচ্ছা আমার যেন সান্ধনার গুটি দুই তিন
সহপায় আছে কিন্তু তুমি

বিরহ ধামিনী কেমনে মাপিবে,

বিচ্ছেদ তাপে যখন তাপিবে

এপাশ ওপাশ বিছানা মাপিবে,

মকরকেতনে কেবলি মাপিবে,

পূৰ্ববালা। রক্ষে কর, ও মিলটা ঐ খানেই

শেষ কর !

অক্ষয়। দুঃখের সময় আমি থামতে পারিনে
—কাব্য আপনি বেরতে থাকে। মিল ভাল
না বাস অমিত্রাক্ষর আছে, তুমি যখন বিদেশে
থাকবে আমি “অর্জুনাদ বদ্ কাব্য” বলে একটা
কাব্য লিখব—সখি তার আরম্ভটা শোন—
(সাড়ম্বরে)

বাস্পীয় শব্দে চড়ি নারী চূড়ামণি ।
পুরবালা চলি যবে গেলা কাশীধামে
বিকালে, কহ হে দেবি অমৃতভাষিণী
কোন বরাঙ্গনে বরি বরমালাদানে
যাপিলা বিচ্ছেদ মাস শ্রীশ্রীশ্রীশ্রীশ্রী
শ্রীঅক্ষয় !

পুরবালা । (সগর্বে) আমার মাথা খাও,
ঠাট্টা নয়, তুমি একটা সত্যিকার কাব্য লেখনা ।

অক্ষয় । মাথা খাওয়ার কথাটা যদি বললে,
আমি নিজের মাথাটি খেয়ে অবধি বুঝেছি ওটা
সুখাদ্যের মধ্যে গণ্য নয় । আর ঐ কাব্য
লেখা,ও কাব্যটাও সুসাদ্য বলে জ্ঞান করিনে ।
বুদ্ধিতে আমার এক জায়গায় ফুটো আছে,
কাব্য জন্মে পারে না—ফস্ ফস্ করে বেরিয়ে
পড়ে ।

তুমি জান আমার গাছে ফল কেন না ফলে ।
যেমন ফুলটি ফুটে ওঠে আনি চরণতলে !

কিন্তু আমার প্রেমের ত কোন উত্তর
পেলুম না । কৌতূহলে মরে যাচ্ছি । কাশীতে
যে চলেছ, উৎসাহটা কিসের জন্ত ? আপাততঃ
সেই বিষ্ণু দূতটাকে মনে মনে ক্ষমা করলুম,
কিন্তু ভগবান্ ভূতনাথ ভবানীপতির অনুচর-
গুলোর উপর ভারি সন্দেহ হচ্ছে । শুনেছি
নন্দী ও ভৃগুী অনেক বিষয়ে আমাকেও জ্ঞেতে,
ফিরে এসে হয়ত এই ভূতটিকে পছন্দ না
হতেও পারে !

অক্ষয়ের পরিহাসের মধ্যে একটু যে অভি-
মানের জ্বালা ছিল, সেটুকু পুরবালা অনেক-
ক্ষণ বুঝিয়েছে । তাহা ছাড়া, প্রথমে কাশী
যাইবার প্রস্তাবে তাহার যে উৎসাহ হইয়াছিল,
যাত্রার সময় যতই নিকটবর্তী হইতে লাগিল
ততই তাহা ম্লান হইয়া আসিতেছে ।

সে কহিল—আমি কাশী যাব না ।

অক্ষয় । সে কি কথা ! ভূতভাবনের যে

ভূতগুলি একবার মরে ভূত হয়েছে—তারা
যে দ্বিতীয়বার মরবে !

রসিকের প্রবেশ ।

পুরবালা । আজ যে রসিকদাদার মুখ
ভারি প্রফুল্ল দেখাচ্ছে ?

রসিক । ভাই, তোর রসিকদাদার মুখের
ঐ রোগটা কিছুতেই ঘুচিল না । কথা নেই
বার্তা নেই প্রফুল্ল হয়েই আছে—বিবাহিত
লোকেরা দেখে, মনে মনে রাগ করে ।

পুরবালা । শুনলে ত, বিবাহিত লোক !
এর একটা উপযুক্ত জবাব দিয়ে যাও !

অক্ষয় । আমাদের প্রফুল্লতার খবর ও
বুদ্ধ কোথা থেকে জানবে ? সে এত বহুসময়
যে, তা উদ্ভেদ করতে আজ পর্য্যন্ত কেউ পারলে
না—সে এত গভীর যে আমরাই হাতড়ে খুঁজে
পাইনে, হঠাৎ সন্দেহ হয় আছে কি না ।

পুরবালা “এই বুঝি !” বলিয়া রাগ করিয়া
চলিয়া যাইবার উপক্রম করিল ।

অক্ষয় তাহাকে ধরিয়া ফিরাইয়া কহিল—
দোহাই তোমার এই লোকটির সামনে রাগা-
রাগি করো না—তাহলে ওর আশ্পর্কী আরো
বেড়ে যাবে ।—দেখ দাম্পত্য তত্বানভিজ্ঞ বুদ্ধ,
আমরা যখন রাগ করি তখন স্বভাবতঃ আমা-
দের কণ্ঠস্বর প্রবল হয়ে উঠে, সেইটেই তোমা-
দের কণ্ঠগোচর হয় ; আর অনুরাগে যখন
আমাদের কণ্ঠ রুদ্ধ হয়ে আসে, কাণের কাছে
মুখ আনতে গিয়ে মুখ বারংবার লক্ষ্যভ্রষ্ট হয়ে
পড়তে থাকে,—তখন ত খবর পাও না !

পুরবালা । আঃ—চূপ কর !

অক্ষয় । যখন গয়নার ফর্দ হয় তখন
বাড়ির সরকার থেকে শ্রাকরা পর্য্যন্ত সেটা
কারো অবিদিত থাকে না কিন্তু বসন্ত নিশীথে
যখন প্রেমসী—

পুরবালা । আঃ—ধাম !

অক্ষয় । বসন্ত নিশীথে প্রেয়সী—

পুরবালা । আঃ—কি বক্চ তার ঠিক নেই !

অক্ষয় । বসন্তনিশীথে যখন প্রেয়সী গর্জন করে বলেন, আমি কালই বাপের বাড়ি চলে যাব, আমার এক দণ্ড এখানে থাকতে ইচ্ছে নেই—আমার হাড় কালি হল—আমার—

পুরবালা ! হাঁগো মশায়, কবে তোমার প্রেয়সী বাপের বাড়ি যাব বলে বসন্তনিশীথে গর্জন করেছে ?

অক্ষয় । ইতিহাসের পরীক্ষা ? কেবল ঘটনা রচনা করে নিষ্কৃতি নেই ? আবার সন তারিখ স্মৃতি মুখে মুখে বানিয়ে দিতে হবে ? আমি কি এত বড় প্রতিভাশালী ?

রসিক । (পুরবালার প্রতি) বুঝেছ ভাই, সোজা করে ও তোমার কথা বলতে পারে না—ওর এত ক্ষমতাই নেই—তাই উল্টে বলে, আদরে না কুলোলে গাল দিয়ে আদর করতে হয় !

পুরবালা । আচ্ছা মল্লিনাথজি, তোমার আর ব্যাখ্যা করতে হবে না । মা যে শেষ-কালে তোমাকেই কাশী নিয়ে যাবেন স্থির করেচেন !

রসিক । তা বেশ ত, এতে আর ভয়ের কথাটা কি ? তীর্থে যাবার ত বয়সই হয়েছে । এখন তোমাদের লোল কটাক্ষে এ বৃদ্ধের কিছুই করতে পারবে না—এখন চিন্তা চক্ষুচূড়ের চরণে—

মুগ্ধমুগ্ধবিদমুগ্ধমধুরৈলোঁটৈঃ কটাক্ষৈরলং
চেতশ্চষতি চক্ষুচূড়চরণধানায়তে বর্জতে ।

পুরবালা । সে ত খুব ভাল কথা—তোমার উপরে আর কটাক্ষের অপব্যয় করতে চাইনে—এখন চক্ষুচূড় চরণে চল—তাহলে মাকে ডাকি !

রসিক । (করযোড়ে) বড়দিদি ভাই,

তোমার মা আমাকে সংশোধনের বিস্তর চেষ্টা করচেন, কিন্তু একটু অসময়ে সংস্কার কার্য আরম্ভ করেচেন—এখন তাঁর শাসনে কোন ফল হবে না । বরঞ্চ এখনো নষ্ট হবার বয়স আছে, সে বয়সটা বিধাতার কৃপায় বরাবরই থাকে, লোল কটাক্ষটা শেষকাল পর্যন্ত খাটে, কিন্তু উদ্ধারের বয়স আর নেই । তিনি এখন কাশী যাচ্ছেন, কিছুদিন এই বৃদ্ধ শিশুর বুদ্ধিবৃত্তির উন্নতিসাধনের হ্রাশা পরিত্যাগ করে শান্তিতে থাকুন—কেন তোরা তাঁকে কষ্ট দিবি ?

জগত্তারিণীর প্রবেশ ।

জগত্তারিণী । বাবা তা হলে আসি ।

অক্ষয় । চলেন না কি মা ? রসিকদাদা যে এতক্ষণ হুঃখ করছিলেন যে ভূমি—

রসিক । (ব্যাকুলভাবে) দাদার সকল কথাতেই ঠাট্টা ! মা, আমার কোন হুঃখ নেই—আমি কেন হুঃখ করতে যাব ?

অক্ষয় । বলছিলেন না যে, বড়মা এক-লাই-কাশী যাচ্ছেন, আমাকে সঙ্গে নিবেন না ?

রসিক । হাঁ সে ত ঠিক কথা ! মনে ত লাগতেই পারে—ভবে কি না মা যদি নিতান্তই—

জগত্তারিণী । না বাপু, বিশেষে তোমার রসিকদাদাকে সামলাবে কে ? গুঁকে নিয়ে পথ চলতে পারব না !

পুরবালা । কেন মা, রসিকদাদাকে নিয়ে গেলে উনি তোমাকে দেখতে শুনতে পারেন ।

জগত্তারিণী । স্বক্ষে কর, আমাকে আর দেখে শুনে কাজ নেই ! তোমার রসিকদাদার বুদ্ধির পরিচয় ঢের পেয়েছি ।

রসিকদাদা । (টাকে হাত বুলাইতে বুলাইতে) তা মা, যেটুকু বুদ্ধি আছে তার পরিচয় সর্বদাই দিচ্ছি—ও ও ত চেপে রাখবার ঘো নেই—ধরা পড়তেই হবে । ভাঙ্গা চাকাটাই

সব চেয়ে খড় খড় করে—তিনি যে ভাঙ্গা সেটা পাড়াহুক খবর পায়। সেই জন্তেই বড়মা চুপচাপ করে থাকতেই যাই, কিন্তু তুমি যে আবার চালাতেও ছাড় না!

নিজের শৈথিল্যে যাহার কিছুই মনের মত হয় না, সর্বদা ভৎসনা করিবার জন্ত তাহার একটা হতভাগ্যকে চাই। রসিকদাদা জগত্তারিণীর বহিস্থিত আত্মগোপন বিশেষ।

জগত্তারিণী। আমি তাহলে হারাণের বাড়ি চল্লুম, একেবারে তাদের সঙ্গে গাড়িতে উঠব—এর পরে আর যাত্রার সময় নেই। পুরো, তোরা ত দিনক্ষণ মানিসনে, ঠিক সময়ে ইস্টেশনে যাস।

তাহার কস্তাজামাতার অসামান্য আসক্তি মা বেশ অবগত ছিলেন। পঞ্জিকার খাতিরে শেষ মুহূর্তের পূর্বে তাহাদের বিচ্ছেদ সংঘটনের চেষ্টা তিনি বুঝা বলিয়াই জানিতেন।

কিন্তু পুরবালা যখন বলিল, মা আমি কাশী যাব না—সেটা তিনি বাড়াবাড়ি মনে করিলেন। পুরবালার প্রতি তাহার বড় নির্ভর। সে তাহার সঙ্গে যাইতেছে বলিয়া তিনি নিশ্চিন্ত আছেন। পুরবালা স্বামীর সঙ্গে সিমলা যাতায়াত করিয়া বিদেশ ভ্রমণে পাকা হইয়াছে; পুরুষ অভিভাবকের অপেক্ষা পুরবালাকেই তিনি পথসঙ্কটে সহায়রূপে আশ্রয় করিয়াছেন। হঠাৎ তাহার অসম্মতিতে বিপন্ন হইয়া জগত্তারিণী তাহার জামাতার মুখের দিকে চাহিলেন।

অক্ষয় তাহার শাওড়ার মনের ভাব বুঝিয়া কহিলেন—সে কি হয়? তুমি মার সঙ্গে না গেলে ওর অস্বাধা হবে। আচ্ছা মা, তুমি এগোও, আমি ওকে ঠিক সময়ে টেশনে নিয়ে যাব। জগত্তারিণী নিশ্চিন্ত হইয়া প্রস্থান করিলেন। রসিক দাদা টাকে হাত

বুলাইতে বুলাইতে বিদায় কালীন বিমর্ষতা মুখে আনিবার জন্ত চেষ্টা করতে লাগিলেন।

অক্ষয়। কে মশায়! আপনি কে?

“আজ্ঞে মশায়, আপনার সহধর্মিণীর সঙ্গে আমার বিশেষ সম্বন্ধ আছে” বলিয়া পুরুষ বেশ-ধারী শৈল অক্ষয়ের সঙ্গে শেক হ্যাণ্ড করিল।

শৈল। মুখ্যোমশায় চিন্তে ত পারলে না?

অক্ষয়। শান্ত্রে আছে কাউকে কাউকে চেনা যায় না “যাবৎ কিঙ্কির ভাষতে!”

পুরবালা। অবাক করলি! লজ্জা কর্চে না?

শৈল। দিদি, লজ্জা যে স্বীলোকের ভূষণ—পুরুষের বেশ ধরতে গেলেই সেটা পরিত্যাগ করতে হয়। তেমনি আবার মুখ্যোমশায় যদি মেয়ে সাজেন, উনি লজ্জায় মুখ দেখাতে পারবেন না। রসিক দাদা, চুপ করে রৈলে যে!

রসিক। আহা শৈল! যেন কিশোর বন্দর্প! যেন সাক্ষাৎ কুমার, ভবানীর কোল থেকে উঠে এল! ওকে বরাবর শৈল বলে দেখে আস্টি, চোখে অভ্যাস হয়ে গিয়েছিল, ও সুন্দরী, কি মাঝারি, কি চলনসই সে কথা কখনো মনেও ওঠেনি—আজ ঐ বেশটি বদল করেছে বলেই ত ওর রূপ খানি ধরা দিলে! পুরো দিদি, লজ্জার কথা কি বল্চিস্ আমার ইচ্ছে করচে ওকে টেনে নিয়ে ওর মাথায় হাত দিয়ে আশীর্বাদ করি!

পুরবালা শৈলের তরুণ স্নকুমার প্রিয়দর্শন পুরুষ মূর্তিতে মনে মনে মুগ্ধ হইতেছিল। গভীর বেদনার সহিত তাহার কেবলি মনে হইতেছিল, আহা শৈল আমাদের বোন না হয়ে যদি ভাই হত! ওর এমন রূপ এমন বুদ্ধি ভগবান সমস্তই ব্যর্থ করে দিলেন! পুরবালার স্নিগ্ধ চোখ দুইটা ছল ছল করিয়া উঠিল।

অক্ষয় মেহাভিষিক্ত গান্ধীর্থ্যের সহিত ছন্দ-বেশিনীকে ক্ষণকাল নিরীক্ষণ করিয়া বলিলেন— সত্যি বলচি শৈল, তুমি যদি আমার শ্রাণী না হয়ে আমার ছোট ভাই হতে তা হলেও আমি আপত্তি করতুম না।

শৈল ক্রমঃ বিচলিত হইয়া কহিল, আমিও কর্তৃত্ব না মুখ্যোমশায়! বাস্তবিক ইহারা হই ভাইয়ের মতই ছিল। কেবল সেই ভ্রাতৃত্বভাবের সহিত কোতুকময় বয়স্শ্রাব মিশ্রিত হইয়া কোমল সখক উজ্জ্বল হইয়া উঠিয়াছিল।

পুরবালা শৈলকে বুকের কাছে টানিয়া কহিল, এই বেশে তুই কুমার সভার সভ্য হতে যাচ্চিস্ শৈল ?

শৈল। অস্ত্র বেশে হতে গেলে যে ব্যাকরণের দোষ হয় দিদি! কি বল রসিক দাদা! রসিক। তা ত বটেই, ব্যাকরণ ষাটিয়ে ত চলতেই হবে। ভগবান্ পাণিনি যোগদেব এরা কি বৃথা জন্মগ্রহণ করেছিলেন? কিন্তু ভাই শ্রীমতী শৈলবালার উত্তর চাপকান্ প্রত্যয় করলেই কি ব্যাকরণ রক্ষা হয়!

অক্ষয়। নূতন মুখবোধে তাই লেখে। আমি লিখে পড়ে দিতে পারি চিরকুমার সভার মুগ্ধদের কাছে শৈল যেমন প্রত্যয় করাবে তাঁরা তেমনি প্রত্যয় যাবেন। কুমারদের ধাত আমি জানি কি না।

পুরবালা একটুখানি দীর্ঘ নিশ্বাস ফেলিয়া শৈলকে কহিল—তোমার মুখ্যোমশায়কে আর এই বুড়ো বয়সীটিকে নিয়ে তোমার খেলা তুই আরম্ভ কর—আমি মার সঙ্গে কাশী চল্য়।

পুরবালা এই সকল নিয়মবিরুদ্ধ ব্যাপার মনে মনে পছন্দ করিত না। কিন্তু তাহার স্বামীর ও ভগিনীটির বিচিত্র কোতুক লীলায় সর্বদা বাধা দিতেও তাহার মন সরিত না। নিজের স্বামী-দৌভাগ্যের কথা স্মরণ করিয়া

বিধবা বোনটির প্রতি তাহার করুণা ও প্রশ্রয়ের অন্ত ছিল না। ভাবিত, হতভাগিনী যেমন করিয়া ভুলিয়া থাকে থাক! পুরবালা জিনিষপত্র গুছাইতে গেল।

এমন সময় নূপবালা ও নীরবালা ঘরে প্রবেশ করিয়াই পলায়নোত্তত হইল। নীর দরজার আড়াল হইতে আর একবার ভাল করিয়া তাকাইয়া “মেজদিদি” বলিয়া ছুটিয়া আসিল—কহিল, মেজদিদি তোমাকে ভাই জড়িয়ে ধর্তে ইচ্ছে করচে, কিন্তু ঐ চাপকানে বাধ চে। মনে হচ্ছে তুমি যেন কোন রূপকথার রাজপুত্র, তেপাস্তর মাঠ পেরিয়ে আমাদের উদ্ধার করতে এসেচ।

নীরর সমুচ্চ কণ্ঠস্বরে আশ্চর্য হইয়া নূপও ঘরে প্রবেশ করিয়া মুগ্ধ নেত্রে চাহিয়া রহিল। নীর তাহাকে টানিয়া লইয়া কহিল, অমন করে লোভীর মত তাকিয়ে আচ্চিস্ কেন? যা মনে করছিস তা নয়, ও তোমার জ্বাস্ত নয়—ও আমাদের মেজাদিদি!

রসিক। ইয়মধিকমনোজ্ঞা চাপকানে-নাপি তরী

কিমিব হি মধুরাণাং মণ্ডনং নাকৃতীনাং।

অক্ষয়। মুঢ়ে, তোমরা কেবল চাপকানটা দেখেই মুগ্ধ! গিণ্টির এত আদর? এদিকে যে ষাঁটি সোণা দাঁড়িয়ে হাহাকার করচে!

নীর। আঙ্কাল ষাঁটি সোণার দর যে বড় বেশী, আমাদের এই গিণ্টিই ভাল! কি বল ভাই মেজদিদি! বলিয়া শৈলর কৃত্রিম গৌফটা একটু পাকাইয়া দিল।

রসিক। (নিজেকে দেখাইয়া) এই ষাঁটি সোণাটি খুব সস্তা যাচ্ছে ভাই—এখনো কোন টাকশালে গিয়ে কোন মহারাজার ছাপাট পর্য্যস্ত পড়েনি!

নীর। অচ্ছা বেশ, মেজদিদিকে দান

করলুম। (বলিয়া রসিক দাদার হাত ধরিয়া নূপর হাতে সমর্পণ করিল)। রাজি আছি ত ভাই ?

নূপ। তা আমি রাজি আছি।—বলিয়া রসিকদাদাকে একটা চোকীতে বসাইয়া সে তাহার মাথার পাকাচুল তুলিয়া দিতে লাগিল।

নীর শৈলর কুজিম গৌফে তা দিয়া পাকাইয়া তুলিবার চেষ্টা করিতে লাগিল। শৈল কহিল—আঃ কি করচিস্ আমার গৌফ পড়ে যাবে।

রসিক। কাজ কি, এদিকে আয়না ভাই, এ গৌফ কিছুতেই পড়বে না।

নীর। আবার ! ক্ষেয় ! সেজদিদির হাতে সঁপে দিলুম কি কর্তে ? আচ্ছা রসিক দাদা, তোমার মাথার ছোটো একটা চুল কাঁচা আছে, কিন্তু গৌফ আগাগোড়া পাকালে কি করে ?

রসিক। কারো কারো মাথা পাক্‌বার আগে মুখটা পাকে।

নীর। দিদিদের সভাটা কোন ঘরে বসবে মুখুয়ে মশায় ?

অক্ষয়। আমার বসবার ঘরে।

নীর। তা হলে সে ঘরটা একটু সাজিয়ে গুজিয়ে দিইগে।

অক্ষয়। যতদিন আমি সে ঘরটা ব্যবহার করচি, একদিনও সাজাতে ইচ্ছে হয় নি বুঝি ?

নীর। তোমার জন্তু ঝড়ু বেহারা আছে তবু বুঝি আশা মিটল না ?

পুরবালার প্রবেশ।

পুর। কি হচ্ছে তোমাদের ?

নীর। মুখুয়েমশায়ের কাছে পড়া বলে নিতে এসেছি দিদি। তা উনি বল্‌চেন গুঁর বাইরের ঘরটা ভাল করে ঝেড়ে সাজিয়ে না দিলে উনি পড়াবেন না। তাই সেজদিদিতে আমাতে গুঁর ঘর সাজাতে যাচ্ছি ! আয় ভাই !

নূপ। তোর ইচ্ছে হয়েছে তুই ঘর সাজাতে যা না—আমি যাবনা !

নীর। বাঃ, আমি এফা খেটে মরব, আর তুমি সুক্‌ তার ফল পাবে সে হবে না !—নূপকে গ্রেফ্‌তার করিয়া লইয়া নীর চলিয়া গেল।

পুর। সব গুছিয়ে নিয়েছি। এখনো টেণ যাবার দেবী আছে বোধ হয় !

অক্ষয়। যদি মিস্‌ করতে চাও তাহলে ঢের দেবি আছে।

পুর। তা হলে চল, আমাকে টেশনে পৌঁছিয়ে দেবে। চল্লুম রসিক দাদা—তুমি এখানে রইলে, এই শিশুগুলিকে একটু সামলে রেখ। (প্রণাম)

রসিক। কিন্তু ভেবো না দিদি, এরা সকলে আমাকে যে রকম বিপরীত ভয় করে, টুশ্‌কাট করতে পারবে না।

শৈল ! দিদি ভাই, তুমি একটু থাম ! আমি এই কাপড়টা ছেড়ে এসে তোমাকে প্রণাম করচি !

পুর। কেন ! ছাড়তে মনে গেল যে ?

শৈল। না ভাই, এ কাপড়ে নিজেকে আর এক জন বলে মনে হয় তোদের গায়ে হাত দিতে ইচ্ছে হয় না। রসিক দাদা এই নাও, আমার গৌফটা সাবধানে রেখে দাও, হারিয়ে না !

পঞ্চম পরিচ্ছেদ।

—:~:—

শ্রীশ তাহার বাসায়, দক্ষিণের বারান্দায় এক খানা বড়হাতা ওয়ালা কেদারার ছই হাতার উপর ছই পা তুলিয়া দিয়া গুরুসন্ধ্যায় চূপচাপ বসিয়া সিগারেট ছুঁকিতেছিল। পাশে

টিপায়ের উপর একটি রেকাবীতে স্তূপীকৃত শুভ্র বেলফুলের গোড়ে গন্ধে চারিদিক্ আমোদিত করিয়াছিল।

বিপিন পশ্চাৎ হইতে প্রবেশ করিয়া তাহার স্বাভাবিক প্রবল গম্ভীর কণ্ঠে ডাকিয়া উঠিল—কি গো সন্ন্যাসী ঠাকুর!

শ্রীশ তৎক্ষণাৎ হাতা হইতে পা নামাইয়া উঠিয়া বসিয়া উচ্চৈঃস্বরে হাসিয়া উঠিল—কহিল, এখনো বুঝি ভুলতে পার নি?

ঝগড়ার ব্যথাটুকু হই বন্ধুর কেহই ভুলিতে পারে নাই। শ্রীশ কিছুক্ষণ আগেই ভাবিতে-ছিল, একবার বিপিনের ওখানে যাওয়া যাক্। কিন্তু গ্রীষ্ম সন্ধ্যার দক্ষিণ বাতাসের দ্বারা আবিষ্ট হইয়া নড়িতে পারিতেছিল না। একটি মাস্ বরফশীতল লেমনেড ও বেলফুলের মালা আনাইয়া জ্যোৎস্নাশুভ্র আকাশে সিগারেটের ধূমসহযোগে বিচিত্র কল্পনাকুণ্ডলী নির্মাণ করিতেছিল। বিপিন তাহাদের কলহের পর এই প্রথম অবকাশ পাইবামাত্র বন্ধুর কাছে সত্বর আসিয়া উপস্থিত হইল।

শ্রীশ। আচ্ছা ভাই, শিশুপালক, তুমি কি সত্য মনে কর আমি সন্ন্যাসী হতে পারিনে?

বিপিন। কেন পার্কে না! কিন্তু অনেক-গুলি তন্নদার চেলা সঙ্গে থাকা চাই।

শ্রীশ। তার তাৎপর্য এই যে, কেউ বা আমার বেলফুলের মালা গাঁধে দেবে, কেউ বা বাজার থেকে লেমনেড ও বরফ ভিক্ষে করে আনবে, এই ত? তাতে ক্ষতিটা কি? যে সন্ন্যাস ধর্মে বেলফুলের প্রতি বৈরাগ্য এবং ঠাণ্ডা লেমনেডের প্রতি বিতৃষ্ণা জন্মায় সেটা কি খুব উচুদরের সন্ন্যাস?

বিপিন। সাধারণ ভাষায় ত সন্ন্যাসধর্ম বলতে সেই রকমটাই বোঝায়।

শ্রীশ। ঐ শোন! তুমি কি মনে কর

ভাষায় একটা কথা একটা বৈ অর্থ নেই? এক জনের কাছে সন্ন্যাসী কথাটার যে অর্থ, আর এক জনের কাছেও যদি ঠিক সেই অর্থই হয় তা হলে মানুষের মন বলে একটা স্বাধীন পদার্থ আছে কি কর্তে?

বিপিন। তোমার মন সন্ন্যাসী কথাটার কি অর্থ করচেন আমার মন সেইটি শোনবার জন্ত উৎসুক হয়েচেন।

শ্রীশ। আমার সন্ন্যাসীর সাজ এই রকম—গলায় ফুলের মালা, গায়ে চন্দন, কাণে কুণ্ডল, মুখে হাস্য। আমার সন্ন্যাসীর কাজ মানুষের চিত্ত আকর্ষণ। স্নন্দর চেহারা, মিষ্টি গলা, বক্তৃতায় অধিকার, এ সমস্ত না থাকিলে সন্ন্যাসী হয়ে উপযুক্ত ফল পাওয়া যায় না। রুচি বুদ্ধি কার্যক্ষমতা ও প্রফুল্লতা, সকল বিষয়েই আমার সন্ন্যাসী সম্প্রদায়কে গৃহস্থের আদর্শ হতে হবে।

বিপিন। অর্থাৎ একদল কার্তিককে ময়ূরের উপর চড়ে রাস্তায় বেবতে হবে।

শ্রীশ। ময়ূর না পাওয়া যায়, টাম, আছে, পদব্রজেও নারাজ নই। কুমার সভা মানেই ত কার্তিকের সভা। কিন্তু কার্তিক কি কেবল সুপুরুষ ছিলেন? তিনিই ছিলেন স্বর্গের সেনাপতি।

বিপিন। লড়াইয়ের জন্তে তাঁর ছুটি মাত্র হাত, কিন্তু বক্তৃতা করবার জন্তে তাঁর তিন ঘোড়া মুখ।

শ্রীশ। এর থেকে প্রমাণ হয় আমাদের আর্ষ্য পিতামহের বাহুবল অপেক্ষা বাক্যবলকে তিন গুণ বেশী বলেই জানতেন। আমিও পালোয়ানীকে বীরত্বের আদর্শ বলে মানিনে।

বিপিন। ওটা বুঝি আমার উপর হ'ল?

শ্রীশ। ঐ দেখ! মানুষকে অহঙ্কারে কি রকম মাটি করে! তুমি ঠিক করে রেখেচ,

পালোয়ান বলেই তোমাকে বলা হল ! তুমি কলিযুগের ভীমসেন ! আচ্ছা এস, যুদ্ধ দেহি ! একবার বীরত্বের পরীক্ষা হয়ে যাক !

এই বলিয়া দুই বন্ধু ক্ষণকালের জন্ত লীলাচ্ছলে হাত কাড়াকড়ি করিতে লাগিল। বিপিন হঠাৎ “এইবার ভীমসেনের পতন” বলিয়া ধপ করিয়া শ্রীশের কেন্দারটা অধিকার করিয়া তাহার উপরে দুই পা তুলিয়া দিল ; এবং “উঃ অসহ্য তৃষ্ণা” বলিয়া লেমনেডের গ্লাসটি এক নিঃশ্বাসে খালি করিল। তখন শ্রীশ তাড়াতাড়ি বেলফুলের মালাটি সংগ্রহ করিয়া—“কিন্তু বিজয় মালাটি আমার” বলিয়া সেটা মাথায় জড়াইল এবং বেতের মোড়াটার উপরে বসিয়া কহিল আচ্ছা ভাই সত্যি বল, একদল শিক্ষিত লোক যদি এই রকম সংসার পরিত্যাগ করে’ পরিপাটি সজ্জায় প্রফুল্ল প্রসন্ন মুখে গানে এবং বক্তৃতায় ভারত-বর্ষের চতুর্দিকে শিক্ষা বিস্তার করে’ বেড়াই তাতে উপকার হয় কি না ?

বিপিন এই উর্কটা লইয়া বন্ধুর সঙ্গে আর ঝগড়া করিতে ইচ্ছা করিল না—কহিল, আই-ডিম্বাটা ভাল বটে !

শ্রীশ। অর্থাৎ গুণতে স্তম্ভর কিন্তু কর্তে অসাধ্য ! আমি বল্চি অসাধ্য নয় এবং আমি দৃষ্টান্ত দ্বারা তার প্রমাণ করব। ভারতবর্ষে সন্ন্যাসধর্ম বলে একটা প্রকাণ্ড শক্তি আছে, তার ছাই ঝেড়ে তার ঝুলিটা কেড়ে নিয়ে তার জটা মুড়িয়ে তাকে সৌন্দর্য্য এবং কর্মনিষ্ঠায় প্রতিষ্ঠিত করাই চিরকুমার সভার এক মাত্র উদ্দেশ্য। ছেলে পড়ান এবং দেশলাইয়ের কাটি তৈরি করবার জন্তে আমাদের মত লোক চিরজীবনের ব্রত অবলম্বন করে নি। বল বিপিন, তুমি আমার প্রস্তাবে রাজি আছ কি না ?

বিপিন। তোমার সন্ন্যাসীর যে রকম চেহারা গলা এবং আঙ্গুণ্যের প্রয়োজন আমার ত তার কিছুই নেই। তবে তল্লিদার হয়ে পিছনে যেতে রাজি আছি ! কাণে যদি সোণার কুণ্ডল, অন্ততঃ চোখে যদি সোণার চসুমাটা পরে’ ও যেখানে সেখানে ঘুরে বেড়াও তা হলে একটা প্রহরীর দরকার, সে কাজটা আমার দ্বারা কতকটা চলতে পারবে !

শ্রীশ। আবার ঠাট্টা !

বিপিন। না ভাই ঠাট্টা নয়। আমি সত্যিই বলচি তোমার প্রস্তাবটাকে যদি সম্ভব-পর করে’ তুলতে পার তা হলে খুব ভালই হয়। তবে এ রকম একটা সম্প্রদায়ে সকলেরই কাজ সমান হতে পারে না, যার যেমন স্বাভাবিক ক্ষমতা সে সেই অনুসারে যোগ দিতে পারে।

শ্রীশ। সে ত ঠিক কথা। কেবল একটা বিষয়ে আমাদের খুব দৃঢ় হতে হবে, স্ত্রীজাতির কোন সংশ্রব রাখব না !

বিপিন। মালাচন্দন অন্নদকুণ্ডল সবই রাখতে চাও কেবল ঐ একটা বিষয়ে অত বেশী দৃঢ়তা কেন ?

শ্রীশ। ঐ গুলো রাখচি বলেই দৃঢ়তা। যে জন্তে চৈতন্য তাঁর অনুচরদের স্ত্রীলোকের সঙ্গ থেকে কঠিন শাসনে রেখেছিলেন। তাঁর ধর্ম, অনুরাগ এবং সৌন্দর্য্যের ধর্ম, সে জন্তেই তার পক্ষে প্রলোভনের ঝাঁদ অনেক ছিল।

বিপিন। তা হলে ভয়চুকুও আছে !

শ্রীশ। আমার নিজের জন্ত লেশমাত্র নেই। আমি আমার মনকে পৃথিবীর বিচিত্র সৌন্দর্য্যে ব্যাপ্ত করে রেখে দিই, কোনও একটা ফাঁদে আমাকে ধরে কার সাধ্য। কিন্তু তোমরা যে দিন রাজি ফুটবল টেনিস ক্রিকেট নিয়ে

ধাক—তোমরা একবার পড়লে ব্যাট্ৰিবল্ গুলি-
ভাণ্ডা সব স্কন্ধ ঘাড়মোড় ডেঙ্গে পড়বে ।

বিপিন । আচ্ছা ভাই, সময় উপস্থিত হলে
দেখা যাবে ।

শ্রীশ । ও কথা ভাল নয় ! সময় উপস্থিত
হবে না, সময় উপস্থিত হতে দেব না । সময়
ত রখে চড়ে আসেন না—আমরা তাঁকে ঘাড়ে
করে নিয়ে আসি—কিন্তু তুমি যে সময়টার
কথা বলচ তাকে বাহন অভাবে কিরতেই হবে ।

পূৰ্ণবাবুর প্রবেশ ।

উভয়ে । এস এস পূৰ্ণ বাবু !

বিপিন তাহাকে কেদারাটা ছাড়িয়া দিয়া
একটা চৌকি টানিয়া লইয়া বসিল । পূৰ্ণর
সহিত শ্রীশ ও বিপিনের তেমন ঘনিষ্ঠতা
ছিল না বলিয়া তাহাকে হৃৎনেই একটু বিশেষ
খাতির করিয়া চলিত ।

পূৰ্ণ । তোমাদের এই বারান্দায় জ্যোৎস্না-
টিত মন্দ রচনা কর নি—মাঝে মাঝে থামের
ছায়া কেলে কেলে সাজিয়েছ ভাল !

শ্রীশ । ছাদের উপর জ্যোৎস্না রচনা করা
প্রভৃতি কতকগুলি অত্যাশ্চর্য্য ক্ষমতা জন্মাবার
পূৰ্ণ হতেই আমার কাছে । কিন্তু দেখ পূৰ্ণ
বাবু, ঐ দেশলাই করা টরা ও গুলো আমার
ভাল আসে না ।

পূৰ্ণ । (বেলকুলের মালার দিকে চাহিয়া)
সন্ন্যাসধৰ্ম্মেই কি তোমার অসামান্য দখল আছে
না কি ?

শ্রীশ । সেই কথাইত হচ্ছিল । সন্ন্যাসধৰ্ম্ম
তুমি কাকে বল শুনি !

পূৰ্ণ । যে ধৰ্ম্মে দৰ্জ্জি ধোবা নাপিতের
কোন সহায়তা নিতে হয় না, তাঁতীকে একে-
বারেই অগ্রাহ্য করিতে হয়, পিয়াসসোপের
বিজ্ঞাপনের দিকে দৃকপাত করতে হয় না—

শ্রীশ । আরে ছিঃ, সে সন্ন্যাসধৰ্ম্ম ত বুড়া

হয়ে মরে গেছে—এখন নবীন সন্ন্যাসী আছেন
বলে' একটা সম্প্রদায় গড়তে হবে—

পূৰ্ণ । বিজ্ঞানসন্মতের যাত্রায় যে নবীন
সন্ন্যাসী আছেন তিনি মন্দ দৃষ্টান্ত নন—
কিন্তু তিনি ত চিরকুমার সভার বিধানমতে
চলেন নি ।

শ্রীশ । যদি চলতেন তা হলে তিনিই ঠিক
দৃষ্টান্ত হতে পারতেন । সাজে সজ্জায় বাক্যে
অচর গণে স্নন্দর এবং স্ননিপুণ হতে হবে—

পূৰ্ণ । কেবল রাজকুমার দিক থেকে দৃষ্টি
নামাতে হবে । এই ত ? বিনি স্ততোর মালা
গাঁধতে হবে কিন্তু সে মালা পরাতে হবে
কার গলায় হে ?

শ্রীশ । স্বদেশের !; কথাটা কিছু উচ্চ
শ্রেণীর হয়ে পড়ল, কিন্তু কি করব বল, মালিনী
মাসী এবং রাজকুমারী একেবারেই নিষিদ্ধ
কিন্তু ঠাট্টা নয় পূৰ্ণ বাবু—

পূৰ্ণ । ঠাট্টার মত মোটেই শোনাচ্ছেনা—ভয়-
নক কড়া কথা, একেবারে খটখটে শুকনো !

শ্রীশ । আমাদের চিরকুমার সভা থেকে
এমন একটি সন্ন্যাসী সম্প্রদায় গঠন করতে হবে
যারা ক্রটি, শিক্ষা ও কৰ্ম্মে সফল গৃহস্থের আদর্শ
হবে । যারা সঙ্গীত প্রভৃতি কলাবিজ্ঞায় অহিতীয়
হবে, আবার লাঠি তলোয়ার খেলা, ঘোড়ায়
চড়া, বন্দুক লক্ষ্য করায় পারদর্শী হবে—

পূৰ্ণ । অর্থাৎ মনোহরণ এবং প্রাণ হরণ
জুই কৰ্ম্মেই মজবুৎ হবে । পুরুষ দেবী চৌধু-
রাণীর দল আর কি ।

শ্রীশ । বন্ধিম বাবু আমার আইডিয়াটা
পূৰ্ণ হতেই চুরি করে রেখেছেন—কিন্তু
ওটাকে কাজে লাগিয়ে আমাদের নিজের করে
নিতে হবে ।

পূৰ্ণ । সভাপতি মশায় কি বলেন ?

শ্রীশ । তাঁকে ক'দিন ধরে বুঝিয়ে বুঝিয়ে

আমার দলে টেনে নিয়েছি। কিন্তু তিনি তাঁর দেশলাইয়ের কাঠি ছাড়েন নি। তিনি বলেন সন্ন্যাসীরা কৃষিতত্ত্ব বস্তুতত্ত্ব প্রভৃতি শিখে গ্রামে গ্রামে চাষাঘরের শিথিয়ে বেড়ায়—এক টাকা করে শেয়ার নিয়ে একটা ব্যাক খুলে বড় বড় পল্লীতে নূতন নিয়মে এক একটা দোকান বসিয়ে আসবে—ভারতবর্ষের চারিদিকে বাণিজ্যের জাল বিস্তার করে দেবে। তিনি খুব যেতে উঠেছেন।

পূর্ণ। বিপিন বাবুর কি মত ?

আসলে, বিপিনের মতে শ্রীশের এই কল্পনাটি কার্যসাধ্য নয়, কিন্তু শ্রীশের সর্বপ্রকার পাগলামিকে সে স্নেহের চক্ষে দেখিত;—প্রতিবাদ করিয়া শ্রীশের উৎসাহে আঘাত দিতে তাহার কোনমতেই মন সরিত না। সে বলিল—যদিচ আমি নিজেকে শ্রীশের নবীন সন্ন্যাসী সম্প্রদায়ের আদর্শ পুরুষ বলে জ্ঞান করিনে কিন্তু দল যদি গড়ে ওঠে ত আমিও সন্ন্যাসী সাজতে রাজি আছি।

পূর্ণ। কিন্তু সাজতে বরচ আছে মশায়—কেবল কোপীন নয় ত—অঙ্গদ, কুণ্ডল, আভরণ, কুন্তলীন, দেলখোস্—

শ্রীশ। পূর্ণ বাবু ঠাট্টাই কর আর যাই কর, চিরকুমার সভা সন্ন্যাসী সভা হবেই। আমরা একদিকে কঠোর আত্মত্যাগ করব, অন্যদিকে মনুষ্যত্বের কোন উপকরণ থেকে নিজেকে বঞ্চিত করব না—আমরা কঠিন শৌর্য এবং ললিত সৌন্দর্য উভয়কেই সমান আদরে বরণ করব—সেই ছন্দ সাধনায় ভারতবর্ষে নব্য-যুগের আবির্ভাব হবে—

পূর্ণ। বুঝেছি শ্রীশবাবু—কিন্তু নারী কি মনুষ্যত্বের একটা সর্বপ্রধান উপকরণের মধ্যে গণ্য নয় ? এবং তাঁকে উপেক্ষা করলে ললিত

সৌন্দর্যের প্রতি কি সমাদর রক্ষা হবে ? তার কি উপায় করলে ?

শ্রীশ। নারীর একটা দোষ নরজাতিকে তিনি লতার মত বেঁটন করে ধরেন, যদি তাঁর দ্বারা বিজড়িত হবার আশঙ্কা না থাকত, যদি তাঁকে রক্ষা করেও স্বাধীনতা রক্ষা করা যেত, তা হলে কোন কথা ছিল না। কাজে যখন জীবন উৎসর্গ করতে হবে তখন কাজের সমস্ত বাধা দূর করতে চাই—পাণিগ্রহণ করে ফেললে নিজের পার্শ্বকেও বন্ধ করে ফেলতে হবে, সে হলে চলবে না পূর্ণবাবু!

পূর্ণ। ব্যস্ত হয়োনা ভাই, আমি আমার শুভ বিবাহে তোমাদের নিমন্ত্রণ করতে আসিনি। কিন্তু ভেবে দেখ দেখি, মনুষ্য জন্ম আর পাব কি না সন্দেহ—অথচ হৃদয়কে চিরজীবন যে পিপাসার জল থেকে বঞ্চিত করতে যাচ্ছি তার পূরণস্বরূপ আর কোথাও আর কিছু জুটবে কি ? মুসলমানের স্বর্গে ছরি আছে হিন্দুর স্বর্গেও অম্বরার অভাব নেই, চিরকুমার সভার স্বর্গে সভাপতি এচং সভামশায়দের চেয়ে মনো-রম আর কিছু পাওয়া যাবে কি !

শ্রীশ। পূর্ণবাবু বল কি ? তুমি যে—

পূর্ণ। ভয় নেই ভাই, এখনো মরিয়া হয়ে উঠিনি। তোমার এই ছাদভরা জ্যোৎস্না আর ঐ বেল ফুলের গন্ধ কি কৌমার্যব্রতরক্ষার সহায়তা করবার জন্তে সৃষ্টি হয়েছে ? মনের মধ্যে মাঝে মাঝে যে বাষ্প জমে আমি সেটাকে উচ্ছ্বসিত করে দেওয়াই ভাল বোধ করি—চেপে রেখে নিজেকে ভোলাতে গেলে কোন দিন চিরকুমারব্রতের লোহার বয়লার খানা ফেটে যাবে। যাই হোক যদি সন্ন্যাসী হওয়াই স্থির কর ত আমিও যোগ দেব—কিন্তু আপাততঃ সভাটাকে ত রক্ষা করতে হবে।

শ্রীশ। কেন ? কি হয়েছে ?

পূর্ণ। অক্ষয় বাবু আমাদের সভাকে যে স্থানান্তর করবার ব্যবস্থা করচেন এটা আমার ভাল ঠেকে না।

শ্রীশ। সন্দেহ জিনিষটা নাস্তিকতার ছায়া। মন্দ হবে, ভেঙ্গে যাবে, নষ্ট হবে এ সব ভাব আমি কোন অবস্থাতেই মনে স্থান দিইনে। ভালই হবে—যা হচ্ছে বেশ হচ্ছে—চিরকুমার সভার উদার বিস্তীর্ণ ভবিষ্যৎ আমি চোখের সম্মুখে দেখতে পাচ্ছি—অক্ষয় বাবু সভাকে এক বাড়ি থেকে অন্য বাড়িতে নিমন্ত্রণ করে তার কি অনিষ্ট করতে পারেন? কেবল গলির এক নম্বর থেকে আরেক নম্বরে নয়, আমাদের যে পথে পথে দেশে দেশে সঞ্চারণ করে বেড়াতে হবে! সন্দেহ শকা উদ্বেগ এগুলো মন থেকে দূর করে দাও পূর্ণবাবু—বিশ্বাস এবং আনন্দ না হলে বড় কাজ হয় না!

পূর্ণ নিরুত্তর হইয়া বলিয়া রহিল। বিপিন কহিল—দিনকতক দেখাইযাক্ না—যদি কোন অসুবিধার কারণ ঘটে তা হলে স্বস্থানে ফিরে আসা যাবে—আমাদের সেই অন্ধকার বিবরাট ফস্করে কেউ কেড়ে নিচ্ছে না!

হায়, পূর্ণের হৃদয় বেদনা কে বুঝিবে?

অকস্মাৎ চন্দ্রমাধব বাবুর সবেগে প্রবেশ।

তিন জনের সমন্বয়ে উত্থান।

চন্দ্র। দেখ আমি সেই কথাটা ভাবছিলুম—

শ্রীশ। বহুন!

চন্দ্র। না, না, বসব না, আমি এখন যাচ্ছি! আমি বল্ছিলুম, সন্ন্যাসব্রতের জন্তে আমাদের এখন থেকে প্রস্তুত হতে হবে। হঠাৎ একটা অপঘাত ঘটলে, কিংবা সাধারণ জরজ্বালায়, কি রকম চিকিৎসা সে আমাদের শিক্ষা করতে হবে—ডাক্তার রামরতন বাবু ফি রবিবারে আমাদের ছুশর্টা করে বক্তৃতা দেবেন বন্দোবস্ত করে এসেছি।

শ্রীশ। কিন্তু তাতে অনেক বিলম্ব হবে না? চন্দ্র। বিলম্বত হবেই, কাজটিত সহজ নয়। কেবল তাই নয়—আমাদের কিছু কিছু আইন অধ্যয়নও দরকার। অবিচার অত্যাচার থেকে রক্ষা করা, এবং কার কতদূর অধিকার সেটা চাষাভূষীদের বুঝিয়ে দেওয়া আমাদের কাজ।

শ্রীশ। চন্দ্রবাবু বহুন—

চন্দ্র। না শ্রীশবাবু, বসতে পারচিনে, আমার একটু কাজ আছে। আর একটি আমাদের করতে হচ্ছে—গোকর পাড়ি, চৌকি, তাঁত প্রভৃতি আমাদের দেশী অত্যাধিক জিনিষগুলিকে একটু আধটু সংশোধন করে যাতে কোন অংশে তাদের শস্তা বা মজবুৎ বা বেশী উপযোগী করে তুলতে পারি সে চেষ্টা আমাদের করতে হবে। এবারে গঙ্গির ছুটিতে কেদারবাবুদের কারখানায় গিয়ে প্রত্যহ আমাদের কতকগুলি পরীক্ষা করা চাই।

শ্রীশ। চন্দ্রবাবু অনেককরণ ঠাড়িয়ে আছেন—(চৌকি অগ্রসরকরণ)।

চন্দ্র। না, না, আমি এখন যাচ্ছি। দেখ আমার মত এই যে, এই সমস্ত গ্রামের ব্যবহার্য সামগ্র জিনিষগুলির যদি আমরা কোন উন্নতি করিতে পারি তা হলে তাতে করে চাষাদের মনের মধ্যে যে রকম আন্দোলন হবে, বড় বড় সংস্কার কার্যেও তেমন হবে না। তাদের সেই চিরকালে চৌকি ঘাণির কিছু পরিবর্তন করতে পারলে তবে তাদের সমস্ত মন সজাগ হয়ে উঠবে, পৃথিবী যে এক জায়গায় ঠাড়িয়ে নেই এ তারা বুঝতে পারবে—

শ্রীশ। চন্দ্রবাবু বসবেন না কি?

চন্দ্র। থাক না! একবার ভেবে দেখ আমরা যে এতকাল ধরে শিক্ষা পেয়ে আস্টি,

উচিত ছিল আমাদের ৬০ কি, কুলো থেকে তার পরিচয় আরম্ভ হওয়া। বড় বড় কল-কারখানা ত দুয়ের কথা, ঘরের মধ্যেই আমাদের সজাগ দৃষ্টি পড়ল না। আমাদের হাতের কাছে যা আছে আমরা না তার দিকে ভাল করে চেয়ে দেখলুম, না তার সম্বন্ধে কিছুমাত্র চিন্তা করলুম। যা ছিল সব তেমনই রয়ে গেছে। মানুষ অগ্রসর হচ্চে অথচ তার জিনিষপত্র গিছয়ে থাকচে এ কখনো হতেই পারে না। আমরা পড়েই আছি—ইংরাজ আমাদের কাঁধে করে বহন করেছে, তাকে এগোনো বলে না। ছোট খাটো সামান্য গ্রাম্য জীবন-যাত্রা পল্লীগ্রামের পঙ্কিল পথের মধ্যে বন্ধ হয়ে অচল হয়ে আছে, আমাদের সন্ন্যাসী সস্ত্র-দায়কে সেই গরুর গাড়ির চাকা ঠেলতে হবে—কলের গাড়ির চালক হবার হুঁশা এখন থাক! কটা বাজল শ্রী শবাবু?

শ্রীশ। সাড়ে আটটা বেজে গেছে।

চন্দ্র। তাহলে আমি যাই। কিন্তু এই কথা রইল, আমাদের এখন অন্য সমস্ত আলোচনা ছেড়ে নিয়মিত শিক্ষাকার্যে প্রবৃত্ত হতে হবে এবং—

পূর্ণ। আপনি যদি একটু বসেন চন্দ্রবাবু তাহলে আমার দুই একটা কথা বলবার আছে—

চন্দ্র। না আজ আর সময় নেই—

পূর্ণ। বেশী কিছু নয় আমি বলছিলুম আমাদের সভা—

চন্দ্র। সে কথা কাল হবে পূর্ণবাবু—

পূর্ণ। কিন্তু কালই ত সভা বসতে—

চন্দ্র। আচ্ছা তা হলে পরন্তু, আমার সময় নেই—

পূর্ণ। দেখুন, অক্ষয় বাবু যে—

চন্দ্র। পূর্ণবাবু গ্রামকে যাপ করতে হবে,

আজ দেরি হয়ে গেছে। কিন্তু দেখ, আমার একটা কথাই মনে হচ্ছিল যে, চিরকুমার সভা যদি ক্রমে বিস্তীর্ণ হয়ে পড়ে তাহলে আমাদের সকল সভাই কিছু সন্ন্যাসী হয়ে বেরিয়ে যেতে পারবেন না—অতএব ওর মধ্যে দুটি বিভাগ রাখা দরকার হবে—

পূর্ণ। স্বাধর এবং জনম।

চন্দ্র। তা সে যে নামই দাও। তা ছাড়া অক্ষয়বাবু সে দিন একটি কথা যা বলেন সেও আমার মন্দ লাগল না। তিনি বলেন, চিরকুমার সভার সংস্বে আর একটি সভা রাখা উচিত যাতে বিবাহিত এবং বিবাহ সংক্রান্ত লোকদের নেওয়া যেতে পারে। গৃহী লোকদেরও ত দেশের প্রতি কর্তব্য আছে। সকলকেই সাধ্যমত কোন না কোন হিতকর কাজে নিযুক্ত থাকতে হবে—এইটে হচ্চে সাধারণ ব্রত। আমাদের একদল কুমারব্রত ধারণ করে দেশে দেশে বিচরণ করবেন, একদল কুমারব্রত ধারণ করে একজায়গায় স্থায়ী হয়ে বসে কাজ করবেন, আর একদল গৃহী নিজ নিজ কুচি ও সাধ্য অনুসারে একটা কোন প্রয়োজনীয় কাজ অবলম্বন করে দেশের প্রতি কর্তব্য পালন করবেন। ষাঁরা পর্যটক সস্ত্র-দায়ভুক্ত হবেন তাঁদের ম্যাপ প্রস্তুত, জরিপ, ভূতত্ত্ববিদ্যা, উদ্ভিদ বিজ্ঞা, প্রাণিতত্ত্ব প্রভৃতি শিখতে হবে;—তাঁরা যে দেশে যাবেন সেখানকার সমস্ত তথ্য তন্ন তন্ন করে সংগ্রহ করবেন—তা হলেই ভারতবর্ষীয়ের দ্বারা ভারতবর্ষের যথার্থ বিবরণ লিপিবদ্ধ হবার ভিত্তি স্থাপিত পারবে—হক্টার সাহেবের উপরেই নির্ভর করে কাটাতে হবে না—

পূর্ণ। চন্দ্রবাবু যদি বসেন তা হলে একটা কথা—

চন্দ্র। না—আমি বলছিলুম যেখানে যেখানে বাব সেখানকার ঐতিহাসিক জনশ্রুতি

এবং পুরাতন পুঁথি সংগ্রহ করা আমাদের কাজ হবে—শিলালিপি, ভাস্কর্য্যসন এগুলোও সন্ধান করতে হবে—অতএব প্রাচীন লিপি পরিচয়টাও আমাদের কিছুদিন অভ্যাস করা আবশ্যিক।

পূর্ণ। সে সব ত পরের কথা, আপাততঃ—

চন্দ্র। না, না, আমি বলছিনে সকলকেই সব বিদ্যা শিখতে হবে, তা হলে কোন কালে শেষ হবে না। অতিক্রমি অনুসারে ওর মধ্যে আমরা কেউবা একটা কেউবা ছোটো তিনটে শিক্ষা করব—

শ্রীশ। কিন্তু তা হলেও—

চন্দ্র। ধর, পাঁচ বছর। পাঁচ বছরে আমরা প্রস্তুত হয়ে বেরতে পারব। যারা চির জীবনের ব্রত গ্রহণ করেন, পাঁচ বছর তাদের পক্ষে কিছুই নয়। তা ছাড়া এই পাঁচ বছরেই আমাদের পরীক্ষা হয়ে যাবে—যারা টিকে থাকতে পারবেন তাঁদের সম্বন্ধে আর কোন সন্দেহ থাকবে না।

পূর্ণ। কিন্তু দেখুন, আমাদের সভাটা যে স্থানান্তর করা হচ্ছে,—

চন্দ্র। না পূর্ণবাবু আজ আর কিছুতেই না, আমার অত্যন্ত জরুরী কাজ আছে। পূর্ণবাবু আমার কথাগুলো ভাল করে চিন্তা করে দেখো। আপাততঃ মনে হতে পারে অসাধ্য—কিন্তু তা নয়। হুঃসাধ্য বটে—তা ভাল কাজ মাত্রই হুঃসাধ্য। আমরা যদি পাঁচটি দৃঢ়প্রতিজ্ঞ লোক পাই তা হলে আমরা যা কাজ করব তা চিরকালের জন্ত ভারতবর্ষকে আচ্ছন্ন করে দেবে।

শ্রীশ। কিন্তু আপনি যে বলছিলেন গোরুর গাড়ির চাকা প্রভৃতি ছোট ছোট জিনিস—

চন্দ্র। ঠিক কথা, আমি তাকেও ছোট

মনে করে উপেক্ষা করিনে—এবং বড় কাজকেও অসাধ্য জ্ঞান করে ভয় করিনে—

পূর্ণ। কিন্তু সভার অধিবেশন সম্বন্ধেও—

চন্দ্র। সে সব কথা কাল হবে পূর্ণবাবু!

আজ তবে চলুন!

(চন্দ্রবাবুর দ্রুতবেগে প্রস্থান)

বিপিন। ডাই-শ্রীশ, চুপচাপ যে! এক মাতালের মাংসামী দেখে অন্য মাতালের নেশা ছুটে যায়। চন্দ্রবাবুর উৎসাহে তোমাকে সুস্থ দমিয়ে দিয়েছে।

শ্রীশ। না হে, অমৈক ভাববার কথা আছে। উৎসাহ কি সব সময়ে কেবল বকা-বকি করে? কখনো বা একেবারে নিস্তব্ধ হয়ে থাকে, সেইটেই হল সাংঘাতিক অবস্থা।

বিপিন। পূর্ণবাবু হঠাৎ পলাচ্চ যে?

পূর্ণ। সভাপতি মশায়কে রাস্তায় ধরতে যাচ্ছি—পথে যেতে যেতে যদি দৈবাৎ আমার ছোটো একটা কথায় কর্ণপাত করেন।

বিপিন। ঠিক উল্টো হবে। তাঁর যে কটা কথা বাকি আছে সেই গুলো তোমাকে শোনাতে শোনাতে কোথায় যাবার আছে সে কথা ভুলেই যাবেন।

ষষ্ঠ পরিচ্ছেদ।

—*:*:*—

চন্দ্রমাধব বাবু যখন ডাকিলেন—“নির্ম্মল,” তখন একটা উত্তর পাইলেন বটে, “কি মামা,” কিন্তু স্বরটা ঠিক খাজিল না। চন্দ্রবাবু ছাড়া আর যে কেহ হইলে ধ্বনিত পৌঁড়ি দে অঞ্চলে অল্প একটুখানি গোল আছে।

“নির্ম্মল, আমার গলার বোতামটা খুঁজে পাচ্চিনে।”

“বোধ হয় ঐখানেই কোথাও আছে।”

এরূপ অনামতক এবং অস্বীকৃতি সংবাদে কাহারও কোন উপকার নাই, বিশেষতঃ যাহার দৃষ্টশক্তি ক্ষীণ। কলতঃ এই সংবাদে অদৃষ্ট বোতাম সম্বন্ধে কোন নূতন জ্ঞানগাভের সহায়তা না করিলেও নির্মলার মনসিক অবস্থা সম্বন্ধে অনেকটা আলোকবর্ষণ করিল। কিন্তু অধ্যাপক চন্দ্রমাধব বাবুর দৃষ্টশক্তি সে দিকেও যথেষ্ট প্রণয় নহে। তিনি অল্প দিনের মতই নিশ্চিন্ত নির্ভরতার ভাবে কহিলেন—একবার খুঁজে দেখত কেনি!

নির্মলা কহিল—তুমি কোথায় কি ফেল আমি কি খুঁজে বের করিতে পারি?

এতকণে চন্দ্রবাবুর স্বভাবনিঃসঙ্গ মনে একটু ধ্যানি সম্মেলনের সঙ্কার হইল—স্বিধ্ব কঠে কহিলেন—তুমিই ত পার নির্মল! আমার সমস্ত ক্রটি সম্বন্ধে এত ধৈর্য্য আর কার আছে?

নির্মলার রুদ্ধ অন্তিমান চন্দ্রবাবুর স্নেহস্বরে অকস্মৎ অক্ষয়লে বিগলিত হইবার উপক্রম করিল; নিঃশব্দে সঘরণ করিবার চেষ্টা করিতে লাগিল।

তাহাকে নিরস্তর দেখিয়া চন্দ্রমাধববাবু নির্মলার কাছে আসিলেন এবং যেমন করিয়া সন্দিগ্ধ মোহরটি চোখের খুব কাছে ধরিয়া পরীক্ষা করিতে হয় তেমনি করিয়া নির্মলার মুখখানি ছুই আঙ্গুল দ্বিগা তুলিয়া ধরিয়া স্পর্শকাল দেখিলেন এবং গম্ভীর সূহ হান্তে কহিলেন নির্মল আকাশে একটুখানি মালিন্য দেখিচেন কি? কি হয়েছে রক্তেরি?

নির্মলা স্মরিত চন্দ্রমাধববাবুর সম্মেলনচেষ্টাও করিবেন না। বাহা স্পষ্ট প্রকাশমান নহে তাহা তিনি মনের মধ্যে স্থানও দিভেন না। তাঁহার নিজের চিত্ত যেমন শেষ পর্য্যন্তে খুঁজ

অন্তের নিকটও সেইরূপ একান্ত স্বচ্ছতা প্রত্যাশা করিতেন।

নির্মলা ক্রুদ্ধস্বরে কহিল—এত দিন পরে আমাকে তোমাদের চিরকুমার সভা থেকে বিদায় দিচ্চ কেন? আমি কি করেছি?

চন্দ্রমাধববাবু আশ্চর্য্য হইয়া কহিলেন—চিরকুমার সভা থেকে তোমাকে বিদায়? তোমার সঙ্গে সে সভার যোগ কি?

নির্মলা। দরজার আড়ালে থাকলে বুঝি যোগ থাকে না? অস্ততঃ সেই যতটুকু যোগ জুই বা কেন যাবে?

চন্দ্রবাবু। নির্মল, তুমিত এ সভার কাজ করবে না—যারা কাজ করবে তাদের সুবিধার প্রতি লক্ষ্য রেখেই—

নির্মলা। আমি কেন কাজ করব না? তোমার ভাগে না হয়ে ভাগী হয়ে জন্মেছি বলেই কি তোমাদের হিতকার্য্যে যোগ দিতে পারব না? তবে আমাকে এত দিন শিক্ষা দিলে কেন? নিজের হাতে আমার সমস্ত মন প্রাণ জাগিয়ে দিয়ে শেষকালে কাজের পথ রোধ করে দাও কি বলে?

চন্দ্রমাধববাবু এই উচ্ছ্বাসের জন্ত কিছুমাত্র প্রস্তুত ছিলেন না; তিনি যে নির্মলাকে নিজে কি ভাবে গড়িয়া তুলিয়াছিলেন তাহা নিজেই জামিতেন না। ধীরে ধীরে কহিলেন—নির্মল, এক সময়ে ত বিবাহ করে তোমাকে সংসারের কাজে প্রবৃত্ত হতে হবে—চিরকুমার সভার কাজ—

“বিবাহ আমি করব না।”

“তবে কি করবে বল?”

“দেশের কাজে তোমার সাহায্য করব।”

“আমরা ত সন্ন্যাস ব্রত গ্রহণ করতে প্রস্তুত হয়েছি।”

“ভারতবর্ষে কি কেউ কখনো সন্ন্যাসিনী হয়নি ?”

চন্দ্রমাধববাবু স্তম্ভিত হইয়া হারানো বোতামটার কথা একেবারে ভুলিয়া গেলেন। নিরন্তর হইয়া দাঁড়াইয়া রহিলেন।

উৎসাহদ্বীপ্তিতে মুগ্ধ আরক্তিম করিয়া নির্মলা কহিল—মামা, যদি কোন মেয়ে তোমাদের ব্রত গ্রহণের জন্যে অন্তরের সঙ্গে প্রস্তুত হয় তবে প্রকাশভাবে তোমাদের সভার মধ্যে কেন তাকে গ্রহণ করবে না? আমি তোমাদের কোমার্ধ্য সভার কেন সভ্য না হব?

নিষ্কলুষচিত্ত চন্দ্রমাধবের কাছে ইহার কোন উত্তর ছিল না। তবু স্বধাকৃষ্টিভাবে বলিতে লাগিলেন—অন্ত ষীরা সভ্য আছেন—

নির্মলা কথা শেষ না হইতেই বলিয়া উঠিল—ষীরা সভ্য আছেন, ষীরা ভারতবর্ষের হিতব্রত নেবেন, ষীরা সন্ন্যাসী হতে যাচ্ছেন—তঁারা কি একজন ব্রতধারিণী জীলোককে অসঙ্কোচে নিজের দলে গ্রহণ করতে পারবেন না? তা যদি হয় তাহলে তঁারা গৃহী হয়ে ঘরে বন্ধ থাকুন তঁাদের ষীরা কোন কাজ হবে না!

চন্দ্রমাধববাবু চুলগুলোর মধ্যে ঘন ঘন পাঁচ আঙ্গুল ঢালাইয়া অত্যন্ত উন্মোখুন্মো করিয়া তুলিলেন। এমন সময় হঠাৎ তঁাহার আস্তিনের ভিতর হইতে হারা বোতামটা মাটিতে পড়িয়া গেল। নির্মলা হাসিতে হাসিতে কুড়াইয়া লইয়া চন্দ্রমাধব বাবুর কামিজের প্লায় লাগাইয়া দিল—চন্দ্রমাধববাবু তাহার কোন খবরই লইলেন না—চুলের মধ্যে অঙ্গুলি চালনা করিতে করিতে মস্তিষ্ক কুলায়ের চিন্তাগুলিকে বিব্রত করিতে লাগিলেন।

চাকর আসিয়া খবর দিল, পূর্ণবাবু আসিয়াছেন। নির্মলা ঘর হইতে চলিয়া গেলে তিনি প্রবেশ করিলেন। কহিলেন—চন্দ্রবাবু, সে

কথাটা কি ভেবে দেখলেন? আমাদের সর্ভাঙ্গিকে স্থানান্তর করা আমার বিবেচনায় ভাল হচ্ছে না!

চন্দ্রবাবু। আজ আর একটি কথা উঠছে, সেটা পূর্ণবাবু তোমার সঙ্গে ভাল করে আলোচনা করতে ইচ্ছা করি। আমার একটি ভাষী আছেন বোধ হয় জান?

পূর্ণ। (নিরীহভাবে) আপনার ভাষী? চন্দ্র। হাঁ, তাঁর নাম নির্মলা। আমাদের চিরকুমার সভার সঙ্গে তাঁর ফরয়ের খুব যোগ আছে!

পূর্ণ। (বিস্মিতভাবে) বলেন কি?

চন্দ্র। আমার বিশ্বাস, তাঁর অনুরাগ এবং উৎসাহ আমাদের কারো চেয়ে কম নয়।

পূর্ণ। (উত্তেজিতভাবে) এ কথা শুনলে আমাদের উৎসাহ বেড়ে ওঠে! জীলোক হয়ে তিনি—

চন্দ্রবাবু। আমিও সেই কথা ভাবছি, জীলোকের সরল উৎসাহ পুরুষের উৎসাহে যেন নূতন প্রাণ সঞ্চার করতে পারে—আমি নিজেরই সেটা আজ অনুভব করেছি!

পূর্ণ। (আবেগপূর্ণভাবে) আমিও সেটা বেশ অনুমান করতে পারি।

চন্দ্রবাবু। পূর্ণবাবু, তোমারও কি ঐ মত?

পূর্ণ। কি মত বলছেন?

চন্দ্র। অর্থাৎ ষথার্থ অনুরাগী জীলোক আমাদের কঠিন কর্তব্যের বাধা না হয়ে ষথার্থ সহায় হতে পারেন?

পূর্ণ। (নেপথ্যের প্রতি লক্ষ্য করিয়া উচ্চ কর্তে) সে বিষয়ে আমার লেশমাত্র সন্দেহ নেই। জীজাতির অনুরাগ পুরুষের অনুরাগের একমাত্র সজীব নির্ভর—পুরুষের উৎসাহকে নবজাত শিশুটির মত মাহুষ করে তুলতে পারে কেবল জীলোকের উৎসাহ।

শ্রীশ ও বিপিনের প্রবেশ ।

শ। তাত পারে পূর্ণবাবু—কিন্তু সেই উৎসাহের অভাবেই কি আজ সভায় যেতে বিলম্ব হচ্ছে ?

পূর্ণ এত উচ্চস্বরে বলিয়া উঠিয়াছিলেন যে নবাগত দুইজনকে সিঁড়ি হইতে সকল কথা শুনিতে পাইয়াছিলেন।

চন্দ্রবাবু কহিলেন, না, না, দেরি হবার কারণ, আমার গলার বোতামটা কিছুতেই খুঁজে পাচ্চিনে।

শ্রীশ। গলায় ত একটা বোতাম লাগান রয়েছে দেখতে পাচ্চি—আরো কি প্রয়োজন আছে ? যদি বা থাকে, আর ছিদ্র পাবেন কোথা ?

চন্দ্রবাবু গলায় হাত দিয়া বলিলেন, তাইত। বলিয়া ঈষৎ লজ্জিত হইয়া হাসিতে লাগিলেন।

চন্দ্র। আমরা সকলেই ত উপস্থিত আছি এখন সেই কথাটার আলোচনা হয়ে বাগ্ম্য ভাল, কি বল পূর্ণবাবু ?

হঠাৎ পূর্ণবাবু! উৎসাহ অনেকটা নামিয়া গেল। নির্মলার নাম করিয়া সকলের কাছে আলোচনা উত্থাপন তাহার কাছে রুচিকর বোধ হইল না। সে কিছু কুণ্ঠিতস্বরে কহিল, সে বেশ কথা কিন্তু এদিকে দেরি হয়ে যাচ্ছে না ?

চন্দ্র। না, এখনো সময় আছে। শ্রীশবাবু তোমরা একটু বস না কথাটা একটু স্থির হয়ে ভেবে দেখবার যোগ্য। আমার একটা ভাষী আছেন, তাঁর নাম নির্মলা,—

পূর্ণ হঠাৎ কাশিয়া লাল হইয়া উঠিল। ভাবিল চন্দ্রবাবুর কাণ্ডজ্ঞান মাত্রই নাই—পৃথিবীর লোকের কাছে নিজের ভাষীর পরিচয় দিবার কি দরকার—অন্যাসে নির্মলাকে বাদ দিয়া কথাটা আলোচনা করা যাইতে

পারে। কিন্তু কোন কথার কোন অংশ বাদ দিয়া বলা চন্দ্রবাবুর স্বভাব নহে।

চন্দ্র। আমাদের কুমারসভার সমস্ত উদ্দেশ্যের সঙ্গে তাঁর একান্ত সহায়ত্ব।

এত বড় একটা খবর শ্রীশ এবং বিপিন অবিচলিত নিরুৎসুক ভাবে শুনিয়া যাইতে লাগিল। পূর্ণ কেবলি ভাবিতে লাগিল নির্মলার প্রসঙ্গ সম্বন্ধে যাহারা জড় পাষণ্ডের মত উদাসীন, নির্মলাকে যাহারা পৃথিবীর সাধারণ জ্ঞানোক্তির সহিত পৃথক করিয়া দেখে না, তাহাদের কাছে সে নামের উল্লেখ করা কেন ?

চন্দ্র। এ কথা আমি নিশ্চয় বলতে পারি তাঁর উৎসাহ আমাদের কারো চেয়ে কম নয়।

শ্রীশ ও বিপিনের কাছ হইতে কিছুমাত্র সাড়া না পাইয়া চন্দ্রবাবুও বোধ করি মনে মনে একটু উত্তেজিত হইতেছিলেন।

চন্দ্র। একথা আমি ভালরূপ বিবেচনা করে দেখে স্থির করেছি জ্ঞানোক্তির উৎসাহ পুরুষের সমস্ত বৃহৎ কার্যের মহৎ অবলম্বন। কি বল পূর্ণবাবু।

পূর্ণবাবুর কোন কথা বলিবার ইচ্ছাই ছিল না—কিন্তু নিস্তেজভাবে বলিল, তা ত বটেই।

চন্দ্রবাবুর পালে কোন দিক হইতে কোন হওয়া লাগিল না দেখিয়া হঠাৎ সবেগে ঝাঁকি মারিয়া বলিয়া উঠিলেন—নির্মলা যদি কুমারসভার সভ্য হবার জন্য প্রার্থী থাকে তাহলে তাকে আমরা সভ্য না করব কেন ?

পূর্ণ ত একেবারে বজ্রহতবৎ ! বলিয়া উঠিল—বলেন কি চন্দ্রবাবু ?

শ্রীশ পূর্ণর মত অভ্যুগ্র বিষয় প্রকাশ না করিয়া কহিল—আমরা কখনো কল্পনা করিনি যে, কোন জ্ঞানোক্তির আমাদের সভার সভ্য হতে ইচ্ছা প্রকাশ করবেন, সুতরাং এ সম্বন্ধে আমাদের কোন নিয়ম নেই—

ভায়পরায়ণ বিপিন গভীর কর্তে কহিল,
নিষেধও নেই ।

অসহিষ্ণু শ্রীশ কহিল, স্পষ্ট নিষেধ না
থাকতে পারে কিন্তু আমাদের সভার যে সকল
উদ্দেশ্য তাঁর জীলোকের দ্বারা সাধিত হবার নয় ।

কুমারসভায় জীলোকসভা লইবার জন্ত
বিপিনের যে বিশেষ উৎসাহ ছিল তাহা নয়,
কিন্তু তাহার মানসপ্রকৃতির মধ্যে একটা স্বাভা-
বিক সংঘম থাকায় কোন শ্রেণীবিশেষের বিরুদ্ধে
একদিকঘেঁষা কথা সে সহিতে পারিত না ।
তাই সে বলিয়া উঠিল—আমাদের সভার
উদ্দেশ্য সঙ্গীর্ণ নয় ; এবং বৃহৎ উদ্দেশ্য সাধন
করতে গেলে বিচিত্র শ্রেণীর ও বিচিত্র শক্তির
লোকের বিচিত্র চেষ্টায় প্রবৃত্ত হওয়া চাই ।
স্বদেশের হিতসাধন একজন জীলোক যে রকম
পারবেন তুমি সে রকম পারবে না এবং তুমি
যে রকম পারবে একজন জীলোক সে রকম
পারবেন না—অতএব সভার উদ্দেশ্যকে সর্বদা
সম্পূর্ণভাবে সাধন করতে গেলে তোমারও
যেমন দরকার জীসভ্যেরও তেমনি দরকার ।

লেশমাত্র উত্তেজনা প্রকাশ না করিয়া
বিপিন শাস্তগভীরস্বরে বলিয়া গেল—কিন্তু
শ্রীশ কিছু উত্তপ্ত হইয়া বলিল, যারা কাজ
করতে চায় না, তারাই উদ্দেশ্যকে ফলাও করে
তোলে । যথার্থ কাজ করতে গেলেই লক্ষ্যকে
সীমাবদ্ধ করতে হয় । আমাদের সভার উদ্দেশ্যকে
যত বৃহৎ মনে করে তুমি বেশ নিশ্চিন্ত আছ,
আমি তত বৃহৎ মনে করিনে ।

বিপিন শাস্তরূপে কহিল, আমাদের সভায়
কার্যক্ষেত্র অস্বতঃ এতটা বৃহৎ যে তোমাকে
গ্রহণ করেছে বলে আমাকে পরিত্যাগ করতে
হয় নি এবং আমাকে গ্রহণ করেছে বলে
তোমাকে পরিত্যাগ করতে হয় নি । তোমার
আমার উভয়েরই যদি এখানে স্থান হয়ে

থাকে, আমাদের দুজনেরই যদি এখানে
উপযোগিতা ও আবশ্যিকতা থাকে তাহলে
আরও একজন ভিন্ন প্রকৃতির লোকের এখানে
স্থান হওয়া এমন কি কঠিন ?

শ্রীশ চটিয়া কহিল—উদারতা অতি উত্তম
জিনিষ, সে আমি নীতিশাস্ত্রে পড়েছি । আমি
তোমার সেই উদারতাকে নষ্ট করতে চাইনে,
বিভক্ত করতে চাই মাত্র । জীলোকেরা যে
কাজ করতে পারেন তার জন্তে তাঁরা স্বতন্ত্র
সভা করুন, আমরা তার সভ্য হবার প্রার্থী
হব না এবং আমাদের সভাও আমাদেরই থাক্ !
নইলে আমরা পরস্পরের কাজের বাধা হব
মাত্র । মাথাটা চিন্তা করে মরুক; উদরটা
পরিপাক করতে থাক—পাকযন্ত্রটি মাথার মধ্যে
এবং মস্তিষ্কটি পেটের মধ্যে প্রবেশ চেষ্টা না
করগেই বস্ !

বিপিন । কিন্তু তাই বলে মাথাটা ছিন্ন
করে এক জায়গায় এবং পাকযন্ত্রটাকে আর
এক জায়গায় রাখলেও কাজের সুবিধা হয় না !

শ্রীশ অত্যন্ত বিরক্ত হইয়া কহিল—উপমা
ত আর যুক্তি নয় যে সেটাকে খণ্ডন করলেই
আমার কথাটাকে খণ্ডন করা হল ! উপমা
কেবল খানিক দূর পর্য্যন্ত পাটে—

বিপিন অর্থাৎ যতটুকু কেবল তোমার
যুক্তির পক্ষে পাটে ।

এই দুই পরম বন্ধুর মধ্যে এমন বিবাদ
সর্বদাই ঘটিয়া থাকে । পূর্ণ অত্যন্ত বিমনা হইয়া
বসিয়াছিল—সে কহিল, বিপিন বাবু আমার
মত এই যে, আমাদের এই সকল কাজে
মেয়েরা অগ্রসর হয়ে এলে তাতে তাঁদের মাধুর্য্য
নষ্ট হয় ।

চন্দ্রকবু একথানা বই চন্দ্রের অত্যন্ত কাছে
ধরিয়া কহিলেন মহৎ কার্য্যে যে মাধুর্য্য নষ্ট হয়
সে মাধুর্য্য সমস্তে রক্ষণ করিবাক যোগ্য নয় ।

শ্রীশ বস্ত্রিয়া উঠিল—না চক্ৰবাবু আমি ওসব সৌন্দর্য্য মধুর্য্যের কথা আনছিইনে। সৈন্ত-দের মত এক চালে আমাদের চলতে হবে, অনভ্যাস বা স্বাভাবিক দুর্বলতা-বশতঃ যাদের পিছিয়ে পড়বার সম্ভাবনা আছে—তাঁদের নিয়ে ভারগ্রস্ত হলে আমাদের সমস্তই ব্যর্থ হবে।

এমন সময় নির্মলা অকুণ্ঠিত মর্যাদার সহিত গৃহের মধ্যে প্রবেশ করিয়া নমস্কার করিয়া ঝাঁড়াইল। হঠাৎ সকলেই স্তম্ভিত হইয়া গেল। যদিচ একটা অশ্রুপূর্ণ ক্ষেত্রে তাহার কণ্ঠস্বর আর্দ্র ছিল তথাপি সে দৃশ্যেরে কহিল—আপনার কি উদ্দেশ্য এবং আপনারা দেশের কাজে কতদূর পর্য্যন্ত যেতে প্রস্তুত আছেন তা আমি কিছুই জানিনে,—কিন্তু আমি আমার মামাকে জানি, তিনি যে পথে যাত্রা করে চলেছেন আপনারা কেন আমাকে সে পথে তাঁর অনুসরণ করতে বাধা দিচ্ছেন ?

শ্রীশ নিরুত্তর, পূর্ণ কুণ্ঠিত অন্তঃপ্রাণ, বিপিন প্রশান্ত গম্ভীর, চক্ৰবাবু সুগম্ভীর চিন্তামগ্ন।

পূর্ণ এবং শ্রীশের প্রতি বর্ধিত বৌদ্ধরশ্মির স্তায় অশ্রুজলস্রাত কটাক্ষপাত করিয়া নির্মলা কহিল—আমি যদি কাজ করতে চাই, যিনি আমার আশ্রয়ভেদে গুরু মৃত্যু পর্য্যন্ত যদি সকল স্তম্ভ চেষ্টিয় তাঁর অনুবর্তিনী হতে ইচ্ছা করি, আপনারা কেবল তর্ক করে আমার অযোগ্যতা প্রমাণ করতে চেষ্টা করেন কেন ? আপনারা আমাকে কি জানেন।

শ্রীশ শুরু। পূর্ণ ঘম্মাস্ত।

নির্মলা। আমি আপনারদের কুমারসভা বা অন্ত কোন সভা জানিনে। কিন্তু ষাঁর শিক্ষায় আমি মানুষ হয়েছি তিনি যখন কুমারসভাকে অবলম্বন করেই তাঁর জীবনের সমস্ত উদ্দেশ্য সাধনে প্রবৃত্ত হয়েছেন, তখন এই কুমারসভা থেকে আপনারা আমাকে দূরে

রাখতে পারবেন না। (চক্ৰবাবুর দিকে ফিরিয়া) তুমি যদি বল আমি তোমার কাজের যোগ্য নই, তাহলে আমি বিদায় হব, কিন্তু এরা আমাকে কি জানেন ? এঁরা কেন আমাকে তোমার অনুষ্ঠান থেকে বিচ্ছিন্ন করার জন্তে সকলে মিলে, তর্ক করচেন ?

শ্রীশ তখন বিনীত মূহুরেরে কহিল—মাপ করবেন, আমি আপনার সম্বন্ধে কোন তর্ক করিনি, আমি সাধারণতঃ জীজাতি সম্বন্ধেই বলছিলাম—

নির্মলা। আমি জীজাতি পুরুষ জাতির প্রভেদ নিয়ে কোন বিচার করতে চাইনে—আমি নিজের অন্তঃকরণ জানি এবং ষাঁর উন্নত দৃষ্টান্তকে আশ্রয় করে রয়েছি তাঁর অন্তঃকরণ জানি, কাজে প্রবৃত্ত হতে এর বেশী আমার আর কিছু জানবার দরকার নেই।

চক্ৰবাবু নিজের দক্ষিণ করতল চোখের অত্যন্ত কাছে লইয়া নিরীক্ষণ করিয়া দেখিতে লাগিলেন। পূর্ণ খুব চমৎকার করিয়া একটা কিছু বলিবার ইচ্ছা করিল, কিন্তু তাহার মুখ দিয়া কোন কথাই বাহির হইল না। নির্মলা ঘরের অন্তরালে থাকিলে পূর্ণর বাকশক্তি যেক্রম সতেজ থাকে আজ তাহার কোন পরিচয় পাওয়া গেল না।

তবু সে মনে মনে অনেক আপত্তি করিয়া বলিল দেবী, এই পৃথিবী পৃথিবীর কাজে কেন আপনার পবিত্র ছইখানি হস্ত প্রয়োগ করিতে চাচ্ছেন ?

কথাটা মনে যেমন লাগিতেছিল মুখে তেমন শোনাইল না—পূর্ণ বলিয়াই বুঝিতে পারিল কথাটা গদ্যের মধ্যে হঠাৎ পদ্যের মত কিছু যেন বাড়াবাড়ি হইয়া পড়িল। লজ্জায় তাহার কাণ লাল হইয়া উঠিল। বিপিন স্বাভাবিক সুগম্ভীর শাস্তস্বরে কহিল—পৃথিবী

যত বেশী পঞ্চিল পৃথিবীর সংশোধন কার্য তত বেশী পঞ্চিল ।

এই কথাটায় কৃতজ্ঞ নির্মলার মুখের ভাব লক্ষ্য করিয়া পূর্ণ ভাবিল আহা, কথাটা আমারি বলা উচিত ছিল।—বিপিন বলিয়াছে বলিয়া তাহার উপর অত্যন্ত রাগ হইল ।

শ্রীশ । সভার অধিবেশনে স্ত্রীসভা লওয়া সম্বন্ধে নিয়মমত প্রস্তাব উত্থাপন করে যা স্থির হয় আপনাকে জানাব ।

নির্মলা এক মুহূর্ত্ত অপেক্ষা না করিয়া পালের নৌকার মত নিঃশব্দে চলিয়া যাইবার উপক্রম করিল । হঠাৎ অধ্যাপক সচেতন হইয়া ডাকিলেন—ফেনি, আমার সেই গলার বোতামটা ?

নির্মলা সজ্জ হাসিয়া মুহূর্ত্তে ইশারা করিয়া কহিল; গলাতেই আছে ।

চন্দ্রবাবু গলায় হাত দিয়া "হাঁ হাঁ" আছে বটে" বলিয়া তিন ছাত্রের দিকে চাহিয়া হাসিলেন ।

সপ্তম পরিচ্ছেদ ।

—:~:~:~:—

নূপ । আজকাল তুই মাঝে মাঝে কেন অমন গম্ভীর হচ্চিস বলত নীক ।

নীক । আমাদের বাড়ির যত কিছু গাম্ভীৰ্য্য সব বুঝি তোর একলার ? আমার খুসি আমি গম্ভীর হব ।

নূপ । তুই কি ভাবছিস আমি বেশ জানি ।

নীক । তোর অত আন্দাজ করবার দরকার কি ভাই ? এখন তোর নিজের ভাবনা ভাববার সময় হয়েছে ।

নূপ । নীকর গলা জড়াইয়া ধরিয়া কহিল—তুই ভাবচিস, মাগো মা, আমরা কি জঞ্জাল ! আমাদের বিদায় করে দিতেও এত ভাবনা, এত ঝগড়াট ।

নীক । তা আমরা ত ভাই কেলে দেবার জিনিষ নয় যে বৃষ উৎসর্গের মত অমুনি ছেড়ে দিলেই হল ! আমাদের জন্তে যে এতটা হাকাম হচ্ছে সে ত গৌরবের কথা ! কুমারসম্ভবেত পড়েছিস গৌরীর বিষের জন্ত একটা আস্ত দেবতা পুড়ে ছাই হয়ে গেল ! যদি কোন কবির কাণে উঠে তাহলে আমাদের বিবাহেরও একটা বর্ণনা বেরিয়ে যাবে ।

নূপ । না ভাই আমার ভারি লজ্জা করচে ।

নীক । আর আমার বুঝি লজ্জা করচে না ? আমি বুঝি বেহায়া ! কিন্তু কি করবি বল ? ইকুলে যেদিন প্রাইজ নিতে গিয়েছিলুম লজ্জা করেছিল, আবার তার পর বছরেও প্রাইজ নেবার জন্তে রাত জেগে পড়া মুখস্থ করেছিলেম । লজ্জাও করে প্রাইজও ছাড়িনে, আমার এই স্বভাব ।

নূপ । আচ্ছা নীক এবারে যে প্রাইজ-টার কথা চলচে সেটার জন্তে তুই কি খুব ব্যস্ত হয়েছিস ?

নীক । কোনটা বল দেখি ? চিত্রকুমার সভার দুটো সভ্য ?

নূপ । যেই হোক না কেন, তুইত বুঝতে পারচিস ।

নীক । তা ভাই সত্যি কথা বলব ? (নূপর গলা জড়াইয়া কাণে কাণে) শুনেছি কুমার সভায় দুটি সভ্যের মধ্যে খুব ভাব, আমরা যদি দুজনে দুই বছর হাতে পড়ি তা হলে বিষে হয়েও আমাদের ছাড়াছাড়ি হবে না—নইলে আমরা কে কোথায় চলে যাব তার ঠিক নেই ।

তাইত সেই যুগল দেবতার জন্তে এত পূজার আয়োজন করেছি ভাই! যোড়হস্তে মনে মনে বল্‌চি, হে কুমারসভার অশ্বিনীকুমারযুগল, আমাদের দুটি বোনকে, এক বোটার দুই ফুলের মত তোমরা একসঙ্গে গ্রহণ কর!

বিবহ সন্তানবনার উল্লেখমাঝে দুই ভগিনী পরস্পরকে জড়াইয়া ধরিল এবং নূপ কোন মতে চোখের জল সামলাইতে পারিল না।

নূপ। আচ্ছা নীক মেজদিদিকে কেমন করে ছেড়ে যাবি বল্‌ দেপি? আমরা দুজনে গেলে ঠাঁর আর কে থাকবে?

নীক। সে কথা অনেক ভেবেছি। থাকতে যদি দেন তাহলে কি ছেড়ে যাই? ভাই, ঠাঁরত স্বামী নেই, আমাদেরও না হয় স্বামী না রইল। মেজদিদির চেয়ে বেশী সুখে আমাদের দরকার কি?

পুরুষবেশধারিণী শৈলবালার প্রবেশ। নীক টেবিলের উপরিস্থিত থালা হইতে একটি ফুলের মালা তুলিয়া লইয়া শৈলবালার গলায় পরাইয়া কহিল—আমরা দুই স্বয়ংস্বরা তোমাকে আমাদের পতিরূপে বরণ করলুম।—এই বলিয়া শৈলবালাকে প্রণাম করিল।

শৈল। ও আবার কি?

নীক। ভয় নেই ভাই, আমরা দুই সতীনে তোমাকে নিয়ে ঝগড়া করব না। যদি কবি, সেজদিদি আমার সঙ্গে পারবে না—আমি একলাই মিটিয়ে নিতে পারব, তোমাকে কষ্ট পেতে হবে না। না, সত্যি বল্‌চি মেজদিদি, তোমার কাছে আমরা যেমন আদরে আছি এমন আদর কি আর কোথাও পাব? কেন তবে আমাদের পরের গলায় দিতে চাস?

পুনর্বার নূপর দুই চক্ষু বাহিয়া ঝরঝর রয়া জল পড়িতে লাগিল। “ও কি ও

নূপ, ছি” বলিয়া শৈল তাহার চোখ মুছিয়া দিল—কহিল—তোদের কিসে সুখ তা কি তোরা জানিস? আমাকে নিয়ে যদি তোদের জীবন সার্থক হত তা হলে কি আমি আর কারো হাতে তোদের দিতে পারতুম?

তিনজনে মিলিয়া একটা অক্ষবর্ষণকাণ্ড ঘটবার উপক্রম করিতেছিল এমন সময়ে রসিকদাদা প্রবেশ করিয়া কাতরস্বরে কহিলেন—ভাই আমার মত অসভ্যটাকে তোরা সভ্য করলি—আজ ত সভা এখানে বসবে, কি রকম ভাবে চলব শিগিয়ে দে?

নীক কহিল—ফের, পুরোণো ঠাট্টা? তোমার ঐ সভ্য অসভ্যর কথাটা এই পশু থেকে বল্‌চ।

রসিক। যাকে জন্ম দেওয়া যায় তার প্রতি মমতা হয় না? ঠাট্টা একবার মুখ থেকে বের হলেই কি রাজপুত্রের কস্তার মত তাকে গলা টিপে মেরে ফেলতে হবে? হয়েছে কি—যতদিন চিরকুমার সভা টিকে থাকবে এই ঠাট্টা তোদের ছবেলা শুনতে হবে।

নীক। তবে শুটাকে ত একটু সকাল সকাল সেরে ফেলতে হচ্ছে। মেজদিদি ভাই, আর দয়ামায়া নয়—রসিকদাদার রসিকতাকে পুরোন হতে দেব না, চিরকুমার সভার চিরত্ব আমরা অচিরে বুচিয়ে দেব তবেই ত আমাদের বিশ্ব-বিজয়িনী নারী নাম সার্থক হবে! কি রকম করে আক্রমণ করতে হবে একটা কিছু প্ল্যান ঠাউরেছিস?

শৈল। কিছুই না। কেজ্রে উপস্থিত হয়ে যখন যে রকম মাথায় আসে।

নীক। আমাকে যখন দরকার হবে বণভেরীক্ষণিত করলেই আমি হাজির হব। আমি কি ভরাই সখি কুমারসভারে? নাহি বি বল এ ভূজমুণ্ডালে?

অক্ষয় ঘরে প্রবেশ করিয়া কহিলেন, অস্ত্রকার সভায় বিদূষীমণ্ডলীকে একটি ঐতিহাসিক প্রশ্ন জিজ্ঞাসা করতে ইচ্ছা করি।

শৈল। প্রশ্নত আছি।

অক্ষয়। বল দেখি যে ছুটি ডালে দাঁড়িয়েছিলেন সেই ছুটি ডাল কাটতে চেয়েছিলেন কে?

নৃপ তাড়াতাড়ি উত্তর করিল, আমি আমি মুখ্যে মশায়, কালিদাস।

অক্ষয়। না আরো একজন বড় লোক। শ্রীঅক্ষয়কুমার মুখোপাধ্যায়।

নীরু। ডাল ছুটি কে?

অক্ষয় বামে নীরুকে টানিয়া বলিলেন “এই একটি,” এবং দক্ষিণে নৃপকে টানিয়া জানিয়া কহিলেন “এই আর একটি!”

নীরু। আর, কুড়ুল বৃষ্টি আজ আসচে?

অক্ষয়। আসচে কেন, এসেচে বলেও অভ্যক্তি হয় না। ঐ যে সিঁড়িতে পায়ে শব্দ শোনা যাচ্ছে!

শুনিয়া দৌড়, দৌড়! শৈল পালাইবার সময় রসিকদাদাকে টানিয়া লইয়া গেল। চুড়ি-বালার ঝঙ্কার এবং ত্রস্ত পদপল্লব কয়েকটির দ্রুত পতন শব্দ সম্পূর্ণ না মিলাইতেই শ্রীশ ও বিপিনের প্রবেশ। ঝম্ ঝম্ ঝম্ ঝম্ দূর হইতে দূরে বাজিতে লাগিল। এবং ঘরের আলোড়িত বাতাসে এসেঙ্গ ও গন্ধতৈলের মিশ্রিত মৃদু পরিমল যেন পরিত্যক্ত আস্বাবগুলির মধ্যে আপনার পুরাতন আশ্রয়গুলিকে খুঁজিয়া নিঃশ্বাস ফেলিয়া বেড়াইতে লাগিল।

বিজ্ঞান শাস্ত্রে বলে শক্তির অপচয় নাই, রূপান্তর আছে। ঘর হইতে হঠাৎ তিন ভগিনীর পলায়নে বাতাসে যে একটি স্তব্ধ আন্দোলন উঠিয়াছিল সেটা কি প্রথমে কুমার-যুগলের বিচিত্র স্নায়ুমণ্ডলীর মধ্যে একটি

নিগূঢ় স্পন্দনে ও অব্যবহিত পরেই তাঁহাদের অন্তঃকরণের দিকপ্রান্তে ক্ষণকালের অন্ত একটি অনির্কটনীয় পুলকে পরিণত হয় নাই? কিন্তু সংসারে যেখান হইতে ইতিহাস সুরু হয় তাহার অনেক পরের অধ্যায় হইতে লিপিত হইয়া থাকে;—প্রথম স্পর্শ স্পন্দন আন্দোলন ও বিদ্যুৎচমকগুলি প্রকাশের অন্তিম।

ধরস্পর্শ মমকারের পর অক্ষয় জিজ্ঞাসা করিলেন, স্পর্শকুঁ এলেন না বে?

শ্রীশ। চন্দ্রবাবুর বাসায় তাঁর সঙ্গে দেখা হয়েছিল, কিন্তু হঠাৎ তাঁর শরীরটা খারাপ হয়েছে বলে আজ আর আসতে পারিলেন না।

অক্ষয়। (পথের দিকে চাহিয়া) একটু বসুন—আমি চন্দ্রবাবুর অপেক্ষায় ঘরের কাছে গিয়ে দাঁড়াই। তিনি অক্ষমানুষ কোথায় যেতে কোথায় গিয়ে পড়বেন তাঁর ঠিক নেই—কাছাকাছি এমন স্থানও আছে যেখানে কুমার-সভার অধিবেশন কোন মতেই প্রার্থনীয় নয়। বলিয়া অক্ষয় নামিয়া গেলেন।

আজ চন্দ্রবাবুর বাসায় হঠাৎ নির্মলা আবির্ভূত হইয়া চিরকুমারদলের শাস্তমনের মধ্যে যে একটা মছন উৎপন্ন করিয়া দিয়াছিল তাহার অভিঘাতবোধ করি এখনো শ্রীশের মাথায় চলিতেছিল। দৃশ্যটি অস্পষ্ট, ব্যাপারটি অভাবনীয়, এবং নির্মলার কর্মনীয় মুখে যে একটি দীপ্তি ও তাহার কথাগুলির মধ্যে যে একটি আন্তরিক আবেগ ছিল তাহাতে তাঁহাকে বিস্মিত ও তাহার চিন্তার স্বাভাবিক পন্থিকে বিক্ষিপ্ত করিয়া দিয়াছে। তিনি লেশমাত্র প্রশ্নত ছিলেন না বলিয়া এই আকস্মিক আঘাতেই বিপর্যস্ত হইয়া পড়িয়াছেন! তর্কের মাঝখানে হঠাৎ এমন জায়গা হইতে এমন করিয়া এমন একটা উত্তর আসিয়া উপস্থিত হইবে যখনও মনে করেন নাই বলিয়াই উত্তরটা

তাহার কাছে এমন প্রবল হইয়া উঠিল। উত্তরের প্রত্যুত্তর থাকিতে পারে, কিন্তু সেই আবেগ কম্পিত ললিতকণ্ঠ, সেই গুঢ় অশ্রুকরণ বিশাল কৃষ্ণচক্ষুর দীপ্তিচ্ছটার প্রত্যুত্তর কোথায়? পুরুষের মাথায় ভাল ভাল যুক্তি থাকিতে পারে, কিন্তু যে আরক্ত অধর কথা বলিতে গিয়া ক্ষুব্ধ হইতে থাকে, যে কোমল কপোল ছুটি দেখিতে দেখিতে ভাবের আভাসে কল্পণ্ড হইয়া উঠে তাহার বিরুদ্ধে দাঁড় করাইতে পারে পুরুষের হাতে এমন কি আছে?

পথে আসিলে আসিলে দুই বছর মধ্যে কোন কথাই হয় নাই। এখানে আসিয়া ঘরে প্রবেশ না করিতেই যে শব্দগুলি শোনা গেল, অন্য কোন দিন হইলে শ্রীশ তাহা লক্ষ্য করিত কি না সন্দেহ—আজ তাহার কাছে কিছুই এড়াইল না। অন্তিমপূর্বেই ঘরের মধ্যে রমণীদল যে ছিল, ঘরে প্রবেশ করিয়াই সে তাহা বুঝিতে পারিল।

অক্ষয় চলিয়া গেলে ঘরটি শ্রীশ ভাল করিয়া দেখিয়া গেল। টেবিলের মাঝখানে ফুল-দানিতে ফুল সাজানো। সেটা চকিতে তাহাকে একটু যেন বিচলিত করিল। তাহার একটা কারণ শ্রীশ অত্যন্ত ফুল ভাল বাসে, তাহার আর একটা কারণ, শ্রীশ কল্পনাচক্ষে দেখিতে পাইল, অন্তিমকাল পূর্বেই যাহাদের অনিপুণ দক্ষিণ হস্ত এই ফুলগুলি সাজাইয়াছে তাহারাই এখন ত্রস্তপূর্বে ঘর হইতে পালাইয়া গেল।

বিপিন ঈষৎ হাসিয়া বলিল, যা বল ভাই, এ ঘরটি চিরকুমার সভার উপযুক্ত নয়।

হঠাৎ মৌনভঙ্গে শ্রীশ চকিত হইয়া উঠিয়া কহিল, কেন নয়?

বিপিন কহিল, ঘরের সজ্জাগুলি ডোমার

নবীন সন্ন্যাসীদের পক্ষেও যেন বেশী বোধ হচ্ছে।

শ্রীশ। আমার সন্ন্যাসধর্মের পক্ষে বেশী কিছুই হতে পারে না।

বিপিন। কেবল নারী ছাড়া!

শ্রীশ কহিল, হাঁ ঐ একটি মাত্র!—লেখকের অনুমান মাত্র হইতে পারে কিন্তু অন্য দিনের মত কথাটায় তেমন জোর পৌছিল না।

বিপিন কহিল, দেয়ালের ছবি এং অন্যান্য পাঁচ রকমে এ ঘরটিতে সেই নারী জাতির অনেকগুলি পরিচয় পাওয়া যায় যেন।

শ্রীশ। সংসারে নারীজাতির পরিচয় ত সর্বত্রই আছে।

বিপিন। তা ত বটেই। কবিদের কথা যদি বিশ্বাস করা যায় তাহলে চাঁদে ফুলে লতায় পাতায় কোন খানেই নারীজাতির পরিচয় থেকে হতভাগ্য পুরুষমানুষের নিষ্কৃতি পাবার যো নেই।

শ্রীশ হাসিয়া কহিল, কেবল ভেবেছিলুম, চন্দ্রবাবুর বাসার সেই একতলার ঘরটিতে রমণীর কোন সংশ্রব ছিল না। আজ সে ভ্রমটা হঠাৎ ভেঙ্গে গেল। নাঃ, ওরা পৃথিবী-ময় ছড়িয়ে পড়েছে।

বিপিন। বেচারী চিরকুমার কণ্ঠের জন্তে একটা কোনও ফাঁকা রাখেনি। সভা করবার জায়গা পাওয়াই দায়।

শ্রীশ। এই দেখ না!—বলিয়া কোণের একটা টিপাই হইতে গোটাছুয়েক চুষের কাঁটা তুলিয়া দেখাইল।

বিপিন কাঁটা ছুটি লইয়া পর্যবেক্ষণ করিয়া বহিল, ওহে ভাই এস্থানটাতে কুমারদের পক্ষে নিষ্কণ্টক নয়।

শ্রীশ। ফুলও আছে কাঁটাও আছে।

বিপিন। সেইটেই ত বিপদ। কেবল কাঁটা থাকলে এড়িয়ে চলা যায় !

শ্রীশ অপর কোণের ছোট বইয়ের শেলক হইতে বইগুলি তুলিয়া দেখিতে লাগিল। কতকগুলি নভেল, কতকগুলি ইংরাজি কাব্য-সংগ্রহ। প্যালাগ্রেভের গীতিকাব্যের স্বর্ণ-ভাণ্ডার খুলিয়া দেখিল, মার্কিনে মেয়েলি অক্ষরে নোট লেখা—তখন গোড়ার পাতাটা উল্টাইয়া দেখিল। দেখিয়া একটু নাড়িয়া চাড়িয়া বিপিনের সম্মুখে ধরিল।

বিপিন পড়িয়া কহিল, নৃপবালা ! আমার বিশ্বাস নামটি পুরুষমানুষের নয়। কি বোধ কর।

শ্রীশ। আমারও সেই বিশ্বাস। এ নামটিও অল্প জাতীয়ের বলে ঠেকচে হে!—বলিয়া আর একটা বই দেখাইল।

বিপিন কহিল— নীরবালা ! এ নামটি কাব্যগ্রন্থে চলে কিন্তু কুমারসভায়—

শ্রীশ। কুমার সভাতেও এই নামধারিণীরা যদি চলে আসেন তা হলে দ্বাররোধ করতে পারি এত বড় বলবান্ ত আমাদের মধ্যে কাউকে দেখিনে।

বিপিন। পূর্ণ ত একটি আঘাতেই আহত হয়ে পড়ল—রক্ষা পায় কি না সম্ভেহ !

শ্রীশ। কি রকম ?

বিপিন। লক্ষ্য করে দেখনি বুঝি ?

প্রশান্ত স্বভাব বিপিনকে দেখিলে মনে হয় না যে সে কিছু দেখে ; কিন্তু তাহার চোখে কিছুই এড়ায় না। পরম দুর্বল অবস্থায় পূর্ণকে সে দেখিয়া লইয়াছে।

শ্রীশ। না না ও তোমার অনুমান !

বিপিন। হৃদয়টা ত্ব অনুমানেরই জিনিষ, না যায় দেখা, না যায় ধরা।

শ্রীশ ধমকিয়া দাঁড়াইয়া ভাবিতে লাগিল,

—কহিল, পূর্ণর অস্থখটাও তা হলে বৈশ্ব-শাস্ত্রের অন্তর্গত নয় ?

বিপিন। না, এ সকল ব্যাধি সম্বন্ধে মেডিকাল কলেজে কোন লেকচার চলে না।

শ্রীশ উচ্চস্বরে হাসিতে লাগিল, গম্ভীর বিপিন স্নিতমুখে চুপ করিয়া রহিল।

চন্দ্রবাবু প্রবেশ করিয়া কহিলেন—আজকের তর্কবিতর্কের উত্তেজনায় পূর্ণবাবুর হঠাৎ শরীর খারাপ হল দেখে আমি তাঁকে তাঁর বাড়ি পৌঁছে দেওয়া উচিত বোধ করলুম।

শ্রীশ বিপিনের মুখের দিকে চাহিয়া ঈষৎ একটু হাসিল, বিপিন গম্ভীরমুখে কহিল, পূর্ণবাবুর যে রকম দুর্বল অবস্থা দেখিচি পূর্ন হতেই তার বিশেষ সাবধান হওয়া উচিত ছিল।

চন্দ্রমাধব সরলভাবে উত্তর করিলেন, পূর্ণবাবুকে ত বিশেষ অসাবধান বলে বোধ হয় না !

চন্দ্রমাধব বাবু সভাপতির আসন গ্রহণ করিবার পূর্বেই অক্ষয় রসিকদাদাকে সঙ্গে লইয়া ঘরে প্রবেশ করিলেন। কহিলেন—মাপ করবেন, এই নবীন সভ্যটিকে আপনাদের হাতে সমর্পণ করে দিয়েই আমি চলে যাবি।

রসিক হাসিয়া কহিলেন—আমার নবীনতা বাইরে থেকে বিশেষ প্রত্যক্ষগোচর নয়—

অক্ষয়। অত্যন্ত বিনয়বশতঃ সেটা বাহ্য প্রাচীনতা দিয়ে ঢেকে রেখেচেন—ক্রমশঃ পরিচয় পাবেন। ইনিই হচ্ছেন সার্থকনামা শ্রীরসিকচক্রবর্তী।

তিনিয়া শ্রীশ ও বিপিন সহাস্যে রসিকের মুখের দিকে চাহিল,—রসিকদাদা কহিলেন, পিতা আমার রসবোধ সম্বন্ধে পরিচয় পাবার পূর্বেই রসিক নাম রেখেছিলেন, এখন পিতৃ সত্য পালনের উচ্চ অঙ্গাকে রসিতার টেট্টা

করতে হয়, তার পরে “যশ্বে কৃতে যদি ন
সিদ্ধতি কোহত্র দোষঃ।”

অক্ষয় প্রস্থান করিলেন। ঘরে ছটি কেবো-
সিনের দীপ জ্বলিতেছে; সেই ছটিকে বেষ্টন
করিয়া ফিরোজরঙের রেশমের অবশেষ ন।
সেই আবরণ ভেদ করিয়া ঘরের আলোটি
মৃদু এবং রঙীন হইয়া উঠিয়াছে।

পুরুষবেশী শৈল আসিয়া সকলকে নমস্কার
করিল। স্বীণদৃষ্টি চন্দ্রমাধব বাবু ঝাপসাভাবে
তাহাকে দেখিলেন—বিপিন ও শ্রীশ তাহার
দিকে চাহিয়া রহিলেন।

শৈলের পশ্চাতে ছই জন ভৃত্য কয়েকটি
ভোজনপাত্র হাতে করিয়া উপস্থিত হইল।
শৈল ছোট ছোট রুপার থালাগুলি লইয়া
শাদা পাখরের টেবিলের উপর সাজাইতে
লাগিল। প্রথম পরিচয়ের ছর্নিবার লজ্জাটুকু
সে এইরূপ আভিধ্যায্যপারের মধ্যে ঢাকিয়া
লইবার চেষ্টা করিল।

রসিক কহিলেন, ইনি আপনাদের সভার
আর একটি নবীন সভ্য। এঁর নবীনতা সম্বন্ধে
কোন তর্ক নেই। ঠিক আমার বিপরীত। ইনি
বুদ্ধির প্রবীণতা বাহু নবীনতা দিয়ে গোপন
করে রেখেছেন। আপনারা কিছু বিস্মিত
হয়েছেন। দেখি; হবার কথা। এঁকে দেখে
মনে হয় বালক, কিন্তু আমি আপনাদের কাছে
জামিন রইলুম—ইনি বালক নন।

চন্দ্র। এঁর নাম?

রসিক। শ্রীঅবলাকান্ত চট্টোপাধ্যায়।

শ্রীশ বলিয়া উঠিল, অবলাকান্ত?

রসিক। নামটি আমাদের সভার উপযোগী
নয় স্বীকার করি। নামটির প্রতি আমারও
বিশেষ মমত্ব নেই—যদি পরিবর্তন করে বিক্রম
সিংহ বা ভীমসেন বা অন্ত কোন উপযুক্ত
নাম রাখেন তাতে উনি আপত্তি করবেন না।

যদিচ শাস্ত্রে আছে বটে স্বনামা পুরুষো ধন্যঃ—
কিন্তু উনি অবলাকান্ত নামটির দ্বারাই জগতের
ধন্যবাদ অর্জন করতে ব্যাকুল নন।

শ্রীশ কহিল—বলেন কি মশায়! নাম ত
আর গায়ের বস্ত্র নয়, যে বদল করলেই হ’ল।

রসিক। ওটা আপনাদের একেলে সংস্কার
শ্রীশ বাবু। নামটাকে প্রাচীনেরা পোষাকের
মধ্যেই গণ্য করতেন। দেখুন না কেন, অর্জুনের
পিতৃদত্ত নাম কি, ঠিক করে বলা শক্ত,—পার্থ,
ধনঞ্জয়, সব্যসাচী, লোকের যখন যা মুখে
আসত তাই বলেই ডাকত। দেখুন, নামটাকে
আপনারা বেশী সত্য মনে করবেন না;—
ওঁকে যদি ভুলে আপনি অবলাকান্ত নাও
বলেন উনি লাইবেলের মকদ্দমা আন-
বেন না।

শ্রীশ হাসিয়া কহিল—আপনি যখন এতটা
অভয় দিচ্ছেন তখন অত্যন্ত নিশ্চিত হলাম—
কিন্তু ওঁর ক্ষমাশ্রুতির পরিচয় নেবার দরকার
হবে না—নাম ভুল করব না মশায়।

রসিক। আপনি না করতে পারেন কিন্তু
আমি করি মশায়। উনি আমার সম্পর্কে
নাতি হন—সেই জন্যে ওঁর সম্বন্ধে আমার
বসনা কিছু শিথিল, যদি কখনো এক বলতে
আর বলি সেটা মাপ করবেন।

শ্রীশ উঠিয়া কহিল—অবলাকান্ত বাবু,
আপনি এ সমস্ত কি আয়োজন করেছেন?
আমাদের সভার কার্যাবলীর মধ্যে মিষ্টান্নটা
ছিল না।

রসিক। (উঠিয়া) সেই ঙ্গাট ঘিনি
সংশোধন করছেন তাঁকে সভার হয়ে ধন্যবাদ
দিই।

শ্রীশের মুখের দিকে না চাহিয়া থালা
সাজাইতে সাজাইতে শৈল কহিল, শ্রীশ বাবু
আহারটাও কি আপনাদের নিয়মবিরুদ্ধ।

শ্রীশ দেখিল কণ্ঠস্বরটিও অবলানায়ের উপযুক্ত, কহিল এই সভ্যটির আকৃতি নিরীক্ষণ করে দেখলেই ও সম্বন্ধে কোন সংশয় থাকবে না।—বলিয়া বিপুলায়তন বিপিনকে টানিয়া আনিল।

বিপিন কহিল, নিয়মের কথা যদি বলেন অবলাকান্ত বাবু, সংসারে শ্রেষ্ঠ জিনিষমাত্রই নিজেই নিয়ম নিজে সৃষ্টি করে; ক্ষমতাশালী লোক নিজেই নিয়ম চলে, শ্রেষ্ঠ কাব্য সমালোচকের নিয়ম মানে না। যে মিষ্টান্নগুলি সংগ্রহ করেছেন এর সম্বন্ধেও কোন সভার নিয়ম খাটতে পারে না—এর একমাত্র নিয়ম, বসে যাওয়া এবং নিঃশেষ করা! ইনি যতক্ষণ আছেন ততক্ষণ জগতের অন্য সমস্ত নিয়মকে ঘারের কাছে অপেক্ষা করতে হবে।

শ্রীশ কহিল—তোমার হল কি বিপিন? তোমাকে খেতে দেখেছি বটে কিন্তু এক নিঃশ্বাসে এত কথা কইতে শুনি নি ত!

বিপিন। রসমা উত্তেজিত হয়েছে, এখন সরস বাক্য বলা আমার পক্ষে অত্যন্ত সহজ। হয়েছে। যিনি আমার জীবনবৃত্তান্ত লিখবেন, হায়, এ সময়ে তিনি কোথায়?

রসিক টাকে হাত বুলাইতে বুলাইতে কহিলেন, আমার দ্বারা সে কাজটা প্রত্যাশা করবেন না, আমি অত দীর্ঘকাল অপেক্ষা করতে পারব না।

নূতন ঘরের বিলাস সজ্জার মধ্যে আসিয়া চন্দ্রমাধব বাবুর মনটা বিক্ষিপ্ত হইয়া গিয়াছিল। তাঁহার উৎসাহস্রোত যথাপথে প্রবাহিত হইতেছিল না। তিনি ক্ষণে ক্ষণে কার্য্য বিবরণের খাতা, ক্ষণে ক্ষণে নিজের করকোষ্ঠি অকারণে নিরীক্ষণ করিয়া দেখিতেছিলেন। শৈল তাঁহার সম্মুখে গিয়া সখিনয়ে নিবেদন করিল, সভার কার্য্যের যদি কিছু ব্যাঘাত করে থাকি

ত সাপ করবেন, চন্দ্রবাবু, কিন্তু কিছু জলযোগ—

চন্দ্রবাবু শৈলকে নিকটে পাইয়া তাহার মুখ নিরীক্ষণ করিয়া কহিলেন—এ সমস্ত সামাজিকভাষ্য সভার কার্য্যের ব্যাঘাত করে, তাতে সন্দেহ নাই।

রসিক কহিলেন—আচ্ছা পরীক্ষা করে দেখুন, মিষ্টান্নে যদি সভার কার্য্য বোধ হয় তা হলে—

বিপিন মুহূর্ত্তেরে কহিল—তা হলে ভবিষ্যতে না হয় সভাটা বন্ধ রেখে মিষ্টান্নটা চালাইলেই হবে।

চন্দ্রবাবু নিরীক্ষণ করিয়া দেখিতে দেখিতে শৈলের স্বন্দর স্বকুমার চেহারাটি কিম্বৎপরিমাণে আয়ত্ত করিয়া লইলেন। তখন শৈলকে ক্ষুণ্ণ করিত তাঁহার আর প্রবৃত্তি হইল না।

বলা আবশ্যক, অচিরকাল পূর্বেই বিপিন জলযোগ করিয়াই বাড়ি হইতে বাহির হইয়া আসিয়াছিল। তাহার ভোজন্যের ইচ্ছামাত্র ছিল না কিন্তু এই ক্রিয়াকর্ম্মি কুমারটিকে দেখিয়া বিশেষতঃ তাহার মুখের অভ্যন্তর কোমল একটি স্নিতহাস্তে বিপুলবলশালী বিপিনের চিত্ত হঠাৎ এমনি মৈহাকৃষ্ট হইয়া পড়িল যে, অস্বাভাবিক মুখরতার সহিত মিষ্টান্নের প্রতি সে অতিরিক্ত লোলুপতা প্রকাশ করিল। রোগভীক শ্রীশের অসময়ে খাইবার সাহস ছিল না, তাহারাও মনে হইল, না খাইতে বসিলে এই তরুণ কুমারটির প্রতি কঠোর দৃষ্টি করা হইবে।

শ্রীশ কহিল—আম্বন রসিক বাবু! আপনি উঠেন না যে।

রসিক। রোজ রোজ খেতে এবং মাঝে মাঝে কেড়ে খেয়ে থাকি, আজ চিরকুমার সভার সভ্যরূপে আপিনাদের সংসর্গগৌরবে

কিঞ্চ উপরোধের প্রত্যাশায় ছিলুম, কিন্তু—

শৈল। কিন্তু আবার কি রসিক দাদা? তুমি যে রবিবার করে থাক, আজ তুমি কিছু খাবে নাকি?

রসিক। দেখেচেন মশায়! নিয়ম আর কারো বেলায় নয়, কেবল রসিক দাদার বেলায়! নাঃ—বলং বলং বাহুবলম্! উপরাধ অনুরোধের অপেক্ষা করা নয়!

বিপিন। (চারটিমাত্র ভোজন পাত্র দেখিয়া) আপনি আমাদের সঙ্গে বসবেন না!

শৈল। না আমি আপনাদের পরিবেশন করব!

শ্রীশ উঠিয়া কহিল—সে কি হয়!

শৈল কহিল—আমার জন্তে আপনারা অনেক অনিয়ম সহ করেছেন, এখন আমার আর একটি মাত্র ইচ্ছা পূর্ণ করুন। আমাকে পরিবেশন করতে দিন, খাওয়ার চেয়ে ভাতে আমি ঢের বেশী খুসী হব!

শ্রীশ। রসিক বাবু, এটা কি ঠিক হচ্ছে?

রসিক। জিন্ন রুচিহি লোকঃ; উনি পরিবেশন করতে ভাল বাসেন আমরা আহাৰ করতে ভাল বাসি এ রকম রুচিভেদে বোধ হয় পরস্পরের কিছু সুবিধা আছে!

আহার আরম্ভ হইল।

শৈল। চন্দ্রবাবু, ওটা মিষ্টি, ওটা আগে খাবেন না, এই দিকে তরকারী আছে। জলের গ্লাস খুঁজছেন? এই যে গ্লাস—বলিয়া গ্লাস অগ্রসর করিয়া দিল।

চন্দ্রবাবুর নির্মলাকে মনে পড়িল। মনে হইল এই বালকটি যেন নির্মলার ভাই। আত্মসেবায় অনিপুণ চন্দ্রবাবুর প্রতি শৈলের একটু বিশেষ স্নেহোদ্ভেদ হইল। চন্দ্রবাবুর পাতে আমি ছিল তিনি সেটাকে ভালরূপে আয়ত্ত করিতে

পারিতেছিলেন না—অনুতপ্ত শৈল তাড়াতাড়ি তাহা কাটিয়া সহজসাধ্য করিয়া দিল। যে সময়ে যেটি আবশ্যক সেটি আস্তে আস্তে হাতের কাছে যোগাইয়া 'দিয়া' তাঁহার ভোজন ব্যাপারটি নিৰ্দ্ধারিত করিতে লাগিল।

চন্দ্র। শ্রীশ বাবু, স্ত্রী সভ্য নেওয়া সম্বন্ধে আপনি কিছু বিবেচনা করেছেন?

শ্রীশ। ভেবে দেখতে গেলে ওতে আপত্তির কারণ বিশেষ নেই, কেবল সমাজের আপত্তির কথাটা আমি ভাবি।

বিপিনের তর্কপ্রবৃত্তি চড়িয়া উঠিল। কহিল—সমাজকে অনেক সময় শিশুর মত গণ্য করা উচিত। শিশুর সমস্ত আপত্তি মেনে চললে শিশুর উন্নতি হয় না, সমাজ সম্বন্ধেও ঠিক সেই কথা খাটে।

আজ শ্রীশ উপস্থিত প্রস্তাবটা সম্বন্ধে অনেকটা নরমভাবে ছিল, নতুবা উত্তাপ হইতে বাষ্প ও বাষ্প হইতে বৃষ্টির মত এই তর্ক হইতে কলহ ও কলহ হইতে পুনর্বার সন্তাবের সৃষ্টি হইত।

এমন কি, শ্রীশ কথঞ্চিৎ উৎসাহের সহিত বলিলেন, আমার বোধ হয় আমাদের দেশে যে এত সভাসমিতি আয়োজন অনুষ্ঠান অকালে ব্যর্থ হয় তার প্রধান কারণ, সে সকল কার্যো জীলোকদের যোগ নেই। রসিক বাবু কি বলেন?

রসিক। অবস্থা গতিকে যদিও স্ত্রীজাতির সঙ্গে আমার বিশেষ সম্বন্ধ নেই তবু এটুকু জেনেছি স্ত্রীজাতি হয় যোগ দেন নয় বাধা দেন, হয় সৃষ্টি নয় প্রলয়। অতএব তাঁদের দলে টেনে অস্ত্র সুবিধা যদি বা নাও হয় তবু বাধার হাত এড়ান যায়। বিবেচনা করে দেখুন চিরকুমার সভার মধ্যে যদি স্ত্রীজাতিকে আপনারা গ্রহণ করতেন তাহলে গোপনে এই

সভাটিকে নষ্ট করিবার জন্তে ঠুঁদের উৎসাহ থাকত না—কিন্তু বর্তমান অবস্থায়—

শৈল । বেশী বয়স হলে মানুষ আনুমানিক আশঙ্কা নিয়ে অস্থির হয় । কুমারসভার উপর জীজ্ঞাতির আক্রোশের খবর রসিক দাদা কোথায় পেলে ?

রসিক । বিপদের খবর না পেলে কি আর সাবধান করতে নেই ? এক চক্ষু হরিণ যে দিকে কাণা ছিল সেই দিক থেকেই ত তীর খেয়েছিল—কুমারসভা যদি জীজ্ঞাতির প্রতিই কাণা হন তাহলে সেই দিক থেকেই হঠাৎ ঘা খাবেন ।

শ্রীশ । (বিপিনের প্রতি মুহূর্ত্তে) এক চক্ষু হরিণ ত আজ একটা তীর খেয়েচেন, একটা সভ্য খুলিশায়ী ।

চন্দ্র । কেবল পুরুষ নিয়ে যারা সমাজের ভাল করতে চায় তারা এক পায়ে চলতে চায় । সেই জন্তই খানিক দূর গিয়েই তাদের বসে পড়তে হয় । সমস্ত মহৎ চেষ্টা থেকে মেয়েদের দূরে রেখেছি বলেই আমাদের দেশের কাজে প্রাণসঞ্চার হচ্ছে না । আমাদের হৃদয় আমাদের কাজ আমাদের আশা বাইরে ও অন্তঃপুরে খণ্ডিত । সেই জন্তে আমরা বাইরে গিয়ে বক্তৃতা দিই ঘরে এসে ভুলি ! দেখ অবলাকান্ত বাবু এখনো তোমার বয়স অল্প আছে, এই কথাটি ভাল করে মনে রেখো—জীজ্ঞাতিকে অবহেলা করো না । জীজ্ঞাতিকে যদি আমরা নীচু করে রাখি তাহলে তাঁরাও আমাদের নীচের দিকেই আকর্ষণ করেন ; তা হলে তাঁদের ভারে আমাদের উন্নতির পথে চলা অসাধ্য হয়—ছপা চলেই আবার ঘরের কোণে এসেই আবদ্ধ হয়ে পড়ি । তাঁদের যদি আমরা উচ্ছে রাখি, তাহলে ঘরের মধ্যে এসে নিজের আদর্শকে গর্ভ করিতে লজ্জা বোধ হয় ।

আমাদের দেশে বাইরে লজ্জা আছে কিন্তু ঘরের মধ্যে সেই লজ্জাটি নেই, সেই জন্তেই আমাদের সমস্ত উন্নতি কেবল বাহ্যিকভাবে পরিণত হয় ।

শৈল চন্দ্রবাবুর এই কথাগুলি আনত মস্তকে শুনি—কহিল, আশীর্বাদ করুন আপনার উপদেশ যেন ব্যর্থ না হয়, নিজেকে যেন আপনার আদর্শের উপযুক্ত করতে পারি ।

একান্ত নিষ্ঠার সহিত উচ্চারিত এই কথাগুলি শুনিয়া চন্দ্রবাবু কিছু বিস্মিত হইলেন । তাঁহার সকল উপদেশের প্রতি নির্মলার তর্কবিহীন বিনম্র শ্রদ্ধার কথা মনে পড়িল ! স্নেহার্জ মনে আবার ভাবিলেন, এ যেন নির্মলারই ভাই ।

চন্দ্র । আমার ভায়ী নির্মলাকে কুমারসভার সভ্যশ্রেণীতে ভুক্ত করতে আপনাদের কোন আপত্তি নেই ?

রসিক । আর কোন আপত্তি নেই, কেবল একটু ব্যাকরণের আপত্তি । কুমারসভার কেউ যদি কুমারী বেশে আসেন তাহলে বোপদেবের অভিশাপ ।

শৈল । বোপদেবের অভিশাপ একালে খাটে না !

রসিক । আচ্ছা, অন্ততঃ লোহারামকে ত বাচিয়ে চলতে হবে । আমি ত বোধকরি, জীসভারা যদি পুরুষ সভ্যদের অজ্ঞাতসারে বেশ ও নাম পরিবর্তন করে আসেন তাহলে সহজে নিষ্পত্তি হয় ।

শ্রীশ । তাহলে একটা কোতুক এই হয় যে কে জী কে পুরুষ নিজেদের সেই । সন্দেহটা থেকে যায়—

বিপিন । আমি বোধ হয় সন্দেহ থেকে নিষ্কৃতি পেতে পারি ।

রসিক । আমাকেও বোধ হয় আমার

মাংসী বলে কারো চঠাৎ আশঙ্কা না হতে পারে!

শ্রীশ। কিন্তু অবলাকান্ত বাবু সন্ধ্যা একটা সন্ধ্যা থেকে যায়। তখন শৈল অদূরবর্তী টিপাই হইতে মিষ্টানের খালা আনিতে প্রস্থান করিল।

চন্দ্র। দেখুন রসিক বাবু, ভাষাতত্ত্বে দেখা যায়, ব্যবহার করতে করতে একটা শব্দের মূল অর্থ লোপ পেয়ে বিপরীত অর্থ ঘটে থাকে। স্ত্রীসভ্য গ্রহণ করলে চিরকুমার সভার অর্থের যদি পরিবর্তন ঘটে তাতে ক্ষতি কি?

রসিক। কিছু না। আমি পরিবর্তনের বিরোধী নই—তা নাম পরিবর্তন বা বেশ পরিবর্তন বা অর্থ পরিবর্তন যাই হোক না কেন, যখন যা ঘটে আমি বিনা বিরোধে গ্রহণ করি বলেই আমার প্রাণটা নবীন আছে।

মিষ্টান্ন শেষ হইল এবং স্ত্রীসভ্য লওয়া সন্ধ্যা কাহারো আপত্তি হইল না।

আহার অবসানে রসিক কহিল, আশা করি সভার কাজের কোন ব্যাঘাত হয় নি।

শ্রীশ কহিল—কিছু না—অন্তদিন কেবল মুখেরই কাজ চলত আজ দক্ষিণ হস্তও যোগ দিয়েছে।

বিপিন। তাতে আভ্যন্তরিক তৃপ্তিটা কিছু বেশী হয়েছে।

তিনিয়া শৈল খুঁসি হইয়া তাহার স্বাভাবিক স্নিগ্ধবোমল হাস্তে সকলকে প্রস্তুত করিল।

অফটম পরিচ্ছেদ।

—•••••—

অক্ষয়। হল কি বল দেখি! আমার যে ঘরটি এতকাল কেবল ঝড়ু বেহারার ঝাড়নের ঝাড়নে নিম্নল ছিল, সেই ঘরের হাওয়া

হবেলা তোমাদের ছই বোনের অঞ্চল বীজনে চঞ্চল হয়ে উঠচে যে!

নীর। দিদি নেই, তুমি একলা পড়ে আছ বলে দয়া করে মাঝে মাঝে দেখা দিয়ে য'উ, তার উপরে আবার জবাব দিহি?

অক্ষয়—(গান করিয়া) ভৈরবী।

ওগো দয়াময়ী চোর! এত দয়া মনে তোয়! বড় দয়া করে কর্তে আমার জড়াও মায়ার ডোর! বড় দয়া করে চুরি করি লও শূন্য হৃদয় মোর!

নীর। মশায়, এখন সিঁধ কাটার পরিশ্রম মিথ্যে; আমাদের এমন বোকা চোর পাওনি! এখন হৃদয় আছে কোথায় যে, চুরি করতে আসব?

অক্ষয়। ঠিক করে বল দেখি হতভাগা হৃদয়টা গেছে কতদূরে?

নূপ। আমি জানি মুখ্যে মশায়। বলব? ৪৭৫ মাইল!

নীর। সেজ্জ দিদি অবাধ করলে! তুই কি মুখ্যে মশায়ের হৃদয়ের পিছনে পিছনে মাইল গুন্তে গুন্তে ছুটেছিলি নাকি?

নূপ। না ভাই, দিদি কাশী যাবার সময় টাইম্ টেবিলে মাইলটা দেখেছিলুম।

অক্ষয়। (গান) বাহার।

চলেছে ছুটিয়ে পলাতকা হিয়া

বেগে বহে শিরা ধমনী,

হায় হায় হায় ধরিবারে তায়

পিছে পিছে ধায় রমনী!

বায়ু বেগভরে উড়ে অঞ্চল,

লটপট; বেণী ছলে চঞ্চল;

একিরে রঙ্গ, আকুল অঙ্গ

ছুটে কুরঙ্গ-গমনী!

নীর। কবিবর, সাধু সাধু। কিন্তু তোমার রচনায় কোন কোন আধুনিক কবির ছায়া দেখতে পাই যেন!

অক্ষয় । তার কারণ আমিও অত্যন্ত আধুনিক ! তোরা কি ভাবিস, তোদের মথুকে মশায় কৃত্তিবাস ওয়ার সময় জাই। ভূগোলের মাইল গুণে দিচ্চিস, আর ইতিহাসের তারিখ ভুল ? তাহলে আর বিদ্যুৎশালী থেকে ফল হল কি ? এত বড় আধুনিটাকে তোদের প্রাচীন বলে ভ্রম হয় ?

নীর । মথুঘোমশায়, শিব যখন বিবাহ সভায় গিয়েছিলেন, তখন তাঁর শ্রালীরাও ঐ রকম ভুল করেছিলেন, কিন্তু উমার চোখে ত অল্প রকম ঠেকেছিল ! তোমার ভাবনা কিসের, দিদি তোমাকে আধুনি বললেই জানেন !

অক্ষয় । মূঢ়ে, শিকের যদি শ্রালী থাকত তাহলে কি তাঁর ধ্যানভঙ্গ করবার ক্ষেত্রে অনঙ্গ-দেবের দরকার হত ; আমার সঙ্গে তাঁর তুলনা ?

নূপ । আচ্ছা মথুঘোমশায়, এতক্ষণ তুমি এখানে বসে বসে কি করছিলে ?

অক্ষয় । তোদের গয়লা বাড়ির ছুধের হিসেব লিখছিলুম !

নীর । (ডেকের উপর হইতে অসমাপ্ত চিঠি তুলিয়া লইয়া) এই তোমার গয়লা বাড়ির হিসেব ? হিসেবের মধ্যে ক্ষীর নবনী অংশ টাই বেশী !

অক্ষয় । (ব্যস্তসমস্ত) না, না, ওটা নিয়ে গোল করিসনে আহা, দিয়ে যা—

নূপ । নীরু ভাই জালাসুনে—চিঠিখানা গুঁকে ফিরিয়ে দে, ওখানে শ্রালীর উপজব সময় না ! কিন্তু মথুঘোমশায় তুমি দিদিকে চিঠিতে কি বলে সম্বোধন কর বল না ।

অক্ষয় । রোজ নূতন সম্বোধন করে থাকি—

নূপ । আজ কি করেছ বল দেখি ?

অক্ষয় । শুনবে ? তবে মধি শোন ! চঞ্চল-

চকিতচিন্তকোরচোর চঞ্চুধিতাচক্রিক-
রচিকচির চিরচক্রমা ।

নীর । চমৎকার চাটু-চাতুর্য্য !

অক্ষয় । এর মধ্যে চৌর্য্যবৃত্তি নেই, চর্কিত চর্কণ শূভ ।

নূপ । (সবিস্ময়ে) আচ্ছা মথুঘোমশায় রোজ রোজ তুমি এই রকম লম্বা লম্বা সম্বোধন-রচনা কর ! তাই বুঝি দিদিকে চিঠি লিখতে এত দেবী হয় ?

অক্ষয় । ঐ জন্তেই ত নূপর কাছে আমার মিথ্যে কথা চলে না ! ভগবান যে আমাকে সন্ত সন্ত বানিয়ে বলবার এমন অসাধারণ ক্ষমতা দিয়েছেন সেটা দেখছি খাটাতে দিলে না ! ভয়পতির কথা বেদবাক্য বলে বিশ্বাস করতে কোন মনুসংহিতায় লিখেছে বল দেখি ?

নীর । রাগ করো না, শাস্ত হও মথুঘোমশায় শাস্ত হও ! সেজ দিদির কথা ছেড়ে দাও, কিন্তু ভেবে দেখ, আমি তোমার আধ-খানা কথা সিকি পয়সাও বিশ্বাস করিনে, এতেও তুমি সাস্তনা পাও না ?

নূপ । আচ্ছা মথুঘোমশায়, সত্যি করে বল, দিদির নামে তুমি কখনো কবিতা রচনা করেছ ?

অক্ষয় । এবার তিনি যখন অত্যন্ত রাগ করেছিলেন তখন তাঁর স্তব রচনা করে গান করেছিলুম—

নূপ । তার পরে ?

অক্ষয় । তার পরে দেখলুম, তাতে উণ্টো ফল হল, বাতাস পেয়ে যেমন আগুণ বেড়ে ওঠে তেমনি হল—সেই অবধি স্তব রচনা ছেড়েই দিয়েছি ।

নূপ । ছেড়ে দিয়ে কেবল গয়লা বাড়ির হিসেব লিখচ । কি স্তব লিখেছিলে মথুঘোমশায় আমাদের শোনাও না ।

অক্ষয়। সাহস হয় না, শেষকালে আমার উপর ওয়ালার কাছে রিপোর্ট করবি।

নূপ। না আমরা দিদিকে বলে দেব না।

অক্ষয়। তবে অবধান কর! (সিঙ্কাকাঙ্কি)

মনোমন্দির সুন্দরী!

মণিমঞ্জীর গুঞ্জরী!

শ্বলদঞ্চলা চল চঞ্চলা

অয়ি মঞ্জুলা মঞ্জরী!

রোষারুণরাগরঞ্জিতা!

কঙ্কিমভুক ভঞ্জিতা!

গোপনহাস্ত- কুটিল আশ্র

কণ্ট কলঃ গঞ্জিতা!

সঙ্কোচনক্ত-অঙ্গিনী!

জয় ভদ্রুর ভঙ্গিনী!

চকিতচালনবকুরঙ্গ

ধৌবনবনরঙ্গিনী!

অয়ি পল, ছন্দগুঞ্জিতা!

মধুকরভরকুঞ্জিতা!

লুকু-পবন-সুকু-লোভন

মল্লিকা অবলুঞ্জিতা!

চুষনধনবঙ্গিনী!

হরুহগর্কমঙ্গিনী!

রুদ্ধ কোরক সঙ্কিত মধু

কঠিন কনক কঙ্গিনী!

কিন্তু আর নয়। এখানে মশায়রা বিদায় হন।

নীর। কেন এত অপমান কেন? দিদির কাছে তাড়া খেয়ে আমাদের উপরে বৃষ্টি তার ঝাল ঝাড়তে হবে?

অক্ষয়। এরা দেখছি পবিত্র জ্ঞাননা আর বাধতে দিলে না। আরে ফর্কস্টে! এখন লোক আসবে!

নূপ! তবু চেয়ে বসনা দিদির চিঠিখানা শেষ করতে হবে!

অক্ষয়। নূপবাল্য, তোমার এই কথাটাতে বড় খুসি-হলুস, ক্রমে আকার বাক্যে তোমার সরল মনে সন্দেহ জন্মাচ্ছে! স্পষ্ট বোঝা যাচ্ছে পয়সায় ঘনিষ্ঠ হয়ে আসতে!

নীর। তা আমরা থাকলেই বা, তুমি চিঠি লেখ না; আকার কি তোমার কলমেব মুখ থেকে কথা কেড়ে নেব না কি?

অক্ষয়। ভেঁমরা কাছাকাছি থাকলে মনটা এই খানেই মাঝা যায়, কুরে যিনি আছেন সে পর্যন্ত আর পৌছয় না! না ঠাট্টা নয়, পালাও! এখন লোক আসবে—ঐ একটি ঝই দরজা খোলা নেই, তখন পালাবার পথ পাবে না।

নূপ। এই সন্ধ্য বেলায় কে তোমার কাছে আসবে?

অক্ষয়। ঘাটের ধ্যান কর তারা নয় গো তারা নয়।

নীর। যার ধ্যান করা যায় সে সকল সময় আসে না তুমি আজ কাল মেটা বেশ বুঝতে পারি কি বল মুখো মশায়! দেবতার ধ্যান কর আর উপদেবতার উপদ্রব হয়!

“অবলাকান্ত বাবু আছেন?” বলিয়া ঘরের মধ্যে সহসা শ্রীশের প্রবেশ। “মাপ করবেন” বলিয়া পলায়নোচ্ছয়। নূপ ও নীরর সবেগে প্রস্থান।

অক্ষয়। এস এস শ্রীশ বাবু!

শ্রীশ। (সলজ্জভাবে) মাপ করবেন।

অক্ষয়। রাজি আছি কিন্তু অপরাধটা কি, আগে বল!

শ্রীশ। খবর না দিয়েই—

অক্ষয়। তোমার অভ্যর্থনার জন্ত ম্যুনি-সিপালিটির কাছ থেকে যখন বাজেট স্যাংশন করে নিতে হয় না তখন না হয় খবর না দিয়েই এলে শ্রীশ বাবু!

শ্রীশ। আপনি যদি বলেন, এখানে আমার অসময়ে অনধিকার প্রবেশ হয় নি তা হলেই হল!

অক্ষয়। তাই বল্লেম! তুমি যখন আসবে তখনই স্নানময়, এবং যেখানে পদার্পণ করবে সেইখানেই তোমার অধিকার, শ্রীশবাবু স্বয়ং বিধাতা সর্বত্র তোমাকে পাসপোর্ট দিয়ে রেখেছেন। একটু বোস অবলাকান্ত বাবুকে খবর পাঠিয়ে দিই! (স্বগত) না পলায়ন করলে চিঠি শেষ করতে পারব না!

(প্রস্থান)

শ্রীশ। চক্কের সম্মুখ দিয়ে এক বোড়া মায়ী স্বর্ণমুগী ছুটে পালাল, গুরে নিরস্ত্রব্যাখ তোর ছোটবার ক্ষমতা নেই! নিকষের উপর সোণার রেখার মত চকিত চোকের চাহনি দৃষ্টিপথের উপরে ষেই আঁকা রয়ে গেল!

রসিকের প্রবেশ।

শ্রীশ। সন্ধ্যাবেলায় এসে আপনাদের ত বিরক্ত করিনি রসিকবাবু?

রসিক। "ভিক্ষুক-কক্ষে বিনিক্ষিপ্তঃ কিমিকু নীরসো ভবেৎ? শ্রীশ বাবু আপনাকে দেখে বিরক্ত হব আমি কি এত বড় হতভাগ্য!

শ্রীশ। অবলাকান্ত বাবু বাড়ি আছেন ত?

রসিক। আছেন বৈ কি, এলেন বলে!

শ্রীশ। না, না, যদি কাজে থাকেন তাহলে তাঁকে ব্যস্ত করে কাজ নেই—আমি কুড়ে লোক, বেকার মানুষের সন্ধান ঘুরে বেড়াই।

রসিক। সংসারে সেরা লোকেরাই কুড়ে এবং বেকার লোকেরাই ধস্ত। উভয়ে সম্মিলন হলেই মণিকাঞ্চনযোপ! এই কুড়ে বেকারের মিলনের জন্তেই ত সন্ধ্যা বেলাটার সৃষ্টি হয়েছে। যোগীদের জন্তে সকাল বেলা, রোগীদের জন্তে রাত্রি, কাকের লোকের জন্তে

দশটা চারটে, আর সন্ধ্যা বেলাটা, সত্যি কথা বলচি, চিরকুমার সভার অধিবেশনের জন্তে চতুর্ভুগ স্বপ্নন করেন নি! কি বলেন শ্রীশ বাবু?

শ্রীশ। সে কথা মানতে হবে বৈ কি, সন্ধ্যা চিরকুমার সভার অনেক পূর্বেই স্বপ্নন হয়েছে, সে আমাদের সভাপতি চন্দ্র বাবুর নিয়ম মানে না—

রসিক। সে যে ক্ষেত্রের নিয়ম মান তার নিয়মই আলাদা। আপনার কাছে খুলে বলি হাসেন না শ্রীশ বাবু আমার একতলার ঘরে কাম্বুকেশে একটি জানলা দিয়ে অল্প একটু জ্যোৎস্না আসে—শুধু সন্ধ্যায় সেই জ্যোৎস্নার শুভ্র রেখাটি যখন আমার বন্ধের উপর এসে পড়ে তখন মনে হয় কে আমার কাছে কি খবর পাঠালে গো? শুভ্র একটি হংসদূত কোন বিরহিণীর হয়ে এই চিরবিরহীর কাণে কাণে বলচে—

অলিঙ্গ কালিন্দীকমল সুরভৌ কুঞ্জবসতে—
বসন্তীং বাসন্তীনবপরিমলোদগার চিকুরাং।
স্বহৃৎসঙ্গে লীনাং মদমুকুলিতাকীং পুনরিমাং
কদাহং সেবিষ্যে কিসলয় কলাপব্যঞ্জনিনাং।

শ্রীশ। বেশ বেশ রসিক বাবু, চমৎকার। কিন্তু গুর মানেটা বলে দিতে হবে। ছন্দের ভিতর দিয়ে গুর রসের গন্ধটা পাওয়া যাচ্ছে কিন্তু অমুখ্যার বিসর্গ দিয়ে একেবারে এঁটে বন্ধ করে রেখেছে!

রসিক। বাঙ্গালায় একটা তর্জমাও করেছি—পাছে সম্পাদকরা খবর পেয়ে হড়া-ছড়ি লাগিয়ে দেয়, তাই লুকিয়ে রেখেছি—তন্বেন শ্রীশ বাবু!

কুঞ্জ কুটীরের সিঁধে অলিন্দের পয়
কালিন্দীকমলগন্ধ ছুটিবে সুললিত!

নীনা যবে মদিরাক্ষী তব অক্ষতলে,
বহিবে বাসন্তীবাস ব্যাকুল কুস্তলে।
ঠাহারে কবির সেবা, কবে হবে হায়,
কিসলয় পাখা খানি দোলাইব গায় ?

শ্রীশ। বা, বা, রসিক বাবু আপনার মধ্যে
এত আছে তা ত জানতুম না।

রসিক। কি করে জানবেন বলুন।
কাব্যলক্ষী যে তাঁর পদ্মবন থেকে মাঝে মাঝে
এই টাকের উপরে খোলা হাওয়া খেতে আসেন
এ কেউ সন্দেহ করে না। (হাত বুলাইয়া)
কিন্তু এখন কাঁকা জায়গা আর নেই।

শ্রীশ। আহা হা রসিক বাবু, যমুনাতীরে
সেই ত্রিধ্ব অগ্নিদণ্ডালা কুঞ্জ কুটিরটি আমার
ভারি মনে লেগে গেছে। যদি পায়োনিয়রে
বিজ্ঞাপন দেখি সেটা দেনার দায়ে নিলেমে
বিক্রী হচ্ছে তা হলে কিনে ফেলি।

রসিক। বলেন কি শ্রীশ বাবু। শুধু
অগ্নিদ নিয়ে করবেন কি? সেই মদমুকুলি-
তাকীর কথাটা ভেবে দেখবেন। সে নিলেমে
পাওয়া শক্ত।

শ্রীশ। কার ক্রমাগ এখানে পড়ে র য়েছে।

রসিক। দেখি দেখি। তাইত। হৃদয়
জিনিষ আপনার হাতে ঠেকে দেখুচি। বাঃ
দিব্য গুরু। প্লোকের লাইনটা বদলাতে হবে
মশায়, ছন্দ ভঙ্গ হয় হোক গে—“বাসন্তী-
নবপরিমলোৎসারক্রমালাং”। শ্রীশবাবু, এ
ক্রমালাতে ত আমাদের কুমারসত্যার পতাকা
নির্মাণ চলবে না। দেখেছেন, কোণে একটি
ছোট ন অক্ষর লেখা রয়েছে।

শ্রীশ। কি নাম হতে পারে বলুন দেখি।
নলিনী? না, বড় চলিত নাম। নীলমঞ্জা?
ভয়ঙ্কর মোটা। নীহারিকা? বড় বাড়াবাড়ি।
বলুন না রসিক বাবু, আপনার কি মনে হয়।

রসিক। নাম মনে হয় না মশায়, আমার

ভাব মনে আসে, অভিধানে যত ন আছে সমস্ত
মাথার মধ্যে রাশীকৃত হয়ে উঠতে চাচ্ছে, নয়ের
মালা গাঁথে একটি নীলোৎপলনয়নার গলায়
পরিয়ে দিতে ইচ্ছে করচে—নির্মলনবনী-
নিন্দিত নবীন—বলুন না শ্রীশবাবু—শেষ করে
দিন না—

শ্রীশ। নবমল্লিকা।

(রসিক। বেশ বেশ—নির্মলনবনী
নিন্দিত নবীন নবমল্লিকা। গীতগোবিন্দ মাটি
হল। আরো অনেকগুলো ভাল ভাল ন মাথার
মধ্যে হাহাকার করে বেড়াচ্ছে, মিলিয়ে দিতে
পাচ্চি নে—নিভৃত নিকুঞ্জনিগম, নিপুণনুপুর-
নিকুঞ্জ, নিবিড় নীরদনির্মুক্ত—অক্ষয় দাদা
খাকলে ভাবতে হত না। মাষ্টার মশায়কে
দেখবামাত্র ছেলেগুলো যেমন বেঞ্চে নিজ নিজ
স্থানে সার বেঁধে বসে—তেমনি অক্ষয় দাদার
সাদা পাৰামাত্র কথাগুলো দৌড়ে এসে যুড়ে
ধাঁড়ায়। শ্রীশবাবু, বুড়ো মানুষকে বঞ্চনা করে
ক্রমাগতানা চুপি চুপি পকেটে পুরবেন না—

শ্রীশ। আবিষ্কার কর্তার অধিকার সৰু-
লের উপর—

রসিক। আমার ঐ ক্রমাগতানিতে একটু
প্রয়োজন আছে শ্রীশ বাবু! আপনাকে ত
বলেছি আমার নির্জন ঘরের একটি মান্দ
জালনা দিয়ে একটু মাত্র চাঁদের আলো আসে
—আমার একটি কবিতা মনে পড়ে—

বীধীষু বীধীষু বিলাসিনীনাং
মুখানি সংবীক্ষ্য শুচিন্মিতানি,
জ্ঞানেষু জ্ঞানেষু কবঃ প্রসার্য
লাবণ্যভিক্ষামটতীব চক্রেঃ।

কুঞ্জ পথে পথে চাঁদ উঁকি দেয় আসি,
দেখে বিলাসিনীদের মুখভরা হাসি।
কল্প প্রসারণ করি ফিরে সে জাগিয়া
বাভায়নে বাভায়নে লাবণ্য মাগিয়া।

হতভাগা ভিক্ষুক আমার বাতায়নটায় যখন আসে তখন তাকে কি দিয়ে ভোলাই বলুনত? কাব্য শাস্ত্রের রসালো জায়গা যা কিছু মনে আসে সমস্ত আঁইড়ে যাই, কিন্তু কথায় চিড়ে ভেজে না! সেই ছুর্ভিক্ষের সময় ঐ রুমালখানি বড় কাজে লাগবে। ওতে অনেকটা লাভগ্যের সংস্কার আছে।

শ্রীশ। সে লাভগ্য কি দৈবাৎ কখনো দেখেছেন রসিক বাবু?

রসিক। দেখেছি বৈ কি, নইলে কি ঐ রুমালখানার জন্তে এত লড়াই করি? আর ঐ বেন অক্ষরের কথাগুলো আমার মাথায় মধ্যে এখনো এক ঝাঁক ভ্রমরের মত গুঞ্জন করে বেড়াচ্ছে তাদের সামনে কি একটি কমলবন-বিহারিণী মানসীমূর্তি নেই?

শ্রীশ। রসিক বাবু, আপনায় ঐ মগজটি একটি মোটাক বিশেষ, ওয় ফুকরে ফুকরে কবিত্বের মধু—আমাকে সুছ মাতাল করে দেবেন দেখছি! (দীর্ঘ নিঃশ্বাস পূজন)

পুরুষবেশী শৈলবালার প্রবেশ।

শৈল। আমার আসতে অনেক দেরী হয়ে গেল, মাপ করবেন শ্রীশ বাবু।

শ্রীশ। আমি এই সন্ধ্যা বেলায় উৎপাত করতে এলাম, আমাকেও মাপ করবেন অবলাকান্ত বাবু!

শৈল। রাজ সন্ধ্যা বেলায় যদি এই রকম উৎপাত করেন তাহলে মাপ করব, নইলে নয়।

শ্রীশ। আচ্ছা রাজি, কিন্তু এর পরে যখন অহুতাপ উপস্থিত হবে তখন প্রতিজ্ঞা স্বরণ করবেন।

শৈল। আমার জন্তে ভাববেন না, কিন্তু আপনার যদি অহুতাপ উপস্থিত হয় তা হলে আপনাকে নিষ্কৃতি দেব।

শ্রীশ। সেই ভরসায় যদি থাকেন তাহলে অনন্তকাল অপেক্ষা করতে হবে।

শৈল। রসিক দাদা তুমি শ্রীশ বাবুর পকেটের দিকে হাত বাড়ান কেন? বুড়ো বয়সে গাঁটকটা ব্যবসা ধরবে না কি?

রসিক। না ভাই, সে ব্যবসা তোদের বয়সেই শোভা পায়। একখানা রুমাল নিয়ে শ্রীশবাবুতে আমাদের তরুণ্য চলে, তোকে তার মীমাংসা করে দিতে হবে।

শৈল। কি রহস্য?

রসিক। প্রেমের বাজারে বড় মহাজনী করবার মূলধন আমার নেই—আমি খুচরো মালের কারবাবী—রুমালটো, চুলের দড়িটা, ছেঁড়া কাপড়ে ছুচাবটে হাতের অক্ষর এই সমস্ত কুড়িয়ে বাড়িয়েই আমাকে সন্তুষ্ট থাকতে হয়। শ্রীশ বাবুর যে রকম মূলধন আছে তাতে উনি বাজার স্কন্ধ পাইকের দরে কিনে নিতে পারেন—রুমাল কেন সমস্ত নীলাঙ্কলে অর্ধেক ভাগ বসাতে পারেন; আমরা যেখানে চুলের দড়ি গলায় জড়িয়ে মরতে ইচ্ছে করি উনি যে সেখানে আঙুলকবিলিষিত চিকুর-রাশির সুগন্ধ ধনাক্ষরীর মধ্যে সম্পূর্ণ অন্তর্ভুক্ত করে পারেন। উনি উল্লেখ করতে আসেন কেন?

শ্রীশ। অবলাকান্ত বাবু, আপনি ত নিরপেক্ষ ব্যক্তি, রুমালখানা এখন আপনার হাতেই থাক, উত্তম পক্ষের বক্তৃতা শেষ হয়ে গেলে বিচারে যার প্রাপ্য হয় তাকেই দেবেন।

শৈল। (রুমালখানি পকেটে পুরিয়া) আমাকে আপনি নিরপেক্ষ লোক মনে করছেন ব্যক্তি? এই কোণে যেমন একটি ন অক্ষর লাল সুতোয় সেলাই করা আছে আমার হৃদয়ের একটি কোণে খুঁজলে দেখতে পাবেন ঐ

অক্ষয়টি বক্তের বর্ণে লেখা আছে । এ রুমাল আমি আপনাদের কাউকেই দেব না ।

শ্রীশ । রসিক বাবু এ কি রকম অবদম্বিত । আর, ন অক্ষয়টিও ত বড় ভয়ানক অক্ষয় ।

রসিক । শুনেছি বিলাতী শাস্ত্রে ভ্রায়ধর্মও অন্ধ ভালবাসাও অন্ধ এখন চুই অন্ধে লড়াই হোক, যার বল বেশী তারই জিত হবে ।

শৈল । শ্রীশ বাবু, যার রুমাল আপনি ত তাঁকে দেখেন নি, তবে কেন কেবলমাত্র কমনার উপর নির্ভর করে ঝগড়া করছেন ।

শ্রীশ । দেখিনি কে বজ্ঞে ?

শৈল । দেখেছেন ? কাকে দেখলেন । ন ত ছুটি আছে—

শ্রীশ । ছুটিই দেখেছি—তা এ রুমাল ছন্দনের যারই হোক, দাবী আমি পরিত্যাগ করতে পারব না ।

রসিক । শ্রীশ বাবু বক্তের পরামর্শ শুনুন, হৃদয়গগনে ছুই চন্দ্রের আয়োজন করবেন না, একচন্দ্রস্তুমো হস্তি ।

১) ছত্বের প্রবেশ ।

ভৃত্য । (শ্রীশের প্রতি) চন্দ্র বাবুর চিঠি নিয়ে একটি লোক আপনার বাড়িখুঁজে শেষকালে এখানে এসেছে ।

শ্রীশ । (চিঠি পড়িয়া) একটু অপেক্ষা করবেন ? চন্দ্র বাবুর বাড়ি কাছেই—আমি একবার চট করে দেখা করে আসব ।

শৈল । পালাবেন না ত ?

শ্রীশ । না আমার রুমাল বন্ধক রইল, ওপালা পালাস না করে যাচ্চি । (প্রস্থান)

রসিক । তাই শৈল, কুমারসভার সভ্য-গুলিকে যে রকম উদ্ভবর কুমার ঠাউরেছিলুম তার কিছুই নয় । এদের তপস্বী ভক্ত করতে মেনকা রঞ্জ মনন বসন্ত কারো দরকার হয় না, এই বৃড়া রসিকই পারে ।

শৈল । তাই ত দেখছি ।

রসিক । আসল কথাটা কি জান ? যিনি হার্জিলেঙে থাকেন তিনি ম্যালেরিয়ার দেশে পা বাড়ানামাত্রই রোগে চেপে ধরে । এরা এতকাল চন্দ্রবাবুর বাসায় বড্ড নীরোগ জায়গায় ছিলেন, এই বাড়িটি যে রোগের বীজ ভরা ; এখানকার রুমালে, বইয়ে, চৌকিতে, টেবিলে যেখানে স্পর্শ করছেন সেইখান থেকেই একেবারে নাকে মুখে রোগ চুকচে—আহা, শ্রীশ বাবুটি গেল ।

শৈল । রসিক দাদা, তোমার বুঝি রোগের বীজ অভ্যেস হয়ে গেছে ?

রসিক । আমার কথা ছেড়ে দাও ! আমার পিলে যক্ষ্ম বা কিছু হবার তা হয়ে গেছে ।

— নীরবালার প্রবেশ ।

নীরবাল্য । দিদি আমরা পাশের ঘরেই ছিলাম ।

রসিক । জেলেরা জাল টানাটানি করে মরচে, আর চিল কমে আছে হৌ মারবার জন্তে ?

নীর । সেজ দিদির রুমালখানা নিয়ে শ্রীশ বাবু কি কাণ্ডটাই করলে ? সেজদিদি ত লজ্জায় লাল হয়ে পালিয়ে গেছে । আমি এমনি বোকা, ভুলেও কিছু ঝেলে যাইনি । বারোখানা রুমাল এনেছি : ভাবছি এবার ঘরের মধ্যে রুমালের হরির লুঠ দিয়ে যাব !

শৈল । তোমার হাতে ও কিসের খাতা নীর ?

নীর । যে গানগুলো আমার পছন্দ হয় ওতে লিখে রাখি দিদি ।

রসিক । ছোড়দিদি, আজকাল তোমার কি রকম পারমার্থিক গান পছন্দ হচ্ছে তার এক আখটা নয়না দেখতে পারি কি ?

নীর। —“দিন গেলরে, ডাক দিয়েনে
পায়ের খেয়া,

চুকিয়ে হিসেব মিটিয়ে দে ভোর দেয়া
নেয়া” ।

রসিক। দিদি ভারি ব্যস্ত যে! পায়
করবার নেয়ে ডেকে দিচ্ছি ভাই! যা দেবে বা
নেবে সেটা মোকাবিলায় ঠিক করে নিয়ো।

“অবলাকান্ত বাবু আছেন?” বলিয়া বিপিন
ঘরে প্রবিষ্ট ও সচাঁকিত হইয়া স্তম্ভিতভাবে
দণ্ডায়মান—নীরবালা মুহূর্ত্ত হতবুদ্ধি হইয়া
দ্রুতবেগে বহিষ্কান্ত।

শৈল। আসুন বিপিন বাবু।

বিপিন। ঠিক করে বলুন আসব কি?
আমি আসার দরুন আপনাদের কোন রকম
লোকসান নেই?

রসিক। ঘর থেকে কিছু লোকসান না
করলে লাভ হয় না বিপিন বাবু—ব্যবসার এই
রকম নিয়ম। যা গেল তা আবার ছনো হোয়ে
ক্ষিরে আসতে পারে, কি বল অবলাকান্ত?

শৈল। রসিক দাদার রসিকতা আজকাল
একটু শক্ত হয়ে আসচে।

রসিক। শুড় জমে যে রকম শক্ত হয়ে
আসে। কিন্তু বিপিন বাবু কি ভাবচেন
বলুন দেখি?

বিপিন। ভাবচি কি ছুতো করে বিদায়
নিলে আমাকে বিদায় দিতে আপনাদের
ভক্ততায় বাধবে না!

শৈল। বন্ধুত্ব যদি বাধে?

বিপিন। তা হলে ছুতো খোঁজবার কোন
দরকারই হয় না।

শৈল। তবে সেই খোঁজটা পরিত্যাগ
করুন, ভাল হয়ে বসুন।

রসিক। মুখখানা প্রসন্ন করুন বিপিন বাবু!
আমাদের প্রতি ঈর্ষা করবেন না। আমি ত

বুক, ঘুবকের ঈর্ষার যোগ্যই নই। আর অমা-
দের স্কুমারমূর্ত্তি অবলাকান্ত বাবুকে কোন
দ্বীলোক পুরুষ বলে জানই করে না।
আপনাকে দেখে যদি কোন সুন্দরী কিশোরী
জন্ত হরিণীর মত পলায়ন করে থাকেন তাহলে
মনকে এই বলে সান্ত্বনা দেবেন যে, তিনি
আপনাকে পুরুষ বলেই মন্ত খাতিরটা করে-
ছেন। হায়রে হতভাগ্য রসিক, তোকে দেখে
কোন তরুণী লজ্জাতে পলায়নও করে না!

বিপিন। রসিক বাবু আপনাকেও যে,
মলে টান্চেন অবলাকান্ত বাবু! এ কি রকম
হল।

শৈল। কি জানি বিপিন বাবু—আমার
এই অবলাকান্ত নামটাই মিথ্যে—কোন
অবলা ত এ পর্যন্ত আমাকে কান্ত বলে বরণ
করে নি।

বিপিন। হতাশ! হবেন না, এখনো সময়
আছে।

শৈল। সে আশা এবং সে সময় যদি
থাকত তাহলে চিরকুমার-সত্যায় নাম লেখাতে
যেতুম না।

বিপিন। (স্বগত) এঁর মনেস্ত্র মথ্যে
একটা কি বেদনা রয়েছে নইলে এত অল্প বয়সে
এই কাঁচামুখে এমন স্নিগ্ধ কোমল করুণভাব
থাকত না। এটা কিসের খাতা? গান লেখা
দেখচি। নীরবালা দেবী! (পাঠ)

শৈল। কি পড়চেন বিপিন বাবু?

বিপিন। কোন একটি অপরিচিতার
কাছে অপরাধ করচি, হয় ত তাঁর কাছে ক্ষমা
প্রার্থনা করবার সুযোগ পাব না এবং হয়ত
তাঁর কাছে শান্তি পাবারও সৌভাগ্য হবে না
কিন্তু এই গানগুলি মাশিক এবং হাতের অক্ষর
গুলি মুক্তো! যদি লোভে পড়ে চুরি করি তবে
দণ্ডদাতা বিধাতা ক্ষমা করবেন!

শৈল। বিধাতা মাপ করতে পারেন কিন্তু আমি করব না। ও খাতাটির পরে আমার লোভ আছে বিপিন বাবু।

রসিক। আর আমি বুঝি লোভ মোহ সমস্ত ভয় করে বসে আছি? আহা, হাতের অক্ষরের মত জিনিষ আর আছে? মনের ভাব মূর্তি ধরে আঙুলের আগা দিয়ে বেরিয়ে আসে—অক্ষরগুলির উপর চোখ বুলিয়ে গেলে, হৃদয়টি যেন গোখে এসে লাগে! অবলাকান্ত, এ খাতাখানি ছেড়োনা ভাই! তোমাদের চঞ্চলা নীরবালা দেবী কোতুকের ঝরনার মত দিনরাত ঝরে পড়ছে, তাকে ত ধরে রাখতে পার না, এই খাতাখানির পত্রপুটে তারি একটি গল্পুধ ভরে উঠেছে—এ জিনিষের দাম আছে! বিপিন বাবু, আপনি ত নীরবালাকে জানেন না, আপনি এ খাতাখানা নিয়ে কি করবেন।

বিপিন। আপনারা ত স্বয়ং তাঁকেই জানেন—খাতাখানিতে আপনাদের প্রয়োজন কি? এই খাতা থেকে আমি যেটুকু পরিচয় প্রত্যাশা করি তার প্রতি আপনারা দৃষ্টি দেন কেন?

শ্রীশের প্রবেশ।

শ্রীশ। মনে পড়েছে মশায়—সে দিন এখানে একটা বইয়েতে নাম দেখেছিলেম, নূপবালা, নীরবালা—একি, বিপিন যে! তুমি এখানে হঠাৎ?

বিপিন। তোমার সম্বন্ধেও ঠিক ঐ প্রশ্নটা প্রয়োগ করা যেতে পারে।

শ্রীশ। আমি এসেছিলুম আমার সেই সন্ন্যাস সম্প্রদায়ের কথাটা অবলাকান্ত বাবুর সঙ্গে আলোচনা করতে। ঠিক যে রকম চেহারা, কণ্ঠস্বর, মুখের ভাব, উনি ঠিক আমার সন্ন্যাসীর আদর্শ হতে পারেন। উনি যদি ঠিক ঐ

চক্রকলার মত কপালটিতে চন্দন দিয়ে, গলায় মালা পরে, হাতে একটি বীণা নিয়ে সকাল বেলায় একটি পল্লীর মধ্যে প্রবেশ করেন তা হলে কোন্ গৃহস্থের হৃদয় না গলাতে পারেন?

রসিক। বুঝতে পারচিনে মশায়, হৃদয় গলাবার কি খুব জরুর দরকার হয়েছে?

শ্রীশ। চিরকুমারসভা হৃদয় গলাবার সভা।

রসিক। বলেন কি? তবে আমার দ্বারা কি কাজ পাবেন?

শ্রীশ। আপনার মধ্যে যে রকম উদ্ভাপ আছে আপনি উত্তর মেরুতে গেলে সেখানকার বরফ গলিয়ে বজা করে দিয়ে আসতে পারেন। বিপিন উঠচ না কি?

বিপিন। যাই আমাকে রাত্রে একটু পড়তে হবে।

রসিক। (জনান্তিকে) অবলাকান্ত জিজ্ঞাসা করচেন পড়া হয়ে গেলে বইখানা কি ফেরৎ পাওয়া যাবে?

বিপিন। (জনান্তিকে) পড়া হয়ে গেলে সে আলোচনা পরে হবে, আজ থাক।

শৈল। (মৃদুস্বরে) শ্রীশ বাবু ইতস্ততঃ করচেন কেন, আপনার কিছু হারিয়েছে না কি?

শ্রীশ (মৃদুস্বরে) আজ থাক, আর এক দিন খুঁজে দেখব!

উভয়ের প্রস্থান।

নীরবালা। (ক্ষত প্রবেশ করিয়া) এ কি রকমের ডাকাতী দিদি? আমার গানের খাতাখানা নিয়ে গেল? আমার জ্ঞানক রাগ হচ্ছে।

রসিক। রাগ শব্দে নানা অর্থ অভিধানে কয়।

নীর। আচ্ছা পণ্ডিত মশায়, তোমার

অভিধান জাহির করিতে হবে না—আমার খাতা কিরিয়ে আন।

রসিক। পুলিশে খবর দে ভাই, চোর ধরা আমার ব্যবসা নয়।

নীর। কেন দিদি তুমি আমার খাতা নিয়ে যেতে দিলে ?

শৈল। এমন অমূল্য ধন তুই ফেলে রেখে যাস কেন ?

নীর। আমি বুঝি ইচ্ছে করে ফেলে রেখে গেছি ?

রসিক। ঠোকে সেই রকম সন্দেহ করচে !

নীর। না রসিকদাদা, তোমার গুঁটা আমার ভাল লাগে না !

রসিক। তা হলে ভয়ানক খারাপ অবস্থা !
(সক্রোধে প্রস্থান)

সলজ্জ নৃপবালার প্রবেশ।

রসিক। কি নৃপ, হারাধন খুঁজে বেড়াচ্ছিস ?

নৃপ। না আমার কিছু হারান নি।

রসিক। সেও অতি স্নেহের সংবাদ। শৈলদিদি, তা হলে আর কেন, রুমালখানার মালিক স্বধন পাওয়া যাচ্ছে না, তখন যে লোক কুড়িয়ে পেয়েছে তাকেই কিরিয়ে দিস। (শৈলের হাত হইতে রুমাল লইয়া) এ জিনিষটা কিস্তি ভাই ?

নৃপ। ও আমার নয় ! (পলায়নোক্ত)

রসিক। (নৃপকে ধরিয়া) যে জিনিষটা খোওয়া গেছে নৃপ তার উপরে কোন দাবীও রাখতে চায় না।

নৃপ। রসিক দাদা, ছাড় আমার কাজ আছে !

নবম পরিচ্ছেদ।

—:—

পথে জাহির হইয়াই শ্রীশ কহিল—ওহে বিপিন, আজ যাত্রার শেষে প্রথম বসন্তের বাতাস দিয়েছে, জ্যোৎস্নাও দিগ্বিদ্য, আজ যদি এখন ঘুমতে কিংবা পড়া মুগ্ধ করিতে যাওয়া যায় তাহলে দেবতার বিচার দেবেন।

বিপিন। তাঁদের বিচার খুব সহজে হয় হয় কিন্তু ব্যাচোয় থাকি কিংবা—

শ্রীশ। দেখ, ঐ জন্তে তোমার সঙ্গে আমার ঝগড়া হয়। আমি বেশ জানি দক্ষিণে হাওয়ায় তোমারও প্রাণটা চঞ্চল হয়, কিন্তু পাছে কেউ তোমাকে কবিত্বের অপবাদ দেয় বলে মলয় সমীরণটাকে একেবারেই আমল দিতে চাও না। এতে তোমার বাহাছুরীটা কি জিজ্ঞাসা করি ? আমি তোমার কাছে আজ মুক্তকণ্ঠে স্বীকার করছি, আমার ফুল ভাল লাগে। জ্যোৎস্না ভাল লাগে, দক্ষিণে হাওয়া ভাল লাগে—

বিপিন। এবং—

শ্রীশ। এবং যা কিছু ভাল লাগুবার মত জিনিস সবই ভাল লাগে।

বিপিন। বিধাতা ত তোমাকে ভারি আশ্চর্য্য রকম ছাঁচে গড়েছেন দেখছি।

শ্রীশ। তোমার ছাঁচ আরও আশ্চর্য্য। তোমার লাগে ভাল কিন্তু বল অল্প রকম—আমার সেই শোবার ঘরের ঘড়িটার মত—সে চলে ঠিক কিন্তু বাজে ভুল।

বিপিন। পৃথিবীর অনেক মনুষ্য বল বলে ঠিক কিন্তু চলে অল্প রকম, পাছে তাদেরই দলের বলে সন্দেহ করে, তাই বলাটা একটু বেঠিক করে রাখতে হয় হে। কিন্তু শ্রীশ,

তোমার যদি সব মনোরম জিনিষই মনোহর লাগতে লাগল তাহলে ত' আসন্ন বিপদ।

শ্রীশ। আমি ত কিছুই বিপদ বোধ করিনে।

বিপিন। সেই লক্ষণটাই ত সব চেয়ে খারাপ। রোগের যখন বেদনা বোধ চলে যায় তখন আর চিকিৎসার রাস্তা থাকে না। আমি ভাই স্পষ্টই কবুল করছি, স্ত্রীজাতির একটা আকর্ষণ আছে—চিরকুমার সভা যদি সেই আকর্ষণ এড়াতে চান তাহলে তাঁকে খুব তর্ক দিয়ে যেতে হবে।

শ্রীশ। ভুল, ভুল, ভয়ানক ভুল! তুমি তফাতে থাকলে কি হবে, তাঁরা ত তফাতে থাকেন না। সংসার রক্ষার জন্তে বিধাতাকে এত নারী সৃষ্টি করতে হয়েছে যে, তাঁদের এড়িয়ে চলা অসম্ভব। অতএব কোমার্য্য যদি রক্ষা করতে চাও তাহলে নারীজাতিকে অল্পে অল্পে সহিয়ে নিতে হবে। ঐষে স্ত্রীসভ্য নেবার নিয়ম হয়েছে এতদিন পরে কুমারসভা চিরস্থায়ী হবার উপায় অবলম্বন করেছে। কিন্তু কেবল একজন মহিলা হলে চলবে না বিপিন, অনেক স্ত্রী স্ত্রীসভ্য চাই। বন্ধ ঘরের একটি জানলা খুলে ঠাণ্ডা লাগালে সর্দি ধরে, খোলা হাওয়ায় থাকলে সে বিপদ নেই।

বিপিন। আমি তোমার ঐ খোলা হাওয়া বন্ধ হাওয়া বুঝিনে ভাই। যার সর্দির ধাত তাঁকে সর্দি থেকে রক্ষা করতে দেবে মানবে কেউ পারে না।

শ্রীশ। তোমার ধাত কি বলতে হে?

বিপিন। সে কথা খোলসা করে বললেই বুঝতে পারবে তোমার ধাতের সঙ্গে তার চমৎকার মিল আছে। নাড়ীটা যে সব সময়ে ঠিক চিরকুমারের নাড়ীর মত চলে তাঁ জাঁক করে বলতে পারব না।

শ্রীশ। ঐটে তোমার আর একটা ভুল!

চিরকুমারের নাড়ীর উপরে উনপকাশ পবনের নৃত্য হতে দাও—কোন ভয় নেই—বাঁধাবাঁধি চাপাচাপি কোরো না। আমাদের এটা ত নিরক্ষিণ মুক্তির সভা নয়—ঠিক তার উল্টো—আমাদের হল অগ্নিকাণ্ড ব্রত। তবে আমাদের অগ্নি গৃহকর্মের অগ্নি নয়—এ অগ্নি দেশে দেশে হৃদয়ে হৃদয়ে জ্বালাতে হবে। আমাদের মত ব্রত যাদের, তারা কি হৃদয়টিকে তুলো দিয়ে মুড়ে রাখতে পারে? তাকে অশ্বমেধ যজ্ঞের ঘোড়ার মত ছেড়ে দাও, যে তাকে বাঁধবে তাঁর সঙ্গে লড়াই কর—আমাদের এটাত বিনা সংগ্রামের যজ্ঞ নয়!

বিপিন। ও কেহে! পূর্ণ দেখছি। ও বেচারার এ গলি থেকে আর বেরবার যো নেই! ঐ বীরপুরুষের অশ্বমেধের ঘোড়াটি বেজায় খোঁড়াচ্ছে। ওকে একবার ডাক দেব?

শ্রীশ। ডাক। ও কিন্তু আমাদের হৃজনকে অন্বেষণ করে গলিতে গলিতে ঘুরচে বলে বোধ হচ্ছে না—আমাদের হৃজনের সাড়া পাবা—মাত্রই যে পুলকিত হয়ে উঠবে এমন লক্ষণ নয়।

বিপিন। পূর্ণ বাবু, খবর কি?

পূর্ণ। অত্যন্ত পুরোনো। কাল পশু যে খবর চলছিল আজও তাই চলচে।

শ্রীশ। কাল পশু শীতের হাওয়া বচ্ছিল, আজ বসন্তের হাওয়া দিয়েছে—এতে ছটো একটা নতুন খবরের আশা করা যেতে পারে।

পূর্ণ। দক্ষিণের হাওয়ায় যে সব খবরের সৃষ্টি হয়, কুমারসভার খবরের কাগজে তার স্থান নাই। তপোবন এক দিন অকাল বসন্তের হাওয়া দিয়েছিল তাই নিয়ে কান্দাসের কুমারসভ্য কাব্য রচনা হয়েছে—আমাদের কপালগুণে বসন্তের হাওয়ায় কুমার-অসম্ভব কাব্য হয়ে দাঁড়ায়।

বিপিন। হয় ত হোক না পূর্ণ বাবু—সে কাব্যে যে দেবতা দৃষ্ট হয়েছিলেন এ কাব্যে তাঁকে পুনর্জীবন দেওয়া যাক্ ।

পূর্ণ। এ কাব্যে চিরকুমার সভা দৃষ্ট হোক্ ! যে দেবতা জলেছিলেন তিনি আলান্ ! না, আমি ঠাট্টা কর্চিনে শ্রীশ বাবু আমাদের চিরকুমার সভাটি একটি আস্ত জতু গৃহ বিশেষ। আশুগ লাগলে যক্ নেই। তার চেয়ে বিবাহিত সভা স্থাপন কর জীবিত সখকে নিরাপদ থাক্বে। যে ইট পাঁজায় পুড়েছে তা' দিয়ে ঘর তৈরি করলে আর পোড়বার ভয় থাকে না হে !

শ্রীশ। যে সে লোক বিবাহ করে করে বিবাহ জিনিষটা মাটি হয়ে গেছে পূর্ণ বাবু। সেই জন্তেইত কুমার সভা। আমার যত দিন প্রাণ আছে ততদিন এ সভায় প্রজ্ঞাপতির প্রবেশ নিষেধ।

বিপিন। পঞ্চশর ?

শ্রীশ। আস্হনু তিনি। একবার তাঁর সঙ্গে ঘনিষ্ঠতা হয়ে গেলে, বাস্, আর ভয় নেই !

পূর্ণ। দেখো শ্রীশ বাবু !

শ্রীশ। দেখ্ আর কি ? তাঁকে খুঁজে বেড়াচ্ছি। এক চোট দীর্ঘ নিশ্বাস ফেল্বে, কবিতা আওড়াব, কনকবলয়ত্রিশরিক্রমপ্রকোষ্ঠ হয়ে যাব, তবে বীতিমত সন্ন্যাসী হতে পারব। আমাদের কবি লিখেছেন—

নিশি না পোহাতে জীবন প্রদীপ

আলাইয়া যাও প্রিয়া

তোমার অনল দিয়া।

কবে যাবে তুমি সমুদ্রের পথে

দীপ্ত শিখাটি বাহি

আছি তাই পথ চাহি।

পুড়িবে বলিয়া রয়েছে আশায়

আমার নীরব হিয়া

আপন আধার নিয়া।

নিশি না পোহাতে জীবন প্রদীপ

আলাইয়া যাও প্রিয়া।

পূর্ণ। ওহে শ্রীশ বাবু, তোমার কবিটি ত মন্দ লেখেনি !—

নিশি না পোহাতে জীবন প্রদীপ

আলাইয়া যাও প্রিয়া।

ঘরটি সাজান রয়েছে—খানায় মালা, পালকে পুষ্পশয্যা, কেবল জীবন প্রদীপটি জলচে না, সন্ধ্যা ক্রমে রাত্রি হতে চল্। বাঃ দিব্যি লিখেছ ! কোন্ বইটাতে আছে বল দেখি ?

শ্রীশ। বইটার নাম আবাহন।

পূর্ণ। নামটাও বেছে বেছে দিয়েছে ভাল ! (আপন মনে)—

নিশি না পোহাতে জীবন প্রদীপ

আলাইয়া যাও প্রিয়া (দৌর্ধনিশ্বাস)

তোমরা কি বাড়ির দিকে চলচ ?

শ্রীশ। বাড়ি কোন্ দিকে ভুলে গেছি ভাই !

পূর্ণ। আজ পথ ভোলবার মতই রাতটা হয়েছে বটে ! কি বল বিপিন বাবু !

শ্রীশ। বিপিন বাবু এসকল বিষয়ে কোন কথাই কন না, পাছে ঔর ভিতরকার কবিত্ব ধরা পড়ে ! কৃপণ যে জিনিষটার বেশী আদর করে সেইটেকেই মাটির নীচে পুতে রাখে।

বিপিন। অস্থানে বাজে খরচ করতে চাইনে ভাই, স্থান খুঁজে বেড়াচ্ছি। মরতে হলে একেবারে গঙ্গার ঘাটে গিয়ে মরাই ভাল !

পূর্ণ। এত উত্তম কথা, শাস্ত্রসঙ্গত কথা ! বিপিন বাবু একেবারে অস্তিমকালের জন্তে কবিত্ব সঞ্চয় করে রাখ্চেন, যখন অস্তে বাক্য কবেন কিন্তু উনি যবেন নিরন্তর ! আশীর্বাদ করি অস্তের সেই বাক্য গুলি যেন মধুমাখা হয়—

শ্রীশ। এবং তার সঙ্গে যেন কিঞ্চিৎ
ঝালের সম্পর্কও থাকে—

বার্ণন। এবং বাক্যবর্ষণ করেই যেন
মুখের সমস্ত কর্তব্য নিঃশেষ না হয়,—

পূর্ণ। বাক্যের বিরাম স্থলগুলি যেন
বাক্যের চেয়ে মধুমত্তর হয়ে ওঠে!

শ্রীশ। সে দিন নিজা যেন না আসে—

পূর্ণ। রাত্রি যেন না যায়—

বিপিন। চন্দ্র যেন পূর্ণচন্দ্র হয়—

পূর্ণ। বিপিন যেন বসন্তের ফুলে প্রকুল
হয়ে ওঠে—

শ্রীশ। এবং হতভাগ্য শ্রীশ যেন
কুঞ্জবানের কাছে এসে উঁকি খুঁকি না মারে।

পূর্ণ। দূর হোক পে শ্রীশ বাবু তোমার
সেই আবাহন থেকে আর একটা কিছু কবিতা
আওড়াও। চমৎকার লিখেছে হে।

নিশি না পোহাতে জীবন প্রদীপ
জ্বলাইয়া যাও প্রিয়া!

আহা! একটি জীবন প্রদীপের শিখাটুকু
আরেকটি জীবন প্রদীপের মুখের কাছে কেবল
একটু ঠেকিয়ে গেলেই হয়, বাস, আর কিছুই
নয়—হুট কোমল অঙ্গুলি দিয়ে প্রদীপখানি
একটু হেলিয়ে একটু ছুইয়ে যাওয়া তার পরেই
চকিতের মধ্যে সমস্ত আলোকিত! (আপন মনে)
নিশি না পোহাতে (ইত্যাদি)।

শ্রীশ। পূর্ণ বাবু, যাওকোথায়!

পূর্ণ। চন্দ্র বাবুর বাসায় একখানা বই
ফেলে এসেছি সেইটে খুঁজতে যাচ্ছি।

বিপিন। খুঁজলে পাবে ত? চন্দ্রবাবুর
বাসা বড় এলোমেলো জায়গা—সেখানে যা
হায়ায় সে আর পাওয়া যায় না।

(পূর্ণের প্রস্থান)

শ্রীশ। (দীর্ঘ নিঃশ্বাস ফেলিয়া) পূর্ণ বেশ
আছে ভাই বিপিন!

বিপিন। ভিতরকার বাষ্পের চাপে ওর
মাথাটা সোড়াগড়াটারের ছিপি মত একে-
বারে টপ করে উড়ে না যায়!

শ্রীশ। যায় ত থাক না! কোনমতে
লোহার তার এঁটে মাথাটাকে ঠিক জায়গায়
ধরে রাখাই কি জীবনের চরম পুরুষার্ধ? মাঝে
মাঝে মাঝে মাথার বেঠিক না হলে রাতদিন
মুটের বোঝার মত মাথাটাকে বয়ে বেড়াচ্ছি
কেন? দাঁও ভাই তার কেটে, একবার উড়ুক।
সেদিন তোমাকে শোনাচ্ছিলুম—

ওরে সাবধানী পথিক, বারেক
পথ ভুলে মর ফিরে!

খোলা-আঁধি ছটো অন্ধ করে' দে
আকুল আঁখির নীরে!

সে ভোলা-পথের প্রান্তে রয়েছে
হারান'-হিমায় কুঞ্জ;

ঝরে' পড়ে' আছে কাঁটাতরুতলে
রক্ত কুসুম পুঞ্জ;

সেখা ছুই বেলা ভাঙা-গড়া খেলা
অকুল সিঁদুরীয়ে!

ওরে সাবধানী পথিক, বারেক
পথ ভুলে' মর ফিরে!

বিপিন! আজ কাল তুমি খুব কবিতা
পড়তে আরম্ভ করেছ, শীঘ্রই একটা মুকিলে
পড়বে দেখচি!

শ্রীশ। যে লোক ইচ্ছে করে মুকিলের
রাস্তা খুঁজে বেড়াচ্ছে তার জন্তে কেউ ভেবো
না। মুকিলকে এড়িয়ে চলতে গিয়ে হঠাৎ মুকি-
লের মধ্যে পা ফেলেই বিপদ। আস্থন, আস্থন
রসিকবাবু রাজ্জে পথে বেরিয়েছেন যে?

(রসিকের প্রবেশ)।

রসিক। আমার রাতই বা কি, আর
দিনই বা কি!

বরমসৌ দিবসো ন পুনর্নিশা,
নহু নিশৈব বরং ন পুনর্দিনম্ ।
উভয়মেতদুপৈষথবা ক্ষয়ং
প্রিয়জনেন ন যত্র সমাগমঃ ।

শ্রীশ। অস্তার্থঃ ?

রসিক। অস্তার্থ হচ্ছে—
আসে ত আনুক্ রাত্তি, আনুক্ বা দিবা,
যায় যদি যাক্ নিরবধি ।
তাহাদের যাতায়াতে আসে যায় কিবা
প্রিয় মোর নাহি আসে যদি ।

অনেক গুলো দিন রাত এ পর্য্যন্ত এসেছে
এবং গেছে কিন্তু তিনি আজ পর্য্যন্ত এসে
পৌছিলেন না—তাই, দিনই বলুন আর রাতই
বলুন ও দুটোর পরে আমার আর কিছুমাত্র
শ্রদ্ধা নেই !

শ্রীশ। আচ্ছা রসিকবাবু, প্রিয়জন এখন
যদি হঠাৎ এসে পড়েন ?

রসিক। তাহলে আমার দিকে তাকাবেন
না, তোমাদের হৃদয়ের মধ্যে একজনের ভাগেই
পড়বেন ।

শ্রীশ। তাহ'লে তদন্তেই তিনি অরসিক
বলে প্রমাণ হয়ে যাবেন ।

রসিক। এবং পরশুণ্ডেই পরম্মনন্ডে কাল-
যাপন করতে থাকবেন । তা আমি ঈর্ষ্যা
করতে চাইনে শ্রীশবাবু । আমার ভাগ্যে যিনি
আসতে বহু বিলম্ব করলেন, আমি তাঁকে
তোমাদের উদ্দেশ্যেই উৎসর্গ করলুম । দেবি,
তোমার বরমালা গাঁথে আন । আজ বসন্তের
গুরু রজনী, আজ অভিসারে এস ।

মন্দং বিধেহি চরণৌ, পরিধেহি নীলং
বাসং, পিধেহি বলয়াবলিমঞ্চলেন ।
মা জগ্ন সাহসিনি, শারদস্ত্রকাস্ত
দস্তাশংবস্তব ত-মাংসি সমাপয়ন্তি ।

ধীরে ধীরে চল তব্বি, পর নীলাশ্বর
অঞ্চলে বাঁধিয়া রাখ বক্ষণমুখর ;
কথাটি বয়ে না তব দস্ত-অংকুরচি
পথের তিমির রাশি পাছে কেলে মুছি !

শ্রীশ। রসিকবাবু আপনার ঝুলি যে
একেবারে ভরা । এমন কত তর্জমা করে
রেখেছেন ?

রসিক। বিস্তর । লক্ষ্মীত এলেন না,
কেবল বাণীকে নিয়েই দিন যাপন করচি ।

শ্রীশ। ওহে বিপিন অভিসার ব্যাপারটা
বলনা করতে বেশ লাগে ।

বিপিন। ওটা পুনর্বার চালাবার জন্তে
চিরকুম্মার সত্তায় একটা প্রস্তাব এনে দেখ না ।

শ্রীশ। কতকগুলো জিনিষ আছে যার
আইডিয়াটা এত সুন্দর যে, সংসারে সেটা
চালাতে সাহস হয় না । যে রাস্তায় অভিসার
হতে পারে, যেখানে কামিনীদের হার থেকে
মুক্তো ছিঁড়ে ছড়িয়ে পড়ে সে রাস্তা কি
তোমার পটলডাঙ্গা স্ট্রীট ? সে রাস্তা জগতে
কোথাও নেই । বিরহিণীর হৃদয় নীলাশ্বরী
পরে' মনোরাজ্যের পথে ঐ রকম করে রেয়িয়ে
থাকে—রক্ষের উপর থেকে মুক্তো ছিঁড়ে,
চেয়েও দেখে না—সত্যিকার মুক্তো হলে
কুড়িয়ে নিত ! কি বলেন রসিকবাবু ।

রসিক। সে কথা মানতেই হয়—অভি-
সারটা মনে মনেই ভাল, গাড়িঘোড়ার রাস্তায়
অত্যন্ত বেমানান । আশীর্বাদ করি শ্রীশবাবু,
এই রকম বসন্তের জ্যোৎস্নারাজ্যে কোন একটি
জালুনা থেকে কোন এক রমণীর ব্যাকুল হৃদয়
তোমার বাসার দিকে যেন অভিসারে যাত্রা
করে ।

শ্রীশ। তা করবে রসিকবাবু, আপনার
আশীর্বাদ ফলবে । আজকের হাওয়াতে সেই
ধবরটা আমি মনে মনে পাচ্ছি । বিশেষ ডাকাত

যেমন খবর দিয়ে ডাকাতী করত, আমার
অজানা অভিসারিকা তেমনি পূর্বে হতেই
আমাকে অভিসারের খবর পাঠিয়েছে।

বিপিন। তোমার সেই ছাতের বারান্দাটা
সাজিয়ে প্রস্তুত হয়ে থেকো।

শ্রীশ। তা আমার সেই দক্ষিণের বারান্দায়
একটি চৌকিতে আমি বসি, আর একটি চৌকি
সাজান থাকে।

বিপিন। সেটাতে আমি এসে বসি।

শ্রীশ। মধুরভাবে গুড়ং দদ্যাৎ, অভাব-
পক্ষে তোমাকে নিয়ে চলে।

বিপিন। মধুময়ী যখন আসবেন তখন
হতভাগার ভাগ্যে রুগুড়ং দদ্যাৎ।

রসিক। (জনাস্তিকে) শ্রীশবাবু, আপনার
সেই দক্ষিণের ছাতটিকে চিহ্নিত করে রাখবার
জন্তে যে পতাকা গুড়ান আবশ্যক সেটা যে
ফেলে এলেন!

শ্রীশ। রুমালটা কি এখন চেষ্টা করলে
পাওয়া যেতে পারবে?

রসিক। চেষ্টা করতে দোষ কি?

শ্রীশ। বিপিন, তুমি ভাই রসিকবাবুর
সঙ্গে একটু কথাবার্তা কও, আমি চট্ করে
আসূচি। (প্রস্থান)

বিপিন। আচ্ছা রসিক বাবু, রাগ কর-
বেন না;—

রসিক। যদি বা করি আপনার ভয় কর-
বার কোন কারণ নেই—আমি ভারি দুর্বল!

বিপিন। হুই একটা প্রশ্ন জিজ্ঞাসা করব
আপনি বিরক্ত হবেন না।

রসিক। আমার বয়স সম্বন্ধে কোন প্রশ্ন
নয় ত?

বিপিন। না।

রসিক। তবে জিজ্ঞাসা করুন ঠিক উত্তর
পাবেন।

বিপিন। সে দিন যে মহিলাটিকে দেখলাম
তিনি—

রসিক। তিনি আলোচনার যোগ্য,
আপনি সঙ্কোচ করবেন না বিপিনবাবু—তঁার
সম্বন্ধে আপনি যদি মাঝে মাঝে চিন্তা ও চর্চা
করে থাকেন তবে তাতে আপনার অসাধারণত্ব
প্রমাণ হয় না—আমরাও ঠিক ঐ কাজ করে
থাকি।

বিপিন। অবলাকান্তবাবু বুঝি—

রসিক। তাঁর কথা বলবেন না—তঁার
মুখে অল্প কথা নেই।

বিপিন। তিনি কি—

রসিক। হাঁ তাই বটে! তবে হয়েছে
কি, তিনি নূপবালা নীরবালা দুজনের কাকে
যে বেশী ভালবাসেন স্থির করে উঠতে পারেন
না—তিনি দুজনের মধ্যে সর্বদাই দোলায়-
মান।

বিপিন। কিন্তু তাঁদের কেউ কি গুঁর
প্রতি—

রসিক। না, এমন ভাব নয় যে, গুঁকে
বিবাহ করতে পারেন। সে হলে ত কোন
গোলই ছিল না!

বিপিন। তাই বুঝি অবলাকান্তবাবু
কিছু—

রসিক। কিছু যেন চিন্তাশীত।

বিপিন। শ্রীমতী নীরবালা বুঝি গান
ভাল বাসেন?

রসিক। বাসেন বটে,—আপনার পকে-
টের মধ্যেই ত তার সাক্ষী আছে।

বিপিন। (পকেট হইতে গানের খাতা
বাহির করিয়া) এখানা নিয়ে আসা আমার
অত্যন্ত অভিজ্ঞতা হয়েছে—

রসিক। সে অভিজ্ঞতা আপনি না করলে
আমরা কেউ না কেউ কর্তেম।

বিপিন। আপনারা করলে তিনি মার্জনা করতেন, কিন্তু আমি—বাস্তবিক অন্তায় হয়েছে, কিন্তু এখন ফিরিয়ে দিতেও ত—

রসিক! মূল অন্তায়টা অন্তায়ই থেকে যায়।

বিপিন! অতএব—

রসিক। ষাঁহাতক বাহান্ন তাঁহাতক তিপ্পান্ন। হরণে যে দোষ টুকু হয়েছে রক্ষণে না হয় তাতে আরেকটু যোগ হল।

বিপিন। ষাভাটা সম্বন্ধে তিনি কি আপনাদের কাছে কিছু বলেছেন?

রসিক। বলেছেন অল্পই, কিন্তু না বলেছেন অনেকটা।

বিপিন। কি রকম?

রসিক। লজ্জায় অনেকখানি লাল হয়ে উঠলেন।

বিপিন। ছি ছি, সে লজ্জা আমারি।

রসিক। আপনার লজ্জা তিনি ভাগ করে নিলেন, যেমন অরণের লজ্জায় উষা রক্তিম।

বিপিন। আমাকে আর পাগল করবেন না রসিকবাবু!

রসিক। দলে টান্টি মশায়!

বিপিন। (খাতা পুনর্বার পকেটে পুরিয়া) ইংরাজিতে বলে দোষ করা মানবের দর্শ, ক্ষমা করা দেবতার।

রসিক। আপনি তা হলে মানবদর্শ পালনটাই সাব্যস্ত করলেন!

বিপিন। দেবীর ধর্মে যা বলে তিনি তাই করবেন।

শ্রীশের প্রবেশ।

শ্রীশ। অবলাকান্ত বাবুর সঙ্গে দেখা হল না।

বিপিন। তুমি রাতারাতিই তাঁকে সন্ন্যাসী করতে চাও না কি?

শ্রীশ। যা হোক্ অক্ষয়বাবুর কাছে বিনয় নিয়ে এলুম।

বিপিন। বটে বটে, তাঁকে বলে আসতে ভুলে গিয়েছিলাম—একবার তাঁর সঙ্গে দেখা করে আসিগে।

রসিক। (জনান্তিকে) পুনর্বার কিছু সংগ্রহের চেষ্টায় আছেন বুঝি? মানবদর্শটা ক্রমেই আপনাকে চেপে ধরচে?

বিপিনের প্রস্থান।

শ্রীশ। রসিক বাবু, আপনার কাছে! আমার একটা পরামর্শ আছে!

রসিক। পরামর্শ দেবার উপযুক্ত বয়স হয়েছে, বুদ্ধি না হতেও পারে।

শ্রীশ। আপনাদের ওখানে সে দিন যে ছাট মহিলাকে দেখেছিলাম, তাঁদের হৃদয়কেই আমার স্নানরী বলে বোধ হল।

রসিক। আপনার বোধশক্তির দোষ দেওয়া যায় না। সকলেই তঁর এক কথাই বলে।

শ্রীশ। তাঁদের সম্বন্ধে যদি মাঝে মাঝে আপনার সঙ্গে আলাপ আলোচনা করি তাহলে কি—

রসিক। তাহলে আমি খুসি হব, আপনারও সেটা ভাল লাগতে পারে এবং তাঁদেরও বিশেষ ক্ষতি হবে না।

শ্রীশ। কিছুমাত্র না। ঝিল্লি যদি নক্ষত্র সম্বন্ধে জ্ঞান করে—

রসিক। তাতে নক্ষত্রের নিজস্ব ব্যাঘাত হয় না।

শ্রীশ। ঝিল্লিরই অনিদ্রা রোগ জন্মাতে পারে, কিন্তু তাতে আমার আপত্তি নেই।

রসিক। আজ ত তাঁই বোধ হচ্ছে।

শ্রীশ। ধীর ক্রমাল কুড়িয়ে পেয়েছিলুম তাঁর নামটি বলতে হবে।

রসিক। তাঁর নাম নূপবালা ।

শ্রীশ। তিনি কোন্টি ?

রসিক। আপনিই আক্ষয় করে বলুন
দোধ ।

শ্রীশ। ধার সেই লালরঙের রেশমের
সাড়ি পরা ছিল ?

রসিক। বলে যান ।

শ্রীশ। যিনি গজ্জায় পালাতে চাচ্ছিলেন
অথচ পালাতেও লজ্জা বোধ করছিলেন—তাই
মুহূর্তকালের মত হঠাৎ ত্রস্ত হরিণীর মত
পক্ষ্মে দাঁড়িয়েছিলেন, সাক্ষনের দুই এক গুচ্ছ
চুল প্রায় চোখের উপরে এসে পড়েছিল—
চারির-গোচ্ছা-রাধা চ্যুত অক্ষয়টি বা হাতে
তুলে ধরে যখন ক্ষতবেগে চলে গেলেন তখন
তাঁর পিঠভরা কালোচুল আমার দৃষ্টিপথের
উপর দিয়ে একটি কাষো জ্যোতিকের মত
ছুটে নৃত্য করে চলে গেল ।

রসিক। এ শু নূপবালাই বটে! পা
ছপানি লজ্জিত, হাত ছুখানি কুণ্ঠিত, চোখ চুটি
ত্রস্ত, চুলগুলি কুণ্ঠিত;—দুঃখের বিষয় হৃদয়টি
দেখতে পান নি—সে যেন ফুলের ভিতরকার
লুকানো মধুটুকুর মত মধুর, শিশিরটুকুর মত
করণ ।

শ্রীশ। রসিকবাবু, আপনার মধ্যে এত যে
কবিত্বরস সঞ্চিত হয়ে রয়েছে তার উৎস
কোথায় এবার টের পেয়েছি ।

রসিক। ধরা পড়েছি শ্রীশবাবু—

কবীজ্ঞাণাং চেতঃ কমলবনমালাতপকৃষ্টিং
ভক্তস্তে যে সন্তঃ কতিচিদ্রুণামেব ভবতীঃ
বিরিক্ষিপ্রেমশাস্তুরূপতয় শৃঙ্গারলহরীঃ
গভীরাত্তির্বাগ্ভির্বিদধতি সত্যরজনময়ীঃ ।

কবীন্দ্রদের চিত্তকমলবনমালায় কিরণ লেখা
যে তুমি তোমাকে ধারা শেলমাজ ভজনা করে
তারাই গভীর বাক্য দ্বারা সরস্বতীর সত্যরজন-

ময়ী তরুণলীলালহরী প্রকাশ করতে পারে।
আমি সেই কবিচিত্ত কমলবনের কিরণ লেখা-
টির পরিচয় পেয়েছি ।

শ্রীশ। আমিও অল্পদিন হল একটু পরি-
চয় পেয়েছি তার পর থেকে কবিত্ব আমার
পক্ষে সহজ হয়ে এসেছে ।

অক্ষয়ের প্রবেশ ।

অক্ষয়। (স্বগত) নাঃ, দুটি নবযুবকে
মিলে আমাকে আর যের তিহঁতে দিলে
না দেখি। একটি শু গিয়ে চোরের মত
আমার ঘরের মধ্যে হাতুড়ে বেড়াচ্ছিলেন—
ধরা পড়ে ভাল রকম জবাবদিহি করতে পারলে
না—শেষকালে আমাকে নিয়ে পড়ল। তার
খানিক বাদেই দেখি দ্বিতীয় ব্যক্তিটি গিয়ে
ঘরের বইগুলি নিয়ে উণ্টে পাণ্টে নিরীক্ষণ
করতে। তফাৎ থেকে দেখেই পালিয়ে
এসেছি। বেশ মানের মত করে চিঠিখানি যে
লিখব এরা তা আর দিলে না। আহা
চমৎকার জ্যোৎস্না হয়েছে !

শ্রীশ। এই যে অক্ষয় বাবু!

অক্ষয়। ঐরে! একটা ডাকাত ঘরের
মধ্যে, আর একটা ডাকাত গলির মোড়ে ?
হা প্রিয়ে, তোমার ধ্যান থেকে ধারা আমার
মনকে বিক্ষিপ্ত করচে তারা মেনকা উর্কশী রস্মা
হলে আমার কোন খেদ ছিল না—মনের মত
ধ্যানভঙ্গও অক্ষয়ের অদৃষ্টে নেই—কালকালে
ইন্দ্রদেবের বয়স বেশী হয়ে বেরাসক হয়ে
উঠেছে !

বিপিনের প্রবেশ ।

বিপিন। এই যে অক্ষয় বাবু, আপনাকেই
খুঁজছিলুম ।

অক্ষয়। হায় হতভাগ্য, এমন রাজি কি
আমাকে খোঁজ করে বেড়াবার জন্মই হয়েছিল ?

In such a night as this,
When the sweet wind did gently kiss
the trees
And they did make no noise, in such
a night
Troilus methinks mounted the Troyan
walls.
And sighed his soul toward the
Grecian tents,
Where Cressid lay that night.

শ্রীশ। In such a night আপনি কি করতে বেরিয়েছেন অক্ষয় বাবু?

রসিক। অপসরতি ন চক্ষুষো যুগাক্ষী
রজনিরিয়ং চ ন যতি নৈতি নিদ্রা!
চক্ষু পরে যুগাক্ষীর চিত্র খানি ভাসে;
রজনীও নাহি যায়, নিদ্রাও না আসে!
অক্ষয় বাবুর অবস্থা আমি জানি মশায়!
অক্ষয়। তুমি কে হে?

রসিক। আমি রসিকচন্দ্র—দুই দিকে দুই
যুবককে আশ্রয় করে যৌবন সাগরে ভাসমান।
অক্ষয়। এ বয়সে যৌবন সহ হবে না
রসিক দাদা।

রসিক। যৌবনটা কোন্ বয়সে যে সহ
হয় তা ত জানিনে, ওটা অসহ ব্যাপার। শ্রীশ
বাবু আপনার কি রকম বোধ হচ্ছে;

শ্রীশ। এখনো সম্পূর্ণ বোধ করতে পারি
নি।

রসিক। আমার মত পরিণত বয়সের
জন্তো অপেক্ষা করছেন বৃদ্ধি? অক্ষয় দা, আজ
তোমাকে বড় অশ্রমনস্ক দেখাচ্ছে।

অক্ষয়। তুমি ত অশ্রমনস্ক দেখবেই,
মনটা ঠিক তোমার দিকে নেই।—বিপিন বাবু
তুমি আমাকে খুঁজাছিলে বলে বটে, কিন্তু খুব
যে জরুর দরকার আছে বলে বোধ হচ্ছে না

অতএব আমি এখন বিদায় হই, একটু বিশেষ
কাজ আছে।

(প্রস্থান)

রসিক। বিরহী চিঠি লিখতে চল।

শ্রীশ। অক্ষয় বাবু আছেন বেশ। রসিক-
বাবু, গুঁর স্ত্রীই বৃদ্ধি বড় বোন? তাঁর নাম?

রসিক। পুরবালা।

বিপিন। (নিকটে আসিয়া) কি নাম
বলেন?

রসিক। পুরবালা।

বিপিন। তিনিই বৃদ্ধি সব চেয়ে বড়?

রসিক। হাঁ

বিপিন। সব ছোটটির নাম?

রসিক। নীরবালা।

শ্রীশ আর নূপবালা কোন্টি?

রসিক। তিনি নীরবালার বড়।

শ্রীশ তাহলে নূপবালাই হলেন মেজ।

বিপিন আর নীরবালা ছোট।

শ্রীশ পুরবালার ছোট নূপবালা।

বিপিন তাঁর ছোট হচ্ছেন নীরবালা।

রসিক (স্বগত) এরা ত নাম জপ

করতে শুরু করলে। আমার মুঞ্চিল। আর
ত হিম সহ হবে না, পালাবার উপায় করা
যাক।

দর্শম পরিচ্ছেদ

রসিক। ভাই শৈল

শৈল। কি রসিক দাদ

রসিক। এ কি আমার কাজ? মহাদে—

বের তপোভঙ্গের জন্তে স্বয়ং কন্দর্পদেব ছিলেন
—আর আমি বৃদ্ধ—

শৈল। তুমি ত বৃদ্ধ, তেমনি যুবক ছটিও
ত যুগল মহাদেব নন !

রসিক। তা নন, সে আমি বেশ ঠাইর
ফরেই দেখেছি। সেই জন্তেই ত নির্ভয়ে এসে-
ছিলুম। কিন্তু তাঁদের সঙ্গে রাত্তার মধ্যে হিমে
দাঁড়িয়ে অর্ধেক রাত পর্যন্ত রসালাপ করবার
মত উত্তাপ আমার শরীরে ত নেই।

শৈল। তাঁদের সংসর্গে উত্তাপ সঞ্চয় করে
নেবে।

রসিক। সজীব গাছ যে সূর্য্যের তাপে
শ্রীকুল হয়ে ওঠে মন্ডাকার তাতেই ফেটে যায়,
যৌবনের। উত্তাপ বুড়োমানুষের পক্ষে ঠিক
উপযোগী বোধ হয় না।

শৈল। কই তোমাকে দেখে ফেটে যাবে
বলে ত বোধ হচ্ছে না।

রসিক। হৃদয়টা দেখলেই বুঝতে পার-
তিসু ভাই।

শৈল। কি বল রসিক দা। তোমারি ত
এখন সব চেয়ে নিরাপদ বয়েস। যৌবনের
দাহে তোমার কি করবে ?

রসিক। শুক্কেনে বহ্নিকপৈতি বৃদ্ধিম্ !
যৌবনের দাহ বৃদ্ধকে পেলেই হ হঃ শব্দে জলে
ওঠে—সেই জন্তেই ত বৃদ্ধস্ত তরুণী ভার্যা বিপ-
ত্তির কারণ ! কি আর বলব ভাই। নূপ এবং
নীকর নাম করে পথে দাঁড়িয়ে দীর্ঘ নিশ্বাস
ফেলতে ফেলতে ক্রমেই আমার অসহ হয়ে
উঠতে থাকে,—

শৈল। কেন বল দেখি।

রসিক। কেবল যে বিয়হের দহনে তা
নয় ভাই। কবিরা বলেন অবস্থাবিশেষে চন্দ্র
।করণ অসহ, কবিরা জরাও ঠিক সেই কথাই
বলেন। আমার বাতের ধাতে বরং বিয়হ সহ্য
হতে পারে কিন্তু মাঘ মাসের চন্দ্রালোক কিছু-
তেই নয়। এই যে আসছেন।

নীরবালার প্রবেশ।

রসিক। আগচ্ছ বরদে দেবি ! কিন্তু বর
তুমি আমাকে দেবে কি না জানিনে আমি
তোমাকে একটি বর দেবার জন্তে প্রাণপাত
করে মরুচি। শিব ত কিছুই করচেন না তবু
তোমাদের পূজা পাচ্ছেন, আর এই যে বুড়া
খেটে মরচে একি কিছুই পাবে না ?

নীরবালা। শিব পান ফুল তুমি পাবে
তার ফল—তোমাকেই বরমাল্য দেব রসিক-
দাদা।

রসিক। মাটির দেবতাকে নৈবেদ্য দেবার
সুবিধা এই যে সেটি সম্পূর্ণ ফিরে পাওয়া যায়
—আমাকেও নির্ভয়ে বরমাল্য দিতে পারিসু,
যখন দরকার হবে তখন ফিরে পাবি—তার
চেয়ে ভাই আমাকে একটা গলাবন্ধ বুনে দিসু,
বরমাল্যের চেয়ে সেটা বুড়োমানুষের কাজে
লাগবে।

নীর। তা দেব—এক যোড়া পশমের
জুতো বুনে রেখেছি সেও আঁচরণেই হবে।

রসিক। আহা, কৃতজ্ঞতা একেই বলে ?
কিন্তু নীরু, আমার পক্ষে গলাবন্ধই যথেষ্ট—
আপাদমস্তক নাই হোল, সে জন্তে উপযুক্ত
লোক পাওয়া যাবে, জুতোটা তার জন্যে
রেখে দে।

নীর। আচ্ছা, তোমার বক্তৃত্যও তুমি
রেখে দাও ?

রসিক। দেখেছিসু ভাই শৈল, আজকাল
নীকরও লজ্জা দেখা দিয়েছে—লক্ষণ খারাপ।

শৈল। নীরু তুই করচিসু কি ? আবার
এ ঘরে এসেছিসু ? আজ যে এখানে আমাদের
সভা বিস্ময়ে—এখন কে এসে পড়বে, বিপদে
পড়বি।

রসিক। সেই বিপদের খাদ ও একবার

পেয়েছে, এখন বারবার বিপদে পড়বার জন্যে ছটফট করে বেড়াচ্ছে ।

নীর। দেখ রসিকদাদা তুমি যদি আমাকে বিরক্ত কর তা'হলে গলাবন্ধ পাবে না বলুচি । দেখ দেখি দিদি, তুমিও যদি রসিকদার কথায় ঐ রকম করে হাস তা'হলে ঔর আস্পর্কি আরও বেড়ে যায় ।

রসিক। দেখেছিস্ ভাই শৈল, নীর আজ কাল ঠাট্টাও সহিতে পারচে না, মন এত ছরুল হয়ে পড়েছে ! নীর দিদি, কোন কোন সময় কোকিলের ডাক ঐরকমই বলে ঠেকে এই রকম শাস্ত্রে আছে, তোর রসিকদাদার ঠাট্টা-কেও কি তোর আজকাল কুহতান বলে ভ্রম হতে লাগল ?

নীর। সেই জন্যেইত তোমার গলায় গলাবন্ধ জড়িয়ে দিতে চাচ্চি তানটা যদি একটু কমে ।

শৈল। নীর আর ঝগড়া করিসনে—
আয়, এখনি সবাই এসে পড়বে । (উভয়ের
প্রস্থান)

পূর্ণর প্রবেশ ।

রসিক। আহ্নান পূর্ণবাবু !

পূর্ণ। এখনো আর কেউ আসেন নি ?

রসিক। আপনি বুঝি কেবল এই বুদ্ধটিকে দেখে হতাশ হয়ে পড়েছেন । আরো সকলে আসবেন পূর্ণবাবু !

পূর্ণ। হতাশ কেন হব রসিক বাবু ?

রসিক। তা কেমন করে বলব বলুন ? কিন্তু ঘরে যেই চুকলেন আপনার হুটি চক্ষু দেখে বোধ হল তারা যাকে ভিক্ষা করে বেড়াচ্ছে সেব্যক্তি আমি নই ।

পূর্ণ। চক্ষুতত্ত্ব আপনার এতদূর অধিকার হল কি করে ?

রসিক। আমার পানে কেউ কোন দিন

তাকায় নি পূর্ণবাবু তাই এই প্রাচীন বয়স পর্যন্ত পরের চক্ষু পর্যবেক্ষণের যথেষ্ট অবসর পেয়েছি । আপনাদের মত শুভাদৃষ্ট হলে দৃষ্টিতত্ত্ব লাভ না করে অনেক দৃষ্টিলাভ করতে পারতুম । কিন্তু যাই বলুন পূর্ণবাবু, চোখ দুটির মত এমন আশ্চর্য্য সৃষ্টি আর কিছু হয় নি—শরীরের মধ্যে মন যদি কোথাও প্রত্যক্ষ বাস করে সে ঐ চোখের উপরে ।

পূর্ণ। (সোৎসাহে) ঠিক বলেছেন রসিক-বাবু ! ক্ষুদ্র শরীরের মধ্যে যদি কোথাও অনন্ত আকাশ কিংবা অনন্ত সমুদ্রের তুলনা থাকে সে ঐ হুটি চোখে !

রসিক। নিঃসীমশোভাসৌভাগ্য নভাঙ্গ্য নম্ননম্নঃ

অন্তোহন্তালোকনানন্দবিরহাদিব চঞ্চলঃ—
বুকেচেন পূর্ণবাবু ?

পূর্ণ। না, কিন্তু বোঝবার ইচ্ছা আছে ।

রসিক। আনভান্বী বালিকায় শোভা-
সৌভাগ্যের সার নম্নন যুগল,

না দেখিয়া পরস্পরে তাই কি বিরহভরে
হয়েছে চঞ্চল ?

পূর্ণ। না রসিকবাবু, ও ঠিক হ'ল না !
ও কেবল ঝাড়াভূরী ! হুটো চোখ পরস্পরকে
দেখতে চায় না ।

রসিক ! অস্ত্র হুটো চোখকে দেখতে চায়
ত ? সেই স্বকম অর্ধ করেই নিন্ না ! শেষ
হুটো ছত্র বদলে দেওয়া যাক—

প্রিয়চক্ষু দেখাদেখি যে আনন্দ, তাই সে
কি খুজিছে চঞ্চল ?

পূর্ণ। চমৎকার হয়েছে রসিক বাবু !

প্রিয়চক্ষু-দেখাদেখি যে আনন্দ, তাই সে কি
খুজিছে চঞ্চল ?

অথচ সে বেচারী বন্দী—খাঁচার পাখীর মত
কেবল এপাশে ওপাশে ছটফট করে—প্রিয়চক্ষু

যেখানে, সেখানে পাখা মেলে উড়ে যেতে পারে না !

রসিক। আবার দেখাদেখির ব্যাপার-খানাও যে কি রকম নিদারুণ, তাও শাস্ত্রে লিখেচে—

হত্যা লোচন, বশিষ্ঠৈর্গন্ধা কতিচিৎপদানি পদ্মাক্ষী
জীবতি যুবা ম বা কিং ভূয়ো ভূয়ো বিলোকয়তি ।

বিধিমা দিয়া আখিধাণে

যায় সে চলি গৃহপানে,—

জনমে অনুশোচনা ;—

বাঁচিল কি না দেখিবারে

চায় সে কিরে বারে বারে

কমলবরলোচনা !

পূর্ণ। রসিকবাবু বারে বারে কিরে চায় কেবল কাব্যে ।

রসিক। তার কারণ, কাব্যে কিরে চাবার কোন অঙ্গবিধি নেই। সংসারটা যদি ঐ রকম ছন্দে তৈরি হত তা হলে এখানেও কিরে কিরে চাইত পূর্ণবাবু—এখানে মন কিরে চায়, চক্ষু ফেরে না !

পূর্ণ। (সনিঃশ্বাসে) বড় বিস্মী জায়গা রসিক বাবু ! কিন্তু ওটা আপনি বেশ বলেচেন—প্রিয়চক্ষু দেখাদেখি যে আনন্দ, তাই সে কি খুঁজিছে চক্ষু ?

রসিক। আহা পূর্ণবাবু; নয়নের কথা যদি উঠল ও আর শেষ করতে ইচ্ছা করে না—

লোচনে হরিণগর্ভমোচনে

মা বিদুষয় নতাজি কঙ্কালঃ !

সায়কঃ সপদি জীবহারকঃ

কিং পুনর্হি গরলেন লেপিতঃ ?

ইন্দিগর্ভমোচন লোচনে

কাজল দিয়ো না, সরলে ।

এমনি শু বাণ নাশ করে প্রাণ

কি কাজ লেপিয়া গরলে ?

পূর্ণ। থামুন রসিকবাবু থামুন ? ঐ ব্যক্তি কারা আস্চেন ?

চন্দ্রবাবু ও নির্মলার প্রবেশ ।

চন্দ্র। এই সে অক্ষয় বাবু !

রসিক। অ'মার সঙ্গে অক্ষয় বাবুর সাদৃশ্য আছে শুনলে তিনি এবং তাঁর আত্মীয়গণ বিমর্ষ হনেন। আমি রসিক ।

চন্দ্র। মাপ করবেন রসিকবাবু—হঠাৎ ভ্রম হয়েছিল ।

রসিক। মাপ করবার কি কারণ ঘটেছে মশায় ! আমাকে অক্ষয়বাবু ভ্রম করে কিছুমাত্র অসম্মান করেন নি। মাপ তাঁর কাছে চাইবেন। পূর্ণবাবুতে আমাতে এতক্ষণে বিজ্ঞানচর্চা করছিলুম চন্দ্রবাবু ।

চন্দ্র। আমাদের কুমারসভায় আমরা মাসে একদিন করে বিজ্ঞান আলোচনার জন্তে স্থির করব মনে করছিলুম। আজ কি বিষয় নিয়ে আলোচনা চলছিল পূর্ণবাবু ?

পূর্ণ। না, সে কিছুই না চন্দ্রবাবু !

রসিক। চোখের দৃষ্টি সঙ্কল্পে ছচার কথা বলাবলি করা যাচ্ছিল ।

চন্দ্র। দৃষ্টির রহস্য ভারি শক্ত রসিক বাবু ।

রসিক। শক্ত বৈকি ! পূর্ণবাবুরও সেই মত ।

চন্দ্র। সমস্ত জিনিষের ছায়াই আমাদের দৃষ্টিপটে উন্টে হয়ে পড়ে, সেইটেকে যে কেমন করে আমরা সোজাভাবে দেখি সে সঙ্কল্পে কোন মতই আমার সন্তোষজনক বলে বোধ হয় না ।

রসিক। সন্তোষজনক হবে কেমন করে ? সোজা দেখা বাঁকা দেখা এই সমস্ত নিয়ে মানুষের মাথা ঘুরে যায়। বিষয়টা বড় সঙ্কটময় ।

চন্দ্র। নির্মলায় সঙ্গে রসিক বাবুর

পরিচয় হয় নি? ইনিই আমাদের কুমার সভার প্রথম স্ত্রীসভ্য।

রসিক। (নমস্কার করিয়া) ইনি আমাদের সভার সভালক্ষ্মী। আপনাদের কল্যাণে আমাদের সভায় বুদ্ধি বিজ্ঞার অভাব ছিল না, ইনি আমাদের স্ত্রী দান করতে এসেছেন।

চন্দ্র। কেবল শ্রী নয়, শক্তি।

রসিক। একই কথা চন্দ্রবাবু। শক্তি যখন শ্রীরূপে আবির্ভূত হন তখনই তাঁর শক্তির সীমা থাকে না। কি বলেন পূর্ণবাবু? পুরুষবেশী শৈলের প্রবেশ।

শৈল। মাপ করবেন চন্দ্রবাবু, আমার কি আসতে দেয় হয়েছে?

চন্দ্র। (ঘড়ি দেখিয়া) না এখনও সময় হয় নি। অবলাকান্ত বাবু আমার ভাণ্ডী নিশ্চল আজ আমাদের সভার সভ্য হয়েছেন।

শৈল। (নিশ্চলার নিকট বসিয়া) দেখুন পুরুষের স্বার্থপর, মেয়েদের কেবল নিজেদের সেবার জন্তই বিশেষ করে বন্ধ করে রাখতে চায়—চন্দ্রবাবু যে আপনাকে আমাদের সভার হিতের জন্তে দান করেছেন তাতে তাঁর মহৎ প্রকাশ পায়।

নিশ্চলা। আমার মামার কাছে দেশের কাজ এবং নিজের কাজ একই। আমি যদি আপনাদের সভার কোন উপকার করতে পারি তাতে তাঁরই সেবা হবে।

শৈল। আপনি যে সৌভাগ্যক্রমে চন্দ্রবাবুকে ভাল করে জানবার যোগ্যতা লাভ করেছেন এতে আপনি ধন্ত।

নিশ্চলা। আমি ঠুঁকে জানব না ত কে জানবে?

শৈল। আত্মীয় সব সময় আত্মীয়কে জানে না। আত্মীয়তায় ছোটকে বড় করে

তোলে বটে, তেমনি বড়কেও ছোট করে আনে। চন্দ্রবাবুকে যে আপনি যথার্থভাবে জেনেছেন তাতে আপনার ক্ষমতা প্রকাশ পায়।

নিশ্চলা। কিন্তু আমার মামাকে যথার্থভাবে জানা খুব সহজ, ঠুঁর মধ্যে এমন একটি স্বচ্ছতা আছে!

শৈল। দেখুন সেই জন্তেই ঠুঁকে ঠিক মত জানা শক্ত। হৃষ্যোদন ফটিকের দেয়ালকে দেয়াল বলে দেখতেই পান নি। সরল স্বচ্ছতার মহৎ কি সকলে বুঝতে পারে? তাকে অবহেলা করে। আড়ম্বরেই লোকের দৃষ্টি আকৃষ্ট হয়।

নিশ্চলা। আপনি ঠিক কথা বলেছেন। বাইরের লোকে আমার মামাকে কেউ চেনেই না। বাইরের লোকের মধ্যে এতদিন পরে আপনার কাছে মামার কথা শুনে আমার যে কি আনন্দ হচ্ছে সে কি বলুন।

শৈল। আপনার ভক্তিও আমাকে ঠিক সেই রকম আনন্দ দিচ্ছে।

চন্দ্র। (উভয়ের নিকটে আসিয়া) অবলাকান্ত বাবু, তোমাকে যে বইটি দিয়েছিলেম সেটা পড়েছ?

শৈল। পড়েছি, এবং তার থেকে সমস্ত নোট করে আপনার ব্যবহারের জন্তে প্রস্তুত করে রেখেছি।

চন্দ্র। আমার ভারি উপকার হবে,— আমি বড় খুসি হলাম অবলাকান্ত বাবু। পূর্ণ নিজে আমার কাছে ঐ বইটি চেয়ে নিয়ে গিয়েছিলেন। কিন্তু ঠুঁর শরীর ভাল ছিল না বলে কিছুই করে উঠতে পারেন নি। খাতাটি তোমার কাছে আছে?

শৈল। এনে দিচ্ছি। (প্রস্থান)
রসিক। পূর্ণ বাবু আপনাকে কেমন মন দেখছি অস্ব্থ করতে কি?

পূর্ণ। না; কিছুই না! রসিক বাবু, যিনি গেলেন এঁরই নাম অবলাকান্ত ?

রসিক। হাঁ।

পূর্ণ। আমার কাছে ওঁর ব্যবহারটা তেমন ভাল ঠেকে না।

রসিক। অল্প বয়স কি না সেই জন্তে—

পূর্ণ। মহিলাদের সঙ্গে কি রকম আচরণ করা উচিত সে শিক্ষা ওঁর বিশেষ দরকার।

রসিক। আমিও সেটা লক্ষ্য করে দেখেছি মেয়েদের সঙ্গে উনি ঠিক পুরুষোচিত ব্যবহার করতে জানেন না—কেমন যেন গায়ে-পড়া ভাব! ওটা হয়ত অল্প বয়সের ধর্ম।

পূর্ণ। আমাদেরও ত বয়স খুব প্রাচীন হয় নি, কিন্তু আমরা ত—

রসিক। তা ত দেখচি, আপনি খুব দূরে দূরেই থাকেন, কিন্তু উনি হয়ত সেটাকে ঠিক ভঙ্গিতা বলেই গ্রহণ করেন না। ওঁর হয়ত ভ্রম হচ্ছে আপনি ওঁকে অগ্রাহ করেন।

পূর্ণ। বলেন কি রসিক বাবু? কি করব বলুন ত? আমিত ভেবেই পাইনে কি কথা বলবার জন্তে আমি ওঁর কাছে অগ্রসর হতে পারি।

রসিক। ভাবতে গেলে ভেবে পাবেন না। না ভেবে অগ্রসর হবেন তার পরে কথা আপনি বেরিয়ে যাবে।

পূর্ণ। না রসিক বাবু, আমার একটা কথাও বেরয় না। কি বলব আপনিই বলুন না।

রসিক। এমন কোন কথাই বলবেন না যাতে জগতে যুগান্তর উপস্থিত হবে। গিয়ে বলুন, আজকাল হঠাৎ কি রকম গরম পড়েছে।

পূর্ণ। তিনি যদি বলেন হাঁ গরম পড়েছে তারপরে কি বলব ?

বিপিন ও শ্রীশের প্রবেশ।

শ্রীশ। (চলবাবু ও নিশ্চলকে নমস্কার করিয়া নিশ্চলার প্রতি) আপনাদের উৎসাহ ঘড়ির চেয়ে এগিয়ে চল্চে—এই দেখুন এখনো সাড়ে ছটা বাজে নি!

নিশ্চলা। আজ আপনাদের সভায় আমার প্রথম দিন সেই জন্তে সভা বসবার পূর্বেই এসেছি—প্রথম সভা হবার সঙ্কোচ ভাঙ্গতে একটু সময় দরকার।

বিপিন। কিন্তু আপনার কাছে নিবেদন এই যে আমাদের কিছুমাত্র সঙ্কোচ করে চলবেন না। আজ থেকে আপনি আমাদের তার নিলেন—লক্ষ্মীছাড়া পুরুষ সভাগুলিকে অগ্রাহ করে দেখবেন শুনবেন এবং হুকুম করে চালাবেন।

রসিক। যান পূর্ণবাবু, আপনিও একটা কথা বলুন প্লে।

পূর্ণ। কি বলব ?

নিশ্চলা। চালাবার ক্ষমতা আমার নেই।

শ্রীশ। আপনি কি আমাদের এতই অচল বলে মনে করেন ?

বিপিন। লোহার চেয়ে অচল আর কি আছে কিন্তু আগুন ত লোহাকে চালাচ্ছে—আমাদের মত ভারী জিনিষ গুলোকে চলনসই করে তুলতে আপনাদের মত দীপ্তির দরকার।

রসিক। শুনচেন ত পূর্ণবাবু ?

পূর্ণ। আমি কি বলব বলুন না!

রসিক। বলুন লোহাকে চালাতে চাইলেও আগুন চাই, গলাতে চাইলেও আগুন চাই!

বিপিন। কি পূর্ণবাবু, রসিকবাবুর সঙ্গে পরিচয় হয়েছে ?

পূর্ণ। হাঁ।

বিপিন। আপনার শরীর আজ ভাল আছে ত ?

পূর্ণ। হাঁ।

বিপিন। অনেকক্ষণ এসেছেন না কি ?

পূর্ণ। না।

বিপিন। দেখেছেন এবারে শীতটা ঘোড়দৌড়ের ঘোড়ার মত সজোরে দৌড়ে মাঘের মাঝামাঝি একেবারে খপকরে থেমে গেল।

পূর্ণ। হাঁ।

শ্রীশ। এই যে পূর্ণবাবু, গেলবারে আপনার শরীর খারাপ ছিল—এবারে বেশ ভাল বোধ হচ্ছে ত ?

পূর্ণ। হাঁ।

শ্রীশ। এতদিন কুমার সভার যে কি এটা মহৎ অভাব ছিল আজ ঘরের মধ্যে চুকেই তা বুঝতে পেরেছি ;—সোণার মুকুলে মাঝখানটিতে কেবল একটি হীরে বসাবায় অপেক্ষা ছিল—আজ সেইটি বসান হয়েছে কি বলেন পূর্ণবাবু !

পূর্ণ। আপনাদের মত এমন রচনাশক্তি আমার নেই—আমি এত বানিয়ে বানিয়ে কথা বাঁটতে পারিনে—বিশেষতঃ মহিলাদের সম্বন্ধে।

শ্রীশ। আপনার অক্ষমতার কথা শুনে হুঃখিত হলেম পূর্ণবাবু—আশা করি ক্রমে উন্নতিলাভ করতে পারবেন।

বিপিন। (রসিককে জনাস্তিকে টানিয়া) দুই বীর পুরুষে যুদ্ধ চলুক এখন আমন রসিকবাবু আপনার সঙ্গে দুই একটা কথা আছে !—দেখুন—সেই খাতা সম্বন্ধে আর কোন কথা উঠেছিল ?

রসিক। অপরাধ করা মানবের ধর্ম আর কমা করা দেবীর সে কথাটা আমি প্রসঙ্গক্রমে তুলেছিলাম—

বিপিন। তাতে কি বলেন ?

রসিক। কিছু না বলে বিদ্যুতের মত চলে গেলেন।

বিপিন। চলে গেলেন ?

রসিক। কিন্তু সে বিদ্যুতে বজ্র ছিল না।

বিপিন। গর্জন ?

রসিক। তাও ছিল না।

বিপিন। তবে ?

রসিক। এক প্রান্তে কিংবা অন্য প্রান্তে একটু হমত বর্ষণের আভাস ছিল।

বিপিন। সেটুকুর অর্থ ?

রসিক। কি জানি মহাশয় ! অর্থও থাকতে পারে অনর্থও থাকতে পারে !

বিপিন। রসিকবাবু আপনি কি বলেন আমি কিছু বুঝতে পারিনে !

রসিক। কি করে বুঝবেন—ভারি শক্ত কথা !

শ্রীশ। (নিকটে অঙ্গিষ্ঠা) কি কথা শক্ত মশায় ?

রসিক। এই বৃষ্টি বজ্রবিদ্যুতের কথা !

শ্রীশ। ওহে বিপিন, আর চেয়ে শক্ত কথা যদি শুন্তে চাও তা হলে পূর্ণর কাছে যাও !

বিপিন। শক্ত কথা সম্বন্ধে আমার খুব বেশী সখ নেই ভাই।

শ্রীশ। যুদ্ধ করার চেয়ে সন্ধি করার বিদ্যুট্টা ঢের বেশী দুরূহ—সেটা তোমার আসে। দোহাই তোমার, পূর্ণকে একটু ঠাণ্ডা করে এসে। আমি বরঞ্চ ভতরঙ্গ রসিকবাবুর সঙ্গে বৃষ্টিবজ্রবিদ্যুতের আলোচনা করে নিই। (বিপিনের প্রস্থান) রসিকবাবু, ঐ যে সেদিন আপনি ষাঁর নাম নৃপবালা বলেন, তিনি—তিনি—ঠাঁর সম্বন্ধে বিস্তারিত করে কিছু বলুন। সেদিন চকিতের মধ্যে ঠাঁর মুখে এমন একটি স্নিগ্ধভাব দেখেছি, ঠাঁর সম্বন্ধে কোতুহল কিছু ভেই ধামাতে পারচিনে।

রসিক। বিস্তারিত করে বলে কোতুহল

আরো বেড়ে যাবে। এ রকম কৌতুহল “হবিষা কুম্ভবয়েব ভূয় এবাভিবর্দ্ধতে”। আমি ত তাঁকে এতকাল ধরে জেনে আসছি, কিন্তু সেই কোমল হৃদয়ের স্নিগ্ধ মধুর ভাবটি আমার কাছে “ক্ষণে ক্ষণে তন্নবতানুপৈতি”।

শ্রীশ। আচ্ছা তিনি—আমি সেই নূপবালার কথা জিজ্ঞাসা করছি—

রসিক। সে আমি বেশ বুঝতেই পারছি।

শ্রীশ। তা তিনি—কি আর প্রশ্ন করব? তাঁর সম্বন্ধে যা হয় কিছু বলুন না—কাল কি বলেন, আজ সকালে কি করলেন যত সামান্ত হোক আপনি বলুন আমি শুনি।

রসিক।) শ্রীশের হাত ধরিয়া) বড় খুসি হনুম শ্রীশ বাবু আপনি ষথার্থ ভাবুক বটেন—আপনি তাঁকে কেবল চাকতের মধ্যে দেখে এটুকু কি করে ধরতে পারলেন যে তাঁর সম্বন্ধে তুচ্ছ কিছুই নেই। তিনি যদি বলেন, রসিক দা, ঐ কেরোসিনের বাতিটা একটুখানি উল্কে দাওত, আমার মনে হয় যেন একটা নতুন কথা শুনলেম—আদি কবির প্রথম অমৃষ্টপু ছন্দের মত। কি বলব শ্রীশ বাবু, আপনি শুনলে হয়ত হাসবেন, সে দিন ঘরে ঢুকে দেখি নূপবালা ছুঁচের মুখে স্তোত্র পরাচ্ছেন কোলের উপর বালিশের ওয়াড় পড়ে রয়েছে, আমার মনে হল এক আশ্চর্য্য দৃশ্য। কতবার কত দরজির দোকানের সামনে দিয়ে গেছি, কখনো যুগ ভুলে দেখিনি কিন্তু—

শ্রীশ। আচ্ছা রসিকবাবু, তিনি নিজের হাতে ঘরের সমস্ত কাজ করেন?

শৈলের প্রবেশ।

শৈল। রসিকদার সঙ্গে কি পরামর্শ করছেন?

রসিক। কছুই না, মিতান্ত্র সামান্ত কথা

নিয়ে আমাদের আলোচনা চলচে, যত দূর তুচ্ছ হতে পারে।

চন্দ্র। সভা অধিবেশনের সময় হয়েছে আর বিলম্ব করা উচিত হয় না। পূর্ণবাবু, কৃষি-বিজ্ঞানয় সম্বন্ধে আজ তুমি যে প্রস্তাব উপস্থাপন করবে বলেছিলে সেটা আরম্ভ কর।

পূর্ণ। (দণ্ডায়মান হইয়া ঘড়ির চেন নাড়িতে নাড়িতে) আজ—আজ—(কাশি)

রসিক। (পার্শ্বে বসিয়া মুহূষরে) আজ এই সভা—

পূর্ণ। আঃ এই সভা—

রসিক। যে নূতন সৌন্দর্য্য এবং গৌরব লাভ করিয়াছে—

পূর্ণ। যে নূতন সৌন্দর্য্য এবং গৌরব লাভ করিয়াছে—

রসিক। প্রথমে তাহারই জন্ত অভিনন্দন প্রকাশ না করিয়া থাকিতে পারিতেছি না।

পূর্ণ। প্রথমে তাহারই জন্ত অভিনন্দন প্রকাশ না করিয়া থাকিতে পারিতেছি না।

রসিক। (মুহূষরে) বলে যান পূর্ণবাবু!

পূর্ণ। তাহারই জন্ত অভিনন্দন প্রকাশ না করিয়া থাকিতে পারিতেছি না।

রসিক। ভয় কি পূর্ণবাবু বলে যান।

পূর্ণ। যে নূতন সৌন্দর্য্য এবং গৌরব— (কাশি) যে নূতন সৌন্দর্য্য (পুনরায় কাশি) অভিনন্দন—

রসিক। (উঠিয়া)—সভাপতিমশায়, আমার একটা নিবেদন আছে। আজ পূর্ণবাবু সকল সভ্যের পক্ষেই সভায় উপস্থিত হয়েছেন।

উনি অত্যন্ত অমৃষ, তথাপি উৎসাহ সম্বরণ করতে পারেন নি। আজ আমাদের সভায় প্রথম অরুণোদয়, তাই দেখবার জন্তে পাখী

প্রতুমোই নীড় পরিত্যাগ করে বেরিয়ে-ছেন—বিলু দেহ রুগ তাই পূর্ণহৃদয়ের

ছেন—বিলু দেহ রুগ তাই পূর্ণহৃদয়ের

আবেগ কণ্ঠে ব্যক্ত করিবার শক্তি নেই—
অতএব শুঁকে আজ আমাদের নিষ্কৃতি দান
করতে হবে। এবং আজ নব প্রভাতের
যে অরুণচ্ছটার স্তবগান করতে উনি উঠে-
ছিলেন তাঁর কাছেও এই অবরুদ্ধকণ্ঠ ভক্তের
হয়ে আমি মার্জনা প্রার্থনা করি। পূর্ণ-
বাবু, আজ বরঞ্চ আমাদের সভার কার্য বন্ধ
থাকে সেও ভাল তথাপি বর্তমান অবস্থায় আজ
আপনাকে কোন প্রস্তাব উত্থাপন করতে দিতে
পারিনে। সভাপতিমশায় ক্ষমা করবেন এবং
আমাদের সভাকে যিনি আপন প্রভা দ্বারা অল্প
সার্থকতা দান করতে এসেছেন ক্ষমা করা
স্বাদের স্বজাতিমূলভ করণ হৃদয়ের সহজ ধর্ম।

চন্দ্র। আমি জানি, কিছুকাল থেকে পূর্ণ-
বাবু ভাল নেই, এ অবস্থায় আমরা শুঁকে ক্লেস
দিতে পারি না। বিশেষতঃ অবলাকাস্তবাবু ঘরে
বসেই আমাদের সভার কাজ অনেকদূর অগ্রসর
করে দিয়েছেন। এপর্যন্ত ভারতবর্ষীয় কৃষি
সম্বন্ধে গবর্নেন্ট থেকে যতগুলি রিপোর্ট বাহির
হয়েছে সবগুলি আমি শুঁর কাছে দিয়েছিলাম
—তার থেকে উনি, জমিতে সার দেওয়া সম্ব-
ন্ধীয় অংশকুট সংক্ষেপে সংকলন করে রেখেছেন
—সেইটি অবলম্বন করে উনি সর্বসাধারণের
সুবোধ্য বাঙ্গালা ভাষায় একটি পুস্তিকা প্রণয়ন
করতেও প্রতিশ্রুত হয়েছেন! ইনি যেরূপ
উৎসাহ ও দক্ষতার সঙ্গে সভার কার্যে যোগ-
দান করেছেন সে জন্ত শুঁকে প্রচুর ধন্যবাদ
দিয়ে অদ্যকার সভা আগামী রবিবার পর্যন্ত
স্থগিত রাখা গেল। বিপিনবাবু, যুরোপীয়
ছাত্রগণের সকলের নিয়ম ও কার্যপ্রণালী
সংকলনের ভার নিয়েছিলেন এবং শ্রীশিবাবু
স্বৈচ্ছাকৃত দানের দ্বারা লণ্ডন নগরে যত বিচিত্র
লোক-হিতকর অনুষ্ঠান প্রবর্তিত হয়েছে তার
তালিকা সংগ্রহ ও তৎসম্বন্ধে একটি প্রবন্ধ

রচনায় প্রতিশ্রুত হয়েছিলেন, বোধ হয় এখনো
তা সমাধা করতে পারেন নি। আমি একটি
পরীক্ষায় প্রবৃত্ত আছি—সকলেই জানেন,
আমাদের দেশের গরুর গাড়ি এমন ভাবে
নির্মিত যে তার পিছনে ভার পড়লেই গাড়ি
উঠেপড়ে এবং গরুর গলায় ফাঁস বেগে যায়
আবার কোন কারণে গরু যদি পড়ে যায় তবে
বোঝাই মুক্ত গাড়ি তার ঘাড়ের উপর গিয়ে
পড়ে—এরই প্রতিকার করবার জন্তে আমি
উপায় উদ্ভাবনে ব্যস্ত আছি—কৃতকার্য হব বলে
আশা করি। আমরা মুখে গোজাতি সম্বন্ধে
দয়া প্রকাশ করি অথচ প্রত্যহ সেই গরুর সহস্র
অনাবশ্যক কষ্ট নিতান্ত উদাসীন ভাবে নিরী-
ক্ষণ করে থাকি—আমার কাছে এইরূপ মিথ্যা
ও শূণ্য ভাবুকের অপেক্ষা লজ্জাকর ব্যাপার
জগতে আর কিছুই নেই—আমাদের সভা
থেকে যদি এর কোন প্রতিকার করতে পারি
তবে আমাদের সভা ধন্য হবে। আমি রাঁত্রে
গাড়োয়ান পল্লীতে গিয়ে গোরুর অবস্থা সম্বন্ধে
আলোচনা করেছি—গোরুর প্রতি অনর্থক
অত্যাচার যে স্বার্থ ও ধর্ম উভয়ের বিরোধী
হিন্দু গাড়োয়ানদের তা বোঝান নিতান্ত কঠিন
বলে বোধ হয় না। এসম্বন্ধে আমি গাড়ো-
য়ানদের মধ্যে একটা পঞ্চায়েৎ করবার চেষ্টায়
প্রবৃত্ত আছি। শ্রীমতী নির্মলা আকস্মিক
অপঘাতের আশু চিকিৎসা এবং বোগীচর্য্যা
সম্বন্ধে রামরতন ডাক্তার মহাশয়ের কাছ থেকে
নিয়মিত উপদেশ লাভ করচেন—ভদ্র লোকদের
মধ্যে সেই শিক্ষা ব্যাপ্ত করবার জন্তে তিনি
হুই একটি অন্তঃপুরে গিয়ে শিক্ষাদানে নিযুক্ত
হয়েছেন। এইরূপে প্রত্যেক সভ্যের স্বতন্ত্র ও
বিশেষ চেষ্টায় আমাদের এই ক্ষুদ্র কুমার সভা
সাধারণের অজ্ঞাতমারে ক্রমশই বিচিত্র সম্ভ-

লতা লাভ করতে থাকবে এ বিষয়ে আমার
কোন সন্দেহ নাই।

শ্রীশ। ওহে বিপিন, আমার কাজ ত
আমি আরম্ভ করি নি।

বিপিন। আমারও ঠিক সেই অবস্থা।

শ্রীশ। কিন্তু করতে হবে।

বিপিন। আমাকেও করতে হবে।

শ্রীশ। কিছুদিন অন্ত সমস্ত আলোচনা
ত্যাগ না করলে চলবে না।

বিপিন। আমিও তাই ভাবাচ।

শ্রীশ। কিন্তু অবলাকাস্ত বাবুকে ধস্ত
বলতে হবে—উনি যে কখন আপনার কাজটি
করে যাচ্ছেন কিছু বোঝবার যো নেই।

বিপিন। তাই ত বড় আশ্চর্য্য! অথচ
মনে হয় যেন গুর অন্তমনস্ক হবার বিশেষ
কারণ আছে।

শ্রীশ। যাই গুর সঙ্গে একবার আলো-
চনা করে আসিগে।

(শৈলের নিকট গমন)

পূর্ণ। রসিকবাবু আপনাকে কি বলে
ধস্তবাদ জানাব?

রসিক। কিছু বলবেন না, আমি এমনি
বুঝে নেব। কিন্তু সকলে আমার মত নয়
পূর্ণবাবু—আন্ধাজে বুঝবে না, বলাকওয়ার
দরকার।

পূর্ণ। আপনি আমার অন্তরের কথা বুঝে
নিয়েছেন রসিকবাবু—আপনাকে পেয়ে আমি
বঁচে গেছি। আমার যা কথা তা মুখে উচ্চা-
রণ করতেও সঙ্কোচ বোধ হয়। আপনি
আমাকে পরামর্শ দিন কি করতে হবে।

রসিক। প্রথমে আপনি গুর কাছে গিয়ে
যা—হয় একটা কিছু কথা আরম্ভ করে দিন।

পূর্ণ। ঐ দেখুন না, অবলাকাস্তবাবু আবার
গুর কাছে গিয়ে বসেছেন—

রসিক। তা হোক না, তিনি ত গুরকে
চারিদিকে ঘিরে দাঁড়ান নি। অবলাকাস্তকে ত
বুহের মত ভেদ করে যেতে হবে না! আপ-
নিও এক পাশে গিয়ে দাঁড়ান না।

পূর্ণ। আচ্ছা আমি দেখি!

শৈল। (নির্মলায় প্রতি) আমাকে এত
করে বলবেন না—আপনি আমার চেয়ে ঢের
বেশী কাজ করছেন।—কিন্তু বেচারী পূর্ণবাবুর
জন্তে আমার বড় হুংপ হয়। আপনি
আসবেন বলেই উনি আজ বিশেষ উৎসাহ
করে এসেছিলেন—অথচ সেটা ব্যস্ত করতে
না পেরে উনি বোধ হয় অত্যন্ত বিমর্ষ হয়ে
পড়েছেন। আপনি যদি গুরকে—

নির্মলা। আপনাদের অন্তান্ত সভ্যদের
থেকে আমাকে একটু বিশেষভাবে পৃথক করে
দেখেন বলে আমি বড় সঙ্কোচ বোধ করি,—
আমাকে সভ্য বলে আপনাদের মধ্যে গণ্য
করবেন মহিলা বলে স্বতন্ত্র করবেন না।

শৈল। আপনি যে মহিলা হয়ে জন্মেছেন
সে স্ত্রীধাটুকু আমাদের সভা ছাড়তে পারেন
না। আপনি আমাদের সঙ্গে এক হয়ে গেলে
যত কাজ হবে, আমাদের থেকে স্বতন্ত্র হলে
তার চেয়ে বেশী কাজ হবে। যে লোক
গুণের দ্বারা নোকাকে অগ্রসর করে দেবে
তাকে নোকো থেকে কতকটা দূরে থাকতে
হবে। চলবাবু আমাদের নোকোর হাল
ধরে আছেন তিনিও আমাদের থেকে কিছু দূরে
এবং উচ্ছে আছেন, আপনাকে গুণের দ্বারা
আকর্ষণ করতে হবে স্তত্রাং আপনাকে পৃথক
থাকতে হবে। আমরা সব দাঁড়ির দলে বসে
গেছি।

নির্মলা। আপনাকেও কর্ম্ম এবং ভাবে
এঁদের সকলের থেকে পৃথক বোধ হয়। এক
দিন মাত্র দেখেই আমার দৃঢ় বিশ্বাস হচ্ছে এ

সভার মধ্যে আপনিই আমার প্রধান সহায় হবেন।

শৈল। সেত আমার সৌভাগ্য! এই যে! আসুন পূর্ণবাহু! আমরা আপনার কথাই বলছিলাম। বসুন।

শ্রীশ। অবলাকাস্তবাবু আসুন, আপনার সঙ্গে অনেক কথা বলবার আছে। (জনাস্তিকে লইয়া) আজ সভার পুরাতন সভ্য তিনটিকে আপনারা ছুজনে লজ্জা দিয়েছেন। তা ঠিক হয়েছে—পুরাতনের মধ্যে প্রাণসঞ্চার করবার জন্তই নৃতনের প্রয়োজন।

শৈল। আবার নতুন ঢালা কাঠে আগুন জালাবার জন্তে পুরাতন ধরা কাঠের দরকার।

শ্রীশ। আচ্ছা সে বিচার পরে হবে। কিন্তু আমার সেই রুমালটি? সেটি হরণ করে আমার পরকাল খুইয়েছি আবার রুমালটিও ধোয়াতে পারিনি! (পকেট হইতে বাহির করিয়া) এই আমি এক ডজন রেসমের রুমাল এনেছি, এই বদল করে নিতে হবে! এ যে তার উচিত মূল্য তা বলতে পারিনি—তার উপযুক্ত মূল্য দিতে গেলে চীন জাপান উজাড় করে দিতে হয়।

শৈল। মশায়, এছলনাটুকু বোঝবার মত বুদ্ধি বিধাতা আমাকে দিয়াছেন। এ উপহার আমার জন্তে আসেও নি—বীর রুমাল হরণ করেছেন আমাকে উপলক্ষ করে এগুলি—

শ্রীশ। অবলাকাস্ত বাবু, ভগবান্ বুদ্ধি আপনাকে যথেষ্ট দিয়াছেন দেখতে পাচ্ছি কিন্তু দয়ার ভাগটা কিছু যেন কম বোধ হচ্ছে—হতভাগ্যকে রুমালটি ফিরিয়ে দিলেই সেই কলঙ্ক টুকু একেবারে দূর হয়।

শৈল। আচ্ছা আমি দয়ার পরিচয় দিচ্ছি—কিন্তু আপনি সভার জন্ত যে প্রবন্ধ লিখতে প্রতিশ্রুত সেটা লিখে দেওয়া চাই।

শ্রীশ। নিশ্চয় দেব—রুমালটা কিংবে পেলেই কাজে মন দিতে পারব—তখন অল্প সন্ধান ছেড়ে কেবল সভ্যাস্থান করতে থাকব।

বিপিন। বুঝেছেন রসিক বাবু আমি তাঁর গানের নির্দোষ চাতুরী দেখে আশ্চর্য হয়ে গেছি। গান যে তৈরি করেছে তার কবিত্ব থাকতে পারে কিন্তু এই গানের নির্দোষ চেনে যে কবিত্ব প্রকাশ পেয়েছে তার মধ্যে তারি একটি সৌকুমার্য আছে।

রসিক। ঠিক বলেছেন—নির্দোষের ক্ষমতাইত ক্ষমতা! লতায় ফুলত; আপনি কোটে, কিন্তু যে লোক মালা গাঁথে নৈপুণ্য এবং সুরচিত তারি।

বিপিন। আপনার ও গানটা যেন আছে?

তরী আমার হঠাৎ ডুবে যায়
কোন পাথারে কোন পাথরের ঘায়!

নবীন তরী নতুন চলে,
দিইনি পাড়ি অগ্রাধ জলে,

বাহি তারে খেলার ছলে কিনার কিনারায়!

তরী আমার হঠাৎ ডুবে যায়!

ভেসে ছিল শ্রোতের ভরে

একা ছিলেম কর্ণ ধরে

লেগে ছিল পালের পরে মধুর মুহূ বায়।

স্বপ্নে ছিলেম আপন মনে,

মেঘ ছিল গগন কোণে;

লাগ্বে তরী কুম্বম বনে ছিলাম সে আশায়!

তরী আমার হঠাৎ ডুবে যায়!

রসিক। যাক্ ডুবে, কি বলেন বিপিন বাবু!

বিপিন। যাক্গে! কিন্তু কোথায় ডুবল তার একটু ঠিকানা রাখা চাই। আচ্ছা রসিক

বাবু, এ গানটা তিনি কেন খাতায় লিখে রাখলেন ?

রসিক। স্ত্রী হৃদয়ের রক্ত বিধাতা বোঝেন না এই রকম। একটা প্রবাদ আছে, রসিক বাবুত তুচ্ছ।

শ্রীশ। (নিকটে আসিয়া) বিপিন, তুমি চন্দ্র বাবুর কাছে একবার যাও। বাস্তবিক, আমাদের কর্তব্যে আমরা ঢিলে দিয়েছি—ওঁর সঙ্গে একটু আলোচনা করলে উনি খুসি হবেন

বিপিন। আচ্ছা। আসি রসিক বাবু (প্রস্থান)

শ্রীশ। হাঁ, আপনি সেই যে শেলাইয়ের কথা বলছিলেন—উনি বুঝি নিজের হাতে সমস্ত গৃহ কর্ত্ত্ব করেন ?

রসিক। সমস্তই।

শ্রীশ। আপনি বুঝি সে দিন গিয়ে দেখলেন তাঁর কোলে বালিশের ওয়াড়গুলো পড়ে রয়েছে আর তিনি—

রসিক। মাথা নীচু করে ছুচে হতো পরাচ্ছিলেন।

শ্রীশ। ছুচে হতো পরাচ্ছিলেন। তখন জান করে এসেছেন বুঝি ?

রসিক। বেলা তখন তিনটে হবে।

শ্রীশ। বেলা তিনটে। তিনি বুঝি তাঁর খাটের উপর বসে—

রসিক। না খাটে নয়— বারান্দার উপর মাতুর বিছিয়ে—

শ্রীশ। বারান্দায় মাতুর বিছিয়ে বসে ছুচে হতো পরাচ্ছিলেন—

রসিক। হাঁ ছুচে হতো পরাচ্ছিলেন। (স্বগত) আর ত পারা যায় না।

শ্রীশ। আমি যেন ছবির মত স্পষ্ট দেখতে পাচ্ছি—পা ছুটি ছড়ানো, মাথা নীচু, খোলা

চুল মুখের উপর এসে পড়েছে—বিকেল-বেলায় আলো—

বিপিন। (নিকটে আসিয়া) চন্দ্রবাবু তোমার সঙ্গে তোমার সেই প্রবন্ধটা সম্বন্ধে কথা কইতে চান। (শ্রীশের প্রস্থান) রসিক বাবু।

রসিক। (স্বগত) আর কত বক্বব ?

নির্মলা। (পূর্ণর প্রতি) আপনার শরীর আজ বুঝি তেমন ভাল নেই।

পূর্ণ। না, বেশ আছে—হাঁ, একটু ইয়ে হয়েছে বটে—বিশেষ কিছু নয়—তবু একটু ইয়ে বই কি—তেমন বেশ—(কাশি) আপনার শরীর বেশ ভাল আছে ?

নির্মলা। হাঁ।

পূর্ণ। আপনি—জিজ্ঞাসা করছিলুম যে আপনি—আপনি আপনার ইয়ে কি রকম বোধ হয় ঐ যে—মিল্টনে আরিয়ো প্যাজি-টিকা—ওটা কিনা আমাদের এম, এ, কোসে আছে ওটা আপনার বেশ ইয়ে বোধ হয় না ?

নির্মলা। আমি ওটা পাড়ানি।

পূর্ণ। পড়েন নি ? (নিস্তব্ধ) ইয়ে হয়েছে—আপনি—এবারে কি রকম গরম পড়েছে—আমি একবার রসিকবাবু—রসিকবাবুর সঙ্গে আমার একটু দরকার আছে। (নির্মলার নিকট হইতে প্রস্থান)

বিপিন। রসিকবাবু, আচ্ছা, আপনার কি মনে হয় ও গানটা তিনি বিশেষ কিছু মনে করে লিখেছেন।

রসিক। হতেও পারে ! আপনি আমাকে স্কন্ধ ধোঁকা লাগিয়ে দিলেন যে ! পূর্বে ওটা ভাবিনি।

বিপিন। "তরী আমার হঠাৎ ডুবে যায় কোন পাথরে কোন পাথরের ঘায় !"

আচ্ছা রসিক বাবু এখানে তরী বলতে ঠিক কি বোঝাচ্ছে ?

রসিক। হৃদয় বোঝাচ্ছে তার আর সন্দেহ নেই। তবে ঐ পাথরটা কোথায় আর পাষণটা কে সেইটেই ভাববার বিষয়।

পূর্ণ। (নিকটে আসিয়া) বিপিনবাবু, মাপ করবেন—রসিকবাবুর সঙ্গে আমার একটি কথা আছে—যদি—

বিপিন। বেশ, বলুন, আমি যাচ্ছি।

(প্রস্থান)

পূর্ণ। আমার মত নিকর্ষাধ জগতে নেই রসিক বাবু!

রসিক। আপনার চেয়ে ঢের নিকর্ষাধ আছে যারা নিজেকে বুদ্ধিমান বলে জানে—যথা আমি।

পূর্ণ। একটু নিরালা পাই যদি আপনার সঙ্গে অনেক কথা আছে, সভা ভেঙ্গে গেলে আজ রাতে একটু অবসর করতে পারেন ?

রসিক। বেশ কথা।

পূর্ণ। আজ দিব্য জ্যোৎস্না আছে গোল-দিঘির ধারে—কি বলেন ?

রসিক। (স্বগত) কি সর্কনাশ!

শ্রীশ। (নিকটে আসিয়া) ওঃ পূর্ণ বাবু কথা কছেন বুঝি। আচ্ছা এখন থাক। রাতে আপনার অবসর হবে রসিকবাবু ?

রসিক। তা হতে পারে।

শ্রীশ। তা হলে কালকের মত—কি বলেন ? কাল দেখলেন ত ধরের চেয়ে পথে জমে ভাল।

রসিক। জমে বৈ কি! (স্বগত) সর্দি জমে, কাশি জমে, গলার স্বর দইয়ের মত জমে যায় (শ্রীশের প্রস্থান)

পূর্ণ। আচ্ছা রসিকবাবু আপনি হলে কি বলে কথা আরম্ভ করতেন ?

রসিক। হয় ত বলতুম—সেদিন বেলুন উড়ে ছিল আপনাদের বাড়ির ছাত্ত থেকে দেখতে পেয়েছিলেন কি ?

পূর্ণ। তিনি যদি বলতেন হাঁ—

রসিক। আমি বলতুম, মনকে ওড়বার অধিকার দিয়াছেন বলেই ঈশ্বর মানুষের শরীরে পাখা দেন নি—শরীরকে বন্ধ রেখে বিধাতা মনের আগ্রহ কেবল বাড়িয়ে দিয়েছেন—

পূর্ণ। বুঝেছি রসিকবাবু—চমৎকার—এর থেকে অনেক কথার সৃষ্টি হতে পারে।

বিপিন। (নিকটে আসিয়া) পূর্ণবাবুর সঙ্গে কথা হচ্ছে। থাক তবে আমাদের সেই যে একটা কথা ছিল সেটা আজ রাতে হবে, কি বলেন ?

রসিক। সেই ভাল।

বিপিন। জ্যোৎস্নায় রাস্তায় বেড়াতে বেড়াতে দিব্যি আরামে কি বলেন ?

রসিক। খুব আরাম। (স্বগত) কিন্তু ব্যামোটা তার পূর্বে।

শৈল। (নির্মলার প্রতি) তা বেশ, আপনি যদি ইচ্ছা করেন আমিও ঐ বিষয়টার আলোচনা করে দেখব। ডাক্তারী আমি অল্প অল্প চর্চা করেছি—বেশী নয়—কিন্তু আমি যোগদান করলে আপনার যদি উৎসাহ হয় আমি প্রস্তুত আছি।

পূর্ণ। (নিকটে আসিয়া) সে দিন বেলুন উড়েছিল আপনি কি ছাদের উপর থেকে দেখতে পেয়েছিলেন ?

নির্মলা। বেলুন ?

পূর্ণ। হাঁ ঐ বেলুন (সকলে নিরুত্তর) রসিকবাবু বলছিলেন আপনি বোধ হয় দেখে থাকবেন—আমাকে মাপ করবেন—আপনা-

দের আলোচনার আমি ভুল দিলুম—আমি
অত্যন্ত হতভাগ্য !

একাদশ পরিচ্ছেদ ।

—০—

পূর্বেদিনে পুরবালা তাহার মাতার সহিত
কাশী হইতে ফিরিয়া আসিয়াছে ।

অক্ষয় কহিলেন, দেবি, যদি অভয় দাও ত
একটি প্রশ্ন আছে ।

পুরবালা । কি শুনি ।

অক্ষয় । শ্রীঅঙ্ক কৃশতার ত কোন লক্ষণ
দেখচিনে ।

পুরবালা । শ্রীঅঙ্ক ত কৃশ হবার জন্তে
পশ্চিমে বেড়াতে যায় নি ।

অক্ষয় । তবে কি বিরহবেদনা বলে
জিনিষটা মহাকবি কালিদাসের সঙ্গে সহমরণে
মরেচে ?

পুরবালা । তার প্রমাণ তুমি তোমারও
ত স্বাস্থ্যের বিশেষ ব্যাঘাত হয় নি দেখচি ।

অক্ষয় । হতে দিল কই ? তোমার তিন
ভগ্নী মিলে অহরহ আমার কৃশতা নিবারণ
করে রেখেছিল—বিরহ যে কাকে বলে সেটা
আর কোন মতেই বুঝতে দিলে না ।

(পিনু)

বিরহে মরিব বলে ছিল মনে পণ ।
কে তোরা বাহুতে ঝাঁপি করিলি বারণ ?
ভেবেছিহু অশ্রুজলে, ডুবিব অকুল তলে
কাহার সোণার তরী করিল তারণ ?
প্রিয়ে, কাশীধামে বুকি পঞ্চশর ত্রিলোচ-
নের ভয়ে এগোতে পারেন না ?

পুরবালা । তা হতে পারে—কিন্তু কল-
কাতায় তাঁর ত যাতায়াত আছে ।

অক্ষয় । তা আছে—কোম্পানীর শাসন
তিনি মানেন না, আমি তার প্রমাণ পেয়েছি ।
নৃপ ও নীরর প্রবেশ ।

নীর । দিদি !

অক্ষয় । এখন দিদি বই আর কথা নেই,
অক্লান্ত ! দিদি যখন বিচ্ছেদ দহনে উত্তরোত্তর
তপ্ত কাঞ্চনের মত শ্রী ধারণ করছিলেন তখন
তোমাদের ক'টকে স্মৃতিতল করে রেখেছিল
কে ?

নীর । শুনচ দিদি ! এমন যিথ্যে কথা !
তুমি যতদিন ছিলে না আমাদের একবার
ডেকেও জিজ্ঞাসা করেন নি—কেবল চিঠি
লিখেচেন আর টেবিলের উপর দুই পা তুলে
দিয়ে বই হাতে করে পড়েচেন । তুমি এসেছ
এখন আমাদের নিয়ে গান হবে, ঠাট্টা হবে,
দেখাবেন যেন—

নৃপ । দিদি, তুমিও ত ভাই এতদিন
আমাদের একখানিও চিঠি লেখনি ।

পুরবালা । আমার কি সময় ছিল ভাই ?
মাকে নিয়ে দিনরাত ব্যস্ত থাকতে হয়েছিল ।

অক্ষয় । যদি বলতে, তোদের ভগ্নীপতির
ধ্যানে নিমগ্ন ছিলাম তা হলে কি লোকে নিন্দে
করত ?

নীর । তা হলে ভগ্নীপতির আশ্রয়
আরো বেড়ে যেত । মুখ্যযোমশায়, তুমি
তোমার বাইরের ঘরে যাও না ! দিদি এতদিন
পরে এসেচেন আমরা কি ঙ্গকে নিয়ে একটু
গল্প করতে পাব না ?

অক্ষয় । নৃশংসে, বিরহদাবদধ তোর
দিদিকে আবার বিরহে জ্বালাতে চাসু ?
তোদের ভগ্নীপতিরূপ ঘনকৃষ্ণ মেঘ মিলনরূপ
মুঘল ধারাবর্ষণ দ্বারা প্রিয়ার চিত্তরূপ লতা-
নিকুঞ্জে আনন্দরূপ কিসলয়োদ্গম করে প্রেম-
রূপ বর্ষায় কটাক্ষরূপ বিদ্যুৎ—

নারী। এবং বকুনীরূপ ভেকের কলরব—
শৈলের প্রবেশ।

অক্ষয়। এস এস—উত্তমামধ্যমামা এই
তিন শ্রালী না হলে আমার—

নারী। উত্তম মধ্যম হয় না।

শৈল। (নূপ ও নীরর প্রতি) তোরা
ভাই একটু যা ত, আমাদের কথা আছে।

অক্ষয়। কথাটা কি বুঝতে পারচিস্ ত,
নীরু? হরিনাম কথা নয়।

নারী। আচ্ছা, তোমার আর বক্তে
হবে না!

(নূপ ও নীরর প্রস্থান)

শৈল। দিদি, নূপ নীরর জন্তে মা ছুটি
পার তা হলে স্থির করেছেন?

পুর। হাঁ, কথা একরকম ঠিক হয়ে গেছে।
গুনেছি ছেলে ছুটি মন্দ নয়—তারা মেয়ে দেখে
পছন্দ করলেই পাকাপাকি হয়ে যাবে।

শৈল। যদি পছন্দ না করে?

পুর। তা হলে তাদের অদৃষ্ট মন্দ।

অক্ষয়। এবং আমার শ্রালী ছুটির অদৃষ্ট
ভাল।

শৈল। নূপ নীরু যদি পছন্দ না করে?

অক্ষয়। তা হলে ওদের রুচির প্রশংসা
করব।

পুর। পছন্দ আবার না করবে কি?
তোদের সব বাড়াবাড়ি। স্বয়ম্বরার দিন গেছে।
মেয়েদের পছন্দ করবার দরকার হয় না—
স্বামীহলেই তাকে ভালবাসতে পারে।

অক্ষয়। নইলে তোমার বর্তমান ভগ্নী
পতির কি হৃদশাই হত শৈল?

জগন্নাথগীর প্রবেশ।

জগৎ। বাবা অক্ষয়, ছেলে ছুটিকে তা
হলেত খবর দিতে হয়। তারা ত আমাদের
বাড়ির ঠিকানা জানে না।

অক্ষয়। বেশ ত মা, রসিক দাদাকে
পাঠিয়ে দেওয়া যাক।

জগৎ। পোড়া কপাল! তোমার রসিক
দাদার যে রকম বুদ্ধি! তিনি কাকে আনতে
কাকে আনবেন ঠিক নেই!

অক্ষয়। তাতেই বা দোষ কি মা। যতক্ষণ
তারা তোমার জামাই না হতে ততক্ষণ এক
পাত্র ভুলে আর এক পাত্র আনতে ত ক্ষতি
দেখিনে।

পুর। আঃ তুমি কি বক তার ঠিক নেই।
তা মা, তুমি কিছু ভেবো না। ছেলে ছুটিকে
আনার ব্যবস্থা করে দেব।

জগৎ। মা পুরী, তুই একটু মনোযোগ
না করলে হবে না। আজকালকার ছেলে,
তাদের সঙ্গে কি রকম ব্যাভার করতে হয় না
হয় আমি কিছুই বুঝিনে।

অক্ষয়। (জনাস্তিকে) পুরীর হাতঘশ
আছে! পুরী তাঁর মার জন্তে যে জামাইটি
জুটিয়েছেন, পসার খুব বেড়ে গেছে! আজ
কালকার ছেলে কি করে বশ করতে হয়
সে বিস্তে—

পুর। (জনাস্তিকে) মশায় বুঝি আজ
কালকার ছেলে?

জগৎ। মা, তোমরা পরামর্শ কর, কায়েত
দিদি এসে বসে আছেন, আমি তাঁকে বিনাহ
করে আসি!

শৈল। মা, তুমি একটু বিবেচনা করে
দেখ—ছেলে ছুটিকে এখনো তোমরা কেউ
দেখনি, হঠাৎ—

জগৎ। বিবেচনা করতে করতে আমার
জন্ম শেষ হয়ে এল—আর বিবেচনা করতে
পারিনে—

অক্ষয়। বিবেচনা সময় মত এর পরে
করলেই হবে, এখন কাজটা আগে হয়ে যাক।

জগৎ। বলত বাবা, শৈলকে বুঝিয়ে
বলত ! (প্রস্থান)

পুর। মিথ্যে ভুই ভাব্‌ছিস্ শৈল,—মা যখন
মনস্থির করেচেন ঠুকে আর কেউ টলাতে
পারবে না। প্রজাপতির নিকর আমি মানি
ভাই—যার সঙ্গে যার হবার, হাজার বিবেচনা
করে মলেও, সে হবেই।

অক্ষয়। সে ত ঠিক কথা—নইলে যার
সঙ্গে যার হয়ে থাকে তার সঙ্গে না হয়ে আর
একজনের সঙ্গে হত। কিন্তু তা হ'লেও এপন-
কার সঙ্গে কিছুই তফাৎ হত না।

পুর। কি যে তর্ক কর, তোমার অর্ধেক
কথা বোঝাই যায় না।

অক্ষয়। তার কারণ আমি নিকোঁধ।

পুর। যাও এখন স্নান করিতে যাও,
মাথা ঠাণ্ডা করে এস গে !

(প্রস্থান)

রসিকের প্রবেশ।

শৈল। রসিক দাদা, শুনেছ ত সব ?
মুন্সিলে পড়া গেছে।

রসিক। মুন্সিল কিসের ? কুমার সজারও
কৌমাৰ্য্য রয়ে গেল নূপ নীকুও পার পেলে,
সব দিক রক্ষা হল।

শৈল। কোন দিক রক্ষা হয় নি।

রসিক। অন্ততঃ এই বুড়োর দিকটা রক্ষা
হয়েছে—ছোটো অর্ধাচীরের সঙ্গে মিশে
আমাকে রাত্রে রাখায় ঠাঁড়িয়ে শ্লোক আও-
ড়াতে হবে না।

শৈল। মুখ্যো মশায়, তুমি না হলে
রসিক দাদাকে কেউ শাসন করতে পারে না
—উনি আমাদের কথা মানেন না।

অক্ষয়। যে ব্যসে তোমাদের কথা বেদ-
বাক্য বলে মানতেন সে ব্যস পেয়েছে কি
না ভাই লোকটা বিদ্রোহ করতে সাহস করচে।

আচ্ছা আমি ঠিক করে দিচ্ছি। চল ত রসিক
দা, আমার বাইরের ঘরটাতে বসে তোমাক
নিয়ে পড়া যাক।

দ্বাদশ পরিচ্ছেদ।

গুস্তাফ আসীন। তানপুরা হস্তে বিপিন
অত্যন্ত বেহুয়া গলায় সা রে গা মা সাধিতে-
ছেন। ভৃত্য আসিয়া খবর দিল—একটি বাবু
এসেছেন।

বিপিন। বাবু ? কি রকম বাবু রে ?

ভৃত্য। বুড়ো লোকটি।

বিপিন। মাথায় টাক আছে ?

ভৃত্য। আছে।

বিপিন। (তানপুরা রাখিয়া) নিয়ে আয়
এখনি নিয়ে আয় ! ওরে তোমাক দিয়ে যা !
বেহারাটা কোথায় গেল, পাখা টানতে বলে
দে। আর দেখ চট করে গোটাকতক মিঠে
পানের দোনা কিনে আনত রে ! দেরি
করিসনে, আর, আধ সের বরফ নিয়ে আসিস,
বুঝেচিস, (পদশব্দ শুনিয়া) রসিক বাবু আসুন !

একটি বৃদ্ধ ভদ্রলোকের প্রবেশ।

বিপিন। রসিক বাবু—কে আপনি ?

বৃদ্ধ। আজ্ঞে, আমার নাম বনমালী
ভট্টাচার্য্য।

বিপিন। বনমালী ভট্টাচার্য্য ? কোন কাজ
আছে ?

বনমালী। কাজ বিশেষ নেই, আপনার
সঙ্গে একটু আলাপ করতে—

বিপিন। আপনার যদি কাজ না থাকে
আমার আছে—আপনি এখন যদি আর কারো
সঙ্গে আলাপ করিতে যান, আমি একটুখানি—

বনমালী। তবে আমার কাজের কথাটি চটপট শেষ করে যাই—

বিপিন। সেই ভাল।

বনমালী। কুমারটুলির নীলমাধব চৌধুরী মহাশয়ের ছুটি পরমাসুন্দরী কন্যা আছে— তাঁদের বিবাহ যোগ্য বয়স হয়েছে—

বিপিন। (রাগিয়া উঠিয়া) হয়েছে ত হয়েছে—আমার সঙ্গে তার সঙ্কট কি ?

বনমালী। মশায়, একটু মনোবোপ করলেই সঙ্কট হতে পারে—সে জন্তে আপনাকে কোন কষ্ট পেতে হবে না—আমি সমস্তই ঠিক করে দেব—

বিপিন। আপনার দয়া যথেষ্ট কিন্তু সে দয়া অপাত্রে অপব্যয় করচেন—

বনমালী। অপাত্র! বিলক্ষণ! আপনার মত সংপাত্র পাব কোথায়! আপনার বিনয় গুণে আরো মুগ্ধ হলেম!

বিপিন। কিন্তু আপনি যদি শীঘ্র ক্ষান্ত না হন তাহলে মুগ্ধভাব অধিকক্ষণ থাকবে না। বিনয় গুণ অধিক টান নয় না।

বনমালী। কস্তার বাপ যথেষ্ট টাকা দিতে সম্মত আছেন—

বিপিন। কস্তার বাপের যথেষ্ট টাকা যদি থাকে সংসারে ভিক্ষুকও যথেষ্ট আছে—আপনি শীঘ্র উঠুন।

বনমালী। যে আজ্ঞে, আপনি ব্যস্ত আছেন দেখছি—আর এক সময় আসুব এখন। (প্রস্থান)

বিপিন। (তানপুরা তুলিয়া লইয়া) সারে গা, বেগামা, গামাপা,—

শ্রীশের প্রবেশ।

শ্রীশ। কিহে বিপিন—একি ? কুস্তি ছেড়ে দিয়ে গান ধরেছ ?

বিপিন। (শিক্ষকের প্রতি) ওস্তাদজি

আজ ছুটি। কাল বিকেলে এস! (ওস্তাদের প্রস্থান) কি করব বল, গান না শিখলে ত তোমার সন্ন্যাসীদলে আমল পাওয়া যাবে না।

শ্রীশ। আচ্ছা, তুমি যে সারেগামা সাধতে কসেছ, কুমার সস্তার সেই লেখাটার হাত দিতে পেরেছ ?

বিপিন। না ভাই সেটাতে এখনো হাত দিতে পারিনি। তোমার লেখাটি হয়ে গেছে নাকি ?

শ্রীশ। না আমিও হাত দিইনি! (কিয়ৎক্ষণ চুপ করিয়া থাকিয়া) না ভাই ভারি অশ্রায় হচ্ছে। ক্রমেই আমরা আমাদের সঙ্কল থেকে যেন দূরে চলে যাচ্ছি।

বিপিন। অনেক সঙ্কল ব্যাঙাটির লাজের মত, পরিণতির সঙ্গে সঙ্গে আপনি অন্তর্দান করে। কিন্তু যদি লাজ টুকুই থেকে যেত, আর ব্যাঙা যেত শুকিয়ে, সে কি রকম হত ? এক সময়ে একটা সঙ্কল করেছিলেম বলেই যে সেই সঙ্কলের খাতিরে নিজেকে শুকিয়ে মারতে হবে আমি ত তার মানে বুঝিনে।

শ্রীশ। আমি বুঝি। অনেক সঙ্কল আছে যার কাছে নিজেকে শুকিয়ে মারাও শ্রেয়! অফলা গাছের মত আমাদের ডালে পালায় প্রতিদিন যেন অতিরিক্ত পরিমাণ রস সঞ্চায় হচ্ছে এবং সফলতার আশা প্রতিদিন যেন দূর হয়ে যাচ্ছে। আমি ভুল করেছিলুম ভাই বিপিন—সব বড় কাজেই তপস্বী চাই, নিজেকে নানা ভোগ থেকে বঞ্চিত না করলে, নানা দিক থেকে প্রত্যাহার করে না আনতে পারলে চিত্তকে কোন মহৎ কাজে সম্পূর্ণভাবে নিযুক্ত করা যায় না—এবার থেকে রসচর্চা একেবারে পরিত্যাগ করে কঠিন কাজে হাত দেব—এই রকম প্রতিজ্ঞা করেছি।

বিপিন। তোমার কথা মানি। কিন্তু সব

ভূগেহিত ধান ফলে না—শুকতে গেলে কেবল নাহক শুকিয়ে মরাই হবে ফল ফল্বে না। কিছু দিন থেকে আমার মনে হচ্ছে আমরা যে সঙ্কল্প গ্রহণ করেছি সে সঙ্কল্প আমাদের দ্বারা সফল হবে না—অতএব আমাদের স্বভাবসাধ্য অল্প কোন রকম পথ অবলম্বন করাই শ্রেয়।

শ্রীশ। এ কোন কাজের কথা নয়।
বিপিন, তোমার তথুরা ফেল—

বিপিন। আচ্ছা ফেলুম, তাতে পৃথিবীর কোন ক্ষতি হবে না।

শ্রীশ। চন্দ্র বাবুর বাসায় আমাদের সভা তুলে নিয়ে যাওয়া যাক—

বিপিন। উত্তম কথা।

শ্রীশ। আমরা হুজনে মিলে রসিক বাবুকে একটু সংযত করে বাখুব।

বিপিন। তিনি একলা আমাদের হুজনকে অসংযত করে না তোলেন।

দ্বিতীয় ভৃত্যের প্রবেশ।

ভৃত্য। একটি বুড়ো বাবু এসেছেন।

বিপিন। বুড়ো বাবু? জ্বালালে দেখছি!
বনমালী এসেছে!

শ্রীশ। বনমালী? সে যে এক বিবাহের প্রস্তাব নিয়ে আমার কাছেও এসেছিল!

বিপিন। আমাকেও সে গোড়ায় খুব সংপাত্র বলে ঠাওরেছিল, আশা করেছিলেম শেষাশেষি তার মতের পরিবর্তন হয়ে এসেছে, কিন্তু দেখছি এখনো আমাকে ভাল মানুষ বলে বিশ্বাস করে। ওরে, বুড়োকে বিদায় করে দে!

শ্রীশ। তুমি বিদায় করলে আবার আমার ঘাড়ের উপর গিয়ে পড়বে। তার চেয়ে ডেকে আনুক আমরা হুজনে মিলে বিদায় করে দিই।
(ভৃত্যের প্রতি) বুড়োকে নিয়ে আয়!

রসিকের প্রবেশ।

বিপিন। একি! এত বনমালী নয়, এয়ে রসিক বাবু!

রসিক। আজ্ঞে হাঁ,—আপনাদের আশ্চর্যা চেনবার শক্তি—আমি বনমালী নই। ধীর সমীরে যমুনা তীরে বসতি বনে বনমালী শ্রীশ। না রসিক বাবু, ও সব নয়, রসালাপ আমরা বন্ধ করে দিয়েছি!

রসিক। আঃ ঝাঁচিয়েছেন!

শ্রীশ। অল্প সকল প্রকার আলোচনা পরিত্যাগ করে এখন থেকে আমরা একান্ত মনে কুমার সভার কাজে লাগুব।

রসিক। আমারও সেই ইচ্ছে।

শ্রীশ। বনমালী বলে এক জন বুড়ো কুমারটুলির নীলমাধব চৌধুরীর দুই কন্ঠার সঙ্গে আমাদের বিবাহের প্রস্তাব নিয়ে উপস্থিত হয়েছিল আমরা তাকে সংক্ষেপে বিদায় করে দিয়েছি—এ সকল প্রসঙ্গও আমাদের কাছে অসঙ্গত বোধ হয়।

রসিক। আমার কাছেও ঠিক তাই। বনমালী যদি দুই বা ততোধিক কন্ঠার বিবাহের প্রস্তাব নিয়ে আমার কাছে উপস্থিত হতেন তবে বোধ হয় তাঁকে নিষ্ফল হয়ে ফিরতে হত!

বিপিন। রসিক বাবু কিছু জলযোগ করে যেতে হবে!

রসিক। না মশায়, আজ থাক। আপনাদের সঙ্গে দুটো একটা বিশেষ কথা ছিল কিন্তু কঠিন প্রতিজ্ঞার কথা শুনে সাহস হচ্ছে না।

বিপিন। (সাগ্রহে) না, না, তাই বলে কথা থাকতে বলবেন না কেন?

শ্রীশ। আমাদের যতটা ঠাওরাচ্ছেন ততটা ভয়ঙ্কর নই। কথাটা কি বিশেষ করে আমার সঙ্গে?

বিপিন। না, সে দিন যে রসিক বাবু

বলছিলেন আমারি সঙ্গে ঠুর ছোটো একটা আলোচনার বিষয় আছে ।

রসিক । কাজ নেই থাক্ !

শ্রীশ । বলেন ত আজ রাত্রে গোল-দিঘির ধারে—

রসিক । না শ্রীশ বাবু মাপ করবেন ।

শ্রীশ । বিপিন ভাই, তুমি একটু ও ঘরে যাও না, বোধ হয় তোমার সাক্ষাতে রসিক বাবু—

রসিক । না না দরকার কি—

বিপিন । তার চেয়ে রসিক বাবু, তেত-লার ঘরে চলুন—শ্রীশ এখানে একটু অপেক্ষা করবেন এখন !

রসিক । না আপনারা ছইজনেই বসুন—আমি উঠি ।

বিপিন । সে কি হয় ! কিছু খেয়ে যেতে হবে ।

শ্রীশ । না আপনাকে কিছুতেই ছাড়-চিনে ! সে হবে না ।

রসিক । তবে কথাটা বাল । নৃপবালা নীর বালার কথা ত পূর্কেই আপনারা শুনচেন—

শ্রীশ । শুনেছি বই কি—তা নৃপবালার সম্বন্ধে যদি কিছু—

বিপিন । নীরবালার কোন বিশেষ সংবাদ—

রসিক । তাঁদের ছজনের সম্বন্ধেই বিশেষ চিন্তার কারণ হয়ে পড়েছে ।

উভয়ে । অস্বপ্ন নয় ত ?

রসিক । তার চেয়ে বেশী । তাঁদের বিবাহের সম্বন্ধ—

শ্রীশ । বলেন কি রসিক বাবু ? বিবাহের ত কোন কথা শোনা যায় নি—

রসিক । কিছু না—হঠাৎ মা কাশী থেকে এসে ছোটো অকাল কুম্বাণ্ডের সঙ্গে মেয়ে ছটির বিবাহ স্থির করেছেন—

বিপিন । এ ত কিছুতেই হতে পারে না রসিক বাবু !

শ্রীশ । একি কখনো সম্ভব হয় ?

রসিক । এখন আপনারা সাহায্য না করলে মেয়ে ছটি নেহাৎ জলে পড়ে—

শ্রীশ । নিশ্চয় সাহায্য করব ।

বিপিন । কি করতে হবে বলুন !

রসিক । শুক্রবারে সেই ছেলে ছটি নৃপ নীরকে দেপ্তে আসবে—

শ্রীশ । দেখতে আসবে বলেন কি ?

বিপিন । আমি পথের মধ্যে তাদের আটকে রাখব ।

রসিক । তার দরকার হবে না—তাদের আমি সাম্মাতে পারব, সেই দিন আপনারা মেয়ে দেখতে যাবেন, মা মনে করবেন তারাই এসেছে—

শ্রীশ । খুব ভাল কথা !

বিপিন । এ ত আমাদের কর্তব্য কাজ ।

রসিক । সে দিনটা কোন প্রকারে ঠেকিয়ে রাখলে তার পরে আমরা যোগাড় জাগাড় করে ছটি ভাল পাত্র স্থির করতে পারব—আপনারাও একটু সন্ধান করে দেখবেন—

শ্রীশ । ভাল পাত্র পাওয়া ভারি শক্ত—

বিপিন । তাঁদের মত শিক্ষিত মেয়ের উপযুক্ত সন্ধান বোধে আজকালকার দিনে এমন ছেলে ক'টা পাওয়া যায় !

রসিক । সেই জন্তেই ত এতদিন অপেক্ষা করে অবশেষে এই ঘোর বিপদে পড়া গেছে । বিবাহের প্রসঙ্গ মাত্র আপনারদের কাছে অগ্রিয় অঞ্চ দেখুন আপনারদের স্বন্ধ—

বিপিন । সে জন্ত কিছুমাত্র সঙ্কোচ কর-বেন না রসিক বাবু—

শ্রীশ । আপনি যে আর কারো কাছে

না সিয়ে আমাদের কাছে এসেছেন এ কতে আপনাকে অন্তরের সঙ্গে ধন্যবাদ দিচ্ছি।

রসিক। আমি আর আপনাদের ধন্যবাদ দেব না! সেই কন্যা ছটির চিরজীবনের ধন্যবাদ আপনাদের পুরস্কৃত করবে।

বিপিন। ওরে পাখাটা টান।

শ্রীশ। রসিক বাবুর জন্যে যে জলখাবার আনা হবে বলেছিলে—

বিপিন। সে এল বলে! ততক্ষণ এক মাস বরফ দেওয়া জল খান—

শ্রীশ। জল কেন, লেমনেড আনিয়ে দাও না। (পকেট হইতে টিনের বাক্স বাহির করিয়া) এই নিন্ রসিক বাবু পান খান।

বিপিন। ওদিকে কি হাওয়া পাচ্ছেন? এই তাকিয়াটা নিন্ না।

শ্রীশ। আচ্ছা, রসিক বাবু, নূপবালা বুঝি খুব বিষণ্ণ হয়ে পড়েছেন—

বিপিন। নীরবালাও অবশ্য খুব—

রসিক। সে আর বলতে!

শ্রীশ। নূপবালা বুঝি কান্নাকাটি করছেন?

রসিক। আচ্ছা নীরবালা তাঁর মাকে কেন একটু ভাল করে বুঝিয়ে বলেন না—

রসিক। (স্বগত) ঐরে স্ক্র হ'ল? আমার লেমনেডে কাজ নাই! (প্রকাশ্যে) মার করবেন, আমার কিন্তু এখনি উঠতে হচ্ছে!

শ্রীশ। বলেন কি?

বিপিন। সে কি হয়?

রসিক। সেই ছেলে ছটোকে ভুল ঠিকানা দিয়ে আসতে হবে নইলে—

শ্রীশ। বুঝেছি, তা হলে এখনি যান।

বিপিন। তা হলে আর দেরি করবেন না!

--

ত্রয়োদশ পরিচ্ছেদ।

—:~:—

নির্মলা বাতায়নভূলে আসীন। চন্দ্রের প্রবেশ।

চন্দ্র। (স্বগত) বোচারা নির্মল বড় কঠিন ব্রত গ্রহণ করেছে। আমি দেখছি ক'দিন ধরে ও চিন্তায় নিমগ্ন হয়ে রয়েছে; স্ত্রীলোক, মনের উপর এতটা ভার কি সহ্য করতে পারবে? (প্রকাশ্যে) নির্মল!

নির্মলা। (চমকিয়া) কি মামা!

চন্দ্র। সেই লেখাটা নিয়ে বুঝি ভাবচ? আমার বোধ হয় অধিক না ভেবে মনকে দুই একদিন বিশ্রাম দিলে লেখার পক্ষে সুবিধা হতে পারে।

নির্মলা। (লজ্জিত হইয়া) আমি ঠিক ভাবছিলুম না মামা। আমার এতক্ষণ সেই লেখায় হাত দেওয়া উচিত ছিল, কিন্তু এই ক'দিন থেকে গরম পড়ে দক্ষিণে হওয়া দিতে আরম্ভ করেছে, কিছুতেই যেন মন বসাতে পারচিনে—ভারি অন্তায় হচ্ছে আজ আমি যেমন করে হোক—

চন্দ্র। না, না, জোর করে চেষ্টা কোরো না। আমার বোধ হয় নির্মল, বাড়িতে কেউ সঙ্গিনী নেই, নিতান্ত একলা কাজ করতে তোমার শ্রান্তি বোধ হয়। কাজে দুই এক-জনের সঙ্গ এবং সহায়তা না হলে—

নির্মলা। অবলাকান্ত বাবু আমাকে কতকটা সাহায্য করবেন বলেচেন—আমি তাঁকে রোগীশুক্রবা সঙ্কে সেই ইংরাজী বইটা দিয়েছি, তিনি একটা অধ্যায় আজ লিখে পাঠাবেন বলেচেন—বোধ হয় এখনি পাওয়া যাবে, ভাই আমি অপেক্ষা করে বসে আছি।

চন্দ্র। ঐ ছেলেটি বড় ভাল—

নির্মলা। খুব ভাল—চমৎকার—

চন্দ্র। এমন অধাবসায়, এমন কার্যা-
তৎপরতা-

নির্মলা। আর এমন সুন্দর নম্রস্বভাব!

চন্দ্র। ভাল প্রস্তাবমাত্রেই তাঁর উৎসাহ
দেখে আমি আশ্চর্য্য হয়েছি।

নির্মলা। তা ছাড়া, তাঁকে দেখ্বামাত্র
তাঁর মনের মাধুর্য্য মুখে এবং চেহারায় কেমন
স্পষ্ট বোঝা যায়।

চন্দ্র। এত অল্পকালের মধ্যেই যে কারো
প্রতি এত গভীর স্নেহ জন্মতে পারে তা আমি
কখনো মনে করিনি—আমার ইচ্ছা করে ঐ
ছেলেটিকে নিজের কাছে রেখে ওর সকল
প্রকার লেখাপড়ার এবং কাজে সহায়তা করি!

নির্মলা। তা হলে আমারও ভারি
উপকার হয়, অনেক কাজ করতে পারি!
আচ্ছা এ রকম প্রস্তাব করে একবার দেখাই
না।—ঐ যে বেহারা আসূচে। বোধ হয়
তিনি লেখাটা পাঠিয়ে দিয়েছেন। রামদীন,
চিঠি আছে? এইদিকে নিয়ে আস। (বেহারার
প্রবেশ ও চন্দ্রবাবুর হাতে চিঠি প্রদান) মামা,
সেই প্রবেশটা নিশ্চয় তিনি আমাকে পাঠিয়ে-
ছেন, ওটা আমাকে দাও!

চন্দ্র। না কেনি, এটা আমার চিঠি।

নির্মলা। তোমার চিঠি! অবলাকান্ত বাবু
বাবু তোমাকেই লিখেছেন? কি লিখেছেন?

চন্দ্র। না, এটা পূর্ণর লেখা।

নির্মলা। পূর্ণবাবুর লেখা? ওঃ।

চন্দ্র। পূর্ণ লিখেছেন—“গুরুদেব আপনার
চরিত্র মহৎ, মনের বল অসামান্য; আপনার
মত বলিষ্ঠ প্রকৃতি লোকেই মানুষের দুর্ভাগ্য
ক্ষমার চক্ষে দেখিতে পারেন ইহাই মনে করিয়া
অন্ত এই চিঠিখানি আপনাকে লিপিতে সাহসী
হইতেছি।”

নির্মলা। হয়েছে কি? বোধ হয় পূর্ণ
বাবু চিরকুমার সভা ছেড়ে দেবেন তাই এত
ভূমিকা করছেন। লক্ষ্য করে দেখেছ বোধ
হয় পূর্ণ বাবু আজ কাল কুমার সভার কোন
কাজই করে উঠতে পারেন না।

চন্দ্র। “দেব, আপনি যে আদর্শ গ্রামাদের
সম্মুখে ধরিয়েছেন তাহা অত্যাচ্ছ, যে উদ্দেশ্য
আমাদের মস্তকে স্থাপন করিয়েছেন তাহা
গুরুভার—সে আদর্শ এবং সেই উদ্দেশ্যের
প্রতি এক মুহূর্তের জন্ত ভক্তিঘ্ন অর্থাৎ হয়
নাই কিন্তু মাঝে মাঝে শক্তির দৈন্ত অনুভব
করিয়া থাকি তাহা শ্রীচরণ সমীপে সর্বিনয়ে
স্বীকার করিতেছি।

নির্মলা। আমার বোধ হয়, সকল বড়
কাজেই মানুষ মাঝে মাঝে আপনার অক্ষমতা
অনুভব করে হতাশ হয়ে পড়ে—শান্ত মন এক
একবার বিক্ষিপ্ত হয়ে যায়, কিন্তু সে কি বরাবর
থাকে?

চন্দ্র। “সভা হইতে গৃহে ফিরিয়া আসিয়া
যখন কার্য্যে হাত দিতে যাই, তখন সহসা
নিজকে একক মনে হয়, উৎসাহ যেন আশ্রয়-
হীন লতার মত স্তম্ভিত হইয়া পড়িতে চাহে।”
নির্মলা আমরা ত ঠিক এই কথাই বলুছিলাম।

নির্মলা। পূর্ণবাবু যা লিখেছেন সেটা
সত্য—মানুষের সঙ্গ না হলে কেবলমাত্র সঙ্কল্প
নিয়ে উৎসাহ জাগিয়ে রাখা শক্ত।

চন্দ্র। “আমার ধৃষ্টতা মার্জনা করিবেন,
কিন্তু অনেক চিন্তা করিয়া একথা স্থির বুঝিয়াছি,
কুমারব্রত সাধারণ লোকের জন্ত নহে,—
তাহাতে বল দান করেনা, বল হরণ করে। স্ত্রী
পুরুষ পরস্পরের দক্ষিণ হস্ত—তাহারা মিলিত
থাকিলে তবেই সম্পূর্ণরূপে সংসারের সকল
কাজের উপযোগী হইতে পারে।” তোমার
কি মনে হয় নির্মলা? (নির্মলা নিরুত্তর)

অক্ষয়বাবুও এই কথা নিয়ে সে দিন আমার সঙ্গে তর্ক করছিলেন, তাঁর অনেক কথার উত্তর দিতে পারি !

নির্মলা । তা হতে পারে। বোধ হয় কথাটার মধ্যে অনেকটা সত্য আছে।

চন্দ্র । “গৃহস্থসন্তানকে সন্ন্যাসধর্মে দীক্ষিত না করিয়া গৃহাশ্রমকে উন্নত আদর্শে গঠিত করাই আমার মতে শ্রেষ্ঠ কর্তব্য।”

নির্মলা । এ কথাটা কিন্তু পূর্ণবাবু বেশ বলেছেন।

চন্দ্র । আমিও কিছুদিন থেকে মনে করছিলাম কুমারব্রত গ্রহণের নিয়ম উঠিয়ে দেব।

নির্মলা । আমারও বোধ হয় উঠিয়ে দিলে মন্দ হয় না, কি বল মামা? অল্প কেউ কি আপত্তি করবেন? অবলাকান্তবাবু, শ্রীশবাবু—

চন্দ্র । আপত্তির কোন কারণ নেই।

নির্মলা । তবু একবার অবলাকান্ত বাবুদের মত নিয়ে দেখা উচিত।

চন্দ্র । মত ত নিতেই হবে।—(পত্রপাঠ)
“এ পর্য্যন্ত যাহা লিখিলাম সহজে লিখিয়াছি, এখন যাহা বলিতে চাহি তাহা লিখিতে কলম সরিতেছে না।”

নির্মলা । মামা, পূর্ণবাবু হয়ত কোন গোপনীয় কথা লিখছেন, তুমি চেষ্টা করে পড় কেন?

চন্দ্র । ঠিক বলেছ ফেনি। (আপন মনে পাঠ) কি আশ্চর্য্য! আমি কি সকল বিষয়েই অন্ধ! এত দিন ত আমি কিছুই বুঝতে পারি নি! নির্মল, পূর্ণ বাবুর কোন ব্যবহার কি কখনো তোমার কাছে—

নির্মলা । হাঁ, পূর্ণ বাবুর ব্যবহার আমার কাছে মাঝে মাঝে অত্যন্ত নিকোঁথের যত ঠেকেছিল।

চন্দ্র । অথচ পূর্ণবাবু খুব বুদ্ধিমান।

তাহলে তোমাকে খুলে বলি—পূর্ণবাবু বিবাহের প্রস্তাব করে পাঠিয়েছেন—

নির্মলা । তুমি ত তাঁর অভিভাবক নও—তোমার কাছে প্রস্তাব—

চন্দ্র । আমি যে তোমার অভিভাবক—এই পড়ে দেখ।

নির্মলা । (পত্র পড়িয়া রক্তিম মুখে) এ হতেই পারে না।

চন্দ্র । আমি তাকে কি বলব?

নির্মলা । বোলো, কোন মতে হতেই পারে না।

চন্দ্র । কেন নির্মল, তুমি ত বলাঁছলে কুমার ব্রত পালনের নিয়ম সভা থেকে উঠিয়ে দিতে তোমার আপত্তি নেই।

নির্মলা । তাই বলেই কি যে প্রস্তাব করবে তাকেই—

চন্দ্র । পূর্ণ বাবু ত যে সে নয়, অমন ভাল ছেলে—

নির্মলা । মামা, তুমি এসব বিষয়ে কিছুই বোঝ না, তোমাকে বোঝাতে পারবও না—আমার কাজ আছে। (প্রস্থানোত্তম) মামা, তোমার পকেটে গুটা কি উঁচু হয়ে আছে?

চন্দ্র । (চমকিয়া উঠিয়া) হাঁ হাঁ ভুলে গিয়েছিলেম—বেহারা আজ সকালে তোমার নাম লেখা একটা কাগজ আমাকে দিয়ে গেছে—

নির্মলা । (তাড়াতাড়ি কাগজ লইয়া) দেখ দেখি মামা, কি অন্ডায়, অবলাকান্ত বাবুর লেখাটা সকালেই এসেছে আমাকে দাওনি? আমি ভাবছিলাম তিনি হয়ত ভুলেই গেছেন—ভারি অন্ডায়!

চন্দ্র । অন্ডায় হয়েছে বটে। কিন্তু এর চেয়ে চেবাবেশী অন্ডায় তুল আমি প্রতিদিনই করে

থাকি ফেনি—তুমিই ত আমাকে প্রত্যেকবার সহাস্যে মাপ করে প্রশ্রয় দিয়েছ ।

নির্মলা । না, ঠিক অশ্রায় নয়—আমিই অবলাকান্ত বাবুর প্রতি মনে মনে অশ্রায় করছিলাম, ভাবছিলাম—এই যে রসিকবাবু আসছেন। আহুন রসিক বাবু, মামা এই-খানেই আছেন ।

রসিকের প্রবেশ ।

চন্দ্র । এই যে রসিকবাবু এসেছেন ভালই হয়েছে ।

রসিক । আমার আসাতেই যদি ভাল হয় চন্দ্রবাবু তাহলে আপনাদের পক্ষে ভাল অত্যন্ত সুলভ । যখন বলবেন তখন আসব, নাবল্লোও আসতে রাজি আছি ।

চন্দ্র । আমরা মনে করছি আমাদের সভা থেকে চিরকুমার ব্রতের নিয়মটা উঠিয়ে দেব—আপনি কি পরামর্শ দেন ?

রসিক । আমি খুব নিঃস্বার্থভাবেই পরামর্শ দিতে পারিব, কারণ, এ ব্রত রাখুন বা উঠিয়ে দিন আমার পক্ষে দুই সমান । আমার পরামর্শ এই যে উঠিয়ে দিন, নইলে সে কোন দিন আপনিই উঠে যাবে । আমাদের পাড়ার রামহারি মাতাল রাস্তার মাঝখানে এসে সকলকে ডেকে বলেছিল, বাবাসকল, আমি স্থির করেছি এইখানটাতেই আমি পড়ব । স্থির না করলেও সে পড়ত, অতএব স্থির করাটাই তার পক্ষে ভাল হয়েছিল !

চন্দ্র । ঠিক বলেছেন রসিকবাবু, যে জিনিষ বলপূর্বক আসবেই তাকে বল প্রকাশ করতে না দিয়ে আসতে দেওয়াই ভাল । আসতে রবিবারের পূর্বেই এই প্রস্তাবটা সকলের কাছে একবার তুলতে চাই ।

রসিক । আচ্ছা শুক্রবারের সন্ধ্যাবেলায়

আপনারা আমাদের ওখানে যাবেন আমা সকলকে সংবাদ দিয়ে আনাব ।

চন্দ্র । রসিকবাবু, আপনার যদি সময় থাকে তা হলে আমাদের দেশে গোজাতির উন্নতি সম্বন্ধে একটা প্রস্তাব আপনাকে—

রসিক । বিষয়টা শুনে খুব ওৎসুক্য জন্মাচ্ছে, কিন্তু সময় খুব যে বেশী—

নির্মলা । না রসিকবাবু, আপনি ৩ ঘরে চলুন, আপনার সঙ্গে অনেক কথা করার আছে । মামা, তোমার লেখাটা শেষ কর, আমরা থাকলে ব্যাঘাত হবে ।

রসিক । তা হলে চলুন ।

নির্মলা । (চলিতে চলিতে) অবলাকান্ত বাবু আমাকে তাঁর সেই সেই লেখাটা পাঠিয়ে দিয়েছেন—আমার অনুরোধ যে তিনি মনে করে রেখেছিলেন সে জন্তে আপনি তাঁকে আমার ধন্যবাদ জানাবেন !

রসিক । ধন্যবাদ না পেলেও আপনার অনুরোধ রক্ষা করেই তিনি কৃতার্থ ।

চতুর্দশ পরিচ্ছেদ ।

অগস্ত্যারিণী । বাবা অক্ষয় ! দেখত, মেয়ে-দের নিয়ে আমি কি কিরি ! নেপ বসে বসে কাঁদচে, নীর বেগে অস্থির, সে বলে সে কোন মতেই ষেবে না । ভুল্লোকের ছেলেরা আজ এখন আসবে, তাদের এখন কি বলে ফেরাবে ! তুমিই বাপু ওদের শিখিয়ে পড়িয়ে বিবি করে তুলেছ এখন তুমিই ওদের সামলাও !

পূর্ববাসী । সত্যি, আমিও ওদের রক্ষা দেখে অবাধ হয়ে গেছি ওরা কি মনে করেছে ওয়া—

অক্ষয়। বোধ হয় আমাকে ছাড়া আর কাউকে ওরা পছন্দ করতে না ; তোমারই সহ-দরা কিনা, কচিটা তোমারি মত !

পুরবালা। ঠাট্টা রাখ, এখন ঠাট্টার সময় নয়—তুমি ওদের একটু বুঝিয়ে বলবে কি না বল ! তুমি না বললে ওরা শুনবে না !

অক্ষয়। এত অনুগত ! এ'কেই বলে ভয়ী-পতিব্রতা শালী ! আচ্ছা আমার কাছে এক ষায় পাঠিয়ে দাও,—দেখি ! (ভগ্নভাবিণী ও পুরবালার প্রবেশ)

নূপ ও নীরর প্রবেশ ।

নীর। না, মুখ্যোমশায়, সে কোনমতেই হবে না !

নূপ। মুখ্যোমশায় তোমার ছুটি পায়ে পড়ি আমাদের ষায় তার সামনে ও রকম করে বের করো না !

অক্ষয়। কাসির হুকুম হলে একজন বলেছিল, আমাকে বেশী উঁচুতে চড়িয়ে না আমার মাথাঘোরা ব্যামো আছে ! তোদের যে তাই হল ! বিয়ে করতে যাচ্চিস এখন দেখা নিতে লজ্জা করলে চলবে কেন ?

নীর। কে বলে আমরা বিয়ে করতে যাচ্ছি ?

অক্ষয়। অহো, শরীরে পুলক সঞ্চার হচ্ছে ।—কিন্তু কখন দুর্বল এবং দৈব বলবান, যদি দৈবাৎ প্রতিজ্ঞা ভঙ্গ করতে হয়—

নীর। না ভঙ্গ হবে না !

অক্ষয়। হবে না ত ? তবে নির্ভয়ে এস ; ঘুরক ছোটোকে দেখা দিয়ে আধপোড়া করে ছেড়ে দাও—হতভাগারা বাসায় ফিরে গিয়ে মরে থাকুক !

নীর। অকারণে প্রাণী হত্যা করবার জন্তে আমাদের এত উৎসাহ নেই !

অক্ষয়। জীবের প্রতি কি দয়া ! কিন্তু

শাস্ত্র ব্যাপার নিয়ে গৃহবিচ্ছেদ করবার দরকার কি ? তোদের মা দিদি ষখন ধরে পড়েচেন এবং ভদ্রলোক ছাট ষখন গাড়িভাড়া করে আসচে তখন একবার মিনিট পাঁচেকের মত দেখা দিস, তারপরে আমি আছি—তোদের অনিচ্ছায় কোনমতেই বিবাহ দিতে দেব না !

নীর। কোনমতেই না ?

অক্ষয়। কোনমতেই না !

পুরবালার প্রবেশ ।

পুর। আয়, তোদের সাজিয়ে দিইগে !

নীর। আমরা সাজব না !

পুর। ভদ্রলোকের সামনে এই রকম বেশেই বেরোবি ? লজ্জা করবে না ?

নীর। লজ্জা করবে বৈ কি দিদি—কিন্তু সেজে বেরতে আরো বেশী লজ্জা করবে !

অক্ষয়। উমা তপস্বিনী বেশে মহাদেবের মনোহরণ করেছিলেন ; শকুন্তলা ষখন দ্রুপদের হৃদয় জয় করেছিল তখন তার পায়ে একখানি বাকল ছিল, কালিদাস বলেন সেও কিছু আট হয়ে পড়েছিল, তোমার বোনেরা সেই সব পড়ে সেয়ানা হয়ে উঠেছে সাজতে চায় না !

পুর। সে সব হল সত্যযুগের কথা ! কলিকালের দ্রুপদ মহারাজারা সাজসজ্জাতেই ভোলেন !

অক্ষয়। ষথা—

পুর। ষথা তুমি। ষেদিন তুমি দেখতে এলে মা বুঝি আমাকে সাজিয়ে দেন নি ?

অক্ষয়। আমি মনে মনে ভাবলেম, সাজেও ষখন একে সেজেছে তখন সৌন্দর্য্যে না জানি কত শোভা হবে !

পুর। আচ্ছা তুমি থাম, নীর আয় !

নীর। না ভাই দিদি—

পুর। আচ্ছা, সাজ নাই করলি চুল ত বাঁধতে হবে !

অক্ষয় । (গান) অলকে কুসুম না দিয়ে,
 শুধু, শিথিল কবরী বাধিয়ে !
 বাঁজলবিহীন সজল নয়নে
 হৃদয়হুয়ারে যা দিয়ে !
 আকুল আঁচলে পাঁখকচরণে
 মরণের ফাঁদ কাঁদিয়ে !
 না করিয়া বাণ মনে যাহা সাধ
 নিদম্বা নীরবে সাধিয়ে !

পুর । তুমি আবার গান ধরলে ? আমি
 কখন কি করি বল দেখি ? তাদের আসবার
 সময় হল—এখনো আমার খাবার তৈরি করা
 বাক আছে । (নৃপ নীরুকে লইয়া প্রস্থান)
 রসিকের প্রবেশ ।

অক্ষয় । পিতামহ ভীষ্ম, যুদ্ধের সমস্তই
 প্রস্তুত ?
 রসিক । সমস্তই । বীর পুরুষ ছুটিও
 সমাগত ।

অক্ষয় । এখন কেবল দিব্যাস্ত্র ছুটি সাজতে
 গেছেন । তুমি তাহলে সেনাপতির ভার গ্রহণ
 কর, আমি একটু অন্তরালে থাকতে ইচ্ছা করি ।

রসিক । আমিও প্রথমটা একটু আড়াল
 হই ! (উভয়ের প্রস্থান)

শ্রীশ ও বিপিনের প্রবেশ ।

শ্রীশ । বিপিন, তুমি ত আজকাল সঙ্গীত
 বিজ্ঞার উপর চীৎকার শব্দে ডাকাটী আরম্ভ
 করেছ—কিন্তু আদায় করতে পারলে ?

বিপিন । কিছু না ! সঙ্গীতবিজ্ঞার দ্বারে
 সপ্তস্বর অনবরত পাহারা দিচ্ছে, সেখানে কি
 আমার ঢোকবার ঘো আছে ? কিন্তু এ প্রশ্ন
 কেন তোমার মনে উদয় হল ?

শ্রীশ । আজকাল মাঝে মাঝে কাবতায়
 সুর বসাতে ইচ্ছে বেরে ! সে দিন বইয়ে
 পড়ছিলাম—

কেন সারাদিন ধীরে ধীরে
 বালু নিয়ে শুধু খেল তীরে !
 চলে যায় বেলা, রেখে মিছে খেলা
 ঝাঁপ দিয়ে পড় কালো নীরে ।
 অকুল ছানিয়ে যা' পাসু তা' নিয়ে
 হেসে কেঁদে চল ঘরে ফিরে !
 মনে হচ্ছিল এর সুরটা যেন জানি কিন্তু
 গাথার ঘো নেই !

বিপিন । জিনিষটা মন্দ নয় হে—
 তোমার কবি লেখে ভাল ! ওহে ওর পরে !
 আর কিছু নেই ? যদি শুরু করলেত শেষ কর !!
 শ্রীশ ।

নাহি জানি মনে কি বাসিয়া
 পথে বসে আছে কে আসিয়া !
 যে ফুলের বাসে অলস বাতাসে
 হৃদয় দিতেছে উদাসিয়া,
 যেতে হয় যদি চল নিরবধি
 সেই ফুলবন তলাসিয়া ।

বিপিন । বাঃ বেশ ! কিন্তু শ্রীশ, শেলের
 কাছে তুমি কি পুঞ্জ বেড়াচ্ছ ?

শ্রীশ । সেই যে সে দিন যে বইটাতে
 ছুটি নাম লেখা দেখেছিলাম, সেইটে—

বিপিন । না ভাই, আজ ওসব নয় !
 শ্রীশ । কি সব নয় ?

বিপিন । তাঁদের কথা নিয়ে কোন রকম—
 শ্রীশ । কি আশ্চর্য্য বিপিন ! তাঁদের কথা
 নিয়ে আমি কি এমন কোন আলোচনা করতে
 পারি যাতে—

বিপিন । রাগ কোরো না ভাই—আমি
 নিজের সখকেই বলচি, এই ঘরেই আমি
 অনেক সময় রসিক বাবুর সঙ্গে তাঁদের বিষয়ে
 যে ভাবে আলাপ করেছি আজ সে ভাবে
 কোন কথা উচ্চারণ করতেও সঙ্কোচ বোধ
 হচ্ছে—ব্যতীত—

শ্রীশ। কেন বুঝচনা? আমি কেবল একখানি বই খুলে দেখবার ইচ্ছে করেছিলুম মাত্র—একটি কথাও উচ্চারণ করতুম না।

বিপিন। না, আজ তাও না। আজ তাঁরা আমাদের সম্মুখে বেরবেন আজ আমরা যেন তার যোগ্য থাকতে পারি!

শ্রীশ। বিপিন তোমার সঙ্গে—

বিপিন। না ভাই আমার সঙ্গে তর্ক কোরোনা, আমি হারলুম—কিন্তু বইটা রাখ।

রসিকের প্রবেশ।

রসিক। এই যে, আপনারা এসে একলা বসে আছেন—কিছু মনে করবেন না—

শ্রীশ। কিছু না। এই ঘরটি আমাদের সাদর সম্ভাষণ করে নিয়েছিল।

রসিক। আপনাদের কত কষ্টই দেওয়া গেল।

শ্রীশ। কষ্ট আর দিতে পারলেন কই? একটা কষ্টের মত কষ্ট স্বীকার করবার সুযোগ পেলে কৃতার্থ হতুম।

রসিক। যা হোক, অল্পকালের মধ্যেই চুকে যাবে এই এক সুবিধে তার পরেই আপনারা স্বাধীন। ভেবে দেখুন দেখি যদি এটা সত্য-কার ব্যাপার হত তাহলেই পরিণামে বন্ধন-ভয়ং! বিবাহ জিনিষটা মিষ্টান্ন দিয়েই শুরু হয় কিন্তু সকল সময় মধুরেণ সমাপ্ত হয় না। আচ্ছা আজ আপনারা ঠাণ্ডিত ভাবে এ রকম চূপচাপ করে বসে আছেন কেন বলুন দেখি। আমি বলুচি আপনাদের কোন ভয় নেই। আপনারা বনের বিহঙ্গ, ছাট খানি সন্দেশ খেয়েই আবার বনে উড়ে যাবেন, কেউ আপনাদের বাঁধবে না। নাত্র ব্যধশরাঃ পতন্তি পারতো, নৈবাত্ত—দাবানলের পরিবর্তে ডাবের জল পাবেন!

শ্রীশ। আমাদের সে দুঃখ নয় রসিকবাবু! আমরা ভাবছি, আমাদের দ্বারা কতটুকু উপ-

কারই বা হচ্ছে! ভবিষ্যতের সমস্ত আশঙ্কা ত দূর করতে পারচিনে!

রসিক। বিলক্ষণ। যা করচেন তাতে আপনারা দুটি অবলাকে চিরকৃতজ্ঞতাপাশে বন্ধ করচেন—অথচ নিজেরা কোন প্রকার পাশেই বন্ধ হচ্ছেন না! (নেপথ্যে মুহূষরে জগত্তারিণী) আঃ নেপ, কি ছেলে মানুষী করচিস্! শীগগির চোখের জল মুছে ঘরের মধ্যে যা! লক্ষ্মী মা আমার—কেঁদে চোখ লাল করলে কি রকম ছিরি হবে ভেবে দেখ দেখি!—নীরো যা' না! তোদের সঙ্গে আর পারিনে বাপু! ভদ্রলোকদের কতক্ষণ বসিয়ে রাখবি? কি মনে করবেন?

শ্রীশ। ঐ শুন্চেন, রসিক বাবু, এ অসহ! এর চেয়ে রাজপুতদের কতাহত্যা ভাল।

বিপিন। রসিকবাবু, এঁদের এই সঙ্কট থেকে সম্পূর্ণ রক্ষা করবার জন্তে আপনি আমাদের যা বলবেন আমরা তাতেই প্রস্তুত আছি!

রসিক। কিছু না, আপনাদের আর অধিক কষ্ট দেব না। কেবল আজকের দিনটা উত্তীর্ণ করে দিয়ে যান—তার পরে আপনাদের আর কিছুই ভাবতে হবে না!

শ্রীশ। ভাবতে হবে না? কি বলেন রসিক বাবু! আমরা কি পাষণ? আজ থেকেই আমরা বিশেষরূপে এদের জন্তে ভাববার অধিকার পাব।

বিপিন। এমন ঘটনার পর আমরা যদি এদের সম্বন্ধে উদাসীন হই তবে আমরা কাপুরুষ।

শ্রীশ। এখন থেকে এদের জন্তে ভাবা আমাদের পক্ষে গর্বের বিষয় গৌরবের বিষয়!

রসিক। তা বেশ, ভাববেন, কিন্তু বেধ হয় ভাবা ছাড়া আর কোন কষ্ট করতে হবে না।

শ্রীশ । আচ্ছা রসিক বাবু, আমাদের কষ্ট স্বীকার করতে দিতে আপনার এত আপত্তি হচ্ছে কেন ?

বিপিন । এঁদের জন্তে যদিই আমাদের কোন কষ্ট করতে হয় সেটা যে আমরা সম্মান বলে জ্ঞান করব ।

শ্রীশ । হুঁদিন ধরে, রসিকবাবু, বেশী কষ্ট পেতে হবে না বলে আপনি ক্রমাগতই আমাদের আশ্বাস দিচ্ছেন—এতে আমরা বাস্তবিক হুঃখিত হয়েছি ।

রসিক । আমাকে মাপ করবেন—আমি আর কখনও এমন অববেচনার কাজ করবনা, আপনারা কষ্ট স্বীকার করবেন !

শ্রীশ । আপনি কি এখনো আমাদের চিনলেন না ?

রসিক । চিনেছি বই কি, সেজন্তে আপনারা কিছু মাত্র চিন্তিত হবেন না ।

কুণ্ঠিত নৃপ ও নীরবালার প্রবেশ ।

শ্রীশ । (নমস্কার করিয়া) রসিক বাবু, আপনি এঁদের বলুন আমাদের যেন মার্জনা করেন ।

বিপিন । আমরা যদি ভ্রমেও ঠুঁদের লজ্জা বা ভয়ের কারণ হই তবে তার চেয়ে হুঃখের বিষয় আমাদের পক্ষে আর কিছু হতে পারে না, সে জন্তে যদি ক্ষমা না করেন তবে—

রসিক । বিলক্ষণ ! ক্ষমা চেয়ে অপরাধিনীদের অপরাধ আরো বাড়ানবেন না । এঁদের অল্প বয়স মাত্র অতিথিদের কি রকম সম্ভাষণ করা উচিত তা যদি এঁরা হঠাৎ ভুলে গিয়ে নতমুখে ঠাঁড়িয়ে থাকেন তাহলে আপনারাদের প্রতি অসম্ভাব কল্পনা করে এঁদের আরো লজ্জিত করবেন না । নৃপ দিদি, নীর দিদি—কি বল ভাই ! যদিও এখনো তোমাদের চোখের পাতা শুকায় নি—তবু এঁদের প্রতি তোমাদের মন যে বিষুধ নয় সে কথা কি

জানা ত পারি ? (নৃপ ও নীর লজ্জিত নিরুত্তর) না একটু আড়ালে জিজ্ঞাসা করা দরকার । (জনাস্তিকে) ভদ্রলোকদের এখন কি বলি বলত ভাই ? বলব কি, তোমরা যত শীঘ্র পার বিদায় হও !

নীর । (মৃহ্মরে) রসিকদাদা কি বক তার ঠিক নেই, আমরা কি তাই বলেছি, আমরা কি জানতুম এঁরা এসেছেন ?

রসিক । (শ্রীশ বিপিনের প্রতি) এ রা বলচেন—

সখা, কি মোর করমে লেপি—

তপন বলিয়া তপনে ডরিহু,

চাঁদের কিরণ দেখি ।

এর উপরে আপনাদের আর কিছু বলবার আছে ?

নীর । (জনাস্তিকে) আঃ রসিক দাদা, কি বলচ তার ঠিক নেই ! ওকথা আমরা কখন বলুম ।

রসিক । (শ্রীশ বিপিনের প্রতি) এঁদের মনের ভাবটা আমি সম্পূর্ণ ব্যক্ত করতে পারিনি বলে এঁরা আমাকে ৭৭ সনা করছেন ! এঁরা বলতে চান, চাঁদের কিরণ বললেও যথেষ্ট বলা হয় না—তার চেয়ে আরো যদি—

নীর । (জনাস্তিকে) তুমি অমন কর যদি তা হলে আমরা চলে যাব ।

রসিক । সখি, ন যুক্তম্ অকৃতসংকারম্ অতিথিবিশেষম্ উজ্জ্বলিতা স্বচ্ছন্দতো গমনম্ ! (শ্রীশ বিপিনের প্রতি) এঁরা বলচেন এঁদের বথার্থ মনের ভাবটি যদি আপনারাদের কাছে ব্যক্ত করে বলি, তা হলে এ রা লজ্জায় এঘর থেকে চলে যাবেন । (নীর নৃপের প্রস্থানোদ্যম)

শ্রীশ । রসিকবাবুর অপরাধে আপনারা নির্দোষদের সাজা দেবেন কেন ? আমরা ত

কোন প্রকার, প্রগল্ভতা করিনি। (উভয়ের ন
যশো ন তস্বৌ ভাব)

বিপিন। (নীরকে লক্ষ্য করিয়া) পূর্ক-
কৃত কোন অপরাধ যদি থাকে ত কমা প্রার্থনার
অবকাশ কি দেবেন না ?

রসিক। (জনাস্তিকে) এই কমাটুকুর
জন্তে বেচারী অনেক দিন থেকে সুযোগ
প্রত্যাশা করচে—

নীর। (জনাস্তিকে) অপরাধ কি হয়েছে,
যে কমা করতে যাব ?

রসিক। (বিপিনের প্রতি) ইনি বলছেন,
আপনার অপরাধ এমন মনোহর যে, তাকে
ইনি অপরাধ বলে লক্ষ্যই করেন নি।—কিন্তু
আমি যদি সেই খাতাটি হরণ করতে সাহসী
হতেন তবে সেটা অপরাধ হত—আইনের
বিশেষ ধরায় এই রকম লিখচে।

বিপিন। জঁর্ষা করবেন না রসিকবাবু !
আপনারা সর্বদাই অপরাধ করবার সুযোগ
পান এবং সেজন্ত দণ্ড ভোগ করে কৃতার্ধ হন,
আমি মৈবক্রমে একটি অপরাধ করবার সুবিধা
পেয়েছিলুম—কিন্তু এতই অধম যে দণ্ডনীয়
বলেও গণ্য হলেম না, কমা পাবার যোগ্যতাও
লাভ করলেম না !

রসিক। বিপিন বাবু, একেবারে হতাশ
হবেন না ! শান্তি অনেক সময় বিলম্বে আসে
কিন্তু নিশ্চিত আসে। ফস্ করে মুক্তি না
পেতেও পায়েন !

ভৃত্যের প্রবেশ।

ভৃত্য। জল খাবার তৈরি। (নূপ ও
নীরর প্রস্থান)

শ্রীশ। আমরা কি দুর্ভিক্ষের দেশ থেকে
আসছি রসিকবাবু ? জল খাবারের জন্তে এত
তাড়া কেন ?

রসিক। মধুরেণ সমাপয়েৎ !

শ্রীশ। (নিখাস ফেলিয়া) কিন্তু সমাপন-
টাত মধুর নয় ! (জনাস্তিকে বিপিনের প্রতি)
কিন্তু বিপিন, এদের ত প্রত্যাশা করে যেতে
পারব না !

বিপিন। (জনাস্তিকে) তা যদি করি
তবে আমরা পারব !

শ্রীশ। (জনাস্তিকে) এখন আমাদের
কর্তব্য কি।

বিপিন। (জনাস্তিকে) সে কি আর
জিজ্ঞাসা করতে হবে ?

রসিক। আপনারা দেখছি ভয় পেয়ে
গেছেন ! কোন আশঙ্কা নেই শেষকালে যেমন
করেই হোক আমি আপনাদের উদ্ধার করবই।
(সকলের প্রস্থান)

অক্ষয় ও জগন্নারায়ণীর প্রবেশ।

জগৎ। দেখলে ত বাবা, কেমন ছেলে
ছাটি ?

অক্ষয়। মা, তোমার পছন্দ ভাল, এ কথা
আমি ত অস্বীকার করতে পারি নে ! !

জগৎ। মেয়েদের রকম দেখলে ত বাবা !
এখন কল্লিকাটি কোথায় গেছে তার ঠিক নেই !

অক্ষয়। ঐত ওদের দোষ ! কিন্তু মা,
তোমাকে নিজে গিয়ে আশীর্বাদ দিয়ে ছেলে
ছাটিকে দেখতে হচ্ছে।

জগৎ। সে কি ভাল হবে অক্ষয় ? ওরা
কি পছন্দ জানিয়েছে ?

অক্ষয়। খুব জানিয়েছে। এখন তুমি
নিজে এসে আশীর্বাদ করে গেলেই চটপট
স্থির হয়ে যায়।

জগৎ। তা বেশ, তোমরা যদি বল, ত
যাব, আমি ওদের মার বয়সী, আমার লজ্জা
কিসের।

পুরবালার প্রবেশ।

পুর। খাবার শুছিয়ে দিয়ে, এত...

ওদের কোন ঘরে বসিয়েছে আমি আর দেখ-
তেই পেলুম না ।

জগৎ । কি আর বলব পুরো, এমন
সোণার চাঁদ ছেলে !

পুর । তা জানতুম, ! নীর নূপর অদৃষ্টে
কি খারাপ ছেলে হতে পারে !

অক্ষয় । তাদের বড়দিদির অদৃষ্টের আঁচ
লেগেছে আর কি ।

পুর । আচ্ছা থাম ; যাও দেখি, তাদের
সঙ্গে একটু আলাপ করগে ; কিন্তু শৈল গেল
কোথায় ?

অক্ষয় । সে খুসী হয়ে দরজা বন্ধ করে
পূজোয় বসেছে ।

পঞ্চদশ পরিচ্ছেদ ।

—*—

অক্ষয় । ব্যাপারটা কি ? রসিক দা,
আজকাল ত খুব খাওয়াচ দেখছি । প্রত্যহ
ঘাকে হুবেলা দেখচ তাকে যে হঠাৎ ভুলে
গেলে ?

রসিক । এঁদের নতুন আদর, পাতে যা
পড়চে তাতেই খুসী হচ্ছেন তোমার আদর
পুরোণো হয়ে এল, তোমাকে নতুন করে খুসী
করি এমন সাধ্য নেই ভাই ।

অক্ষয় । কিন্তু শুনেছিলেম, আজকের
সমস্ত মিষ্টান্ন এবং এপরিবারের সমস্ত অনাস্বা-
দিত মধু উজাড় করে নেবার জন্তে দুটি অখ্যা-
নামা যুবকের অভ্যয় হবে—এঁরা তাঁদেরই
অংশে ভাগ বসানেন না কি ? ওহে রসিক দা
ভুল করনি ত ?

রসিক । ভুলের জন্তেইত আমি বিখ্যাত।
বড় মা জানেন তাঁর বড়ো রসিককাকা যাতে
হাত দেবেন তাতেই পল্ল হবে ।

অক্ষয় । বল কি রসিক দাদা ? করেছে
কি ? সে দুটি ছেলেকে কোথায় পাঠালে ?

রসিক । ভ্রমক্রমে তাঁদের ভুল ঠিকানা
দিয়েছি !

অক্ষয় । সে বেচারাদের কি গতি হবে ?

রসিক । বিশেষ অনিষ্ট হবে না । তাঁরা
কুমারটুলিতে নীলমাধব চৌধুরীর বাড়িতে
এতক্ষণে জলযোগ সমাধা করেছেন । বনমালী
ভট্টাচার্য্য তাঁদের তত্ত্বাবধানের ভার নিয়েছেন ।

অক্ষয় । তা যেন বুঝলুম, মিষ্টান্ন সকলেরই
পাতে পড়ল, কিন্তু তোমারই জলযোগটি কিছু
কটু রকমের হবে ! এইবেলা ভ্রমসংশোধন
করে নাও ! শ্রীশ বাবু, বিপিন বাবু কিছু মনে
কোরো না, এর মধ্যে একটু পারিবারিক রহস্য
আছে ।

শ্রীশ । সবল প্রকৃতি রসিক বাবু সে রহস্য
আমাদের কাছে ভেদ করেই দিয়েছেন ! আমা-
দের কাঁকি দিয়ে আনেন নি ।

বিপিন । মিষ্টান্নের খালায় আমরা অন-
ধিকার আক্রমণ করি নি, শেষ পর্যন্ত তার
প্রমাণ দিতে প্রস্তুত আছি ।

অক্ষয় । বল কি বিপিন বাবু ? তা হলে
চিরকুমার সভাকে চিরজন্মের মত কাঁদিয়ে
এসেছ ? জেনেগুনে, ইচ্ছা পূর্বক ?

রসিক । না, না, তুমি ভুল করচ অক্ষয় ।

অক্ষয় । আবার ভুল ? আজ কি সকলে-
রই ভুল করবার দিন হল না কি ? বিপিন দা ।

(গান)

ভুলে ভুলে আজ ভুলময় ।

ভুলের লতায় বাতাসের ভুলে,

ফুলে ফুলে হোক ফুলময় ।

আনন্দ চেউ ভুলের সাগরে

উছলিয়া হোক ফুলময় ।

রসিক । একি বড় মা আসছেন যে ।

অক্ষয়। আস্‌বারই ত কথা! উনি ত আর কুমারটুলির ঠিকানায় যাবেন না!

জগত্তারিণীর প্রবেশ। শ্রীশ ও বিপিনের ভূমিষ্ঠ হইয়া প্রণাম! দুইজনকে দুই মোহর দিয়া জগত্তারিণীর আশীর্বাদ! জনাস্তিকে অক্ষয়ের সহিত জগত্তারিণীর আলাপ।

অক্ষয়। মা বল্‌চেন, তোমাদের আজ ভাল করে খাওয়া হল না সমস্তই পাতে পড়ে রইল।

শ্রীশ। আমরা ছবার চেয়ে নিয়ে খেয়েছি!

বিপিন। যেটা পাতে পড়ে আছে, ওটা তৃতীয় কিস্তী।

শ্রীশ। ওটা না পড়ে থাকলে আমাদেরই পড়ে থাকতে হত।

জগত্তারিণী। (জনাস্তিকে) তা হলে তোমরা ঠুঁদের বসিয়ে কথাবার্তা কও বাছা আমি আসি। (প্রস্থান)

রসিক। না এ ভারি অশ্রায় হল।

অক্ষয়। অশ্রায়টা কি হল?

রসিক। আমি ঠুঁদের বারবার করে বলে এসেছি যে, ঠুঁরা কেবল আজ আহাৰটি করেই ছুটি পাবেন কোন রকম বাধ বন্ধনের আশঙ্কা নেই!—কিন্তু—

শ্রীশ। ওর মধ্যে কিন্তটা কোথায় রসিক বাবু, আপনি অত চিন্তিত হচ্চেন কেন?

রসিক। বলেন কি শ্রীশবাবু, আপনাদের আমি কথা দিয়েছি যখন—

বিপিন। তা বেশ ত, এমনিই কি মহা-বিপদে ফেলেচেন!

শ্রীশ। মা আমাদের যে আশীর্বাদ করে গেলেন আমরা যেন তার ষোণ্য হই!

রসিক। না, না, শ্রীশবাবু, সে কোন কাজের কথা নয়। আপনারা যে দায়ে পড়ে ভদ্রতার খাতিরে—

বিপিন। রসিকবাবু আপনি আমাদের প্রতি অবিচার করবেন না—দায়ে পড়ে—

রসিক। দায় নয় ত কি মশায়। সে কিছু-তেই হবেনা! আমি বরঞ্চ সেই ছেলে ছটোকে বনমালীর হাতছাড়িয়ে কুমারটুলি থেকে এখনও ফিরিয়ে আনব তবু—

শ্রীশ। আপনার কাছে কি অপরাধ করেছি রসিক বাবু?—

রসিক। না, না, এত অপরাধের কথা হচ্ছে না। আপনারা ভদ্রলোক, কৌমাৰ্য্য ব্রত অবলম্বন করেছেন—আমার অনুৰোধে পড়ে পরের উপকার করতে এসে শেষকালে—

বিপিন। শেষকালে নিজের উপকার করে ফেলব এটুকু আপনি সহ করতে পারবেন না—এমনি হিতৈষী বন্ধু!

শ্রীশ। আমরা যেটাকে সৌভাগ্য বলে স্বীকার করছি—আপনি তার থেকে আমাদের বঞ্চিত করতে চেষ্টা করচেন কেন?

রসিক। শেষকালে আমাকে দোষ দেবেন না?

বিপিন। নিশ্চয় দেব যদি না আপনি স্থির হয়ে শুভকর্মে সহায়তা করেন।

রসিক। আমি এখনো সাবধান করছি—
গতং ভদ্রগান্ধীৰ্য্যং তটমপি চিতং জালিকশতৈঃ
সখে হংসোত্তিষ্ঠ, ত্বরিতমমুতো গচ্ছ সরসঃ।
সে গান্ধীৰ্য্য গেল কোথা, নদীতট হের হোথা

জালিকেরা জালে ফেলে ঘিরে—
সখে হংস ওঠ ওঠ, সময় থাকিতে ছোট
হেথা হতে মানসের তীরে!

শ্রীশ। কিছুতেই না! তা, আপনার সংস্কৃত শ্লোক ছুড়ে মারলেও সখা হংসরা কিছু-তেই এখান থেকে নড়চেন না!

রসিক। স্থান খারাপ বটে! নড়বার

যো নেই ! আমি ত অচল হয়ে বসে আছি—
হায়, হায়—

অগ্নি কুরঙ্গ তপোবন বিভ্রমাৎ
উপগতাসি কিরাতপুরীমিমাম্ !

ভূত্যের প্রবেশ ।

ভূত্য । চন্দ্রবাবু এসেছেন ।

অক্ষয় । এইখানেই ডেকে নিয়ে আয় ।
(ভূত্যের প্রস্থান)

রসিক । একেবারে দারোগার হাতে চোর
ছটিকে সমর্পণ করে দেওয়া হক্ ।

[চন্দ্রবাবুর প্রবেশ ।

চন্দ্র । এই যে আপনারা এসেছেন । পূর্ণ
বাবুকেও দেখি !

অক্ষয় । আজ্ঞে না, আমি পূর্ণ-নই, তবু
অক্ষয় বটে !

চন্দ্র । অক্ষয় বাবু ! তা বেশ হয়েছে,
আপনাকেও দরকার ছিল !

অক্ষয় । আমার মত অদরকারী লোককে
যে দরকারে লাগাবেন তাতেই লাগতে পারি—
বলুন । ক করতে হবে ?

চন্দ্র । আমি ভেবে দেখেছি, আমাদের
সভা থেকে কুমার ব্রতের নিয়ম না ওঠালে
সভাকে অভ্যস্ত সঙ্কীর্ণ করে রাখা হচ্ছে । শ্রীশ
বাবু বিপিন বাবুকে এই কথাটা একটু ভাল
করে বোঝাতে হবে ।

অক্ষয় । ভারি কঠিন কাজ, আমার দ্বারা
হবে কি না সন্দেহ !

চন্দ্র । একবার একটা মতকে ভাল বলে
গ্রহণ করেছি বলেই সেটাকে পরিত্যাগ কর-
বার ক্ষমতা দূর করা উচিত নয় । মতের চেয়ে
বিবেচনাশক্তি বড় । শ্রীশবাবু, বিপিন বাবু—

শ্রীশ । আমাদের অধিক বলা বাহুল্য—

চন্দ্র । কেন বাহুল্য ? আপনারা যুক্তি-
তেও কর্ণপাত করবেন না ?

বিপিন । আমরা আপনারই মতে—

চন্দ্র । আমার মত এক সময় ভ্রান্ত ছিল
সে কথা স্বীকার করছি, আপনারা এখনো
সেই মতেই—

রসিক । এই যে পূর্ণবাবু আসছেন !
আম্বন আম্বন !

পূর্ণরূপপ্রবেশ ।

চন্দ্র । পূর্ণবাবু, ভোমার প্রস্তাবমতে আমা
দের সভা থেকে কুমার ব্রত ফুলে দেবার
অন্তেই আজ আমরা এখানে মিলিত হয়েছি !
কিন্তু শ্রীশবাবু এবং বিপিনবাবু অভ্যস্ত দৃঢ়-
প্রতিজ্ঞ, এখন ওদের বোঝাতে পারলেই—

রসিক । ওদের বোঝাতে আমি ক্রটি
করিনি চন্দ্রবাবু—

চন্দ্র । আপনার মত বাগ্মী যদি কল না
পেয়ে থাকেন তা হলে—

রসিক । কল যে পেয়েছি তা কলেন পরি-
চীরতে ।

চন্দ্র । কি বলছেন ভাল বুঝতে পারচিনে ।

অক্ষয় । ওহে রসিক দা, চন্দ্রবাবুকে খুব
স্পষ্ট করে বুঝিয়ে দেওয়া দরকার ! আমি ছটি
প্রত্যক্ষ প্রমাণ এখন এনে উপস্থিত করছি !

শ্রীশ । পূর্ণবাবু, ভাল আছেন ত ?

পূর্ণ । হাঁ ।

বিপিন । আপনাকে একটু শুকনো
দেখাচ্ছে ।

পূর্ণ । না, কিছু না ।

শ্রীশ । আপনাদের পরীক্ষার আর ত
দেবী নেই ।

পূর্ণ । না ।

(নৃপ ও নীরকে লইয়া অক্ষয়ের প্রবেশ ।)

অক্ষয় । (নৃপ ও নীরর প্রতি) ইনি চন্দ্রবাবু
ইনি ভোমাদের গুরুজন, একে প্রণাম কর ।

(নূপ নীরর প্রণাম) চন্দ্র বাবু, নূতন নিয়মে আপনাদের সভায় এই ছটি সভ্য বাড়ল !

চন্দ্র । বড় খুসি হলুম । এরা কে ?

অক্ষয় । আমার সঙ্গে এদের সম্বন্ধ খুব ঘনিষ্ঠ । এরা আমার ছটি শ্রমী । শ্রীশবাবু এবং বিপিন বাবুর সঙ্গে এঁদের সম্বন্ধ শুভলগ্নে আরো ঘনিষ্ঠতর হবে । এঁদের প্রতি দৃষ্টি করলেই বুঝবেন, রসিক বাবু এই যুবক ছটির যে মতের পরিবর্তন করিয়েছেন সে কেবল মাত্র বাগ্মিরত দ্বারা নয় ।

চন্দ্র । বড় আনন্দের কথা ।

পূর্ণ । শ্রীশ বাবু, বড় খুসি হলুম ! বিপিন বাবু আপনাদের বড় সৌভাগ্য ! আশা করি, অবলাকান্ত কাষুও বঞ্চিত হন নি, তাঁরো একটি—

নির্মলার প্রবেশ ।

চন্দ্র । নির্মলা শুনে খুসি হবে, শ্রীশবাবু এবং বিপিন বাবুর সঙ্গে এঁদের বিবাহের সম্বন্ধ স্থির হয়ে গেছে । তা হলে কুমারব্রত উঠিয়ে দেওয়া সম্বন্ধে প্রস্তাব উত্থাপন করাই বাহ্যিক ।

নির্মলা । কিন্তু অবলাকান্তবাবুর মত ত নেওয়া হয় নি—তাঁকে এখানে দেখচিনে—

চন্দ্র । ঠিক কথা, আমি সেটা ভুলেই গিয়েছিলুম, তিনি আজ এখনো এলেন না কেন ?

রসিক । কিছু চিন্তা করবেন না, তাঁর পরিবর্তন দেখলে আপনারা আরো আশ্চর্য্য হবেন ।

অক্ষয় । চন্দ্রবাবু, এবারে আমাকেও দলে নেবেন । সভাটি যে রকম লোভনীয় হয়ে উঠলো, এখন আমাকে ঠেকিয়ে রাখতে পারবেন না ।

চন্দ্র । আপনাকে পাওয়া আমাদের সৌভাগ্য ।

অক্ষয় । আমার সঙ্গে সঙ্গে আরেকটি

সভ্যও পাবেন । আজকের সভায় তাঁকে কিছুতেই উপস্থিত করতে পারলেম না । এখন তিনি নিজেকে স্থলভ করবেন না,—বাসরঘরে ভূতপূর্ব কুমারসভাটিকে সাধ্যমত পিণ্ডদান করে তার পরে যদি দেখা দেন ! এইবার অবশিষ্ট সভ্যটি এলেই আমাদের চিরকুমার-সভা সম্পূর্ণ সমাপ্ত হয় ।

শৈলের প্রবেশ

শৈল । (চন্দ্রকে প্রণাম করিয়া) আমাকে ক্ষমা করবেন !

শ্রীশ । একি, অবলাকান্ত বাবু—

অক্ষয় । আপনারা মত পরিবর্তন করেছেন, ইনি বেশ পরিবর্তন করেছেন মাত্র ।

রসিক । শৈলজা ভবানী এতদিন কিরাত বেশ ধারণ করেছিলেন, আজ ইনি আবার তপস্বিনী বেশ গ্রহণ করলেন ।

চন্দ্র । নির্মলা আমি কিছুই বুঝতে পারচিনে ।

নির্মলা । অজায় ! ভারি অজায় ! অবলাকান্তবাবু—

অক্ষয় । নির্মলা দেবী ঠিক বলেছেন—অজায় ! কিন্তু সে বিধাতার অজায় ! এঁর অবলাকান্ত হওয়াই উচিত ছিল, কিন্তু ভগবানু এঁকে বিধবা শৈলবালা করে কি মঙ্গল সাধন করচেন সে রহস্য আমাদের অগোচর !

শৈল । (নির্মলার প্রতি) আমি অজায় করেছি, সে অজায়ের প্রতিকার আমার দ্বারা কি হবে ? আশা করি কালে সমস্ত সংশোধন হয়ে যাবে ।

পূর্ণ । (নির্মলার নিকটে আসিয়া) এই অবকাশে আমি আপনার কাছে ক্ষমা প্রার্থনা করি, চন্দ্রবাবুর পক্ষে আমি যে স্পর্ধা প্রকাশ করেছিলুম সে আমার পক্ষে অজায় হয়েছিল—আমার মত অযোগ্য—

চন্দ্র। কিছু অজ্ঞায় হয় নি পূর্ণবাব—
আপনার যোগ্যতা যদি নির্মলা না বুঝতে
পারেন ত সে নির্মলারই বিবেচনার অভাব ।
(নির্মলার নতমুখে নিরুচরে অবস্থান)

রসিক। (পূর্ণের প্রতি জনাস্তিকে) ভয়
নেই পূর্ণবাব আপনার দরখাস্ত মঞ্জুর—প্রজা-
পতির আদালতে ডিক্রি পেয়েছেন—কাল
প্রত্যুষেই জারি করতে বেরবেন ।

শ্রীশ। (শৈলবালার প্রতি) বড় ফাঁকি
দিয়েছেন ।

বিপিন। সম্বন্ধের পূর্বেই পরিহাসটা
করে নিয়েছেন ।


শৈল। পরে তাই বলে নিষ্কৃতি পাবেন
না !

বিপিন। নিষ্কৃতি চাইনে !

রসিক। এইবারে নাটক শেষ হল—এই-
খানে ভরতবাক্য উচ্চারণ করে দেওয়া যাক্ ।

সর্বস্তরতু হুর্গানি সর্কো ভদ্রাণি পশুতু ।

সর্কোঃ কামানবাপ্রোতু সর্কোঃ সর্কজ্ঞ নন্দতু ॥



মান ভঞ্জন ।

প্রথম পরিচ্ছেদ ।

—:—

রামনাথ শীলের ত্রিতল অট্টালিকায়
সর্কোচ্চ তলের ঘরে গোপীনাথ শীলের স্ত্রী
গিরিবালী বাস করেন । শয়নকক্ষের দক্ষিণ
ঘরের সম্মুখে ফুলের টবে গুটিকতক বেলফুল
এবং গোগাপফুলের গাছ ;—ছাতটি উচ্চ

প্রাচীর দিয়া ঘেরা—বহিদৃশ্য দেখিবার জন্ত
প্রাচীরের মাঝে মাঝে একটি করিয়া ইট ফাঁক
দেওয়া আছে । শোবার ঘরে নানা বেশ এবং
বিবেশ-বিশিষ্ট বিলাসী নারীমূর্তির বাধানো
এন্ট্রেভিঃ টাঙ্গানো রহিয়াছে ; কিন্তু প্রবেশ-
ঘরের সম্মুখবর্তী বৃহৎ আয়নার উপরে ষোড়শী
গৃহস্বামিনীর যে প্রতিবিম্বটি পড়ে, তাহা দেখা-
লের কোন ছবি অপেক্ষা সৌন্দর্য্যে নূন নহে ।

গিরিবালার সৌন্দর্য্য অকস্মাৎ আলোক-
রশ্মির জ্বালায়, বিস্ময়ের জ্বালায়, নিদ্রাভঙ্গে চেতনার
জ্বালায় একেবারে চকিতে আসিয়া আঘাত করে
এবং এক আঘাতে অভিভূত করিয়া দিতে
পারে । তাহাকে দেখিলে মনে হয় ইহাকে
দেখিবার জন্ত প্রস্তুত ছিলাম না । চারিদিকে
এবং চিরকাল যেরূপ দেখিয়া আসিতেছি, এ
একেবারে হঠাৎ তাহা হইতে অনেক স্বতন্ত্র ।

গিরিবালীও আপন লাবণ্যোচ্ছ্বাসে
আপনি আত্মোপাস্ত তরঙ্গিত হইয়া উঠিয়াছে ।
মদের ফেনা যেমন পাত্র ছাপিয়া পড়িয়া
যায়, নবযৌবন এবং নবীন সৌন্দর্য্য তাহার
সর্কোঙ্গে তেমনি ছাপিয়া পড়িয়া যাইতেছে,—
তাহার বসনে ভূষণে গমনে, তাহার বাহুর
বিক্ষেপে, তাহার গ্রীবার ভঙ্গীতে, তাহার
চঞ্চল চরণের উদ্দাম ছন্দে, নুপুরনিষ্কণে, কঙ্ক-
ণের কিঙ্কণীতে, তরল হান্তে, ক্ষিপ্ৰভাষায়
উজ্জল কটাক্ষে একেবারে উচ্ছ্বলভাবে উদ্বে-
লিত হইয়া উঠিতেছে ।

আপন সর্কোঙ্গের এই উচ্ছলিত মদিররসে
গিরিবালীর একটা নেশা লাগিয়াছে । প্রায়
দেখা যাইত, একখানি কোমল রঙিন বস্ত্রে
আপনার পরিপূর্ণ দেহগানি জড়াইয়া সে ছাতের
উপরে অকারণে চঞ্চল হইয়া বেড়াইতেছে ।
যেন মনের ভিতরকার কোন এক অশ্রুত অব্যক্ত
সঙ্গীতের তালে তালে তাহার অঙ্গ প্রত্যঙ্গ

নৃত্য করিতে চাহিতেছে। আপনার অঙ্গকে নানা ভঙ্গীতে উৎক্লিষ্ট বিক্লিষ্ট প্রক্লিষ্ট করিয়া তাহার ঘেন বিশেষ কি এক আনন্দ আছে ;— সে ঘেন আপন সৌন্দর্যের নানা দিকে নানা টেট তুলিয়া দিয়া সর্কানের উত্তপ্ত রক্তস্রোতে অপূর্ণ পুলক সহকারে বিচিত্র আঘাত প্রতিঘাত অনুভব করিতে থাকে। সে হঠাৎ গাছ হইতে পাতা ছিঁড়িয়া দক্ষিণ বাহু আকাশে তুলিয়া সেটা বাতাসে উড়াইয়া দেয়—অমনি তাহার বাগা বাজিয়া উঠে, তাহার অঞ্চল বিস্তৃত হইয়া পড়ে, তাহার মূললিত বাহুর ভঙ্গীটি পিঞ্জরমুক্ত অদৃশ্য পাখীর মত অনন্ত আকাশে মেঘরাজ্যের অভি- মুখে উড়িয়া চলিয়া যায়। হঠাৎ সে টব হইতে একটা মাটির টেলা তুলিয়া অকারণে ছুঁড়িয়া ফেলিয়া দেয় ; চরণাঙ্গুলির উপর ভর দিয়া উচ্চ হইয়া দাঁড়াইয়া প্রাচীরের ছিদ্র দিয়া বৃহৎ বহির্জগৎটা একবার চট্ করিয়া দেপিয়া লয়—আবার ঘুরিয়া আঁচল ঘুরাইয়া চলিয়া আসে, আঁচলের চাবির গোছা ঝিনু ঝিনু করিয়া বাজিয়া উঠে। হয় ত আয়নার সম্মুখে গিয়া খোঁপা খুলিয়া ফেলিয়া অসময়ে চুল- বাধিতে বসে ; চুল বাধিবার দড়ি দিয়া কেশমূল বেটন করিয়া সেই দড়ি কুলদস্তপংক্তিতে দংশন করিয়া ধরে, ছুই বাহু উর্কে তুলিয়া মস্তকের পশ্চাতে বেণীগুলিকে দৃঢ় আকর্ষণে কুণ্ডলায়িত করে—চুল বাধা শেষ করিয়া হাতের সমস্ত কাজ ফুরাইয়া যায়—তখন সে আলম্বনে কোমল বিছানার উপরে আপনাকে পত্রাস্তরালচ্যুত একটি জ্যোৎস্নালেখার মত বিস্তীর্ণ করিয়া দেয়।

তাহার সন্তানাদি নাই, ধনিগৃহে তাহার কোন কাজকর্মও নাই—সে কেবল নির্জনে প্রতিদিন আপনার মধ্যে আপনি সঞ্চিত হইয়া শেখবালে আপনাকে আর ধারণ করিয়া রাখিতে পারিতেছে না। স্বামী আছে কিন্তু

তাহার আয়ত্তের মধ্যে নাই। গিরিবালা বাণ্য- কাল হইতে যৌবনে এমন পূর্ণ বিকশিত হইয়া উঠিয়াও কেমন করিয়া তাহার স্বামীর চক্ষু এড়াইয়া গেছে।

বরঞ্চ বাল্যকালে সে তাহার স্বামীর আদর পাইয়াছিল। স্বামী তখন ইস্কুল পালাইয়া তাহার স্তম্ভ অভিব্যক্তিরূপকে বঞ্চনা করিয়া নির্জনে মধ্যাহ্নে তাহার বালিকা স্ত্রীর সহিত প্রণয়লাপ করিতে আসিত। এক বাড়িতে থাকিয়াও সৌখীন চিঠির কাগজে স্ত্রীর সহিত চিঠিপত্র লেখালেখি করিত। স্কুলের বিশেষ বন্ধু- দিগকে সেই সমস্ত চিঠি দেখাইয়া গর্ব্ব অনুভব করিত। তুচ্ছ এবং কল্পিত কারণে স্ত্রীর সহিত মান অভিমানেরও অসম্ভাব ছিল না।

এমন সময়ে বাপের মৃত্যুতে গোপীনাথ স্বয়ং বাড়ির কর্তা হইয়া উঠিল। কাঁচা কাঠে। তক্তায় শীষ পোকা ধরে—কাঁচা বয়সে গোপী নাথ যখন স্বাধীন হইয়া উঠিল তখন অনেক- গুলি জীবজন্তু তাহার স্বন্ধে বাসা করিল। তখন ক্রমে অন্তঃপুরে তাহার গতিবিধি হ্রাস হইয়া অল্পতর প্রসারিত হইতে লাগিল।

দলপতিষের একটা উত্তেজনা আছে ; মানুষের কাছে মানুষের নেশাটা অত্যন্ত বেশী। অসংখ্য মনুষ্যজীবন এবং সুবিস্তীর্ণ ইতিহাসের উপর আপন প্রভাব বিস্তার করিবার প্রতি নেপোলিয়নের যে একটা প্রবল আকর্ষণ ছিল—একটি ছোট বৈঠকখানার ছোট কর্তাটিরও নিজের ক্ষুদ্র দলের নেশা অল্পতর পরিমাণে সেই এক জাতীয়। সামান্য ইয়াকিবন্ধনে আপনার চারিদিকে একটা লক্ষ্মীছাড়া ইয়ার- মগুনী সৃজন করিয়া তুলিলে তাহাদের উপর আধিপত্য এবং তাহাদের নিকট হইতে বাহব লাভ করা একটা প্রচণ্ড উত্তেজনার কারণ হইয়া দাঁড়ায় ; সে জন্ত অনেক লোক

বিষয়-নাশ, ঋণ, কলঙ্ক সমস্তই স্বীকার করিতে প্রস্তুত হয় ।

গোপীনাথ তাহার ইয়ার-সম্প্রদায়ের অধ্যক্ষ হইয়া ভারি মাতিয়া উঠিল । সে প্রতি-দিন ইয়ার্কির নব নব কীৰ্ত্তি নব নব গৌরব লাভ করিতে লাগিল । তাহার দলের লোক বলিতে লাগিল—শ্রালকবর্গের মধ্যে ইয়ার্কিতে অদ্বিতীয় খ্যাতিলাভ করিল গোপীনাথ ; সেই গর্বে সেই উত্তেজনায় অস্ত্রান্ত সমস্ত সুখদুঃখ-কর্তব্যের প্রতি অন্ধ হইয়া হতভাগ্য ব্যক্তিটি রাত্রিদিন অবেষ্টের মত পাক খাইয়া খাইয়া বেড়াইতে লাগিল ।

এদিকে জগজ্জয়ী রূপ লইয়া আপন অন্তঃ-পুরের প্রজাহীন রাজ্যে, শয়ন-গৃহের শুল্ক সিংহাসনে গিরিবালা অধিষ্ঠান করিতে লাগিল । সে নিজে জানিত বিধাতা তাহার হস্তে রাজদণ্ড দিয়াছেন—সে জানিত, প্রাচীরের ছিদ্র দিয়া যে বৃহৎ জগৎখানি দেখা যাইতেছে, সেই জগৎটিকে সে কটাক্ষে জয় করিয়া আসিতে পারে—অথচ বিশ্বসংসারের মধ্যে একটি মানুষ-কেও সে বন্দী করিতে পারে নাই ।

গিরিবালায় একটি সুরসিকা দাসী আছে, তাহার নাম সুধো, অর্থাৎ সুধামুখী । সে গান গাহিত, নাচিত, ছড়া কাটিত, প্রভুপত্নীর রূপের ব্যাখ্যা করিত, এবং অরসিকের হস্তে এমন রূপ নিষ্ফল হইল বলিয়া আক্ষেপ করিত । গিরি-বালায় যখন তখন এই সুধাকে নহিলে চলিত না । উর্শ্চিয়া পার্শ্চিয়া সে নিজের মুখের শ্রী, দেহের গঠন, বর্ণের উজ্জলতা সম্বন্ধে বিস্তৃত সমালোচনা শুনিত ; মাঝে মাঝে তাহার প্রতি-বাদ করিত, এবং পরম পুলকিত চিত্তে সুধাকে মিথ্যাবাদিনী চাটুভাষিণী বলিয়া গঞ্জনা করিতে ছাড়িত না ;—সুধো তখন শত শত শপথ সহকারে নিজের মতের অকৃত্রিমতা প্রমাণ

করিতে বসিত, গিরিবালায় পক্ষে তাহা বিশ্বাস করা নিতান্ত কঠিন হইত না ।

সুধো গিরিবালাকে গান শুনাইত—“দাস-খত দিলাম লিখে শ্রীচরণে” ;—এই গানের মধ্যে গিরিবালা নিজের অলঙ্কারিত অনিন্দ্য সূন্দর চরণপল্লবের স্তব শুনিতে পাইত এবং একটি পদলুপ্তিত দাসের ছবি তাহার কল্পনায় উদ্ভিত হইত—কিন্তু হায়, ছোট শ্রীচরণ মলের শেষে শূন্য ছাতের উপরে আপন জয়গান বন্ধত করিয়া বেড়ায়, তবু কোন স্বেচ্ছাবিক্রীত ভক্ত আসিয়া দাসখৎ লিখিয়া দিয়া যায় না ।

গোপীনাথ যাহাকে দাসখৎ লিখিয়া দিয়াছে, তাহার নাম লবঙ্গ,—সে খিয়েটারে অভিনয় করে—সে ষ্টেজের উপরে চমৎকার মুচ্ছা যাইতে পারে—সে যখন সাহুনাসিক কৃত্রিম কাঁছনীর স্বরে হাঁপাইয়া হাঁপাইয়া টানিয়া টানিয়া আধ আধ উচ্চারণে “প্রাণনাথ প্রাণেশ্বর” করিয়া ডাক ছাড়িতে থাকে, তখন পাংলা ধূতির উপর ওয়েষ্টকোট-পরা, ফুল-মোজামণ্ডিত দর্শকমণ্ডলী “এক্সপ্লোস্ট” “এক্সপ্লোস্ট” করিয়া উচ্ছ্বসিত হইয়া উঠে ।

এই অভিনেত্রী লবঙ্গের অত্যাশ্চর্য্য ক্ষমতার বর্ণনা গিরিবালা ইতিপূর্বে অনেকবার তাহার স্বামীর মুখেই শুনিয়াছে । তখনও তাহার স্বামী সম্পূর্ণ রূপে পলাতক হয় নাই । তখন সে তাহার স্বামীর মোহাবস্থা না জানিয়াও মনে মনে অহুয়া অনুভব করিত । আর কোন নারীর এমন কোন মনোরঞ্জনী বিজ্ঞা আছে যাহা তাহার নাই ইহা সে সহ করিতে পারিত না । সাহস কৌতুহলে সে অনেকবার খিয়েটার দেখিতে যাইবার ইচ্ছা প্রকাশ করিত, কিন্তু কিছুতেই স্বামীর মত করিতে পারিত না ।

অবশেষে সে একদিন টাকা দিয়া সুধাকে

খিয়েটার দেখিতে পাঠাইয়া দিল ;—সুধো আসিয়া নাসাজ কুঞ্চিত করিয়া স্বামনাম উচ্চারণ পূর্বক অভিনেত্রীদিগের লগাটদেশে সম্মার্জনীর ব্যবস্থা করিল—এবং তাহাদের কদর্য্যমূর্ত্তি ও কৃত্রিম ভঙ্গীতে যে সমস্ত পুরুষের অভিক্রটি জন্মে তাহাদের সম্বন্ধেও সেই একই রূপ বিধান স্থির করিল। শুনিয়া গিরিবালা বিশেষ আশ্চর্য হইল।

কিন্তু যখন তাহার স্বামী বন্ধন ছিন্ন করিয়া গেল, তখন তাহার মনে সংশয় উপস্থিত হইল। সুধোর কথায় অবিশ্বাস প্রকাশ করিলে সুধো গিরির গা ছুইয়া বারংবার কহিল, বজ্রখণ্ডাবৃত ধনুকাঠের মত তাহার নীরস এবং কুৎসিত চেহারা। গিরি তাহার আকর্ষণশক্তির কোন কারণ নির্ণয় করিতে পারিল না, এবং নিজের অভিমানে সাংঘাতিক আঘাত প্রাপ্ত হইয়া জলিতে লাগিল।

অবশেষে একদিন সন্ধ্যাবেলায় সুধোকে লইয়া গোপনে খিয়েটার দেখিতে গেল। নিবিড় কাছের উত্তেজনা বেশী। তাহার হৃৎপিণ্ডের মধ্যে যে এক যুহু কম্পন উপস্থিত হইয়াছিল সেই কম্পনাবেগে এই আলোকময়, লোকময়, বাস্তবসঙ্গীত-মুখরিত দৃশ্যপট-শোভিত রক্তভূমি তাহার চক্ষে দ্বিগুণ অপরূপতা ধারণ করিল। তাহার সেই প্রাচীর-বেষ্টিত নির্জন নিরানন্দ অন্তঃপুর হইতে এ কোন্ এক সুসজ্জিত স্থানের উৎসবলোকের প্রান্তে আসিয়া উপস্থিত হইল। সমস্ত স্বপ্ন বলিয়া বোধ হইতে লাগিল।

সে দিন মানভঞ্জন অপেরা অভিনয় হইতেছে। যখন ঘণ্টা বাজিল, বাস্তব ধামিয়া গেল, চঞ্চল দর্শকগণ মুহূর্ত্তে স্থির নিস্তব্ধ হইয়া বসিল, রক্তমঞ্চের সম্মুখবর্ত্তী আলোকমালা উজ্জ্বলতর হইয়া উঠিল, পট উঠিয়া গেল, এক-

দল সুসজ্জিত নটী ব্রজাঙ্গনা সাজিয়া সঙ্গীত-সহযোগে নৃত্য করিতে লাগিল, দর্শকগণের করতালি ও প্রশংসাবাদে নাট্যশালা থাকিয়া থাকিয়া ধ্বনিত কম্পিত হইয়া উঠিল, তখন গিরিবালায় তরুণ দেহের রক্ত-লহরী উন্মাদনায় আলোড়িত হইতে লাগিল। সেই সঙ্গীতের তানে, আলোক ও আভরণের ছটায়, এবং সন্মিলিত প্রশংসাধ্বনিতে সে রূপকালের জন্ত সমাজ সংসার সমস্তই বিস্মৃত হইয়া গেল—মনে করিল, এমন এক জায়গায় আসিয়াছে যেখানে বন্ধনমুক্ত সৌন্দর্য্যপূর্ণ স্বাধীনতার কোন বাধামাত্র নাই।

সুধো মাঝে মাঝে আসিয়া ভীতস্বরে কাণে কাণে বলে বৌঠাকুর, এই বেলা বাড়ি ফিরিয়া চল ; দাদাবাবু জানিতে পারিলে রক্ষা থাকিবে না। গিরিবালা সে কথায় কর্ণপাত করে না। তাহার মনে এখন আর কিছুমাত্র ভয় নাই।

অভিনয় অনেক দূর অগ্রসর হইল। রাধার হৃৎকম্প মান হইয়াছে ;—সে মানসাগরে কৃষ্ণ আর কিছুতেই ধই পাইতেছে না ; কত অমূল্য বিনয় সাধাসাধি কাঁদাকাঁদি—কিছুতেই কিছু হয় না। তখন গর্ভভরে গিরিবালায় বন্ধ কুলিতে লাগিল। কৃষ্ণের এই লালনায় সে যেন মনে মনে রাধা হইয়া নিজের অসীম প্রতাপ নিজে অমূল্যব করিতে লাগিল। কেহ তাহাকে কখন এমন করিয়া সাধে নাই ; সে অবহেলিত অবমানিত পরিত্যক্ত স্ত্রী, কিন্তু তবু সে এক অপূর্ণ মোহে স্থির করিল যে, এমন করিয়া নিষ্ঠুরভাবে কাঁদাইবার ক্ষমতা তাহারও আছে। সৌন্দর্য্যের যে কেমন দোর্দণ্ডপ্রতাপ তাহা সে কাণে শুনিয়াছে অমূল্যমান করিয়াছে মাত্র—আজ দীপের আলোকে, গানের সুরে, স্নদৃশ্য রক্তমঞ্চের উপরে তাহা সুস্পষ্টরূপে

প্রত্যক্ষ করিল। নেশায় তাহার সমস্ত মস্তিষ্ক ভরিয়া উঠিল।

অবশেষে ষবনিকা পণ্ডিত হইল, গ্যাসের আলো ম্লান হইয়া আসিল, দর্শকগণ প্রস্থানের উপক্রম করিল; গিরিবালা মন্ত্রমুগ্ধের মত বসিয়া রহিল। এখান হইতে উঠিয়া যে বাড়ি ষাইতে হইবে একথা তাহার মনে ছিল না। সে ভাবিতেছিল, অভিনয় বুঝি ফুরাইবে না, ষবনিকা আবার উঠিবে, রাধিকার নিকট শ্রীকৃষ্ণের পরাভব, জগতে ইহা ছাড়া আর কোন বিষয় উপস্থিত নাই। স্নোধো কহিল, বোঁঠাকুরাণ, কর কি, ওঠ, এখনি সমস্ত আলো নিবাইয়া দিবে।

গিরিবালা গভীর রাত্রে আপন শয়নকক্ষে ফিরিয়া আসিল। কোণে একটি দীপ মিটমিট করিতেছে—ঘরে একটি লোক নাই, শব্দ নাই—গৃহপ্রান্তে নির্জন শয্যার উপরে একটি পুরাতন মশারি বাতাসে অল্প অল্প হুলিতেছে; তাহার প্রতিদিনের জগৎ অত্যন্ত বিস্তী বিরস এবং তুচ্ছ বলিয়া ঠেকিতে লাগিল। কোথায় সেই সৌন্দর্য্যময় আলোকময় সঙ্গীতময় রাজ্য যেখানে সে আপনার সমস্ত মহিমা বিকীর্ণ করিয়া দিয়া জগতের কেন্দ্রস্থলে বিরাজ করিতে পারে—যেখানে সে অজ্ঞাত অবজ্ঞাত তুচ্ছ সাধারণ নারীমাত্র নহে।

এখন হইতে সে প্রতি সপ্তাহেই থিয়েটারে ষাইতে আরম্ভ করিল! কালক্রমে তাহার সেই প্রথম মোহ অনেকটা পরিমাণে হ্রাস হইয়া আসিল—এখন সে নটনটীদের মুখের রং চং, সৌন্দর্য্যের অভাব, অভিনয়ের কৃত্রিমতা সমস্ত দেখিতে পাইল, কিন্তু তবু তাহার নেশা ছুটিল না। রণসঙ্গীত শুনিলে যোদ্ধার হৃদয় যেমন নাচিয়া উঠে, রঙ্গমঞ্চের পট উঠিয়া গেলেই তাহার বক্ষের মধ্যে সেইরূপ আন্দোলন উপ-

স্থিত হইত। ঐ যে, সমস্ত সংসার হইতে স্বতন্ত্র সুদৃশ্য সমুচ্চ সুন্দর বেদিকা, স্বর্ণলেখায় অঙ্কিত চিত্রপটে সজ্জিত, কাব্য এবং সঙ্গীতের ইন্দ্র-জালে মায়ামগ্নিত, অসংখ্য মুগ্ধদৃষ্টির দ্বারা আক্রান্ত নেপথ্যভূমির গোপনতার দ্বারা অপূর্ণ রহস্যপ্রাপ্ত, উজ্জ্বল আলোকমালায় সর্বসমক্ষে সুপ্রকাশিত,—বিশ্ববিজয়িনী সৌন্দর্য্যরাজ্যীর পক্ষে এমন মায়্যা-সিংহাসন আর কোথায় আছে?

প্রথমে যে দিন সে তাহার স্বামীকে রঙ্গ-ভূমিতে উপস্থিত দেখিল, এবং যখন গোপীনাথ কোন নটীর অভিনয়ে উন্নত উচ্চাস প্রকাশ করিতে লাগিল, তখন স্বামীর প্রতি তাহার মনে প্রবল অবজ্ঞার উদয় হইল। সে জর্জরিত চিত্তে মনে করিল যদি কখন এমন দিন আসে যে তাহার স্বামী তাহার রূপে আকৃষ্ট হইয়া দগ্ধপক্ষ পতঙ্গের মত তাহার পদতলে আসিয়া পড়ে, এবং সে আপন চরণনখেরে প্রান্ত হইতে উপেক্ষা বিকীর্ণ করিয়া দিয়া অভিমানভরে চলিয়া ষাইতে পারে তবেই তাহার এই ব্যর্থরূপ ব্যর্থ যৌবন সার্থকতা লাভ করিবে।

কিন্তু সে শুভদিন আসিল কই? আজ কাল গোপীনাথের দর্শন পাওয়াই হুলুভ হইয়াছে। সে আপন প্রমত্ততার ঝড়ের মুখে ধূলিধ্বজের মত একটা দল পাকাইয়া ঘুরিতে ঘুরিতে কোথায় চলিয়া গিয়াছে তাহার আর ঠিকানা নাই।

একদিন চৈত্রমাসের বাসন্তী পূর্ণিমায় গিরিবালা বাসন্তীরঙ্গের কাপড় পরিয়া দক্ষিণ বাতাসে অঞ্চল উড়াইয়া ছাতের উপর বসিয়াছিল। যদিও ঘরে স্বামী আসে না তবু গিরি উর্দিতম্বা পান্টিয়া প্রতিদিন বদল করিয়া নূতন নূতন গহনায় আপনাকে সুসজ্জিত করিয়া তুলিত।

হীরামুহূর্তার আভরণ তাহার অঙ্গে প্রত্যঙ্গে একটি উন্মাদনা সঞ্চার করিত, ঝলমল করিয়া ক্রম্বুক্রম্বু বাজিয়া তাহার চারিদিকে একটি হিল্লোল তুলিতে থাকিত। আজ সে হাতে বাজুবন্ধ এবং গলায় একটি চুণী ও মুক্তার কণ্ঠী পরিয়াছে এবং বাম হস্তের কনিষ্ঠ অঙ্গুলিতে একটি নীলার আংটি দিয়াছে। সুধো পায়ের কাছে বসিয়া মাঝে মাঝে তাহার নিটোলকোমল রক্তোৎপল পদপল্লবে হাত বুলাইতেছিল—এবং অকৃত্রিম উচ্ছ্বাসের সহিত বলিতেছিল, আহা বৌঠাকরুণ আমি যদি পুরুষ মানুষ হইতাম তাহা হইলে এই পা ছুপানি বুকে লইয়া মরিতাম। গিরিবালা সগর্বে হাসিয়া উত্তর দিতেছিল, বোধ করি বুকে না লইয়াই মরিতে হইত—তখন কি আর এমন করিয়া পা ছড়াইয়া দিতাম? আর বকিসনে; তুই সেই গানটা গা!

সুধো সেই জ্যোৎস্নাপ্লাবিত নির্জন ছাদের উপর গাহিতে লাগিল—

দাসখণ্ড দিলেম লিখে শ্রীচরণে,
সকলে সাক্ষী থাকুক বৃন্দাবনে।

তখন রাত্রি দশটা। বাড়ির আর সকলে আহারাদি সমাধা করিয়া ঘুমাইতে গিয়াছে। এমন সময়ে আতর মাখিয়া উড়ানী উড়াইয়া হঠাৎ গোপীনাথ আসিয়া উপস্থিত হইল,— সুধো অনেক খানি জিব কাটয়া সাত হাত ষোমটা টানিয়া উর্দ্ধ্বাসে পলায়ন করিল।

গিরিবালা ভাবিল আজ তাহার দিন আসিয়াছে। সে মুখ তুলিয়া চাহিল না। সে রাধিকার মত গুরুমানভরে অটল হইয়া বসিয়া রহিল। কিন্তু দৃশ্যপট উঠিল না—শিখিপুচ্ছ-চূড়া পায়ের কাছে লুটাইল না—কেহ কাকি রাগিনীতে গাহিয়া উঠিল না—

কেন, পূর্ণিমা আঁধার কর লুকায়ে বদন-শশী!

সঙ্গীতহীন নীরসকণ্ঠে গোপীনাথ বলিল—
একবার চাবিটা দাও দেখি!

এমন জ্যোৎস্নায় এমন বসন্তে এতদিনের বিচ্ছেদের পরে এই কি প্রথম সস্তায়ণ! কাব্যে নাটকে উপভ্রাসে যাহা লেখে তাহার আঁগা-গোড়াই মিথ্যা কথা! অভিনয়ক্ষেত্রেই প্রণয়ী গান গাহিয়া পায় আসিয়া লুটাইয়া পড়ে—এবং তাহাই দেখিয়া যে দর্শকের চিত্ত বিগলিত হইয়া যায়, সেই লোকটি বসন্তনিশীথে গৃহচ্ছাদে আসিয়া আপন অনুপমা যুবতী স্ত্রীকে বলে, ওগো একবার চাবিটা দাও দেখি! তাহাতে না আছে রাগিনী, না আছে প্রীতি, তাহাতে কোন মোহ নাই, মাধুর্য্য নাই, তাহা অত্যন্ত অকিঞ্চিৎকর।

এমন সময়ে দক্ষিণে বাতাস জগতের সমস্ত অপমানিত কবিত্বের মর্মান্তিক দীর্ঘনিশ্বাসের মত হুহু করিয়া বহিয়া গেল—টবভরা ফুটন্ত বেলফুলের গন্ধ ছাদময় ছড়াইয়া দিয়া গেল—গিরিবালার চূর্ণ অলক চোখে মুখে আসিয়া পড়িল এবং তাহার বাসস্তীরঙের স্নগন্ধি আঁচল অধীরভাবে ষেখানে সেখানে উড়িতে লাগিল। গিরিবালা সমস্ত মান বিসর্জন দিয়া উঠিয়া পড়িল।

স্বামীর হাত ধরিয়া বলিল, চাবী দিব এখন তুমি ঘরে চল।—আজ সে কাঁদবে কাঁদাইবে, তাহার সমস্ত নির্জন কল্পনাকে সার্থক করিবে, তাহার সমস্ত ব্রহ্মাজ্ঞ বাহির করিয়া বিজয়ী হইবে, ইহা সে দৃঢ় সঙ্কল্প করিয়াছে।

গোপীনাথ কহিল, আমি বেশী দেবী করিতে পারিব না—তুমি চাবি দাও।

গিরিবালা কহিল—আমি চাবি দিব এবং

চাবির মধ্যে যাহা কিছু আছে সমস্ত দিব—
কিন্তু আজ রাত্রে তুমি কোথাও যাইতে
পারিবে না ।

গোপীনাথ বলিল—সে হইবে না । আমার
বিশেষ দরকার আছে ।

গিরিবালা বলিল—তবে আমি চাবি দিব না !

গোপী বলিল, দিবে না বৈ কি ? কেমন
না দাও দেখিব !

বলিয়া সে গিরিবালাকে আঁচলে দেখিল
চাবি নাই । ঘরের মধ্যে চুকিয়া তাহার
আয়নার বাস্কর দেওয়াজ খুলিয়া দেখিল তাহার
মধ্যেও চাবি নাই । তাহার চুল ঝাঁঝিবার বাস্ক
জোর করিয়া ভাঙিয়া খুলিল—তাহাতে কাজল-
লতা, সিন্ধুরের ফোটা, চুলের দড়ি প্রভৃতি
বিচিত্র উপকরণ আছে—চাবি নাই । তখন
সে বিছানা ঘাঁটিয়া গদি উঠাইয়া আলুয়ারি
ভাঙিয়া নাস্তানাবুদ করিয়া তুলিল ।

গিরিবালা প্রস্তরমূর্তির মত শক্ত হইয়া
দরজা ধরিয়া ছাদের দিকে চাহিয়া দাঁড়াইয়া
রহিল । ব্যর্থমনোরথ গোপীনাথ রাগে গর্-
গর্ করিতে করিতে আসিয়া বলিল—চাবি দাও
বলিতেছি নহিলে ভাল হইবে না ।

গিরিবালা উত্তরমাত্র দিল না । তখন
গোপী তাহাকে চাপিয়া ধরিল এবং তাহার
হাত হইতে বাজুবন্ধ, গলা হইতে কণ্ঠী, অঙ্গুলি
হইতে আংটি ছিনিয়া হইয়া তাহাকে লাধি
য়ারিয়া চলিয়া গেল ।

বাড়ির কাহারও নিদ্রাভঙ্গ হইল না, পল্লীর
কেহ কিছুই জানিতে পারিল না, জ্যোৎস্নারাত্রি
তেমনি নিস্তরু হইয়া রহিল, সর্বত্র যেন অথও
শান্তি বিদ্রাজ করিতেছে । কিন্তু অস্তরের
চীৎকারধ্বনি যদি বাহিরে শুনা যাইত তবে
সেই চৈত্র মাসের সুখসুখ জ্যোৎস্নানিশীথিনী
অকস্মাৎ তীব্রতম আর্দ্রস্বরে দীর্ঘ বিদীর্ণ

হইয়া যাইত । এমন সম্পূর্ণ নিঃশব্দে এমন
হৃদয়-বিদারণ ব্যাপার ঘটনা থাকে !

অথচ সে রাত্রিও কাটিয়া গেল । এমন
পর্যন্ত এত অপমান গিরিবালা স্মরণ
কাছেও বলিতে পারিল না । মনে করিল,
আত্মহত্যা করিয়া, এই অভুল রূপ যৌবন
নিজের হাতে খণ্ড খণ্ড করিয়া ভাঙিয়া ফেলিয়া
সে আপন অনাদরের প্রতিশোধ লইবে । কিন্তু
তখন মনে পড়িল, তাহাতে কাহারও কিছু
আসিবে যাইবে না—পৃথিবীর যে কতখানি
ক্ষতি হইবে তাহা কেহ অল্পভবও করিবে না ।
জীবনেও কোন সুখ নাই, মৃত্যুতেও কোন
সান্ত্বনা নাই ।

গিরিবালা বলিল, আমি বাপের বাড়ি
চলিলাম ।—তাহার বাপের বাড়ি কতিকাটা
হইতে দুরে । সকলেই নিষেধ করিল—কিন্তু
বাড়ির কর্তী নিষেধও শুনিল না কাহাকে
সঙ্গেও লইল না । এদিকে গোপীনাথও
সদলবলে নৌকাবিহারে কত দিনের জন্ত
কোথায় চলিয়া গিয়াছে কেহ জানে না ।

দ্বিতীয় পরিচ্ছেদ ।

—o—

গাঙ্গুলী ঠিকেরটারে গোপীনাথ প্রায় প্রত্যেক
অভিনয়েই উপস্থিত থাকিত । সেখানে মনো-
রমানাটকে লবঙ্গ মনোরমা সাজিত এবং গোপী-
নাথ সদলে সন্মুখের সারে বসিয়া তাহাকে
উচ্চৈঃস্বরে বাহবা দিত এবং ষ্টেজের উপর
তোড়া ছুঁড়িয়া ফেলিত । মাঝে মাঝে এক এক
দিন গোলমাল করিয়া দর্শকদের অত্যন্ত
বিরক্তিভাজন হইত । তথাপি রক্তচুম্বির

অধ্যক্ষগণ তাহাকে কখন নিবেদন করিতে সাহস করে নাই ।

অবশেষে একদিন গোপীনাথ কিঞ্চিৎ মত্ত-বহায় গ্রীণরুমের মধ্যে প্রবেশ করিয়া ভারি গোল বাধাইয়া দিল । কি এক সামান্ত কান্টনিক কারণে সে আপনাকে অপমানিত জ্ঞান করিয়া কোনও নটীকে গুরুতর প্রহার করিল—তাহার চীৎকারে, এবং গোপীনাথের গালি বর্ষণে সমস্ত নাট্যাশালা চকিত হইয়া উঠিল ।

সে দিন অধ্যক্ষগণ আর সস্থ করিতে না পারিয়া গোপীনাথকে পুলিশের সাহায্যে বাহির করিয়া দেয় ।

গোপীনাথ এই অপমানের প্রতিশোধ লইতে কৃতনিশ্চয় হইল । থিয়েটারওয়ালারা পূজার একমাস পূর্বে হইতে নূতন নাটক মনোরমার অভিনয় খুব আড়ম্বরসহকারে ঘোষণা করিয়াছে । বিজ্ঞাপনের দ্বারা কলিকাতা সहरটাকে কাগজে মুড়িয়া ফেলিয়াছে ;—রাজধানীতে যেন সেই বিখ্যাত গ্রন্থকারের নামাঙ্কিত নামাবলী পরাইয়া দিয়াছে ।

এমন সময় গোপীনাথ তাহাদের প্রধান অভিনেত্রী লবঙ্গকে লইয়া বোটে চড়িয়া কোথায় অন্তর্দান হইল তাহার আর সন্ধান পাওয়া গেল না ।

থিয়েটারওয়ালারা হঠাৎ অকূলপাথরে পড়িয়া গেল । কিছুদিন লবঙ্গের জন্ত অপেক্ষা করিয়া অবশেষে এক নূতন অভিনেত্রীকে মনোরমার অংশ অভ্যাস করাইয়া লইল—তাহাতে তাহাদের অভিনয়ের সময় পিছাইয়া গেল ।

কিন্তু বিশেষ ক্ষতি হইল না । অভিনয়স্থলে দর্শক আর ধরে না । শত শত লোক ঘর হইতে ফিরিয়া যায় । কাগজেও প্রশংসার সীমা নাই ।

সে প্রশংসা দূরদেশে গোপীনাথের কাণে

গেল । সে আর থাকিতে পারিল না । বিধেয়ে এবং কৌতূহলে পূর্ণ হইয়া সে অভিনয় দেখিতে আসিল ।

প্রথম পট-উৎক্ষেপে অভিনয়ের আরম্ভ-ভাগে মনোরমা দীনহীন বেশে দাসীর মত তাহার ঋণুরবাড়িতে থাকে—প্রচ্ছন্ন বিনয় সন্মুখিতাবে সে আপনার কাজ কর্তব্য করে—তাহার মুখে কথা নাই, এবং তাহার মুখ ভাল করিয়া দেখাই যায় না ।

অভিনয়ের শেষাংশে মনোরমাকে পিতৃগৃহে পাঠাইয়া তাহার স্বামী অর্থলোভে কোন এক লক্ষপতির একমাত্র কন্যাকে বিবাহ করিতে উদ্বৃত হইয়াছে । বিবাহের পর বাসরঘরে যখন স্বামী নিরীক্ষণ করিয়া দেখিল তখন দেখিতে পাইল—এও সেই মনোরমা, কেবল সেই দাসীবেশ নাই—আজ সে রাজকন্যা সাজিয়াছে—তাহার নিরুপম সৌন্দর্য্য, আভরণে ঐশ্বর্য্যে মণ্ডিত হইয়া দশদিকে বিকীর্ণ হইয়া পড়িতেছে । শিশুকালে মনোরমা তাহার ধনী পিতৃগৃহ হইতে অপহৃত হইয়া দরিদ্রের গৃহে পালিত হইয়াছে । বহুকাল পরে সম্প্রতি তাহার পিতা সেই সন্ধান পাইয়া কন্যাকে ঘরে আনাইয়া তাহার স্বামীর সহিত পুনরায় নূতন সমারোহে বিবাহ দিয়াছে । তাহার পরে বাসরঘরে মানভঞ্জন পাল্য আরম্ভ হইল ।


কিন্তু ইতিমধ্যে দর্শকমণ্ডলীর মধ্যে ভারি এক গোলমাল বাধিয়া উঠিল । মনোরমা যতক্ষণ মলিন দাসীবেশে ঘোমটা টানিয়া ছিল ততক্ষণ গোপীনাথ নিস্তব্ধ হইয়া দেখিতেছিল । কিন্তু যখন সে আভরণে ঝলমল করিয়া রক্তাশ্রয় পরিয়া মাথার ঘোমটা ঘুচাইয়া, রূপের তরঙ্গ তুলিয়া বাসর-ঘরে দাঁড়াইল এবং এক অনির্কচনীয় গর্বে গোরবে গ্রীবা বন্ধিম করিয়া সমস্ত দর্শকমণ্ডলীর প্রতি এবং বিশেষ করিয়া

সম্মুখবর্তী গোপীনাথের প্রতি চকিত বিদ্যুতের জ্বাল অবজ্ঞাপূর্ণ তীক্ষ্ণকটাক্ষ নিষ্ক্ষেপ করিল— যখন সমস্ত দর্শকমণ্ডলীর চিত্ত উদ্বেলিত হইয়া প্রশংসায় করতালিতে নাট্যস্থলী সুদীর্ঘকাল রূপাঙ্কিত করিয়া তুলিতে লাগিল—তখন গোপীনাথ সহসা উঠিয়া দাঁড়াইয়া গিরিবালা গিরিবালা করিয়া চীৎকার করিয়া উঠিল। ছুটিয়া স্টেজের উপর লাফ দিয়া উঠিবার চেষ্টা করিল—বাদকগণ তাহাকে ধরিয়া ফেলিল।

এই অকস্মাৎ রসভঙ্গে মর্মান্তিক জুরু হইয়া দর্শকগণ, ইংরাজিতে বাঙ্গালায়, দূর করে দাও, বের করে দাও, বলিয়া চীৎকার করিতে লাগিল।

গোপীনাথ পাগলের মত ভয়কণ্ঠে চীৎকার করিতে লাগিল, আমি ওকে খুন করব, ওকে খুন করব!

পুলিস আসিয়া গোপীনাথকে ধরিয়া টানিয়া বাহির করিয়া লইয়া গেল। সমস্ত কলিকাতা সহরের দর্শক ছই চক্ষু ভরিয়া গিরি-বালার অভিনয় দেখিতে লাগিল—কেবল গোপীনাথ সেখানে স্থান পাইল না।



প্রথম পরিচ্ছেদ ।

—০—

নয়নযোড়ের জমিদারেরা এককালে বাবু বলিয়া বিশেষ বিখ্যাত ছিলেন। তখনকার কালের বাবুয়ানার আদর্শ বড় সহজ ছিল না। এখন যেমন রাজা রায়বাহাদুর খেতাব অর্জন

করিতে অনেককে খানা নাচ ঘোড়দৌড় এবং সেলাম সুপারিসের শ্রদ্ধ করিতে হয়, তখনও সাধারণের নিকট হইতে বাবু উপাধি লাভ করিতে বিস্তর দুঃসাধ্য তপস্চরণ করিতে হইত।

আমাদের নয়নযোড়ের বাবুরা পাড় ছিঁড়িয়া ফেলিয়া ঢাকাই কাপড় পড়িতেন, কারণ পাড়ের কর্কশতায় তাঁহাদের সুকোমল বাবুয়ানা ব্যথিত হইত। তাঁহারা লক্ষ টাকা দিয়া বিড়াল-শাবকের বিবাহ দিতেন এবং কথিত আছে, একবার কোন উৎসব উপলক্ষে রাত্রিকে দিন করিবার প্রতিজ্ঞা করিয়া অসংখ্য দীপ জালাইয়া সূর্য্যকিরণের অনুকরণে তাঁহারা সঁাচ্চা রূপার জরি উপর হইতে বর্ষণ করাইয়াছিলেন।

ইহা হইতেই সকলে বুঝিবেন সেকালে বাবুদের বাবুয়ানা বংশানুক্রমে স্থায়ী হইতে পারিত না। বহু-বার্ত্তিকা-বিশিষ্ট প্রদীপের মত নিজের তৈল নিজে অল্পকালের ধূমধামেই নিঃশেষ করিয়া দিত।

আমাদের কৈলাসচন্দ্র রায় চৌধুরী সেই প্রখ্যাত্তমশ নয়নযোড়ের একটি নির্ঝাঁপিত বাবু। ইনি যখন জন্মগ্রহণ করিয়াছিলেন তৈল তখন প্রদীপের তলদেশে আসিয়া ঠেকিয়াছিল;—ইহার পিতায় মৃত্যু হইলে পর নয়নযোড়ের বাবুয়ানা গোটাকতক অসাধারণ শ্রাদ্ধশাস্তিতে অস্তিম দীপ্তি প্রকাশ করিয়া হঠাৎ নিবিয়া গেল। সমস্ত বিষয় আশয় ঋণের দায়ে বিক্রয় হইল—যে অল্প অবশিষ্ট রহিল তাহাতে পূর্ব-পুরুষের খ্যাতি রক্ষা করা অসম্ভব।

সেই জন্ত নয়নযোড় ত্যাগ করিয়া পুত্রকে সঙ্গে লইয়া কৈলাস বাবু কলিকাতায় আসিয়া বাস করিলেন—পুত্রটিও একটি কল্যাণাত্মক রাখিয়া এই হতগোরব সংসার পরিত্যাগ করিয়া পরলোকে গমন করিলেন।

আমরা তাঁহার কলিকাতার প্রতিবেশী

আমাদের ইতিহাসটা তাঁহাদের হইতে সম্পূর্ণ বিপরীত। আমার পিতা নিজের চেষ্টায় ধন উপার্জন করিয়াছিলেন; তিনি কখনও হাঁটুর নিম্নে কাপড় পারিতেন না, কড়া ক্রান্তির হিসাব রাখিতেন, এবং বাবু উপাধি লাভের জন্ত তাঁহার লালসা ছিল না। সে জন্ত আমি তাঁহার একমাত্র পুত্র তাঁহার নিকট কৃতজ্ঞ আছি। আমি যে লেখা পড়া শিখিয়াছি এবং নিজের প্রাণ ও মান রক্ষার উপযোগী যথেষ্ট অর্থ বিনা চেষ্টায় প্রাপ্ত হইয়াছি, ইহাই আমি পরম গৌরবের বিষয় বলিয়া জ্ঞান করি—শূত্র ভাঙারে পৈতৃক ব্যবসায়ের উজ্জল ইতিহাসের অপেক্ষা লোহার সিন্দূকের মধ্যে পৈতৃক কোম্পানির কাগজ আমার নিকট অনেক বেশী মূল্যবান বলিয়া মনে হয়।

বোধ করি সেই কারণেই, কৈলাসবাবু তাঁহাদের পূর্বগৌরবের ফেল-করা ব্যাকের উপর যখন দেদার লম্বাচোড়া চেক্‌ চালাইতেন তখন তাহা আমার এত অসহ্য ঠেকিত। আমার মনে হইত, আমার পিতা স্বহস্তে অর্থ উপার্জন করিয়াছেন বলিয়া কৈলাসবাবু বুঝি মনে মনে আমাদের প্রতি অবজ্ঞা অনুভব করিতেছেন। আমি রাগ করিতাম এবং ভাবিতাম অবজ্ঞার যোগ্য কে? যে লোক সমস্ত জীবন কঠোর ত্যাগস্বীকার করিয়া, নানা প্রলোভন অতিক্রম করিয়া, লোকমুখের তুচ্ছ খ্যাতি অবহেলা করিয়া, অশ্রান্ত এবং সতর্ক বুদ্ধিকৌশলে সমস্ত প্রতিকূল বাধা প্রতিহত করিয়া সমস্ত অনুকূল অবসরগুলিকে আপনার আয়ত্তগত করিয়া একটি একটি রৌপ্যের স্তরে সম্পদের একটি সমুচ্চ পিরামিড্ একাকী স্বহস্তে নির্মাণ করিয়া গিয়াছেন, তিনি হাঁটুর

নীচে কাপড় পরিতেন না বলিয়া যে কম লোক ছিলেন তাহা নয়।

তখন বয়স অল্প ছিল সেই জন্ত এইরূপ তর্ক করিতাম রাগ করিতাম—এখন বয়স বে হইয়াছে এখন মনে করি, ক্ষতি কি! আমার ত বিপুল বিষয় আছে, আমার কিসের অভাব? যাহার কিছু নাই, সে যদি অহঙ্কার করিয়া সুখী হয়, তাহাতে আমার ত শিকি পয়সার লোকসান নাই, বরং সে বেচারার সান্ত্বনা আছে।

ইহাও দেখা গিয়াছে আমি ব্যতীত আর কেহ কৈলাসবাবুর উপর রাগ করিত না। কারণ, এত বড় নিরীহ লোক সচরাচর দেখা যায় না। ক্রিয়াকর্মে স্নেহে দুঃখে প্রতিবেশীদের সহিত তাঁহার সম্পূর্ণ যোগ ছিল। ছেলে হইতে বৃদ্ধ পর্যন্ত সকলকেই দেখা হইবামাত্র তিনি হাসিমুখে প্রিয় সম্ভাষণ করিতেন—যেখানে যাহার যে কেহ আছে সকলেরই কুশল সংবাদ জিজ্ঞাসা করিয়া তবে তাঁহার শিষ্টতা বিরাম লাভ করিত। এই জন্ত কাহারও সহিত তাঁহার দেখা হইলে একটা সুদীর্ঘ প্রমোত্তর-মালার সৃষ্টি হইত; ভাল ত? শশী ভাল আছে? আমাদের বড় বাবু ভাল আছেন? মধুর ছেলোটের জ্বর হয়েছিল শুনেছিলুম সে এখন ভাল আছে ত? হরিচরণ বাবুকে অনেক কাল দেখিনি তাঁর অসুখ বিস্ময় কিছু হয়নি? তোমাদের রাখালের খবর কি? বাড়ির এঁয়ারা সকলে ভাল আছেন? ইত্যাদি।

লোকটি ভারি পরিষ্কার পরিচ্ছন্ন। কাপড় চোপড় অধিক ছিল না, কিন্তু মেরজাইটি চাদরটি, জামাটি, এমন কি, বিছানায় পাতিবার একটি পুরাতন রূপার, বালিশের ওয়াড়, একটি ক্ষুদ্র সতরঞ্চ সমস্ত স্বহস্তে রোজে দিয়া ঝাড়িয়া দড়িতে ঝাটাইয়া ভাঁজ করিয়া আল-

নায় তুলিয়া পরিপাটি করিয়া রাখিতেন। যখন তাঁহাকে দেখা যাইত তখন মনে হইত যেন তিনি সুসজ্জিত প্রস্তুত হইয়া আছেন। অন্নস্নান সামান্ত আস্বাবেও তাঁহার ঘরঘার সমুদ্বল হইয়া থাকিত। মনে হইত যেন তাঁহার আয়ও অনেক আছে।

ভৃত্যভাবে অনেক সময় ঘরের দ্বার বন্ধ করিয়া তিনি নিজের হস্তে অতিশয় পরিপাটি করিয়া ধূতি কঁচাইতেন এবং চাদর ও জামার আন্তিন বহুদলে ও পরিশ্রমে “গিলে” করিয়া রাখিতেন। তাঁহার বড় বড় জমিদারী ও বহুমূল্যের বিষয়সম্পত্তি লোপ পাইয়াছে, কিন্তু একটি বহুমূল্য গোলাপশাখ, আতরদান, একটি সোণার রেকাবী, একটি রূপার আলবোলা, একটি বহুমূল্য শাল ও সেকলে জামাবোড়া ও পাগড়ী দারিদ্রের গ্রাস হইতে বহুচেষ্টায় তিনি রক্ষা করিয়াছিলেন। কোন একটা উপলক্ষ উপস্থিত হইলে এই গুলি বাহির হইত এবং নয়নঘোড়ের অগ্নিধাত্য বাকুদের গৌরব রক্ষা হইত।

এদিকে কৈলাসবাবু মাটির মানুষ হইলেও কথায় যে অহঙ্কার করিতেন সেটা যেন পূর্ব-পুরুষদের প্রতি কর্তব্য বোধে করিতেন; সকল লোকেই তাহাতে প্রশ্রয় দিত এবং বিশেষ আমোদ বোধ করিত।

পাড়ার লোকে তাঁহাকে ঠাকুরদামশাই বলিত এবং তাঁহার ওখানে সর্বদা বিস্তর লোক সমাগম হইত; কিন্তু দৈন্ত্যবস্থায় পাছে তাঁহার তামাকের খরচটা গুরুতর হইয়া উঠে এই ভয় প্রায়ই পাড়ার কেহ না; কেহ ছই এক সের তামাক কিনিয়া লইয়া গিয়া তাঁহাকে বলিত, ঠাকুরদামশায় একবার পরীক্ষা করিয়া দেখ দেখি ভাল গরায় তামাক পাওয়া গেছে।

ঠাকুরদামশায় ছই এক টান টানিয়া বলি-;

তেম, বেশ ভাই, বেশ তামাক। অমনি সেই উপলক্ষে ষাট পয়সটি টাকা ভরিয়া তামাকের গল্প পাড়িতেন; এবং জিজ্ঞাসা করিতেন সে তামাক কাহারও আশ্রয় করিয়া দেখিবার ইচ্ছা আছে কি না?

সকলেই জানিত সে যদি কেহ ইচ্ছা প্রকাশ করে তবে নিশ্চয় চাবির সন্ধান পাওয়া যাইবে না অথবা অনেক অন্বেষণের পর প্রকাশ পাইবে যে পুরাতন ভৃত্য গণেশ বেটা কোথায় যে কি রাখে তাহার আর ঠিকানা নাই—গণেশও বিনা প্রতিবাদে সমস্ত অপবাদ স্বীকার করিয়া লইবে। এই ভয় সকলেই একবাক্যে বলিত, ঠাকুরদামশায় কাজ নেই, সে তামাক আমাদের সহ হবে না, আমাদের এই ভাল।

তিনি ঠাকুরদা বিরুদ্ধি না করিয়া ঈশ্বর হস্ত করিতেন। সকলে বিদায় লইবার কালে বৃদ্ধ হঠাৎ বলিয়া উঠিতেন, সে যেন হল, তোমরা কবে আমার এখানে খাবে বল দেখি ভাই?

অমনি সকলে বলিত, সে একটা দিন ঠিক করে দেখা যাবে।

ঠাকুরদা মশায় বলিতেন, সেই ভাল, একটু বৃষ্টি পড়ুক, ঠাণ্ডা হোক, নইলে এ গরমে গুরু ভোজনটা কিছু নয়।

যখন বৃষ্টি পড়িত তখন ঠাকুরদাকে কেহ তাঁহার প্রতিজ্ঞা স্মরণ করাইয়া দিত না—বরঞ্চ কথা উঠিলে সকলে বলিত, এই বৃষ্টি বাঙ্গলটা না ছাড়লে সুবিধে হচে না। স্ক্রু বাসা-বাড়িতে বাস করাটা তাঁহার পক্ষে ভাল দেখা-ইতেছে না এবং কষ্টও হইতেছে এ কথা তাঁহার বহুবান্ধব সকলেই তাঁহার সমক্ষে স্বীকার করিত অথচ কলিকাতায় কিনিবার উপযুক্ত বাড়ি খুঁজিয়া পাওয়া যে কত কঠিন, সে বিষয়েও কাহারও সন্দেহ ছিল না—এমন

কি আজ ছয় সাত বৎসর সন্ধান করিয়া ভাড়া লইবার মত একটা বড় বাড়ি পাড়ার কেহ দোখতে পাইল না—অবশেষে ঠাকুর্দামশাই বলিতেন, “তা হোক্ ভাই, তোমাদের কাছাকাছি আছি এই আমার স্বখ, নয়নঘোড়ে বড় বাড়ি ত পড়েই আছে কিন্তু সেখানে কি মন টেকে ?”

আমার বিশ্বাস, ঠাকুর্দাও জানিতেন যে, সকলে তাঁহার অবস্থা জানে, এবং যখন তিনি ভূতপূর্ন নয়নঘোড়কে বর্তমান বলিয়া ভাণ করতেন এবং অস্ত্র সকলেও তাহাতে যোগ দিত তখন তিনি মনে মনে বুঝিতেন যে, পরস্পরের এই ছলনা কেবল পরস্পরের প্রতি সৌহার্দ্যবশতঃ ।

কিন্তু আমার বিষম বিরক্তি বোধ হইত । অল্প বয়সে পরের নিরীহ পক্ষও দমন করিতে ইচ্ছা করে এবং সহস্র গুরুতর অপরাধের তুলনায় নির্বুদ্ধিতাই সর্বাপেক্ষা অসহ্য বোধ হয় । কৈলাসবাবু ঠিক নির্দোষ ছিলেন না, কাজে কর্তে তাঁহার সহায়তা এবং পরামর্শ সকলেই প্রার্থনীয় জ্ঞান করিত । কিন্তু নয়নঘোড়ের গৌরব প্রকাশ সম্বন্ধে তাঁহার কিছুমাত্র কাণ্ডজ্ঞান ছিল না । সকলে তাঁহাকে ভালবাসিয়া এবং আশ্রয় করিয়া তাঁহার কোন অসম্ভব কথাতেই প্রতিবাদ করিত না বলিয়া তিনি আপনার কথার পরিমাণ রক্ষা করিতে পারিতেন না । অস্ত্র লোকেও যখন আশ্রয় করিয়া অথবা তাঁহাকে সন্তুষ্ট করিবার জন্য নয়নঘোড়ের কীর্তিকালাপ সম্বন্ধে বিপরীত মাত্রায় অত্যাধিক প্রয়োগ করিত, তিনি অকাতরে সমস্ত গ্রহণ করিতেন এবং স্বপ্নেও সন্দেহ করিতেন না যে, অস্ত্র কেহ এ সকল কথা লেশমাত্র অবিশ্বাস করিতে পারে ।

আমার এক এক সময় ইচ্ছা করিত, রুক্ষ

এই যে মিথ্যা দুর্গ অবলম্বন করিয়া বাস করিতেছে এবং মনে করিতেছে ইহা চিরস্থায়ী, এই দুর্গটি দুইতোপে সর্বসমক্ষে উড়াইয়া দিই । একটা পাখীকে সুবিধামত ডালের উপর বসিয়া থাকিতে দেখিলেই শিকারীর ইচ্ছা করে তাহাকে গুলি বসাইয়া দিতে, পাহাড়ের গায়ে একটা প্রস্তর পতনোন্মুখ থাকিতে দেখিলেই বাগকের ইচ্ছা করে এক লাথি মারিয়া তাহাকে গড়াইয়া ফেলিতে—যে জিনিষটা প্রতি মুহূর্তে পড়ি পড়ি করিতেছে অথচ কোন একটা কিছুতে সংলগ্ন হইয়া আছে, তাহাকে ফেলিয়া দিলেই তবে যেন তাহার সম্পূর্ণতা সাধন এবং দর্শকের মনের তৃপ্তিলাভ হয় । কৈলাসবাবুর মিথ্যাগুলি এতই সরল, তাহার ভিত্তি এতই দুর্বল, তাহা ঠিক সত্য বন্ধুকের লক্ষ্যের সামনে এমনি বুক ফুলাইয়া নৃত্য করিত যে, তাহাকে মুহূর্তের মধ্যে বিনাশ করিবার জন্য একটি আবেগ উপস্থিত হইত—কেবল নিতান্ত আলস্যবশতঃ এবং সর্বজনসম্মত প্রথার অনুসরণ করিয়া সে কার্যে হস্তক্ষেপ করিতাম না ।

দ্বিতীয় পরিচ্ছেদ ।

নিজের অতীত মনোভাব বিশ্লেষণ করিয়া যতটা মনে পড়ে তাহাতে মনে হয়, কৈলাসবাবুর প্রতি আমার আন্তরিক বিষেষের আর একটি গুঢ় কারণ ছিল । তাহা একটু বিকৃত করিয়া বলা আবশ্যিক ।

আমি বড়মানুষের ছেলে হইয়াও যথাকালে এম, এ, পাস করিয়াছি, যৌবন সম্বন্ধে কোন প্রকার কুসংসর্গ কুৎসিত আশ্রয়ে যোগ দিই নাই, এবং অভিজ্ঞবৃদ্ধের মৃত্যুর পরে স্বয়ং

কর্তা হইয়াও আমার স্বভাবের কোন প্রকার বিকৃতি উপস্থিত হয় নাই। তাহা ছাড়া চেহারাটা এমন যে, তাহাকে আমি নিজ মুখে স্ত্রী বলিলে অহঙ্কার হইতে পারে কিন্তু মিথ্যাবাদ হয় না।

অতএব বাঙ্গালা দেশে ঘটকালির হাতে আমার দাম যে অত্যন্ত বেশী তাহাতে আর সন্দেহ নাই—এই হাতে আমার সেই দাম আমি পূরা আদায় করিয়া লইব, এইরূপ দৃঢ় প্রতিজ্ঞা করিয়াছিলাম। ধনী পিতার পরম রূপবতী একমাত্র বিদুষী কন্যা আমার কল্পনায় আদর্শ-রূপে বিরাজ করিতেছিল।

দশ হাজার বিশ হাজার টাকা গণের প্রস্তাব করিয়া দেশ বিদেশ হইতে আমার সম্বন্ধ আসিতে লাগিল। আমি অবিচলিতচিত্তে নিক্তি ধরিয়া তাহাদের যোগ্যতাযোগ্যতা ওজন করিয়া লইতে ছিলাম, কোনটাই আমার সম-যোগ্য বোধ হয় নাই! অবশেষে ভবভূতির শ্রায় আমার ধারণা হইয়াছিল যে,—

কি জানি জন্মিতে পারে মম সমতুল,
অসীম সময় আছে, বসুধা বিপুল।

কিন্তু বর্তমান কালে এবং ক্ষুদ্র বঙ্গদেশে সেই অসম্ভব হুল্লভ পদার্থ জন্মিয়াছে কি না সন্দেহ।

কন্যাদায়গ্রন্থগণ প্রতিনিয়ত নানা ছন্দে আমার স্তবস্তুতি এবং বিবিধোপচারে আমার পূজা করিতে লাগিল! কন্যা পছন্দ হউক বা না হউক, এই পূজা আমার মন্দ লাগিল না। ভাল ছেলে বলিয়া, কন্যার পিতৃগণের এই পূজা আমার উচিতপ্রাপ্য স্থির করিয়াছিলাম। শান্ত্রে পড়া যায়, দেবতা বর দিন আর না দিন যথাবিধি পূজা না পাইলে বিষম জ্বর হইয়া উঠেন। নিয়মিত পূজা পাইয়া আমারও মনে সেইরূপ অত্যাচ্ছ দেবভাব জন্মিয়াছিল।

পূর্বেই বলিয়াছিলাম, ঠাকুর্দা মশায়ের একটি পৌত্রী ছিল। তাহাকে অনেকবার দেখিয়াছি কিন্তু কখনও রূপবতী বলিয়া ভ্রম হয় নাই। সুতরাং তাহাকে বিবাহ করিবার কল্পনাও উদিত হয় নাই। কিন্তু ইহা ঠিক করিয়া রাখিয়াছিলাম যে, কৈলাস বাবু, লোক-মারফৎ অথবা স্বয়ং পৌত্রীটিকে অর্ধ্য দিবার মানসে আমার পূজার বোধন করিতে আসি-বেন, কারণ, আমি ভাল ছেলে। কিন্তু তিনি তাহা করিলেন না।

শুনিতে পাইলাম, আমার কোন বন্ধুকে তিনি বলিয়াছিলেন, নয়নঘোড়ের বাবুরা কখনও কোন বিষয়ে অগ্রসর হইয়া কাহারও নিকটে প্রার্থনা করে নাই—কন্যা যদি চির-কুমারী হইয়া থাকে তথাপি সেই কুলপ্রথা তিনি ভঙ্গ করিতে পারিবেন না।

শুনিয়া আমার বড় রাগ হইল। সে রাগ অনেক দিন পর্যন্ত আমার মনের মধ্যে ছিল—কেবল ভাল ছেলে বলিয়াই চূপচাপ করিয়া ছিলাম।

যেমন বজ্রের সঙ্গে বিদ্যুৎ থাকে, তেমনি আমার চরিত্রে রাগের সঙ্গে সঙ্গে একটা কোতুক-প্রিয়তা জড়িত ছিল। বৃদ্ধকে শুদ্ধমাত্র নিপীড়ন করা আমার দ্বারা সম্ভব হইত না—কিন্তু একদিন হঠাৎ এমন একটা কোতুকাবহ প্লান মাথায় উদয় হইল যে, সেটা কাজে খাটাইবার প্রলোভন সম্বরণ করিতে পারিলাম না।

পূর্বেই বলিয়াছি, বৃদ্ধকে সন্তুষ্ট করিবার জন্ত নানা লোকে নানা মিথ্যা কথার স্বজন করিত। পাড়ার একজন পেশনভোগী ডেপুটি ম্যাজিস্ট্রেট প্রায় বলিতেন, ঠাকুর্দা, ছোট-লাটের সঙ্গে যখন দেখা হয় তিনি নয়নঘোড়ের বাবুদের খবর না নিয়ে ছাড়েন না—সাহেব বলেন, বাঙ্গালাদেশে বর্ধমানের রাজা এবং

নয়নঘোড়ের বাবু, এই ছাটি মাত্র যথার্থ বনেদী বংশ আছে !

ঠাকুর্দা ভারি খুসি হইতেন—এবং ভূত-পূর্ক ডেপুটি বাবুর সহিত সাক্ষাৎ হইলে অন্যান্য কুশলসংবাদের সহিত জিজ্ঞাসা করিতেন— ছোটলাট সাহেব ভাল আছেন ? তাঁর মেম-সাহেব ভাল আছেন ? তাঁর পুত্র কণ্ঠারা স্কুলেই ভাল আছেন ? সাহেবের সহিত শীঘ্র একদিন সাক্ষাৎ করিতে যাইবেন এমন ইচ্ছাও প্রকাশ করিতেন। কিন্তু ভূতপূর্ক ডেপুটি নিশ্চয় জানিতেন নয়নঘোড়ের বিখ্যাত চৌঘুড়ি প্রস্তুত হইয়া দ্বারে আসিতে আসিতে বিস্তর ছোট লাট এবং বড় লাট বদল হইয়া যাইবে !

আমি একদিন, প্রাতঃকালে গিয়া কৈলাস বাবুকে আড়ালে ডাকিয়া লইয়া চুপি চুপি বলিলাম—ঠাকুর্দা, কাল লেপ্টেনেন্ট গবর্নরের লেভিতে গিয়েছিলুম। তিনি নয়নঘোড়ের বাবুদের কথা পাড়াতে আমি বল্লুম নয়নঘোড়ের কৈলাস বাবু কলকাতাতেই আছেন— শুনে ছোটলাট এতদিন দেখা কর্তে আসেন নি বলে ভারি দুঃখিত হলেন—বলে দিলেন আজই দুপুর বেলা তিনি গোপনে তোমার সঙ্গে সাক্ষাৎ করতে আসবেন।

আর কেহ হইলে কথাটার অসম্ভবতা বুঝিতে পারিত এবং আর কাহারও সম্বন্ধে হইলে কৈলাস বাবুও এ কথায় হাস্ত করিতেন— কিন্তু নিজের সম্বন্ধীয় বলিয়া এ সংবাদ তাঁহার লেশমাত্র অবিশ্বাস্ত বোধ হইল না। শুনিয়া যেমন খুসি হইলেন তেমনি অস্থির হইয়া উঠিলেন—কোথায় বসাইতে হইবে, কি করিতে হইবে, কেমন করিয়া অভ্যর্থনা করিবেন—কি উপায়ে নয়নঘোড়ের গৌরব রক্ষিত হইবে কিছুই ভাবিয়া পাইলেন না। তাহা ছাড়া,

তিনি ইংরাজি জানেন না, কথা চালাইবেন কি করিয়া সেও এক সমস্যা।

আমি বলিলাম সে জন্ত ভাবনা নাই, তাঁহার সঙ্গে এক জন করিয়া দোভাষী থাকে ; কিন্তু ছোটলাট সাহেবের বিশেষ ইচ্ছা, আর কেহ যেন উপস্থিত না থাকে।

মধ্যাহ্নে পাড়ার অধিকাংশ লোক, যখন আপিসে গিয়াছে এবং অবশিষ্ট অংশ দ্বার রুদ্ধ করিয়া নিদ্রামগ্ন তখন কৈলাস বাবুর বাসার সম্মুখে এক জুড়ি আসিয়া দাঁড়াইল।

তকমা-পরা চাপরাসি তাঁহাকে খবর দিল ছোটলাট সাহেব আয়া ! ঠাকুর্দা প্রাচীনকাল-প্রচলিত গুত্র জামাঘোড়া এবং পাগড়ী পরিয়া প্রস্তুত হইয়াছিলেন তাঁহার পুরাতন ভৃত্য গণেশটিকে তাঁহার নিজের ধূতি চাদর জামা পরাইয়া ঠিক ঠাক করিয়া রাখিয়াছিলেন। ছোটলাটের আগমনসংবাদ শুনিয়াই হাঁপাইতে হাঁপাইতে কাঁপিতে কাঁপিতে ছুটয়া দ্বারে গিয়া উপস্থিত হইলেন—এবং সম্রতদেহে বারংবার সেলাম করিতে করিতে ইংরাজবেশধারী আমার এক প্রিয়বয়স্ককে ঘরে লইয়া গেলেন।

সেখানে চৌকির উপরে তাঁহার একমাত্র বহুমূল্য শালটি পাতিয়া রাখিয়াছিলেন তাহারই উপর কৃত্রিম ছোটলাটকে বসাইয়া উর্দু ভাষায় এক অতি বিনীত সুদীর্ঘ বক্তৃতা পাঠ করিলেন এবং নজরের স্বরূপে স্বর্ণ রেকাবীতে তাঁহাদের বহুকষ্টরক্ষিত কুলক্রমাগত এক আসুরফির মালা ধরিলেন। প্রাচীন ভৃত্য গণেশ গোলাপ-পাশ এবং আতরদান লইয়া উপস্থিত ছিল।

কৈলাস বাবু বারংবার আক্ষেপ করিতে লাগিলেম যে, তাঁহাদের নয়নঘোড়ের বাড়িতে হজুর বাহাজরের পদধূলি পড়িলে তাঁহাদের যথাসাধ্য যথোচিত আতিথ্যের আয়োজন করিতে পারিতেন—কলিকাতায় তিনি প্রবাসী

—এখানে তিনি জলহীন মীনের স্নায় সৰ্ব্ব বিষয়েই অক্ষম—ইত্যাদি।

আমার বন্ধু দীৰ্ঘ ছাট সমেত অত্যন্ত গম্ভীর-ভাবে মাথা নাড়িতে লাগিলেন ! ইংরাজ-কায়দা-অনুসারে একরূপ স্থলে মাথায় টুপি না থাকিবার কথা কিন্তু আপনায় বন্ধু ধরা পড়িবার ভয়ে ষথাসম্ভব আচ্ছন্ন থাকিবার চেষ্টায় টুপি খোলেন নাই।

কৈলাস বাবু এবং তাঁহার গৰ্ভাক্রান্ত প্রাচীন ভৃত্যটি ছাড়া আর সকলেই মুহূর্তের মধ্যেই বাতালার এই ছন্নবেশ ধরিতে পারিত।

দশমিনিট কাল ঘাড় নাড়িয়া আমার বন্ধু গাত্ৰোখান করিলেন এবং পূৰ্বশিক্ষামত চাপরাসিগণ সোণার রেকাবীমুদ্র আসরক্ষির মালা, চৌকি হইতে সেই শাল, এবং ভৃত্যের হাত হইতে গোলাপপাশ এবং আতরদান সংগ্রহ করিয়া ছন্নবেশীর গাড়িতে তুলিয়া দিল—কৈলাস বাবু বুঝিলেন ইহাই ছোটলাটের প্রথা। আমি গোপনে এক পাশের ঘরে লুকাইয়া দেখিতেছিলাম এবং রুদ্ধ হস্তাবেগে আমার পঞ্জর বিদীর্ণ হইবার উপক্রম হইতেছিল।

অবশেষে কিছুতে আর থাকিতে না পারিয়া ছুটিয়া কিঞ্চিৎদূরবর্তী এক ঘরের মধ্যে গিয়া প্রকাশ করিলাম—এবং সেখানে হাসির উচ্চাস উদ্ভুক্ত করিয়া দিয়া হঠাৎ দেখি, একটি বালিকা তক্তপোষের উপর উপড় হইয়া পড়িয়া ফুলিয়া কাঁদিতেছে।

আমাকে হঠাৎ ঘরে প্রবেশ করিয়া হাসিতে দেখিয়া সে তৎক্ষণাৎ তক্তা ছাড়িয়া দাঁড়াইল—এবং অশ্রুসিক্ত কণ্ঠে ঘোষের গৰ্জন আনিয়া আমার মুখের উপর সজল বিপুল কৃষ্ণ-চক্ষের স্নাতীক বিছাৎ বর্ষণ করিয়া কহিল—“আমার দাদামশায় তোমাদের কি করেছেন

—কেন তোমরা তাঁকে ঠকাতে এসেচ—কেন এসেচ তোমরা”—অবশেষে আর কোন কথা জুটিল না—বাকরুদ্ধ হইয়া মুখে কাপড় দিয়া কাঁদিয়া উঠিল।

কোথায় গেল আমার হস্তাবেগ ! আমি যে কাজটি করিয়াছি তাহার মধ্যে কৌতুক ছাড়া আর যে কিছু ছিল এতক্ষণ তাহা আমার মাথায় আসে নাই—হঠাৎ দেখিলাম অত্যন্ত কোমল স্থানে অত্যন্ত কঠিন আঘাত করিয়াছি ; হঠাৎ আমার কৃত কার্যের বীভৎস নিষ্ঠুরতা আমার সম্মুখে দেদীপ্যমান হইয়া উঠিল—লজ্জায় এবং অনুতাপে পদাহত কুকুরের স্নায় ঘর হইতে নিঃশব্দে বাহির হইয়া গেলাম। বৃদ্ধ আমার কাছে কি দোষ করিয়াছিল ? তাহার নিরীহ অহঙ্কার ত কখন কোন প্রাণীকে আঘাত করে নাই। আমার অহঙ্কার কেন এমন হিংস্রমূৰ্ত্তি ধারণ করিল ?

তাহা ছাড়া আর একটি বিষয়ে আজ হঠাৎ দৃষ্টি খুলিয়া গেল। এতদিন আমি কুসুমমণিকে, কোন অবিবাহিত পাত্রের প্রথম দৃষ্টিপাতের প্রতীক্ষায় সংরক্ষিত পণ্য-পদার্থের মত দেখিতাম—ভাবিতাম, আমি পছন্দ করি নাই বলিয়া ও পড়িয়া আছে, দৈবাৎ যাহার পছন্দ হইবে ও তাহারই হইবে। আজ দেখিলাম এই গৃহকোণে, ঐ বালিকামূৰ্ত্তির অন্তরালে একটি মানব হৃদয় আছে। তাহার নিজের সুখ স্বেচ্ছা অনুরাগ বিরাগ লইয়া একটি অনন্ত-করণ একদিকে অজ্ঞেয় অতীত আর একদিকে অভাবনীয় ভবিষ্যৎ নামক দুই অনন্ত রহস্ত-রাজ্যের দিকে পূৰ্বে পশ্চিমে প্রসারিত হইয়া রহিয়াছে ! যে মানুষের মধ্যে হৃদয় আছে সে কি কেবল পণের টাকা এবং নাক চোখের পরিমাণ মাপিয়া পছন্দ করিয়া লইবার যোগ্য ? সমস্ত, যাত্রি সিদ্ধা হইল না। পরদিন

প্রত্যয়ে বৃদ্ধের সমস্ত অপেক্ষিত বহুমূল্য দ্রব্যগুলি লইয়া চোয়ের স্নায় চুপি চুপি ঠাকুরদার বাসায় গিয়া প্রবেশ করিলাম—ইচ্ছা ছিল কাহাকেও কিছু না বলিয়া গোপনে চাকরের হাতে সমস্ত দিয়া আসিব।

চাকরকে দেখিতে না পাইয়া ইতস্ততঃ করিতেছি এমন সময় অদূরবর্তী ঘরে বৃদ্ধের সহিত বালিকার কথোপকথন শুনিতে পাইলাম। বালিকা স্মিট সন্নেহ স্বরে জিজ্ঞাসা করিতেছিল, দাদা মহাশয়, কাল লাট সাহেব তোমাকে কি বলেন? ঠাকুরদা অত্যন্ত হর্ষিত চিত্তে লাট সাহেবের মুখে প্রাচীন নয়নঘোড় বংশের বিস্তৃত কাল্পনিক গুণানুবাদ বসাইতেছিলেন। বালিকা তাহাই শুনিয়া মহোৎসাহ প্রকাশ করিতেছিল।

বৃদ্ধ অভিভাবকের প্রতি মাতৃহৃদয়া এই ক্ষুদ্র বালিকার সক্রমণ ছলনায় আমার দুই চক্ষে জল ছল ছল করিয়া আসিল। অনেকক্ষণ চুপ করিয়া বসিয়া রহিলাম—অবশেষে ঠাকুরদা তাঁহার কাহিনী সমাপন করিয়া চলিয়া আসিলে আমার প্রতারণার বমালগুলি লইয়া বালিকার নিকট উপস্থিত হইলাম এবং নিঃশব্দে তাহার সম্মুখে সমস্ত রাখিয়া বাহিরে চলিয়া আসিলাম।


বর্তমান কালের প্রথামুসারে অত্রদিন বৃদ্ধকে দেখিয়া কোন প্রকার অভিবাদন করিতাম না—আজ তাঁহাকে প্রণাম করিলাম। বৃদ্ধ নিশ্চয় মনে ভাবিলেন, গতকল্য ছোট লাট তাঁহার বাড়িতে আসাতেই সহসা তাঁহার প্রতি আমার শুক্তির উদ্বেগ হইয়াছে। তিনি পূর্তকিত হইয়া শতমুখে ছোটলাটের গল্প বানাইয়া বলিতে লাগিলেন—আমিও কোন প্রতিবাদ না করিয়া তাহাতে যোগ দিলাম। বাহিরের অস্ত্র লোক বাহারা শুনিল তাহারা এ কথাটাকে আত্মপাস্ত গল্প বলিয়া স্থির করিল,

এবং সকৌতুকে বৃদ্ধের সহিত সকল কথাই সায় দিয়া গেল।

সকলে উঠিয়া গেলে আমি অত্যন্ত সন্তুষ্ট মুখে দীনভাবে বৃদ্ধের নিকট একটি প্রস্তাব করিলাম। বলিলাম, যদিও নয়নঘোড়ের বাবুদের সহিত আমাদের বংশমর্যাদার তুলনাই হইতে পারে না তথাপি—

প্রস্তাবটা শেষ হইবামাত্র বৃদ্ধ আমাকে বক্ষে আলিঙ্গন করিয়া ধরিলেন, এবং আনন্দবেগে বলিয়া উঠিলেন—আমি গরীব—আমার যে এমন সৌভাগ্য হবে তা আমি জানতুম না! ভাই—আমার কুসুম অনেক পুণ্য করেছে তাই তুমি আজ ধরা দিলে! বলিতে বলিতে বৃদ্ধের চক্ষু দিয়া জল পড়িতে লাগিল।

বৃদ্ধ, আজ এই প্রথম, তাঁহার মহিমাম্বিত পূর্বপুরুষদের প্রতি কর্তব্য বিশ্বত হইয়া স্বীকার করিলেন যে, তিনি গরীব, স্বীকার করিলেন যে, আমাকে লাভ করিয়া নয়নঘোড় বংশের গৌরব হানি হয় নাই। আমি যখন বৃদ্ধকে অপদস্থ করিবার জন্ত চক্রান্ত করিতেছিলাম তখন বৃদ্ধ আমাকে পরম সংপাঞ্জ জানিয়া একান্তমনে কামনা করিতেছিলেন।



১
ফকিরচাঁদ বাল্যকাল হইতেই গস্তীরপ্রকৃতি। বৃদ্ধসমাজে তাহাকে কখনই বেমানান দেখাইত না। ঠাণ্ডা জল, হিম, এবং হাত্ত পরিহাস

তাহার একেবারে সহ হইত না। একে গম্ভীর তাহাতে বৎসরের মধ্যে অধিকাংশ সময়েই মুখমণ্ডলের চারিদিকে কালো পশমের গলাবন্ধ জড়াইয়া থাকিতে তাহাকে ভয়ঙ্কর উঁচুদরের লোক বলিয়া বোধ হইত। ইহার উপরে, অতি অল্প বয়সেই তাহার গুষ্ঠাধর এবং গণ্ডুল প্রচুর গৌরব দাড়িতে আচ্ছন্ন হওয়াতে সমস্ত মুখের মধ্যে হস্তবিকাশের স্থান আর তিল মাত্র অবশিষ্ট রহিল না।

স্ত্রী হৈমবতীর বয়স অল্প এবং তাহার মন পার্থিব বিষয়ে সম্পূর্ণ নিবিষ্ট। সে বন্ধিম বাবুর নভেল পড়িতে চায় এবং স্বামীকে ঠিক দেবতার ভাবে পূজা করিয়া তাহার তৃপ্তি হয় না। সে একটুখানি হাসিখুসি ভালবাসে, এবং বিকচো-মুখ পুষ্প যেমন বায়ুর আন্দোলন এবং প্রভাতের আলোকের জন্ত ব্যাকুল হয়, সেও তেমনি এই নব যৌবনের সময় স্বামীর নিকট হইতে আদর এবং হস্তামোদ যথাপরিমাণে প্রত্যাশা করিয়া থাকে। কিন্তু স্বামী তাহাকে অবসর পাইলেই ভাগবত পড়ায়, সন্ধ্যাবেলায় ভগবদ্গীতা শুনায়, এবং তাহার আধ্যাত্মিক উন্নতির উদ্দেশে মাঝে মাঝে শারীরিক শাসন করিতেও ক্রটি করে না। যে দিন হৈমবতীর বালিশের নীচে হইতে “কৃষ্ণকাস্তুর উইল, বাহির হয় সে দিন উক্ত লঘুপ্রকৃতি যুবতীকে সমস্ত রাত্রি অশ্রুপাত করাইয়া তবে ফকির ক্ষান্ত হন। একে নভেল পাঠ তাহাতে আবার পতিদেবকে প্রতারণা! যাহা হটক অবিশ্রাম আদেশ অনুদেশ উপদেশ ধর্মনীতি এবং দণ্ডনীতির দ্বারা অবশেষে হৈমবতীর মুখের হাসি, মনের সুখ এবং যৌবনের আবেগ একেবারে নিষ্কর্ষণ করিয়া ফেলিতে স্বামীদেবতা সম্পূর্ণ কৃতকার্য হইয়াছিলেন।

কিন্তু, অনাসক্ত লোকের পক্ষে সংসারে

বিস্তর বিঘ্ন। পরে পরে ফকিরের এক ছেলে এক মেয়ে জন্মগ্রহণ করিয়া সংসারবন্ধন বাড়িয়া গেল। পিতার তাড়নায় এতবড় গম্ভীরপ্রকৃতি ফকিরকেও আপিসে আপিসে কর্মের উমেদারীতে বাহির হইতে হইল, কিন্তু কর্ম জুটিবার কোন সম্ভাবনা দেখা গেল না।

তখন তিনি মনে করিলেন বুদ্ধদেবের মত আমি সংসার ত্যাগ করিব। এই ভাবিয়া একদিন গভীর রাত্রে ঘর ছাড়িয়া বাহির হইয়া গেলেন।

২

মধ্যে আর একটি ইতিহাস বলা আবশ্যিক।

নবগ্রামবাসী ষষ্ঠিচরণের এক ছেলে। নাম মাখনলাল। বিবাহের অনতিবিলম্বে সন্তানাদি না হওয়াতে পিতার অনুরোধে এবং নূতনশ্বের প্রলোভনে আর একটি বিবাহ করেন। এই বিবাহের পর হইতে যথাক্রমে তাঁহার উভয় স্ত্রীর গর্ভে সাতটি কন্যা এবং একটি পুত্র জন্মগ্রহণ করিল।

মাখন লোকটা নিতান্ত সৌখীন এবং চপল প্রকৃতি, কোন প্রকার গুরুতর বর্ন্তব্যের দ্বারা আবদ্ধ হইতে নিতান্ত নারাজ। একে ত ছেলেপুলের ভার, তাহার পরে যখন দুই কর্ণধার দুই কর্ণে ঝিকা মারিতে লাগিল তখন নিতান্ত অসহ হইয়া সেও একদিন গভীর রাত্রে ডুব মারিল।

বহুকাল তাহার আর সাক্ষাৎ নাই। কখন কখন শুনা যায়, এক বিবাহে কিরূপ সুখ তাহাই পরীক্ষা করিবার জন্ত সে কাশীতে গিয়া গোপনে আর একটি বিবাহ করিয়াছে; শুনা যায়, হতভাগ্য কথঞ্চিৎ শাস্তি লাভ করিয়াছে। কেবল দেশের কাছাকাছি আসিবার জন্ত মাঝে মাঝে তাহার মন উতলা হয়, ধরা পড়িবার ভয়ে আসিতে পারে না।

৩

কিছু দিন ঘুরিতে ঘুরিতে উদাসীন ফকির-টাঁদ নবগ্রামে আসিয়া উপস্থিত। পথপার্শ্ব-বর্তী এক বটবৃক্ষতলে বসিয়া নিশ্বাস ছাড়িয়া বলিলেন “আহা, বৈরাগ্যমেবাভয়ং। দারা পুত্র ধন জন কেউ কারো নয়। কা তে কাস্তা কস্তে পুত্রঃ।” বলিয়া এক গান জুড়িয়া দিলেন।

শোন্‌রে শোন, অবোধ মন!

শোন্‌ সাধুর উক্তি কিসে মুক্তি

সেই স্মৃষ্টি কর গ্রহণ!

ভবের শুক্তি ভেঙ্গে মুক্তি-মুক্তা কর অব্বেষণ।

ওরে ও ভোলা মন, ভোলা মন রে!

সহসা গান বন্ধ হইয়া গেল। “ও কে ও! বাবা দেখ্‌চি! সন্ধান পেয়েছেন বুঝি! তবেই ত সর্বনাশ। আবার ত সংসারের অন্ধকূপে টেনে নিয়ে যাবেন! পালাতে হল।”

৪

ফকির তাড়াতাড়ি নিকটবর্তী এক গৃহে প্রবেশ করিলেন। বৃদ্ধ গৃহস্বামী চুপ্‌ চাপ বসিয়া তামাক টানিতেছিল। ফকিরকে ঘরে ঢুকিতে দেখিয়া জিজ্ঞাসা করিল “কেহে তুমি?”

ফকির। বাবা, আমি সন্ন্যাসী।

বৃদ্ধ। সন্ন্যাসী! দেখি দেখি বাবা, আলোতে এস দেখি! এই বলিয়া আলোতে টানিয়া লইয়া ফকিরের মুখের পরে বুঝিয়া বুড়া মানুষ বহু কষ্টে যেমন করিয়া পুঁথি পড়ে তেমনি করিয়া ফকিরের মুখ নিরীক্ষণ করিয়া বিড়-বিড় করিয়া বকিতে লাগিল।

“এই ত আমার সেই মাখনলাল দেখ্‌চি! সেই নাক, সেই চোখ, কেবল কপালটা বদ-লেচে, আর সেই চাঁদমুখ গোঁফে দাড়িতে একে-বারে আচ্ছন্ন করে ফেল্‌চে!” বলিয়া বৃদ্ধ সম্মেহে ফকিরের শ্রবণ মুখে হুই একবার হাত বুলাইয়া

লইল, এবং প্রকাশে কহিল “বাবা, মাখন!” বলা বাহুল্য বৃদ্ধের নাম যষ্টিচরণ।

ফকির। (সবিশ্বয়ে) মাখন! আমার নাম ত মাখন নয়! পূর্বে আমার নাম ঘাই থাক, এখন আমার নাম চিদানন্দ স্বামী। ইচ্ছা হয় ত পরমানন্দও বলতে পার।

যষ্টি। বাবা, তা এখন আপনাকে চিঁড়েই বল আর পরমান্নই বল, তুই যে আমার মাখন, বাবা সে ত আমি ভুলতে পারব না!—বাবা, তুই কোন্‌ হুঃখে সংসার ছেড়ে গেলি! তোর কিসের অভাব! হুই জ্বী; বড়টিকে না ভাল বাসিস্‌ ছোটটি আছে। ছেলে পিলের হুঃখও নেই। শত্রুর মুখে ছাই দিয়ে সাতটি কণ্ঠে, একটি ছেলে। আর আমি বুড়ো বাপ ক’দিনই বা বাঁচব, তোর সংসার তোরই থাকবে!

ফকির একেবারে অাৎকিয়া উঠিয়া কহিল “কি সর্বনাশ! শুনলেও যে ভয় হ’!”

এতক্ষণে প্রকৃত ব্যাপারটা বোধগম্য হইল। ভাবিল, মন্দ কি, দিন হুই বৃদ্ধের পুত্রভাবেই এখানে লুকাইয়া থাকা যাক, তাহার পরে সন্ধান অকৃতকার্য হইয়া বাপ চলিয়া গেলেই এখান হইতে পলায়ন করিব।

ফকিরের নিরন্তর দেখিয়া বৃদ্ধের মনে আর সংশয় রহিল না। কেষ্ঠী চাকরকে ডাকিয়া বলিল “ওরে ও কেষ্ঠী, তুই সকলকে খবর দিয়ে আয়গে, আমার মাখন ফিরে এসেছে।”

৫

দেখিতে দেখিতে লোকে লোকারণ্য। পাড়ার লোকে অধিকাংশই বলিল সেই বটে, কেহ বা সন্দেহ প্রকাশ করিল! কিন্তু বিশ্বাস করিবার জন্মই লোকে এত ব্যগ্র যে, সন্দেহ লোকদের উপরে সকলে হাড়ে চড়িয়া গেল। যেন তাহারা ইচ্ছাপূর্বক কেবল রসভঙ্গ করিতে আসিয়াছে; যেন তাহারা পাড়ায় চৌদ্দ অক্ষ-

রের পয়ারকে সতের অক্ষর করিয়া বসিয়া আছে, কোন মতে তাহাদিগকে সংক্ষেপ করিতে পারিলেই তবে পাড়াস্তর লোক আরাম পায় ; তাহারা ভূতও বিশ্বাস করে না, ওঝাও বিশ্বাস করে না, আশ্চর্য্য গল্প শুনিয়া যখন সকলের তাক লাগিয়া গিয়াছে তখন তাহারা প্রশ্ন উত্থাপন করে। এক প্রকার নাস্তিক বলিলেই হয়। কিন্তু ভূত অবিশ্বাস করিলে ততটা ক্ষতি নাই, তাই বলিয়া বৃড়া বাপের হারা ছেলেকে অবিশ্বাস করা যে নিতান্ত হৃদয়-হীনতার কাজ। যাহা হউক, সকলের নিকট হইতে তাড়না খাইয়া সংশয়ীর দল থামিয়া গেল।

ফকিরের অতি ভীষণ অটল গান্ধীর্ষ্যের প্রতি ক্রন্দনমাত্র না করিয়া পাড়ার লোকেরা তাহাকে ঘিরিয়া বসিয়া বলিতে লাগিল— “আরে আরে, আমাদের সেই মাখন আজ ঋষি হয়েছেন, তপস্বি হয়েছেন! চিরটা কাল ইয়ার্কি দিয়ে কাটালে আজ হঠাৎ মহামুনি জামদগ্নি হয়ে বসেছেন।”

কথাটা উন্নতচেতা ফকিরের অত্যন্ত খারাপ লাগিল, কিন্তু নিরুপায়ে সহ্য করিতে হইল। একজন গায়ের উপর আসিয়া পড়িয়া জিজ্ঞাসা করিল “ওরে মাখন, তুই কুচ কুচে কালো ছিলি রংটা এমন ফর্সা করলি কি করে’।”

ফকির উত্তর দিল “যোগ অভ্যাস করে’।”

সকলেই বলিল “যোগের কি আশ্চর্য্য প্রভাব!”

একজন উত্তর করিল “আশ্চর্য্য আর কি! শাস্ত্রে আছে, ভীম যখন হনুমানের লেজ ধরে তুলতে গেলেন কিছুতেই তুলতে পারলেন না। সে কি করে’ হ’ল? সে ত যোগবলে!”

একথা সকলকেই স্বীকার করিতে হইল।

হেনকালে যষ্টিচরণ আসিয়া ফকিরকে বলিল “বাবা একবার বাড়ির ভিতরে যেতে হচ্ছে।”

এ সম্ভাবনাটা ফকিরের মাথায় উদয় হয় নাই—হঠাৎ বজ্রাঘাতের মত মস্তিকে প্রবেশ করিল। অনেকক্ষণ চুপ করিয়া, পাড়ার লোকের বিস্তর অশ্রায় পরিহাস পরিপাক করিয়া অবশেষে বলিল “বাবা, আমি সন্ন্যাসী হয়েছি আমি অন্তঃপুরে ঢুকতে পারব না।”

যষ্টিচরণ পাড়ার লোকদের সম্বোধন করিয়া বলিল “তা হলে আপনাদের একবার গা তুলতে হচ্ছে। বৌমাদের এইখানেই নিয়ে আসি। তাঁরা বড় ব্যাকুল হয়ে আছেন।”

সকলে উঠিয়া গেল। ফকির ভাবিল এইবেলা এখান হইতে এক দৌড় মারি। কিন্তু রাস্তায় বাহির হইলেই পাড়ার লোক কুকুরের মত তাহার পশ্চাতে ছুটিবে ইহাই কল্পনা করিয়া তাহাকে নিস্তরু ভাবে বসিয়া থাকিতে হইল।

যেমনি মাখনলালের ছইঞ্জী প্রবেশ করিল ফকির অমুনি নতশিরে তাহাদিগকে প্রণাম করিয়া কহিল “মা আমি তোমাদের সম্ভান!”

অমুনি ফকিরের নাকের সম্মুখে একটা বালা-পরা হাত খড়্গের মত খেলিয়া গেল এবং একটি কাংশুবিনিন্দিত কণ্ঠে বাজিয়া উঠিল “ওরে ও পোড়াকপালে মিলে, তুই মা বলি কাকে!”

অমুনি আর একটি কণ্ঠ আরো ছই সুর উচ্চে পাড়া কাঁপাইয়া ঝঙ্কার দিয়া উঠিল “চোখের মাথা খেয়ে বসেছিস্ তোঁর মরণ হয় না!”

নিজের জীর নিকট হইতে একরূপ চলিত বাঙ্গালা শোনা অভ্যাস ছিল না স্তব্রাং একান্ত কাতর হইয়া ফকির ষোড়হস্তে কহিল “আপনারা ভুল বুঝ্‌চেন! আমি এই আলোতে দাঁড়াচ্ছি আমাকে একটু ঠাউরে দেখুন!”

প্রথম ও দ্বিতীয় পরে পরে কহিল “ঢ়ের

দেখেছি। দেখে দেখে চোখ ক্ষয়ে গেছে।
তুমি কচি খোকা নও, আজ নতুন জন্মাও নি!
তোমার হৃদয়ের দাঁত অনেক দিন ভেঙেছে।
তোমার কি বয়সের গাছপাথর আছে!
তোমায় ধম ভুলেছে বলে কি আমরা ভুলব!”

এরূপ একতরফা দাম্পত্য আলাপ কতরূপ
চলিত বলা যায় না—কারণ ফকির একেবারে
বাকশক্তি রহিত হইয়া নতশিরে দাঁড়াইয়া
ছিল! এমন সময় অত্যন্ত কোলাহল শুনিয়া
এবং পথে লোক জমিতে দেখিয়া যষ্ঠিচরণ প্রবেশ
করিল।

বলিল “এতদিন আমার ধর নিস্তরু ছিল,
একেবারে হুঁ শব্দ ছিল না! আজ মনে হচ্ছে
বটে আবার মাখন কিরে এসেচে।”

ফকির র্রঘোড়ে কহিল “মশায়, আপনার
পুত্রবধূদের হাত থেকে আমাকে রক্ষা করুন।”

যষ্ঠি। বাবা, অনেক দিন পরে এসেছ তাই
প্রথমটা একটু অসহ বোধ হচ্ছে। তা, মা,
তোমরা এখন যাও! বাবা মাখন ত এখন
এখানেই রইলেন, ঠুঁকে আর কিছুতেই যেতে
দিচ্ছি নে।

গলনাঘর বিদায় হইলে ফকির যষ্ঠিচরণকে
বলিল, “মশায় আপনার পুত্র কেন যে সংসার
ত্যাগ করে গেছেন তা আমি সম্পূর্ণ অসুভব
করতে পারিচি। মশায় আমার প্রণাম জানবেন
আমি চলেম।”

বৃদ্ধ এমনি উচ্চৈঃস্বরে ক্রন্দন উত্থাপন
করিল যে পাড়ার লোক মনে করিল মাখন
তাহার বাপকে মারিয়াছে। তাহারা হাঁ হাঁ
করিয়া ছুটিয়া আসিল। সকলে আসিয়া ফকি-
রকে জানাইয়া দিল এমন ভণ্ডতপস্বিগিরি
এখানে খাটিবে না! ভালমাসুষের ছেলের মত
কাল কাটাইতে হইবে। একজন বলিল “ইনি
ত পরমহংস নন পরম বক।”

গাঙ্গৌর্য্য গৌফদাড়ি এবং গলাবন্ধের জোরে
ফকিরকে এমন সকল কুৎসিত কথা কখন
শুনিতো হয় নাই। বাহা হউক লোকটা পাছে
আবার পালায় পাড়ার লোকেরা অত্যন্ত সতর্ক
রহিল। স্বয়ং জমিদার যষ্ঠিচরণের পক্ষ অবলম্বন
করিল।

৬

ফকির দেখিল এমনি কড়া পাহারা যে,
মৃত্যু না হইলে ইহারা ঘরের বাহির করিবে
না। একাকী ঘরে বসিয়া গান গাহিতে
লাগিল—

শোন সাধুর উক্তি কিসে মুক্তি
সেই স্মৃতি কর গ্রহণ।

বলা বাহুল্য, গানটার আধ্যাত্মিক অর্থ
অনেকটা ক্ষীণ হইয়া আসিয়াছে।

এমন করিয়াও কোনমতে দিন কাটিত।
কিন্তু মাখনের আগমন সংবাদ পাইয়া হুই জ্বর
সম্পর্কের এক ঝাঁক শ্রাণা ও শ্রাণী আসিয়া
উপস্থিত হইল।

তাহারা আসিয়াই প্রথমতঃ ফকিরের
গৌফ দাড়ি ধরিয়া টানিতে লাগিল—তাহারা
বলিল এ ত সত্যকার গৌফ দাড়ি নয়, ছদ্ম-
বেশ করিবার জন্ত আঠা দিয়া জুড়িয়া আসি-
য়াছে।

নাসিকার নিম্নবর্তী গুফ ধরিয়া টানাটানি
করিলে ফকিরের শ্রায় অত্যন্ত মহৎ লোকেদেরও
মাহাত্ম্য রক্ষা করা হুঁকর হইয়া উঠে। ইহা
ছাড়া কাণের উপর উপদ্রবও ছিল; প্রথমতঃ
মলিয়া, দ্বিতীয়তঃ এমন সকল ভাষা প্রয়োগ
করিয়া বাহাতে কাণ না মলিলেও, কাণ লাল
হইয়া উঠে।

ইহার পর ফকিরকে তাহারা এমন সকল
পাশ ফরমায়ের করিতে লাগিল, আধুনিক বড়

বড় নূতন পণ্ডিতেরা যাহার কোনরূপ আধ্যাত্মিক ব্যাখ্যা করিতে হার মানেন। আবার নিদ্রাকালে তাহারা ফকিরের স্বপ্নাবশিষ্ট গুণস্থলে চুনকালি মাখাইয়া দিল, আহারকালে কেশরের পরিবর্তে কচু, ডাবের জলের পরিবর্তে হাঁকার জল, হৃদয়ের পরিবর্তে পিঠালি গোলার আয়োজন করিল, পিঁড়ার নীচে সুপারি রাগিয়া তাহাকে আছাড় খাওয়াইল, লেজ বানাইল এবং সহস্র প্রচলিত উপায়ে ফকিরের অভভেদী গাঙ্গৌর্য্য ভূমিসং করিয়া দিল।

ফকির রাগিয়া ফুলিয়া ফাকিয়া কাঁকিয়া হাঁকিয়া কিছুতেই উপদ্রবকারীদের মনে ভীতির সঞ্চার করিতে পারিল না। কেবল সর্বসাধারণের নিকট অধিকতর হাশ্বাস্পদ হইতে লাগিল। ইহার উপরে আবার অন্তরাল হইতে একটি মিষ্ট কণ্ঠের উচ্চহাস্য মাঝে মাঝে কর্ণগোচর হইত ; সেটা যেন পরিচিত বলিয়া ঠেকিত এবং মন দ্বিগুণ অধৈর্য্য হইয়া উঠিত।

পরিচিত কণ্ঠ পাঠকের অপরিচিত নহে। এইটুকু বলিলেই যথেষ্ট হইবে যে, ষষ্টিচরণ কোন এক সম্পর্কে হৈমবতীর মামা। বিবাহের পর শাস্ত্রীর দ্বারা নিতান্ত নিপীড়িত হইয়া পিতৃমাতৃহীন হৈমবতী মাঝে মাঝে কোন-না-কোন কুটুম্ব বাড়িতে আশ্রয় গ্রহণ করিত। অনেক দিন পরে সে মামার বাড়ি আসিয়া নেপথ্য হইতে এক পরম কৌতুকবহু অভিনয় নিরীক্ষণ করিতেছে। তৎকালে হৈমবতীর স্বাভাবিক রক্তপ্রিয়তার সঙ্গে প্রতিহিংসা প্রবৃত্তির উদ্বেগ হইয়াছিল কি না চরিত্রতত্ত্বজ্ঞ পণ্ডিতেরা স্থির করিবেন, আমরা বলিতে অক্ষম।

ঠাট্টার সম্পর্কীয় লোকেরা মাঝে মাঝে বিশ্রাম করিত কিন্তু মেহের সম্পর্কীয় লোকদের হাত হইতে পরিভ্রাণ পাওয়া কঠিন। সাত

মেয়ে এবং এক ছেলে তাঁহাকে একদণ্ড ছাড়ে না। বাপের স্নেহ অধিকার করিবার জন্ত তাহাদের মা তাহাদিগকে অনুক্ষণ নিযুক্ত রাপিয়াছিল। দুই মাতার মধ্যে আবার রেযা-রেযি ছিল উভয়েরই চেষ্টা যাহাতে নিজের সন্তানই অধিক আদর পায়। উভয়েই নিজ নিজ সন্তানদিগকে সর্বদাই উত্তেজিত করিতে লাগিল—দুই দলে মিলিয়া পিতার গলা জড়াইয়া ধরা, কোলে বসা, মুখ চুষন করা প্রভৃতি প্রবল স্নেহব্যক্তি কার্য্যে পরস্পরকে জ্বিতিবার চেষ্টা করিতে লাগিল।

বলা বাহুল্য ফকির লোকটা অত্যন্ত নির্লিপ্ত স্বভাব, নহিলে নিজের সন্তানদের অকাতরে ফেলিয়া আসিতে পারিত না ; শিশুরা ভক্তি করিতে জানে না, তাহারা সাধুত্বের নিকট অভিভূত হইতে শিখে নাই, এই জন্ত ফকির শিশুজাতির প্রতি তিলমাত্র অনুরক্ত ছিল না, তাহাদিগকে তিনি কীট পতঙ্গের ন্যায় দেহ হইতে দূরে রাখিতে ইচ্ছা করিতেন। সম্প্রতি তিনি অহরহ শিশুপঙ্কপালে আচ্ছন্ন হইয়া বর্জ্জইস্ অক্ষরের ছোট বড় নোটের দ্বারা আত্মোপাস্ত সমাকীর্ণ ঐতিহাসিক প্রবন্ধের স্তায় শে ভমান হইলেন। তাহাদের মধ্যে বয়সের বিস্তর তারতম্য ছিল, এবং তাহারা সকলেই কিছু তাঁহার সহিত বয়ঃপ্রাপ্ত সভ্য-জনোচিত ব্যবহার করিত না; শুক্লগুটি ফকিরের চক্ষে অনেক সময় অশ্রুর সঞ্চার হইত এবং তাহা নিন্দাশ্র নহে।

পরের ছেলেরা যখন নানা সুরে তাঁহাকে বাবা বাবা করিয়া ডাকিয়া আদর করিত ; তখন তাঁহার সংঘাতিক পাশবশক্তি প্রয়োগ করিবার একান্ত ইচ্ছা হইত কিন্তু ভয়ে পারিতেন না। মুখ চক্ষু বিকৃত করিয়া চুপ করিয়া বসিয়া থাকিতেন।

অবশেষে ফকির মহা চোঁচামেচি করিয়া বলিতে লাগিল, “আমি ষাবই, দেখি আমাকে কে আটক করিতে পারেন !”

তখন গ্রামের লোক এক উকীল আনিয়া উপস্থিত করিল। উকীল আসিয়া কহিল জানেন আপনার ছই স্ত্রী।”

ফকির। আজে এখানে এসে প্রথম জানলুম।

উকীল। আর আপনার সাত মেয়ে এক ছেলে, তার মধ্যে ছুটি মেয়ে বিবাহযোগ্য।

ফকির। আজে, আপনি আমার চেয়ে ঢের বেশী জানেন দেখিতে পাচ্ছি।

উকীল। আপনার এই বৃহৎ পরিবারের ভরণপোষণের ভার আপনি যদি না নেন তবে আপনার অনাধিনী ছই স্ত্রী আদালতের আশ্রয় গ্রহণ করিবেন, পূর্বে হ’তে বলে’ রাখলুম।

ফকির সব চেয়ে আদালতকে ভয় করিত। তাহার জানা ছিল উকীলরা জেরা করিবার সময় মহাপুরুষদিগের মানমর্যাদা গাঙ্গীর্ষ্যকে খাতির করে না—প্রকাশে অপমান করে এবং খবরের কাগজে তাহার রিপোর্ট বাহির হয়; ফকির অশ্রুসিক্ত লোচনে উকীলকে বিস্তারিত আত্মপরিচয় দিতে চেষ্টা করিল—উকীল তাহার চাতুরীর, তাহার উপস্থিত বুদ্ধির, তাহার মিথ্যা গল্পরচনার অসাধারণ ক্ষমতার ভূয়োভূয়ঃ প্রশংসা করিতে লাগিল। শুনিয়া ফকিরের আপন হস্ত পদ দংশন করিতে ইচ্ছা করিতে লাগিল।

যষ্ঠিচরণ ফকিরকে পুনশ্চ পলায়নোত্তর দেখিয়া শোকে অবীর হইয়া কাঁদিতে লাগিল। পাড়ার লোকে তাহাকে চারিদিকে ঘিরিয়া অজস্র গালি দিতে লাগিল, এবং উকীল তাহাকে এমন শাসাইল যে তাহার মুখে আর কথা রহিল না।

ইহার উপর যখন আটজন বালক বালিকা গাঢ় স্নেহে তাহাকে চারিদিকে আলিঙ্গন করিয়া ধরিয়া তাহার শ্বাসরোধ করিবার উপক্রম করিত তখন অন্তরালস্থিত হৈমবতী হাসিবে কি কাঁদিবে ভাবিয়া পাইল না।

ফকির অন্ত উপায় না দেখিয়া ইতিমধ্যে নিজের পিতাকে একখানা চিঠি লিখিয়া সমস্ত অবস্থা নিবেদন করিয়াছিল। সেই পত্র পাইয়া ফকিরের পিতা হরিচরণ বাবু আসিয়া উপস্থিত। কিন্তু, পাড়ার লোক, জমিদার এবং উকীল কিছুতেই দখল ছাড়ে না।

এ লোকটি যে ফকির নহে মাখন, তাহারা তাহার সহস্র অকাটা প্রমাণ প্রয়োগ করিল— এমন কি, যে ধাত্রী মাখনকে মানুষ করিয়াছিল সেই বুড়ীকে আনিয়া হাজির করিল। সে কাষ্পিত হস্তে ফকিরের চিবুক তুলিয়া ধরিয়া মুখ নিরীক্ষণ করিয়া তাহার দাড়ির উপরে দরবিগলিত ধারায় অশ্রুপাত করিতে লাগিল।

যখন দেখিল, তাহাতেও ফকির রাশ মানে না, তখন ঘোমটা টানিয়া ছই স্ত্রী আসিয়া উপস্থিত হইল। পাড়ার লোকেরা শশব্যস্ত হইয়া ঘরের বাহিরে চলিয়া গেল। কেবল ছই বাপ, ফকির, এবং শিশুরা ঘরে রহিল।

ছই স্ত্রী হাত নাড়িয়া নাড়িয়া ফকিরকে জিজ্ঞাসা করিল “কোন্ চুলোয় যমের কোন্ ছয়োরে ষাবার ইচ্ছে হয়চে?”

ফকির তাহা নির্দিষ্ট করিয়া বলিতে পারিল না স্তত্রাং নিরুত্তর হইয়া রহিল। কিন্তু ভাবে যেক্রপ প্রকাশ পাইল তাহাতে যমের কোন বিশেষ দ্বারের প্রতি তাহার যে বিশেষ পক্ষপাত আছে এক্রপ বোধ হইল না; আপাততঃ যে কোন একটা দ্বার পাইলেই সে বাঁচে, কেবল একবার বাহিরিতে পারিলেই হয়।

তখন আর একটি রমণীমূর্তি গৃহে প্রবেশ করিয়া ফকিরকে প্রণাম করিল।

ফকির প্রথমে অবাঞ্ছিত তাহার পরে আনন্দে উৎফুল্ল হইয়া উঠিয়া বলিল “এ যে হৈমবতী!”

নিজের অথবা পরের জীকে দেখিয়া এত প্রেম তাহার চক্ষে ইতিপূর্বে কখন প্রকাশ পায় নাই! মনে হইল মৃত্যুমতী মুক্তি স্বয়ং আসিয়া উপস্থিত।

পরিশিষ্ট ।

আর একটি লোক মুখের উপর শালমুড়ি দিয়া অন্তরাল হইতে দেখিতেছিল। তাহার নাম মাখনলাল। একটি অপরিচিত নিরীহ ব্যক্তিকে নিজপদে অভিষিক্ত দেখিয়া সে এতক্ষণ পর্যন্ত স্তম্ভিত করিতেছিল। অবশেষে যখন হৈমবতীকে উপস্থিত দেখিয়া বুঝিতে পারিল উক্ত নিরপরাধ ব্যক্তি তাহার নিজের ভগ্নী-পতি, তখন দয়াপরতন্ত্র হইয়া ঘরে ঢুকিয়া বলিল—না, আপনার লোককে এমন বিপদে ফেলা মহাপাতক। হুই জীর প্রতি অঙ্গুলি নির্দেশ করিয়া কহিল, এ আমারি দড়ি, আমারি কলসী।

মাখনলালের এই অসাধারণ মহত্ব ও বীরত্বে পাড়ার লোক আশ্চর্য হইয়া গেল।

রাজতীকা ।

নবেশ্বশেখরের সহিত অরুণলেশ্যর যখন বিবাহ হইল, তখন হোমধূমের অন্তরাল হইতে ভগবান প্রজাপতি ঈষৎ একটু হাস্ত করিলেন। হাস, প্রজাপতির পক্ষে যাহা খেলা আমাদের পক্ষে তাহা সকল সময়ে কৌতুকের নহে।

নবেশ্বশেখরের পিতা পূর্ণেশ্বশেখর ইংরাজ রাজসরকারে বিখ্যাত। তিনি এই ভবসমুদ্রে কেবলমাত্র ক্ষুণ্ণবেগে সেলাম চালনা দ্বারা রায়বাহাদুর পদবীর উত্ত্বঙ্গ মরুকুলে উত্তীর্ণ হইয়াছিলেন;—আরও দুর্গমতর সম্মানপথের পাথের তাঁহার ছিল, কিন্তু পঞ্চাশ বৎসর বয়ঃক্রমকালে অনতিদূরবর্তী রাজখেতাবের কুহেলিকাচ্ছন্ন পিরিচূড়ার প্রতি করুণলেশ্যপদটি স্থির নিবদ্ধ করিয়া এই রাজ্যহুগ্ৰহীত ব্যক্তি অকস্মাৎ খেতাব বর্জিতলোকে গমন করিলেন এবং তাঁহার বহু সেলাম-শিখিল গ্রীবাগ্রস্থি শ্মশানশয্যায় বিশ্রাম লাভ করিল।

কিন্তু বিজ্ঞানে বলে শক্তির স্থানান্তর ও রূপান্তর আছে নাশ নাই—চঞ্চলা লক্ষ্মীর অচঞ্চলা সখী সেলামশক্তি পৈতৃক স্বরূপ হইতে পুত্রের স্বরূপে অবতীর্ণ হইলেন—এবং নবেশ্বুর নবীন মস্তক তরঙ্গতাড়িত কুম্মাণ্ডের মত ইংরাজের দ্বারে দ্বারে অবিশ্রাম উঠিতে পড়িতে লাগিল।

নিঃসন্তান অবস্থায় ইহার প্রথম জীর মৃত্যু হইলে যে পরিবারে ইনি দ্বিতীয় দারপরিগ্রহ করিলেন সেখানকার ইতিহাস ভিন্ন প্রকার।

সেই পরিবারের বড় ভাই প্রথমনাথ

পরিচিতবর্গের প্রীতি এবং আত্মীয়বর্গের আদরের স্থল ছিলেন। বাড়ির লোকে এবং পাড়ার পাঁচজনে তাঁহাকে সৰ্ব্ব বিষয়ে অমুৎসর্গ-স্থল বলিয়া জানিত !

প্রথমনাথ বিদ্যায় বি, এ, এবং বুদ্ধিতে বিচক্ষণ ছিলেন কিন্তু মোটা মাহিনা বা জোর কলমের কোন ধার ধারিতেন না; মুকুন্দের বলও তাঁহার বিশেষ ছিল না; কারণ, ইংরাজ তাঁহাকে যে পরিমাণ দূরে রাখিত তিনিও তাহাকে সেই পরিমাণ দূরে রাখিয়া চলিতেন। অতএব গৃহকোণ এবং পরিচিতমণ্ডলীর মধ্যেই প্রথমনাথ জাজল্যমান ছিলেন—দূরস্থ লোকের দৃষ্টি আকর্ষণ করিবার কোন ক্ষমতা তাঁহার ছিল না।

এই প্রথমনাথ একবার বছর তিনেকের জন্ত বিলাতে ভ্রমণ করিয়া আসিয়াছিলেন। সেখানে ইংরাজের সৌজন্তে মুগ্ধ হইয়া ভারত-বর্ষের অগমানদুঃখ সমস্ত ভুলিয়া ইংরাজি সাজ পরিয়া দেশে ফিরিয়া আসেন।

ভাইবোনেরা প্রথমটা একটু কুণ্ঠিত হইল—অবশেষে দুই দিন পরে বলিতে লাগিল ইংরাজি কাপড়ে দাঁড়াকে যেমন মানায় এমন আর কাহাকেও না। ইংরাজিবস্ত্রের গোরবগর্ভ পরিবারের অন্তরের মধ্যে ধীরে ধীরে সঞ্চারিত হইল।

প্রথমনাথ বিলাত হইতে মনে ভাবিয়া আসিয়াছিলেন কি করিয়া ইংরাজের সহিত সমপর্যায় রক্ষা করিয়া চলিতে হয় আমি তাহারই অপূৰ্ণ দৃষ্টান্ত দেখাইব,—নত না হইলে ইংরাজের সহিত মিলন হয় না এ কথা যে বলে সে নিজের হীনতা প্রকাশ করে এবং ইংরাজকেও অশ্রদ্ধায় অপরাধী করিয়া থাকে।

প্রথমনাথ বিলাতের বড় বড় লোকের কাছ হইতে অনেক সাদরপত্র আনিয়া ভারত-

বর্ষীয় ইংরাজমহলে কিঞ্চিৎ প্রতিপত্তি লাভ করিলেন। এমন কি মধ্যে মধ্যে সত্ৰীক ইংরাজের চা, ডিনার খেলা এবং হাশুকোতুকের কিঞ্চিৎ কিঞ্চিৎ ভাগ পাইতে লাগিলেন। সৌভাগ্যমদমত্ততায় ক্রমশই তাঁহার শিরা উপ-শিরাগুলি অন্ন অন্ন রীতী করিতে সুরু করিল।

এমন সময় একটি নতন রেলওয়ে লাইন খোলা উপলক্ষে রেলওয়ে কোম্পানির নমন্ত্রণে ছোটলাটের সঙ্গে দেশের অনেকগুলি রাজ-প্রসাদগর্ভিত সজ্জাস্থলোকে গাড়ি বোঝাই করিয়া নবলৌহপথে যাত্রা করিলেন। প্রথমনাথও তাহার মধ্যে ছিলেন।

ফিরিবার সময় একটা ইংরাজদারোগা দেশীয় বড় লোকদিগকে কোন এক বিশেষ গাড়ি হইতে অত্যন্ত অপমানিত করিয়া নামাইয়া দিল। ইংরাজবেশধারী প্রথমনাথও মানে মানে নামিয়া পড়িবার উপক্রম করিতে-ছেন দেখিয়া দারোগা কহিল, “আপনি উঠিতে-ছেন কেন, আপনি বসুন না !”

এই বিশেষ সম্মানে প্রথমনাথ প্রথমটা একটু স্কীত হইয়া উঠিলেন। কিন্তু যখন গাড়ি ছাড়িয়া দিল, যখন তৃণহীন কর্ণধূসর পশ্চিম প্রান্তরের প্রান্ত সীমা হইতে স্নান সূর্যাস্ত আভা সক্রম রক্তিম লজ্জার মত সমস্ত দেশের উপর যেন পরিব্যাপ্ত হইয়া পড়িল—এবং যখন তিনি একাকী বসিয়া বাতায়নপথ হইতে অনিমেঘনয়নে বনাস্তরালবাসিনী কুণ্ঠিতা বক্রভূমির প্রতি নিরীক্ষণ করিয়া ভাবিতে লাগিলেন, তখন দিক্কারে তাঁহার হৃদয় বিদীর্ণ হইল এবং দুই চক্ষু দিয়া অগ্নিজ্বালাময়ী অশ্রু-ধারা পড়িতে লাগিল।

তাঁহার মনে একটা গল্পের উদয় হইল। একটু পর্দিত রাজপথ দিয়া দেবপ্রতিমার রথ টানিয়া চলিতেছিল, পশ্চিমবর্গ তাহার সম্মুখে

ধূলীয় লুপ্তিত হইয়া প্রতীমাকে প্রণাম করিতে ছিল এবং মৃৎ গর্দভ আপন মনে ভাবিতেছিল সকলে আমাকেই সম্মান করিতেছে।

প্রমথনাথ মনে মনে কহিলেন—গর্দভের সহিত আমার এই একটু প্রভেদ দেখিতেছি, আমি আজ বুঝিয়াছি সম্মান আমাকে নহে আমার স্বক্কের বোঝাগুলোকে।

প্রমথনাথ বাড়ি আসিয়া বাড়ির ছেলে-পুলে সকলকে ডাকিয়া একটা হোমাগ্নি জ্বালাইলেন এবং বিলাতী বেশভূষাগুলো একে একে আহুতি-স্বরূপে নিক্ষেপ করিতে লাগিলেন।

শিখা যতই উচ্চ হইয়া উঠিল ছেলেরা ততই উচ্ছ্বসিত আনন্দে নৃত্য করিতে লাগিল। তাহার পর হইতে প্রমথনাথ ইংরাজ ঘরের চা'য়ের চুমুক এবং রুটির টুকরা পরিত্যাগ করিয়া পুনশ্চ গৃহকোণজর্গের মধ্যে ভ্রূগম হইয়া বসিলেন, এবং পূর্বোক্ত লাঞ্চিত উপাধিধারিগণ পূর্ববৎ ইংরাজের দ্বারে দ্বারে উষ্ণীয় আন্দোলিত করিয়া ফিরিতে লাগিল।

দৈবজর্যোগে জর্ভাগ্য নবেন্দুশেখর এই পরিবারের একটি মধ্যমা ভগিনীকে বিবাহ করিয়া বসিলেন। বাড়ির মেয়েগুলি লেখাপড়াও যেমন জানে দেখিতে শুনিতেও তেমনি, নবেন্দু ভাবিলেন, বড় জিতলাম।

কিন্তু আমাকে পাইয়া তোমরাও জিতিয়াছ একথা প্রমাণ করিতে কালবিলম্ব করিলেন না। কৌন সাহেব তাঁহার বাবাকে কবে কি চিঠি লিখিয়াছিল তাহা যেন নিতান্ত ভ্রমবশতঃ দৈবক্রমে পকেট হইতে বাহির করিয়া শ্রালী-দের হস্তে চালান করিয়া দিতে লাগিলেন। শ্রালীদের সুকোমল বিবোধের ভিতর হইতে তাঁকপ্রথর হাসি যখন টুকটুকে মথমলের ধাপের ভিতরকার অক্ষরকে ছোরার মত দেখা

দিতে লাগিল, তখন স্থানকালপাত্র সম্বন্ধে হতভাগ্যের চৈতন্য জন্মিল। বুঝিল বড় ভুল করিয়াছি।

শ্রালীবর্গের মধ্যে জ্যেষ্ঠা এবং রূপেগুণে শ্রেষ্ঠা লাবণ্যলেখা একদা শুভদিন দেখিয়া নবেন্দুর শয়নকক্ষের কুলুঙ্গির মধ্যে ছই ষোড়া বিলাতি বট সিন্দুরে মণ্ডিত করিয়া স্থাপন করিল; এবং তাহার সম্মুখে ফুল চন্দন ও ছই জলস্ত বাতি রাখিয়া ধূপধূনা জ্বালাইয়া দিল। নবেন্দু ঘরে প্রবেশ করিবা মাত্র ছই শ্রালী তাঁহার ছই কাণ ধরিয়া কহিল তোমার ইষ্ট দেবতাকে প্রণাম কর, তাঁহার কল্যাণে তোমার পদরক্ষি হোক।

তৃতীয়া শ্রালী কিরণলেখা বহুদিন পরিপ্রম করিয়া একখানি চাদরে জোশ স্মিথ ব্রাউন টমসন্ প্রভৃতি একশত প্রচলিত ইংরাজি নাম লাল সূতা দিয়া সেলাই করিয়া একদিন মহা-সমারোহে নবেন্দুকে নামাবলী উপহার দিল।

চতুর্থী শ্রালী শশঙ্কলেখা যদিও বয়ঃক্রম হিসাবে গণ্য ব্যক্তির মধ্যে নহে, বলিল ভাই আমি একটা জপমালা তৈরি করিয়া দিব সাহেবের নাম জপ করিবে।

তাহার বড় বোনরা তাহাকে শাসন করিয়া বলিল যাঃ তোমর আর জ্যাঠামি করিতে হইবে না।

নবেন্দুর মনে মনে রাগও হয় লজ্জা হয় কিন্তু শ্রালীদের ছাড়িতেও পারে না; বিশেষতঃ বড় শ্রালীটি বড় সুন্দরী। তাহার মধুও যেমন কাঁটাও তেমনি; তাহার নেশা এবং তাহার জ্বালা ছটোই মনের মধ্যে একে-বারে লাগিয়া থাকে। ক্ষতপক্ষ পতঙ্গ রাগিয়া ভোঁভোঁ করিতে থাকে অশ্রু অক্ষ অবোধের মত চারিদিকে ঘুরিয়া ঘুরিয়া মরে।

অবশেষে শ্রালীসংসর্গের প্রবল মোহে

পড়িয়া সাহেবের সোহাগলালসা নবেন্দু সম্পূর্ণ অস্বীকার করিতে লাগিল। বড় সাহেবকে যেদিন সেলাম নিবেদন করিতে যাইত শ্রালীদিগকে বলিত সুরেন্দ্রবাড়ীষ্যের বক্তৃতা শুনিতে যাইতেছি। দার্জিলিং হইতে প্রত্যাসন্ন মেজো সাহেবকে ষ্টেশনে সম্মান জ্ঞাপন করিতে যাইবার সময় শ্রালীদিগকে বলিয়া যাইত, মেজো মামার সহিত দেখা করিতে চলিলাম।

সাহেব এবং শ্রালী এই দুই নোকায় পা দিয়া হতভাগা বিষম সঙ্কটে পড়িল। শ্রালীরা মনে মনে কাঁহল তোমার অস্ত্র নৌকাটাকে ফুটা না করিয়া ছাড়িব না।

মহারাণীর আগামী জন্মদিনে নবেন্দু খেতাব-স্বর্গলোকের প্রথম সোপানে রায়বাহাদুর পদবীতে পদার্পণ করিবেন এইরূপ গুজব শুনা গেল—কিন্তু সেই সম্ভাবিত সম্মানলাভের আনন্দ উচ্ছ্বসিত সংবাদ ভীকু বেচারী শ্রালীদের নিকটে ব্যক্ত করিতে পারিল না;—কেবল একদিন শরৎ-গুরুপক্ষের সায়াহ্নে সর্ব্বনেশে চাঁদের আলোকে পরিপূর্ণচিত্তাবেগে স্ত্রীর কাছে প্রকাশ করিয়া ফেলিল। পরদিন দিবালোকে স্ত্রী পাক্কী করিয়া তাহার বড় দিদির বাড়ি গিয়া অক্ষগদগদ কণ্ঠে আক্ষেপ করিতে লাগিল। লাভণ্য কহিল, তা বেশত, রায়বাহাদুর হইয়া তোর স্বামীর ত লেজ বাহির হইবে না—তোর এত লজ্জাটা কিসের।

অরুণলেখা বারংবার বলিতে লাগিল,—না দিদি, আর যাই হই, আমি রায়বাহাদুরনী হইতে পারিব না।

আসল কথা অরুণের পরিচিত ভূতনাথ বাবু রায়বাহাদুর ছিলেন—পদবীটার প্রতি আন্তরিক আপত্তির কারণ তাহাই।

লাভণ্য অনেক আশ্বাস দিয়া কহিল, আচ্ছা, তোকে সে জন্ত ভাবিতে হইবে না।

বক্সারে লাভণ্যর স্বামী নীলরতন কাজ করিতেন। শরতের অবসানে নবেন্দু সেখান হইতে লাভণ্যর নিমন্ত্রণ পাইলেন। আনন্দ-চিত্তে অনতিবিলম্বে গাড়ি চড়িয়া যাত্রা করিলেন। রেল চড়িবার সময় তাঁহার বামাস্ক কাঁপিল না—কিন্তু তাহা হইতে কেবল এই প্রমাণ হয় যে, আসন্ন বিপদের সময় বামাস্ক কাঁপাটা একটা অমূলক কুসংস্কারমাত্র।

লাভণ্যলেখা পশ্চিম প্রদেশের নব শীতা-গমসম্বৃত স্বাস্থ্য এবং সৌন্দর্য্যের অরুণে পাণ্ডুরে পূর্ণ পরিষ্কট হইয়া নিম্নল শরৎকালের নির্জননদীকূললালিতা অন্নানপ্রফুল্লা কাশ-বনস্ত্রীর মত হাস্যে ও হিল্লোলে বল্মল করিতে ছিল।

নবেন্দুর মুগ্ধদৃষ্টির উপরে যেন একটি পূর্ণ-পুষ্পিতা মালতীলতা নবপ্রভাতের শীতোজ্জল শিশিরকণা ঝলকে ঝলকে বর্ষণ করিতে লাগিল।

মনের আনন্দে এবং পশ্চিমের হাওয়ায় নবেন্দুর অর্জীর্ণ রোগ দূর হইয়া গেল। স্বাস্থ্যের নেশায়, সৌন্দর্য্যের মোহে এবং শ্যালীহস্তের গুপ্রযাপুলকে সে যেন মাটি ছাড়িয়া আকাশের উপর দিয়া চলিতে লাগিল। তাহাদের বাগানের সম্মুখ দিয়া পরিপূর্ণ গঙ্গা যেন তাহারই মনের ছরস্তু পাগ্লামিকে আকার দান করিয়া বিষম গোলমাল করিতে করিতে শ্রবল আবেগে নিরুদ্দেশ হইয়া চলিয়া যাইত।

ভোরের বেলা নদীতীরে বেড়াইয়া ফিরিবার সময় শীতপ্রভাতের স্নিগ্ধ রোদ্দ্র যেন শ্রিয়-মিলনের উত্তাপের মত তাহার সমস্ত শরীরকে চরিতার্থ করিয়া দিত। তাহায় পর ফিরিয়া আসিয়া শ্রালীর সখের রন্ধনে যোগান্ দিবার ভার লইয়া নবেন্দুর অজ্ঞতা ও অনৈপুণ্য পদে পদে প্রকাশ পাইতে থাকিত। কিন্তু অভ্যাস ও মনোযোগের দ্বারা উত্তরোত্তর তাহা সংশোধন

করিয়া লইবার জন্ত মুক্ত অন্তিষ্কের কিছুমাত্র আগ্রহ দেখা গেল না,—কারণ প্রত্যহ নিজেকে অপরাধী করিয়া সে যে সকল তাড়না ভৎসনা লাভ করিত তাহাতে কিছুতেই তাহার তৃপ্তির শেষ হইত না। যথাযথ পরিমাণে মালমসলা বিভাগ, উনান হইতে হাঁড়ি তোলা নামা, উত্তাপাধিক্যে ব্যঞ্জন পুড়িয়া না যায় তাহার যথোচিত ব্যবস্থা—ইত্যাদি বিষয়ে সে যে সন্তোজাত শিশুর মত অপটু অক্ষম এবং নিরুপায় ইহাই প্রত্যহ বলপূৰ্ব্বক প্রমাণ করিয়া নবেন্দু শালীর কৃপামিশ্রিত হাস্ত এবং হাস্তমিশ্রিত লাহনা মনের স্বেভোগ করিত।

মধ্যাহ্নে একদিকে ক্ষুধার তাড়না অল্পদিকে শালীর পীড়াপীড়ি, নিজের আগ্রহ এবং শ্রিয়-জনের গুৎসুক্য, রন্ধনের পারিপাট্য এবং রন্ধনীর সেবামধুর্য্য উভয়ে সংযোগে ভোজন ব্যাপারের ওজন রক্ষা করা তাহার পক্ষে কঠিন হইয়া উঠিত।

আহারের পর সামান্ত তাস খেলাতেও নবেন্দু প্রতিভার পরিচয় দিতে পারিত না। চুরি করিত, হাতের কাগজ দোঁপিত, কাড়াকাড়ি বকাবকি বাধাইয়া দিত কিন্তু তবু জিতিতে পারিত না। না জিতিলেও জোর করিয়া তাহার হার অস্বীকার করিত—এবং সে জন্ত প্রত্যহ তাহার গল্পনার সীমা থাকিত না, তথাপিও পাষণ্ড আত্মসংশোধন-চেষ্টায় সম্পূর্ণ উদাসীন ছিল।

কেবল এক বিষয়ে তাহার সংশোধন সম্পূর্ণ হইয়াছিল। সাহেবের সোহাগ যে জীবনের চরম লক্ষ্য একথা সে উপস্থিতমত ভুলিয়া গিয়াছিল। আত্মীয় স্বজনের শ্রদ্ধা ও স্নেহ যে কত স্নেহের ও গৌরবের ইহাই সে সর্বান্তঃকরণে অহুভব করিতেছিল।

তাঁহা ছাড়া, সে যেন এক নূতন আব-

হাওয়ার মধ্যে পড়িয়া গিয়াছিল! ল্যাবণ্যর স্বামী নীলরতন বাবু আদালতে বড় উকিল হইয়াও সাহেব স্বেদের সহিত সাক্ষাৎ করিতে যাইতেন না বলিয়া অনেক কথা উঠিত—তিনি বলিতেন—কাজ কি ভাই! যদি পাণ্টা ভদ্রতা না করে তবে আমি যাহা দিলাম তাহা ত কোন মতেই ফিরাইয়া পাইব না। মরুভূমির বালি ফুটফুটে শাদা বলিয়াই কি তাহাতে বীজ বুনিয়া কোন স্বেদ আছে! কসল ফিরিয়া পাইলে কালো জমিতেও বীজ বোনা যায়।

নবেন্দুও টানে পড়িয়া দলে ভিড়িয়া গেল। তাহার আর পরিণাম চিন্তা রহিল না। পৈতৃক এবং স্বকীয় যত্নে পূৰ্বে জমি যাহা পাট করা ছিল তাহাতেই রায়বাহাছর খেতাবের সম্ভাবনা আপনাই বাড়িতে লাগিল ইতিমধ্যে আর নবজল সিঞ্চনের প্রয়োজন রহিল না। নবেন্দু ইংরাজের বিশেষ একটি সখের সহরে এক বহুব্যয়সাধ্য ঘোড়দৌড়স্থান নির্মাণ করিয়া দিয়াছিলেন।

হেনকালে কনগ্রেসের সময় নিকটবর্তী হইল। নীলরতনের নিকট চাঁদা সংগ্রহের অহুরোধপত্র আসিল।

নবেন্দু ল্যাবণ্যর সহিত মনের আনন্দে নিশ্চিন্ত মনে তাস খেলিতেছিল। নীলরতন খাতা হস্তে মধ্যে আসিয়া পড়িয়া কহিল—একটা সই দিতে হইবে।

পূৰ্ণ সংস্কারক্রমে নবেন্দুর মুখ শুকাইয়া গেল। ল্যাবণ্য শশব্যস্ত হইয়া কহিল, খবরদার এমন কাজ করয়ো না, তোমার ঘোড়দৌড়ের মাঠখানা মাটি হইয়া যাইবে।

নবেন্দু আশ্ফালন করিয়া কহিল—সেই ভাবনায় আমার ব্রাত্রে ঘুম হয় না!

নীলরতন আশ্বাস দিয়া কহিল, তোমার নাম কোন কাগজে প্রকাশ হইবে না।

লাবণ্য অত্যন্ত চিন্তিত বিজ্ঞভাবে কহিল—
—তবু কাজ কি ! কি জানি কথায় কথায়—
নবেন্দু তীব্রস্বরে কহিল, কাগজে প্রকাশ
হইলে আমার নাম কইয়া যাইবে না।

এই বলিয়া নীলরতনের হাত হইতে খাতা
টানিয়া একেবারে হাজার টাকা ফস্ করিয়া
সই করিয়া দিল। মনের মধ্যে আশা রহিল
কাগজে সংবাদ বাহির হইবে না।

লাবণ্য মাথায় হাত দিয়া কহিল “করিলে
কি !”

নবেন্দু দর্পজ্বরে কহিল, “কেন, অস্তায় কি
করিয়াছি !”

লাবণ্য কহিল—শেয়ালদ ষ্টেশনের গার্ড,
হোয়াইট অ্যাভের দোকানের অ্যাসিস্ট্যান্ট,
হার্টব্রাদারদের সহিস্ সাহেব এঁরা যদি তোমার
উপর রাগ করিয়া অভিমান করিয়া বসেন—
যদি তোমার পূজার নিমন্ত্রণে স্লাম্পন্ খাইতে
না আসেন, যদি দেখা হইলে তোমার পিঠ না
চাপড়ান্।

নবেন্দু উদ্ভত ভাবে কহিল, তাহা হইলে
আমি বাসায় গিয়া মরিয়া থাকিব !

দিন কয়েক পরেই নবেন্দু প্রাতঃকালে চা
খাইতে খাইতে খবরের কাগজ পড়িতেছেন
হঠাৎ চোখে পড়িল এক X স্বাক্ষরিত পত্রপ্রেমক
তঁাহাকে প্রচুর ধস্তাবাদ দিয়া কনগ্রেসে চাঁদার
কথা প্রকাশ করিয়াছে এবং তঁাহার মত
লোককে দলে পাইয়া কনগ্রেসের যে কতটা
বলবৃদ্ধি হইয়াছে লোকটা তাহারও পরিমাণ
নির্ণয় করিতে পারে নাই।

কনগ্রেসের বলবৃদ্ধি ! হা স্বর্গগত তাত
পূর্ণেশুখের। কনগ্রেসের বলবৃদ্ধি করিবার
জন্তই কি তুমি হতভাগ্যকে ভারতভূমিতে
জন্মদান করিয়াছিলে !

কিন্তু ছদ্মখবর সঙ্গে স্খও আছে। নবেন্দুর

মত লোক যে, যে-সে লোক নহেন—তঁাহাকে
নিজতীরে তুলিবার জন্ত, যে, একদিকে ভারত-
বর্ষীয় ইংরাজসম্প্রদায় অপরদিকে কনগ্রেস
লালায়িত ভাবে ছিপ ফেলিয়া অনিমিষলোচনে
বসিয়া আছে এ কথাটা নিতান্ত ঢাকিয়া
রাখিবার কথা নহে। অস্তএব নবেন্দু হাসিতে
হাসিতে কাগজখানা লইয়া লাবণ্যকে দেখাই-
লেন। কে লিখিয়াছে যেন কিছুই জানেন
না এমনি ভাবে লাবণ্য আকাশ হইতে পড়িয়া
কহিল—ওমা, এষে সমস্তই কীস করিয়া
দিয়াছে, আহো ! আহো ! তোমার এমন শত্রু
কে ছিল ! তাহার কলমে যেন ঘুন ধরে, তাহার
কালিতে যেন বালি পড়ে, তাহার কাগজ যেন
পোকায় কাটে—

নবেন্দু হাসিয়া কহিল—আর অভিশাপ
দিয়ো না ! আমি আমার শত্রুকে মার্জনা
করিয়া আশীর্বাদ করিতেছি তাহার সোণার
দোয়াৎ কলম হয় যেন !

ছইদিন পরে কনগ্রেসের বিপক্ষপক্ষায়
একখানা ইংরাজসম্পাদিত ইংরাজি কাগজ
ডাকযোগে নবেন্দুর হাতে আসিয়া পৌঁছিলে
পড়িয়া দেখিলেন তাহাতে “One who
knows” স্বাক্ষরে পূর্বোক্ত সংবাদের প্রতিবাদ
বাহির হইয়াছে। লেখক লিখিতেছেন যে,
নবেন্দুকে যাহারা জানেন তঁাহারা তঁাহার
সম্বন্ধে এই ছদ্ম নাম রটনা কখনই বিশ্বাস করিতে
পারেন না ;—চিতা বাঘের পক্ষে নিজ চক্ষের
কৃষ্ণ অঙ্কগুলির পরিবর্তন যেমন সম্ভব নবেন্দুর
পক্ষেও কনগ্রেসের বলবৃদ্ধি করা তেমনি। বাবু
নবেন্দুশেখরের যথেষ্ট নিজস্ব পদার্থ আছে—
তিনি কপ্প-শূত্র উমেদার ও মক্কেল-শূত্র আইন-
জীবী নহেন। তিনি ছইদিন খিলাতে ঘুরিয়া
বেশকুয়া আচার ব্যবহারে অকুত কপিবৃত্তি
করিয়া স্পর্কভাবে ইংরাজ-সমাজে প্রবেশোত্ত

হইয়া অবশেষে ক্ষুণ্ণমনে হতাশভাবে কিরিয়া আসেন নাই অতএব কেন যে তিনি এই সকল ইত্যাদি ইত্যাদি ।

হা পরলোকগত পিতঃ পূৰ্ণেন্দুশেখর ! ইংরাজের নিকট এত নাম এত বিশ্বাস সঞ্চয় করিয়া তবে তুমি মরিয়াছিলে !

এ চিঠিখানিও শ্রালীর নিকট পেখমের মত বিস্তার করিয়া ধরিবার যোগ্য। ইহার মধ্যে একটা কথা আছে যে নবেন্দু অখ্যাত অকিঞ্চন লক্ষ্মীছাড়া নহেন, তিনি সারবান্ পদার্থবান লোক !

লাবণ্য পুনশ্চ আকাশ হইতে পড়িয়া কহিল—
— এ আবার তোমার কোন্ পরম বন্ধু লিখিল !
কেন্ টিকিট্ কালেক্টার কোন্ চামড়ার দালাল,
কোন গড়ের বাস্তুর বাজনদার !

নীলরতন কহিল; এ চিঠির একটা প্রতিবাদ করা ত তোমার উচিত !

নবেন্দু কিছু উঁচু চালে বলিল—দরকার কি ? যে যা বলে তাহারই কি প্রতিবাদ করিতে হইবে ?

লাবণ্য উঠেঃস্বরে চারিদিকে একেবারে হাসির ফোয়ারা ছড়াইয়া দিল ।

নবেন্দু অপ্রতিভ হইয়া কহিল, এত হাসি যে !

তাহার উত্তরে লাবণ্য পুনর্বার অনিবার্য বেগে হাসিয়া পুষ্পিতযৌবনা দেহলতা লুপ্তিত করিতে লাগিল। নবেন্দু নাকে মুখে চোখে এই প্রচুর পরিহাসের পিচ্কারি খাইয়া অত্যন্ত নাকাল হইল। একটু ক্ষুণ্ণ হইয়া কহিল—তুমি মনে করিতেছ প্রতিবাদ করিতে আমি ভয় করি !

লাবণ্য কহিল—তা কেন ! আমি ভাবিতেছিলাম তোমার অনেক আশা ভরসার সেই ঘোড়দোড়ের মাঠখানি বাঁচাইবার চেষ্টা এখনো ছাড় নাই, যতক্ষণ শ্বাস, ততক্ষণ আশ !

নবেন্দু কহিল, আমি বুঝি সেই জন্ত লিখিতে

চাহি না। অত্যন্ত রাগিয়া দোয়াতকলম লইয়া বসিল। কিন্তু লেখার মধ্যে রাগের রক্তমা বড় প্রকাশ পাইল না, কাজেই লাবণ্য ও নীল-রতনকে সংশোধনের ভার লইতে হইল। যেন লুচি ভাজার পালা পড়িল—নবেন্দু যেটা জ্বলে ও ঘিয়ে ঠাণ্ডা ঠাণ্ডা নরম নরম করিয়া এবং চাপিয়া যথাসাধ্য চেপটা করিয়া বেগিয়া দেয় তাঁহার দুই সহকারী তৎক্ষণাৎ সেটাকে ভাজিয়া কড়া ও গরম করিয়া ফুলাইয়া ফুলাইয়া তোলে। লেখা হইল যে, আত্মীয় যখন শত্রু তখন বহিঃশত্রু অপেক্ষা ভয়ঙ্কর হইয়া উঠে। পাঠান অথবা রাশিয়ান ভারতগবর্ণমেণ্টের তেমন শত্রু নহে যেমন শত্রু গর্কোদ্ধত অ্যাংলোইণ্ডিয়ান সম্প্রদায়। গবর্ণমেণ্টের সহিত প্রজাসাধারণ্যের নিরাপদ সৌহার্দ্য বন্ধনের তাহারই দুর্ভেদ্য অন্তরায়। কনগ্রেস রাজা ও প্রজার মাঝখানে স্থায়ী সদ্ভাব সাধনের যে প্রশস্ত রাজপথ খুলিয়াছে, অ্যাংলো ইণ্ডিয়ান কাগজগুলো ঠিক তাহার মধ্যস্থল জুড়িয়া একেবারে কণ্টকিত হইয়া রহিয়াছে। ইত্যাদি।

নবেন্দুর ভিতরে ভিতরে ভয় ভয় করিতে লাগিল অথচ লেখাটা বড় সরেস হইয়াছে মনে করিয়া রহিয়া রহিয়া একটু আনন্দও হইতে লাগিল। এমন সুন্দর রচনা তাহার সাধ্যাতীত ছিল।

ইহার পর কিছুদিন ধরিয়া নানা কাগজে বিবাদ বিসম্বাদ বাদ প্রতিবাদে নবেন্দুর চাঁদা এবং কনগ্রেসে যোগ দেওয়ার কথা লইয়া দশদিকে ঢাক বাজিতে লাগিল।

নবেন্দু এক্ষণে যরীয়া হইয়া কথায় বার্তায় শ্রালীসমাজে অত্যন্ত নির্ভীক দেশহিতৈষী হইয়া উঠিল। লাবণ্য মনে মনে হাসিয়া কহিল এখনো তোমার অগ্নিপরীক্ষা বাকি আছে।

একদিন প্রাতঃকালে নবেন্দু স্নানের পূর্বে

বক্ষঃস্থল তৈলাক্ত করিয়া পৃষ্ঠদেশের দুর্গম অংশগুলিতে তৈল সঞ্চার করিবার কৌশল অবলম্বন করিতেছেন এমন সময় বেহারী এক কার্ড হাতে করিয়া তাঁহাকে দিল, তাহাতে স্বয়ং ম্যাজিষ্ট্রেটের নাম আকা। লাবণ্য কৌতুকতৃপ্ত হইয়া চক্ষে আড়াল হইতে কৌতুক দেখিতেছিল।

তৈলাক্ত কলেবরে ত ম্যাজিষ্ট্রেটের সহিত সাক্ষাৎ করা যায় না,—নবেন্দু ভাঙ্গিবার পূর্বে মসলামাখা কৈ মৎসের মত বৃথা ব্যতিব্যস্ত হইতে লাগিলেন। তাড়াতাড়ি চকিতের মধ্যে স্থান করিয়া কোন মতে কাপড় পরিয়া উল্লম্বাসে বাহিরের ঘরে গিয়া উপস্থিত হইলেন। বেহারী বলিল সাহেব অনেকক্ষণ বসিয়া বসিয়া চলিয়া গিয়াছেন। এই আগাগোড়া মিথ্যাচরণ পাপের কতটা অংশ বেহারীর এবং কতটা অংশ লাবণ্যর তাহা নৈতিক গণিত শাস্ত্রের একটা স্থল সমগ্র।

টিকটিকির কাটা লেজ যেমন সম্পূর্ণ অধ-ভাবে ধড়ধড় করে নবেন্দুর ক্ষুর হৃদয় ভিতরে ভিতরে তেমনি আছাড় খাইতে লাগিল। সমস্ত দিন খাইতে শুইতে আর সোয়াস্তি রহিল না।

লাবণ্য আভ্যন্তরিক হাঙ্গের সমস্ত আভাস মুখ হইতে সম্পূর্ণ দূর করিয়া দিয়া উদ্বিগ্নভাবে থাকিয়া থাকিয়া জিজ্ঞাসা করিতে লাগিল, আজ তোমার কি হইয়াছে বল দেখি! অস্থখ করে নাই ত ?

নবেন্দু কায়রেশে হাসিয়া কোনমতে একটা দেশকালপাত্ৰোচিত উত্তর বাহির করিল—কহিল—তোমার এলেকার মধ্যে আবার অস্থখ কিসের? তুমি আমার ধন্যস্তরিনী!

কিন্তু মুহূর্তমধ্যেই হাসি মিলাইয়া গেল—এবং সে ভাবিতে লাগিল,—একে আমি

কনগ্রেসে টান দিলাম, কাগজে কড়া চিঠি লিখিলাম—তাহার উপরে ম্যাজিষ্ট্রেট নিজে আমার সহিত সাক্ষাৎ করিতে আসিলেন, আমি তাঁহাকে বসাইয়া রাখিলাম—না জানি কি মনে করিতেছেন!

হা তাত, হা পুর্ণেন্দুশেখর! আমি যাহা নই ভাগ্যের বিপাকে গোলেমাতে তাহাই প্রতিপন্ন হইলাম।

পরদিন সাজগোজ করিয়া ঘড়ির চেন বুলাইয়া মস্ত একটা পাগড়ি পরিয়া নবেন্দু বাহির হইল। লাবণ্য জিজ্ঞাসা করিল, যাও কোথায়? নবেন্দু কহিল একটা বিশেষ কাজ আছে—লাবণ্য কিছু বলিল না।

সাহেবের দরজার কাছে কার্ড বাহির করিবার আরাধনা কহিল এখন দেখা হইবে না।

নবেন্দু পকেট হইতে দুইটা টাকা বাহির করিল। আরদালি সংক্ষিপ্ত কেসাম করিয়া কহিল আমরা পাঁচ জন আছি। নবেন্দু তৎক্ষণাৎ দশ টাকার এক নোট বাহির করিয়া দিলেন।

সাহেবের নিকট তলব পড়িল। সাহেব তখন চটি জুতা ও মনিং গোন পরিয়া লেখাপড়ার কাজে নিযুক্ত ছিলেন। নবেন্দু একটা সেলাম করিলেন—ম্যাজিষ্ট্রেট তাঁহাকে অঞ্জুলি সঙ্কেতে বসিবার অনুমতি করিয়া কাগজ হইতে মুখ না তুলিয়া কহিলেন—কি বলিবার আছে বাবু?

নবেন্দু ঘড়ির চেন নাড়িতে নাড়িতে বিনীত কম্পিতস্বরে বলিল—কাল আপনি অনুগ্রহ করিয়া আমার সহিত সাক্ষাৎ করিতে গিয়াছিলেন কিন্তু—

সাহেব অকুণ্ঠিত করিয়া একটা চোখ কাগজ হইলে তুলিয়া বলিলেন—সাক্ষাৎ

করিতে গিয়াছিলাম! Babu what non-sense are you talking!

নবেন্দু "Beg your pardon, ভুল হইয়াছে, গোল হইয়াছে"—করিতে করিতে ঘণ্টাপ্লুত কলেবরে কোন মতে ঘর হইতে বাহির হইয়া আসিলেন। এবং সে রাত্রে বিছানায় শুইয়া কোন দূরস্বপ্নপ্রসূত মস্তের আয় একটা বাক্য থাকিয়া থাকিয়া তাঁহার কাণে আসিয়া প্রবেশ করিতে লাগিল—Babu, you are a howling idiot!

পথে আসিতে আসিতে তাঁহার মনে ধারণা হইল যে, ম্যাজিষ্ট্রেট যে তাঁহার সহিত দেখা করিতে আসিয়াছিল সে কথাটা কেবল স্বাগ করিয়া সে অস্বীকার করিল। মনে মনে কহিলেন, ধরণী দ্বিধা হও! কিন্তু ধরণী তাঁহার অনুরোধ রক্ষা না করাতে নির্কিঞ্চে বাড়ি আসিয়া পৌঁছিলেন।

লাবণ্যকে আসিয়া কহিলেন, দেশে পাঠাইবার জন্ত গোলাপজল কিনিতে গিয়াছিলাম।

বলিতে না বলিতে কালেক্টরের চাপরাস-পর্যায় জনহৃদয়েক পেয়াদা আসিয়া উপস্থিত। সেলাম করিয়া হাত্মমুখে নীরবে ঝাঁড়াইয়া রহিল।

লাবণ্য হাসিয়া কহিল, তুমি কনগ্রেসে চাঁদা দিয়াছ বলিয়া তোমাকে গ্রেফতার করিতে আসে নাই ত?

পেয়াদা ছয়জনে বারো। পাটি দস্তাগ্রভাগ উন্মুক্ত করিয়া কহিল—বক্শিস্ বাবু সাহেব!

নীলরতন পাশের ঘর হইতে বাহির হইয়া বিরক্তস্বরে কহিলেন—কিসের বক্শিস্!

পেয়াদারা বিকশিতদস্তে কহিল, ম্যাজিষ্ট্রেট সাহেবের সহিত দেখা করিতে গিয়াছিলেন তাহার বক্শিস্!

লাবণ্য হাসিয়া কহিল, ম্যাজিষ্ট্রেট সাহেব

আজকাল গোলাপ জল বিক্রি ধরিয়াছেন নাকি? এমন অত্যন্ত ঠাণ্ডা ব্যবসায় ত তাঁহার পূর্বে ছিল না।

হতভাগ্য নবেন্দু গোলাপজলের সহিত ম্যাজিষ্ট্রেট দর্শনের সামঞ্জস্য সাধন করিতে গিয়া কি যে আবোল তাবোল বলিল তাহা কেহ বুঝিতে পারিল না।

নীলরতন কহিল—বক্শিসের কোন কাজ হয় নাই। বক্শিস নাহি মিলেগা!

নবেন্দু সম্মুচিতভাবে পকেট হইতে একটা নোট বাহির করিয়া কহিল—উহারা গরীব মানুষ, কিছু দিতে দোষ কি?

নীলরতন নবেন্দুর হাত হইতে নোট টানিয়া লইয়া কহিল, উহাদের অপেক্ষা গরীব-মানুষ জগতে আছে আমি তাহাদিগকে দিব

কষ্ট মহেশ্বরের ভূতপ্রোতগণকেও কিঞ্চিৎ ঠাণ্ডা করিবার সুযোগ না পাইয়া নবেন্দু অত্যন্ত ক্ষিপরে পড়িয়া গেল। পেয়াদাগণ যখন বজ্রদৃষ্টি নিক্ষেপ করিয়া গমনোত্তম হইল, তখন নবেন্দু একান্ত ক্লেশভাবে তাহাদের দিকে চাহিলেন—নীরবে নিবেদন করিলেন, বাবা সকল, আমার কোন দোষ নাই তোমরা ত জান।

কলিকাতায় কনগ্রেসের অধিবেশন। তত্পলক্ষে নীলরতন সঙ্গীক রাজধানীতে উপস্থিত হইলেন। নবেন্দুও তাঁহাদের সঙ্গে ফিরিল।

কলিকাতায় পদার্পণ করিবামাত্র কনগ্রেসের দলবল নবেন্দুকে চতুর্দিকে ঘিরিয়া একটা প্রকাণ্ড তাণ্ডব স্রব করিয়া দিল। সম্মান সমাদর স্তুতিবাদের সীমা রহিল না। সকলেই বলিল আপনাদের মত নাযকগণ দেশের কাজে যোগ না দিলে দেশের উপায় নাই। কথাটার ষাধার্থ্য নবেন্দু অস্বীকার করিতে পারিলেন না,—এবং গোলেমালে হঠাৎ কখন দেশের

একজন অধিনায়ক হইয়া উঠিলেন। কংগ্রেস সভায় যখন পদার্পণ করিলেন তখন সকলে মল্লিয়া উঠিয়া দাঁড়াইয়া বিজাতীয় বিলাতী ভারতের “হিপ্ হিপ্ হুরে,” শব্দে তাঁহাকে উৎকট অভিবাদন করিল। আমাদের মাতৃভূমির কর্ণমূল লজ্জায় রক্তিম হইয়া উঠিল।

যথাকালে মহারাণীর জন্মদিন আসিল— নবেন্দুর রায়বাহাদুর খেতাব নিকট-সমাগত মন্ত্রীচিকার মত অন্তর্দান করিল।

সেইদিন সায়াছে লাংগ্যলেখা সমারোহে নবেন্দুকে নিমন্ত্রণ পূর্বক তাঁহাকে নববস্ত্রে ভূষিত করিয়া স্বহস্তে তাঁহার ললাটে রক্ত-চন্দনের তিলক এবং প্রত্যেক শ্রালী তাঁহার কণ্ঠে একগাছি করিয়া স্বরচিত পুষ্পমালা পরাইয়া দিল। অরুণাশ্রবসনা অরুণলেখা সেদিন হান্তে লজ্জায় এবং অলঙ্কারে আড়াল হইতে ঝক্‌মক্ করিতে লাগিল। তাহার স্বেদাঙ্কিত লজ্জা শীতল হস্তে একটা ‘গড়ে’ মালা দিয়া ভগিনীরা তাহাকে টানাটানি করিল

কিন্তু সে কোন মতে বশ মানিল না এবং সেই প্রধান মালাখানি নবেন্দুর কণ্ঠে কামনা করিয়া জনহীন নিগীথের জন্ত গোপনে অপেক্ষা করিতে লাগিল। শ্রালীরা নবেন্দুকে কহিল আজ আমরা তোমাকে রাজা করিয়া দিলাম। ভারতবর্ষে এমন সম্মান তুমি ছাড়া আর কাহারও সম্ভব হইবে না।

নবেন্দু ইহাতে সম্পূর্ণ সান্ত্বনা পাইল কিনা তাহা তাহার অন্তঃকরণ আর অন্তর্গাম্যমাই জানেন—কিন্তু আমাদের এ সম্বন্ধে সম্পূর্ণ সন্দেহ রহিয়া গিয়াছে। আমাদের দৃঢ় বিশ্বাস মরিবার পূর্বে সে রায়বাহাদুর হইবেই—এবং তাহার মৃত্যু উপলক্ষে Englishman ও Pioneer সময়ের শোক করিতে ছাড়িবে না। অতএব ইতিমধ্যে Three Cheers for Babu পূর্ণেশ্বর! হিপ্ হিপ্ হুরে, হিপ্ হিপ্ হুরে! হিপ্ হিপ্ হুরে!

রবান্দ্র গ্রন্থাবলী ।

বিচিত্র চিত্র ।

—o:~:—

ক্ষুধিত পাষণ ।

আমি এবং আমার আত্মীয় পূজার ছুটিতে দেশভ্রমণ সারিয়া কলিকাতায় ফিরিয়া আসিতেছিলাম এমন সময় রেল-গাড়িতে বাবুটির সঙ্গে দেখা হয়। তাঁহার বেশভূষা দেখিয়া প্রথমটা তাঁহাকে পশ্চিমদেশীয় মুসলমান বলিয়া ভ্রম হইয়াছিল। তাঁহার কথাবার্তা শুনিয়া আরও ধাঁধা লাগিয়া যায়। পৃথিবীর সকল বিষয়েই এমন করিয়া আলাপ করিতে লাগিলেন যেন তাঁহার সহিত প্রথম পরামর্শ করিয়া বিশ্বাবধাতা সকল কাজ করিয়া থাকেন। বিশ্বসংসারের ভিতরে ভিতরে যে এমন সকল অশ্রুতপূর্ব্ব নিগূঢ় ঘটনা ঘটিতে-ছিল, রশিয়ানরা যে এতদূর অগ্রসর হইয়াছে, ইংরাজদের যে, এমন সকল গোপন মৎলব আছে, দেশীয় রাজাদের মধ্যে যে একটা খিচুড় পাবিয়া উঠিয়াছে, এ সমস্ত কিছুই না জানিয়া আমরা সম্পূর্ণ নিশ্চিত হইয়া ছিলাম। আমাদের

নবপরিচিত আলাপীটি ঈষৎ হাসিয়া কহিলেন, There happen more things in heaven and earth, Horatio, than are reported in your news-papers. আমরা এই প্রথম ঘর ছাড়িয়া বাহির হইয়াছি, সুতরাং লোক-টির রকম-সকম দেখিয়া অবাক হইয়া গেলাম। লোকটা সামান্য উপলক্ষে কখন বিজ্ঞান বলে, কখনো বেদের, ব্যাখ্যা করে, আবার হঠাৎ কখনো পার্সি বয়েৎ আঙড়াইতে থাকে; বিজ্ঞান, বেদ এবং পার্সিভাষায় আমাদের কোনরূপ অধিকার না থাকতে তাঁহার প্রতি আমাদের ভক্তি উত্তরোত্তর বাড়িতে লাগিল। এমন কি, আমার থিয়সফিষ্ট আত্মীয়টির মনে দৃঢ় বিশ্বাস হইল যে, আমাদের এই সহযাত্রীটির সহিত কোন এক রকমের অলৌকিক ব্যাপারের কিছু এবটা যোগ আছে; কোন একটা অপূর্ব্ব ম্যাগেটিজম্ অথবা দৈবশক্তি, অথবা হুঙ্গ শরীর

অথবা ঐ ভাবের একটা কিছু। তিনি এই সামান্য লোকের সমস্ত সামান্য কথাও ভক্তি-বিহ্বল মুগ্ধভাবে শুনিতেছিলেন এবং গোপনে নোট করিয়া লইতেছিলেন; আমার ভাবে বোধ হইল, অসামান্য ব্যক্তিটিও গোপনে তাহা বৃত্তিতে পারিয়াছিলেন, এবং কিছু খুসি হইয়াছিলেন।

গাড়াটি আসিয়া জংশনে থাকিলে আমরা দ্বিতীয় গাড়ির অপেক্ষায় ওয়েটিংরূমে সমবেত হইলাম। তখন রাত্রি সাড়ে দশটা। পথের মধ্যে একটা কি ব্যাঘাত হওয়াতে গাড়ি অনেক বিলম্বে আসিবে শুনিলাম। আমি ইতিমধ্যে টেবিলের উপর বিছানা পাতিয়া ঘুমাইব স্থির করিয়াছি এমন সময়ে সেই অসামান্য ব্যক্তিটি নিম্নলিখিত গল্প ফাঁদিয়া বসিলেন। সে রাত্রে আমার আর ঘুম হইল না।

রাজ্যচালনা সম্বন্ধে হই একটা বিষয়ে মতান্তর হওয়াতে আমি জুনাগড়ের কর্ম ছাড়িয়া দিয়া হাইদ্রাবাদে যখন নিজাম সরকারে প্রবেশ করিলাম তখন আমাকে অল্পবয়স্ক মজবুৎ লোক দেখিয়া প্রথমেই বরীচে তুলার মাণ্ডল আদায়ে নিযুক্ত করিয়া দিল।

বরীচ জায়গাটি বড় রমণীয়। নির্জন পাহাড়ের নীচে বড় বড় বনের ভিতর দিয়া শুস্তা নদীটি (সংস্কৃত "স্বচ্ছতোয়া"র অপভ্রংশ) উপল-বুধরিত গণ্ডে নিপুণা নর্তকীর মত পদে পদে ঝাঁকিয়া ঝাঁকিয়া দ্রুত নৃত্যে চলিয়া গিয়াছে। ঠিক সেই নদীর ধারেই পাথর-বাঁধানো দেড়শত সোপানময় অতুল্য ঘাটের উপরে একটি খেত প্রস্তরের প্রাসাদ শৈলপদ-মূলে একাকী দাঁড়াইয়া আছে—নিকটে কোথাও লোকালয় নাই। বরীচের তুলার হাট এবং গ্রাম এখান হইতে দূরে।

প্রায় আড়াই শত বৎসর পূর্বে দ্বিতীয় শা মামুদ ভোগবিলাসের জন্ত প্রাসাদটি এই নির্জন স্থানে নিৰ্মাণ করিয়াছিলেন। তখন ইহার স্নানশালার ফোয়ারার মুখ হইতে গোলাপগন্ধী জলধারা উৎক্ষিপ্ত হইতে থাকিত এবং সেই শীকর-শীতল নিভৃত গৃহের মধ্যে মর্ম্মরখচিত স্নিগ্ধ শিলাসনে বসিয়া কোমল নগ্নপদপল্লব জলাশয়ের নিৰ্ম্মল জলরাশির মধ্যে প্রসারিত করিয়া তরুণী পারসিক রমণীগণ স্নানের পূর্বে কেশ মুক্ত করিয়া দিয়া সেতার বোলে ড্রাফা-বনের গজল গান করিত।

এখন আর সে ফোয়ারা খেলে না, সে গান নাই শাদা পাথরের উপর শুভ্র চরণের স্নন্দর আঘাত পড়ে না—এখন ইহা আমাদের মত নির্জনবাসপীড়িত সঙ্গিনীহীন মাণ্ডল কালেজের অতি বৃহৎ এবং অতি শূন্য বাস-স্থান। কিন্তু আপিসের বৃদ্ধকেবাণী করিম খাঁ আমাকে এই প্রাসাদে বাস করিতে বারংবার নিবেদন করিয়াছিল। বলিয়াছিল, ইচ্ছা হয়, দিনের বেলা থাকিবেন কিন্তু কখনো এখানে রাজিষাপন করিবেন না। আমি হাসিয়া উড়াইয়া দিলাম। ভৃত্যেরা বলিল, তাহারা সফ্যা পর্য্যন্ত কাজ করিবে কিন্তু রাত্রে এখানে থাকিবে না। আমি বলিলাম, তখাস্ত। এ বাড়ির এমন বদনাম ছিল যে, রাত্রে চেংরও এখানে আসিতে সাহস করিত না।

প্রথম প্রথম আসিয়া এই পরিত্যক্ত পাষণ-প্রাসাদের বিজনতা আমার বুকের উপর যেন একটা ভয়ঙ্কর ভারের মত চাপিয়া থাকিত, আমি যতটা পারিতাম বাহিরে থাকিয়া অবিশ্রাম কাজ কর্ম্ম করিয়া রাত্রে ঘরে ফিরিয়া শ্রান্তদেহে নিদ্রা দিতাম।

কিন্তু সপ্তাহ খানেক না যাইতেই বাড়িটার এক অপূর্ব নেশা আমাকে ক্রমশঃ আক্রমণ

করিয়া ধরিতে লাগিল। আমার মে অবস্থা বর্ণনা করাও কঠিন এবং সে কথা লোককে বিশ্বাস করানও শক্ত। সমস্ত বাড়িটা একটা সজীব পদার্থের মত আমাকে তাহার জঠরস্থ মোহ-রসে অল্পে অল্পে যেন জীর্ণ করিতে লাগিল।

বোধ হয় এ বাড়িতে পদার্পণমাত্রই এ প্রক্রিয়ার আরম্ভ হইয়াছিল—কিন্তু আমি যে দিন সচেতন ভাবে প্রথম ইহার স্বরূপাত অনুভব করি, সেদিনকার কথা আমার স্পষ্ট মনে আছে।

তখন গ্রীষ্মকালের আরম্ভে বাজার নরম; আমার হাতে কোন কাজ ছিল না। সূর্যাস্তের কিছু পূর্বে আমি সেই নদীতীরে ঘাটের নিম্নতলে একটা আরাম-কেন্দারা লইয়া বসিয়াছি। তখন শুস্তানদী শীর্ণ হইয়া আসিয়াছে;—ওপারে অনেকখানি বালুতট অপরাহ্নের আভাষ রঙীন হইয়া উঠিয়াছে, এপারে ঘাটের সোপানমূলে স্বচ্ছ অগভীর জলের তলে হাড় গুলি ঝিক্ ঝিক্ করিতেছে। সে দিন কোথাও বাতাস ছিল না। নিকটের পাহাড়ে বন-তুলসী, পুদিনা ও মৌরির জঙ্গল হইতে একটা ঘন স্মৃগন্ধ উঠিয়া স্থির আকাশকে ভারাক্রান্ত করিয়া রাখিয়াছিল।

সূর্য যখন গিরিশিখরের অন্তরালে অবতীর্ণ হইল তৎক্ষণাৎ দিবসের নাট্যশালায় একটা দীর্ঘ ছায়া-ষবনিকা পড়িয়া গেল;—এখানে পূর্বতের ব্যবধান থাকতে সূর্যাস্তের সময় আলো আঁধারের সম্মিলন অধিকক্ষণ স্থায়ী হয় না। ঘোড়ায় চড়িয়া একবার ছুটিয়া বেড়াইয়া আসিব মনে করিয়া উঠিব উঠিব করিতেছি, এমন সময়ে সিঁড়িতে পায়ের শব্দ শুনিতে পাইলাম। পিছনে ফিরিয়া দেখিলাম,—কেহ নাই।

ইঙ্গিতের ভ্রম মনে করিয়া পুনরায় ফিরিয়া বসিতেই, একেবারে অনেকগুলি পায়ের শব্দ শোনা হুগেল—যেন অনেকে মিলিয়া ছুটাছুটি করিয়া নামিয়া আসিতেছে। ঈষৎ ভয়ের সহিত এক অপরাপ পুলক মিশ্রিত হইয়া আমার সর্কাক পরিপূর্ণ করিয়া তুলিল। যদিও আমার সম্মুখে কোন মূর্তি ছিল না তথাপি স্পষ্ট প্রত্যক্ষবৎ মনে হইল যে, এই গ্রীষ্মের সায়াহ্নে একদল প্রমোদচঞ্চল নারী শুস্তার জলের মধ্যে স্নান করিতে নামিয়াছে। যদিও সেই সন্ধ্যাকালে নিস্তর গিরিতটে, নদীতীরে, নির্জন প্রাসাদে কোথাও কিছুমাত্র শব্দ ছিল না তথাপি আমি যেন স্পষ্ট শুনিতে পাইলাম নির্যয়ের শত ধারার মত সকৌতুক কলহাস্তের সহিত পরস্পরের দ্রুত অনুধাবন করিয়া আমার পার্শ্ব দিয়া স্নানাধিনীরা চলিয়া গেল। আমাকে যেন লক্ষ্য করিল না। তাহারা যেমন আমার নিকট অদৃশ্য, আমিও যেন সেইরূপ তাহাদের নিকট অদৃশ্য। মদী পূর্ববৎ স্থির ছিল, কিন্তু আমার নিকট স্পষ্ট বোধ হইল, স্বচ্ছতোয়ার অগভীর শ্রোত অনেকগুলি বলয়শিঞ্জিত বাহ-বিক্ষেপে বিক্ষুব্ধ হইয়া উঠিয়াছে, হাসিয়া হাসিয়া সখীগণ পরস্পরের গায়ে জল ছুঁড়িয়া মারিতেছে, সম্ভরণকারিণীদের পদাঘাতে জল-বিন্দুরাশি মুক্তামুষ্টির মত আকাশে ছিটিয়া পড়িতেছে।

আমার বক্ষের মধ্যে এক প্রকার কম্পন হইতে লাগিল; সে উত্তেজনা ভয়ের, কি আনন্দের; কি কৌতূহলের, ঠিক বলিতে পারি না। বড় ইচ্ছা হইতে লাগিল ভাল করিয়া দেখি কিন্তু সম্মুখে দেখিবার কিছুই ছিল না, মনে হইল, ভাল করিয়া কাণ পাতিলেই উহাদের কথা সমস্তই স্পষ্ট শোনা যাইবে—কিন্তু একান্ত মনে কাণ পাতিয়া কেবল অরণ্যের ঝিল্লির

শোনা যায়। মনে হইল আড়াই শত বৎসরের কৃষ্ণবর্ণ যবনিকা ঠিক আমার সম্মুখে ছলিতেছে—ভয়ে ভয়ে একটি ধার তুলিয়া ভিতরে দৃষ্টপাত করি—সেখানে বৃহৎ সভা বসিয়াছে কিন্তু গাঢ় অন্ধকারে কিছুই দেখা যায় না।

হঠাৎ শুমটু ভাঙ্গিয়া হুহু করিয়া একটা বাতাস দিল—শুস্তার স্থির জলতল দেখিতে দেখিতে অপর্যায় কেশদামের মত কুঞ্চিত হইয়া উঠিল, এবং সন্ধ্যাচ্ছায়াচ্ছন্ন সমস্ত বনভূমি এক মুহূর্তে এক সঙ্গে মর্মরধ্বনি করিয়া যেন হুঃস্থপ হইতে জাগিয়া উঠিল। স্বপ্নই বল আর সত্যই বল, আড়াই শত বৎসরের অতীত ক্ষেত্র হইতে প্রতিকলিত হইয়া আমার সম্মুখে যে এক অদৃশ্য মরীচিকা অবতীর্ণ হইয়াছিল তাহা চকিতের মধ্যে অন্তর্হিত হইল। যে মায়াময়ীরা আমার গায়ের উপর দিয়া দেহহীন ক্রতপদে শব্দহীন উচ্চকলহাস্তে ছুটিয়া শুস্তার জলের উপর গিয়া ঝাঁপ দিয়া পড়িয়াছিল তাহারা সিন্ধু অঞ্চল হইতে জল নিষ্কর্ষণ করিতে করিতে আমার পাশ দিয়া উঠিয়া গেল না। বাতাসে যেমন করিয়া গন্ধ উড়াইয়া লইয়া যায়, বসন্তের এক নিশ্বাসে তাহারা তেমনি করিয়া উড়িয়া চলিয়া গেল।

তখন আমার বড় আশঙ্কা হইল যে, হঠাৎ বৃষ্টি নির্জন পাইয়া কবিতাদেবী আমার স্বন্ধে আসিয়া ভর করিলেন; আমি বেচারা তুলার মাগুস আদায় করিয়া খাটিয়া খাই, সর্কনাশিনী এইবার বৃষ্টি আমার মুণ্ডপাত করিতে আসিলেন। ভাবিলাম ভাল করিয়া আহাৰ করিতে হইবে;—শুস্ত উদরেই সকল প্রকার হ্রস্বরোগ্য রোগ আসিয়া চাপিয়া ধরে। আমার পাচকটিকে ডাকিরা প্রচুর ঘৃতপক্ক, মসলা-সুগন্ধি রীতিমত মোগলাইখানা হুকুম করিলাম।

পরদিন প্রাতঃকালে সমস্ত ব্যাপারটি

পরম হাশুজনক বলিয়া বোধ হইল। আনন্দমনে, সাহেবের মত সোলাটুপি পরিয়া নিজের হাতে গাড়ি হাঁকাইয়া গড়্ গড়্ শব্দে আপন তদন্তকার্যে চলিয়া গেলাম। সে দিন ত্রৈমাসিক রিপোর্ট লিখিবার দিন থাকতে বিলম্বে বাড়ি ফিরিবার কথা। কিন্তু সন্ধ্যা হইতে না হইতেই আমাকে বাড়ির দিকে টানিতে ল'গল। কে টানিতে লাগিল বলিতে পারি না; কিন্তু মনে হইল আর বিলম্ব করা উচিত হয় না। মনে হইল সকলে বসিয়া আছে। রিপোর্ট অসমাপ্ত রাখিয়া সোলাটুপি মাথাঘ দিয়া সেই সন্ধ্যাসুর তরুচ্ছায়াঘন নির্জন পথ বৎক্রমশে সচকিত করিয়া সেই অন্ধকার শৈলাস্তবর্তী নিস্তরু প্রকাণ্ড প্রাসাদে গিয়া উত্তীর্ণ হইলাম।

সিঁড়ির উপরে সম্মুখের ঘরটি অতি বৃহৎ। তিন সারি বড় বড় থামের উপর কারুকার্যখচিত খিলানে বিস্তীর্ণ ছাদ ধরিয়া রাখিয়াছে। এই প্রকাণ্ড ঘরটি আপনার বিপুল শূন্যতা ভরে অহর্নিশি গম্গম করিতে থাকে। সে দিন সন্ধ্যার প্রাক্কালে তখনো প্রদীপ জ্বালানো হয় নাই। দরজা ঠেলিয়া আমি সেই বৃহৎ ঘরে যেমন প্রবেশ করিলাম অমনি মনে হইল ঘরের মধ্যে যেন ভারি একটা বিপ্লব বাধিয়া গেল—যেন হঠাৎ সভা ভঙ্গ করিয়া চারিদিকের দরজা জানলা ঘর পথ বারান্দা দিয়া কে কোন্ দিকে পালাইল তাহার ঠিকানা নাই। আমি কোথাও কিছু না দেখিতে পাইয়া অবাক হইয়া দাঁড়াইয়া রহিলাম। শরীর একপ্রকার আবেশে রোমাঞ্চিত হইয়া উঠিল। যেন বহুদিবসের লুপ্তাবশিষ্ট মাথাঘষা ও আতরের মুহু গন্ধ আমার নাসার মধ্যে প্রবেশ করিতে লাগিল। আমি সেই দীপহীন জনহীন প্রকাণ্ড ঘরের প্রাচীন প্রস্তরস্তম্ভশ্রেণীর মাঝখানে দাঁড়াইয়া

শুনিতে পাইলাম—কবীর শব্দে ফোয়ারার জল শানা পাথরের উপরে আসিয়া পড়িতেছে, সেতাবে কি সুর বাজিতেছে বুঝিতে পারিতেছি না, কোথাও বা স্বাভূষণের শিজিত, কোথাও বা নুপুরের নিকণ, কখন বা বৃহৎ তাত্রঘণ্টায় প্রহর বাজিবার শব্দ, অতি দূরে নহবতের আলাপ, বাতাসে দোহলামান ঝাড়ের স্ফটিক দে লকণ্ডলির ঠুনঠুন ধ্বনি, বারান্দা হইতে খাঁচার বুলবুলের গান, বাগান হইতে পোষা সারসের ডাক আমার চতুর্দিকে একটা প্রেতলোকের রাগিনী সৃষ্টি করিতে লাগিল ।

আমার এগন একটা মোহ উপস্থিত হইল, মনে হইল, এই অস্পৃশ্য অগম্য অবাস্তব ব্যাপারই জগতে একমাত্র সত্য, আর সমস্তই মিথ্যা মরীচিকা। আমি যে আমি—অর্থাৎ আমি যে শ্রীযুক্ত অমুক, ৬ অমুকের জ্যেষ্ঠ পুত্র, তুলার মাগুল সংগ্রহ করিয়া সাড়ে চারশো টাকা বেতন পাই, আমি যে সোলার টুপি এবং খাটো কোর্টা পরিয়া টম্‌টম্‌ হাঁকাইয়া আপিস করিতে যাই, এ সমস্তই আমার কাছে এমন অদ্ভুত হাশুকের অমূলক মিথ্যা কথা বলিয়া বোধ হইল যে আমি সেই বিশাল নিস্তরু অন্ধকার ঘরের মাঝখানে দাঁড়াইয়া হা হা করিয়া হসিয়া উঠিলাম ।

তখন আমার মুসলমান ভৃত্য প্রজ্জলিত কেরোসিন ল্যাম্প হাতে করিয়া ঘরের মধ্যে প্রবেশ করিল । সে আমাকে পাগল মনে করিল কি না জানি না, কিন্তু তৎক্ষণাৎ আমার স্মরণ হইল যে, আমি ৬ অমুকচন্দ্রের জ্যেষ্ঠপুত্র শ্রীযুক্ত অমুক নাথ বটে, ইহাও মনে করিলাম যে, জগতের ভিতরে অথবা বাহিরে কোথাও অমর্ত ফোয়ারা নিত্যকাল উৎসারিত ও অদৃশ্য অঙ্গুলির আঘাতে কোন মায়া-সেতাবে অনন্ত রাগিনী ধ্বনিত হইতেছে কি না তাহা আমা-

দের মহাকবি এবং কবিবরেরাই বলিতে পারেন কিন্তু এ কথা নিশ্চয় সত্য যে আমি বরীচের হাটে তুলার মাগুল আদায় করিয়া মাসে সাড়ে চারশো টাকা বেতন লইয়া থাকি । তখন আবার আমার পূর্বক্ষণের অদ্ভুত মোহ স্মরণ করিয়া কেরোসিন-প্রদীপ্ত ক্যাম্প টেবিলের কাছে খবরের কাগজ লইয়া সকৌতুকে হাসিতে লাগিলাম ।

খবরের কাগজ পড়িয়া এবং মোগলাই খানা খাইয়া একটি ক্ষুদ্র কোণের ঘরে প্রদীপ নিবাইয়া দিয়া বিছানায় গিয়া শয়ন করিলাম । আমার সম্মুখবর্তী খোলা জানালার ভিতর দিয়া অন্ধকার বনবেষ্টিত অরালী পর্বতের উর্দ্ধদেশে একটি অত্যাঙ্কল নক্ষত্র সহস্র কোটি যোজন দূর আকাশ হইতে সেই অতি তুচ্ছ ক্যাম্পখাটের উপর শ্রীযুক্ত মাগুল-কালেঙ্করকে এক দৃষ্টে নিরীক্ষণ করিয়া দেখিতেছিল,—ইহাতে আমি বিস্ময় ও কৌতুক অমুভব করিতে করিতে কখন ঘুমাইয়া পড়িয়াছিলাম বলিতে পারি না । কতক্ষণ ঘুমাইয়াছিলাম তাহাও জানি না । সহসা এক সময় শিহরিয়া জাগিয়া উঠিলাম;—ঘরে যে কোন শব্দ হইয়াছিল তাহা নহে, কোন যে লোক প্রবেশ করিয়াছিল তাহাও দেখিতে পাইলাম না । অন্ধকার পর্বতের উপর হইতে অনিমেঘ নক্ষত্রটি অন্তমিত হইয়াছে এবং রুক্ষপক্ষের ক্ষীণচন্দ্রালোক অনধিকারসঙ্কচিত ম্লানভাবে আমার বাতায়ন-পথে প্রবেশ করিয়াছে ।

কোন লোককেই দেখিলাম না তবু যেন আমার স্পষ্ট মনে হইল কে এক জন আমাকে আস্তে আস্তে ঠেলিতেছে । আমি জাগিয়া উঠিতেই সে কোন কথা না বলিয়া কেবল যেন তাহার অঙ্গুরীখচিত পাঁচ অঙ্গুলির ইঙ্গিতে অতি সাবধানে তাহার অঙ্গুসর্গ আদেশ করিল ।

আমি অত্যন্ত চুপি চুপি উঠিলাম। যদিও সেই শতকক্ষপ্রকোষ্ঠময় প্রকাণ্ড শূন্যতাময়, নিম্নিত ধ্বনি এবং সজাগ প্রতিক্রিয়াময় বৃহৎ প্রাসাদে আমি ছাড়া আর জনপ্রাণীও ছিল না তথাপি পদে পদে ভয় হইতে লাগিল পাছে কেহ জাগিয়া উঠে। প্রাসাদের অধিকাংশ ঘর রুদ্ধ থাকিত, এবং সে সকল ঘরে আমি কখন যাই নাই।

সে রাত্রে নিঃশব্দপদক্ষেপে সংঘত নিশ্বাসে সেই অদৃশ্য অস্থানরূপিণীর অনুসরণ করিয়া আমি যে কোথায় যাইতেছিলাম আজ তাহা স্পষ্ট করিয়া বলিতে পারি না। কত সঙ্কীর্ণ অন্ধকার পথ, কত দীর্ঘ বারান্দা, কত গভীর নিস্তরু স্ববৃহৎ সভাগৃহ, কত রুদ্ধবায়ু ক্ষুদ্র গোপন কক্ষ পার হইয়া যাইতে লাগিলাম তাহার ঠিকানা নাই।

আমার অদৃশ্য দূতীটিকে যদিও চক্ষে দেখিতে পাই নাই, তথাপি তাহার মূর্ত্তি আমার মনের অগেচর ছিল না। আরব রমণী, ঝোলা আস্ত্রিনের ভিতর দিয়া শেতপ্রস্তর-রচিতবৎ কঠিন নিটোল হস্ত দেখা যাইতেছে, টুপির প্রান্ত হইতে মুখের উপরে একটি স্বল্প বসনের আবরণ পড়িয়াছে, কটিবন্ধে একটি বাঁকা ছুরি ঝাঁধা।

আমার মনে হইল, আরব্য উপত্যাসের এ অধিক সহস্র রজনীর একটি রজনী আজ উপত্যাসলোক হইতে উড়িয়া আসিয়াছে। আমি যেন নিশীথে স্তম্ভিমগ্ন বোগ্‌দাদের নির্ঝাঁপিত-দীপ সঙ্কীর্ণ পথে কোন এক সঙ্কটস্থল অভিসারে যাত্রা করিয়াছি।

অবশেষে আমার দূতী একটি ঘননীল পর্দার সম্মুখে সহসা থম্কিয়া দাঁড়াইয়া যেন নিম্নে অঙ্গুলী নির্দেশ করিয়া দেখাইল। নিম্নে কিছুই ছিল না, কিন্তু ভয়ে আমার বক্ষের রক্ত স্তম্ভিত

হইয়া গেল। আমি অনুভব করিলাম, সেই পর্দার সম্মুখে ভূমিতলে কিংখাবের সাজপরা একটি ভীষণ কাফ্রি খোজা কোলের উপর খোলা তলোয়ার লইয়া দুই পা ছড়াইয়া দিয়া বসিয়া বসিয়া চুলিতেছে। দূতী লবুগতিতে তাহার দুই পা ডিঙ্গাইয়া পর্দার এক প্রান্তদেশ তুলিয়া ধরিল।

ভিতর হইতে একটি পারশ্ব গালিচা পাতা ঘরের কিয়দংশ দেখা গেল। উক্তের উপরে কে বসিয়া আছে দেখা গেল না—কেবল জাফান রঙের ক্ষীত পায়জামার নিম্নভাগে জরির চটি পরা দুইখানি ক্ষুদ্র সুন্দর চরণ গোলাপী মধ্যমলু আসনের উপর অলস-ভাবে স্থাপিত রহিয়াছে দেখিতে পাইলাম। মেজের একপার্শ্বে একটি নীলাভ ক্ষটিক পাত্রে কতকগুলি আপেল, নাশপাতী, নারঙ্গী এবং প্রচুর আঙুরের গুচ্ছ সজ্জিত রহিয়াছে এবং তাহার পার্শ্বে দুইটি ছোট পেয়াল ও একটি স্বাভি নদিয়ার কাচপাত্র অতিথির জন্ত অপেক্ষা করিয়া আছে। ঘরের ভিতর হইতে একটা অপূর্ব ধূপের একপ্রকার মাদক স্নগন্ধি ধূম আসিয়া আমাকে বিহ্বল করিয়া দিল।

আমি কম্পিত বক্ষে সেই পোজার প্রসারিত পদবয় যেমন লজ্বন করিতে গেলাম, অমনি সে চমকিয়া জাগিয়া উঠিল—তাহার কোলের উপর হইতে তলোয়ার পাথরের মেজে শব্দ করিয়া পড়িয়া গেল।

সহসা একটা বিকট চীৎকার শুনিয়া চমকিয়া দেখিলাম, আমার সেই ক্যাম্প খাটের উপরে বর্ষাকালবরে বসিয়া আছি—ভোক্তের আলোর কক্ষপক্ষের খণ্ড-চাঁদ জাগরণক্রিষ্ট রোগীর মত পাণ্ডুবর্ণ হইয়া গেছে—এবং আমা-দের পাগুলা মেহের আলি তাহার প্রাত্যহিক প্রথা অনুসারে প্রত্যুষের জনশূন্য পথে “তফাৎ

যাও "তফাৎ যাও" করিয়া চীৎকার করিতে করিতে চলিয়াছে।

এইরূপে আমার আর্ব্য উপস্থাসের এক-রাত্রি অকস্মাৎ শেষ হইল—কিন্তু এখনো এক সহস্র রজনী বাকি আছে।

আমার দিনের সহিত রাত্রের ভারি একটা বিরোধ বাধিয়া গেল। দিনের বেলায় শ্রান্ত ক্লান্তদেহে কৰ্ম করিতে যাইতাম, এবং শূন্যস্থপ-ময়ী মোহময়ী মায়াবিনী রাত্রিকে অভিসম্পাত করিতে থাকিতাম—আবার সন্ধ্যার পরে আমার দিনের বেলাকার কৰ্মবন্ধ অস্তিত্বকে অত্যন্ত তুচ্ছ, মিথ্যা এবং হাশ্বকর বলিয়া বোধ হইত।

সন্ধ্যার পরে আমি একটা নেশার জালের মধ্যে বিহ্বলভাবে জড়াইয়া পড়িতাম। শত শত বৎসর পূর্বেকার কোন এক অলিখিত ইতিহাসের অন্তর্গত আর একটা অপূৰ্ণ ব্যক্তি হইয়া উঠিতাম, তখন আর বিলাতী খাটো কোর্টা, এবং আঁট প্যাণ্টলুনে আমাকে মানাইত না। তখন আমি মাথায় এক লাল মখমলের ফেঙ্ক তুলিয়া, ঢিলা পায়জামা, ফুলকাটা কাবা এবং রেশমের দীর্ঘ চোগা পরিয়া রঙীন কুমালে আঁতর মাখিয়া বহুদূরে সাজ করিতাম এবং সিগারেট ফেলিয়া দিয়া গোলাপজনপূর্ণ বহুকুণ্ডলায়িত বৃহৎ আলুবোলা লইয়া এক উচ্চগদিবিশিষ্ট বড় কেদারায় বসিতাম। যেন রাত্রে কোন এক অপূৰ্ণ প্রিয়-সম্মিলনের জন্ত পরমাগ্রহে প্রস্তুত হইয়া থাকিতাম।

তাহার পর অন্ধকার যতই ঘনীভূত হইত ততই কি যে এক অদৃষ্ট ব্যাপার ঘটিতে থাকিত তাহা আমি বর্ণনা করিতে পারি না। ঠিক যেন একটা চমৎকার গল্পের কতকগুলি ছিন্ন অংশ বসন্তের আকস্মিক বাতাসে এই বৃহৎ প্রাসাদের নিচিন্ত ঘরগুলির মধ্যে উড়িয়া

বেড়াইত। খানিকটা দূর পর্য্যন্ত পাওয়া যাইত তাহার পরে আর শেষ দেখা যাইত না। আমিও সেই ঘূর্ণ্যমান বিচ্ছিন্ন অংশগুলির অহু-সরণ করিয়া সমস্ত রাত্রি ঘরে ঘরে ঘুরিয়া বেড়াইতাম।

এই খণ্ডস্থলের আবর্তের মধ্যে,—এই কচিং হেনার গন্ধ, কচিং সেতায়ের শব্দ, কচিং স্তম্ভি জলশীকরমিশ্র বায়ুর হিল্লোলের মধ্যে একটি নাগিকাকে ক্ষণে ক্ষণে বিদ্যুৎশিখার মত চকিতে দেখিতে পাইতাম। তাহারি জাকরান রঙের পায়জামা এবং ছুট শুভ্র রক্তিম কোমল পায়ে বক্রশীর্ষ জরির চটিপরা, বক্ষে অতিপিনক জরির ফুলকাটা কাঁচলি আবদ্ধ, মাথায় একটি লালটুপি এবং তাহা হইতে সোণার ঝালর ঝুলিয়া তাহার শুভ্র ললাট এবং কপোল বেঁটন করিয়াছে।

সে আমাকে পাগল করিয়া দিয়াছিল। আমি তাহারই অভিসারে প্রতিরাত্রে নিদ্রার রসাতলরাজ্যে স্থলের জটিলপথসঙ্কুল মায়াপুরীর মধ্যে গলিতে গলিতে কক্ষে কক্ষে ভ্রমণ করিয়া বেড়াইয়াছি।

এক একদিন সন্ধ্যার সময় বড় আয়নার ছই দিকে ছই বাতি জ্বলাইয়া যত্নপূৰ্ণক শাহজাদার মত সাজ করিতেছি এমন সময় হঠাৎ দেখিতে পাইতাম আয়নার আমার প্রতি-বিশ্বের পার্শ্বে ক্ষণিকের জন্ত সেই তরুণী ইরানীর ছায়া আসিয়া পড়িল;—পালকের মধ্যে গ্রীবা ঝাঁকাইয়া, তাহার ঘনকৃষ্ণ বিপুল চক্ষুতারকায় স্বগভীর আবেগভীর বেদনাপূর্ণ আগ্রহকটাক্ষ-পাত করিয়া, সরস সুন্দর বিশ্বাধরে একটি অক্ষুট ভাষার আভাসমাত্র দিয়া, লঘু ললিত নৃত্যে আপন যৌবনপুষ্পিত দেহলতাটিকে দ্রুত-বেগে উৎসাহিতমুগ্ধে আবর্তিত করিয়া, মুহূর্তকালের মধ্যে বেদনা বাসনা ও বিভ্রমের, হাশ্ব কটাক্ষ

ও ভূষণজ্যোতির স্ফুলিঙ্গ রুষ্টি করিয়া দিয়া দর্পণেই মিলাইয়া গেল। গিরিকাননের সমস্ত স্নগন্ধ লুপ্তন করিয়া একটা উদ্ধাম বায়ুর উচ্ছ্বাস আসিয়া আমার দুইটা বাতি নিবাইয়া দিত ;— আমি সাহসজ্ঞা ছাড়িয়া দিয়া বেশগৃহের প্রান্ত-বর্তী শয্যাতলে পুলকিতদেহে মুদ্রিতনেত্রে শয়ন করিয়া থাকিতাম—আমার চারিদিকে সেই বাতাসের মধ্যে, সেই আরালী গিরিকুঞ্জের সমস্ত মিশ্রিত সৌরভের মধ্যে যেন অনেক আদর অনেক চূষন অনেক কোমল করস্পর্শ নিভৃত অন্ধকার পূর্ণ করিয়া আসিয়া বেড়াইত, কাণের কাছে অনেক কলশুঙ্খন শুনিতে পাই-তাম, আমার কপালের উপর স্নগন্ধ নিশ্বাস আসিয়া পড়িত, এবং আমার কপোলে একটি মৃৎসৌরভরমণীয় স্নকোমল ওড়না বারংবার উড়িয়া উড়িয়া আসিয়া স্পর্শ করিত। অল্পে অল্পে যেন একটি মোহিনী সর্পিণী তাহার মাদক বেষ্টনে আমার সর্কাক্ষ বাঁধিয়া ফেলিত, আমি গাঢ় নিশ্বাস ফেলিয়া অসাড় দেহে স্নগভীর নিদ্রায় অভিভূত হইয়া পড়িতাম।

একদিন অপরাহ্নে আমি ঘোড়ায় চড়িয়া বাহির হইব সংকল্প করিলাম—কে আমাকে নিষেধ করিতে লাগিল জানি না—কিন্তু সে দিন নিষেধ মানিলাম না। একটা কাষ্ঠদণ্ডে আমার সাহেবী হাট এবং খাটো কোর্তা হুলিতেছিল, পাড়িয়া লইয়া পরিবার উপক্রম করিতেছি এমন সময় শুস্তানদীর বালী এবং আরালী পর্বতের শুষ্ক পল্লবরাশির ধ্বজা তুলিয়া হঠাৎ একটা প্রবল ঘূর্ণাবাস আমার সেই কোর্তা এবং টুপি ঘুরাইতে ঘুরাইতে লইয়া চলিল এবং একটা অত্যন্ত স্নমিষ্ট কলহাশু সেই হাওয়ার সঙ্গে ঘুরিতে ঘুরিতে কৌতুকের সমস্ত পর্দায় পর্দায় আঘাত করিতে করিতে উচ্চ হইতে

উচ্চতর সপ্তকে উঠিয়া সূর্য্যালোকের কাছে গিয়া মিলাইয়া গেল।

সে দিন আর ঘোড়ায় চড়া হইল না এবং তাহার পরদিন হইতে সেই কৌতুকাবহ খাটো কোর্তা এবং সাহেবী হাটপরা একেবারে ছাড়িয়া দিয়াছি।

আবার সেই দিন অন্ধরাত্রে বিছানার মধ্যে উঠিয়া বসিয়া শুনিতে পাইলাম, কে যেন গুমরিয়া গুমরিয়া বুক ফাটিয়া ফাটিয়া কাঁদিতেছে—যেন আমার খাটের নীচে, মেঝের নীচে এই বহৎ প্রাসাদের পাষণভিত্তির তলবর্তী একটা অর্দ্ধ অন্ধকার গোয়ের ভিতর হইতে কাঁদিয়া কাঁদিয়া বলিতেছে, তুমি আমাকে উদ্ধার করিয়া গইয়া যাও—কঠিন মায়া, গভীর নিদ্রা নিফল স্বপ্নের সমস্ত দ্বার ভাঙ্গিয়া ফেলিয়া তুমি আমাকে ঘোড়ায় তুলিয়া তোমার বৃকের কাছে চাপিয়া ধরিয়া, বনের ভিতর দিয়া পাহাড়ের উপর দিয়া নদী পার হইয়া তোমাদের সূর্যালোকিত ঘরের মধ্যে আমাকে লইয়া যাও ! আমাকে উদ্ধার কর !

আমি কে ! আমি কেমন করিয়া উদ্ধার করিব ! আমি এই ঘূর্ণ্যমান পরিবর্তমান স্বপ্ন-প্রবাহের মধ্য হইতে কোন্ মজ্জমান কামনা-সুন্দরীকে তীরে টানিয়া তুলিব ! তুমি কবে ছিলে, কোথায় ছিলে হে দিব্যরূপিণী ! তুমি কোন্ শীতল উৎসের তীরে খজ্জুরকুঞ্জের ছায়ায় কোন্ গৃহহীনা মরুবাসিনীর কোলে জন্মগ্রহণ করিয়াছিলে ! তোমাকে কোন্ বেহুয়ান্ দস্য বনলতা হইতে পুষ্পকোরকের মত মাতৃক্রোড় হইতে ছিন্ন করিয়া বিদ্যুৎগামী অশ্বের উপর চড়াইয়া জলস্ত বালুকারাশি পার হইয়া কোন্ রাজপুরীর দাসীহাটে বিক্রয়ের জন্ত লইয়া গিয়াছিল ! সেখানে কোন্ বাদ-শাহের ভৃত্য তোমার নববিকশিত সলজ্জকাতর

যৌবনশোভা নিরীক্ষণ করিয়া স্বর্ণমুদ্রা গণিয়া দিয়া, সমুদ্র পার হইয়া তোমাকে সোণার শিবিকায় বসাইয়া প্রভুগৃহের অন্তঃপুরে উপহার দিরাছিল। সেখানে সে কি ইতিহাস! সেই সারস্বতীর সঙ্গীত, নুপুরের নিকর এবং সিরাজের স্বর্ণমদিয়ার মধ্যে মধ্যে ছুরির ঝলক্, বিসের জ্বালা, কটাক্ষের আঘাত! কি অসীম ঐশ্বর্য্য, কি অনন্ত কাবাগার! হুইদিকে হুই দাসী বনয়ের হীরকে বিজুলি খেলাইয়া চামর ছলাই-তেছে শাহেন্ শাহ বাদশাহ শুভ চরণের তলে মণিমুক্তাখচিত পাছকার কাছে লুটাইতেছে; —বাহিরের দ্বারের কাছে যমদূতের মত হাবশী, দেবদূতের মত সাজ করিয়া, গোলা তলেগায়ার হাতে দাঁড়াইয়া। তাহার পরে সেই বক্রকনুচিত ঈর্ষা-ফেনিল ষড়যন্ত্রসঙ্কুল ভীষণোজ্জ্বল ঐশ্বর্য্যপ্রবাহে ভাসমান হইয়া, তুমি মক্কাভূমির পুষ্পমঞ্জরী কোন্ নির্ধূর মৃত্যুর মধ্যে অবতারণা অথবা কোন্ নির্ধূরতর মহিমাতটে উৎকিঞ্চ হইয়াছিলে?

এমন সময় হঠাৎ সেই পাংগলা মেহের আগি চীংকার করিয়া উঠিল—“তফাৎ যাও, তফাৎ যাও! সব বুট্ হায় সব বুট্ হায়!” চাহিয়া দেখিলাম, সকাল হইয়াছে, চাপরাশি ডাফের চিঠিপত্র লইয়া আমার হাতে দিল এবং পাঁচ অসিয়া নেলান করিয়া জিজ্ঞাসা করিল আজ কিরূপ থানা প্রস্তুত করিতে হইবে।

আমি কহিলাম, না, আর এ বাড়িতে থাকা হয় না। সেই দিনই আমার জ্বিনিবপত্র তুলিয়া আপিস-ঘরে গিয়া উঠিলাম। আপিসের বন্ধ কেবলী করীম খাঁ আমাকে দেখিয়া ঈবৎ হাসিল। আমি তাহার হাসিতে বিরক্ত হইয়া কোন উত্তর না করিয়া কাজ করিতে লাগিলাম।

ষত বিকাল হইয়া আসিতে লাগিল ততই

অশ্রমনক হইতে লাগিলাম মনে হইতে লাগিল এখন কোথায় যাইবার আছে—তুলার হিসাব পরীক্ষার কাজটা নিতান্ত অনাবশ্যক মনে হইল, নিজামের নিজামৎও আমার কাছে বেশী কিছু বোধ হইল না—যাহা কিছু বর্তমান, যাহা কিছু আমার চারি দিকে চলিতেছে ফিরিতেছে খাটিতেছে খাইতেছে সমস্তই আমার কাছে অত্যন্ত দীন, অর্থহীন, অকিঞ্চিৎকর বলিয়া বোধ হইল।

আমি কলম ছুঁড়িয়া ফেলিয়া, বৃহৎ খাতা বন্ধ করিয়া তৎক্ষণাৎ টম্ টম্ চড়িয়া ছুটলাম। দেখিলাম, টম্ টম্ ঠিক গোধূলি মুহুর্তে আপনিই সেই পাবাগপ্রাসাদের দ্বারের কাছে গিয়া থামিল। দ্রুতপদে সিঁড়িগুলি উত্তীর্ণ হইয়া ঘরের মধ্যে প্রবেশ করিলাম।

আজ সমস্ত নিস্তরক। অন্ধকার ঘরগুলি ঘেন রাগ করিয়া মুখ ভার করিয়া আছে। অল্পতাপে আমার হৃদয় উদ্বেলিত হইয়া উঠিতে লাগিল কিন্তু কাহাকে জানাইব, কাহার নিকট মার্জ্জনা চাহিব খুঁজিয়া পাইলাম না। আমি শ্রুতমনে অন্ধকার ঘরে ঘরে ঘুরিয়া বেড়াইতে লাগিলাম। ইচ্ছা করিতে লাগিল একখানা ঘর হাতে লইয়া কাহাকেও উদ্দেশ্য করিয়া গান গাহি, বলি, হে বহি! যে পতঙ্গ তোমাকে ফেলিয়া পলাইবার চেষ্টা করিয়াছিল, সে আবার মরিবার জন্ত আসিয়াছে! এবার তাহাকে মার্জ্জনা কর, তাহার হুই পক্ষ দখল করিয়া দাও, তাহাকে ভয়সং করিয়া ফেল!

হঠাৎ উপর হইতে আমার কপালে হুই কোঁটা অশ্রুজল পড়িল। সে দিন অরালী পর্ষতের চূড়ায় ঘনঘোর মেঘ করিয়া আসিয়াছিল। অন্ধকার অরণ্য এবং শুস্তার মসীবর্ণ জল একটা ভীষণ প্রতীক্ষায় স্থির হইয়াছিল। জলহুল আকাশ সহসা শিহরিয়া উঠিল; এবং

অকস্মাৎ একটা বিদ্রাদস্তবিকশিত ঝড় শৃঙ্গাল-চ্ছিন্ন উন্মাদের মত পথহীন স্বদূর বনের ভিতর দিয়া আর্ন্ত চাঁৎকার করিতে করিতে ছুটিয়া আসিল। প্রাসাদের বড় বড় শূন্য ঘরগুলো সমস্ত দ্বার আছড়াইয়া তীব্র বেদনায় হুল করিয়া কাঁদিতে লাগিল।

আজ ভৃত্যগণ সকলেই আপিস্-ঘরে ছিল, এখানে আলো জ্বলাইবার কেহ ছিল না। সেই মেঘাচ্ছন্ন অমাবস্যার রাত্রে গৃহের ভিতর-কার নিকষকৃষ্ণ অন্ধকারের মধ্যে আমি স্পষ্ট অনুভব করিতে লাগিলাম—একজন রমণী পালঙ্কের তলদেশে গালিচার উপরে উপড় হইয়া পড়িয়া দুই দৃঢ় বন্ধমুষ্টিতে আপনার আলু-লায়িত কেশজাল টানিয়া ছি ডিতেছে, তাহার গোরবর্ণ ললাট দিয়া রক্ত ফাটিয়া পড়িতেছে, কখনও সে শুষ্ক তীব্র অটুহাস্তে হাহা করিয়া হাসিয়া উঠিতেছে, কখনও ফুলিয়া ফুলিয়া ফাটিয়া ফাটিয়া কাঁদিতেছে, দুই হস্তে বক্ষের কাঁচুলি ছিঁড়িয়া ফেলিয়া অনাবৃত বক্ষে আঘাত করিতেছে, মুক্ত বাতায়ন দিয়া বাতাস গর্জন করিয়া আসিতেছে এবং মুসলধারে বৃষ্টি আসিয়া তাহার সর্ষাক অভিষিক্ত করিয়া দিতেছে।

সমস্ত রাত্রি ঝড়ও থামে না ক্রন্দনও থামে না। আমি নিষ্ফল পরিতাপে ঘরে ঘরে অন্ধ-কারে ঘুরিয়া বেড়াইতে লাগিলাম। বেহ কোথাও নাই, কাহাকে সাধনা করিব? এই প্রচণ্ড অভিমান কাহার? এই অশাস্ত আক্ষেপ কোথা হইতে উথিত হইতেছে?

পাগল চাঁৎকার করিয়া উঠিল, “তফাৎ যাও, তফাৎ যাও! সব ঝুঁটু হায়, সব ঝুঁটু হায়!”

দেখিলাম ভোর হইয়াছে এবং মেহের-আলি এই ঘোর দুর্যোগের দিনেও যথানিয়মে প্রাসাদ প্রদক্ষিণ করিয়া তাহার অভ্যন্ত চাঁৎকার

করিতেছে। হঠাৎ আমার মনে হইল, হয় ত ঐ মেহেরআলিও আমার মত এক সময় এই প্রাসাদে বাস করিয়াছিল, এখন পাগল হইয়া বাহির হইয়াও এই পান্য রাক্ষসের মোহে আকৃষ্ট হইয়া প্রত্যহ প্রত্যবে প্রদক্ষিণ করিতে আসে।

আমি তৎক্ষণাৎ সেই বৃষ্টিতে পাগলার নিকট ছুটিয়া গিয়া তাহাকে জিজ্ঞাসা করিলাম, “মেহেরআলি, ক্যা ঝুঁটু হায়রে?”

সে আমার কথায় কোন উত্তর না করিয়া আমাকে ঠেলিয়া ফেলিয়া অজগরের কবলের চতুর্দিকে ঘূর্ণমান মোহাবিষ্ট পক্ষীর স্থায় চাঁৎ-কার করিতে করিতে বাড়ির চারিদিকে ঘুরিতে লাগিল। কেবল প্রাণপণে নিজেকে সতর্ক করিবার জন্ত বারংবার বলিতে লাগিল—“তফাৎ যাও, তফাৎ যাও, সব ঝুঁটু হায়, সব ঝুঁটু হায়!”

আমি সেই জলঝড়ের মধ্যে পাগলের মত আপিসে গিয়া কন্নীম্বীকে ডাকিয়া বলিলাম, ইহার অর্থ কি আমার খুলিয়া বল।

বুদ্ধ যাহা কহিল তাহার মর্মার্থ এই, এক সময় ঐ প্রাসাদে অনেক অতৃপ্ত বাসনা, অনেক উন্নত সন্তোগের শিখা আলোড়িত হইত—সেই সকল চিন্তনামে, সেই সকল নিষ্ফল কামনার অভিশাপে এই প্রাসাদের প্রত্যেক প্রস্তরখণ্ড ক্ষুধার্ত তৃষার্ত হইয়া আছে, সজীব মানুষ পাইলে তাহাকে লালায়িত পিশাচীর মত খাইয়া ফেলিতে চায়। যাহারা ত্রিরাত্রি ঐ প্রাসাদে সিস করিয়াছে তাহাদের মধ্যে কেবল মেহের-আলি পাগল হইয়া বাহির হইয়া আসিয়াছে, এ পর্যন্ত আর কেহ তাহার গ্রাস এড়াইতে পারে নাই।

আমি জিজ্ঞাসা করিলাম, আমার উদ্ধারের কি কোন পথ নাই?

বুদ্ধ কহিল, একটি মাত্র উপায় আছে তাহা অত্যন্ত দুঃস্থ। তাহা তোমাকে বলিতেছি— কিন্তু তৎপূর্বে ঐ গুলবাগের একটি ইরানী ক্রীতদাসীম পুরাতন ইতিহাস বলা আবশ্যক। তেমন আশ্চর্য্য এবং তেমন হৃদয়বিদারণ ঘটনা সংসারে আর কখন ঘটে নাই।

এমন সময় কুলরা আসিয়া খবর দিল— গাড় আসিতেছে। এত শীঘ্র? তাড়াতাড়ি বিছানাপত্র ঝাঁধিতে ঝাঁধিতে গাড়ি আসিয়া পড়িল। সে গাড়ির ফাষ্ট ক্লাসে একজন সুশোভিত ইংরাজ জান্না হইতে মুখ বাড়াইয়া টেশনের নাম পড়িবার চেষ্টা করিতেছিল, আমাদের সহযাত্রী বন্ধুটিকে দেখিয়াই “হ্যালো” বলিয়া চীৎকার করিয়া উঠিল এবং নিজের গাড়িতে তুলিয়া লইল। আমরা নেক্লেণ্ড ক্লাসে উঠিলাম। বাবুটিকে খবর পাইয়াই না, গল্পেরও শেষ শোনা হইল না।

আমি বলিলাম, লোকটা আমাদের মত দেখিয়া কৌতুক করিয়া ঠকাইয়া গেল—গল্পটা আগাগোড়া বানানো।

এই তর্কের উপলক্ষে আমার থিয়সফিষ্ট আত্মীয়টির সহিত আমার জন্মের মন্ত বিচ্ছেদ ঘটিয়া গেছে।

অনধিকার প্রবেশ।

একদা প্রাতঃকালে পথের ধারে দাঁড়াইয়া এক বালক আর এক বালকের সহিত একটি অসমসাহসিক অনুষ্ঠান সম্বন্ধে বাজি রাখিয়াছিল। ঠাকুর বাড়ির মাধবী-বিতান হইতে ফুল তুলিয়া আনিতে পারিবে কি না ইহাই লইয়া তর্ক। একটি বালক বলিল পারিবে, আর একটি বালক বলিল কখনই পারিবে না!

কাজটি শুনিতে সহজ অথচ করিতে কেন সহজ নহে তাহার বৃত্তান্ত আর একটু বিস্তারিত করিয়া বলা আবশ্যক।

পরলোকগত মাধবচন্দ্র তর্কবাচস্পতির বিধবা স্ত্রী জয়কালী দেবী এই রাখানাথ জীউর মন্দিরের অধিকারিণী। অধ্যাপক মহাশয় টোলে যে তর্কবাচস্পতি উপাধি প্রাপ্ত হইয়াছিলেন পত্নীর নিকটে একদিনের জন্তও সে উপাধি সপ্রমাণ করিতে পারেন নাই। কোন কোন পণ্ডিতের মতে উপাধির সার্থকতা ঘটয়াছিল, কারণ তর্ক এবং বাক্য সমস্তই তাঁহার পত্নীর অংশে পড়িয়াছিল, তিনি পতিরূপে তাহার সম্পূর্ণ ফলভোগ করিয়াছিলেন।

সত্যের অনুরোধে বলিতে হইবে জয়কালী অধিক কথা কহিতেন না—কিন্তু অনেক সময় ছোট কথায়, এমন কি, নীরবে অতি বড় প্রবল মুগ্ধবেগও বন্ধ করিয়া দিতে পারিতেন।

জয়কালী দীর্ঘাকার, দৃঢ়শরীর, ভীক্ষনাগা, প্রথরবুদ্ধি স্ত্রীলোক। তাঁহার স্বামী বর্তমানে তাঁহাদের দেবত্র সম্পত্তি নষ্ট হইবার ঘো হইয়াছিল। বিধবা তাহার সমস্ত বাকি বকেয়া আদায়, সীমা সহরদ স্থির এবং বহুকালের

বেদখল উদ্ধার করিয়া সমস্ত পরিষ্কার করিয়া-
ছিলেন। তাঁহার প্রাণ্য হইতে কেহ তাঁহাকে
এক কাড় বঞ্চিত করিতে পারিত না।

এই স্ত্রীলোকটির প্রকৃতির মধ্যে বহুল পরি-
মাণে পৌরুষের অংশ থাকাতে তাঁহার যথার্থ
সঙ্গী কেহ ছিল না। স্ত্রীলোকেরা তাঁহাকে
ভয় করিত। পরনিন্দা, ছোট কথা বা নাকী-
কান্না তাঁহার অসহ্য ছিল। পুরুষেরাও তাঁহাকে
ভয় করিত; কারণ, পল্লিবাসী ভদ্র পুরুষদের
চণ্ডীমণ্ডপগত অগাধ আলম্বকে তিনি এক
প্রকার নীরব ঘৃণাপূর্ণ তীক্ষ্ণ কটাক্ষের দ্বারা
ধিকার করিয়া যাইতে পারিতেন যাহা তাঁহাদের
হুল জড়ম্ভ ভেদ করিয়াও অন্তরে প্রবেশ করিত।

প্রবলরূপে ঘৃণা করিবার এবং সে ঘৃণা
প্রবলরূপে প্রকাশ করিবার অসাধারণ ক্ষমতা
এই প্রৌঢ়া বিধবাটির ছিল। বিচারে যাহাকে
অপরাধী করিতেন তাহাকে তিনি কথায় এবং
বিনা কথায়, ভাবে এবং ভঙ্গীতে একেবারে
দগ্ধ করিয়া যাইতে পারিতেন।

পল্লীর সমস্ত ক্রিয়াকর্মে বিপদে সম্পদে
তাঁহার নিরলস হস্ত ছিল। সর্বত্রই তিনি
নিজের একটি গৌরবের স্থান বিনা স্বেচ্ছায় অতি
সহজেই অধিকার করিয়া লইতেন। যেখানে
তিনি উপস্থিত থাকিতেন সেখানে তিনিই যে
সকলের প্রধানপদে, সে সম্বন্ধে তাঁহার নিজের
অথবা উপস্থিত কোন ব্যক্তির মনে কিছুমাত্র
সন্দেহ থাকিত না।

রোগীর সেবায় তিনি সিদ্ধহস্ত ছিলেন,
কিন্তু রোগী তাঁহাকে যমের মত ভয় করিত।
পথ্য বা নিয়মের লেশমাত্র লঙ্ঘন হইলে তাঁহার
ক্রোধানল রোগের ভাগ অপেক্ষা রোগীকে
অধিক উত্তপ্ত করিয়া তুলিত।

এই দীর্ঘাকার কঠিন বিধবাটি বিধাতার
কঠোর নিয়মণ্ডলের জায় পল্লীর মস্তকের উপর

উত্তত ছিলেন; কেহ তাঁহাকে ভালবাসিতে
অথবা অবহেলা করিতে সাহস করিত না।
পল্লীর সকলের সঙ্গেই তাঁহার যোগ ছিল অথচ
তাঁহার মত অত্যন্ত একাকিনী কেহ ছিল না।

বিধবা নিঃসন্তান ছিলেন। পিতৃমাতৃহীন
হুইট ভ্রাতৃপুত্র তাঁহার গৃহে মানুষ হইত।
পুরুষ অভিভাবক-অভাবে তাহাদের যে, কোন
প্রকার শাসন ছিল না এবং নেহাক পিসিমার
আদরে তাহারা যে নষ্ট হইয়া যাইতেছিল এমন
কথা কেহ বলিতে পারিত না। তাহাদের
মধ্যে বড়টির বয়স আঠারো হইয়াছিল। মাঝে
মাঝে তাহার বিবাহের প্রস্তাবও আসিত এবং
পরিণয়বন্ধন সম্বন্ধে বালকটির চিত্তও উদাসীন
ছিল না। কিন্তু পিসিমা তাহার সেই সুখ-
বাসনায় একদিনের জন্তও প্রস্রয় দেন নাই।
অন্ত স্ত্রীলোকের জায় কিশোর নব দম্পতির নব
প্রেমোদগম দৃশ্য তাঁহার করনায় অত্যন্ত উপ-
ভোগ্য মনোরম বলিয়া প্রতীত হইত না।
বরং তাঁহার ভ্রাতৃপুত্র বিবাহ করিয়া অল্প
ভদ্র গৃহস্থের জায় আলম্বনের ঘরে বসিয়া
পল্লীর আদরে প্রতিদিন ক্ষীণ হইতে থাকিলে
এ সম্ভাবনা তাঁহার নিকট নিরতিশয় হেয়
বলিয়া প্রতীত হইত। তিনি কঠিনভাবে
বলিতেন, পুলিন আগে উপার্জন করিতে
আরম্ভ করুক তার পরে বধু ঘরে আসিবে।
পিসিমার মুখের সেই কঠোর বাক্যে প্রতি-
বেশিনীদের হৃদয় বিদীর্ণ হইয়া যাইত।

ঠাকুরবাড়িটি জয়কালীর সর্কোপেক্ষা যত্নে
ধন ছিল। ঠাকুরের শয়ন বসন স্নানাহারের
তিলমাত্র জুট হইতে পারিত না। পূজক ব্রাহ্মণ
হুট দেবতার অপেক্ষা এই একটি মানদীকে
অনেক বেশী ভয় করিত। পূর্বে এক সময়
ছিল যখন দেবতার বরাদ্দ দেবতা পুরা পাই-
তেন না। কারণ, পূজক ঠাকুরের আর একটি


ତାହାଙ୍କେ ନିମେଧ କରିଲେ ଏବଂ ଫ୍ରତବେଗେ ଭିତର ହୈତେ ମନ୍ଦିରର ଦ୍ଵାର କରୁ କରିয়া ଦିଲେନ ।

ଅନତିକାଳ ପରେହି ସୁରାପାନେ ଉନ୍ନତ ଡୋମେର ଦଳ ମନ୍ଦିରର ଦ୍ଵାରେ ଉପସ୍ଥିତ ହୈୟା ତାହାଦେର ବଳିର ପଶୁର ଉଚ୍ଚ ଚୀଂକାର କରିତେ ଲାଗିଲ ।

ଉନ୍ନତାଳୀ କରୁଦାରେର ପଶ୍ଚାତେ ଦାଢ଼ାହିୟା କହିଲେନ, ସା ବେଟାରା ଫିରେ ସା ! ଆମାର ମନ୍ଦିର ଅପବିତ୍ର କରିମୁନେ !

ଡୋମେର ଦଳ ଫିରିୟା ଗେଲ । ଉନ୍ନତାଳୀ ଠାକୁରାଣୀ ସେ ଠାହାର ରାଧାନାଥ ଜୀଉର ମନ୍ଦିରର ମଧ୍ୟେ ଅଷ୍ଟଟି ଉଚ୍ଚକେ ଆଶ୍ରୟ ଦିବେନ ହୈୟା ତାହାରା ପ୍ରାୟ ପ୍ରତ୍ୟକ୍ଷ ଲେଖିୟାଓ ବିଶ୍ଵାସ କରିତେ ପାରିଲ ନା ।

ଏହି ସାମାନ୍ତ ଘଟନାୟ ନିର୍ଦ୍ଦିଷ୍ଟ ଜଗତେର ସର୍ବ-ଜୀବେର ମହାଦେବତା ପରମ ପ୍ରସନ୍ନ ହୈଲେନ କିନ୍ତୁ କୁନ୍ଦ୍ର ପଲ୍ଲୀର ସମାଜନାୟକାଣୀ ଅତି କୁନ୍ଦ୍ର ଦେବ-ତାଟି ନିରତିଶୟ ସଂକ୍ରୁ ହୈୟା ଉଠିଲ ।



ଭୂମିକା ।

—••••—

ପରାଜିତ ଶା ସୁଜା ଓରଞ୍ଚୀବେର ଭୟେ ପଳା-ୟନ କରିୟା ଆରାକାନ ରାଜେର ଆତିଥ୍ୟ ଗ୍ରହଣ କରେନ । ସକ୍ଷେ ତିନି ସୁନ୍ଦରୀ କନ୍ୟା ଥିଲ । ଆରା-କାନ ରାଜେର ହିଞ୍ଚା ହୟ ଯୁବରାଜେର ସହିତ ତାହା-ଦେର ବିବାହ ଦେନ । ସେହି ପ୍ରକ୍ତାବେଶା ସୁଜା ନିତାନ୍ତ ଅସନ୍ତୋଷ ପ୍ରକାଶ କରାତେ ଏକଦିନ ରାଜାର

ଆଦେଶେ ଠାହାଙ୍କେ ଛଳକ୍ରମେ ନୋକାସୋଗେ ନଦୀ-ମଧ୍ୟେ ଲହିୟା ନୋକା ଡୁବାହିୟା ଦିବାର ଚେଷ୍ଟା କରା ହୟ । ସେହି ବିପଦେର ସମୟ କନିଷ୍ଠା ବାଳିକା ଆମିନାଙ୍କେ ତିନି ସ୍ଵୟଂ ନଦୀମଧ୍ୟେ ନିକ୍ଷେପ କରେନ । କ୍ଷୋଷ୍ଠା କନ୍ୟା ଆତ୍ମହତ୍ୟା କରିୟା ମରେ । ଏବଂ ସୁଜାର ଏକଟି ବିଶ୍ଵାସୀ କର୍ମଚାରୀ ରହମଂ ଆଲି ଛୁଲିଧାଙ୍କେ ଲହିୟା ସୀତାର ଦିୟା ପାଳାୟ ଏବଂ ସୁଜା ଯୁକ୍ତ କରିତେ କରିତେ ମରେନ ।

ଆମିନା ଧରଞ୍ଚୋତେ ପ୍ରବାହିତ ହୈୟା ଦୈବ-କ୍ରମେ ଅନତିବିଲକ୍ଷେ ଏକ ଧୀବରେର ଜାଲେ ଉକ୍ତ ହୟ ଏବଂ ତାହାରି ଗୃହେ ପାଳିତ ହୈୟା ବଡ଼ ହୈୟା ଉଠେ ।

ହିତମଧ୍ୟେ ବୁଦ୍ଧ ରାଜାର ମୃତ୍ୟୁ ହୈୟାଛେ, ଏବଂ ଯୁବରାଜ ରାଜ୍ୟେ ଅଭିଷିକ୍ତ ହୈୟାଛେନ ।

ପ୍ରଥମ ପରିଚ୍ଛେଦ ।

—••••—

ଏକଦିନ ସକାଳେ ବୁଦ୍ଧ ଧୀବର ଆସିୟା ଆମି-ନାଙ୍କେ ଭଂସନା କରିୟା କହିଲ “ତିମ୍ପି” ! ଧୀବର ଆରାକାନ ଭାଷାୟ ଆମିନାର ନୂତନ ନାମକରଣ କରିୟାଛିଲ । “ତିମ୍ପି, ଆଜ୍ଞ ସକାଳେ ତୋର ହୈଲ କି ! କାଞ୍ଜକର୍ମେ ସେ ଏକେବାରେ ହାତ ଲାଗାନ୍ ନାହି ! ଆମାର ନୂତନ ଜାଲେ ଆଠା ଦେଶ୍ଵା ହୟ ନାହି,ଆମାର ନୋକୋ”—

ଆମିନା ଧୀବରେର କାଞ୍ଚେ ଆସିୟା ଆନ୍ଦର କରିୟା କହିଲ “ବୁଢ଼ା, ଆଜ୍ଞ ଆମାର ଦିଦି ଆସିୟାଛେନ, ତାହି ଆଜ୍ଞ ଛୁଟି !”

“ତୋର ଆବାର ଦିଦି କେ ରେ ତିମ୍ପି !”

ଛୁଲିଧା କୋଥା ହୈତେ ବାହିର ହୈୟା ଆସିୟା କହିଲ “ଆମି” ।

ବୁଦ୍ଧ ଅବାକ୍ ହୈୟା ଗେଲ । ତାର ପର ଛାଳ-

খার অনেক কাছে আসিয়া ভাল করিয়া তাহার মুখ নিরীক্ষণ করিয়া দেখিল।

খপ্ করিয়া জিজ্ঞাসা করিল “তুই কাজ কাম্ কিছু জানিস্?”

আমিনা কহিল “বুঢ়া, দিদির হইয়া আমি কাজ করিয়া দিব। দিদি কাজ করিতে পারিবে না।”

বুঢ়া কিয়ৎক্ষণ ভাবিয়া জিজ্ঞাসা করিল “তুই থাকিবি কোথায়?”

জুলিখা বলিল “আমিনার কাছে।”

বুঢ়া ভাবিল এওত বিষম বিপদ! জিজ্ঞাসা করিল “থাইবি কি?”

জুলিখা বলিল “তাহার উপায় আছে” বলিয়া অবজ্ঞাভরে ধীবরের সম্মুখে একটা স্বর্ণমুদ্রা ফেলিয়া দিল।

আমিনা সেটা কুড়াইয়া ধীবরের হাতে তুলিয়া দিয়া চুপি চুপি কহিল “বুঢ়া আর কোন কথা কহিস না, তুই কাজে যা। বেলা হইয়াছে।”

জুলিখা ছদ্মবেশে নানা স্থানে ভ্রমণ করিয়া অবশেষে আমিনার সন্ধান পাইয়া কি করিয়া ধীবরের কুটীরে আসিয়া উপস্থিত হইয়াছে সে সমস্ত কথা বলিতে গেলে দ্বিতীয় আর একট কাহিনী হইয়া পড়ে। তাহার রক্ষাকর্তা রহমৎ শেখ ছদ্মনামে আরাকান রাজসভায় কাজ করিতেছে।

দ্বিতীয় পরিচ্ছেদ।

—:~:—

ছোট নদীটি বহিয়া যাইতেছিল এবং প্রথম গ্রীষ্মের শীতল প্রভাত বায়ুতে কৈলু গাছের রক্তবর্ণ পুষ্পমঞ্জরী হইতে ফুল ঝরিয়া পড়িতেছিল।

গাছের তলায় বসিয়া জুলিখা আমিনাকে কহিল “ঈশ্বর যে আমাদের হুই ভগ্নীকে মৃত্যুর হাত হইতে রক্ষা করিয়াছেন সে কেবল পিতার হত্যার প্রতিশোধ লইবার জন্ত। নহিলে, আর ত কোন কারণ খুঁজিয়া পাই না।”

আমিনা নদীর পরপারে সর্কাপেক্ষা দূরবর্তী সর্কাপেক্ষা ছায়ায় বনশ্রেণীর দিকে দৃষ্টি মেলিয়া ধীরে ধীরে কহিল “দিদি, আর ওসব কথা বলিস্নে ভাই। আমার এই পৃথিবীটা এক-রকম বেশ লাগিতেছে। মরিতে চায় ত পুরুষগুলো কাটাকাটি করিয়া মরুক্গে, আমার এখানে কোন হুংখ নাই।”

জুলিখা বলিল “ছি ছি আমিনা, তুই কি সাহজাদার ঘরের মেয়ে! কোথায় দিল্লীর সিংহাসন, আর কোথায় আরাকানের ধীবরের কুটীর!”

আমিনা হাসিয়া কহিল “দিদি, দিল্লীর সিংহাসনের চেয়ে আমার বুঢ়ার এই কুটীর এবং এই কৈলু গাছের ছায়া যদি কোন বালিকার বেশী ভাল লাগে তাহাতে দিল্লীর সিংহাসন একবিন্দু অশ্রুপাত করিবে না।”

জুলিখা কতকটা আনমনে কতকটা আমিনাকে কহিল “তা তোকে দোষ দেওয়া যায় না, তুই তখন নিতান্ত ছোট ছিলি। কিন্তু এক-বার ভাবিয়া দেখ পিতা তোকে সব চেয়ে বেশী ভাল বাসিতেন বলিয়া তোকেই স্বহস্তে জলে ফেলিয়া দিয়াছিলেন। সেই পিতৃদত্ত মৃত্যুর চেয়ে এই জীবনকে বেশী প্রিয় জ্ঞান করিস্ন না। তবে যদি প্রতিশোধ তুলিতে পারিস্ন তবেই জীবনের অর্থ থাকে।”

আমিনা চুপ করিয়া দূরে চাহিয়া রহিল। কিন্তু বেশ বুঝা গেল সকল কথা সম্বন্ধে বাহিরের এই বাতাস এবং গাছের ছায়া, এবং

আপনার নবযৌবন এবং কি এটা স্বখস্বস্তি
তাহাকে নিয়ন্ত্রণ করিয়া রাখিয়াছিল ।

কিছুক্ষণ পরে একটা দীর্ঘনিশ্বাস ফেলিয়া
কহিল “দিদি তুমি একটু অপেক্ষা কর ভাই।
আমার ঘরের কাজ বাকি আছে। আমি না
রাখিয়া দিলে বুটা খাইতে পাইবে না ।”

তৃতীয় পরিচ্ছেদ ।

—:~::~:—

জুলিখা আমিনার অবস্থা চিত্রা করিয়া
ভাবি নির্মম হইয়া চুপ করিয়া বসিয়া রহিল।
এমন সময় হঠাৎ ধুপ করিয়া একটা লক্ষের
শব্দ হইল, এবং পশ্চাৎ হইতে কে একজন
জুলিখার চোখ টিপিয়া ধরিল।

জুলিখা অস্ত হইয়া উঠিয়া কহিল “কেও !”

স্বর শুনিয়া যুবক চোখ ছাড়িয়া দিয়া সম্মুখে
আসিয়া দাঁড়াইল, জুলিখার মুখের দিকে চাহিয়া
অমানবদনে কহিল “তুমি ত তিনি নও।”
যেন জুলিখা বরাবর আপনাকে তিনি বলিয়া
চলাইবার চেষ্টা করিতেছিল, কেবল যুবকের
অসামান্য তীক্ষ্ণবুদ্ধির কাছে নমস্ত চাতুরী প্রকাশ
হইয়া পড়িয়াছে।

জুলিখা বসন সঞ্চারণ করিয়া দৃষ্টভাৱে
উঠিয়া দাঁড়াইয়া দুই চক্ষু অগ্নিবর্ণ নিক্ষেপ
করিলেন। জিজ্ঞাসা করিলেন “কে তুমি !”

যুবক কহিল “তুমি আমাকে চেন না।
তিনি জানে। তিনি কোথায় !”

তিনি গোলযোগ শুনিয়া বাহির হইয়া
আসিল। জুলিখার রোষ এবং যুবকের হত-
বুদ্ধি বিস্মিতমুখ দেখিয়া আমিনা উচ্চৈঃস্বরে
হাসিয়া উঠিল।

কহিল “দিদি ওর কথা তুমি কিছু মনে

করিয়ে না। ওকি মানুষ ! ও একটা বনের
মৃগ। যদি কিছু বেয়াদবী করিয়া থাকে,
আমি উহাকে শাসন করিয়া দিব। দালিয়া
তুমি কি করিয়াছিলে !”

যুবক তৎক্ষণাৎ কহিল “চোখ টিপিয়া
ধরিয়াছিলাম। আমি মনে করিয়াছিলাম
তিনি। কিন্তু ও ত তিনি নয়।”

তিনি সহসা হুঃসহ ক্রোধ প্রকাশ করিয়া
উঠিয়া কহিল “ফের ! ছোট মুখে বড় কথা !
কবে তুমি তিনির চোখ টিপিয়াছ ? তোমার ত
সাহস কম নয়।”

যুবক কহিল “চোখ টিপিতে ত খুব বেশী
সাহসের আশ্রয়ক করে না। বিশেষতঃ
পূর্বের অভ্যাস থাকিলে। কিন্তু সত্য বলিতেছি
তিনি, আজ একটু ভয় পাইয়া গিয়াছিলাম।”

বলিয়া গোপনে জুলিখার প্রতি অঙ্গুলি
নির্দেশ করিয়া আমিনার মুখের দিকে চাহিয়া
নিঃশব্দে হাসিতে লাগিল।

আমিনা কহিল “না, তুমি অতি বর্বর !
সাহস দীর সম্মুখে দাঁড়াইবার যোগ্য নও।
তোমাকে সহবৎ শিক্ষা দেওয়া আবশ্যক। দেখ,
এমনি করিয়া সেলাম কর।”

বলিয়া আমিনা তাহার যৌবনমঞ্জরিত
তনুলতা অতি মধুর ভঙ্গীতে নত করিয়া জুলি-
খাকে সেলাম করিল। যুবক বহুকষ্টে তাহার
নিতান্ত অসম্পূর্ণ অল্পকরণ করিল।

বলিল “এমন করিয়া তিন পা পিছু হঠিয়া
আইস।” যুবক পিছু হঠিয়া আসিল।

“আবার সেলাম কর। আবার সেলাম
করিল।

এমনি করিয়া পিছু হঠিয়া সেলাম করা-
ইয়া আমিনা যুবককে কুটিরের দ্বারের কাছে
লইয়া গেল।

কহিল “ঘরে প্রবেশ কর !” যুবক ঘরে

প্রবেশ করিল। আমিনা বাহির হইতে ঘরের দ্বার রুদ্ধ করিয়া দিয়া কহিল “একটু ঘরের কাজ কর। আগুণটা জাগাইয়া রাখ।” বলিয়া দিদির পাশে আসিয়া বসিল।

কহিল “দিদি, রাখ করিস্নে ভাই, এখানকার মানুষগুলা এই রকমের। হাড় জালাতন হইয়া গেছে।”

কিন্তু আমিনার মুখে কিংবা ব্যবহারে তাহার লক্ষণ কিছুই প্রকাশ পায় না। বরং অনেক বিষয়ে এখানকার মানুষের প্রতি তাহার কিছু অন্তায় পক্ষপাত দেখা যায়।

জুলিখা যথাসাধ্য রাগ প্রকাশ করিয়া কহিল “বাস্তবিক, আমিনা তোর ব্যবহারে আমি আশ্চর্য্য হইয়া গিয়াছি। একজন বাহিরের যুবক আসিয়া তোকে স্পর্শ করিতে পারে এত বড় তাহার সাহস!”

আমিনা দিদির সহিত যোগ দিয়া কহিল “দেখ দেখি বোন! যদি কোন বাদশাহ কিংবা নবাবের ছেলে এমন ব্যবহার করিত তবে তাকে অপমান করিয়া দূর করিয়া দিতাম।”

জুলিখার ভিতরের হাসি আর বাধা মানিল না—হাসিয়া উঠিয়া কহিল “সত্য করিয়া বল দেখি আমিনা তুই যে বলিতেছিলি পৃথিবীটা তোর বড় ভাল লাগিতেছে, সে কি ঐ বর্কর যুবকটার জন্ত?”

আমিনা কহিল “তা সত্য কথা বলি দিদি, ও আমার অনেক উপকার করে। ফুলটা ফলটা পাড়িয়া দেয়, শীকার করিয়া আনে, একটা কিছু কাজ করিতে ডাকিলে ছুটিয়া আসে। অনেকবার মনে করি, উহাকে শাসন করিব। কিন্তু সে চেষ্টা বৃথা। যদি খুব চোখ রাঙাইয়া বলি, দালিয়া, তোমার প্রতি আমি ভারি অসন্তুষ্ট হইয়াছি—দালিয়া মুখের দিকে চাহিয়া পরম কৌতুকে নিঃশব্দে হাসিতে থাকে।

এদের দেশে পরিহাস বোধ করি এই রকম; ছ’ধা মারিলে ভারি খুসি হইয়া উঠে তাহাও পরীক্ষা করিয়া দেখিয়াছি। ঐ দেখ না, ঘরে পুরিয়া রাখিয়াছি বড় আনন্দে আছে, দ্বার খুলিলেই দেখিতে পাইব, মুখ চক্ষু লাল করিয়া মনের সুখে আগুনে ছুঁদিতেছে। ইহাকে লইয়া কি করি বল ত বোন! আমি ত আর পারিয়া উঠি না।”

জুলিখা কহিল “আমি চেষ্টা দেখিতে পারি।” আমিনা হাসিয়া মিনতি করিয়া বলিল “তোর হুঁট পায়ে পড়ি বোন! ওকে আর তুই কিছু বলিস্ন না।”

এমন কাব্য বলিল যেন ঐ যুবকট আমিনার একটি বড় সাধের পোষা হরিণ, এখনো তাহার বন্ত স্বভাব দূর হয় নাই—পাছে অল্প কোন মানুষ দেখিলে ভয় পাইয়া নিকরদেশ হয় এমন আশঙ্কা আছে।

এমন সময় ধীরে আসিয়া কহিল “আজ দালিয়া আসে নাই তিন্মি?”

“হাসিয়াছে।”

“কোথায় গেল?”

“সে বড় উপদ্রব করিতেছিল তাই তাকে ঐ ঘরে পুরিয়া রাখিয়াছি।”

বুদ্ধ কিছু চিন্তান্বিত হইয়া কহিল “যদি বিরক্ত করে সহিয়া থাকিস্ন। অল্প বয়সে এমন সকলেই ছরস্ত হইয়া থাকে। বেশী শাসন করিস্ন না। দালিয়া কাল এক থলু দিয়া আমার কাছে তিনট মাছ লইয়াছিল।” (থলু অর্থে স্বর্ণ মুদ্রা।)

আমিনা কহিল “ভাবনা নাই বৃতা, আজ আমি তাহার কাছে দুই থলু আদায় করিয়া দিব, একটো মাছ দিতে হইবে না।”

বুদ্ধ তাহার পালিত কস্তার এত অল্প বয়সে এমন চাতুরী এবং বিষয়বুদ্ধি দেখিয়া পরম

প্রীত হইয়া তাহার মাথায় সম্মেহ হাত বুলাইয়া চলিয়া গেল।

চতুর্থ পরিচ্ছেদ ।

আশ্চর্য্য এই, দালিয়ার আসা যাওয়া সম্বন্ধে জুলিখার ক্রমে আর আপত্তি রহিল না। ভাবিয়া দেখিলে ইহাতে আশ্চর্য্য নাই।

কারণ, নদীর যেমন এক দিকে স্রোত এবং আর এক দিকে কুল, রমণীর সেইরূপ হৃদয়বেগ এবং লোকলজ্জা। কিন্তু সভ্যসমাজের বাহিরে আরাকানের প্রান্তে এখানে লোক কোথায়!

এখানে কেবল ঋতুপর্য্যায়ের তরু মঞ্জরিত হইতেছে, এবং সম্মুখের নীলা নদী বর্ষায় ক্ষীত, শরতে স্বচ্ছ এবং গ্রীষ্মে ক্ষীণ হইতেছে; পার্শ্বীয় উচ্ছ্বসিত কণ্ঠস্বরে সমালোচনার লেশ-মাত্র নাই, এবং দক্ষিণ বায়ু মাঝে মাঝে পর-পারের গ্রাম হইতে মানবচক্রের গুণ্ধনধ্বনি বহিয়া আনে কিন্তু কাণাকাণি আনে না।

পাতিত অট্টালিকার উপরে ক্রমে যেমন অরণ্য জন্মে, এখানে কিছুদিন থাকিলে সেই-রূপ প্রকৃতির গোপন আক্রমণে লৌকিকতার মানবনির্মিত দৃঢ় ভিত্তি ক্রমে অলক্ষিতভাবে ভাঙ্গিয়া যায় এবং চতুর্দিকে প্রাকৃতিক জগতের সহিত সমস্ত একাকার হইয়া আসে। হুট সম-যোগ্য নরনারীর মিলনদৃশ্য দেখিতে রমণীর যেমন স্নন্দর লাগে এমন আর কিছু নয়। এত রহস্য, এত স্নখ, এত অতলস্পর্শ কৌতূহলের বিষয় তাহার পক্ষে আর কিছুই হইতে পারে না। অতএব এই বর্ষের কুটিরের মধ্যে নির্জনে দারিদ্র্যের ছায়ায় যখন জুলিখার কুলগর্ভ এবং

লোকমর্য্যাদার ভাব আপনিই শিথিল হইয়া আসিল তখন পুষ্পিত কৈনুতরুচ্ছায়ে আমিনা এবং দালিয়ার মিলনের এই এক মনোহর খেলা দেখিতে তাহার বড় আনন্দ হইত।

বোধ করি তাহারও তরুণ হৃদয়ের একটা অপরিভূষ্ট আকাঙ্ক্ষা জাগিয়া উঠিত এবং তাহাকে স্নখে হৃৎখে চঞ্চল করিয়া তুলিত। অবশেষে এমন হইল কোন দিন যুবকের আসিতে বিলম্ব হইলে আমিনা যেমন উৎ-কর্ষিত হইয়া থাকিত, জুলিখাও তেমনি আগ্র-হের সহিত প্রতীক্ষা করিত এবং উভয়ে একত্র হইলে, চিত্রকর নিজের সম্বন্ধ-সমাপ্ত ছবি ঈষৎ দূর হইতে যেমন করিয়া দেখে, তেমনি করিয়া সন্মুখে সহাস্তে নিরীক্ষণ করিয়া দেখিত। কোন কোন দিন মৌখিক ঝগড়াও করিত, ছল করিয়া ভৎসনা করিত, আমিনাকে গৃহে রুদ্ধ করিয়া যুবকের মিলনাবেগ প্রতিহত করিত।

সম্রাট এবং আরণ্যের মধ্যে একটা সাদৃশ্য আছে। উভয়ে স্বাধীন, উভয়েই স্বরাজ্যের একাধিপতি, উভয়কেই কাহারো নিয়ম মানিয়া চলিতে হয় না। উভয়ের মধ্যেই প্রকৃতির একটা স্বাভাবিক বৃহৎ এবং সরলতা আছে। যাহারা মাঝারি, যাহারা দিনরাত্রি লোকশাস্ত্রের অক্ষর মিলাইয়া জীবন যাপন করে তাহারাই কিছু স্বতন্ত্র গেষের হয়। তাহারাই বড়র কাছে দাস, ছোটর কাছে প্রভু, এবং অস্থানে নিতান্ত কিংকর্তব্যবিমূঢ় হইয়া দাঁড়ায়। বর্ষের দালিয়া প্রকৃতি-সাম্রাজ্যীর উচ্ছ্বল ছেলে, শাহজাদীর কাছে কোন সঙ্কোচ ছিল না, এবং শাহজাদীরও তাহাকে সমকক্ষ লোক বলিয়া চিনিতে পারিত। সহাস্ত, সরল, কৌতুকপ্রিয়, সকল অবস্থাতেই নির্ভীক, অসঙ্কুচিত, তাহার চরিত্রে দারিদ্র্যের কোন লক্ষণই ছিল না।

কিন্তু এই সবল খেলার মধ্যে এক প্রকবার

জুলিখার হৃদয়টা হায় হায় করিয়া উঠিত, ভাবিত সম্রাটপুত্রীর জীবনের এই কি পরিণাম !

একদিন প্রাতে দালিয়া আসিবামাত্র জুলিখা তাহার হাত চাপিয়া কহিল “দালিয়া, এখানকার রাজাকে দেখাইয়া দিতে পার ?”

“পারি। কেন বল দেখি ?”

“আমার একটা ছোরা আছে তাহার বকের মধ্যে বসাইতে চাহি !”

প্রথমে দালিয়া কিছু আশ্চর্য্য হইয়া গেল তাহার পরে জুলিখার হিংসাপ্রধর মুখের দিকে চাহিয়া তাহার সমস্ত মুখ হাসিতে ভরিয়া গেল ; যেন এত বড় মজার কথা সে ইতিপূর্বে কখনও শোনে নাই—যদি পরিহাস বল ত এই বটে, রাজ-পুত্রীর উপযুক্ত। কোন কথা নাই বার্তা নাই প্রথম আলাপেই একখানি ছোরার আখানা একটা জীবন্ত রাজার বকের মধ্যে চালনা করিয়া দিলে এইরূপ অত্যন্ত অন্তরঙ্গ শিষ্টাচারে রাজাটা হঠাৎ কিরূপ অবাক হইয়া যায় সেই চিত্র ক্রমাগত তাহার মনে উদ্ভিত হইতে লাগিল, এবং তাহার নিঃশব্দ কৌতুক হাসি থাকিয়া থাকিয়া উচ্ছ্বাসে পরিণত হইতে লাগিল।

পঞ্চম পরিচ্ছেদ ।

—*—

তাহার পরদিনেই রহমৎশেখ জুলিখাকে গোপনে পত্র লিখিল যে, আরাকানের নূতন রাজা ধীরে ধীরে কুটরে ছই ভগ্নীর সন্ধান পাইয়াছেন, এবং গোপনে আমিনাকে দেখিয়া অত্যন্ত মুগ্ধ হইয়াছেন। তাহাকে বিবাহার্থে অবিলম্বে প্রাসাদে আনিবার আয়োজন করিতেছেন।

প্রতিহিংসার এমন সুন্দর অবসর আর পাওয়া যাইবে না।

তখন জুলিখা দৃঢ়ভাবে আমিনার হাত ধরিয়া কহিল “ঈশ্বরের ইচ্ছা স্পষ্টই দেখা যাইতেছে। আমিনা, এইবার তোর জীবনের কর্তব্য পালন করিবার সময় আসিয়াছে, এখন আর খেলা ভাল দেখায় না।”

দালিয়া উপস্থিত ছিল, আমিনা তাহার মুখের দিকে চাহিল, দেখিল সে সকৌতুকে হাসিতেছে।

আমিনা তাহার হাসি দেখিয়া মর্ম্মাহত হইয়া কহিল। “জান দালিয়া, আমি রাজবধু হইতে যাইতেছি।”

দালিয়া হাসিয়া বলিল “সে ত বেশীক্ষণের জন্ত নয়।”

আমিনা পীড়িত বিস্মিত চিত্তে মনে মনে ভাবিল—বাস্তবিকই এ বনের মৃগ, এর সঙ্গে মাহুষের মত ব্যবহার করা আমারই পাগলামী।

আমিনা দালিয়াকে আর একটু সচেতন করিয়া তুলিবার জন্ত কহিল “রাজাকে মারিয়া আর কি আমি ফিরিব !”

দালিয়া কথাটা সঙ্গত জ্ঞান করিয়া কহিল “ফেরা কঠিন বটে।”

আমিনার সমস্ত অন্তরাগ্না একেবারে ম্লান হইয়া গেল।

জুলিখার দিকে ফিরিয়া নিখাস ফেলিয়া কহিল “দিদি, আমি প্রস্তুত আছি।”

এবং দালিয়ার দিকে ফিরিয়া বিদ্র অস্তরে পরিহাসের ভাণ করিয়া কহিল “রাগী হইয়াই আমি প্রথমে তোমাকে রাজার বিরুদ্ধে ষড়যন্ত্রে যোগ দেওয়া অপরাধে শাস্তি দিব তার পরে আর যাহা করিতে হয় করিব।”

শুনিয়া দালিয়া বিশেষ কৌতুক বোধ করিল, যেন প্রস্তাবটা কার্য্যে পরিণত হইলে

করিয়া আছে, আকাশে একটি তারা দেখা যায় না। অন্ধকার ঘরে দুই জনে চুপ করিয়া বসিয়া রহিল। একজনের চাদরে দিয়াশলাই এবং বাতি বাঁধা ছিল। বর্ষাকালের দিয়াশলাই বহুচেষ্টাতেও জ্বলিল না—যে লণ্ঠন সন্ধে ছিল তাহাও নিবিয়া গেছে।

অনেকক্ষণ চুপ করিয়া থাকিয়া একজন কহিল “ভাইরে এক ছিলিম তামাকের যোগাড় থাকিলে বড় সুবিধা হইত। তাড়াতাড়িতে কিছুই আনা হয় নাই!”

অল্প ব্যক্তি কহিল “আমি চট করিয়া এক দৌড়ে সমস্ত সংগ্রহ করিয়া আনিতে পারি।”

বনমালীর পলায়নের অভিশ্রয় বুঝিয়া বিধু কহিল—“মাইরি! আর আমি বুঝি এখানে একলা বসিয়া থাকিব!”

আবার কথাবার্তী বন্ধ হইয়া গেল। পাঁচ মিনিটকে এক ঘণ্টা বলিয়া মনে হইতে লাগিল। যাহারা কাঠ আনিতে গিয়াছিল তাহাদিগকে মনে মনে ইহারা গালি দিতে লাগিল—তাহারা যে দিব্য আরামে কোথাও বসিয়া গল্প করিতে করিতে তামাক খাইতেছে, এ সন্দেহ ক্রমশই তাহাদের মনে ঘনীভূত হইয়া উঠিতে লাগিল।

কোথাও কিছু শব্দ নাই—কেবল পুষ্করিণী-তীর হইতে অবিশ্রাম ঝিল্লি এবং ভেকের ডাক শুনা যাইতে লাগিল। এমন সময় মনে হইল যেন খাটটা ঝেঁষৎ নড়িল—যেন মৃতদেহ পাশ ফিরিয়া গুইল।

বিধু এবং বনমালী রামনাম জপিতে জপিতে কাঁপিতে লাগিল। হঠাৎ ঘরের মধ্যে একটা দীর্ঘনিশ্বাস শুনা গেল। বিধু এবং বনমালী এক মুহূর্তে ঘর হইতে লক্ষ দিয়া বাহির হইয়া গ্রামের অভিমুখে দৌড় দিল।

প্রায় ক্রোশ দেড়েক পথ গিয়া দেখিল তাহার অবশিষ্ট দুই সঙ্গী লণ্ঠন হাতে ফিরিয়া আসিতেছে। তাহারা বাস্তবিকই তামাক খাইতে গিয়াছিল, কাঠের কোন খবর জানে না, তথাপি সংবাদ দিল গাছ কাটিয়া কাঠ ফাড়াইতেছে—অনতিবিলম্বে রওনা হইবে। তখন বিধু এবং বনমালী কুটিরের সমস্ত ঘটনা বর্ণনা করিল। নিতাই এবং গুরুচরণ অবিশ্বাস করিয়া উড়াইয়া দিল, এবং বর্তব্য ত্যাগ করিয়া আসার জন্ত অপর দুইজনের প্রতি অত্যন্ত রাগ করিয়া বিস্তর ভৎসনা করিতে লাগিল।

কালবিলম্ব না করিয়া চারজনেই শ্রশানে সেই কুটিরে গিয়া উপস্থিত হইল। ঘরে ঢুকিয়া দেখিল মৃতদেহ নাই, শূত্র খাট পড়িয়া আছে। পরস্পর মুখ চাহিয়া রহিল, যদি শৃগালে লইয়া গিয়া থাকে? কিন্তু আচ্ছাদনবস্ত্রটি পর্য্যন্ত নাই। সন্ধান করিতে করিতে বাহিরে গিয়া দেখে, কুটিরের ঘরের কাছে খানিকটা কাদা জমিয়াছিল তাহাতে জীলোকের সন্ধ্য এবং ক্ষুদ্র পদচিহ্ন।

শারদাশঙ্কর সহজ লোক নহেন, তাঁহাকে এই ভূতের গল্প বলিলে হঠাৎ যে কোন শুভফল পাওয়া যাইবে এমন সম্ভাবনা নাই। তখন চারজনে বিস্তর পরামর্শ করিয়া স্থির করিল যে, দাহকার্য্য সমাধা হইয়াছে এইরূপ খবর দেওয়াই ভাল।

ভোরের দিকে যাহারা কাঠ লইয়া আসিল, তাহারা সংবাদ পাইল, বিলম্ব দেখিয়া পূর্বেই কার্য্য শেষ করা হইয়াছে, কুটিরের মধ্যে কাঠ সঞ্চিত ছিল। এ সম্বন্ধে কাহারো সহজে সন্দেহ উপস্থিত হইতে পারে না—কারণ, মৃতদেহ এমন কিছু বহুমূল্য সম্পত্তি নহে যে, কেহ ফাঁকি দিয়া চুরি করিয়া লইয়া যাইবে।

দ্বিতীয় পরিচ্ছেদ ।

—:~::~:—

সকলেই জানেন জীবনের যখন কোন লক্ষণ পাওয়া যায় না তখনো অনেক সময় জীবন প্রচ্ছন্ন ভাবে থাকে, এবং সময়মত পুনর্বার মৃতবৎ দেহে তাহার কার্য আরম্ভ হয়। কাদম্বিনীও মরে নাই—হঠাৎ কি কারণে তাহার জীবনের ক্রিয়া বন্ধ হইয়া গিয়াছিল।

যখন সে সচেতন হইয়া উঠিল, দেখিল চতুর্দিকে নিবিড় অন্ধকার। চিয়াভ্যাসমত যেখানে শয়ন করিয়া থাকে মনে হইল এটা সে জায়গা নহে। একবার ডাকিল—“দিদি” —অন্ধকার ঘরে কেহ সাড়া দিল না। সভয়ে উঠিয়া বসিল, মনে পড়িল সেই মৃত্যুশয্যার কথা। সেই হঠাৎ বন্ধের কাছে একটা বেদনা—স্বাসরোধের উপক্রম। তাহার বড় ঘা ঘরের কোণে বসিয়া একটা অধিকুণ্ডের উপর খোঁকার জন্ত দুধ গরম করিতেছিল—কাদম্বিনী আর দাঁড়াইতে না পারিয়া বিছানার উপর আছাড় খাইয়া পড়িল—ক্লককঠে কহিল “দিদি, একবার খোঁকাকে আনিয়া দাও—আমার প্রাণ কেমন করিতেছে!” তাহার পর সমস্ত কালো হইয়া আসিল—যেন একটি লেখা খাতার উপরে দোয়াত-সুন্ধ কালি গড়াইয়া পড়িল—কাদম্বিনীর সমস্ত স্মৃতি এবং চেতনা, বিশ্বগ্রন্থের সমস্ত অক্ষর এক মুহূর্তে একাকার হইয়া গেল। খোঁকা তাহাকে একবার শেষবারের মত তাহার সেই স্মৃষ্টি ভালবাসার স্বরে কাকীমা বলিয়া ডাকিয়াছিল কি না, তাহার অনন্ত অজ্ঞাত মরণযাত্রার পথে চিরপরিচিত পৃথিবী হইতে এই শেষ স্নেহ-পাথেরটুকু সংগ্রহ করিয়া

আনিয়াছিল কিনা বিধবার তাহাও মনে পড়ে না।

প্রথমে মনে হইল যমালয় বৃষ্টি এইরূপ চিরনির্জ্জন এবং চিরান্ধকার। সেখানে কিছুই দেখিবার নাই, শুনিবার নাই, কাজ করিবার নাই, কেবল চিরকাল এইরূপ উঠিয়া জাগিয়া বসিয়া থাকিতে হইবে।

তাহার পর যখন মুক্তদ্বার দিয়া হঠাৎ একটা ঠাণ্ডা বাদলার বাতাস দিল এবং বর্ষার ভেকের ডাক কাণে প্রবেশ করিল তখন এক মুহূর্তে তাহার এই স্বপ্ন-জীবনের আটশষ সমস্ত বর্ষার স্মৃতি ঘনীভূতভাবে তাহার মনে উদয় হইল এবং পৃথিবীর নিকট-সংস্পর্শ সে অনুভব করিতে পারিল। একবার বিহ্বাৎ চমকিয়া উঠিল—সম্মুখে পুষ্করিণী, বটগাছ, বৃহৎ মাঠ এবং সুদূর তরুশ্রেণী এক পলকে চখে পড়িল। মনে পড়িল মাঝে মাঝে পুণ্য তিথি উপলক্ষে এই পুষ্করিণীতে আসিয়া স্নান করিয়াছে, এবং মনে পড়িল সেই সময়ে এই শ্মশানে মৃতদেহ দেখিয়া মৃত্যুকে কি ভয়ানক মনে হইত!

প্রথমেই মনে হইল, বাড়ি ফিরিয়া যাইতে হইবে। কিন্তু তখনি ভাবিল, আমি ত বাঁচিয়া নাই, আমাকে বাড়িতে ফিরিয়া লইবে কেন? সেখানে যে অমঙ্গল হইবে। জীবরাজ্য হইতে আমি যে নির্কাসিত হইয়া আসিয়াছি—আমি যে আমার প্রেতাঙ্গা।

তাই যদি না হইবে তবে সে এই অর্ধরাত্রে শারদাশঙ্করের সুরক্ষিত অন্তঃপুর হইতে এই দুর্গম শ্মশানে আসিল কেমন করিয়া? এখনও যদি তার অন্ত্যেষ্টিক্রিয়া শেষ না হইয়া থাকে তবে দাহ করিবার লোকজন গেল কোথায়? শারদাশঙ্করের আলোকিত গৃহে তাহার মৃত্যুর শেষ মুহূর্ত মনে পড়িল, তাহার পরেই এই

বহুব্রবর্তী জনশূন্য অন্ধকার শ্মশানের মধ্যে আপনাকে একাকিনী দেখিয়া সে জানিল আমি এই পৃথিবীর জনসমাজের আর কেহ নাহ—আমি অতি ভীষণ, অকল্যাণকারিণী আমি আমার প্রেতাণ্মা !

এই কথা মনে উদয় হইবামাত্রই তাহার মনে হইল, তাহার চতুর্দিক হইতে বিশ্বনিয়মের সমস্ত বন্ধন যেন ছিন্ন হইয়া গিয়াছে। যেন তাহার অদ্ভুত শক্তি, অসীম স্বাধীনতা—যাহা ইচ্ছা করিতে পারে, যেখানে ইচ্ছা যাইতে পারে। এই অদ্ভুতপূর্ব নূতন ভাবের আবির্ভাবে সে উন্নতের মত হইয়া হঠাৎ একটা দম্কা বাতাসের মত ঘর হইতে বাহির হইয়া অন্ধকার শ্মশানের উপর দিয়া চলিল—মনে লজ্জা ওয় ভাবনার লেশমাত্র রহিল না।

চলিতে চলিতে চরণ শ্রান্ত, দেহ দুর্বল হইয়া আসিতে লাগিল। মাঠের পর মাঠ আর শেষ হয় না—মাঝে মাঝে ধাত্তক্ষেত্র—কোথাও বা এক হাঁটু জল দাঁড়াইয়া আছে। যখন ভোরের আলো অল্প অল্প দেখা দিল তখন অদূরে লোকালয়ের বাঁশঝাড় হইতে ছোটো একটা পাখীর ডাক শুনা গেল।

তখন তাহার কেমন ভয় করিতে লাগিল। পৃথিবীর সহিত জীবিত মনুষ্যের সহিত এখন তাহার কিরূপ নূতন সম্পর্ক দাঁড়াইয়াছে সে কিছুই জানে না। যতক্ষণ মাঠে ছিল, শ্মশানে ছিল, শ্রাবণরজনীর অন্ধকারের মধ্যে ছিল ততক্ষণ সে যেন নির্ভয়ে ছিল, যেন আপন রাজ্যে ছিল। দিনের আলোকে লোকালয় তাহার পক্ষে অতি ভয়ঙ্কর স্থান বলিয়া বোধ হইল। মানুষ ভূতকে ভয় করে, ভূতও মানুষকে ভয় করে, যত্ন—নদীর হই পারে হুইজনের বাস।

তৃতীয় পরিচ্ছেদ ।

—:~:~:~—

কাপড়ে কাদা মাখিয়া, অদ্ভুত ভাবের বে-ও রাত্রি জাগরণে পাগলের মত হইয়া, কাদা-ধিনীর যেরূপ চেহারা হইয়াছিল তাহাতে মানুষ তাহাকে দেখিয়া ভয় পাইতে পারিত, এবং ছেলেরা বোধ হয় দূরে পালাইয়া গিয়া তাহাকে ঢেলা মারিত। সৌভাগ্যক্রমে একটি পথিক ভদ্রলোক তাহাকে সর্বপ্রথমে এই অবস্থায় দেখিতে পায়।

সে আসিয়া কহিল “মা, তোমাকে ভদ্র-কুলবধু বলিয়া বোধ হইতেছে, তুমি এ অবস্থায় একলা পথে কোথায় চলিয়াছ?”

কাদাধিনী প্রথমে কোন উত্তর না দিয়া থাকাইয়া রহিল। হঠাৎ কিছুই ভাবিয়া পাইল না। সে যে সংসারের মধ্যে আছে, তাহাকে যে ভদ্রকুলবধুর মত দেখাইতেছে, গ্রামের পথে পথিক তাহাকে যে প্রশ্ন জিজ্ঞাসা করিতেছে, এ সমস্তই তাহার কাছে অজ্ঞানীয় বলিয়া বোধ হইল।

পথিক তাহাকে পুনশ্চ কহিল—“চল, মা, আমি তোমাকে ঘরে পৌছাইয়া দিই—তোমার বাড়ি কোথায় আমাকে বল।”

কাদাধিনী চিন্তা করিতে লাগিল। স্বপ্ন-বাড়ি ফিরিবার কথা মনে স্থান দেওয়া যায় না, বাপের বাড়ি ত নাই—তখন ছেলেবেলার সহিকে মনে পড়িল।

সই যোগমায়ার সহিত যদিও ছেলেবেলা হইতেই বিচ্ছেদ তথাপি মাঝে মাঝে চিঠিপত্র চলে। এক এক সময় রীতিমত ভালবাসার লড়াই চলিতে থাকে—কাদাধিনী জানাইতে চাহে ভালবাসা তাহার দিকেই প্রবল, যোগ-মায়ী জানাইতে চাহে কাদাধিনী তাহার ভাল-

বাসার যথোপযুক্ত প্রতিদান দেয় না। কোন সুযোগে একবার উভয়ে মিলন হইতে পারিলে যে এবদও কেহ কাহাকে চোখের আড়াল করিতে পারিবে না এ বিষয়ে কোন পক্ষেই কোন সন্দেহ ছিল না।

কাদম্বিনী ভদ্রলোকটিকে কহিল “নিশিন্দা-পুরে শ্রীপতিচরণ বাবুর বাড়ি যাইব।”

পথিক কলিকাতায় যাইতেছিলেন ; নিশিন্দা-পুর যদিও নিকটবর্তী নহে তথাপি তাঁহার গম্য পথেই পড়ে। তিনি স্বয়ং বন্দোবস্ত করিয়া কাদম্বিনীকে শ্রীপতিচরণ বাবুর বাড়ি পৌঁছাইয়া দিলেন।

হুই সইয়ে মিলন হইল। প্রথমে চিনিতে একটু বিলম্ব হইয়াছিল, তাহার পরে বাল্য-সাদৃশ্য উভয়ের চক্ষে ক্রমশই পরিস্ফুট হইয়া উঠিল।

যোগমায়া কহিল “ওমা, আমার কি ভাগ্য ! তোমার যে দর্শন পাইব এমন ত আমার মনেই ছিল না। কিন্তু ভাই, তুমি কি করিয়া আসলে ! তোমার খণ্ডর বাড়ির লোকেরা যে তোমাকে ছাড়িয়া দিল।”

কাদম্বিনী চুপ করিয়া রহিল—অবশেষে কহিল “ভাই, খণ্ডরবাড়ির কথা আমাকে জিজ্ঞাসা করিও না। আমাকে দাসীর মত বাড়ির এক প্রান্তে স্থান দিবে, আমি তোমাদের কাজ করিয়া দিব।”

যোগমায়া কহিল “ওমা সে কি কথা ! দাসীর মত থাকিবে কেন ! তুমি আমার সহ, তুমি আমার”—ইত্যাদি।

এমন সময় শ্রীপতি ঘরে প্রবেশ করিল। কাদম্বিনী খানিকক্ষণ তাহার মুখের দিকে তাবী-ইয়া ধীরে ধীরে ঘর হইতে বাহির হইয়া গেল --মাথায় কাপড় দেওয়া, তা কোনরূপ সঙ্কেত বা সঙ্গের লক্ষণ দেখা গেল না।

পাছে তাহার সইয়ের বিরুদ্ধে শ্রীপতি কিছু মনে করে এজন্ত ব্যস্ত হইয়া যোগমায়া নানারূপে তাহাকে বুঝাইতে আরম্ভ করিল। কিন্তু এতই অল্প বুঝাইতে হইল এবং শ্রীপতি এত সহজে যোগমায়ার সমস্ত প্রস্তাবে অনুমোদন করিল যে, যোগমায়া মনে মনে বিশেষ সন্তুষ্ট হইল না।

কাদম্বিনী সইয়ের বাড়িতে আসিল, কিন্তু সইয়ের সঙ্গে মিশিতে পারিল না—মাঝে মৃত্যুর ব্যবধান। আত্মসম্বন্ধে সর্বদা একটা সন্দেহ এবং চেতনা থাকিলে পরের সঙ্গে মেলা যায় না। কাদম্বিনী যোগমায়ার মুখের দিকে চায় এবং কি যেন ভাবে—মনে করে স্বামী এবং ঘরকন্যা লইয়াও যেন বহুদূরে আর এক জগতে আছে। স্নেহমমতা এবং সমস্ত কর্তব্য লইয়াও যেন পৃথিবীর লোক, আর আমি যেন শূন্য ছায়া। ও যেন অস্ত্রের দেশে, আর আমি যেন অনন্তের মধ্যে।

যোগমায়াও কেমন কেমন লাগিল— কিছুই বুঝতে পারিল না। স্ত্রীলোক রহস্য সহ করিতে পারে না—কারণ আনাশচতকে লইয়া কাবল করা যায়, বাবল করা যায়, পাণ্ডত্য করা যায়, কিন্তু ঘরকন্যা করা যায় না। এই জন্ত স্ত্রীলোক যেটা বুঝতে পারে না, হয় সেটার অস্তিত্ব বিলোপ করিয়া তাহার সহিত কোন সম্পর্ক রাখে না, নয় তাহাকে স্বহস্তে নুতন মূর্তি দিয়া নিজের ব্যবহারযোগ্য একটু সামগ্রী গাড়িয়া তোলে—খাদ হইয়ের কোনটাই না পারে তবে তাহার উপর ভারি রাগ করিতে থাকে।

কাদম্বিনী যতই দুঃখোধ হইয়া উঠিল যোগমায়া তাহার উপর ততই রাগ করিতে লাগিল; ভাবিল, এ কি উপদ্রব স্বক্দের উপর চাপিল ?

আবার আর এক বিপদ। কাদম্বিনীর আপনাকে আপনি ভয় করে। সে নিজের কাছ হইতে নিজে কিছুতেই পাল্লাইতে পারে না।

যাহাদের ভূতের ভয় আছে তাহারা আপনার পশ্চাদ্ধিক্কে ভয় করে—যেখানে দৃষ্টি রাখিতে পারে না সেইখানেই ভয়। কিন্তু বাদশ্বিনীর আপনার মধ্যেই সর্কাপেক্ষা বেশী ভয়—বাহিরে তার ভয় নাই।

এই জন্তু বিজ্ঞান দ্বিপ্রহরে সে একা ঘরে এক এক দিন চীংকার করিয়া উঠিত—এবং সন্ধ্যাবেলায় দীপালোকে আপনার ছায়া দেখিলে তাহার গা ছম্-ছম্ করিতে থাকিত।

তাহার এই ভয় দেখিয়া বাড়িস্বন্ধ লোকের মনে কেমন একটা ভয় জন্মিয়া গেল। চাকর-দাসীরা এবং যোগমায়াও যখন তখন যেখানে সেখানে ভূত দেখিতে আরম্ভ করিল।

একদিন এমন হইল, কাদশ্বিনী অর্ধরাতে আপন শয়নগৃহ হইতে কাঁদিয়া বাহির হইয়া একেবারে যোগমায়ার গৃহদ্বারে আসিয়া কহিল—“দিদি, দিদি, তোমাদের ছুটি পায়ে পড়ি গো! আমাকে একলা ফেলিয়া রাখিয়ো না।”

যোগমায়ার যেমন ভয়ও পাইল, তেমনি রাগও হইল। ইচ্ছা করিল তদগুণেই কাদশ্বিনীকে দূর করিয়া দেয়। দয়াপরবশ শ্রীপতি অনেক চেষ্টায় তাহাকে ঠাণ্ডা করিয়া পার্শ্ববর্তী গৃহে স্থান দিল।

পরদিন অসময়ে অন্তঃপুরে শ্রীপতির তলব হইল। যোগমায়া তাহাকে অকস্মাৎ ভৎসনম করিতে আরম্ভ করিল—“হাঁ গা, তুমি কেমন-ধারা লোক! একজন মেয়েমানুষ আপন শ্বশুর-ঘর ছাড়িয়া তোমার ঘরে আসিয়া অধিষ্ঠান হইল মাসখানেক হইয়া গেল তবু মাইবার না করে না, আর তোমার মুখে যে একটি আপত্তি মাত্র শুনি না! তোমার মনের ভাবটা কি বুঝাইয়া বল দেখি। তোমরা পুরুষ মানুষ এমনি জাতই বটে।”

বাস্তবিক সাধারণ জীজ্ঞাতির পরে গুরুতর

মানুষের একটা নিরীকার পক্ষপাত আছে, এবং সে জন্তু স্ত্রীলোকেরাই তাহাদিগকে অধিক অপরাধী করে। নিঃসহায় অথচ সুন্দরী কাদশ্বিনীর প্রতি শ্রীপতির করুণা যে, যথোচিত মাত্রার চেয়ে কিঞ্চিৎ অধিক ছিল তাহার বিরুদ্ধে তিনি যোগমায়ার গাত্র স্পর্শপূর্বক শপথ করিতে উজ্জত হইলেও তাহার ব্যবহারে তাহার প্রমাণ পাওয়া যাইত না।

তিনি মনে করিতেন নিশ্চয়ই শ্বশুরবাড়ির লোকেরা এই পুত্রহীনা বিধবার প্রতি অশ্রদ্ধ অত্যাচার করিত তাই নিতান্ত সহ্য করিতে না পারিয়া পালাইয়া কাদশ্বিনী আমার আশ্রয় লইয়াছে। যখন ইহার বাপ মা কেহই নাই, তখন আমি ইহাকে কি করিয়া ত্যাগ করি!—এই বলিয়া তিনি কোনরূপ সন্ধান লইতে ক্ষান্ত ছিলেন, এবং কাদশ্বিনীকেও এই অপ্রীতিকর বিষয়ে প্রশ্ন করিয়া ব্যথিত করিতে তাঁহার প্রবৃত্তি হইত না।

তখন তাঁহার স্ত্রী তাঁহার অসাড় কর্তব্য-বুদ্ধিতে নানাপ্রকার আঘাত দিতে লাগিল। কাদশ্বিনীর শ্বশুরবাড়িতে খবর দেওয়া যে তাঁহার গৃহের শাস্তিরক্ষার পক্ষে একান্ত আবশ্যিক, তাহা তিনি বেশ বুঝিতে পারিলেন। অবশেষে স্থির করিলেন হঠাৎ চিঠি লিখিয়া বসিলে ভাল ফল নাও হইতে পারে, অতএব রাণীহাটে তিনি নিজে গিয়া সন্ধান লইয়া যাহা কর্তব্য স্থির করিবেন।

শ্রীপতি ত গেলেন, এদিকে যোগমায়া আসিয়া কাদশ্বিনীকে কহিলেন “সই, এখানে তোমার আর থাকি ভাল দেখাইতেছে না। লোকে বলিবে কি।”

কাদশ্বিনী গভীর ভাবে যোগমায়ার মুখের দিকে তাকাইয়া কহিল “লোকের সঙ্গে আমার সম্পর্ক কি?”

যোগমায়া কথা শুনিয়া অবাচ্ হইয়া গেল।
কিঞ্চিৎ রাগিয়া কহিল “তোমার না থাকে,
আমাদের ত আছে! আমরা পরের ঘরের
বধুকে কি বলিয়া আটক করিয়া রাখিব!”

কাদম্বিনী কহিল “আমার শস্ত্রঘর
কোথায়?”

যোগমায়া ভাবিল—“আ মরণ! পোড়া-
কপালা বলে কি?”

কাদম্বিনী ধীরে ধীরে কহিল—“আমি কি
তোমাদের কে? আমি কি এ পৃথিবীর?
তোমরা হাসিতেছ, কাদিতেছ, ভালবাসিতেছ,
সবাই আপন আপন লইয়া আছ, আমি ত
কেবল চাহিয়া আছি। তোমরা মানুষ, আর
আমি ছায়া! বৃষ্টিতে পারি না, ভগবান
আমাকে তোমাদের এই সংসারের মাঝখানে
কেন রাখিয়াছেন!”

এমনি ভাবে চাহিয়া কথাগুলো বলিয়া গেল
যে, যোগমায়া কেমন একরকম করিয়া মোটের
উপর একটা কি বৃষ্টিতে পারিল কিন্তু আসল
কথাটা বঝিল না, জবাবও দিতে পারিল না,
দ্বিতীয়বার প্রশ্ন করিতেও পারিল না। অত্যন্ত
ভারগ্রস্ত গম্ভীর ভাবে চলিয়া গেল।

চতুর্থ পরিচ্ছেদ ।

—:~::~:—

রাত্রি প্রায় ষখন দশটা তখন শ্রীপতি রাণী-
হাট হইতে ফিরিয়া আসিলেন। সুঘলধারে
বৃষ্টিতে পৃথিবী ভাসিয়া যাইতেছে। ক্রমাগতই
তাহার বন্ বন্ শব্দে মনে হইতেছে বৃষ্টির শেষ
মাই, আজ রাত্রিরও শেষ নাই।

যোগমায়া জিজ্ঞাসা করিলেন “কি হইল!”

শ্রীপতি কহিলেন “সে অনেক কথা। পরে
হইবে।” বলিয়া কাপড় ছাড়িয়া আহার করি-
লেন। এবং তামাক খাইয়া শুইতে গেলেন।
ভাবটা অত্যন্ত চিন্তিত।

যোগমায়া অনেকক্ষণ কৌতূহল দমন করিয়া
ছিলেন, শয্যা প্রবেশ করিয়াই জিজ্ঞাসা করি-
লেন—“কি শুনিলে বল?”

শ্রীপতি কহিলেন “নিশ্চয় তুমি একটা ভুল
করিয়াছ।”

শুনিবামাত্র যোগমায়া মনে মনে ঈষৎ রাগ
করিলেন। ভুল মেয়েরা কখনই করে না,
যদি বা করে কোন স্তব্ধি পুরুষের সেটা উল্লেখ
করা কর্তব্য হয় না, নিজের ঘাড় পাতিয়া
লগয়াই গুণ্ডুক্তি। যোগমায়া কিঞ্চিৎ উৎসাহে
কহিলেন “কিরকম শুনি!”

শ্রীপতি কহিলেন “যে স্ত্রীলোকটিকে
তোমার ঘরে স্থান দিয়াছ সে তোমার সেই
কাদম্বিনী নহে!”

এমনতর কথা শুনিলে সহজেই রাগ হইতে
পারে—বিশেষতঃ নিজের স্বামীর মুখে শুনিলে
ত কথাই নাই। যোগমায়া কহিলেন “আমার
সইকে আমি চিনি না, তোমার কাছ হইতে
চিনিয়া লইতে হইবে—কি কথার শ্রী!”—

শ্রীপতি বুঝাইলেন এস্থলে কথার শ্রী লইয়া
কোনরূপ তর্ক হইতেছে না, প্রমাণ দেখিতে
হইবে। যোগমায়ার সই কাদম্বিনী যে মারা
গিয়াছে তাহাতে কোন সন্দেহ নাই।

যোগমায়া কহিলেন—“ঐ শোন। তুমি
নিশ্চয় একটা গোল পাকাইয়া আসিয়াছ!
কোথায় যাইতে কোথায় গিয়াছ, কি কি শুনি-
য়াছ তাহার ঠিক নাই! তোমাকে নিজে
যাইতে কে বলিল, একখানা চিঠি লিখিয়া
দিলেই সমস্ত পরিষ্কার হইত।”

নিজের কর্মপটুতার প্রতি স্ত্রীর এইরূপ

বিশ্বাসের অভাবে শ্রীপতি অত্যন্ত ক্ষুব্ধ হইয়া
বিস্তারিত ভাবে সমস্ত প্রমাণ প্রয়োগ করিতে
লাগিলেন—কিন্তু কোন ফল হইল না।
উভয়পক্ষে হাঁ না করিতে করিতে রাত্রি দ্বিপ্রহর
হইয়া গেল।

যদিও কাদম্বিনীকে এই দণ্ডেই গৃহ হইতে
বহিষ্কৃত করিয়া দেওয়া সম্বন্ধে স্বামী স্ত্রী
কাহারো যতভেদ ছিল না—কারণ শ্রীপতির
বিশ্বাস তাঁহার অতিথি ছদ্মপাচিয়ে তাঁহার
স্রীকে এতদিন প্রতারণা করিয়াছে এবং যোগ-
মায়ার বিশ্বাস সে কুলত্যাগিনী—তথাপি উপ-
স্থিত তর্কটা সম্বন্ধে উভয়ের কেহই হার মানিতে
চাহেন না।

উভয়ের কণ্ঠস্বর ক্রমেই উচ্চ হইয়া উঠিতে
লাগিল, ভুলিয়া গেলেন পাশের ঘরেই কাদম্বিনী
গুইয়া আছে।

একজন বলেন “ভাল বিপদেই পড়া গেল!
আমি নিজের কাণে শুনিয়া আসিলাম!”

আর একজন দৃঢ়স্বরে বলেন “সে কথা
বলিলে মানিব কেন, আমি নিজের চক্ষু
দেখিতেছি!”

অবশেষে যোগমায়া জিজ্ঞাসা করিলেন
“আচ্ছা কাদম্বিনী কবে মারল বল দেখি।”

ভাবিলেন, কাদম্বিনীর কোন একটা চিঠির
তারিখের সহিত অনৈক্য বাহির করিয়া
শ্রীপতির ভ্রম সপ্রমাণ করিয়া দিবেন।

শ্রীপতি যে তারিখের কথা বলিলেন,
উভয়ে হিসাব করিয়া দেখিলেন, যেদিন সন্ধ্যা-
বেলায় কাদম্বিনী তাঁহাদের বাড়িতে আসে সে
তারিখ ঠিক তাহার পূর্বের দিনেই পড়ে!
শুনিবামাত্র যোগমায়ার বুকটা হঠাৎ কাঁপিয়া
উঠিল, শ্রীপতিরও কেমন একরকম বেদ
হইতে লাগিল।

এমন সময়ে তাঁহাদের ঘরের দ্বার খুলিয়া

গেল, একটা বাদলার বাতাস আসিয়া
প্রদীপটা ফস্ করিয়া নিখিয়া গেল। বাহি-
রের অন্ধকার প্রবেশ করিয়া এক মুহূর্তে সমস্ত
ঘরটা আগাগোড়া ভারিয়া গেল। কাদম্বিনী
একেবারে ঘরের ভিতরে আসিয়া দাঁড়াইল।
তখন রাত্রি আড়াই প্রহর হইয়া গিয়াছে,
বাহিরে অবিশ্রাম বৃষ্টি পড়িতেছে।

কাদম্বিনী বহিল “সই, আমি তোমার
সেই কাদম্বিনী, কিন্তু এখন আমি আর বাঁচিব
নাই। আমি মরিয়া আছি।”

যোগমায়া ভয়ে চীৎকার করিয়া উঠিলেন
—শ্রীপতির বাক্যক্ষুণ্ণ হইল না।

“কিন্তু আমি মরিয়াছি ছাড়া তোমাদের
কাছে আর কি অপরাধ করিয়াছি! আমার
যদি ইহলোকেও স্থান নাই, পরলোকেও স্থান
নাই—ওগো, আমি তবে কোথায় যাইব।”
তীব্রকণ্ঠে চীৎকার করিয়া যেন এই গভীর
বধানিশীথে স্তম্ভ বিদ্যাতাকে জাগ্রত করিয়া
জিজ্ঞাসা করিল ওগো, আমি তবে কোথায়
যাব!”—

এই বলিয়া মূর্ছিত দম্পতিকে অন্ধকার
ঘরে ফেলিয়া বিষজগতে কাদম্বিনী আপনার
স্থান খুঁজিতে গেল।

পঞ্চম পরিচ্ছেদ।

—:~::~:—

কাদম্বিনী যে কেমন করিয়া রাণীহাটে
ফিরিয়া গেল তাহা বলা কঠিন। কিন্তু প্রথমে
কাহাকেও দেখা দিল না। সমস্ত দিন অনাহারে
একটা ভাঙ্গা পোড়ো মন্দিরে যাপন করিল।

দর্বার অকাল সন্ধ্যা যখন অত্যন্ত ঘন হইয়া
আসিল এবং আসন্ন দুর্ঘ্যোগের আশঙ্কায় গ্রামের
লোকেরা ব্যস্ত হইয়া আপন আপন গৃহ আশ্রয়

করিল তখন কাদম্বিনী পথে বাহির হইল। শব্দ-
বাড়ির দ্বারে গিয়া একবার তাহার হৃৎকম্প
উপস্থিত হইয়াছিল, কিন্তু মস্ত ঘোমটা টানিয়া
যখন ভিতরে প্রবেশ করিল দাসীভ্রমে দ্বারীরা
কোনরূপ বাধা দিল না। এমন সময় বৃষ্টি খুব
চাপিয়া আসিল, বাতাসও বেগে বহিতে লাগিল।

তখন বাড়ির গৃহিণী শারদাশঙ্করের স্ত্রী
তাঁহার বিধবা ননদের সহিত তাস খেলিতে-
ছিলেন। ঝি ছিল রান্নাঘরে, এবং পীড়িত
খোকা জরের উপশমে শয়নগৃহে বিছানায়
ঘুমাইতেছিল। কাদম্বিনী সকলের চক্ষু এড়া-
ইয়া সেই ঘরে গিয়া প্রবেশ করিল। সে যে
কি ভাবিয়া শব্দবাড়ি আসিয়াছিল জানি না,
সে নিজেও জানে না, কেবল এইটুকু জানে যে
একবার খোকাকে চক্ষে দেখিয়া যাইবার ইচ্ছা।
তাঁহার পর কোথায় যাইবে কি হইবে, সে কথা
সে ভাবেও নাই।

দীপালোকে দেখিল রুগ্ন শীর্ণ খোকা হাত
মুঠা করিয়া ঘুমাইয়া আছে। দেখিয়া উত্তপ্ত
হৃদয় যেন তুষাতুর হইয়া উঠিল—তাঁহার সমস্ত
বাল্যই লইয়া তাহাকে একবার বুকে না
চাপিয়া ধরিলে কি বাঁচা যায়! আর, তাঁহার
পর মনে পড়িল, আমি নাই, ইহাকে দেখিবার
কে আছে! ইহার মা সঙ্গ ভালবাসে, গল্প
ভালবাসে, খেলা ভালবাসে, এতদিন আমার
হাতে ভার দিয়াই সে নিশ্চিন্ত ছিল, কখন
তাহাকে ছেলে মানুষ করিবার কোন দায়
পোহাইতে হয় নাই। আজ ইহাকে কে
তেমন করিয়া বল করিবে!—

এমন সময় খোকা হঠাৎ পাশ ফিরিয়া
অর্ধনিদ্রিত অবস্থায় বলিয়া উঠিল—“কাকীমা,
জল দে।”—আ মরিয়া যাই! সোণা আমার,
তোমর কাকীমাকে এখনো ভুলিস নাই। তাড়া-
তাড়ি কুঁজা হইতে জল পড়াইয়া লইয়া

খোকাকে বুকের উপর তুলিয়া কাদম্বিনী
তাহাকে জল পান করাইল।

যতক্ষণ ঘুমের ঘোর ছিল, চিত্তাভ্যাসমত
কাকীমার হাত হইতে জল খাইতে খোকার
কিছুই আশ্চর্য বোধ হইল না। অবশেষে
কাদম্বিনী যখন বহুকালের আকাঙ্ক্ষা মিটাইয়া
তাঁহার মুখচুষন করিয়া তাহাকে আবার
শুয়াইয়া দিল, তখন তাঁহার ঘুম ভাঙ্গিয়া গেল,
এবং কাকীমাকে জড়াইয়া ধরিয়া জিজ্ঞাসা
করিল, “কাকীমা, তুই মরে’ গিয়েছিলি?”
কাকীমা কহিল “হাঁ খোকা!”

“আবার তুই খোকায় কাছে ফিরে এসে
ছিস? আর তুই মরে’ যাবিনে?”

ইহার উত্তর দিবার পূর্বেই একটা গোল
বাধিল—ঝি এক বাটি সাগু হাতে করিয়া ঘরে
প্রবেশ করিয়াছিল, হঠাৎ বাটি ফেলিয়া মাগো
বলিয়া আছাড় খাইয়া পড়িয়া গেল।

চীৎকার শুনিয়া তাস ফেলিয়া গিন্নি ছুটিয়া
আসিলেন, ঘরে চুকিতেই তিনি একেবারে
কাঠের মত হইয়া গেলেন, পালাইতেও পারি-
লেন না, মুখ দিয়া একটি কথাও সরিল না!

এই সকল ব্যাপার দেখিয়া খোকায়ও মনে
ভয়ের সঞ্চার হইয়া উঠিল—সে, কাদিয়া বলিয়া
উঠিল —“কাকীমা, তুই যা!”

কাদম্বিনী অনেক দিন পরে আজ অমুভব
করিয়াছে যে সে মরে নাই—সেই পুরাতন
ঘর দ্বার, সেই সমস্ত, সেই খোকা, সেই স্নেহ,
তাঁহার পক্ষে সমান জীবন্ত ভাবেই আছে,
মধ্যে কোন বিচ্ছেদ কোন ব্যবধান জন্মায় নাই।
সইয়ের বাড়ি গিয়া অমুভব করিয়াছিল বাল্য-
কালের সে সই মরিয়া গিয়াছে—খোকায় ঘরে
আসিয়া বুঝিতে পারিল, খোকায় কাকীমা ত
এক তিলও মরে নাই।

ব্যাকুল ভাবে কহিল, “দিদি, তোমরা

আমাকে দোষিয়া কেন ভয় পাইতেছ ! এই দেখ, আমি তোমাদের সেই তেমনি আছি ।”

গিন্নি আর দাঁড়াইয়া থাকিতে পারিলেন না, মূর্ছিত হইয়া পড়িয়া গেলেন

ভয়ীর কাছে সংবাদ পাইয়া শারদাশঙ্কর বাবু স্বয়ং অন্তঃপুরে আসিয়া উপস্থিত হইলেন—তিনি যোড়হস্তে কাদম্বিনীকে কহিলেন “ছোট বোমা, এই কি তোমার উচিত হয় । সতীশ আমার বংশের একমাত্র ছেলে, উহার প্রতি তুমি কেন দৃষ্টি দিতেছ ? আমরা কি তোমার পর ? তুমি যাওয়ার পর হইতেও প্রতিদিন শুকাইয়া যাইতেছে উহার ব্যামো আর ছাড়ে না, দিনরাত কেবল কাকীমা কাকীমা করে ।—যখন সংসার হইতে বিদায় লইয়াছ তখন এ মায়াবন্ধন ছিড়িয়া যাও—আমরা তোমার যথোচিত সংকার করিব !”—

তখন কাদম্বিনী আর সহিতে পারিল না, ভীতকণ্ঠে বলিয়া উঠিল “ওগো, আমি মরি নাই গো মরি নাই ! আমি কেমন করিয়া তোমাদের বুঝাইব আমি মরি নাই ! এই দেখ আমি বাঁচিয়া আছি !”

বলিয়া কাঁসার বাটিটা ভূমি হইতে তুলিয়া, কপালে আঘাত করিতে লাগিল, কপাল ফাটিয়া রক্ত বাহির হইতে লাগিল ।

তখন বলিল “এই দেখ, আমি বাঁচিয়া আছি !”

শারদাশঙ্কর মূর্তির মত দাঁড়াইয়া রহিলেন—খোঁকা ভয়ে বাবাকে ডাকিতে লাগিল, দুই মূর্ছিতা রমণী মাটিতে পড়িয়া রহিল !

তখন কাদম্বিনী “ওগো আমি মরি নাই গো মরি নাই গো মরি নাই”—বলিয়া চীৎকার করিয়া ধর হইতে বাহির হইয়া সিঁড়ি বাহিয়া নামিয়া অন্তঃপুরের পুষ্করিণীর জলের মধ্যে গিয়া পড়িল । শারদাশঙ্কর উপরের ঘর হইতে

তনিতে পাইলেন ঝপাসু করিয়া একটা শব্দ হইল ।

সমস্ত রাত্রি বৃষ্টি পড়িতে লাগিল, তাহার পরদিন সকালেও বৃষ্টি পড়িতেছে—মধ্যাহ্নেও বৃষ্টির বিরাম নাই । কাদম্বিনী মরিয়া প্রমাণ করিল সে মরে নাই ।

ডিটেক্টিভ্‌ ।

আমি পুলিশের ডিটেক্টিভ্‌ ক চারী । আমার জীবনে দুটিমাত্র লক্ষ্য ছিল—আমার স্ত্রী এবং আমার ব্যবসায় । পূর্বে একায়বর্তী পরিবারের মধ্যে ছিলাম—সেখানে আমার স্ত্রীর প্রতি সমাদরের অভাব হওয়াতেই আমি দাদার সঙ্গে ঝগড়া করিয়া বাহির হইয়া আসি । দাদাই উপার্জন করিয়া আমাকে পালন করিতেছিলেন—অতএব সহসা স্ত্রীকর্তার আশ্রয় ভ্যাগ করিয়া আসা আমার পক্ষে দুঃসাহসের কাজ হইয়াছিল ।

বিস্ত কখনো নিজের উপরে আমার বিশ্বাসের ক্রটি ছিল না । আমি নিশ্চয় জানিতাম, সন্দরী স্ত্রীকে যেমন বশ কারিয়াছি বিমুখ অদৃষ্টলক্ষ্মীকেও তেমনি বশ করিতে পারিব । মহিমচক্র এ সংসারে পশ্চাতে পড়িয়া থাকিবে না ।

পুলিস বিভাগে সামান্তভাবে প্রবেশ করিলাম, অবশেষে ডিটেক্টিভ্‌ পদে উত্তীর্ণ হইতে অধিক বিলম্ব হইল না ।

উজ্জল শিখা হইতেও যেমন কঙ্কলপাত

হয় তেমনি আমার জীব প্রেম হইতেও ঈর্ষ্যা এবং সন্দেহের কালিমা বাহির হইত। সেটোতে আমার কিছু কাজের ব্যাঘাত করিত ;—কারণ পুলিসের কর্মে স্থানাস্থান কালাকাল বিচার করিলে চলে না—বয়স্ক স্থানের অপেক্ষা অস্থান এবং কালের অপেক্ষা অকালটারই চর্চা অধিক করিয়া করিতে হয়—তাহাতে করিয়া আমার জীব স্বভাবসিদ্ধ সন্দেহ আরো যেন ছর্মিবার হইয়া উঠিত। সে আমাকে ভয় দেখাইবার জন্ত বলিত, তুমি এমন যখন তখন যেখানে সেখানে ষাপন কর, কালে জন্মে আমার সন্দেহ দেখা হয়—আমার জন্ত তোমার আশঙ্কা হয় না!—আমি তাহাকে বলিতাম, সন্দেহ করা আমাদের ব্যবসায়, সেই কারণে ঘরের মধ্যে সেটাকে আর আনি না।

জীব বলিত—সন্দেহ করা আমার ব্যবসায় নহে উহা আমার স্বভাব—আমাকে তুমি লেশ মাত্র সন্দেহের কারণ দিলে আমি সব করিতে পারি।

ডিটেক্টিভ লাইনে আমি সকলের সেরা হইব, একটা নাম রাখিব এ প্রতিজ্ঞা আমার দৃঢ় ছিল। এ সম্বন্ধে যত কিছু বিবরণ এবং গল্প আছে তাহার কোনটাই পড়িতে বাকী রাখি নাই। কিন্তু পড়িয়া কেবল মনের অসন্তোষ এবং অধীরতা বাড়িতে লাগিল।

কারণ, আমাদের দেশের অপরাধীগণা ভীক এবং নিরোধ, অপরাধগণা নিরাজীব এবং সরল—তাহার মধ্যে দুর্ভেদ্যতা দুর্গমতা কিছুই নাই। আমাদের দেশের খুনী নররক্তপাতের উৎকট উদ্ভেজনা কোন মতেই নিজের মধ্যে সঞ্চার করিতে পারে না। জাগিয়া যে জাল বিস্তার করে তাহাতে অনতিবিলম্বে নিজেই আপাদ মস্তক জড়াইয়া পড়ে—অপরাধবৃহ

হইতে নির্গমের কূটকৌশল সে কিছুই জানে না। এমন নিরাজীব দেশে ডিটেক্টিভের কাজে সুখও নাই গৌরবও নাই।

বড়বাজারের মাড়োয়ারী জুয়াচোরকে অনায়াসে গ্রেফতার করিয়া মনে মনে বলিয়াছি, “ওরে অপরাধিকুলকলক, পরের সর্কনাশ করা শুণী ওস্তাদলোকের কর্ম; তোম মত আনাড়ি নিরোধের সাধুতপস্বী হওয়া উচিত ছিল।” খুনীকে ধরিয়া তাহার প্রতি স্বপত উক্তি করিয়াছি,—“গবর্ণমেণ্টের সমুদ্রত ফাঁসিকাঠ কি তোদের মত গৌরববিহীন প্রাণীদের জন্ত হইয়াছিল—তোদের না আছে উদার কল্পনাশক্তি, না আছে কঠোর আত্মসংযম, তোরা বেটারা খুনী হইবার স্পর্ধা করিস্!”

আমি কল্পনাচক্ষে যখন লণ্ডন এবং প্যারিসের জনাকীর্ণ পথের দুই পাশে শীতবাপ্পাকুল অভ্রভেদী হর্ম্যশ্রেণী দেখিতে পাইতাম তখন আমার শরীর রোমাঞ্চিত হইয়া উঠিত। মনে মনে ভাবিতাম, এই হর্ম্যরাজি এবং পথ উপপথের মধ্য দিয়া যেমন জনশ্রোত, কর্মশ্রোত, উৎসবশ্রোত, সৌন্দর্য্যশ্রোত, অহরহ বাহিয়া যাইতেছে, তেমন সর্বত্রই হিংস্রকুটিল ক্রমকুঞ্চিত ভয়ঙ্কর অপরাধপ্রবাহ তলে তলে আপনার পথ করিয়া চলিয়াছে, তাহারই সামীপ্যে যুরোপীয় সামাজিকতার হাত্ত কৌতুক শিষ্টাচার এমন বিরাটভীষণ রমণীয়তা লাভ করিয়াছে। আর আমাদের কলিকাতার পথপার্শ্বের মুক্তবাস্তায়ন গৃহশ্রেণীর মধ্যে রান্নাবাটিনা, গৃহকার্য্য, পরীক্ষার পাঠ, ভাস দাবার বৈঠক, দাম্পত্য কলহ, বড় জোর, ভ্রাতৃবিচ্ছেদ এবং মকদ্দমার পরামর্শ ছাড়া বিশেষ কিছু নাই—কোন একটা বাড়ির দিকে চাহিয়া কখনো এ কথা মনে হয় না যে, হয়ত এই মুহূর্ত্তেই এই গৃহের কোন একটা কোণে সম-

তান মুখ শুভ্রিয়া বসিয়া আগনার কালো
কালো ভিম শুভ্রিতে তা দিতেছে।

আমি অনেক সময়ই রাস্তায় বাহির হইয়া
পাথকদের মুখ এবং চলনের ভাব পর্যবেক্ষণ
করিতাম—ভাবে ভঙ্গীতে যাহাদিগকে কিছুমাত্র
সন্দেহজনক বোধ হইয়াছে আমি অনেক
সময়ই গোপনে তাহাদের অনুসরণ করিয়াছি,
তাহাদের নাম ধাম ইতিহাস অনুসন্ধান করি-
য়াছি, অবশেষে পরম নৈরাশ্রের সহিত আবি-
ষ্কার করিয়াছি, তাহারা নিষ্কল ভাগমানুষ
লোক—এমন কি, তাহাদের আত্মীয় বান্ধ-
বেরাও তাহাদের সম্বন্ধে আড়ালে কোন প্রকার
শুক্রতর মিথ্যা অপবাদও প্রচার করে না।
পাথকদের মধ্যে সব চেয়ে যাহাকে পাষণ্ড
বলিয়া মনে হইয়াছে, এমন কি, যাহাকে
দেখিয়া নিশ্চয় মনে করিয়াছি যে, এইমাত্র সে
কোন একটা উৎকট দুর্ভাগ্য সাধন করিয়া
আসিয়াছে, সন্ধান করিয়া জানিয়াছি সে একটি
ছাত্রবৃত্তি স্কুলের দ্বিতীয় পণ্ডিত তখন অধ্যা-
পনকার্য সমাধা করিয়া বাড়ি ফিরিয়া আসি-
তেছে। এই সকল লোকেবাই অল্প কোন
দেশে জন্মগ্রহণ করিলে বিখ্যাত চোর ডাকাত
হইয়া উঠিতে পারিত, কেবলমাত্র যথোচিত
জীবনীশক্তি এবং যথেষ্ট পরিমাণ পৌরুষের
অভাবেই আমাদের দেশে ইহারা কেবল
পণ্ডিতী করিয়া বৃদ্ধবয়সে পেশন লইয়া
মরে;—বহু চেষ্টি ও সন্ধানের পর এই দ্বিতীয়
পণ্ডিতটার নিরীহতার প্রতি আমার মেরুপ
সুগভীর অশ্রদ্ধা জন্মিয়াছিল কোন অতি ক্ষুদ্র
ঘটিবাটিচোরের প্রতি তেমন হয় নাই।

অবশেষে একদিন সন্ধ্যাবেলায় আমাদেরই
ধাসার অনতিদূরে একটি গ্যাস্‌পোষ্টের নীচে
একটা মানুষ দেখিলাম, বিনা আবশ্যকে সে
উৎসুক ভাবে এই স্থানে ঘুরিতেছে ফিরি-

তেছে।—তাহাকে দেখিয়া আমার সন্দেহ মাত্র
রহিল না যে, সে একটি কোন গোপন ছুরভি-
স্কির পশ্চাতে নিযুক্ত রহিয়াছে। নিজে
অন্ধকারে প্রচ্ছন্ন থাকিয়া তাহার চেহারাখানা
বেশাভাল করিয়া দেখিয়া লইলাম—তরুণ বয়স,
দেখিতে সুশ্রী;—আমি মনে মনে কহিলাম,
দুর্ভাগ্য করিবার এই ত ঠিক উপযুক্ত চেহারা;
নিজের মুখশ্রীই যাহাদের সর্বপ্রধান বিরুদ্ধ
সাক্ষী, তাহারা যেন সর্বপ্রকার অপরাধের
কাজ সর্বপ্রযত্নে পরিহার করে;—সৎকার্য
করিয়া তাহারা নিষ্কল হইতে পারে কিন্তু
দুর্ভাগ্য দ্বারা সফলতা লাভও তাহাদের পক্ষে
হুয়াশ। দেখিলাম ছোকরাটির চেহারাটাই
ইহার সর্বপ্রধান বাহাদরী—সেজন্ত আমি
মনে মনে অনেকক্ষণ ধরিয়া তাহার তর্কিত
করিলাম—বলিলাম, ভগবান তোমাকে যে
হুল্লভ সুবিধাটি দিয়াছেন সেটাকে রীতিমত
কাজে খাটাইতে পার, তবে ত বলি সাবাস!

আমি অন্ধকার হইতে তাহার সম্মুখে
আসিয়াই পৃষ্ঠে চপেটাঘাত পূর্বক বলিলাম,
এই যে ভাল আছেন ত? সে তৎক্ষণাৎ প্রবল
মাত্রায় চমকিয়া উঠিয়া একেবারে ক্যাকাসে
হইয়া উঠিল। আমি কহিলাম, “মাপ করিবেন
ভুল হইয়াছে, হঠাৎ আপনাকে অন্তলোক
ঠাণ্ডরাইয়াছিলাম!” মনে মনে করিলাম কিছু-
মাত্র ভুল করি নাই, যাহা ঠাণ্ডরাইয়াছিলাম
তাই বটে! কিন্তু এতটা অধিক চমকিয়া
ওঠা তাহার পক্ষে অল্পযুক্ত হইয়াছিল—
ইহাতে আমি কিছু ক্ষুণ্ণ হইলাম; নিজের শরী-
রের প্রতি তাহার আরো অধিক দখল থাকা
উচিত ছিল; কিন্তু শ্রেষ্ঠতার সম্পূর্ণ আদর্শ অপ-
রাধীশ্রেণীর মধ্যে বিরল। চোরকেও সেরা
চোর করিয়া তুলিতে প্রকৃতি কৃপণতা করিয়া
থাকে!

অন্তরালে আসিয়া দেখিলাম, সে ত্রস্তভাবে গ্যাস্‌পোষ্ট ছাড়িয়া চলিয়া গেল, পিছনে পিছনে গেলাম, দেখিলাম, ছোকরাটি গোলদীঘির মধ্যে প্রবেশ করিয়া পুষ্করিণীতীরে তৃণশয্যার উপর চীৎ হইয়া শুইয়া পড়িল ;—আমি ভাবিলাম, উপায় চিন্তার এ একটা স্থান বটে, গ্যাস্‌পোষ্টের তলদেশের অপেক্ষা অনেকাংশে ভাল,—লোকে যদি কিছু সন্দেহ করে ত বড় জোর এই ভাবিতে পারে যে, ছোকরাটি অন্ধকার আকাশে প্রেয়সীর মুখচন্দ্র অঙ্কিত করিয়া কৃষ্ণপক্ষ রাত্রির অভাব পূরণ করিতেছে। ছেলেটির প্রতি উত্তরোত্তর আমার চিন্ত আকৃষ্ট হইতে লাগিল।

অনুসন্ধান করিয়া তাহার বাসা জানিলাম। মন্থ তাহার নাম—সে কালেজের ছাত্র, পরীক্ষা ফেলু করিয়া গ্রীষ্মাবকাশে ঘুরিয়া ঘুরিয়া বেড়াইতেছে, তাহার বাসার সহবাসী ছাত্রগণ সকলেই আপন আপন বাড়ি চলিয়া গেছে। দীর্ঘ অবকাশকালে সকল ছাত্রই বাসা ছাড়িয়া পালায়—এই লোকটিকে কোন ছুট্‌গ্রহ ছুটি দিতেছে না, সেটা বাহির করিতে কৃত-সঙ্কল্প হইলাম।

আমিও ছাত্র সাজিয়া তাহার বাসার এক অংশ গ্রহণ করিলাম। প্রথম দিন যখন সে আমাকে দেখিল কেমন এক রকম করিয়া সে আমার মুখের দিকে চাহিল, তাহার ভাবটা ভাল বুঝিলাম না। যেন সে বিস্মিত, যেন সে আমার অভিশ্রায় বুঝিতে পারিয়াছে—এমনি একটা ভাব। বুঝিলাম, শিকারীর উপযুক্ত শিকার বটে—ইহাকে সোজা ভাবে ফসু করিয়া কায়দা করা যাইবে না।

অথচ যখন তাহার সহিত প্রণয়বন্ধনের চেষ্টা করিলাম, তখন সে ধরা দিতে কিছুমাত্র দ্বিধা করিল না। কিন্তু মনে হইল সেও

আমাকে স্তম্ভীকৃত দৃষ্টিতে দেখে, সেও আমাকে চিনিতে চায়। মন্থ্যচরিত্রের প্রতি এইরূপ সদাসতর্ক সজাগ কোতূহল—ইহা ওস্তাদের লক্ষণ। এত অল্প বয়সে এতটা চাতুরী দেখিয়া বড় খুসি হইলাম।

মনে ভাবিলাম, মাঝখানে একজন রমণী না আনিলে এই অসাধারণ অকালধূর্ত ছেলেটির হৃদয়দ্বার উদঘাটন করা সহজ হইবে না।

একদিন গদগদকণ্ঠে মন্থকে বলিলাম, ভাই, একটি জ্বীলোককে আমি ভালবাসি, কিন্তু সে আমাকে ভালবাসে না।

প্রথমটা সে যেন কিছু চকিতভাবে আমার মুখের দিকে চাহিল, তাহার পর ঈষৎ হাসিয়া কহিল—এরূপ হৃর্ব্যোগ বিরল নহে। এই প্রকার মজা করিবার জন্তই কোতুকপূর্ণ বিধাতা নরনারীর প্রভেদ করিয়াছেন।

আমি কহিলাম, তোমার পরামর্শ ও সাহায্য চাহি।—সে সন্মত হইল।

আমি বানাইয়া বানাইয়া অনেক ইতিহাস কহিলাম—সে সাগ্রহে কোতূহলে সমস্ত কথা শুনিল—কিন্তু অধিক কথা কহিল না। আমার ধারণা ছিল, ভালবাসার—বিশেষতঃ গহিত ভালবাসার—ব্যাপার প্রকাশ করিয়া বলিলে মানুষের মধ্যে অন্তরঙ্গতা দ্রুত বাড়িয়া উঠে—কিন্তু বর্তমান ক্ষেত্রে তাহার কোন লক্ষণ দেখা গেল না—ছোকরাটি পূর্বাপেক্ষা যেন চুপ মারিয়া গেল—অথচ সকল কথা মনে গাঁথিয়া লইল। ছেলেটির প্রতি আমার ভক্তির সীমা রহিল না।

এদিকে মন্থ প্রত্যহ গোপনে দ্বার রোধ করিয়া কি করে—এবং তাহার গোপন অভিশ্রয় কিরূপে কতদূর অগ্রসর হইতেছে আমি তাহার ঠিকানা করিতে পারিলাম না—অথচ অগ্রসর হইতেছিল সন্দেহ নাই। কি একটা

নিগূঢ় ব্যাপারে সে ব্যাপৃত আছে এবং সম্প্রতি সেটা অত্যন্ত পরিপক্ব হইয়াছে তাহা এই নবযুবকটির মুখ দেখিবামাত্র বুঝা যাইত। আমি গোপন চাবিতে তাহার ডেস্ক খুলিয়া দেখিয়াছি, তাহাতে একটা অত্যন্ত দুর্লভ কবিতার খাতা, কলেজের বক্তৃতার নোট এবং বাড়ির লোকের গোটাকতক অকিঞ্চিৎকর চিঠি ছাড়া আর কিছুই পাওয়া যায় নাই। কেবল, বাড়ির চিঠি হইতে এই প্রমাণ হইয়াছে যে, বাড়ি ফিরিবার জন্ত আত্মীয় স্বজন বারংবার প্রবল অনুরোধ করিয়াছে—তথাপি, তৎসঙ্গেও বাড়ি না যাইবার একটা সঙ্গত কারণ অবশ্য আছে—সেটা যদি ত্রায়সঙ্গত হইত তবে নিশ্চয় এতদিনে কথায় কথায় ফাঁস হইত, কিন্তু তাহার সম্পূর্ণ বিপরীত হইবার সম্ভাবনা থাকাতো এই ছোকরাটির গতিবিধি এবং ইতিহাস আমার কাছে এমন নিরতিশয় ঔৎসুক্যজনক হইয়াছে;—যে অসামাজিক মনুষ্য সম্প্রদায় পাতালতলে সম্পূর্ণ আত্মগোপন করিয়া এই বৃহৎ মনুষ্য সমাজকে সর্বদাই নীচের দিক হইতে দোলায়মান করিয়া রাখিয়াছে, এই বালকটি সেই বিশ্বব্যাপী বহু পুরাতন বৃহৎজাতির একটি অঙ্গ; এ সামান্য একজন স্কুলের ছাত্র নহে—এ জগৎবন্ধুঃবিহারিণী সর্বনাশিনীর একটি প্রলয় সহচর—আধুনিক কালের চস্মাপরা নিরীহ বাঙ্গালী ছাত্রের বেশে কালেজে পাঠ অধ্যয়ন করিতেছে—মুগ্ধধারী কাপালিক বেশে ইহার ভৈরবতা আমার নিকট আরও ভৈরবতর হইত না;—আমি ইহাকে ভক্তি করি।

অবশেষে সশরীরে রমণীয় অবতারণা করিতে হইল। পুলিশের বেতনভোগী হরিমতি আমার সহায় হইল। মন্থকে জানাইলাম আমি এই হরিমতির হতভাগ্য প্রাণমা-

কাজী ইহাকে লক্ষ্য করিয়াই আমি কিছু দিন গোলন্দীঘির ধারে মন্থের পার্শ্বচর হইয়া “আবার গগনে কেন সুধাংশু উদয়রে” কবিতাটি বারংবার আবৃত্তি করিলাম—এবং হরিমতিও কতকটা অন্তরের সহিত, কতকটা লীলা সহকারে জানাইল যে তাহার চিত্ত সে মন্থকে সমর্পণ করিয়াছে—কিন্তু আশানুরূপ ফল হইল না—মন্থ সুদূর নিলিপ্ত অবিচলিত কোতুহলের সহিত সমস্ত পর্যবেক্ষণ করিতে লাগিল।

এমন সময় একদিন মধ্যাহ্নে তাহার ঘরের মেজেতে একখানি চিঠির গুটিকতক ছিন্নাংশ কুড়াইয়া পাইলাম। যোড় দিয়া দিয়া এই অসম্পূর্ণ বাক্যটুকু আদায় করিলাম “আজ সন্ধ্যা সাতটার সময় গোপনে তোমার বাসায়”—অনেক খুঁজিয়া আর কিছু বাহির করিতে পারিলাম না।

আমার অন্তঃকরণ পুলকিত হইয়া উঠিল;—মাটির মধ্য হইতে কোন বিলুপ্তবংশ প্রাচীন প্রাণীর একখণ্ড হাড় পাইলে প্রত্নজীবতত্ত্ববিদের কল্পনা যেমন মহানন্দে সজাগ হইয়া উঠে আমারও সেই অবস্থা হইল।

আমি জানিতাম আজ রাত্রি দশটার সময় আমাদের বাসায় হরিমতির আবির্ভাব হইবার কথা আছে—ইতিমধ্যে সন্ধ্যা সাতটার সময় ব্যাপার না কি? ছেলেটির যেমন সাহস তেমনি ভীক্স বুদ্ধি। যদি কোনও গোপন অপরাধের কাজ করিতে হয় তবে ঘরে যেদিন কোন একটা বিশেষ হাঙ্গামা আছে সেই দিন অবকাশ বুঝিয়া করা ভাল! প্রথমতঃ প্রধান ব্যাপারের দিকে সকলের দৃষ্টি আকৃষ্ট থাকে দ্বিতীয়তঃ যেদিন যেখানে কোন বিশেষ সমাগম আছে সেদিন সেখানে কেহ ইচ্ছাপূর্বক কোন গোপন ব্যাপারের অনুষ্ঠান করিবে ইহা কেহ সম্ভব মনে করে না।

হঠাৎ আমার সন্দেহ হইল যে, আমার সহিত এই নৃতন বন্ধু এবং হরিমতির সহিত এই প্রেমাভিনয় ইহাকেও মন্থ আপন কার্য-সিদ্ধির উপায় করিয়া লইয়াছে ;—এই জন্তই সে আপনাকে ধরাও দেয় না আপনাকে ছাড়াইয়াও লয় না। আমরা তাহাকে তাহার গোপন কার্য হইতে আড়াল করিয়া রাখিয়াছি—সকলেই মনে করিতেছে সে আমাদের লইয়াই ব্যাপৃত রহিয়াছে—সেও সে ভ্রম দূর করিতে চায় না।

তর্কশূলা একবার ভাবিয়া দেখ। যে বিদেশী ছাত্র ছুটির সময় আত্মীয় স্বজনের অন্ননয় বিনয় উপেক্ষা করিয়া শূন্যবাসায় একলা পড়িয়া থাকে,—নির্জন স্থানে তাহার বিশেষ প্রয়োজন আছে এ বিষয়ে কাহারও সংশয় থাকিতে পারে না—অথচ আমি তাহার বাসায় আসিয়া তাহার নির্জনতা ভঙ্গ করিয়াছি, এবং একটা রমণীর অবতারণা করিয়া নৃতন উপ-দ্রব সৃজন করিয়াছি ;—কিন্তু ইহা সত্ত্বেও সে বিরক্ত হয় না, বাসা ছাড়ে না। আমাদের সঙ্গ হইতে দূরে থাকে না—অথচ হরিমতি অথবা আমার প্রতি তাহার তিলমাত্র আসক্তি জন্মে নাই ইহা নিশ্চয় সত্য ;—এমন কি, তাহার অসতর্ক অবস্থায় বাবংবার লক্ষ্য করিয়া দেখিয়াছি, আমাদের উভয়ের প্রতি তাহার একটা আন্তরিক ঘৃণা ক্রমেই যেন প্রবল হইয়া উঠিতেছে।

ইহার একমাত্র তাৎপর্য এই যে, সজনতার সাফাইটুকু রক্ষা করিয়া নির্জনতার সুবিধাটুকু ভোগ করিতে হইলে আমার মত নবপরিচিত লোককে নিকটে রাখা সর্বাপেক্ষা সঙ্গপায় ;—এবং কোন বিষয়ে একান্তমনে লিপ্ত হওয়ার পক্ষে রমণীর মত এমন সহজ ছুতা আর কিছু নাই। ইতিপূর্বে মন্থের আচরণ যেরূপ নিরর্থক

এবং সন্দেহজনক ছিল, আমাদের আগমনের পর তাহা সম্পূর্ণ লোপ হইল। কিন্তু এতটা দূরের কথা মুহূর্তের মধ্যে বিচার করিয়া দেখিতে পারে, এত বড় মংলবী লোক যে আমাদের বাঙ্গালা দেশে জন্মগ্রহণ করিতে পারে ইহা চিন্তা করিয়া আমার হৃদয় উৎসাহে পূর্ণ হইয়া উঠিল। মন্থ কিছু যদি মনে না করিত তবে আমি বোধ হয় তাহাকে ছুই হাতে বন্ধে চাপিয়া ধরিতে পারিতাম।

সেদিন মন্থের সঙ্গে দেখা হইবামাত্র তাহাকে বলিলাম, আজ তোমাকে সন্ধ্যা সাত-টার সময় হোটেলে খাওয়াইব সঙ্কল্প করিয়াছি। শুনিয়া সে একটু চমকিয়া উঠিল—পরে আত্ম-সম্বরণ করিয়া কহিল ভাই মাপ কর, আমার পাক্ষত্বের অবস্থা আজ বড় শোচনীয়।—হোটেলের খানায় মন্থের কখনো কোন কারণে অনভিক্রটি দেখি নাই,—আজ তাহার অন্তরিক্রিয় নিশ্চয়ই নিতান্তই দুর্ভাগ্য অবস্থায় উপনীত হইয়াছে।

সেদিন সন্ধ্যার পূর্বভাগে আমার বাসায় থাকিবার কথা ছিল না। কিন্তু আমি সেদিন গায়ে পড়িয়া নানা কথা পাড়িয়া বৈকালের দিকে কিছুতেই আর উঠিবার গা করিলাম না। মন্থ মনে মনে অস্থির হইয়া উঠিতে লাগিল, আমার সকল মতের সত্ত্বেই সে সম্পূর্ণ সম্মতি প্রকাশ করিল, কোন তর্কের কিছুমাত্র প্রতিবাদ করিল না। অবশেষে ঘড়ির দিকে দৃষ্টিপাত করিয়া ব্যাকুলচিত্তে উঠিয়া দাঁড়াইয়া কহিল—হরিমতিকে আজ আনিতে যাইবে না ?—আমি সচকিতভাবে কহিলাম—হাঁ, হাঁ, সে কথা ভুলিয়া গিয়াছিলাম। তুমি ভাই আহালাদি প্রস্তুত করিয়া রাখ, আমি ঠিক সাড়ে দশটা রাত্রে তাহাকে এখানে আনিয়া উপস্থিত করিব।” এই বলিয়া চলিয়া গেলাম।

আনন্দের নেশা আমার সর্কশরীরের রক্তের মধ্যে সঞ্চার করিতে লাগিল। সন্ধ্যা সাত ঘটিকার প্রতি মন্থনের বে প্রকার ওৎসুক্য দেখিলাম আমার ওৎসুক্য তদপেক্ষা অল্প ছিল না;—আমি আমাদের বাসার অনতিদূরে প্রেছন্ন থাকিয়া প্রেরদীপমাংগমোৎকষ্ঠিত প্রণয়ীর স্নায় মুহুমুহু ঘড়ি দেখিতে লাগিলাম। গোধূলির অন্ধকার ঘনীভূত হইয়া যখন রাজপথে গ্যাস আলিবার সময় হইল এমন সময় একটি রুদ্ধদ্বার পাকী আমাদের বাসার মধ্যে প্রবেশ করিল। ঐ আচ্ছন্ন পাকীটির মধ্যে একটি অশ্রুসিক্ত অবশুষ্টিত পাপ একটি মূর্ত্তিমতী টাজিডি কলেজের ছাত্রনিবাসের মধ্যে গুটিকতক উড়ে বেহারার স্বন্ধে চাপিয়া সমুচ্চ হাঁই-হুঁই শব্দে অত্যন্ত অনায়াসে সহজভাবে প্রবেশ করিতেছে কল্পনা করিয়া আমার সর্কশরীরে অপূর্ব পুলক সঞ্চার হইল।

আমি আর অধিক বিলম্ব করিতে পারিলাম না। অনতিকাল পরে ধীরে ধীরে সিঁড়ি বাহিয়া দোতলায় উঠিলাম। ইচ্ছা ছিল গোপনে লুকাইয়া দেখিয়া শুনিয়া লইব—কিন্তু তাহা ঘটিল না; কারণ, সিঁড়ির সম্মুখবর্তী ঘরেই সিঁড়ির দিকে মুখ করিয়া মন্থ বসিয়াছিল—এবং গৃহের অপর প্রান্তে বিপরীতমুখে একটি অবশুষ্টিতা নারী বসিয়া মূহুরের কথা কহিতেছিল। যখন দেখিলাম, মন্থ আমাকে দেখিতে পাইয়াছে, তখন দ্রুত ঘরের মধ্যে প্রবেশ করিয়াই বলিলাম, “ভাই আমার ঘড়িটা ঘরে ফেলিয়া আসিয়াছি, তাই লইতে আসিলাম।” মন্থ এমনি অভিভূত হইয়া পড়িল যে, বোধ হইল যেন তখন সে মাটিতে পড়িয়া যাইবে। আমি কৌতুক এবং আনন্দে নিরতিশয় ব্যগ্র হইয়া উঠিলাম, “ভাই, তোমার অস্বখ করিয়াছে না কি?” সে কোন উত্তর

দিতে পারিল না। তখন সেই কাষ্ঠপুস্তলিকাব্যৎ আড়ষ্ট অবশুষ্টিত নারীর দিকে ফিরিয়া জিজ্ঞাসা করিলাম, “আপনি মন্থের কে হন? কোন উত্তর পাইলাম না, কিন্তু দেখিলাম, তিনি মন্থের কেহই হন না, আমারই স্ত্রী হন! তাহার পর কি হইল সকলে জানেন!

এই আমার ডিটেক্টিভ পদের প্রথম চোর ধরা।—

আমি কিয়ৎক্ষণ পরে ডিটেক্টিভ মহিম-চন্দ্রকে কহিলাম, “মন্থের সহিত তোমার স্ত্রীর সম্বন্ধ সমাজ-বিরুদ্ধ না হইতেও পারে!”

মহিম কহিল—“না হইবারই সম্ভব। আমার স্ত্রীর বাল্য হইতে মন্থের এই চিঠিখানি পাওয়া গেছে।” বলিয়া একখানি চিঠি আমার হাতে দিল; সেখানি নিম্নে প্রকাশিত হইল।

স্মৃচরিতাসু,

হতভাগ্য মন্থের কথা তুমি বোধ করি এতদিনে ভুলিয়া গিয়াছ। বাল্যকালে যখন কাজিবাড়ির মাতুলালয়ে যাইতাম, তখন সর্কদাই সেখান হইতে তোমাদের বাড়ি গিয়া তোমার সহিত অনেক খেলা করিয়াছি। আমাদের সে খেলাঘর এবং সে খেলার সম্পর্ক ভাঙ্গিয়া গেছে। তুমি জান কি না বলিতে পারি না, এক মমম্ব দৈর্ঘ্যের বাঁধ ভাঙ্গিয়া এবং লজ্জার মাধা থাইয়া তোমার সহিত আমার বিবাহের সম্বন্ধ চেষ্টাও করিয়াছিলাম, কিন্তু আমাদের বয়স প্রায় এক বলিয়া উভয় পক্ষেরই কর্তারা কোন ক্রমে রাজি হইলেন না।

তাহার পর তোমার বিবাহ হইয়া গেলে চার পাঁচ বৎসর তোমার আর কোন সন্ধান পাই নাই। আজ পাঁচ মাস হইল তোমার স্বামী কলিকাতার পুলিশের কর্ম লইয়া সহরে বদলি হইয়াছেন খবর পাইয়া আমি তোমাদের বাসা সন্ধান করিয়া বাহির করিয়াছি।

তোমার সহিত সাক্ষাতের ছুরাশা আমার নাই, এবং অন্তর্ধ্যামী জানেন, তোমার গার্হস্থ্য-স্বথের মধ্যে উপদ্রবের মত প্রবেশলাভ করিবার ছুরভিসন্ধিও আমি রাখি না। সন্ধ্যার সময় তোমাদের বাসার সম্মুখবর্তী একটি গ্যাস-পোষ্টের তলে আমি সূর্যোপাসকের জায় দাঁড়াইয়া থাকি—তুমি ঠিক সাড়ে সাতটার সময় একটি প্রজ্বলিত কেরোসিন ল্যাম্প লইয়া প্রতাহ নিয়মিত তোমাদের দোতলার দক্ষিণ-দিকের খয়ের কাঁচের জানলাটির সম্মুখে স্থাপন কর—সেই সময় মুহূর্তকালের জন্ত তোমার দীপালোকিত প্রতিমাখানি আমার দৃষ্টিপথে উদ্ভাসিত হইয়া উঠে—তোমার সম্বন্ধে আমার এই একটিমাত্র অপরাধ।


ইতিমধ্যে ঘটনাক্রমে তোমার স্বামীর সহিত আমার আলাপ এবং ক্রমে ঘনিষ্ঠতাও হইয়াছে। তাঁহার চরিত্র যেরূপ দেখিলাম, তাহাতে বুঝিতে বাকি নাই যে, তোমার জীবন স্বথের নহে। তোমার প্রতি আমার কোন প্রকার সামাজিক অধিকার নাই কিন্তু যে বিধাতা তোমার হৃৎককে আমার হৃৎক-পরিণত করিয়াছেন, তিনিই সে হৃৎক মোচনের চেষ্টাভার আমার উপরেই স্থাপন করিয়াছেন।

অতএব আমার স্পর্শা মাপ করিয়া গুরু-বার সন্ধ্যাবেলায় ঠিক সাতটার সময় গোপনে পাক্ষী করিয়া একবার বিশ মিনিটের জন্ত আমার বাসায় আসিলে আমি তোমাকে তোমার স্বামী সম্বন্ধে কতকগুলি গোপন কথা বলিতে চাহি—যদি বিশ্বাস না কর এবং যদি সহ করিতে পার তবে তৎসম্বন্ধে প্রমাণও দেখাইতে পারি—এবং সেই সঙ্গে কতকগুলি পরামর্শ দিতেও ইচ্ছা করি ;—আমি ভগ-বান্কে অন্তরে রাগিয়া, আশা করিতেছি সেই

পরামর্শমতে চলিলে তুমি একদিন সুখী হইতে পারিবে।

আমার উদ্দেশ্য সম্পূর্ণ নিঃস্বার্থ নহে ;—ক্ষণকালের জন্ত তোমাকে সম্মুখে দেখিব, তোমার কথা শুনিব, এবং তোমার চরণভল-স্পর্শে আমার গৃহখানিকে চিরকালের জন্ত সুখস্বপ্নমণ্ডিত করিয়া তুলিব এ আকাঙ্ক্ষাও আমার অন্তরে আছে। যদি আমাকে বিশ্বাস না কর এবং যদি এ সুখ হইতেও আমাকে বঞ্চিত করিতে চাও, তবে সে কথা আমাকে লিখিয়া—আমি তত্বতরে পত্রযোগেই সকল কথা জানাইব। যদি চিঠি লিখিবার বিশ্বাসও না থাকে তবে আমার এই পত্রখানি তোমার স্বামীকে দেখাইও,—তাহার পরে আমার যাহা বক্তব্য তাহা তাঁহাকেই বলিব।

নিত্য শুভাকাঙ্ক্ষী,
শ্রীমন্নথনাথ মজুমদার।



রাজপুত্রের নাম অপরাজিতা। উদয়নারায়ণের সভাকবি শেখর তাঁহাকে কখন চক্ষেও দেখেন নাই। কিন্তু যে দিন কোন নূতন কাব্য রচনা করিয়া সভাতলে বসিয়া রাজাকে শুনাই-তেন, সেদিন কণ্ঠস্বর ঠিক এতটা উচ্চ করিয়া পড়িতেন, যাহাতে তাহা সেই সমুচ্চ গৃহের উপরিতলের জালায়নবার্তিনী অদৃশ্য শ্রোত্রী-গণের কর্ণপথে প্রবেশ করিতে পারে। যেন তিনি কোন এক অগম্য নক্ষত্রলোকের উদ্দেশে আপনার সঙ্গীতোচ্ছ্বাস প্রেরণ করিতেন, যেখানে জ্যোতিষ্কমণ্ডলীর মধ্যে তাঁহার জীব-

নের একটি অপরিচিত শুভগ্রহ অদৃশ্য মহিমায়
বিবাজ করিতেছেন ।

কখন ছায়ার মতন দেখিতে পাইতেন,
কখন নুপুরশিঞ্জনের মতন শুনা যাইত ; বসিয়া
বসিয়া মনে মনে ভাবিতেন, সে কেমন ছইখানি
চরণ বাহাতে সেই সোণার নুপুর বাঁধা থাকিয়া
তালে তালে গান গাহিতেছে ! সেই ছইখানি
রক্তিম শুভ্র কোমল চরণতল প্রতি পদক্ষেপে
কি সৌভাগ্য কি অলুগ্রহ কি করুণার মত
করিয়া পৃথিবীকে স্পর্শ করে । মনের মধ্যে
সেই চরণ দুটি প্রতিষ্ঠা করিয়া কবি অবসরকালে
সেইখানে আসিয়া লুটাইয়া পড়িত এবং সেই
নুপুরশিঞ্জনের সুরে আপনার গান বাঁধিত ।

কিন্তু যে ছায়া দেখিয়াছিল, যে নুপুর
শুনিয়াছিল, সে কাহার ছায়া কাহার নুপুর
এমন তর্ক এমন সংশয় তাহার ভক্তহৃদয়ে কখন
উদয় হয় নাই ।

রাজকন্তার দাসী মঞ্জরী যখন ঘাটে যাইত,
শেখরের ঘরের সম্মুখ দিয়া তাহার পথ ছিল ।
আসিতে যাইতে করিব সঙ্গে তাহার ছটা কথা
না হইয়া যাইত না । তেমন নিৰ্জন দেখিলে
সে সকালে সন্ধ্যায় শেখরের ঘরের মধ্যে গিয়াও
বসিত । যতবার সে ঘাটে যাইত, ততবার যে
তাহার আবশ্যক ছিল, এমনও বোধ হইত না,
যদি বা আবশ্যক ছিল এমন হয়, কিন্তু ঘাটে
যাইবার সময় উহারই মধ্যে একটু বিশেষ যত্ন
করিয়া একটা রঙীন কাপড় এবং কাণে ছইটা
আত্মমুকুল পরিবার কোন উচিত কারণ পাওয়া
যাইত না ।

লোকে হাসাহাসি কাণাকাণি করিত ।
লোকের কোন অপরাধ ছিল না । মঞ্জরীকে
দেখিলে শেখর বিশেষ আনন্দলাভ করিতেন ।
তাহা গোপন করিতেও তাঁহার তেমন প্রয়াস
ছিল না

তাহার নাম ছিল মঞ্জরী ; বিবেচনা করিয়া
দেখিলে সাধারণ লোকের পক্ষে সেই নামই
যথেষ্ট ছিল, কিন্তু শেখর আবার আরও একটু
কাঁবড়া করিয়া তাহাকে বসন্তমঞ্জরী বলি-
তেন । লোকে শুনিয়া বলিত, আ সৰ্বনাশ !

আবার কবির বসন্ত-বর্ণনার মধ্যে—“মঞ্জুল
বঞ্জুল মঞ্জরী” এমনতর অলুপ্রাসও মাঝে মাঝে
পাওয়া যাইত । এমন কি, জনবব রাজার
কাণেও উঠিয়াছিল ।

রাজা তাঁহার কবির এইরূপ রসাধিক্যের
পরিচয় পাইয়া বড়ই আমোদ বোধ করিতেন—
তাহা লইয়া কৌতুক করিতেন, শেখরও
তাহাতে যোগ দিতেন ।

রাজা হাসিয়া প্রশ্ন করিতেন, “ভ্রমর কি
কেবল বসন্তের রাজসভায় গান গায়”—

কবি উত্তর দিতেন, “না, পুষ্পমঞ্জরীর
মধুও খাইয়া থাকে ।”

এমনি করিয়া সকলেই হাসিত, আমোদ
করিত ; বোধ করি অন্তঃপুরে রাজকন্তা অপ-
রাজিতাও মঞ্জরীকে লইয়া মাঝে মাঝে উপ-
হাস করিয়া থাকিতেন । মঞ্জরী তাহাতে অস-
ন্তুষ্ট হইত না ।

এমনি করিয়া সত্যে মিথ্যায় মিশাইয়া
মানুষের জীবন একরকম করিয়া কাটিয়া যায়
—খানিকটা বিধাতা গড়েন, খানিকটা আপনি
গড়ে, খানিকটা পাঁচজনে গড়িয়া দেয় ; জীব-
নটা একটা পাঁচমিশালি রকমের জোড়াতাড়া ;
প্রকৃত এবং অপ্রকৃত, কাল্পনিক এবং বাস্তবিক ।

কেবল কবি যে গানগুলি গাহিতেন
তাহাই সত্য এবং সম্পূর্ণ । গানের বিষয় সেই
রাধা এবং কৃষ্ণ—সেই চিরস্তন নর এবং চির-
স্তন নারী, সেই অনাদি চরণ এবং অনন্ত সুর ।
সেই গানেই তাঁহার যথার্থ নিজের কথা ছিল
—এবং সেই গানের বাথার্থ্য অমরাপুরের রাজা

হইতে দীনহুখী প্রজা পর্যন্ত সকলেই আপ-
নার হৃদয়ে হৃদয়ে পরীক্ষা করিয়াছিল । তাঁহার
গান সকলেরই মুখে । জ্যোৎস্না উঠিলেই,
একটু দক্ষিণ বাতাসের আভাস দিলেই অমনি
দেশের চতুর্দিকে কত কানন, কত পথ, কত
নৌকা, কত বাতায়ন, কত প্রাঙ্গণ হইতে
তাঁহার রচিত গান উচ্ছ্বসিত হইয়া উঠিত—
তাঁহার খ্যাতির আর সীমা ছিল না ।

এই ভাবে অনেক দিন কাটিয়া গেল । কবি
কবিতা লিখিতেন, রাজা শুনিতে, রাজসভার
লোক বাহবা দিত, মঞ্জরী ঘাটে আসিত, এবং
অস্তঃপুরের বাতায়ন হইতে কখন কখন একটা
ছায়া পড়িত, কখন কখন একটা নূপুর শুনা
যাইত ।

এমন সময়ে দাক্ষিণাত্য হইতে এক দিগ্বি-
জয়ী কবি শার্দূলবিক্রীড়িত ছন্দে রাজার স্তব-
গান করিয়া রাজসভায় আসিয়া দাঁড়াইলেন ।
তিনি স্বদেশ হইতে বাহির হইয়া পথিমধ্যে
সমস্ত রাজকবিদিগকে পরাস্ত করিয়া অবশেষে
অমরাপুরে আসিয়া উপস্থিত হইয়াছেন ।

রাজা পরম সমাদরের সহিত কহিলেন
“এহি, এহি !” কবি পুণ্ডরীক দম্ভভরে কহি-
লেন “যুদ্ধং দেহি !”

রাজার মান রাখিতে হইবে—যুদ্ধ দিতে
হইবে, কিন্তু কাব্যযুদ্ধে যে কিরূপ হইতে পারে
শেখরের সে সম্বন্ধে ভালরূপ ধারণা ছিল না ।
তিনি অত্যন্ত চিন্তিত ও শঙ্কিত হইয়া উঠিলেন ।
রাত্রে নিদ্রা হইল না । যশস্বী পুণ্ডরীকের
দীর্ঘ বাল্লভ দেহ, স্তম্ভীক বক্রনাসা এবং দর্পো-
দ্ভুত উন্নত মস্তক দিগ্বিদিকে অঙ্কিত দেখিতে
লাগিলেন ।

প্রাতঃকালে কম্পিতহৃদয় কবি রণক্ষেত্রে
আসিয়া প্রবেশ করিলেন । প্রত্যুষ হইতে
সভাভল লোকে পরিপূর্ণ হইয়া গেছে, কল-

রবের সীমা নাই ; নগরে আর সমস্ত কাজকর্ম
একেবারে বন্ধ ।

কবি শেখর বহুকষ্টে মুখে সহাস্ত প্রকুল-
তার আয়োজন করিয়া প্রতিদ্বন্দ্বী কবি পুণ্ড-
রীককে নমস্কার করিলেন—পুণ্ডরীক প্রচণ্ড
অবহেলাভরে নিতান্ত ইঞ্জিতমাত্রে নমস্কার
কিয়াইয়া দিলেন এবং নিজের অনুবর্তী ভক্ত
বৃন্দের দিকে চাহিয়া হাসিলেন ।

শেখর একবার অস্তঃপুরের জালায়নের
দিকে কটাক্ষ নিক্ষেপ করিলেন, বুঝিতে পারি-
লেন সেখান হইতে আজ শত শত কোতূহল-
পূর্ণ কৃষ্ণতারকার ব্যগ্রদৃষ্টি এই জনতার উপরে
অজস্র নিপতিত হইতেছে । একবার একাগ্র-
ভাবে চিন্তকে সেই উর্দ্ধলোকে উৎক্ষিপ্ত করিয়া
আপনার জয়লক্ষ্মীকে বন্দনা করিয়া আসিলেন,
মনে মনে কহিলেন “আমার যদি আজ জয় হয়
তবে, হে দেবি, হে অপরাঞ্জিতা, তাহাতে
তোমারি নামের সার্থকতা হইবে !”

তুরী ভেরী বাজিয়া উঠিল । জয়ধ্বনি
করিয়া সমাগত সকলে উঠিয়া দাঁড়াইল । গুরু-
বসন রাজা উদয়নারায়ণ শরৎপ্রভাতের শুভ্র
মেঘবাশির স্নায় ধীরগমনে সভায় প্রবেশ করি-
লেন এবং সিংহাসনে উঠিয়া বসিলেন ।

পুণ্ডরীক উঠিয়া সিংহাসনের সম্মুখে
আসিয়া দাঁড়াইলেন । বৃহৎ সভা স্তব্ধ হইয়া
গেল ।

বক্ষ বিস্ফারিত করিয়া গ্রীবা ঈষৎ উর্দ্ধে
হেলাইয়া বিরাটমূর্তি পুণ্ডরীক গম্ভীরস্বরে উদয়-
নারায়ণের স্তব পাঠ করিতে আরম্ভ করিলেন ।
কণ্ঠস্বর ঘরে ঘরে না—বৃহৎ সভাগৃহের চারি-
দিকের ভিত্তিতে স্তম্ভে ছাদে সমুদ্রের তরঙ্গের
মত গম্ভীর মন্ত্রে আঘাত প্রতিঘাত করিতে
লাগিল, এবং কেবল সেই ধ্বনির বেগে সমস্ত
জনম গুলীর বক্ষকবাট ধরু ধরু করিয়া স্পন্দিত

হইয়া উঠিল। কত কৌশল, কত কারুকার্য উদয়নারায়ণ নামের কতরূপ ব্যাখ্যা, রাজার নামাকরের কতদিক হইতে কতপ্রকার বিজ্ঞাস, কত ছন্দ, কত যমক !

পুণ্ডরীক যখন শেষ করিয়া বসিলেন, কিছুক্ষণের জন্ত নিস্তব্ধ সভাগৃহ তাঁহার কণ্ঠের প্রতিধ্বনি ও সহস্র হৃদয়ের নির্বাক বিস্ময়-রাশিতে গম্ গম্ করিতে লাগিল। বহুদূরদেশ হইতে আগত পণ্ডিতগণ দক্ষিণ হস্ত তুলিয়া উচ্ছ্বসিত স্বরে সাধু সাধু করিয়া উঠিলেন।

তখন সিংহাসন হইতে রাজা একবার শেখরের মুখের দিকে চাহিলেন। শেখরও ভক্তি প্রণয় অভিমান এবং একপ্রকার সঙ্কোচ-পূর্ণ দৃষ্টি রাজার দিকে প্রেরণ করিল এবং ধীরে ধীরে উঠিয়া দাঁড়াইল। রাম যখন লোকসংস্কারার্থে দ্বিতীয়বার অগ্নিপরীক্ষা করিতে চাহিয়াছিলেন তখন সীতা যেন এইরূপ ভাবে চাহিয়া এম্নি করিয়া তাঁহার স্বামীর সিংহাসনের সম্মুখে দাঁড়াইয়াছিলেন।

কবির দৃষ্টি নীরবে রাজাকে জানাইল—
“আমি তোমারই। তুমি যদি বিশ্বসমক্ষে আমাকে দাঁড় করাইয়া পরীক্ষা করিতে চাও ত কর। কিন্তু—” তাহার পরে নমন নত করিলেন।

পুণ্ডরীক সিংহের মত দাঁড়াইয়াছিল, শেখর চারিদিকে ব্যাধবেষ্টিত হরিণের মত দাঁড়াইল। তরুণ যুবক, রমণীর স্তায় লজ্জা এবং স্নেহ-কোমল মুখ, পাণ্ডুবর্ণ কপোল, শরীরাত্মশ নিতাস্ত স্বল্প, দেখিলে মনে হয় ভাবের স্পর্শ-মাত্রেই সমস্ত দেহ যেন বীণার তারের মত কাঁপিয়া বাজিয়া উঠিবে।

শেখর মুখ না তুলিয়া প্রথমে অতি মৃদুস্বরে আরম্ভ করিলেন। প্রথম একটা শ্লোক বোধ হয় কেহ ভাল করিয়া শুনিতে পাইল না।

তাহার পরে ক্রমে ক্রমে মুখ তুলিলেন—
যেখানে দৃষ্টি নিক্ষেপ করিলেন সেখান হইতে যেন সমস্ত জনতা এবং রাজসভার পাষণ-প্রাচীর বিগলিত হইয়া বহুদূরবর্তী অতীতের মধ্যে বিলুপ্ত হইয়া গেল। স্মৃষ্টি পরিষ্কার কণ্ঠস্বর কাঁপিতে কাঁপিতে উজ্জ্বল অগ্নিশিখার স্তায় উর্ধ্বে উঠিতে লাগিল। প্রথমে রাজার চন্দ্রবংশীয় আদিপুরুষের কথা আরম্ভ করিলেন। ক্রমে ক্রমে কত যুদ্ধ বিগ্রহ শৌর্য বীর্য যজ্ঞদান কত মহদুর্ভাগ্যের মধ্য দিয়া তাঁহার রাজকাহিনীকে বর্তমান কালের মধ্যে উপনীত করিলেন। অবশেষে সেই দুর্ভাগ্য-বদ্ধ দৃষ্টিকে ফিরাইয়া আনিয়া রাজার মুখের উপর স্থাপিত করিলেন এবং স্নাতকের সমস্ত প্রজাহৃদয়ের একটা বৃহৎ অব্যক্ত প্রীতিকে ভাষায় ছন্দে মূর্ত্তমান করিয়া সভার মাঝখানে দাঁড় করাইয়া দিলেন—যেন দূর দূরাস্তর হইতে শত সহস্র প্রজার হৃদয়স্রোত ছুটিয়া আসিয়া রাজপিতামহদিগের এই অতি পুরাতন প্রাসাদকে মহাসঙ্গীতে পরিপূর্ণ করিয়া তুলিল—ইহার প্রত্যেক ইষ্টককে যেন তাঁহারা স্পর্শ করিল, আলিঙ্গন করিল, চুষন করিল, উর্ধ্বে অন্তঃপুরের জালায়ন সম্মুখে উত্থিত হইয়া রাজলক্ষ্মী-স্বরূপা প্রাসাদলক্ষ্মীদের চরণতলে স্নেহাঙ্গু ভক্তিভাবে লুপ্তিত হইয়া পড়িল, এবং সেখান হইতে ফিরিয়া আসিয়া রাজাকে এবং রাজার সিংহাসনকে মহামহোন্নাসে শত শত বার প্রদক্ষিণ করিতে লাগিল। অবশেষে বলিলেন, মহারাজ, বাক্যতে হার মানিতে পারি কিন্তু ভক্তিতে কে হারাইবে! এই বলিয়া কম্পিতদেহে বসিয়া পড়িলেন। তখন অশ্রুজলে অভিষিক্ত প্রজাগণ জয় জয় রবে আকাশ কাঁপাইতে ল

সাধারণ জনমণ্ডলীর এই উন্মত্ততাকে

ধিকারপূর্ণ হাশ্বের দ্বারা অবজ্ঞা করিয়া পুণ্ড-
রীক আবার উঠিয়া দাঁড়াইলেন। দৃশ্যগর্জনে
জিজ্ঞাসা করিলেন, বাক্যের চেয়ে শ্রেষ্ঠ কে!
সকলে এক মুহূর্তে স্তব্ধ হইয়া গেল।

তখন তিনি নানা ছন্দে অদ্ভুত পাণ্ডিত্য
প্রকাশ করিয়া বেদ বেদান্ত আগম নিগম
হইতে প্রমাণ করিতে লাগিলেন—বিশ্বের
মধ্যে বাক্যই সর্বশ্রেষ্ঠ। বাক্যই সত্য,
বাক্যই ব্রহ্ম। ব্রহ্মা বিষ্ণু মহেশ্বর বাক্যের
বশ—অতএব বাক্য তাঁহাদের অপেক্ষা বড়।
ব্রহ্মা চারিমুখে বাক্যকে শেষ করিতে পারিতে-
ছেন না—পঞ্চানন পাঁচমুখে বাক্যের অন্ত না
পাইয়া অবশেষে নীরবে ধ্যানপরায়ণ হইয়া
বাক্য খুঁজিতেছেন।

এন্নি করিয়া পাণ্ডিত্যের উপর পাণ্ডিত্য
এবং শাস্ত্রের উপর শাস্ত্র চাপাইয়া বাক্যের জন্ত
একটা অপ্রভেদী সিংহাসন নির্মাণ করিয়া
বাক্যকে মর্ত্যলোক এবং স্বরলোকের মস্তকের
উপর বসাইয়া দিলেন এবং পুনর্বার বজ্রনির্নাদে
জিজ্ঞাসা করিলেন, বাক্যের অপেক্ষা শ্রেষ্ঠ কে ?

দর্পভরে চতুর্দিকে নিরীক্ষণ করিলেন ;
যখন কেহ কোন উত্তর দিল না তখন ধীরে
ধীরে আসন গ্রহণ করিলেন। পাণ্ডিত্যগণ সাধু
সাধু ধস্তাধস্ত করিতে লাগিল—রাজা বিস্মিত
হইয়া রহিলেন এবং কবি শেখর এই বিপুল
পাণ্ডিত্যের নিকটে আপনাকে ক্ষুদ্র মনে করি-
লেন। আজিকার মত সভাভঙ্গ হইল।

পরদিন শেখর আসিয়া গান আরম্ভ করিয়া
দিিলেন ;—বুদ্ধাবনে প্রথমে বাঁশি বাজিয়াছে,
তখনও গোপিনীরা জানে না, কে বাজাইল—
জানে না, কোথায় বাজিতেছে। একবার মনে
হইল দক্ষিণ পবনে বাজিতেছে, একবার মনে
হইল উত্তরে গিরিগোবর্ধনের শিখর হইতে
ধ্বনি আসিতেছে ; মনে হইল উদয়াচলের

উপরে দাঁড়াইয়া কে মিলনেবরজন্ত আহ্বান
করিতেছে ; মনে হইল অন্তঃকলের প্রান্তে
বসিয়া কে বিষহশোকে কাঁদিতেছে ; মনে
হইল ষমনার প্রত্যেক তরঙ্গ হইতে বাঁশি
বাজিয়া উঠিল, মনে হইল আকাশের প্রত্যেক
তারা যেন সেই বাঁশির ছিঁজ—অবশেষে কুঞ্জ
কুঞ্জ, পথে ঘাটে, ফুলে ফলে, জলে স্থলে,
উচে নীচে, অন্তরে বাহিরে বাঁশি সর্বত্র হইতে
বাজিতে লাগিল—বাঁশি কি বলিতেছে তাহা
কেহ বুঝিতে পারিল না, এবং বাঁশির উত্তরে
হৃদয় কি বলিতে চাহে তাহাও কেহ স্থির
করিতে পারিল না ; কেবল ছুটি চক্ষু অশ্রুজল
জাগিয়া উঠিল, এবং একটি অলোকসুন্দর
শ্রামস্নিগ্ধ মরণের আকাজক্ষায় সমস্ত প্রাণ ঘেন
উৎকণ্ঠিত হইয়া উঠিল।

সভা ভুলিয়া, রাজা ভুলিয়া, আজ্ঞাপক্ষ
প্রতিপক্ষ ভুলিয়া, ষশ অপষশ, জয় পরাজয়,
উত্তর প্রত্যুত্তর, সমস্ত ভুলিয়া শেখর আপনার
নির্জ্ঞান হৃদয়কুঞ্জের মধ্যে যেন একলা দাঁড়াইয়া
এই বাঁশির গান গাহিয়া গেলেন। কেবল
মনে ছিল একটি জ্যোতির্ময়ী মানসী মূর্তি,
কেবল কাণে বাজিতেছিল ছুটি কমল-চরণের
নূপুর-ধ্বনি। কবি যখন গান শেষ করিয়া
হতজ্ঞানের মত বসিয়া পড়িলেন, তখন একটি
অনির্কচনীর মাধুর্য্যে একটি বৃহৎ ব্যাণ্ড বিরহ-
ব্যাঙ্কুলতায় সভাগৃহ পরিপূর্ণ হইয়া রহিল,
কেহ সাধুবাদ দিতে পারিল না।

এই ভাবের প্রবলতার কিঞ্চিৎ উপশম
হইলে পুণ্ডরীক সিংহাসন-সম্মুখে উঠিলেন।
প্রশ্ন করিলেন—রাধাই বা কে, কৃষ্ণই বা কে ?
—বলিয়া চারিদিকে দৃষ্টিপাত করিলেন এবং
শিষ্যদের প্রতি চাহিয়া ঈষৎ হাস্য করিয়া
পুনরায় প্রশ্ন করিলেন “রাধাই বা কে, কৃষ্ণই
বা কে ?” বলিয়া অসামান্য পাণ্ডিত্য বিস্তার

করিয়া আপনই তাহার উত্তর দিতে আরম্ভ করিলেন ।

বলিলেন রাধা শ্রবণ, ঠাঁকার, কৃষ্ণ ধ্যান যোগ এবং বৃন্দাবন ছুই জ্বর মধ্যবর্তী বিন্দু । ইড়া, সুষুমা, পিঙ্গলা, নাভিপদ্ম, হৃৎপদ্ম, ব্রহ্মরন্ধ্র, সমস্ত আনিয়া ফেলিলেন । রা অর্থেই বা কি, ধা অর্থেই বা কি, কৃষ্ণ শব্দের ক হইতে মূর্দ্ধগ্যা ণ পর্য্যন্ত প্রত্যেক অক্ষরের কত প্রকার ভিন্ন ভিন্ন অর্থ হইতে পারে তাহার একে একে মীমাংসা করিলেন । একবার বুঝাইলেন কৃষ্ণ যজ্ঞ, রাধিকা অগ্নি, একবার বুঝাইলেন কৃষ্ণ বেদ এবং রাধিকা ষড়দর্শন, তাহার পরে বুঝাইলেন কৃষ্ণ শিক্ষা এবং রাধিকা দীক্ষা । রাধিকা তর্ক, কৃষ্ণ মীমাংসা ; রাধিকা উত্তর প্রত্যুত্তর কৃষ্ণ জয়লাভ ।

এই বলিয়া রাজার দিকে পশ্চিমের দিকে এবং অবশেষে তীব্র হাশ্বে শেখরের দিকে চাহিয়া পুণ্ডরীক বসিলেন ।

রাজা পুণ্ডরীকের আশ্চর্য্য ক্ষমতায় মুগ্ধ হইয়া গেলেন, পশ্চিমতদের বিন্ময়ের সীমা রহিল না, এবং কৃষ্ণ রাধার নব নব ব্যাখ্যায় বাঁশীর গান, ষমুনার কল্লোল, প্রেমের মোহ একেবারে দূর হইয়া গেল ; যেন পৃথিবীর উপর হইতে কে এক জন বসন্তের সবুজ বংটুকু মুছিয়া লইয়া আগাগোড়া পবিত্র গোময় লেপন করিয়া গেল । শেখর আপনার এত দিনকার সমস্ত গান বৃথা বোধ করিতে লাগিলেন, ইহার পরে তাঁহার আর গান গাহিবার সামর্থ্য রহিল না । সেদিন সভা ভঙ্গ হইল ।

পরদিন পুণ্ডরীক ব্যস্ত এবং সমস্ত, দ্বিব্যস্ত এবং দ্বিসমস্তক, বৃত্ত, তার্ক্য, সৌত্র, চক্র, পদ্য, কাকপদ, আত্মতর, মধ্যোত্তর, অস্তোত্তর, বাস্কোত্তর, শ্লোকোত্তর, বচনগুপ্ত, মাত্রাচ্যুতক, চ্যুতক্কর, অর্থগূঢ়, স্ততিনিকা, অপকুতি,

উদ্বাপভ্রংশ, শাকী, কালসার, প্রহেলিকা প্রভৃতি অদ্ভুত শব্দচাতুরী দেখাইয়া দিলেন ; উনিয়া সভাস্ত্রক লোক বিন্ময় রাধিতে স্থান পাইল না ।

শেখর যে সকল পদ রচনা করিতেন তাহা নিতান্ত সরল—তাহা স্থখে হৃঃখে উৎসবে আনন্দে সর্বসাধারণ ব্যবহার করিত—আজ তাহার স্পষ্ট বুদ্ধিতে পারিল তাহাতে কোন গুণপনা নাই, যেন তাহা ইচ্ছা করিলেই তাহারও রচনা করিতে পারিত, কেবল অনভ্যাস অনিচ্ছা অনবসর ইত্যাদি কারণেই পারে না—নহিলে কথাগুলো বিশেষ নূতনও নহে, হৃদ্ধহও নহে, তাহাতে পৃথিবীর লোকের নূতন একটা শিক্ষাও হয় না, স্মবিধাও হয় না—কিন্তু আজ যাহা উনিলা তাহা অদ্ভুত ব্যাপার ; কাল যাহা উনিয়াছিল তাহাতেও বিস্তর চিন্তা এবং শিক্ষার বিষয় ছিল । পুণ্ডরীকের পাণ্ডিত্য ও নৈপুণ্যের নিকট তাহাদের আপনার কবিটিকে নিতান্ত বালক ও সামান্ত লোক বলিয়া মনে হইতে লাগিল ।

মৎস্তপুচ্ছের তাড়নায় জলের মধ্যে যে গূঢ় আন্দোলন চলিতে থাকে, সরোবরের পদ্ম যেমন তাহার প্রত্যেক আঘাত অনুভব করিতে পারে, শেখর তেমনি তাঁহার চতুর্দিকবর্তী সভাস্থজনের মনের ভাব হৃদয়ের মধ্যে বুদ্ধিতে পারিলেন ।

আজ শেষদিন । আজ জয় পরাজয় নির্ণয় হইবে । রাজা তাঁহার কবির প্রতি তীব্র দৃষ্টিপাত করিলেন । তাহার অর্থ এই, আজ নিরন্তর হইয়া থাকিলে চলিবে না—তোমার যথাসাধ্য চেষ্টা করিতে হইবে ।

শেখর শ্রান্তভাবে উঠিয়া দাঁড়াইলেন, কেবল এই কণ্ঠি কথা বলিলেন—“বীণাপাণি, শ্বেতভূজা, তুমি যদি তোমার কমলবন শূন্য

করিয়া আজ মল্লভূমিতে আসিয়া দাঁড়াইলে তবে তোমার চরণাসক্ত যে ভক্তগণ অমৃত-পিপাসী, তাহাদের কি গতি হইবে ?" মুখ ঈবং উপরে তুলিয়া করুণ স্বরে বলিলেন, যেন খেতভূজা বীণাপাণি নতনয়নে রাজাস্তম্ভপুরে জালায়নসম্মুখে দাঁড়াইয়া আছেন।

তখন পুণ্ডরীক উঠিয়া শব্দে হাত্ত করিলেন—এবং "শেখর" শব্দের শেষ দুই অক্ষর গ্রহণ করিয়া অনর্গল শ্লোক রচনা করিয়া গেলেন। বলিলেন, পদ্মবনের সহিত খরের কি সম্পর্ক ? এবং সঙ্গীতে বিস্তর চচ্চাসম্বোধ উক্ত শ্লোকী কিরূপ ফলশান্ত করিয়াছে ? আর সরস্বতীর অধিষ্ঠান ত পুণ্ডরীকেই ; মহারাজের অধিকারে তিনি কি অপরাধ করিয়াছিলেন, যে, এদেশে তাঁহাকে খর-বাহন করিয়া অপমান করা যাইতেছে ?

পণ্ডিতেরা এই প্রত্যুত্তরে উচ্চস্বরে হাসিতে লাগিলেন। সভাসদেরাও তাহাতে যোগ দিল—তাঁহাদের দেখা-দেখি সভাস্থল সমস্ত লোক—যাহারা বুঝিল এবং না বুঝিল—সকলেই হাসিতে লাগিল।

ইহার উপযুক্ত প্রত্যুত্তরের প্রত্যাশায় রাজা তাঁহার কবিসথাকে বারবার অঙ্কুরের স্তায় ভীক দৃষ্টির দ্বারা তাড়না করিতে লাগিলেন। কিন্তু শেখর তাহার প্রতি কিছুমাত্র মনোযোগ না করিয়া অটলভাবে বসিয়া রহিলেন।

তখন রাজা শেখরের প্রতি মনে মনে অত্যন্ত ক্রোধ হইয়া সিংহাসন হইতে নামিয়া আসিলেন—এবং নিজের কণ্ঠ হইতে মুক্তার মালা খুলিয়া পুণ্ডরীকের গলায় পরাইয়া দিলেন—সভাস্থ সকলেই ধস্তা ধস্ত করিতে লাগিল। অস্তম্ভপুর হইতে এককালে অনেক-গুলি বলয় করুণ নুপুরের শব্দ শুনা গেল—তাহাই শুনিয়া শেখর আসন্ন ছাড়িয়া উঠিলেন

এবং ধীরে ধীরে সভাগৃহ হইতে বাহির হইয়া গেলেন।

কৃষ্ণ চতুর্দশীর রাত্রি। ঘন অন্ধকার। ফুলের গন্ধ বহিয়া দক্ষিণের বাতাস উনার বিশ্ববন্ধুর স্তায় মুক্ত বাতায়ন দিয়া নগরের ঘরে ঘরে প্রবেশ করিতেছে।

ঘরের কাঠমঞ্চ হইতে শেখর আপনার পুঁথিগুলি পাড়িয়া সম্মুখে স্তপাকার করিয়া রাখিয়াছেন তাহার মধ্য হইতে বাছিয়া বাছিয়া নিজের রচিত গ্রন্থগুলি পৃথক করিয়া রাখিলেন।

অনেকদিনকার অনেক লেখা। তাহার মধ্যে অনেকগুলি রচনা তিনি নিজেরই প্রায় তুলিয়া গিয়াছিলেন। সেগুলি উর্টাইয়া পাঁটাইয়া এখানে ওখানে পড়িয়া দেখিতে লাগিলেন। আজ তাঁহার কাছে ইহা সমস্তই অকিঞ্চিৎকর বলিয়া বোধ হইল।

নিশ্বাস ফেলিয়া বলিলেন, সমস্ত জীবনের এই কি সঞ্চয়! কতকগুলো কথা এবং ছন্দ এবং মিল! ইহার মধ্যে যে, কোন সৌন্দর্য্য, ম'নবের কোন চির আনন্দ, কোন বিশ্বসঙ্গী-তের প্রতিধ্বনি, তাঁহার আপনার হৃদয়ে কোন গভীর প্রকাশ নিবন্ধ হইয়া আছে আজ তিনি তাহা দেখিতে পাইলেন না। রোগীর মুখে যেমন কোন খাণ্ডই রুচে না, তেমনি আজ তাঁহার হাতের কাছে যাহা কিছু আসিল সমস্তই ঠেগিয়া ঠেগিয়া ফেলিয়া দিলেন। রাজার মৈত্রী, লোকের খ্যাতি, হৃদয়ের হ্রাশা, কল্পনার কুহক—আজ অন্ধকার রাত্রে সমস্তই শূন্য বিড়ম্বনা বলিয়া ঠেকিতে লাগিল।

তখন একটি একটি করিয়া তাঁহার পুঁথি ছিঁড়িয়া সম্মুখের জলস্ত অগ্নিভাণ্ডে নিক্ষেপ করিতে লাগিলেন। হঠাৎ এফটা উপহাসের কথা মনে উদয় হইল। হাসিতে হাসিতে বলিলেন—“বড় বড় রাজারা অশ্রমেধ ষড়

করিয়া থাকেন—আজ আমার এ কাব্যমেধ যজ্ঞ !” কিন্তু তখন মনে উদয় হইল, তুলনাটা ঠিক হয় নাই। অশ্বমেধের অশ্ব যখন সর্বত্র বিজয়ী হইয়া আসে তখন অশ্বমেধ হয়—আমার কবিত্ব যে দিন পরাজিত হইয়াছে আমি সেই দিন কাব্যমেধ করিতে বসিয়াছি—আরো বহুদিন পূর্বে করিলেই ভাল হইত।

একে একে নিজের সকল গ্রন্থগুলিই অগ্নিতে সমর্পণ করিলেন। আগুন ধু ধু করিয়া জলিয়া উঠিলে কবি সবেগে ছুই শূন্য হস্ত শূন্যে নিক্ষেপ করিতে করিতে বলিলেন—“তোমাকে দিলাম, তোমাকে দিলাম, তোমাকে দিলাম—হে স্মারি অগ্নিশিখা, তোমাকেই দিলাম। এতদিন তোমাকেই সমস্ত অহুতি দিয়া আসিতেছিলাম, আজ একেবারে শেষ করিয়া দিলাম। বহুদিন তুমি আমার হৃদয়ের মধ্যে জ্বলিতেছিলে হে মোহিনী বহ্নিকুপিণি! যদি সোণা হইতাম ত উজ্জ্বল হইয়া উঠিতাম—কিন্তু আমি তুচ্ছ তৃণ, দেবি, তাই আজ ভস্ম হইয়া গিয়াছি।”

রাত্রি অনেক হইল। শেখর তাঁহার ঘরের সমস্ত বাতায়ন খুলিয়া দিলেন। তিনি যে যে ফুল ভালবাসিতেন সন্ধ্যাবেলা বাগান হইতে সংগ্রহ করিয়া আনিয়াছিলেন। সবগুলি শাদা ফুল, যুঁই, বেগ এবং গন্ধরাজ। তাহারই মুঠা মুঠা লইয়া নিশ্চল বিছানার উপর ছড়াইয়া দিলেন। ঘরের চারিদিকে প্রদীপ জ্বলাইলেন।

তাহার পর মধুর সঙ্গে একটি উদ্ভিদের বিষরস মিশাইয়া নিশ্চিন্তমুখে পান করিলেন—এবং ধীরে ধীরে আপনার শয্যা গিয়া শয়ন করিলেন। শরীর অবশ এবং নেত্র মুদ্রিত হইয়া আসিল।

নূপুর বাজিল! দক্ষিণের বাতাসের সঙ্গে কেশপুচ্ছের একটা স্নগন্ধ ঘরে প্রবেশ করিল।

কবি নিমোলিত নেত্রে কহিলেন “দেবি, ভক্তের প্রতি দয়া করিলে কি? এতদিন পরে আজ কি দেখা দিতে আসিলে।”

একটি স্নমধুর কণ্ঠে উত্তর শুনিলেন “কবি, আসিয়াছি।”

শেখর চমকিয়া উঠিয়া চক্ষু মেলিলেন—দেখিলেন শয্যার সম্মুখে এক অপরূপ রমণীমূর্তি।

মৃত্যু-সমাচ্ছন্ন বাষ্পাকুলনেত্রে স্পষ্ট করিয়া দেখিতে পাইলেন না। মনে হইল তাঁহার হৃদয়ের সেই ছায়াময়ী প্রতিমা অন্তর হইতে বাহির হইয়া মৃত্যুকালে তাঁহার মুখের দিকে স্থিরনেত্রে গাহিয়া আছে।

রমণী কহিলেন, “আমি রাজকন্ঠা অপরাজিতা।”

কবি প্রাণপণে উঠিয়া বসিলেন।

রাজকন্ঠা কহিলেন—“রাজা তোমার স্মৃতিচার করেন নাই। তোমারই জন্ম হইয়াছে, কবি, তাই আমি আজ তোমাকে জন্মমালা দিতে আসিয়াছি।”

বলিয়া অপরাজিতা নিজের কণ্ঠ হইতে স্বহস্তরচিত পুষ্পমালা খুলিয়া কবির গলায় পরাইয়া দিলেন। মরণাহত কবি শয্যার উপরে পড়িয়া গেলেন।

অসম্ভব কথা।

এক যে ছিল রাজা ।

তখন ইহার বেশী কিছু জানিবার আব-
শ্যক ছিল না। কোথাকার রাজা, রাজার
নাম কি, এ সকল প্রশ্ন জিজ্ঞাসা করিয়া গল্পের
প্রবাহ রোধ করিতাম না। রাজার নাম
শিলাদিত্য কি শালিবাহন, কাশী কাঞ্চি কনোজ
কোশল অঙ্গ বঙ্গ কলিঙ্গের মধ্যে ঠিক কোন্-
খানটিতে তাঁহার রাজত্ব, এ সফল ইতিহাস
ভূগোলের তর্ক আমাদের কাছে নিতান্তই
তুচ্ছ ছিল ;—আসল যে কথাটি শুনিলে অন্তর
পুলকিত হইয়া উঠিত এবং সমস্ত হৃদয় এক
মুহূর্তের মধ্যে বিদ্যাহেমে চুষকের মত আকৃষ্ট
হইত, সেট হইতেছে—এক যে ছিল রাজা ।

এখনকার পাঠক যেন একেবারে কোমর
বাঁধিয়া বসে। গোড়াতেই ধরিয়া লয় লেখক
মিথ্যা কথা বলিতেছে। সেইজন্য অত্যন্ত
সেয়ানার মত মুখ করিয়া জিজ্ঞাসা করে—
“লেখক মহাশয়, তুমি যে বলিতেছ এক যে
ছিল রাজা, আচ্ছা বল দেখি, কে ছিল সেই
রাজা !”

লেখকেরাও সেয়ানা হইয়া উঠিয়াছে ;
তাহারা প্রকাণ্ড প্রত্নতত্ত্বপণ্ডিতের মত মুখ-
মণ্ডল চতুর্গুণ মণ্ডলাকার করিয়া বলে, “এক
যে ছিল রাজা, তাহার নাম ছিল অজাতশত্রু।”

পাঠক চোখ টিপিয়া জিজ্ঞাসা করে,
“অজাতশত্রু ? ভাল, কোন্ অজাতশত্রু বল
দেখি ?”

লেখক অবিচলিত মুখভাব ধারণ করিয়া

বলিয়া যায়, “অজাতশত্রু ছিল তিন জন।
একজন খৃষ্টজন্মের তিন সহস্র বৎসর পূর্বে
জন্মগ্রহণ করিয়া দুই বৎসর আটমাস বয়ঃক্রম
কালে মৃত্যুমুখে পতিত হন। দুঃখের বিষয়,
তাঁহার জীবনের বিস্তারিত বিবরণ কোন
গ্রন্থেই পাওয়া যায় না।” অবশেষে দ্বিতীয়
অজাতশত্রু সম্বন্ধে ৬৭ জন ঐতিহাসিকের দশ
বিভিন্ন মত সংলোচনা শেষ করিয়া যখন
গ্রন্থের নাথক তৃতীয় অজাতশত্রু পর্যন্ত আসিয়া
পৌছায়, তখন পাঠক বলিয়া উঠে, “ওরে
বাসুদে, কি পাণ্ডিত্য ! এক গল্প শুনিতে
আসিয়া কত শিক্ষাই হইল ! এ লোকটাকে
আর অবিশ্বাস করা যাইতে পারে না ! আচ্ছা
লেখক মহাশয়, তার পরে কি হইল !”

হায়রে হায়, মানুষ ঠকিতেই চায়, ঠকি
তেই ভালবাসে, অথচ পাছে কেহ নিকোঁধ
মনে করে এ ভয়টুকুও বোলমানা আছে ;
এইজন্য প্রাণপণে সেয়ানা হইবার চেষ্টা করে।
তাহার ফল হয় এই যে, সেই শেষকালটা ঠকে
কিন্তু বিস্তর আড়ম্বর করিয়া ঠকে।

ইংরাজিতে একটি প্রবাদ আছে, “প্রশ্ন
জিজ্ঞাসা করিও না, তাহা হইলে মিথ্যা জবাব
শুনিতে হইবে না।” বালক সেইট বোঝে, সে
কোন প্রশ্ন করে না। এইজন্য রূপকথায় হৃন্দর
মিথ্যাটুকু শিশুর মত উলঙ্গ, সত্যের মত সরল,
সম্ম উৎসারিত উৎসের মত স্বচ্ছ—আর
এখনকার দিনের সূচতুর মুগ্ধ পুরা মিথ্যা।
কোথাও যদি তিলমাত্র ছিদ্র থাকে অমূনি
ভিতর হইতে সমস্ত ফাঁকি ধরা পড়ে, পাঠক
বিমুগ্ধ হয়, লেখক পালাইবার পথ পায় না।

শিশুকালে আমরা যথার্থ বসজ্ঞ ছিলাম,
এইজন্য যখন গল্প শুনিতে বসিয়াছি তখন জ্ঞান-
লাভ করিবার জন্য আমাদের তিলমাত্র আগ্রহ
উপস্থিত হইত না, এবং অশিক্ষিত সরল হৃদয়টি

ঠিক বুঝিত আসল কথাটি কোনটুকু। আর এখনকার দিনে এত বাহ্যিক কথাও বকিতে হয়, এত অনাবশ্যক কথাও আবশ্যক হইয়া পড়ে! কিন্তু সবশেষে সেই আসল কথাটিতে গিয়া দাঁড়াই—এক যে ছিল রাজা।

বেশ মনে আছে সেদিন সন্ধ্যাবেলা ঝড়বৃষ্টি হইতেছিল। কলিকাতা সহর একেবারে ভাসিয়া গিয়াছিল। গলির মধ্যে একহাঁটু জল। মনে, একান্ত আশা ছিল, আজ আর মাষ্টার আসিবে না। কিন্তু তবু তাঁহার আসার নির্দিষ্ট সময় পর্যন্ত ভীতচিত্তে পথের দিকে চাহিয়া বারান্দায় চৌকি লইয়া বসিয়া আছি। যদি বৃষ্টি একটু ধরিয়্যা আসিবার উপক্রম হয়, তবে একাগ্র চিত্তে প্রার্থনা করি, হে দেবতা আর একটুখানি কোনমতে সন্ধ্যা সাড়ে সাতটা পার করিয়া দাও! তখন মনে হইত পৃথিবীতে বৃষ্টির আর কোন আবশ্যক নাই কেবল একটিমাত্র সন্ধ্যায় নগরপ্রান্তের একটিমাত্র ব্যাকুল বালককে মাষ্টারের করাল হস্ত হইতে রক্ষা করা ছাড়া। পুরাকালে কোন একটি নির্দাসিত বন্ধুও ত মনে করিয়াছিল, অর্থাৎ মেঘের বড় একটা কোন কাজ নাই, অতএব রামগিরিশিখরের একটিমাত্র বিরহীর ছাপকথা বিশ্বপার হইয়া অলকার সোধবাতায়নে কোন একটি বিরহিনীর কাছে লইয়া যাওয়া তাহার পক্ষে কিছুমাত্র গুরুতর নহে; বিশেষতঃ পথটি যখন এমন সুরম্য এবং তাহার হৃদয়বেদনা এমন দুঃসহ।

বালকের প্রার্থনামতে না হোক, ধূমন্ত্যোতিঃ-সলিলমরুতের বিশেষ কোন নিয়মানুসারে বৃষ্টি ছাড়িল না। কিন্তু হায়, মাষ্টারও ছাড়িল না। গলির মোড়ে ঠিক সময়ে একটি পরিচিত ছাতা দেখা দিল—সমস্ত আশাবাপ্ত এক মুহূর্তে কাটিয়া বাহির হইয়া আমার বুকটি ঘেনপা-

রের মধ্যে মিলাইয়া গেল। পরপীড়ন পাঁপের যদি যথোপযুক্ত শাস্তি থাকে তবে নিশ্চয় পর-জন্মে আমি মাষ্টার হইয়া এবং আমার মাষ্টার মহাশয় ছাত্র হইয়া জন্মিবেন। তাহার বিরুদ্ধে কেবল একটি আপত্তি এই যে, আমাকে মাষ্টার মহাশয়ের মাষ্টার হইতে গেলে অতিশয় অকালে ইহসংসার হইতে বিদায় লইতে হয়—অতএব আমি তাঁহাকে অন্তরের সহিত মার্জনা করিলাম।

ছাতাটি দেখিবামাত্র ছুটিয়া অন্তঃপুরে প্রবেশ করিলাম। মা তখন দিদিমার সহিত মুখামুখী বসিয়া প্রদীপালোকে বিস্তি খেলিতে-ছিলেন। বুপু করিয়া একপাশে শুইয়া পড়িলাম। মা জিজ্ঞাসা করিলেন, “কি হইয়াছে? আমি মুখ হাঁড়ির মত করিয়া কহিলাম, “আমার অসুখ করিয়াছে, আজ আর আমি মাষ্টারের কাছে পড়িতে যাইব না।”

আশা করি, অপ্ৰাপ্তবয়স্ক কেহ আমার এ লেখা পড়িবে না, এবং স্কুলের কোন সিলেকশন বহিতে আমার এ লেখা উদ্ধৃত হইবে না। কারণ, আমি যে কাজ করিয়াছিলাম তাহা নীতিবিরুদ্ধ এবং সে ক্ষত কোন শাস্তিও পাই নাই। বরঞ্চ আমার অভিপ্রায় সিদ্ধ হইল।

মা চাকরকে বলিয়া দিলেন—“আজ তবে থাক, মাষ্টারকে যেতে বলে’ দে।”

কিন্তু তিনি যেরূপ নিরুদ্দিগ্ধভাবে বিস্তি খেলিতে লাগিলেন, তাহাতে বেশ বোঝা গেল যে, মা তাঁহার পুত্রের অসুখের উৎকট লক্ষণ-গুলি মিলাইয়া দেখিয়া মনে মনে হাসিলেন; আমিও মনের সুপে বাগিশের মধ্যে মুখ শুভ্রিয়া খুব হাসিলাম—আমাদের উভয়ের মন উভয়ের কাছে অগোচর রহিল না।

কিন্তু সকলেই জানেন, এ প্রকারের অসুখ

অধিকরণ স্থায়ী করিয়া রাখা যোগীর পক্ষে বড়ই হ্রস্ব। মিনিটখানেক না যাইতে যাইতে দিদিমাকে ধরিয়া পড়িলাম—দিদিমা, একটা গল্প বল। ছই চারিবার কোন উত্তর পাওয়া গেল না। মা বলিলেন; “রোস্ বাছা, খেলাটা আগে শেষ করি!”

আমি কহিলাম, “না, মা, খেলা তুমি কাল শেষ করো আজ দিদিমাকে গল্প বলতে বল না!”

মা কাগজ ফেলিয়া দিয়া কহিলেন, “যাও খুড়ি! উহার সঙ্গে এখন কে পারিবে!” মনে মনে হয় ত ভাবিলেন—আমার ত কাল মাষ্টার আসিবে না, আমি কালও খেলিতে পারিব।

আমি দিদিমার হাত ধরিয়া টানিয়া লইয়া একেবারে মশারির মধ্যে বিছানার উপরে গিয়া উঠিলাম। প্রথমে খানিকটা পাশ-বালিশ জড়াইয়া, পা ছুড়িয়া, নড়িয়াচড়িয়া মনের আনন্দ সম্বরণ করিতে গেল—তার পরে বলিলাম—গল্প বল।

তখনো রুপরুপ করিয়া বাহিরে বৃষ্টি পড়িতেছিল—দিদিমা মুহূর্তে আরম্ভ করিলেন—এক যে ছিল রাজা।

তার এক রাণী। আঃ, বাঁচা গেল। স্নয়ো এবং ছয়ো রাণী শুনিলেই বুকটা কাঁপিয়া উঠে—শুঝিতে পারি ছয়ো হতভাগিনীর বিপদের আর বড় বিলম্ব নাই। পূর্ক হইতে মনে বিষম একটা উৎকর্ষা চাপিয়া থাকে।

যখন শোনা গেল আর কোন চিন্তার বিষয় নাই, কেবল রাজার পুত্রসন্তান হইবে নাই বলিয়া রাজা ব্যাকুল হইয়া আছে এবং দেবতার নিকট প্রার্থনা করিয়া কঠিন তপস্বী করিবার জন্ত বনগমনে উত্তর হইয়াছে, তখন হাঁপ ছাড়িয়া বাঁচিলাম। পুত্রসন্তান না হইলে যে, ছঃখের কোন কারণ আছে তাহা আমি বুঝিতাম না;

আমি জানিতাম যদি কিছুর জন্তে বনে যাইবার কখনো আবশ্যক হয় সে কেবল মাষ্টারের কাছ হইতে পালাইবার অভিপ্রায়ে।

রাণী এবং একটি বালিকা-কন্তা ঘরে ফেলিয়া রাজা তপস্বী করিতে চলিয়া গেল। এক বৎসর ছই বৎসর করিয়া ক্রমে বারো বৎসর হইয়া যায় তবু রাজার আর দেখানাই।

এ দিকে রাজকন্তা ষোড়শী হইয়া উঠিয়াছে। বিবাহের বয়স উত্তীর্ণ হইয়া গেল কিন্তু রাজা ফিরিল না।

মেয়ের মুখের দিকে চায়, আর রাণীর মুখে আর অন্তরঙ্গরূঢ়ে না। আহা, আমার এমন সোণার মেয়ে কি চিরকাল আইবড় হইয়া থাকিবে? ওগো আমি কি কপাল করিয়াছিলাম?

অবশেষে রাণী রাজাকে অনেক অনুন্নয় করিয়া বলিয়া পাঠাইলেন, আমি আর কিছু চাহি না, তুমি একদিন কেবল আমার ঘরে আসিয়া খাইয়া যাও।

রাজা বলিলেন, আচ্ছা।

রাণী ত সেদিন বহুযত্নে চৌষটি ব্যঞ্জন স্বহস্তে রাখিলেন এবং সমস্ত সোণার থালে ও রুপার বাটিতে সাজাইয়া চন্দন কাঠের পিঁড়ি পাতিয়া দিলেন। রাজকন্তা চামর হাতে করিয়া দাঁড়াইলেন।

রাজা আজ বারো বৎসর পরে অন্তঃপুরে ফিরিয়া আসিয়া খাইতে বসিলেন। রাজকন্তা রূপে আলো করিয়া দাঁড়াইয়া চামর করিতে লাগিলেন।

মেয়ের মুখের দিকে চায় আর খাওয়া হয় না। শেষে রাণীর দিকে চাহিয়া তিনি জিজ্ঞাসা করিলেন, হাঁ গো রাণী এমন সোণার প্রতিমা লক্ষী ঠাকরুণটির মত এ মেয়েটি কে গা? এ কাহাদের মেয়ে?

রাণী কপালে করাঘাত করিয়া কহিলেন, হা আমার পোড়া কপাল! উহাকে চিনিতে পারিলে না? ও যে তোমারি মেয়ে।

রাজা বড় আশ্চর্য্য হইয়া বলিলেন— আমার সেই সেদিনকার এতটুকু মেয়ে আজ এত বড়টি হইয়াছে?

রাণী দীর্ঘনিশ্বাস ফেলিয়া কহিলেন— তা' আর হইবে না? বল কি, আজ বারো বৎসর হইয়া গেল! রাজা জিজ্ঞাসা করিলেন— মেয়ের বিবাহ দাও নাই?

রাণী কহিলেন— তুমি ঘরে নাই উহার বিবাহ কে দেয়? আমি কি নিজে পাত্র খুঁজিতে বাহির হইব?

রাজা শুনিয়া হঠাৎ ভারি শশব্যস্ত হইয়া উঠিয়া বলিলেন— রোস্ আমি কাল সকালে উঠিয়া রাজদ্বারে তাহার মুখ দেখিব তাহারই সহিত উহার বিবাহ দিয়া দিব।

রাজকন্ঠা চামর করিতে লাগিলেন। তাঁহার হাতের বালাতে চূড়িতে চুঁচুঁ শব্দ হইতে লাগিল। রাজার আহার হইয়া গেল।

পরদিন ঘুম হইতে উঠিয়া বাহিরে আসিয়া রাজা দেখিলেন একটি ব্রাহ্মণের ছেলে রাজবাড়ির বাহিরে জঙ্গল হইতে শুকনা কাঠ সংগ্রহ করিতেছে। তাহার বয়স বছর সাত আট হইবে।

রাজা বলিলেন, ইহারই সহিত আমার মেয়ের বিবাহ দিব। রাজার হুকুম কে লঙ্ঘন করিতে পারে, তখনি ছেলোটিকে ধরিয়া তাহার সহিত রাজকন্ঠার মালা বদল করিয়া দেওয়া হইল।

আমি এই জায়গাটাতে দিদিমার খুব কাছে ঘেঁষিয়া গিয়া নিরতিশয় উৎসুক্যের সহিত জিজ্ঞাসা করিলাম— তার পরে? নিজে কে সেই সাত আট বৎসরের সৌভাগ্যবান

কাঠকুড়ানে ব্রাহ্মণের ছেলের স্থলাভিষিক্ত করিতে কি একটুখানি ইচ্ছা যায় নাই? যখন সেই রাতে সুপুরুষ রুটি পড়িতেছিল, মিটমিট করিয়া শ্রীদীপ জলিতেছিল এবং গুম্গুম্ শব্দে দিদিমা মশারির মধ্যে গল্প বলিতেছিল, তখন কি বালকহৃদয়ের বিশ্বাসপরায়ণ রহস্যময় অনাবিষ্কৃত এক ক্ষুদ্র প্রান্তে এমন একটি অত্যন্ত সম্ভবপর ছবি জাগিয়া উঠে নাই যে, সেও একদিন সকাল বেলায় কোথায় এক রাজার দেশে রাজার দরজায় কাঠকুড়াইতেছে, হঠাৎ এটি সোণার প্রতিমা লক্ষ্মীঠাকরুণটির মত রাজকন্ঠার সহিত তাহার মালা বদল হইয়া গেল; মাথায় তাহার সীঁধি, কাণে তাহার ছল, গলায় তাহার কণ্ঠী, হাতে তাহার কাঁকণ, কটিতে তাহার চন্দ্রহার এবং আলতা পরা ছটি পায় নূপুর ঝম্ ঝম্ করিয়া বাজিতেছে।

কিন্তু আমরা সেই দিদিমা যদি লেখকজন্ম ধারণ করিয়া আজ কালকার সেয়ানা পাঠকদের কাছে এই গল্প বলিতেন তবে ইতিমধ্যে তাঁহাকে কত হিসাব দিতে হইত? প্রথমতঃ রাজা যে বার বৎসর বনে বসিয়া থাকে এবং ততদিন রাজকন্ঠার বিবাহ হয় না, একবাক্যে সকলেই বলিত ইয়া অসম্ভব। সেটুকুও যদি কোন গতিকে গোলমালে পার পাইয়া যাইত কিন্তু কন্ঠার বিবাহের জায়গায় বিষম একটা বলরব উঠিত। এক ত, এমন কখন হয় না, দ্বিতীয়তঃ, সকলেই আশঙ্কা করিত ব্রাহ্মণের ছেলের সহিত ক্ষত্রিয় কন্ঠার বিবাহ ঘটাইয়া লেখক নিশ্চয়ই কাঁকি দিয়া সমাজবিরুদ্ধ মত প্রচার করিতেছেন। কিন্তু পাঠকরা তেমন ছেলেই নয়, তাহারা তাঁহার নাতি নয় যে, সকল কথা চুপ করিয়া শুনিয়া যাইবে। তাহারা কাগজে সমালোচনা করিবে। অতএব একান্তমনে প্রার্থনা করি, দিদিমা যেন পুনর্বার

দিদিমা হইয়াই জন্মগ্রহণ করেন, হতভাগ্য নাতিটার মত তাঁহাকে গ্রহদোষে যেন লেখক হইতে না হয়।

আমি একেবারে পুলকিত কম্পান্বিত হৃদয়ে জিজ্ঞাসা করিলাম, তার পরে ?

দিদিমা বলিতে লাগিলেন—তার পরে রাজকত্তা মনের হুঃখে তাহার সেই ছোট স্বামীটিকে লইয়া চলিয়া গেল।

অনেক দূরদেশে গিয়া একটি বৃহৎ অট্টালিকা নির্মাণ করিয়া সেই ব্রাহ্মণের ছেলেটিকে আপনার সেই অতি ক্ষুদ্র স্বামীটিকে, বড় যত্নে মামুষ করিতে লাগিল।

—আমি একটুখানি নড়িয়া-চড়িয়া পাশ-বালিশ আর একটু সবলে জড়াইয়া ধরিয়া কহিলাম, তার পরে ?

দিদিমা কহিলেন, তার পরে ছেলেটি পুঁথিতে প্রতিদিন পাঠশালে যায়।

এমনি করিয়া গুরু মহাশয়ের কাছে নানা বিজ্ঞা শিখিয়া ছেলেটি ক্রমে যত বড় হইয়া উঠিতে লাগিল ততই তাহার সহপাঠীরা তাহাকে জিজ্ঞাসা করিতে লাগিল, ঐ যে সাতমহলা বাড়িতে তোমাকে লইয়া থাকে সেই মেয়েটি তোমার কে হয় ?

ব্রাহ্মণের ছেলে ত ভাবিয়া অস্থির—কিছুতেই ঠিক করিয়া বলিতে পারে না মেয়েটি তাহার কে হয় ! একটু একটু মনে পড়ে একদিন সকালে রাজবাড়ির দ্বারের সম্মুখে শুকনা কাঠ কুড়াইতে গিয়াছিল—কিন্তু সেদিন কি একটা মস্ত গোলমালে কাঠকুড়ানো হইল না। সে অনেক দিনের কথা, সে কি কিছু মনে আছে ? এমন করিয়া চারি পাঁচ বৎসর যায়। ছেলেটিকে রোজই তাহার সঙ্গীরা জিজ্ঞাসা করে আচ্ছা ঐ যে সাতমহলা বাড়িতে পরমা রূপসী মেয়েটি থাকে ও তোমার কে হয় ?

ব্রাহ্মণ একদিন পাঠশালা হইতে মুখ বড় বিমর্ষ করিয়া আসিয়া রাজকত্তাকে কহিল, আমাকে আমার পাঠশালার পোড়োরা প্রতিদিন জিজ্ঞাসা করে—ঐ যে সাতমহলা বাড়িতে যে পরমা সুন্দরী মেয়েটি থাকে সে তোমার কে হয় ? আমি তাহার কোন উত্তর দিতে পারি না। তুমি আমার কে হও, বল !

রাজকত্তা বলিল, আজিকার দিন থাক্ সে কথা আর এক দিন বলিব।

ব্রাহ্মণের ছেলে প্রতিদিন পাঠশালা হইতে আসিয়া জিজ্ঞাসা করে, তুমি আমার কে হও ?

রাজকত্তা প্রতিদিন উত্তর করে, সে কথা আজ থাক্ আর একদিন বলিব।

এমনি করিয়া আরো চার পাঁচ বৎসর কাটিয়া যায়। শেষে ব্রাহ্মণ একদিন আসিয়া বড় রাগ করিয়া বলিল—আজ যদি তুমি না বল তুমি আমার কে হও তবে আমি তোমার এই সাতমহলা বাড়ি ছাড়িয়া চলিয়া যাইব।

তখন রাজকত্তা কহিলেন—আচ্ছা কাল নিশ্চয়ই বলিব।

পরদিন ব্রাহ্মণ-তনয় পাঠশালা হইতে ঘরে আসিয়াই রাজকত্তাকে বলিল—আজ বলিবে বলিয়াছিলে, তবে বল ?

রাজকত্তা বলিলেন, আজ রাত্রে আহার করিয়া যখন তুমি শয়ন করিবে তখন বলিব।

ব্রাহ্মণ বলিল—আচ্ছা। বলিয়া স্বর্ধ্যাস্তের অপেক্ষায় প্রহর গণিতে লাগিল।

এদিকে রাজকত্তা সোণার পালঙ্কে একটি ধবধবে ফুলের বিছানা পাতিলেন,—ঘরে সোণার প্রদীপে সুগন্ধ তেল দিয়া বাতি জ্বলাইলেন, এবং চুলটি বাঁধিয়া নীলাস্বরী কাপড়টি পরিয়া সাজিয়া বসিয়া প্রহর গণিতে লাগিলেন, খন রাত্রি আসে !

রাত্রে তাঁহার স্বামী কোন মতে আহার

শেষ করিয়া শয়নগৃহে সোণার পালকে ফুলের বিছানায় গিয়া শয়ন করিলেন। ভাবিতে লাগিলেন, আজ শুনিতে পাইব এই সাতমহলা বাড়িতে যে স্তম্ভটুকি থাকে সে আমার কে হয়।

রাতকণ্ঠা তাঁহার স্বামীর পায়ে প্রসাদ খাইয়া ধীরে ধীরে শয়নগৃহে প্রবেশ করিলেন। আজ বহুদিন পরে প্রকাশ করিয়া বলিতে হইবে এই সাতমহলা অট্টালিকার একমাত্র অধীশ্বরী আমি তোমার কে হই।

বলিতে গিয়া বিছানায় প্রবেশ করিয়া দেখিলেন ফুলের মধ্যে সাপ ছিল, তাঁহার স্বামীকে কপন দংশন করিয়াছে। স্বামীর মৃত দেহখানি মলিন হইয়া সোণার পালকে পুষ্পশয্যায় পড়িয়া আছে।

—আমার যেন বক্ষঃস্পন্দন হঠাৎ বন্ধ হইয়া গেল। আমি রুদ্ধস্বরে বিবর্ণমুখে জিজ্ঞাসা করিলাম—তার পরে কি হইল !

দিদিমা বলিতে লাগিলেন—তার পরে—কিন্তু সে কথায় আর কাজ কি ? সে যে আরো অসম্ভব ! গল্পের প্রধান নায়ক সর্পাঘাতে মারা গেল, তবুও তার পরে ? বালক তখন জানিত না, মৃত্যুর পরেও একটা তার পরে থাকিতে পারে বটে, কিন্তু সে তার-পরের উত্তর কোন দিদিমার দিদিমাও দিতে পারে না। বিশ্বাসের বলে সাবিত্রী মৃত্যুরও অনুগমন করিয়াছিলেন। শিশুরও প্রবল বিশ্বাস এই জন্ত সে মৃত্যুর অঞ্চল ধরিয়া ফিরাইতে চায়, কিছুতেই মনে করিতে পারে না যে, তাহার মাষ্টারবিহীন একসঙ্ঘা-বেলাকার এত সাধের গল্পটি হঠাৎ একটি সর্পাঘাতেই মারা গেল ! কাজেই দিদিমাকে সেই মহাপরিণামের চিররুদ্ধ গৃহ হইতে গল্পটিকে আবার ফিরাইয়া আনিতে হয়। কিন্তু এত সহজে সেটি সাধন করেন, এমন অনায়াসে,—

কেবল হয় ত একটা কলার ভেলায় ভাসাইয়া দিয়া গুটি দুই মন্ত্র পড়িয়া মাত্র—যে, সেই রূপরূপ রুষ্টির রাতে স্তিমিত প্রদীপে বালকের মনে মৃত্যুর মূর্তি অত্যন্ত অকঠোর হইয়া আসে, তাহাকে একরাত্রেই স্মৃতিভ্রমের চেয়ে বেশী মনে হয় না। গল্প যখন ফুরাইয়া যায়, আরামে শ্রান্ত হুটি চক্ষু আপনি মুদ্রিত আসে, তখনো ত শিশুর ক্ষুদ্র প্রাণটিকে একটি স্নিগ্ধ নিস্তরঙ্গ নিস্তরঙ্গ শ্রোতের মধ্যে স্মৃতিশ্রীর ভেলায় করিয়া ভাসাইয়া দেওয়া হয়, তার পরে ভোবের বেলায় কে হুটি মায়ামন্ত্র পড়িয়া তাহাকে এই জগতের মধ্যে আগ্রং করিয়া তোলে।

কিন্তু যাহার বিশ্বাস নাই, যে ভীকর এ সৌন্দর্য্যরসাস্বাদনের জন্তও এক ইঞ্চি পরিমাণ অসম্ভবকে লঙ্ঘন করিতে পরাস্বুখ হয়, তাহার কাছে কোন কিছুই আর তার-পরে নাই, সমস্তই হঠাৎ অসময়ে এক অসমাপ্তিতে সমাপ্ত হইয়া গেছে। ছেলেবেলায় সাতসমুদ্র পার হইয়া মৃত্যুকেও লঙ্ঘন করিয়া গল্পের যেখানে যথার্থ বিরাম, সেখানে স্নেহময় স্মৃতিশ্রীর শুনিতায়—


আমার কথাটি ফুরোলো,
নটে গাছটি মুড়োলো।

এখন বয়স হইয়াছে, এখন গল্পের ঠিক মাঝখানটাতে হঠাৎ থামিয়া গিয়া একটা নিষ্ঠুর কঠিন কণ্ঠে শুনিতে পাই—

আমার কথাটি ফুরোলো না,
নটে গাছটি মুড়োলো না।

কেন্নে নটে মুড়োলি কেন,
তোমার গরুতে—

দূর হোক গে, ঐ নিরীহ প্রাণীটির নাম করিয়া কাজ নাই, আবার কে কোন দিক হইতে গায়ে পাতিয়া লইবে।



বহুকাল।

আমরা তিন বালাসঙ্গী যে ঘরে শয়ন করিতাম, তাহার পাশের ঘরের দেয়ালে একটি আন্ত নরকঙ্কাল ঝুলান থাকিত। রাত্রে বাতাসে তাহার হাড়গুলো খটখট শব্দ করিয়া নড়িত। দিনের বেলায় আমাদিগকে সেই হাড় নাড়িতে হইত। আমরা তখন পণ্ডিত মহাশয়ের নিকট মেঘনাদবধ এবং কপালেশ্বর স্কুলের এক ছাত্রের কাছে অস্থিবিজ্ঞা পড়িতাম। আমাদের অভিভাবকের ইচ্ছা ছিল আমাদিগকে সহসা সর্কবিজ্ঞায় পারদর্শী করিয়া তুলিবেন— তাহার অভিপ্রায় কতদূর সফল হইয়াছে বাহারা আমাদিগকে জানেন তাহাদের নিকট প্রকাশ করা বাহুল্য এবং বাহারা জানেন না তাহাদের নিকট গোপন করাই শ্রেয়।

তাহার পর বহুকাল অতীত হইয়াছে। ইতিমধ্যে সেই ঘর হইতে কঙ্কাল এবং আমাদের মাথা হইতে অস্থিবিজ্ঞা কোথায় স্থানান্তরিত হইয়াছে অন্বেষণ করিয়া জানা যায় না।

অল্পদিন হইল একদিন রাত্রে কোন কারণে অস্ত্রস্থানান্তর হওয়াতে আমাকে সেই ঘরে শয়ন করিতে হয়। অনভ্যাসবশতঃ ঘুম হইতেছে না। এপাশ ওপাশ করিতে করিতে গির্জার ঘড়িতে বড় বড় ঘণ্টাগুলো প্রায় সব ক'টা বাজিয়া গেল। এমন সময়ে ঘরের কোণে যে তেলের সেজ জলিতেছিল সেটা প্রায় মিনিট পাঁচেক ধরিয়া খাবি খাইতে খাইতে একবারে নিবিয়া গেল। ইতিপূর্বেই আমাদের বাড়িতে ছই একটা ছর্ষটনা ঘট-

য়াছে। তাই এই আলো নেবা হইতে সহজেই মৃত্যুর কথা মনে উদয় হইল। মনে হইল, এই যে রাত্রি ছই প্রহরে একটি দীপ-শিখা চিরান্ধকারে মিলাইয়া গেল, প্রকৃতির কাছে ইহাও যেমন, আর মানুষের ছোট ছোট প্রাণশিখা কখনো দিনে কখনো রাত্রে হঠাৎ নিবিয়া বিস্মৃত হইয়া যায় তাহাও তেমনি।

ক্রমে সেই কঙ্কালের কথা মনে পড়িল। তাহার জীবিতকালের বিষয় কল্পনা করিতে করিতে সহসা মনে হইল একটি চেতন পদার্থ অন্ধকারে ঘরের দেয়াল হাতড়াইয়া আমার মশারির চারিদিকে ঘুরিয়া ঘুরিয়া বেড়াইতেছে, তাহার ঘন ঘন নিশ্বাসের শব্দ শুনা যাইতেছে। সে যেন কি খুঁজিতেছে পাইতেছে না এবং দ্রুততরবেগে ঘরময় প্রদক্ষিণ করিতেছে। নিশ্চয় বুঝিতে পারিলাম সমস্তই আমার নিদ্রাহীন উষ্ণ মস্তিষ্কের কল্পনা। এবং আমারই মাথার মধ্যে বৌ বৌ করিয়া যে রক্ত ছুটিতেছে তাহাই দ্রুত পদশব্দের মত শুনাইতেছে। কিন্তু তবু গা ছম্ছম্ করিতে লাগিল। জোর করিয়া এই অকারণ ভয় ভাঙ্গিবার জন্ত বলিয়া উঠিলাম “কেও!” পদশব্দ আমার মশারির কাছে আসিয়া থামিয়া গেল এবং একটা উত্তর শুনিতে পাইলাম “আমি। আমার সেই কঙ্কালটা কোথায় গেছে তাই খুঁজিতে আসিয়াছি।”

আমি ভাবিলাম, নিজের কাল্পনিক সৃষ্টির কাছে ভয় দেখান কিছু নয়—পাশবালিশটা সৰলে আঁকড়িয়া ধরিয়া চিরপরিচিতের মত অতি সহজ স্বরে বলিলাম—“এই ছপর রাত্রে বেশ কাজটি বাহির করিয়াছ! তা, সে কঙ্কালে এখন আর তোমার আবশ্যক!”

অন্ধকারে মশারির অত্যন্ত নিকট হইতে উত্তর আসিল “বল কি! আমার বৃকের

হাড় যে তাহারই মধ্যে ছিল ! আমার ছাব্বিশ বৎসরের যৌবন যে তাহার চারিদিকে বিকশিত হইয়াছিল—একবার দেখিতে ইচ্ছা করে না।”

আমি তৎক্ষণাৎ বলিলাম “হাঁ। কথাটা সঙ্গত বটে। তা তুমি সন্ধান করগে যাও। আমি একটু ঘুমাইবার চেষ্টা করি।”

সে বলিল “তুমি একলা আছ বুঝি। তবে একটু বসি। একটু গল্প করা যাক। পঁয়ত্রিশ বৎসর পূর্বে আমিও মানুষের কাছে বসিয়া মানুষের সঙ্গে গল্প করিতাম। এই পঁয়ত্রিশটা বৎসর আমি কেবল শ্মশানের বাতাসে হুহু শব্দ করিয়া বেড়াইয়াছি—আজ তোমার কাছে বসিয়া আর একবার মানুষের মত করিয়া গল্প করি।”

অমুভব বলিলাম, আমার মশারির কাছে কে বসিল। নিরুপায় দেখিয়া আমি বেশ একটু উৎসাহের সহিত বলিলাম—“সেই ভাল। যাহাতে মন বেশ প্রকৃত হইয়া উঠে এমন একটা কিছু গল্প বল।”

সে বলিল “সব চেয়ে মজার কথা যদি শুনিতে চাও ত আমার জীবনের কথা বলি।”

গির্জার ঘড়িতে ঢং ঢং করিয়া দুটা বাজিল।

“যখন মানুষ ছিলাম এবং ছোট ছিলাম এক ব্যক্তিকে যমের মত ভয় করিতাম। তিনি আমার স্বামী। মাছকে বঁড়শি দিয়া ধরিলে তাহার যেমন মনে হয় আমারও সেইরূপ মন হইত। অর্থাৎ কোন এক সম্পূর্ণ অপরিচিত জীব যেন বঁড়শিতে গাঁথিয়া আমাকে আমার স্নিগ্ধগভীর জন্ম-জলাশয় হইতে টান মারিয়া ছিনিয়া লইয়া যাইতেছে—কিছুতে তাহার হাত হইতে পরিত্রাণ নাই। বিবাহের দুই মাস পরেই আমার স্বামীর মৃত্যু হইল এবং আমার আত্মীয় স্বজনেরা আমার হইয়া

অনেক বিলাপ পরিভাপ করিলেন। আমার শব্দর অনেকগুলি লক্ষণ মিলাইয়া দেখিয়া শান্ত্রীকে কহিলেন, “শান্ত্রে যাহাকে বলে বিষকন্ডা, এ মেয়েট তাই।” সে কথা আমার স্পষ্ট মনে আছে।—শুনিতেছ ? কেমন লাগিতেছে ?

আমি বলিলাম—“বেশ। গল্পের আরম্ভটি বেশ মজার।”

“তবে শোন। আনন্দে বাপের বাড়ি ফিরিয়া আসিলাম। ক্রমে বয়স বাড়িতে লাগিল। লোকে আমার কাছে লুকাইতে চেষ্টা করিত কিন্তু আমি নিজে বেশ জানিতাম আমার মত রূপসী এমন যেখানে সেখানে পাওয়া যায় না। তোমার কি মনে হয় ?”

“খুব সম্ভব। কিন্তু আমি তোমাকে কখন দেখি নাই।”

“দেখ নাই! কেন? আমার সেই কঙ্কাল! হি হি হি হি! আমি ঠাট্টা করি তেছি! তোমার কাছে কি করিয়া প্রমাণ করিব যে, সেই দুটো শূত্র চক্ষুকোটরের মধ্যে বড় বড় টানা দুটি কালো চোখ ছিল, এবং রাঙা ঠোঁটের উপরে যে মুছ হাসিটুকু মাপানো ছিল এখনকার অনাবৃত দস্তসার বিকট হাস্তের সঙ্গে তার কোন তুলনাই হয় না। এবং সেই কয়খানা দীর্ঘ শুক অস্থিখণ্ডের উপর এত লালিত্য, এত লাগ্য, যৌবনের এত কঠিন-কোমল নিটোল পরিপূর্ণতা প্রভি-দিন প্রস্ফুটিত হইয়া উঠিতেছিল, তোমাকে তাহা বলিতে গেলে হাসি পায় এবং রাগও ধরে। আমার সেই শবীর হইতে যে অস্থি-বিগ্ণা শেখা যাইতে পারে তাহা তখনকার বড় বড় ডাক্তারেরাও বিশ্বাস করিত না। আমি জানি, একজন ডাক্তার তাহার কোন বিশেষ বন্ধুর কাছে আমাকে কনকটাপা বলিয়া-

ছিলেন। তাহার অর্থ এই, পৃথিবীর আর সকল মানুষই অস্থিবিদ্ধা এবং শরীরতত্ত্বের দৃষ্টান্তস্থল ছিল কেবল আমিই সৌন্দর্য্যরূপী ফুলের মত ছিলাম। কনকচাঁপার মধ্যে কি একটা কঙ্কাল আছে ?

‘আমি যখন চলিতাম তখন আপনি বৃষ্টিতে পারিতাম যে, একখণ্ড হীরা নড়াইলে তাহার চারিদিক হইতে যেমন আলো ঝক্‌ঝক্‌ করিয়া উঠে, আমার দেহের প্রত্যেক গতিতে সৌন্দর্য্যের ভঙ্গী নানা স্বাভাবিক হিল্লোলে চারিদিকে ভাঙ্গিয়া পড়িত। আমি মাঝে মাঝে অনেকক্ষণ ধরিয়া নিজের হাত ছুঁখানি নিজে দেখিতাম—পৃথিবীর সমস্ত উদ্ধত পৌরুষের মুখে! রাশ লাগাইয়া মধুরভাবে বাগাইয়া ধরিতে পারে এমন দুই খানি হাত। সুভঙ্গা যখন অর্জুনকে লইয়া দৃষ্ট ভঙ্গীতে আপনার বিজয়-রথ বিন্মিত তিন লোকের মধ্যে দিয়া চালাইয়া লইয়া গিয়াছিলেন, তাঁহার বোধ করি এইরূপ দুখানি অস্থূল সুডোল বাহু, আরক্ত করতল এবং লাবণ্যশিখার মত অস্থূলি ছিল।

‘কিন্তু আমার সেই নির্লজ্জ, নিরাবরণ, নিরাভরণ চিরবৃদ্ধ কঙ্কাল তোমার কাছে আমার নামে মিথ্যা সাক্ষ্য দিয়াছে। আমি তখন নিরুপায় নিরুত্তর ছিলাম। এই জন্ত পৃথিবীর সব চেয়ে তোমার উপর আমার বেশী রাগ। ইচ্ছা করে আমার সেই বোল বৎসরের জীবন্ত, যৌবনতাপে উত্তপ্ত আরক্তিম রূপখানি একবার তোমার চখের সামনে দাঁড় করাই, বহুকালের মত তোমার দুই চক্ষের নিদ্রা ছুটাইয়া দিই, তোমার অস্থিবিদ্ধাকে অস্থির করিয়া দেশছাড়া করি।’—

আমি বলিলাম ‘তোমার গা যদি থাকিত ত গা ছুঁইয়া বলিতাম, তুই বিষ্কার লেশমাত্র

আমার মাথায় নাই। আর তোমার সেই ভুবনমোহন পূর্ণ যৌবনের রূপ রজনীর অন্ধকার-পটের উপরে জাজ্বল্যমান হইয়া ফুটিয়া উঠিয়াছে। আর অধিঃ বলিতে হইবে না।’

‘আমার কেহ সঙ্গিনী ছিল না। দাদা প্রতিজ্ঞা করিয়াছিলেন বিবাহ করিবেন না। অন্তঃপুরে আমি একা। বাগানের গাছতলায় আমি একা বসিয়া ভাবিতাম সমস্ত পৃথিবী আমাকেই ভালবাসিতেছে। সমস্ত তারা আমাকে নিরীক্ষণ করিতেছে। বাতাস ছল করিয়া বার বার দীর্ঘনিশ্বাসে পাশ দিয়া চলিয়া যাইতেছে এবং যে তৃণাসনে পা ছুটি মেলিয়া বসিয়া আছি তাহার যদি চেতনা থাকিত তবে সে পুনর্বার অচেতন হইয়া যাইত। পৃথিবীর সমস্ত যুবা পুরুষ ঐ তৃণপুঞ্জরূপে দল বাঁধিয়া নিস্তন্ধে আমার চরণবর্তী হইয়া দাঁড়াইয়াছে এইরূপ আমি বলনা করিতাম। হৃদয়ে অকারণে কেমন বেদনা অনুভব হইত।

‘দাদার বন্ধু শশিশেখর যখন মেডিকাল কলেজ হইতে পাশ হইয়া আসিলেন তখন তিনিই আমাদের বাড়ির ডাক্তার হইলেন। আমি তাঁহাকে পূর্বে আড়াল হইতে অনেক-বার দেখিয়াছি। দাদা অত্যন্ত অদ্ভুত লোক ছিলেন—পৃথিবীটাকে যেন ভাল করিয়া চোখ মিলিয়া দেখিতেন না। সংসারটা যেন তাঁহার পক্ষে যথেষ্ট কীকা নয়—এই জন্ত সরিয়া সরিয়া একেবারে প্রান্তে গিয়া আশ্রয় লইয়াছেন।

‘তাঁহার বন্ধুর মধ্যে এক শশিশেখর। এই জন্ত বাহিরের যুবকদের মধ্যে আমি এই শশিশেখরকেই সর্বদা দেখিতাম। এবং যখন আমি সন্ধ্যাকালে পুষ্পতরুতলে সান্নাঙ্গীরা আসন গ্রহণ করিতাম, তখন পৃথিবীর সমস্ত পুরুষজাতি শশিশেখরের মূর্ত্তি ধরিয়া আমার

চরণাগত হইত।—শুনিতেন? কি মনে হইতেছে?”

আমি সনিখাসে বলিলাম “মনে হইতেছে শশিশেখর হইয়া জন্মিলে বেশ হইত।”

“আগে সবটা শোন।—একদিন বাদলার দিনে আমার জ্বর হইয়াছে। ডাক্তার দেখিতে আসিয়াছেন। সেই প্রথম দেখা।

“আমি জানুয়ারদিকে মুখ করিয়া ছিলাম, সন্ধ্যার ঝুলাল আভাটা পড়িয়া রুগ্ন মুখের বিবর্ণতা যাহাতে দূর হয়। ডাক্তার যখন ঘরে ঢুকিয়াই আমার মুখের দিকে একবার চাহিলেন তখন আমি মনে মনে ডাক্তার হইয়া বঙ্গনায় নিজের মুখের দিকে চাহিলাম। সেই সন্ধ্যালোকে কোমল বালিশের উপরে একটি ঈষৎ ক্লিষ্ট কুম্মমপেলব মুখ; অসংযমিত চূর্ণ-কুম্মল ললাটের উপরে আসিয়া পড়িয়াছে এবং লজ্জায় আনমিত বড় বড় চোখের পল্লব কপোলের উপর ছায়া বিস্তার করিয়াছে।

“ডাক্তার নব্র মৃদুস্বরে দাঁশকে বলিলেন ‘একবার হাতটা দেখিতে হইবে।’

“আমি গাত্রাবরণের ভিতর হইতে ক্লান্ত স্নগোল হাত খানি বাহির করিয়া দিলাম। একবার হাতের দিকে চাহিয়া দেখিলাম, যদি নীলবর্ণ কাঁচের চূড়ি পরিতে পারিতাম ত আরো বেশ মানাইত! রোগীর হাত লইয়া নাড়ি দেখিতে ডাক্তারের এমন ইতস্ততঃ ইতি-পূর্বে কখন দেখি নাই। অত্যন্ত অসংলগ্নভাবে কম্পিত অঙ্গুলিতে নাড়ি দেখিলেন। তিনি আমার জ্বরের উস্তাপ বুঝিলেন, আমিও তাঁহার অন্তরের নাড়ি কিরূপ চলিতেছে কতকটা আভাস পাইলাম। বিশ্বাস হইতেছে না?”

আমি বলিলাম “অবিশ্বাসের কোন কারণ দেখিতেছি না—মানুষের নাড়ি সকল অবস্থায় সমান চলে না।”

“কালক্রমে আরো দুই চারিবার রোগ ও আরোগ্য হইবার পরে দেখিলাম, আমার সেই সন্ধ্যাকালের মানস-সভার পৃথিবীর কোটি কোটি পুরুষসংখ্যা অত্যন্ত হ্রাস হইয়া ক্রমে একটিন্তে আসিয়া ঠেকিল, আমার পৃথিবী প্রায় জনশূন্য হইয়া আসিল। জগতে কেবল একটি ডাক্তার এবং একটি রোগী অবশিষ্ট রহিল।

“আমি গোপনে সন্ধ্যাবেলায় একটি বাসন্তী রঙের কাপড় পরিতাম, ভাল করিয়া খোঁপা বাঁধিয়া মাথায় এক গাছি বেল ফুলের মালা পরিতাম, একটি আয়না হাতে লইয়া বাগানে গিয়া বসিতাম।

“কেন! আপনাকে দেখিয়া কি আর পরিতৃপ্ত হয় না! বাস্তবিকই হয় না। কেন না, আমি ত আপনি আপনাকে দেখিতাম না। আমি তখন একলা বসিয়া ছইজন হইতাম। আমি তখন ডাক্তার হইয়া আপনাকে দেখিতাম, মুগ্ধ হইতাম, এবং ভাল বাসিতাম এবং আদর করিতাম অথচ প্রাণের ভিতরে একটা দীর্ঘনিশ্বাস সন্ধ্যাবাতাসের মত হুহু করিয়া উঠিত।

“সেই হইতে আমি আর একলা ছিলাম না; যখন চলিতাম, নতনেজে চাহিয়া দেখিতাম পায়ে অঙ্গুলিগুলি পৃথিবীর উপরে কেমন করিয়া পড়িতেছে, এবং ভাবিতাম এই পদক্ষেপ আমাদের নূতন পরীক্ষাকৌতুক ডাক্তারের কেমন লাগে; মধ্যাহ্নে জানুয়ার বাহিরে ঝাঁ ঝাঁ করিত, কোথাও সাড়াশব্দ নাই, মাঝে মাঝে এক একটা চিল অতিদূর আকাশে শব্দ করিয়া উড়িয়া যাইত; এবং আমাদের উচ্চান-প্রাচীরের বাহিরে খেলনাওয়ালার সুর ধরিয়া ‘চাই, খেলনা চাই, চূড়ি চাই’ করিয়া ডাকিয়া যাইত; আমি একখানি ধবধবে চাদর পাতিয়া নিজের হাতে বিছানা করিয়া শয়ন করিতাম;

একখানি অনাবৃত বাছ কোমল বিছানার উপর যেন অনাদরে মেলিয়া দিয়া ভাবিতাম, এই হাতখানি এমনি ভঙ্গীতে কে যেন দেখিতে পাইল, কে যেন ছুইখানি হাত দিয়া তুলিয়া লইল, কে যেন ইহার আরক্ত করতলের উপর একটি চুষন রাখিয়া দিয়া আবার ধীরে ধীরে ফিরিয়া যাইতেছে।—মনে কর এই খানেই গল্পটা যদি শেষ হয় তাহা হইলে কেমন হয় ?”

আমি বলিলাম “মন্দ হয় না। একটু অসম্পূর্ণ থাকে বটে, কিন্তু সেইটুকু আপন মনে পূরণ করিয়া লইতে বাকি রাতটুকু বেশ কাটিয়া যায়।”

“কিন্তু তাহা হইলে গল্পটা যে বড় গম্ভীর হইয়া পড়ে। ইহার উপহাসটুকু থাকে কোথায় ? ইহার ভিতরকার কঙ্কালটা তাহার সমস্ত দাঁত ক’টি মেলিয়া দেখা দেয় কই ?—

“তবে পরে শোন। একটুখানি পসার হইতেই আমাদের বাড়ির একতলায় ডাক্তার তাঁহার ডাক্তারখানা খুলিলেন। তখন আমি তাঁহাকে মাঝে মাঝে হাসিতে হাসিতে ঔষধের কথা, বিষের কথা, কি করিলে মানুষ সহজে মরে এই সকল কথা জিজ্ঞাসা করিতাম। ডাক্তারির কথায় ডাক্তারের মুখ খুলিয়া যাইত। শুনিয়া শুনিয়া মৃত্যু যেন পরিচিত ঘরের লোকের মত হইয়া গেল। ভালবাসা এবং মরণ কেবল এই ছোটোকেই পৃথিবীময় দেখিলাম।

“আমার গল্প প্রায় শেষ হইয়া আসিয়াছে—আর বড় বাকী নাই।”

আমি মুহূৰ্ত্তে বলিলাম “রাত্রিও প্রায় শেষ হইয়া আসিল।”

“কিছুদিন হইতে দেখিলাম ডাক্তার বাবু বড় অশ্রমনক, এবং আমার কাছে যেন ভারি অপ্রতিভ। একদিন দেখিলাম তিনি কিছু

বেশী রকম সাজসজ্জা করিয়া দাদার কাছে তাঁহার জুড়ি ধার লইলেন যাত্রা কোথায় যাইবেন।

“আমি আর থাকিতে পারিলাম না। দাদার কাছে গিয়া নানা কথার পর জিজ্ঞাসা করিলাম ‘হাঁ দাদা, ডাক্তার বাবু আজ জুড়ি লইয়া কোথায় যাইতেছেন ?’

“সংক্ষেপে দাদা বলিলেন, ‘মরিতে’।

“আমি বলিলাম, ‘না, সত্য করিয়া বল না।’

“তিনি পূর্কোপেক্ষা কিঞ্চিৎ খোলসা করিয়া বলিলেন ‘বিবাহ করিতে।’

“আমি বলিলাম ‘সত্য না কি!’ বলিয়া অনেক হাসিতে লাগিলাম।

“অল্পে অল্পে শুনিলাম এই বিবাহে ডাক্তার বারোহাজার টাকা পাইবেন।

“কিন্তু আমার কাছে এ সংবাদ গোপন করিয়া আমাকে অপমান করিবার তাৎপর্য কি ? আমি কি তাঁহার পায়ে ধরিয়া বলিয়াছিলাম যে, এমন কাজ করিলে আমি বৃক ফাটিয়া মরিব ? পুরুষদের বিশ্বাস করিবার ঘো নাই। পৃথিবীতে আমি একটি মাত্র পুরুষ দেখিয়াছি এবং এক মুহূর্ত্তে সমস্ত জ্ঞান লাভ করিয়াছি।

“ডাক্তার রোগী দেখিয়া সন্ধ্যার পূর্বে ঘরে আসিলে আমি প্রচুর পরিমাণে হাসিতে হাসিতে বলিলাম ‘কি ডাক্তার মহাশয়! আজ নাকি আপনার বিবাহ!’

“আমার প্রকৃত্যতা দেখিয়া ডাক্তার যে কেবল অপ্রতিভ হইলেন তাহা নহে, ভারি বিমর্ষ হইয়া গেলেন।

“জিজ্ঞাসা করিলাম ‘বাজনা বাস্ত কিছু মাই যে!’

“শুনিয়া তিনি ঈষৎ একটু নিখাস ফেলিয়া

বলিলেন—বিবাহ ব্যাপারটা কি এতই আনন্দের ?’

“শুনিয়া আমি হাসিয়া অস্থির হইয়া গেলাম। এমন কথাও ত কখনো শুনি নাই। আমি বলিলাম, ‘সে হইবে না বাজনা চাই, আলো চাই।’

“দাদাকে এমনি ব্যস্ত করিয়া তুলিলাম যে দাদা তখনি রীতিমত উৎসবের আয়োজনে প্রবৃত্ত হইলেন।

“আমি কেবলি গল্প করিতে লাগিলাম, বধু ঘরে আসিলে কি হইবে, কি করিব। জিজ্ঞাসা করিলাম ‘আচ্ছা ডাক্তার মহাশয়, তখনো কি আপনি রোগীর নাড়ি টিপিয়া বেড়াইবেন ?’ হি হি হি হি ! যদিও মাহুঘের বিশেষতঃ পুরুষের মনটা দৃষ্টগোচর নয় তবু আমি শপথ করিয়া বলিতে পারি, কথাগুলি ডাক্তারের বুকে শেলের মত বাজিতেছিল।

“অনেক রাজে লগ্ন। সন্ধ্যাবেলায় ডাক্তার ছাতের উপর বসিয়া দাদার সহিত দুই এক পাত্র মদ খাইতেছিলেন। দুইজনেরই এই অভ্যাস-টুকু ছিল। ক্রমে আকাশে চাঁদ উঠিল।

“আমি হাসিতে হাসিতে আসিয়া বলিলাম ‘ডাক্তার মহাশয় ভুলিয়া গেলেন না কি ? যাত্রার যে সময় হইয়াছে।’

“এইখানে একটা সামান্ত কথা বলা আবশ্যিক ! ইতিমধ্যে আমি গোপনে ডাক্তার-খানায় গিয়া খানিকটা শুঁড়া সংগ্রহ করিয়া আনিয়াছিলাম এবং সেই শুঁড়ার কিয়দংশ স্ত্রবিধামত অলঙ্কিতে ডাক্তারের প্রাসে মিশাইয়া দিয়াছিলাম। কোন্ শুঁড়া খাইলে মাহুঘ মরে ডাক্তারের কাছে শিখিয়াছিলাম।

“ডাক্তার এক চুমুকে প্রাসটি শেষ করিয়া কিঞ্চিৎ আর্দ্র গদগদ কণ্ঠে আমার মুখের দিকে

মর্শাস্তিক দৃষ্টিপাত করিয়া বলিলেন—‘তবে চলিলাম।’

“বাশি বাজিতে লাগিল। আমি একটি বায়ানসী সাড়ি পরিলাম; ষতগুলি গহনা সিন্দুকে তোলা ছিল, সবগুলি বাহির করিয়া পরিলাম; সিঁথিতে বড় করিয়া সিঁহুর দিলাম। আমার সেই বকুলভলায় বিছানা পাতিলাম।

“বড় সুন্দর রাজি। ফুটফুটে জ্যোৎস্না! সুপ্তজগতের ক্লাস্তি হরণ করিয়া দক্ষিণে বাতাস বহিতেছে। জুঁই আর বেলফুলের গন্ধে সমস্ত বাগান আমোদ করিয়াছে।

“বাশির শব্দ যখন ক্রমে দূরে চলিয়া গেল, জ্যোৎস্না যখন অন্ধকার হইয়া আসিতে লাগিল, এই তরুপল্লব এবং আকাশ এবং আজন্মকালের ঘর ছয়ার লইয়া পৃথিবী যখন আমার চারিদিক হইতে মায়ার মত মিলাইয়া যাইতে লাগিল তখন আমি নেত্র নিমীলন করিয়া হাসিলাম।


“ইচ্ছা ছিল যখন লোকে আসিয়া আমাকে দেখিবে তখন এই হাসিটুকু যেন বর্ধীন নেশার মত আমার ঠোঁটের কাছে লাগিয়ে থাকে ! ইচ্ছা ছিল যখন আমার অনন্তরাত্রির বাসর ঘরে ধীরে ধীরে প্রবেশ করিব তখন এই হাসিটুকু এখান হইতেই মুখে করিয়া লইয়া যাইব। কোথায় বাসর ঘর ! আমার সে বিবাহের বেশ কোথায় ! নিজের ভিতর হইতে একটা খটখট শব্দে জাগিয়া দেখিলাম আমাকে। লইয়া তিনটি বালক অস্থিবিন্দা শিখিতেছে। বুকের যেখানে সুখছঃখ ধুকধুক করিত এবং যৌবনেব পাপড়ি প্রতিদিন একটি একটি করিয়া প্রক্ষুটিত হইত, সেইখানে বেত্র নির্দেশ করিয়া কোন্ অস্থির কি নাম মাষ্টার শিখাইতেছে। আর সেই যে অন্তিম হাসিটুকু ওঠের কাছে ফুটাইয়া তুলিয়াছিলাম, তাহার কোন চিহ্ন দেখিতে পাইয়াছিলে কি ?

“গল্পটা কেমন লাগিল ?”

আমি বলিলাম “গল্পটি বেশ প্রফুল্লকর ।”

এমন সময় প্রথম কাক ডাকিল । শিঙাসা করিলাম, “এখনো আছ কি ?” কোন উত্তর পাইলাম না ।

ঘরের মধ্যে ভোরের আলো প্রবেশ করিল ।



আত্মনাথ এবং বৈষ্ণনাথ চক্রবর্তী দুই সন্নিক । উভয়ের মধ্যে বৈষ্ণনাথের অবস্থাই কিছু খারাপ । বৈষ্ণনাথের বাপ মহেশচন্দ্রের বিষয়বুদ্ধি আদৌ ছিল না, তিনি দাদা শিবনাথের উপর সম্পূর্ণ নির্ভর করিয়া থাকিতেন । শিবনাথ ভাইকে প্রচুর স্নেহ দিয়া তৎপরিবর্তে তাঁহার বিষয়সম্পত্তি সমস্ত আত্মসাৎ করিয়া লন । কেবল খানকতক কোম্পানির কাগজ অবশিষ্ট থাকে । জীবন-সমুদ্রে সেই কাগজ ক’খানি বৈষ্ণনাথের একমাত্র অবলম্বন ।

শিবনাথ বহু অনুরোধে তাঁহার পুত্র আত্মনাথের সহিত এক ধনী একমাত্র কস্তার বিবাহ নিয়া বিষয়-বুদ্ধির আর একটি সুযোগ করিয়া রাখিয়াছিলেন । মহেশচন্দ্র একটি সপ্ত-কস্তারগ্রস্ত দরিদ্র ব্রাহ্মণের প্রতি দয়া করিয়া এক পয়সা-পণ না লইয়া তাহার জ্যেষ্ঠা কস্তার সহিত পুত্রের বিবাহ দেন । সাতটি কস্তাকেই যে ঘরে লন নাই তাহার কারণ, তাঁহার একটিমাত্র পুত্র এবং ব্রাহ্মণও সেরূপ অনুরোধ করে নাই । তবে, তাহাদের

বিবাহের উদ্দেশে সাধ্যাতিরিক্ত অর্থসাহায্য করিয়াছিলেন ।

পিতার মৃত্যুর পর বৈষ্ণনাথ তাঁহার কাগজ কয়খানি লইয়া সম্পূর্ণ নিশ্চিন্ত ও সন্তুষ্টচিত্তে ছিলেন । কাজকর্মের কথা তাঁহার মনেও উদয় হইত না । কাজের মধ্যে তিনি গাছের ডাল কাটিয়া বসিয়া বসিয়া বহুসঙ্গে ছড়ি তৈরি করিতেন । রাজ্যের বালক এবং সুবকগণ তাঁহার নিকট ছড়ির জন্ত উমেদার হইত, তিনি দান করিতেন । ইহা ছাড়া বদান্ততার উদ্ভেজনায়া ছিপ ঘুড়ি লাঠাই নির্মাণ করিতেও তাঁহার বিস্তর সময় যাইত । সাহাতে বহুসঙ্গে বহুকাল ধরিয়া চাঁচাছোলায় আবশ্যক, অথচ সংসারের উপকারিতা দেখিলে যাহা সে পরিমাণে পরিশ্রম ও কালব্যয়ের অযোগ্য এমন একটা হাতের কাজ পাইলে তাঁহার উৎসাহের সীমা থাকে না ।

পাড়ায় যখন দলাদলি এবং চক্রান্ত লইয়া বড় বড় পবিত্র বন্দীয চণ্ডীমণ্ডপ ধূমাচ্ছন্ন হইয়া উঠিতেছে তখন বৈষ্ণনাথ একটি কলম-কাটা ছুরি এবং একখণ্ড গাছের ডাল লইয়া প্রাতঃকাল হইতে মধ্যাহ্ন এবং আহার ও নিদ্রার পর হইতে সায়ংকাল পর্যন্ত নিজের দাণ্ডাটিতে একাকী অতিবাহিত করিতেছেন এমন প্রায় দেখা যাইত ।

ষষ্ঠীর প্রসাদে শক্রর মুখে যথাক্রমে ছাই দিয়া বৈষ্ণনাথের দুইটি পুত্র এবং একটি কস্তা জন্মগ্রহণ করিল ।

গৃহিণী মোক্ষদাসুন্দরীর অসন্তোষ প্রতিদিন বাড়িয়া উঠিতেছে । আত্মনাথের ঘরে যেরূপ সমারোহ বৈষ্ণনাথের ঘরে কেন সেরূপ না হয় ! ও-বাড়ির বিদ্যাবাসিনীর যেমন গহনা পত্র, বেনারসী সাড়ি, কথাবার্তার ভঙ্গী এবং

চালচলনের গৌরব মোক্ষদার যে ঠিক তেমনটা হইয়া ওঠে না ইহা অপেক্ষা বৃষ্টিবিরুদ্ধ ব্যাপার আর কি হইতে পারে! অথচ একই ত পরিবার! ভাইয়ের বিষয় বঞ্চনা করিয়া লইয়াই ত উহাদের এত উন্নতি! যত শোনে ততই মোক্ষদার হৃদয়ে নিজের শ্বশুরের প্রতি এবং শ্বশুরের একমাত্র পুত্রের প্রতি অশ্রদ্ধা এবং অবজ্ঞা আর ধরে না। নিজগৃহের কিছুই তাঁহার ভাল লাগে না। সকলি অস্থবিধা এবং মানহানিজনক। শয়নের খাটটা মৃতদেহ বহনেরও যোগ্য নয়, যাহার সাতকুলে কেহ নাই এমন একটা অনাথ চাম্চিকেশাবকও এই জীর্ণ প্রাচীরে বাস করিতে চাহে না, এবং গৃহসজ্জা দেখিলে ব্রহ্মচারী পরমহংসের চখও জল আসে। এ সকল অত্যাতিরিক্ত প্রতিবাদ করা পুরুষের জায় কাপুরুষজাতির পক্ষে অসম্ভব। সুতরাং বৈষ্ণনাথ বাহিরের দাওয়ায় বসিয়া দ্বিগুণ মনোযোগের সহিত ছড়ি চাঁচিতে প্রবৃত্ত হইলেন।

কিন্তু মৌনব্রত বিপদের একমাত্র পরিভারণ নহে। এক একদিন স্বামীর শিল্পকার্যে বাধা দিয়া গৃহিণী তাঁহাকে অন্তঃপুরে আহ্বান করিয়া আনিতেন। অত্যন্ত গম্ভীরভাবে অস্ত্রদিকে চাহিয়া বলিতেন “গোয়ালার হুখ বন্ধ করিয়া দাও!”

বৈষ্ণনাথ কিয়ৎক্ষণ স্তব্ধ থাকিয়া নব্রভাবে বলিতেন “হুখটা—বন্ধ করিলে কি চলিবে?—ছেলেরা খাইবে কি?”

গৃহিণী উত্তর করিতেন “আমনি।”

আবার কোন দিন ইহার বিপরীত ভাব দেখা যাইত—গৃহিণী বৈষ্ণনাথকে ডাকিয়া বলিতেন “আমি জানি না। কি করিতে হয় তুমি কর।”

বৈষ্ণনাথ মানমুখে জিজ্ঞাসা করিতেন “কি করিতে হইবে?”

স্ত্রী বলিতেন “এমাসের মত বাজার করিয়া আন” বলিয়া এমন একটা ফর্দ দিগ্ভেন যাহাতে একটা রাজস্বয় যজ্ঞ সমারোহের সহিত সম্পন্ন হইতে পারিত।

বৈষ্ণনাথ যদি সাহসপূৰ্বক প্রশ্ন করিতেন “এত কি আবশ্যক আছে?”

উত্তর শুনিতেন “ভবে ছেলেগুলো না খাইতে পাইয়া মরুক এবং আমিও যাই, তাহা হইলে তুমি একলা বাসিয়া খুব সস্তায় সংসার চালাইতে পারিবে।”

এইরূপে ক্রমে ক্রমে বৈষ্ণনাথ বৃষ্টিতে পারিলেন ছড়ি চাঁচিয়া আর চলে না। একটা কিছু উপায় করা চাই। চাকরী করা অথবা ব্যবসা করা বৈষ্ণনাথের পক্ষে দুঃসাধ্য। অতএব কুবেরের ডাঙারে প্রবেশ করিবার একটা সংকল্প রাস্তা আবিষ্কার করা চাই।

একদিন রাত্রে বিছানায় শুইয়া কাতরভাবে প্রার্থনা করিলেন “হে মা ভগদেবে, স্বপ্নে যদি একটা দুঃসাধ্য রোগের পেটেন্ট ঔষধ বলিয়া দাও’ কাগজে তাহার বিজ্ঞাপন লিখিবার ভার আমি লইব।”

সে রাত্রে স্বপ্নে দেখিলেন হার তাঁহা তাঁহার প্রতি অসন্তুষ্ট হইয়া “বিধবাবিবাহ করিব” বলিয়া একান্ত পণ করিয়া বসিয়াছেন। অর্থাভাব সত্বে উপযুক্ত গহনা কোথায় পাওয়া যাইবে বলিয়া বৈষ্ণনাথ উক্ত প্রস্তাবে আপত্তি করিতেছেন; বিধবার গহনা আবশ্যক করে না বলিয়া পত্নী আপত্তি খণ্ডন করিতেছেন। তাহার কি একটা চূড়ান্ত জবাব আছে বলিয়া তাঁহার মনে হইতেছে অথচ কিছুতেই মাধ্যম আসিতেছে না, এমন সময় নিদ্রাভঙ্গ হইয়া দেখিলেন সকাল হইয়াছে; এবং কেন

এ তাঁহার স্বামীর বিধবাবিবাহ হইতে পারে না তাহার সঙ্কটের তৎক্ষণাত্ মনে পড়িয়া গেল এবং সে জন্ত বোধ করি কিঞ্চিৎ হঃখিত হইলেন ।

প্রাতঃকৃত্য সমাপন করিয়া একাকী বসিয়া ঘুড়ির লখ্ তৈরি করিতেছেন এমন সময় এক সন্ন্যাসী জয়ধ্বনি উচ্চারণ করিয়া দ্বারে আগত হইল । সেই মুহূর্ত্তেই বিদ্যাতের মত বৈষ্ণনাথ জীবী ঐশ্বৰ্য্যের উজ্জ্বল মূর্ত্তি দেখিতে পাইলেন । সন্ন্যাসীকে প্রচুর পরিমাণে আদর অভ্যর্থনা ও আহ্বাণ্য বোগাইলেন । অনেক সাধ্যসাধনার পর জানিতে পারিলেন সন্ন্যাসী সোণা তৈরি করিতে পারে এবং সে বিজ্ঞা তাঁহাকে দান করিতেও অসম্মত হইল না ।

গৃহিণীও নাচিয়া উঠিলেন । ষড়্ভুজের বিকার উপস্থিত হইলে লোকে যেমন সমস্ত হলুদবর্ণ দেখে তিনি সেইরূপ পৃথিবীময় সোণা দেখিতে লাগিলেন । কল্পনা-কারিকরের দ্বারা শয়নের খাট, গৃহসজ্জা এবং গৃহপ্রাচীর পর্য্যন্ত সোণা মণ্ডিত করিয়া মনে মনে বিদ্যাবাসিনীকে নিমন্ত্রণ করিলেন ।

সন্ন্যাসী প্রতিদিন ছইসের করিয়া ছুৎ এবং দেড় সের করিয়া মোহনভোগ খাইতে লাগিল এবং বৈষ্ণনাথের কোম্পানীর কাগজ দোহন করিয়া অজস্র রোপ্যরস নিঃসৃত করিয়া লইল ।

ছিপ ছড়ি লাঠাইয়ের কাঙালরা বৈষ্ণনাথের রুদ্ধদারে নিফল আঘাত করিয়া চলিয়া যায় । ঘরে ছেলেগুলো ষথাসময়ে খাইতে পায় না, পড়িয়া গিয়া কপাল ফলায়, কাঁদিয়া আকাশ ফাটাইয়া দেয়, কর্ত্তা গৃহিণী কাহারো ক্রক্ষেপ নাই । নিস্তব্ধভাবে অগ্নিকুণ্ডের সন্মুখে বসিয়া কটাহের দিকে চাহিয়া উভয়ের চোখে পল্লব নাই, মুখে কথা নাই । তৃষিত একপ্রমেত্তে অবিশ্রান্ত অগ্নিশিখার প্রতিবিম্ব পড়িয়া

চোখের মণি যেন স্পর্শমণির গুণ প্রাপ্ত হইল । দৃষ্টিপথ সাম্রাজ্যের স্বৰ্ঘ্যাস্তপথের মত জলন্ত সুবর্ণপ্রলেপে রাঙা হইয়া উঠিল ।

ছথানা কোম্পানীর কাগজ এই স্বর্ণ-অগ্নিতে আহতি দেওয়ার পর একদিন সন্ন্যাসী আশ্বাস দিল “কাল সোণার রং ধরবে ।”

সেদিন রাত্রে কাহারো ঘুম হইল না । জ্বীপুরুষে মিলিয়া সুবর্ণপুরী নির্মাণ করিতে লাগিলেন । তৎসম্বন্ধে মাঝে মাঝে উভয়ের মধ্যে মতভেদ এবং তর্কও উপস্থিত হইয়াছিল কিন্তু আনন্দ-আবেগে তাহার মীমাংসা হইতে বিলম্ব হয় নাই—পরস্পর পরস্পরের খাতিরে নিজ নিজ মত কিছু কিছু পরিত্যাগ করিতে অধিক ইতস্ততঃ করেন নাই । সে রাত্রে দাম্পত্য একীকরণ এত ঘনীভূত হইয়া উঠিয়াছিল ।

পরদিন আর সন্ন্যাসীর দেখা নাই চারিদিক হইতে সোণার রং বুচিয়া গিয়া স্বৰ্ঘ্যবিরণ পর্য্যন্ত অন্ধকার হইয়া দেখা দিল । ইহার পর হইতে শয়নের খাট গৃহসজ্জা এবং গৃহপ্রাচীর চতুর্গুণ দারিদ্র্য এবং জীর্ণতা প্রকাশ করিতে লাগিল

এখন হইতে গৃহকার্য্যে বৈষ্ণনাথ কোন একটা সামান্ত মত প্রকাশ করিতে গেলে গৃহিণী তীব্রমধুর স্বরে বলেন “বুদ্ধির পরিচয় অনেক দিয়াছ এখন কিছুদিন ক্ষান্ত থাক !” বৈষ্ণনাথ একেবারে নিবিয়া যায় ।

মোকদ্দা এম্নি একটা শ্রেষ্ঠতার ভাব ধারণ করিয়াছে যেন এই স্বর্ণমরীচিকায় সে নিজে এক মুহূর্ত্তের জন্তও আশস্ত হয় নাই ।

অপরোধী বৈষ্ণনাথ স্বীকে কিঞ্চিৎ সন্তুষ্ট করিবার জন্ত বিবিধ উপায় চিন্তা করিতে লাগিলেন । এক দিন একটি চতুষ্কোণ মোড়কে গোপন উপহার লইয়া স্বীর নিকট গিয়া প্রচুর

হাস্যবিকাশপূর্বক সাতিশয় চতুরতার সহিত ঘাড় নাড়িয়া কহিলেন “কি আনিয়াছি বল দেখি !”

স্ত্রী কোতূহল গোপন করিয়া উদাসীনভাবে কহিলেন “কেমন করিয়া বলিব! আমি ত আর ‘জান’ নহি !”

বৈষ্ণনাথ অনাবশ্যক কালব্যয় করিয়া প্রথমে দাঁড়র গাঁঠ অতি ধীরে ধীরে খুলিলেন, তার পর হুঁ দিয়া কাগজের ধূলা ঝাড়িলেন, তাহার পর অতি সানধ্যানে এক এক ভাঁজ করিয়া কাগজের মোড়ক খুলিয়া আট্টাই ডায়ের রংকরা দশমহাবিষ্কার ছবি বাহির করিয়া আলোর দিকে ফিরাইয়া গৃহিণীর সম্মুখে ধরিলেন ।

গৃহিণীর তৎক্ষণাৎ বিক্র্যবাসিনীর শয়ন-কক্ষের বিলাতী তেলের ছবি মনে পড়িল— অপরিপাষ্ট অবজ্ঞার স্বরে কহিলেন “আ মরে যাই ! এ তোমার বৈঠকখানায় রাখিয়া বসিয়া বসিয়া নিরীক্ষণ কর গে । এ আমার কাজ নাই ;” বিমর্ষ বৈষ্ণনাথ বুঝিলেন অশান্ত অনেক ক্ষমতার সহিত স্ত্রীলোকের মত যোগা-ইবার হুকুম ক্ষমতা হইতেও বিধাতা তাঁহাকে বঞ্চিত করিয়াছেন ।

এদিকে দেশে যত দৈবজ্ঞ আছে মোক্ষদা সকলকে হাত দেখাইলেন, কোষ্ঠি দেখাইলেন । সকলেই বলিল, তিনি সধবাবস্থায় মরিবেন । কিন্তু সেই পরমানন্দময় পরিণামের জন্ত তিনি একান্ত ব্যগ্র ছিলেন না, অতএব ইহাতেও তাঁহার কোতূহল নিবৃত্তি হইল না ।

শুনিলেন তাঁহার সম্ভানভাগ্য ভাল, পুত্র-কন্যায় তাঁহার গৃহ অবিলম্বে পরিপূর্ণ হইয়া উঠিবার সম্ভাবনা আছে ; শুনিয়া তিনি বিশেষ প্রফুল্লতা প্রকাশ করিলেন না ।

অবশেষে একজন গণিয়া বলিল বৎসর-খানেকের মধ্যে যদি বৈষ্ণনাথ দৈবধন প্রাপ্ত না

হন তাহা হইলে গণক তাহার পঁজিপিপু ধ সম-স্তই পুড়াইয়া ফেলিবে । গণকের এইরূপ নিদারুণ পণ শুনিয়া মোক্ষদার মনে আর তিলমাত্র অবিশ্বাসের কারণ রহিল না ।

গণকারণ ত প্রচুর পারিতোষিক লইয়া বিদায় হইয়াছেন, কিন্তু বৈষ্ণনাথের জীবন দুর্ভাগ হইয়া উঠিল । ধন উপার্জনের কতক-গুলি সাধারণপ্রচলিত পথ আছে, যেমন চাষ, চাকরি, ব্যবসা, চুরি এবং প্রতারণা । কিন্তু দৈবধন উপার্জনের সেরূপ নিদ্রষ্ট কোন উপায় নাই । এই জন্ত মোক্ষদা বৈষ্ণনাথকে যতই উৎসাহ দেন এবং ভৎসনা করেন বৈষ্ণনাথ ততই কোন দিকে রাস্তা দেখিতে পান না ! কোনখানে খুড়িতে আরম্ভ করিবেন, কোন পুকুরে ডুবাবি নামাইবেন, বাড়ির কোন প্রাচীরটা ভাঙিতে হইবে, কিছুই ভাবিয়া স্থির করিতে পারেন না ।

মোক্ষদা নিতান্ত বিরক্ত হইয়া স্বামীকে জানাইলেন যে, পুরুষমানুষের মাথায় যে মস্তি-ষ্কের পরিবর্তে এতটা গোময় থাকিতে পারে তাহা তাঁহার পূর্বে ধারণা ছিল না ।

বলিলেন “একটু নড়িয়া চড়িয়া দেখ । হাঁ করিয়া বসিয়া থাকিলে কি আকাশ হইতে টাকা বৃষ্টি হইবে ?”

কথাটা সঙ্গত বটে, এবং বৈষ্ণনাথের একান্ত ইচ্ছাও তাই, কিন্তু কোন দিকে নড়িবেন কিসের উপর চড়িবেন তাহা যে কেহ বলিয়া দেয় না ! অতএব দাওষায় বসিয়া বৈষ্ণনাথ আবার ছড়ি টাচিতে লাগিলেন ।

এদিকে আশ্বিন মাসে জর্গোৎসব নিকটবর্তী হইল । চতুর্থীর দিন হইতেই ঘাটে নৌকা আসিয়া লাগিতে লাগিল । প্রবাসীরা দেশে ফিরিয়া আসিতেছে । বুড়িতে মানকচু কুমড়া শুক নারিকেল ; টিনের বাস্কের মধ্যে ছেলেদের

জন্ম জুতা ছাতা কাপড় এবং প্রেমসীর জন্ম এসেন্স সাবান নূতন গল্পের বহি এবং সুবাসিত নাড়িকেল তৈল ।

মেঘ মুক্ত আকাশে শরতের সূর্য্যকিরণ উৎসবের হাঃশের মত ব্যাপ্ত হইয়া পড়িয়াছে, পকোন্মুগ ধান্নক্ষেত্র ধরু ধরু করিয়া কাঁপিতেছে, বর্ষাধৌত সতেজ তরুপল্লব নব শীতবায়ুতে সিব্ সিব্ করিয়া উঠিতেছে—এবং তসরের চায়না-কোট পরিধা কাঁধে একটি পাকনো চান্দা সুলাইয়া ছাতি মাণায় প্রত্যাগত পথিকেরা মাঠের পথ দিয়া ঘরের মুখে চলিয়াছে ।

বৈষ্ণনাথ বসিয়া বসিয়া তাই দেখে এবং তাহার হৃদয় হইতে দীর্ঘনিশ্বাস উচ্ছ্বসিত হইয়া উঠে । নিজের নিরানন্দ গৃহের সহিত বাঙ্গালা দেশের সহস্র গৃহের মিলনোৎসবের তুলনা করে, এবং মনে মনে বলে “বিধাতা কেন আমাকে এমন অকর্মণ্য করিয়া যত্ন করিয়াছ !”—

ছেলেরা ভোরে উঠিয়াই প্রতিমানির্মাণ দেখিবার জন্ম আত্মনাথের বাড়ির প্রাঙ্গণে গিয়া হাজির হইয়াছিল । খাবার বেলা হইলে দাসী তাহাদিগকে বলপূর্ব্বক গ্রেফ্তার করিয়া লইয়া আসিল । তখন বৈষ্ণনাথ বসিয়া বসিয়া এই বিশ্বব্যাপী উৎসবের মধ্যে নিজের জীবনের নিষ্ফলতা স্বরণ করিতেছিলেন । দাসীর হাত হইতে ছেলে দুটিকে উদ্ধার করিয়া কোলের কাছে ঘনিষ্ঠভাবে টানিয়া বড়টিকে জিজ্ঞাসা করিলেন—“ইঁরে অবু, এবার পূজোর সময় কি চাস্ বল দেখি ।”

অবিনাশ তৎক্ষণাৎ উত্তর করিল “একটা নৌকো দিয়ো বাবা !”

ছোটটিও মনে করিল বড় ভাইয়ের চেয়ে কোন বিষয়ে ন্যূন হওয়া কিছু নয়, কহিল “আমাকেও একটা নৌকো দিয়ো বাবা !”

বাপের উপযুক্ত ছেলে ! একটা অকর্মণ্য কারুকার্য পাইলে আর কিছু চাহে না ! বাপ বলিলেন আচ্ছা ।”

এদিকে যথাকালে পূজার ছুটিতে কাশী হইতে মোক্ষদার এক খুড়া বাড়ি কিরিয়া আসিলেন । তিনি ব্যবসায় উকীল । মোক্ষদা কিছুদিন ঘন ঘন ঠাহার বাড়ি যাতায়াত করিলেন ।

অনশেষে একদিন স্বামীকে আনিয়া বসিলেন “ওগো, তোমাকে কাশী যাইতে হইতেছে ।”

বৈষ্ণনাথ সহসা মনে করিলেন, বুঝি ঠাহার মৃত্যুকাল উপস্থিত, গণক কোষ্ঠি হইতে আবিষ্কার করিয়াছে ; সহধর্ম্মিণী সেই সন্ধান পাইয়া ঠাহার সন্ধানি করিবার বৃত্ত করিতেছেন ।

পরে শুনিলেন, এইরূপ জনশ্রুতি যে, কাশীতে একটি বাড়ি আছে সেখানে গুপ্তধন মিলিবার কথা, সেই বাড়ি কিনিয়া তাহার ধন উদ্ধার করিয়া আনিতে হইবে ।

বৈষ্ণনাথ বলিলেন—“কি সর্কনাশ ! আমি কাশী যাইতে পারিব না ।”

বৈষ্ণনাথ কখনও ঘর ছাড়িয়া কোথাও যান নাই । গৃহস্থকে কি করিয়া ঘরছাড়া করিতে হয় প্রাচীন শাস্ত্রকারগণ লিখিতেছেন জীলোকের সে সম্বন্ধে “অশিক্ষিত পটু” আছে । মোক্ষদা মুখের কথাই ঘরের মধ্যে যেন লঙ্কার বোঁয়া নিতে পারিতেন, কিন্তু তাহাতে হতভাগ্য বৈষ্ণনাথ কেবল চোখের জলে ভাসিয়া যাইত, কাশা যাইবার নাম করিত না ।

দিন দুই তিন গেল । বৈষ্ণনাথ বসিয়া বসিয়া কতকগুলো কাঠখণ্ড কাটিয়া কুঁদিয়া ষোড়া দিয়া ছইখানি খেলার নৌকা তৈরি করিলেন । তাহাতে মাসুল বসাইলেন, কাপড় কাটিয়া

পাল আটিয়া দিলেন ; লাল শালুর নিশান উড়াইলেন, হাল ও দাঁড় বসাইয়া দিলেন । একটি পুতুল কর্ণধার এবং আরোহীও ছাড়িলেন না । তাহাতে বহুযত্ন এবং আশ্চর্য্য নিপুণত্ব প্রকাশ করিলেন । সে নৌকা দেখিয়া অসহ চিত্তচাক্ষুৰ্য্য না জন্মে এমন সংযতচিত্ত বালক সম্প্রতি পাওয়া হুলভ । অতএব বৈষ্ণনাথ সপ্তমার পূৰ্ব্বরাত্রে যখন নৌকা ছুটি লইয়া ছেলেন্দেবের হাতে দিলেন তাহারা আনন্দে নাচিয়া উঠিল । একেত নৌকার খোলটাই যথেষ্ট, তাহাতে আবার হাল আছে, দাঁড় আছে, মাস্তুল আছে, পাল আছে, আবার যথাস্থানে মাঝি বসিয়া, ইহাই তাহাদের সমধিক বিশ্বাসের কারণ হইল ।

ছেলেদের আনন্দকলরবে আকৃষ্ট হইয়া মোক্ষদা আসিয়া দরিদ্র পিতার পূজার উপহার দেখিলেন ।

দেখিয়া, রাগিয়া কাঁদিয়া কপালে করাঘাত করিয়া খেলেনা ছোটো কাড়িয়া জাম্বলার বাহিরে ছুড়িয়া ফেলিয়া দিলেন । সোণার হার গেল, সাটিনের জামা গেল, জরির টুপি গেল, শেষে কিনা হতভাগ্য মনুষ্য হইখানা খেলনা দিয়া নিজেই ছেলেকে প্রতারণা করিতে আসিয়াছে ! তাও আবার ছই পয়সা ব্যয় নাই, নিজের হাতে নিৰ্ম্মাণ !

ছোট ছেলে ত উৰ্দ্ধ্বাসে কাঁদিতে লাগিল, “বোকা ছেলে” বালিয়া তাহাকে মোক্ষদা ঠাসু করিয়া চড়াইয়া দিলেন ।

বড় ছেলেটি বাপের দিকে চাহিয়া নিজের হুঃখ ভুলিয়া গেল । উল্লাসের ভাণমাত্র করিয়া কহিল বাবা, আমি কাল ভোরে গিয়ে কুড়িয়ে নিয়ে আসব ।”

বৈষ্ণনাথ তাহার পরদিন কাশী যাইতে সম্মত হইলেন । কিন্তু টাকা কোথায় ! তাহার

স্ত্রী গহনা বিক্রয় করিয়া টাকা সংগ্রহ করিলেনা বৈষ্ণনাথের পিতামহীর আমলের গহনা, এমন খাঁটি সোণা এবং ভারী গহনা আজকালকার দিনে পাওয়াই যায় না ।

বৈষ্ণনাথের মনে হইল তিনি মরিতে যাইতেছেন । ছেলেন্দেবের কোলে করিয়া চুষন করিয়া সাক্ষনেত্রে বাড়ি হইতে বাহির হইলেন । তখন মোক্ষদাও কাঁদিতে লাগিলেন ।

কাশীর বাড়িওয়ালা বৈষ্ণনাথের খুড়শ্বশুরের মজ্জল । বোধ করি সেই কারণেই বাড়ি খুব চড়া দামেই বিক্রয় হইল । বৈষ্ণনাথ একাকী বাড়ি দখল করিয়া বসিলেন । একেবারে নদীর উপরেই বাড়ি । ভিত্তি দ্বোত করিয়া নদীস্রোত প্রবাহিত হইতেছে ।

রাত্রে বৈষ্ণনাথের গা ছম্ছম করিতে লাগিল । শুল্ল গৃহে শিয়রের কাছে প্রদীপ জ্বলাইয়া চাদর মুড়ি দিয়া শয়ন করিলেন । কিন্তু কিছুতেই নিদ্রা হয় না । গভীর রাত্রে যখন সমস্ত কোলাহল থামিয়া গেল তখন কোথা হইতে একটা ঝন্ঝন্ শব্দ শুনিয়া বৈষ্ণনাথ চমকিয়া উঠিলেন । শব্দ মুছ কিন্তু পরিষ্কার । যেন পাতালে বলরাজের ভাণ্ডারে কোষাধ্যক্ষ বসিয়া বসিয়া টাকা গণনা করিতেছে ।

বৈষ্ণনাথের মনে ভয় হইল কোতুহল হইল এবং সেই সঙ্গে দুৰ্জয় আশার সঞ্চার হইল । কম্পিতহস্তে প্রদীপ লইয়া ঘরে ঘরে ফিরিলেন । এঘরে গেলে মনে হয় শব্দ ওঘর হইতে আসিতেছে—ওঘরে গেলে মনে হয় এঘর হইতে আসিতেছে । বৈষ্ণনাথ সমস্ত রাত্রি কেবলই এঘর ওঘর করিলেন । দিনের বেলা সেই পাতালভেদী শব্দ অন্তান্ত শব্দের সহিত মিশিয়া গেল, আর তাহাকে চিনা গেল না ।

রাত্রি দুই তিন প্রহরের সময় যখন জগৎ নিদ্রিত হইল তখন আবার সেই শব্দ শ্রিয়া

উঠিল। বৈষ্ণবনাথের চিত্ত নিতান্ত অস্থির হইল। শব্দ লক্ষ্য করিয়া কোন্ দিকে যাইবেন ভাবিয়া পাইলেন না মরুভূমির মধ্যে জলের কল্লোল শোনা যাইতেছে অথচ কোন্ দিক হইতে আসিতেছে নির্ণয় হইতেছে না ; ভয় হইতেছে পাছে একবার ভুল পথ অবলম্বন করিলে গুপ্ত নিবারণিণী একেবারে আয়ত্তের অতীত হইয়া যায় ; তৃষিত পথিক স্তম্ভভাবে দাঁড়াইয়া প্রাণ-পণে কাণ খাড়া করিয়া থাকে, এদিকে তৃষ্ণা উত্তরোত্তর প্রবল হইয়া উঠে—বৈষ্ণবনাথের সেই অবস্থা হইল।

বহুদিন অনিশ্চিত অবস্থাতেই কাটিয়া গেল। কেবল অনিদ্রা এবং বৃথা আশ্বাসে তাঁহার সম্ভ্রাম্বনিক মুখে ব্যগ্রতার তীব্রভাব রেখাঙ্কিত হইয়া উঠিল। কোটরনিবিষ্ট চকিত-নেত্রে মধ্যাহ্নের মরুবালুকার মত একটা জ্বালা প্রকাশ পাইল।

অবশেষে একদিন দ্বিপ্রহরে সমস্ত দ্বার রুদ্ধ করিয়া ঘরের মেঝেরময় শাবল চুকিয়া শব্দ করিতে লাগিলেন। একটি পার্শ্ববর্তী ছোট কুঠরির মেঝের মধ্য হইতে কাঁপা আওয়াজ দিল।

রাত্রি মিস্ত্রপুত্র হইলে পর বৈষ্ণবনাথ একাকী বসিয়া সেই মেঝে খনন করিতে লাগিলেন। যখন রাত্রি প্রভাতপ্রায়, তখন ছিদ্রখনন সম্পূর্ণ হইল।

বৈষ্ণবনাথ দেখিলেন নীচে একটা ঘরের মত আছে—কিন্তু সেই রাত্রের অন্ধকারে তাহার মধ্যে নির্ঝাঁকাবে পানামাইয়া দিতে সাহস করিলেন না। গর্ভের উপর বিহানা চাপা দিয়া শয়ন করিলেন। কিন্তু শব্দ এমনি পরিষ্কৃত হইয়া উঠিল যে, ভয়ে সেখান হইতে উঠিয়া আসিলেন—অথচ গৃহ অরক্ষিত রাখিয়া দ্বার ছাড়িয়া দূরে যাইতেও প্রবৃত্তি হইল না।

লোভ এবং ভয় দুই দিক হইতে দুই হাত ধরিয়া টানিতে লাগিল। রাত কাটিয়া গেল।

আজ দিনের বেলাও শব্দ শুনা যায়। ভৃত্যকে ঘরের মধ্যে ঢুকিতে না দিয়া বাহিরে আহাৰাদি করিলেন। আহাৰান্তে ঘরে ঢুকিয়া দ্বারে চাবি লাগাইয়া দিলেন।

দুর্গানাম উচ্চারণ করিয়া গহ্বরমুখ হইতে বিহানা সরাইয়া ফেলিলেন। জলের ছল-ছল এবং ধাতুজব্যের ঠংঠং শব্দ পরিষ্কার শুনা গেল।

ভয়ে ভয়ে গর্ভের কাছে আস্তে আস্তে মুখ লইয়া গিয়া দেখিলেন অনতি উচ্চ কক্ষের মধ্যে জলের স্রোত প্রবাহিত হইতেছে—অন্ধকারে আর বিশেষ কিছু দেখিতে পাইলেন না।

একটা বড় লাঠি নামাইয়া দেখিলেন জল এক হাঁটুর অধিক নহে। একটু দিয়াশলাই ও বাতি লইয়া সেই অগভীর গৃহের মধ্যে অনায়াসে লাফাইয়া পড়িলেন। পাছে এক মুহূর্তে সমস্ত আশা নিবিয়া যায় এই জন্ত বাতি জ্বালাইতে হাত কাঁপিতে লাগিল। অনেকগুলি দেশলাই নষ্ট করিয়া অবশেষে বাতি জ্বলিল।

দেখিলেন, একটা মোটা লোহার শিক্লিতে একটি বৃহৎ তাঁবার কলসী বাঁধা রহিয়াছে, এক একবার জলের স্রোত প্রবল হয় এবং শিক্লি কলসীর উপর পড়িয়া শব্দ করিতে থাকে।

বৈষ্ণবনাথ জলের উপর ছপ্ছপ্ শব্দ করিতে করিতে তাড়াতাড়ি সেই কলসীর কাছে উপস্থিত হইলেন। গিয়া দেখিলেন কলসী শূন্য।

তথাপি নিজের চক্ষুকে বিশ্বাস করিতে পারিলেন না—দুই হস্তে কলসী তুলিয়া খুব করিয়া ঝাঁকানি দিলেন। ভিতরে কিছুই নাই।—উপুড় করিয়া ধরিলেন। কিছুই পড়িল না।

দেখিলেন কলসীর গলা ভাঙ্গা। যেন এককালে এই কলসীর মুখ সম্পূর্ণ বন্ধ ছিল কে ভাঙ্গিয়া ফেলিয়াছে।

তখন বৈষ্ণনাথ জলের মধ্যে দুই হস্ত দিয়া পাগলের মত হাতড়াইতে লাগিলেন। বর্ধমন্তরের মধ্যে হাতে কি একটা ঠেকিল, তুলিয়া দেখিলেন গড়ার মাথা—সেটাও একবার কাণের কাছে লইয়া ঝাঁকাইলেন—ভিতরে কিছুই নাই। ছুড়িয়া ফেলিয়া দিলেন। অনেক খুজিয়া মরকঙ্কালের অস্থি ছাড়া আর কিছুই পাইলেন না।

দেখিলেন নদীর দিকে দেয়ালের এক জায়গা ভাঙ্গা; সেইখান দিয়া জল প্রবেশ করিতেছে এবং তাঁহার পূর্ববর্তী যে ব্যক্তির কোষ্ঠিতে দৈবধন লাভ লেখা ছিল সেও সম্ভবতঃ এই ছিদ্র দিয়া প্রবেশ করিয়াছিল।

অবশেষে সম্পূর্ণ হতাশ হইয়া “মা” বলিয়া মন্ত একটা মর্শ্বেদী দীর্ঘনিশ্বাস ফেলিলেন—প্রতিধ্বনি যেন অতীত কালের আরো অনেক হতাশাস ব্যক্তির নিশ্বাস একত্রিত করিয়া ভীষণ গাভীরোর সহিত পাতাল হইতে স্তনিত হইয়া উঠিল।

সর্বান্তে জলকাদা মাখিয়া বৈষ্ণনাথ উপরে উঠিলেন।

জনপূর্ণ কোলাহলময় পৃথিবী তাঁহার নিকটে আছোপাস্ত্র মিথ্যা এবং সেই শৃঙ্খলবন্ধ ভয়ঘটের মত শূন্য বোধ হইল।

আবার। যে জিনিষপত্র বাধিতে হইবে, টিকিট কিনিতে হইবে, গাড়ি চড়িতে হইবে, বাড়ি ফিরিতে হইবে, স্ত্রীর সহিত বাকবিতণ্ডা করিতে হইবে, জীবন প্রতিদিন বহন করিতে হইবে সে তাঁহার অসহ্য বলিয়া বোধ হইল। ইচ্ছা হইল নদীর জীর্ণ পাড়ের মত ঝুপ করিয়া ভাঙ্গিয়া ভলে পড়িয়া যান।

কিন্তু তবু সেই জিনিষপত্র বাধিলেন, টিকিট কিনিলেন, এবং গাড়িও চড়িলেন।

এবং একদিন শীতের সায়াহ্নে বাড়ির ঘারে গিয়া উপস্থিত হইলেন। আশ্বিন মাসে শরতের প্রাতঃকালে ঘরের কাছে বসিয়া বৈষ্ণনাথ অনেক প্রবাসীকে বাড়ি ফিরিতে দেখিয়াছেন, এবং দীর্ঘশ্বাসের সহিত মনে মনে এই বিদেশ হইতে দেশে ফিরিবার সুখের জন্ত লালায়িত হইয়াছেন—তখন আজিকার সন্ধ্যা স্বপ্নেরও অগম্য ছিল।

বাড়িতে প্রবেশ করিয়া প্রাঙ্গণের কাষ্ঠাসনে নির্ঝোঁধের মত বসিয়া রহিলেন, অন্তঃপুরে গেলেন না। সর্বপ্রথমে বি তাঁহাকে দেখিয়া আনন্দকোলাহল বাধাইয়া দিল, ছেলেরা ছুটিয়া আসিল, গৃহিণী ডাকিয়া পাঠাইলেন।

বৈষ্ণনাথের যেন একটা ঘোর ভাঙ্গিয়া গেল, আবার যেন তাঁহার সেই পূর্বসংসারে জাগিয়া উঠিলেন।

ওঙ্কমুখে স্নানহাস্ত লইয়া একটা ছেলেকে কোলে করিয়া একটা ছেলের হাত ধরিয়া অন্তঃপুরে প্রবেশ করিলেন।

তখন ঘরে প্রদীপ জ্বালান হইয়াছে, এবং যদিও রাত হয় নাই তথাপি শীতের সন্ধ্যা রাত্রির মত নিস্তরু হইয়া আসিয়াছে।

বৈষ্ণনাথ পানিকক্ষণ কিছু বলিলেন না, তার পর মৃদুস্বরে স্ত্রীকে জিজ্ঞাসা করিলেন “কেমন আছ?”

স্ত্রী তাহার কোন উত্তর না দিয়া জিজ্ঞাসা করিলেন “কি হইল?”

বৈষ্ণনাথ নিরুত্তরে কপালে আঘাত করিলেন। মোক্ষদার মুখ ভার শক্ত হইয়া উঠিল।

ছেলেরা প্রকাণ্ড একটা অকল্যাণের ছায়া দেখিয়া আশ্বে আশ্বে উঠিয়া গেল। বিব

কাছে গিয়া বলিল “সেই নাপিতের গল্প বল ।”
বলিয়া বিহানায় শুইয়া পড়িল ।

রাত হইতে লাগিল কিন্তু ছন্দের মুখে
একটি কথা নাই। বাড়ির মধ্যে কি একটা
যেন ছম্ছম্ করিতে লাগিল এবং মোক্ষদার
ঠোঁটহুটি ক্রমশই বজ্রের মত আঁটিয়া আসিল।

অনেকক্ষণ পরে মোক্ষদা কোন কথা না
বলিয়া ধীরে ধীরে শয়নগৃহের মধ্যে প্রবেশ
করিলেন এবং ভিতর হইতে হার রুক করিয়া
দিলেন।

বৈষ্ণনাথ চুপ করিয়া বাহিরে দাঁড়াইয়া
রহিলেন। চোকিদার প্রহর হাঁকিয়া গেল।
শ্রান্ত পৃথিবী অকাতর নিদ্রায় মগ্ন হইয়া রহিল।
আপনার আশ্রয় হইতে আরম্ভ করিয়া অনন্ত
আকাশের নক্ষত্র পর্য্যন্ত কেহই এই লাঞ্চিত
ভগ্ননিদ্রা বৈষ্ণনাথকে একটি কথা জিজ্ঞাসা
করিল না।

অনেক রাত্রে, বোধ করি কোন স্বপ্ন হইতে
জাগিয়া বৈষ্ণনাথের বড় ছেলোট শয্যা ছাড়িয়া
আন্তে আন্তে বারান্দায় আসিয়া ডাকিল “বাবা”

তখন তাহার বাবা সেখানে নাই। অপেক্ষা-
কৃত উর্ধ্বকণ্ঠে রুক্কাবের বাহির হইতে ডাকিল
“বাবা !” কিন্তু কোন উত্তর পাইল না।

আবার ভয়ে ভয়ে বিছানায় গিয়া শয়ন
করিল।

পূর্বাভাসসারে কি সকালবেলায় তামাক
সাজিয়া তাঁহাকে খুজিল, কোথাও দেখিতে
পাইল না। বেলা হইলে প্রতিবেশীগণ গৃহ-
প্রত্যাগত বান্ধবের খোঁজ লইতে আসিল, কিন্তু
বৈষ্ণনাথের নহিত সাক্ষাৎ হইল না।

মণিহারা।

সেই জীর্ণপ্রায় বাঁধাঘাটের ধারে আমার
বোট লাগানো ছিল। তখন সূর্য্য অস্ত
গিয়াছে।

বোটের ছাদের উপরে মাজি নমাজ করি-
তেছে। পশ্চিমের জলন্ত আকাশপটে তাহার
নীলব উপাসনা ক্ষণে ক্ষণে ছবির মত আঁকা
পড়িতেছিল। স্থির রেখাহীন নদীর জলের
উপর ভাবাতীত অসংখ্য বর্ণচ্ছটা দেখিতে
দেখিতে ফিকা হইতে গাঢ় লেখায়, সোণার রং
হইতে ইম্পাতের রঙে, এক আভা হইতে আর
এক আভায়, মিলাইয়া আসিতেছিল।

জানালা ভাঙা, বারান্দা ঝুলিয়া পড়া জরা-
গ্রস্ত বৃহৎ অট্টালিকার সম্মুখে অশ্বখমূল্যবদারভ
ঘাটের উপরে ঝিল্লিমুখর সন্ধ্যাবেলায় একলা
বসিয়া আমার শুষ্ক চক্ষুর কোণ ভিজবে ভিজবে
কারণেতে এমন সময়ে মাথা হইতে পৃথক
হঠাৎ চমকিয়া উঠিয়া শুনিলাম, “মহাশয়ের
কোথা হইতে আগমন ?”

দোখলাম ভদ্রলোকটি স্বল্পাহারশীল, ভাগ্য-
লক্ষ্মী কঙ্কিত নিতান্ত অনাদৃত। বাংলাদেশের
অধিকাংশ বিদেশী চাকরের যেমন একরকম
বহুকাল জীর্ণসংস্কারবহীন চেহারা হইতে
সেইরূপ। ধূতির উপরে একখানি মণিন
তেলাক্ত আসামী মটকার বোতামখোলা
চাপকান—ফর্শক্ষেত্র হইতে যেন অল্পক্ষণ হইল
কি রঙেছেন। এবং যে সময় কিঞ্চিৎ জলপান
বাগুয়া ভাঙত ছিল সে সময় হঠাৎ নদাতীরে
কেবল সন্ধ্যার হাওয়া খাইতে আসিয়াছেন।

আগন্তুক সোপানপার্শ্বে আসনগ্রহণ করিলেন ।
আমি কহিলাম, আমি রাচি হইতে আসিতেছি ।

কি করা হয় ?

ব্যবসা করিয়া থাকি ।

কি ব্যবসা ?

হরীতকী, রেসমের গুটি এবং কাঠের
ব্যবসা ।

কি নাম ?

ঈশৎ খামিয়া একটা নাম বলিলাম । কিন্তু
সে আমার নিজের নাম নহে ।

ভদ্রলোকের কোতুহল নিবৃত্তি হইল না ।
পুনরায় প্রশ্ন হইল, এখানে কি করিতে আগ-
মন ?

আমি কহিলাম বায়ু পরিবর্তন ।

লোকটি কিছু আশ্চর্য হইল । কহিল, মহা-
শয় আজ প্রায় ছয় বৎসর ধরিয়া এখানকার
বায়ু এবং তাহার সঙ্গে সঙ্গে প্রত্যহ গড়ে
পনেরো গ্রেণ্ড করিয়া কুইনাইন্ খাইতেছি কিন্তু
কিছু ত ফল পাই নাই ।

আমি কহিলাম, একথা মানিতেই হইবে
রাচি হইতে এখানে বায়ুর যথেষ্ট পরি-
বর্তন দেখা যাইবে ।

তিনি কহিলেন, আজ্ঞা হাঁ, যথেষ্ট । এখানে
কোথায় বাসা করিবেন ?

আমি ঘাটের উপকার জীর্ণবাড়ি দেখাইয়া
কহিলাম, এই বাড়িতে ।

বোধ করি লোকটির মনে সন্দেহ হইল
আমি এই পোড়ো বাড়িতে কোন গুপ্তধনের
সন্ধান পাইয়াছি । কিন্তু এ সম্বন্ধে আর কোন
তর্ক তুলিলেন না—কেবল আজ্ঞাপনেরো বৎসর
পূর্বে এই অভিশাপগ্রস্ত বাড়িতে যে ঘটনাটি
ঘটিয়াছিল তাহারই বিস্তারিত বর্ণনা করিলেন ।

লোকটি এখানকার ইকুলমাষ্টার । তাঁহার
ক্ষুধা ও রোগশার্ণ মুখে মস্ত একটা টাকের

নীচে এক ষোড়া বড় বড় চক্ষু আপন কোটরের
ভিতর হইতে অশ্বাত্তবিক উজ্জলতায় জ্বলিতে-
ছিল । তাঁহাকে দেখিয়া ইংরাজ কবি কোল-
রিজের সৃষ্ট প্রাচীন নাবিকের কথা আমার
মনে পড়িল ।

মান্নি নমাজ পড়া সমাধা করিয়া রন্ধনকার্যে
মন দিয়াছে । সন্ধ্যার শেষ আভাটুকু মিলাইয়া
আসিয়া ঘাটের উপকার জনশূন্য অন্ধকার
বাড়ি আপন পূর্বাবস্থার প্রেকাণ্ড প্রেতমূর্তির মত
নিস্তরু দাঁড়াইয়া রহিল ।

ইকুলমাষ্টার কহিলেন—আমি এই গ্রামে
আমার প্রায় দশ বৎসর পূর্বে এই বাড়িতে
ক্ৰাণভূষণ সাহা বাস করিতেন । তিনি তাঁহার
অপুত্রক পিতৃব্য দুর্গামোহন সাহার বৃহৎ
বিষয় এবং ব্যবসায়ের উত্তরাধিকারী হইয়া-
ছিলেন ।

কিন্তু তাঁহাকে একালে ধরিয়াছিল । তিনি
লেখাপড়া শিখিয়াছিলেন । তিনি জুতা সমেত
সাহেবের আপিসে চুকিয়া সম্পূর্ণ খাটি ইংরাজি
বলিতেন । তাহাতে আবার দাড়ি রাখিয়া-
ছিলেন, স্তব্রাং সাহেব সপ্তদাপরের নিকট তাঁহার
উন্নতির সম্ভাবনামাত্র ছিল না । তাঁহাকে
দেখিবামাত্রই নব্যবঙ্গ বলিয়া ঠাহর হইত ।

আবার ঘরের মধ্যেও এক উপসর্গ জুটিয়া-
ছিল । তাঁহার স্ত্রীটি ছিলেন সুন্দরী । একে
কালেজে পড়া, তাহাতে সুন্দরী স্ত্রী, স্তব্রাং
সেকালের চালচলন আর রহিল না । এমন কি
ব্যামো হইলে অ্যাসিষ্ট্যান্ট সার্জনকে ডাকা
হইত । অশন বসন ভূষণও এই পরিমাণে
বাড়িয়া উঠিতে লাগিল ।

মহাশয় নিশ্চয়ই বিবাহিত অতএব একথা
আপনাকে বলাই বাহুল্য যে, সাধারণতঃ
স্ত্রীজাতি কাঁচা আম, ঝাললক্ষা এবং কড়া
স্বামীই ভালবাসে । যে দুর্ভাগ্য পুরুষ নিজের

স্ত্রীর ভালবাসা হইতে বঞ্চিত সে যে কুস্ত্রী অথবা নিরন্ধন তাহা নহে সে নিতান্ত নিরীহ।

যদি জিজ্ঞাসা করেন কেন এমন হইল, আমি এ সম্বন্ধে অনেক কথা ভাবিয়া রাখিয়াছি। যাহার যা প্রবৃত্তি এবং ক্ষমতা সেটার চর্চা না করিলে সে সুখী হয় না। শিঙে শান দিবার জন্ত হরিণ শক্ত গাছের গুঁড়ি খোঁজে, কলাগাছে তাহার শিং ঘষিবার সুখ হয় না। নরনারীর ভেদ হইয়া অবধি স্ত্রীলোক দুঃস্বপ্ন পুরুষকে নানা কৌশলে ভুলাইয়া বশ করিবার বিত্তা চর্চা করিয়া আসিতেছে। যে স্বামী আপনি বশ হইয়া বসিয়া থাকে তাহার স্ত্রী বেচারী একেবারেই বেকার, সে তাহার মাতামহীদের নিকট হইতে শত লক্ষ বৎসরের শান্দেওয়া যে উজ্জল বক্রগাত্র, অগ্নিবাণ, ও নাগপাশবন্ধনগুলি পাইয়াছিল, তাহা সমস্ত নিষ্ফল হইয়া যায়। স্ত্রীলোক পুরুষকে ভুলাইয়া নিজের শক্তিতে ভালবাসা আদায় করিয়া লইতে চায়,—স্বামী যদি ভালমানুষ হইয়া সে অবসরটুকু না দেয় তবে স্বামীর অদৃষ্ট মন্দ এবং স্ত্রীরও ততোধিক।

নবসভ্যতার শিক্ষামন্ত্রে পুরুষ আপন স্বভাবসিদ্ধ বিধাতাদত্ত স্মহৎ বর্করতা হারাইয়া আধুনিক দাম্পত্য সম্বন্ধটাকে এমন শিথিল করিয়া ফেলিয়াছে অভাগা ফণিভূষণ আধুনিক সভ্যতার কল হইতে অত্যন্ত ভালমানুষটি হইয়া বাহির হইয়া আসিয়াছিল,—ব্যবসায়ের সে সুবিধা করিতে পারিল না, দাম্পত্যেও তাহার তেমন সুযোগ ঘটে নাই।

ফণিভূষণের স্ত্রী মণিমালিকা, বিনা চেষ্টায় আদর, বিনা অশ্রুবর্ষণে চাকাইসাড়ি এবং বিনা দুর্জয় মানে বাজু বন্ধ লাভ করিত। এইরূপে তাহার নারীপ্রকৃতি এবং সেই সঙ্গে তাহার ভালবাসা নিশ্চেষ্ট হইয়া গিয়াছিল। সে কেবল

গ্রহণ করিত, কিছু দিত না। তাহার নিরীহ এবং নিরর্থক স্বামীটি মনে করিত দানই বৃষ্টি প্রতিদান পাইবার উপায়। একেবারে উল্টা বুঝিয়াছিল আর কি।

ইহার ফল হইল এই যে স্বামীকে সে আপন চাকাইসাড়ি এবং বাজুবন্ধ যোগাইবার সম্বন্ধরূপ জ্ঞান করিত ;—যন্ত্রটিও এমন সুচারু যে, কোন দিন তাহার চাকায় এক ফোটা তেল যোগাইবারও দরকার হয় নাই।

ফণিভূষণের জন্মস্থান ফুলবেড়ে, বাণিজ্যস্থান এখানে। কন্দারুরোধে এখানেই তাহাকে অধিকাংশ সময় থাকিতে হইত। ফুলবেড়ের বাড়িতে তাহার মা ছিল না তবু পিসি মাসী ও অন্ত পাঁচ জন ছিল। কিন্তু ফণিভূষণ পিসি মাসী ও অন্ত পাঁচজনের উপকারার্থেই বিশেষ করিয়া সুন্দরী স্ত্রী ঘরে আনে নাই। স্ততরাং স্ত্রীকে সে পাঁচ জনের কাছ থেকে আনিয়া এই কুঠিতে একলা নিজের কাছেই রাখিল। কিন্তু অস্তান্ত অধিকার হইতে স্ত্রী অধিকারের প্রভেদ এই যে, স্ত্রীকে পাঁচজনের কাছ হইতে বিচ্ছিন্ন করিয়া একলা নিজের কাছে রাখিলেই যে সব সময় বেশী করিয়া পাওয়া যায় তাহা নহে।

স্ত্রীটি বেশী কথাবার্তা কহিত না, পাড়াপ্রতিবেশিনীদের সঙ্গেও তাহার মেলামিশ বেশী ছিল না, ব্রত উপলক্ষ করিয়া ছোটো ব্রাহ্মণকে খাওয়ানো, বা বৈষ্ণবীকে ছোটো পয়সা ভিক্ষা দেওয়া কখনো তাহার দ্বারা ঘটে নাই। তাহার হাতে কোন জিনিষ নষ্ট হয় নাই; কেবল স্বামীর আদরগুলা ছাড়া আর যাহা পাইয়াছে সমস্তই জমা করিয়া রাখিয়াছে। আশ্চর্যের বিষয় এই যে, সে নিজের অপক্লম যৌবনশ্রী হইতেও যেন লেশমাত্র অপব্যয় ঘটিতে দেয় নাই। লোকে বলে, তাহার চব্বিশ বৎসর

বয়সের সময়ও তাহাকে চোদ্দ বৎসরের মত কাঁচা দেখিতে ছিল। যাহাদের হৃৎপিণ্ড বরফের পিণ্ড, যাহাদের বুকের মধ্যে ভালবাসার জ্বালাঘন্ত্রণা স্থান পায় না তাহারা বোধ করি সুদীর্ঘকাল তাজা থাকে, তাহারা ক্রপণের মত অস্তুরে বাহিরে আপনাকে জমাইয়া রাখিতে পারে।

ঘনপত্রিত অতিসতেজ লতার মত বিধাতা মণিমালিনীকে নিষ্কলা করিয়া রাখিলেন, তাহাকে সম্মান হইতে বঞ্চিত করিলেন, অর্থাৎ তাহাকে এমন একটা কিছু দিলেন না যাহাকে সে আপন লোহার সিন্দুকের মণমাণিক্য অপেক্ষা বেশী করিয়া বৃদ্ধিতে পারে, যাহা বসন্তপ্রভাতের নব সূর্য্যের মত আপন কোমল উত্তাপে তাহার হৃদয়ের বরফপিণ্ডটা গলাইয়া সংসারের উপর একটা স্নেহনির্ঝর বহাইয়া দেয়।

কিন্তু মণিমালিকা কাজকর্মে মজবুৎ ছিল। কখনই সে লোকজন বেশী রাখে নাই। যে কাজ তাহার দ্বারা সাধ্য সে কাজে কেহ বেতন লইয়া যাইবে ইহা সে সহিতে পারিত না। সে কাহারো জন্ত চিন্তা করিত না, কাহাকেও ভালবাসিত না, কেবল কাজ করিত এবং জমা করিত, এই জন্ত তাহার রোগ শোক তাপ কিছুই ছিল না; অপরিমিত স্বাস্থ্য, অবিচলিত শাস্ত এবং সঞ্চীয়মান সম্পদের মধ্যে যে সবলে বিরাজ করিত।

অধিকাংশ স্বামীর পক্ষে ইহাই যথেষ্ট; যথেষ্ট কেন, ইহা দুর্ভাগ্য। অঙ্গের মধ্যে কতিদেশ বলিয়া একটা ব্যাপার আছে তাহা কোমরে ব্যথা না হইলে মনে পড়ে না; —গৃহের আশ্রয়-স্বরূপে স্ত্রী যে একজন আছে ভালবাসার তাড়নায় তাহা পদে পদে এবং তাহা চকিচকি অশ্রুভব করার নাম ধরকন্যার

কোমরে ব্যথা। নিরতিশয় পাতিব্রত্যাটী স্ত্রীর পক্ষে গৌরবের বিষয় কিন্তু পতির পক্ষে আরাণ্যের নহে, আমার ত এইরূপ মত।

মহাশয়, স্ত্রীর ভালবাসা ঠিক কতটা পাইলাম, ঠিক কতটুকু কম পড়িল অতিশয় নিক্তি ধরিয়া তাহা অহরহ তোল করিতে বস। কি পুরুষ মানুষের কর্ম! স্ত্রী আপনার কাজ করুক আমি আপনার কাজ করি ঘরের মোটা হিসাবটা ত এই। অব্যক্তের মধ্যে কতটা ব্যক্ত, ভাবের মধ্যে কতটুকু অভাব, সুস্পষ্টের মধ্যেও কি পরিমাণ ইচ্ছিত, অণু পরমাণুর মধ্যে কতটা বিপুলতা,—ভালবাসাবাসির তত সুস্বন্দ্র বোধশক্তি বিধাতা পুরুষ মানুষকে দেন নাই—দিবার প্রয়োজন হয় নাই। পুরুষ মানুষের তিল পরিমাণ অমুরাগ বিরাগের লক্ষণ লইয়া মেয়েরা বটে ওজন করিতে বসে। কথার মধ্য হইতে আসল ভঙ্গীটুকু, এবং ভঙ্গীর মধ্য হইতে আসল কথাটুকু চিরিয়া চিরিয়া চুনিয়া চুনিয়া বাহির করিতে থাকে। কারণ, পুরুষের ভালবাসাই তাহাদের বল, তাহাদের জীবনব্যবসায়ের মূলধন। ইহারই হাওয়ার গতক লক্ষ্য করিয়া ঠিক সময়ে ঠিকমত পাল ঘুরাইতে পারিলে তবেই তাহাদের তরণী তরিয়া যায়। এই জন্তই বিধাতা ভালবাসামান যন্ত্রটি মেয়েদের হৃদয়ের মধ্যে ঝুলাইয়া দিয়াছেন, পুরুষদের দেন নাই।

কিন্তু বিধাতা যাহা দেন নাই সম্প্রতি পুরুষরা সেটি সংগ্রহ করিয়া লইয়াছেন। কবির বিধাতার উপর ঢেঁকা দিয়া এই দুর্ভাগ্য যন্ত্রটি, এই দিগ্‌দর্শন যন্ত্রশালাকাটি নির্কিঁচারে সর্কসাধারণেব হস্তে দিয়াছেন। বিধাতার দোষ দিই না, তিনি মেয়ে পুরুষকে যথেষ্ট ভিন্ন করিয়াই সৃষ্টি করিয়াছিলেন, কিন্তু সভ্যতার সে ভেদ আর থাকে না; এখন মেয়েও পুরুষ

হইতেছে, পুরুষও মেয়ে হইতেছে স্ত্রীর মধ্য হইতে শান্তি ও শৃঙ্খলা বিদায় লইল। এখন শুভ বিবাহের পূর্বে, পুরুষকে বিবাহ করিতেছি, না, মেয়েকে বিবাহ করিতেছি তাহা কোন মতে নিশ্চয় করিতে না পারিয়া বরকত্তা উভয়েরই চিত্ত আশঙ্কায় ছরু ছরু করিতে থাকে।

আপনি বিরক্ত হইতেছেন। একলা পড়িয়া থাকি, জ্বর নিকট হইতে নির্কাসিত; দুই হইতে সংসারের অনেক নিগূঢ়ত্ব মনের মধ্যে উদয় হয়,—এগুলো ছাত্রদের কাছে বলিবার বিষয় নয়, কথাপ্রসঙ্গে আপনাকে বলিয়া লইলাম, চিন্তা করিয়া দেখিবেন।

মোট কথাটা এই যে, যদিচ বন্ধনে নুন্ কুম হইত না এবং পানে চূণ বেশী হইত না তথাপি ফণিভূষণের ছন্দ "কি-যেন কি" নামক একটা ছঃসাধ্য উৎপাত অনুভব করিত। জ্বর কোন দোষ ছিল না, কোন ভ্রম ছিল না, তবু স্বামীর কোন স্মৃতি ছিল না। সে তাহার সহস্রাব্দীর্ণ শৃঙ্খল-গহ্বর ছন্দয়লক্ষ্য করিয়া কেবলি হীরামুক্তার গহনা টালিত কিন্তু সে গুলি পড়িত গিয়া লোহার সিন্দুক, —ছন্দ শৃঙ্খলই থাকিত। খুড়া দুর্গামোহন ভালবাসা এত সূক্ষ্ম করিয়া বৃত্তিত না, এত কাতর হইয়া চাহিত না, এত প্রচুর পরিমাণে দিত না অথচ খুড়ীর নিকট হইতে তাহা অজস্র পরিমাণে লাভ করিত। ব্যবসায়ী হইতে গেলে নব্যাবু হইলে চলে না এবং স্বামী হইতে গেলে পুরুষ হওয়া দরকার, এ কথায় সন্দেহ মাত্র করিবে না।

ঠিক এই সময়ে শৃঙ্খলগুলা নিকটবর্তী ঝোপের মধ্য হইতে অত্যন্ত উচ্চৈঃস্বরে চীৎকার করিয়া উঠিল। মাষ্টার মহাশয়ের গল্পশ্রোতে মিনিট কয়েকের জন্ত বাধা পড়িল।

ঠিক মনে হইল সেই অন্ধকার সভাভূমিতে কৌতুকপ্রিয় শৃঙ্খলসম্প্রদায় ইন্দুলমাষ্টারের ব্যাখ্যাত দাম্পত্যনীতি শুনিয়াই হোক বা নবসভ্যতা-দুর্কল ফণিভূষণের আচরণেই হোক রহিয়া রহিয়া অটুহাস্য করিয়া উঠিতে লাগিল। তাহাদের ভাবোচ্ছ্বাস নিবৃত্ত হইয়া জলস্থল দ্বিগুণতর নিস্তব্ধ হইলে পর মাষ্টার সন্ধার অন্ধকারে তাহার বৃহৎ উজ্জল চক্ষু পাকাইয়া গল্প বলিতে লাগিলেন।

ফণিভূষণের জটিল এবং বহুবিস্তৃত ব্যবসায়ের হঠাৎ একটা ফাঁড়া উপস্থিত হইল। ব্যাপারটা কি তাহা আমার মত অব্যবসায়ীর পক্ষে বোঝা এবং বোঝাসো শক্ত। মোকদ্দা কথা, সহসা কি কারণে বাজারে তাহার ক্রেডিট রাখা কঠিন হইয়া পড়িয়াছিল। যদি কেবলমাত্র পাঁচটা দিনের জন্তও সে কোথাও হইতে লাগদেড়েক টাকা বাহির করিতে পারে, বাজারে একবার বিছাতের মত এই টাকাটার চেহারা দেখাইয়া যায় তাহা হইলেই মুহূর্তের মধ্যে সফট উত্তীর্ণ হইয়া তাহার ব্যবসা পালভরে ছুটিয়া চলিতে পারে।

টাকাটার স্বেযোগ হইতেছিল না। স্থানীয় পরিচিত মহাজনদের নিকট হইতে ধার করিতে প্রবৃত্ত হইয়াছে একরূপ জনরব উঠিলে তাহার ব্যবসায়ের দ্বিগুণ অনিষ্ট হইবে আশঙ্কায় তাহাকে অপরিচিত স্থানে ধানের চেষ্টা দেখিতে হইতেছিল। সেখানে উপযুক্ত বন্ধক না রাখিলে চলে না।

গহনা বন্ধক রাখিলে লেখাপড়া এবং বিলম্বের কারণ থাকে না, চটপট এবং সহজেই কাজ হইয়া যায়।

ফণিভূষণ একবার জ্বর কাছে গেল। নিজের জ্বর কাছে স্বামী যেমন সহজভাবে যাইতে পারে ফণিভূষণের ভেমন করিয়া

যাইবার ক্ষমতা ছিল না। সে দুর্ভাগ্যক্রমে নিজের স্বীকে ভালবাসিত যেমন ভালবাসা কাব্যের নায়ক কাব্যের নায়িকাকে বাসে ; যে ভালবাসায় সন্তর্পণে পদক্ষেপ করিতে হয় এবং সফল কথা মুখে ফুটিয়া বাহির হইতে পারে না,—যে ভালবাসার প্রবল আকর্ষণ স্বর্ঘ্য এবং পৃথিবীর আকর্ষণের স্তায় মাঝখানে একটা অতিদূর ব্যবধান রাখিয়া দেয়।

তথাপি তেমন-তেমন দায়ে পড়িলে কাব্যের নায়ককেও প্রেমসীর নিকট ছুটি এবং বন্ধু এবং হাণ্ডনোটের প্রসঙ্গ তুলিতে হয় ; কিন্তু মূর বাধিয়া যায়, বাক্যস্থলন হয়, এমন সকল পরিষ্কার কাজের কথাই মধ্যেও ভাবের জড়িয়া ও বেদনার বেপথু আসিয়া উপস্থিত হয়। হতভাগ্য ফণিত্বষণ স্পষ্ট করিয়া বলিতে পারিল না, ওগো, আমার দরকার হইয়াছে তোমার গহনাগুলো দাও !

কথাটা বলিল অথচ অত্যন্ত দুর্বলভাবে বলিল। মণিমালিকা যখন কঠিন মুখ করিয়া হাঁ না কিছুই উত্তর করিল না তখন সে একটা অত্যন্ত নিষ্ঠুর আঘাত পাইল কিন্তু আঘাত করিল না। কারণ, পুরুষোচিত বর্করতা লেশমাত্র তাহার ছিল না। যেখানে জোর করিয়া কাড়িয়া লওয়া উচিত ছিল সেখানে সে আপনার আন্তরিক ক্ষোভ পর্য্যন্ত চাপিয়া গেল। যেখানে ভালবাসার একমাত্র অধিকার, সর্বনাশ হইয়া গেলেও সেখানে বলকে প্রবেশ করিতে দিবে না এই তাহার মনের ভাব। এ সম্বন্ধে তাহাকে যদি ভৎসনা করা যাইত তবে সম্ভবতঃ সে এইরূপ স্বপ্ন তর্ক করিত যে, বাজারে যদি অস্তায় কারণেও আমার ক্রেডিট না থাকে তবে তাই বলিয়া বাজার লুটিয়া লইবার অধিকার আমার নাই, জী যদি স্বৈচ্ছাপূর্বক বিশ্বাস করিয়া আমাকে

গহনা না দেয় তবে তাহা আমি কাড়িয়া লইতে পারি না। বাজারে যেমন ক্রেডিট, ঘরে তেমন ভালবাসা, বাহুবল কেবলমাত্র রণক্ষেত্রে ! পদে পদে এইরূপ অত্যন্ত স্বপ্ন স্বপ্ন তর্কহত্র কাটিবার জন্তই কি বিধাতা পুরুষমানুষকে একরূপ উদার, একরূপ প্রবল, বৃহদাকার করিয়া নির্মাণ করিয়াছিলেন ? তাহার কি, বসিয়া বসিয়া অত্যন্ত লুকুমার চিত্তবৃত্তিকে নিরতিশয় তনিমার সহিত অনুভব করিবার অবকাশ আছে, না ইহা তাহাকে শোভা পায় ?

যাহা হউক আপন উন্নত জ্ঞানবৃত্তির গর্বে জীর গহনা স্পর্শ না করিয়া ফণিত্বষণ অস্ত্র উপায়ে অর্ধ সংগ্রহের জন্ত কলিকাতায় চলিয়া গেল।

সংসারে সাধারণতঃ স্বীকে স্বামী মতটা চেনে স্বামীকে স্বী তাহার চেয়ে অনেক বেশী চেনে ; কিন্তু স্বামীর প্রকৃতি যদি অত্যন্ত স্বপ্ন হয় তবে স্বীর অনুবীক্ষণে তাহার সমস্তটা ধরা পড়ে না। আমাদের ফণিত্বষণকে ফণিত্বষণের স্বী ঠিক বুলিত না। স্বীলোকের অশিক্ষিতপটুই যে সকল বহুকালাগত প্রাচীন সংস্কারের দ্বারা গঠিত অত্যন্ত নব্য পুরুষেরা তাহার বাহিরে গিয়া পড়ে। ইহারা এক রকমের ! ইহারা মেয়েমানুষের মতই বহুস্তম্ব হইয়া উঠিতেছে। সাধারণ পুরুষমানুষের যে ক'টা বড় বড় কোটা আছে, অর্থাৎ কেহ বা বর্কর, কেহ বা নিরোধ, কেহ বা অন্ধ, তাহার মধ্যে কোনটাতেই ইহা-দিগকে ঠিকমত স্থাপন করা যায় না।

সুতরাং মণিমালিকা পরামর্শের জন্ত তাহার মন্ত্রীকে ডাকিল। গ্রামসম্পর্কে অথবা দূর-সম্পর্কে মণিমালিকার এক ভাই ফণিত্বষণের কুঠিতে গোমস্তার অধীনে কাজ করিত। তাহার এমন স্বভাব ছিল না যে কাজের দ্বারা

উন্নতি লাভ করে,কোন একটা উপলক্ষ করিয়া আত্মীয়তার জোরে বেতন এবং বেতনেরও বেশী কিছু কিছু সংগ্রহ করিত।

মণিমালিকা তাহাকে ডাকিয়া সকল কথা বলিল ; ত্বিঞ্জাসা করিল, এখন পরামর্শ কি ?

সে অত্যন্ত বুদ্ধিমানের মত মাথা নাড়িল,— অর্থাৎ গতিক ভাল নহে। বুদ্ধিমানেরা কখনই গতিক ভাল দেখে না। সে কহিল, বাবু কখনই টাকা সংগ্রহ করিতে পারিবেন না, শেষকালে তোমার এ গহনাতে টান পড়িবেই।

মণিমালিকা মাহুষকে ঘেরূপ জানিত তাহাতে বুঝিল এইরূপ হওয়াই সম্ভব এবং ইহাই সঙ্গত। তাহার হৃষ্টিস্তা স্ত্রীর হইয়া উঠিল। সংসারে তাহার সম্ভান নাই ; স্বামী আছে বটে কিন্তু স্বামীর অস্তিত্ব সে অন্তরের মধ্যে অনুভব করে না,—অতএব যাহা তাহার একমাত্র যত্নের ধন, যাহা তাহার ছেলের মত ক্রমে ক্রমে বৎসরে বৎসরে বাড়িয়া উঠিতেছে, যাহা রূপকমাত্র নহে যাহা প্রকৃতই সোণা,যাহা মাণিক ; যাহা বন্ধের,যাহা কর্ণের,যাহা মাথার, সেই অনেক দিনের অনেক সাধের সামগ্রী এক মুহূর্তেই ব্যবসায়ের অতলস্পর্শ গহ্বরের মধ্যে নিক্ষিপ্ত হইবে ইহা কল্পনা করিয়া তাহার সর্ব-শরীর হিম হইয়া আসিল। সে কহিল, কি করা যায় ?

মধুসূদন কহিল গহনাগুলো লইয়া এইবেলা বাপের বাড়ি চল ! গহনার কিছু অংশ; এমন কি, অধিকাংশই যে তাহার ভাগে আসিবে বুদ্ধিমান মধু মনে মনে তাহার উপায় ঠাহর-ইল।

মণিমালিকা এ প্রস্তাবে তৎক্ষণাৎ সম্মত হইল।

আষাঢ়শেষের সন্ধ্যাবেলায় এই ঘাটের ধারে একখানি নৌকা আসিয়া লাগিল। ঘনমেঘা-

চ্ছন্ন প্রভাতে নিবিড় অন্ধকারে নিদ্রাহীন ভেংকর কলরয়ের মধ্যে একখানি মোটা চাদরে পা হইতে মাথা পর্য্যন্ত আবৃত করিয়া মণিমালিকা নৌকায় উঠিল। মধুসূদন নৌকার মধ্য হইতে জাগিয়া উঠিয়া কহিল, গহনার বাস্তুটা আমার কাছে দাও ! মণি কহিল, সে পরে হইবে, এখন নৌকা খুলিয়া দাও !

নৌকা খুলিয়া দিল, খরশ্রোতে ছু ছু করিয়া ভাসিয়া গেল।

মণিমালিকা সমস্ত রাত ধরিয়া একটি একটি করিয়া তাহার সমস্ত গহনা সর্কাজ করিয়া পরিষ্কারে, মাথা হইতে পা পর্য্যন্ত আর স্থান ছিল না। বাস্তব করিয়া গহনা লইলে সে বাস্তব হাতছাড়া হইয়া যাইতে পারে এ আশঙ্কা তাহার ছিল। কিন্তু গায়ে পরিয়া গেলে তাহাকে না বধ করিয়া সে গহনা কেহ লইতে পারিবে না।

সঙ্গে কোন প্রকার বাস্তব না দেখিয়া মধুসূদন কিছু বুঝিতে পারিল না—মোটাচাদরের নীচে যে মণিমালিকার দেহ—প্রাণের সঙ্গে সঙ্গে দেহ—প্রাণের অধিক গহনাগুলি আচ্ছন্ন ছিল তাহা সে অনুমান করিতে পারে নাই। মণিমালিকা ফণিভূষণকে বুঝিত না বটে কিন্তু মধুসূদনকে চিনিতে তাহার বাকি ছিল না।

মধুসূদন গোমস্তার কাছে একখানা চিঠি রাখিয়া গেল যে সে কর্তাকে পিত্রালয়ে পৌছাইয়া দিতে রওনা হইল। গোমস্তা ফণিভূষণের বাপের আমলের ; সে অত্যন্ত বিরক্ত হইয়া হ্রস্ব ইকারকে দীর্ঘ ঙ্কার এবং দন্ত্য স কে তালব্য শ করিয়া মনিবকে এক পত্র লিখিল,—ভাল বাস্তব লাগিল না কিন্তু স্ত্রীকে অযথা প্রশ্রয় দেওয়া যে পুরুষোচিত নহে এ কথাটা ঠিক মতই প্রকাশ করিল।

ফণিভূষণ মণিমালিকার মনের কথাটা ঠিক

বুঝিল। তাহার মনে এই আঘাতটা প্রবল হইল যে, আমি গুরুতর ক্ষতি সম্ভাবনাসম্ভেও জীব অলঙ্কার পরিত্যাগ করিয়া প্রাণপণ চেষ্টায় অর্থ-সংগ্রহে প্রবৃত্ত হইয়াছি—তবু আমাকে আজিও চিনিলা না।

নিজের প্রতি যে নিদারুণ অন্ত্রায়ে ক্রুদ্ধ হওয়া উচিত ছিল, ফণিভূষণ তাহাতে ক্ষুব্ধ হইল মাত্র! পুরুষমানুষ বিধাতার জ্ঞানদণ্ড; তাহার মধ্যে তিনি বজ্রাঘি নিহিত করিয়া রাখিয়াছেন, নিজের প্রতি অথবা অপরের প্রতি অন্ত্রায়ের সংঘর্ষে সে যদি দপ্ করিয়া জ্বলিয়া উঠিতে না পারে, তবে ধিক্ তাহাকে! পুরুষমানুষ দাবায়ির মত রাগিয়া উঠিবে সামান্য কারণে, আর জী লোক শ্রাবণ-মেঘের মত অক্ষপাত করিতে থাকিবে বিনা উপলক্ষে, বিধাতা এইরূপ বন্দোবস্ত করিয়াছিলেন—কিন্তু সে আর চোঁকে না!

ফণিভূষণ অপরাধিনী জীকে লক্ষ্য করিয়া মনে মনে কহিল এই যদি তোমার বিচার হয় তবে এইরূপ হোক, আমার কর্তব্য আমি করিয়া যাইব!—আরো শতাব্দী পাঁচ ছয় পরে যখন কেবল অধ্যাত্মশক্তিতে জগৎ চলিবে তখন যাহার জন্মগ্রহণ করা উচিত ছিল সেই ভাবি-গুণের ফণিভূষণ উনবিংশ শতাব্দীতে অবতীর্ণ হইয়া সেই আদি যুগের জীলোককে বিবাহ করিয়া বসিয়াছে শব্দে যাহার বুদ্ধিকে প্রলয়-ধরী বলিয়া থাকে। ফণিভূষণ জীকে এক অক্ষর পত্র লিখিল না এবং মনে মনে প্রতিজ্ঞা করিল এসম্বন্ধে জীব কাছে কখনো সে কোন কথাই উল্লেখ করিবে না। কি ভীষণ দণ্ডবিধি।

দিনদশেক পরে কোনমতে যথোপযুক্ত টাকা সংগ্রহ করিয়া বিপজ্জস্তীর্ণ ফণিভূষণ বাড়ি আসিয়া উপস্থিত হইলেন। তিনি জানিতেন বাপের বাড়িতে গহনাপত্র রাখিয়া এতদিনে

মণিমালিকা ঘরে ফিরিয়া আসিয়াছেন। সেদিনকার দীন প্রার্থীভাব ত্যাগ করিয়া কৃত-কার্য কৃতিপুরুষ জীব কাছে দেখা দিলে মণি যে কিরূপ লজ্জিত এবং অনাবশ্যক প্রয়াসের জন্ত কিঞ্চিৎ অন্ততপ্ত হইবে ইহাই বঙ্গনা করিতে করিতে ফণিভূষণ অন্তঃপুরে শয়নাগারের দ্বারের কাছে উপনীত হইল।

দেখিল দ্বার রুদ্ধ। তাল ভাঙিয়া ঘরে ঢুকিয়া দেখিল ঘর শূন্য। কোণে লোহার সিন্দুক খোলা পড়িয়া আছে তাহাতে গহনাপত্রের চিহ্নমাত্র নাই।

স্বামীর বকের মধ্যে ধক্ করিয়া একটা ঘা লাগিল!—মনে হইল সংসার উদ্দেশ্যহীন এবং ভালবাসা ও বাণিজ্যব্যবসা সমস্তই ব্যর্থ। আমরা এই সংসারপিঞ্জরের প্রত্যেক শলাকার উপরে প্রাণপাত করিতে বসিয়াছি, কিন্তু তাহার ভিতরে পাখী নাই, রাখিলেও সে থাকে না—তবে অহরহ হৃদয়খণির রক্তমাণিক ও অক্ষ-জ্বলের মুক্তমালা দিয়া কি সাজাইতে বসিয়াছি! এই চিরজীবনের সর্বস্বজড়নো শূন্য সংসার খাঁচাটা ফণিভূষণ মনে মনে পদাঘাত করিয়া অতি দূরে ফেলিয়া দিল।

ফণিভূষণ জীব সম্বন্ধে কোনরূপ চেষ্টা করিতে চাহিল না। মনে করিল, যদি ইচ্ছা হয় ত ফিরিয়া আসিবে। বৃদ্ধ ব্রাহ্মণ গোমস্তা আসিয়া কহিল, চূপ করিয়া থাকিলে কি হইবে—কর্ত্তীবধুর খবর লওয়া চাইত! এট বলিয়া মণি-মালিকার পিত্রালয়ে লোক পাঠাইয়া দিল। সেখান হইতে খবর আসিল মণি অথবা মধু এ পর্যন্ত সেখানে পৌছে নাই।

তখন চারিদিকে ধোঁজ পড়িয়া গেল। নদীতীরে তীরে প্রলম্ব করিতে করিতে লোক ছুটিল। মধুর তল্লাস করিতে পুলিশে খবর দেওয়া হইল—কোন নৌকা, নৌকার মাঝি

কে, কোন পথে তাহারা কোথায় চলিয়া গেল তাহার কোন সন্ধান মিলিল না।

সর্বপ্রকার আশা ছাড়িয়া দিয়া একদিন ফণিভূষণ সন্ধ্যাকালে তাহার পরিত্যক্ত শয়ন-গৃহের মধ্যে প্রবেশ করিল। সে দিন জন্ম-ষ্টমী। সকাল হইতে অবিশ্রান্ত বৃষ্টি পড়িতেছে। উৎসব উপলক্ষে গ্রামের প্রান্তরে একটা মেলা বসে, সেখানে আটচালার মধ্যে বারোয়ারির যাত্রা আরম্ভ হইয়াছে। মূল-ধারায় বৃষ্টিপাত শেষে যাত্রার গানের স্বর মৃদুতর হইয়া কাণে আসিয়া প্রবেশ করিতেছে। ঐ যে বাতায়নের উপরে শিখিলকজা দরজাটা ঝুলিয়া পড়িয়াছে ঐখানে ফণিভূষণ অন্ধকারে একলা বসিয়াছিল,—বাদ্যের হাওয়া, বৃষ্টির ছাঁট এবং যাত্রার গান ঘরের মধ্যে প্রবেশ করিতেছিল, কোন খেয়ালই ছিল না। ঘরের দেওয়ালে আর্ট্‌ষ্ট্রিডিয়ো-রচিত লক্ষী সরস্বতীর এক ষোড়া ছবি টাঙ্গানো; আলনার উপরে একটি গামছা ও তোয়ালে, একটি চূড়িপেড়ে ও একটি ডুবে শাড়ি, সত্ত্ব ব্যবহারযোগ্যভাবে পাকানো ঝুলানো রহিয়াছে; ঘরের কোণে টিপাইয়ের উপরে পিতলের ডিবায় মণিমালিকার স্বহস্তরচিত গুটিকতক পান শুষ্ক হইয়া পড়িয়া আছে, কাচের আলমারির মধ্যে তাহার আবাল্যসঞ্চিত চীনের পুতুল, এসেকের শিশি, রঙীন কাঁচের ডিক্যাণ্টার, সৌখীন তাস, সমুদ্রের বড় বড় কড়ি, এমন কি, শূন্য সাবানের বাক্সগুলি পর্যন্ত অতি পরিপাটি করিয়া সাজানো; যে অতি ক্ষুদ্র গোলকবিশিষ্ট ছোট সখের কেবোসিন্ ল্যাম্প সে নিজে প্রতিদিন প্রস্তুত করিয়া স্বহস্তে জ্বালাইয়া কুলুঙ্গিটির উপর রাখিয়া দিত তাহা যথাস্থানে নিৰ্দ্ধারিত এবং স্নান হইয়া দাঁড়াইয়া আছে, কেবল সেই ক্ষুদ্র ল্যাম্পটি এই শয়নকক্ষে মণিমালিকার শেষ

মুহূর্তের নিরুত্তর সাক্ষী; সমস্ত শূন্য করিয়া যে চলিয়া যায়, সেও এত চিহ্ন, এত ইতিহাস সমস্ত জড় সামগ্রীর উপর আপন সজীব স্নদ-য়ের এত স্নেহ-স্বাক্ষর রাখিয়া যায়! এস মণিমালিকা এস, তোমার দীপটি তুমি জ্বালাও তোমার ঘরটি তুমি আলো কর, আয়নার সন্মুখে দাঁড়াইয়া তোমার স্বল্পকৃষ্ণিত সাড়িটা তুমি পর, তোমার জিনিসগুলি তোমার জন্ত অপেক্ষা করিতেছে। তোমার কাছ হইতে কেহ কিছু প্রত্যাশা করে না, কেবল তুমি উপস্থিত হইবামাত্র তোমার অক্ষয় যৌবন তোমার অগ্নান সৌন্দর্য্য লইয়া চারিদিকের এই সকল বিপুল বিক্ষিপ্ত অনাথ জড় সামগ্রীরামিকে একটি প্রাণের ঐক্যে সঞ্জীবিত করিয়া রাখ; এই সকল মুক প্রাণহীন পদার্থের অব্যক্ত জন্মন গৃহকে শ্মশান করিয়া তুলিয়াছে!

গভীর রাত্রে কখন একসময়ে বৃষ্টির ধারা এবং যাত্রার গান থামিয়া গেছে। ফণিভূষণ জানালার কাছে যেমন বসিয়া ছিল তেমনি বসিয়া আছে। বাতায়নের বাহিরে এমন একটা জগদ্ব্যাপী নীরব, অন্ধকার যে, তাহার মনে হইতেছিল যেন সন্মুখে যমালয়ের এতটা অভভেদী সিংহদ্বার,—যেন এইখানে দাঁড়াইয়া কাঁদিয়া কাঁদিয়া ডাকিলে চিরকালের লুপ্ত জিনিস অচিরকালের মত একবার দেখা দিতেও পারে। এই মসীকৃষ্ণ মৃত্যুর পটে এই অতি কঠিন নিৰ্দ্ধারণের উপর সেই হারাণো সোণার একটা রেখা পড়িতেও পারে।

এমন সময় একটা ঠক্ঠক শব্দের সঙ্গে সঙ্গে গহনার বম্ব বম্ব শব্দ শোনা গেল। ঠিক মনে হইল শব্দটা নদীর ঘাটের উপর হইতে উঠিয়া আসিতেছে। তখন নদীর জল এবং যাত্রার অন্ধকার এক হইয়া মিশিয়া গিয়াছিল।

পুলকিত ফণিভূষণ দুই উৎসুক চক্ষু দিয়া অন্ধকার ঠেলিয়া ঠেলিয়া ফুঁড়িয়া ফুঁড়িয়া দেখিতে চেষ্টা করিতে লাগিল,—ক্ষীত স্বদয় এবং ব্যগ্র দৃষ্টি ব্যথিত হইয়া উঠিল, কিছুই দেখা গেল না। দেখিবার চেষ্টা যতই একান্ত বাড়িয়া উঠিল অন্ধকার ততই যেন ঘনীভূত, জগৎ ততই যেন ছায়াবৎ হইয়া আসিল। প্রকৃতি নিশিধরাত্রে আপন মৃত্যুনিকেতনের গবাক্ষদ্বারে অকস্মাৎ অতিথি সমাগম দেখিয়া দ্রুত হস্তে আরো একটা বেশী করিয়া পর্দা ফেলিয়া দিল।

শব্দটা ক্রমে ঘাটের সর্বোচ্চ সোপানতল ছাড়িয়া বাড়ির দিকে অগ্রসর হইতে লাগিল। বাড়ির সম্মুখে আসিয়া থামিল। দেউড়ি বন্ধ করিয়া দরওয়ান যাত্রা শুনিতে গিয়াছিল। তখন সেই রুদ্ধ দ্বারের উপর ঠক্ঠক্ ঝম্ঝম্ করিয়া ঘা পড়িতে লাগিল। যেন অলঙ্কারের সঙ্গে সঙ্গে একটা শব্দ জিনিস দ্বারের উপর আসিয়া পড়িতেছে। ফণিভূষণ আর থাকিতে পারিল না। নির্কাণদীপ কক্ষগুলি পার হইয়া অন্ধকার সিঁড়ি দিয়া নামিয়া রুদ্ধদ্বারের নিকট আসিয়া উপস্থিত হইল। দ্বার বাহির হইতে তালাবন্ধ ছিল। ফণিভূষণ প্রাণপণে দুই হাতে সেই দ্বার নাড়া দিতেই সেই সংঘাতে এবং তাহার শব্দে চমকিয়া জাগিয়া উঠিল। দেখিতে পাইল সে নিদ্রিত অবস্থায় উপর হইতে নীচে নামিয়া আসিয়াছিল। তাহার সর্কশরীর ঘর্ম্মাক্ত, হাতপা বরফের মত ঠাণ্ডা এবং ছৎপিণ্ড নির্কাণোন্মুখ প্রদীপের মত ক্ষুরিত হইতেছে। স্বপ্ন ভাঙ্গিয়া দেখিল বাহিরে আর কোন শব্দ নাই, কেবল শ্রাবণের ধারা তখনও বরবর শব্দে পড়িতেছিল এবং তাহারি সহিত মিশ্রিত হইয়া শুনা যাইতেছিল যাত্রার ছেলেরা ভোরের স্বরে তান ধরিয়াছে।

যদিচ ব্যাপারটা সমস্তই স্বপ্ন কিন্তু এত অধিক নিকটবর্তী এবং সত্যবৎ যে ফণিভূষণের মনে হইল যেন অতি অল্পের জন্তই সে তাহার অসম্ভব আকাঙ্ক্ষার আশ্চর্য্য সফলতা হইতে বঞ্চিত হইল। সেই জলপতন শব্দের সহিত দূরাগত ভৈরবীর তান তাহাকে বলিতে লাগিল—এই জাগরণই স্বপ্ন, এই জগৎই মিথ্যা।

তাহার পরদিনেও যাত্রা ছিল এবং দরওয়ানেরও ছুটি ছিল। ফণিভূষণ হুকুম দিল আজ সমস্ত রাত্রি যেন দেউড়ির দরোজা খোলা থাকে। দরওয়ান কহিল মেলা উপলক্ষে নানা দেশ হইতে নানা প্রকার লোক আসিয়াছে—দরোজা খোলা রাখিতে সাহস হয় না। ফণিভূষণ সে কথা মানিল না। দরওয়ান কহিল, তবে আমি সমস্ত রাত্রি হাজির থাকিয়া পাহারা দিব। ফণিভূষণ কহিল, সে হইবে না, তোমাকে যাত্রা শুনিতে বাইতেই হইবে। দরওয়ান আশ্চর্য্য হইয়া গেল।

পরদিন সন্ধ্যাবেলায় দীপ নিভাইয়া দিয়া ফণিভূষণ তাহার শয়নকক্ষের সেই বাতায়নে আসিয়া বসিল। আকাশে অবৃষ্টিসংরম্ভ মেঘ এবং চতুর্দিকে কোন একটি অনির্দিষ্ট আসন্ন প্রতীকার নিস্তরতা। ভেকের অশ্রান্ত কলরব এবং যাত্রার গানের চীৎকারধ্বনি সেই স্তরতা ভাঙ্গিতে পারে নাই কেবল তাহার মধ্যে একটা অসঙ্গত অদ্ভুতরস বিস্তার করিতেছিল।

অনেক রাত্রে এক সময়ে ভেক এবং ঝিল্লি এবং যাত্রার দলের ছেলেরা চুপ করিয়া গেল—এবং রাত্রে অন্ধকারের উপরে আরো একটা কিসের অন্ধকার আসিয়া পড়িল। বুঝা গেল এইবার সময় আসিয়াছে।

পূর্ক দিনের মত নদীর ঘাটে একটা ঠক্-ঠক্ এবং ঝম্ঝম্ শব্দ ঠিউল। কিন্তু ফণিভূষণ

সে দিকে চোপ ফিরাইল না। তাহার ভয় হইল পাছে অধীর ইচ্ছা এবং অশাস্ত চেষ্টায় তাহার সকল ইচ্ছা সকল চেষ্টা ব্যর্থ হইয়া যায়। পাছে আগ্রহের বেগ তাহার ইন্দ্রিয়-শক্তিকে অভিভূত করিয়া ফেলে। সে আপনাতঃ সকল চেষ্টা নিজের মনকে দমন করিবার জন্ত প্রয়োগ করিল—কাঠের মূর্তির মত শক্ত হইয়া স্থির হইয়া বসিয়া রহিল।

শিথিল শব্দ আজ ঘাট হইতে ক্রমে ক্রমে অগ্রসর হইয়া মুক্ত দ্বারের মধ্যে প্রবেশ করিল। স্তন্য গেল অন্দর মহলের গোলসিঁড়ি দিয়া ঘুরিতে ঘুরিতে শব্দ উপরে উঠিতেছে। ফণিভূষণ আপনাকে আর দমন করিতে পারে না, তাহার বক্ষতৃষ্ণানের ডিক্রির মত আছাড় খাইতে লাগিল এবং নিশ্বাস রোধ হইবার উপক্রম হইল। গোল সিঁড়ি শেষ করিয়া সেই শব্দ বারান্দা দিয়া ক্রমে ঘরের নিকটবর্তী হইতে লাগিল। অবশেষে ঠিক সেই শয়ন-কক্ষের দ্বারের কাছে আসিয়া খট্ খট্ এবং বম্বম্ ধামিয়া গেল। কেবল চোকাঠি পার হইলেই হয়।

ফণিভূষণ আর থাকিতে পারিল না। তাহার রুদ্ধ আবেগ এক মুহূর্তে প্রবলবেগে উচ্ছ্বসিত হইয়া উঠিল—সে বিছাড়েগে চৌকি হইতে উঠিয়া কাঁদিয়া চীৎকার করিয়া উঠিল—মণি! অমনি সচকিত হইয়া জাগিয়া দেখিল তাহারই সেই ব্যাকুল কঠের চীৎকারে ঘরের শাসিগুলা পর্যাস্ত ধ্বনিত স্পন্দিত হইতেছে। বাহিরে সেই ভেকের কলরব এবং যাত্রার ক্লিষ্ট কঠের গান।

ফণিভূষণ নিজের ললাটে সবলে আঘাত করিল।

পরদিন মেলা ভাঙ্গিয়া গেছে। দোকানী এবং যাত্রার দল চলিয়া গেল। ফণিভূষণ

ছকুম দিল সেদিন সন্ধ্যার পর তাহার বাড়িতে সে নিজে ছাড়া আর কেহই থাকিবে না। চাকররা স্থির করিল বাবু তান্ত্রিকমতে একটা কি সাধনে নিযুক্ত আছেন। ফণিভূষণ সমস্ত দিন উপবাস করিয়া রহিল।

জনশূন্য বাড়িতে সন্ধ্যাবেলায় ফণিভূষণ বাতায়নতলে আসিয়া বসিল। সে দিন আকাশের স্থানে স্থানে মেঘ ছিল না, এবং ধৌত নিশ্চল বাতাসের মধ্য দিয়া নক্ষত্রগুলিকে অতুজ্জ্বল দেখাইতেছিল। কৃষ্ণপক্ষ দশমীর চাঁদ উঠিতে অনেক বিলম্ব আছে। মেলা উত্তীর্ণ হইয়া যাওয়াতে পরিপূর্ণ নদীতে নৌকা-মাত্রই ছিল না এবং উৎসবজাগরণক্রান্ত গ্রাম ছুইরাত্রি জাগরণের পর আজ গভীর নিদ্রায় নিমগ্ন।

ফণিভূষণ একখানা চৌকিতে বসিয়া চৌকির পিঠের উপর মাথা উর্দ্ধমুখ করিয়া তারা দেখিতেছিল,—ভাবিতেছিল একদিন যখন তাহার বয়স ছিল উনিশ, যখন কলিকাতার কলেজে পড়িত, যখন সন্ধ্যাকালে গোলদীঘির তৃণশয়নে চিৎ হইয়া হাতের উপরে মাথা রাখিয়া ঐ অনন্তকালের তারাগুলির দিকে চাহিয়া থাকিত এবং মনে পড়িত তাহার সেই নদীকূলবর্তী খণ্ডরবাড়ির একটি বিরলকক্ষে চোদ্দবৎসরের বয়ঃসন্ধিগতা মণির সেই উজ্জ্বল কাঁচা মুগখানি, তখনকার সেই বিরহ কি স্মধুর, তখনকার সেই তারাগুলির অলোকস্পন্দন হৃদয়ের যৌবনস্পন্দনের সঙ্গে সঙ্গে কি বিচিত্র “বসন্তরাগেণ যতিলাভ্যাং” বাজিয়া বাজিয়া উঠিত! আজ সেই একই তারা আশুণ দিয়া আকাশে মোহমুদগারের শ্লোক কয়টা লিখিয়া রাখিয়াছে, বলিতেছে সংসারোহয়মতীব বিচিত্রঃ!

দোখতে দেখিতে তারাগুলি সমস্ত লুপ্ত

হইয়া গেল। আকাশ হইতে একখানা অন্ধকার নামিয়া এবং পৃথিবী হইতে একখানা অন্ধকার উঠিয়া চোখের উপরকার এবং নীচেকার পল্লবের মত একত্র আসিয়া মিলিত হইল। আজ ফণিভূষণের চিত্ত শান্ত ছিল। সে নিশ্চয় জানিত আজ তাহার অভীষ্ট সিদ্ধ হইবে, সাধকের নিকট মৃত্যু আপন রহস্য উদ্ঘাটন করিয়া দিবে।

পূর্বরাত্রির মত সেই শব্দ নদীর জলের মধ্য হইতে ঘাটের সোপানের উপর উঠিল। ফণিভূষণ ছই চক্ষু নিম্নীলিত করিয়া স্থির দৃষ্টিতে ধ্যানাসনে বসিল। শব্দ দ্বারীশূন্য দেউড়ির মধ্যে প্রবেশ করিল,—শব্দ জনশূন্য অস্তঃপুরের গোল সিঁড়ির মধ্য দিয়া ঘুরিয়া উঠিতে লাগিল শব্দ দীর্ঘ বারান্দা পার হইল,—এবং শয়নকক্ষের দ্বারের কাছে আসিয়া ক্ষণকালের জন্য থামিল।

ফণিভূষণের হৃদয় ব্যাকুল এবং সর্বাঙ্গ কণ্টকিত হইয়া উঠিল, কিন্তু আজ সে চক্ষু খুলিল না। শব্দ চৌকাঠ পার হইয়া অন্ধকার ঘরের মধ্যে প্রবেশ করিল। আলনায়, যেখানে সাড়ি কৌচানো আছে, কুলুঙ্গিতে, যেখানে কেবোসিনের দীপ দাঁড়াইয়া, টিপাইয়ের ধারে যেখানে পানের বাটায় পান শুষ্ক এবং সেই বিচিত্র সামগ্রীপূর্ণ আলমারীর কাছে, প্রত্যেক জায়গায় এক একবার করিয়া দাঁড়াইয়া অবশেষে শব্দটা ফণিভূষণের অত্যন্ত কাছে আসিয়া থামিল।

তখন ফণিভূষণ চোখ মেলিল, এবং দেখিল ঘরে নবোদিত দশমীর চন্দ্রালোক আসিয়া প্রবেশ করিয়াছে, এবং তাহার চৌকির ঠিক সম্মুখে একটি কঙ্কাল দাঁড়াইয়া। সেই কঙ্কালের আট আঙ্গুলে আংটি, করতলে রতনচক্র, প্রকোষ্ঠে বালা, বাহুতে বাজুবন্ধ,

গলায় কণ্ঠী, মাথায় সিঁধি, তাহার আপাদমস্তক অস্থিতে অস্থিতে এক একটি আভরণ সোণাব হীরায় ঝকঝক করিতেছে। অলঙ্কারগুলি টিলা ঢলঢল করিতেছে কিন্তু অঙ্গ হইতে খসিয়া পড়িতেছে না। সর্কাপেক্ষা ভয়ঙ্কর, তাহার অস্থিময় মুখে তাহার ছই চক্ষু ছিল সজীব;—সেই কালো তারা, সেই ঘন দীর্ঘপশ্ম, সেই সজল উজ্জলতা, সেই অবিচলিত দৃঢ় শাস্ত দৃষ্টি। আজ আঠারো বৎসর পূর্বে একদিন আলোকিত সভাগৃহে নহবতের সাহানা আলাপের মধ্যে ফণিভূষণ যে ছটি আত্মহুল্লর কালো কালো ঢলঢল চোখ শুভদৃষ্টিতে প্রথম দেখিয়াছিল সেই ছটি চক্ষুই আজ শ্রাবণের অন্ধরাত্রে কৃষ্ণপক্ষ দশমীর চন্দ্রকিরণে দেখিল—দেখিয়া তাহার সর্কশরীরের রক্ত হিম হইয়া আসিল। প্রাণপণে ছই চক্ষু বুজিতে চেষ্টা করিল, কিছুতেই পারিল না; তাহার চক্ষু মৃত মানুষের চক্ষুর মত নির্গমেষ চাহিয়া রহিল।

তখন সেই কঙ্কাল স্তম্ভিত ফণিভূষণের মুখের দিকে তাহার দৃষ্টি স্থির রাখিয়া দক্ষিণ হস্ত তুলিয়া নীরবে অঙ্গুলি সঙ্কেতে ডাকিল। তাহার চার আঙুলের অস্থিতে হীরার আংটি ঝকঝক করিয়া উঠিল।

ফণিভূষণ মূঢ়ের মত উঠিয়া দাঁড়াইল। কঙ্কাল ঘরের অভিমুখে চলিল; হাড়েতে হাড়েতে গহনায় গহনায় কঠিন শব্দ হইতে লাগিল। ফণিভূষণ পাশবন্ধ পুস্তলীর মত তাহার পশ্চাৎ পশ্চাৎ চলিল। বারান্দা পার হইল, নিবিড় অন্ধকার গোল সিঁড়ি ঘুরিয়া ঘুরিয়া ঝটখট ঠকঠক ঝম্‌ঝম্ করিতে করিতে নীচে উভীর্ণ হইল। নীচেকার বারান্দা পার হইয়া জনশূন্য দীপহীন দেউড়িতে প্রবেশ করিল; অবশেষে দেউড়ি পার হইয়া ইটের খোয়া দেওয়া বাগানের রাস্তায়

বাহির হইয়া পড়িল। খোয়াগুলি অস্থিপাতে কড় কড় করিতে লাগিল। সেখানে ক্ষীণ জ্যোৎস্না ঘন ডালপালার মধ্যে আটক পাইয়া কোথাও নিকৃতির পথ পাইতেছিল না; সেই বর্ষার নিবিড়গন্ধ অন্ধকার ছায়াপথে জোনাকির ঝাঁকের মধ্য দিয়া উভয়ে নদীর ঘাটে আসিয়া উপস্থিত হইল।

ঘাটের যে ধাপ বাহিয়া শব্দ উপরে উঠিয়াছিল সেই ধাপ দিয়া অলঙ্কৃত কঙ্কাল তাহার আন্দোলনহীন ধ্বজুতিতে কঠিন শব্দ করিয়া এফপা এফপা নামিতে লাগিল। পরিপূর্ণ বর্ষানদীর প্রবল-স্রোত জলের উপর জ্যোৎস্নার একটি দীর্ঘবেগা ঝিকঝিক করিতেছে।

কঙ্কাল নদীতে নামিল, অনুমত্তী ফণিভূষণও জলে পা দিল। জলস্পর্শ করিবামাত্র ফণিভূষণের তন্ত্রা ছুটয়া গেল। সম্মুখে আর পথপ্রদর্শক নাই—কেবল নদীর পরপারে গছগুলা স্তব্ধ হইয়া দাঁড়াইয়া এবং তাহাদের মাথার উপরে ধুও চাঁদ শান্ত অস্বাভাব্যে চাহিয়া আছে। আপাদমস্তক বারংবার শিহরিয়া শিহরিয়া স্থলিতপদে ফণিভূষণ স্রোতের মধ্যে পড়িয়া গেল। যদিও সঁতার জানিত কিন্তু স্বয়ং তাহার বশ মানিল না,—স্রোতের মধ্য হইতে মুহূর্তমাত্র জাগরণের প্রান্তে আসিয়া পরক্ষণে অতলস্পর্শ স্থপ্তির মধ্যে নিমগ্ন হইয়া গেল।

গল্প শেষ করিয়া ইছুলমাষ্টার খাণিকক্ষণ ধামিলেন। হঠাৎ ধামিবামাত্র বোঝা গেল তিনি ছাড়া ইতিমধ্যে জগতের আর সকলই নীরব নিস্তব্ধ হইয়া গেছে। অনেকক্ষণ আমি একটি কথাও বলিলাম না এবং অন্ধকারে তিনি আমার মুখের ভাবও দেখিতে পাইলেন না।

আমাকে জিজ্ঞাসা করিলেন আপনি কি এ গল্প বিশ্বাস করিলেন না?

আমি জিজ্ঞাসা করিলাম আপনি কি ইহা বিশ্বাস করেন?

তিনি কহিলেন—না। কেন কার না তাহার কয়েকটি যুক্তি দিতেছি। প্রথমতঃ প্রকৃতি ঠাকুরাণী উপত্যাসন্দেহিকা নহেন, তাহার হাতে বিস্তর কাজ আছে—

আমি কহিলাম, দ্বিতীয়তঃ আমাকেই নাম শ্রীযুক্ত ফণিভূষণ সাহা।

ইছুলমাষ্টার কিছুমাত্র লজ্জিত না হইয়া কহিলেন, আমি তাহা ঠিকই অনুমান করিয়াছিলাম। আপনার স্বীর নাম কি ছিল?

আমি কহিলাম নৃত্যকালী।

একটা আঘাতে গল্প।

দূর সমুদ্রের মধ্যে একটা দ্বীপ। সেখানে কেবল তাসের সাহেব, তাসের বিবি, টেকা এবং গোলামের বাস। ছুরি তিরি হইতে নহলা দহলা পর্য্যন্ত আরো অনেক ঘর গৃহস্থ আছে কিন্তু তাহারা উচ্চ জাতীয় নহে।

টেকা সাহেব গোলাম এই তিনটেই প্রধান বর্ণ, নহলা দহলাদা অন্ত্যজ, তাহাদের সহিত এক পংক্তিতে বসিবার যোগ্য নহে।

কিন্তু চমৎকার শৃঙ্খলা। কাহার কত মূল্য এবং মর্যাদা তাহা বহুকাল হইতে স্থির হইয়া গেছে, তাহার রেখামাত্র ইতস্ততঃ হইবার যো নাই। নকসেই বখানি নির্দিষ্টমতে আপন আপন

কাজ করিয়া যায়। বংশাবলিক্রমে কেবল পূৰ্ববর্তীদিগের উপর দাগ বুলাইয়া চলা।

সে যে কি কাজ তাহা। বদেশীর পক্ষে বোঝা শক্ত। হঠাৎ খেলা বলিয়া ভ্রম হয়। কেবল নিয়মে চলা ফেরা, নিয়মে যাওয়া আসা, নিয়মে ওঠাপড়া। অদৃশ্য হস্তে তাহাদিগকে চালনা করিতেছে এবং তাহারা চলিতেছে।

তাহাদের মুখে কোন ভাবের পরিবর্তন নাই। চিরকাল একমাত্র ভাব ছাপ মারা রহিয়াছে। যেন ফ্যাল ফ্যাল ছবির মত। মাকাতার আমল হইতে মাথার টুপি অবধি পায়ের জুতা পর্যন্ত অবিকল সমভাবে রহিয়াছে।

কখনো কাহাকেও চিন্তা করিতে হয় না, বিবেচনা করিতে হয় না; সকলেই মৌন নিষ্ক্রীবভাবে নিঃশব্দে পদচারণা করিয়া বেড়ায়; পতনের সময় নিঃশব্দে পড়িয়া যায় এবং অবিচলিত মুখশ্রী লইয়া চিৎ হইয়া আকাশের দিকে তাকাইয়া থাকে।

কাহারো কোন আশা নাই, অভিলাষ নাই, ভয় নাই, নূতন পথে চলিবার চেষ্টা নাই, হাসি নাই, কান্না নাই, সন্দেহ নাই, দ্বিধা নাই। খাঁচার মধ্যে যেমন পাখী ঝটপট করে এই চিত্রিতবৎ মূর্তিগুলির অন্তরে সেরূপ কোন একটা জীবন্ত প্রাণীর অশান্ত আক্কেপের লক্ষণ দেখা যায় না।

অথচ এককালে এই খাঁচাগুলির মধ্যে জীবের বসতি ছিল—তখন খাঁচা তুলিত এবং ভিতর হইতে পাখার শব্দ এবং গান শুনা যাইত। গভীর অরণ্য এবং বিস্তৃত আকাশের কথা মনে পড়িত।—এখন কেবল পিঞ্জরের সঙ্গীর্ণতা এবং শৃঙ্খল-শ্রেণী-বিস্তৃত লোহ শলাকাগুলিই অনুভব করা যায়—পাখী উড়িয়াছে, কি মরিয়াছে, কি জীবন্ত হইয়া আছে তাহা কে বলিতে পারে।

আশ্চর্য্য স্তব্ধতা এবং শান্তি! পরিপূর্ণ স্বস্তি এবং সন্তোষ। পথে ঘাটে গৃহে সকলি সুসংযত, সুবিহিত,—শব্দ নাই, ঘন্দ নাই, উৎসাহ নাই, আগ্রহ নাই—কেবল নিত্য-নৈমিত্তিক ক্ষুদ্র কাজ এবং ক্ষুদ্র বিশ্রাম।

সমুদ্র অবিশ্রাম একতান শব্দপূৰ্বক তটের উপর সহস্র ফেনগুহ্র কোমল কবরতলের আঘাত করিয়া সমস্ত দ্বীপকে নিদ্রাবেশে আচ্ছন্ন করিয়া রাখিয়াছে—পক্ষীমাতার ছুই প্রসারিত নীল-পক্ষের মত আকাশ দিগ্দিগন্তের শান্তিরক্ষা করিতেছে। অতিদূর পরপারে গাঢ় নীল রেখার মত বিদেশের আভাস দেখা যায়—সেখান হইতে রাগধেষের ঘন্দকোলাহল সমুদ্র পার হইয়া আসিতে পারে না।

২

সেই পরপারে সেই বিদেশে এক ছয়ারাণীর ছেলে এক রাজপুত্র বাস করে। সে তাহার নির্দীপিত মাতার সহিত সমুদ্রতীরে আপন মনে বাল্যকাল যাপন করিতে থাকে।

সে একা বসিয়া বসিয়া মনে মনে এক অত্যন্ত বৃহৎ অভিলাষের জাল বুনিতোছে। সেই জাল দিগ্দিগন্তেরে নিক্ষেপ করিয়া কল্পনায় বিশ্বজগতের নব নব রহস্যরাশি সংগ্রহ করিয়া আপনার ঘরের কাছে টানিয়া তুলিতেছে। তাহার অশান্ত চিত্ত সমুদ্রের তীরে, আকাশের সীমায় ঐ দিগন্তরোধী নীল গিরিমালার পরপারে সৰ্ব্বদা সঞ্চরণ করিয়া ফিরিতেছে—খুঁজিতে চায় কোথায় পক্ষীরাজ ঘোড়া, সাপের মাথার মাণিক, পারিজাত পুষ্প, সোণার কাঠি রূপার কাঠি পাওয়া যায়, কোথায় সাত সমুদ্র তের নদীর পারে তুর্গম দৈত্যভবনে স্বপ্নসন্তবা অলোকসুন্দরী রাজকুমারী ঘুমাইয়া রহিয়াছেন।

রাজপুত্র পাঠশালে পড়িতে যায়, সেখানে

পাঠান্তে সওদাগরের পুত্রের কাছে দেশবিদেশের কথা এবং কোটালের পুত্রের কাছে ভাল বেতালের কাহিনী শোনে ।

যুশ যুপ করিয়া বৃষ্টি পড়ে, মেঘে অন্ধকার হইয়া থাকে,—গৃহদ্বারে মাঘের কাছে বসিয়া সমুদ্রের দিকে চাহিয়া রাজপুত্র বলে, মা, একটা খুব দূর দেশের গল্প বল । মা অনেকক্ষণ ধরিয়া তাঁহার বাল্যশ্রুত এক অপূর্ণ দেশের অপূর্ণ গল্প বলিতেন—বৃষ্টির ঝন্ ঝন্ শব্দের মধ্যে সেই গল্প শুনিয়া রাজপুত্রের হৃদয় উদাস হইয়া যাইত ।

একদিন সওদাগরের পুত্র আসিয়া রাজপুত্রকে কহিল—“সাড়াং পড়াশুনা ত সাক করিয়াছি, এখন একবার দেশভ্রমণে বাহির হইব তাই বিদায় লইতে আসিলাম ।

রাজার পুত্র কহিল আমিও তোমার সঙ্গে যাইব । কোটালের পুত্র কহিল আমাকে কি একা ফেলিয়া যাইবে ? আমিও তোমাদের সঙ্গী ।

রাজপুত্র হুঃখিনী মা'কে গিয়া বলিল মা, আমি ভ্রমণে বাহির হইতেছি—এবার তোমার হুঃখমোচনের উপায় করিয়া আসিব ।

তিন বন্ধুতে বাহির হইয়া পড়িল ।

৩

সমুদ্রে সওদাগরের দ্বাদশতরী প্রস্তুত ছিল—তিন বন্ধু চড়িয়া বসিল । দক্ষিণের বাতাসে পাল ভরিয়া উঠিল—নৌকাগুলো রাজপুত্রের হৃদয়বাসনার মত ছুটিয়া চলিল ।

শঙ্কদ্বীপে গিয়া এক নৌকা শঙ্ক, চন্দন দ্বীপে গিয়া এক নৌকা চন্দন, প্রবাল দ্বীপে গিয়া এক নৌকা প্রবাল বোঝাই হইল ।

তাঁহার পর আর চারি বৎসরে গজদন্ত মুগনাতি লবঙ্গ জায়ফলে যখন আর চারিটি

নৌকা পূর্ণ হইল, তখন সহসা একটা বিপর্যয় ঝড় আসিল ।

সব ক'টা নৌকা ডুবিল, কেবল একটা নৌকা তিন বন্ধুকে একটা দ্বীপে আছাড়িয়া ফেলিয়া খান খান হইয়া গেল ।

এই দ্বীপে তাসের টেকা তাসের সাহেব, তাসের বিবি, তাসের গোলাম যথানিয়মে বাস করে এবং দহলা নহলাগুলোও তাহাদের পদা-মুত্তী হইয়া যথানিয়মে কাল কাটায় ।

৪

তাসের রাজ্যে এতদিন কোন উপদ্রব ছিল না এই প্রথম গোলযোগের সূত্রপাত হইল ।

এতদিন পরে এই একটা প্রথম তর্ক উঠিল—এই যে তিনটে লোক হঠাৎ একদিন সন্ধ্যাবেলায় সমুদ্র হইতে উঠিয়া আসিল ইহাদিগকে কোন্ শ্রেণীতে ফেলা যাইবে ?

প্রথমতঃ ইহারা কোন জাতি—টেকা, সাহেব, গোলাম, না দহলা নহলা ?

দ্বিতীয়তঃ ইহারা কোন গোত্র, ইন্সাবন, চিড়েতন হরতন অথবা রুহিতন ?

এ সমস্ত স্থির না হইলে ইহাদের সহিত কোন রূপ ব্যবহার করাই কঠিন । ইহারা কাহার অন্ন খাইবে, কাহার সহিত বাস করিবে, ইহাদের মধ্যে অধিকারভেদে কেই বা বায়ু কোণে, কেই বা নৈঋত কোণে, কেই বা ঈশান কোণে মাথা রাখিয়া এবং কেই বা দণ্ডায়মান হইয়া নিদ্রা দিবে তাহার কিছুই স্থির হয় না ।

এ রাজ্যে এতবড় বিষম হুশিস্তার কারণ ইতিপূর্বে আর কখনও ঘটে নাই ।

কিন্তু ক্ষুধাকাতর বিদেশী বন্ধু তিনটির এ সকল গুরুতর বিষয়ে তিলমাত্র চিন্তা নাই তাহারা কোন গতিকে আহার পাইলে বাঁচে । যখন দেখিল তাহাদের আহারাদি দিতে সকলে

ইতস্ততঃ করিতে লাগিল, এবং বিধান খুঁজিবার জন্য টেক্কারা বিরাট সভা আহ্বান করিল, তখন তাহারা যে যেখানে যে খাণ্ড পাইল পাইতে আরম্ভ করিয়া দিল ।

এই ব্যবহারে হুরি তিরি পর্য্যন্ত অবাক । তিরি কহিল ভাই হুরি, ইহাদের বাচবিচার কিছুই নাই । হুরি কহিল, ভাই তিরি, বেশ দেখিতেছি ইহারা আমাদের অপেক্ষাও নীচ-জাতীয় ।

আহাৱাদি করিয়া ঠাণ্ডা হইয়া তিন বন্ধু দেখিল, এখানকার মানুষগুলা কিছু নূতন রকমের । যেন জগতে ইহাদের কোথাও মূল নাই । যেন ইহাদের টিকি ধরিয়া কে উৎপাটন করিয়া লইয়াছে, ইহারা একপ্রকার হতবুদ্ধি-ভাৱে সংসারের স্পর্শ পরিত্যাগ করিয়া জলিয়া জলিয়া বেড়াইতেছে । যাহা কিছু করিতেছে তাহা যেন আর একজন কে করাইতেছে । ঠিক যেন পুংলা বাজির দোহলামান পুতুলগুলির মত । ভাই কাহারো মুখে ভাব নাই, ভাবনা নাই সকলেই নিরতিশয় গম্ভীর চালে যথানিয়মে চলাফেরা করিতেছে । অথচ সবস্বক্কারি অদ্বুত দেখাইতেছে ।

চারিদিকে এই জীবন্ত নিস্ক্রীবতার পরম গম্ভীর রকম সক্রম দেখিয়া রাজপুত্র আকাশে মুগ্ধ তুলিয়া হা হা করিয়া হাসিয়া উঠিলেন ।

এই আন্তরিক কৌতুকের উচ্চ হাস্যধ্বনি ভাসরাজ্যের কলরবহীন রাজপথে ভারি বিচিত্র শুনাইল । এখানে সকলই এমনি একান্ত যথাযথ, এমনি পরিপাটি, এমনি প্রাচীন, এমনি স্নগম্ভীর যে, কৌতুক আপনার অকস্মাৎ উচ্ছ্বসিত উচ্ছ্বাল শব্দে আপনি চকিত হইয়া প্লান হইয়া নিস্ক্রীপিত হইয়া গেল—চারিদিকের লোকপ্রবাহ পূর্বাপেক্ষা দিশুণ স্তব্ধ গম্ভীর অদ্বুত হইল ।

কোটালের পুত্র এবং সপদাগরের পুত্র ব্যাকুল হইয়া রাজপুত্রকে কহিল “ভাই সাঙাৎ, এই নিরানন্দ ভূমিতে আর একদণ্ড নয় ! এখানে আর দুই দিন থাকিলে মাঝে মাঝে আপনাকে স্পর্শ করিয়া দেখিতে হইবে জীবিত আছি কি না ।”

রাজপুত্র কহিল, “না ভাই, আমার কৌতুহল হইতেছে । ইহারা মানুষের মত দেখিতে—ইহাদের মধ্যে এক কোটা জীবন্ত পদার্থ আছে কি না একবার নাড়া দিয়া দেখিতে হইবে ।”

৫

এমনি ত কিছু কাল যায় । কিন্তু এই তিনটে বিদেশী যুবক কোন নিয়মের মধ্যেই ধরা দেয় না । যেখানে যখন ওঠা, বসা, মুগ্ধ কেবানো, উপড় হওয়া, চিং হওয়া, মাথা নাড়া, ডিগ্বাজি খাওয়া উচিত ইহারা তাহার কিছুই করে না, বরং সকৌতুকে নিরীক্ষণ করে এবং হাসে । এই সমস্ত যথাবিহিত অশেষ ক্রিয়া-কলাপের মধ্যে যে একটি দিগ্বাজি গাম্ভীর্য আছে ইহারা তদ্বারা অভিভূত হয় না ।

একদিন টেক্কা সাহেব গোলাম আসিয়া রাজপুত্র, কোটালের পুত্র এবং সপদাগরের পুত্রকে হাঁড়ির মত গলা করিয়া অবিচলিত গম্ভীর মুখে জিজ্ঞাসা করিল “তোমরা বিধানমতে চলিতেছ না কেন ?”

তিন বন্ধু উত্তর করিলেন, “আমাদের ইচ্ছা ।”

হাঁড়ির মত গলা করিয়া ভাসরাজ্যের তিন অধিনায়ক স্বপ্রাভিভূতের মত বলিল “ইচ্ছা ! সে বেটা কে ?”

ইচ্ছা কি, সে দিন বুঝিল না কিন্তু ক্রমে ক্রমে বুঝিল । প্রতিদিন দেখিতে লাগিল, এমন করিয়া না চলিয়া অমন করিয়া চলাও

সম্ভব, যেমন এদিক আছে তেমনি ওদিকও আছে, বিদেশ হইতে তিনটে জীবন্ত দৃষ্টান্ত আসিয়া জানাইয়া দিল বিধানের মধ্যেই মানবের সমস্ত স্বাধীনতার সীমা নহে। এমনি করিয়া তাহার ইচ্ছা নামক একটা রাজশক্তির প্রভাব অস্পষ্ট ভাবে অনুভব করিতে লাগিল।

ঐ সেটি যেমনি অনুভব করা অমনি তাস-রাজ্যের আগাগোড়া গল্প অল্প করিয়া আন্দোলিত হইতে আরম্ভ হইল—গতনিদ্র প্রকাণ্ড অজগর সর্পের অনেকগুলি কুণ্ডলীর মধ্যে আগরণ যেমন মন্দগতিতে সঞ্চালন করিতে থাকে সেইরূপ।

৬

নির্ধিকারমূর্ত্তি বিবি এতদিন কাহারো দিকে দৃষ্টিপাত করে নাই—নির্ধিকা নিরুদ্ভিগ্ণ-ভাবে আপনার কাজ করিয়া গেছে। এখন একদিন বসন্তের অপরাহ্নে ইহাদের মধ্যে একজন চকিতের মধ্যে ঘনকক্ষপন্ন উদ্ভে উৎক্ষিপ্ত করিয়া রাজপুত্রের দিকে মুগ্ধনেত্রের কটাক্ষপাত করিল। রাজপুত্র চমকিয়া উঠিয়া কহিল, “এ কি সর্কনাশ! আমি জানিতাম ইহারা এক একটা মূর্ত্তিবৎ তাহাত নহে, দেগিতেছি এ যে নারী!”

কোটালের পুত্র ও সওদাগরের পুত্রকে নিভূতে ডাকিয়া লইয়া রাজকুমার কহিল—“ভাই, ইহার মধ্যে বড় মাধুর্যা আছে। তাহার সেই নবভাবোদ্দীপ্ত কক্ষনেত্রের প্রথম কটাক্ষপাতে আমার মনে হইল যেন আমি এক নূতনমুষ্টি জগতের প্রথম উষার প্রথম উদয় দেখিতে পাইলাম! এতদিন যে ধৈর্য্য ধরিয়া অবস্থান করিতেছি আজ তাহা সার্থক হইল।”

হুই বন্ধু পরম কোতূহলের সহিত সহাস্ত্রে কহিল, “সত্য না কি সাঙাৎ!”

সেই হতভাগিনী হরতনের বিবিটি আজ হইতে প্রতিদিন নিয়ম ভুলিতে লাগিল। তাহার যখন ষেখানে হাজির হওয়া বিধান, মুহমুহ তাহার ব্যতিক্রম হইতে আরম্ভ হইল। মনে কর, যখন তাহাকে গোলামের পার্শ্বে শ্রেণীবদ্ধ হইয়া দাঁড়াইতে হইবে—তখন সে হঠাৎ রাজপুত্রের পার্শ্বে আসিয়া দাঁড়ায়। গোলাম অবিচলিতভাবে সুগম্ভীর কণ্ঠে বলে, বিবি তোমার ভুল হইল। গুনিয়া হরতনের বিবির স্বভাবতঃ রক্তকপোল অধিকতর রক্তবর্ণ হইয়া উঠে, তাহার নির্ণি-মেঘ প্রশান্ত দৃষ্টি নত হইয়া যায়। রাজপুত্র উত্তর দেয়—কিছু ভুল হয় নাই; আজ হইতে আমিই গোলাম।

নবপ্রস্ফুটিত রমণীহৃদয় হইতে এ কি অভূত-পূর্ব্ব শোভা, একি অভাবনীয় লাবণ্য বিস্ফু-রিত হইতে লাগিল। তাহার গতিতে এ কি স্নমধুর চাঞ্চল্য, তাহার দৃষ্টিপাতে এ কি হৃদয়ের হিল্লোল, তাহার সমস্ত অস্তিত্ব হইতে এ কি একটি সুগন্ধি আরতি উচ্ছ্বাস উচ্ছ্বসিত হইয়া উঠিতেছে!

এই নব অপরাধিনীর ভ্রম সংশোধনে সান্তি-শয় মনোযোগ করিতে গিয়া আজকাল সক-লেরই ভ্রম হইতে লাগিল। টেক্সা আপনার চিরস্তন মৰ্যাদা রক্ষার কথা বিস্মৃত হইল, সাহেবে গোলামে আর প্রভেদ থাকে না, দহলা নহলাগুলারা পর্য্যন্ত কেমন হইয়া গেল।

এই পুরাতন ধীপে বসন্তের কোকিল অনেকবার ডাকিয়াছে কিন্তু সেইবার যেমন ডাকিল এমন আর কখনো ডাকে নাই। সমুদ্র চিরদিন একতান কলধ্বনিতে গান করিয়া আসিয়াছে, কিন্তু এতদিন সে সনাতন বিধানের অলঙ্ঘ্য মহিমা একমুখে ঘোষণা করিয়া আসি-য়াছে, আজ সহসা দক্ষিণবায়ুচঞ্চল বিশ্বব্যাপী

ছরস্তু যৌবনতরঙ্গরাশির মত আলোতে ছায়াতে
ভঙ্গীতে ভাষাতে আপনার অগাধ আকুলতা
ব্যক্ত করিতে চেষ্টা করিতে লাগিল ।

৭

এই কি সেই টেকা, সেই সাহেব, সেই
গোলাম ! কোথায় গেল সেই পরিতুষ্ট পরি-
পুষ্ট স্নগোল মুখচ্ছবি ! কেহ বা আকাশের
দিকে চায়, কেহ বা সমুদ্রের ধারে বসিয়া
থাকে, কাহারো বা রাত্রে নিদ্রা হয় না, কাহা-
রও বা আহারে মন নাই ।

মুখে কাহারো ঈর্ষ্যা, কাহারো অনুরাগ,
কাহারো ব্যাকুলতা, কাহারো সংশয় । কোথাও
হাসি, কোথাও রোদন কোথাও সঙ্গীত । সক-
লেরই নিজের নিজের প্রতি এবং অস্ত্রের প্রতি
দৃষ্টি পড়িয়াছে । সকলেই আপনার সহিত
অস্ত্রের তুলনা করিতেছে ।

টেকা ভাবিতেছে, সাহেব ছোকরাটাকে
দেখিতে নেহাৎ মন্দ না হোক কিন্তু উহার স্ত্রী
নাই—আমার চালচলনের মধ্যে এমন একটা
মাহাত্ম্য আছে যে কোন কোন ব্যক্তিবিশেষের
দৃষ্টি আমার দিকে আকৃষ্ট না হইয়া থাকিতে
পারে না ।

সাহেব ভাবিতেছে—টেকা সর্বদা ভারি
টকটক করিয়া ঘাড় ঝাঁকাইয়া বেড়াইতেছে,
মনে করিতেছে উহাকে দেখিয়া বিবিগুলা বুক
ফাটিয়া মারা গেল !—বলিয়া ঈষৎ বক্র হাসিয়া
দর্পণে মুখ দেখিতেছে ।

দেশে যতগুলি বিবি ছিলেন সকলেই প্রাণ-
পণে সাজসজ্জা করেন আর পরস্পরকে লক্ষ্য
করিয়া বলেন “আ মরিয়া বাই ! গর্বিণীর এত
সাজের ধুম কিসের জন্ত গো বাপু ! উহার
রকমসকম দেখিয়া লজ্জা করে !” বলিয়া দ্বিগুণ
প্রায়স্বে হাবভাব বিস্তার করিতে থাকেন ।

আবার কোথাও দুই সখায় কোথাও দুই

সখীতে গলা ধরিয়া নিভূতে বসিয়া গোপন
কথাবার্তা হইতে থাকে । কখন হাসে, কখন
কাঁদে, কখন রাগ করে, কখন মান অভিমান
চলে, কখন সাধাসাধি হয় !

যুবকগুলা পথের ধারে বনের ছায়ায় তরু-
মূলে পৃষ্ঠ রাখিয়া শুষ্কপত্ররাশির উপর পা ছড়া-
ইয়া অলস ভাবে বসিয়া থাকে । বালা স্ননীল
বসন পরিয়া সেই ছায়াপথ দিয়া আপন মনে
চলিতে চলিতে সেইখানে আসিয়া মুখ নত
করিয়া চোখ ফিরাইয়া লয়, যেন কাহাকেও
দেখিতে পায় নাই, যেন কাহাকেও দেখা দিতে
আসে নাই, এমনি ভাব করিয়া চলিয়া যায় ।

তাই দেখিয়া কোন কোন ক্ষেপা যুবক
হুঃসাহসে ভর করিয়া তাড়াতাড়ি কাছে অগ্রসর
হয়, কিন্তু মনের মত একটাও কথা যোগায় না,
অপ্রতিভ হইয়া দাঁড়াইয়া পড়ে, অমুকুল অবসর
চলিয়া যায় এবং রমণীও অতীত মুহূর্তের মত
ক্রমে ক্রমে দূরে বিলীন হইয়া যায় ।

মাথার উপরে পাখী ডাকিতে থাকে, বাতাস
অঞ্চল ও অলক উড়াইয়া হু হু করিয়া বাহিয়া
যায়, তরুপল্লব ঝর ঝর মর মর করে, এবং সমু-
দ্রের অবিপ্রাম উচ্ছ্বসিত ধ্বনি হৃদয়ের অব্যক্ত
বাসনাকে দ্বিগুণ দোহল্যমান করিয়া তোলে ।

একটা বসন্তে তিনটে বিদেশী যুবক আসিয়া
মরা গাঙে এমনি একটা ভরা তুফান তুলিয়া
দিল ।

৮

রাজপুত্র দেখিলেন জোয়ার ভাঁটার মাঝ-
খানে সমস্ত দেশটা থম্‌থম্‌ করিতেছে—কথা
নাই কেবল মুখ চাওয়াচাওয়ি, কেবল এক পা
এগোনো দুই পা পিছোনো, কেবল আপনার
মনের বাসনা স্তুপাকার করিয়া বালির ঘর গড়া
এবং বালির ঘর ভাঙ্গা । সকলেই যেন ঘরের
কোণে বসিয়া আপনার অধিতে আপনাকে

আহতি দিতেছে, এবং প্রতিদিন ক্লশ ও বাক্য-হীন হইয়া যাইতেছে। কেবল চোখ ছটা জ্বলিত্তেছে অন্তানহিত বাণীর আন্দোলনে গুঠাধর বায়ুকম্পিত পল্লবের মত স্পন্দিত হইতেছে।

রাজপুত্র সকলকে ডাকিয়া বলিলেন—বাঁশি আন, তুরি ভেরী বাঁজাও, সকলে আনন্দধ্বনি কর, হরতনের বিবি স্বয়ম্বর হইবেন।

তৎক্ষণাৎ দহলা নহলা বাঁশিতে ছু দিতে লাগিল, তুরি তিরি তুরি-ভেরী লইয়া পড়িল! হঠাৎ এই তুমুল আনন্দতরঙ্গে সেই কাণাকাণি চাওয়াচাওয়ি ভাঙ্গিয়া গেল।

উৎসবে নরনারী একত্র মিলিত হইয়া কত কথা, কত হাসি, কত পরিহাস! কত রহস্য-চ্ছলে মনের কথা বলা, কত ছল করিয়া অবি-শ্বাস দেখানো, কত উচ্চ হাশ্বে তুচ্ছ আলাপ। ঘন অরণ্যে বাতাস উঠিলে যেমন শাখায় শাখায় পাতায় পাতায় লতায় বৃক্ষে নানা ভঙ্গীতে হেলাদোলা মেলামেলি হইতে থাকে ইহাদের মধ্যে তেমনি হইতে লাগিল।

এমনি কলরব আন্দোৎসবের মধ্যে বাঁশিতে সকাল হইতে বড় মধুস্বরে সাহানা বাজিতে লাগিল। আনন্দের মধ্যে গভীরতা, মিলনের মধ্যে ব্যাকুলতা, বিশ্বদৃশ্বের মধ্যে সৌন্দর্য, এবং হৃদয়ে হৃদয়ে প্রীতির বেদনা সঞ্চার করিতে লাগিল। যাহারা ভাল করিয়া ভালবাসে নাই তাহারা ভালবাসিল, যাহারা ভালবাসিয়াছিল তাহারা আনন্দে উদাস হইয়া গেল।

হরতনের বিবি রাঙা বসন পরিয়া সমস্ত দিন একটা গোপন ছায়াকুঞ্জে বসিয়াছিল। তাহার কাণেও দূর হইতে সাহানার তান প্রবেশ করিতেছিল এবং তাহার ছুটি চক্ষু মুদ্রিত হইয়া আসিয়াছিল—হঠাৎ এক সময়ে চক্ষু মেলিয়া দেখিল, সম্মুখে রাজপুত্র বসিয়া তাহার মুখের দিকে চাহিয়া আছে; সে অমনি

কম্পিতদেহে ছুই হাতে মুখ ঢাকিয়া ভূমিতে লুপ্তিত হইয়া পড়িল।

রাজপুত্র সমস্ত দিন একাকী সমুদ্রতীরে পদচারণা করিতে করিতে সেই সমস্ত নেত্রক্ষেপ এবং সলজ্জ লুঠন মনে মনে আলোচনা করিতে লাগিলেন।

৯

রাত্রে শত সহস্র দীপের আলোকে, মালার স্নগন্ধে বাঁশির সঙ্গীতে, অলঙ্কৃত সুসজ্জিত সহাস্ত শ্রেণীবদ্ধ যুবকদের সভায় একটি বালিকা ধীরে ধীরে কম্পিতচরণে মালা হাতে করিয়া রাজপুত্রের সম্মুখে আসিয়া নতশিরে দাঁড়াইল। অভিলষিত কণ্ঠে মালাও উঠিল না, অভিলষিত মুখে চোখও তুলিতে পারিল না। রাজপুত্র তখন আপনি শির নত করিলেন এবং মালা ঝলিত হইয়া তাঁহার কণ্ঠে পড়িয়া গেল। চিত্র-বৎ নিস্তব্ধ সভা সহসা আনন্দ-উচ্ছ্বাসে আলো-ড়িত হইয়া উঠিল।

সকলে বরকণ্ঠাকে সমাদর করিয়া সিংহাসনে লইয়া বসাইল। রাজপুত্রকে সকলে মিলি রাজ্যে অভিষেক করিল।

সমুদ্রপারে হুঃখিনী হুয়ারাণী সোণার তরীতে চড়িয়া পুত্রের নবরাজ্যে আগমন করিলেন।

ছবির দল হঠাৎ মায়ুষ হইয়া উঠিয়াছে! এখন আর পূর্বের মত সেই অবিচ্ছিন্ন শান্তি এবং অপরিবর্তনীয় গাঙ্গৌর্য নাই। সংসার-প্রবাহ আপনার স্নখ হুঃখ রাগ ঘেষ বিপদ সম্পদ লইয়া এই নবীন রাজ্যের নব রাজ্যকে পরিপূর্ণ করিয়া তুলিল। এখন কেহ ভাল, কেহ মন্দ, কাহারো আনন্দ, কাহারো বিষাদ—এখন সকলে মায়ুষ। এখন সকলে অলঙ্ঘ্য

বিধানমতে নিরীহ না হইয়া নিজের ইচ্ছামতে
সাধু এবং অসাধু ।

একটি ক্ষুদ্র পুরাতনগল্প ।

গল্প বলিতে হইবে ? কিন্তু আর্ত পারি
না। এখন এই পরিশ্রান্ত অক্ষম ব্যক্তিটিকে
ছোট দিতে হইবে ।

এ পদ আমাকে কে দিল বলা কঠিন ।
ক্রমে ক্রমে একে একে তোমরা পাঁচজন
আসিয়া আমার চারিদিকে কখন জড় হইলে,
এবং কেন যে তোমরা আমাকে এত অনুগ্রহ
করিলে এবং আমার কাছে এত প্রত্যাশা
করিলে, তাহা বলা আমার পক্ষে দুঃসাধ্য ।
অবশ্যই সে তোমাদের নিজ গুণে ; শুভা দৃষ্টক্রমে
আমার প্রতি সহসা তোমাদের অনুগ্রহ উদয়
হইয়াছিল। এবং যাহাতে সে অনুগ্রহ রক্ষা
হয় সাধ্যমত আমার সে চেষ্টার ক্রটি নাই ।

কিন্তু পাঁচজনের অব্যক্ত অনির্দিষ্ট সম্মতি-
ক্রমে যে কার্যভার আমার প্রতি অর্পিত হইয়া
পড়িয়াছে আমি তাহার যোগ্য নহি। ক্ষমতা
আছে কি না আছে তাহা লইয়া বিনয় বা
অহঙ্কার করিতে চাহি না কিন্তু প্রধান কারণ
এই যে, বিধাতা আমাকে নির্জনচর জীব-
রূপেই গঠিত করিয়াছিলেন, খ্যাতি যশ জন-
তার উপযোগী করিয়া আমার গাত্রে কঠিন
চর্মাবরণ দিয়া দেন নাই ; তাঁহার এই বিধান
ছিল যে, যদি তুমি আত্মরক্ষা করিতে চাও
ও একটু নিরাশ্রয় মধ্যে বাস করিয়ো ।

চিত্তও সেই নিরাশ্রয় বাসস্থানটুকুর অল্প
সর্বদাই উৎকণ্ঠিত হইয়া আছে । কিন্তু পিতা-
মহ অদৃষ্ট পরিহাস করিয়াই হোক অথবা ভুল
বুঝিয়াই হোক, আমাকে একটি বিপুল জন-
সমাজের মধ্যে উত্তীর্ণ করিয়া এক্ষণে মুখে
কাপড় দিয়া হাশু করিতেছেন, আমি তাঁহার
সেই হাশু যোগ দিবার চেষ্টা করিতেছি কিন্তু
কিছুতেই কৃতকার্য হইতে পারিতেছি না ।

পলায়ন করাও আমার কর্তব্য বলিয়া মনে
হয় না। সৈন্তদলের মধ্যে এমন অনেক ব্যক্তি
আছে যাহারা স্বভাবতই যুদ্ধের অপেক্ষা
শান্তির মধ্যেই অধিকতর স্কৃষ্টি পাইতে পারিত
কিন্তু যখন সে নিজের এবং পরের ভ্রমক্রমে
যুদ্ধক্ষেত্রের মাঝখানে আসিয়া দাঁড়াইয়াছে
তখন হঠাৎ দল ভাঙ্গিয়া পলায়ন করা তাহাকে
শোভা পায় না। অদৃষ্ট সুবিবেচনা পূর্বক
প্রাণিসংগকে যথাযোগ্য কর্ণে নিয়োগ করেন
না, কিন্তু তথাপি নিয়ুক্ত কার্য দৃঢ় নিষ্ঠার
সহিত সম্পন্ন করা মানুষের কর্তব্য ।

তোমরা আবশ্যিক বোধ করিলে আমার
নিকট আসিয়া থাক, এবং সম্মান দেখাইতেও
ক্রটি কর না। আবশ্যিক অতীত হইয়া গেলে
সেবকাধমের প্রতি অবজ্ঞা প্রকাশ করিয়া কিছু
আত্মগোরব অনুভব করিবারও চেষ্টা করিয়া
থাক। পৃথিবীতে সাধারণতঃ ইহাই স্বাভাবিক
এবং এই কারণেই 'সাপারণ' নামক একটি
অকৃতজ্ঞ অব্যবস্থিতচিত্ত রাজাকে তাহার অনু-
চরবর্গ সম্পূর্ণ বিশ্বাস করে না। কিন্তু অনুগ্রহ
নিগ্রহের দিকে তাকাইলে সকল সময় কাজ
করা হইয়া উঠে না। নিরপেক্ষ হইয়া কাজ
না করিলে কাজের গোরব আর থাকে না।

অতএব যদি কিছু শুনিতে ইচ্ছা করিয়া
আসিয়া থাক ত কিছু শুনাইব। শ্রান্তি মানিব
না এবং উৎসাহেরও প্রত্যাশা করিব না ।

আজ কিন্তু অতি ক্ষুদ্র এবং পৃথিবীর অত্যন্ত পুরাতন একটি গল্প মনে পড়িতেছে ; মনোহর না হইলেও সংক্ষেপবশতঃ শুনিতে ধৈর্য্যচ্যুতি না হইবার সম্ভাবনা ।

পৃথিবীতে একটি মহানদীর তীরে একটি মহারণ্য ছিল । সেই অরণ্যে এবং সেই নদী-তীরে একটি কাঠঠোকরা এবং একটি কাদা-খোঁচা পক্ষী বাস করিত ।

ধরাভূলে কীট যখন সুলভ ছিল তখন ক্ষুধা নিবৃত্তিপূর্ব্বক সমস্তই উভয়ে ধরাধামের যশঃকীর্তন করিয়া পুষ্ট কলেবরে বিচরণ করিত ।

কালক্রমে দৈবযোগে পৃথিবীতে কীট হুম্মাপ্য হইয়া উঠিল ।

তখন নদীতীরস্থ কাদাখোঁচা শাখাসীন কাঠঠোকরাকে কহিল, “ভাই কাঠঠোকরা, বাহির হইতে অনেকের নিকট এই পৃথিবী নবীন শ্রামল স্কন্দর বলিয়া মনে হয় কিন্তু আমি বলিতেছি ইহা আন্তোপান্ত জীর্ণ ।”

শাখাসীন কাঠঠোকরা নদীতটস্থ কাদা-খোঁচাকে কহিল, “ভাই কাদাখোঁচা, অনেকে এই অরণ্যকে সতেজ শোভন বলিয়া বিশ্বাস করে কিন্তু আমি বলিতেছি ইহা একেবারে অন্তঃসারবিহীন ।”—

তখন উভয়ে মিলিয়া তাহাই প্রমাণ করিয়া দিতে কৃতসঙ্কল্প হইল । কাদাখোঁচা নদীতীরে লক্ষ দিয়া পৃথিবীর কোমল কর্দমে অনবরতই চঞ্চু বিদ্ধ করিয়া বস্করার জীর্ণতা নির্দেশ করিতে লাগিল এবং কাঠঠোকরা বনস্পতির কঠিন শাখায় বারংবার চঞ্চু আঘাত করিয়া অরণ্যের অন্তঃশূন্যতা প্রচার করিতে প্রবৃত্ত হইল ।

কিধিবিড়ম্বনায় উক্ত দুই অধ্যবসায়ী পক্ষী সঙ্গীতবিজ্ঞায় বঞ্চিত । অতএব কোনিল যখন

ধরাভূলে নব নব বসন্ত সমাগম পঞ্চমন্ডরে ঘোষণা করিতে লাগিল, এবং শ্রামা যখন অরণ্যে নব নব প্রভাতোদয় কীর্তন করিতে নিযুক্ত রহিল, তখন এই দুই ক্ষুধিত অসন্তুষ্ট মুক পক্ষী অশান্ত উৎসাহে আপন প্রতিজ্ঞা পালন করিতে লাগিল ।

এ গল্প তোমাদের ভাল লাগিল না ? ভাল লাগিবার কথা নহে । কিন্তু ইহার সর্কাপেক্ষা মহৎগুণ এই যে, পাঁচ সাত পারাগ্রাফেই সম্পূর্ণ ।

এ গল্পটা যে পুরাতন তাহাও তোমাদের মনে হইতেছোঁনা ? তাহার কারণ পৃথিবীর ভাগ্যদোষে এ গল্প অতি পুরাতন হইয়াও চির-কাল নুতন রহিয়া গেল । বহুদিন হইতেই অকৃতজ্ঞ কাঠঠোকরা পৃথিবীর দৃঢ় কঠিন অমর মহেশ্বরের উপর ঠক্ঠক্ শব্দে চঞ্চুপাত করিতেছে এবং কাদাখোঁচা পৃথিবীর সরস উর্ধ্বর কোমল-শ্বের মধ্যে খচখচ শব্দে চঞ্চু বিদ্ধ করিতেছে আজও তাহার শেষ হইল না, মনের আক্ষেপ এখনও রহিয়া গেল ।

গল্পটার মধ্যে সুখঃখের কথা কি আছে জিজ্ঞাসা করিতেছ ? ইহার মধ্যে দুঃখের কথাও আছে সুখের কথাও আছে । দুঃখের কথা এই যে, পৃথিবী যতই উদার এবং অরণ্য যতই মহৎ হউক ক্ষুদ্র চঞ্চু আপনার উপযুক্ত খাদ্য না পাইবামাত্র তাহাদিগকে আঘাত করিয়া আসিতেছে । এবং সুখের বিষয় এই যে, তথাপি শত সহস্র বৎসর পৃথিবী নবীন এবং অরণ্য শ্রামল রহিয়াছে । যদি কেহ মূরে ত সে ঐ দুটি বিদেষবিষজ্জর হতভাগ্য বিহঙ্গ, এবং জগতে কেহ সে সংবাদ জানিতেও পায় না ।

তোমরা এ গল্পের মধ্যে মাথানুঙ্ অর্থ কি আছে কিছু বুঝিতে পার নাই ? তাৎপর্য

বিশেষ কিছুই জটিল নহে, হয় ত কিঞ্চিৎ
বয়স প্রাপ্ত হইলেই বুঝিতে পারিবে।

যাহাই হউক সৰ্ব্বশুদ্ধ জিনিষটি তোমাদের
উপযুক্ত হয় নাই ? তাহার ত কোন সন্দেহ-
মাত্র নাই।

স্রোতের কথা।

পাষণে ঘটনা যদি অঙ্কিত হইত, তবে
কতদিনকার কত কথা আমার সোপানে
সোপানে পাঠ করিতে পারিতে। পুরাতন
কথা যদি শুনিতে চাও, তবে আমার এই ধাপে
বইস ; মনোযোগ দিয়া জলকল্লোলে কাণ
পাতিয়া থাক, বহুদিনকার কত বিস্মৃত কথা
শুনিতে পাইবে।

আমার আরেকদিনের কথা মনে পড়ি-
তেছে। সেও ঠিক এইরূপ দিন। আশ্বিন
মাস পড়িতে আর ছই চারি দিন বাকী আছে।
ভোরের বেলায় অতি দীর্ঘ মধুর নবীন শীতের
বাতাস নিদ্রোখিতের দেহে নূতন প্রাণ আনিয়া
দিতেছে। তরুপল্লব অম্বনি একটু একটু
শিহরিয়া উঠিতেছে।

ভরা গঙ্গা। আমার চারিটিমাত্র ধাপ
জলের উপরে জাগিয়া আছে। জলের সঙ্গে
স্থলের সঙ্গে যেন গলাগলি। তীরে আত্ম-
কাননের নীচে যেখানে কচুবন জন্মিয়াছে,
সেখান পর্যন্ত গঙ্গার জল গিয়াছে। নদীর
ঐ বাকের কাছে তিনটে পুরাতন ইটের পাঁজা
চারিদিকে জলের মধ্যে জাগিয়া রহিয়াছে।
জলেদের যে নোকাগুলি ডাঙ্গায় বাবলা-

গাছের গুঁড়ির সঙ্গে বাঁধা ছিল সেগুলি
প্রভাতে জোয়ারের জলে ভাসিয়া উঠিয়া টল-
মল করিতেছে—দূরস্তযোবন জোয়ারের জল
রঙ্গ করিয়া তাহাদের ছই পাশে ছলছল আঘাত
করিতেছে, তাহাদের কর্ণ ধরিয়া মধুর পরি-
হাসে নাড়া দিয়া যাইতেছে।

ভরা গঙ্গার উপরে শরৎ প্রভাতের যে
রৌদ্র পড়িয়াছে, তাহার কাঁচা সোণার মত রং
চাঁপা ফুলের মত রং। রৌদ্রের এমন রং,
আর কোন সময়ে দেখা যায় না। চড়ার
উপরে কাশবনের উপরে রৌদ্র পড়িয়াছে।
এখনও কাশফুল সব ফুটে নাই, ফুটিতে, আরম্ভ
করিয়াছে মাত্র।

রাম রাম বলিয়া মাঝরা নোকা ধুলিয়া
দিল। পাখীরা যেমন আলোতে পাখা মেলিয়া
আনন্দে নীল আকাশে উড়িয়াছে ছোট ছোট
নোকাগুলি তেমনি ছোট ছোট পাল ফুলাইয়া
স্বর্য়াকিরণে বাহির হইয়াছে। তাহাদের পাখী
বলিয়া মনে হয় ; তাহারা রাজহাঁসের মত জলে
ভাসিতেছে, কিন্তু আনন্দে পাখাছটি আকাশে
ছড়াইয়া দিয়াছে। ভট্টাচার্য্য মহাশয় ঠিক
নিয়মিত সময়ে কোশাকুশি লইয়া দ্বান করিতে
আসিয়াছেন। মেয়েরা ছই একজন করিয়া
জল লইতে আসিয়াছে।

সে বড় বেশী দিনের কথা নহে। তোমা-
দের অনেক দিন বলিয়া মনে হইতে পারে।
কিন্তু আমার মনে হইতেছে এই সে দিনের
কথা। আমার দিনগুলি কি না গঙ্গার স্রোতের
উপরে খেলাইতে খেলাইতে ভাসিয়া যায় বহু-
কাল ধরিয়া স্থিরভাবে তাহাই দোঁধিতেছি—
এই জন্ত সময় বড় দীর্ঘ বলিয়া মনে হয় না।
আমার দিনের আলো রাত্রের ছায়া প্রতিদিন
গঙ্গার উপরে পড়ে আবার প্রতিদিন গঙ্গার
উপর হইতে মুছিয়া যায়, কোথাও তাহাদের

ছবি রাখিয়া যায় না। সেই জন্ত, যদিও আমাকে বুদ্ধের মত দেখিতে হইয়াছে, আমার হৃদয় চিরকাল নবীন। বহুবৎসরের স্মৃতির শৈবালভারে আচ্ছন্ন হইয়া আমার স্মৃতিকরণ মায় পড়ে নাই। দৈবাৎ একটা ছিন্ন শৈবাল ভাসিয়া আসিয়া গায়ে লাগিয়া থাকে আবার শ্রোতে ভাসিয়া যায়। তাই বলিয়া যে কিছু নাই এমন বলিতে পারি না। যেখানে গঙ্গার শ্রোত পৌঁছায় না, সেখানে আমার ছিদ্রে ছিদ্রে যে লতা গুল্ম শৈবাল জন্মিয়াছে, তাহারাই আমার পুরাতনের সাক্ষী, তাহারাই পুরাতন কালকে স্নেহপাশে বাঁধিয়া চিরদিন শ্রামল মধুর চিরদিন নূতন করিয়া রাখিয়াছে। গঙ্গা প্রতিদিন আমার কাছ হইতে এক এক ধাপ সরিয়া যাইতেছেন, আমিও এক এক ধাপ করিয়া পুরাতন হইতেছি।

চক্রবর্তীদের বাড়ির ঐ যে বৃদ্ধা স্নান করিয়া নামাবলী গায়ে কাঁপিতে কাঁপিতে মালা জপিতে জপিতে বাড়ি ফিরিয়া যাইতেছেন উঁহার মাতামহী তখন এতটুকু ছিল। আমার মনে আছে তাহার এক খেলা ছিল, সে প্রত্যহ একটা স্বতকুমারীর পাতা গঙ্গার জলে ভাসাইয়া দিত। আমার দক্ষিণ বাহুর কাছে একটা পাকের মত ছিল, সেই খানে পাতাটা ক্রমাগত ঘুরিয়া ঘুরিয়া বেড়াইত, সে কলসী রাখিয়া দাঁড়াইয়া তাহাই দেখিত। যখন দেখিলাম কিছুদিন বাদে সেই মেয়েটিই আবার ভাগর হইয়া উঠিয়া তাহার নিজের একটি মেয়ে সঙ্গে লইয়া জল লইতে আসিল, সে মেয়েও আবার বড় হইল, বালিকারা জল ছুঁড়িয়া ছরস্তুপনা করিলে তিনিও আবার তাহাদিগকে শাসন করিতেন ও ভদ্রোচিত ব্যবহার শিক্ষা দিতেন তখন আমার সেই স্বতকুমারীর নৌকা ভাসান মনে পড়িত ও বড় কৌতুক বোধ হইত।

যে কথাটা বলিব মনে করি সে আর আসে না। একটা কথা বলিতে বলিতে শ্রোতে আর একটা কথা ভাসিয়া আসে। কথা আসে কথা যায় ধরিয়া রাখিতে পারি না। কেবল এক একটা কাহিনী সেই স্বতকুমারীর নৌকাগুলির মত পাকে পড়িয়া অবিশ্রাম ফিরিয়া ফিরিয়া আসে। তেমনি একটা কাহিনী তাহার পসরা লইয়া আজ আমার কাছে ফিরিয়া ফিরিয়া বেড়াইতেছে কখন ডোবে কখন ডোবে। পাতাটুকুরই মত সে অতি ছোট, তাহাতে বেশী কিছু নাই, দুটি খেলার ফুল আছে। তাহাকে ডুবিতে দেখিলে কোমলপ্রাণা বালিকা কেবল মাত্র একটা দীর্ঘনিশ্বাস ফেলিয়া বাড়ি ফিরিয়া যাইবে।

মন্দিরের পাশে যেখানে ঐ গৌসাইদের গোয়াল ঘরের বেড়া দাঁড়িতেছে, ঐখানে একটা বাবলা গাছ ছিল। তাহারই তলায় সপ্তাহে একদিন করিয়া হাট বসিত। তখনও গৌসাইরা এখানে বসতি করে নাই যেখানে তাহাদের চণ্ডীমণ্ডপ পড়িয়াছে, ঐখানে একটা গোলপাতার ছাউনি ছিল মাত্র।

এই যে অশথ গাছ আজ আমার পঞ্জরে পঞ্জরে বাহু প্রসারণ করিয়া সুবিকট সুদীর্ঘ কঠিন অঙ্গুলিজালের স্তায় শিকড়গুলির দ্বারা আমার বিদীর্ণ পাষণ প্রাণ মুঠা করিয়া রাখিয়াছে, এ তখন এতটুকু একটুখানি চারা ছিল মাত্র। কচি কচি পাতাগুলি লইয়া মাথা তুলিয়া উঠিতেছিল। রোদ্র উঠিলে ইহার পাতার ছায়াগুলি আমার উপর সমস্ত দিন ধরিয়া খেলা করিত, ইহার নবীন শিকড়গুলি শিশুর অঙ্গুলির স্তায় আমার বুকের কাছে কিলকিল করিত মাত্র। কেহ ইহার একটি পাতা ছিঁড়িলে আমার ব্যথা বাজিত।

যদিও বয়স অনেক হইয়াছিল তবু তখনও

আমি সিধা ছিলাম। আজ যেমন মেরুদণ্ড ভাঙিয়া অষ্টাবক্রের মত বাঁকিয়া চুরিয়া গিয়াছি, গভীর ত্রিবলিরেখার মত সহস্র জায়গায় ফাটল ধরিয়াছে, আমার গর্ভের মধ্যে বিশ্বের ভেক তাহাদের শীতকালের সুদীর্ঘ নিদ্রার আয়োজন করিতেছে, তখন আমার সে দশা ছিল না! কেবল আমার বামবাহুর বাহিরের দিকে দুইখানি ইঁটের অভাব ছিল, সেই গর্ভটির মধ্যে একটা ফিঙ্গে বাসা করিয়াছিল। ভোরের বেলায় যখন সে উন্মুখ হইয়া জাগিয়া উঠিত মৎস্যপুচ্ছের স্থায় তাহার ঘোড়াপুচ্ছ দুই চারিবার দ্রুত নাটাইয়া শিথ দিয়া আকাশে উড়িয়া বাইত, তখন জানিতাম, কুম্ভমের ঘাটে আসিবার সময় হইয়াছে।

যে মেয়েটির কথা বলিতোছ ঘাটের অন্তান্ত মেয়েরা তাহাকে কুম্ভম বলিয়া ডাকিত। বোধ করি কুম্ভমই তাহার নাম হইবে। জলের উপরে যখন কুম্ভমেব ছোট ছায়াটি পড়িত, তখন আমার সাধ বাইত সে ছায়াটি যদি ধরিয়া রাখিতে পারি। সে ছায়াটি যদি আমার পাষাণে বাঁধিয়া রাখিতে পারি; এমনি তাহার একটি মাধুরী ছিল। সে যখন আমার পাষাণের উপরে পাকিলিত, ও তাহার চারপাছিমল বাজিতে থাকিত, তখন আমার শৈবাল-গুঞ্জগুলি যেন পুলকিত হইয়া উঠিত। কুম্ভম যে খুব বেশী খেলা করিত বা গল্প করিত, বা হাসিতামাসা করিত, তাহা নহে, তথাপি, আশ্চর্য্য এই, তাহার যত সঙ্গিনী এমন আর কাহারও নহে। যত ছরস্তু মেয়েদের তাহাকে নহিলে চলিত না। কেহ তাহাকে বলিত কুসি, কেহ তাহাকে বলিত খুসি, কেহ তাহাকে বলিত রুকুসি। তাহার মা তাহাকে বলিত কুম্ভমি। যখন তখন দেখিতাম কুম্ভম জলের ধারে বসিয়া আছে। জলের সঙ্গে তাহার

হৃদয়ের সঙ্গে বিশেষ যেন কি মিল ছিল। সে জল ভারি ভাল বাসিত।

কিছুদিন পরে আর কুম্ভমকে দেখিতে পাই না। ভুবন আর স্বর্ণ ঘাটে আসিয়া কান্দিত। শুনিলাম নাকি তাহাদের কুসুমীমুসীরা কুসীকে খণ্ডরবাড়ি লইয়া গিয়াছে। শুনিলাম, যেখানে তাহাকে লইয়া গেছে, সেখানে নাকি গঙ্গা নাই। সেখানে আবার কা'য়া সব নূতন-লোক, নূতন ঘরবাড়ি, নূতন পথঘাট। জলের পদ্মটিকে কে যেন ডাকায় রোপণ করিতে লইয়া গেছে।

ক্রমে কুম্ভমের কথা এক রকম ভুলিয়া গেছি। এক বৎসর হইয়া গেছে। ঘাটের মেয়েরা কুম্ভমের গল্পও বড় করে না। একদিন সন্ধ্যার সময়ে বহুকালের পরিচিত পায়ে স্পর্শ-সহসা যেন চমক লাগিল। মনে হইল যেন কুম্ভমের পা। তাহাই বটে, কিন্তু সে পায়ে আর মল বাজিতেছে না। সে পায়ে সে সঙ্গীত নাই। কুম্ভমের পায়ে স্পর্শ ও মলের শব্দ চিরকাল একত্র অনুভব করিয়া আসিতেছি—আজ সহসা সেই মলের শব্দটি না শুনিতে পাইয়া সন্ধ্যাবেলাকার জলের কল্লোল কেমন বিষম শুনাইতে লাগিল, আনন্দ-বনের মধ্যে পাতা ঝরঝর করিয়া বাতাস কেমন হাহা করিয়া উঠিল।

কুম্ভম বিধবা হইয়াছে। শুনিলাম তাহার স্বামী বিদেশে চাকরী করিত; দুই একদিন ছাড়া স্বামীর সহিত সাক্ষাৎই হয় নাই। পত্রযোগে বৈধব্যের সংবাদ পাইয়া আট বৎসর বয়সে মাথার সিন্দুর মুছিয়া গায়ের গহনা ফেলিয়া আবার তাহার দেশে সেই গঙ্গার ধারে ফিরিয়া আসিয়াছে। কিন্তু, তাহার সঙ্গিনীদেরও বড় হইয়াছে নাই। ভুবন স্বর্ণ অমলা খণ্ডরঘর করিতে গিয়াছে। কেবল শরৎ আছে, কিন্তু শুনিতেছি

অগ্রহায়ণ মাসে তাহারও বিবাহ হইয়া যাইবে। কুম্ভম নিতান্ত একলা পড়িয়াছে। কিন্তু, সে যখন ছুটি হাঁটুর উপরে মাথা রাখিয়া চুপ করিয়া আমার ধাপে বসিয়া থাকিত, তখন আমার মনে হইত যেন নদীর ঢেউগুলি সবাই মলিয়া হাত তুলিয়া তাহাকে কুসীখুসীরা কুসী খেলা ডাকাডাকি করিত।

বর্ষার আরম্ভে গঙ্গা যেমন প্রতিদিন দেখিতে দেখিতে ভরিয়া উঠে, কুম্ভম তেমনি দেখিতে দেখিতে প্রতিদিন সৌন্দর্য্যে যৌবনে ভরিয়া উঠিতে লাগিল। কিন্তু তাহার মলিন বসন, কক্ষণ মুখ, শাস্ত স্বভাবে তাহার যৌবনের উপর এমন একটি ছায়াময় আবরণ রচনা করিয়া দিয়াছিল যে, সে যৌবন সে বিকশিত রূপ সাধারণের চক্ষে পড়িত না। কুম্ভম যে বড় হইয়াছে এ যেন কেহ দেখিতে পাইত না। আমি ত পাইতাম না। আমি কুম্ভমকে সেই বালিকাটির চেয়ে বড় কখন দেখি নাই। তাহার মল ছিল না বটে, কিন্তু সে যখন চলিত আমি সেই মলের শব্দ শুনিতে পাইতাম। এমনি করিয়া দশবৎসর কখন কাটিয়া গেল গায়ের লোকেরা কেহ যেন জানিতেও পারিল না।

এই আজ যেমন দেখিতেছি, সে বৎসরেরও ভাদ্র মাসের শেষাংশে এমনি এক দিন আসিয়াছিল। তোমাদের প্রপিতামহীরা সে দিন সকালে উঠিয়া এমনিতির মধুর সূর্য্যের আলো দেখিতে পাইয়াছিলেন। তাঁহারা যখন এতখানি ঘোমটা টানিয়া কলসী তুলিয়া লইয়া আমার উপরে প্রভাতের আলো আরো আলোকময় করিবার জন্ত গাছপালার মধ্য দিয়া গ্রামের উচুনীচু রাস্তার ভিতর দিয়া গল্প করিতে করিতে চলিয়া আসিতেন, তখন তোমাদের সস্তাবনাও তাঁহাদের মনের একপার্শ্বে উদ্ভিত

হইত না। তোমরা যেমন ঠিক মনে করিতে পার না, তোমাদের দিদিমারাও সত্য সত্যই একদিন খেলা করিয়া বেড়াইতেন, আজিকার দিন যেমন সত্য যেমন জীবন্ত সেদিনও ঠিক তেমনি সত্য ছিল, তোমাদের মত তরুণ হৃদয়খানি লইয়া সুখে সুখে তাঁহারা তোমাদের মত টলমল করিয়া ছলিয়াছেন, তেমনি আজিকার এই শরতের দিন,—তাঁহারাগীন, তাঁহাদের সুখ হৃৎকের স্মৃতিলেশমাত্রহীন আজিকার এই শরতের সূর্য্যকরোজ্জ্বল আনন্দচ্ছবি তাঁহাদের কল্পনার নিকটে তদপেক্ষাও অগোচর ছিল।

সেই দিন ভোর হইতে প্রথম উত্তরের বাতাস অল্প অল্প করিয়া বহিতে আরম্ভ করিয়া ফুটন্ত বাবলা ফুলগুলি আমার উপরে এক আঘটা উড়াইয়া ফেলিতেছিল। আমার পাষাণের উপরে একটু একটু শিশিরের রেখা পড়িয়া ছিল। সেই দিন সকালে কোথা হইতে গোরতলু শোম্যোজ্জ্বলমুখচ্ছবি দীর্ঘকায় এক নবীন সন্ন্যাসী আসিয়া আমার সম্মুখস্থ ঐ শিব-মন্দিরে আশ্রয় লইলেন। সন্ন্যাসীর আগমন-বার্তা গ্রামে রাষ্ট্র হইয়া পড়িল। মেয়েরা কলসী রাখিয়া বাবাঠাকুরকে প্রণাম করিবার জন্ত মন্দিরে গিয়া ভিড় করিল।

ভিড় প্রতিদিন বাড়িতে লাগিল। একে সন্ন্যাসী, তাহাতে অল্পময় রূপ, তাহাতে তিনি কাহাকেও অবহেলা করিতেন না, ছেলেদের কোলে লইয়া বসাইতেন, জননীদিগকে ঘর-ঘরার কথা জিজ্ঞাসা করিতেন। নারী সমাজে অল্প কালের মধ্যেই তাঁহার অভ্যস্ত প্রতিপত্তি হইল। তাহার কাছে পুরুষও বিস্তর আসিত। কোন দিন ভাগবত পাঠ করিতেন কোন দিন ভগবদ্গীতার ব্যাখ্যা করিতেন, কোন দিন মন্দরে বাসনা নানা শাস্ত্র লইয়া আন্দোলন

করিতেন। তাঁহার নিকটে কেহ উপদেশ লইতে আসিত, কেহ মন্ত্র লইতে আসিত। কেহ রোগের ওষধ জানিতে আসিত,—আহা, কি রূপ! মনে হয় যেন মহাদেব সশরীরে তাঁহার মন্দিরে আসিয়া অধিষ্ঠিত হইয়াছেন।

যখন সন্ন্যাসী প্রতিদিন প্রত্যুষে সূর্যোদয়ের পূর্বে শুকতারাকে সম্মুখে রাখিয়া গঙ্গার জলে নিমগ্ন করিয়া ধীরগন্তীর স্বরে সন্ধ্যাবন্দনা করিতেন, তখন আমি জলের কল্লোল শুনিতে পাইতাম না। তাঁহার সেই কণ্ঠস্বর শুনিতে শুনিতে প্রতিদিন গঙ্গার পূর্বে উপকূলের আকাশ রক্তবর্ণ হইয়া উঠিত, মেঘের ধারে ধারে অরুণ রঙের রেখা পড়িত, অন্ধকার যেন বিকাশোন্মুখ কুঁড়ির আবরণ-পটের মত ফাটিয়া চারিদিকে নামিয়া পড়িত ও আকাশ সরোবরে উষা-কুসুমের লাল আভা অল্প অল্প করিয়া বাহির হইয়া থাকিত। ক্রমে গাছের প্রান্তগুলি আকাশে ফুটিতে থাকিত, বাতাস জাগিত, আকাশের বর্ণ শুভ্র হইয়া আসিত, অবশেষে নেপথ্য হইতে বৃক্ষশ্রেণীর অন্তরাল হইতে প্রাতঃস্নাত বিমল সূর্য ধীরে ধীরে সোপানে সোপানে আকাশে উত্থান করিতে থাকিত। আমার মনে হইত যে, এই মহাপুরুষ গঙ্গার জলে দাঁড়াইয়া পূর্বের দিকে চাহিয়া যে এক মহামন্ত্র পাঠ করেন তাহারই এক একটি করিয়া শব্দ উচ্চারিত হইতে থাকে নিশীথিনীর কুহক ভাঙ্গিয়া যায়, চন্দ্র তারা পশ্চিমে নামিয়া পড়ে, সূর্য পূর্বাকাশে উঠিতে থাকে, জগতের দৃশ্যপট পরিবর্তিত হইয়া যায়। এ কে মায়াবী! স্নান করিয়া যখন সন্ন্যাসী হোমশিখার স্নান তাঁহার দীর্ঘ শুভ্র পুণ্যতন্ত্র লইয়া জল হইতে উঠিতেন, তাঁহার জটাজুট হইতে জল ঝরিয়া পড়িত, তখন নবীন সূর্য্যকিরণ তাঁহার সর্বাঙ্গে পড়িয়া প্রতিফলিত হইতে থাকিত।

এমন আরও কয়েক মাস কাটিয়া গেল। চৈত্রমাসে সূর্য্যগ্রহণের সময় বিস্তর লোক গঙ্গা-শ্রানে আসিল। বাবুলা তলায় মস্ত হাট বসিল। এই উপলক্ষে সন্ন্যাসীকে দেখিবার জন্তও লোক সমাগম হইল। যে গ্রামে কুসুমের খণ্ডবাড়ি সেখান হইতেও অনেক-গুলি মেয়ে আসিয়াছিল।

সকালে আমার ধাপে বসিয়া সন্ন্যাসী জপ করিতেছিলেন, তাঁহাকে দেখিয়াই সহসা একজন মেয়ে আরেক জনের গা টিপিয়া বলিয়া উঠিল “ওলো এ যে আমাদের কুসুমের স্বামী!”

আর একজন ছই আঙ্গুলে ঘোমটা কিছু ফাঁক করিয়া ধরিয়া বলিয়া উঠিল—ওমা তাইত গা, “এ যে আমাদের চাটুঘোদের বাড়ির ছোট দাদা বাবু।” আর একজন ঘোমটার বড় ঘটা করিত না, সে কহিল—“আহা, তেমনি কপাল তেমনি নাক, তেমনি চোক।”

আর একজন সন্ন্যাসীর দিকে মনোযোগ না করিয়া নিখাস ফেলিয়া কলসী দিয়া জল ঠেলিয়া বলিল, “আহা, সে কি আর আছে! সে কি আর আসবে! কুসুমের কি তেমনি কপাল!”

তখন কেহ কহিল “তার এত দাড়ি ছিল না।” কেহ বলিল “সে এমন একহারা ছিল না।” কেহ কহিল—“সে যেন এতটা লম্বা নয়।” এক্ষেপে এই কথাটার একরূপ নিষ্পত্তি হইয়া গেল, আর উঠিতে পাইল না।

গ্রামের আর সকলেই সন্ন্যাসীকে দেখিয়াছিল, কেবল কুসুম দেখে নাই। অধিক লোক সমাগম হওয়াতে কুসুম আমার কাছে আসা একেবারে পরিত্যাগ করিয়াছিল। একদিন সন্ধ্যাবেলা পূর্ণিমাতিথিতে চাঁদ উঠিতে দেখিয়া বুকি আমাদের পুরাতন সম্বন্ধ তাহার মনে পড়িল।

তখন ঘাটে আর কেহ লোক ছিল না। ঝি ঝি পোকা ঝি ঝি করিতেছিল। মন্দিরের কাঁশর ঘণ্টা বাজা এই কিছুক্ষণ হইল শেষ হইয়া গেল—তাহার শেষ শব্দতরঙ্গ স্বীণতর হইয়া পরপারের ছান্নাময় বনশ্রেণীর মধ্যে ছায়ার মত মিলাইয়া গেছে। পরিপূর্ণ জ্যোৎস্না। জ্যোৎস্নারের জল ছলছল করিতেছে। আমার উপরে ছায়াটি ফেলিয়া কুসুম বসিয়া আছে। বাতাস বড় ছিল না, গাছপালা নিস্তব্ধ। কুসুমের সম্মুখে গঙ্গার বক্ষে অব্যবহিত প্রসারিত জ্যোৎস্না—কুসুমের পশ্চাতে আশেপাশে ঝোপে ঝোপে গাছে পালায়, মন্দিরের ছায়ায়, ভাঙ্গাঘরের ভিত্তিতে পুষ্করিণীর ধারে, ভালবনে অন্ধকার গা ঢাকা দিয়া মুখে মুড়ি দিয়া বসিয়া আছে। ছাতিম গাছের শাখায় বাহুড় বুলিতেছে। মন্দিরের চূড়ায় বসিয়া পেচক কাঁদিয়া উঠিতেছে। লোকালয়ের কাছে শৃগালের উর্দ্ধচীৎকারধ্বনি উঠিল ও খামিয়া গেল।

সন্ন্যাসী ধীরে ধীরে মন্দিরের ভিতর হইতে বাহির হইয়া আসিলেন। ঘাটে আসিয়া হুই এক সোপান নামিয়া একাকিনী রমণীকে দেখিয়া ফিরিয়া যাইবেন মনে করিতেছেন—এমন সময়ে সহসা কুসুম মুখ তুলিয়া পশ্চাতে চাহিয়া দেখিল।

তাহার মাথার উপর হইতে কাপড় পড়িয়া গেল। উর্দ্ধমুখ ফুটন্ত ফুলের উপরে যেমন জ্যোৎস্না পড়ে, মুখ তুলিতেই কুসুমের মুখের উপরে তেমনি জ্যোৎস্না পড়িল। সেই মুহূর্ত্তেই উভয়ের দেখা হইল। যেন চেনা শোনা হইল। মনে হইল যেন পূর্বজন্মের পরিচয় ছিল। মুহূর্ত্তের জন্ত উভয়ের চিত্তা-র্পিভের মত ভাব দেখিয়া, আমার উপরে জ্যোৎস্নালোকে উভয়ের যে ছায়া পড়িয়াছিল

সেই ছায়ায় ছায়ায় ক্ষণেকের জন্ত স্থিরভাবে একত্র মিলন দেখিয়া আমার এইরূপ মনে হইল—ইহা আমার কল্পনাও হইতে পারে।

মাথার উপর দিয়া পেচক ডাকিয়া চলিয়া গেল। শব্দে সচকিত হইয়া, আত্মসম্বরণ করিয়া কুসুম মাথার কাপড় তুলিয়া দিল। উঠিয়া সন্ন্যাসীর পায়ের কাছে লুটাইয়া প্রণাম করিল।

সন্ন্যাসী আশীর্বাদ করিয়া তাহাকে জিজ্ঞাসা করিলেন, তোমার নাম কি।

কুসুম কহিল—“আমার নাম কুসুম।”

সে রাত্রে আর কোন কথা হইল না। কুসুমের ঘর খুব কাছেই ছিল, কুসুম ধীরে ধীরে চলিয়া গেল। সে রাত্রে সন্ন্যাসী অনেকক্ষণ পর্যন্ত আমার সোপানে বসিয়াছিলেন। অবশেষে যখন পূর্বের চাঁদ পশ্চিমে আসিল, সন্ন্যাসীর পশ্চাতের ছায়া সম্মুখে আসিয়া পড়িল, তখন তিনি উঠিয়া মন্দিরে গিয়া প্রবেশ করিলেন।

তাহার পরদিন হইতে আমি দেখিতাম কুসুম প্রত্যহ আসিয়া সন্ন্যাসীর পদধূলি লইয়া যাইত। সন্ন্যাসী যখন শাস্ত্রব্যাখ্যা করিতেন তখন সে একধারে দাঁড়াইয়া শুনিত। সন্ন্যাসী প্রাতঃসন্ধ্যা সমাপন করিয়া কুসুমকে ডাকিয়া তাহাকে ধর্মের কথা বলিতেন। সব কথা সে কি বুঝিতে পারিত। কিন্তু অত্যন্ত মনো-যোগের সহিত সে চুপ করিয়া বসিয়া শুনিত—সে বুঝিতে চেষ্টা করত। সন্ন্যাসী তাহাকে যেমন উপদেশ করতেন সে অবিকল তাহাই পালন করিত। প্রত্যহ সে মন্দিরের কাজ করিত—দেবসেবায় আলস্য করিত না—পূজার ফুল তুলিত—গঙ্গা হইতে জল তুলিয়া মন্দির ধৌত করিত।

সন্ন্যাসী তাহাকে যে সকল কথা বলিয়া

দিতেন, আমার সোপানে বসিয়া সে তাহাই ভাবিত। ধীরে ধীরে তাহার যেন দৃষ্টি প্রসারিত হইয়া গেল হৃদয় উদ্‌ঘাটিত হইয়া গেল সে যাহা দেখে নাই তাহা দেখিতে লাগিল, যাহা শোনে নাই তাহা শুনিতে লাগিল। তাহার প্রশান্ত মুখে যে একটি ম্লান ছায়া ছিল, তাহা দূর হইয়া গেল, শিশির ধৌত পূজার ফুলের মত তাহাকে পবিত্র দেখাইতে লাগিল—এমন কি, সে যখন ভক্তিতরে প্রভাতে সন্ন্যাসীর পায়ের কাছে লুটাইয়া পড়িত, তখন তাহাকে দেবতার নিকটে উৎসর্গীকৃত ফুলের মতই দেখাইত। একটি সুবিমল প্রফুল্লতা তাহার সর্বশরীর আলো করিয়া তুলিল।

শীতকালের এই অবসান সময়ে শীতের বাতাস বয়, আবার এক একদিন সন্ধ্যাবেলায় সহসা দক্ষিণ হইতে বসন্তের বাতাস দিতে থাকে। আকাশে হিন্দ্য ভাব একেবারে দূর হইয়া যায়—অনেক দিন পরে গ্রামের মধ্যে বাঁশি বাজিয়া উঠে, গানের শব্দ শুনিতে পাওয়া যায়। মান্নিরা শ্রেণিতে নোকা ভাঙ্গাইয়া দাঁড় বন্ধ করিয়া শ্রামের গান গাহিতে থাকে! শাখা হইতে শাখান্তরে পাখীরা সহসা পরম উল্লাসে উত্তর প্রত্যুত্তর করিতে আরম্ভ করে। সময়টা এইরূপ আসিয়াছে।

বসন্তের বাতাস লাগিয়া আমার পাষণ হৃদয়ের মধ্যে অল্পে অল্পে যেন ঘোবনের সঞ্চার হইতেছে; আমার প্রাণের ভিতরকার সেই নবযৌবনোচ্ছ্বাস আকর্ষণ করিয়াই যেন আমার লতাশুল্ল গুলি দেখিতে দেখিতে ফুলে ফুলে একেবারে বিকশিত হইয়া উঠিতেছে। এ সময়ে কুসুমকে আর দেখিতে পাই না। কিছু দিন হইতে সে আর মন্দিরেও আসে না, ঘাটেও আসে না, সন্ন্যাসীর কাছে তাহাকে আর দেখা যায় না।

ইতিমধ্যে কি হইল আমি কিছুই জানিতে পারি নাই। কিছুকাল পরে একদিন সন্ধ্যাবেলায় আমারই সোপানে সন্ন্যাসীর সহিত কুসুমের সাক্ষাৎ হইল।

কুসুম মুখ নত করিয়া কহিল, “প্রভু, আমাকে কি ডাকিতে পাঠাইয়াছেন!”

হাঁ; তোমাকে দেখিতে পাই না কেন? “আজ কাল দেবসেবায় তোমার এত অবহেলা কেন!”

কুসুম চুপ করিয়া রহিল।

“আমার কাছে তোমার মনের কথা প্রকাশ করিয়া বল।” কুসুম ঈষৎ মুখ ফিরাইয়া কহিল—“প্রভু, আমি পাপীয়সী সেই জন্তই এ অবহেলা!”

সন্ন্যাসী অত্যন্ত মেহপূর্ণ স্বরে কহিলেন, “কুসুম, তোমার হৃদয়ে অশান্তি উপস্থিত হইয়াছে, আমি তাহা বুঝিতে পারিয়াছি।”

কুসুম একটু যেন চমকিয়া উঠিল—সে হয় ত মনে করিল, সন্ন্যাসী কতটা না জানি বুঝিয়াছেন! তাহার চোপ অল্পে অল্পে জলে ভরিয়া আসিল—সে সেইখানে বসিয়া পড়িল; মুখে আঁচল ঢাকিয়া সোপানে সন্ন্যাসীর পায়ের কাছে বসিয়া কাঁদিতে লাগিল।

সন্ন্যাসী কিছু দূরে সরিয়া গিয়া কহিলেন, তোমার অশান্তির কথা আমাকে সমস্ত ব্যক্ত করিয়া বল আমি তোমাকে শান্তির পথ দেখাইয়া দিব।”

কুসুম অটল ভক্তির স্বরে কহিল, কিন্তু মাঝে মাঝে ধামিল, মাঝে মাঝে কথা বাধিয়া গেল—“আপনি আদেশ করেন ত অবশ্য বলিব। তবে, আমি ভাল করিয়া বলিতে পারিব না, কিন্তু আপনি বোধ করি মনে মনে সকলই জানিতেছেন। প্রভু আমি এক জনকে দেবতার মত ভক্তি করিতাম, আমি তাহাকে পূজা

করিতাম, সেই আনন্দে আমার হৃদয় পরিপূর্ণ হইয়াছিল। কিন্তু একদিন রাত্রে স্বপ্ন দেখিলাম যেন তিনি আমার হৃদয়ের স্বামী, কোথায় যেন একটি বকুল বনে বসিয়া তাঁহার বামহস্তে আমার দক্ষিণ হস্ত লইয়া আমাকে তিনি প্রেমের কথা বলিতেছেন। এ ঘটনা আমার কিছুই অসম্ভব কিছুই আশ্চর্য্য মনে হইল না। স্বপ্ন ভাঙ্গিয়া গেল, তবু স্বপ্নের ঘোর ভাঙ্গিল না। তাহার পরদিন যখন তাহাকে দেখিলাম আর পূর্ব্বের মত দেখিলাম না। মনে সেই স্বপ্নের ছবিই উদয় হইতে লাগিল। ভয়ে দূরে পলাইলাম কিন্তু সে ছবি আমার সঙ্গে সঙ্গে রহিল। সেই অবধি আমার হৃদয়ের অশান্তি আর দূর হয় না—আমার সমস্ত অক্লকার হইয়া গেছে।”

যখন কুহুম অক্ষ মুছিয়া মুছিয়া এই কথা শুনি বলিতেছিল, তখন আমি অমুত্তব করিতে-ছিলাম সন্ন্যাসী সবলে তাঁহার দক্ষিণ পদতল দিয়া আমার পাখাণ চাপিয়াছিলেন।

কুহুমের কথা শেষ হইলে সন্ন্যাসী কহিলেন, “তাহাকে স্বপ্ন দেখিয়াছ, সে কে বলিতে হইবে।”

কুহুম ঘোড়াতে কহিল, “তাহা বলিতে পারিব না।” সন্ন্যাসী কহিলেন “তোমার মঙ্গলের জন্য জিজ্ঞাসা করিতেছি, সে কে স্পষ্ট কারয়া বল।

কুহুম সবলে নিজের কোমল হাত ছুটি পীড়ন করিয়া হাতঘোড়া করিয়া বলিল, “নিভাস্ত সে কি বলিতেই হইবে।”

সন্ন্যাসী কহিলেন “হাঁ বলিতেই হইবে।”

কুহুম তৎক্ষণাৎ বলিয়া উঠিল, প্রভু, সে তুমি।”

যেমূনি তাহার নিজের কথা তাহার নিজের কাণে গিয়া পৌছিল, অমূনি সে মুচ্ছিত হইয়া

আমার কঠিন কোলে পড়িয়া গেল। সন্ন্যাসী প্রস্তরের মূর্ত্তির মত দাঁড়াইয়া রহিলেন।

যখন মূর্ছার ভাঙ্গিয়া কুহুম উঠিয়া বসিল, তখন সন্ন্যাসী ধীরে ধীরে কহিলেন—“তুমি আমার সঙ্গে কথাই পালন করিয়াছ; আর একটি কথা বলিব পালন করিতে হইবে। আমি আজই এখান হইতে চলিলাম, আমার সঙ্গে তোমার দেখা না হয়। আমাকে তোমার ভুলিতে হইবে। বল, এই সাধনা করিবে।” কুহুম উঠিয়া দাঁড়াইয়া সন্ন্যাসীর মুখের পানে চাহিয়া ধীর স্বরে কহিল “প্রভু, তাহাই হইবে।”

সন্ন্যাসী কহিলেন—“তবে আমি চলিলাম।”

কুহুম আর কিছু না বলিয়া তাঁহাকে প্রণাম করিল, তাঁহার পায়ের ধূলা মাথায় তুলিয়া লইল। সন্ন্যাসী চলিয়া গেলেন।

কুহুম কহিল “তিনি আদেশ করিয়া গিয়াছেন তাঁহাকে ভুলিতে হইবে।” বলিয়া ধীরে ধীরে গঙ্গার জলে নামিল।

এতটুকু বেলা হইতে সে এই জলের ধারে কাটাইয়াছে, শান্তির সময়ে এ জল যদি তাহাকে হাত বাড়াইয়া কোলে করিয়া না লইবে, তবে আর কে লইবে! চাঁদ অস্ত গেল, রাত্রি ঘোর অক্লকার হইল। জলের শব্দ শুনিতে পাইলাম, আর কিছু দেখিতে পাইলাম না। অক্লকারে বাতাস ছুঁ করিতে লাগিল; পাছে তিলমাত্র কিছু দেখা যায় বলিয়া সে যেন ঈর্ষিয়া আকাশের তারাগুলিকে নিবাইয়া দিতে চায়।

আমার কোলে যে খেলা করিত সে আজ তাহার খেলা সমাপন করিয়া আমার কোল হইতে কোথায় সরিয়া গেল জানিতে পারিলাম না।

রাজপথের কথা ।

আমি রাজপথ । অহল্যা যেমন মূনির শাপে পাম্বাণ হইয়া পড়িয়াছিল, আমিও যেন তেমনি কাহার শাপে চিরনিদ্রিত হৃদীর্ঘ অঙ্গুর সর্পের জ্বায় অরণ্য পর্বতের মধ্য দিয়া, বৃক্ষশ্রেণীর ছায়া দিয়া, সুবিস্তীর্ণ প্রান্তরের বন্ধের উপর দিয়া, দেশদেশান্তর বেটন করিয়া বহুদিন ধরিয়া জড়শয়নে শয়ান রহিয়াছি । অসীম ধৈর্যের সহিত ধূলায় লুটাইয়া শাপাস্ত কালের জন্ত প্রতীক্ষা করিয়া আছি । আমি চিরদিন স্থির অবিচল, চিরদিন একইভাবে শুইয়া আছি, কিন্তু তবুও আমার এক মুহূর্তের জন্তও বিশ্রাম নাই । এতটুকু বিশ্রাম নাই যে, আমার এই কঠিন শুষ্ক শয্যার উপরে একটি মাত্র কচি স্নিগ্ধশ্যামল ঘাস উঠাইতে পারি ; এতটুকু সময় নাই যে আমার শিয়রের কাছে অতি ক্ষুদ্র একটি নীল-বর্ণের বনফুল ফুটাইতে পারি ! কথা কহিতে পারি না, অথচ অন্ধভাবে সকলি অনুভব করিতেছি । রাত্রিদিন পদশব্দ ; কেবলি পদশব্দ । আমার এই গভীর জড়নিদ্রার মধ্যে লক্ষ লক্ষ চরণের শব্দ অহর্নিশি হৃৎস্পন্দের জ্বায় আবর্তিত হইতেছে । আমি চরণের স্পর্শে হৃদয় পাঠ করিতে পারি । আমি বুঝিতে পারি, কে গৃহে যাইতেছে, কে বিদেশে যাইতেছে, কে কাজে যাইতেছে, কে বিশ্রামে যাইতেছে, কে উৎসবে যাইতেছে, কে শ্মশানে যাইতেছে । যাহার স্মৃতির সংসার আছে, স্নেহের ছায়া আছে, সে প্রতি পদক্ষেপে স্মৃতির ছবি আঁকিয়া আঁকিয়া চলে ; সে প্রতি পদক্ষেপে মাটিতে আশার বীজ রোপিয়া রোপিয়া যায়,

মনে হয় সেখানে যেখানে তাহার পা পড়িয়াছে, সেখানে যেন মুহূর্তের মধ্যে একে একটি করিয়া লতা অঙ্কুরিত পুষ্পিত হইয়া উঠিবে । যাহার গৃহ নাই আশ্রয় নাই, তাহার পদক্ষেপের মধ্যে আশা নাই অর্থ নাই, তাহার পদক্ষেপের দক্ষিণ নাই বাম নাই, তাহার চরণ যেন বলিতে থাকে, আমি চলিই বা কেন ধামিই বা কেন, তাহার পদক্ষেপে আমার শুষ্কগুলি যেন আরও শুকাইয়া যায় ।

পৃথিবীর কোন কাহিনী আমি সম্পূর্ণ শুনিতে পাই না । আজ শতশত বৎসর ধরিয়া আমি কত লক্ষ লোকের কত হাসি কত গান কত কথা শুনিয়া আসিতেছি ; কিন্তু কেবল খানিকটা মাত্র শুনিতে পাই । বাকিটুকু শুনিবার জন্ত যখন আমি কাণ পাতিয়া থাকি, তখন দেখি সে লোক আর নাই । এমন কত বৎসরের কত ভাঙ্গা কথা ভাঙ্গা গান আমার ধুলির সহিত ধূলি হইয়া গেছে, আমার ধুলির সহিত উড়িয়া বেড়ায়, তাহা কি কেহ জানিতে পার ! ঐ শুন, একজন গাছল, “তাহার বলি বলি আর বলা হল না”—আহা, একটু দাঁড়াও, গানটা শেষ করিয়া যাও, সব কথাটা শুনি ! কই আর দাঁড়াইল ! গাহিতে গাহিতে কোথায় চলিয়া গেল, শেষটা শোনা গেল না । ঐ একটি মাত্র পদ অর্ধেক রাত্রি ধরিয়া আমার কাণে ধ্বনিত হইতে থাকিবে । মনে মনে ভাবিব, ও কে গেল ! কোথায় যাইতেছে না জানি ! যে কথাটা বলা হইল না, তাহাই কি আবার বলিতে যাইতেছে ! এবার যখন পথে আবার দেখা হইবে, সে যখন মুখ তুলিয়া ইহার মুখের দিকে চাহিবে, তখন বলি বলি করিয়া আবার যদি বলা না হয় ! তখন নত শির করিয়া মুখ ফিরাইয়া অতিথীরে ধীয়ে ফিরিয়া আসিবার

সময় আবার যদি গায় “তারে বলি বলি আর
বলা হল না !”

সমাপ্তি ও স্থায়িত্ব হয়ত কোথাও আছে,
কিন্তু আমিও দেখিতে পাই না। একটি চরণ-
চিহ্নও ত আমি বেশীক্ষণ ধরিয়া রাখিতে পারি
না। অবিশ্রাম চিহ্ন পড়িতেছে, আবার
নূতন পদ আসিয়া অল্প পদের চিহ্ন মুছিয়া
যাইতেছে। যে চলিয়া যায় সে ত পশ্চাতে
কিছু রাখিয়া যায় না, যদি তাহার মাথার
বোঝা হইতে কিছু পড়িয়া যায় সহস্র চরণের
তলে অবিশ্রাম দলিত হইয়া কিছুক্ষণেই তাহা
ধূলিতে মিশাইয়া যায়। তবে এখানেও
ধেখিয়াছি ঝটে, কোন কোন মহাজনের পুণ্য-
স্তূপের মধ্য হইতে এমন সকল অমর বীজ
পড়িয়া গেছে, যাহা ধূলিতে পড়িয়া অস্থিরিত
ও বর্ধিত হইয়া আমার পার্শ্বে স্থায়ীরূপে
বিরাজ করিতেছে, এবং নূতন পথিকদিগকে
ছায়া দান করিতেছে।

আমি কাহারও লক্ষ্য নহি, আমি সকলের
উপায় মাত্র। আমি কাহারও গৃহ নহি, আমি
সকলকে গৃহে লইয়া বাই। আমার অহরহ
এই শোক, আমাতে কেহ চরণ রাখে না,
আমার উপরে কেহ দাঁড়াইতে চাহে না। যাহা-
দের গৃহ সুদূরে অবস্থিত, তাহারা আমাকেই
অভিশাপ দেয়, আমি যে পরম ধৈর্য্যে তাহা-
দিগকে গৃহের দ্বার পর্য্যন্ত পৌছাইয়া দিই
তাহার অল্প কৃতজ্ঞতা কই পাই। গৃহে গিয়া
বিরাম, গৃহে গিয়া আনন্দ, গৃহে গিয়া সুখ-
সন্নিগন, আর আমার উপরে কেবল শ্রান্তির
ভার, কেবল অনিচ্ছাকৃত শ্রম, কেবল রিচ্ছেদ।
কেবল কি সুদূর হইতে, গৃহবাতায়ন হইতে
মধুর হাস্যগহরী পাখা ভুলিয়া সূর্য্যালোকে
বাহির হইয়া আমার কাছে আসিবামাত্র
সচকিতে শূন্যে মিশাইয়া যাইবে। গৃহের

সেই আনন্দের কণা আমি একটুখানি
পাইব না !

কখন কখন তাহাও পাই। বালক বালি-
কারা হাসিতে হাসিতে কলরব করিতে করিতে
আমার কাছে আসিয়া খেলা করে। তাহাদের
গৃহের আনন্দ তাহারা পথে লইয়া আসে।
তাহাদের পিতার আশীর্ব্বাদ মাতার স্নেহ গৃহ
হইতে বাহির হইয়া পথের মধ্যে আসিয়াও
যেন গৃহ রচনা করিয়া দেয়। আমার ধূলিতে
তাহারা স্নেহ দিয়া যায়। আমার ধূলিকে
তাহারা রাশীকৃত করে, ও তাহাদের ছোট
ছোট হাতগুলি দিয়া সেই স্তূপকে মুছ মুছ
আঘাত করিয়া পরম স্নেহে ঘুম পাড়াইতে
চায়। বিমল হৃদয় লইয়া বসিয়া বসিয়া তাহার
সহিত কথা কয়। হায় হায়, এত স্নেহ
পাইয়াও সে তাহার উত্তর দিতে পারে না।

ছোট ছোট কোমল পা-গুলি যখন আমার
উপর দিয়া চালিয়া যায়, তখন আপনাকে বড়
কঠিন বলিয়া মনে হয়; মনে হয় উহাদের
পায়ে বাজিতেছে! কুসুমের দলের ন্যায়
কোমল হইতে সাধ যায়। রাখিকা বলিয়া-
ছেন—

“যাহা যাহা অরুণ-চরণ চলি যাতা,

তাঁহা তাঁহা ধরণী হই এ মল্লু গাতা !”

অরুণ চরণগুলি এমন কঠিন ধরণীর উপরে
চলে কেন! কিন্তু তা’ যদি না চলিত, তবে
বোধ করি কোথাও শ্রামল তৃণ সন্নিহিত না !

প্রতিদিন যাহারা নিয়মিত আমার উপরে
চলে, তাহাদিগকে আমি বিশেষরূপে চিনি।
তাহারা জানে না তাহাদের অল্প আমি প্রতীক্ষা
করিয়া থাকি। আমি মনে মনে তাহাদের মৃত্তি
কল্পনা করিয়া লইয়াছি। বহু দিন হইল,
এমনি একজন কে তাহার কোমল চরণ দুখানি
লইয়া প্রতিদিন অপরাহ্নে বহুদূর হইতে আসিত

—ছোট ছোট নুপুর রুগুৰু করিয়া তাহার পায়ে কাঁদিয়া কাঁদিয়া বাজিত। বুঝি তাহার ঠোট ছোট কথা কহিবার ঠোট মনে, বুঝি তাহার বড় বড় চোখ ছোট সন্ধ্যার আকাশের মত বড় মন ভাবে মুখের দিকে চাহিয়া থাকিত। যেখানে ঐ বাধান বটগাছের বামদিকে আমার একটি শাখা লোকালয়ের দিকে চলিয়া গেছে, সেখানে সে শ্রান্তদেহে গাছের তলায় চূপ করিয়া দাঁড়াইয়া থাকিত। আর এক জন কে দিনের কাজ সমাপন করিয়া অস্ত্র মনে গান গাহিতে গাহিতে সেই সময়ে লোকালয়ের দিকে চলিয়া যাইত। সে বোধ করি, কোন দিকে চাহিত না, কোনখানে দাঁড়াইত না—হয় ত বা আকাশের তারার দিকে চাহিত, তাহার গৃহের দ্বারে গিয়া পূরবী গান সমাপ্ত করিত। সে চলিয়া গেলে বালিকা শ্রান্তদেহে আবার যে পথ দিয়া আসিয়াছিল, সেই পথে ফিরিয়া যাইত। বালিকা যখন ফিরিত তখন জানিতাম অন্ধকার হইয়া আসিয়াছে; সন্ধ্যার অন্ধকার-হিম-স্পর্শ সর্বদা অসুভব করিতে পারিতাম। তখন গোমূলের কাকের ডাক একেবারে ধামিয়া যাইত; পথিকেরা আর বড় কেহ চলিত না। সন্ধ্যার বাতাসে থাকিয়া থাকিয়া বাঁশবন ঝরঝর ঝরঝর শব্দ করিয়া উঠিত। এমন কতদিন, এমন ঐতিহাস, সে ধীরে ধীরে আসিত ধীরে ধীরে যাইত। একদিন ফারুন মাসের শেষাংশে অপরাহ্নে যখন বিস্তর আশ্রয়মুখের কেশর বাতাসে ঝরিয়া পড়িতেছে—তখন আর একজন যে আসে সে আর আসিল না। সে দিন অনেক রাত্রে বালিকা বাড়িতে ফিরিয়া গেল। যেমন মাঝে মাঝে গাছ হইতে শুক পাতা ঝরিয়া পড়িতেছিল, তেমন মাঝে মাঝে ছই এক দোঁটা অশ্রুজল আমার নীরস তপ্ত ধুলির

উপরে পাড়িয়া মিলাইতেছিল। আবার তাহার পরদিন অপরাহ্নে বালিকা সেইখানে সেই তরুতলে আসিয়া দাঁড়াইল কিন্তু সে দিনও আর একজন আসিল না। আবার রাত্রে সে ধীরে ধীরে বাড়িমুখে ফিরিল। কিছু দূরে গিয়া আর সে চলিতে পারিল না। আমার উপরে ধুলির উপরে লুটাইয়া পড়িল। ছই বাহতে মুখ ঢাকিয়া বুক ফাটিয়া কাঁদিতে লাগিল! কে গো মা, আজি এই বিজন রাত্রে আমার বক্ষেও কি কেহ আশ্রয় লইতে আসে! ছই যাহার কাছ হইতে ফিরিয়া আসিলি সে কি আমার চেয়েও কঠিন! ছই যাহাকে ডাকিয়া বাহার সাজা পাইলি না সে কি আমার চেয়েও মুক! ছই যাহার মুখের পানে চাহিলি সে কি আমার চেয়েও অন্ধ! বালিকা উঠিল, দাঁড়াইল, চোখ মুছিল—পথ ছাড়িয়া পার্শ্ববর্তী বনের মধ্যে চলিয়া গেল। হয় ত সে গৃহে ফিরিয়া গেল, হয়ত এখনো সে প্রতিদিন শান্তমুখে গৃহের কাজ করে—হয় ত সে কাহাকেও কোন দুঃখের কথা বলে না; কেবল এক এক দিন সন্ধ্যাবেলায় গৃহের অন্তরে চাঁদের আলোতে পা ছড়াইয়া বসিয়া থাকে, কেহ ডাকিলেই আবার তখনই চমকিয়া উঠিয়া ঘরে চলিয়া যায়। কিন্তু তাহার পরদিন হইতে আজ পর্যন্তও আমি আর তাহার চরণস্পর্শ অসুভব করি নাই।

এমন কত পদশব্দ নীরব হইয়া গেছে, আমি কি এত মনে করিয়া রাখিতে পারি কেবল সেই পায়ের করণ নুপুরধ্বনি এখনও মাঝে মাঝে মনে পড়ে! কিন্তু আমার কি আর একদণ্ড শোক করিবার অবসর আছে! শোক কাহার জন্ত করিব! এমন কত আসে কত যায়!

কি প্রথমে রোদ্র! উহু-হুহু! এক একবার

নিশ্বাস ফেলিতেছি আর তপ্তধূলা সুনীল আকাশ ধূসর করিয়া উড়িয়া যাইতেছে। ধনী দরিদ্র, সুখী দুঃখী, জরা যৌবনে, হাসি-কান্না, জন্ম মৃত্যু সমস্তই আমার উপর দিয়া একই নিশ্বাসে ধুলির শ্রেণে তের মত উড়িয়া চলিয়াছে। এই জগৎ পথের হাসিও নাই কান্নাও নাই। গৃহই অতীতের জগৎ শোক করে, বর্তমানের জগৎ ভাবে, ভবিষ্যতের আশা-পথ চাহিয়া থাকে। কিন্তু পথ প্রতি বর্তমান নিমেষের শত সহস্র নূতন অভ্যাগতকে লইয়াই ব্যস্ত। এমন স্থানে নিজের পদগোরবের প্রতি বিশ্বাস করিয়া অভ্যস্ত সদর্পে পদক্ষেপ করিয়া কে নিজের চির-চরণ-চিহ্ন রাখিয়া যাইতে প্রয়াস পাইতেছে! এখানকার বাতাসে যে দীর্ঘশ্বাস ফেলিয়া যাইতেছে, তুমি চলিয়া গেলে কি, তাহারা তোমার পশ্চাতে পড়িয়া তোমার জগৎ বিলাপ করিতে থাকিবে, নূতন অতিথিদের চক্ষে অশ্রু আকর্ষণ করিয়া আনিবে? বাতাসের উপরে বাতাস কি স্থায়ী হয়? না না বুধা চেষ্টা! আমি কিছুই পড়িয়া থাকিতে দিই না, হাসিও না, কান্নাও না। আমিই কেবল পড়িয়া আছি।

—:~:—



রীতিমত নভেল।

প্রথম পরিচ্ছেদ।

—:~:~:~:—

“আল্লা হো আক্ববর” শব্দে রণভূমি প্রাধ্বনিত হইয়া উঠিয়াছে। একদিকে তিন লক্ষ যবন সেনা, অত্রদিকে তিন সহস্র আৰ্য্য সৈন্য।

বহুর মধ্যে একাকী অশ্বথ বৃক্ষের মত হিন্দু-বীরগণ সমস্ত রাত্রি এবং সমস্ত দিন যুদ্ধ করিয়া অটল দাঁড়াইয়া ছিল, কিন্তু এইবার ভাঙ্গিয়া পড়িবে তাহার লক্ষণ দেখা যাইতেছে। এবং সেই সঙ্গে ভারতের জয়ধ্বজা ভূমিসাং হইবে, এবং আজিকার ঐ অন্তাচলবর্তী সহস্ররশ্মির সাহিত হিন্দুস্থানের গৌরবস্বৰ্ঘ্য চিরদিনের মত অন্তমিত হইবে।

হর হর বোম্ বোম্! পাঠক, বলিতে পার, কে ঐ দৃষ্ট যুবা পঁয়ত্রিশ জন মাত্র অনুচর লইয়া মুকু অসি হস্তে অধারোহণে ভারতের অধিষ্ঠাত্রী দেবীর করনিষ্কিপ্ত দীপ্ত বজ্রের শ্রায় শক্রসৈন্যের উপরে আসিয়া পতিত হইল! বলিতে পার, কাহার প্রতাপে এই অগণিত যবন সৈন্য প্রচণ্ড বাত্যাহত অরণ্যানীর শ্রায় বিক্ষুব্ধ হইয়া উঠিল। কাহার বজ্র-মঞ্জিত “হর হর বোম্ বোম্” শব্দে তিন লক্ষ স্নেহকণ্ঠের “আল্লা হো আক্ববর” ধ্বনি নিমগ্ন হইয়া গেল, কাহার উত্তত অসির সম্মুখে ব্যাঘ্র-আক্রান্ত মেঘমুখের শ্রায় শক্রসৈন্য মুহূর্তের মধ্যে উর্দ্ধশ্বাসে পলায়নপর হইল! বলিতে পার, সেদিনকার আৰ্য্যস্থানের স্বৰ্ঘ্যদেব সহস্র রক্তকরম্পর্শে কাহার রক্তাক্তরবারীকে আশীর্বাদ করিয়া অন্তাচলে বিশ্রাম করিতে গেলেন! বলিতে পার কি পাঠক?

ইনিই সেই ললিত সিংহ। কাঞ্চীর সেনাপতি। ভারতইতিহাসের গ্রন্থনক্ষত্র।

—:~:~:~:—

দ্বিতীয় পরিচ্ছেদ ।

—:—

আজ কাঞ্চীনগরে কিসের এত উৎসব ? পাঠক জান কি ? হর্ষাশিখরে জয়ধ্বজা কেন এত চঞ্চল হইয়া উঠিয়াছে ? কেবল কি বায়ুভরে না আনন্দভরে ? ঘারে ঘারে কদলীতরু ও মঙ্গল ঘট, গৃহে গৃহে শঙ্খধ্বনি, পথে পথে দীপমালা। পুরপ্রাচীরের উপর লোকে লোকারণ্য। নগরের লোক কাহার জন্ত এমন উৎসব হইয়া প্রতীক্ষা করিতেছে। মহা পুরুষকণ্ঠের জয়ধ্বনি এবং বামাকণ্ঠের হলধ্বনি একত্র মিশ্রিত হইয়া অভ্রভেদ করিয়া নির্গমেষ নক্ষত্রলোকের দিকে উখিত হইল। নক্ষত্রশ্রেণী বায়ুব্যাহত দীপমালার স্নায়ু কাঁপিতে লাগিল।

ঐ যে প্রথমত ভুবনমের উপর আরোহণ করিয়া বীরবর পুরধারে প্রবেশ করিতেছে, উঁহাকে চিনিয়াছ কি ? ইনিই আমাদের সেই পূর্বপরিচিত ললিত সিংহ, কাঞ্চীর সেনাপতি। শত্রু নিধন করিয়া স্বীয় প্রভু কাঞ্চীরাজ্যদলে শত্রুরজ্ঞানিত খড়্গ উপহার দিতে আসিয়াছেন। তাই এত উৎসব।

কিন্তু এত যে জয়ধ্বনি, সেনাপতির সে দিকে কর্ণপাত নাই, গবাক্ষ হইতে পুরললনাগণ এত যে পুষ্পবৃষ্টি করিতেছেন সেদিকে তাঁহার দৃকপাত নাই। অরণ্যপথ দিয়া যখন তৃণাতুর পথিক সরোবরের দিকে ধাবিত হয় তখন শুধু পত্ররাশি তাঁহার মাথার উপর ঝরিতে থাকিলে তিনি কি ক্রক্ষেপ করেন ? অধীরচিত্ত ললিত সিংহের নিকট এই অজস্র সম্মান সেই শুধু পত্রের স্নায়ু নীরস, লঘু ও অকিঞ্চিৎকর বলিয়া বোধ হইল।

অবশেষে অশ্ব যখন অন্তঃপুরপ্রাসাদের

সম্মুখে গিয়া উপস্থিত হইল, তখন মুহূর্তের জন্ত সেনাপতি তাহার বন্ধা আকর্ষণ করিলেন, অশ্ব মুহূর্তের জন্ত শুরু হইল, মুহূর্তের জন্ত ললিত সিংহ একবার প্রাসাদবাতায়নে ছুঁত দৃষ্ট নিষ্কেপ করিলেন, মুহূর্তের জন্ত দেখিতে পাইলেন, দুইটি লজ্জানত নেত্র একবার চাঁকতের মত তাঁহার মুখের উপর পড়িল এবং দুইটি অনিন্দিত বাহু হইতে একটি পুষ্পমালা খসিয়া তাঁহার সম্মুখে ভূতলে পতিত হইল। তৎক্ষণাৎ অশ্ব হইতে নামিয়া সেই মালা কিরীটচূড়ায় তুলিয়া লইলেন এবং আর একবার কৃতার্থ দৃষ্টিতে উর্ধ্বে চাহিলেন। তখন ঘর কঁক হইয়া গিয়াছে, দীপ নিকীর্ণিত।

তৃতীয় পরিচ্ছেদ ।

—*—

সহস্র শত্রুর নিকট যে অবিচলিত, দুইটি চকিত হরিণনেত্রের নিকট সে পয়াভূত ! সেনাপতি বহুকাল ধৈর্য্যকে পাষণ্ডহর্গের মত হৃদয়ে রক্ষা করিয়া আসিয়াছেন পতকল্য সন্ধ্যাকালে দুইট কালো চোখের সলজ্জ সসম্মম দৃষ্টি সেই হর্গের ভিত্তিতে গিয়া আঘাত করিয়াছে এবং এতকালের ধৈর্য্য মুহূর্তে ভূমিসাৎ হইয়া গেছে ! কিন্তু ছিছি সেনাপতি, তাই বলিয়া কি সন্ধ্যার অন্ধকারে চোখের মত রাজাস্তঃপুরের উদ্ভান-প্রাচীর লঙ্ঘন করিতে হয় ! তুমিই না ভুবন-বিজয়ী বীরপুরুষ !

কিন্তু যে উপভ্রাস লেখে, তাহার কোথাও বাধা নাই; ঘরীরাও ঘরবোধ করে না, অহর্ষা-স্পন্দরূপা রমণীরাও আপত্তি প্রকাশ করে না। অতএব এই স্তম্ভ্য বসন্তসন্ধ্যার দক্ষিণবায়ু-বীজিত রাজাস্তঃপুরের নিভৃত উদ্ভানে একবার

প্রবেশ করা যাক—হে পাঠিকা, তোমরাও আইস, এবং পাঠকগণ, ইচ্ছা করিলে তোমরাও অনুবর্তী হইতে পার আমি অভয়দান করিতেছি ।

একবার চাহিয়া দেখ, বকুলতলে তৃণশয্যায় সন্ধ্যাতারার প্রতিমার মত ঐ রমণী কে ? হে পাঠক, হে পাঠিকা তোমরা উঁহাকে জান কি ? অমন রূপ কোথাও দেখিয়াছ ? রূপের কি কখন বর্ণনা করা যায় ? ভাষা কি কখনও কোন মন্ত্র-বলে এমন জীবন, যৌবন এবং লাভণ্যে ভরিয়া উঠিতে পারে ! হে পাঠক ! তোমার যদি দ্বিতীয় পক্ষের বিবাহ হয় তবে স্ত্রীর মুখ স্মরণ কর ! হে রূপসি পাঠিকা, যে যুবতীকে দেখিয়া তুমি সঙ্গিনীকে বলিয়াছ “ইহাকে কি এমন ভাল দেখিতে ভাই ! হোক সন্দরী কিন্তু ভাই তেমন স্ত্রী নাই” তাহার মুখ মনে কর, ঐ তরুতল-বর্তিনী রাজকুমারীর সহিত তাহার কিঞ্চিৎ সাদৃশ্য উপলব্ধি করিবে । পাঠক এবং পাঠিকা, এবার চিনিলে কি ? উন্মী রাজকুমারী কিয় না।

রাজকুমারী কোলের উপর ফুল রাখিয়া নতমুখে মালা গাঁথিতেছেন । গাঁথিতে গাঁথিতে এক একবার অঙ্গুলি আপনার স্নকুমার কার্ণ্যে শৈথল্য করিতেছে, উদাসীমি দৃষ্টি কোন্ এক অতিদূরবর্তী চিন্তারাজ্যে ভ্রমণ করিয়া বেড়াই-তেছে । রাজকুমারী কি ভাবিতেছেন ?

কিন্তু হে পাঠক, সে প্রশ্নের উত্তর আমি দিব না । কুমারীর নিভৃত হৃদয়মন্দিরের মধ্যে আজি এই নিস্তরু সন্ধ্যায় কোন্ মর্ত্যদেবতার আরতি হইতেছে, অপবিত্র কোতূহল লইয়া সেখানে প্রবেশ করিতে পারিব না । ঐ দেখ একটি দীর্ঘ-নিঃশ্বাস পূজার স্নগন্ধি ধূপধূমের ত্রায় সন্ধ্যায় বাতাসে মিশাইয়া গেল এবং দুই ফোঁটা অশ্রু-জল দুইটি স্নকোমল কুসুমকোরকের মত অজ্ঞাত দেবতার চরণের উদ্দেশে ঝমিয়া পড়িল ।

এমন সময়ে পশ্চাৎ হইতে একটি পুরুষের কণ্ঠ গভীর আবেগভরে কম্পিত রুদ্ধ স্বরে বলিয়া উঠিল “রাজকুমারি !”

রাজকুমারী সহসা ভয়ে চীৎকার করিয়া উঠিলেন । চারিদিক হইতে প্রহরী ছুটিয়া আসিয়া অপরাধীকে বন্দী করিল । রাজকুমারী তখন পুন-রায় সংজ্ঞ হইয়া দেখিলেন সেনাপতি বন্দী হইয়াছেন ।

চতুর্থ পরিচ্ছেদ ।

—*—

এ অপরাধে প্রাণদণ্ড বিধান । কিন্তু পূর্বোপকার স্মরণ করিয়া রাজা তাঁহাকে নির্দাসিত করিয়া দিলেন । সেনাপতি মনে মনে কহিলেন “দেবি, তোমার নেত্রও যখন প্রভারণা করিতে পারে, তখন সত্য পৃথিবীতে কোথাও নাই । আজ হইতে আমি মানবের শত্রু ।” একটি বৃহৎ দস্যুদলের অধিপতি হইয়া ললিত সিংহ অরণ্যে বাস করিতে লাগিলেন ।

হে পাঠক, তোমার আমার মত লোক এরূপ ঘটনায় কি করিত ? নিশ্চয়, যেখানে নির্দাসিত হইত সেখানে আর একটা চাকরীর চেষ্টা দেখিত, কিংবা একটা নূতন ধব-রের কাগজ বাহির করিত । কিছু কষ্ট হইত সন্দেহ নাই—সে অশ্রান্তাবে । কিন্তু সেনাপতির মত মহৎলোক, বাহারা উপভ্রাসে স্নলভ এবং পৃথিবীতে হুল্লভ, তাহারা চাকরীও করে না, খবরের কাগজও চালায় না । তাহারা যখন স্নখে থাকে, তখন এক নিঃশ্বাসে নিখিল জগতের উপকার করে এবং মনোবাঞ্ছা তিল-মাত্র ব্যর্থ হইলেই আরক্তলোচনে বলে, “রাক্ষসী পৃথিবী, পিশাচ সমাজ, তোদের বুক

পা দিয়া আমি ইহার প্রতিশোধ লইব” বলিয়া তৎক্ষণাৎ দস্যুবাসায় আরম্ভ করে, এইরূপ ইংরাজিকবো পড়া যায় এবং অবশুই এ প্রথা রাজপুত্রদের মধ্যে প্রচলিত ছিল।

দস্যুর উপদ্রবে দেশের লোক তন্ত হইয়া উঠিল। কিন্তু এই অসামান্য দস্যুরা অনাথের সহায়, দরিদ্রের বন্ধু, দুর্বলের আশ্রয়, কেশল ধনী, উচ্চহুলজাত সম্ভ্রান্ত ব্যক্তি এবং রাজকর্মচারীদের পক্ষে কালান্তরক যম।

ঘোর অরণ্য। স্বর্ঘ্য অন্ত প্রায়। কিন্তু বনচ্ছায়ায় অকাল রাত্রির আবির্ভাব হইয়াছে। তরুণ যুবক অপরিচিত পথে একাকী চলিতেছে। স্বকুমার শরীর পথশ্রমে ক্লান্ত, কিন্তু তথাপি অধ্যবসায়ের বিরাম নাই। কতিদেশে যে তরবারী বন্ধ রহিয়াছে তাহারই ভার হুঃসহ বোধ হইতেছে। অরণ্যে লেশমাত্র শব্দ হইলেই ভয়প্রবণ হৃদয় হরিণের মত চকিত হইয়া উঠিতেছে। কিন্তু তথাপি এই আসন্ন রাত্রি এবং অজ্ঞাত অরণ্যের মধ্যে দৃঢ় সংকল্পের সহিত অগ্রসর হইতেছে।

দস্যুরা আসিয়া দস্যুপতিকে সংবাদ দিল, “মহারাজ, বৃহৎ শীকার মিলিয়াছে। মাধ্যম মুকুট, রাজবেশ, কতিদেশে তরবারী।”

দস্যুপতি কহিলেন “তবে এ শীকার আমার। তোরা এখানেই থাক!”

পথিক চলিতে চলিতে সহসা একবার হৃক পত্রের খন্ খন্ শব্দ শুনিতে পাইল। উৎকণ্ঠিত হইয়া চারিদিকে চাহিয়া দেখিল।

সহসা বৃকের মাঝখানে তাঁর আসিয়া বিদিল, পাশ্বে “মা” বলিয়া ভূতলে পড়িয়া গেল।

দস্যুপতি নিরুটে আসিয়া জাহ্নু পাতিয়া নত হইয়া আহতের মুখের দিকে নিরীক্ষণ করিলেন। ভূতশায়ী পথিক দস্যুর হাত ধরিয়া কেবল একবার মুহূর্তেরে কহিল “ললিত।”

মুহূর্তে দস্যুর হৃদয় যেন সহস্র খণ্ডে ভাঙিয়া এক চীৎকার শব্দ বাহির হইল “রাজকুমারি!”

দস্যুরা আসিয়া দেখিল শীকার এবং শিকারী উভয়েই অস্তিম আলিঙ্গনে বদ্ধ হইয়া মৃত পড়িয়া আছে।

রাজকুমারী একদিন সন্ধ্যাকালে তাঁহার অন্তঃপুরের উজ্জানে অজ্ঞানে ললিতের উপর রাজকণ্ঠ নিক্ষেপ করিয়াছিলেন, ললিত আর একদিন সন্ধ্যাকালে অরণ্যের মধ্যে অজ্ঞানে রাজকণ্ঠার প্রতি শরনিক্ষেপ করিল। সংসারের বাহিরে যদি কোথাও মিলন হইয়া থাকে ত আজ উভয়ের অপরাধ উভয়ে বোধ করি মার্জনা করিয়াছে।



প্রথম পরিচ্ছেদ ।

অপূর্বকৃষ্ণ বি, এ পাস্ করিয়া কলিকাতা হইতে দেশে ফিরিয়া আসিতেছেন।

নদীটি ক্ষুদ্র। বর্ষা অন্তে প্রায় শুকাইয়া যায়। এখন শ্রাবণের শেষে জলে ভরিয়া উঠিয়া একেবারে গ্রামের বেড়া ও বাঁশঝাড়ের তলদেশ চুষন করিয়া চলিয়াছে।

বহুদিন ঘন বর্ষার পরে আজ মেঘমুক্ত আকাশে বোজ্র দেখা দিয়াছে।

নৌকায় আসীন অপূর্বকৃষ্ণের মনের তিতরকার এক খানি ছবি যদি দেখিতে পাই-

তাম তবে দেখিতাম সেখানেও এই যুবকের মানস-নদী নববর্ষায় কূলে কূলে ভবিষ্য আলোকে জ্বলজ্বল এবং বাতাসে ছলছল করিয়া উঠিতেছিল।

নৌকা যথাস্থানে ঘাটে আসিয়া লাগিল। নদীতীর হইতে অপূর্বদের বাড়ির পাকা ছাদ গাছের অন্তরাল দিয়া দেখা যাইতেছে। অপূর্বের আগমন সংবাদ বাড়ির কেহ জানিত না, সেই জন্য ঘাটে লোক আসে নাই। মাঝি ব্যাগ লইতে উত্তত হইলে অপূর্ব তাহাকে নিবারণ করিয়া নিজেই ব্যাগ হাতে লইয়া আনন্দভরে তাড়াতাড়ি নামিয়া পড়িল।

নামিবামাত্র, তীরে ছিন্ন পিছল, ব্যাগ-সমেত অপূর্ব কাদায় পড়িয়া গেল। যেমন পড়া, অমনি কোথা হইতে এক স্মিষ্ট ডাক-কণ্ঠে তরল হাস্যলহরী উচ্ছ্বসিত হইয়া নিকট-বর্তী অশথগাছের পার্শ্বগুলিকে সচকিত করিয়া দিল।

অপূর্ব অত্যন্ত লজ্জিত হইয়া তাড়াতাড়ি আত্মসম্বরণ করিয়া চাহিয়া দেখিল। দেখিল, তীরে মহাজনের নৌকা হইতে নূতন ইট রাশীকৃত করিয়া নামাইয়া রাখা হইয়াছে, তাহারই উপরে বসিয়া একটি মেয়ে হাস্যবেগে এখনি শতধা হইয়া যাইবে এমন মনে হইতেছে।

অপূর্ব চিনিতে পারিল তাহাদেরই নূতন প্রতিবেশিনীর মেয়ে মুগ্ধা। দূরে বড় নদীর ধারে ইহাদের বাড়ি ছিল, সেখানে নদীর ভাঙ্গনে দেশ ত্যাগ করিয়া বছর দুই তিন হইল এই গ্রামে আসিয়া বাস করিতেছে।

এই মেয়েটির অধ্যায়ের কথা অনেক গুনিতে পাওয়া যায়। পুরুষ গ্রামবাসীরা স্নেহ-ভরে ইহাকে পাগূলি বলে কিন্তু গ্রামের গৃহিণীরা ইহার উচ্ছ্বল স্বভাবে সর্বদা স্তীত

চিস্তিত শঙ্কাজিত। গ্রামের য-ছেলেদের সহিত ইহার খেলা; সমবয়সী মেয়েদের প্রতি অধিকার সীমা নাই। শিশুরা জ্য এই মেয়েটি একটি ছোটখাটো বগির উপদ্রব বলিতেই হয়।

বাপের আদরের মেয়ে কিনা সেই জন্য ইহার এতটা হৃদ্যন্ত প্রতাপ। এই সম্বন্ধে বহুবার নিকট মুগ্ধার মা স্বামীর বিরুদ্ধে সর্বদা অভিযোগ করিতে ছাড়িত না, অথচ, বাপ ইহাকে ভালবাসে, বাপ কাছে থাকিলে মুগ্ধার চোখের অশ্রুবিন্দু তাহার অন্তরে বড়ই বাজিত ইহাই মনে করিয়া প্রবাসী স্বামীকে অরণ-পূর্ব মুগ্ধার মা মেয়েকে কিছুতেই কাঁদ হতে পারিত না।

মুগ্ধা দেখিতে শ্রামবর্ণ। ছোট কোঁকড়া চুল পঠ পর্যন্ত পড়িয়াছে। ঠিক যেন বালকের মত মুখের ভাব। মস্ত মস্ত ছুটি কালো চক্ষুতে না আছে লজ্জা, না আছে ভয়, না আছে হাবভাবলীলার লেশমাত্র। শরীর দীর্ঘ পরিপুষ্ট সুস্থ সবল, কিন্তু তাহার বয়স অধিক কি অল্প সে প্রশ্ন কাহারও মনে উদয় হয় না; যদি হইত, তবে এখনো অবিবাহিত আছে বলিয়া লোকে তাহার পিতামাতাকে নিন্দা করত। গ্রামের বিদেশী জমিদারের নৌকা ক্রমে যোদিন ঘাটে আসিয়া লাগে সেদিন গ্রামের লোকেরা সম্বন্ধে শশব্যস্ত হইয়া উঠে, ঘাটের মেয়েদের মুখরঙ্গুণিতে অস্বাভাবিক নাসাগ্রভাগ পর্যন্ত যখনকা পতন হয়, কিন্তু মুগ্ধা কেথা হইতে একটা উলঙ্গ শিশুকে কোলে লইয়া কোঁকড়া চুলগুলি পিঠে দোলাইয়া ছুটিয়া ঘাটে আসিয়া উপস্থিত। যে দেশে ব্যাধ নাই বিপদ নাই সেই দেশের হরিণ শিশুর মত নির্ভীক কোঁকড়লে দাঁড়াইয়া চাহিয়া চাহিয়া দেখিতে থাকে, অবশেষে আপন দলের বালক-সঙ্গীদের নিকট ফিরিয়া গিয়া

এই নবাগত প্রাণীর আচারব্যবহার সম্বন্ধে বিস্তর-বাহুল্য বর্ণনা করে ।

আমাদের অপূর্ক ইতিপূর্কে ছুটি উপলক্ষে বাড়ি আসিয়া এই বন্ধনবিহীন বালিকাটিকে ছই চারিবার দেখিয়াছে এবং অবকাশের সময় এমন কি অনবকাশের সময়ও ইহার সম্বন্ধে চিন্তা করিয়াছে । পৃথিবীতে অনেক মুখ চোখে পড়ে কিন্তু এক একটি মুখ বলাকহা নাই একে-বারে মনের মধ্যে গিয়া উত্তীর্ণ হয় । সে কেবল সৌন্দর্যের জন্ত নহে, আর একটা কি গুণ আছে । সে গুণটি বোধ করি স্বচ্ছতা । অধিকাংশ মুখের মধ্যেই মনুষ্যপ্রকৃতিটি আপনাকে অপরিষ্কৃতরূপে প্রকাশ করিতে পারে না ; যে মুখে সেই অন্তরগুহাবাসী বহুশয় লোকটি অবাধে বাহির হইয়া দেখা দেয়, সে মুখ সহস্রের মধ্যে চোখে পড়ে এবং এক পলকে মনে মুদ্রিত হইয়া যায় । এই বালিকার মুখে চক্ষে একটি হরস্ত অবাধ্য নারীপ্রকৃতি উন্মুক্ত বেগবান্ অরণ্যমুগের মত সর্বদা দেখা দেয়, খেলা করে, সেইজন্ত এই জীবনচঞ্চল মুগখানি একবার দেখিলে আর সহজে ভোলা যায় না ।

পাঠকদিগকে বলা বাহুল্য মুগখীর কৌতুক হাস্যধ্বনি বতই স্মৃষ্টি হউক হুর্ভাগা অপূর্কের পক্ষে কিঞ্চিৎ ক্লেশদায়ক হইয়াছিল । সে তাড়াতাড়ি মাঝির হাতে ব্যাগ সমর্পণ করিয়া রক্তিমমুখে ক্রতবেগে গৃহ অভিমুখে চলিতে লাগিল ।

আমোজনটি অতি স্নন্দর হইয়াছিল । নদীর তীর, গাছের ছায়া, পাখীর গান, প্রভাতের রোদ্দ, কুড়ি বৎসর বয়স ; অবশ্য ইটের স্তূপটা তেমন উল্লেখযোগ্য নহে, কিন্তু যে ব্যক্তি তাহার উপর বসিয়াছিল সে এই শুক কঠিন আসনের প্রতিও একটি মনোরম স্ত্রী

বিস্তার করিয়াছিল । হায়, এমন দৃশ্যের মধ্যে প্রথম পদক্ষেপমাত্রেরই যে, সমস্ত কবিত্ব প্রহাসনে পরিণত হয় ইহা অপেক্ষা আদৃষ্টের নিষ্ঠুরতা আর কি হইতে পারে ।

দ্বিতীয় পরিচ্ছেদ ।

সেই ইষ্টকশিখর হইতে প্রবহমাণ হান্ত-ধ্বনি শুনিতে শুনিতে চান্দরে ও ব্যাগে কাটা মাখিয়া গাছের ছায়া দিয়া অপূর্ক বাড়িতে গিয়া উপস্থিত হইল ।

অকস্মাৎ পুত্রের আগমনে তাহার বিধবা মাতা প্লবিত হইয়া উঠিলেন । তৎক্ষণাৎ ক্ষীর দধি কইমাছের সন্ধানে দূরে নিকটে লোক দৌড়িল এবং পাড়া প্রতিবেশীর মধ্যেও একটা আন্দোলন উপস্থিত হইল ।

আহায়াস্তে মা অপূর্কের বিবাহের প্রস্তাব উত্থাপন করিলেন । অপূর্ক সে শুভ প্রস্তাব হইয়াছিল । কারণ, প্রস্তাব অনেক পূর্কেরই ছিল কিন্তু পুত্র নব্যতন্ত্রের নূতন ধ্মা ধরিয়া জেদ করিয়া বসিয়াছিল যে, বি, এ, পাস না করিয়া বিবাহ করিব না । এতকাল জননী সেই জন্ত অপেক্ষা করিয়াছিলেন অতএব এখন আর কোনরূপ ওজর করা মিথ্যা । অপূর্ক কহিল, আগ্নে পাত্রী দেখা হউক তাহার পর স্থির হইবে । মা কহিলেন, পাত্রী দেখা হই-
য়াছে, সে জন্ত তোকে ভাবিতে হইবে না । অপূর্ক ঐ ভাবনাটা নিজে ভাবিতে প্রস্তুত হইল এবং কহিল মেয়ে না দেখিয়া বিবাহ করিতে পারিবে না । মা ভাবিলেন এমন স্মৃষ্টিছাড়া কথা কখনো শোনা যায় নাই, কিন্তু সম্মত হই-
লেন ।

সে রাত্রে অপূর্ণ প্রদীপ নিবাইয়া বিছানা-
নায় শয়ন করিলে পর বর্ষা-নিশীথের সমস্ত শব্দ
এবং সমস্ত নিস্তরতার পরপ্রান্ত হইতে বিহ্বল
বিনিদ্র শব্দ্যয় একটি উজ্জ্বলিত উচ্চ মধুর কণ্ঠের
হাস্তধ্বনি তাহার কাণে আসিয়া ক্রমাগত
বাজিতে লাগিল। মন নিজেকে কেবলি এই
বলিয়া পীড়া দিতে লাগিল যে, সকালবেলা-
কার সেই পদাঙ্কনটা যেন কোন একটা
উপায়ে সংশোধন করিয়া লওয়া উচিত।
বালিকা জানিল না যে, আমি অপূর্ণ-
কৃষ্ণ অনেক বিত্তা উপার্জন করিয়াছি, কলি-
কাতায় বহুকাল যাপন করিয়া আসিয়াছি,
দৈবাৎ পিছলে পা দিয়া কাদার উপর পড়িয়া
গেলেও আমি উপহাস্ত উপেক্ষণীয় একজন
যে-সে গ্রাম যুবক নহি।

পরদিন অপূর্ণ কনে দেখিতে যাইবে।
অধিক দূর নহে পাড়াতেই তাহাদের বাড়ি।
একটু বিশেষ যত্নপূর্বক সাজ করিল। ধূতি চাদর
ছাড়িয়া সিকের চাপকান জোকা, মাথায় একটা
গোলাকার পাগুড়ি এবং বাণিশকরা নূতন এক-
ঘোড়া জুতা পায়ে দিয়া সিকের ছাতা হস্তে সে
প্রাতঃকালে বাহির হইল।

সম্ভাবিত ঋণরোধিতে পদার্পণ করিবামাত্র
মহাসমারোহ সমাদরের ঘটা পড়িয়া গেল।
অবশেষে যথাকালে কম্পিত হৃদয় মেয়েটিকে
ঝাড়িয়া মুছিয়া রঙ করিয়া খোপায় ঝাঙতা
জড়াইয়া একখানি পাতলা রঙীন কাপড়ে
মুড়িয়া বরের সম্মুখে আনিয়া উপস্থিত করা
হইল। সে এক কোণে নীরবে মাথা প্রায় হাঁটুর
কাছে ঠেকাইয়া বসিয়া রহিল এবং এক প্রোচা
দাসী তাহাকে সাহস দিবার জন্ত পশ্চাতে উপ-
স্থিত রহিল। কনের এক বালক ভাই তাহাদের
ধ্যে এই এক নূতন অনধিকার-
লোকটির পাগুড়ি ঘড়ির চেন এবং

নবোদগত শব্দ একমনে নিরীক্ষণ করিতে
লাগিল। অপূর্ণ কিয়ৎকাল গৌণে তা দিয়া
অবশেষে গম্ভীরভাবে জিজ্ঞাসা করিল, তুমি
কি পড় ? বসনভূষণাচ্ছন্ন লজ্জাস্তপের নিকট
হইতে তাহার কোন উত্তর পাওয়া গেল না।
তুই তিনবার প্রশ্ন এবং প্রোচা দাসীর নিকট
হইতে পৃষ্ঠদেশে বিস্তর উৎসাহজনক করতাড়-
নের পর বালিকা মৃদুস্বরে এক নিশ্বাসে অত্যন্ত
দ্রুত বলিয়া গেল, চারুপাঠ দ্বিতীয় ভাগ, ব্যাক-
রণসার প্রথম ভাগ, ভূগোলবিবরণ, পাটিগণিত,
ভারতবর্ষের ইতিহাস। এমন সময় বহির্দেশে
একটা অশান্তি গতির ধুপধাপ শব্দ শোনা গেল
এবং মুহূর্তের মধ্যে দৌড়িয়া হাঁপাইয়া পিঠের
চুল দোলাইয়া মৃগ্ময়ী ঘরে আসিয়া প্রবেশ করিল।
অপূর্ণকৃষ্ণের প্রতি দৃকপাতমাত্র না করিয়া
একবারে কনের ভাই রাখালের হাত ধরিয়া
টানাটানি আরম্ভ করিয়া দিল। রাখাল তখন
আপন পর্যবেক্ষণ শক্তির চর্চায় একান্তমনে
নিযুক্ত ছিল, সে কিছুতেই উঠিতে চাহিল না।
দাসীটি তাহার সংযত কণ্ঠস্বরের মৃত্তা রক্ষার
প্রতি দৃষ্টি রাখিয়া যথাসাধ্য তীব্রভাবে মৃগ্ময়ীকে
ভৎসনা করিতে লাগিল। অপূর্ণকৃষ্ণ আপনার
সমস্ত গাম্ভীর্য এবং গোরব একত্র করিয়া
পাগুড়িপরা মস্তকে অভ্রভেদী হইয়া বসিয়া
রহিল এবং পেটের কাছে ঘড়ির চেন নাড়িতে
লাগিল। অবশেষে সঙ্গীটিকে কিছুতেই বিচলিত
করিতে না পারিয়া তাহার পিঠে একটা সশব্দ
চপেটাঘাত করিয়া এবং চট করিয়া কনের
মাথার ঘোমটা টানিয়া খুলিয়া দিয়া ঝড়ের
মত মৃগ্ময়ী ঘর হইতে বাহির হইয়া গেল।
দাসীটি গুমরিয়া গর্জন করিতে লাগিল এবং
ভয়ীর অকস্মাৎ অবশুর্ভন মোচনে রাখাল খিল
খিল শব্দে হাসিতে আরম্ভ করিল। নিজের
পৃষ্ঠের প্রবল চপেটাঘাতটি সে অত্মীয় প্রাপ্য মনে

কৰিল না; কাৰণ, একৰূপ মেনা পাওনা তাহাদেৱ
মধ্যে সৰ্ব্বদাই চলিতেছে। এমন কি, পূৰ্বে
মৃগায়ীৰ চুল কাঁধ ছাড়াইয়া পিঠেৰ মাঝামাঝি
আসিয়া পড়িত; বাগাই একদিন হঠাৎ
পশ্চাৎ হইতে আসিয়া তাহাৰ ঝুটিৰ মধ্যে
কাঁচি ঢালাইয়া দেয়। মৃগায়ী তখন অত্যন্ত বগ
কৰিয়া তাহাৰ হাত হইতে কাঁচিটি কাড়িয়া লইয়া
নিজের অবশিষ্ট পশ্চাত্তেৰ চুল কাঁচকাঁচ শব্দে
নির্দয়ভাবে কাটয়া ফেলিল, তাহাৰ কোঁকড়া
চুলেৰ স্তবকগুলি শাখাচ্যুত কালো আঙুৰেৰ
স্তপেৰ মত গুচ্ছ গুচ্ছ মাটিতে পড়িয়া গেল।
উভয়েৰ মধ্যে এইরূপ শাসনপ্রণালী প্রচলিত
ছিল।

অতঃপর এই নীৰব পরীক্ষা-সভা অৰ
অধিনক্ষণ স্থগী হইল না। পিতৃকায় কন্ডাটি
কেন মতে পুনশ্চ দীৰ্ঘাকার হইয়া দাসী স-
কাৰে অস্তঃপুৰে চলিয়া গেল। অপূৰ্ণ প-ম
গম্ভীৰত বে বিয়ল গুচ্ছেরথায় তা দিতে দিতে
উষ্ণি ঘরের বাহিৰে বাইতে উত্তত হইল।
দ্বাৰেৰ নিকটে গিয়া দেখে বাৰ্ণিশ-করা নূতন
জুতাঘোড়াটি যেখানে ছিল সেখানে নই
এবং কোথায় আছে তাহা বহুচেষ্টায় অবধারণ
করা গেল না।

বাড়িৰ লোক সকলেই বিষয় বিবৃত হইয়া
উঠিল এবং অপরাধীৰ উদ্দেশে গালি ও
ভৎসনা অজস্র বধিত হইতে লাগিল। অনেক
খোঁজ কৰিয়া অবশেষে অনন্তোপায় হইয়া
বাড়িৰ কৰ্ত্তাৰ পুরাতন ছিন্ন চিলা চটিঘোড়াটা
পৰিয়া পাণ্টলুন চাপকান পাগুঁড় সমেত
সুসজ্জিত অপূৰ্ণ কৰ্দমাক্ত গ্রামপথে অত্যন্ত
সাবধানে চলিতে লাগিল।

পুৰণিৰ ধাৰে নিৰ্জন পথপ্রান্তে আবার
হঠাৎ সেই উৰুকণ্ঠেৰ অজস্র হাস্তকলোচ্ছাস।
যেন তরুণজবেৰ মধ্য হইতে কৌতুকপ্রিয়া

বনমেবী অপূৰ্ণৰ ঐ অসঙ্গত চটিঘোড়াৰ
দিকে চাহিয়া হঠাৎ আৰ হাসি ধারণ কৰিয়া
রাখিতে পাবিল না।

অপূৰ্ণ অপ্রতিভভাবে থমকিয়া দাঁড়াইয়া
ইতস্ততঃ নিরীক্ষণ কৰিতেছে এমন সময় ঘন
বন হইতে বাহিৰ হইয়া একটি নিৰ্জঙ্গ অপ-
রাধিনী তাহাৰ সন্মুখে নূতন জুতাঘোড়াটা
রাখিয়াই পলায়নোত্তত হইল। অপূৰ্ণ ক্ষত-
বেগে দুই হাত ধৰিয়া তাহাকে বন্দী কৰিয়া
ফেলিল।

মৃগায়ী আঁকিয়া বাঁকিয়া হাত ছাড়াইয়া
পলাইবার চেষ্টা কৰিল কিন্তু পাবিল না।
কোঁকড়া চুলে বেষ্টিত তাহাৰ পৰিপুষ্ট সহাস্য
দুই মুখখানিৰ উপরে শাখাস্তৰালচ্যুত স্বৰ্গাকিৰণ
আসিয়া পড়িল। রৌদ্রোজ্জ্বল নিৰ্মল চঞ্চল
নিৰ্মল বিনীৰ দিকে অবনত হইয়া কৌতুহলী
পথিক যেমন নিৰ্দিষ্ট দৃষ্টিতে তাহাৰ তলদেশ
দেখিতে থাকে অপূৰ্ণ তেমনি কৰিয়া গভীৰ
গভীৰ নেত্রে মৃগায়ীৰ উদ্দেশ্যে মুখের উপর
তড়িতবল ছুটি চক্ষুৰ মধ্যে, চাহিয়া দেখিল
এবং অত্যন্ত ধীরে ধীরে মুষ্টি শিথিল কৰিয়া
যেন যথাকৰ্তব্য অসম্পন্ন রাখিয়া বন্দিনীকে
ছাড়িয়া দিল। অপূৰ্ণ যদি রাগ কৰিয়া
মৃগায়ীকে ধৰিয়া মাৰিত তাহা হইলে সে কিছুই
আশ্চৰ্য্য হইত না, কিন্তু নিৰ্জন পথের মধ্যে
এই অপৰূপ নীৰব শাস্তিৰ সে কোন অর্থ
বুঝিতে পাবিল না।

নৃত্যময়ী প্রকৃতিৰ নূপূৰনিৰ্গণেৰ স্তায় চঞ্চল
হাস্তধ্বনিটি সমস্ত আকাশ ব্যাপিয়া বাজিতে
লাগিল। এবং চিন্তানিমগ্ন অপূৰ্ণকৃষ্ণ অত্যন্ত
ধীর পদক্ষেপে বাড়িতে আসিয়া উপস্থিত
হইল।

তৃতীয় পরিচ্ছেদ ।

—:***:—

অপূর্ণ সমস্তদিন নানা ছুতা করিয়া অন্তঃপুরে যার সহিত সাক্ষাৎ করিতে গেল না। বাহিরে নিমন্ত্রণ ছিল খাইয়া আসিল। অপূর্ণের মত এমন একজন কৃতবিদ্য গম্ভীর ভাবুক লোক একটি সামান্ত অশিক্ষিতা বালিকার কাছে আপনার লুপ্ত গৌরব উদ্ধার করিবার, আপনার আপনার আন্তরিক মাহাত্ম্যের পরিপূর্ণ পরিচয় দিবার জন্ত কেন যে এতটা বেশী উৎকণ্ঠিত হইয়া উঠিবে তাহা বুঝা কঠিন। একটি পাড়াগাঁয়ের চঞ্চল মেয়ে তাঁহাকে সামান্ত লোক মনে করিলই বা ! সে যদি মুহূর্তকালের জন্ত তাঁহাকে হাত্তাস্পদ করিয়া তার পর তাঁহার অস্তিত্ব বিস্মৃত হইয়া রাখা নামক একটি নিরক্ষাধ নিরক্ষর বালকের সহিত খেলা করিবার জন্ত ব্যগ্রতা প্রকাশ করে তাহাতেই বা তাঁহার ক্ষতি কি ? তাহার কাছে প্রমাণ করিবার আবশ্যক কি যে, তিনি বিশ্বদীপ নামক মাসিক পত্রে গ্রন্থ সমালোচনা করিয়া থাকেন, এবং তাঁহার তোরঙ্গের মধ্যে এসেন্স জুতা, কবিনির ক্যাম্ফর, রঙীন চিঠির কাগজ এবং “হার্মোনিয়ম্ শিক্ষা” বহির সঙ্গে একখানি পরিপূর্ণ পাতা নিশীথের গর্ভে ভাবী উবার জায় প্রকাশের প্রতীক্ষায় রহিয়াছে ? কিন্তু মনকে বুঝানো কঠিন এবং এই পল্লিবাসিনী চঞ্চলা মেয়েটির কাছে ত্রিযুক্ত অপূর্ণের মত যাহা, এ, কিছুতেই পরাজব স্বীকার করিতে প্রস্তুত নহে।

সন্ধ্যার সময়ে অন্তঃপুরে প্রবেশ করিলে মা তাঁহাকে জিজ্ঞাসা করিলেন, কেমন রে অপূর্ণ, মেয়ে কেমন দেখলি ? পছন্দ হয় ত ?

অপূর্ণ কিঞ্চিৎ অপ্রীতিভাবে কহিল,

মেয়ে দেখেছি মা, ওর মধ্যে একটিকে আমার পছন্দ হয়েছে।

মা আশ্চর্য হইয়া কহিলেন, তুই আবার ক’টি মেয়ে দেখলি ?

অবশেষে অনেক ইতস্ততর পর প্রকাশ পাইল প্রতিবেশিনী শরতের মেয়ে মৃগ্ময়ীকে তাঁহার ছেলে পছন্দ করিয়াছে ! এত লেখাপড়া শিখিয়া এমনি ছেলের পছন্দ !

প্রথমে অপূর্ণের পক্ষে অনেকটা পরিমাণ লজ্জা ছিল, অবশেষে মা যখন প্রবল আপত্তি করিতে লাগিলেন তখন তাহার লজ্জা ভাঙ্গিয়া গেল। সে রোদের মাথায় বলিয়া বসিল মৃগ্ময়ীকে ছাড়া আর কাহাকেও বিবাহ করিব না। অল্প জড়পুত্তলী মেয়েটিকে সে যতই কল্পনা করিতে লাগিল ততই বিবাহ সম্বন্ধে তাহার বিষম বিতৃষ্ণার উদ্বেক হইল।

দুই তিনদিন উভয়পক্ষে মান অভিমান অনাহার অনিদ্রার পর অপূর্ণই জয়ী হইল। মা মনকে বোঝাইলেন যে, মৃগ্ময়ী ছেলেমানুষ এবং মৃগ্ময়ীর মা উপযুক্ত শিক্ষাদানে অসমর্থ ; বিবাহের পর তাঁহার হাতে পড়িলেই তাহার স্বভাবের পরিবর্তন হইবে। এবং ক্রমশঃ ইহাও বিশ্বাস করিলেন যে, মৃগ্ময়ীর মুখখানি সুন্দর। কিন্তু তপনি আবার তাহার খর্কু কেশরাশি তাঁহার কল্পনাপথে উদ্ভিত হইয়া হৃদয় নৈরাশ্রে পূর্ণ করিতে লাগিল তথাপি আশা করিলেন দূর করিয়া চুল বাঁধিয়া এবং জব্জবে করিয়া ভেল লেপিয়া কালে এ ক্রটিও সংশোধন হইতে পারিবে।

পাড়ার লোকের সকলেই অপূর্ণের এই পছন্দটিকে অপূর্ণ পছন্দ বলিয়া নামকরণ করিল। পাগলী মৃগ্ময়ীকে অনেকেই ভালবাসিত কিন্তু তাই বলিয়া নিজের পুত্রের বিবাহযোগ্যা বলিয়া কেহ মনে করিত না।

মৃগ্ময়ীর বাপ ঈশান মজুমদারকে যথাকালে সংবাদ দেওয়া হইল। সে কোন একটি ষ্টামার কোম্পানির কেবলানীরূপে দূরে নদীতীরবর্তী একটি ক্ষুদ্র ষ্টেশনে একটি ছোট টানের ছাদ-বিশিষ্ট কুটিরের মাল ওঠানো নাগানো এবং টিকিট বিক্রয় কার্যে নিযুক্ত ছিল।

তাহার মৃগ্ময়ীর বিবাহ প্রস্তাবে ছই চক্ষু বহিয়া ভ্রম পড়িতে লাগিল। তাহার মধ্যে কতখানি দুঃখ এবং কতখানি আনন্দ ছিল পরিমাণ করিয়া বলিবার কোন উপায় নাই।

কন্টার বিবাহ উপলক্ষে ঈশান হেড অফিসের সাহেবের নিকট ছুটি প্রার্থনা করিয়া দরখাস্ত দিল। সাহেব উপলক্ষটা নিতান্তই তুচ্ছ জ্ঞান করিয়া ছুটি নামঞ্জুর করিয়া দিলেন। তখন, পূজার সময় একসপ্তাহ ছুটি পাইবার সম্ভাবনা জানাইয়া সে পর্য্যন্ত বিবাহ স্থগিত রাখিবার জন্ত দেশে চিঠি লিখিয়া দিল, কিন্তু অপূর্ব্বর মা কহিল, এই মাসে দিন ভাল আছে আর বিলম্ব করিতে পারিব না।

উভয়তই প্রার্থনা অগ্রাহ হইলে পর ব্যথিত হৃদয়ে ঈশান আর কোন আপত্তি না করিয়া পূর্ব্বমত মাল ওজন এবং টিকিট বিক্রয় করিতে লাগিল।

অন্তঃপর মৃগ্ময়ীর মা এবং পল্লির ষত বর্ষীয়সীগণ সকলে মিলিয়া ভাবী কর্তব্য সম্বন্ধে মৃগ্ময়ীকে অহর্নিশি উপদেশ দিতে লাগিল। ক্রীড়াসক্তি, দ্রুতগমন, উচ্চহাস্ত, বালকদিগের সহিত আলাপ এবং ক্ষুধা অনুসারে ভোজন সম্বন্ধে সকলেই নিবেদন-পরামর্শ দিয়া বিবাহটাকে বিভীষিকারূপে প্রতিপন্ন করিতে সম্পূর্ণ কৃতকার্য হইল। উৎকণ্ঠিত শঙ্কিতহৃদয় মৃগ্ময়ী মনে করিল তাহার যাবজ্জীবন কারাদণ্ড এবং জব্বসানে কাঁসির হুকুম হইয়াছে।

সে ছই পোনি ঘোড়ার মত ঘাড় ঝাঁকাইয়া

শিছু হটিয়া বলিয়া বসিল, আমি বিবাহ করিব না।

চতুর্থ পরিচ্ছেদ ।

—:~::~:—

কিন্তু তথাপি বিবাহ করিতে হইল।

তার পরে শিক্ষা আরম্ভ হইল। এক রাজির মধ্যে মৃগ্ময়ীর সমস্ত পৃথিবী অপূর্ব্বর মার অন্তঃপুরে আসিয়া আবদ্ধ হইয়া গেল।

শাশুড়ী সংশোধনকার্যে প্রবৃত্ত হইলেন। অত্যন্ত কঠিন মুখ করিয়া কহিলেন, দেখ বাছা, তুমি কিছু আর কচি খুঁকি নও, আমাদের ঘরে অমন বেহায়াপনা করিলে চলবে না।

শাশুড়ী যেভাবে বলিলেন মৃগ্ময়ী সে ভাবে কথাটা গ্রহণ করিল না। সে ভাবিল এঘরে যদি না চলে তবে বৃষ্টি অস্ত্র হাইতে হইবে। অপরাহ্নে তাহাকে আর দেখা গেল না। কোথায় গেল কোথায় গেল খোঁজ পড়িল। অবশেষে বিশ্বাসঘাতক রাখাল তাহাকে তাহার গোপন স্থান হইতে ধরাইয়া দিল। সে বটতলায় রাখাকান্ত ঠাকুরের পরিত্যক্ত ভাঙ্গা রথের মধ্যে গিয়া বসিয়াছিল।

শাশুড়ী, মা এবং পাড়ার সমস্ত হিতৈষিণীগণ মৃগ্ময়ীকে বেরূপ লাঞ্ছনা করিল তাহা পাঠকগণ এবং পাঠিকাগণ সহজেই করনা করিতে পারিবেন।

রাত্রে ঘন মেঘ করিয়া ঝুপু ঝুপু শব্দে বৃষ্টি হইতে আরম্ভ হইল। অপূর্ব্বকক্ষণ বিছানার মধ্যে অতি ধীরে ধীরে মৃগ্ময়ীর নিকট ঈষৎ অগ্রসর হইয়া তাহার কাণে কাণে মৃদুস্বরে কহিল, “মৃগ্ময়ী তুমি আমাকে ভালবাস না ?”

মৃগ্ময়ী সতেজে বলিয়া উঠিল, “না ! আমি তোমাকে কখনই ভাল বাসব না।” তাহার

যত যোগ এবং যত শান্তিবিধান সমস্তই পুঞ্জীভূত
বজ্রের ছায় অপরূপের মাথার উপর নিক্ষেপ
করিল।

অপরূপ ক্ষুধা হইয়া কহিল, “কেন আমি
তোমার কাছে কি দোষ করেছি?” মুগ্ধমুখী
কহিল, “তুমি আমাকে বিয়ে করলে কেন?”

এ অপরাধের সন্তোষজনক কৈফিয়ৎ দেওয়া
কঠিন। কিন্তু অপরূপ মনে মনে কহিল, যেমন
করিয়া হউক এই ছুর্বাধ্যা মনটিকে বশ
করিতে হইবে।

পরদিন শাশুড়ী মুগ্ধমুখীর বিজ্রোহী ভাবের
সমস্ত লক্ষণ দেখিয়া তাহাকে ঘরে দরজা বন্ধ
করিয়া রাখিয়া দিল। সে নতুন পিঞ্জরাবদ্ধ
পাখীর মত প্রথম অনৈকক্ষণ ঘরের মধ্যে ধড়
ধড় করিয়া বেড়াইতে লাগিল। অবশেষে
কোণাও পালাইবার কোন পথ না দেখিয়া
নিম্নলিখিত জেগে বিছানার চাদরখানা দাঁত দিয়া
ছিঁড়িয়া কুটি কুটি করিয়া ফেলিল—এবং মাটির
উপর উপুড় হইয়া পড়িয়া মনে মনে বাবাকে
ডাকিতে ডাকিতে কাঁদিতে লাগিল।

এমন সময়ে ধীরে ধীরে কে তাহার পাশে
আসিয়া বসিল। স্নেহে তাহার ধূলিলুপ্তিত
চুলগুলি কপোলের উপর হইতে তুলিয়া দিবার
চেষ্টা করিল। মুগ্ধমুখী সবলে মাথা নাড়িয়া
তাহার হাত সরাইয়া দিল। অপরূপ কানের
কাছে মুখ নত করিয়া মৃদুস্বরে কহিল, “আমি
মুন্সিয়ে দরজা খুলে দিয়েছি। এস আমরা
খিড়কির বাগানে পালিয়ে যাই।” মুগ্ধমুখী
প্রবলবেগে মাথা নাড়িয়া সতেজে সরোদনে
কহিল, “না।” অপরূপ তাহার চিবুক ধরিয়া মুখ
তুলিয়া দিবার চেষ্টা করিয়া কহিল, “একবার
দেখ কে এসেছে!” রাখাল ভূপতিত মুগ্ধমুখীর
দিকে চাহিয়া হতবুদ্ধির ছায় দ্বারের কাছে দাঁড়া
ইয়া ছিল। মুগ্ধমুখী মুখ না তুলিয়া অপরূপের হাত

ঠেলিয়া দিল। অপরূপ কহিল, “রাখাল তোমার
সঙ্গে খেলা করতে এসেছে, খেলতে যাবে?”
সে বিরক্তি-উচ্ছ্বসিত স্বরে কহিল, “না।”
রাখালও স্তব্ধ নয় বুঝিয়া কোন মতে ঘর
হইতে পালাইয়া হাঁপ ছাড়িয়া বাঁচিল। অপরূপ
চুপ করিয়া বসিয়া রহিল। মুগ্ধমুখী কাঁদিতে
কাঁদিতে শ্রান্ত হইয়া ঘুমাইয়া পড়িল, তখন
অপরূপ পা টিপিয়া বাহির হইয়া দ্বারে শিকল
দিয়া চলিয়া গেল।

তাহার পর দিন মুগ্ধমুখী বাপের কাছ হইতে
এক পত্র পাইল। তিনি তাহার প্রাণপ্রতিমা
মুগ্ধমুখীর বিবাহের সময় উপস্থিত থাকিতে
পারেন নাই বলিয়া বিলাপ করিয়া নব-
দম্পতিকে অন্তরের আশীর্বাদ পাঠাইয়াছেন।

মুগ্ধমুখী শাশুড়ীকে গিয়া কহিল, “আমি
বাবার কাছে যাব।” শাশুড়ী অকস্মাৎ এই
অসম্ভব প্রার্থনার তাহাকে ভৎসনা করিয়া
উঠিলেন। “কোণায় ওর বাপ থাকে তার
ঠিকানা নেই, বলে বাপের কাছে যাব! অনা-
স্বপ্নে আবদার!” সে উত্তর না করিয়া চলিয়া
গেল। আপনার ঘরে গিয়া দ্বার রুদ্ধ করিয়া
নিতান্ত হতবুদ্ধি ব্যক্তি যেমন করিয়া দেবতার
কাছে প্রার্থনা করে তেমনি করিয়া বলিতে
লাগিল, “বাবা, আমাকে তুমি নিয়ে যাও।
এখানে আমার কেউ নেই! এখানে থাকলে
আমি বাঁচব না।”

গভীর রাত্রে তাহার স্বামী নিদ্রিত হইলে
ধীরে ধীরে দ্বার খুলিয়া মুগ্ধমুখী গৃহের বাহির
হইল যদিও এক একবার মেঘ করিয়া আসিতে-
ছিল তথাপি জ্যোৎস্না-রাত্রে পথ দেখিবার
মত আলোক যথেষ্ট ছিল। বাপের কাছে
যাইতে হইলে কোন্ পথ অবলম্বন করিতে
হইবে মুগ্ধমুখী তাহার কিছুই জানিত না।
কেবল তাহার মনের বিশ্বাস ছিল যে পথ দিয়া

ডাকের পত্রবাহক “রানার” গণ চলে সেই পথ দিয়া পৃথিবীর সমস্ত ঠিকানায় ঘাণ্ডয়া যায়। মৃগয়ী সেই ডাকের পথ ধরিয়া চলিতে লাগিল। চলিতে চলিতে শরীর শ্রান্ত হইয়া আসিল রাত্রিও প্রায় শেষ হইল। বনের মধ্যে যখন উন্মুসু করিয়া অনিশ্চিত সুরে ছোটো একটা পাখী ডাকিবার উপক্রম করিতেছে অথচ নিঃশব্দে সময় নির্ণয় করিতে না পারিয়া ইতস্ততঃ করিতেছে তখন মৃগয়ী পথের শেষে নদীর ধারে একটা বৃহৎ বাজারের মত স্থানে আসিয়া উপস্থিত হইল। অতঃপর কোন্‌দিকে যাইতে হইবে ভাবিতেছে এমন সময় পরিচিত বসন্ত শব্দ শুনিতে পাইল। চিঠির খলে কাঁধে করিয়া উর্ধ্বাঙ্গে ডাকের রানার আসিয়া উপস্থিত হইল। মৃগয়ী তাড়াতাড়ি তাহার কাছে গিয়া কাতর শ্রান্তস্বরে কহিল, “কুশীগঞ্জ আমি বাবার কাছে যাব, আমাকে তুমি সঙ্গে নিয়ে চল না!” সে কহিল “কুশীগঞ্জ কোথায় আমি জানিনে।” এই বলিয়া ঘাটে বাধা ডাকনোকের মাঝিকে জাগাইয়া দিয়া নোকা ছাড়িয়া দিল। তাহার দয়া করিবার বা প্রণয় করিবার সময় নাই।

দেখিতে দেখিতে ঘাট এবং বাজার সজাগ হইয়া উঠিল। মৃগয়ী ঘাটে নামিয়া একজন মাঝিকে ডাকিয়া কহিল, “মাঝি, আমাকে কুশীগঞ্জ নিয়ে যাবে?” মাঝি তাহার উত্তর দিবার পূর্বেই পাশের নোকা হইতে একজন বলিয়া উঠিল, “আরে কেও? মিছ মা তুমি এখানে কোথা থেকে?” মৃগয়ী উচ্ছ্বসিত ব্যগ্রতার সহিত বলিয়া উঠিল, “বনমালী, আমি কুশীগঞ্জ বাবার কাছে যাব, আমাকে তোর নোকায় নিয়ে চল।” বনমালী তাহাদের গ্রামের মাঝি; সে এই উচ্ছ্বল-প্রকৃতি বালিকাটিকে বিলক্ষণ চিনিতে, সে কহিল

“বাবার কাছে যাবে? সেত বেশ কথা! চল আমি তোমাকে নিয়ে যাই।” মৃগয়ী নোকায় উঠিল।

মাঝি নোকা ছাড়িয়া দিল। মেঘ করিয়া মুঘলধারে বৃষ্টি আরম্ভ হইল। ভাত্রমাসের পূর্ণ নদী ফুলিয়া ফুলিয়া নোকা দোলাইতে লাগিল, মৃগয়ীর সমস্ত শরীর নিদ্রায় আচ্ছন্ন হইয়া আসিল; অঞ্চল পাতিয়া সে নোকায় মধ্যে শয়ন করিল, এবং হ্রস্ব বালিকা নদী-দোলায় প্রকৃতির রেহপালিত শান্ত শিশুটির মত অকাতরে ঘুমাইতে লাগিল।

আগিয়া উঠিয়া দেখিল, সে তাহার স্বপ্নের বাড়িতে ষাটে শুইয়া আছে। তাহাকে জাগ্রত দেখিয়া স্বি বকিতে আরম্ভ করিল। স্বির কঠ-স্বরে শান্ত্রী আসিয়া অত্যন্ত কঠিন কঠিন করিয়া বলিতে লাগিলেন। মৃগয়ী বিস্ফারিত নেত্রে নীরবে তাহার মুখের দিকে চাহিয়া রহিল। অবশেষে তিনি যখন তাহার বাপের শিক্ষাদোষের উপর কটাক করিয়া বলিলেন, তখন মৃগয়ী দ্রুতপদে পাশের ঘরে প্রবেশ করিয়া ভিতর হইতে শিকল বন্ধ করিয়া দিল।

অপূর্ব লজ্জার মাথা খাইয়া মাকে আসিয়া বলিল, “মা বোকে ছুই একদিনের জন্তে একবার বাপের বাড়ি পাঠিয়ে দিতে দোষ কি?”

মা অপূর্বকে ন ভূত ন ভবিষ্যতি ভৎসনা করিতে লাগিলেন, এবং দেশে এত মেয়ে থাকিতে বাছিয়া বাছিয়া এই অস্বিদাহকারী দস্যু-মেয়েকে ঘরে আনার জন্ত তাহাকে যথেষ্ট গণনা করিলেন।

পঞ্চম পরিচ্ছেদ ।

—*—

সে দিন সমস্ত দিন বাহিরে ঝড় ঝড় এবং ঘরের মধ্যেও অনুরূপ ছুঁচুগাং চলিতে লাগিল।

তাহার পরদিন গভীর রাত্রে অপূর্ণ মুগ্ধম্বীকে ধীরে ধীরে জাগ্রৎ করিয়া কহিল, “মুগ্ধম্বী, তোমার বাবার কাছে যাবে ?”

মুগ্ধম্বী সবেগে অপূর্ণের হাত চাপিয়া ধরিয়া সচকিত হইয়া কহিল “যাব ।”

অপূর্ণ চুপিচুপি কহিল, “তবে এস আমরা দুজনে আস্তে আস্তে পাগিয়ে যাই। আমি ঘাটে নৌকা ঠিক করে রেখেছি।”

মুগ্ধম্বী অত্যন্ত সঙ্কতজ হৃদয়ে একবার স্বামীর মুখের দিকে চাহিল। তাহার পর তাড়াতাড়ি উঠিয়া কাপড় ছাড়িয়া বাহির হইবার জন্য প্রস্তুত হইল। অপূর্ণ তাহার মাতার চিন্তা দূর করিবার জন্য একখানি পত্র রাখিয়া দিয়া ছইজনে বাহির হইল।

মুগ্ধম্বী সেই অন্ধকার রাত্রে জনশূন্য নিস্তরক নির্জন গ্রামপথে এই প্রথম, স্বৈচ্ছায় আন্তরিক নির্ভরের সহিত স্বামীর হাত ধরিল ; তাহার হৃদয়ের আনন্দ-উৎসেগে সেই মুকোমল স্পর্শ-যোগে তাহার স্বামীর শিরার মধ্যে সঞ্চারিত হইতে লাগিল।

নৌকা সেই রাতেই ছাড়িয়া দিল। অশান্ত হর্ষোচ্ছ্বাস সবেও অনতিবিলম্বেই মুগ্ধম্বী ঘুমাইয়া পড়িল। পরদিন কি মুক্তি, কি আনন্দ ! ছইধারে কত গ্রাম, বাজার, শস্তক্ষেত্র, বন, ছইধারে কত নৌকা যাতায়াত করিতেছে। মুগ্ধম্বী প্রত্যেক তুচ্ছ বিষয়ে স্বামীকে সহস্রবার করিয়া প্রশ্ন করিতে লাগিল। ঐ নৌকায় কি আছে, উহার কোথা হইতে আসিতেছে, এই জায়গার নাম কি এমন সকল প্রশ্ন তাহার

উত্তর অপূর্ণ কোন কলেজের বহিতে পায় নাই এবং যাহা তাহার কলিকাতার অভিজ্ঞতায় কুলাইয়া উঠে না। বন্ধুগণ শুনিয়া লজ্জিত হইবেন, অপূর্ণ এই সকল প্রশ্নের প্রত্যেক-টারই উত্তর করিয়াছিল এবং অধিকাংশ উত্তরের সহিত সত্যের ঐক্য হয় নাই। যথা, সে তিলের নৌকাকে তিসির নৌকা, পাঁচ-বেড়েকে রায়নগর এবং মুন্সেফের আদালতকে জমিদারী কাছারি বলিতে কিছুমাত্র কুণ্ঠিত বোধ করে নাই। এবং এই সমস্ত ভ্রান্ত উত্তরে বিশ্বস্তহৃদয় প্রশ্নকারিণীর সন্তোষের তিলমাত্র ব্যাঘাত জন্মায় নাই।

পরদিন সন্ধ্যাবেলায় নৌকা কাশীগঞ্জে গিয়া পৌছিল। টিনের ঘরে একখানি ময়লা চৌকি কাচের লষ্ঠনে ডেলের বাতি জ্বলাইয়া ছোট ডেস্কের উপর একখানি চামড়ায় বাঁধা মস্ত খাতা রাখিয়া গা-খোলা ঈশানচক্র টুলের উপর বসিয়া হিসাব লিখিতেছিলেন। এমন সময় নবদম্পতি ঘরের মধ্যে প্রবেশ করিল। মুগ্ধম্বী ডাকিল, “বাবা !” সে ঘরে এমন কঠ-ধ্বনি এমন করিয়া কপনো ধ্বনিত হয় নাই।

ঈশানের চোখ দিয়া দরদর করিয়া অশ্রু পড়িতে লাগিল। সে কি বলিবে কি করিবে কিছুই ভাবিয়া পাইল না। তাহার মেয়ে এবং ওমাই বেন সাম্রাজ্যের যুবরাজ এবং যুবরাজ-মহিষী ; এই সমস্ত পাটের বস্তার মধ্যে তাহার উপযুক্ত সিংহাসন কেমন করিয়া নিশ্চিত হইতে পারে ইহাই বেন তাহার দিশাহারা বুদ্ধি তরু করিয়া উঠিতে পারিল না।

তাহার পর আহারের ব্যাপার—সেও এক চিন্তা। দরিদ্র কেবাণী নিজ হস্তে ডাল ভাতে জাত পাক করিয়া খায়—আজ এই এমন আনন্দের দিনে সে কি করিবেকি খাওয়াইবে ! মুগ্ধম্বী কহিল, “বাবা আজ আমরা সকলে

মিলিয়া রাখিব।” অপূৰ্ণ এই প্রস্তাবে সাতিশয় উৎসাহ প্রকাশ করিল।

ঘরের মধ্যে স্থানাভাব, লোকাভাব, অগ্নাভাব, কিন্তু ক্ষুদ্র ছিদ্র হইতে ফোয়ারা যেমন চতুর্গণ বেগে উখিত হয় তেমনি দারিদ্র্যের সর্ধীর্ণ মুখ হইতে আনন্দ পরিপূর্ণ ধারায় উচ্ছ্বসিত হইতে লাগিল।

এমনি করিয়া তিন দিন কাটিল। দুই বেলা নিয়মিত ষ্টিমার আসিয়া লাগে, কত লোক কত কোলাহল; সন্ধ্যাবেলায় নদীতীর একেবারে নিৰ্জ্বল হইয়া যায়, তখন কি অবাধ স্বাধীনতা! এবং তিন জনে মিলিয়া নানা প্রকার বোঁগাড় করিয়া, ভুল করিয়া, এক করিতে আরেক করিয়া তুলিয়া রাখা-বাড়া। তাহার পরে মৃগ্ময়ী বলয়বন্ধুত স্নেহহস্তের পরিবেশনে শব্দ জাতামার একত্রে আহাৰ, এবং গৃহিণীপনার সহস্র ক্রটি প্রদর্শন-পূৰ্ণক মৃগ্ময়ীকে পরিহাস ও তাহা লইয়া বালিকার আনন্দকলহ এবং মৌখিক অভিমান।

অবশেষে অপূৰ্ণ জানাইল আর অধিক দিন থাকি উচিত হয় না। মৃগ্ময়ী করুণস্বরে আরও কিছু দিন সময় প্রার্থনা করিল। ঈশান কহিল কাজ নাই।

বিদায়ের দিন কণ্ঠকে বুকের কাছে টানিয়া তাহার মাথায় হাত রাখিয়া অশ্রুগঙ্গাদকণ্ঠে ঈশান কহিল, “মা, তুমি শব্দঘর উজ্জ্বল করিয়া লক্ষ্মী হইয়া থাকিয়ো। কেহ যেন আমার মীম্বুর কোন দোষ না ধরিতে পারে।”

মৃগ্ময়ী কাঁদিতে কাঁদিতে স্বামীর সহিত বিদায় হইল। এবং ঈশান সেই দ্বিগুণ নিরানন্দ সর্ধীর্ণ ঘরের মধ্যে কিরিয়া গিয়া দিনের পর দিন, মাসের পর মাস নিয়মিত মাল ওজন করিতে লাগিল।

যষ্ঠ পরিচ্ছেদ।

—*—

এই অপরাধীযুগল গৃহে কিরিয়া আসিলে মা অত্যন্ত গম্ভীরভাবে রহিলেন, কোন কথাই কহিলেন না। কাহারও ব্যবহারের প্রতি এমন কোন দোষারোপ করিলেন না যাহা সে কালন করিবার চেষ্টা করিতে পারে। এই নীরব অভিযোগ এই নিস্তক অভিমান গৌহতারের মত সমস্ত ঘরকন্নার উপর অটলভাবে চাপিয়া রহিল।

অবশেষে অসহ হইয়া উঠিলে অপূৰ্ণ আসিয়া কহিল, “মা, কালেক্স খুলেচে এখন আমাকে আইন পড়তে যেতে হবে।”

মা উদাসীন ভাবে কহিলেন “বোয়ের কি করবে?”

অপূৰ্ণ কহিল “বো এখানেই থাক্।”

মা কহিলেন “না বাপু, কাজ নাই। তুমি তাকে তোমার সঙ্গেই নিয়ে যাও।” সচরাচর মা অপূৰ্ণকে তুই সম্বোধন করিয়া থাকেন।

অপূৰ্ণ অভিমানক্লেশ্বরে কহিল “আচ্ছা!”

কলিকাতা যাইবার আয়োজন পড়িয়া গেল। যাইবার আগের রাত্রে অপূৰ্ণ বিছানায় আসিয়া দেখিল মৃগ্ময়ী কাঁদিতেছে।

হঠাৎ তাহার মনে আঘাত লাগিল। বিষম কণ্ঠে কহিল “মৃগ্ময়ী, আমার সঙ্গে কলিকাতায় যেতে তোমার ইচ্ছে করচে না?”

মৃগ্ময়ী কহিল—“না।”

অপূৰ্ণ জিজ্ঞাসা করিল “তুমি আমাকে ভালবাস না?”

এ প্রশ্নের কোন উত্তর পাইল না। অনেক সময় এই প্রশ্নটির উত্তর অতিশয় সহজ কিন্তু আবার এক এক সময় ইহার মধ্যে মনস্তত্ত্বটিত এত জটিলতার সংশ্রব থাকে যে, বালিকার

নিকট হইতে তাহার উত্তর প্রত্যাশা করা যায় না।

অপূর্ব প্রশ্ন করিল “রাখালকে ছেড়ে যেতে তোমার মন কেমন কর্চে ?”

মৃগ্ময়ী অনায়াসে উত্তর করিল “হাঁ।”

বালক রাখালের প্রতি এই বি, এ, পরীক্ষোত্তীর্ণ কৃতবিশ্ব যুবকের স্চিষ মত অতি স্নেহ অধিক অতি স্নতীক্ল ঈর্ষ্যার উদয় হইল। কহিল “আমি অনেক কাল আর বাড়ি আসতে পাব না।” এই সংবাদ সন্ধক্রে মৃগ্ময়ীর কোন বক্তব্য ছিল না। “বোধ হয় জু-বৎসর কিংবা তারো বেশী হতে পারে।” মৃগ্ময়ী আদেশ করিল “তুমি কিরে আসবার সময় রাখালের জন্তে একটা ডিনমুখো রাজাসের ছুরি কিনে নিয়ে এসো।”

অপূর্ব শয়ান অবস্থা হইতে ঈষৎ উখিত হইয়া কহিল “তুমি তা হলে এইখানেই থাকবে ?”

মৃগ্ময়ী কহিল “হাঁ, আমি মায়ের কাছে গিয়ে থাকব।”

অপূর্ব নিশ্বাস ফেলিয়া কহিল “আচ্ছা, তাই থেকে! ষত দিন না তুমি আমাকে আসবার জন্তে চিঠি লিখবে, আমি আসব না। খুব খুসি হলে ?”

মৃগ্ময়ী এ প্রশ্নের উত্তর দেওয়া বাহুল্য বোধ করিয়া ঘুমাইতে লাগিল, কিন্তু অপূর্বর ঘুম হইল না। বালিশ উঁচু করিয়া ঠেসান দিয়া বসিয়া রহিল।

অনেক রাতে হঠাৎ টান উঠিয়া টানের আলো বিছানার উপর আসিয়া পড়িল। অপূর্ব সেই আলোকে মৃগ্ময়ীর দিকে চাহিয়া দেখিল। চাহিয়া চাহিয়া মনে হইল যেন রাজকন্তাকে কে রূপার কাঠি-ছোঁয়াইয়া অচেতন করিয়া রাখিয়া গিয়াছে। একবার কেবল সোণার

কাঠি পাইলেই এই নিদ্রিত আত্মাটিকে জাগাইয়া তুলিয়া মালা বদল করিয়া লওয়া যায়। রূপার কাঠি হস্ত, আর সোণার কাঠি অশ্রুজল।

ভোরের বেলায় অপূর্ব মৃগ্ময়ীকে জাগাইয়া দিল—কহিল, “মৃগ্ময়ী আমার ঘাইবার সময় হইয়াছে। চল তোমাকে তোমার মার বাড়ি রাখিয়া আসি।”—

মৃগ্ময়ী শয্যাভ্যাগ করিয়া উঠিয়া দাঁড়াইলে অপূর্ব তাহার ছুটি হাত ধরিয়া কহিল, “এখন আমার একটি প্রার্থনা আছে। আমি অনেক সময় তোমার অনেক সাহায্য করিয়াছি আজ ঘাইবার সময় তাহার একটি পুরস্কার দিবে ?

মৃগ্ময়ী বিস্মিত হইয়া কহিল, “কি ?”

অপূর্ব কহিল, “তুমি ইচ্ছা করিয়া ভাল বাসিয়া আমাকে একটি চুখন দাও।”

অপূর্বর এই অদ্ভুত প্রার্থনা এবং গম্ভীর মুখভাব দেখিয়া মৃগ্ময়ী হাসিয়া উঠিল। হস্ত সম্বরণ করিয়া মুখ বাড়াইয়া চুখন করিতে উত্তত হইল—কাছাকাছি গিয়া আর পারিল না, খিল্ খিল্ করিয়া হাসিয়া উঠিল—এমন দুইবার চেষ্টা করিয়া অবশেষে নিরস্ত হইয়া মুখে কাপড় দিয়া হাসিতে লাগিল। শাসনচ্ছলে অপূর্ব তাহার কর্ণমূল ধরিয়া নাড়িয়া দিল।

অপূর্বর বড় কঠিন পণ। দস্যুরক্তি করিয়া কাড়িয়া লুটিয়া লওয়া সে আত্মাবমাননা মনে করে। সে দেবতার শ্রায় সগোরবে থাকিয়া স্বেচ্ছানীত উপহার চায়, নিজের হাত দিয়া কিছুই তুলিয়া লইবে না। অত্যধিক হৃদয়-রস-লালসায় হৃদয়ের সংযোগ ব্যতীত কোন সামগ্রীই তাহার মুখে রুচে না।

মৃগ্ময়ী আর হাসিল না। তাহাকে প্রত্যাখের আলোকে নির্জন পথ দিয়া তাহার মার বাড়ি রাখিয়া অপূর্ব গৃহে আসিয়া মাতাকে কহিল, “ভাবিয়া দেখিলাম, বোকে আমার সঙ্গে কলি-

কাতায় লইয়া গেলে আমার পড়াশুনার ব্যাঘাত হইবে, সেখানে উহারও কেহ সজিনী নাই। তুমি ত তাহাকে এ বাড়িতে রাখিতে চাও না আমি তাই তাহার মার বাড়িতেই রাখিয়া আসিলাম।”

স্বর্গভীর অভিমানের মধ্যে মাতাপুত্রের বিচ্ছেদ হইল।

সপ্তম পরিচ্ছেদ ।

মার বাড়িতে আসিয়া মৃগ্ময়ী দেখিল কিছুতেই আর মন লাগিতেছে না। সে বাড়ির আগাগোড়া যেন বদল হইয়া গেছে। সময় আর কাটে না। কি করিবে কোথায় যাইবে কাহার সহিত দেখা করিবে ভাবিয়া পাইল না।

মৃগ্ময়ীর হঠাৎ মনে হইল যেন সমস্ত গৃহে এবং সমস্ত গ্রামে কেহ লোক নাই। যেন মধ্যাহ্নে সূর্যগ্রহণ হইল। কিছুতেই ব্যস্তিতে পারিল না, আজ কলিকাতায় চলিয়া যাইবার জন্ত এত প্রাণপণ ইচ্ছা করিতেছে কাল রাত্রে এই ইচ্ছা কোথায় ছিল! কাল সে জানিত না যে, জীবনের যে অংশ পরিহার করিয়া যাইবার জন্ত এত মন-কেমন করিতেছিল তৎপূর্বেই তাহার সম্পূর্ণ স্বাদ পরিবর্তন হইয়া গিয়াছে। গাছের পকপত্রের স্তায় আজ সেই বৃক্ষচ্যুত অতীত জীবনটাকে ইচ্ছাপূর্বক অনায়াসে দূরে ছুঁড়িয়া ফেলিল।

গল্পে শুনা যায়, নিপুণ অদকার এমন সূক্ষ্ম তরবারী নির্মাণ করিতে পারে যে, তদ্বারা মানুষকে দ্বিগুণ করিলেও সে জানিতে পারে না, অবশেষে নাড়া দিলে ছুই অর্ধখণ্ড ভিন্ন হইয়া যায়। বিধাতার তরবারী সেইরূপ সূক্ষ্ম,

কখন তিনি মৃগ্ময়ীর বাল্য ও যৌবনের মাঝখানে আঘাত করিয়াছিলেন সে জানিতে পারে নাই; আজ কেমন করিয়া নাড়া পাইয়া বাল্য-অংশ যৌবন হইতে বিচ্যুত হইয়া পড়িল এবং মৃগ্ময়ী বিস্থিত হইয়া ব্যথিত হইয়া চাহিয়া রহিল।

মাতৃগৃহে তাহার সেই পুরাতন শয়ন-গৃহকে আর আপনার বলিয়া মনে হইল না, সেখানে যে থাকিত সে হঠাৎ আর নাই। এখন ফদয়ের সমস্ত স্মৃতি সেই আর একটা বাড়ি আর একটা ঘর আর একটা শয়্যার কাছে গুণ্গুন্ করিয়া বেড়াইতে লাগিল।

মৃগ্ময়ীকে আর কেহ বাহিরে দেখিতে পাইল না। তাহার হাস্তধ্বনি আর শুনা যায় না। রাখাল তাহাকে দেখিলে ভয় করে। খেলার কথা মনেও আসে না।

মৃগ্ময়ী যাকে বলিল, “মা আমাকে স্বস্তুর-বাড়ি রেখে আয়।”

এদিকে, বিদায়কাণীন পুত্রের বিষয়মুখ স্মরণ করিয়া অপূর্বর মার হৃদয় বিদীর্ণ হইয়া যায়। সে যে রাগ করিয়া বৌকে বেহানের বাড়ি রাখিয়া আসিয়াছে ইহা তাঁহার মনে বড়ই বিধিতে লাগিল।

হেনকালে একদিন মাথায় কাপড় দিয়া মৃগ্ময়ী মনমুখে শান্ত্তীর পায়ের কাছে পড়িয়া প্রণাম করিল। শান্ত্তী তৎক্ষণাৎ ছলছলনেত্র তাহাকে বক্ষে চাপিয়া ধরিলেন! মুহূর্তের মধ্যে উভয়ের মিলন হইয়া গেল। শান্ত্তী বধুর মুখের দিকে চাহিয়া আশ্চর্য্য হইয়া গেলেন। সে মৃগ্ময়ী আর নাই। এমন পরিবর্তন সাধারণতঃ সকলের সম্ভব নহে। বৃহৎ পরিবর্তনের জন্ত বৃহৎ বলের আবশ্যক।

শান্ত্তী স্থির করিয়াছিলেন, মৃগ্ময়ীর দোষ-গুলির একটি একটি করিয়া সংশোধন করিবেন;

কিন্তু আর একজন অদৃশ্য সংশোধনকর্তা একটি অজ্ঞাত সংক্ষেপ উপায় অবলম্বন করিয়া মুগ্ধমুখীকে যেন নূতন জন্মপরিগ্রহ করাইয়া দিলেন ।

এখন শান্তডীকেও মুগ্ধমুখী বুদ্ধিতে পারিল, শান্তডীও মুগ্ধমুখীকে চিনিতে পারিলেন ; তরুর সহিত শাখাপ্রশাখার বৈকল্য মিল, সমস্ত ঘর-কল্লা তেমনি পরস্পর অপভ্রংশম্বিত হইয়া গেল ।

এই যে একটি গভীর নিষ্ক বিশাল রমণী-প্রকৃতি মুগ্ধমুখীর সমস্ত শরীরে ও সমস্ত অন্তরে রেখায় রেখায় ভরিয়া ভরিয়া উঠিল ইহাতে তাহাকে যেন বেদনা দিতে লাগিল । প্রথম আঘাতের শ্রামসজ্জল নব মেঘের মত তাহার হৃদয়ে একটি অশ্রুপূর্ণ বিস্তীর্ণ অভিমানের সঞ্চার হইল । সেই অভিমান তাহার চোখের ছায়া-ময় সুদীর্ঘ পল্লবের উপর আর একটি গভীরতর ছায়া নিষ্কেপ করিল । সে মনে মনে বলিতে লাগিল, আমি আমাকে বুদ্ধিতে পারি নাই বলিয়া তুমি আমাকে বুদ্ধিতে না কেন ? তুমি আমাকে শাস্তি দিলে না কেন ? তোমার ইচ্ছানুসারে আমাকে চালনা করাইলে না কেন ? আমি রাক্ষসী যখন তোমার সঙ্গে কলিকাতায় যাইতে চাহিলাম না, তুমি আমাকে জোর করিয়া ধরিয়া লইয়া গেলে না কেন ? তুমি আমার কথা শুনিলে কেন, আমার অহুরোধ মানিলে কেন, আমার অবাধ্যতা শহিলে কেন ?

তাহার পর, অপূর্ব যেদিন প্রভাতে পুষ্ক-রিণীতীরের নিৰ্জন পথে তাহাকে বন্দী করিয়া কিছু না বলিয়া একবার কেবল তাহার মুখের দিকে চাহিয়াছিল সেই পুষ্করিণী সেই পথ সেই তরুতল সেই প্রভাতের রোদ্র এবং সেই হৃদয় ভারাবনত গভীর দৃষ্টি তাহার মনে পড়িল এবং হঠাৎ সে তাহার সমস্ত অর্ধ বুদ্ধিতে পারিল ।

তাহার পর, সেই বিদায়ের দিনের যে চুখন অপূর্বের মুখের দিকে অগ্রসর হইয়া ফিরিয়া আসিয়াছিল, সেই অসম্পূর্ণ চুখন এখন মরু-মরু চিকাভিমুখী তৃষার্ভ পাখীর স্তায় ক্রমাগত সেই অতীত অবসরের দিকে ধাবিত হইতে লাগিল কিছুতেই তাহার আর পিপাসা মিটিল না । এখন থাকিয়া থাকিয়া মনে কেবল উদয় হয়, আশ, অশুক সময়টিতে যদি এমন করি-তাম, অশুক প্রেমের যদি এই উত্তর দিতাম, তখন যদি এমন হইত !

অপূর্বের মনে এই বলিয়া ক্ষোভ জন্মিয়া-ছিল যে, মুগ্ধমুখী আমার সম্পূর্ণ পরিচয় পায় নাই ; মুগ্ধমুখীও আজ বসিয়া বসিয়া ভাবে, তিনি আমাকে কি মনে করিলেন, কি বুদ্ধিয়া গেলেন ! অপূর্ব তাহাকে যে দুঃস্বপ্ন চপল অবিবেচক নির্যোধ বালিকা বলিয়া জানিল, পরিপূর্ণ হৃদয়ামৃতধারায় প্রে-পিপাসা মিটা-ইতে সক্ষম রমণী বলিয়া পরিচয় পাইল না ইহাতেই সে পরিতাপে লজ্জায় ধিকারে পীড়িত হইতে লাগিল । চুখনের এবং সোহাগের সে ধ্বংসলি অপূর্বের মাথার বালিশের উপর পরিশোধ করিতে লাগিল । এমনভাবে কত দিন কাটিল ।

অপূর্ব বলিয়া গিয়াছিল, তুমি চিঠি না লিখিলে আমি বাড়ি ফিরিব না । মুগ্ধমুখী তাহাই স্বরণ করিয়া একদিন ঘরে ছায়রুদ্ধ করিয়া চিঠি লিখিতে বসিল । অপূর্ব তাহাকে যে সোণালি পাড়-দেওয়া রঙীন কাগজ দিয়া-ছিল তাহাই বাহির করিয়া বসিয়া ভাবিতে লাগিল । খুব যত্ন করিয়া ধরিয়া লাইন বাঁকা করিয়া অক্ষুণ্ণিত কালি মাখিয়া অক্ষর ছোট বড় করিয়া উপরে কোন সংশোধন না করিয়া একেবারে লিখিল—তুমি আমাকে চিঠি লেখ না কেন । তুমি কেমন আছ আর তুমি বাড়ি

এস। আর কি বলিবার আছে কিছুই ভাবিয়া পাইল না। আসল বক্তব্য কথা সব গুলিই বলা হইয়া গেল বটে, কিন্তু মনুষ্যসমাজে মনের ভাব আর একটু বাহুল্য করিয়া প্রকাশ করা আবশ্যিক। মৃগ্ময়ীও তাহা বুঝিল; এই ভুল আরো অনেকক্ষণ ভাবিয়া ভাবিয়া আর কয়েকটি নূতন কথা যোগ করিয়া দিল—এইবার তুমি আমাকে চিঠি লিখো, আর কেমন আছ লিখো, আর বাড়ি এস, মা ভাল আছেন, বিণ্ড পুঁটি ভাল আছে, কাল আমাদের কালোগরুর বাছুর হয়েছে।—এই বলিয়া চিঠি শেষ করিল। চিঠি লেফাফায় মুড়িয়া প্রত্যেক অক্ষরটির উপর একটি ফোঁটা করিয়া মনের ভালবাসা দিয়া লিখিল শ্রীযুক্ত বাবু অপূর্বকৃষ্ণ রায়। ভালবাসা যতই দিক, তবু লাইন সোজা, অক্ষর স্ফুঁহাদ এবং বানান শুদ্ধ হইল না।

লেফাফায় নামটুকু ব্যতীত যে কিছু লেখা আবশ্যিক মৃগ্ময়ীর তাহা জানা ছিল না। পাছে শাওড়ী অথবা আর কাহারও দৃষ্টিপথে পড়ে সেই লজ্জায় চিঠিখানি একটি বিশ্বস্ত দাসীর হাত দিয়া ডাকে পাঠাইয়া দিল।

বলা বাহুল্য, এ পত্রের কোন ফল হইল না, অপূর্ব বাড়ি আসিল না।

অষ্টম পরিচ্ছেদ ।

মা দেখিলেন ছুটি হইল তবু অপূর্ব বাড়ি আসিল না। মনে করিলেন এখনো সে তাঁহার উপর রাগ করিয়া আছে।

মৃগ্ময়ীও স্থির করিল অপূর্ব তাহার উপর বিরক্ত হইয়া আছে। তখন আপনার চিঠি-
করিয়া সে লজ্জায় মরিয়া যাইতে

লাগিল। সে চিঠিখানা যে কত তুচ্ছ, তাহাতে যে কোন কথাই লেখা হয় নাই, তাহার মনের ভাব যে কিছুই প্রকাশ হয় নাই, সেটা পাঠ করিয়া অপূর্ব যে মৃগ্ময়ীকে আরো ছেলেমানুষ মনে করিতেছে, মনে মনে আরো অবজ্ঞা করিতেছে, ইহা ভাবিয়া সে শরবিহের স্নায় অন্তরে অন্তরে ছটফট করিতে লাগিল। দাসীকে বারবার করিয়া জিজ্ঞাসা করিল, “সে চিঠিখানা তুই কি ডাকে দিবে এসেছিসু ?” দাসী তাহাকে সহস্রবার আশ্বাস দিয়া কহিল “হাঁগো, আমি নিজের হাতে বাস্তব মধ্যে ফেলে দিবেছি। বাবু সে এত দিনে কোন কালে পেয়েছে।”

অবশেষে অপূর্বের মা একদিন মৃগ্ময়ীকে ডাকিয়া কহিলেন, “বৌমা, অপূ অনেক দিন ত বাড়ি এল না, তাই মনে করছি একবার কলকাতায় গিয়ে তাকে দেখে আসি গে। তুমি সঙ্গে যাবে ?” মৃগ্ময়ী সম্মত হইয়া ঘাড় নাড়িল এবং ঘরের মধ্যে আসিয়া দ্বারবন্ধ করিয়া বিছানার উপর পড়িয়া বালিশখানা বুকের উপর চাপিয়া ধরিয়া হাসিয়া নড়িয়া চড়িয়া মনের আবেগ উন্মুক্ত করিয়া দিল; তাহার পর ক্রমে গম্ভীর হইয়া বিষম হইয়া আশঙ্কায় পরিপূর্ণ হইয়া বসিয়া কাঁদিতে লাগিল।

অপূর্বকে কোন খবর না দিয়া এই ছুটি অল্পতপ্তা বমণী তাহার প্রসন্নতা তিক্তা করিবার জন্য কলিকাতায় যাত্রা করিল। অপূর্বের মা সেখানে তাঁহার জামাইবাড়িতে গিয়া উঠিলেন।

সে দিন মৃগ্ময়ীর পত্রের প্রত্যাশায় নিরাশ হইয়া সন্ধ্যাবেলায় অপূর্ব প্রতিজ্ঞা ভঙ্গ করিয়া নিজেই তাহাকে পত্র লিখিতে বসিয়াছে। কোন কথাই পছন্দমত হইতেছে না। এমন একটা সম্বোধন খুঁজিতেছে যাহাতে ভালবাসাও

প্রকাশ হয় অথচ অভিমানও ব্যক্ত করে ; কথা না পাইয়া মাতৃভাবার উপর অশ্রদ্ধা দৃঢ়তর হইতেছে। এমন সময় ভগ্নীপতির নিকট হইতে পত্র পাইল, মা আসিয়াছেন, শীঘ্র আসিবে এবং রাত্রে এইখানেই আহাৰাদি করিবে। সংবাদ সমস্ত ভাল।—শেষ আশ্বাসসঙ্গেও অপূৰ্ণ অমঙ্গলশঙ্কায় বিমর্ষ হইয়া উঠিল। অবিলম্বে ভগ্নীর বাড়ি গিয়া উপস্থিত হইল।

সাক্ষাৎমাত্রই মাকে জিজ্ঞাসা করিল, “মা, সব ভাল ত ?” মা কহিলেন, “সব ভাল। তুই ছুটিতে বাড়ি গেলি না, তাই আমি তোকে নিতে এসেচি।”

অপূৰ্ণ কহিল, সে জন্ত এত কষ্ট করিয়া আসিবার কি আবশ্যক ছিল ; আইন পরীক্ষার পড়া শুনা ইত্যাদি ইত্যাদি।

আহারের সময় ভগ্নী জিজ্ঞাসা করিল, দাদা এবার বোকে তোমার সঙ্গে আনলে না কেন ?

দাদা গম্ভীরভাবে কহিতে লাগিল—আইনের পড়া শুনা ইত্যাদি।

ভগ্নীপতি হাসিয়া কহিল—ও সমস্ত মিথ্যা ওজর! আমাদের ভয়ে আনতে সাহস হয় না!

ভগ্নী কহিল, ভয়ঙ্কর লোকটাই বটে! ছেলেমানুষ হঠাৎ দেখলে আচম্কা আঁৎকে উঠতে পারে!

এই ভাবে হাস্য পরিহাস চলিতে লাগিল, কিন্তু অপূৰ্ণ অত্যন্ত বিমর্ষ হইয়া রহিল। কোন কথা তাহার ভাল লাগিতেছিল না। তাহার মনে হইতেছিল, সেই যখন মা কলিকাতায় আসিলেন তখন মুগ্ধই ইচ্ছা করিলে অনায়াসে ঠাহার সহিত আসিতে পারিত। বোধ হয় মা তাহাকে সঙ্গে আনিবার চেষ্টাও করিয়াছিলেন কিন্তু সে সম্ভব হয় নাই। এ সম্বন্ধে

সঙ্কোচবশতঃ মাকে কোন প্রশ্ন করিতে পারিল না—সমস্ত মানবজীবন এবং বিশ্বরচনাটা আগাগোড়া ত্রাস্তিসঙ্কুল বলিয়া বোধ হইল।

আহারান্তে প্রবলবেগে বাতাস উঠিয়া বিষম রূষ্ট আরম্ভ হইল।

ভগ্নী কহিল, দাদা, আজ আমাদের এখানেই থেকে যাও।

দাদা কহিল, না বাড়ি যেতে হবে ; কাজ আছে।

ভগ্নীপতি কহিল, রাত্রে তোমার আবার এত কাজ কিসের ? এখানে একরাত্রি থেকে গেলে তোমার ত কারো কাছে জবাবদিহি করতে হবে না, তোমার ভাবনা কি ?

অনেক পীড়াপীড়ির পর বিস্তর অনিচ্ছাসঙ্গে অপূৰ্ণ সে রাত্রি থাকিয়া যাইতে সম্মত হইল।

ভগ্নী কহিল, দাদা তোমাকে শ্রান্ত দেখাচ্ছে তুমি আর দেবি কোরো না, চল শুতে চল।

অপূৰ্ণরও সেই ইচ্ছা। শয্যাতে অন্ধকারের মধ্যে একলা হইতে পারিলে বাঁচে, কথার উত্তর প্রত্যুত্তর করিতে ভাল লাগিতেছে না।

শয়নগৃহের ঘারে আসিয়া দেখিল ঘর অন্ধকার। ভগ্নী কহিল, বাতাসে আলো নিবে গেছে দেখ্‌চি, তা আলো এনে দেব কি দাদা ?

অপূৰ্ণ কহিল, না দরকার নেই, আমি রাত্রে আলো রাখিনে।

ভগ্নী চলিয়া গেলে অপূৰ্ণ অন্ধকারে সাবধানে খাটের অভিমুখে গেল।

খাটে প্রবেশ করিতে উদ্ভত হইতেছে এমন সময় হঠাৎ বলয়নিকণশব্দে একটু স্কোমল বাহুপাশ তাহাকে স্ককঠিন বন্ধনে বাঁধিয়া ফেলিল এবং একটু পুষ্পপুটতুল্য ওষ্ঠাধর দহ্ম্যর

মত আসিয়া পড়িয়া অবিবল অশ্রুজলসিক্ত
আবেগপূৰ্ণ চুন্ধনে তাহাকে বিশ্বয় প্রকাশের
অবসর দিল না। অ'পূৰ্ণ প্রথমে চমকিয়া

উঠিল তাহার পর বুকিতে পারিল অশ্রু-
দিনের একটি হাত্তবাধায় অসম্পন্ন চেহে' মা ।
অশ্রুজলধারায় সমাপ্ত হইল।

উপহার ।

শ্রীমতী সৌদামিনী দেবী ।

শ্রীচরণেযু ।

দিদি,

তোমার স্নেহের কোলে আমার স্নেহের ধন
বহিষ্কৃত অর্পণ ।

বিমল প্রশান্ত স্বপ্নে ফুটেবে স্নেহের হাস
দেখিবারে আশ ।

স্বদূর প্রবাস হতে আজি বহু দিন পরে
আসিতেছ ঘরে,

ছয়্যারে দাঁড়ায়ে আছি উপহার ল'য়ে করে
সমর্পণ তরে ।

কাছে থাকি দূরে থাকি, দেখ আর নাই দেখ,
তুধু স্নেহ দাও ;

স্নেহ ক'রে ভাল থাক', স্নেহ দিতে ভাল বাস'
কিছু নাহি চাও ।

দূরে থেকে কাছে থাক', আপনি হৃদয় তাহা
জানিতে পায় ।

স্বদূর প্রবাস হ'তে স্নেহের বাতাস এসে
লাগে বেন গায় ।

এত আছে, এত দাও, কথাট নাহিক কও,
—স্নেহ-পারাবার,—

প্রভাত শিশির সম নীরবে পরাগে মম
ঝরে স্নেহ ধার ।

তব স্নেহ চারি পাশে কেবল নীরবে ভাসে
সৌরভের প্রায়,

নীরবে বিমল হাসি, উষার কিরণ রাশি,
প্রাণেবে আগায় !

**RETURN
TO** →

CIRCULATION DEPARTMENT
202 Main Library

642-3403

LOAN PERIOD 1 HOME USE	2	3
4	5	6

ALL BOOKS MAY BE RECALLED AFTER 7 DAYS
1-month loans may be renewed by calling 642-3405
6-month loans may be recharged by bringing books to Circulation Desk
Renewals and recharges may be made 4 days prior to due date

DUE AS STAMPED BELOW

REC. CTR. JUN 27 '79		
FEB 7 1981 March 7 1981	AUG 2 1987	
	DEC 16 1994	
REC. CIR. MAR 2 '81	OCT 12 '94	
NOV 17 1984	AUTO DISC. CIR. JUN 17 '94	
Dec 17 1984	SENT ON ILL	
	JUN 21 2001	
REC. CIR. FEB 19 '85	U. C. LIBRARY	
APR 31 1987	NOV 15 2007	
AUTO DISC. AUG 07 1987		

FORM NO. DD 6, 40m, 6'76

UNIVERSITY OF CALIFORNIA, BERKELEY
BERKELEY, CA 94720

© 1

852319

UNIVERSITY OF CALIFORNIA LIBRARY

U.C. BERKELEY LIBRARIES



8003023634



